

清  
實  
錄



宣宗成皇帝實錄(七)

卷四〇一至卷四七六  
道光二十四年至三十年

# 清實錄

第三九冊

中華書局影印

清 實 錄

(第 三九 冊)

宣 宗 實 錄 (七)

\*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

\*

787×1092 毫米 1/16·63<sup>1</sup>/<sub>8</sub> 印張

1986 年 10 月第 1 版 1986 年 10 月北京第 1 次印刷

印數 0.001——1,500 冊

統一書號: 11018·1355—39 定價: 47.00 元

# 清實錄第三九冊目錄

## 宣宗成皇帝實錄(七)

卷四〇一	道光二十四年正月	一	卷四一六	道光二十五年四月	二二一
卷四〇二	道光二十四年二月	一四	卷四一七	道光二十五年五月	二二四
卷四〇三	道光二十四年三月	三	卷四一八	道光二十五年六月	二二九
卷四〇四	道光二十四年四月	五	卷四一九	道光二十五年七月	二五二
卷四〇五	道光二十四年五月	六	卷四二〇	道光二十五年八月	二七〇
卷四〇六	道光二十四年六月	八〇	卷四二一	道光二十五年九月	二七九
卷四〇七	道光二十四年七月	九一	卷四二二	道光二十五年十月	二九一
卷四〇八	道光二十四年八月	一〇八	卷四二三	道光二十五年十一月	三〇七
卷四〇九	道光二十四年九月	一二七	卷四二四	道光二十五年十二月	三三八
卷四一〇	道光二十四年十月	一四一	卷四二五	道光二十六年正月	三三三
卷四一一	道光二十四年十一月	一五〇	卷四二六	道光二十六年二月	三三三
卷四一二	道光二十四年十二月	一六三	卷四二七	道光二十六年三月	三三三
卷四一三	道光二十五年正月	一八二	卷四二八	道光二十六年四月	三六二
卷四一四	道光二十五年二月	一九二	卷四二九	道光二十六年五月	三七三
卷四一五	道光二十五年三月	二〇三	卷四三〇	道光二十六年閏五月	三八四
			卷四三一	道光二十六年六月	三九三
			卷四三二	道光二十六年七月	四〇〇
			卷四三三	道光二十六年八月	四一三
			卷四三四	道光二十六年九月	四二四



宣宗實錄

卷四三三	道光二十六年十月	四三九	卷四五四	道光二十八年四月	七三七
卷四三六	道光二十六年十一月	四五一	卷四五五	道光二十八年五月	七三八
卷四三七	道光二十六年十二月	四六五	卷四五六	道光二十八年六月	七五〇
卷四三八	道光二十七年正月	四八五	卷四五七	道光二十八年七月	七六三
卷四三九	道光二十七年二月	四九六	卷四五八	道光二十八年八月	七七五
卷四四〇	道光二十七年三月	五〇八	卷四五九	道光二十八年九月	七八八
卷四四一	道光二十七年四月	五一九	卷四六〇	道光二十八年十月	八〇二
卷四四二	道光二十七年五月	五三一	卷四六一	道光二十八年十一月	八一七
卷四四三	道光二十七年六月	五四八	卷四六二	道光二十八年十二月	八二九
卷四四四	道光二十七年七月	五五八	卷四六三	道光二十九年正月	八四六
卷四四五	道光二十七年八月上	五七〇	卷四六四	道光二十九年二月	八五五
卷四四六	道光二十七年八月下	五七九	卷四六五	道光二十九年三月	八六五
卷四四七	道光二十七年九月	五九七	卷四六六	道光二十九年四月	八七四
卷四四八	道光二十七年十月	六一九	卷四六七	道光二十九年五月	八八二
卷四四九	道光二十七年十一月	六四〇	卷四六八	道光二十九年閏四月	八九〇
卷四五〇	道光二十七年十二月	六六一	卷四六九	道光二十九年六月	八九八
卷四五一	道光二十八年正月	六八五	卷四七〇	道光二十九年七月	九〇九
卷四五二	道光二十八年二月	六九六	卷四七一	道光二十九年八月	九二〇
卷四五三	道光二十八年三月	七二三	卷四七二	道光二十九年九月	九三〇



大清宣宗效天符運立中體正至文聖武智勇  
仁慈儉勤孝敏成皇帝實錄卷之四百一

皇太后七旬萬壽命於本年八月舉行恩科鄉試來年三月舉行會試○命乾清門侍衛護軍統領扎勒罕泰在御前行走○己巳上御紫光閣賜蒙古王貝勒貝子公及外藩使臣等宴並賞賚有差○命喀爾喀扎薩克郡王拉蘇隆巴咱爾青海扎薩克郡王達錫旺扎勒土默特扎薩克貝勒那遜鄂勒哲依均在乾清門行走○庚午

道光二十四年甲辰春正月戊辰朔

上詣

奉先殿行禮詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○御乾清宮賜皇子親藩等宴○

以來歲

皇太后七旬萬壽命於本年八月舉行恩科鄉試來年三月舉行會試○命乾清門侍衛護軍統領扎勒罕泰在御前行走○己巳上御紫光閣賜蒙古王貝勒貝子公及外藩使臣等宴並賞賚有差○命喀爾喀扎薩克郡王拉蘇隆巴咱爾青海扎薩克郡王達錫旺扎勒土默特扎薩克貝勒那遜鄂勒哲依均在乾清門行走○庚午

高宗純皇帝忌辰遣官祭

裕陵

上詣

奉先殿

壽皇殿行禮○諭內閣朕於二月二十七日由

圓明園啓鑒三十日祇謁

東陵禮成後於三月初三日駐蹕南苑初八日

回圓明園所有應行事宜著各該衙門照例

敬謹豫備○又諭賽什雅勒泰奏請將部缺



筆帖式斤革管束等語。所奏甚是。喀什噶爾部缺筆帖式德克吉柯。於聯順解任之際。協同烏魯木齊驍騎校訥莫因。稟懇欲隨聯順前往伊犁。並未批准。德克吉柯竟擅用臺馬八匹。聲稱迎接開明阿。取道東往。實屬行蹤詭譎。任性妄為。德克吉柯著即斤革。訥莫因亦著暫行革職。一併解赴伊犁。交布彥泰。惟勤歸案嚴訊。該部知道。○以阿克蘇屯田豐收。予員弁議敘。賞兵丁一月鹽菜銀。○辛未。

上詣

大高殿行禮。○幸圓明園。○奉

皇太后居綺春園。○詣

安佑宮行禮。○給江蘇海桃源二州縣暨大河衛上年被水災民一月口糧。○給浙江富陽新城餘姚三縣上年被水被旱被風災民一月口糧。○貸陝西定邊洋懷遠葭四州縣上年被水被雹災民籽種。○給河南中牟祥符通許陽武陳留杞淮寧西華沈邱太康扶溝

十一縣上年被水災民一月口糧。並貸尉氏項城鹿邑睢四州縣災民倉穀。○癸酉。

上詣綺春園問

皇太后安。○皇八子奕詝生。○甲戌。

世祖章皇帝忌辰。遣官祭

孝陵。○諭內閣。潘錫恩奏挑河工竣。並勘辦禦水等工一摺。江南長河挑工。現已驗收如式。惟第三十五分寬深尺寸。尚有不敷。所有承挑此段工程之銅山縣縣丞陳保元著即摘

去頂帶。以示懲儆。至山盱義河跌塘過深。溜勢湍激。必應由外越築之處。著該督督飭道將等趕緊進築。務期一律穩固。工竣覈實量驗。儻承辦員弁草率偷減。不能如式。著即指名嚴叅。毋稍姑息。○緩徵直隸景東光二州縣上年被水村莊額賦。展緩三河武清薊大城水清東安安高陽河間阜城任邱故城天津青靜海滄南皮鹽山景城元城大名南樂清豐新河寧晉二十五州縣應徵節年積欠。

漕糧給東光縣災民一月口糧○緩徵山東福山臨清濟寧臨邑德館陶海豐利津河澤單曹武城魚臺邱十四州縣及德州臨清二衛上年被水被風村莊額賦○貸山西大同文水汾陽三縣上年被水被雹災民籽種○乙亥諭內閣朕聞近來江南河工時有過往官員及舉貢生監幕友人等前往求助該河督及道廳等官礙於情面不能不量為資助以致往者日眾竟有應接不暇之勢不知河

工銀兩絲毫皆關國帑河員承領錢糧均有購料修防之責儻過往官員舉貢生監幕友等視為利途紛紛前往該員等焉有自出己資之理無非濫請支領剋減工程以為應酬之費於河務甚有關係不可不嚴行禁止因思此等遊客不能無因至前往向在京官員求索書信以為先容甚至囑託該河督授意屬員廣為吹噓此風可惡之至著潘錫恩通飭各屬一律嚴禁嗣後查有執信往謁意

在干求者著該河督即將其人暫行扣留指名叅奏其有向道廳求助業經幫助銀兩者即將授受之人一併叅辦概不得意存見好稍事姑容並著兩江總督明查暗訪儻此後仍有前項情弊該河督未即舉發即行單銜奏叅庶幾懲一儆百力挽頹風南河既有此弊東河亦所不免著東河總督通行嚴禁並責成山東河南巡撫一體訪查至各省鹽務衙門向來陋習相沿亦應嚴行杜絕著通飭

各省鹽政一概禁止毋任虛糜課餉其兼管之各省督撫均著密行稽察以期弊絕風清經此次通飭禁止以後兩河道廳及鹽務官員儻再藉口應酬以致侵欺帑項必當嚴加懲治不貸將此通諭知之○又諭此次朝鮮國使臣回國禮部知照兵部文移誤送司務廳以致轉行遲滯所有禮部承辦司員著交部議處禮部堂官著交部察議兵部司務廳筆帖式慶泰業據該部咨部議處著吏部照

例議處。兵部堂官並著交部察議。至該使臣究在何縣地面被搶。有無官兵護送。著順天府查明辦理。並著將此案賊賊。嚴飭該地方官緝拏務獲懲辦。尋奏查朝鮮從人鄭禹必於二十三年十二月二十一日。行抵三河縣叅林地方。坐馬驚逸。行李失落。旋獲馬匹。交四驛館設法帶回。沿途有兵護送。並無被搶情事。報聞。○諭軍機大臣等。麟魁等奏。壩工復遇大風。保護平穩。並續得進占丈尺一摺。

現在兩壩已做成。四百零八丈九尺。口門僅賸二十二丈九尺。壩前水深溜急。正在喫緊之際。著麟魁等督飭各員。將已辦新工。加意守護。仍即跟接進占。剋期趕辦。務於迅速之中。倍加慎重。總須盡人力。以待天時。相機妥籌。期於一律穩固。無少疏虞。至挑水壩。續得二十丈。業已挑溜束起。其引河亦經接塘放水。惟至下南廳屬。適值天寒水凍。難於宣洩。俟積凍稍融。即著趕行試放。至引河頭所留

老灘。應行剗土挑溝之處。均著照議妥籌豫辦。將此諭令知之。○又諭。據祁項等奏。越南國王遣使張好合等。將拏獲內地盜犯金二紀等八名。並礮械等項。駕駛兵船解省審辦。已有旨。將該行价等壓艙貨物。免其納稅矣。因念該國王拏獲內地搶掠匪徒。遣使解審。深明大義。甚屬可嘉。著俟該國下屆應貢年。分使臣到京。於正貢照例賞賜外。另行加賞。以示褒獎。著周之琦先行檄諭。並著存記於

奏報越南貢使入境時。附片提奏。將此諭令知之。○總理行營大臣穆彰阿。議覆兵部咨。稱覈減隨扈官員兵丁領馬章程。查道光十九年。東陵隨扈。除上駟院調放太監各項馬匹外。各衙門官員兵丁。共領馬三千零五十七匹。此次量加覈減。計需馬二千三百三十三匹。實請領馬八百六十五匹。再調備用馬三十五匹。均由兵部行咨察哈爾調取。限日到京。其



餘一千四百六十八匹。應照嘉慶十一年圍差裁減馬匹折價之例。每匹折給銀三兩。由該衙門造冊。向戶部支領。以省往返盤費。草束之需。從之。○廣西布政使邵甲名因病解任。以河南按察使張祥河為廣西布政使。湖南辰沅永靖道王簡為河南按察使。○丙子享

太廟。遣禮親王全齡恭代行禮。遣官祭

太歲之神。諭內閣。鍾祥奏東河下游長隄

卑薄。請擇要增培等語。著麟魁廖鴻荃於大工合龍後。會同鍾祥鄂順安覈實。擇節查估具奏。諭軍機大臣等。回疆所用當五當十普爾錢。文行使多年。頗稱便利。因思陝西甘肅二省。相距非遠。地方情形。大略相同。當可倣照鑄行。疏通圓法。著富呢揚阿李星沅體察情形。妥議章程具奏。總期利用便民。流通無滯。毋以事屬創始。稍存畏難之見。率以格礙難行。一奏了事。將此各諭令知之。○以清

漪園怡春堂不戒於火。命內務府大臣恩桂文慶會同刑部提集團丁圍戶。暨苑丞苑副等嚴訊。尋訊明。本年正月初七日。造辦處開單調取怡春堂陳設四十六件。初八日。苑丞嵩源等向內查取。遺失吸煙火種。以致夜間火起。延燒房屋。並無偷漏掩飾情弊。嵩源應杖一百。流三千里。照例折枷鞭責。圍丁圍戶俱革役。鞭責發落。得旨。嵩源著實發烏魯木齊充當苦差。餘依議。○以吏部左侍郎成剛

署戶部右侍郎。兼管錢法堂事務。○丁丑諭內閣。桂良覆奏雲南署永北同知黃德濂於川匪竄入搶掠。獲犯解審。均經審明。實係案內要犯。尚無防堵不力及諱飾消弭等情。黃德濂辦理此案。未能速為稟詳。事後始行補稟。究屬不合。著交部議處。又另片覆奏。查明元謀縣知縣羅慶元亦尚無疏縱等情。惟稟報遲延。羅慶元著交部照例議處。諭軍機大臣等。禮部奏緬甸貢使兩次遞稟。譯漢進

呈。內稱車里土司刀正宗向與該國交好送禮。自該國王襲位以來並不送禮。經該國四大萬囑令該貢使等稟明雲貴總督到京再稟。明禮部等語。緬甸與車里土司向來如何交好送禮之處著桂良查明。仍照舊章辦理。將此諭令知之。尋奏。上年已據思茅廳營查覆。該土司所送禮物被族目刀奏勳在緬屬孟艮地方劫奪。已另備禮物由內地送赴騰越廳候貢使轉回過騰。交給帶往。報聞。○截

留江蘇丹陽金壇蘇州松江太倉五府州縣熟田漕糧三萬九千石有奇。協濟江南督撫提鎮各標及駐防弁兵並織造局匠緩缺米石。○戊寅

孝全皇后忌辰遣官祭

陵寢。○

上詣

大高殿行禮。○還宮。○以次辛祈穀於

上帝。自是日始齋戒三日。○己卯諭內閣前據

祁墳等奏廣東歸善縣知縣丁嘉藻擊獲盜犯多名懇請加銜鼓勵。當交吏部議奏。茲據該部查明與例未符。惟該省係海疆要地該員到任三月能將前任內盜犯擊獲多名悉心審辦尚屬勤能自應從優獎勵。前任歸善縣現署潮陽縣知縣丁嘉藻著加恩賞加同知銜。先換頂帶。○命吏部尚書恩桂仍管清漪園等處事。○命江寧將軍德珠布來京。以江寧副都統穆騰額護江寧將軍。○庚辰

上詣

南郊齋宮齋宿。○緩徵浙江富陽新城秀水嘉善平湖桐鄉烏程歸安德清武康餘姚寧海蕭山海寧嘉興海鹽石門十七州縣暨橫浦浦東鳴鶴海沙四場上年被水被蟲被風災區額賦鹽課給富陽新城餘姚三縣災民一月口糧。○緩扣浙江幫丁節年積欠銀米。○辛巳祈穀於

上帝。

上親詣行禮。○詣

開帝廟拈香。○幸圓明園。○詣綺春園問

皇太后安。○御奉三無私殿。賜皇子親藩等宴。

○江蘇學政張蔭桓奏謝調任恩。得旨。慎勉一  
切。斷不可率忽從事。若稍有瑕疵。則損於汝  
者大矣。懍之。○壬午。

上詣

安佑宮行禮。○御正大光明殿。賜朝正外藩等  
宴。作樂。賜酒。如除夕儀。○命直隸總督訥爾

經額子三等侍衛蘊秀在乾清門行走。○賞

喀爾喀車臣汗阿爾塔什達子頭等台吉烏

爾津扎布花翎。○癸未。

上御正大光明殿。賜大學士尚書等宴。○甲申。

諭內閣。鄭親王烏爾恭阿。肅親王敬敏。均著  
毋庸管宴。○乙酉。諭內閣。此次海運倉失火。

焚燒廩座。花戶于仲魁著交刑部嚴訊。致火

根由。按律辦理。德春。楊殿邦。及該倉值宿監

督塔芳阿。一併交部分別議處。被焚廩座。即

著照例賠修。○以禮部右侍郎馮芝。兵部右  
侍郎舒興阿。知貢舉。○丙戌。

上御山高水長。賜王公大臣蒙古王貝勒貝子

公額駙台吉及外藩使臣等食。○諭內閣。鄭

親王烏爾恭阿。肅親王敬敏。均著毋庸稽查

壇

廟。○又諭。耆英奏移駐弁兵。請借廉餉一摺。江

南新設福山鎮。添撥弁兵。係由蘇松狼山二

鎮所屬各營內分別裁移。該弁兵等廉餉無

多。現經移駐。不無內顧之虞。加恩著照所請。

所有現已移撥到營之馬步守兵五百五十

六名。共借兩月餉銀一千三百二十八兩。又

千總把總外委十九員。共借兩季養廉銀五

百四十兩。各兵餉銀在於司庫正項道光二

十三年地丁銀內借給。照災兵借餉之案。從

道光二十四年春季起。分作八季扣還歸款。

各弁養廉在於存公文員節省養廉銀內動

借放給。查照武職部借養廉之例。從道光二



十四年春季起。分作六季扣歸。均隨時造入季冊。報部撥用。該部知道。○兩江總督耆英覆奏。意大里亞國通商章程。前經軍機大臣等議駁。不准於澳門添造房舍。遇有修建。必須請領牌照。自係循照舊章辦理。惟查澳門地方。以關閘為門戶。自關閘至三巴門五里。三巴門以內。地勢湫隘。東西南三面濱海。並無尺寸之地。可以擴充。不妨寬其禁令。免請牌照。以示體恤。如必遵照部駁。彼將藉口侵

軼至三巴門外。似更無所限制。得旨。軍機大臣會同戶部。再行酌覈。速議具奏。○丁亥。上詣綺春園問

皇太后安。○諭內閣。梁芻涵奏。武職養廉不敷動放。請提動地丁銀兩一摺。山西省武職應用本年養廉耗羨雜款。不敷撥放。著准其於上年徵存地丁項內。提出銀五萬七百五十兩。另款存貯。以備支領。該部知道。○以工部尚書廖鴻荃為國史館副總裁官。○戊子。

孝穆皇后忌辰。遣官祭

陵寢。○己丑。諭內閣。麟魁等奏。壩工遭風屢蟄。進占彌艱一摺。前據該尚書等奏稱。兩壩跟接進占。計可合龍。當經降旨。飭令於迅速之中。倍加慎重。方冀春融以後。試放引河。即可剋日蒞功。乃本日據奏。連遇大風。水勢洶湧。已作埽段。間有蟄動之處。懇請展期合龍等語。東西兩壩。連次被風。現經保護平穩。惟該尚書等未能先事妥籌。以致合龍延緩。究屬

辦理不善。麟魁、廖鴻荃、鍾祥、鄂順安。均著交部議處。○諭軍機大臣等。本日據麟魁等奏。壩工遭風屢蟄。進占彌艱。已明降諭旨。將該尚書等交部議處矣。據奏加鑲完固。請展期添料。以重要工。於上次請添稽麻之外。另為酌量添購等語。壩工鑲埽。本應一律穩固。若因慎重工程起見。請展緩合龍日期。未為不可。特不得藉口風雪。稍滋延玩。況所築挑水壩。現已挑動大溜。進占較易措手。萬勿坐失

機宜。至增購料物一節。當此經費支絀之時。自當倍加撙節。無稍虛糜。該尚書等相機妥辦。於迅速藏事之中。仍事事覈實。庶有裨要工。不負委任。將此諭令知之。○又諭禮部奏暹羅貢使遞稟內稱該國王面諭該使臣等懇求接貢之年。免輸關稅等語。向來琉球國進貢回國時。接貢船一隻。隨帶貨物。由閩海關奏明免稅。暹羅向無此例。此次該貢使所請免稅之處。未據祁墳等奏明。所有該國接

貢船隻。應否照琉球一律辦理。著該督撫等酌覈具奏。如應照琉球辦過成案辦理。亦祇准免一隻船所帶之貨。概不准多帶船隻。冀圖免稅。該部原奏著鈔錄。並原遞稟帖。一併發給閱看。將此諭知祁墳。程喬采。並傳諭文豐知之。○庚寅。

孝聖憲皇后忌辰。遣官祭。

泰東陵。○辛卯。諭內閣本年輪應查閱湖北湖南雲南貴州等省營伍之期。湖北湖南著即

派裕泰。雲南貴州著即派桂良。逐一查閱。認真簡校。其上年暫停查閱之廣東廣西浙江福建等省。著統俟二十五年。再行奏請查閱。○壬辰。諭軍機大臣等。據善燾奏青椿以外。官山界內樹株被竊一摺。風水地面樹株。理宜慎重看守。茲據奏牆子路所管界石內官山樹株被竊。並因訪查竊情。釀成人命等語。著訥爾經額。派委明幹大員。會同馬蘭鎮總兵。督同該地方文武員弁。設法嚴拏。務將賊

賊全獲。親提審辦。將此諭令知之。尋奏拏獲張文幅。並起獲贓證。解省嚴審。張文幅供認偷竊屬實。應依盜砍青椿以外官山以內樹株例。杖九十。徒二年半。係革兵。照例加等。擬杖一百。徒三年。從之。○又諭向遇恭謁

東

西陵之年。直隸總督呈進大小豬羊。著自本年為始。無庸呈進。改進食物。及乾鮮果品。以備賞賚之需。將此諭令知之。○以鑲紅旗蒙古

都統祿普署察哈爾都統未到任前以副都統阿彥泰護理○癸巳

上詣綺春園問

皇太后安○諭內閣給事中扎克丹等奏風聞各旗營由庫領餉時有低潮假銀莫敢舉發並現由鑪房起出成錠假銀至三百餘兩之多難保無奸商勾通庫丁驗匠夾雜收納請飭嚴查等語庫儲捐項多係鑪房傾造現在該鑪房存有假銀難保不於交庫之時夾雜

交納於庫項大有關繫著管庫大臣嚴飭該司員等認真查察其兌收銀兩務須率同能辨銀色之匠役詳細驗看遇有低潮假銀立即根究來歷從嚴懲辦如查有庫丁驗匠勾通朦混情弊亦即一併嚴懲毋稍寬縱至支放兵餉應如何驗明給領之處務即明定章程通行各旗營畫一辦理以恤兵丁而昭嚴實尋奏北庫積土內有多年舊銀顏色黑暗難辨真偽嗣後輪放此種銀兩必須翦看並

於收銀時令匠役驗看成色嚴飭銀庫司員認真查察至支放兵餉請各按旗分統歸總數支領逐袋覆較並令該旗會同戶部司員各領平砵較對取具並無短少低潮假銀甘結存案從之○諭軍機大臣等穆彰阿等奏遵旨再議意大里亞國通商章程一摺朕詳加披閱所有三巴門內免領牌照聽憑建造一節准其照議辦理惟該督等前奏不得於三巴門外擅有建造現據該督等面與要約

當不致遽有反覆惟事涉外夷必須籌及久遠設使異時該夷以三巴門內無可駐足又於三巴門外妄肆干求該督如何防範遏絕正宜遠慮豫籌著耆英接奉此旨函商廣東督撫體察夷情熟籌事勢妥議具奏總須確有把握毋為將就目前之計方不負委任也將此諭令知之○以都察院左都御史特登額署鑲紅旗蒙古都統○朝鮮國王李熙遣使表賀

萬壽冬至元旦三大節並進貢方物賞齋筵宴如例○暹羅國王鄭福遣使表賀

萬壽並呈貢方物除年貢照例賞收外其呈進中宮方物命留抵下次正貢賞齋筵宴如例○緬甸國王孟坑遣使呈貢方物賞齋筵宴如例○甲午撥湖北地丁銀四千四百兩有奇補給武昌武左蘄州德安四衛幫丁運費○乙未

上詣

大高殿行禮○還宮○以故三等鎮國將軍承順子景錫降襲輔國將軍○以祭

社稷壇自是日始齋戒三日○丙申

孝儀純皇后忌辰遣官祭

裕陵○諭內閣戶部奏清查積欠將尾零應追應扣應估變各銀兩請旨飭辦以清款項等語各直省錢糧絲毫均關國帑此項應追應扣應估變等款為數不少豈容任意延宕著直省各督撫等嚴飭所屬實力查辦其有力

之家及現任職官可以追繳者務當諭令趕

緊完交毋任不肖州縣及奸胥猾吏通同捏報家產盡絕希冀豁免了案其實在無力者亦當據實查明報部覈辦值此清釐帑項之時各督撫自當感發振作逐款覈實辦理以期有裨國計毋得因循玩泄視為彙催具文○又諭前因御史舒明阿奏請通查各省荒地降旨令戶部議奏茲據奏稱各省未經報部各荒地有無私墾隱賦殊難懸定著各直

省督撫府尹都統悉心體察將所有荒地覈實查明是否可以召買均以有無情願認買之人為斷如辦有大概情形即著先行據實覆奏至有人承買荒地著該督撫府尹都統酌量定價收解部庫仍將每年收納糧額覈定報部造冊其無人認買各地應俟承買有人隨時辦理仍催令照例升科毋許延宕將此通諭知之○又諭劉韻珂奏遵保堪勝陸路總兵之副將一摺閩浙督標中軍副將武

攀鳳升署副將。著仍遵前旨。送部引見。其浙江象山協副將張廣信。前已有旨毋庸記名。延平協副將馬從凱。興化協副將舒靜。資俸尚淺。以上三員。俱著毋庸送部引見。該部知道。○諭軍機大臣等。前據禧恩等奏緝捕盜犯。漸有成效。因思吉林熱河。與奉天接壤。尤防此拏彼竄。節經降旨。著該將軍等體察地方情形。變通舊章。詳議具奏。並令將獲犯各員。應行鼓勵之處。於定案時聲明請旨。茲據經額布等酌議章程入奏。朕詳加披閱。除東北兩路向屬安靜。南路圍場。已有成效。並吉林長春二廳。仍按年編查保甲。廳役界兵。巡查大道。以護行旅。毋庸另議外。嗣後每年初冬起。至次年二月止。即由該將軍等添派驍騎校委官三員。各酌帶兵丁番役。分赴吉林長春二廳。與奉天接壤之處。分段梭織巡緝。計共五箇月。著分作三班。每五十日輪換弁兵一次。以均勞逸。其中獲犯者。分別獎賞。疏

懈者。責革示懲。其三月至九月。即令廳役界兵隨時巡查。毋庸委派員弁。至長春廳本屬蒙古。民人交雜。公事繁多。該通判巡檢。各有專責。勢難兼顧。所有緝捕事宜。著即於候補巡檢內選派一員。每年冬令。馳赴長春廳。在於接壤奉天扼要處駐劄。督同廳捕等晝夜查緝。以專責成。果有獲盜勞績。予以儘先補用。如有怠忽。亦即叅處。其吉林廳境內。有分防伊通河巡檢一員。可以兼顧。威遠堡交界之處。無須添員。又所請於發商生息銀五萬兩內。撥出息銀五六百兩。作為該委員弁番役等盤費飯食獎賞之用。亦著照數動撥。如此明定章程。庶緝捕較為周密。盜風可期漸息。將此諭令知之。○以吏部左侍郎祝慶蕃署經筵講官。○丁酉。諭軍機大臣等。朕恭謁東陵。所有獨樂寺行宮。豫備盆景花卉。著自本年為始。毋庸豫備。將此諭令訥爾經額知之。○又諭前據麟魁等奏。壩工遭風屢墊情形。

已有旨令該尚書等相機妥辦。萬勿坐失機宜。計此時當已接奉。因思口門僅賸十四丈九尺合龍較易。惟埽前水深八九丈餘。進占尤須慎重。本年節候較早。轉瞬桃汛經臨。辦理恐更棘手。連日未據奏報。朕心焦念之至。著諭知麟魁廖鴻荃鍾祥鄂順安將現在水勢平險若何。進占能否順利。約計合龍當在何日。據實具奏。仍不得因有此旨。稍存將就之見。草率蒞事。致貽後患。再前奏內稱挑水壩業已挑動大溜。一俟水面擡高。風勢順利。再行相機啓放等語。引河必須一律深通。啓放時方能暢行無滯。此時所挑引河情形若何。並著一併具奏。以慰廑懷。將此由四百里諭令知之。○又諭御史烏凌阿奏山西鹽務招商混舉。官為勒派。請飭查禁一摺。據奏介休縣鹽商候本城捏報商累告退。朦混舉保。經州縣行文關提。差傳押勒。詐索多贓。致居民逃往外境等語。招商行鹽。願應者方准認

充。豈容朦混舉保。藉端索詐。致滋擾累。著梁萼涵確切查明。如該商等果有混行舉保及州縣等藉派勒索等弊。即行覈實究辦。萬不可受人欺朦。將此諭令知之。尋奏遵查商冊並無候本城。惟上年有介休縣商人侯本誠告退。經該商舉保汾陽縣殷戶王承祚等接辦。屢傳未到。現檄飭各該縣嚴密訪查。侯本誠實係家產淨盡。並無捏飾。王承祚原捐郎中。委係家道殷實。亦非朦混舉保。且屢傳未

到。更無從押勒詐贓。該御史所奏。自係傳聞之誤。報聞。



千斤大礮。原為防海起見。儻因演放不易。常年存貯。不但日久生鏽。且礮手於點放準頭。全未講求。又何以備緩急之需。勢將使有用之物。竟成虛設。所有此項大礮。應如何設法。變通演放之處。著者英。程喬采。再行體察地方情形。妥議具奏。將此諭令知之。○兩廣總督祁墳。因病解任。調兩江總督耆英。為兩廣總督。以福州將軍壁昌。署兩江總督。未到任前。命江蘇巡撫孫善寶護理。以江蘇布政使

文柱護巡撫。福州副都統敬敷署將軍。○乙亥。春分朝。

日於東郊。遣豫親王義道恭代行禮。○以舉行

仲春經筵。遣官告祭

奉先殿。

傳心殿。

上御文華殿經筵。直講官賽尚阿。祁寓藻。進講中庸取人以身。講畢。

上宣御論曰。人君不能獨治天下。必與人共治

天下。自公孤卿尹。以至九州十二牧。莫不專厥司。盡厥職。而後天下治。然則治天下。取人其首要哉。顧人才之得。自古為難。上以名求。則下以名競。上以勢馭。則下亦以勢趨。取之者。相需未嘗不殷也。應其取者。或相率而為偽。天下豈真無人耶。抑亦取人者。不握其原也。夫本固則枝榮。形端則表正。主聖者臣必良。君明者臣必直。有堯舜之君。斯有皋夔之臣。有湯武之君。斯有伊周之臣。未有上好在

此。下趨在彼者。故曰修身其要也。能修其身。則培養為有本。能修其身。則感化為無形。而且資眾人之謀猷。明四目。達四聰。君身當日益修矣。立一身為表率。元首明。股肱良。人才當日益盛矣。由是濟濟多士。藹藹吉人。笙簧酒醴。以來之。湛露彤弓。以饗之。上以身先。下以身致。庶幾唐虞三代之盛。復見於今日乎。直講官關聖保。陳官俊。進講書經德威惟畏。講畢。



上宣御論曰。書呂刑曰。德威惟畏。夫德何威哉。何以使人畏哉。以刑威天下者。怨。以兵威天下者。離。必與愛兼施。與恩迭用。而威乃可恃。與愛兼施。與恩迭用。則不以威威天下。而以德威天下矣。以德則所守者簡。而能御繁。所處者靜。而能制動。所務者寡。而能服眾。上之威以德也。若天之赫赫在上。七政九曜。昭布森列。對越者自生敬畏之心。若地之明明在下。五岳四瀆。聳峙流行。踐履者自起寅畏之念。民之畏其德也。奉之如神明。視而不見。聽而不聞。時覺在傍。而在上。仰之如父母。拊我畜我。長我育我。不啻靡瞻而靡依。畏而且服。畏而兼愛。豈畏法畏力者所可同日語哉。然又必樹德者。先有畏天命畏民志之忱。則不顯亦臨。無射亦保。上之威罔不惟德之勤。下之畏共率祇德之教矣。禮成。

上幸文淵閣。賜講官及聽講諸臣茶。復賜宴於本仁殿。○幸圓明園。○詣綺春園。問。

皇太后安。○庚子。遣官祭文昌帝君廟。○諭內閣。朕此次恭謁東陵。啓鑒後著派肅親王敬敏惠親王綿愉。大學士潘世恩。尚書恩桂。留京辦事。○以祈禱靈應。封廣東新寧縣宋校尉陳仲真為綏靖伯。從巡撫程喬采請也。○辛丑。遣官祭關帝廟。○諭內閣。六公主著封為壽恩固倫公主。○又諭原任御前大臣一等公博啓圖之子景壽著指為壽恩固倫公主之額駙。所有應行事宜。著各該衙門照例豫備。景壽著施恩先賞給頭品頂帶。在上書房讀書。○又諭景壽已指固倫額駙。所有派出偕老大臣選擇吉期指配事宜。著內務府大臣照例辦理。○諭軍機大臣等。有人奏。中牟大工辦理不善。未能及時報竣。請專責成。以杜後患。一摺。前因壩工遭風屢墊。降旨令麟魁等相機妥辦。昨又由四百里馳諭。令將現在情形據實具奏。計此時當已接奉矣。辦理大工。全在

委用得人。據奏管理料廠管辦引河各員。均不能覈實認真。少發工錢。以致人夫逃散。剋扣麻價。以致料販不前。且近日連走五埽。工程較難等語。著麟魁、廖鴻荃、鍾祥、鄂順安。將摺內所指各情節。逐一確查。據實覆奏。毋稍容隱。原摺著鈔給閱看。將此諭令知之。○步軍統領吏部尚書恩桂。因病賞假。以大學士穆彰阿署步軍統領。○壬寅。諭軍機大臣等。有人奏。升任知縣劣跡昭彰。一摺。據奏江蘇

松江府知府練廷璜。於署上海嘉定、長洲等縣。將常平倉穀。全行私糶。其胞姪承鳳。私販違禁貨物。經前任臬司訪拏。交縣收禁。適臬司調任。該員即潛銷其案。並收受書吏胡俊、鮑賂。挾伎縱飲。任令吏役等到處嚇詐。勒令牙行領取秤桿。升任六安州時。徧邀富戶典鋪。勒助盤費等語。州縣為親民之官。理應潔己奉公。方為無忝厥職。若如所奏。是該府練廷璜貪污敗檢。何以表率屬員。松江為海

疆要地。辦理一切。所關尤鉅。著壁昌、孫善寶嚴密訪查。儻實有前項劣跡。即行據實奏。以儆官邪。而懲貪墨。不准稍有。不實。不盡。原摺著鈔給閱看。將此諭令知之。○又諭。給事中孫起瑞奏。上年湖州八幫在清江浦。有聚眾持械。武弁被傷之事。糧船水手。兇悍性成。全在該漕督及經過地方各督撫。督飭員弁嚴行稽查。有犯必究。方足杜其爭競之端。若如所奏。是該水手等故智復萌。不可不嚴加

懲辦。著李湘茶確切查明。是否確有其事。曾否照例懲辦之處。據實具奏。並著直隸總督山東巡撫。諄飭糧船經過地方文武員弁。實力查察。本年漕船北上。儻有私帶兵器。上岸逞兇之水手。立即按名嚴拏。盡法處治。並將撥查不力之員弁。即行叅處。毋得稍為容隱。原摺著鈔給閱看。將此各諭令知之。○以祈禱靈。應封廣東故龍門協副將景懋為忠顯伯。從總督祁項請也。○癸卯。諭內閣。孟保等

奏廓爾喀貢使由捷徑回家。請將護送之遊擊都司交議一摺。臺溪營遊擊應國銳。黔彭營都司李國安。於護送廓爾喀貢使回國。自應照例由濟甯行走。乃任聽該噶箕等懇由絨轄爾捷徑回家。並不稟請示遵。率即派人護送出口。實屬錯謬。應國銳、李國安均著交部嚴加議處。○諭軍機大臣等。前據祁墳達查廣東水師提督吳建勳操防不能得力。辦理洋盜。遷延觀望。當有旨降為副將。留粵酌

補。茲據吳建勳奏。辦督率操防。並無貽誤。其查辦廉州盜匪遲延。由督臣所發經費不足。舵水乏糧所致。並歷陳督臣保奏各員種種不實。及從前酌擬修復礮臺章程。與督臣議論不合。觸忿挾嫌。致被叅劾等語。著耆英於到任後。將摺內所奏各情節。逐款詳查。務須覈實秉公。令其心服。切勿稍存成見。吳建勳原摺。著鈔給閱看。所具虎門各礮臺圖。一併發給。再祁墳前已有旨准其來京調理。現因

祁墳恐有應詢事件。本日復諭知程喬采。令其俟該督到任後。再行起程。將此諭令知之。○又諭。前據祁墳奏請開缺。當降旨令其來京調理。此時當未起程。著程喬采傳諭祁墳。俟耆英到粵後。再行來京。如已起程。諒亦離省不遠。即著派員傳知。令其折回。將此諭令知之。○又諭。孟保等奏。廓爾喀正副噶箕。聞其親屬被害。由捷徑先行回家。已明降諭旨。將護送之遊擊都司嚴加議處矣。所有敕書

御賜。業據該國王接奉。該噶箕等曾否回國。未據該國知照。著孟保、鍾方嚴飭濟甯、聶拉木、絨轄爾及通內地之各口隘營官等。儻該噶箕等逃入界內。即行拘拏。派員押送該國。至該國如何懲辦。該噶箕之處。本與內地無涉。不必過問。如該國續有稟來。亦即以此意檄知。琦善到任時。如辦理尚未完結。著將此旨令其閱看。會同鍾方辦理。將此由四百里諭令知之。○又諭。孟保等奏。探得廓爾喀地

方現在安靜一摺。據奏廓爾喀所屬把巴地方。忽來賊匪無數。疑係披楞之人。改裝而來。經該國王派兵前往對敵。賊匪旋即退去。該國留兵防堵。現今地方安靜等語。廓爾喀地方現在雖屬安靜。仍須嚴密防範。隨時偵探。著琦善於到任後。會同鍾方嚴飭所屬。慎守邊界。不准妄生事端。並著不動聲色。隨時密探該國近日情形。據實具奏。但不可稍涉張皇。是為至要。將此諭令知之。○總管內務府

大臣奏廣儲司向存綿料被五千件。散給會試舉子場內披服。近聞士子並不領用。場內亦未分散。又查近年會試人數不止五千。按名亦不敷給。徒資號軍水夫之用。擬請裁汰以防夾帶。從之。○以鑲黃旗漢軍都統春山。兼署正紅旗漢軍都統。○以陝西按察使傅繩勳。為雲南布政使。通政使司參議汪云任。為陝西按察使。○以浙江新城縣知縣方聯孚。在任六年。經徵新舊錢糧全完。賞同知銜。

○修浙江海鹽縣石塘。從巡撫王植請也。○甲辰

孝淑睿皇后忌辰。遣官祭

昌陵。○遣官祭

先醫之神。○諭內閣。前據裕泰奏湖北漢陽水師營添造戰船。請派撥弁兵操演。酌給薪水口糧。當交該部議奏。茲據該部覈議具奏。均著照所議辦理。水師營添設船隻。全在管駕得力。操演習熟。方可備緩急之用。著該督責成。派出各員弁。妥為保護。毋令日久損壞。並按期認真操閱。不時稽查。如該員弁等廢弛偷安。即著從嚴叅辦。毋得視為具文。有名無實。○命右春坊右庶子朱鳳標。在上書房行走。○乙巳

上詣綺春園問

皇太后安。○諭內閣。廣東前署潮陽縣已故知縣張深。因查拏匪犯。致被戕害。殊堪矜憫。著該部照例議卹。代理陸豐縣候補州判趙萬

年首先拏獲戕官要犯緝捕尚屬勤能著俟得缺後以知縣補用。○又諭本日據都察院奏原任廣東水師提督關天培之孫關佛保呈請照例承襲世職等語。關天培在提督任內臨陣捐軀前有旨令該督撫查明子孫幾人均於服闋後送部引見嗣據該督查明伊孫關佛保等尚未成丁復令將次子關從龍送部現在已越三年著兩江總督將該故員子孫內年已及歲者先行送部引見其未經及歲者俟及歲時仍遵前旨均行送部引見候朕施恩其例給世職應如何承襲之處著該部查明照例辦理。○又諭桂良等奏續獲匪犯審明辦理一摺雲南騰越廳南甸土目刀承緒等上年糾匪滋事節經該督等督飭獲犯多名分別懲辦茲又續獲共謀匪犯刀小六一名審明即行正法惟首犯刀承緒現尚在逃總須設法掩捕務在必獲著該督等仍嚴飭各員弁密行偵訪跟蹤緝拏毋令漏

網其逸犯數名並著一體嚴拏究辦所留練勇六百名請俟察看裁撤之處著照所議辦理所需經費免其造冊報銷至漢民佃種夷田相沿已久自未便紛更滋擾著即詳查各戶應納土司田租造冊立案以後照數交收儻有額外加增及短少抗欠情事立予懲究以杜釁端。○又諭桂良等奏訊明在籍守備保釋土目並未受賄等語雲南騰越廳在籍守備李正榮素與土目往來熟識輒因刀三用刀彗猛因案被押代為求保雖無賄囑情弊究屬不安本分業已革職著毋庸議。○又諭薩迎阿奏例應甄別之千總緝捕認真懇請留任等語平泉州捕盜千總趙文德在任年久疊經拏獲著名賊犯多名茲復將積年逃兇立時緝獲該弁年雖逾歲緝捕尚屬勤能加恩著照所請趙文德准其留任以資熟手嗣後捕盜營千總不得援以為例。○又諭薩迎阿奏知縣勒交門丁限滿未能解審一

摺。前署赤峯縣候補知縣王貽穀因門丁被控藉案得贓。延不解審。當經降旨將該員摘去頂帶。勒限交出歸案質審。茲據奏稱限期屆滿。尚未解交。王貽穀著即革職。勒令將該門丁武四迅速解案審辦。毋任藉詞延宕。○又諭鍾祥奏請循例分別添辦本年防料。甄石並查明上年用存稽垛扣銀還司一摺。河工料物為修守要需。豫省即日黃流挽復。本年備防工料。自應分別酌添改辦。著照所請。

所有上年用存稽料。照例扣除減辦銀兩。著即劃還司庫。以歸撙節。其河南開歸道屬南岸八廳。應分辨備防稽垛。除上年用賸扣抵減辦外。實需四成改稽酌辦。甄石銀二萬一千六百十六兩。六成改稽辦石銀三萬二千四百二十四兩。河北道屬北岸五廳。應分辨備防稽垛。除上年用賸扣抵減辦外。實需四成改稽酌辦。甄石銀一萬二千五百四十四兩。六成改稽辦石銀一萬八千八百十六兩。

山東兗沂道屬曹河曹單二廳。應辦備防稽垛。除上年用賸扣抵減辦外。實需四成辦稽一百二十垛。例幫價銀八千四百兩。六成改稽辦石銀一萬二千六百兩。准其照數添辦。由河南山東司庫籌項撥交道庫。轉發各廳分別趕購甄石。限於大汛前全完報驗。如有未經驗收。先行報拋者。即令著賠。其東省曹河曹單二廳。四成防稽。統限桃汛前堆齊。該河督屆期同歲料一併查驗。儻有遲延短少。

以及堆垛虛鬆情弊。立即指名嚴參。鍾祥到任後。初次查辦歲料。尤宜破除情面。覈實認真。儻稍存遷就之見。後難為力矣。務在革除積習。以杜偷減而重工需。○諭軍機大臣等。麟魁等奏東壩門占已成。西壩連進兩占。現在接做門占。啓放引河一摺。據奏東正壩三十八占。作為門占。加鑲柴土。高鞏穩實。西正壩已進四十五四十六兩占等語。覽奏均悉。現在口門僅賸八丈四尺。合龍較易。本年節

候較早。現已節逾春分。轉瞬桃汛經臨。辦理恐致棘手。著該尚書等。遵照前旨。妥速辦理。仍須加倍慎重。切勿草率了事。至挑水壩現已做成。因新長磯心灘一道。勢難再進。擬用切灘之法。順勢挑挖。引溜東趨。並於引河頭下脣築兜水壩。以期吸動全溜。並剷除引河微仰之處。均著照所議妥為辦理。總須一律深通。暢行無滯為要。將此諭令知之。○以杭州協領東順。署福州副都統。○以殲擒匪犯

出力。予雲南試用吏目馬偉堂儘先升用。並賞藍翎。○修山東運河廳屬師莊閘。加河廳屬彭口閘。運河西岸減水閘。捕河廳屬七級下閘。上河廳屬戴灣閘。從河道總督鍾祥請也。○丙午。諭內閣。戶部奏。請將甘肅新疆等處未墾地畝。飭查試墾等語。西陲地面遼闊。隙地必多。果能將開墾事宜。實心籌辦。當可以歲入之數。供兵食之需。實為經久有益。前據伊犁將軍布彥泰奏報。於塔什圖畢等處

開墾地畝。疊著成效。洵屬忠誠為國之舉。均經分別施恩。而烏魯木齊於道光二十年間。開墾地止二萬餘畝。其未墾之地。未據該都統奏明續辦。著布彥泰會同惟勤。體察情形。派員確勘。如有可墾之地。務須設法招徠。隨時奏明辦理。其伊犁已開地畝。業經照例升科。此外及各城地方。如有曠地。可以招墾者。仍著該將軍等詳細飭查。一律奏辦。至甘省報明水衝沙壓案內。尚有七千五百餘頃。未

經墾復。著富呢揚阿遵委委員。確加履勘。遇有堪以墾復之處。即將應復地畝。隨時咨報。不得任聽該委員等畏難捏稟。阻隔不行。務使野無曠土。人盡力田。俾民食邊儲。並收實效。○丁未。祭

先師孔子。遣署禮部尚書特登額行禮。○諭內閣。李星沅奏。延安府屬之延川縣。地方瘠苦。請照南北兩山州縣。奏明籌款貼補之案。一律酌給緝捕經費。又每年演放大礮所用

火藥鉛丸。由西安清軍廳承領補造。估計工料等銀二百兩。亦須籌款發給等語。著准其於留備嶽廟工用生息銀內。每年動撥銀九百兩。發給延川縣緝捕經費銀七百兩。清軍廳製造藥鉛銀二百兩。均著免其報銷。該部知道。○給江蘇桃源海二州縣並大河衛軍民一月口糧。緩徵上元。江寧。句容。溧水。高淳。江浦。六合。山陽。阜寧。清河。安東。鹽城。江都。甘泉。儀徵。高郵。興化。泰東。臺。銅山。豐。蕭。陽山。宿遷。睢寧。海。贛。榆。泰。興。二十八州縣及揚州。淮安。大河。徐州。四衛災民舊欠額賦。○戊申。

孝康章皇后忌辰。遣官祭。

孝陵。○己酉。諭內閣。經額布等奏據凱隆阿因終養事畢。呈請進京報效一摺。現在京內並無相當差使。凱隆阿仍著留於吉林原籍。充當佐領。聽候諭旨。○又諭。陸費瑔奏參衛守備應造軍船。延不領銀趕辦一摺。湖南沔陽衛守備宋廷楷。應造大造賠造軍船至八隻。

之多。該守備並不先事豫籌。設法趕辦。迨至新漕臨兌。委員守催。始以屯田被淹。藉詞延宕。實屬任意玩違。宋廷楷著交部議處。並著該撫查明該衛應造各船屯坐田畝。是否均在被災之列。如有影射捏飾情弊。即著從嚴叅辦。尋奏。宋廷楷業准部咨革職。應行買補雇募各船。已據署守備馮樹堂等分別加修兌運。下部知之。○又諭。前據布彥泰等奏請鼓勵開墾地畝捐資督辦各員。當經降旨。分

別加恩獎勵。茲據吏部奏。各該員升用之處。數與定例章程不符。請旨更正等語。該部所駁甚是。惟伊犁地處極邊。兵糧民食。必當計及久遠。當以開墾為第一要務。該員等或督辦出力。或捐資集事。均屬盡心公事。不辭勞瘁。自應格外施恩。以昭激勸。慶辰著仍以知府儘先選用。塔那泰著仍以同知儘先選用。併案送部引見。保山著俟倉差期滿時。仍以同知儘先選用。伊津色著仍以通判發往甘



肅差委補用。馬光乾陳炳照均著俟俸滿後。仍以本省府經歷縣丞遇缺即補。黃元泰現據該部奏稱。選授湖北咸豐縣張家坪巡檢。著仍以該省府經歷縣丞即行升補。此係朕破格加恩。嗣後能於應墾地畝。隨時經畫。著有成效者。必當量加鼓勵。布彥泰督率有方。忠誠為國。著賞加太子太保銜。仍交部從優議敘。以示嘉獎。○諭軍機大臣等。麟魁等奏引河啓放通暢。門占將成。計日即可掛纜合

龍一摺。據奏西壩已作門占。初六日將引河啓放。滔滔下注。勢甚奔騰。並據下游各廳稟報。黃流入境出境。均屬通暢。大溜掣入引河。約有六分。擬於十三日掛纜合龍等語。覽奏均悉。現在加鑲西壩門占柴土邊埽。及夾土壩等工。諒已一律完竣。當此垂成之際。尤宜加意慎重。不可稍有疏虞。佇盼大工告竣。永慶安瀾。以副朕望。將此諭令知之。○庚戌。諭內閣。前派麟魁。廖鴻荃。督辦中牟大工。連日

據奏將次合龍。方深殷盼。乃本日復據奏稱。於初七初九等日。連次蟄失五占。自請從重治罪。並請簡派熟諳河務之大臣來工督辦等語。覽奏。愈慙之至。從前若能趕緊辦理。於正月內合龍。則春水未旺。焉有此失。總係麟魁等辦事顛預。遷延所致。罪無可寬。惟遽予罷斥。另派大臣接辦。伊等轉得置身事外。該過他人。麟魁。廖鴻荃。均著革職。給予七品頂帶。仍留河工督率。儻能竭力挽回。尚可量從

寬典。鍾祥任事未久。著革職。給予七品頂帶。暫留河督之任。鄂順安係兼管河工。著革職留任。降為三品頂帶。所有全工事宜。仍著責成麟魁。廖鴻荃。鍾祥。鄂順安。督飭在工文武員弁。趕緊設法。相機妥辦。設若仍前玩泄。必皆重治其罪。所有應行陳奏事件。仍著照舊列銜會奏。此次失事之文武掌壩各員弁。著麟魁等查明嚴參具奏。○漕運總督李湘茶奏江北淮海一帶。民風强悍。自水災後。多流

為匪已通飭漕標實力緝捕得旨查拏頗力但必須淨絕根株方稱妥善勉之○實授特登額禮部尚書以吏部左侍郎文慶為都察院左都御史調禮部尚書陳官俊為工部尚書以都察院左都御史李宗昉為禮部尚書戶部左侍郎杜受田為都察院左都御史○辛亥

上詣綺春園問

皇太后安○諭內閣綿勳現襲固山貝子其祖

父母父母加恩准其一併追封○又諭德春等奏慎重漕糧豫籌積貯一摺漕糧為天庾正供首重米色各省偶因雨暘稍愆以致米質受傷豫期奏明尚屬援案辦理惟交倉收納後久貯則微變堪虞搭放則盤查有礙且恐旗丁人等藉端攪雜百弊叢生不可不嚴加查察著江浙各省督撫嚴飭各屬務須加意慎選好米收納不得恃奏明有案率意濫收並著漕運總督於各幫盤驗過淮時詳加

查驗認真籤盤毋任朦混仍嚴飭各該糧道暨押運員弁沿途督丁勤加風瞭不得以不純米色藉詞支飾糧船到通後即責成倉場侍郎認真詳查嚴行盤驗毋任稍有微變攪雜情弊○以戶部尚書敬徵兼署吏部尚書○調戶部右侍郎柏蔭為吏部左侍郎吏部右侍郎成剛為戶部右侍郎兼管錢法堂事務刑部左侍郎惠豐為吏部右侍郎轉刑部右侍郎賡福為左侍郎調盛京刑部侍郎斌

良為刑部右侍郎以都察院左副都御史花沙納為盛京刑部侍郎○以都察院左都御史文慶兼鑲藍旗漢軍都統理藩院尚書吉倫泰署正黃旗漢軍都統御前侍衛珠勒亨為鑲藍旗護軍統領前任和闐辦事大臣賽什雅勒泰為鑲黃旗漢軍副都統○山東巡撫崇恩奏報到任得旨諸凡認真屏除虛偽崇尚誠實為要再朕聞高唐汶上均有昏夜搶劫之案嶧縣並有白晝強搶集鎮之事恐

地方官諱匿不報。或化大為小。均未可定。汝必須明察暗訪。嚴行查辦。以靖閭閻。而除禍患。切勿被人欺蔽也。○壬子。調吏部左侍郎祝慶蕃為戶部左侍郎。兼管三庫事。轉吏部右侍郎。季芝昌為左侍郎。仍留學政任。調兵部右侍郎侯桐為吏部右侍郎。以內閣學士孫瑞珍為兵部右侍郎。仍留學政任。○以都察院左都御史杜受田管理三庫事。○以兵部左侍郎朱嶠兼署吏部左侍郎。禮部右侍郎周祖培兼署兵部右侍郎。○癸丑。遣官祭

歷代帝王廟。○遣官祭昭忠祠。○諭內閣牛鑑著加恩釋放。發往河南。交巡撫鄂順安差遣委用。○諭軍機大臣等。本日已明降諭旨。將牛鑑釋放。發往河南。交鄂順安差委矣。該革員前在河南巡撫任內。頗得民心。該省民情淳樸。上年興築省城。捐輸踴躍。並未動支帑項。甚屬好義急公。此次中牟大工。將次合龍。忽遭風暴。連蟄五占。需用浩繁。應如何設

法籌辦之處。牛鑑素為該省士民所悅服。經朕特加恩宥。自當倍加黽勉。實力妥籌。以紓國計。而蘇民困。著俟牛鑑到省後。即將此旨發給閱看。將此諭令鄂順安知之。○修湖北江夏縣江隄。從巡撫趙炳言請也。○甲寅。諭內閣大學士穆彰阿。現署步軍統領。著留京辦事。○命兵部左侍郎道慶。乾清門侍衛那桑阿。巴里善恭詣

東陵。查看紅椿。○禮部左侍郎知貢舉馮芝。因

病賞假。以吏部右侍郎侯桐知貢舉。○乙卯。清明節。

上詣

安佑宮行禮。○遣官祭

永陵。

福陵。

昭陵。

昭西陵。

孝陵。

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○諭內閣特依順等奏請將裁撤水手兵丁挑補甲兵空缺等語浙江乍浦滿洲營原設水手兵丁現在該營改為陸路應行裁撤著准其於此項裁撤兵丁內擇其弓馬嫺熟技藝可觀者挑補甲兵空缺不得以老弱充數該部知道○諭軍機大臣等據奕興奏喇嘛凌保控告該昭扎薩克達喇嘛羅布桑吉里克等侵蝕官項擅將房地租錢典給民人等款經該管之呼圖克圖提

集兩造人證質訊突有土默特參領卓哩克

圖派員將凌保鎖拏該管副都統成凱延不

究辦等情著派祿普前往會同奕興親提全

案人證秉公審訊不准稍有偏袒祿普所署

之察哈爾都統著阿彥泰暫行署理奕興原

奏鈔給閱看將此諭令知之○丙辰遣官祭

黑龍潭

昭靈沛澤龍王之神玉泉山

惠濟慈佑靈瀨龍王之神昆明湖

安佑普濟沛澤廣生龍王之神密雲縣白龍

潭

昭靈廣濟普澤龍王之神○遣官祭圓明園

惠濟祠

河神廟○諭軍機大臣等前因麟魁等奏蟄

失婦占自請治罪當經降旨將麟魁等分別

懲處仍責令趕緊挽回以觀後效茲據奏稱

物料工夫估費不少且購料又需時日已逾

桃汛黃水漲發恐難抵禦添發帑金合龍究

無把握等語。麟魁等辦理不善。虛糜國帑。貽誤要工。朕不遽加嚴譴。僅予薄懲。宜如何激發天良。竭力補救。以贖前愆。現既仍令督辦。若能相機鑲築。即稍寬時日。仍獲藏工。尚可量加寬貸。即或情形險要。一時未克施工。亦當竭力保護新工。將已成埽占。擇要加鑲守護。儻徒以事勢萬難。束手無策。以致新工埽段。再有疏虞。自問當得何罪。現在如何修守。新工如何保護。物料是否趕辦。濟用。原估銀

兩之外。計餘銀一百餘萬。現存何處。此時添給銀兩。究竟合龍有無把握。著麟魁、廖鴻荃、鍾祥、鄂順安。體察情形。酌量緩急。迅即據實具奏。毋得游移推諉。致誤要工。又另摺奏。遵旨查明工員尚無弊竇等情。覽奏已悉。著毋庸議。將此由四百里諭令知之。○貸甘肅迪化州銀一萬八千兩。採買兵糧。○丁巳

上詣綺春園問

皇太后安。○御勤政殿聽政。○諭軍機大臣等

孟保等奏。續接廓爾喀國王來稟。及諭覆緣由一摺。覽奏均悉。廓爾喀國王稟詞內稱。噶箕因上年來藏。懇求一切未准。不敢回國。並牽敘聶拉木噶。地方。十年歸西藏管理。三年歸該國管理等語。實屬謬妄。該大臣等正詞曉諭。辦理尚為妥協。儻該國再差頭目來藏。另有懇求。該大臣等仍當據理回覆。杜其妄念。是為至要。琦善到任後。即著會同鍾方安辦。但言語不通。文字不同。祇憑一譯。尤當

加倍留心。勿致歧誤。將此諭令知之。○以光祿寺卿景亮為內閣學士。兼禮部侍郎銜。大理寺卿陳孚恩為都察院左副都御史。通政使司副使羅文俊為詹事府詹事。○塔爾巴哈台領隊大臣朝善。因疾休致。賞伊犁協領希拉布副都統銜。為塔爾巴哈台領隊大臣。○戊午。命委散秩大臣肅順。在乾清門侍衛上行走。○貴州布政使李象鵬。因病解任。以山西按察使羅繞典。為貴州布政使。直隸永

定河道恆春為山西按察使。○己未諭內閣前因麟魁等奏大工墊失埽占。自請治罪。當經降旨將麟魁等分別懲處。仍責令趕緊挽回。以圖後效。本日復據奏稱所需料物近處無可籌買。分投購運。愈遠愈遲。斷非一二月內所能備齊。水勢日增。補築萬難措手。且時方耕作。人夫多已歸農。一時難於招集。請援照儀封等工成案。展緩辦理。所稱種種棘手。自係實在情形。若仍令勉強趨辦。終歸無濟。

著准其將現在壩工暫行緩辦。麟魁、廖鴻荅係特派督辦之員。遷延不力。咎無可辭。前已有旨革職。著將所給七品頂帶一併革去。即行來京聽候諭旨。鍾祥現留河督之任。鄂順安係兼管河務。所有全工事宜。著即會同悉心籌畫。將來興舉大工。即著鍾祥、鄂順安督辦。以專責成。此時惟有嚴飭工員。將兩壩埽占設法保護。遇大汛經臨。尤須竭力防守。庶將來補築尚易為功。至被災處所。居民失業。

朕心憫惻實深。著該撫加意撫綏。務令安輯。現在工次人夫半歸耕種。其無業貧民均著妥籌設法安插。毋令一夫失所。鍾祥、鄂順安於河工修防地方撫輯事宜。均屬責無旁貸。務須實心經理。和衷共濟。不得游移推諉。以重前愆。麟慶、慧成、牛鑑均著留工。即交鍾祥、鄂順安酌量差遣委用。○諭軍機大臣等程喬采奏阻止咪喇堅國使臣進京一摺。據稱咪喇堅國使臣因上次阻止公文未經接到。

於正月初八日駛至九洲灣泊。並欲來天津北河口朝覲。業據該護督反覆開導。各夷均各聽從。已傳知該使臣。尚未回覆。並擬令該使臣在粵聽候。徐圖控制等語。所辦均妥。咪喇堅向來不通朝貢。即駛至天津亦必令其折回。所請商定章程亦必仍交原議。大臣酌定。斷無因其北駛到津另遣大員與之商辦之理。現已諭知耆英。令其馳驛赴粵。該督接奉後自必迅抵粵東。耆英未到以前著程喬

采督同黃恩彤諭知該夷。原議大臣耆英等現已調任兩廣總督。馳驛來粵。即日可到。令其在粵靜候。切勿輕舉妄動為要。所稱番船乘風行駛。旬日可達天津。已諭令訥爾經額相機辦理矣。另片奏。佛喇哂亦有巡船一隻。在九洲拋泊。因其並未請求。未便豫行阻止等情。佛喇哂與咪喇噤事同一律。該夷目如有請求。即著照前諭止。務於婉言開導之中。寓正詞拒絕之意。將此由四百里諭令知之。○

又諭本日據程喬采奏。咪喇噤國使臣。因未接到上次阻止劄文。於正月初八日駛至九洲灣泊。欲來天津朝覲。經該護督反覆開導。令夷目傳知使臣。尚未回覆。並佛喇哂亦有巡船拋泊等語。西洋各國向來不通朝貢。即北駛至津。亦必諭令回粵。所欲商議章程。亦必仍交耆英等酌辦。斷無另遣大臣與議之理。耆英接奉此旨。馳驛前往廣東。會同程喬采妥為辦理。該督抵粵後。務當婉言開導。

據理拒絕。控馭得宜。毋使另生枝節。所有原摺片。及該使臣來文。並照覆公文。均著鈔給閱看。將此由五百里諭令知之。○又諭本日據程喬采奏。咪喇噤國使臣在粵洋九洲灣泊。欲來天津朝覲。現經該護督開導拒絕。令夷目傳知使臣。尚未回覆等語。著訥爾經額飭知天津鎮道等。豫為籌度。如夷船到津。迅即飛報該督。一面飭令該夷聽候總督到時。有何言語。再行酌辦。該國既稱朝覲。切勿開

礮打仗。所需食物淡水。准其購買。但不准一人登岸。所稱商議章程各情。該督到津後。諭以耆英係原議大臣。現調兩廣總督。即日到粵。該國貿易章程。前已議定。飭令即速折回廣東。此處未便更議。其來京朝見一節。諭以天朝撫馭外夷。一切率由舊章。未便代為奏請。務須婉言開導。據理拒絕。萬勿稍有含混。將此諭令知之。○又諭本日據程喬采奏。咪喇噤國使臣巡船。在廣東九洲灣泊。欲來天

津朝覲等語。已由五百里諭知著英。令其馳驛赴粵矣。西洋向來不通朝貢。斷無准令來京之理。惟番舶乘風行駛。行蹤不定。著諭知禧恩。崇恩。壁昌。孫善寶。劉韻珂。劉鴻翔。梁寶常。分飭各海口員弁。如有味喇。堅使。臣船隻停泊。切勿開礮接仗。所需食物淡水。准其購買。但不准夷人登岸。並諭以耆英已抵廣東。令其折回粵洋。聽候辦理。將此由四百里各諭令知之。○庚申。諭內閣。朕此次恭謁

東陵。改於三月初三日。自圓明園啓鑾。初六日。禮成後旋蹕。初九日。由煙郊回圓明園。○修浙江山陰會稽上虞三縣海塘。從巡撫梁寶常請也。○辛酉。諭內閣。前據刑部奏。請覆驗康陳氏屍傷。當經派令賽尚阿。祝慶蕃。會同刑部詳細覆驗。茲據奏稱。覆驗康陳氏屍傷。委係自縊身死。取具原驗各官結稱。眼同覆驗。實係自縊等語。此案康王氏。先在北城坊承認。因姦商同姦夫石文平。謀勒親姑康陳

氏身死。罪名甚重。該犯等何以遽行承認。並康陳氏因何自縊。根由仍著賽尚阿。祝慶蕃。會同刑部悉心研鞫。務得確情。按律定擬具奏。○諭軍機大臣等。昨有旨。改於三月初三日。啓鑾。訥爾經額。前赴馬蘭鎮一帶查道。計此時距京不遠。著諭知該督。再行來京具摺請安。將此諭令知之。○命乾清門侍衛副都統巴雅爾。在御前行走。○壬戌。

上詣綺春園問

皇太后安。○諭軍機大臣等。御史江鴻升奏。河員習尚奢侈。亟宜肅除一摺。兩河每歲搶修。及另案工程。需項浩繁。原為捍禦水災。保衛民生而設。若如所奏。廳員奢侈揮霍。已成風氣。間有二三樸實自好者。共指為不合時宜。試思該員等。豈能自出己資。無非濫行支領。剋減工程。以資糜費。而飽私橐。殊屬可惡。著潘錫恩。鍾祥。各飭所屬。力除積習。如有用度過侈。查明實在劣跡。嚴參懲辦。仍於每歲查



工時嚴密查察。儻有料垛虛鬆。工程剋減。一經查出。立即叅處。無稍姑容。原摺鈔給閱看。將此各諭令知之。尋江南河道總督潘錫恩奏屬員賢否。隨時訪察。如有用度過侈者。即據實叅懲。至料垛親自點驗。工段逐細丈量。務期澆風盡革。料足工堅。得旨勉力振作。又批。此係拔本塞源之道。勿視為泛常。必應覈實。勿受蔽混。河東河道總督鍾祥奏。通飭所屬一體欽遵。務期實用在工。則奢侈私肥之弊。不除而自除。得旨。知之匪艱。行之維艱。言顧行。行顧言。懍之勉之。○癸亥。

孝昭仁皇后忌辰。遣官祭。

景陵。○諭軍機大臣等。耆英奏江蘇善後機宜。首在消弭伏莽。固結民心。操練士卒。江北遣散壯勇。勾結棚民。羣聚為盜。阜寧縣境內有匪徒拒傷把總之案。當經擒獲各犯。燒燬巢穴。又於海州續獲三十餘犯。始行解散。浙江長興縣之白龍山。有匪徒盤踞。出沒於江浙

交界之處。肆行劫奪。又太湖土匪。乘間伺劫。現在分案嚴辦等語。匪徒肆行無忌。總由營伍廢弛。將庸兵惰。操演等於兒戲。何能禦侮。折衝者。英自任兩江總督以來。督飭省標陸路各營將備。挑選弁兵。弓箭務求挽強命中。槍礮務求捷速有準。藤牌務求滾護有法。雜技務求舞擊得勢。現在已漸改觀。其水師則以巡為操。責成各營將備。親督弁兵。無分風雨梭巡。如值兩船相遇。或與鄰境兵船會合。即各逞其能。互相比較。不准將操練巡防。分為二項。亦不准止巡內江。不巡外海。所辦均屬妥協。著壁昌等。即照耆英所定章程。勤加訓練。俾水陸皆成勁旅。以期有備無患。至戰船一項。據奏惟放大船。江海均屬相宜。最為合用。擬就善後案內。酌量造船一百數十隻。就原額三百二十九船之例。價。均勻增給。在江寧蘇州兩處設廠。照市價覈實辦理。不敷銀數。由外捐補等語。著壁昌等。察覈情形。

如能於操防得力。並無窒礙。即行酌覈妥辦。儻成造之員。辦理未能如式。驗收之員。索費拖累均著嚴叅懲處。至沿江礮臺。據稱築以甄石。則工費浩繁。若以土築。又慮風雨剝蝕。不久即為平壤。似宜節省建築之費。移為造船練兵之用。又新設福山鎮。及所屬衙署兵房。應駐劄福山。以守全江門戶。已飭徐州道查文經等會鎮覆勘等情。均著壁昌等體察情形。奏明妥辦。又總兵順保。那用營款一案。

業經訊明屬實。亦著從嚴懲辦。以肅營伍。至上海通商。目前雖甚安靜。但夷人惟利是視。全在收其利柄。不可倒持以授之。著英所見甚屬有識。總之兵練船固。伏莽自消。民心自定。果能眾志成城。自可漸收實效。不至日形渙散。方為妥善。孫善寶到江寧接篆時。諒者英已將應辦機宜。詳細告知。先為籌辦。俟壁昌到任後。仍著會同孫善寶及提督尤渤。分別查辦。並通飭各鎮總兵。不分水陸。認真訓

練。毋稍懈弛。是為至要。將此諭令知之。○調盛京刑部侍郎花沙納為禮部右侍郎。盛京工部侍郎德厚為盛京刑部侍郎。禮部右侍郎博迪蘇為盛京工部侍郎。○賞浙江等省癸卯科鄉試年老諸生鄭世烟等一百三十四名舉人副榜有差。○旌表守正被戕江蘇吳江縣民沈格堂妻陳氏。○甲子遣官祭賢良祠。○以吏部右侍郎侯桐為國史館副總裁官。○乙丑諭內閣。前據祁墳等奏稱廣東

瓊州廉州一帶。近接夷洋嗣後遇有匪徒。請知照越南國員弁一體堵拏等語。當交軍機大臣會同該部議奏。茲據奏稱夷洋交界處所遇有盜賊游奕劫掠。即責成沿海文武員弁認真督緝。盡力捕勦。不得意存觀望。儻偵知竄入夷界。即行檄令擒獲解回。其夷匪逃進內地。亦即拏解該國。自無慮其此拏彼竄。著即照所議辦理。至該前督等請知會越南國一體堵拏。是中國應行緝捕匪犯。借資外

夷兵力。不但無此體制。且沿海兵船。恃有外夷協緝。轉致懈怠軍心。廢弛武備。又安用設立水師將弁為耶。祁項。程喬采所奏實屬冒昧。著交部議處。○丙寅。諭內閣。此次恭謁

東陵。著四阿哥。五阿哥奕諒。六阿哥奕訢。恭代行禮。即於初三日起程前往。初八日回圓明園。著派內務府大臣裕誠。隨同前往。○丁卯。諭內閣。朕每屆謁

陵。於蹕路經過州縣。均經隨時加恩。本年恭謁

東陵。業已先期降旨。現在雖不親行。而沿途地方。業經備辦。所有蹕路應行經過之大興。通州。三河。薊州。遵化。五州縣地方。應徵本年錢糧。仍著加恩蠲免十分之三。○又諭。此次派出隨扈之兵丁。已領馬價銀兩。著加恩免其繳還。以示體恤。○又諭。此次直隸備辦橋道各項。一切應行報銷之款。著仍准其照例開銷。

大清宣宗效天符運立中體正至文聖武智勇仁慈儉勤孝敏成皇帝實錄卷之四百二

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百三

此係舊實錄是日攝起居注官太子太保體仁閣大學士文淵閣學士曹士奎等

天府司事務總辦加五級記敘十八次

七倉大糧庫倉司總辦加六級記敘五十五次

內務府大臣總辦加六級記敘五十五次

醫院總辦加六級記敘五十五次

秋

道光二十四年甲辰三月戊辰朔賞休致副

都統朝善全俸○己巳

上詣綺春園問

皇太后安○遣官祭

先蠶之神○諭內閣前據御史雷以誠奏

天津運使陶士霖在浙江溫處道任內有侵

銷軍帑偷減船價私局病商濫徵勒罰並徇

庇屬縣姑息營衛各款當令王植吳鍾駿會

同該撫據實查叅並續令梁寶常於到任後

會同吳鍾駿秉公查辦茲據梁寶常等逐款

查明具奏該員前因溫郡設防稟領軍需銀

一萬兩事閱一年所用僅千兩餘俱繳還總

局其給發永嘉縣製造軍器銀兩據該縣供

稱先經詳領工價奉駁後即將此項移交後

任解還並無坐扣陋規冒銷軍帑情事其承

修溫屬軍船均係如限完工現尚在洋配緝

查無遊擊催造文移亦無營船遭風案據至

津貼雇船應差相沿已久現確詢該司事等

係地方公舉收發各項道員既不與聞無從

侵用其於羅協和等漏稅罰貨係屬照例並

非濫徵併據該商家屬結稱實無勒令繳銀

之事至守備陳廷貴驗無煙癮亦無懼礙躲

避各情衛守備雲中鯢現以重聽被劾營衛

備弁非道員所屬即無考覈之責無所用其

姑容以上原叅各款據該撫等詳細訊明該

員並無貪縱營私之弊惟瑞安縣報修營房

一案未經勘估遽爾墊修該員奉委覆勘自

應飭駁捐賠乃因修工已竣率請准銷雖無

回護別情。究屬不合。陶士霖著交部議處。○又諭訥爾經額奏參臨差捏病規避之遊擊一摺。直隸提標右營遊擊烏勒喜連經該督奏明。派往科布多接辦防務。即據稟跌傷左腿。提督委員查驗病勢不實。實屬規避。烏勒喜連著即革職以示懲儆。○又諭布彥泰等奏審辦竊馬賊犯一摺。此案哈薩克莫界聽從庫歹私進開齊偷竊馬匹。實屬目無法紀。除庫歹一犯業經正法外。莫界著發遣煙瘴地方。仍照例刺字。輝番卡倫佐領訥松阿失察。哈薩克私進開齊竊馬。本有應得之咎。惟能隨同訪獲正賊原贓。功過尚足相抵。訥松阿著免其議處。○諭軍機大臣等。麟魁等奏體察新工情形一摺。據奏黃河挾淤夾沙勢甚雄猛。豫省又俗名坡河。伏秋盛漲。非二百丈口門不能容納。現在口門僅寬三十餘丈。恐致下壅上潰。且引河頭之攔黃壩亦慮刷塌受淤等語。著鍾祥鄂順安即將挑水壩擇

要加培保護。西壩埽占其東壩出水埽面。准其暫行拆除。展寬口門。仍擇可用料物作為加鑲之用。其攔黃壩即著竭力保守。無使引河淤墊。以致挑挖過費。該河督等務須隨時相機設法補救。俾將來興辦堵合費省工速。以贖前愆。將此諭令知之。○予故湖南提督長春祭葬如例。○庚午諭內閣。此次派出隨扈之兵役已領減馬賞並車價路費銀兩均著加恩免其繳還。其察哈爾上駟院太僕寺送馬駝各官兵來往盤費俱准其照例開銷。○諭軍機大臣等。據德興奏河北番賊偷渡分搶。當飭青海盟長派兵追捕行至烏兔一帶。遇賊十一人打仗殺死五名。拏獲六名。又於色爾開地方槍斃番賊二名。割獲首級二顆。據擒獲番賊供有千戶完的他爾所獲首級認係滅什卡族賊首噶布藏等語。上年富呢揚阿等督兵勒辦。聲明河北近邊肅清。河南番賊畏法獻賊將官兵陸續撤回。並留西

河兩鎮官兵一千名稽查餘匪何以此次復有番賊偷渡分搶之事著富呢揚阿確切查明據實具奏將此諭令知之○以直隸宣化鎮總兵官石生玉為湖南提督貴州銅仁協副將春福為宣化鎮總兵官○以擒捕甘肅河北番賊青海郡王車凌端多布等下部議敘賞左翼副盟長貝勒羅布藏濟木巴雙眼花翎台吉巴木巴勒達什隆都布喇木棍策勒格扎勒圖薩拉克齊納卷噶布藏章京格

窩花翎○修浙江仁和海寧二州縣海塘從巡撫梁寶常請也○辛未諭內閣本日敬徵等奏查明綺春園內圍幙被竊又據賽尚阿等奏撲木那動情形均請查拏究辦等語圍庭禁地自應嚴密稽察乃賊匪竟敢越牆偷竊該值班官兵漫無覺察所司何事是日值宿之散秩大臣慶英並未具奏著交部議處此案竊賊著內務府步軍統領派員嚴密訪拏務獲究辦其餘失察之各官員兵丁俟定

案時再降諭旨尋刑部奏步軍統領衙門拏獲綺春園水輪子幫工王老兒送部訊係用撞木蹬牆進內行竊擬發廣東極邊煙瘴充軍從之○以工部尚書陳官俊為會試正考官都察院左都御史文慶工部左侍郎徐士芬為副考官○以江蘇軍需報銷完竣予道庫大使陳淦等升補有差○旌表守正被戕四川眉州民呂文金妻黃氏○禮部議准江西巡撫吳文鎔疏報採訪吉水縣貞節婦女

王羅氏等九十一口江蘇巡撫孫善寶疏報溧水縣張氏等二百七十三口各請建總坊旌表從之○壬申諭內閣耆英現已調任兩廣總督各省通商善後事宜均交該督辦理著仍頒給欽差大臣關防遇有辦理各省海口通商文移事件均著准其鈐用○又諭吳文鎔奏棍徒聚眾抗漕拒捕傷官等語江西安仁縣棍徒高嫩伙等膽敢於該縣開倉收漕時倚眾滋擾該府營前往拏辦輒擲石拒

傷官員兵役實屬目無法紀現在拒捕之犯。雖經陸續報獲該縣漕糧亦已照數完納惟案關重大必應嚴行懲辦著該撫親提犯證徹究確情按律懲治其在逃各犯並著迅速查拏毋使一名漏網該縣知縣林漢喬著即撤任查明如係辦理不善即行據實叅辦無許稍有掩飾尋奏高嫩仗起意包漕漁利糾黨赴倉滋鬧照例擬軍餘俱問擬如律知縣林漢喬尚無辦理不善之處而才欠開展人

地未宜請留省另補下部議從之○諭軍機大臣等前因程喬采奏咪喇噎使臣籲請進京當經降旨令耆英兼程赴粵妥辦矣茲復據程喬采奏該夷使臣呈遞回文仍欲進京並稱專為和好條約二事而來因不遇欽差大臣大失所望現仍行知該使臣在粵靜候諭旨勿得輕有舉動各等語耆英接奉前次諭旨諒已起程赴粵今將程喬采原奏及咪喇噎使臣籲喊來文一併寄閱該督接奉後

著先行發給檄諭告以現在海疆事宜該督奉旨一手經理並頒給欽差大臣關防專辦夷務該使臣惟當在粵靜候即或進京亦必仍令折回廣東有何下情應須上達之處亦仍由本大臣具奏如此剴切曉諭庶該使臣不至固執前說耆英著即兼程行走粵後儘該國呈遞書信提及朝覲一節即告以中國自有定制向例所無不能增加如有要求著一面拒絕諭以礙難入奏一面仍密封奏

聞此事係該督一手經辦務當籌畫盡善將此由五百里諭令知之○又諭據程喬采奏咪喇噎呈遞回文仍復籲請進京並願由內河行走等語咪喇噎請進京朝覲前經降旨令程喬采督同黃恩彤曉諭阻止並令耆英兼程赴粵妥為辦理茲該國使臣仍復籲請進京著該撫再行曉諭以該國所議條約欲與欽差大臣商酌現在耆英已調補兩廣總督並仍頒給欽差大臣關防專辦夷務即日

來粵爾等在粵靜候正可與之商酌僕必欲至天津北河口該處並無欽差大臣亦不能商議條約大皇帝必須降旨令爾等仍行折回廣東與耆英商辦爾等豈不徒勞跋涉耶該撫接奉此旨即飭黃恩彤明白開導諭以天朝撫馭外夷凡向無朝覲之各夷俱不准其懇請此次無論由外海由內河皆不得准其進京惟有令其在粵守候欽差大臣不准別生枝節將此由五百里諭令知之○命直

隸大名鎮總兵官岳興阿來京陛見○癸酉以怡親王載垣署鑲藍旗漢軍都統○以禮部尚書特登額兼署都察院左都御史兵部左侍郎朱嶸署管理三庫大臣○甲戌諭內閣前據斌良等奏籌議調劑雙城堡移駐京旗一摺當交該部會同各該旗妥議具奏茲據將籌議章程分晰覈議該處大封堆外圈存荒地該侍郎等請撥三萬晌令附近納丁陳民來春開種惟念此項地畝雇民代墾或

私行租佃將來必至悉為流民所據移駐旗人轉至無地可耕現在該處附近納丁陳民有無外省流民錯雜其間應如何設法布置之處亦未據切實陳明著經額布悉心訪察再行妥議勿使膏腴沃壤任民佃稍有侵欺尤不可敷衍一時致京旗仍虞貧窘所有抽撥甲兵添設義學及一切未盡事宜著俟奏到時另行覈議尋奏酌擬章程十六條下部議尋議歸併八條一近屯荒地八千餘晌准

給三屯屯丁及官兵子弟領種每晌交京錢五百文每年共收京錢四千三百餘串為賞給工本農具之用一未種之地令屯丁認佃代種一到屯京旗無論貧富一律調劑分三月十月分給五年停止一起租開種年分與原奏不符令查明登覆一大封堆外除本處陳民均有房屋外其拉林阿勒楚喀陳民有至彼墾地者令自蓋窩棚棲止一調劑京旗准於八里荒租錢撥給無需另議籌款一准



於阿勒楚喀等處伐木額兵內抽撥四十缺歸雙城堡中屯挑選以資調劑。一滿漢義學照舊添設從之。○諭軍機大臣等據潘錫恩奏黃流未復故道急籌濟運並宣洩湖水一摺本年豫省大工合龍尚需時日上游日報長水匯流入湖必應相機宣洩而糧艘陸續北上運道尤宜豫籌該河督請將外南廳屬之順清河啓放導引湖水入河歸海軍船抵壩即由該處放渡並於外南北河身內舊築

攔黃壩處築鉗口土壩一道以資擊蓄均著照議辦理仍著該河督隨時飭屬加意備防於高家堰工程保護平穩而漕船亦得暢行無誤可以剋日抵通是為至要其甘泉汛兩岸及普賢墩越河西岸增培緯隄亦著照擬起辦本日又據戶部奏高堰工程喫重請將現在議撥豫防大汛工需銀一百萬兩內酌量提用保護等語著潘錫恩豫為籌計相機妥辦將此諭令知之。○又諭孟保等奏呈遞

廓爾喀國王謝恩表文並擬呈繳諭稿底覽奏均悉該國王於表文內添敘苦情懇求憐憫向無此體其噶箕薩爾達爾此時尚未回國亦非天朝應管之事已將所擬諭稿明白改正著該大臣等即照所改諭知該國王曉以大義杜其貪心但當恪遵體制不得於例外稍有干求是為至要檄諭稿發還將此諭令知之。○以兵部尚書許乃普兼署工部尚書以詹事府詹事羅文俊充日講起居注

官乙亥遣官祭

先農之神。○諭軍機大臣等劉韻珂等奏籌辦廈門通商事宜一摺所議夷船按照銷數輸稅已據耆英咨覆將已經報驗起卸之貨按則徵輸未驗未卸者免其納稅並查照江省章程開單呈覽即飭該道等秉公覈實辦理其住處一節既將空房給令賃住該夷復欲在鼓浪嶼棲止亦經咨商耆英覆絕嚴拒現在該夷另派夷目李太郭到閩接替聞須

三四月間方能到廈。藩司徐繼畬著即回省任事。仍著該督等隨時體察。俟李太郭到後。飭令該道等將住居鼓浪嶼一節。堅持原約。向其峻拒。該夷如已帖服。即行飭令妥辦。儻仍事瀆請。一面咨商耆英。再向曠首申諭。一面仍飭徐繼畬馳往廈門。相機經理。另片奏茶稅情形。已分咨江西浙江江蘇等省。於茶商可以往來繞越各處。分別設卡巡查等語。著隨時體察。斟酌辦理。至內地奸民勾結走

私。尤須嚴行懲創。現經該藩司查有何厝鄉卓崎深塢等處。開設私行。置造船隻之事。已將店船拆毀。並著上緊查拏。嚴行懲治。不得以事尚未成。稍加寬縱。至稅課向歸福州將軍經徵。而走私漏稅之犯。應由地方官嚴拏懲辦。嗣後廈門一帶地方。責成該管道府督飭所屬。會同委徵稅課之員。認真巡查。如委員及丁役人等。需索賣放。隨時稟請叅究。未經入口之先。外洋走漏。即令巡洋舟師一體

查拏解究。另摺奏撫卹鼓浪嶼難民。准其督飭該道查明戶口。及極貧次貧等差。妥協辦理。仍將如何撫卹之處。專摺具奏。所奏浙洋通市情形。著劉韻珂轉飭已革道員鹿澤長。會同陳之驥。李汝霖實心經畫。毋留罅隙。為要。將此諭令知之。○江寧將軍德珠布。以年老休致。賞給全俸。○丙子

上詣綺春園問

皇太后安。○諭內閣兵部奏各省武職應行引

見人員。請飭催赴部等語。直省應行引見武職各員。現積至一百三十二員之多。殊屬延玩。著各督撫查明奏定章程。即飭各該員依限領咨赴部。如無故遲逾。即行叅處。至該員等升任後。經該督撫奏明暫緩給咨。先給署劄者。現亦積至七十六員。著該督撫一併查明。各該員如經手事竣。即行給咨赴部引見。以符定制。○盛京工部侍郎博迪。蘇因病解任。以盛京兵部侍郎倭什訥署盛京工部侍郎

郎○丁丑旌表守正被戕直隸寶坻縣民唐  
鈺女胖兒○戊寅

孝賢純皇后忌辰遣官祭

裕陵○禮部議准山東巡撫梁寶常疏報採訪  
掖縣貞節婦女毛韓氏等五百九十六口安  
徽巡撫程楸采疏報潛山縣張黃氏等一千  
三十七口各請建總坊旌表從之○己卯

上詣

安佑宮行禮○諭內閣前據給事中孫起瑞奏

上年湖州八幫在清江浦有聚眾持械武弁  
被傷之事當經降旨著李湘棻查明具奏茲  
據奏稱密飭地方官確查並無其事且清江  
浦距該漕督駐劄地方祇三十餘里又為河  
督駐劄之所李湘棻既無所聞復據咨詢潘  
錫恩亦覆稱並無此案該給事中所奏著無  
庸議惟糧船水手人數眾多約束不嚴易於  
滋事著照該漕督所議責成各糧道於幫船  
未開以前會同地方文武在水次搜查不准

攜帶違禁器械俟過淮時再由該漕督派委  
將弁逐船嚴密搜查如將來沿途水手有持  
械滋事之案即將在次在淮搜查各員一併  
叅處並嚴飭總運及各幫弁於糧船停泊時  
按照舊章實力稽查所雇短絛亦給腰牌以  
示辨別並著直隸山東江南沿途各督撫嚴  
飭所屬認真查察有犯必懲以儆兇頑毋稍  
寬縱○庚辰諭內閣李湘棻奏查拏匪犯現  
在審辦等語江蘇省河北一帶毗連齊豫捻  
匪鹽梟每相勾結地方營汛規避處分諱匿  
延擱以致盜風日熾竟有持械拒捕重情若  
不嚴加懲創必致釀成巨案此次拏獲盜犯  
李佩章李春洪等業經知會該督並會同河  
督親提研訊其供出著名要犯孫克順王開  
文等仍著嚴拏務獲淨絕根株河北地連三  
省並著江蘇山東河南各督撫嚴飭接壤營  
縣但有匪徒入境不分畛域立即捕拏懲治  
毋任漏網以安行旅而儆兇頑○以太僕寺

卿邢福山為大理寺卿○辛巳諭內閣梁寶常奏編查棚民緝拏匪類一摺浙江湖州府屬之白龍山濱臨太湖匪徒出沒劫掠實為地方之害經該撫委員會營拏獲匪犯蔡錫斗等八名又續獲胡阿二等二十餘名庇匪地保莫姓一名該處界連三省地方遼闊奸徒勾結滋擾必不止有此數著將現獲各犯嚴行懲治根究首夥並飭屬認真捺拏務期悉數弋獲毋使一名漏網斷不准因現已獲

犯二十餘名苟且塞責將就了結至有棚各州縣仍著隨時編查嚴密訪緝俾奸匪無從遁跡以安良善而消萌孽尋奏續獲武康等四十六名所有匪徒已獲十之八九現在委員履勘編查保甲得旨認真查緝務期淨絕根株○諭軍機大臣等梁寶常奏杭州省城火藥局忽被雷轟火藥房屋轟失無存防兵陳世忠等三人被壓受傷此外並無延燒等語該局存貯火藥二萬餘斤之多猝被雷轟

其火焰必然猛烈何以並未延燒已難憑信且既稱旁有兵丁守宿房三間均被轟去無存何以被壓受傷之兵轉在毗連之硝磺局內可見守宿房內並無兵丁看守其被轟火藥難保非所貯本不足數恐被查出因而捏報雷轟莫無憑據其中情節種種可疑該撫所勘顯有不實不盡著再行確切查明據實具奏毋得稍有諱飾將此諭令知之○展緩浙江定海廳甫經復業歉收民戶新舊額賦

○壬午諭內閣成剛等奏請飭催途次銅鉛船隻等語實泉局現在存庫銅斤祇數一年之用必須嚴催在途各運迅速抵京俾資接濟所有滇員均未據各督撫咨報行抵何處並入境出境日期銅鉛為鼓鑄攸關斷不容遲延貽誤著沿途各督撫迅派幹員會同地方文武員弁迎提催趲總期全數迅抵清江仍責成漕運河道各總督將銅鉛船隻跟隨首進糧船相機插檔行走並著雲貴四川各

督撫嚴飭兌交開行。毋令耽延貽誤。該運員等藉詞延宕。承催督催各員。並不實力催趲。即著各督撫指名嚴叅。○諭軍機大臣等。本日甄門御史等奏。場內書吏任意索取物件一摺。據稱初六日有縣書宋姓在貢院門內向外索筆。初八日有筆鋪人在甄門向該御史等求寬免解筆。聲稱向來鄉會試應用筆八千枝。此次已交七千二百枝。尚短交八百枝。而場內仍派令再交三千枝。實浮索筆

二千二百枝。並據該御史等查明是日取筆票單並未鈐用提調關防。與定例不符等語。場內供給支用。自應確有定數。此項應用之筆。向例究竟應取若干枝。該縣書吏有無例外多索。著即將縣書宋姓拏交順天府查訊。至此次場內票傳筆枝何以不由提調鈐用關防。徑由供給所官濫行發票。著舒興阿等確切查明。據實具奏。原摺著鈔給閱看。將此諭令知之。尋奏查訊筆鋪王學政大興縣禮

書宋需之。供稱會試例用筆一萬一千三百八十枝。向係大宛兩縣發價採辦一萬枝。餘歸縣書領價備辦。其一萬枝係由筆鋪徑交禮部提調官驗收分用。餘則由縣書散給各處分用。此次筆鋪短交筆三千枝。至初六日縣書稟經供給所出票催取筆鋪因趕辦不及。情恐誤差。捏稱向交八千枝以求解免。縣書無例外多索情事。應毋庸議。從之。○以詹事府少詹事瑞常為光祿寺卿。○癸未

上詣綺春園問

皇太后安。○諭內閣。稽恩等奏收捐粟米一摺。此次奉天監生陳惟模等共捐交粟米五千一百三十餘石。著直隸總督即歸入年例運通米豆案內。飭屬加雇船隻。迅速前赴錦州海口裝載。由該將軍等飭令運通委員押帶起運。○甲申。諭內閣。孟保等奏聞哲布尊丹巴呼圖克圖之呼畢勒罕出世。經駐藏大臣等會同達賴喇嘛。班禪額爾德尼。噶勒丹錫

呼圖薩瑪第巴克什帶領喇嘛等取喇經。由金奔巴瓶內掣出番民綏那瑪之子聶爾阿定為呼畢勒罕。命名羅布桑巴勒墊丹拜佳。木榮等語。洵屬祥瑞之事。朕心深為暢悅。著加恩賞給該呼畢勒罕黃哈達一方。佛一尊。大緞四匹。並賞給班禪額爾德尼黃哈達一方。大緞四匹。至所奏留銀一千兩。給喀爾喀四部落之綽爾濟羅布桑巴勒丹等及呼畢勒罕之父母作為口糧。並請將扎薩克圖汗

愛曼諾們汗伊什當津等。留藏奉侍呼畢勒罕。及達喇嘛羅布桑楚勒特木。由北路草地行走。齋桑喇嘛羅布桑吉木畢勒等。仍由南路行走。進邊之處。均著依議。○又諭。上年中牟漫口。特派麟魁。廖鴻荃。會同鍾祥。鄂順安。督率道將廳營辦理大工。宜如何激發天良。妥籌速辦。於春水未旺以前。趕緊堵築。乃毫無把握。臨事遷延。將次合龍之際。被風蟄失五占。以致水勢日增。挽回無術。現在壩工暫

行緩辦。上年被淹各處。一時未能涸復。居民失所。殊堪憫惻。將來續舉大工。勢必多糜帑項。辦理不善。咎無可辭。應如何分別罰賠之處。著工部查議具奏。○乙酉。

上詣

安佑宮行禮。○諭內閣。祿普等奏審擬喇嘛凌保控告達喇嘛等侵蝕官項等情一摺。此案卓哩克圖將凌保鎖拏嚴押。致滋苦累。該副都統成凱於此等事件。何至毫無見聞。著交

部議處。○諭軍機大臣等。本日刑部奏審擬湖北已革廩生易之瑤私越外域一案。詳覈案情。該革生於二十二年正月行抵越南。先後致書彼國府尹巡撫。次年六月始行回粵。歷時一年有餘。投遞呈詞。至八紙之多。若謂無交通外夷情事。殊難憑信。且民人無票私出口外者。不過為謀食起見。易之瑤私行潛往。關說重情。迥非出口謀食可比。何以刑部既訊有投遞呈詞之供。率以不領口票問擬。

前後殊相矛盾著該部堂官再行詳細推鞠另行妥議具奏將此諭令知之尋奏訊明易之瑤因守候回粵遞呈八紙委無勾結夷人情弊擬照交通外境減等杖一百流三千里從之○又諭都察院奏四川榮昌縣民人葉泳喜遣姪葉大興具控該縣誣姦斃命禁卒索詐多贓一案已明降諭旨交該督督同臬司提訊矣此案所控如果屬實關繫地方官非刑斃命捏傷誣姦丁役詐贓沈寃莫雪不可不嚴加根究該督即督同臬司將全案各

情虛衷研鞠究竟史氏是否被燒身死抑係勒斃後燒屍葉泳壽是否中暑抑係非刑殞命確切訊明務成信讞如必須覆驗方得確情著即令該原告眼同細加檢驗不得任聽該委員等捏詞諱飾亦不得回護前案倘庇屬員稍有不實不盡將此諭知寶興並傳諭潘鐸知之尋奏查葉泳喜出繼與胞伯為子與本生胞兄降服大功比律科斷與葉黃氏

均擬絞候檢明葉泳壽屍骨並無傷痕該縣王九牧尚無擅用非刑情事下部議尋議例載功服以下尊長圖姦謀殺卑幼照平人問擬斬候誠以淫兇亂倫無復恩義可言不得仍以服制論今葉泳喜因與兄妻通姦復致死其媳雖與圖姦謀殺卑幼不同而恩義同一斷絕應照凡人謀殺人造意律改擬斬監候葉黃氏仍照原擬絞候該縣王九牧因葉泳壽頂撞咆哮將其掌責係例所不禁尚無

不合惟於稟府提訊時誤將葉泳壽擬絞雖經訪實檢舉仍應附奏聽候部議從之○調四川松潘鎮總兵官托明阿為重慶鎮總兵官重慶鎮總兵官萬福為松潘鎮總兵官○丙戌諭軍機大臣等鍾祥等奏籌畫全工事宜一摺現在壩工拆展埽占務須審度溜勢趨向勿失機宜引河頭新築攔黃壩現需加高培厚外鑲防風著即督飭員弁分赴各壩住守保護仍責成該管道廳實力修防並著

鍾祥等不時查察。僅因灌受於惟該河督等是問。至本年伏秋大汛。北岸之黃沁衛糧南岸之上南中河四廳。係當溜勢頂衝。務須加意修防。若再有疏虞。鍾祥等自問當得何罪。所有被災失業居民。務當妥為撫綏。毋使轉於溝壑。甚至流為盜賊。憫惻之餘。尤深廬念。現在上游四廳。應行幫培卑薄長隄土工。即可以工代賑。俾無失所。鍾祥鄂順安仰體朕意。妥為辦理。該河督等均係戴罪在工。務須

竭力補救。於一切修防撫輯事宜。斷不准游移推諉。以重前愆。將此諭令知之。○河東河道總督鍾祥奏會籌全工事宜得旨。一夫失所。辜在朕躬。爾等善為之。○禮部以宗室會試中額請得旨。取中二名。○補行道光二十二年軍政江蘇卓異官七員。浮躁官一員。才力不及官二員。年老官二員。安徽卓異官一員。江西卓異官二員。年老官一員。有疾官一員。分別議敘處分如例。○丁亥諭內閣。鍾祥

奏覆勘上游四廳卑薄隄工。擇要估修一摺。上年中河漫口以後。上游四廳長隄均形卑薄。該河督親往覆勘。將隄堰壩工。擇要興修。統共估需例津二價銀二十八萬三千七百九十餘兩。著准其由豫省藩庫動撥交開歸河北二道轉發各廳。派員興修。責成該道等。監催督辦。勒限大汛前完竣。仍著該河督親往驗收。如有草率偷減。即將承辦工員指名。嚴叅押令。翻築。毋得稍事姑容。又另片奏稱

前往下游各廳盤庫驗料。順道前赴濟城一帶。勘查運河工程。該河督查勘完竣。務於未入伏汛之前。即行回豫。到工督防。此係緊要之事。必應加慎。加勉。鍾祥身任河督。責無旁貸。斷不准稍存玩泄。貽誤要工。懷之福建海壇鎮總兵官楊登俊。奏報出洋巡緝得旨。若仍前怠玩。則喪盡天良矣。○戊子諭軍機大臣等。據劉韻珂等奏。臺灣匪徒聚眾謀逆。經該鎮道等督兵勦捕。拏獲首逆各犯。大概



情形一摺臺灣嘉義縣巨匪洪協等糾眾暨旗謀逆並有已革武生郭崇高合夥起事所糾匪黨約共二千餘人經該鎮道等督同各員弁帶兵勦捕接戰六次殺斃賊匪一千餘名將首逆洪協及股首林孕等先後拏獲又嘉義縣匪徒李安等糾匪滋事經營縣往拏擒獲多名辦理尚屬妥速所有已獲各犯著飭該鎮道訊取確供即在臺灣地方分別正法以昭炯戒其在逃之股首郭崇高劉取葉

周余朝仍著上緊嚴拏務獲懲辦毋任一名漏網至此案郭崇高之謀逆雖據稟因詎收民錢代為完糧賤買壞穀上倉經該縣查拏所致而洪協等又因何事遽起逆謀且何以能糾眾二千餘人之多著該督等轉飭該鎮道向已獲各犯嚴訊實情徹底究辦其此次隨同勦捕之員弁兵丁何人尤為出力何人擒獲要犯及嘉義縣匪徒李安是否就獲均著飭令確查具奏再降諭旨將此諭令知之

○又諭據劉韻珂等奏匪徒拒捕戕官現已拏獲要犯一摺泉州府馬港廳之陳頭鄉為著名盜區經護遊擊事千總吳金魁帶兵往拏該匪陳扭等膽敢逞兇拒捕用槍轟傷吳金魁殞命現在雖將首犯拏獲要犯陳得意尚未就擒著劉韻珂等會同該提督嚴飭該管道將督率員弁不分水陸四面兜擒務將陳扭案內餘犯及各鄉劫掠匪徒悉數擒拏淨盡毋使一名漏網拏獲各犯即由興泉永

道督同泉州府等迅速審明歷犯惡跡及拒捕戕官確情按律定擬並將情重各犯即於犯事地方先行處決梟示俾昭儆惕吳金魁屢著勞績此次挺身捕匪致被拒斃殊堪憫惜著於定案時聲請優卹其擒獲陳扭等要犯各員弁亦著查明具奏至陳頭鄉各等處素為盜藪且風俗犷悍此後應如何整頓防緝之處著會同詳悉妥議具奏將此諭令知之尋奏酌擬四條一選立族正族副以資約

束○出洋船隻編列船甲嚴禁偷渡一緝捕  
宜水陸交嚴一紳衿獲盜准予優敘下部議  
從之○旌表守正被戕貴州松桃廳民石章  
保妻隴帕七山東沂水縣民張淋妻王氏守  
正捐軀山東滋陽縣民婦錢董氏女文姐○  
己丑

上奉

皇太后幸慎德堂進膳○禮部以會試中額請  
得旨滿洲取中六名蒙古取中二名漢軍取

中五名直隸取中二十二名奉天取中二名  
山東取中二十三名山西取中十一名河南  
取中十一名陝甘取中十名江蘇取中二十  
名安徽取中九名浙江取中二十二名江西  
取中十九名湖北取中八名湖南取中七名  
福建取中十名臺灣取中一名廣東取中十  
一名廣西取中七名四川取中八名雲南取  
中八名貴州取中七名○庚寅

上詣綺春園問

皇太后安○辛卯諭內閣前因河南省城被水  
該撫等率屬倡捐將城隍善後各工一律辦  
竣當經降旨將巡撫鄂順安臬司張祥河交  
部從優議敘茲據吏部各議以加一級紀錄  
三次具題自係照例辦理惟該省城垣被水  
塌陷護隄亦復衝缺以及貢院城壕廟宇校  
場各工工程甚鉅經該撫等董率地方紳民  
捐資修復歷時甚久妥協藏功該撫等始終  
其事非尋常督辦出力者可比鄂順安張祥

河均著加恩各給予隨帶加二級以示優獎  
○又諭劉韻珂奏請將水師各員暫緩引見  
等語前據兵部奏各省武職奏明暫緩引見  
者積有多員當即降旨飭催茲據該督奏稱  
閩省水陸武職前因軍務差遣暫緩給咨者  
人數眾多業經分作兩班將列入第一班人  
員陸續給咨赴部其第二班及續經升擢之  
水師各員現在均居要缺轉瞬南風司令正  
當海洋緝捕喫緊之時未便遽易生手著照

所請所有閩省應行引見之水師各員准其俟本年冬令再行給咨赴部。浙省情形既與閩省相同亦著一律辦理。○諭軍機大臣等前據劉韻珂等由驛馳奏泉州府馬港廳屬之陳頭鄉匪徒拒捕戕官現將首犯陳扭拏獲當有旨諭知該督等會同提督督率員弁不分水陸兜擒務獲本日據劉韻珂奏到提督寶振彪探明各匪蹤跡兩次親統舟師分往搜捕該匪等四散逃竄僅將盜船焚燬等

語匪徒出洋行劫全恃船隻此次焚燬八十餘隻業已失所憑依惟匪黨先期逃散必須設法查拏免致日久復行糾聚為匪前據奏報拏獲陳扭陳養等多名尚有陳得意等未獲現在購線追捕並山後鄉兇要各犯亦令一體嚴拏期於全數弋獲等情仍著劉韻珂會同寶振彪遵奉前旨將陳扭案內餘犯及各鄉劫掠匪徒悉數搜拏淨盡毋任一名漏網總以盡絕根株肅清淵藪為要將此諭令

知之○以禮部尚書特登額管國子監事都察院左都御史文慶管上駟院事○壬辰以故車臣汗扎薩克鎮國公索諾木達爾濟雅弟額爾德尼托克塔噶勒襲爵○補行道光二十二年軍政廣東卓異官二員罷輟官二員有疾官一員分別議敘處分如例○貸直隸張家口駐防官兵俸餉銀修理房屋○癸巳諭內閣前據禮部奏欽天監知照月食遲延不及行知各省當經降旨令該衙門查明

覆奏茲據奏稱京師不見月食向不推及各省從前曾有外省見帶食者並未題奏此次因專派科官測算既經推出是以奏請通行等語月食推算該衙門既有定例自應照舊辦理若因推出各省帶食分數例當救護即應及早具奏以便咨行乃此次奏明咨部距救護日期在一月之內以致不及通行實屬遲誤欽天監堂官均著交部議處所請將時憲科科官交議之處著毋庸議○又諭程高

采奏請將玩視讞獄之知縣典史失於稽查之知府分別革職嚴議一摺廣東前叅摘頂之曲江縣知縣劉漢章於事主被劫案件並不據實勘報且拏獲夥盜稱為首犯經該管道劉最昌訊出假冒猶復飾詞強辯其於疊劫重案犯證又多拖斃難保無所獲並非正犯有心致死滅口典史劉樞瘦斃要犯多名亦非尋常疏忽可比劉漢章劉樞均著先行革職交該撫提同全案犯證嚴審確情分別

究辦韶州府知府周壽齡前於該屬知縣濫刑斃命未能先事確查且於盜匪晝劫抗官並該縣劉漢章等玩視讞獄漫不經心實屬疏於查察周壽齡著交部嚴加議處○諭軍機大臣等本日都察院奏湖北民人魏信道呈控知縣刑斃父命丁役索賄一案已明降諭旨交裕泰親提嚴訊矣據供伊父魏圖圭被戴幅二等誣告毆斃戴桂道該縣不察虛實帶領兵役多名持械圍抄焚燬祠屋追戴

桂道被扭到案又復換抽案卷誣以窩竊非刑責打至一千二百之多當時殞命差役盧啓貴門丁徐二等指稱該縣勒索贓錢等情案關知縣非刑斃命丁役指官索賄必應徹底根究著裕泰提集人證將所控各情逐層研鞫如該縣實有貪酷情事即行據實叅辦百姓之刁風固不可長官吏之貪酷尤當嚴辦方不愧斯民父母也將此諭令知之○以故貝勒綿譽子奕格降襲貝子○禮部左侍

郎馮芝因病解任轉禮部右侍郎周祖培為左侍郎以內閣學士吳鍾駿為禮部右侍郎仍留浙江學政任○以直隸大名鎮總兵官岳興阿為江寧將軍直隸大沽協副將羅應龍為大名鎮總兵官○予故福建水師提督陳階平祭葬如例○甲午諭內閣此次麟魁等督辦中牟大工未能堵合其應行罰賠銀兩著麟魁廖鴻荃各賠一成鍾祥分賠二成鄂順安分賠一成承辦壩埽之廳營等共分

賠五成所有工段銀數著該河督等迅即查明奏報○乙未諭軍機大臣等據寶興奏提督齊慎因病出缺已明降諭旨加恩賜卹矣提督統轄全省營務責任綦重因思建昌鎮總兵張必祿曾任該省提督近來辦事精神能否照舊現調重慶鎮總兵托明阿該督稱其曉暢營務訓練嚴明該二員孰勝四川提督之任著該督詳加查看據實具奏此外各省總兵中該督如有真知灼見堪勝提督之任者並著秉公覈實具奏將此諭令知之○湖廣總督裕泰奏報回任得旨外任愈久愈當慎勉始終如一一人之所難懷之○贈故四川提督齊慎太子太保予祭葬謚勇毅○丙申

上詣綺春園問

皇太后安○諭內閣已革吏目曹文元於配所偷竊虛應翔路照潛逃回京被獲經刑部訊明該犯在配在途並無不法別案仍照例擬

發新疆惟該犯所供不足憑信著嚴加鎖鑰解交陝甘總督查案確訊倘有別項重情另行審擬如無別故即解交烏魯木齊都統照例枷責嚴加管束毋任復逃○以故阿拉善額魯特扎薩克親王囊都布蘇隴子貢桑卓爾默特襲爵○以病痊都統惠吉為漕運總督○貸山西廣靈陵川平定靜樂霍孝義渾源陽高遼大寧和林格爾十一廳州縣歉收貧民倉穀緩右玉平魯保德隰寧鄉寧遠陽

曲霍靈石垣曲臨汾十一廳州縣買補動缺

倉穀

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百三

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百四

監件職官總日提赴居注官太子太保體仁閣大學士文淵閣領閣事管理戶部事務上書處總辦傅翰林院掌院學士兼掌

天府府事格隨事加五級記銀十八次臣實積進職官經選議官吏部尚書領藍旗漢軍都統管理新營居城內官房大臣稽察內

七倉大臣指聚會四輝館事務加一戰隨帶加六戰軍功加三戰能錄五次花沙納經近講官文所聞提舉閣事兵部尚書等

內務府大臣領白旗通洲都統恆祿內七倉大臣管理宗人府銀庫左翼副官學  
堂嘉賓司明開寺戒律提督御茶膳房御膳房太

醫士造城皮事係隨帶加十八級。阿奎阿刺總城官經提攝官兵部尚書隨帶加六級紀錄二十次。周祖培等奉

敕修

道光二十四年甲辰夏四月丁酉朔享

太廟遣禮親王全齡恭代行禮。

上詣

時應宮。

昭顯廟拈香。○還宮。○諭軍機大臣等。前因回疆所用當五當十錢文。行依便利。降旨令富呢揚阿等體察陝西甘肅情形。敬照鑄行。茲據該督奏稱。普爾錢一項。惟南路八城通行。北至吐魯番。東至哈密。即不能行。其吐魯番所產棉花。亦不能以普爾錢收買。民間不

能施行。在官即難搭放等語。回疆普爾錢文。藉可疏通圓法。惟欲自外而內。必須漸推漸近。著布彥泰達洪阿體察南北兩路各城情形。能否一律行使。確加訪覈。據實具奏。將此諭令知之。尋奏普爾錢係淨紅銅鑄造。倣鑄反增工費。其帶至東北各城。每箇只作一文之用。不能當五當十。批。候旨行。○以常雩祀天於

圓丘。自是日始齋戒三日。○戊戌。以司經局洗

馬德齡充日講起居注官。右春坊右庶子朱鳳標署日講起居注官。○旌表守正捐軀廣西靈川縣民蘇友秀妻蘇氏。民婦朱李氏女細妹。○己亥。

上詣

南郊齋宮齋宿。○諭軍機大臣等。羅士芬奏滇省盜風日熾。請飭查辦一摺。據稱雲南近年捕務廢弛。盜風漸起。以廣南府永昌府騰越廳及開化府屬之文山縣。臨安府屬之蒙自

縣。阿迷州。建水縣。嶧峨縣。廣西州屬之師宗縣。邱北縣。為最甚。若如所奏。大為邊疆之害。不可不早為整頓。其應如何設法安輯稽查之處。著桂良。吳其濬。悉心體察地方情形。妥議章程具奏。將此諭令知之。尋奏查明地方情形。安輯稽查。應仍照滇省舊章辦理。惟有嚴飭各屬。實力奉行從之。○庚子。常雩祀

天於

圓丘。

上親詣行禮。○幸圓明園。○詣綺春園問

皇太后安。○諭內閣。上年十二月內。派侍郎柏葰為正使。副都統恆興為副使。前往朝鮮。諭祭。茲據該侍郎等差竣回京。奏稱該國於照例餽送之外。另送贐銀五千兩。陳明請旨等語。朝鮮世守東藩。虔修職貢。遇有大臣官員差往彼國。舊有餽送儀物之例。蒙

皇祖高宗純皇帝諭。按舊例裁減一半。永著為令。原以儀物繁多。不忍重勞該國。若概不收

受。又恐其以缺乏禮數有歉於心。是以酌中定制。厚往薄來。

成憲昭垂。允宜遵守。此次該國餽送柏後恆興宴金土儀。均照舊例減半。自應遵例收受。其另送贐銀五千兩。據稱前此天使原無贐儀。此次該國王因感恩榮幸。格外將敬。經該侍郎等堅辭謝卻。該陪臣攜銀隨行沿途求受。將屆出境。又復跪地叩懇。免冠垂涕。稟稱如不收受。國王必治伊等重罪。並該國王亦欲

請罪。且伊等雖隨從入京。總期收受方敢回國等語。朕惟恭敬之實。不在多儀。此次諭祭朝鮮。該國減半餽送之物。業據該侍郎等照例收受。已足表該國事大之誠。若另送餽贐多金。致增糜費。既與定例有違。即非朕德禮綏藩之意。此項贐銀著禮部暫行存貯。遇有該國使員來京。令其帶回繳還。並將此旨傳諭該國王。嗣後天朝差往官員。俱著恪遵成例。減半餽送。萬不可於額外加增。虛耗物力。

其派出之大臣官員。亦著禮部將此旨恭錄一通。並將例載減半禮物數目。開具清單。一併交正副使齎帶前往。永行遵守。以符定制。而示懷柔。該部即遵諭行。○江西九江鎮總兵官哈勒吉那奏報到任謝恩。得旨江西營伍廢弛已久。兵將不堪。汝其認真整頓。細心訓練。毋再因循不振也。勉之懍之。○辛丑。諭內閣御史伊克唐阿等奏。本年會試。江蘇童生焦益之假冒已故舉人焦子安姓名入場。

事後自行投首。著交刑部嚴行審訊辦理。出結官刑部主事朱龍光著解任聽候傳訊。其江蘇舉人焦子安三場試卷。著知貢舉查明。知照內簾扣除。○又諭本日據刑部奏審辦康王氏一案。此案罪名出入甚重。刑部辦理此案。細心研鞫。以案多疑。實奏請覆驗。究出實情。著刑部堂官查明首先平反此案之員。據實具奏。○又諭件作徐培德段其新檢驗不實。失入凌遲重罪。情節較重。徐培德親老



丁單著照議不准留養。段其新年逾七十。著不准其收贖。均於驗屍地方各枷號一箇月。滿日定地充徒。已革指揮袁繼厚已革副指揮王瑩。檢驗不實。率用刑訊。已革指揮蕭培長並未詣驗。聯名朦詳復經隨同訊問。厥咎惟均。袁繼厚王瑩蕭培長均著發往新疆。遇赦不赦。已革指揮錢慶康已革知州白詣。檢驗不實。失入人罪。亦著發往新疆效力贖罪。○壬寅。諭內閣。前據中福奏吐魯番不敷備

供兵糧。請循例採買。當交戶部查議具奏。茲據該部查明。該廳倉貯實數。惟小麥不敷八百餘石。其餘尚足供支。何以率請採買至數千石之多。且歷年估需價銀。逐漸遞加。有增無減。殊非慎重帑項之道。著照部議。所有不敷小麥八百石。准令寬買二千石。其高粱存數。除供支外尚有餘存。著即毋庸採買。並所餘粟糜穀石。一併妥為收貯。以備緩急。至採買價銀。即著該署都統據實覈報。不得援照

上年時估。致滋浮冒。○諭軍機大臣等。李德秦州縣虧空積弊一摺。州縣倉庫為國家分貯錢糧之地。若如所奏。始而新補舊終。則新舊皆至成空。初猶以雜抵正。後則正雜悉歸無著。以致報部報司之款。延不批解。於吏治國計大有關係。著各直省督撫。府尹嚴飭司道知府體察情形。或勒限飭令彌補。或及早清查叅辦。總須破除情面。力加整頓。斷不准以積習相仍。稍存瞻徇姑容之見。將此各

諭令知之。○癸卯。諭內閣。中福奏請撥運倉糧一摺。奇台縣古城地方常平倉糧石。支放款項較多。著准其在於濟木薩戶堡倉存糧石內。酌撥四萬石運貯古城倉內。以資儲備。餘著照所議辦理。○以內閣學士培成。為盛京工部侍郎。○以盛京戶部侍郎明訓。兼署盛京兵部侍郎。○甲辰。諭內閣。孫善寶等奏。拏獲拒捕戕官重犯一摺。江蘇阜寧縣匪徒李春洪等。私藏刀械。黃夜聚眾賭博。經營弁

帶領兵役往拏。膽敢施放擡槍。拒傷把總楊豫成身死。並轟傷兵丁。實屬目無法紀。亟應從嚴懲辦。該犯等所供拒捕情形。及另犯搶劫各案。恐尚有不實不盡。著該護督等督飭道府。委員嚴訊確情。按律擬辦。並著偵緝各逸犯解案。毋使一名漏網。○以兵部尚書裕誠。為滿洲繙譯會試正考官。理藩院左侍郎恩華。為副考官。○以署正黃旗蒙古副都統興泰。為鑲紅旗漢軍副都統。仍署正黃旗蒙

古副都統。○以拏獲雲南騰越南甸滋事首犯刁承緒。開復知府陳桐生革職處分。賞經歷馬偉堂六品頂帶藍翎。土司多廷侯三品頂帶花翎。餘升敘有差。○予江蘇緝匪被戕把總楊豫成祭葬世職。○修濬江蘇海州沐河。從護總督孫善寶請也。○乙巳諭內閣。前據刑部奏審辦康王氏一案。降旨令將首先平反此案之員據實具奏。茲據奏稱係派審司員楊文定。因案多疑實。回堂添派司官會

同審出實情。實屬留心聽獄。平反得宜。楊文定著以該部員外郎即行補用。其添派會審之司官六員。均著交部從優議敘。○諭軍機大臣等。自古足國之道。首在足民。未有民足而國不足者。天地自然之利。原以供萬民之用。惟經理得宜。方可推行無弊。即如開礦一事。前朝屢行。而官吏因緣為奸。久之而國與民俱受其累。我朝雲南貴州四川廣西等處。向有銀廠。每歲抽收課銀。歷年以來。照常輸

納。並無絲毫擾累於民。可見官為經理。不如任民自為開採。是亦藏富於民之一道。因思雲南等省。除現在開採外。尚多可採之處。著寶興。桂良。吳其濬。賀長齡。周之琦。體察地方情形。相度山場。民間情願開採者。准照現開各廠一律辦理。斷不可假手吏胥。致有侵蝕滋擾阻撓諸弊。該督撫等必能仰體朕意。妥為籌辦。固不可畏難苟安。亦不得抑勒從事。總期於民生國計。兩有裨益。方為妥善。各省

情形不同。不准彼此觀望。將此各密諭知之。○又諭據梁寶常奏浙省善後案內。應行修添各船。一時造補不及。擬借閩省船十隻。以資巡緝一摺。現在該撫委員赴閩製造同安梭船三十隻。著准其由司籌撥銀八萬兩。解赴閩省存貯藩庫。由浙省委員會同閩廠委員。依照閩省現定船式監造。其未造竣以前。著劉韻珂撥給閩省船十隻。駕駛赴浙。以資巡緝。俟浙省之船造竣後。再行撥還閩省。至

善後案內。應行修復及添建礮臺等項。自應次第籌辦。但必須體察地方情形。於扼要處所。酌量遠近高下。妥為布置。務期資控馭而收實效。若祇知照例添建。圖壯觀瞻。何濟於事。廣東虎門各礮臺。非前車之鑒耶。著劉韻珂。梁寶常。詹功顯。會同確切查明。斟酌辦理。總期於捍衛海疆。實有裨益。方為不負委任。將此各諭令知之。○又諭本日都察院奏。河南民人孫森呈控。受串縱匪害命滅口一案。

此案該民人所控伊兄因盜樹送縣。為捕役等毆斃私埋。既經該縣及委員等驗出致命重傷。且屢經該民人及伊叔赴府控告。何以該府並不認真究辦。反將柴庭良等釋放。其中有無瞻徇庇護情弊。著鄂順安確查研訊。毋許稍有實不盡。將此諭令知之。尋春賊犯孫五到案後。曾與店保柴庭良爭毆。受有微傷。另因痢疾身死。伊弟孫森聽從伊胞叔孫洪望主使誣控。除孫洪望已故外。孫森擬

杖。餘犯分別問擬。下部議從之。○以內閣學士載增。兼奉宸苑卿。丙午。

上詣綺春園問

皇太后安。○諭內閣。禧恩等奏發遣宗室在配收納使妾。請旨懲辦一摺。此案宗室溥喜於發遣到戍。不知改悔。仍復任性妄為。著發往吉林交該將軍嚴加管束。嗣後遇有宗室緣事發遣。不知守法。仍敢任意滋事者。該將軍務當從嚴懲辦。如覈其情節重大。著即據實

奏明辦理。毋稍瞻徇輕縱。以為怙終不悛者戒。○旌表守正被戕四川墊江縣民范開峯妻黃氏。○丁未。諭內閣。裕泰奏請暫緩查閱營伍一摺。本年輪應查閱湖北湖南營伍之期。前經降旨著裕泰逐一查閱。茲據該督奏稱。湖南各營上年甫經簡閱。著准其暫緩前往。其湖北近省各營。既據該督隨時考校。所有襄陽鄖陽一帶。亦著准其俟秋汛安瀾後。次第親歷各營。認真校閱。分別優劣。據實舉

劾。毋得視為具文。○以御前侍衛巴雅爾署上駟院卿。○以正白旗護軍統領巴清德署右翼前鋒統領。○以正黃旗漢軍副都統舒興阿署鑲白旗滿洲副都統。○戊申。諭內閣。前據劉韻珂奏請將裁缺遊擊吉祥留於閩浙差委。當交兵部議奏。茲據奏稱裁缺人員。例應赴部候選。留於本省差委另補。例無明文。吉祥著仍照例赴部候補。所有該督奏請留於閩浙差遣另補之處。著不准行。○己酉。

諭內閣。程喬采奏遵查暹羅接貢船隻。請照成案辦理一摺。暹羅國正副貢船。所載貨物。向免輸稅。至接貢船隻。並無免稅之例。惟念該國恪守藩封。輸忱效順。自應格外優恤。以示懷柔。著准其倣照琉球國成案。嗣後暹羅國接載貢使京旋之正貢船一隻。隨帶貨物。免其納稅。其餘副貢船隻。或此外另有貨船。仍著照例收納。以昭限制。該部即遵諭行。○諭軍機大臣等。程喬采奏召募屯丁分守礮

臺一摺。據奏。團築沙坦。共得田一百三十九頃餘畝。召募屯丁二千名。每月於屯丁一百名內。輪值二十名。在臺操演。若遇有事調用。仍令悉數到臺。不准調往他處。及另派別項差使。每年歲修。及操演犒賞。需銀一萬五千兩上下。應俟呈首坦畝捐輸屯費。積有成數。通盤籌畫等語。以本地之民。種本地之田。用以防守要隘。即屬保衛身家。寓兵於農。自係長策。此次屯工各項銀兩。免其造冊報銷。惟

屯丁究係鄉民。是否足資禦侮。平日如何操練。臨時能否得力。此外有無未盡事宜。著耆英於到粵後。會同程喬采。賴恩。爵體察情形。將現擬章程。有無應行斟酌損益之處。再行悉心妥議具奏。總須實在得力。不可循習虛文。至虎門為夷船出入門戶。最關緊要。現據程喬采奏。添修虎門及內河各礮臺工程。將次完竣。其所請改設同知一員。是否足資稽查彈壓。並著耆英等一併妥議具奏。將此各

諭令知之。○庚戌。以詹事府詹事羅文俊為內閣學士。兼禮部侍郎銜。○辛亥。諭軍機大臣等。本日周之琦奏廣東委員吳孫炳護送越南員弁回國。於桂平縣石嘴地方被劫。此案吳孫炳護送越南員弁兵丁前赴欽州。中途被劫。並將幫同捕拏之夷兵三名致傷。究竟該夷兵船曾否被劫。及夷兵如何被拒受傷。必須徹底根究。嚴行懲辦。若稍存含混。將就之私。致被越南竊笑。是全無天良。何以為

封疆大吏。著周之琦親提已獲盜犯。並咨提委員吳孫炳及船戶人等確切查明。總期水落石出。毋有不實不盡。懍之慎之。將此諭令知之。尋奏拏獲盜犯五十七名。究明越南兵船一併被劫。已將新會六關亞恆二犯正法。餘分別問擬。前署桂平縣知縣袁湛業疏防諱匿。於叅革後病故。應毋庸議。下部議從之。○禮部以繙譯會試中額請。得旨取中二名。駐防取中二名。○壬子。

上詣綺春園問

皇太后安。○諭內閣。現在各省駐防旗人一體改試繙譯。其已中之文舉人。因未與文闈會試。遂議定不准大挑。惟念該舉人別無進身之階。未免向隅。著各該將軍副都統城守尉等。於各該駐防前經中式之文舉人。科分在近三科以前例准大挑者。詢明情願赴挑。即由該將軍等給咨送部。均令於本年九月內到京聽候。欽派王大臣照例大挑。如有不願

赴挑者。仍聽其便。○又諭前據劉韻珂等奏臺灣匪徒聚眾謀逆。經該鎮道等督兵勦捕。拏獲首逆各犯大概情形。當經降旨飭令嚴訊究辦。並著查明出力員弁具奏。本日據昌伊蘇等奏勦辦情形。與該督等前奏相符。此案臺灣嘉義縣巨匪洪協等糾眾豎旗謀逆。經該鎮道等督率勦捕。接戰六次。殺斃多名。擒獲首逆各犯。辦理尚屬迅速。昌伊蘇熊一本著交部議敘。所有在事出力員弁著仍遵

前旨查明具奏。○諭軍機大臣等。前據宗人府奏據黑龍江將軍咨稱緣案發遣故犯海康之女三姐。在配居住。為不識姓名人冒稱伊兄接去。尋覓無蹤等語。已明降諭旨。著黑龍江將軍及鄰省各將軍都統並直隸總督順天府五城步軍統領衙門一體嚴拏務獲究辦。因思山東距京較近。該省從前曾有習教匪徒。此案故犯海康。即係邪教案內發遣之犯。現在伊女三姐。與不識姓名人帶同屍

棺僕婦人等。由配所脫逃。難保不赴山東地方。冀圖藏匿。惟以女子攜帶僕婦扶柩在途。斷難掩人耳目。著崇恩督飭所屬文武員弁嚴密訪查。務獲究辦。毋使潛踪漏跡。致貽後患。將此諭令知之。尋吉林將軍經額布奏三姐已於吉林地方拏獲。請解回黑龍江嚴加管束。下部議。尋議上得旨。海康之女三姐著解回黑龍江交該將軍嚴加管束。嗣後如有逃匿情事。除該犯加等治罪外。並將該將

軍從重議處。○以本年鄉試考試應開列試差人員於圓明園正大光明殿。○癸丑。孝端文皇后忌辰。遣官祭

昭陵。○諭內閣翰林院編修李汝嶠戶部主事佟元均著革職交刑部照例治罪。李汝嶠前經穆彰阿潘世恩保舉在上書房行走。今既查出懷挾。苟且不堪之至。穆彰阿潘世恩保舉不能慎重。均著交部議處。○又諭敬敦奏捐辦擡槍並請支領火藥鉛子等語。福州水

師旗營演習水操。經該署將軍捐辦擡槍四十桿。交營一體演習。所用價值著免其報部覈銷。至福州八旗所設擡礮。每年應需火藥三千五百餘斤。鉛子三千四百餘斤。著該督撫於八旗支取操演硝磺時。一併領取。仍俟年終造冊報部覈銷。諭軍機大臣等。梁寶常奏派員籌辦定海善後事宜。並寧波通商情形一摺。覽奏均悉。定海地方現在華夷並處。據該撫奏稱已革寧紹台道鹿澤長於該

處情形熟習。著即責成鹿澤長督率定海廳同知林朝聘就近經理。並飭現任道府於應辦善後事宜。隨時詳晰商議。務臻妥協。該撫仍須留心察看。儻經理稍有失宜。即當據實奏明另派。至寧波海口通商事屬創始。尤當妥為撫馭。務使民夷相安。不生釁隙。並督飭該管道府加意巡防。如有偷漏等弊。即當嚴行懲辦。將此諭令知之。○以通政使司副使黃琮為太僕寺卿。○予故江南壽春鎮總兵

官王錫朋子舉人承瀚。以六部小京官用。○甲寅。諭內閣。此次殿試。著派護軍統領王明珠勒亨。在中左右兩門認真稽查。當日分散題紙後。所有差使人員。一併散出。除校尉人等。應代攜考具。隨同士子出入外。其餘官員閒雜人等。一概不准擅入窺探。如有不遵法令。私進禁門者。即行指拏交刑部治罪。嗣後每遇殿試朝考。均著該部先期奏派護軍統領二人。在該二門專司稽查。○又諭前因

總兵葛雲飛鄭國鴻均在定海陣亡。曾經加恩優卹。並各賞給騎都尉等世職。現在該故員等子孫。應已承襲有人。著各該原籍督撫查明襲職者如已及歲。即與前經賞給文舉人之葛以簡鄭銛鄭鏐。及賞給武舉人之葛以敦等。一併給咨送部引見。毋得遲延。○又諭梁夢涵奏河東鹽引壅滯。未能依限奏銷。懇恩展緩一摺。鹽引奏銷例有定限。本不容藉口援案。動輒展緩。上年河東鹽引積壓過

多准予展限奏銷本年因乏商節次告退新商接辦較遲據該撫查明引鹽未經配運者尚有三百八九十名之多趕辦奏銷期限已迫自係實在情形著照所請河東鹽引准其緩至六月內奏銷以紓商力○修河南河內武陟孟三縣隄堰各工從巡撫鄂順安請也○給河南中牟祥符通許陳留杞尉氏淮寧西華沈邱太康扶溝項城陽武鹿邑睢十五州縣上年被水災民三月口糧○乙卯諭內

閣布彥泰等奏會訊聯順達明阿互相揭叅各款分別定擬一摺此案聯順於家人李壽私向所部回子伯克借貸銀兩毫無覺察迨事後僅令退還並不奏請究辦實屬意存消弭聯順著即革職發往軍臺效力贖罪達明阿兩次餽送聯順馬匹土宜不知遠嫌著交部嚴加議處嗣後新疆各大臣惟當潔己奉公不准與所部回子伯克交結並不准各城餽送馬匹土宜等物儻仍濫受苞苴不知自

愛一經發覺朕必將餽送及收受之人重治其罪決不寬貸○又諭本日裕誠等進呈繙譯會試照額取中滿洲二卷並聲明駐防試卷多不合式不敢率行取中等語著裕誠等即於駐防試卷中擇其文理尚可者四卷密封進呈候旨○丙辰諭內閣前據裕誠等奏駐防試卷多不合式不敢率行取中當降旨令將文理尚可者四卷進呈候旨茲據該尚書等酌選呈覽朕詳加校閱實係不能合式

惟念該舉人等初次改試繙譯誦習未久體例尚疏若概從擯斥未免阻其登進之心特於四卷中酌取一卷令與京旗試卷一體取中此係朕格外從寬勉強取嗣後各該舉人必當勤加練習以期日益精通用副朕敦本崇實諄諄誥誡之意儻仍狃於積習視若具文下科會試時仍復不能合式必當一律擯棄勿謂寬典可濫邀也將此通諭知之○以大學士潘世恩禮部尚書特登額兵部尚



書許乃普都察院左都御史文慶吏部右侍郎侯桐兵部左侍郎朱嶠工部右侍郎賈楨內閣學士羅文俊為殿試讀卷官○以故阿巴哈納爾扎薩克貝子伊達木扎布子桑齋薩拉特多布襲爵○丁巳

上詣

黑龍潭神祠拈香○策試天下貢士焦春宇等二百九名於保和殿制曰朕寅承

昊蒼眷命

列聖丕基兢兢業業夙夜不敢康二十有四年於茲矣顧臣鄰尚少篤恭之忱士子猶蹈輕浮之習邊圉之地利未盡開九府之圓法未盡善措施何以當智慮何以周斟酌古今揆度時勢爾多士稽古有素敷奏以言必有嘉謨用裨實政大臣法小臣廉官職相序君臣相正國之肥也然則欲正君臣序官職必自大臣始矣親民之官莫如守令守令之賢否視乎上官之取舍古者興廉舉孝敦崇節行

日計不足月計有餘兩漢循吏大抵郡守令長而公卿時出其中璽書褒勉增秩賜金取才之道意主風化其尚有合於古歟郭子儀減樂於楊綰李師古折謀於杜黃裳豈武臣疆帥亦視朝廷為轉移歟抑中外相維大小相繫自然之勢歟三物教民何以克收實效三載考績何以力屏具文取人以身之義可指陳歟士者民之望國之楨也孔門論士何以首重行己有恥孟子亦言恥之於人大矣

然則知恥近勇人心風俗所繫顧不重歟三代以下士風莫盛於漢其時尊崇節義敦厲名實轉移之權奚自而致清談而後紹及唐末風氣疊變然而松柏後凋於歲寒雞鳴不已於風雨繫豈乏人歟宋儒聿興迄於明代格物致知之學與漢儒之通經致用其裨益風化同歟異歟綜觀古今士風之所尚質之孔孟之言將欲挽墮靡返淳樸變化而愧厲之何道之從歟自黃帝經土設井而寓兵於

農之法興。三代因之。無所謂屯田也。漢文帝募民耕塞下。始有屯田之說。漢武通西域後。屯田渠。其後日益加多。如芍陂。南陽。合肥。成都。金城。不可枚舉。其在西域者。能詳考歟。古者播穀勸耕。爰有農官之設。農師田畯之名。備見經傳。西域屯官名見於史者。能臚舉歟。耕種必資灌溉。鄧艾穿渠。最資利賴。西域之水可導以溉田者。能徵於古以言之歟。唐代營屯並稱。或謂以兵民分。其說然歟。唐時

諸道所開之屯。凡九百二十有二。今西域尚有遺跡歟。種植之法。詳於農書。前代屯田。有行區田者。其法最善。能詳考而言其制歟。古者賦通百物。皆以布帛菽粟相交易。自大禹有歷山之鑄。而其利始興。太公立九府之法。而其用遂廣。周官外府泉府所掌。皆以錢為斂散。能詳言之歟。秦并天下幣為二等。漢武造白金三品。尋廢不行。是上下通行之貨。壹皆以錢。未嘗用銀也。以銀為幣。始於何時。行

於何地。其式若何。其直若何。採銀何以有禁。用銀何以稱便能。一一縷述之歟。錢式以何代為最善。論錢法者以何人為最詳。蓋其用取乎流通。利溥於民。而權操於國。制行於上。而弊除於下。必如是而後可為至善也。宋始有交子鈔行之名。有元一代率用寶鈔。明亦間踵而行之。流弊滋多。其得失究安在歟。凡此者以勸官常而實力。實心。毋謂恬熙為可恃。以敦士習而防情防偽。毋使倖進以梯榮

出作入息。邊隅何以臻康阜之休。足國裕民。泉府何以有流通之利。講肄所及。載籍所傳。爾多士其詳著於篇。朕將親覽焉。○諭內閣。訥爾經額奏續增剝船應行更造並請飭催山東商欠息銀一摺。直隸楊村續增剝船為濟運漕糧之用。現經查明滿料補造各船隻均應趕緊排造。所需經費因東省欠交息銀屢催未解以致應用扣存油艙銀兩動墊無存。無從撥解。著山東巡撫即飭運司將商欠

息銀。先行籌撥十二萬五百四十兩零解交部庫。其解存長蘆運庫並雲南等省在天津道庫借領剝費等銀共五萬四千四百五十兩零。即由該督飭知分別解部兌收湊抵。以清江廣等省代墊造船正款。俾得趕造新船解直。以資剝運。○戊午。引見辛丑科散館。及補行散館人員。得旨。此次散館之修撰龍啓瑞。編修江國霖。龔寶蓮。業經授職。二甲庶吉士俞長贊。周宗濬。陳慶松。張晉祺。章瓊。吳鼎昌。趙昀。何若瑤。童華。潘曾瑩。曾廣淵。賈樸。梁國瑚。蔡徵藩。徐玉豐。張金鏞。童以炘。楊式穀。陳啓邁。蔡念慈。徐壩。劉琨。梁紹獻。葛景榮。蔣達。王鳳翔。李湘華。葛高。龔林。鶚。騰。孫鏘。鳴。方俊。盧慶綸。文瑞。田樹楨。張煒。李希彬。鄭元璧。彭涵霖。均著授為編修。三甲庶吉士張衍重。沈大謨。孫晉墀。宗室錫齡。顏培瑚。畢道遠。宗室載齡。均著授為檢討。韓錦雲。鍾世耀。張興仁。馬品。蔭龔紹仁。汪堃。陳鑑。張樾。張振金。

高廷綬。郭禮圖。朱錫珍。均著以部屬用。蕭尚欽。高鴻飛。徐榮。洪毓琛。陳洪猷。張舒翰。均著以知縣即用。○以前任福州將軍保昌。署鑲黃旗蒙古都統。○己未。

上奉

皇太后幸慎德堂。進膳。○諭軍機大臣等。據程爾采奏。咪喇堅兵船退出外洋。並咪咕喇使臣。噶鼎喳。退職回國。另換公使。噶呢時。接辦等語。覽奏均悉。著英此時當已行抵粵東。其

噶夷使臣。噶鼎喳。現已退職回國。即著耆英等。與新到之噶呢時。申明條例。令其遵照辦理。至噶鼎喳。係因何事退職。該國何以更換使臣。及新來之噶呢時。能否相安。並著耆英等。密加偵探。務得確情。隨時具奏。將此由四百里諭知耆英。程爾采。並傳諭黃恩。形知之。尋奏。噶鼎喳。因患病回國。噶呢時。曾於公司館未散時來粵。充當大班。粗通漢語。數月以來。尚無桀驁不法情事。報聞。○賞會試年老

舉人吳人瑞等十八名司業檢討學正職銜有差。○庚申。

上詣

大高殿行禮。○還宮。○御乾清宮召讀卷官入。親閱定進呈十卷甲第。○以光祿寺卿李嵩為通政使司通政使。○辛酉。

上御太和殿傳臚。賜一甲孫毓汶周學濬馮培元。三人進士及第二甲王景淳等一百六人進士出身。三甲孫廷元等一百人同進士出身。

○幸圓明園。○詣綺春園問

皇太后安。○壬戌。旌表守正捐軀直隸寧津縣民高常曾媳許氏。○癸亥。諭內閣前據梁實常奏杭州省城火藥局被雷轟擊並未延燒當因情節可疑降旨飭令確查具奏。茲據奏稱是日雷從地奮勢猛上烘是以未至延燒等語。火藥因雷而然藥多勢猛以致片瓦無存。其理甚明尚無捏飾。所有該撫自請察議之處著加恩寬免。○甲子。諭軍機大臣等據

潘錫恩奏洪澤湖水增長籌防宣洩並查勘淮揚運河水勢工程一摺。又另片奏履勘豐北等七廳隄工擇要幫加等語。現在黃流下注洪澤湖高堰甚為喫重雖經各路分洩仍復消不敵長轉瞬伏秋大汛亟宜豫籌宣洩保護之方。該河督已飭廳營將束清禦黃二壩及吳城七堡順清河等處再加展闊並將信壩啓放俾湖水得以暢出其人字河金灣舊壩東西灣壩亦經酌量啓放減水歸江辦

理尚為妥協。惟黃水正當日長匯注洪澤高堰山盱及下游各廳處處緊要該河督務當振刷精神實力防護毋得稍有疏虞。是為至要。所有趕辦各廳要工及責令工員賠修之處均著於工竣後覈實驗收其堰盱兩廳湖隄喫重著即酌發錢糧寬購料物分貯工次以資應手。至豐北等七廳隄工殘缺卑薄之處並著擇要幫加將來挽黃歸正時得資抵禦所需銀兩准即於河庫動支毋庸另撥。該

河督樽節減估。派員興辦。毋任革率偷減。工竣覈實驗收。將此諭令知之。○以故甘肅岷州土百戶趙呈瑞子邦楨襲職。乙丑。

孝慎皇后忌辰。遣官祭

陵寢。○諭內閣原任大學士富俊。文孚宣力多年。居官清正。且其現在子孫。均係承嗣。所有代賠未交庫款。著加恩寬免。○又諭寶興奏馬邊夷匪出擾。經官兵擊退。請將疏防之備弁斥革一摺。此次夷匪分股出擾。人數甚眾。

經官兵分投驅擊殲戮。使其大受懲創。逃遁回巢。不致蔓延。辦理尚為迅速。惟該夷匪入境之處。係馬邊右營及煙峯汛所管。該備弁等事先疏於防範。雖隨同擊斃多匪。地方現在靖謐。究有應得之咎。四川署馬邊右營守備左營千總張明祥。煙峯汛千總張大麟。著即斥革。以示儆戒。○以翰林院編修晏端書。為雲南鄉試正考官。戶部員外郎朱昌頤。為副考官。翰林院侍講學士萬青藜。為貴州鄉

試正考官。編修何紹基。為副考官。○丙寅。諭內閣。理藩院奏。因罪革職之喀爾喀扎薩克達爾漢貝勒。令伊子承襲。請旨一摺。已革喀爾喀扎薩克達爾漢貝勒齊旺多布齋所犯罪名。僅予革職。並未罪及其子。著加恩將所遺扎薩克達爾漢貝勒。准令伊子索特納木多爾濟承襲。○又諭輯瑞等奏。裁撤防兵。豫籌歸伍一摺。西寧河州二鎮。換防官兵。現經裁撤。據該大臣等查明。防兵一千九百餘員。名所需車腳等費。統計一萬九千兩零。該處節存生息銀兩。為數無多。不敷支用。著准其於葉爾羌喀什噶爾。備貯銀內。每名借銀十兩。由陝甘總督查照清冊。於各官兵名下。一年如數扣完。統隨二十五年經費搭解歸款。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百四

宣宗本紀四

卷

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五

監修總纂官禮部尚書左侍郎王士珍副纂官禮部尚書左侍郎王士珍副纂官禮部尚書左侍郎王士珍副纂官

纂修總纂官禮部尚書左侍郎王士珍副纂官禮部尚書左侍郎王士珍副纂官禮部尚書左侍郎王士珍副纂官

纂修總纂官禮部尚書左侍郎王士珍副纂官禮部尚書左侍郎王士珍副纂官禮部尚書左侍郎王士珍副纂官

纂修總纂官禮部尚書左侍郎王士珍副纂官禮部尚書左侍郎王士珍副纂官禮部尚書左侍郎王士珍副纂官

纂修總纂官禮部尚書左侍郎王士珍副纂官禮部尚書左侍郎王士珍副纂官禮部尚書左侍郎王士珍副纂官

載修

道光二十四年甲辰五月丁卯朔諭內閣崇

恩奏請循案添雇民剝船隻一摺山東臨清  
州境衛河水勢微弱下游又多古淺現在南  
糧重運頭進首幫即日抵境剝船恐有不敷  
著照所請准其循照道光十三年以後成案  
添雇民船三百隻責成該州一手雇覓分別  
撥發存留俾資輪轉仍由司委員前往監收  
隨時察看如水勢增長即行酌量減雇放還  
以節糜費、命大學士潘世恩都察院左都  
御史文慶教習庶吉士、授一甲一名進士

孫毓淮為翰林院修撰二名進士周學濬三名進士馮培元為翰林院編修（濬山東四女寺支河並修築壩座從巡撫崇恩請也）○戊辰

上詣綺春園問

皇太后安○以翰林院侍讀學士陳憲曾為詹

事府詹事○己巳

孝誠仁皇后忌辰遣官祭

景陵○

上詣

大高殿行禮○還宮○諭軍機大臣等前據壁昌奏請於鵝鼻嘴等處修築礮城旋據耆英奏沿江礮臺築以甌石則工費浩繁若以土築又慮風雨剝蝕宜節省建築之費移為造船練兵之用均經諭令該署督等詳察情形奏明妥辦茲據御史曹履泰奏稱鵝鼻嘴地方緊要應於南北兩坪設立土壘土堡外開濠溝以開溝之土積之四面可以迎敵施礮

且不用甌石工價甚減等語江防關繫極重著壁昌尤渤會同熟籌妥為定議具奏又該御史奏制勝之法惟有擡礮藤牌二種其應如何分別演練以期習熟究竟藤牌一項臨陣能否適用著該署督等一併妥議具奏原摺二條鈔給閱看將此各諭令知之○以夏至祭

地於

方澤自是日始齋戒三日○庚午考試應開列

試差滿漢二品以下京堂各官於上書房○旌表守正捐軀直隸滿城縣民李添太養女成姐○命陝甘總督富呢揚阿撥銀二萬九千三十九兩解赴烏什備道光二十六年經費○辛未諭內閣李星沅奏特參玩視重案審辦錯謬之縣令請旨革職一摺陝西神木縣知縣王致雲於縣民李述秀因被李春孩撞破姦情起意商同李蘇氏謀斃滅口一案並不虛衷推鞫認真定擬輒任犯供支飾並

不辨別兇器含混招解實屬草率糊塗王致雲著即革職以為玩視重案者戒該撫李星沅升任臬司傳繩勛因該縣原詳情節支離督委西安府知府李希曾提證研鞠究出實情俾淫兇不致漏網甚屬可嘉李星沅傳繩勛李希曾均著交部議敘○引見新科進士得旨一甲三名孫毓汶周學濬馮培元業經授職外王景淳黃經王之翰李杭邊浴禮孫鳴珂馮譽驥呼延振汪廷儒周玉麒朱夢元

吳駿昌章嗣衡周鼎何彤雲陳廷經華日新寶奉家蕭浚蘭張廣居鄧廷楠陳立吳惠元張弼龔自閔李宗焱富呢雅杭阿張瑩方濬頤王恩祥啟文劉熙載殷壽臻宗晉馬儀清趙綬章宋玉珂杜翰袁泳錫宗室煜綸胡連耀克明劉祝庚金鈞俱著改為翰林院庶吉士王家璧王柏心龐家淦尹開勳孫壽祺曹尊彝周立瀛趙元模鄭奇峯王廷柱文格丁節程誠盛康石元珪張金鑑傅浚才凌辰閻

廷佩劉堃莫如德德陰曾兆鼐高朗曾詠柳淵崇保王祺海黃培昌曾作舟奎福薄彭齡李德義王鑑民均著分部學習崇家鼐王映斗盧說林燕典方坦朱彥華田豐玉杜學禮杜防恩霖鄒崇孟延彩張建基胡霖謝王德炳馬百慶張見田王榮清石意恭康仲方倪濤張鴻鼎金萬清朱源李葆樹葉桂芬王應蔚杜卿霽朱潮周琛筮慕韓章含黃桐勳左元煥孫廷元葉華春呂圻陳曜圖張賦林聶

光鑒焦春宇鄭廷珪任沛霖黃慶護孫子淳溫德宣蔣大鏞潘渭春金祐沈西序姜聯陞郭師泰袁思韓喬文蔚梁康辰吳英樾楊大容張達辛李映茶劉應祥周寅清萬承絳陳大典徐士琦李輔周治潤周相焯黃之晉孫欽若戴臣法秦時英李福泰沈熙麟陳紀麟應學達何玉端楊鱣孫源王道立沈雲靳丹書宋備恪劉宅俊李煥春董文炳鄭選士汪錚程祖潤鄭霖溥王榕吉侯榮封韓懋德殷



嘉樹林錫慶高廷鏢劉宗城俱著交吏部議掣分發各省以知縣即用刑部候補郎中王壽同著以郎中即用戶部七品小京官蕭時馨著即作為該部候補主事宗室英績著以筆帖式用餘著歸班銓選○壬申夏至祭地於

方澤

上親詣行禮○幸圓明園○詣綺春園問

皇太后安○賞御前行走喀爾喀親王車登巴

咱爾黃韃○以詹事府詹事陳憲曾充日講

起居注官○撥江蘇泰興等縣漕糧二千六百十二石抵放江淮各幫丁不敷行月等米

○癸酉諭內閣前據吏部奏伊犁將軍布彥

泰奏開墾地畝摺內未將各員捐銀數目及開墾若干項敘明當降旨著該將軍確查具

奏茲據奏稱口外辦工與內地情形不同皆

係收工而非收銀驗收時亦以所辦工程為定準不能劃出某項某畝為某員所辦等語

自係實在情形所有各該員捐銀及開墾項數著毋庸再行查奏仍遵前旨免其造冊報銷○諭軍機大臣等據布彥奏伊犁各城曠地現在委員前往勘估僕該處實有格礙亦必設法另籌等語所奏是伊犁地處極邊現在設法開墾原為足食之計該將軍務當通盤籌畫足國裕民僕該委員等履勘各處或有格礙難行即著另行設法妥籌以期獲收實效至烏魯木齊地方既有可墾之地即

著布彥奏候惟勤查覆到日再行派員前往確勘會同惟勤奏明辦理所有上次飭查各員捐銀數目及開墾項數既據該將軍奏稱口外辦工情形與內地不同已明降諭旨著毋庸再行查奏並仍遵前旨免其造冊報銷矣將此諭令知之○調塔爾巴哈台領隊大臣臣希拉布為伊犁領隊大臣伊犁領隊大臣花沙布為塔爾巴哈台領隊大臣○甲戌諭軍機大臣等據耆英奏行抵粵東接印任事

並照會喇堅使臣即赴澳門會晤等語覽奏已悉。昨據梁寶常奏接准程喬采咨稱喇堅領事派有烏兒吉軒理知在寧波港口辦理事務等情。著該督將該撫片內所稱各節隨時探訪。如有應議應辦事件。亦著據實具奏。原片著鈔給閱看。將此諭令知之。○修山東運河。泇河捕河上河泉河五廳隄壩及山河引渠。從河道總督鍾祥請也。○乙亥諭內閣。壁昌奏江廣各幫漕船行抵龍江關查

驗木稅室礙情形一摺。據稱江西各幫抵關停泊二十餘日。始行查驗。湖北幫船該監督輒令停幫候查。並不照原奏迎幫查驗。以致本年江西十三幫具報入瓜洲口已遲。而湖北三幫又因驗稅遷延。似此貽誤漕行。所關非細。該監督辦理紕繆。實屬不曉事體。瑞長著交部嚴加議處。即來京聽候部議。嗣後重運漕船。應如何嚴禁例外多帶木植及查驗收稅之處。著壁昌妥議章程具奏。○丙子諭

內閣翰林院侍讀以下詹事府洗馬以下各員著自本月十六日起每日二員豫備召見。如遇外膳日期即改於次日伺候。其餘各員以次遞推。○諭軍機大臣等御史黃鍾音奏川省盜賊遽起請飭查辦一摺。匪徒擾累閭閻最為地方之害。若如所奏近來擄掠之案層見疊出。地方官性成怠玩。兼顧處分因而相率諱匿。不辦迨至黨與日眾。又恐激成變端。多方消弭。積習相沿。深堪痛恨。摺內所指

各案均有事主姓名年月諒非無因。著寶興嚴密查訪。按起嚴拏。認真懲辦。如查有諱匿消弭情事。立即據實嚴參。毋稍姑息。四川地方遼闊。該督身處省垣。或有見聞所不及。既經該御史逐案指實。正可從此根究。力挽頹風。儻既受朦蔽於前。復有心回護於後。尚望各州縣官知所儆懼。耶所奏重慶武都司接仗勇往拏獲賊匪。該上司以為輕舉妄動。撤任留緝。是否實有此事。又賊匪李三丁現住

省城即著就近查拏務獲究辦斷不准含混了事一奏塞責也該御史原摺發給閱看將此密諭知之○以翰林院侍講何桂清為廣東鄉試正考官修撰龍啟瑞為副考官編修馮桂芬為廣西鄉試正考官檢討祁宿藻為副考官光祿寺卿瑞常為福建鄉試正考官翰林院編修楊福祺為副考官○丁丑改鑄乍浦陸路副都統印信從杭州將軍特依順請也○戊寅

上詣綺春園問

皇太后安○諭內閣此次禮部題派廣東福建考官照奏定章程請將該省駐防繙譯鄉試題目隨本發下現在廣州駐防呈應繙譯鄉試者人數無多業據該將軍等奏明展限其福州駐防繙譯鄉試題目著該部行知派出之該省考官於起身前一日親赴軍機處恭領帶至該省內廉嚴密收貯屆期面交該監臨俟試日點名以後拆封刊刻如關防不密

致前期稍有漏洩惟該監臨是問此外各省繙譯鄉試應領試題均著照此辦理仍著該部隨本聲明○予故喀喇沁貝子瑪哈巴拉祭葬如例並賞銀四百兩○己卯遣官祭關帝廟○諭內閣前據德興奏番賊偷渡分搶經青海盟長派兵捕斬當有旨諭知富呢揚阿確切查明具奏茲據奏稱滅什卡族賊首噶布藏因與蒙古挾嫌報復偷渡行搶至剛咱族千戶完的他爾因被該管廳員責處

欲請移居河北並非作賊偷渡等語上年因各族番匪踞肆擾經該督派兵驅逐回巢均知斂跡乃該賊首噶布藏於大兵撤回以後輒挾蒙古引路之嫌過河搶劫實屬愆不畏法此時賊首就戮夥賊敗回自不值復派官兵深入搜捕著該督飭知該總兵站住於稽查番族戶口之便妥為查辦並嚴行曉諭此次餘眾姑從寬宥嗣後如有續犯即當悉數剿除仍飭防所官兵隨時防範實力巡查毋

得稍有疏懈至該千戶完的他爾並無搶劫情事因蒙古官兵猝遇誤致殲斃其原獲跟隨之坦木住古等六名著該大臣就近訊明酌覈辦理○又諭富呢揚阿奏籌款提借兵餉並請飭催外省協餉一摺甘肅地處邊陲各營俸餉必須按期撥解茲據奏稱本款存銀不敷支放外省協餉未報起程現值撥解伊犁俸餉並支發內地各營夏季俸餉之期著照所請准其在於新疆備用款內提借銀

三萬四千六百兩減平節省款內提借銀四萬四千三百兩盤查生息款內提借銀五萬四千兩收入二十四年兵餉款內以備支放一俟外省協餉解到即行提還其山西省未報起程之豫撥二十四年兵餉銀兩廣西山東兩浙兩淮河東道安徽蘇州未報起程之正撥二十四年兵餉銀兩即著各該督撫等嚴催趕解毋得遲誤○庚辰諭內閣前因各省扣存藩庫應解部庫之款久未報解曾降

旨著各該督撫等統限三箇月解部交納茲據戶部奏稱各該省共應解銀六十六萬九千四百三十五兩零現已限期屆滿其業經解部及已報起解尚未到部者共銀五萬五千七百六十餘兩零尚有銀六十一萬三千六百六十餘兩仍未完解請旨飭催此項銀兩均已扣存藩庫自應遵照奏定限期全數解部何以遲至限滿報解仍復寥寥實屬延玩著各該督撫等嚴飭司道認真趕辦將應

解部庫銀兩迅即委員起解赴部交納並將起程日期先行咨部查覈如再遲逾著即將延不解交各員據實奏參毋稍徇隱以示懲儆○辛巳以太僕寺少卿程庭桂為光祿寺卿○戶部議准廣西巡撫周之琦疏報北流縣大牛嶺設廠開採鐵礦從之○壬午以四川重慶鎮總兵官托明阿為提督○培修直隸天津靜海青滄南皮交河東光吳橋景九州縣隄工並濬滄州減河加築石壩海墘從

總督訥爾經額請也○旌表守正捐軀安徽定遠縣民婦忽楊氏○禮部議准河南巡撫鄂順安疏報採訪桐柏縣節婦馬鄭氏等九口請建總坊旌表江蘇巡撫孫善寶疏報江都甘泉二縣貞節婦女洪于氏等九十口請於恤嫠局中刊石旌表寶應縣貞節婦女劉氏等六十七口請列入前建總坊旌表從之○癸未諭軍機大臣等現在湖北糧道邱惇有應行查詢事件著惠吉傳旨即飭令該員

迅速來京聽候傳問其督運事務或即派總運之員接辦抑或另行派員辦理之處著惠吉一併具奏將此諭令知之○又諭前據壁昌奏江廣各幫漕船行抵龍江關查驗木稅窒礙情形當降旨將該監督瑞長交部嚴加議處並令來京聽候部議矣茲據瑞長奏湖北漕船違例帶木越關無憑查驗所奏各情節與壁昌前奏互異著該署督即將該省漕船如何不候查驗徑行越關各情節確切查

明據實具奏毋得稍存回護致有不實不盡瑞長原摺著鈔給閱看將此諭令知之尋奏查湖北漕船停泊二套溝七日之久屢次咨請查驗該監督不肯往驗咨明漕督飭令開行始敢前進並非不候查驗徑行越關下軍機大臣知之○又諭據都察院奏江西民人范守誠呈控洋商違例抽銀並呈遞洋行議簿各件一摺粵東茶商納課例有定額若如該民人所控洋行私增各款至百餘倍該商

等疊次控告俱被洋商伍怡和等朦混事關違例私抽銀兩必應徹底究辦况有議簿可憑著該督等督同該監督等提集各行商悉心詳鞠務期水落石出不准稍有徇庇以懲商蠹而清國課該民人呈遞議簿等件五本著發交該督等閱看將此諭令著英程商采並傳諭文豐黃恩彤知之尋奏查洋商抽提行用羨餘彌補夷欠係照乾隆年間舊定章程稟經粵海關監督批准與茶商無涉訊明

范守誠以不干已事捏告復詐稱職官按律擬發近邊充軍下部議從之○以前任浙江温州鎮總兵官德年為四川重慶鎮總兵官○甲申旌表守正捐軀直隸香河縣民賀開富妻葉氏○乙酉

上詣綺春園問

皇太后安○諭內閣德春等奏請飭催南糧跟幫速運等語本年南糧北來未能跟蹤到壩京倉現當盤放僅止四倉受米轉運維艱刻

下甫經兌收即難應手恐在後各幫沿途稽滯必致延誤著漕運總督山東巡撫直隸總督嚴飭押運各員及沿河文武員弁上緊提催務令跟幫前進飛挽抵通以供驗訖毋使一幫脫空致滋貽誤○諭軍機大臣等御史劉良駒奏請推廣票鹽一摺淮北票鹽試行有效淮南事同一律現在官引滯銷積弊已甚亦宜設法變通以期便民裕課著壁昌詳察情形統籌全局是否可以倣照淮北現辦

章程改行票鹽之處悉心妥議具奏另片奏

票鹽章程驟難偏及請先於上下江食岸試行然後推及於江西湖廣即著壁昌咨行該督撫各就該處地方情形熟商定議以冀推行漸廣有益全綱至近來銀貴錢賤為各省通病該御史所奏銀錢兼收就近撥解之處是否可行亦著壁昌等一併詳議奏辦原摺片俱鈔給閱看將此諭令知之尋奏淮南淮北情形懸殊未便輕為試行至銀錢兼收就近撥解南河運錢水腳較之解銀所費奚啻十倍且恐行之日久應納之課盡行交錢則應解京外餉銀將何分解亦未便輕議變通從之○丙戌

上御勤政殿聽政○諭內閣鄂順安奏請借款修築各工防護省城一摺現在黃水未歸故道轉瞬大汛將臨河南省城重地自宜豫籌防護據該撫估築攔黃埝蓋壩各一道並添築格隄等工除撥用工料並動用城工捐項

存錢外尚需錢十二萬餘千。准其在大工捐輸局內暫行借動。以濟急需。俟城工捐輸催齊。即行解還。如有不敷。另籌歸款。○以光祿寺卿瑞常詹事府少詹事張芾為內閣學士兼禮部侍郎銜大理寺卿福濟為都察院左副都御史。○以翰林院檢討李臨馴為湖南鄉試正考官。刑部主事喬晉芳為副考官。翰林院編修錢振倫為四川鄉試正考官。湯雲松為副考官。○丁亥。旌表守正被戕四川印

縣民但泳才母劉氏。○戊子。諭內閣布彥泰奏被劾降補之員。捏詞挾制。請旨懲辦一摺。前因惠遠城協領伊齡阿辦事錯誤。不遵訓飭。經該將軍據實奏。曾有旨將該員以防禦降補。茲據奏稱該員於被劾後。挾忿尋釁。屢向該將軍借端挾制。並敢以絕無影響之事。捏詞聳聽。又復添砌具呈。自相矛盾。迨經派員訊究。該員仍任意咆哮。所訊情節。置若罔聞。竟敢恃強毀牆逸出。種種情形。為眾目

所共睹。狂妄刁惡。莫此為甚。屬員挾制上司。目無法紀。此風斷不可長。伊齡阿著即革職。發往葉爾羌交奕經嚴加管束。以為逞刁妄詐者戒。○以故土爾扈特扎薩克輔國公巴彥克什克子滿積多爾濟襲爵。○以故奉國將軍碩景子惠興降襲奉恩將軍。○己丑。孝恭仁皇后忌辰。遣官祭。

景陵。○庚寅。賞哈密辦事大臣瑞元二等侍衛。為駐藏幫辦大臣。以駐藏幫辦大臣鍾方為哈密辦事大臣。○辛卯。諭軍機大臣等。海校奏履勘官荒地畝。堪以開墾。一摺。據稱伊拉里克一帶荒地。約可墾者有十萬餘畝。請令就近回子開墾耕種。俟有成效。再行照例量為升科等語。此項荒地。是否可以開墾。於蒙古生計有無妨礙。著布彥泰派委委員。隨同惟勤前往該處查勘情形。據實具奏。將此諭令知之。○又諭。本日據都察院奏浙江民人潘庭筠呈控柯昌虎糾同柯景蘭等殺斃弟

姪二命復槍傷伊族六人。擒去伊姪。疊控巡撫臬司。尚未獲犯。該管汛弁鄭金墀。與該營周署備等。訛去會營錢五十千。柯其全與周署備。素好。未拏一兇等情。案關糾眾殺營弁索贓。虛實均應徹底根究。著梁寶常認真嚴訊。務得確情。按律定擬具奏。並飭緝拏各兇犯。務獲究辦。毋許一名漏網。將此諭令知之。尋奏署守備周飛熊。外委鄭金墀。訊無訛詐情事。柯潘兩姓係因爭占山場互毆。各犯

實錄卷四百五

十

均已拏獲。按律擬結下部議從之。○以辦賑出力。予湖北知府夏廷楨等優敘有差。○壬辰。以委散秩大臣景慶為內閣學士兼禮部侍郎銜。○癸巳。

上詣綺春園問

皇太后安。○甲午。諭軍機大臣等。有人奏山西太原府屬居民。往往無故被人暗中翦割。辦髮太谷榆次一帶尤多。請飭查拏等語。邪教惑人行蹤詭秘。最為地方之害。著梁萼涵遴

委幹員嚴密查訪。如有其事。務須獲犯懲治。淨絕根株。不得任聽該地方官規避處分。稍有諱飾。原摺鈔給閱看。將此諭令知之。○乙未。以右春坊右庶子朱鳳標充日講起居注官。○禮部議准江蘇巡撫孫善寶疏。報採訪高郵州貞節婦女趙房氏等五百九十二口。湖北巡撫趙炳言疏。報安陸縣汪王氏等三百九十五口。各請建總坊旌表從之。

實錄卷四百五

十一

大清宣宗效天符運立中體正至文聖武智勇仁慈儉勤孝敏成皇帝實錄卷之四百五



大清宣宗效天符運立中體正至文聖武智勇  
仁慈儉勤孝敏成皇帝實錄卷之四百六

監修加蓋官廳題名錄在宣宗太子太師關仁閣大學士文淵閣總理事務處上書房總辦總辦等處各書寫  
大府戶部禮部刑部工部兵部吏部各部院衙門及各官署均加蓋宣宗實錄卷之四百六  
七卷大臣等奉旨因四庫館書修一版進等加六版進等加三版進等加二版進等加一版進等加  
內務府大臣等奉旨因四庫館書修一版進等加六版進等加三版進等加二版進等加一版進等加  
醫局等處奉旨因四庫館書修一版進等加六版進等加三版進等加二版進等加一版進等加

道光二十四年甲辰六月丙申朔諭軍機大

臣等前因河北道出缺當經降旨以龔慶祥  
補授因思河北修守事宜關繫緊要該道龔  
慶祥是否能勝此任著鍾祥留心察看據實  
具奏不准稍有瞻徇將此諭令知之尋奏龔  
慶祥才具堪以勝任報聞○丁酉諭內閣訥  
爾經額奏永定河水漫溢馳往勘辦一摺永  
定河南七工五號隄身因連日大雨水勢側  
注以致墊塌十餘丈該道廳各員未能加意  
搶護實屬疏於防範永定河道張起鵷三角

淀通判翟宮槐南七工東安縣主簿王錫震  
均著革職留任翟宮槐王錫震並著摘去頂  
帶責令隨同該道趕緊設法堵合直隸總督  
訥爾經額未能先事豫防亦著交部議處該  
督即馳往工次查勘督辦並著查明被淹村  
莊妥為撫卹毋任一夫失所至此次添辦料  
物並堵築漫口經費准其將清河道庫積存  
滹沱河息銀動撥三萬兩解交永定河道庫  
以供支發事竣覈實報銷○修浙江仁和海

寧二州縣東西二塘柴埽盤頭從巡撫梁寶  
常請也○戊戌諭內閣候選主事趙長齡在  
籍道員潘仕成均著交著英差遣委用○諭  
軍機大臣等著英奏接見咪喇哩使臣大概  
情形一摺覽奏均悉該夷使等所呈貿易條  
款據該督詳閱尚與新定章程約略相倣無  
礙通商大局業經分別准駁飭令藩司黃恩  
彤面與會議阻其北行若復嘵嘵請但當  
諭以北省並無通事內地官員不能通曉該

夷言語且彼處並無專司夷務之大臣必致徒勞遠涉等語一俟如何定議即行據實具奏至該督查看聽酋為人似尚明白即諭以堅守成約勿稍反覆其大西洋舊兵頭吐喇喊啦嚙哆呈遞公文亦有北上之請業經該督曉諭阻止惟唏嚙哂使臣喇吃呢據咪夷聲稱約計一月後可以到粵似與咪夷通同一氣俟該夷到日如亦遞呈求見著著英察看情形勿使別生枝節將此由四百里諭令知之○己亥

實錄卷四百六

三

上詣綺春園問

皇太后安○予四川捕匪傷亡土兵葛其才等八名賞卹如例○庚子以吏科給事中黃贊湯為奉天府府丞兼提督學政○辛丑諭內閣御史烏凌阿奏請嚴定起運章程一摺本年江浙兩省漕糧前經各該督撫奏請紅白兼收私梗並納現當抵通交兌之時誠恐各幫丁舵並經紀人等恃有奏案易滋朦混著

倉場侍郎嚴飭所屬認真查驗如果米色低潮即令幫丁挑晾乾潔再行起運其尚堪收兌者務令隨驗隨起不容片刻耽延儘查有丁舵經紀人等串通舞弊立即嚴究並將該管官從重叅處如通壩司漕各官及專司驗收起運之員辦理迅速始終奮勉著俟全漕告歲擇其尤為出力者奏請鼓勵○壬寅諭軍機大臣等陸費瑤奏未陽縣痞棍聚眾抗糧滋事親往查辦一摺據稱未陽縣西鄉段

陽二姓抗不完糧並設局斂費阻截糧戶經該縣獲犯訊究膽敢糾眾撲城並拒傷弁兵胡俊等現尚退匿城外未散等語匪徒抗糧滋事糾合至千餘人之多並敢持械攻城拒傷官兵實屬罪大惡極必應迅速勒辦淨絕根株現據該撫挑選兵三百名親帶前往並咨永州鎮派兵三百名馳往會剿即著該撫會同該鎮妥速擒捕剋期竣事勿使蔓延其為首之陽大鵬等及著名匪犯務須按名捕

獲盡法嚴懲母任一名漏網至該縣界連各地方要隘均著加意嚴防以免竄逸石生玉現在諒已抵任著即責成該提督會同勦辦餘著照所議辦理將此由四百里諭知裕泰陸費璵並諭石生玉知之○又諭琦善奏接據班禪額爾德尼等控訴諾們汗貪黷營私各情一摺並將所遞各呈分繕呈覽該諾們汗噶勒丹錫呼圖薩瑪第巴克什現在掌辦商上事務如果實有狂妄貪奸各情於黃教大有關繫著琦善會同班禪額爾德尼並率同第穆濟噶呼圖克圖等徵諾們汗等逐款確查據實叅辦其商上事務著照議准令班禪額爾德尼暫行兼管第穆濟噶呼徵三人並令隨同學習俟一二年後由該大臣會同班禪額爾德尼酌保一人掌辦商上事務將此諭令知之○癸卯諭內閣本日據軍機大臣會同刑部議奏貴州軍犯擁擠酌減調劑等語新疆遣犯改發內地恐人數眾多不特

約束難周且於民風大有關礙非若新疆地方遼闊外遣人犯易於安插所有舊時改發內地各條著仍照舊例發往新疆交該將軍設法妥為安插並嚴飭所屬認真查覈嚴加管束毋令滋生事端俾期積久無弊○又諭惠吉奏浙江幫船到淮盤驗米色尚屬乾潔可用不至過於潮雜因天時不齊米色柔嫩恐難久貯請飭另倉存貯先行搭放等語著倉場侍郎於驗收該省米石時察看實在情形隨時斟酌妥為辦理○諭軍機大臣等者英奏咪喇哩夷使呈遞文書停止北上並會議條約情形一摺覽奏俱悉該夷使於北上一節既已停止而以西洋各國為言豫占地步天朝撫馭外夷一視同仁現既諭阻該國使臣自無准令他夷入覲之理該夷志在通商惟以條約為急自應相度機宜定議斷不可稍為遷就別生枝節該督總須統籌全局妥立章程以期經久無弊將此由四百里諭

令知之○又諭昨據陸費瑯奏未陽縣痞棍抗糧滋事拒傷弁兵親往查辦已諭令該撫妥速掩捕暨責成新任提督石生玉前往勦辦並諭知該督矣茲據裕泰奏稱該匪等現在城外藏匿近城地方均有匪黨攔截文報不通已飭鄰近文武協拏如仍敢抗拒即親身馳往督勦等語此案匪徒陽大鵬等烏合之眾現經該撫會同提鎮帶兵進勦自必不致蔓延此時石生玉計已行抵湖南著即酌

帶官兵數百名迅速馳赴未陽督率勦辦不准稍事遷延致令裹脅日眾以期妥速肅事至該督應否前往著察看事機緩急酌定行止其該縣陽段二姓據該撫奏稱因抗糧糾眾是否實情抑或另有起釁根由著該督確切查明據實具奏將此由四百里諭令知之○甲辰緩徵山東館陶臨清德邱濟陽聊城茌平齊東陵德平原冠高唐曹朝城陽穀鄒平臨邑益都夏津昌樂壽張二十二州縣

並德州東昌二衛被災村莊新舊額賦○乙巳諭軍機大臣等前據裕泰陸費瑯先後奏到未陽縣痞棍糾眾滋事拒傷弁兵當經降旨令該撫妥速掩捕並責成該提督前往勦辦矣茲據石生玉奏接准該撫咨會當即飭挑精兵五百名派員管帶前往該提督亦即星夜馳赴衡州親督勦捕所辦極是此等烏合之眾不難撲滅解散石生玉馳抵衡州著即督兵迅速堵勦毋使日久蔓延至與該縣

毗連各要隘仍遵前旨加意嚴防勿令匪犯竄逃務須按名捕獲盡法嚴懲以儆兇頑將此由四百里諭令知之○以兵部左侍郎朱嶧為浙江鄉試正考官翰林院編修惲光宸為副考官國子監祭酒葉覲儀為江西鄉試正考官翰林院編修李佐賢為副考官編修倉景恬為湖北鄉試正考官殷兆鏞為副考官○丙午四川松潘鎮總兵官萬福奏謝調任恩得旨認真整飭營伍稍有廢弛朕不汝

貸○丁未諭軍機大臣等裕泰奏耒陽匪徒現多解散酌量留撤官兵等語該匪徒等於拒傷弁兵後復糾合攻城被兵勇敢槍擊斃多名業經窮蹙解散所有石生玉前帶兵丁著即酌量撤回歸伍至耒陽縣毗連之各州縣山徑叢雜匪徒易於藏匿該督務即飭屬嚴防設法兜擒毋令竄逸其首犯陽大鵬尤須按拏務獲盡法懲治勿使漏網將此由四百里諭令知之○戊申諭內閣敬敷等奏駐

防官兵房屋被淹一摺福州省城本年夏雨較多復因上游溪流灌注以致河水漲溢所有省城駐防及三江口水師旗營被水兵丁業經該將軍等隨時撫卹其被淹官兵房屋並著確切查明分別辦理○又諭前據戶部奏各省未經報部各荒地恐有私墾隱賦各情當經降旨令該督撫等覈實查明具奏並因甘肅水衝沙壓之地未經墾復者七千五百餘頃之多復令富呢揚阿委員確勘將應

復地畝隨時咨報辦理茲據該督奏請專辦招墾立限升科等語荒地既多其間私種者或漏未升科拋荒者或憚於墾復若非特派大員親加周歷廣為勸諭則委員捏飾州縣遷延種種弊端終無實效所有該省招墾事宜著即責成鄧廷楨專心妥辦其藩司篆務著楊以增暫行署理甘肅臬司著富呢揚阿派員接署鄧廷楨曾經歷任封疆此次又棄瑕錄用簡任藩司必能激發天良仰體朕意

實力講求著於接奉諭旨後親赴各屬逐一勘明將堪以墾復之處設法招徠一律報墾其有未經報明私行墾種者均即勒限照例升科儼各州縣畏難苟安藉詞阻撓並著指名叅奏務使查辦之後野無曠土人盡歸農以實邊儲而足民食毋得仍照向年舊案苟且塞責○以故四川成綿龍茂道屬阿思洞寨土千戶桑扎孝本子達那笑襲職○以福建閩侯官閩清三縣被水命平糶倉穀○已

西諭軍機大臣等訥爾經額奏查勘永定河南七工漫口現已裹頭盤護應俟水落料齊堵築一摺覽奏均悉永定河南七工五號隄身漫水墊陷據該督詳細籌勘漫口之水雖循行舊河可以因勢利導惟南北兩隄之內村莊不少居民遷徙維艱自應堵築漫口引歸故道現在存料無多且新河坎刷深正河淤高下口鳳河間段停淤尤虞高仰須俟水落後挑挖深通堵築方可得手自係實在情形著照所議即飭該道督同員弁趕緊備料俟秋汛後妥速辦理至下口鳳河展寬挑深之處引河放水時應否再加挑挖一併勘估具奏無稍遲誤所有永清霸州被水村莊應否撫卹著確查漫淹輕重覈實辦理將此諭令知之○又諭耆英奏咪喇哩夷使呈出國書停止北上並議定條約一摺該夷使請求北上意在親遞國書經該督反覆曉諭始據該夷使將國書呈出求為代奏不復希冀進

京其所呈條約清冊亦經逐款議定所繳國書著俟譯出後遇便呈覽另片奏探聞佛夷使臣喇吃呢帶兵船七隻火輪船一隻在小呂宋停泊或來粵暫住或徑赴天津均未可定夷情狡譎自當加意嚴防但現在尚無端倪不可先事張皇轉致別生枝節廣東為往來要道該夷船無論駛往何口自必經過粵洋著該督密飭委員加意哨探見有該國來船蹤跡即行飛速稟報探其來意相機辦理如實有北駛情形即一面奏聞並飛咨沿海各省一體防範妥為撫馭務於鎮靜之中仍不失豫防之意是為至要將此由四百里密諭知之○以廣東布政使黃恩彤辦事認真賞花翎○以直隸通州協副將來英為江南徐州鎮總兵官○庚戌旌表守正被戕直隸饒陽縣民何錫恩妻程氏 辛亥上詣綺春園問皇太后安○諭內閣前據訥爾經額等會議

東陵後山巡防章程當交軍機大臣議奏茲據奏稱該督等所議變通四條添設撥汛編查保甲禁武弁之濫刑申巡查之舊制均屬妥協周備著即照所議辦理風水重地必當嚴密守護以期一律肅清惟立法固貴周詳奉行尤宜實力經此次議定章程之後除責成該總兵按照所議各條認真督辦外著直隸總督於因公出省時如相距不遠即親往周歷稽查察其勤惰據實具奏並著遴派幹員隨時會查如有巡查不力及消弭了事等弊即據實稟報揭叅毋得日久懈弛視為具文以昭慎重而臻安謐○諭軍機大臣等前經降旨將江寧織造瑞長交部嚴加議處即來京聽候部議該員如行抵山東直隸境內著訥爾經額崇恩傳旨飭令迅速趨程來京聽候傳訊毋得遲延將此各諭令知之○以內閣學士趙光署兵部左侍郎翰林院侍讀學士靈桂為光祿寺卿○壬子烏魯木齊提督

中福因病解任以山東登州鎮總兵官王明為烏魯木齊提督閩浙督標中軍副將武琴鳳為登州鎮總兵官○癸丑諭內閣本月十九日  
壽皇殿  
聖容還御著派王大臣等敬謹從事並著惠親王綿愉於二十日卯刻恭詣拈香行禮○又諭富呢揚阿等奏籌議派撥青海蒙古番子官兵協同駐防官兵按季會哨章程一摺覽奏俱悉海南適中之貢額爾蓋地方有上下三路俱能分抵防城該處乃通番要道河北咽喉著照議分班管帶防兵並蒙古番兵按季定期出巡前赴貢額爾蓋遊巡會哨此項官兵等所需經費除照例籌給外其蒙古番子官兵自應酌給犒賞銀兩以示體恤准其將閒款銀二千三百兩仍查舊章每年解交青海衙門移歸新定遊巡章程項下覈明飭發其每歲收支款目免其造冊報銷經此

次議定章程該督等務當嚴飭各官弁認真會哨實力巡防毋得虛應故事僅試辦一二年後體察情形如有不能得力必須變通辦理之處著該督會同青海大臣隨時酌覈據實具奏○以烏魯木齊都統惟勤兼署提督○乙卯諭軍機大臣等陸費瑤奏耒陽縣匪徒經守城兵勇連次擊退並赴調官兵沿途接仗現於連界各屬分別派委員弁堵擊各情形覽奏均悉該匪等自連次受創之後復

敢屯聚距城一二十里之石塘鋪冷水井竈頭街等處鳴鑼糾眾威脅鄉民肆行殺奪攔阻文報不法已極現除已到各兵外石生玉所統各路精兵計已到齊著陸費瑤石生玉即督同前進相度機宜合力圍捕務將首要各犯痛加勦除迅速肅功其連界各鄉仍各派弁兵嚴密堵禦毋令該匪徒計窮竄逸各路蔓延致留後患是為至要將此由四百里諭令知之○以翰林院編修甘守先為陝西

鄉試正考官陳寶禾為副考官工部左侍郎徐士芬為江南鄉試正考官翰林院編修江國霖為副考官○丁巳諭軍機大臣等壁昌奏勘定沿江安設礮墩處所一摺據奏沿江南北兩岸必應安設兵礮以固民心現已勘明省城太平門外之五龍山可以建築礮墩鎮江北固山下築長隄一道間段修築礮墩對岸順江洲築礮隄一道兩岸排列礮墩圖山關之大礮頭二礮頭築斜長土隄並將舊

有土礮墩加長對岸東生洲並北岸三江口分別添築土隄鵝鼻嘴之大石灣築土隄一道均經釘椿為記並於福山將總兵衙署兵房勘定飭修俱著照議妥為辦理江防關繫極重現於扼要處所安設礮隄礮墩必須工程堅固防守方能得力著責成壁昌督飭承辦各員認真經理毋得草率了事有名無實如工竣後勘驗不能如式或漸有剝蝕情形即隨時指名奏飭令賠修其小石灣劉聞



沙現辦各工已據署靖江縣知縣李炳照捐辦經該署督勘明劉聞沙隄上應排礮墩飭令該員一手捐辦統俟工竣後由該署督覈明具奏至所稱礮墩工程需費不少已諄飭地方官勸導官紳商民等捐資認辦如果該官紳等好義急公或認辦一段或認辦數段著該署督於驗收後按照所捐銀數分別請獎候朕施恩將此諭令知之○戊午遣官祭火神廟○諭軍機大臣等前因雲南等省向

有銀廠抽收課銀降旨令該督撫體察情形如此外有可開採之處准照現開各廠一律辦理茲據周之琦奏稱廣西銀廠現在僅存三處每年共抽正課銀四五百兩不等為數寥寥其臨桂等縣舊有各廠久經封閉並未續開惟礦砂有衰旺之時地氣有轉旋之候現已密飭府縣添派委員詳細躡勘如有礦砂復露之處即照現辦章程招民開採等語天地生財以供民用若不能變通盡利則民

用易匱而財貨亦有棄地之虞廣西舊有各廠前因採取過多山空砂薄是以暫行封閉積之既久地氣亦鬱而必宣但能因地之利順民之情自可著有成效現在查勘各該處如果有礦苗重出砂路復新即著諄飭該委員等會同地方官勸諭商民試行採辦務在禁其擾累去其煩苛使民樂於從事現存焦木南丹掛紅三廠抽課無多亦著察看該處附近之區是否可以量為推廣此外各山場

如本非舊廠而有可開採之處並酌量情形一律招辦僮該員等不能妥為經理或飾辭阻撓或張揚抑勒或以課銀為數無幾為詞甚至假手吏胥侵漁圖利該撫一有聞見務即隨時撤回指名奏仍另派妥員實心籌辦以期於國計民生兩有裨益將此密諭知之○己未諭內閣御史文鏞等奏首進南糧經一月之久僅卸貯三十七萬餘石在後各幫米多期迫恐致有誤起卸請飭設法變通

等語著倉場侍郎妥議趕辦毋致臨事周章  
○以奉恩將軍恆春子榮秀襲職○庚申諭  
內閣前據御史黃鍾音奏四川省盜賊蠭起  
請飭查辦當經降旨交寶興查拏究辦茲據  
該督奏稱查明搶劫拉搥各案就該御史原  
奏逐加查覈或現已獲案審辦或尚未獲案  
並有未據事主呈報之案現在勒限緝拏等  
語匪徒搶掠滋擾為害地方必應嚴拏究辦  
著寶興嚴飭各地方官於現獲各犯悉心研  
鞫盡法懲治未獲之犯趕緊購線訪拏不准  
一名漏網其未報各案恐不肖州縣意存諱  
飾消弭匿不詳報以致匪徒肆無忌憚著即  
遣派明幹妥員分往各屬明查暗訪總期有  
案必獲有犯必懲以靖奸宄而安閭里○旌  
表守正被戕山東鉅野縣民陳讓童養媳張  
氏○辛酉旌表守正捐軀山東歷城縣民鄭  
希有妻李氏○壬戌殊諭軍機大臣傳知前  
鋒統領護軍統領等著將該處所貯陰文合

符五扇送交軍機處貯大內永不動用新頒  
陰文合符四扇著交該統領等敬謹收貯此  
旨著軍機處該統領均各存記○諭軍機大  
臣等據陸費瑤奏官兵勦捕未陽匪徒連獲  
勝仗情形覽奏均悉該匪等巢穴俱在西鄉  
魚陂洲啞子山一帶徑路崎嶇樹木叢雜經  
永州鎮總兵英俊等分投挖捕殲斃多名焚  
燬賊巢餘匪奔竄勢已窮蹙辦理尚屬妥協  
惟首犯陽大鵬尚未就擒著該撫會同石生  
王設法搜捕斷不准令倖逃顯戮日久稽誅  
其餘各要犯亦須按名偵緝分路兜擒以正  
典刑而伸國法其現獲之僧倡貫一犯既訊  
係陽大鵬主謀正可向該犯嚴究陽大鵬下  
落毋任狡展諱匿將此由四百里諭令知之  
○命陝甘總督富呢揚阿撥銀八千兩解赴  
庫車備道光二十六年經費○癸亥諭內閣  
德春等奏請飭催漕船等語漕船銜尾北上  
不容片刻稽延茲據該侍郎等奏稱安慶前

幫脫空七日安慶後幫又脫空十餘日之久尚無入關信息實屬延玩著漕運總督山東巡撫直隸總督嚴飭沿河文武員弁於在後各幫漕船務須一律上緊提催跟幫前進飛挽抵通毋再任意逗留致干咎戾○甲子兩廣總督耆英奏沿河各屬被水委員勘辦情形得旨勘明據實具奏固結民心第一要務毋稍忽怠○乙丑諭內閣桂輪等奏叅貽誤公事並需索無厭之烏梁海總管一摺烏梁海總管垂敦扎布於本年呈進貂鼠解送烏里雅蘇台並不隨行且平日於所屬之人需索入已怨聲載道著照所請垂敦扎布著革去總管以示懲戒所遺員缺著該將軍揀選妥幹人員另行奏補

大清宣宗效天符運立中體正至文聖武智勇仁慈儉勤孝敏成皇帝實錄卷之四百六

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百七

其侍從官等因日隨扈上太子太傅額爾德尼圖奏請開列辦事官等事上書恩賜御批欽此欽此  
又前刑部奏請將刑部五成稅銀十八次呈請開列辦事官等事上書恩賜御批欽此欽此  
又前刑部奏請將刑部五成稅銀十八次呈請開列辦事官等事上書恩賜御批欽此欽此  
又前刑部奏請將刑部五成稅銀十八次呈請開列辦事官等事上書恩賜御批欽此欽此  
又前刑部奏請將刑部五成稅銀十八次呈請開列辦事官等事上書恩賜御批欽此欽此  
又前刑部奏請將刑部五成稅銀十八次呈請開列辦事官等事上書恩賜御批欽此欽此  
又前刑部奏請將刑部五成稅銀十八次呈請開列辦事官等事上書恩賜御批欽此欽此  
又前刑部奏請將刑部五成稅銀十八次呈請開列辦事官等事上書恩賜御批欽此欽此  
又前刑部奏請將刑部五成稅銀十八次呈請開列辦事官等事上書恩賜御批欽此欽此  
又前刑部奏請將刑部五成稅銀十八次呈請開列辦事官等事上書恩賜御批欽此欽此

秋

道光二十四年甲辰秋七月丙寅朔享

太廟遣睿親王仁壽恭代行禮○諭軍機大臣  
等據琦善等奏西藏駐防弁兵原係三年一  
換例准雇役番婦代司縫紉樵汲迨後留防  
過多更換日少該弁兵姦生之子在營食糧  
者現已十居二三兼之因差來藏之弁兵並  
無留防之例亦准留藏候補竟有待至二三  
年方得輪補缺糧各弁兵日形苦累等語內  
地赴藏駐防弁兵原以備緩急之用此時若  
照例查辦自必驟加厲禁恐難相安然仍舊

因循年復一年不但帑項有虧且恐在營弁  
兵漸成唐古特族類儻偶有事端難資得力  
此事甚有關係自當漸次裁革著該大臣等  
嗣後遇換防之期即行照例更換少准留防  
其有欠項者酌量給發俾令餬口有資餘均  
盡數扣還如有兵糧缺出即著慎加選擇凡  
身家不清者概不准其挑入並著揀擇兵丁  
若干名暫留琦善署中勤加教練以收實效  
而杜弊端總之有虧帑項其弊小成其族類  
其患大懍勉為之將此諭令知之○貸陝西  
葭州被雹災民籽種○丁卯湖廣總督裕泰  
奏攻剿耒陽縣匪徒擊斃多名現飭各營購  
線偵緝首逆陽大鵬等務期悉數弋獲從嚴  
懲辦報聞○以吏部左侍郎柏後署京營右  
翼總兵○免河南郟縣民欠倉穀○戊辰諭  
內閣戶部奏已故查庫御史罰賠銀兩地方  
官報部遲延等語已故廣東督糧道前任查  
庫御史朱遠吉罰賠減半銀五千五百二十

兩應以奉文之日起限。予限半年。由該故員子孫名下追繳。該地方官等任意耽延。經該部節次嚴催。始將奉文日期報部。業經久逾期限。以致該部無憑奏請展限。實屬玩愒。著梁寶常查取遲延各職名。照例送部議處。其未完銀兩。仍著飭令地方官嚴追完繳。勿任宕延。尋奏朱達吉孫庭焜。已將代賠銀兩全繳。地方官雖詳報遲延。尚能督催全完。應免議處。從之。○己巳。諭內閣。果勒明阿等奏請

酌留兵丁一摺。科布多屯田緊要。現值該兵丁等換班之期。若全行更換。恐於屯田差務未能熟悉。著照所請。准其於此次應換兵丁一百六十名內。將上屆留駐兵六十名。全行更換於一百名兵內。仍擇六十名。暫行酌留。以資熟手。俟下屆換防時。將此次所留兵丁全行更換。仍不得過兩班。以符定制。○予防勦夷匪陣亡京口驍騎校祥雲筆帖式哈豐阿。武舉哈達海。前鋒校松寶。乍浦前鋒校佛

印。陝西外委毛玉貴。劉運昌。甘肅外委楊福增。祭葬世職。○庚午。諭軍機大臣等。前據壁昌奏勘定沿江安設礮墩處所一摺。當經降旨著照議妥辦矣。江防關繫重大。該督現於扼要處所。建築礮墩礮隄。以資防禦。自係相度形勢。為有備無患之計。惟是由海入江。水面寬闊。礮墩礮隄。孤峙江洲。並無依傍。必須水陸各有援應。方能聲勢聯絡。立於不敗之地。若但恃地形險要。而後路不豫為布置。試

思廣東虎門。素稱天險。尚不足恃。況江洲遼闊。土隄平坦。何能恃為無虞。所有五龍北固兩山。及圖山。關鵝鼻嘴等處江面。修築礮墩礮隄。陸路能否互為聲援。水路有無船隻遙為救應。萬一有烽煙之警。防守事宜能否確有把握。著壁昌再行詳細妥議。據實具奏。將此諭令知之。○以捐建昇平社學及辦理團練出力。予廣東紳士李芳等議敘有差。○辛未。以翰林院編修屬恩官為河南鄉試正考

官。田雨兮為副考官。兵部右侍郎舒興阿為山東鄉試正考官。翰林院編修胡應泰為副考官。編修龍元禧為山西鄉試正考官。匡源為副考官。○壬申。諭內閣。綿勳等奏。

泰東陵明樓正座四面情形。較前加重。請派員查勘一摺。著派陳官俊。阿靈阿前往敬謹查勘具奏。○諭軍機大臣等。御史江鴻升奏。豫皖災民。請飭循行查察一摺。據奏東河尚未合龍。被災人口。未能復業。給賑難周。河南永

城安徽潁州一帶。間多匪黨。恐窮民流入為匪。事關綏緝防維。皆不容緩。所請遴委賢員巡察災區。勸導拯卹。及訪察有無流匪潛引情事。各該地方官。辦理認真與否。應嚴飭密查密稟。斷不准有官官相護之見。著該撫等仍遵前旨。各因時地所宜。酌量情形。認真妥辦。不使噉鴻失所。流而為匪。用副朕軫念民艱至意。原摺鈔給閱看。將此諭令知之。○以內閣學士羅文俊署工部左侍郎。○命陝甘

總督富呢揚阿。撥銀五萬五千兩。解赴塔爾巴哈台備道光二十六年經費。○癸酉。諭內閣。著英奏。請將遊擊留粵等語。廣東營伍現當整頓之時。陸路將領。必需得人。瓊州鎮中軍遊擊趙如勝。據該督奏稱。熟習地方情形。已膺保薦。著准其仍留本省。俟有應升之缺。酌量升用。嗣後不得援以為例。○又諭梁寶常奏。軍需報銷完竣。在局各員。分別飭回。並請將迴避改掣人員。留浙補用等語。候補通

判顏其庶。著即飭赴江西。候補知縣汪仲洋。著即飭赴江蘇。俱不准其留浙。其在局各員。著俟報銷一律完竣後。擇其尤為出力者。酌量保奏。毋許稍有冒濫。○又諭李毓奏。請酌增奉天學額一摺。各省例定學額。為士子登進之階。奉天設學二百年來。應考士子。自必較前日眾。然歷任府丞回京後。朕屢加詢問。均稱僅敷進額。且近科會試。覆試及殿試。朝考。該省士子。並無考取前列者。今李毓獨稱

其文風日盛。足與別省相抗。請增學額。竟至過半。顯係市譽於目前。留名於日後。所請著不准行。李毓著交部議處。○江蘇學政張芾。謝授內閣學士。恩得旨。學臣原不准干預地方公事。然汝受朕知。官至二品。亦不可皆置膜外。凡吏治民風武備諸大端。亦當在在留心。上而以備採詢。下而汝亦擴充識見。其誌之。○予故兩廣總督祁墳祭葬如例。諡恭恪。其子員外郎之銓。知州之鏐。服闋後遇缺即

補。即選。○予故阿巴哈納爾扎薩克郡王彭楚克桑布祭如例。○甲戌。諭內閣。禧恩等奏。借項修理要工一摺。盛京

社稷壇等工。祀典攸關。自應即時修理。所有估需銀三千六百十三兩零。著即在戶部存貯船規項下動支。敬謹擇吉興修。所估銀兩。作正開銷。造冊報部。毋庸在養廉項下扣還歸款。○又諭御史江鴻升奏。福建廈門失守。所轄之泉州府知府。係沈汝瀚署任。與江蘇失

守上海之署松江府知府王紹復。事同一律。現已時逾二年之久。未見該員得有處分。恐未免遲延遺漏等語。王紹復前經照部議革職。廈門失守。是否係沈汝瀚署理泉州府任內之事。該督撫迅即查明。據實具奏。毋稍遷延。尋奏廈門失守。係沈汝瀚署泉州府任內之事。查定例。失陷城池。不同城之知府不議。今廈門距泉州甚遠。又無城池。覈與江蘇失守上海之署松江府知府情形有異。與廣東失守沙角等處之該管知府情事相同。沈汝瀚應援案免議。抑或仍應議處之處。恭候欽定。下部議。尋議廈門本無城池。與失守城池不同。城之知府。亦有區別。惟失地之咎。究無可辭。應請降三級調用。從之。○諭軍機大臣等。陸費琬等奏。拏獲耒陽縣滋事匪徒。審明分別辦理一摺。耒陽縣匪徒糾眾滋事。經該撫會同該提督督兵勦捕。節經擒獲匪犯多名。審訊確情。將僧倡貫等八犯。即行正法。鄭

星木一犯暫留備質。段啞子等十四犯解省監禁候訊。均著照所議辦理。現在各鄉被脅人眾紛紛四散。而東鄉之人尚在觀望。首犯陽大鵬尚未就擒。必應併力追捕。以期迅速藏事。現在陽大鵬之家屬及其胞弟陽大鴻既經拏獲。正可從此根究。陽大鵬實在下落。密飭鎮將跟蹤躡緝。剋期務獲。其供出之要犯李導青等。並著按名嚴拏。毋任一名漏網。此案匪徒陽大鵬等糾眾滋事。不過烏合之眾。果能上緊兜擒。何至遲之又久。首犯仍未就獲。餘匪仍未淨盡。該撫等督辦此事。殊屬延緩。著即設法挖拏。毋令首犯乘間竄逸。其現尚觀望之東鄉民人。斷不可被其裹脅。儻耽延日久。不能迅速藏功。朕惟陸費瑤。石生玉二人是問。恐不能當此重咎也。懍之。將此由四百里諭令知之。○濬江南銅沛廳屬十八里屯引河。並修築束水堰。從河道總督潘錫恩請也。○乙亥。

孝懿仁皇后忌辰遣官祭  
景陵。○前任烏什幫辦大臣法福哩以病乞休。允之。○丙子。禮部奏八月初十日萬壽聖節應行禮儀。得旨照例行禮。停止筵宴。○戶部議准浙江巡撫王植疏報開墾仁和場。竈蕩地一頃有奇。照例升科。從之。○大學士四川總督寶興覆奏川省並無銀礦。無從招民開採。報聞。○丁丑。諭內閣鍾祥等奏中牟壩工豫籌補築。將現在勘估情形及約需銀數請旨辦理一摺。中牟大工口門一日不堵。則下游三省災黎一日不安。現在時逾立秋。自應豫為籌計。該河督等親往勘估。所有應辦各工。著即照所議次第辦理。惟興舉要工。事關重大。此次全工事宜。著責成鍾祥鄂順安。仍遵前旨。實力實心。和衷辦理。其挑河購料諸事。不得任聽劣員冒濫估計。以重帑項。該河督等係朕特加委任。與欽派大臣無異。務當激發天良。認真督辦。斷不准游移推



諉貽誤要工。朕惟知賞功罰罪。別無可諭。其懷之勉之。○諭軍機大臣等。御史朱琦奏。粵東捕務廢弛。盜賊蠭起。請旨飭拏一摺。禁暴詰奸。為地方官之急務。若如所奏。該省近年盜賊肆行無忌。明火劫掠。及擄人勒贖等事。層見疊出。必應實力查辦。以靖閭閻。著耆英程喬采。即將該御史所陳各條。悉心籌議。嚴飭文武員弁。協力緝拏。從嚴懲治。毋得視為具文。致貽後患。又另片奏。廣州府桑園圍。因

江水驟發。漫口九處。又因北江泛溢。衝決石角圍一帶。肇慶府大有圍。豐樂圍等處。亦間多傾圮。請飭勸捐修築等語。並著該督等察看情形。妥為籌辦。原摺片二件。著鈔給閱看。將此諭令知之。○命陝甘總督富呢揚阿。撥銀七萬七千五百兩。解赴烏魯木齊。備道光二十六年經費。○戊寅。准浙江杭嚴等幫漂失米石分限買補。○己卯。諭內閣。戶部奏。庫款罰賠各員。有已經回籍。及代賠子孫籍隸

各省。如因限滿未完。紛紛解部監追。轉恐有稽時日等語。嗣後罰賠代賠各員。到限未完。除順天府屬者。仍解部監追外。其餘籍隸各省在籍者。著各該督撫轉飭地方官。於奉文之日。即將該革員名。解送該省臬司衙門監追完繳。但當實力奉行。不得有名無實。仍著該督撫等。隨時稽查。不准稍涉瞻徇。致滋延宕。○庚辰。中元節。遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○諭內閣桂輪等奏戍守  
弁兵五年期滿援案分別撤留一摺烏里雅  
蘇台換防弁兵扣至明年已屆五年期滿例  
應更換據該將軍等奏請酌留著准其援照  
成案將額設換防守備千總把總外委六員

內留駐三員由馬兵保舉已得實缺把總外  
委十員內留駐三員馬步兵二百四十名內  
留駐一百二十名其餘弁兵全數更換此次  
所留弁兵俟下屆換班時仍令更換以符定  
制○緩徵江蘇陽湖無錫金匱江陰宜興荆  
溪丹徒丹陽金壇溧陽十縣歉收地畝舊欠  
額賦○辛巳諭軍機大臣等前據鍾祥等奏  
勘估中牟壩工情形已降旨責成該河督等  
實心督辦所請籌撥銀數交戶部速議具奏

本日據戶部奏將各省應撥銀兩並添撥廣  
儲司封貯銀湊足四百五十萬兩迅速解工  
備用等語朕惟興舉大事必統計其始終而  
確權其輕重中牟漫口後一年以來未能堵  
合三省災黎流離失所無日不加厪念現在  
堵築之需既經該部如數籌給該河督等身  
任此事責無旁貸著再將全工實在情形慎  
重體察如果撥項到工以後即能確有把握  
剋期藏功自當仍照原議購料興工為一勞

永逸之計儻事屬棘手未必能成或仍須續  
請錢糧聊且遵旨試辦又蹈上年覆轍至該  
省被災之民一時未能復業以工代賑原屬  
良圖若將大工緩辦則撫卹之資安插之法  
並宜加意講求尤不可令其轉徙他方別滋  
事變國家經費有常用之者舒實為足財之  
道頻年軍餉河工一時併集正供所入不無  
支絀之虞儻此次大工可緩至明歲秋間再  
行辦理諸事益當順手鍾祥鄂順安受恩深

重。具有天良。且日駐大工。見聞尤切。接奉此諭。著即密籌全局。不可稍涉游移。亦不得曲為遷就。尤不可詢訪河員。蓋河工文武。豈有不願興舉大工之理。總須據實直陳。毋稍遲緩。著即由四百里覆奏。將此由四百里密諭知之。○署兩江總督壁昌等奏。遵議御史江鴻升奏水師巡哨章程。查江南水師。在本省洋面。梭織巡哨。舊章尚屬周密。該御史所奏另選武弁。挑帶兵丁。令巡至各省盡頭。與本處巡船一體會哨等語。應無庸議。惟承平日久。將弁兵丁出巡。每多視為具文。惟有嚴行考覈。信賞必罰。以服其心。以儆其餘。得旨依議。務當認真。○壬午。諭內閣。壽恩固倫公主下嫁吉期。著欽天監於明年選擇具奏。○癸未。諭內閣。富呢揚阿奏。番賊搶掠馬匹。戕斃官兵。現飭追捕。緝一摺。據稱甘肅青木溝地方。被賊番搶去牧馬一千餘匹。經官兵追捕。守備干貴復被戕害。旋於西河臺奪獲賊

馬。拏獲番賊一名。並於草達坂擊斃賊匪。將馬匹全數奪回。餘賊星散。現仍哨探緝拏等情。並另片奏。滿洲營牧廠。有賊番突來。圖搶馬匹。官兵追緝。致將馬甲忠祥等戕斃等語。上年因番賊肆搶。經該督等帶兵勦辦。聲明河北近邊肅清。河南各番。畏法獻賊。將官兵陸續撤回。並於善後章程內。將提鎮會哨之期。改於六月。該番經大創之後。自當畏威斂跡。何以撤兵未久。且該提鎮甫經會哨。即至有牧馬被搶。弁兵傷亡之事。著富揚揚阿據實明白回奏。署永昌協副將賈文秀。涼州鎮總兵長年。於牧馬處所失事。不能豫為防範。且番賊止一百餘人。既經跟蹤追捕。仍復任賊竄逸。非尋常疏防可比。長年。賈文秀。著交部嚴加議處。富呢揚阿。周悅勝。未能先事督防。著一併交部嚴加議處。所有逃竄賊匪。著該督督同該提鎮等。趕緊設法。分投偵緝。務須兜捕悉獲。不准一名漏網。至此項番賊。究

竟係何族類。係由何處潛至。並著富呢揚阿。確切查明具奏。守備千貴及馬甲忠祥等。追賊被戕。情殊可憫。著交部照例分別議卹。○又諭。裕泰奏。督署不戒於火。自請議處一摺。湖廣總督衙門不戒於火。致二堂五間。後房一間。及西首羣房三間。俱被焚燬。著即趕緊購料。照式賠修。該督未能先事豫防。著交部照例議處。○以翰林院侍講學士保清。充日講起居注官。○甲申。諭內閣。陸費瑤等馳奏。

拏獲糾眾攻城首犯一摺。湖南耒陽縣匪徒陽大鵬等。聚眾滋事。抗拒官兵。實屬罪大惡極。經該撫等督率將備。合力圍捕。疊經拏獲匪犯多名。茲據奏首犯陽大鵬。在杉木嶺一帶深山藏匿。該提督會同永州鎮。暨該道府等。帶領兵勇。跟蹤窮追。將陽大鵬擒獲。該撫等辦理迅速。不致日久蔓延。甚屬可嘉。陸費瑤。石生玉。英俊。均著交部從優議敘。所有首先拏獲陽大鵬之文武員弁。著確切查明具

奏。候朕施恩。其案內著名要犯。仍著嚴拏。務獲。不准一名漏網。並著督飭現調之鎮。單標兵。及辰沅道練勇。協同搜捕餘匪。以期淨絕根株。其觀望未散之東鄉匪徒。著查明首先倡議者何人。迅即拏獲懲究。並將脅從民人設法解散。毋令日久嘯聚。別滋事端。此後獲匪奏報事件。均著由驛馳遞。所有首犯陽大鵬。該撫等親提嚴訊。務得確情。仍俟審明後。委派妥員押解來京。交刑部按律辦理。又另

片奏。要犯段大榮藏匿耒陽。與常寧連界之龍門地方。已飭員弁前往拏獲等語。該犯係與陽大鵬同謀滋事之人。著即親提訊辦。至耒陽連界之處。既有匪徒藏匿。該撫等務當實力搜拏。毋得稍留餘孽。○又諭。戶部奏。前任福州將軍保昌。應賠閩海關少收贏餘銀兩。呈請補繳。此項應賠銀兩。除將短交銀四千八十五兩零。仍由該部行令補繳外。其餘未完一半。著准其遵照章程。陸續完繳。並將

應得廉俸全數扣抵以清款項該員尚有應賠道光二十三年分閩海關少收贏餘三千八百二十六兩零著仍遵定例予限二年繳完○乙酉諭內閣潘錫恩奏賠項例限屆滿懇恩展限措繳一摺潘錫恩應繳挑切關孟兩灘案內分賠銀兩歷年完交未及七分之半惟為數過鉅加恩著准其展限一年趕緊設措完交○丙戌旌表守正捐軀熱河平泉州民杜如松妾李氏○丁亥諭內閣都察院奏查明各省京控咨交案件逾限未結並上次展限已逾仍未審結各案開具清單呈覽各省州縣審斷不公致令來京具控經各衙門咨交之後各該管上司自應勒限嚴催將未結各案迅速審辦以免懸宕茲據都察院查明該衙門咨交各省逾限未結統計四十六案之多步軍統領衙門咨交各省逾限未結統計九案之多似此任意積壓玩泄已極著吏部即將承審逾限各督撫將軍都統府

尹及委審各員應得處分查取職名分別議處並著該督撫等將未結各案迅速審辦完結毋再任意宕延致干咎戾○戊子上詣綺春園問皇太后安○諭軍機大臣等裕泰等奏荆江水漲隄段漫缺被淹一摺據稱本年水勢異常泛漲將李家埠五號內老隄漫溢成口刷寬十餘丈郡城間有滲漏並西門閘板被水衝翻灌入漢城又江陵縣所管南岸虎渡汛江支各隄亦有漫溢之處該督即前赴荊州督辦搶堵等語荊州萬城大隄為閩郡保障現因水漲漫溢被淹亟應妥為安撫該督等既經委員前往查勘著即飭將被水居民妥速查明分別撫卹毋令一夫失所其應修各工並著趕緊搶築以防復淹該隄歲修既係該府承辦可見平時經理不善以致臨事不能搶護裕泰現在親赴該郡著即確切查明各隄是漫是潰有無保固及被淹輕重情形據

實嚴叅。至該處隄工。屢經動項修築。何以一遇盛漲。即至漫溢。並著該督將全隄形勢。通行履勘。務使一律堅固。保衛有資。毋得苟且目前。將就了事。將此諭知裕泰。並諭趙炳言知之。○命陝甘總督富呢揚阿。撥銀五萬兩。解赴哈密。備道光二十五年經費。七萬五千兩。解赴葉爾羌。巴爾楚克。備二十六年經費。○己丑。諭內閣。永康等奏。

景陵陳設各件。被鼠齧傷。請更換鋪設一摺。著

文慶前往敬謹勘視。其應行修理更換之件。即行奏明。交該衙門妥速辦理。永康載鈞。善燾及郎中穆明阿。員外郎塞克圖。明吉。主事德精阿。內管領伊明阿。內副管領雙齡。未能先事豫防。均著交部分別議處。首領太監王進喜著即革去首領太監。仍留該處當差。嗣後

各陵殿內恭奉

神牌。及陳設各件。均著交該郎中員外郎主事

內管領等敬謹管理。以昭慎重。○又諭培成奏。請將玩視工程之部員革職一摺。所叅是委官色布登額承修倉廩。延至三年。並未動工。外郎寶榮澤。捏報工竣。六品官振翎承辦碑工。遲至四年。尚未敬謹辦理。殊屬膽玩。色布登額。振翎。均著革職。勒令交出領過估價。另派妥員修理。寶榮澤著即行斥革。以為玩視要工者戒。○以都察院左副都御史福濟。順天府府尹李德。監臨順天鄉試。○庚寅。

仁宗睿皇帝忌辰。遣官祭

昌陵。

上詣

安佑宮行禮。○諭內閣。理藩院奏。副都統成凱奏。將軍規避處分。歸各成凱被劾較重一節。著派鐵麟。馳驛前往綏遠城。將此案與原審情節。確切查明。據實具奏。所有察哈爾都統印務。著交阿彥泰署理。○又諭。訥爾經額奏。解員虧短餉銀。勒追審辦一摺。已革兩淮

試用庫大使章丹文。管解牛羊羣利銀。膽敢動用銀至四千六百餘兩之多。章丹文著即交訥爾經額。研訊實在如何。動用確情。按律定擬。並勒限三箇月。將動用銀兩全數完繳。此項利銀。係供支察哈爾三旗牧羣之用。著兩江總督另行籌款。作速委解。以應急需。俟勒交足數。解還歸款。儻該革員限滿不交。即著原委之上司賠補。以期款歸有著。尋奏。訊係因公那移。除現完二千兩。尚短銀二十六

百五十兩。應按律擬總徒四年。仍按例限監追。請將該革員解回兩淮。由兩江總督查辦監追。如限滿不能完繳。仍由江省照例治罪。其銀即著原委上司賠補。下部議從之。○又諭布彥泰等奏。墾復荒地。勘估興工一摺。開墾地畝。必先講求水利。來源暢旺。則灌溉有資。現在惠遠城東阿齊烏蘇廢地。據該將軍親往周歷相度。可以墾復十萬餘畝。擬引哈什河之水。以資貫注。將塔什鄂斯坦回莊舊

有渠道。展寬加深。即接開新渠。引入阿齊烏蘇東界。並間段酌挖支渠。俾新墾之田。便於澆灌。所議均屬合宜。該將軍等。即飭承辦各員。認真妥辦。務在因地制宜。順流利導。以期經久有益。仍著該將軍等。隨時前往查驗督催。毋任稍有怠玩。其應需工費。現據勸諭捐辦。著俟全功告成後。由該將軍等查明捐工出力各員。覈實保奏。候朕施恩。○諭軍機大臣等。有人奏。兩淮鹽庫大使宋佩絃秉性貪婪。近復年老多病。遇有撥解餉銀。於傾鎔時攪和低潮。又兩淮運庫。向有樣銀。為納銀時比較準則。該員輒行藏匿。任意高下其手。並創立雙上單。上河餉各名目。又奉調差委回任後。藉端邀集商人。索幫銀一萬兩。又委辦揚州牧養所事務。請領銀兩。任意開報。侵吞肥己。又每逢開庫日期。令其子候補運判宋玉璘。代為收放各等語。兩淮運庫。出納款項繁多。全在該大使勤慎公明。方克勝任。若如

所奏種種劣跡。實於庫帑有關。著壁昌即將所指各款。確切查明。據實奏。原摺鈔給閱看。將此諭令知之。○以審辦盜案得實。予廣西知府廉良澤優敘。○辛卯。諭軍機大臣等。恆通等奏。荆江泛漲。郡城被淹。並水勢漸退。情形一摺。據稱。荆州李家埠。隄身漫溢。成口刷寬十餘丈。旋將西門閘板。斷。水向城內灌注。界城衝倒。淹及滿洲城。水勢散漫。軍械人口。先期移避。該將軍等。飭屬巡防。數日水

漸退出。城垣多有塌陷。官兵房間。倒塌甚多。現飭搶堵補修等語。江水現雖消退。秋汛在即。亟宜先事豫防。滿洲城被水浸泡之處。城垣房屋。亟須修葺。其被災兵丁。應撫卹者。酌量撫卹。均著確切查明。詳細具奏。將此諭令知之。○命綏遠城將軍奕興來京。以察哈爾都統鐵麟。署綏遠城將軍。○調兵部右侍郎舒興阿。為工部左侍郎。兼京營右翼總兵。工部左侍郎關聖保。為兵部右侍郎。○以右春

坊石庶子駱秉章。翰林院編修陳寶禾。充日講起居注官。○壬辰。諭軍機大臣等。前因孟保等奏。乍丫地方。兩呼圖克圖。彼此不睦。欲圖打仗。以致往來差使。每多阻滯。當經降旨。令寶興派員前往。會同妥辦。茲據琦善等奏。稱該大呼圖克圖。及該管番目夷民。訴稱。羅桑丹臻。江錯抗不遵斷。時肆搶劫。現在餉鞘賞需各件。復又梗阻。該處接連六站。距藏較遠。著寶興。遴派妥員。馳往秉公查辦。務須折

服其心。其過境之文報。餉鞘等項。務當妥為經理。毋得稍有梗阻。是為至要。將此諭令知之。○又諭。琦善等奏。諾們汗。擅給外番印照。住牧。現在查詢緣由。一摺。據稱。拉達克喇嘛。跟役。執持諾們汗路票。欲由濟龍回歸原牧。迨經阻攔。又稱。欲赴前藏。經該大臣等。查有諾們汗。曾請將布竹草廠住所地方。賞給洛敏達部長管理。蓋印斷牌。不准札什倫布百姓。在彼牧放。經前任駐藏大臣孟保等。任聽



擅行發給印照等情。界外部落從無商上發給印照斷牌之例。亦無大臣會同發給之條。前任駐藏大臣孟保等於該諾們汗擅請發給牌照住牧。既不詳查。又不請旨。率以均屬合宜。任聽發給。辦理實屬錯謬。孟保著交部嚴加議處。海撲業已革職。著俟定案時再降諭旨。其案內各情。著琦善等會同班禪額爾德尼。秉公查辦。務臻妥善。又琦善奏密陳諾們汗所辦違例各款。開單呈覽一摺。又另片

奏。布賚綳寺內卡爾凍寺取蒙古喇嘛。呈控伊等師傅曲覺爾。被管事小協鄂打傷身死。諾們汗辦理含混等語。著琦善等一併會同班禪額爾德尼。確究辦理。據實具奏。將此諭令知之。尋奏。查向來外番路票。係駐藏大臣印發。此次諾們汗所給拉達克喇嘛路票。係自行印給。守口各員。不敢違例放行。請示前來。現已飭回原牧。其私給洛敏達部長印照一案。已飭噶布倫等派員前往。妥善開導。辦

理。又查諾們汗違例私放各缺。又將俗人營官缺補放喇嘛。又將業已降補斥革之營官。旋又補放原官。均係違例辦理。惟查各番之升調。盡由諾們汗所為。未便各歸屬吏。此時若概行更換。未免辦事乏人。擬請暫留原任。停其升轉。以觀後效。至喇嘛所占俗人營官。既係兼管養贍之缺。地方為重。應撤出歸還俗人。以符定制。又查卡爾凍寺喇嘛曲覺爾。被管事小協鄂打傷身死。經前任駐藏大臣

孟保將小協鄂斥革。當有布賚綳寺喇嘛桑拉木。率領眾喇嘛。圍聚孟保衙署。嗣由諾們汗私議熬茶了結。實屬妄謬。現在各喇嘛等深知悔悟。僉稱不敢再有妄為。可否免其深究。仍通飭各寺喇嘛。勤修靜業。不准妄干一事。下理藩院議從之。○給河南中牟。祥符尉氏。杞。扶溝。鹿邑。鄆陵。陳留。通許。九縣災民三月口糧。○癸巳。諭內閣。崇恩奏。道府員缺。今昔異宜。請量為變通一摺。據稱山東省濟東

泰武臨道一缺。有管理運道海疆之責。幅員遼闊。政務殷繁。曹州府一缺。與直隸河南江蘇三省毗連。為盜賊教匪淵藪。必須隨時懲辦。非在省年久。洞悉利弊之員。弗克勝任。著准其將濟東泰武臨道曹州府二缺。改為在外題補之缺。嗣後遇有缺出。該撫務當秉公遴選。實係人地相宜之員。方准奏請補授。不得瞻徇情面。濫行保題。以重地方而收實效。

○貴州巡撫賀長齡奏。各營捐製檣礮檣槍。

現飭勤加操練。務使人與器習。手眼靈快。臨陣方可制勝。得旨。所辦甚好。為數亦多。務要認真練習。無論何時用之。務期得力。不可徒飾外觀也。○命巴林郡王那木濟勒旺楚克喀喇沁郡王色伯克多爾濟。每年輪查哨圍。

○甲午。

上詣綺春園問

皇太后安。○河東河道總督鍾祥等奏。遵旨密籌中牟大工。勢難緩辦者有四。一查中河口

門。有關三省災黎。即以豫省災民而論。以工代賑。尚可力作謀生。若一旦議停。則本年無計禦冬。民情益滋惶惑。一口門原築四百二十餘丈。現在補進埽占圈築。不過二百餘丈。若再緩一年。原築埽工。稽料朽腐。必致前工盡棄。○本年黃河來源尚不甚旺。而當六月盛漲之時。省城外劉寺支河所築埽壩。已岌岌可危。若大工緩辦。明年伏秋水旺。劉寺河埽壩萬一不能保守。則省城有浸灌之虞。而

全黃下注。江南洪澤湖高堰。亦必喫重。不可不慮。○查上年至今。撫卹加賑。約計費銀二百萬兩。蠲緩錢漕。尚不在此數之內。豫省如此。皖省亦然。若再緩一年。兩省賑撫之費。仍需數百萬兩。與其蠲緩而聚失業之民。不若河復而收安全之益。以上四條。均係實在情形。前擬於西壩多進數十丈。並接長挑水壩挑溜東趨。及那轉引河頭。展寬加深引河。以收吸川之益。並添築二壩。擎托均屬籌計。

至再。辦理可冀有成。諭軍機大臣等。鍾祥等奏遵旨密籌中年大工。勢難緩辦一摺。據稱體察現在情形。通盤籌畫。勢難緩辦者有四。自應趕緊修築。現在時交白露。河勢不至大有變遷。所有挑河築壩購料各事宜。著即剋日興舉。前所請餉銀四百五十萬兩。業經戶部如數籌撥。定可源源解工。著即將此項搏節動支。覈實稽查。斷不准辨料辦工之員。稍有浮冒。鍾祥鄂順妥辦理大工。責無旁貸。惟當相度機宜。實心經理。於慎重之中。力求妥速。固不可草率從事。尤不可遷延玩泄。坐失事機。是為至要。將此由四百里諭令知之。○又諭科布多向設有換防兵丁。前經降旨可否改為眷兵之處。交軍機大臣會同該部議奏。茲據奏稱。從前伊犁屯田兵丁。曾有改為攜眷兵丁。作為伊犁額缺之案。科布多地處邊隅。一切事宜。是否與伊犁相同。必須深悉該處地方情形。方能籌畫盡善等語。著國勒

銘阿等體察情形。通盤籌畫。該處一切事宜。是否可照伊犁成案辦理。於屯務邊防。均無窒礙。不致日久滋弊。悉心妥議。據實具奏。將此諭令知之。○又諭桂良等奏遵旨確查滇省現辦銀廠情形一摺。據稱該省礮硎情形不一。現有詳請開採者數處。委員往查。尚未開成礮硎。惟查有楚雄府屬之龍潭地方。山勢甚豐。已開礮硎十數處。現已委員往勘。並出示招集課長等定立章程。約俟秋後。方能將各礮硎砂煎驗。是否可以設廠試採。按成收課。再行辦理等語。著即照所議妥為籌辦。要在委用得人。方能奏效。務期於國計民生。兩有裨益。固不可存畏難之見。亦不准稍有擾累。又滋梗阻。此外各屬。如續有呈請可以試採之處。即著一併詳查。隨時奏明辦理。將此諭令知之。○又諭前因有人奏山西太原府屬居民。往往無故被人翦割髮辮。當有旨交梁萼涵遴委幹員。嚴密查訪。茲據奏稱。此

案先經傳聞太原省城內外有翦割髮辮情事。即據委員查有民人王學中等。先後被翦髮辮。迨接奉前旨。復經委員馳往太谷榆次一帶。查有交城等縣民人黃三寶等。均有被翦之事。此外各州縣。雖同時俱有謠言。而訪查並無其事。現在謠言久息。閭閻俱各安謐等語。此輩行蹤詭秘。情同鬼魅。潛伏往來。是其慣技。該撫務當持以鎮靜。行所無事。惟有諄飭所屬。不動聲色。隨時留心密訪。一經訪獲。即行究辦。斷不可稍涉張皇。反致流言四起。俾此等匪徒。或聞風免脫。或乘機使詐。是為至要。將此諭令知之。○戶部議准。福建巡撫劉鴻翱疏報。古田縣開墾田五十二畝。有奇。照例升科。從之。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百七

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百八

監修 禮部尚書臣等謹將宣宗成皇帝實錄卷之四百八  
大清宣宗成皇帝實錄卷之四百八  
七、宣宗成皇帝實錄卷之四百八  
內務府大臣謹將宣宗成皇帝實錄卷之四百八  
醫院總辦奏為遵旨辦理等因奉旨著照所請欽此欽此

道光二十四年甲辰八月乙未朔遣官祭

文昌帝君廟○諭內閣據僧格林沁等奏遵  
旨查明外火器營新開米局係陸續糶賣錢  
文分放兵丁不至有囤積回漕等弊所有該  
營廣裕廣益米局著准其開設仍著該管營  
大臣等隨時稽查倘辦理不善致有奸商影  
射朦混等弊惟該管營大臣等是問抑或行  
之日久有未能盡善之處亦著另為妥籌具  
奏至西北兩城及查營御史仍當認真查察  
如有囤積回漕諸弊立即據實具奏將該鋪

戶人等嚴拏懲辦務期於兵糈民食兩有裨  
益毋得視為具文○以病瘞侍郎馮芝署禮  
部右侍郎○予因公淹斃奉天協領明翰馬  
甲連德照陣亡例減半賜卹○改鑄江蘇松  
江府海防同知關防從巡撫孫善寶請也○  
丙申諭內閣卓秉恬等奏請將解送騰錄被  
竊卷摺印文之委員議處一摺河間府任邱  
縣縣丞曠學煌押解騰錄書手到京所有筆  
跡摺卷公文要件並不小心收藏以致赴府  
署投文中途被竊非尋常疏忽可比曠學煌  
著即行革職仍飭令該革員將各書手按名  
識認另寫卷摺由該府尹等查驗筆跡飭縣  
印臂嚴密解送入場儻查有頂替雇倩等弊  
即行從嚴究辦此案賊犯著步軍統領衙門  
順天府五城一體嚴拏務獲○浙江巡撫梁  
寶常奏查閱杭州省城營伍並親赴寧波鎮  
海一帶勘估礮臺工程得旨要在覈實得力  
切忌徒飾外觀○免海疆失事案內浙江鎮

海營參將周維藩寧波城守營都司李宗白  
奉化縣把總汪長清鄞縣知縣王鼎勳定海  
縣知縣舒恭受餘姚縣知縣彭崧年奉化縣  
知縣金秀塋江蘇撫標參將封耀祖寶山縣  
知縣周恭壽丹徒縣知縣錢燕桂上海縣知  
縣劉光斗死命發往新疆效力贖罪○丁酉  
祭  
先師孔子遣禮部尚書特登額行禮○諭內  
閣劉韻珂等奏臺運內地兵米兵穀仍請改  
折一摺前因赴臺商船稀少應運內地米穀  
不敷搭配酌量改為一半折色茲據查明臺  
商因累船隻仍屬無多各營兵糧自改議半  
本半折以來按期領價隨時買食亦於民食  
毫無妨礙著照所請所有臺運內地各府廳  
縣兵米兵穀仍改為折色一半劃抵臺餉歸  
款俟三四年後察看情形如可照舊全運即  
行奏明辦理○修浙江仁和錢塘海寧三州  
縣海塘從巡撫梁寶常請也○戊戌祭

大社  
大禮遣瑞郡王奕誌恭代行禮○諭內閣甘肅  
涼州滿洲營牧廠被賊番搶馬拒傷官兵涼  
州副都統文祥不能先事豫防著交部嚴加  
議處管理馬廠官員著查送職名交部分別  
議處○諭軍機大臣等周之琦奏越南國以  
乙巳年係屆貢期請示何時進關一摺越南  
國久列藩封明年屆例貢之期自應令該使  
臣恭詣闕廷俾伸誠悃著於道光二十五年  
封印前到京所有請封謝恩二次貢物著仍  
遵前旨准抵二次正貢其所備辛丑乙巳二  
貢著毋庸呈進以示體恤該撫即行知該國  
王遵照辦理將此諭令知之○以都察院左  
都御史杜受田為順天鄉試正考官刑部右  
侍郎張澧中內閣學士羅文俊為副考官○  
庚子  
上詣綺春園問  
皇太后安○諭軍機大臣等耆英等奏體察澳

夷實在情形並訪獲夷書查無薛洲建館情事及停止捐鑄礮位改造擡槍各一摺又另片奏咪夷囑喊探有回國情事並議令各國商船准赴澳門貿易各等語覽奏均悉澳夷久住中華素稱恭順現議以三巴門為界已於錯處之中示區別之意礮臺民居均毋庸遷建澳中房屋近來多有空閒自不致於三巴門外妄肆干求著即照所議妥為辦理至該夷所請各國商船准令赴澳一體貿易既

據該督等查無流弊藉可繫澳夷之心並可分香港之勢亦著照所議變通辦理至外夷互相爭勝是其常情此次辦理夷務給予條約准其在各省通商已屬格外施恩該夷等惟當恪守章程共享昇平之福不得於議定各條之外妄生冀倖國家撫馭外夷一視同仁斷不使彼此稍分厚薄致啓爭端如該夷等續有干求該督等務當剴切曉諭嚴加駁斥毋得稍涉含混至所奏省局礮位已數分

設現停捐鑄請將捐存礮鐵改造擡槍一千八百桿等語擡槍為行軍克敵利器必應多為製造以資捍衛該督等即飭局員帶同捐輸鐵斤之職員等如法監造務期適用俟完竣之日親加驗試分撥水陸各營隨時演習毋任草率了事仍致有名無實將此諭令知之○兩廣總督耆英等議覆御史江鴻升奏水師巡哨章程廣東洋面遼闊內分中東西三路請每年分為上下兩班定以三月間由

中路虎門起巡至本省西盡頭之白龍尾止九月間亦由中路虎門起巡至本省東盡頭之銅山洋面止其東路之南澳與西路之瓊州營分定以六月間往中路三面會哨又南澳鎮兼轄閩粵洋面應於六九兩月會巡之外再令該鎮右營將備每月分兩班輪巡與閩省左營會哨俱令取結詳報下部議從之○辛丑諭內閣李星沅奏陝甘駐防所取繙譯童生試卷送部後據禮部咨開應俟彙齊

奏請磨勘是該生等照例不應鄉試等語本年各省駐防改應繙譯鄉試事屬創始所有西安寧夏駐防既據該將軍等各考取繙譯童生五名已合每十名取中一名之數無庸俟磨勘後始行鄉試即著該撫於文閣事竣酌定繙譯試期照例考試儻應試各生因道路寫遠一時未能到齊試期並著稍從展緩如展期後應試人數仍不足十名著即具奏停止○又諭哲布尊丹巴呼圖克圖之呼畢

勒罕本年年甫二歲西藏距庫倫路途甚遠該徒眾一切難以照顧未迎至喀爾喀地方以前與伊父母均責成班禪額爾德尼看顧俟呼畢勒罕年至五歲時照舊由班禪額爾德尼受戒○以上駟院卿普琳為長蘆鹽政○壬寅

上奉

皇太后幸同樂園進膳並賜皇子及王以下文武大臣蒙古王公額駙等食○癸卯

太宗文皇帝忌辰遣官祭昭陵○諭內閣文慶奏勘視

景陵陳設請旨修理一摺所有應修陳設著即派文慶永康戴鈐善燾敬謹修理於八月十

六日辰時恭請

神牌當日即恭請還

御敬謹供奉文慶著事竣後回京○又諭失察

陳設被鼠齧傷之

景陵內務府郎中穆明阿員外郎塞克圖明吉

主事德精阿內管領伊明阿內副管領雙齡

均著改為革職留任永康戴鈐善燾均著降

二級留任不准抵銷○又諭前任駐藏大臣

孟保於諾們汗請給外番印照住牧並不詳

查案據奏明辦理輒以均屬合宜咨覆任聽

發給印照住牧實屬錯謬孟保著革去副都

統賞給三等侍衛在大門上行走○調鑲紅

旗漢軍副都統恆興為鑲白旗滿洲副都統

以禮部右侍郎花沙納兼鑲紅旗漢軍副都



統○甲辰

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

顯佑宮

東嶽廟

城隍廟○

上詣

安佑宮行禮○詣綺春園

皇太后前行禮○御正大光明殿皇子及王以

下文武大臣官員蒙古王公額駙等行慶賀

禮○御同樂圓賜皇子及王以下文武大臣

蒙古王公額駙等食○烏魯木齊都統惟勤

奏伊拉里克之地曾經查出並訪得庫爾喀

喇烏蘇所屬之奎屯地方亦有荒地似堪開

墾得旨第一無礙蒙古生計方可辦理○命

陝甘總督富呢揚阿撥銀五千四百十兩解

赴和闐備道光二十六年經費○乙巳

太祖高皇帝忌辰遣官祭

福陵○丙午秋分夕

月於西郊遣莊親王綿譚恭代行禮○丁未

上詣

安佑宮行禮○諭軍機大臣等有人奏請密查

不法僧官一摺著恩桂接奉此旨即刻前赴

覺生寺密將僧官善輝拏獲並查明寺內有無隱藏不法及伊信用之人其僧俗號簿兩本及鐙籠等物一併起獲毋稍遺漏並將惇親王府太監劉福喜即劉蘭兒速即查拏到案其內廷太監郝祥迅即行知內務府即日拏送至摺內所稱萬善殿華嚴寺及金仙庵等處著一併嚴密查勘派員防範毋令該僧俗人等聞風避匿並將各號簿字跡及違禁各物逐一查起密封具奏原摺發給閱看將

此密諭知之尋奏查覺生寺並無違禁不法物件只有紅棍六根係遠年設立訊以來往之人係惇親王府太監劉蘭兒時有往來查簿內有郝姓一人亦非太監隨查華嚴寺萬善殿金仙庵均無違禁物件金仙庵廟宇蕭索只有和尚法光一人係善輝之徒訊無代善輝收藏別情惟善輝供出賀姓太監應片行內務府查傳並將僧人善輝等交刑部審明辦理尋刑部奏訊得僧人善輝擅與太監

賀太平等交接邀請善會多次又擅自添置穆克森四根又書寫鐙籠字樣違制按律擬杖徒太監賀太平等請交內務府從嚴懲辦從之戊申旌表守正捐軀山東蓬萊縣民丁志遠女丁氏庚戌

上詣綺春園問

皇太后安遣官祭

闕帝廟諭內閣綿愉等奏闕領甲米有攙雜虧短情弊著派恩桂阿勒清阿前往查明

據實具奏尋奏查該旗所封倉斛六箇係洪斛二箇平斛四箇洪斛每石較平斛多二斗五升據監督等稱向例收米用洪斛放米用平斛經將平斛量兌米四百袋尚屬足數惟封條黏貼洪斛者與該旗封條字跡相符其餘不符又查天堆米石浮面米色微好下層米色多有攙雜情弊顯然並據監督等呈遞親供與原奏情形又復不同應請將該倉經手花戶監督等飭交刑部嚴訊以昭覈實得

旨祿米倉花戶承永奎李昆張芳著交刑部嚴行審訊副參領慶英富康德敦該倉監督四慶劉涵監放官海運倉監督台琿阿等均著聽候傳質其正白旗滿洲應領甲米著倉場侍郎及該旗都統等另派妥員赴倉領放○又諭昌伊蘇等奏勦捕逆匪連得勝仗擊獲逆首一摺此案在逃逆首葉周余潮膽敢糾約餘匪肆行搶掠拒傷官兵弁丁實屬罪大惡極經該總兵等督率文武各員帶領官兵義勇跟蹤進剿連得勝仗生擒下手傷官首夥要犯二十六名擊獲在逃逆首葉周余潮及從逆匪犯俱已分別凌遲斬決梟示惟奔竄餘匪必應搜捕淨盡以絕根株仍著督飭該官兵等實力堵拏不准稍留餘孽所有在事出力各員著該總兵等確切查明據實具奏候朕施恩毋許冒濫其陣亡之弁兵等著查明咨部照例賜卹○辛亥遣官祭昭忠祠○諭內閣戴銓奏現在病雖就痊氣體尚

弱一時未能復元請開一切步履差使一摺戴銓著開去御前大臣加恩仍在內廷行走若非值日奏事日期毋庸進內以示體恤○又諭裕泰奏查明李家埠老隄漫潰情形請將防護不力之知府道員分別革職摘去頂帶一摺湖北荊州府知府程伊湄於修防大隄是其專責既不能先事豫籌迨漫缺之後又不將隄頭妥為裹護以致刷寬至一百五十餘丈之多實屬辦理不善程伊湄著即行革職仍留工效力以示懲儆荆宜施道李廷榮有兼轄之責經該督奏委督防不能搶護平穩致有漫缺亦難辭咎著即摘去頂帶責成監修如不能妥速竣工著一併嚴參具奏○諭軍機大臣等寶興奏訪聞大夥囑匪恣行不法現在派員嚴拏請將不能整頓獲犯之縣令汎弁一併革職一摺四川省金堂中江等縣一帶現有囑匪蕭帽頂周維三蔡璜等各聚夥類一二百人往來城市置有號旗

槍礮並隨帶鐵匠。打造刀械。拒捕傷人。經該督訪探確實。現已派員帶兵馳往。與該地方文武員弁分投擒捕。並分飭鄰近州縣營汛酌帶兵役。赴交界地方堵緝圍拏。並分檄川東川北各鎮道。絕其外颺之路。此等匪徒肆行無忌。必應實力拏辦。以靖地方。著該督即嚴飭現經派往各員。並協緝各員弁。迅速查拏。盡法懲治。毋任一名漏網。致貽後患。金堂縣知縣王澹。駐防金堂汛城守左營外委劉

元述。平日不能整頓地方。致匪徒得以結黨肆擾。著即一併革職。永不敘用。將此諭令知之。○又諭據裕泰奏查明荊州府李家埠老隄漫潰。郡城被淹情形一摺。已明降諭旨。將該府道分別革職。摘去頂帶矣。荊州李家埠工段。因江水泛漲。漫刷成口。計寬至一百五十餘丈之多。亟應籌辦堵築。其荊州府城垣被水坍塌之處。亦應一律興修。所有此項修費。及李家埠潰口工需。著准其由外籌款。次

欽此

下

第趕修。該處被水居民。著飭該地方官妥為撫卹。毋令一夫失所。並著查明各垸被淹輕重情形。應如何酌量調劑之處。覈實辦理。至該隄漫水所經附近湖河田地。不免被淹。著一併委員確勘。據實具奏。該督現駐荊州。著即督飭該道府等。迅速堵築。務期剋日竣工。又另片奏江陵縣各工漫溢之處。應挽築月隄。共長四百六十丈。估需夫土銀一萬六千三百餘兩。著准其籌借銀五千兩。不敷銀五千六百餘兩。即由該縣自行捐資辦理。所借銀兩歸於來年秋成後。於受益業戶名下。按田徵還歸款。其該縣支河民工內。尚有團湖垸麻家隄二處。著准其俟秋後涸出。勘估籌修。將此諭令知之。○壬子諭內閣。江蘇已革監生汪厚坤所犯原案。係科場舞弊。所請賞給議敘之處。著不准行。其所捐銀兩。著即行擲還。○又諭大學士穆彰阿等奏覆覈朝審人犯內。擬緩絞犯閻四一起。情罪似有未協

等語此案閏四當銓減更深之後取出王大裕裋內鐵斧連斃果氏母子二命復於王大揪住時又能順摸牆上所掛鋒斧砍劃多傷潰爛身死黑夜行兇有如白晝獨於果氏之子王大沅誣為誤傷檢查城坊初供並無不料致誤字樣顯係該犯久懷忿毒豫蓄殺機晝夜乘其不防三命皆所手刃居心險惡已極該部擬以絞綏實屬錯誤閏四一起著改入情實刑部堂官及承辦司員著交部照例

分別議處○又諭卓秉恬奏查出鄉試懷挾之士子照例辦理等語附生王鉞副貢生龍炳均著照例斥革枷號一箇月滿日杖一百折責發落嗣後遇有按出懷挾士子著照例刻即枷號場門俾眾目共覩以示懲儆如不當時枷號著專司稽查之都察院堂官查明叅奏如該堂官隱匿不奏別經發覺一併重處不貸○烏魯木齊提督王明因病解任以雲南開化鎮總兵官成玉為烏魯木齊提督

補行道光二十二年軍政陝西卓異官二員有疾官一員甘肅卓異官六員有疾官一員年老官二員分別議敘處分如例○癸丑諭內閣瑪哈巴拉之公爵以及貝勒職銜均係特恩賞給並非世襲罔替現在瑪哈巴拉業經出缺其長孫德勒格爾著仍承襲扎薩克頭等塔布囊○又諭經額布奏職官互訴請分別革職解任質審一摺伊通佐領扎克丹與佐領德楞額互以剋扣兵餉稟控委官

瑚連英祿等糾眾聯名列款控告虛實均應究辦德楞額著即革職扎克丹著先行解任交該將軍提同經手人等秉公質審照例辦理尋奏訊明德楞額修理衙署輒向眾兵借餉還欠反訐扎克丹多款實屬不合業已革職應毋庸議扎克丹修理義倉銀兩亦係各兵用餉銀代還未便同罪異罰應請革職委官瑚連英祿因挾德楞額黜退管檔之嫌糾眾控本管官各款惟扣餉得實餘皆誣妄應

按律擬枷杖下部議從之○安徽巡撫王植奏遵議御史江鴻升奏籌辦災區一摺已明定章程通飭各屬遵辦並因豫省停工貧民無所得食匪徒涸跡其中難保不四出滋事現密委幹員查訪得肯總之災民得所匪徒嚴緝是為至要○兵部右侍郎關聖保因病解任調盛京兵部侍郎倭什訥為兵部右侍郎以都察院左副都御史福濟為盛京兵部侍郎○以喀爾喀扎薩克親王車登巴咱爾

管善撲營事吏部左侍郎柏蔭管光祿寺事○以四川維州協副將蔭德布為雲南開化鎮總兵官○甲寅諭內閣寶興奏已革知縣虧用公項請解回藏審辦一摺已革四川遂寧縣知縣唐金鑑前管察木多糧務帶解藏餉膽敢虧用銀六千餘兩之多迨經回川節次催追僅據繳銀一千七百兩此項臺費銀兩關繫兵餉必應嚴追究辦著該督即將該革員解交駐藏大臣琦善瑞元提同人證案

卷徹底查訊明確照例擬辦○又諭連貴奏派祭褒忠祠之散秩大臣慶英臨祭遲誤等語著軍機大臣傳到慶英將因何遲誤緣由詢明具奏尋奏據慶英供稱因侍衛處傳牌未經看明以致臨祭遲誤得旨慶英交部嚴加議處○調正黃旗漢軍副都統舒興阿為正紅旗滿洲副都統以兵部右侍郎倭什訥兼正黃旗漢軍副都統正藍旗蒙古副都統已雅爾為鑲黃旗護軍統領○乙卯江南河

道總督潘錫恩奏洪澤湖水增長現在添籌宣洩歸海歸江間有被風浪汕刷各隄即飭各廳購料興修補築得旨所辦是隨時相機妥為之○丙辰遣官祭黑龍潭  
昭靈沛澤龍王之神玉泉山  
惠濟慈佑靈瀆龍王之神昆明湖  
安佑普濟沛澤廣生龍王之神密雲縣白龍潭  
昭靈廣濟普澤龍王之神○遣官祭圓明園

惠濟祠

河神廟○諭內閣琦善等奏前藏應存火藥鉛子等項。因濫行借支。不敷操演一摺。西藏為極邊要地。操防最關緊要。每年前後藏應用火藥。向由四川製造運解。統交前藏分撥。自應妥為收貯。以期有備無患。茲據琦善等查明前駐藏大臣文蔚等各任內並未奏明請旨。輒敢私行借給。諾們汗火藥火繩鉛子礮子等項。僅據收還一次。盡係灰渣。不堪應用。此外尚欠未還火藥四千一百六十斤。火繩一千六百盤。鉛子三萬三千粒。礮子二百顆。總未催飭交還。以致營中不敷操演。總緣歷任駐藏大臣不肯實心任事。以致諸務如此。弊端天良何在。著工部即查明歷欠藥斤等項。照數估計價值銀兩。飭令前駐藏大臣文蔚慶祿關聖保鄂順安孟保海樸將應賠銀兩統於四箇月內。如數解交工部。仍均著交部議處。儻限滿不完。著該部嚴叅具奏。其

現在不敷操演之火藥鉛子等項。著寶興速飭照數製造。委員解交前藏應用。以實軍儲而重武備。○又諭兵部議覆恩桂等奏變通升補步營協尉等官一摺。著八旗滿洲蒙古漢軍都統副都統會同妥議具奏。尋奏查該步軍統領等奏稱協尉副尉缺出。無庸以本旗官員入選。請以本翼三旗內揀選。仍按滿洲蒙古漢軍旗分各補各缺。於各旗額缺並無窒礙。應如所請。從之。○丁巳

世宗憲皇帝忌辰。遣官祭

泰陵。

上詣

安佑宮行禮。○諭內閣琦善等奏糧員交款未清。請飭來藏質算等語。前任後藏糧務四川綿竹縣知縣武來雨。前任前藏糧務四川鹽源縣知縣覺羅寶鉞。均於班滿後未將任內應交各項向各後任交代清楚。經前任大臣先飭回省。以致交款懸宕。武來雨寶鉞均著

該督勒令速赴前藏質算明確交清後再行回任償該員等自知實有虧短業經在省措繳即迅速解藏歸款以重庫項至前任駐藏大臣孟保等於該二員班滿時並不令其將任內應交款項算明交清輒即先飭回任又未具奏實屬不以公事為重著交部查明一併議處○又諭裕泰奏請將疏防民隄漫潰之知縣摘去頂帶一摺湖北石首松滋兩縣本年六七月間因江水漲溢致將民修各隄

工均被漫缺該縣等疏於防範咎無可辭石首縣知縣羅珍松滋縣知縣陸錫璞著一併摘去頂帶仍飭迅速勘估集費興工勒限年內一律完竣如稍逾違即著嚴行叅辦○諭軍機大臣等裕泰奏荊州萬城隄根現未涸露尚難勘估一摺覽奏均悉該隄為全郡保障所關亟宜設法籌辦一俟水勢稍退即飭該委員等先行攔築土壩以便興工該督屆時仍親赴工次周歷查勘妥為估修總期全

隄堅固足資捍衛毋得苟且了事致將來一遇水漲再有坍塌徒滋糜費是為至要將此諭令知之○又諭裕泰奏查明耒陽匪徒起釁根由請將辦理不善之知縣革職一摺覽奏具悉此案衡州府知府高人鑑衡永郴桂道張志詠有無操持過當致釀事端並叅撤之前任耒陽縣知縣李金芝前於段基望等糾眾劫犯阻考闕堂一案亦有應得之咎准其各歸本案由該撫徹底嚴查分別定擬具

奏其耒陽縣事江華縣知縣葉為珪署任年月並著確切查明具奏到日再降諭旨將此各諭令知之○又諭陸費瓌等奏耒陽縣東西兩鄉匪徒挖捕肅清請將官兵分別留撤一摺湖南耒陽縣東西兩鄉被糾匪徒經該撫等派撥將弁帶兵圍擊殲斃多名生擒七十餘名並獲著名要犯餘匪紛紛逃散現據查明聽糾被脅之眾除官兵格斃及陸續被獲外地方一律肅清所有前調各營官兵



著即撤回歸伍。所稱酌留衛州本營及本汛兵丁責成副將麻國慶駐劄彈壓。並督飭將弁往來偵緝。是否足資得力。不至該匪徒等再行嘯聚滋事。務當隨時留心查察。毋稍疏懈。其東西兩鄉未獲要犯。仍著該撫飭屬悉數嚴拏。盡法懲治。不准一名漏網。此案在事出力文武員弁著該撫等擇其尤為出力者。秉公酌保數員。候朕施恩。毋許冒濫。又另片奏。耒陽士習民風。夙稱刁悍。如私藏軍器。斂

錢議事。及刊刻無名傳單。均請嚴禁等語。著即照所議嚴行飭禁。至該匪等疊次控告錢漕。以書差浮勒為詞。著將里差名目永遠革除。飭令各鄉議舉約總甲長。由官點驗。按年輪充。以除積弊。其餘一切善後章程。著該撫悉心妥議具奏。將此諭令知之。尋奏查耒邑完納錢糧。向係以錢折銀。運至省城。易銀解司。傾鎔折耗。煩費滋多。收兌漕米。涉歷河湖。需用亦復不少。官吏遂不免假公濟私。任意

朘削。致啟訟端。現已裁減浮費。明定章程。並嚴禁占匿拖欠。包完墊完之弊。惟該縣僅設駐城把總一員。額兵四十名。情形單薄。應添千總一員。兵丁八十名。以資保衛。請將鄺縣千總一員。移駐耒陽縣城。另撥外委一員。移駐鄺縣。所添兵八十名。以二十名駐縣城。以六十名駐東鄉適中之下東湖地方。歸新設千總管轄。下部議從之。○戊午。

上詣綺春園問

皇太后安。○諭內閣。周之琦奏。參護解錢糧不慎。並疏防盜案之知縣。請交部議處一摺。廣西蒼梧縣知縣葉慶熊。於藤縣餉船到境。自應派撥兵役小心護送。一面備文知會下站一體接護。方免疏虞。乃據該縣稟稱。專差齎送移文。因中途被水阻滯。到遲。藤縣餉船適在昭平縣地方被盜搶劫。揆其疏失之由。究因未准上站知會接護所致。昭平縣知縣張林。雖先未接准蒼梧縣知會。惟於地方盜匪

不能認真查緝以致錢糧銀兩被劫均屬咎無可辭葉慶熊張林著一併交部照例議處已獲之盜犯何洪保等著該撫提省嚴切根究在逃各盜仍勒緝務獲○又諭前據德順奏詳覈存墊銀款一摺當交該部議奏茲據戶部奏稱將該鹽政所奏各款分別覈准飭查均著照所議辦理至三年清查庫款一次原為商欠不完官催不力加以整頓乃自道光二十一年至今查辦兩次何以前欠未歸

新欠愈重清查一事究竟於釐務有無裨益著普琳詳加體察再行妥議具奏戶部摺著鈔給閱看尋奏查道光二十一年暨本年兩次清查卷案體察蘆綱銷運暢滯款目完欠確切情形實緣通綱各商歷受銀盤昂貴之累成本虧耗兼之近年疊被水災通綱銷滯運停庫存積引一百餘萬各商恪遵年清年款包賠引課加價錢糧數十餘萬兩其積引內無力再行賠交而其間有關緊要支發各

款又不能概行停止以致輾轉動撥前欠未清新欠愈重均係實在情形前任鹽政德順請將此次查明新舊墊欠嚴定章程分別歸補三年清查一次俾各商正雜捐交款項均得隨時稽覈於庫款收支亦有裨益下部議從之○撫卹琉球國遭風難夷如例○己未上御勤政殿聽政○諭內閣前據壁昌奏江廣各幫漕船行抵龍江關查驗木稅窒礙情形一摺當經降旨將瑞長交部嚴加議處即來

京聽候部議並飭令湖北糧道邱煌來京聽候查詢嗣據邱煌瑞長先後到京當交軍機大臣等分別傳詢令其據實呈遞親供朕詳加披覽此案瑞長偏執已見不行迎幫查驗原屬錯謬業經交部嚴加議處該署督壁昌及湖北糧道邱煌均屬辦理不善一併交部分別議處嗣後漕船跨帶木植著仍照舊例責成九江蕪湖兩關覈實查驗如有多帶木植致誤漕行及胥役家丁等留難滋擾情弊

即著兩江總督查明參奏。至關口多一查驗即多一流弊。所有龍江關添設查驗之處著即裁撤。○又諭前據程晉采奏參潮州運同正署兩任交代不清並有虛報全完情弊當經降旨將該員等革職交該督等嚴訊。茲據著英查明實因引滯商疲所致尚無侵虧情弊已革前署運同李敦業應解各款現已陸續完解著暫予開復原官仍飭將報解之應賠缺餉及隨款之二萬五千七百餘兩趕緊清完。僕再遲逾即著從嚴參辦已革運同長庚查無徇私弊混情節著暫行留任責令將二十一年引餉趕緊督飭拆輸。僕復延誤即行參革治罪著賠。○又諭著英奏查訊營員辯訴各款案證俱確堅不輸服礙難遽行定擬一摺前任廣東水師提督降補副將吳建勳出洋捕盜係其專責乃管帶各船三十餘隻之多在儋洋逗留五月之久糜餉已逾鉅萬獲盜僅止三名觀望遷延實難辭咎經祁

頃查參降補副將後乃復不知愧懼撿空言率行奏辯已屬膽大妄為迨經著英提集覈訊案證俱確仍敢始終固執任意狡辯吳建勳著即革職仍交著英嚴訊確情按律定擬具奏。○又諭著英等奏越南國差官護送廣東緝捕遭風弁兵船隻回粵一摺上年八月初九日廣東海口營把總調補崖州協水師把總李茂階管駕新恆益商船追捕盜匪遇風漂抵越南國清化省靖嘉府地方經該國王派員款勞撥匠修補並派令官員兵丁駕船護送於本年六月初五日回抵瓊州越南國遠隔重洋素稱恭順今該國王因內地兵船遭風漂泊到境接待款留種種周詳曲到虔恪盡禮可嘉之至著降敕褒獎並賞賜該國王各樣緞匹以示寵嘉。此次該國帶有壓艙貨物及將來出口貨物俱著加恩免其納稅仍循照舊章先行開艙起貨銷售俾免稽遲所有頒給該國王賞件著該督等先行

文該國王知之。俟奉到敕諭賞件遇有該處船隻之便該督等即飭令攜帶回國如無便船則移交廣西巡撫酌量妥寄其該國差官阮若山等亦著該督等優加賞賚交該國王頒給○以詹事府詹事倭仁為大理寺卿○庚申諭內閣御史陳慶鏞奏盤獲奉旨嚴拏要犯請交部審辦等語臺灣武生郭光侯即郭崇高聚眾謀逆前經降旨令該鎮道上緊嚴拏何以潛竄來京有無別情必應徹底根

究郭光侯即郭崇高著交刑部嚴行審訊定擬具奏○諭軍機大臣等訥爾經額奏勘定永定河堵築漫口挑挖引河鳳河工程估需銀數籌議動款分捐一摺覽奏均悉永定河南七工漫口應挑引河既據該督查勘測量應就迤北三里許北六工尾之河西營村前定為河頭挑挖引河於築壩合龍形勢較順估計自河西營起至鳳河止工長七十餘里需銀八萬八千餘兩又堵合原隄漫口各工

需銀三萬五千餘兩又挑挖鳳河需銀二萬五千餘兩三共需銀十四萬八千餘兩著照所議辦理所有估需銀兩准其以潯沱河生息餘銀二萬四千餘兩湊用不敷銀十二萬四千餘兩由該督等量力捐辦仍責成該道督率廳汛委員趕緊挑築務於九月內合龍藏事毋稍遲誤將此諭令知之○辛酉遣官祭賢良祠○諭內閣漕糧為天庾正供節經降旨令有漕各省督撫嚴飭所屬早兌早開

剋期渡黃毋稍遲誤迺近年重運漕船不能如期抵壩以致到通歸次兌受新漕節節耽延總緣各該督撫不肯破除情面實力催趲所致現已節屆寒露水勢漸消著漕運總督及沿途各督撫分飭所屬嚴行催趲且本年各省回空軍船連檣渡黃南下又毋須倒塘灌注銜尾遙行毫無周折定能如期歸次來歲新漕尤當趕緊辦理按期兌開統限於四月初十日以前全數趲至清江剋期抵壩以

便渡黃北上。無許稍有遲誤。僕視為年例具文。仍前怠玩。致令臨事周章。定將該漕督及各該督撫嚴行懲處。決不寬貸。將此通諭知之。○又諭前據刑部將太監艾進奎等八人傳訊。旋復送回。當經查詢該部。據稱該太監等致送僧人善會分錢。尚無另有交結情事。是以先行取具草供。令原送官人暫行帶回。俟結案時行文內務府照例懲辦等語。該太監等既經傳問。就其情節自有輕重之分。何

得一經訊供。輒令原送官人概行帶回。並未備有公文。辦理殊屬草率。所有刑部堂官著傳旨嚴行申飭。嗣後該部案件內有應行傳訊太監之處。著行文內務府。該大臣據文傳到太監。派送刑部。其情節較重者。自應照例收禁。即使情節稍輕。供據確實。亦應備文咨送內務府。其應否發還本處當差之處。由內務府奏明請旨辦理。○又諭賀長齡奏請將參將仍遵前旨保送引見一摺。火箭為軍中

利器。所造不為無用。著隨時督令善練。以期久而益精。貴州台拱營參將常英。辦事認真。訓練精勤。著准其遵旨保舉。送部引見。○又諭鐵麟奏遵查喇嘛凌保控案原審情節一摺。此案綏遠城將軍奕興於參領卓里克圖擅鎖喇嘛凌保。既係該呼圖克圖呈報。並非自行查出。亦有應得之咎。至成凱因該將軍未與會商。輒以大青山游牧為詞。懸揣入奏。殊屬不合。奕興成凱均著交部分別議處。○

壬戌。諭內閣寶興奏請將捕匪不力之都司革職等語。四川署潼川營都司候補守備湯茂嶺帶兵在中江一帶巡緝。於股匪蔡璜等由中江逃往蓬溪等處。時明知匪徒等蹤跡所在。相去不遠。乃尾隨在後。並不追往捕拏。以致首匪潛蹤未獲。庸懦已極。僅予革職。不足蔽辜。湯茂嶺著即革職。發往新疆效力贖罪。以為玩視盜案者戒。其首匪蔡璜著即嚴飭將弁緝拏。務獲毋任漏網。○諭軍機大臣

等前據壁昌奏勘定沿江安設礮墩處所一摺當經降旨令該署督再行詳細妥議具奏茲據奏稱狼福兩山對峙江海之交水面寬闊福山舊有礮臺臺高船遠非礮力所能及未敢於該處議築礮隄至鵝鼻嘴對岸之劉聞沙圖山關對岸之東生洲北固山對岸之順江洲五龍山對岸之沙州圩江面逐段收窄均可兩岸修築礮隄船行江心礮力能及再多設靈便戰船安載兵礮相機伺伏施放可期得力其江蘇水師各營應需大小兵船一百三十餘隻現在江寧蘇州兩處分廠趕造一俟造成即分撥各營認真演練所議甚為周妥俱著照議辦理制勝之道全在固結人心振作兵氣平時布置得宜臨時方能得力該地方官紳踴躍倡捐皆知自衛有眾志成城之象現已諸務齊備著該署督督率地方文武認真訓練弁兵信賞必罰多方鼓舞破格策勵務令有勇知方化怯懦而為精練

並著隨時責成狼山福山兩總兵勤練舟師分巡會哨以期聲勢聯絡勿致日久生懈仍復有名無實也將此諭令知之○命陝甘總督富呢揚阿撥銀八萬四千兩解赴喀什噶爾英吉沙爾備道光二十六年經費○癸亥諭內閣阿彥奏訊明自行投回之廢員照例定擬一摺前因廢員阿爾綱阿在配脫逃降旨飭交吉林將軍等查拏解究茲據該署都統奏稱該廢員自行投回訊明實因病

逃走失並無滋事阿爾綱阿著准其照逃遣投回之例免其逃罪仍發軍臺效力贖罪○又諭御史田潤奏飭拏地面惡蠹一摺南城坊役王成即王泰捕頭王貴即王順著步軍統領衙門嚴拏務獲究辦至沿街強化登門坐索之僧人如例無專條應如何酌定懲治之處著步軍統領議奏尋奏查僧道坐門強化應概行驅逐如有訛索即從嚴究辦至穿掌釘顙各項惡化應按律擬杖從之○河南

南陽鎮總兵官都勒豐阿因病解任以江南督標中軍副將馮萬青為南陽鎮總兵官○甲子

上詣綺春園問

皇太后安○諭內閣向來各省解餉官員到京各督撫出具考語者由管庫大臣帶領引見其未經出具考語者並不帶領引見辦理殊不畫一嗣後各省解餉官員均著毋庸帶領引見○又諭禧恩奏酌擬遷修墨爾根城垣

等語據稱新驪地方地勢不平且與舊制不符請於舊地分別緩急先後量為展修所需工費除舊料變價抵補外約需銀七千餘兩著照所請准照案先由該城庫貯備用銀內動支所需木料著黑龍江將軍派員採辦於明歲春融趕緊修築完固工竣時著該將軍奏派大臣驗收造冊報部覈銷○又諭禧恩等奏知府被控擅責無辜請解任提訊一摺錦州府知府福忠以地方官便衣攜眷游山

復因監生依林太出言頂撞濫行掌責福忠著暫行革職交該將軍會同盛京刑部提集人證嚴訊確情按律定擬具奏○蠲緩山西汾陽徐溝文水三縣被水被雹額賦有差賑汾陽縣災民

大清宣宗效天符運立中體正至文聖武智勇仁慈儉勤孝敏成皇帝實錄卷之四百八

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百九

欽定四庫全書

天爵內事

六倉大庫

內務府大臣

欽定四庫全書

秋修

道光二十四年甲辰九月乙丑朔調福建漳

州鎮總兵官保芝琳為福寧鎮總兵官。建寧  
鎮總兵官兆麟為漳州鎮總兵官。福寧鎮總  
兵官陳述祖為建寧鎮總兵官。○撫卹琉球  
國遭風難夷如例。○丙寅諭內閣前因御史  
陳慶鏞奏盤獲臺灣武生郭光侯即郭崇高  
係聚眾謀逆案内飭令嚴拏之犯。當交刑部  
嚴行審訊。茲據該部奏稱訊據該犯供與洪  
協及鄭炎等均不認識。亦無夥同謀逆情事。  
自係恃無質證。意圖狡賴。惟該犯又供有臺

灣縣知縣閻忻於收糧時欲行幫貼番銀。並  
有包攬官事之許東燦即許朝錦阻撓納糧  
等情。均非質訊明確。不足以成信讞。前任臺  
灣縣知縣閻忻著即解任。交劉韻珂派員並  
已革捐納同知許東燦即許朝錦及伊弟許  
東察並黃應清蔡堂及糧總李捷陞。一併迅  
速解交刑部嚴行審訊。不准遲延。○又諭載  
垣奏正藍旗漢軍印房不戒於火。請旨交部  
分別嚴議議處。正藍旗漢軍印房值宿章京  
勳舊佐領李忠善值日章京世管佐領靈保  
未能先事豫防。均著交部嚴加議處。都統載  
垣。印務參領福保郭綬著一併交部議處。燒  
燬房間著工部照例辦理。○諭軍機大臣等  
據給事中韓椿奏浙江地方劫盜滋擾。請飭  
查辦一摺。弭盜所以安民。豈容匪徒肆行搶  
掠。滋擾閭閻。若如該給事中所奏浙江省各  
府州縣搶劫之案層見疊出。該地方官所司  
何事。實屬緝捕不力。著梁寶常查照單開各



案嚴飭該府州縣上緊嚴拏務期賊盜全獲不准一名漏網如查有不肖州縣玩視捕務縱賊殃民即行指名叅奏以儆玩泄毋得稍事姑容○以河南巡撫鄂順安督辦中牟大工命本科武闡鄉試改於來年二月校閱○丁卯遣官祭

都城隍之神○諭內閣向來武鄉試會試派有監射較射之王大臣會同校閱自應秉公商酌遴選真材嗣後該王大臣等務當公同商定不准專擅亦不准互相推諉儻有前項弊端著監試御史據實叅奏○又諭太監李得喜並劉太康大湯老俱著交刑部嚴行審訊至該太監膽敢將暢春園官土山剗平蓋房種樹不知該管大臣等知之與否著管理圓明園內務府大臣明白回奏尋奏太監李得喜所蓋房間在大河莊地方毗連暢春園並非暢春園官地惟李得喜私創官土山六丈有餘該管員役並未查出呈報實屬疏漏

應俟刑部定案後再行奏叅覈議敬徵裕誠阿靈阿毫無覺察請先行交部分別議處○以捐修江蘇鎮江府城垣工竣予官紳王德茂等升敘有差○命陝甘總督富呢揚阿撥銀二萬五千兩有奇解赴阿克蘇備道光二十六年經費○戊辰諭內閣前因駐藏大臣將應存火藥等項濫行借支以致不敷操演當將歷任駐藏大臣交部議處茲據該部遵議具奏三等侍衛孟保著即革職前任兵部

右侍郎關聖保現已告病開缺著革去頂帶並另案革職之文蔚海樸現議革職之處均著照例註冊河南巡撫鄂順安本應革職惟現在督辦大工若遽予罷斥轉得置身事外著暫行革職留任所辦大工能否妥善屆時再降諭旨○又諭裕誠等奏已革武舉滕混赴考等語福建武舉胡邦傑係因售賣煙土斤革並飭令嚴緝究辦之犯何以該省巡撫仍行給咨赴部著劉鴻翱確切查明具奏胡

邦傑投咨後並未赴部過堂著步軍統領衙門順天府五城一體嚴緝務獲送交刑部審辦尋劉鴻翔奏已革武舉胡邦傑前在京販賣鴉片業經斥革因事隔多年不知先行斥革是以請咨會試並非隱匿原案亦無賄囑書役情弊應照一年六箇月內販賣鴉片煙土例發往新疆充當苦差下部議從之○以挑濬河道捐資出力予江蘇紳士朱學海等議敘有差○以拏獲江蘇海洋重犯賞參將

王鵬飛花翎遊擊黃永清藍翎○己巳諭內閣都察院奏江西監生吳緝如違抱告吳庭選呈控謀殺二命脫罪埋冤等語案關現任職官與部民夥開鋪面捕役受賄殺人承審官袒護不辦虛實均應徹底根究著吳文鎔親提人證卷宗秉公嚴訊務得確情按律定擬具奏尋奏查訊該典史何廷鑑並無與部民夥開鋪面情事其所控謀殺二命脫罪埋冤等情亦係誣控吳緝如應按律反坐擬革

去監生杖一百流三千里加徒役三年下部議從之○又諭前因刑部訊據臺灣武生郭光侯供出阻撓納糧之許東燦等已降旨飭令迅速解部嚴訊矣茲據該部奏稱郭光侯謀逆一節供係許東燦懷恨陷害即與許東燦面質別無證佐仍難定讞自應先行提犯備質所有洪協案內被脅入夥擬軍尚未起解之陳佐盧傑黃轉張和蔡塘洪悅蔡嚴陳硯柯汶牽徐斗李自林欲劉懃懃曾西羅蘇

藤李鐵牛蕭是朱心願等十八犯著劉韻珂派員迅速解交刑部歸案質訊辦理○庚午遣官祭

歷代帝王廟○辛未

上詣綺春園問

皇太后安○御山高水長閣侍衛等騎射翼日如之○諭內閣前因有人奏升任江蘇松江府知府練廷璜劣跡各款當降旨交壁昌等密查具奏茲據奏稱將所參款跡逐一細勘

或查無案據。或訪無其事。惟於所管書役事後受財。失於覺察。請交部議處等語。各省督撫遇有交查事件。自應確詢虛實。分別是非。方免欺隱之弊。此次該署督等於該員被叅各款。既稱查無確據。又稱該員平日果能嚴查胥役。何致有瑕可摘。恐原叅各款。皆非無因等語。前後自相矛盾。非欺隱而何。著該署督等明白回奏。仍派委妥員前往該員歷任地方。確加查訪。究竟是有是無。據實具奏。不准稍有不實不盡。儻有含混。將來別經發覺。定將該督等嚴行懲處。決不寬貸。尋奏。前次摺內所稱該員平日果能嚴查胥役。何致有瑕可摘等語。是追敘始念之所計及。並非於審定之後。尚有疑慮。現飭蘇松太道宮慕久等前往確查。並據該道等明查暗訪。練廷璜實止失察書役事後受財。並無別項劣跡。應仍照原奏。請旨交部議處。得旨。練廷璜著交部照例議處。○以捐修浙江松陽縣

文廟考棚。予紳士章黼等議敘有差。○壬申。緩徵陝西府谷縣被電村莊下忙額賦。及舊欠籽種。○緩徵浙江德清武康二縣被水村莊新舊額賦。○癸酉。以捐賑出力。予湖北紳民金日瑩等議敘有差。○甲戌。諭內閣。戶部奏東河撥款緊要。請旨飭催各省趕緊解工。此次中牟補築壩工。前經動撥廣儲司庫銀一百萬兩。並指撥各省銀三百五十萬兩。該督撫等奉文後。自應迅速委員批解。乃僅據直隸陝西二省先後委解起程。其餘各省均未咨報起解。實屬玩延。現在節交霜降。興舉要工。必須錢糧應手。方免停工待餉之虞。著該督撫等將所撥銀兩。趕緊委員起解。不准稍有遲逾。其河南浙江湖南等省原撥不敷銀兩。著於續徵銀內。趕緊湊足解工。此外各省指撥銀兩。儻有不敷。亦即照此辦理。毋稍延宕。至所撥各關稅銀。並著趕緊徵收。迅即解交東河工次。以應急需。現據鍾祥等奏壩

工待項甚急。著由戶部銀庫撥借銀一百萬兩。解工應用。該河督等統計借款與各省關撥款。共收足銀四百五十萬兩外。即將續到各省關撥項。迅解部庫歸款。此後各省關何日解到工次銀兩若干數。並著該河督等按月報部備查。又上年東河請借部庫銀兩。內有奏明應解部歸款一百萬兩。現除陸續解到外。尚有未經解部銀二十萬三千二百八十餘兩。著各該督撫監督。迅即委員剋期解

部。毋得視為彙催具文。任意久延。○又諭京師五城。每年冬間。例應設廠煮粥。原所以賑濟貧民。必使實惠均霑。方不負體恤孤寒至意。惟是奉行日久。未免視為具文。以致不肖胥役。剋扣侵蝕。俾窮黎難資餬口。嗣後五城責賑事宜。著責成各該城御史親往各廠。督率司坊官眼同散給。並著都察院堂官。不時親往稽查。如有前項弊端。即著據實嚴參。毋稍徇縱。禮部奏十月初十日

皇太后聖壽節。應行禮儀。得旨。是。照例行禮。奉皇太后懿旨。停止筵宴。其在外公主福晉命婦。進內行禮之處。並著停止。○乙亥。

上詣

黑龍潭神祠拈香。○以內閣學士趙光。知武舉。吏部右侍郎侯桐。為武會試正考官。內閣學士羅文俊。為副考官。○旌表守正捐軀山東臨朐縣民張獻中妻王氏。○修湖北荊州府萬城大隄。從總督裕祿奏請也。○丙子。諭內

閣。布彥泰等奏。遵查伊拉里克地畝。無礙蒙古生計。堪以開墾一摺。據稱伊拉里克地方。與喀喇沙爾所屬蒙古遊牧之地。以山為界。界址甚明。該處河水一道。係由山之東面流出。距蒙古遊牧之地。尚隔一山。相去甚遠。於蒙古生計。毫無妨礙等語。該處地畝。既無礙蒙古生計。著即由該將軍等會籌設法。招戶開墾。其挑挖大渠支渠。並洩水渠。引用伊拉里克河水之處。均照所議。妥行辦理。至附近

之布拉克泉紅柳灘一帶。尚有可墾之地。著俟伊拉克渠道開成後。體察籌辦。其奎屯地方未墾荒地。仍著確切勘明。覈實具奏。該部知道。尋奏奎屯一帶地方。甚屬寬廣。其中有河一道。係由庫爾喀喇烏蘇南山積雪融化。匯流成河。其近水地畝。早有營屯。戶民承種納糧。又蘇沁灘荒地。查有一萬餘畝。土脈肥潤。皆可開墾。祇須挑挖渠道。引水入地。俱成沃壤。得旨依議。惟積雪融化之水。能否用之不竭。應詳酌。○丁丑。

上御洞明堂。勾到新疆雲南貴州情實罪犯。停決雲南斬犯二人。貴州斬犯四人。餘五十九人予勾。○諭內閣。陸費瑤奏請將撤任知縣查明究辦等語。前署湖南耒陽縣知縣葉為珪。徵收錢漕。既經查有匪徒捏冒約總情事。並不嚴拏究辦。另舉驗充。仍復照舊差追。致令刁民有所藉口。於該道新定章程裁減浮費之處。能否實力遵行。必須徹底查究。該撫

即飭該管道府迅速確查。定案時據實叅辦。不能因受有槍傷。稍從末減。○改鑄廣東新安縣九龍巡檢印信。從巡撫程喬采請也。○戊寅。

上詣綺春園問

皇太后安。○兵部以武會試中額請。得旨滿洲取中二名。蒙古取中二名。漢軍取中六名。直隸取中十五名。奉天取中一名。山東取中七名。山西取中五名。河南取中十四名。陝甘取中二名。江蘇取中一名。安徽取中三名。浙江取中三名。江西取中四名。湖北取中二名。湖南取中一名。福建取中二名。廣東取中二名。廣西取中一名。四川取中二名。雲南取中一名。貴州取中一名。○以乾清門二等侍衛薩凌德為御前侍衛。○已卯。賞廣安門外普濟堂煮賑小米三百石。○庚辰。諭內閣。布彥泰等奏土爾扈特福晉等赴藏。擅走草地。請將攔阻不力之佐領等交部議處一摺。該佐領

等奉委照料。未能攔阻。截回。咎實難辭。伊犁佐領塔勒圖。著交部議處。驍騎校德興。於該福晉由草地行走之時。未能一同攔阻。著一併交部議處。○鑄給湖北提標後營都司關防。守備條記。從總督裕泰請也。○以捐修城垣。予烏什副將阿勒精阿等優敘。餘升補有差。○撥浙江漕截餘贖銀六千六百兩。有奇。協濟杭州嘉興湖州。減歇軍船幫丁。○修浙江仁和海寧一州縣海塘。從巡撫梁寶常請也。○辛巳。

上御洞明堂。勾到四川情實罪犯。停決斬犯九人。絞犯四人。餘一百十八人。予勾。○諭內閣倉場衙門向來設立官斛。不容顆粒短少。此次祿米倉花戶。膽敢擅設私斛。減放甲米。似此營私舞弊。恐各倉均所不免。著倉場侍郎會同查倉御史。嚴密訪查。如有花戶另造私斛。即拏交刑部治罪。並將該倉監督指名參奏。經此次飭查之後。若再有前項弊端。一經發

覺。惟該侍郎等及查倉御史。是問。毋得視為具文。日久生懈。○又諭此案祿米倉花戶。私削官斛。減放甲米。情節較重。除事後聽從彌縫之該倉監督四慶劉涵。業已革職外。監放官台琿阿倉場侍郎德春。楊殿邦。均著交部議處。西城副指揮鄒培經。查起私斛米袋。辦事尚屬認真。著交部議敘。○又諭鍾祥等奏請飭調署南陽鎮帶兵彈壓。並咨調南河備弁兵丁一摺。現署南陽鎮總兵徐太平。著准

其調赴工次。帶領兵丁巡邏彈壓。南河守備趙大德。杜士貴。周堦。均著准其調赴東河襄辦。所請調南河革職留工效力之前署淮海道裏河同知沈鎬。前河營參將呂邦治。著不准其調用。○以禮部尚書特登額。為滿洲鑄譯鄉試正考官。司經局洗馬德齡。為副考官。○壬午。諭軍機大臣等。據耆英奏。連日接見夷使大概情形一摺。覽奏俱悉。佛蘭西夷使到粵。經該督連次接見。詳加詰問。該夷使請

頒啖咪兩國貿易章程。自應查照前議條約。令其依照辦理。其越分妄求各情節。萬無允准之理。至所請進京朝見一節。著諭以天朝體制。大皇帝從不接見外夷。徒勞跋涉。即如啖咕喇咪喇嚕。亦未進京朝覲。中朝撫馭外夷。一視同仁。豈肯稍分彼此。該國自當與啖咪兩國共遵條約。不得於例外妄有干求。該夷使臣測情形。不可不密為防範。該督務當示以鎮靜。不可別生枝節。將此由四百里諭

令知之。○又諭。本日據富呢揚阿奏查明搶掠營馬戕害備兵之賊。番種類來蹤等情。一摺。原奏既稱此次滋事。查係果洛克番賊率眾行搶。又稱去歲捕逐野番時。果洛克並未出巢。其地在瑪慶雪山之南。為四川所轄。山遙路僻。該番遠出尋搶。亦屬不易。並有此時番地又值大雪封山。果洛克巢穴遠在川境。未便深入窮追等語。究竟此次行搶。是否實係果洛克番賊。其果洛克巢穴。既遠在川境。

何以遽能遠出肆搶。著德興接奉此旨。即將前項情形確切查明。迅即由驛據實覆奏。毋稍含混。將此諭令知之。○江南河道總督潘錫恩奏報秋汛安瀾。命詣

河神廟祀謝。並下部議敘。出力員弁升敘有差。○癸未。

上御洞明堂。勾到廣東陝甘情實罪犯。停決廣東斬犯四人。絞犯一人。陝甘斬犯四人。餘八十五人予勾。○以捐修

文廟。予江西知縣龐復敦等升敘有差。○甲申。

上詣綺春園問

皇太后安。○諭軍機大臣等。御史陳岱霖奏請嚴革徵漕積弊一摺。據奏清弊之源。其要有三。一。州縣輒向管漕書吏稱貸銀錢。迨徵漕之日。任聽書吏包攬。高下其手。一。胥役於鄉居窩遠之戶。先期墊完。截其串票。遂執串刁難。加倍勒措。一。刁生劣監。出入衙門。收漕屈

期。或收受漕規。或代各花戶包攬完納。一切幫費。任其入己。各等語。此等弊竇。若不認真整飭。必致因漕起釁。動成巨案。著有漕各省督撫。於所指弊端。嚴加懲辦。毋得稍存瞻徇。將此各諭令知之。○又諭前據潘錫恩奏。卡游水勢未消。當經降旨。令督率道將員弁。加謹巡防。茲據奏稱。揚河廳境高郵七顆柳地方。東隄裏坡陡。蟄十餘丈。派兵入水摸探。知係石上加土為堤。水由石縫串入。隄身坐蟄。

用土難於見功。擬於臨河圍築柴壩。已飭興工趕辦等語。該處隄身因湖水久浸。以致坐蟄串漏。必應設法補救。既據奏臨河圍築柴壩。可期得力。著照議妥速辦理。該河督現在親往督辦。務即嚴飭該管道將及廳營員弁。趕緊圍築。剋日竣工。毋得稍有遲延。關礙運道。是為至要。其查勘情形。仍著於到工後。迅速據實具奏。將此諭令知之。尋奏查該處口門。僅寬十九丈五尺。自十月初一日興工。至

初九日掛纜合龍。一律鞏固。至回空軍船南下。已一千餘隻。行走順利。報聞。○鑄給山東夏津縣管河縣丞條記。從河道總督鍾祥請也。乙酉。諭內閣。訥爾經額奏。永定河南七工大壩合龍。並請酌保捐資出力各員等語。此項工程。先後動用過溥沱河生息銀三萬兩。著照例造冊報部。其不敷銀十二萬餘兩。免其造冊報銷。所有捐數較多。並在工尤為出力者。著該督酌保數員。候朕施恩。毋許冒濫。

革職留任之永定河道張起鵠。三角淀通判翟宮槐。現在辦工。尚知奮勉。著俟來年三汛安瀾後。如果始終無誤。再行奏請開復。專汛東安縣主簿王錫震。前既疏防。辦工又不得力。著即革任。以示懲儆。○又諭桂良等奏。請將造冊含混。被控勒罰之同知解任質訊。一摺。雲南大關同知姚延之。募修城廟等工。造報含混。於控案輒行酌罰。並有被控勒罰銀兩。及家人田三威索之事。姚延之著暫行



革職交該督撫提集人證嚴訊究辦尋奏查訊姚延之並無勒罰染指及違例妄斷情事應准其開復原官其失察家人田三因事受財仍交部覈議饒文典田三均照以財行求按律杖六十下部議從之○諭軍機大臣等都察院奏江蘇民人陳寶廣呈控遊擊楊得邦抽提商船規費置盜不緝一案已明降諭旨交壁昌等親提嚴審矣營員私抽商稅縱盜殃民如果屬實自應嚴叅懲辦至武弁乘輜出轅尤乖體制不可不嚴行飭禁著該督等確切訪查據實叅奏並著通飭各屬營員概不准自耽安逸妄行乘輜以符定制將此諭令知之尋奏楊得邦並無縱盜殃民情事惟私抽商稅津貼巡防兵丁違例乘輜屬實應照例革職下部議從之○丙戌諭內閣恩桂等奏江蘇餉鞘查有攙雜情弊請飭查等語江蘇委員靖江縣典史朱維鑑領解捐監等銀經管庫大臣當堂劈驗印花未損而鞘

內有一封攙雜碎石現據該解員照數補足此項碎石顯係該省包封時胥役從中舞弊著孫善寶查明嚴行懲辦○以兵部右侍郎舒興阿為總管內務府大臣○丁亥諭內閣戶部奏請飭催途次銅鉛船隻等語銅鉛為鼓鑄攸關斷不容遲延貽誤所有已入直隸境之張循徵童翬趙亨鈴三運已過天津關之楊汝芝方聯選二運已入山東境之姚光熹黃際昌二運已自湖北開行之李杰一運已入江南境之崇璟一運已過龍江關之俞汝本一運已過淮關之林發森一運均著沿途各督撫迅派幹員會同經過地方文武員弁迎提催趲務期於河水未凍以前一律趕運抵通不准稍有稽滯儻該運員等藉詞延宕承催督催各員並不實力催趲即著各該督撫指名嚴叅以肅運務○又諭阿克蘇辦事大臣輯瑞於該處開墾荒地未經具奏率即興工所稱阿奇木伯克郡王愛瑪特等捐

備口糧羊隻之處恐有抑勒措捐情事。所辦實屬冒昧。輯瑞著交部嚴加議處。該處開墾事宜著暫行停工候旨辦理。○諭軍機大臣等前據輯瑞奏於阿克蘇開墾荒地酌給回戶一摺當交該部覈議茲據戶部酌覈具奏開墾地畝期於國計民生兩有裨益阿克蘇既查有可墾地十萬畝開渠引水足資灌溉自宜據實奏明候旨遵辦乃該大臣未經具奏率即飭招回戶於六月興工已明降諭旨

將該大臣嚴加議處矣喀什噶爾等處開墾向係招集眷戶認種此次該大臣聲請毋庸招覓眷民所奏情形果否屬實著布彥泰等確切查明悉心覈議並著達洪阿親往阿克蘇將可墾之地逐加履勘何以與喀什噶爾情形不同其招徠內地眷戶認地墾種何以礙難辦理之處務當詳細體察咨商布彥泰會同具奏又據烏什辦事大臣維祿等奏酌擬裁屯撤兵及續開地畝撥給夷回耕種各

情著達洪阿於查勘阿克蘇竣事後即前赴烏什察看情形一併妥議具奏輯瑞及維祿摺均鈔給閱看將此諭令知之○兵部議覆盛京將軍禧恩奏請添設捕盜弁兵章程八條○奉天地方遼闊緝捕最關緊要應添設捕盜千總三員把總三員經制外委六員虛頂外委十二員馬兵八十名步兵一百八名以資巡緝○千總把總經制外委等員三年內未便遽請添設而兵丁未可漫無約束應

令各廳州縣由武生中揀選家道殷實年力富強素無武斷鄉曲包攬詞訟之事各二三入送將軍考驗挑取十二名給與虛頂外委食馬兵錢糧管束眾兵責以捕務○此次添設弁兵等餉銀並緝捕犒賞應准於發商生息項下動支分別付給○千總把總等官三年外始行設立其三年內之空曠俸銀馬乾准作為置辦器械馬匹之用○每年倒椿馬匹准照熱河捕盜營之例馬匹騎操過五年

者准其領價買補。若一年倒斃者賠銀七兩。二年倒斃者賠銀六兩。按年遞減。每年每百匹准報倒馬三十匹。於息錢贏餘項下動支買補。弁兵紅白賞卹及修理器械兵房。配造火藥。應於每年息銀息錢贏餘項下動支。弁兵房間。共計二百三十間。每間給銀三十五兩。應在承德縣庫存橋道生息項下動支。一。邊外蒙古遊牧地方。如有盜賊藏匿。准該弁兵赴地方官領票出邊緝拏。仍知照各

旗蒙古協緝。如無照票。不准私行出邊。以重邊禁。從之。○戊子。諭內閣。此次覆試武舉。刀力石力不符之劉英魁。閔長申。文壽。主慶。朱連陞。李德明。白雲鳳。俱著罰停殿試一科。所有原圍監射王大臣。較射大臣。著交宗人府吏兵二部。照例議處。其補行覆試弓力。仍不相符之武舉傅廷揚。魁著再罰停殿試一科。肅親王敬敏。因病乞假。以科爾沁扎薩克郡王僧格林沁署正藍旗滿洲都統。○予

甘肅因公淹斃試用知縣李錦芳同知銜。並祭葬卹廕。○已丑。

上御洞明堂。勾到福建奉天湖廣情實罪犯。停決湖廣斬犯七人。絞犯一人。奉天斬犯二人。餘八十人。予勾。○庚寅。

上詣綺春園問

皇太后安。○諭內閣。禧恩奏酌減捕打冬圍兵丁一摺。盛京每歲冬間進鮮。既已裁減過半。所有捕圍兵丁。自宜量為酌減。著照所請。捕

圍兵一千三百名。自本年起。減去三百名。仍按年輪流。派前鋒馬甲一千名。捕打貢鮮。以資操練。○以通政使司通政使和淳為都察院左副都御史。○廣西右江鎮總兵官阿克敦布。因病乞休。允之。○旌表守正捐軀江蘇贛榆縣民相庭珍妻張氏。河南葉縣民薛玉峯妻張氏。○修福建駐防兵房。從將軍敬敷請也。○改造盛京金州水師營戰船。從將軍禧恩請也。○辛卯。

孝慈高皇后忌辰遣官祭

福陵○

上詣

大高殿行禮○還宮○貴州巡撫賀長齡奏查黔省各屬並無銀砂亦無銀礦可採得旨細心查辦不可一奏了事○旌表守正捐軀山東鄆城縣民王塊甲妹王氏魚臺縣民強禮修女強氏○以孟冬時享

太廟自是日始齋戒三日○壬辰諭內閣潘錫

恩奏查勘高郵東隄遇風漫水現在搶堵情形一摺據稱揚河廳境高郵汛七顆柳地方東隄被水浸泡日久隄身坐墊該廳營趕築柴壩適遭風暴遂致漫缺十餘丈該河督親往督辦等語該處隄身因風漫缺該員弁等防守不力咎無可辭楊河通判張用熙揚河營守備陳耀俱著撤任摘去頂帶仍責令在工效力果能依限完竣由該河督覈明具奏儻稍延玩即行嚴叅准揚道樊師仲河營參

將盧永盛淮揚遊擊李勝俱著交部議處潘

錫恩未能先事豫防著一併交部議處該處

隄下居民無多雖早經遷避並無損傷然究

屬被水可憫著即督飭該地方官妥為撫卹

毋令一夫失所此次堵築缺口所用錢糧著

責令專管之廳營全數分賠以示懲儆○伊

犁將軍布彥泰奏開墾阿齊烏蘇山地大局

已成渠道全通現將極東之喀什河引放入

渠皆已盈科遞進水到渠成旋又查看渠尾

則已潏洄轉注洩入烏合哩里克河並無阻

遏之處十萬餘畝之地一律灌溉無誤春耕

得旨所辦甚屬可嘉○旌表守正捐軀直隸

寧津縣民祁朝垣女祁氏○給河南淮寧項

城沈邱三縣災民口糧有差○癸巳

孝敬憲皇后忌辰遣官祭

泰陵○諭內閣薩迎阿奏請將濫刑斃命之巡

檢革職拏問一摺熱河豐寧縣大閭兒巡檢

馬銛於賭匪李停江一案濫用刑求以致受

傷斃命著卽革職拏問。交該都統提同全案人證確切研訊。按律定擬具奏。又另片奏稱該巡檢復有擅受旗人陳蘭與佟濟爭控錢債一案。任性偏斷。幾至釀成人命等語。著卽一併審明。從嚴懲辦。尋奏查訊李停江因誤睡熱炕致中火毒身死。究係刑傷過重所致。爭控錢債一案。係陳蘭自扎肚腹。希圖抵賴。旋卽平復。馬銛除擅受民詞輕罪不議外。應照非法毆打致死律。擬杖一百徒三年。下部議從之。

大清宣宗效天符運立中體正至文聖武智勇仁慈儉勤孝敏成皇帝實錄卷之四百九

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百十

宣宗實錄卷之四百十

宣宗實錄卷之四百十

宣宗實錄卷之四百十

宣宗實錄卷之四百十

宣宗實錄卷之四百十

秋

道光二十四年甲辰冬十月甲午朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢 頒道光二十五年時憲

書○試中式武舉王琴堂等八十四人於太

和殿前○實授張澧中刑部右侍郎○命湖

北巡撫趙炳言來京陛見以湖廣總督裕泰

兼署巡撫○乙未○蠲緩直隸霸永清武清寶

坨薊寧河文安大城東安高陽安獻阜城任

邱景天津青靜海滄南皮鹽山南和平鄉鉅

鹿大名南樂雞澤清豐玉田寧晉隆平南宮

磁三十三州縣被水被雹村莊新舊額賦有

差並賑霸永清二州縣旗民○丙申

上御紫光閣閱中式武舉馬步射 丁酉

上御箭亭閱中式武舉技勇○御乾清宮引見中式武舉親定甲乙○諭內閣載垣等奏五輅五乘不堪陳設請旨可否修理之處五輅五乘既已年久損壞著暫緩修理無庸陳設○諭軍機大臣等據奕山奏查出可墾荒地招集回戶承種並捐廉開挖渠道興工日期一摺和闐開墾事宜著暫行停工候旨辦理此項荒地是否可以開墾其招集回戶承種日後有無流弊該處現在有無民戶可以招墾著達洪阿於查勘阿克蘇烏什兩處地畝事竣後即前赴和闐將該大臣所指達瓦克地方詳細履勘體察情形咨商布彥泰會同具奏原摺著鈔給閱看將此諭令知之○湖廣總督裕泰奏查明李家埠潰口監利等州縣湖河被淹尚輕現妥為籌辦得旨言顧行行顧言民為邦本別無他諭○修湖北荊州府李家埠隄埵從總督裕泰請也○戊戌上詣綺春園問

皇太后安○御太和殿傳臚賜中式武舉一甲張殿華錢昱劉清江三人武進士及第二甲王琴堂等十人武進士出身三甲祥保等七十一人同武進士出身○諭內閣奕山奏查明和闐應存生息等項銀兩足抵官兵經費等語和闐應需道光二十六年官兵經費五千四百十兩零前經降旨撥解茲據奏稱和闐估存生息等項共銀六千五百七十六兩零足抵二十六年官兵經費所有前調銀兩著毋庸撥解其現存普爾錢足數二十七年經費亦著一併停調以訪獲因姦謀命重犯予山東歷城縣知縣吳煒升用○己亥上詣安佑宮行禮○諭內閣李星沅奏陝甘駐防繙譯鄉試請再展期一摺西安寧夏繙譯各生現止九名應試其續經送部之涼州莊浪考取繙譯各生自應一律准其合考惟據稱歲晚路遙應試各生恐難剋期而至著照所議

將試期展至來年二月十六日舉行以示體恤。庚子諭內閣理藩院奏遵議諾們汗被控各款請飭訊取確供定罪一摺此案噶勒丹錫呼圖薩瑪第巴克什被控需索財物侵佔田廬私拆房間擅用輜織強據商產隱匿逃人奸貪狂妄各款均經駐藏大臣會同班禪額爾德尼等按款查明自無枉縱惟該諾們汗勒取財物盈千累萬改桑拉木結以尋常喇嘛何能出如許鉅貲圖升扎薩克並自

供曾受羅布桑曲批等財物即難保非伊二人表裏為奸並恐所索贓款不止此數。至達賴喇嘛頸上受傷流血不止該諾們汗知而不辦其中情節尤屬可疑仍著該大臣會同班禪額爾德尼等提集全案人證逐一嚴訊取具確切供詞一經審實即將該諾們汗歷得職銜名號全行褫革仍追敕剝黃名下徒眾全行撤出廟內貲財先行查封其達賴喇嘛受傷情由並著提同隨侍之森琿及服侍

之堪布等悉心研鞠務得實情具奏其商上事務印信即著該大臣會同班禪額爾德尼於呼圖克圖諾們汗內選擇一人管理。又諭前據琦善等奏班禪額爾德尼等呈控前藏噶勒丹錫呼圖薩瑪第巴克什額爾德蒙額諾們汗阿旺扎木巴勒勒齊木種種欺壓達賴喇嘛殘害全藏生靈等情一摺當交琦善會同班禪額爾德尼明白查辦茲據琦善班禪額爾德尼等逐款確切查明該諾們

汗原係微賤喇嘛因其熟習經咒是以屢施深恩乃該喇嘛不知感恩圖報膽敢心存傲慢藐視達賴喇嘛動輒貪婪擾害藏內人民且達賴喇嘛乃宗喀巴之徒總領天下黃教豈可為兇殘所陵該喇嘛如此膽大可惡已極茲據琦善會同班禪額爾德尼查出該喇嘛實跡已有旨著琦善班禪額爾德尼嚴審取供照例定擬因思黃教清高豈容稍存殘惡之漸著理藩院將該喇嘛劣跡轉行曉諭



各呼圖克圖喇嘛等務令恪守黃教之清規誠遵宗喀巴之正教。咸以該喇嘛為戒俾各知之。○安徽巡撫王植奏查閱地方情形得旨除秀安良自不待言矣。水懦民玩。又不論而可知。勉之又勉。辛丑諭軍機大臣等現任長蘆運使陶士霖引見回任。著該督等留心察看。該員才具是否堪勝運司之任。平日辦事能否認真妥協。著即查明據實具奏。將此諭知訥爾經額並傳諭普琳知之。○壬寅。

上詣綺春園問

皇太后安。侍膳。以廣東南韶連鎮總兵官馬

殿甲為廣西提督貴州平遠協副將孫洪濤

為南韶連鎮總兵官。○癸卯。

皇太后聖壽節遣官祭

太廟後殿

奉先殿

上率皇子及王公大臣文武官員詣綺春園行慶賀禮。畢率皇子侍

皇太后膳。○甲辰以內閣學士羅文俊為順天

武鄉試正考官。詹事府詹事陳憲曾為副考官。以福建擒獲洋盜。予巡檢李朝旭等升補有差。並被戕。千總吳金魁祭葬。世職。兵丁李定國賞卹如例。○乙巳諭軍機大臣等。御史朱琦奏粵東水道淤淺。因防夷時用石堵塞。請飭疏濬。下流一摺。據稱廣東省河及內洋通海地方。因用石填塞。淺窄異常。請去窒礙。所有共襄義舉之紳士。懇照海疆捐輸例

從優議敘。又番禺等縣殷戶多築小園。以致上游停滯。請飭地方官申明舊例。不准另築。又稱水道填塞之後。來往船隻停泊失所。往往被賊搶劫。其尋常船隻輒被石尖撞碎。請及早挑挖開通等語。著著英程喬采將摺內所指各情詳細履勘。體察情形。是否可行。據實覆奏。原摺著鈔給閱看。將此諭令知之。尋奏前擲石海口以防大隻夷船內地船隻。並無阻礙。至被水各園。由官紳捐築與海疆捐

輸各別未便一律議敘番禺等縣殷戶從前所築小圍均已拆毀近年並無另築至客船被劫則在嚴緝盜賊不在疏通水道似無須撈挖徒糜經費從之○丁未

上詣綺春園問

皇太后安○諭內閣恩桂等奏酌議挑補門甲添演鉛丸等語此項門甲必須年力精壯技藝嫺熟方足以重守衛著於按季操練烏槍之外每月加演鉛丸三次務令施放有準毋

任有名無實嗣後遇有缺出著照所議先儘本門門軍及本旗滿洲蒙古另戶步甲挑補毋庸以馬甲對換其每月加演鉛丸之火藥等項著工部照例給發○戊申蠲緩奉天金州復岫巖遼陽海城蓋平新民錦八廳州縣被水災區新舊額賦並給口糧有差○緩徵山東臨清濟寧章邱鄒平濟陽禹城臨邑陽信范朝城邱夏津魚臺茌平歷城長山新城齊河海豐濱霑化陽穀壽張濮聊城博平清

平莘冠館陶樂安壽光安邱平度昌邑濰高密武城商河恩利津單曹惠民蒲臺四十五州縣及德州東昌臨清三衛並官臺場竈被水被雹被霧災區新舊賦課○己酉月食○諭內閣德春等奏應賠米豆各款請飭催運通等語海船戶福仁順應賠豆石前因間雜不齊飭令買換於本年額運米豆到津一併搭運又前任天津縣知縣張椿年應賠米豆係奏明奉旨嚴追賠補之款迄今均未運通

交納實屬玩延著直隸總督分別查明嚴飭賠補運通以清欠款○命喀喇沙爾辦事大臣全慶庫車辦事大臣常清哈密幫辦大臣恆毓塔爾巴哈台領隊大臣那福德回京賞大理寺少卿書元頭等侍衛為喀喇沙爾辦事大臣以伊犁領隊大臣扎拉芬泰為庫車辦事大臣葉爾羌參贊大臣奕經為伊犁領隊大臣賞已革禮部尚書麟魁三等侍衛為葉爾羌參贊大臣三等承恩公安誠三等侍

衛為哈密幫辦大臣以頭等待衛明慶為塔爾巴哈台領隊大臣○緩徵江西南昌新建豐城進賢清江新淦新喻峽江廬陵吉水泰和萬安鄱陽餘干萬年星子建昌安義德化德安瑞昌湖口彭澤都昌二十四縣被水村莊新舊額賦○庚戌京口副都統琦忠奏添設大礮演試尚能致遠得旨礮位不為不多務當謹慎收貯按時督率練習精熟有準為要勿忽○壬子

上詣綺春園問

皇太后安 癸丑

上御洞明堂勾到江西安徽江蘇情實罪犯停決江西斬犯四人安徽絞犯三人江蘇斬犯二人餘六十九人予勾○諭軍機大臣等據鍾祥鄂順安奏溝工線工將次完竣現在加挑引河及挑水壩興工日期一摺此次中牟大工下游溝線工程業已將次完竣至挑挖引河為全河最要關鍵除積水較深之處順

勢搶挑外其應估加挑之處自應勒限趲挑以期一律通暢至接挑引河頭移建挑水壩及建築東西二壩工程均著照所議辦理現在稽料麻斤陸續運廠均可不誤進占該河督等惟當督飭在工文武員弁無分晝夜實力趕辦固不可草率從事尤不可坐失機宜總期及早蒞功以慰朕念至引河及兩壩形勢著該河督等繪圖貼說於由驛奏事之便進呈備覽將此諭令知之○以拏獲囑匪予

四川參將馬榮耀等升補有差 蠲緩湖北江陵石首公安武昌咸寧嘉魚蒲圻漢陽漢川黃陂孝感沔陽黃岡蘄水廣濟黃梅鍾祥京山潛江天門應城監利松滋枝江荊門興國江夏雲夢蘄二十九州縣及屯坐各衛被水被旱災區新舊額賦有差並給江陵石首公安三縣災民一月口糧○緩徵湖南華容安鄉澧武陵龍陽沅江巴陵臨湘益陽長沙十州縣被水災區新舊額賦 甲寅添購直

隸永定河備防稽料仍增歲料運腳銀從總督訥爾經額請也○緩徵河南鄆陵柘城永城安陽臨漳內黃延津商邱夏邑輝封邱考城湯陰孟十四縣被水被雹村莊新舊額賦○乙卯命山東巡撫崇恩來京陛見以布政使王篤護巡撫○丙辰緩徵安徽懷寧五河東流桐城潛山太湖宿松望江貴池青陽銅陵當塗蕪湖繁昌無為和含山壽宿鳳陽懷遠定遠靈璧鳳臺阜陽潁上霍邱毫太和泗盱眙天長宣城南陵建德合肥巢建平三十州縣暨屯坐各衛被水被旱災區新舊額賦○除浙江錢塘縣水衝田地二十七頃有奇額賦○丁巳命刑部左侍郎賡福右春坊右庶子駱秉章馳往山東查辦事件○以拏獲匪犯予浙江同知方秉以知府即用先換頂帶○除江蘇吳江縣義塚田二十畝有奇額賦○戊午

上詣綺春園問

皇太后安○減免直隸隆平寧晉安任邱四州縣被水災區額賦有差○己未諭內閣德春等奏輕齎銀兩屢催未到請旨飭催有漕各省應解通濟庫輕齎銀兩例應於漕糧未到之先解到本年湖南省應解輕齎銀兩尚未解到非該省兌交遲延即係解官逗留途次著湖南巡撫將遲延緣由咨議辦理並著直隸山東江南各督撫飛飭查探如該解官過境即催令兼程趲押北上嗣後此項輕齎銀兩著各該省巡撫督飭各糧道屆期及早兌交解赴通州毋得仍前延滯○庚申上御洞明堂勾到河南山東情實罪犯停決河南斬犯一人絞犯二人山東斬犯六人絞犯六人餘七十三人予勾○貸荊州駐防司庫銀修理被水衙署兵房○辛酉諭軍機大臣等鍾祥鄂順安奏引河挑成分數並大壩二壩興工日期一摺據稱加挑引河牽計已有六分工程引河頭接挑工段亦已普律插鉸

現在先由西壩興工進占。並挑水壩現已做成六占等語。此時兩壩正雜料物均已集有成數。正可剋期趕辦。該河督等駐工督催。責無旁貸。總當嚴飭在工文武員弁通力合作。設法趲辦。務於春前歲事萬不可稍存觀望。坐失機宜。以致臨時費手。是為至要。將此諭令知之。○壬戌。諭軍機大臣等。前因阿克蘇和闐等處辦理墾荒酌給回戶承種。並據烏什辦事大臣奏請裁屯撤兵。節經諭令達洪

阿親往查勘。會同布彥泰妥議具奏。茲據達洪阿奏舊疾復發。驟難就痊。已明降諭旨。准其開缺回旗調理矣。阿克蘇等城民回雜處現在開墾荒地。若令民戶認種。究竟能否相安。及酌給回戶承種日後有無流弊之處。必須另行派員親歷各該城體察情形。熟籌定議。伊犂前辦開墾事宜。經該將軍奏明委林則徐查勘辦理。尚為妥協。著即傳諭林則徐前赴阿克蘇烏什和闐周歷履勘。並著布彥

泰選派明白曉事之協領一員。隨同前往勘視。仍由該將軍察覈情形。斟酌議定。奏明辦理。再本日據常清奏查出庫車可墾荒地。捐廉興工。請給無業回子承種等語。著一併交林則徐就近往勘。由該將軍覈明具奏。務期日久相安。毋啓爭占之弊。是為至要。輯瑞維祿奕山各摺前已鈔寄。此次常清原摺並著鈔給。由該將軍一併轉給林則徐閱看。再伊犁所屬辦理墾地開渠各該員捐資出力者

有微勞。著該將軍於工竣後據實保奏。候朕施恩。將此諭令知之。○江南提督尤渤奏查閱各營兵技藝及要隘情形。得旨隨時整飭訓練。務期得力。萬不可再事因循。勉益加勉。○以出師受傷賞江南參將張蕙花翎。癸亥

上詣

安佑宮行禮。○諭內閣前有旨令訥爾經額等察看長蘆鹽運使陶士霖才具能否勝任。茲

據奏稱陶士霖辦事認真尚無貽誤而於鹽務未盡妥協合宜不勝運司之任長蘆鹽運使著李百齡補授所遺員缺著陶士霖補授○以工部左侍郎舒興阿為伊犁參贊大臣○轉工部右侍郎阿靈阿為左侍郎調禮部右侍郎花沙納為工部右侍郎兼管錢法堂事務兵部右侍郎倭什訥為禮部右侍郎以都察院左副都御史福濟為兵部右侍郎以工部右侍郎花沙納為總管內務府大臣

禮部右侍郎倭什訥為京營右翼總兵

大清宣宗效天符運立中體正至文聖武智勇仁慈儉勤孝敏成皇帝實錄卷之四百十

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百十一

聖修禮我官領道日講起居注官太子太保鄧仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務隨帝加五級紀錄十八次臣曹棣網羅官經選填官吏部尚書兼統漢軍都統管理新營房城內官房大臣稽察內

上倉大臣稽察會同四庫館事務加一級隨帶加六級軍功加三級紀錄五次臣花沙納經道孫官文湖廣提舉閣事兵部尚書總官

內務府大臣鑲白旗滿洲都統鑲珠內七倉大臣管理宗人府政事五旗必官學  
監每官開明國學處皆是曾印本蓋各印與各人

\_\_\_\_\_

100

道光二十四年甲辰十一月甲子朔遣官祭

寶鑑卷四百十一



先醫之神。○諭內閣前因湖南耒陽縣匪徒滋事降旨令該撫將署任知縣葉為珪徹底查明據實叅辦茲據陸費瑤奏稱該員徵收錢糧尚無別項情弊惟於各鄉所舉約總既知有匪徒詭名捏冒並不嚴拏究辦輒因奏銷緊急仍飭差追以致刁民藉口實屬辦理不善葉為珪著即革職以示懲儆○又諭棍楚克策楞等奏齊齊哈爾等處收穫分數不同請將上年借支接濟糧銀分別歸還其餘

實錄卷四百十一

二、

糧銀懇請展限等語本年齊齊哈爾黑龍江墨爾根布特哈等處田禾因入秋以後靈雨連綿加以嫩江并奇里瀋河河水漫溢是以收割分數不同著照所請所有呼蘭城收割六分齊齊哈爾城收割四五分之養育兵屯丁等應交糧石及呼蘭城新增屯丁十九名除應交滿數糧石內一半全行入倉收貯外其餘一半著照例變價售賣以歸原支錢文及採買等款其齊齊哈爾墨爾根二城收穫三分有零黑龍江城收穫三二分之養育兵屯丁等應交額糧著照例蠲免黑龍江城庫木爾等驛因被水災收穫三二分所有口糧不足人等著接濟口糧此項糧石著於本處公倉收貯糧內照例賞借旗營人等其仍不敷糧石著於備倉所貯糧內動支借給以資接濟此項借支糧石著於次年秋成後歸還入倉其布特哈地方既無交納額糧所有舊欠接濟口糧銀內分別有力者令其歸還其

齊齊哈爾黑龍江墨爾根布特哈四處及墨爾根等驛所欠接濟口糧銀兩著展限一年於明年秋成後依限歸還○又諭琦善奏濫借無著之款請飭賠繳等語前任察木多遊擊多樂安委辦夷務經孟保鍾方准借庫銀四百兩多樂安業已勒休所有借項自應著落賠繳除鍾方應賠銀二百兩業經歸款外至孟保應賠銀兩著該旗即行飭令迅速完繳○又諭琦善等奏查明孟保任內於漢番

實錄卷四百十一

三

弁兵應得賞需前經嵩祿印給空票未經補給並自行提用緞匹銀兩等語著該旗即行飭傳孟保嵩祿交軍機大臣訊取確供具奏○又諭戶部奏已故之休致理藩院右侍郎奕顯應交罰賠庫貯銀兩經伊子載受於展限期內全數完繳所有該故員革去職銜處分著加恩開復○禮部奏道光二十五年元旦令節應行禮儀得旨是照例行禮奉皇太后懿旨停止筵宴其在外公主福晉命婦

進內行禮之處並著停止○以都察院左副都御史廣林為盛京兵部侍郎○以鑲白旗滿洲副都統恆興兼署正紅旗漢軍副都統○以拏獲湖南耒陽縣滋事首犯賞遊擊李瑞嵩瑞守備張心銘方世儒千總劉得勝花翎千總熊釗等藍翎餘升敘有差○乙丑緩徵陝西榆林懷遠神木府谷綏德清澗米脂吳堡葭州縣歉收地畝舊欠額賦並應還銀穀○丙寅諭內閣上年四川省辦理秋審

實錄卷四百十一

四

人犯經刑部由緩改實者共有七起本年該省辦理秋審經刑部由緩改實者復有五起該督及臬司等於秋讞大典未能慎重詳覈以致此次復失出多案著交部查明分別議處嗣後各直省督撫督率臬司務當虛衷定讞斷不可惑於救生不救死之說故從輕減亦不可有意刻覈總期無枉無縱各得其平用副朕執法用中至意○丁卯

上詣



安佑宮行禮○御洞明堂勾到山西直隸熱河情實罪犯停決山西斬犯三人絞犯一人直隸斬犯五人絞犯二人熱河斬犯一人餘五十八人予勾○諭內閣著英奏請留效力廢員襄辦夷務等語革員舒恭受著准其暫停發遣交梁寶常派令隨同已革道員鹿澤長辦理夷務該革員現由浙江解赴新疆著沿途各督撫俟舒恭受經過時即飭令折回浙江效力贖罪○諭軍機大臣等前據琦善等

實錄卷四十一

五

奏查明孟保任內於漢番弁兵應得賞需經嵩祿印給空票未經補給並自行提用緞匹銀牌等語當交軍機大臣訊供具奏茲據將孟保嵩祿親供進呈朕詳加披覽此項例賞絀緞茶布何以嵩祿印給空票不行補給該員有無侵吞入己情事已革駐藏大臣孟保何以任聽嵩祿發給印票不行查明叅辦至提用緞匹銀牌等件該大臣等奏稱並無會銜提用印文亦無因公動用案據何以該革

銀○戊辰

實錄卷四十二

六

員供稱有奏案及存稿可查是否有影射朦混情事該員等一面之詞殊難憑信著該大臣再行確切查明據實具奏務期水落石出以成信讞毋得稍有不實不盡孟保嵩祿原供著鈔給閱看將此諭令知之○緩徵兩淮板浦中正臨興富安安豐梁垛東臺何垛丁溪草堰劉莊伍佑新興廟灣十四場被水災區新舊額課○展緩廣東南海番禺三水高明四會六縣被水災區應還借領基費要高明四會六縣被水災區應還借領基費

上詣

大高殿

壽皇殿行禮○奉

皇太后還宮○諭軍機大臣等傳諭湖北按察使陳功本日裕泰奏叅通城縣知縣林達年審辦竊案乖謬一案已明降諭旨將該員林達年革職交臬司陳功審辦矣此案屍子魏信道稱伊父魏圓圭係被煙薰刑斃經該督

委員檢驗魏圓主屍身。係屬生前因病身死。魏信道堅以伊父右肋骨損折。係生前被張貴先毆傷。其餘骨殖殘缺。指為仵作保戶受賄匿報。捏抵結求覆檢。自應覆加確驗。著陳功詳細檢明屍骨。其右肋骨究竟是否生前受傷。京控無名之張貴先。必須傳案訊其曾否毆折骨殖。因何殘缺。是否仵作保戶等舞弊藏匿。所稱各情。殊多疑竇。尤須徹底嚴切根究。以服該屍子之心。儻稍有瞻徇含混。遷

實錄卷四十一

七

就了事。將來別經發覺。該臬司不能當此重咎也。將此傳諭知之。尋裕泰、陳功覆奏。魏圓主被控窩賊。經該縣知縣林達年差拘復行毆傷差役。該縣提審魏圓主。喝令用小竹板責打四次。跪鍊壓膝二次。並嚇稱如再刁狡。即用煙薰鼻。魏圓主仍未實供。旋因病保出身。故覆檢魏圓主骨殖。實係因病身死。復提要證張貴先等質訊。並非張貴先毆傷密飭委員詣埋屍處坑內淘得腳跟骨。驗明與魏

圓主右腳脛骨接筭相符。屍子魏信道亦查明屍骨被獸殘食。缺失屬實。魏信道合依子孫誤執傷痕告官蒸檢者杖一百。流三千里。加徒役三年。例科罪。餘各按律問擬。知縣林達年含糊詳報。又於差役詐贓失察。業經革職。應毋庸議。下部議從之。○己巳。

上詣

皇太后宮問安。○命肅親王敬敏在紫禁城內乘轎都察院左都御史文慶杜受田戶部左

實錄卷四十一

八

侍郎祝慶蕃工部左侍郎阿靈阿在紫禁城內騎馬。○庚午。

上御洞明堂。勾到朝審情實罪犯。停決絞犯一人。餘十三人予勾。○諭內閣。前因江蘇餉鞘查有攬雜情弊。降旨令孫善寶查辦。茲據奏稱該委員靖江縣典史朱維鑑於包封時眼同彈兇黏貼印花。自帶家丁裝鞘。請飭催朱維鑑來蘇質訊等語。該委員現在是否由京回江蘇省著順天府及沿途各督撫飭令該

委員趕緊前赴江蘇歸案訊辦其前此已繫裝鞘之家人亦著該委員押帶前往毋稍疏虞尋署巡撫陳繼昌覆奏訊據典史朱維鑑領銀裝鞘之後搬運上船家丁吳發用石塊竊換鞘內餉銀五十五兩實屬藐玩惟朱維鑑回省自行檢舉業經聲請議處吳發應照竊盜倉庫錢糧發極邊煙瘴充軍例減一等問擬杖徒下部議從之○諭軍機大臣等有人奏長蘆一帶私鹽充斥請飭查嚴禁一摺

實錄卷四十一

九

長蘆鹽務日形疲敝總由私梟充斥以致官引滯銷必須嚴加整頓著訥爾經額普琳按照摺內所指各地方飭令該管文武員弁將私梟淵藪及分股占地之回民實力查拏其沿海私灘尤應設法封禁僅查有地方文武因循畏葸巡緝懈弛甚至得規賣放即著該督指名叅奏毋得稍事姑容原摺著鈔給閱看將此諭知訥爾經額並傳諭普琳知之○戶部議准廣西巡撫周之琦疏報天保縣開

實錄卷四十一

十

墾水田一十一埜一伯照例升科從之○緩徵江蘇上元江寧句容高淳江浦六合長洲元和吳吳江震澤常熟昭文崑山新陽華亭奉賢婁金山青浦丹徒丹陽金壇溧陽山陽阜寧清河桃源安東鹽城高郵泰東臺江都甘泉儀徵寶應銅山沛蕭碭山宿遷睢寧太倉鎮洋海沭陽泰興南匯川沙武進陽湖無錫金匱宜興荆溪靖江上海五十八廳州縣並淮安大河揚州徐州蘇州太倉鎮海金山鎮江九衛被水被旱歉區新舊正雜額賦○辛未諭內閣昨日朝審已勾之絞犯宋添成一名臨刑呼冤著派軍機大臣會同恩桂陳官俊再行覆訊具奏○又諭工部奏琦善賠款限滿請旨辦理等語琦善家產前經查抄所有應賠關孟兩灘未完銀五萬四千九百兩著加恩寬免○壬申命雲貴總督桂良來京陛見以雲南巡撫吳其濬兼署總督○癸酉諭內閣王植奏查閱武備情形一摺據稱

安徽顧壽各營兵丁挽強射遠者較少鳥槍各兵較為結實著照所議准其將弓箭兵撥四成改習鳥槍即於鳥槍兵中撥五六成專習擡礮務當實力訓練以收實效餘均照所議辦理○又諭前因已革葉爾羌參贊大臣聯順於代賠庫項限滿全未完繳當經降旨送部監追茲據戶部奏該革員尚未到京遣子將應賠銀先繳五千三百兩聯順著暫緩監追再勒限六箇月飭將未完銀兩於展限

實錄卷四百一

十一

期內全數完繳如逾限不完仍著送部監追

○

上以冬至祀

天於

園丘自是日始齋戒三日○甲戌諭軍機大臣等本年朝審已勾之絞犯宋添成一名臨刑呼冤當派軍機大臣會同恩桂陳官俊再行覆訊具奏據該犯供稱負欠之閻清文曾經誑騙伊錢文等語閻清文係山西文水縣人

著該撫迅即飭屬嚴密查拏派委妥員解京以憑訊辦毋得耽延時日走漏風聲致令逃逸將此諭令知之尋山西巡撫梁夢涵奏委員嚴密訪查閻清文自道光十九年外出至今並未回籍報聞軍機大臣等奏現在躡緝閻清文尚無蹤跡惟據刑部查閻清文負欠釀命於從重問擬枷杖外罪無可加案無翻異仍照刑部原議將該犯宋添成擬絞從之

○乙亥以

實錄卷四百二

十二

聖祖仁皇帝忌辰與冬至

陵寢大祭相值先期遣官祭

景陵○

上詣

南郊齋宮齋宿○以貝子奕格輔國公載岱崇

錫為散秩大臣○丙子冬至祀

天於

園丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○停次日朝賀○詣

皇太后宮問安○諭軍機大臣等劉韻珂等奏

接准琉球國王密咨關涉嘑囉哂夷務一摺

嘑夷通商條約現經耆英等定議降旨准行

實錄卷四百十一

十一

實錄卷四百十一

古

琉球所見該夷戰船在本年三月自係章程未定之先現已諭知耆英妥為查辦矣該王恪守臣節將此事原委詳晰咨明實堪嘉尚著該督等遇便即將現在代為奏請查辦之語先行咨覆該國統俟耆英查明奏到後再行諭知該督等遵照辦理將此諭令知之○又諭前據耆英奏嘑囉哂夷使到粵陳請各款有中國所屬之琉球等國准予據守亦有裨益之語該督等設法勸諭逐款言明所有妄議各情均即不復提起旋據議定通商條約業已照議准行矣本日據劉韻珂等奏接准琉球國王密咨稱本年三月間有嘑囉哂戰船一隻駛至該國洋面該船總兵稱由廣東澳門至彼數月後尚有大總兵都督大船或各戰船前來並強留執事通事各一人開船而去日後若有大總兵到國不知如何騷擾等語琉球國所見嘑夷戰船在本年三月間自係在條約未定之先現在該國通商事

宜既經定議自不應再至天朝屬國別生事端究竟前項兵船是否實係哱夷所遣其所稱大總兵等大船曾否續赴琉球洋面所留之通事執事人等此時已否歸國著耆英密加察訪設法勸導務令該夷使恪遵成約其辦理情形即著該督迅速覆奏原摺鈔給閱看將此由四百里諭令知之○賞八旗兵丁一月錢糧○濬江南豐北蕭南銅沛三廳長河從河道總督潘錫恩請也○展緩江西吉安幫旗丁應賠被燬米石○丁丑緩徵甘肅張掖武威平番西寧碾伯皋蘭河狄道靖遠寧遠安定平涼華亭寧夏靈平羅淳崇信靈臺鎮原二十州縣及花馬池州同沙泥州判所屬歉收地畝新舊正雜額賦○緩徵山東朝城縣被水村莊額賦○戊寅諭內閣已革杭州將軍和世泰前因代賠庫貯銀兩一年限滿未能全完降旨展限六箇月茲據戶部奏稱該革員於展限期內續交銀一千餘兩

實錄卷四百一

五

仍未埽數全完請旨監追和世泰著再展限六箇月○己卯諭內閣前因查庫御史銀庫司員罰賠庫項於限內及展限後陸續全完降旨交軍機處存記每屆限時奏明請旨茲據開單呈覽所有歷任查庫御史已革刑部侍郎黃爵滋著以員外郎用已革頭等侍衛那瑪善已革太常寺少卿成觀宣均著以主事用已革降調鴻臚寺少卿孫日萱已革降調御史殷德泰均仍著革職歷任銀庫司員已革江蘇松江府通判薩克慎著以九品筆帖式用已革員外郎富通著以七品筆帖式用已革降調三庫檔房主事奎弼仍著革職○又諭前據劉韻珂等奏請將福建興泉永道泉州府知府二缺改為在外題補當交吏部議奏茲據該部奏稱覈與定例不符惟該道府既為沿海要區著准其比照省會首府之例由該督撫揀員奏請調補所遺之缺仍請旨簡放以符定制餘依議○諭軍機大臣

實錄卷四百一

六

等據鍾祥鄂順安泰各壩進占丈尺並現在

趕辦情形一摺復將引河及兩壩形勢繪圖

貼說進呈朕詳加披覽現在西大壩已做成

埽占長二十丈東大壩已做成埽占長十五

丈其東西二壩亦均陸續進占挑水壩已續

成埽占三十四丈從此乘時趨辦定可迅速

蕨工所需料麻等物務飭趕緊採購毋致有

停工待料之虞至加挑引河及接挑工段著

責成河北道龔慶祥設法辦理勒限督挑以

備宣洩水勢該河督等疊奉諭旨自必仰體

朕意實力實心於春前一律蕨事萬不可遷

延貽誤是為至要將此諭令知之○以緝獲

奉天淘金匪犯予驍騎校豐訥合恩等升敘

有差○庚辰

上詣

火神廟

宣仁廟

凝和廟拈香○賞御前行走喀爾喀郡王那

遜巴圖爾○辛巳

上詣

皇太后宮問安○諭內閣戶部奏罰賠銀兩案

內本身完不足數之已革烏魯木齊領隊大

臣琦琛著再勒限四箇月如逾限不完即行

監追其代賠完不足數之署東樂縣縣丞王

志楓著再勒限六箇月如再逾限不完著即

革職監追湖北貢生吳季鑣前因代賠銀兩

全未完交業經該部奏准斥革監追茲據湖

北巡撫咨報該貢生業於限內交過藩庫銀

一千兩係在未經限滿之前該撫出咨遲至

限外吳季鑣著毋庸斥革暫行釋放仍展限

六箇月勒賠俟限滿時分別辦理其該省詳

報遲延職名著該撫查明送部照例議處○

署天津鎮總兵官善祿奏查閱營伍情形得

旨隨時認真訓練務期得力切忌徒飾外觀

勉之○賞故琉球國使臣魏恭儉銀三百兩

○壬午江西九江鎮總兵官哈勒吉那奏查

閱營伍情形得旨認真勉力不可再事因循  
○以辦理巴里坤撫卹事宜並捐修城垣予  
甘肅知府吉昌等升敘有差○以辦理巴里  
坤城工出力予主事菩薩保以直隸州知州  
補用○癸未賞莊浪城守尉德順副都統銜  
署鑲黃旗漢軍副都統○甲申命於

大高殿設壇祈雪

上親詣行禮○乙酉諭內閣鄂順安奏撥還大  
工捐輸局借項一摺本年河南防護省城堵

實錄卷四百七

光

截支河補築護隄係借動大工捐輸局捐項  
辦理現在省城保護平穩附近各紳民先後  
捐輸錢文所有前借大工捐輸局錢十二萬  
千著即以續行催繳城工捐輸錢九千三百  
九十六千零歸還其不敷之項即於該捐生  
等所捐錢內撥解十一萬六千零以清款  
目○諭軍機大臣等前據琦善奏查辦諾們  
汗被控各款已明降諭旨嚴訊辦理矣該大  
臣等奏稱風聞該已革諾們汗差人馱載銀

兩先往青海向其弟工布商謀覓人設計等  
語事關外番差人齎賁黃緣控案不可不嚴  
行查辦本年班堪布來京恐該已革諾們  
汗所遣之人潛入大隊私行著富呢揚阿德  
興各委幹員沿途密查如該堪布尚未過境  
即按冊覈對人名但有潛跡其間者一經盤  
獲即著親提嚴訊是否係該諾們汗所遣其  
人數若干查明具奏至工布一名亦即於原  
籍緝拏確詢有無設計及帶銀使用之處一

實錄卷四百一

六

併具奏儻已隨堪布過境查有確據即一面  
奏聞一面飛行前途一體遵辦將此諭令知  
之○河南巡撫鄂順安奏遵查被災地方並  
無流民為匪得旨所奏均悉如有竊動自有  
當其咎者也懍之○丙戌

上詣

皇太后宮問安○丁亥諭內閣壁昌等奏籌議  
江南水師船政酌定章程並陳明從前積弊  
一摺江南水師營船為內外洋會哨巡防之



用關繫甚重。茲據該督查明不堪應用者多至二百六十餘隻。歷任修造經管各員本難辭咎。惟歷年既久。物故者多。著毋庸查叅。經此次明定章程之後。如再蹈從前積習。著該督即行嚴叅治罪。決不寬貸。○諭軍機大臣等。壁昌奏查明大江南北兩岸。頻江港口及沿江形勢一摺。大江南北形勢各殊。全在因地制宜。妥為保衛。該署督委員履勘各港口。分別籌防。均著照所議辦理。惟所稱江都縣之三江口。水面寬廣。大船乘東南順風。可直達揚州之壁虎橋。擬於三江口內再添礮隄一道。以資防護等語。江防關繫緊要。必須聲勢聯絡。水陸互有應援。方為有備無患。三江口內添築礮隄。是否實係扼要之區。並安設若干重大礮幾尊。撥兵若干名。如何布置。其後路如何接應。臨時能否得力。仍應通盤籌畫。著壁昌再行體察情形。詳議具奏。將此諭令知之。○戊子。

上詣壽康宮前殿行禮。後殿問皇太后安。○諭內閣。鍾祥等奏估挑運河淤淺工段需用土方銀數。開單呈覽。山東開河漕運攸關。現據查明本年受淤實在情形。自應酌量加挑。俾新漕暢行無滯。所有上捕運。泗四廳應添募夫工價器具銀一萬九千六百八十一兩零。著准其動撥司庫正款。其津貼銀二萬七千五百三十八兩零。除沛汛津貼銀五百四十八兩。由江南支領外。其餘銀二萬六千九百九十兩零。著於東商生息項下分別動撥。嚴飭該道等督率各該廳趕緊加挑。該河督俟大工辦竣。即親往查驗。如有草率偷減。著即指名嚴叅。總期一律深通。毋誤重運。○又諭。德誠奏查勘黃新莊等處行宮應修各工輕重情形。分晰開單呈覽。著總管內務府大臣派員勘驗。該總兵前次未將實在情形開具清單。著交部察議。○以拏獲哈

薩克賊犯伊犁協領花里雅遜下部優敘賞  
阿哈拉克齊居攷拜六品頂翎○己丑旌表  
守正捐軀奉天承德府民郭興妻劉氏○庚  
寅諭內閣道光八年曾經降旨文武大臣內  
有年逾六十五歲者於召見時准由內右門  
出入其帶領引見一節未經分晰降旨嗣後  
凡遇朕御養心殿召見及各衙門帶領引見  
時除內廷諸臣例得由內右門行走者仍照  
舊行走外其餘王貝勒等及文職三品以上

實錄卷四百一

五

武職二品以上各大臣內有年逾六十五歲  
者均加恩准其由內右門出入以示體恤○  
命成都將軍廉敬來京陛見以四川總督寶  
興兼署將軍○辛卯諭內閣賀長齡奏楚省  
借動鉛價銀兩請飭催解一摺此項楚省借  
動鉛價售存銀兩久未歸還以致黔省辦理  
支絀恐誤額運著湖北巡撫速飭查明續售  
鉛價及借出未歸銀兩迅即籌還委解以供  
支用嗣後售鉛價銀並著隨時解還歸款不

得再行借動至每年京鉛四運所需水腳銀  
兩亦准其改由楚省在於鉛價項下就近支  
發其應撥水腳銀兩仍著全數解黔以濟廠  
務急需毋稍延玩○以拏獲鄰境逃犯予兵  
馬司吏目廉宗彝等議敘○壬辰

上詣

皇太后宮問安○諭內閣從前各省士民於該  
管各官往往懷挾私讐編造歌謠肆行詆毀  
一經降旨查辦多屬子虛而為所指者已陰

實錄卷四百一

五

受其累此等鬼蜮伎倆實與匿名揭帖無異  
殊堪痛恨是以道光十六年八月間曾明降  
諭旨通飭直省大吏遇有傳播歌謠指斥公  
事者究明編自何人密拏懲辦原所以戢奸  
宄而防傾陷也昨據給事中黃鍾音奏稱四  
川總督寶興年老有疾廢弛公事並述及該  
省傳播歌詞毫無實據若因此查究不但與  
前旨不符且亦無此政體該給事中所奏著  
毋庸議各省督撫大吏果有簞篋不飭劣款

昭著者自難掩人耳目原許科道等官確實指陳以憑查辦斷不能因傳聞無據之詞紛紛根究致啓懷私誣讎之漸至並未指出實據但稱年力衰邁公務廢弛朕於各大臣賞罰進退自有權衡亦非臣下空言所可訾議也○又諭禧恩等奏敬謹查勘

三陵各工應修應緩情形一摺

福陵二角樓應修各工自宜豫為擇吉著欽天監選擇明年二三月內吉期知照該將軍等

實錄卷四十二

五

敬謹遵辦其

福陵樓房

昭陵果房西配樓應行豫為揭動各工著欽天監於今冬選擇吉期一併知照至估需銀數照例分別支放○又諭前據禧恩等奏參錦州府知府福忠被控便衣游山等款當經降旨將福忠暫行革職交禧恩等會同審訊茲據審明定擬具奏福忠以知府大員引導出門不戴頂帽實屬有違定制福忠著即行革

職以示懲儆○庫爾喀喇烏蘇領隊大臣德克吉春因病解任以伊犁總管佛爾金布為庫爾喀喇烏蘇領隊大臣○以截拏番匪青海副盟長羅布藏濟木巴等下部優敘賞阿里克族番目多銳五品頂帶○以伊犁屯田豐收予員弁議敘賞兵丁一月鹽菜銀○貸盛京金州駐劄歉區水師營兵丁口糧○緩徵河南中年祥符通許陳留杞尉氏淮寧西華太康扶溝鹿邑項城沈邱睢陽武十五州

實錄卷四十二

五

縣被淹村莊額賦

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百十一

實錄卷四百十一

二十七

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百十二

教修

道光二十四年甲辰十二月癸巳朔命再於

大高殿設壇祈雪

上親詣行禮○諭內閣著英等奏酌議礮臺互  
換管理一摺廣州旗營專為駐防省城而設  
所有城上神安礮臺著准其改歸旗營撥兵  
防守其鳳凰岡礮臺離城十餘里旗營既難  
兼顧著即改歸綠營駐劄俾各就近經管以  
昭覈實○又諭著英奏請將告休病痊之都  
司懇恩簡用一摺前任廣東南澳鎮總兵降  
補都司沈鎮邦因病告休茲據奏稱該員病

已就痊。曉暢軍事。為水師出色之員。請破格簡用等語。沈鎮邦著加恩以副將留於廣東。遇有缺出。奏請補用。○以督捕匪船安速廣東總兵官鮑起豹等下部優敘。○旌表守正捐軀江蘇贛榆縣民婦徐程氏女本姐。○甲午諭內閣。著英等奏越南國王款給被風師船。並官兵獲盜辦理情形一摺。上次廣東捕盜船遇風漂抵越南。經該國王派員款勞護送。曾降敕獎諭。並賞賜緞匹。以示褒嘉。此次

宣統元年四月二十二

二

署海口營守備鄭勉管帶兵勇出洋追盜至越南國順安門之尖坡羅洋面。擒獲匪犯。押解回帆。駛至越南東京洋面。猝遇風雨損壞師船。進港停泊修繕。該國委員致送應用物料等件。又經該國王差官慰問。送給資斧食物。並囑留盜犯二名另行押送。該國王於內地師船被風灣泊。先後遣官款勞。優與供給。實為虔恪盡禮。朕心嘉悅之至。著再行降敕褒獎。並賞賜該國王金瓶如意緞匹等件。該

督接奉諭旨。即先行知該國王。仍俟奉到敕諭賞件。遇有該國便船。飭令攜帶回國。至所留盜犯二名。附解到粵時。由該督等歸案辦理。其出力員弁。應行酌加獎勵之處。著該督等於定案時查明具奏。○諭軍機大臣等。鍾祥鄂順安奏續得進占丈尺。並引河將次完一摺。據稱東西大壩共做成七十七丈。東西二壩共做成一百一丈。挑水壩共做成九十四丈。下截引河一百二十五段。挑挖全完。

宣統元年四月二十二

三

上截間斷引河。挑有九分工程。日內即可完竣等語。引河為全局最要關鍵。必應挑挖寬深。著該河督等督飭員弁。星夜趕挑。於舊有埂界之處。悉行啓除。務令一律通暢。俾開放水勢如建瓴。方足以資宣洩。至挑水壩尤為緊要。現已鑲入深水。更當拋石澆戩。以期得力。天氣較寒。河冰漸結。尤應多備打凌器具。隨時認真敲鑿推行。毋任擁注停積。總期於春前妥速蒞事。以慰廑注。斷不可遷延觀望。

貽誤要工。勉之慎之。將此諭令知之。○乙未以陝西潼關營副將達三為廣西右江鎮總兵官。○丙申。諭內閣。前據給事中焦友麟奏。參山東肥城縣知縣長赫。執法殃民。各款。當派令賡福駱秉章馳往查辦。茲據逐款查明。定擬具奏。該縣長赫。雖訊無枉法營私並賁緣劣跡。惟失察丁役詐贓。並差役之子朦混送考。已革差役。任令改名復充。種種顛預。實屬溺職。長詰著即革職。以示懲儆。○又諭。前因甘肅省荒地較多。特降旨令鄧廷楨親歷周勘。設法招墾。茲據奏稱。各屬履勘完竣。計共查出荒熟地一萬九千四百餘頃。又番貢地以段折畝一千五百餘頃。又寧夏鎮馬廠歸公地一百餘頃。分別差等。酌量升科。該藩司奉派專辦。所到之處。勸諭詳明。妥速歲事。甚屬可嘉。著加恩賞換二品頂帶。並交部議敘。其隨帶委員及各州縣。著擇其尤為出力查地較多者。詳明該督酌量保奏。候朕施恩。

無許冒濫。○又諭。訥爾經額奏。官剝工食修船。無款動支。請飭催山東商欠息銀一摺。直隸續增剝船。年例應發工食修船之費。道庫無款可支。所有山東欠解息銀。除撥抵造船經費外。其餘欠解銀兩。著山東巡撫即飭運司查明趕緊照數籌撥。迅即解赴天津。以濟要需。毋稍遲誤。○又諭。富呢揚阿奏查報成熟地畝。懇恩暫緩升科等語。甘肅省各項成熟地畝。甫經查獲。未便遽予徵收。著加恩統於道光二十五年再行一律升科。其現任暨歷任失察之地方各官。著從寬免其議處。藩司鄧廷楨。現已查辦完竣。著即飭回本任。所有各屬認墾升科等項事宜。仍著該藩司隨時覈辦。一手經理。○命貝子奕格。輔國公載岱。在乾清門行走。○賞順天等省鄉試年老諸生劉芳霞等六十一名。舉人副榜有差。○旌表守正捐軀河南偃師縣民梁二印妻蘇氏。○丁酉。

上詣

皇太后宮問安。○戊戌。

孝惠章皇后忌辰。遣官祭。

孝東陵。○諭軍機大臣等。前據德誠奏。擬將內務府官員拜唐阿等丁口冊檔。援照八旗成案。咨送內務府存查一摺。當交該衙門議奏。茲據內務府奏稱。向因稽察戶口。該管領等俱在京中。不能查考。是以並不造送戶口丁冊。惟德誠所奏。究為豫防流弊起見。著仍照所請。准其將

西陵內務府額設官員拜唐阿等三百餘戶。每於年終。將添裁丁口冊檔。造送內務府存案。其

東陵內務府事。同一律。亦著照此辦理。嗣後該官員拜唐阿等。遇有干議事故。其在京之佐領管領相距較遠。查察難周。並著免其容議。○以四川建昌鎮總兵官張必祿為雲南提督。○撥江南藩關運庫銀三十三萬九千六

百兩有奇。解往南河。以備工需。○免雲南銅廠民欠無著工本銀。○己亥。

上御乾清門聽政。○諭內閣。兩淮欠解圓明園八旗內務府三旗生息銀兩。為該處官兵月支口食槍營公費要需。著兩江總督即將舊欠分年帶徵銀五千二百兩。並道光二十三年應交下半年利銀一萬二千兩。二十四年應交一年利銀二萬四千兩。迅速解交。以供支放。至所欠道光七十九等年利銀六萬四千兩。並著查明分年帶徵帶解。毋許延宕拖欠。嗣後每年應解銀兩。務須年清年款。以資接濟。○以太常寺卿靈桂為通政使司通政使。國御史光祿寺卿靈桂為通政使司通政使。國子監祭酒吉明為詹事府詹事。○以前任總兵官恆裕為四川建昌鎮總兵官。○庚子。

上詣  
大高殿行禮。○諭內閣。前據寶興奏。參已革遂寧縣知縣唐金鑑。那用察木多庫銀。延不交

納當經降旨將該革員解交駐藏大臣訊辦。茲據奏稱該革員現已將虧那銀兩在省全數繳貯司庫等語。唐金鑑著毋庸再行解藏訊辦。其扣繳銀兩著即搭解歸款。○又諭寶興奏採獲望鐙桿木。委員恭運進京一摺。四川委員石砭廳同知王槐齡承辦望鐙桿木採獲運送一手經理著俟到京差竣後由部帶領引見。至此項木植運京沿途自宜慎重保護著江南山東直隸暨漕運河道各督撫轉飭經過地方一體照料催趲與明歲漕船插幫前進以期妥速而免疏虞。○諭軍機大臣等前因阿克蘇等處開墾荒地降旨令布彥泰傳諭林則徐前赴各城確勘定議並派協領一員隨同前往諒已遵照辦理矣。本日據開明阿奏查出喀什噶爾開荒地畝堪以開墾現已捐資興工俟開齊後招撥回戶分給承種等語。此項開荒地畝與阿克蘇等處事同一律著該將軍再行傳諭林則徐並派

出之協領一併前赴喀什噶爾詳細履勘應如何妥為籌畫經久無弊之處由該將軍定議具奏。開明阿原摺著鈔寄該將軍即行轉給林則徐閱看將此諭令知之。○除江蘇江都縣坍沒田一頃九十五畝有奇額賦。○科爾沁扎薩克土謝圖親王色登端魯布等八人喀爾喀土謝圖汗車林多爾濟等二人烏珠穆沁扎薩克車臣親王彭蘇克納木濟勒巴林扎薩克郡王那木濟勒旺楚克等二人喀喇沁扎薩克都楞郡王色伯克多爾濟等二人浩齊特扎薩克郡王吹精扎布教漢郡王布彥德勒格喀爾喀固魯克齊阿巴噶郡王薩爾濟勒多爾濟烏喇特鎮國公喇特納巴拉蘇尼特頭等台吉布達莽噶拉於神武門內瞻覲。○辛丑。上詣大高殿祈雪。○命皇四子 諱



天神壇皇五子奕諒詣

地祇壇皇六子奕訢詣

太歲壇祈禱惠親王綿愉詣

宣仁廟

凝和廟瑞郡王奕誌詣

昭顯廟

時應宮拈香○諭內閣瑪呢圖噶都勒罕卡

倫侍衛德山因不諳蒙古文字誤聽協理台

吉陳伯扎布等錯讀公文不加詳察率行前

往烏梁海會同檢驗以致被槍受傷固有應

得之咎姑念該侍衛遇賊受傷究與臨事退

避者有間德山著加恩免其議處餘依議○

以都察院左副都御史廣昌管太常寺事詹

事府詹事吉明充日講起居注官○以趙運

南漕出力予大通橋監督員外郎長桂等優

敘○壬寅

上詣

皇太后宮問安○戶部議准浙江巡撫梁寶常

疏報富陽縣開墾地三頃四畝有奇錢塘縣

九頃九畝象山縣二頃三十七畝定海廳七

十二畝有奇鎮海縣一畝有奇照例升科從

之○癸卯諭內閣桂良等奏前任迤南道員

被控請旨調取質訊一摺此案前任雲南迤

南道黃士瀛督辦奏銷任聽井民那移舊存

銀兩以致辦課維艱顯係意存掩飾又經石

膏井民姚正光等呈控牽涉官親幕友人等

走私各款自應徹底根究著裕泰趙炳言即

行傳旨飭令丁憂在籍之前任迤南道黃士

瀛迅速赴滇以備質訊並將被控之張姓人

等交出歸案嚴審毋得任其隱匿至前任普

洱府知府陳桐生現因開復赴部前署迤南

道昭通府知府胡長庚現因卓異赴部均著

該督等扣留備訊並著胡長庚將幕友江姓

交出四面質對嚴訊確情以成信讞不准稍

有遷就○又諭戶部奏湖北省武職養廉不

敷銀兩應准借用地丁支放仍俟兩淮將前

項銀兩解到時。即行歸款。嗣後如遇本款不敷。應於閒款銀內通融借動。不准請借地丁銀兩。以符定制等語。著照所議辦理。至兩淮欠解該省武職養廉項下銀兩。著兩江總督轉飭運司。即將道光二十五年以後應解湖北省鹽課布稅等銀。按年清解。以資該省武職養廉之用。其節年欠解共銀四十四萬三千餘兩。係應歸還墊款報撥之項。均著趕緊設法提解湖北省。仍專案報部查覈。又諭

載銓等奏覈議庫丁四限屆滿未能全完。分別治罪。庫丁張亨。智宋。詠泰。林嵩。金大。四犯均著照強盜免死減等律。發往新疆給官兵為奴。遇赦不赦。孟琳。劉開勳。郭啓銳。謝繼東四犯亦著免死。仍杖一百。流三千里。其在逃之庫丁庾瓚。銀匠王榮久。疊經奉旨飭拏。乃經年累月。置若罔聞。迄未就獲。該衙門等所司何事。玩泄已極。仍著步軍統領順天府五城各衙門一體嚴拏務獲。歸案究辦。毋許再

有延宕。○甲辰以祥雲渥沛

上詣

大高殿報謝。○遣惠親王綿愉詣

宣仁廟

凝和廟。瑞郡王奕誌詣

昭顯廟

時應宮拈香。○諭軍機大臣等。前據琦善奏

查辦諾們汗被控各款。已交該大臣嚴訊辦

理矣。茲據理藩院奏稱。已革諾們汗駐藏掌

事有年。與邊外及該土司原籍聲息相通。藏

衛番民雜處。良莠不齊。該已革諾們汗甫經

失勢。未必無同惡相濟之人。應及早妥為羈

縻等語。已革諾們汗被控各款。案情重大。僅

日久防疏。難保無乘間潛逃情事。著琦善一

面將所參各項逐款研訊。取具確供。務期水

落石出。以成信讞。一面體察情形。將已革諾

們汗派委妥員小心看管。無任稍有疏虞。是

為至要。將此諭令知之。○修直隸溫榆河果

渠村壩埽各工。從總督訥爾經額請也。喀爾喀貝子阿第雅等二人。科爾沁扎薩克鎮國公烏勒濟濟爾噶勒等二人。克什克騰扎薩克頭等台吉畢瑪拉吉哩第。察哈爾藍翎侍衛阿木噶錫第。於神武門外瞻覲。○乙巳。禮部議准。江蘇巡撫孫善寶疏報。續採武進縣貞節婦女岳氏等一千一百九十六口。陽湖縣馮氏等九百七十六口。並列入前建總坊旌表。從之。○丙午。實授壁昌兩江總督。以福州副都統敬敷為福州將軍。實授東順福州副都統。○丁未。諭內閣。載銓等奏。考試應封宗室章程。遵旨量為變通一摺。嗣後考試。應封宗室。著該衙門前期數日。知照軍機處。奏請欽命試題。○直隸總督訥爾經額奏。保定得雪。得旨。得雪時日。與京師相同。仰見天恩。廣被。朕曷勝欣感之至。○命工部尚書賽尚阿。國子監祭酒葉觀儀。恭查修理天壇天門圍牆工程。○以拏獲賊犯。予索倫副

總管托克托鼐優敘。○以阿克蘇屯田豐收。予員弁議敘。賞兵丁一月鹽菜銀。○展緩回疆博羅布爾噶素各屯。出借未完穀麥。戊申。上詣皇太后宮問安。○諭內閣。孫善寶奏。體察江蘇各州縣倉庫情形。請予限清查一摺。江蘇各屬倉庫。自道光元年清查以後。歷年已久。亟應清查。惟據稱款項輾轉。查辦不易。著給予兩年限期。由該撫督同兩藩司徹底清查。認真辦理。毋稍徇隱。○又諭壁昌等奏。籌補緩缺兵屯等米一摺。江寧旗綠各營歲需兵糧米石。據該督等查明缺數。援照成案。請於江蘇等屬應徵本年起運新漕及緩漕米內截撥濟用。著准其照數撥補。以資支放。仍俟各屬屆限徵完災緩米石。即行按數搭運還款。○諭軍機大臣等。鍾祥等奏。引河試放清水情形。並各壩進占丈尺一摺。據稱上截開段

引河全竣驗收後。試放清水。洶為通暢。其接挑引河頭挑挖嫩灘等工。均已八分有餘。東西大壩共成一百三十丈。二壩共成一百七十六丈。挑水壩共成一百三十二丈。現督飭趕辦。期於春前歲事等語。引河試放清水。雖為通暢。仍須督飭各員弁勤加疏濬。其未竣之工。務令剋期辦竣。總期上下一律深通。放河時得建瓴之勢。各壩埽占除現在已得丈尺外。該河督等仍鼓勵弁兵晝夜鑲築。以期一氣呵成。現將屆春初。計合龍之期。當必不遠。一切善後事宜。最關緊要。尤當倍加慎重。妥為豫籌。毋得稍有疏虞。將此諭令知之。○以故三等子三音博勒格圖子雙壽頭等男慶春子官明各襲爵。○命協辦大學士吏部尚書卓秉恬為大學士。調工部尚書陳官俊為吏部尚書。協辦大學士。以都察院左都御史杜受田為工部尚書。戶部左侍郎祝慶蕃為都察院左都御史。○命阿拉善扎薩克親

王貢桑珠爾默特在御前行走。並賞三眼花翎。○以太僕寺卿慶祺為太常寺卿。翰林院侍講學士阿彥達為光祿寺卿。○予廣東解餉病故同知朱樹淹。斃兵丁姬連桂賞卹如例。○旌表守正捐軀江蘇贛榆縣民王景雲女可姐。○命刑部將緩決三次以上人犯減等發落。○己酉遣禮親王全齡豫親王義道莊親王綿譚分詣

天神壇。

地祇壇。

太歲壇。謝雪。○諭內閣前據給事中安詩奏。本科中式舉人各卷內有鈔錄舊文。請旨飭辦。並請嚴定章程。當交禮部查議。茲據查明浙江中式舉人吳應子。湖北中式舉人周崇勳。實係鈔錄舊作。吳應子。周崇勳著照例革去舉人。並將生監一併斥革。惟錄舊聞由記誦。亦難保必無懷挾。節經疊降諭旨嚴加懲治。嗣後著各省督撫於鄉試監臨時。嚴飭所

屬認真按檢。遇有懷挾士子。立即枷示場門。並按照所出題目。多調坊間刻文。交考官詳加稽覈。以杜倖進。而崇實學。○又諭。惟勤奏請將撤任司員革職一摺。伊犁額外主事色普珍。於派掌駝馬處關防任內。短交公項。雖訊無侵蝕情事。惟撤任後不自引咎。挾忿稟控。實屬刁健。色普珍著即革職。解回伊犁。勒限三箇月。將前項短交銀兩。如數清交。儻敢逾限抗延。即照例治罪。○兩廣總督耆英奏辦理潮揭兩縣匪徒。得旨。要在妥速。不可玩延。○閩浙總督劉韻珂等覆奏各鎮等出洋會哨。向有舊章。現於善後章程內。議定每年冬。提督航海查閱各營伍。即順道查察海口情形一次。並嚴飭水師各標營。於巡洋緝匪外。遴精熟水務員弁。帶兵輪流出洋練習。且由各鎮會哨時。將各營弁兵挑帶前往。詳加試驗。咨提督分記功過。以示勸懲。儻捏報出洋。兵技荒疏。即據實嚴叅。得旨。要在一實字。

懔之勉之。○以緣事革退三等懋烈伯慶英子恩來襲爵。○轉戶部右侍郎何汝霖為左侍郎。兼管三庫事。調工部右侍郎賈楨為戶部右侍郎。兼管錢法堂事務。禮部左侍郎周祖培為工部右侍郎。兼管錢法堂事務。以署禮部右侍郎馮芝為禮部左侍郎。○旌表守正捐軀河南汝陽縣民王年妻黃氏。山東鄒城縣民王來存妹九姐。○修浙江海鹽縣石塘。從巡撫梁寶常請也。○修廣東南海縣桑園圍。從總督耆英等請也。○庚戌。封莊親王綿譚子奕仁。輔國公輔國公奕禮子載茂。恆明子裕善。一等奉國將軍成郡王綿懃子奕綽。故貝勒奕繪子載釗。奕綸子載綱。一等輔國將軍貝子綿清子奕權。二等輔國將軍克勤簡郡王尚格子承智。順承簡郡王倫柱子春瑞。二等輔國將軍倫忠子崇儉。三等輔國將軍蘇芬子承藩。三等奉國將軍鄭親王烏爾恭阿子寬略。奉恩鎮國公永康子綿亨。綿

達綿忠輔國公禧恩子徵壽故輔國公敬敦子恆訓故二等鎮國將軍綿崐子奕楨二等鎮國將軍吉恩子岳壽敬斌子質淳三等輔國將軍貝子綿清子奕榕奉國將軍純惠子崇謙奉恩將軍賞寬略奕仁奕綽載釗載綱三等侍衛奕榕綿亨徵壽恆訓奕楨質淳四等侍衛○以查辦番地兼拏獲要犯筆帖式福明等下部優敘○予故四川漢州知州王希聖浙江湖州府知府李堂甘肅靜寧州知

廣東長安縣

五

州涂躍龍永昌縣知縣聶庭儀直隸易州知州林靖光貴州安平縣知縣劉祖憲入祀名宦祠故湖北禮科給事中袁銑直隸中書科中書趙鈺貴州開泰縣教諭周奎陝西涇陽縣教諭王汝梅入祀鄉賢祠從總督寶興劉韻珂富呢揚阿訥爾經額桂良裕泰巡撫賀長齡李星沅請也○旌表守正捐軀湖南東安縣民黃家惠妻劉氏江蘇贛榆縣民相開儉媳張氏○給河南中牟祥符陳留杞通許

尉氏淮寧太康扶溝沈邱鹿邑陽武西華項城睢十五州縣被淹被雹災民一月口糧並貸籽種倉穀有差○辛亥諭內閣吳文鎔奏遵旨明白回奏一摺此案宋書魁以監生鄒臯才挾嫌主使殺死宋必應等三命在巡撫衙門呈告該撫即批司飭令迅速詳辦並以案關三命縣詳供詞與所控兩歧復飭再審並無擲詞不收之事惟該民婦曾在府控告九次臬司衙門控告三次似此三命重案何

廣東長安縣

五

以並未親提著該撫確切查明於定案時一併聲敘毋稍瞻徇○又諭惠吉奏籌辦新漕事宜請飭趕緊兌開等語漕船各幫兌開遲早乃運行第一關鍵其沿途經過各河閘自當豫為挑濬深通俾免淺滯至江南蘇松二屬素因米多開行較緩每致他省幫船被其阻壓所請無論何幫兌竣即先開行自係為速漕起見現屆新漕徵兌之期著江浙各巡撫一體通飭各縣幫趕緊兌開務遵渡黃定

限。儻其中稍有不齊。即令兌竣之幫漫越開行。毋庸停待。如江廣各幫先至江口。亦准提令插檔過淮。先行灌渡。至各幫渡黃後。是否仍須照依次序行走之處。並著該漕督隨時體察情形。督飭妥辦。毋任稍有阻滯。以利漕行而重儲備。○以江南糧價未平。緩買各幫丁應領行月等米。○壬子。諭內閣。賽尚阿等奏遵查

天壇新建天門西南圍牆坍塌情形一摺。著工

部敬謹勘估具奏。

天壇重地。看守稽查。理應嚴密。圍牆以內。著責成太常寺堂官督飭壇戶人役。小心看守。其東西兩首柵欄所設堆撥。是否足數。巡察著步軍統領衙門體察情形。如須添設堆撥。即行妥籌辦理。並責令該弁兵等隨時認真巡查。如有往來踰越。及偷竊輒木者。立即嚴拏究辦。毋得日久疏懈。○諭軍機大臣等。本日召見江西寧都營參將譚恩。精力尚好。但年

已六十有六。辦理營務一切。是否尚能周妥。著壁昌吳文鎔俟該員回任後。隨時留心察看。儻將來精力稍衰。即著據實具奏。毋稍徇隱。將此諭令知之。尋奏參將譚恩體氣尚為充足。當飭令回任。仍隨時察看據實奏明。報聞。○直隸總督訥爾經額奏。保定得雪。得旨。我君臣共相慶幸。立春前後。必能續叨

天貺也。○山東巡撫崇恩奏報。自京回任日期。得旨。朕看汝才具頗堪成就。然封疆大吏。勤

慎廉明。一字不可缺。日慎一日。不可稍忽。不期驕。不期侈。銘心刻骨。終身有益也。朕亦無非守此道耳。○以喀喇沙爾增墾有效。予辦事大臣全慶優敘。章京常壽等升賞有差。

癸丑

上詣

皇太后宮問安。○諭內閣。戶部奏積欠案內仍未全完。請旨嚴催開單呈覽。各直省錢糧絲毫皆關國帑。豈容積欠不完。任意延宕。所有

直隸等省積欠案內地丁正雜銀兩及應追應扣應估變等款。疊經降旨嚴催。而各該省完報者仍屬無多。實屬玩泄已極。現據該部查明未完銀錢糧石各數。著該督撫等嚴飭司道查明地丁正耗雜稅等款。其徵存屬庫者。立即全數提解司庫。趕緊報撥。其實欠在民者。亦即按限催徵。並令先將徵存屬庫及實在民欠數目。分晰確查造報。以杜影射。至應追應扣應估變項下。其業經完扣銀兩。迅即催提報撥。未經催追之款。著即認真查辦。毋再懸宕。經此次飭催之後。如有仍前怠玩。各該督撫等即將承辦之員據實嚴叅。毋稍徇隱。○又諭。戶部奏漕倉銅務應行解撥銀款。請旨飭催。開單呈覽。各省應交款項。豈容任意延緩。所有浙江等省應行報解各款。共銀七十四萬六千八百餘兩。著該督撫暨倉場侍郎督飭各屬。按款詳查。應實貯者。即行解部。已報完者。造入撥冊。並迅速分晰咨部。

以備稽覈。儻仍前延玩。即將承辦各員查取職名議處。○甲寅諭。內閣禮部奏遵旨查議一摺。趙景賢籍隸歸安。在烏程考試入學中式。實屬有違定例。著即革去舉人。免其治罪。趙炳言自行檢舉。著加恩改為交部察議。至學政全書所載同省異府。同府異縣。不准冒籍入學。其同城異縣。是否准其通考之處。並無明文。應如何酌定章程。著禮部妥議具奏。又另片奏籍貫舛錯者。限一年內自行呈明等語。著照所議辦理。○又諭。刑部片奏現在查辦減等。內有照新例辦理人犯五十餘名。口可否一體減流等語。著俟緩決五次再行奏明。請旨。○又諭。陸建瀛奏查勘官荒地畝。人證多半在京。請飭刑部就近提審一摺。此案現據供出。代作呈詞之戶部書吏張森華。及商議赴官承買之閻明光、李殿芳、喬克勤、著步軍統領衙門、交刑部嚴行審訊。李雲彪、馮進琦、楊東有等。俱著直隸解交刑部歸



案究辦。寧晉縣知縣古韻應得處分著俟定案時聲明請旨。○以辦理軍需出力浙江同知楊鶴書等下部議敘有差。○貸江寧歉收八旗兵丁兩月米銀。○乙卯。

上御撫辰殿大幄次。賜蒙古王貝勒貝子公額駙台吉呼圖克圖等宴。並賞賚有差。○以都察院左都御史文慶充經筵講官。○賞阿巴哈納爾扎薩克貝子桑齊薩拉特多布。雙眼花翎。科爾沁扎薩克鎮國公烏勒濟濟爾噶。

勒輔國公帕拉巴額駙烏濟布彥棍布色楞喀爾喀扎薩克輔國公班當扎布。固魯色特和碩特扎薩克頭等台吉伊克默特多爾濟喀爾喀扎薩克頭等台吉額林沁丕勒阿拉善頭等台吉布呢錫哩花翎。○科爾沁扎薩克冰圖郡王林沁扎勒贊等七人。杜爾伯特扎薩克貝子鄂綽爾瑚雅克圖等二人。阿巴哈納爾扎薩克貝子桑齊薩拉特多布。阿巴噶貝子德木楚克達什喀爾喀貝子阿第雅。

烏珠穆沁鎮國公桑噶扎布。喀喇沁額駙棍布旺沁。克什克騰扎薩克頭等台吉畢瑪拉吉哩。第烏喇特扎薩克頭等台吉瑚畢圖。庫爾勒三品阿奇木伯克雅霍普。拜城四品阿奇木伯克阿布都拉。喀什噶爾四品伊什罕伯克阿布都哈哩克沙雅爾。五品噶雜納齊伯克玉素普。和闐五品噶雜納齊伯克伊斯瑪依勒。葉爾羌五品科勒克雅拉克伯克雅斯等二人。伊犁五品商伯克魯則依土司宣。

撫司扎喜等七人。於中正殿門內瞻觀。○丙辰。

上御重華宮。賜庫爾勒拜城喀什噶爾沙雅爾和闐葉爾羌伊犁各伯克土司及外藩使臣等食。○先是山西巡撫梁夢涵奏。叅營弁擅受釀命。命嚴審究辦。至是奏署千總郭兆魁擅受民人高學珍混控。將被告呂豐明鎖捆以致呂豐明憤激自盡。請從重發往新疆效力贖罪。將該管官交部嚴議。議處。並自請議。

處得旨。此案署河莊營千總世襲雲騎尉郭兆魁身為武弁。輒敢擅受民詞。致釀人命。實屬膽大妄為。玩法已極。著從重發往新疆效力贖罪。太原營參將得陞靖安營都司岳陞於屬員擅受釀命。毫無覺察。實屬形同木偶。著交部嚴加議處。太原鎮總兵關亮濫委釀命。暫行無庸交部議處。著即送部引見。梁萼涵兼管提督未能先事查察。著交部一併議處。○兩江總督壁昌奏。江蘇兵匠米石因災

著交部議處

○

緩缺請在丹陽等縣熟田漕糧及截存防兵

口糧崇明食米項下分別借撥從之。○賞庫

爾勒三等阿奇木伯克雅霍普花翎。○丁巳

孝莊文皇后忌辰遣官祭

昭西陵。○

上詣

慈寧宮

壽康宮前殿行禮後殿問

皇太后安。○諭內閣鑾儀衛奏恩利銀庫滋生

銀兩典置地畝。本年應收租銀除解到外。尚

欠銀二千三百二十一兩零。其節年舊欠銀

至十八萬七千四百餘兩之多。屢催不解。此

項租銀係該衙門辦公之用。自應按年徵收。

不得任其拖欠。著順天府直隸總督嚴飭各

屬務將前項租銀迅速催解。不許再有延宕。

○又諭鍾祥等奏請借撥運河冬挑津貼銀

兩一摺。東省運河每年冬挑工程。其津貼銀

兩向支東商生息之款。前經降旨令其按限

著交部議處

○

催徵以敷工需。不准援案奏借庫款。茲據該

河督等奏稱商息解不足數。其分限帶徵各

項難以豫行催追。而挑工與漕運攸關。勢不

能停工待項。著照所請。所有前項不敷津貼

銀一萬三千四百九十兩零。仍准於藩庫先

行借撥。以資趕辦。並飭山東巡撫嚴飭運司

迅速催徵歸款。隨時報部。嗣後務須年清年

款。不准任意延宕。該河督等仍當恪遵前旨。

不得再行奏借。以重帑項。○又諭崇恩奏東

商正雜課銀奏銷未能全完。請勒限嚴追一摺。本年近海各屬陰雨較多。場鹽興曬未旺。價值昂貴。以致課銀未能依限全完。既據該撫查係實在情形。且覈計完數已及七分。以上未完之項為數較少。所有本年東商未完銀五萬四千餘兩。著准其勒限三箇月嚴追全完。如逾限再有未完。即行嚴叅懲辦。○以署鑲黃旗漢軍副都統德順為鑲黃旗蒙古副都統。○湖南鎮草鎮總兵官博昌因病解任。以貴州上江協副將文安為鎮草鎮總兵官。○以京營副將蔣柏齡為山西太原鎮總兵官。○戊午。

上以歲暮裕祭

太廟。自是日始齋戒三日。○己未。諭軍機大臣等。前據琦善等奏商上布施。請仍歸商上經理等語。當交該部議奏。茲據奏稱商上布施出納。向由駐藏大臣稽查覈辦。但憑商上呈開。仍屬有名無實。嗣後商上及扎什倫布一

切出納。著仍聽該喇嘛自行經理。駐藏大臣毋庸經營。將此諭令知之。○修浙江山陰縣塘隄。從巡撫梁寶常請也。○庚申。以歲暮裕祭。遣官祭。

太廟中殿。

後殿。○諭軍機大臣等。著英等奏勘驗虎門礮臺。量為增改一摺。覽奏均悉。虎門險要之區。所設礮臺。必須修築堅實。防護之法。尤在調度得宜。現據該督親赴該處。會同該提督逐加履勘。將守禦之術。應援之方。詳細籌明。量為增改。均著照所議妥速辦理。惟設險固資地利。守險尤貴得人。仍著英督率提鎮及各將弁認真練習。嚴立章程。歷久不懈。務使操防得力。毋令視為具文。礮臺現雖整完。如有應行修補之處。該督等仍當隨時察看辦理。以期經久。所進圖說。朕已留覽矣。將此諭令知之。○命乾清門行走教漢郡王布彥德勒格。偕固魯克齊。在御前行走。賞御前行走。

科爾沁扎薩克土謝圖親王色登端魯布金	紅色韁喀爾喀扎薩克親王車林多爾濟紫	韁乾清門行走喀喇沁扎薩克頭等塔布囊	德勒格爾花翎○是日乙巳年立春順天府	進土牛春山寶座○辛酉祫祭	太廟	上親詣行禮○遣官祭	永陵	福陵	昭陵	昭西陵	孝陵	孝東陵	景陵	泰陵	泰東陵	裕陵	昌陵○遣官祭
-------------------	-------------------	-------------------	-------------------	--------------	----	-----------	----	----	----	-----	----	-----	----	----	-----	----	--------

清 實 錄 道光二十四年十二月

孝穆皇后	孝慎皇后	孝全皇后陵寢○遣官祭	端慧皇太子園寢○遣官祭	太歲之神○	上詣	皇太后宮問安○諭內閣恩桂等奏酌議更設	庫丁章程○請將廣儲司匠役撥回另由順天	府招募咨充等語○庫丁在庫供役向係褫衣	出入自應照舊辦理惟由順天府募民咨充	必有流弊因思八旗閒散人等儘有年力強	壯妥實可用者著由各該旗揀選造冊咨送	三庫衙門飭令照例褫衣出入以昭慎重每	屆三年更換臨期掣定旗分輪流當差可免	影射把持之弊至應用人數及如何咨取之	處著管庫大臣酌擬具奏其辨認銀色酌用	驗匠一併妥議具奏○尋奏○庫兵擬行文八	旗滿洲蒙古漢軍都統每旗揀選閒散十名
------	------	------------	-------------	-------	----	--------------------	--------------------	--------------------	-------------------	-------------------	-------------------	-------------------	-------------------	-------------------	-------------------	--------------------	-------------------

取結造冊咨送三庫衙門。掣定旗分。每旗酌留一名。共十二名。作為庫兵。三年更換。其在庫內應穿衣服。由三庫衙門置備。驗匠擬行文八旗。咨取。擇其確能辨認銀色者。酌留二名。三年更換。驗匠二名。庫兵十二名。即將從前庫丁三節所得共銀三千一百九十九兩有奇。作為按月工食。三節獎賞之需。庫兵遇有事故更換。籤掣旗分。咨取選補。仍按前接算。統計三年一律更換。庫兵現由八旗閒散選擇。仍准出仕考試。與賤役不同。其按季由江南道點卯之處。應即停止。庫兵營私舞弊。送刑部治罪。怠惰者咨駁。毋許復送。年滿更換時。其三年無過者。行文該旗。遇有本佐領下馬甲缺出。即行扣補。至頂補接充。已過一年半無過者。遇有本佐領下養育兵缺出。即行扣補。未及一年半者。無庸獎勵。從之。○壬戌。

上御保和殿筵宴朝正外藩。科爾沁喀爾喀烏

珠穆沁巴林阿拉善喀喇沁教漢浩齊特阿巴噶土默特杜爾伯特阿巴哈納爾烏喇特奈曼蘇尼特克什克騰青海和碩特土爾扈特察哈爾王貝勒貝子公額駙台吉塔布囊等。及朝鮮國正副使。隨文武大臣依次就坐。諸樂並作。

上進酒。召左翼科爾沁扎薩克土謝圖親王色登端魯布達爾漢親王索特納木彭蘇克烏珠穆沁扎薩克車臣親王彭蘇克納木濟勒科爾沁扎薩克圖郡王索特納木倫布木冰圖郡王林沁扎勒贊郡王濟克默特朗布巴林扎薩克郡王那木濟勒旺楚克喀喇沁扎薩克都楞郡王色伯克多爾濟教漢郡王布彥德勒格喀爾喀固魯克齊浩齊特扎薩克郡王吹精扎布阿巴噶郡王薩爾濟勒多爾濟右翼喀爾喀土謝圖汗車林多爾濟扎薩克親王車林多爾濟阿拉善扎薩克親王貢桑珠爾默特喀爾喀扎薩克貝子庫倫辦事大臣

德勒克多爾濟親王車登巴咱爾科爾沁扎薩克郡王僧格林沁喀爾喀扎薩克郡王那遜巴圖科爾沁扎薩克貝子濟克默特土默特扎薩克貝子德勒克色楞奈曼額駙德木楚克扎布至

御座前賜酒成禮。○是年旌表孝子江蘇等省趙王槐等八名孝女江蘇等省夏氏等五口孝婦福建等省陳黃氏等三口順孫江西省邱治平一名孝友安徽等省汪益謹等七名

宣統元年

三

守節合例滿洲長隆妻趙佳氏等一百三十口蒙古莽阿里妻郎佳氏等三十七口漢軍愛隆阿妻黃氏等三十八口內務府吉安妻馬氏等八口各省駐防陳起珠妻蘇氏等二百十九口奉天等省劉隋氏等一千三十四口夫亡殉節福建駐防木金布妻胡佳氏一口江蘇等省湯大昌妻呂氏等三十口未婚守志滿洲東福妻何色禮氏等二口江寧駐防察桑阿妻赫舍哩氏一口順天等省郭永

興妻徐氏等三十口百歲壽民婦貴州等省嚴賢士等三十九名口五世同堂奉天等省齊興等三十六家各給銀建坊如例○一產三男四川等省黎光第等五家○會計天下民數穀數除福建未據冊報外直隸等省通共大小男婦四萬一千九百四十四萬一千三百三十六名口存倉米穀三千二百三十七萬九千八百一十四石二斗七升八勺

宣統元年

四

大清宣宗效天符運立中體正至文聖武智勇仁慈儉勤孝敏成皇帝實錄卷之四百十二

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百十三

監修鴻臚寺卿日講起居注官太子太保體仁閣大學士湖廣總督臣李鴻藻等奏

天府府尹等臣奏

七倉大臣楊慶雲等奏

內務府大臣張之洞等奏

醫院總辦處等奏

教修

道光二十五年乙巳春正月癸亥朔

字錄卷四百十三

上詣

奉先殿行禮○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○御乾清宮賜皇子親藩等宴○

甲子諭內閣朕於二月初二日臨御經筵所  
有應行典禮著各該衙門敬謹豫備○乙丑

高宗純皇帝忌辰遣官祭

裕陵○

上詣

奉先殿

壽皇殿行禮○諭內閣朕於二月二十八日由

圓明園啓鑾初二日祇謁

西陵禮成後於初五日駐蹕南苑初九日回圓

字錄卷四百十三

明園所有應行各事宜著各該衙門照例敬

謹豫備○又諭本日據鍾祥等馳奏中牟大

工合龍日期一摺此次興辦大工責成鍾祥

鄂順安專心督辦節據該河督等將辦理情

形隨時奏報至上年十二月十八日啓放引

河黃流東注甚為暢順茲據奏稱於二十四

日雨壩同時挂纜料土並進追壓至底復因

水勢湧激間有刷墊竭兩晝夜之力趕飭搶

辦所築埽占一律高整穩實大工合龍金門

斷流全溜悉歸故道暢達東趨順軌安瀾此  
皆仰賴

天

神加佑俾於春前一律藏工朕慶幸之餘倍  
深寅感發去大藏香十炷著鍾祥虔赴各處  
河神廟代朕敬謹祀謝以答

神庥鍾祥鄂順安經理得宜迅速藏事洵為  
不負委任均著加恩賞還二品頂帶並賞戴  
花翎其從前革職處分即予開復仍各賞加

實錄卷四十三

三

二級准其隨帶慧成等在工差委各著勤勞  
慧成著加恩以六部員外郎用麟慶著以四  
品京堂用牛鑑著賞給七品頂帶其餘在工  
出力員弁並著該河督等覈實保奏候朕施  
恩毋許冒濫現在大工甫經告成善後各工  
俱關緊要仍著鍾祥等督飭各員弁妥協辦  
理務須慎益加慎以期全工穩固永慶安瀾  
慧成麟慶著俟善後各工全竣再行來京牛  
鑑俟經手事件完竣後再行來京該部知道

○丙寅

上御紫光閣賜蒙古王貝勒貝子公額駙台吉  
及外藩使臣等宴並賞賚有差○福建臺灣  
鎮總兵官昌伊蘇因病乞解任允之○貸江  
西德化德安瑞昌湖口彭澤五縣上年被水  
災民籽種○貸湖北江陵公安石首監利松  
滋五縣及荊州各衛上年被水軍民籽種○  
貸湖南沅江安鄉二縣上年被水各垸災民  
籽種○丁卯緩徵山東章邱禹城陽信范朝

實錄卷四十三

四

城濰商河鄒平長山新城齊河濟陽臨邑海  
豐陽穀壽張莘冠高密臨清邱夏津濟寧魚  
臺單曹利津二十七州縣及德州東昌臨清  
三衛上年被雹被霧被蟲被水被旱村莊正  
雜額賦○戊辰命陝西布政使陶廷杰來京  
陛見○給直隸霸永清三州縣上年被水災  
民一月口糧並緩徵本年新賦展緩武清寶  
坻薊漁河文安大城東安高陽安獻阜城任  
邱景天津青靜海滄南皮鹽山南和平鄉鉅



鹿磁雞澤大名南樂清豐主田寧晉隆平南宮三十一州縣及津軍廳舊賦○

上以上辛祈穀於

上帝自是日始齋戒三日○己巳

世祖章皇帝忌辰遣官祭

孝陵○命服闋翰林院侍講學士戴熙仍在南書房行走○庚午享

太廟遣莊親王綿譚恭代行禮○

上詣

南郊齋宮齋宿○遣官祭

太歲之神○江蘇巡撫孫善寶因病解任調

陝西巡撫李星沅為江蘇巡撫未到任前以

江寧布政使陳繼昌署理以漕運總督惠吉

為陝西巡撫○以廣東巡撫程喬采為漕運

總督廣東布政使黃恩彤為巡撫○辛未祈

穀於

上帝

上親詣行禮○詣

大高殿行禮○辛圓明園奉

皇太后居綺春園○詣

安佑宮行禮○壬申

上詣綺春園問

皇太后安○諭軍機大臣等前據劉韻珂等奏

接准琉球國王密洛有佛蘭晒船一隻駛至

該國強留執事通事各一人並稱數月後另

有大船前來等語當經諭令耆英確查具奏

茲據奏稱佛夷略璞朗一船探明上年三月

間到琉球國一次七月間已回廣東並未復

往十二月內即回本國此外亦無另有兵船

前赴琉球之事琉球臣屬天朝素稱恭順該

國因見有佛船懇請查辦不容置之不問現

既探明略璞朗兵船回國並無續往之船自

可彼此相安不至再行滋事惟所留執事通

事二人尚未查有確據仍著耆英隨時察訪

並俟今春喇哩呢到粵設法探詢如果該執

事等尚在琉球務須勸導該酋令將所留之

二人撤回本國以期永久相安方為妥善將此諭令知之○以故賽因諾顏輔國公布呢達哩子密濟特多爾濟襲爵○調雲南布政使傅繩勳為廣東布政使以湖南按察使蘇彰阿為雲南布政使江南河庫道徐澤醇為湖南按察使○癸酉

孝全皇后忌辰命

皇四子 祭

陵寢○諭內閣前據御史朱琦奏廣東捕務廢弛盜賊肆行一摺當交著英等確查嚴辦茲據奏稱該省捉人勒贖之案均經嚴飭該州縣將未獲逸犯按名查拏盡法懲辦其罪名自徒罪至斬絞各有等差並非罪止問軍至弁兵均有定額汛卡亦有舊制惟在隨時認真不在變更成法該御史原請重定擄贖罪名並量移營汛之處著毋庸議其所請嚴究私售礮藥禁止聯會結黨勸諭速葬查拏賭博各條現經該督撫等嚴行查究認真辦理

惟廣東盜風素熾既據該督撫查有多案其未經破獲者恐尚不止此數且難保無州縣諱飾匿報情事著著英等督飭該地方官激發天良破除積習於一切匪徒嚴行拏獲務使有犯必懲不容一名漏網並於交界處所一體嚴查毋分畛域儻查有消弭推諉並胥役包庇縱放各情即著據實嚴參以靖盜源而安良善至擄贖之案必先有窩藏之家方敢糾夥肆搶因而索贖若不從嚴懲辦何以淨絕根株著該督撫責成文武員弁遇有此等重案一經拏獲正犯即究明窩藏何人嚴行懲辦不得稍有疏縱此項窩藏之犯應作何從重擬定罪名之處著該督撫酌議具奏另片奏桑園圍漫口均經動用官紳捐項隨時一律興築所有此項捐輸議敘著即照議俟查明捐項數目酌量請獎○甲戌調山東登州鎮總兵官武攀鳳為福建臺灣鎮總兵官以四川夔州協副將德通為登州鎮總兵

官○乙亥諭內閣劉韻珂等奏招商採買義倉穀石一摺福建省城義倉存穀因上年米價稍昂復經被水先後動碾平糶現存倉穀無多自應及時買補以實儲備著照所請准其查照成案出示曉諭商民如有情願分赴浙江臺灣購買者即行給照前往總以四萬石為度不准稍為抑勒該商民等有買穀至五千石以上者著該督覈實請獎○改廣東佛岡同知為難簡缺歸部銓選惠州府海防同知為廣州府虎門七防同知定為海疆繁難要缺由外揀員升調廣州府永寧通判為惠州府海防通判定為難簡缺歸部銓選從總督耆英等請也○丙子

並令選派協領一員隨同前往茲據該將軍奏旗營協領識力尚恐未周請令喀喇沙爾辦事大臣全慶暫緩北上會同林則徐履勘等語所見甚好全慶俟會勘地畝事竣再行回京其喀喇沙爾辦事大臣著常清於庫車交卸後就近前往署理俾全慶得與林則徐次第履勘所有勘明各地畝情形仍由該將軍彙覈具奏請旨辦理將此諭令知之○緩徵浙江橫浦浦東二場上年被旱蕩田新舊竈課○展緩浙江杭州嘉興湖州各幫應扣減歇軍船銀及積欠米石並給幫丁餘米變價銀○緩徵浙江富陽嘉興秀水嘉善海鹽平湖石門桐鄉歸安烏程德清武康東陽義烏淳安十五縣上年被風被蟲被霜被水被旱村莊正雜額賦○除天台東陽義烏淳安四縣水衝沙壓田額賦○丁丑

上詣

安佑宮行禮○御正大光明殿賜朝正外藩等

宴作樂賜酒如除夕儀○戊寅

上御正大光明殿賜大學士尚書等宴○乙卯  
上詣綺春園問

皇太后安○庚辰諭內閣本年春恭謁

西陵著改於秋間舉行○以內閣學士瑞常太

僕寺卿黃琮知貢舉○以甘肅招墾出力予

即補知縣余懋官等升補有差○以拏獲湖

南耒陽滋事匪犯予千總黃鎧等升敘有差

○修浙江李家汛等處海塘從巡撫梁寶常

實錄卷四十三

上

請也○辛巳

上御山高水長賜王公大臣蒙古王貝勒貝子

公額駙台吉及外藩使臣等食○諭軍機大

臣等新授山西太原鎮總兵蔣柏齡朕召見

時見其精神尚好但究已年逾六十於訓練

操防能否得力著梁萼涵於該員到任後留

心察看隨時據實具奏將此諭令知之尋奏

蔣柏齡居官律己事事謹嚴訓練操防精力

亦能周到得旨人原可靠但惜其暮景耳○

調固原提督胡超為甘肅提督湖南提督石

生玉為固原提督以雲南鶴麗鎮總兵官王

宗貴為湖南提督雲南督標中軍副將烏精

額為鶴麗鎮總兵官○予故甘肅提督周悅

勝祭葬如例諭壯敏○濬江蘇丹徒丹陽二

縣運河從巡撫孫善寶請也○緩徵江蘇上

元江寧句容溧水高淳江浦六合山陽阜寧

清河桃源安東鹽城高郵泰東臺江都甘泉

儀徵興化銅山豐蕭碭山宿遷睢寧海沔陽

實錄卷四十三

上

贛榆泰興江陰三十一州縣及淮安大河徐

州三衛積欠額賦○壬午諭內閣滿洲火器

營兵丁原為演習技藝而設各項武藝俱應

教練熟習乃昨日山高水長閱看馬槍馬箭

皆甚生疏該管營大臣僧格林沁哈琅阿中

山巴清德扎勒罕泰均著交部議處所有馬

槍馬箭生疏之兵丁著交該王大臣等嚴行

責懲○直隸總督訥爾經額奏得雪分寸得

旨京師亦於十五日戌刻後復得瑞雪紛敷

至十六日未刻方止約計三寸餘此皆仰賴  
天恩浩蕩豫兆年穀順成我君臣共迓春祺當  
如何敬慎勤勉稍酬

仁愛於萬一常保

天庥滋至也○癸未

孝穆皇后忌辰遣官祭

陵寢○諭軍機大臣等耆英等奏遵旨酌議演  
放礮位章程並捐辦火藥賞犒經費各事宜  
一摺覽奏均悉大礮為防海利器必應勤加

宣統元年三月

三

演習點放有準方能制勝所有虎門各臺著  
責成該提督等按月操演內河各臺責成該  
副將等按季操演不准虛應故事仍著該督  
於公事稍簡之時親赴戰船各臺逐加試演  
務令該弁兵等日臻熟練毋任日久懈弛其  
所需經費據稱藥彈賞犒二項每歲需銀一  
萬兩以外現在該省藩運二司等均願協力  
捐辦所有二十五六年操演賞犒之費無  
須另行籌備俟坦租積有成數有項可支即

毋庸該司等捐辦將此諭令知之○命工部

右侍郎花沙納為正使鑲黃旗蒙古副都統

德順為副使冊封朝鮮國王李熙繼妃○吏

部以大學士卓秉恬應定何殿閣請得旨著

為體仁閣大學士○甲申諭軍機大臣等上

年七月間有人奏兩淮鹽庫大使宋佩絃賦

性貪婪年老多病及種種劣跡當經降旨交

壁昌確查參奏迄今已及半年尚未據該督

覆奏茲又有人奏該員宋佩絃前以聲名狼

宣統元年三月

五

籍託病回家近復遇事營求甘與商賈為伍  
勾通幕友年老卑鄙嗜利無厭並司幕章雪  
門在歷任運司衙門十有餘年與書吏庫官  
狼狽為奸運司多被傾惑等語著壁昌立即  
派委妥員前往兩淮明察暗訪如果宋佩絃  
實有前項劣跡即著據實參奏至司幕章雪  
門果如所指各情節於釐務大有關係即著  
驅逐出境不准逗留兩淮充當幕友以除積  
弊毋得瞻徇姑容將此諭令知之尋奏宋佩

絃訊無賊私款跡。惟於委辦揚州收養所事務失察。書吏捏名冒領庫銀。照溺職例革職。至運司幕友章雪門。俟查訪得實。再行覆奏。報聞。○雲貴總督桂良等奏。黔省下游之鎮遠黎平。都勻。三府及古州一廳所屬山多峻險。苗俗習於桀驁。州縣差役無多。緝捕難周。查古州鎮遠兩鎮。兵數不下二萬。擬於每名內酌挑十名或五名。令其專拏盜賊。可得一千餘人。分隸文員兼轄。庶呼應較靈。可期得力。下部議從之。○乙酉

孝聖憲皇后忌辰遣官祭

泰東陵。○諭內閣禮部奏遵旨酌議應考章程一摺。據稱各省異縣同城者。即照同府異縣之例。均不准其通考。惟異縣同城與同府異縣者。究竟有無區別。至所稱土著良民。初應童試。如兩縣各有糧稅。以現在所居之室廬為斷等語。各省士民室廬遷移無定。有祖父本居是縣。而子孫遷居他縣者。並有本身初

實錄卷四百三

七

則籍隸是縣。後經遷徙他縣者。又將作何辦理。若概以室廬為斷。難保不啓抑勒訛詐之漸。且各省考試文章。尚有商籍竈籍衛籍等名目。或其人在是省充商。而室廬轉在鄰省。該文章取進時。經學政分撥府學縣學其父兄子弟籍貫。即不能畫一。應如何明定章程。俾無窒礙之處。著禮部另行妥議具奏。○又諭三月初二日著停止臨御經筵。○命伊犁領隊大臣阜興阿克蘇辦事大臣輯瑞來京。以頭等侍衛忠泰為伊犁領隊大臣。調庫車辦事大臣扎拉芬泰為阿克蘇辦事大臣。○以招墾出力。予甘肅知州丁元森優敘。○丙戌

上詣綺春園問

皇太后安。○諭內閣。本年輪應查閱廣東廣西浙江福建營伍之期。廣東廣西著即派耆英浙江福建著即派劉韻珂逐一查閱。認真簡校。如查有訓練不精。軍實不齊者。即將廢弛

之將弁據實叅劾毋得視為具文○以鑲黃旗滿洲副都統德全為庫車辦事大臣○命庫倫辦事大臣容照來京賞候補四品京堂麟慶二等侍衛為庫倫辦事大臣○戊子諭內閣鍾祥等奏勘估中牟大工善後事宜一摺大工甫經合龍善後事宜必應早為趕辦以期一律鞏固現據該河督等親加勘估所有應辦各工均著照議妥速辦理其估需銀四十九萬七千九百餘兩除將用存料物劃抵及已發充用各銀外不敷銀二十五萬六千三百餘兩准將大工用騰捐輸錢合銀之款湊足動用至稽麻土方照大工價值量為酌減亦著照所議辦理該河督等即督飭各員弁認真經理毋任稍有草率玩延工竣覈實驗收造冊報銷該部知道○以襄辦河東中牟大工始終勤奮予已革道員福敏以知府選用○撫卹琉球國遭風難夷如例己丑朝鮮國王李奭遣使表賀

萬壽冬至元旦三大節並謝賜祭王妃恩增貢方物命例外貢物留抵下次正貢賞賚筵宴如例○琉球國王尚育遣使表貢方物賞賚筵宴如例○以河東中牟大工安速歲事賞道員王壽昌龔慶祥花翎揀發參將霍隆武等藍翎餘升敘有差○庚寅諭內閣向來派往朝鮮使臣隨帶通官每至五六員之多因思朝鮮職貢往來語言熟悉通官本可酌減且恐該通官等隨至該國或有騷擾需索等事非所以示體恤此次冊封朝鮮王妃之使臣著隨帶通官一員嗣後凡遇派往朝鮮使臣俱照此辦理該部即纂入則例永遠遵行○又諭兵部奏請儲備水師人材等語水師以得人為要必須習居海上熟諳沙礁底於洋面操巡可期得力儻不能涉歷風濤槍礮雖精無從施展其應如何妥為招募設法鼓勵之處著海疆各督撫會同水師提鎮各體察地方情形迅速妥議具奏○命保送河工

刑部主事李萬傑工部主事牟所吏科給事中韓椿發往南河差遣委用內閣中書吳吉昌吏部主事夔達戶部主事莊縉度發往東河差遣委用○辛卯

孝儀純皇后忌辰遣官祭

裕陵諭內閣前因陸建瀛奏查勘官荒地畝人證多半在京請飭就近提審當交刑部嚴行審訊茲據該部審明定擬具奏此案寧晉縣知縣古韻雖訊無隱匿官荒及重責嚴押情事惟不及早親往履勘致被藉口指控究屬辦理不善古韻著交部議處

千珠卷四十三

七

大清宣宗效天符運立中體正至文聖武智勇仁慈儉勤孝敏成皇帝實錄卷之四百十三

實錄卷四百十三

示



大清宣宗效天符運立中體正至文聖武智勇  
仁慈儉勤孝敏成皇帝實錄卷之四百十四

監修禮藏官經通日講起居注官太子太保體仁閣大學士文淵閣領事管理戶部事務工部房總辦傅翰林院掌院學士兼管順

天府府尹事務隨番加五款紀錄十八次臣賈璜總管經通謀官吏部尚書鑒藍澤漢京郭統管理新營房城內官房大臣樞密內

七倉大臣播磨會同四譯館事務加一級隨帶加六級軍功加三級紀錄五次臣花沙納經進講官文淵閣提舉學兵部尚書穆

內務府大臣鑲白旗滿洲都統稽察內七倉大臣管理奉天府張康左翼幼官學 宣奉宮同明開等處精進堂加茶膳房幼學房太

醫院連解處事務隨事加十八級臣阿囊阿副總戎官銜道員兵部尚書階滿加六級紀錄二十次臣周祖培等奏

救修

道光二十五年乙巳二月壬辰朔○癸巳

寶錄卷四百十四

上詣綺春園問

皇太后安。○修山海關駐防八旗兵房。從副都

統富勒敦泰請也。○甲午遣官祭

文昌帝君廟 ○遣官祭

先醫之神。○賞陣亡浙江處州鎮總兵官鄭

國鴻孫文舉人鐸七品小京官。○添製江寧

滿洲營擡礮四十尊修造烏槍二百八桿從

將軍岳興阿等請也。○乙未安徽按察使常

大淳以親老乞養。允之以直隸霸昌道張雲

藻為安徽按察使。丙申諭軍機大臣等琦

善奏訊取諾們汗供詞褫革查封一摺此案

阿旺扎木巴勒粗勒齊木貪奸舞弊各款業

據該大臣訊取確據褫革查封其達賴喇嘛

圓寂緣由既無罅漏可尋著即毋庸再行根

究至該犯之弟擅敢糾約喇嘛將該犯擡回

實屬貌法著琦善會同班禪額爾德尼即將

該已革諸們汗罪名從重定擬具奏並將所

有財物一併查明請旨該處喇嘛眾多該大

寶集卷四十四

臣務須斟酌情形妥慎辦理毋致滋生事端

將此諭令知之○又諭已革駐藏大臣孟保

理藩院員外郎嵩祿現有應行審辦之件恩

桂端華倭什訥著即刻前赴步軍統領衙門。

同闕此旨後恩桂倭什訥先將孟保嵩祿傳

旨鎖拏押交刑部並分赴該二處宅內嚴密

查抄端華著親赴海樸住宅將伊家產財物

先行查封一併具奏將此密諭知之○丁酉

祭

先師孔子遺大學士卓秉恬行禮 諭內閣  
理藩院奏請換賞班禪額爾德尼金冊一摺  
所有班禪額爾德尼應換金冊著各該衙門  
於本年三月內趕辦完竣即交該堪布等敬  
謹齋回由駐藏大臣轉交祇領至應換金印  
著琦善等傳知班禪額爾德尼於下屆後藏  
年班堪布進京時將現用金印交該堪布齋  
京以便照式鑄造仍發給該堪布等領回轉  
給開用 又諭鍾祥奏勘估豫東黃河兩岸

實錄卷一百一十五

三

各廳另案土工請將勸捐銀兩撥辦一摺現  
在黃流挽歸故道兩岸隄壩必須趕緊估修  
以資防禦所有豫省兩岸十二廳共估需例  
津二價銀五十四萬五千二百餘兩東省曹  
河曹單二廳並曹考廳之曹上汛共估需例  
價銀四萬四千七百餘兩俱著在於豫省各  
州縣紳商捐輸款內動撥辦理該河督即督  
飭各道嚴催各廳趕緊興修勒限大汛前全  
完工竣認真驗收如有偷減草率之處即將

承辦各員指名嚴叅此案土工動用之款毋  
庸報銷俟工竣驗收後造具工段丈尺清冊  
報部 又諭鍾祥等奏豫省上游各廳採購  
歲料請援案酌加津貼一摺歲稽為修防要  
需必須乘時趕購既據該河督等查明大工  
用料過多上游各廳採購不易自應量加津  
貼所有中河本工並附近大工之上南下南  
衛糧黃沁等各廳共需加價銀二萬七千五  
百兩准其循案由司庫墊發歸入中牟大工

實錄卷一百一十五

四

案內攤徵還款該河督等即飭令各廳上緊  
採辦統限桃汛前全完該河督屆期覈實驗  
收如有短少虛鬆即著從嚴叅辦 又諭潘  
錫恩奏請將撤銷議敘之委員仍遇缺即補  
等語前因江蘇候補未入流齊鍾蘭並非地  
方現任例不准敘入安瀾摺內保奏照部議  
將議敘撤銷該員既係不准保敘之員於辦  
工時即屬不應派委所有該河督請將該員  
以本班遇缺即補之處仍著不准行 濬河

南賈魯河從巡撫鄂順安請也○戊戌祭大社

大稷遣睿親王仁壽恭代行禮○

孝淑睿皇后忌辰遣官祭

昌陵○予山東故大學士盧蔭溥入祀鄉賢祠從巡撫崇恩請也○己亥

上詣綺春園問

皇太后安○命

皇四子祭

關帝廟○遣官祭昭忠祠○以翰林院侍講

錫齡充日講起居注官○庚子諭內閣戶部

奏山西省武職養廉不敷銀兩應准暫行借

動地丁銀兩支放仍於本年徵收上忙耗羨

銀內照數提還原款專案報部查覈此次著

照所議辦理嗣後各省武職養廉總須豫留

閒款籌支不得援照此案請動地丁銀兩率

行開銷以符定制○諭軍機大臣等壁昌等

奏訪拏盜犯辦理情形一摺據稱江浙交界

章練塘地方周圍湖河毗連數縣港汊紛歧內有匪徒聚集出外搶劫現在會同浙江營縣選帶兵役前往密拏獲犯多名等語盜匪聚眾搶劫最為閭閻之害必應實力嚴拏著壁昌李星沅陳繼昌梁寶常派委幹員會同該地方營縣於江浙交界處所認真訪緝兇拏務令悉數就擒不准一名漏網以淨根株並知照該提督一體照辦儻不肖州縣及庸懦武弁於交界之地意存推諉任令逃匿鄰境以致此拏彼竄即著該督撫指名叅奏以為縱盜殃民者戒至現獲各盜犯著督飭承審之員查明報案悉心研鞫盡法懲治不准任其狡供避就將此各諭令知之○辛丑諭內閣前因軍機大臣等會議科布多換防兵丁可否改為春兵必須深悉該處地方情形方能籌畫盡善當降旨交國勒銘阿等悉心體察妥議具奏茲據奏稱添建房屋及散放口糧等事諸多窒礙自係實在情形所有科

布多換防兵丁。改為養兵之處。著毋庸議。  
諭軍機大臣等。禧恩奏奉天操演應需長矛  
一項。本省木質不甚適用。請於河南省採買  
白蠟桿。作為長矛等語。著鄂順安派委妥員  
於該省出產地方。採辦白蠟桿三百根。運至  
奉天省應用。將此諭令知之。以工部左侍  
郎阿靈阿。兼署錢法堂事務。撫卹朝鮮國  
遭風難夷如例。○壬寅。

孝康章皇后忌辰遣官祭

旨奉天四月二十四日

七

孝陵。禮部議准。山東巡撫崇恩疏報採訪高  
密縣貞節婦女任單氏等二百二十口。貴州  
巡撫賀長齡疏報興義府楊氏等五十六口。  
各請建總坊旌表。從之。○癸卯。刑部奏承審  
南苑行宮後殿被竊陳設玉器一案。請嚴拏  
行竊正犯。得旨。此案偷竊物件。原非重大之  
案。乃於上年十月交部審訊。迄今三月有餘。  
該部未能悉心研鞫。究出行竊正賊。迅速完  
結。殊屬玩延。刑部堂司各官均著交部分別

議處。○以已革廣東水師提督吳建勳被劾  
後奏辯不實。發往軍臺效力贖罪。甲辰遣  
官祭黑龍潭。

昭靈沛澤龍王之神。玉泉山。

惠濟慈佑靈護龍王之神。昆明湖。

安佑普濟沛澤廣生龍王之神。密雲縣白龍  
潭。

昭靈廣濟普澤龍王之神。遣官祭圓明園。

惠濟祠。

旨奉天四月二十四日

八

河神廟。諭內閣。禮部奏遵旨另議同城異  
縣考試章程一摺。嗣後同城異縣父子籍貫  
舛錯者。著仍照該部前議。於文到日限一年  
內呈明更正。如其父已故。間有兄弟異籍者。  
應令各入各籍。所生子孫。即以本身之籍為  
籍。不得復行兩縣通考。至初應童試良民。祖  
父並未應試。於初屆報考時。查明現在所居  
室廬。並取具各結送考。既考此縣。無論取進  
與否。以後縱有遷移。亦不得復考彼縣。至浙

江商籍分撥縣學者。應如何辦理。俾無窒礙之處。著由該部咨明浙江巡撫學政詳查聲覆到日。再行覈辦。尋奏浙江商籍童生。查係取進後。分撥杭州府仁和錢塘三學。以致父子籍貫。未能盡一。嗣後商籍各生。父子異籍者。限一年呈明更正。其應考童生。父兄曾撥何縣。應從父兄之籍。如初次報考。以現居室廬為斷。卷面註明仁和錢塘字樣。各按本籍取進分撥。從之。又諭陸費瑤奏勘明屯田

宣宗實錄卷四一四

七

沙壓限滿。仍難墾復。請將應造糧船展緩造運一摺。湖南荆右衛旗丁吳聰先一船。曾於道光九年因屯田水淹沙壓。暫停造運十年。茲屆限滿。據該撫查明節年復被水淹沙壓。未能墾復。請展緩造運。著照所請。所有吳聰先一船。准其自本年為始。再行緩造十年。該船應運漕米。仍令荆右沔陽二衛帶運。其應得京脚行月耗贈等項銀米。分給帶運各船。以資貼補。該撫仍飭該府衛隨時察看勤督。

墾復限滿。飭令成造出運。○命都察院左都御史文慶。馳赴四川。會同總督寶興審辦已革駐藏大臣孟保等濫提官物一案。○乙巳春分朝。

日於東郊。遣禮親王全齡行禮。

上詣綺春園問。

皇太后安。○以捐修永定河出力。賞直隸知州

陸為棟等藍翎。予知府沈濤等升敘有差。

旌表守正捐軀山東蘭山縣民張小麻妻陳

宣宗實錄卷四一四

十

氏。○丙午。諭內閣。已革前任駐藏大臣孟保海樸。現有被叅交審之案。孟保係敬徵保送副都統海樸係仁壽保送副都統仁壽敬徵均著交該衙門照例議處。○又諭賽尚阿等奏請重修呼圖克圖冊檔等語。理藩院舊存呼圖克圖源流冊檔。年久失修。難昭信守。著理藩院會同章嘉呼圖克圖詳查妥辦。以資考覈。○以惠親王綿愉署鑲藍旗漢軍都統。賞內閣學士景亮副都統銜。為巴里坤領

隊大臣○丁未遣官祭

歷代帝王廟○諭軍機大臣等據琦善奏參孟保等濫提官物一案已明降諭旨將孟保海樓嵩祿解赴四川派文慶馳驛前往會同寶興審訊矣所有前任駐藏幫辦大臣鍾方如經過四川境內或業已過境著寶興傳旨沿途截留飭回四川歸案質訊將此諭令知之○以服闋布政使鄭祖琛為陝西布政使○戊申諭內閣前據鍾祥等奏請將東河捐

丁未遣官祭

丁未

輸推展一年當交戶部議奏茲據奏稱該河督等原奏所稱修辦長隄土工濬復河道需費亦關緊要著即照所議辦理至順天府及各直省捐輸均著截至本年三月底停止以示限制○己酉諭內閣廣東已故委員方玉達所解捐監等項餉銀著王植迅即派委妥員接解來京至委解京餉向來分別銀數或用正印官或兼用佐貳後改為同知通判州縣領解是否應仍照向例辦理其應加平餘

一款自應定以限制不得額外增添其解餉人員到京難保無庫吏需索情弊應如何明定章程嚴申例禁之處著管庫大臣悉心覈議具奏尋奏嗣後委解京餉應仍照舊制十萬兩以上委同知通判管解五萬兩以上委州同州判管解五萬兩以下委縣佐雜等官管解至各省批解餉鞘向有津貼書吏規費前經欽派王大臣議請概行收庫是此項銀兩並非額外加平仍照奏定章程辦理至三

丁未遣官祭

丁未

庫驗收錢糧物料之後將該管吏役有無需索之處面詢原解官役責令出具甘結庶防弊益覺周密從之○庚戌以兵部右侍郎福濟為總管內務府大臣○舉行道光二十四年大計直隸卓異官十九員不謹官一員罷輟官一員年老官三員有疾官二員浮躁官二員奉天卓異官二員年老官二員才力不及官一員江蘇卓異官十一員罷輟官一員及官一員年老官二員才力不及官四員浮躁官一員

安徽卓異官八員。不謹官一員。年老官二員。有疾官二員。才力不及官二員。浮躁官一員。江西卓異官十員。不謹官一員。年老官三員。有疾官一員。浙江卓異官十二員。不謹官二員。年老官二員。才力不及官三員。福建卓異官十員。罷輟官一員。年老官五員。才力不及官一員。浮躁官一員。湖北卓異官十員。不謹官一員。罷輟官一員。年老官三員。有疾官一員。才力不及官一員。湖南卓異官十員。年老官四員。有疾官二員。才力不及官四員。浮躁官一員。山東卓異官十三員。年老官五員。才力不及官四員。山西卓異官十二員。不謹官二員。年老官三員。有疾官二員。才力不及官二員。陝西卓異官九員。不謹官一員。年老官一員。有疾官一員。才力不及官二員。浮躁官二員。甘肅卓異官八員。罷輟官一員。年老官二員。有疾官一員。四川卓異官十四員。不謹官四員。年老官七員。有疾官二員。才力不及

宣宗實錄

七

官二員。廣東卓異官十三員。不謹官四員。罷輟官一員。年老官五員。有疾官二員。才力不及官二員。廣西卓異官八員。不謹官一員。罷輟官一員。年老官三員。才力不及官一員。雲南卓異官十員。罷輟官一員。年老官三員。有疾官一員。才力不及官一員。貴州卓異官七員。不謹官一員。年老官四員。才力不及官一員。浮躁官二員。南河卓異官二員。年老官一員。浮躁官一員。東河卓異官二員。有疾官一員。分別議敘處分如例。禮部議准。山東巡撫崇恩疏報採訪諸城縣貞節婦女張陶氏等八百十五口。肥城縣尹李氏等六十口。各請建總坊旌表從之。辛亥諭內閣吏部奏甘肅典史以縣丞即補。河南縣丞以州同升用。與例不符等語。河工出力人員。例不准越級請升。所有河南內黃縣丞熊道鑲著以州判升用。其先以州同升用之處。著即撤銷。至辦理招墾出力之甘肅山丹縣典史徐世偉

宣宗實錄

七

著仍以縣丞留甘即補○以鑲白旗滿洲副都統恆興兼署鑲黃旗滿洲副都統壬子上詣綺春園問

皇太后安○癸丑諭內閣前因仁壽敬徵濫保孟保等堪勝副都統有旨交該衙門議處茲據該衙門照濫舉匪人例議以降二級調用副都統為二品大員該王大臣等遵旨特保宜如何加意遴選覈實秉公以期收得人之效乃仁壽等不知慎重濫舉劣員率行充數

平定人四十四

五

部議降調實屬咎無可辭仁壽著退出內廷行走革去宗正領侍衛內大臣仍折罰王俸六年半不准抵銷敬徵著革去協辦大學士戶部尚書都統以內閣學士候補仍留總管內務府大臣以為濫舉匪人者戒轉宗人府右宗正烏爾恭阿為左宗正以左宗人綿恩為右宗正順承郡王春山為左宗人命兩廣總督耆英協辦大學士調工部尚書賽尚阿為戶部尚書兵部尚書裕誠為工部尚

書以都察院左都御史文慶為兵部尚書戶部右侍郎成剛為都察院左都御史以吏部尚書恩桂為總管內務府大臣調正白旗領侍衛內大臣僧格林沁為鑲黃旗領侍衛內大臣以正紅旗蒙古都統車登巴咱爾為正白旗領侍衛內大臣調正藍旗漢軍都統載垣為鑲紅旗滿洲都統以署鑲黃旗蒙古都統保昌為正藍旗漢軍都統修山東運河泃河捕河上河泉河五廳隄埝開壩

平定人四十四

六

引渠從河道總督鍾祥等請也甲寅陝甘總督富呢揚阿奏已革諾們汗徒弟在外募化逗留現經盤獲得旨洛桑扎喜著解京歸案審訊調工部右侍郎花沙納為戶部右侍郎兼管錢法堂事務兵部右侍郎福濟為工部右侍郎兼管錢法堂事務以內閣學士瑞常為兵部右侍郎調正紅旗漢軍副都統賡福為正黃旗滿洲副都統以散秩大臣奕格為正紅旗漢軍副都統福建巡撫劉



鴻臚因病解任調陝西巡撫惠吉為福建巡撫未到任前以福建布政使徐繼畬署理以甘肅布政使鄧廷楨為陝西巡撫廣西按察使寶清為甘肅布政使河南開歸道王壽昌為廣西按察使○撫卹琉球國遭風難夷如例○乙卯諭內閣道員職銜葉仁前於海疆捐輸案內奏請以道員選用並賞戴花翎當因原犯案情較重降旨著不准行並將所捐銀兩給還此次復捐輸鑄礮經費該撫奏請可否賞戴花翎之處仍不准行所捐銀兩著即發還○丙辰遣官祭賢良祠諭內閣貝勒綿恩本年七十生辰因思朕之伯叔兄弟自幼同朕在上書房讀書者現在只有該貝勒一人允宜特沛殊恩綿恩著賞穿四團龍補服用示朕眷念宗親有加無已至意○丁巳

孝昭仁皇后忌辰遣官祭

景陵○諭內閣本年秋間恭謁

西陵著改於來歲春間舉行賞四川等省甲辰科鄉試年老諸生先甲三等四十五名舉人副榜有差戊午

上御山高水長閣侍衛等騎射○諭內閣桂輪等奏叅才不勝任副將軍一摺賽因諾顏愛曼副將軍扎薩克多羅郡王圖克濟扎布於本年春季應行前赴軍營駐班之員派委既經遲延復妄行藉詞掩飾殊屬非是郡王圖克濟扎布著革去副將軍之任仍交理藩院議處其所遺副將軍員缺著交桂輪等照例辦理○命前任山西太原鎮總兵官關亮以本旗副護軍參領用己未

上詣綺春園問

皇太后安○諭軍機大臣等都察院奏山東民婦李傅氏呈控強姦勒斃矜蠹舞弊一摺已明降諭旨交崇恩親提嚴訊矣此案該民婦呈控許瞎包郭三強姦伊女已成登時勒斃件作捏稟自縊文生郭履平賄買差役不將

郭三拏獲究辦等情案關兇徒強姦斃命業經該縣詣驗係屬已成何以案懸日久兇犯尚未全獲以致宕延不結著崇恩親提案內人證嚴切訊究並嚴飭地方官迅速緝拏郭三務獲歸案嚴行審辦至該屍身究係被勒自縊必應徹底訊明以成信讞其差役等如有受賄舞弊情事即著按律嚴懲毋得稍有不實不盡將此諭令知之尋奏李二姐先與郭三通姦李傅氏貪利縱容嗣許瞎包瞥見

實錄卷四百五

七

亦向李二姐調姦未成李二姐慮被聲揚羞愧自縊李傅氏疑許瞎包係郭三勾引砌詞京控許瞎包應依強姦犯姦婦女未成致本婦羞愧自盡杖流例減等擬杖徒餘論罪如律下部議從之○庚申清明節遣官祭

永陵

福陵

昭陵

昭西陵

清 實 錄 道光二十五年二月

孝陵

孝東陵

景陵

泰陵

泰東陵

裕陵 命皇五子奕詝祭

昌陵 命皇六子奕訢祭

孝穆皇后

孝慎皇后

實錄卷四百五

八

孝全皇后陵寢 遣官祭

端慧皇太子園寢○諭內閣培成奏續行查出玩視工程各員請分別議處一摺盛京前任工部員外郎景昌於寶勝寺旗桿工程領過銀兩八年之久並未修理四品官椿齡承修南路山門工程並未一律修整景昌椿齡著交部分別議處所有景昌原領估價著鑲藍旗滿洲都統勒令交出暫存工部俟該衙門領回另派妥員承修又諭禧恩奏參休

致人員營私挾詐請旨革職拏問一摺所叅甚是休致副都統六品頂帶哈興阿屢次欲充木商呈領官木迨批駁不准復私向商人合夥且呈交例價僅止三千餘兩而指木借錢竟至十一萬餘千之多又復訛詐多贓為子捐官種種妄為殊屬擾害地方哈興阿著即革職拏問交禧恩會同盛京刑部提集全案人證嚴行審辦所有財產即著先行查封備抵哈興阿之次子安祿本係廕生侍衛近復指稱報捐文職訛借錢文亦著一併革職歸案審辦至哈興阿實犯貪詐與因公獲罪者不同著俟定案時遵照雍正五年定例辦理

宣宗實錄卷四一五

五

大清宣宗效天符運立中體正至文聖武智勇仁慈儉勤孝敏成皇帝實錄卷之四百十四

宣宗實錄卷四一四

五

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百十五

纂修實錄官謹遵日講起居注官太子太保體仁閣大學士文淵閣領侍衛內閣軍機處事務處總辦翰林院掌院學士兼管

天府府尹事務總辦加五級紀錄十八次臣實錄總纂官總纂官文淵閣學士兼管總纂官軍機處總纂官文淵閣學士兼管

三倉大臣據奉會同四庫館事務加一級紀錄加六級紀錄五次臣文淵閣學士兼管總纂官文淵閣學士兼管

內務府大臣據奉會同四庫館事務加七次臣實錄總纂官總纂官文淵閣學士兼管總纂官軍機處總纂官文淵閣學士兼管

醫館總辦處事務總辦加十八級紀錄加六級紀錄加六級紀錄二十次臣實錄總纂官總纂官文淵閣學士兼管

教修

道光二十五年乙巳三月壬戌朔○癸亥遣

實錄卷四百十五

官祭

先農之神○諭內閣陳官俊奏查勘工程請

擇吉修理一摺

泰東陵方城各工著欽天監速擇吉期派德誠

敬謹承修○甲子

上御勤政殿聽政○御山高水長閱侍衛等騎

射○諭內閣七阿哥於四月十一日入學讀

書著朱鳳標授讀○以通政使司副使彭蘊

章為宗人府府丞吏科給事中蘇都禮為太

僕寺卿○補行道光二十二年軍政福建浙  
江卓異官五員議敘如例○乙丑

上詣綺春園問

皇太后安○諭軍機大臣等耆英等奏夷目來

澳求市請旨辦理一摺據稱吡喃咄喀國領

事蘭瓦呈請貿易有喇喃咄夷使喇喀呢來

信代為薦引並查明該國即係曾經來粵通

商之比利時國等語該國停市已久此次應

否暫准貿易所請五口貿易章程應否一體

實錄卷四百十五

二

頒發著該督體察情形悉心妥酌辦理至該

督前次奏稱查探喇夷路璞朗一船曾到琉

球國一次嗣經駛回廣東後即回本國其所

留執事通事二人尚未查有確據等語現在

是否尚在琉球抑已回本國務須訪查的確

結實覆奏再前據劉鴻翱奏稱味喇哩立國

甫六十年等語是否確實著該督就近查詢

一併覆奏將此諭令知之○以捐資添置礮

位予葉爾羌換防遊擊馬忠良優敘○以捐

建城垣並添蓋兵房。賞葉爾羌阿奇木伯克  
伊斯瑪依爾子瑪普蘇。五品頂帶花翎。藍翎  
四品商伯克伊布拉依木邁瑪薩賴。新升和  
闐塔克努拉莊四品阿奇木伯克阿拉胡里。  
五品密喇布伯克庫爾班花翎。六品都觀伯  
克入則等藍翎。餘升擢有差。○丁卯。諭內閣。  
給事中雷以誠奏捐輸各員。請飭部隨時詳  
察。以清流品一摺。歷來常捐大捐。均照例取  
具各該旗佐領圖結及同鄉京官印結。惟捐  
輸各員。係各該生自行具呈。並不取具圖結  
印結。此項捐生人數眾多。難保無隱匿犯案。  
改名朦捐之事。著吏部於捐輸各員銓選到  
班時。留心詳察。加意嚴查。如實有前項情弊。  
即行據實叅解。並著飭令該捐生等各取具  
該旗佐領圖結及同鄉京官印結。方准赴選。  
以重名器而杜冒濫。○以大學士穆彰阿。為  
會試正考官。兵部尚書許乃普。戶部右侍郎  
賈楨。工部右侍郎周祖培。為副考官。○以禮

部尚書李宗昉。兼署兵部尚書。戶部左侍郎  
何汝霖。兼署錢法堂事務。內閣學士羅文俊。  
署工部右侍郎。兼管錢法堂事務。○以吏部  
尚書恩桂。署翰林院掌院學士。○以定郡王  
載銓。署鑲黃旗滿洲都統。○戊辰。諭軍機大  
臣等。全慶奏續籌展墾事宜。勘明環城周圍  
及庫爾勒北山根等處。有可墾地一萬數千  
餘畝。現交常清覆勘辦理等語。該處既有可  
墾地畝。其開渠引水。招徠戶口各事宜。必應  
詳慎辦理。全慶現派會勘庫車等城地畝。著  
先行傳諭常清。將喀喇沙爾擬墾之地。暫停  
籌辦。全慶俟各城事竣後。仍會同林則徐親  
赴該處。詳加覆勘。妥議具奏。將此諭令知之。  
○己巳。  
上御閱武樓。閱圓明園八旗槍操。○遣官祭  
先蠶之神。○諭內閣。東南兩河河標各營。額  
設將備弁兵。分管汛地。全在該河督等隨時  
訓練。以重操防。邇來河營弁兵。除黃運修防

專習椿埽外或因催漕撥護差事較繁絕不以操演為重平日既多曠誤校閱時亦悉存遷就殊非整肅營伍之道嗣後兩河河標各營著該河督等勤加練習認真考校其有老弱充數者立即從嚴裁汰務期與督撫提鎮各標營互相犄角咸成勁旅設遇徵調不能得力必將該督等從重懲處決不寬貸懍之勉之○庚午旌表守正捐軀河南柘城縣民婦吳張氏媳王氏○辛未

上詣綺春園問

皇太后安○壬申

孝賢純皇后忌辰遣官祭

裕陵○諭軍機大臣等齊承彥奏中牟大工善後事宜亟應籌辦一摺據稱大工合龍後河流不能暢行現在水勢尚淺業已趨注舊口門僕遇伏秋大汛恐舊口門工程新土純沙已不足恃至內塘勢如深壑恐大汛洪流易於匯注於大壩關繫甚重等語現在該處河

流是否不能暢行水勢因何趨注舊口門將來伏秋大汛情形喫重應如何設法抵禦其內塘積水應否屏乾取土填實自當及早妥籌以免後患至所稱添辦碎石數千方豫備大汛搶險之用如本年全河順軌無須拋護即撥抵常年應辦之數等語著鍾祥鄂順安體察情形悉心籌畫務期保固要工不至臨事周章是為至要將此諭令知之○以圓明園八旗槍操陣勢整齊予翼長福山等議敘○癸酉禮部議准山東巡撫崇恩疏報採訪陽穀縣節婦張劉氏等七十三口請建總坊旌表從之○甲戌以故三等子王開雲子鳳翥襲爵以翰林院侍講學士萬青藜署日講起居注官○乙亥諭軍機大臣等賴恩爵秦內河督緝緊要請暫緩出洋一摺匪船出沒搶劫最為地方之害必應實力揔查盡法懲辦廣東順德等縣匪徒屢次犯案雖經該提督等將連幫大夥分起拏獲而河道紛歧

此拏彼竄。餘匪尚多潛匿。著耆英督飭該提督嚴飭各協營將備。趕緊查拏。毋稍鬆勁。其各處通海要隘。務須分投堵截。毋令潛出外洋。一名漏網。以期淨絕根株。俟餘匪盡獲。該提督仍即帶領兵船出洋。認真巡緝。務使內河外海。一律肅清。將此諭令知之。○又諭寄諭廣西巡撫周之琦。本日據都察院奏廣西民人覃士連。以輪姦斃命。縱兇不完等情呈控。已明降諭旨。交該撫親提嚴訊矣。此案控

關輪姦室女。殺斃滅口。情節甚重。兇犯業經全獲。自應立為究辦。何以反將楊裕德等三人釋放。難保非該地方官有意存消弭情事。著該撫親提全案。嚴行訊究。務須水落石出。毋任化大為小。致使兇犯漏網。是為至要。將此諭令知之。尋奏覃士連之女三妹。先與莫祖建。楊裕德通姦。嗣先後拒絕。莫祖建挾恨。商同楊裕德。並邀韋老章。楊石土。輪姦覃三妹已成。致死滅口。莫祖建擬斬立決。楊裕德

擬絞立決。韋老章。楊石土。改發極邊足四千里充軍。下部議從之。○丙子。諭內閣鄉會試。為掄才大典。應試士子懷挾入場。自應照例黜革。從嚴治罪。至誤帶書本。非本場應用之物。及誤帶前場所作文字。或以字紙包裹物件。情節各有不同。其作何分別辦理之處。必應詳明定例。以便遵循。現在科場條例內未經分晰聲敘。著該部將近年辦過成案。悉心參酌。畫一定議。即纂入條例。永遠遵行。其舊例內止係空言無從照辦者。著即酌量刪除。俾從簡易。務使該士子等曉然於定例。嚴明無可避就。以歸覈實而革澆風。○丁丑。貴州提督張國相因病乞休。允之。以雲南昭通鎮總兵官王一鳳為貴州提督。○戊寅。

上奉

皇太后幸奉三無私殿進膳。○以前任陝西布政使陶廷杰才具平常。命以四品頂帶休致。○准大通橋車戶承買黑豆二萬石。津貼車

價○己卯。

上詣

安佑宮行禮○詣綺春園問

皇太后安○諭軍機大臣等○本日據提督衙門

奏○蘭山縣民毛富元○抱控孫少勇等挾嫌搶

奪一案○已明降諭旨交崇恩秉公嚴審矣○此

案孫少勇等與毛斌口角起釁○輒敢率領拔

匪撥搶地方官何以不為究辦○至所稱道光

二十三年張知縣赴鄉緝捕○被孫少勇手下

掖匪逼圍在蘭凌地方衙署內○用火礮擡槍

攻打○致將差役朱麻子李玉殺傷身死○經沂

州府帶兵救護得脫等情○案關掖匪糾眾抗

官殺差○何以該管知府不為詳辦○著崇恩親

提人證卷宗○秉公嚴審○務期水落石出○以成

信讞○不准稍有瞻徇回護○致蹈化大為小惡

習○所有著名掖匪○並著嚴飭地方文武員弁

設法嚴拏○毋任一名漏網○將此諭令知之○尋

奏前任蘭山縣知縣張攀桂拏獲搶劫王鳳

鳴業內夥匪二名○首犯沈苓○糾眾劫奪○拒斃

縣役朱希元李玉○沈苓亦因傷殞命○並無逼

圍衙署○及沂州府帶兵救護之事○孫少勇充

當鹽店管事○拏獲販賣私鹽之趙年○經毛斌

拉脫放走○孫少勇與毛斌口角○稟縣互控○毛

斌因牽扯沈苓奪犯拒差之案○希圖動聽○應

照誣告人死罪未決律擬杖流○加徒役三年○

下部議○從之○以候補內閣學士敬徵○齡鑑

為內閣學士○兼禮部侍郎銜○以湖南長沙

協副將王鏞為雲南昭通鎮總兵官○庚辰

前任陝西巡撫李星沅奏拏獲傳習青蓮教

匪犯蕭剛等○按律究治○得旨查辦甚好○嚴行

根究○毋致縱脫○舉行道光二十四年大計○

河南卓異官十二員○年老官三員○有疾官二

員○才力不及官二員○浮躁官一員○分別議敘

處分如例○辛巳○禮部以宗室會試中額請

得旨○取中二名○兩江總督壁昌○龍江關監

督經文圖奏遵查儀徵縣舊有稅口○專收江



廣漕船卸載木稅前任監督瑞長奏請改由龍江下關查驗旋因有礙漕行即行裁撤查江廣幫船由長江北岸順流而下有跨帶之木可禦風浪過儀徵後運河漸形窄淺不能不在儀徵卸賣令承買木商納稅以速漕行而裕國課請仍復舊制在儀徵抽收木稅從之○免京口駐防堵夷匪陣亡傷亡官兵借支俸餉銀○壬午諭軍機大臣等昨有旨派廣福馳往盛京會同廣林黃贊湯查辦事

上詣

黑龍潭神祠拈香○諭軍機大臣等穆彰阿等奏會訊已革諾們汗之弟工布等一案於

喇嘛囊素寓所起出已革諾們汗寄交番字呈詞二紙譯出進呈已革諾們汗呈控各情虛實均應查辦著文慶等公同酌議或遵派妥員赴藏嚴密訪查或傳提案內緊要人證赴川訊究其呈內所稱章嘉呼圖克圖到藏時親往多只札寺求紅教之呢瑪經及第穆呼圖克圖不能安靜並有女人等語均屬有違禁令如果查明屬實未便置之不問著即酌量定擬查明妥辦毋失撫馭外夷之心譯出呈詞鈔給閱看將此諭令知之○又諭本日據都察院奏河南民人郭萬林以李語和謀造妖言等詞呈控已明降諭旨交該撫訊辦矣該省無生老母庵像前於十八年間曾經降旨拆毀何以至今復有違禁重修之事延至三年地方官並未查勘禁止且李語和被控霸占段齊氏一案亦未據該地方官拘犯審訊著鄂順安親提人證嚴切訊究如實有託夢造言霸占民婦等事即著從嚴懲辦

斷不准稍有瞻徇回護。致蹈化大為小。化有為無惡習。並即一面派委委員。馳往勘查。如果實有無生老母庵像。即著拆毀禁止。務期淨盡。毋任稍留遺址。致鄉愚被其煽惑。將此諭令知之。尋奏。委員訪查。裕州境內向有老姥庵。道光十九年拆毀。並無重奉無生老母情事。李語和買婁齊氏。並非霸占。郭萬林依募越赴京告重事。不實。例發邊遠充軍。下部議從之。○新授庫倫辦事大臣麟慶因病解

任。賞歸化城副都統成凱。副都統銜。為庫倫辦事大臣。調鑲白旗蒙古副都統盛璉。為歸化城副都統。○甲申。禮部以會試中額請。得旨。滿洲取中六名。蒙古取中二名。漢軍取中四名。直隸取中二十名。奉天取中二名。山東取中十六名。山西取中十名。河南取中十四名。陝甘取中十三名。江蘇取中十六名。安徽取中九名。浙江取中十八名。江西取中十六名。湖北取中九名。湖南取中八名。福建取中

九名。廣東取中十名。廣西取中七名。四川取中八名。雲南取中八名。貴州取中七名。○以新授庫倫辦事大臣成凱。兼鑲白旗蒙古副都統。○以甘肅蘭州道唐樹義。為陝西按察使。○以故甘肅平番縣西五渠土百戶楊國寶子得榮。四川成綿龍茂道屬毛革阿按塞土千戶立窩亞子桑吉。各襲職。○乙酉。

上詣綺春園問

皇太后安。○丙戌。諭內閣。此案囊素羅布桑曲

墊更定初正。工布。經已革諾們汗令為遞呈控訴。該喇嘛等尚未遞呈。即被拏獲。現經訊明。實無寄資黃緣情弊。著與代為送信之老桑連楚扎壩三丹。及工布家人丹桂。均無庸議。其應分別解交管束之處。著交理藩院辦理。囊素羅布桑曲。墊所帶各貨。內有伊自帶之物。著由理藩院分別給領。○丁亥。諭軍機大臣等。前有旨。令文慶等將已革諾們汗呈內所稱章嘉呼圖克圖到藏時。親求紅教呢

瑪經及第穆呼圖克圖不能安靜等情查辦。茲據章嘉呼圖克圖呈遞親供。據實登覆。甚為明晰。所有前交該尚書等查辦章嘉呼圖克圖及第穆呼圖克圖各款。著毋庸議。將此諭令知之。○添製福州滿洲營擡槍四十桿。從將軍敬敷請也。○戊子。

上詣

時應宮。

昭顯廟拈香。○還宮。○陝甘總督富呢揚阿

平定回疆

上

奏訪獲傳習青蓮教匪徒夏長春等。按律懲辦。得旨嚴密查拏。務要淨絕根株。不准稍有

不盡之處。○以孟夏時享

太廟。自是日始。齋戒三日。○庚寅。陝西巡撫鄧

廷楨奏請入覲。得旨。汝係曾任封疆重任之人。何須面諭。徒延時日。一切認真努力。老當

益壯可耳。○以前任庫倫辦事大臣容照署

正紅旗滿洲副都統。○貸山西交城。臨汾。洪

洞翼城。鄉寧。長治。永寧。靈邱。陵川。猗氏。榮河。

忻。定襄。五臺。河曲。永和。寧遠。十七廳州縣歉收貧民倉穀展緩右玉。平魯。保德。隰寧。鄉寧。遠陽。曲。霍。靈石。臨汾。十廳州縣買補倉穀。

平定回疆

上

大清宣宗效天符運立中體正至文聖武智勇仁慈儉勤孝敏成皇帝實錄卷之四百十五

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百十六

臣等謹將宣宗成皇帝實錄卷之四百十六內開列各事恭摺具奏  
宣宗成皇帝實錄卷之四百十六內開列各事恭摺具奏  
宣宗成皇帝實錄卷之四百十六內開列各事恭摺具奏  
宣宗成皇帝實錄卷之四百十六內開列各事恭摺具奏  
宣宗成皇帝實錄卷之四百十六內開列各事恭摺具奏  
宣宗成皇帝實錄卷之四百十六內開列各事恭摺具奏  
宣宗成皇帝實錄卷之四百十六內開列各事恭摺具奏  
宣宗成皇帝實錄卷之四百十六內開列各事恭摺具奏  
宣宗成皇帝實錄卷之四百十六內開列各事恭摺具奏  
宣宗成皇帝實錄卷之四百十六內開列各事恭摺具奏

教修

道光二十五年乙巳夏四月辛卯朔享

太廟

上親詣行禮 馬蘭鎮總兵官善燾因病解任  
以署正紅旗滿洲副都統容照為馬蘭鎮總  
兵官兼總管內務府大臣 以常雪祀  
天於

園丘自是日始齋戒三日 壬辰諭軍機大臣  
等奸民習教傳徒造言惑眾最為風俗人心  
之害必應嚴行懲辦淨絕根株前據寶興富  
呢揚阿李星沅各奏訪獲青蓮教匪查辦情

形均令嚴密拏究毋稍疏縱本日復據李星  
沅奏訊明現犯供情由四川素習青蓮教之  
李一原分途密遣輾轉煽惑又據裕泰等奏  
緝獲匪犯陳依精等亦供有李一原勸令喫  
齋扶乩騙錢之語是李一原布散妖言轉傳  
徒眾實為此案教首現雖據川省拏獲其弟  
及伊子到案而該犯聞風潛竄著各該督撫  
嚴飭所屬無分畛域迅速兜擒務須剋期弋  
獲盡法懲治至陳汶海彭超凡郭建汶等主

壇立教詭稱總辦收圓大事實屬法所難容  
亦著一體嚴拏毋任縱脫其現獲各犯即著  
研訊確供按律定擬不准稍有避就以至不  
實不盡至湖北所獲之犯供出商同習教各  
姓名有籍隸湖南江南雲南之人又有逃往  
山東河南江浙等省之說即難保李一原等  
不依其同類潛匿各省著該督撫再行確訊  
何人籍隸何省並根究李一原等確蹤飛咨  
各該省按照匪犯姓名通行按緝一律究辦

母得稍有遲延致有一名漏網其捏投假信  
輒行潛逃之張蔚澤並著裕泰等究明拏辦  
將此各諭令知之○調雲南昭通鎮總兵官  
王鏞為山東曹州鎮總兵官曹州鎮總兵官  
福克精額為昭通鎮總兵官○癸巳

上詣

南郊齋宮齋宿○甲午常雩祀

天於

圓丘

上親詣行禮○詣

關帝廟拈香 幸圓明園○詣綺春園問

皇太后安○乙未諭內閣戶部奏罰賠庫貯銀

兩案內續報病故各員名其接續承追之子

孫可否酌予限期原任大學士曹振鏞罰賠

減半銀兩經伊子曹恩溟呈繳過銀一萬二

千兩曹恩溟現已身故應在伊孫曹紹桐名

下追繳因念曹振鏞由大學士在軍機大臣

上行走多年人品端方趨公敬慎所有未完

銀一萬二千七百五十兩著加恩免其追繳  
至載構代賠伊祖綿昌減半銀兩係接續承  
追之孫著於原限之外推展六箇月責令依  
限完繳嗣後如有接續承追各員名均著照  
此辦理○又諭吳文鎔奏江西糧道應解通  
州輕齋銀兩援案請由司庫正項借動漆解  
等語此項銀兩既因各屬未能先期解到著  
准其在於司庫正項內暫借銀五萬兩俾資  
漆解該撫即嚴催各屬趕緊徵完勒限解還

司庫歸款母任稍有懸宕向來各省正項銀  
兩不准率請借用前因湖北山西請借用地  
丁銀兩曾降諭旨概不准動嗣後該省應解  
輕齋一款著該撫於新漕起運以前通盤覈  
計如遇不敷著另籌他款應用不准擅借司  
庫正項以昭慎重○又諭載垣等奏叅班內  
任意肆行用鞭之乾清門三等侍衛穆克登  
保一摺穆克登保因班內乾清門二等侍衛  
佛隆阿之馬咆哮將佛隆阿用鞭毆打殊屬

不法穆克登保毋庸交部議處即著逐出乾清門降為藍翎侍衛在大門上行走。鑲白旗滿洲副都統恆興因病解任調正黃旗漢軍副都統倭什訥為鑲白旗滿洲副都統以內閣學士敬徵為正黃旗漢軍副都統管圓明園事以河南勸捐中牟大工經費出力予已革兩江總督牛鑑以主事用餘升敘有差。丁酉諭內閣德誠奏。

泰東陵明樓臺面工程續經查出情形請派員

查勘一摺著派陳官俊前往敬謹勘估具奏。又諭前據御史江鴻升奏兩淮運司幕友章雪門與書吏庫官狼狽為奸等語當有旨交壁昌確查具奏茲據奏稱派委妥員查明章雪門在運司署中十餘年素性孤介從未出署與人交接於庫項尤不肯稍事通融既據該督逐款查明章雪門並無狼狽為奸實跡該御史所奏著毋庸議。又諭經額布奏派委官兵採取東珠一摺近來均於採取東

珠年分前期請旨本年經額布並未先行請旨即派委官兵採取殊屬疏忽經額布著交部議處本年既經派委著准其採取嗣後派委官兵採取東珠之時務著豫先請旨。諭軍機大臣等據壁昌奏該省籌備善後事宜工鉅費繁現在紳民認捐經費除辦理礮墩兵房外尚有籌鑄大礮添備鉛彈需用之項正多請俟各項經費捐足後即行停止等語該督為善後經費起見自應酌量推展但不

可漫無限制所有此項捐輸總不得過本年底該督仍體察情形如經費捐足不必拘定年底之限即行隨時奏請停止將此諭令知之。戊戌諭內閣戶部奏裕誠應交罰賠庫貯銀兩遵照奏定章程全數完繳所有裕誠革職留任處分著加恩開復以貝子奕格署鑲黃旗滿洲副都統己亥諭內閣載初著賞給應封二品頂帶溥和著賞給應封三品頂帶溥煦著賞給四品頂帶。諭軍機

大臣等前據裕泰等奏緝獲青蓮教犯當諭令研訊確供按律懲辦本日又據奏續獲從犯究出夥黨竄匿處所飛咨各省一體緝拏等語覽奏均悉該犯等現在供詞恐尚有不實不盡仍著嚴飭承審各員再行確訊如續行究出夥犯姓名著即一面咨拏一面具奏其所供湖南教犯彭超凡張致讓等已據委員前往守提務須獲案究辦該督等辦理此案務在根究確情毋稍縱脫亦不得拖累平

民是為至要將此諭令知之○又諭裕泰等奏續獲習教從犯究出夥黨潛匿處所飛咨緝拏並開具清單呈覽據單內開謝致良即謝克畏係湖南人隨帶徐傳貴文先覺鍾大環在河南省傳教兼傳直隸住處在開封府城門上有任洗心堂條子等情奸民習教傳徒最為地方之害直隸為畿輔重地該犯等膽敢傳教惑人尤應迅速查拏盡法懲治著訥爾經額嚴飭各屬密行訪查如果有謝致

良等私匿境內設教傳徒情事即著嚴密掩捕務期弋獲仍須不動聲色毋得累及平民轉滋驚擾其所供開封府城住址果否確實並著鄂順安遴派幹員按照供詞密速查辦至此案青蓮教首李一原並主壇立教之陳汶海彭超凡郭建汶等現尚在逃前已分飭陝甘四川等省一體兜擒亦恐該犯等依其同類潛行竄匿著訥爾經額鄂順安一併飭查毋任漏網以儆邪慝而淨根株將此各諭

令知之○尋鄂順安奏拏獲謝致良即謝克畏訊明拜從楚省陳依精即陳汶海為師傅徒惑眾請即正法汪秋陽等分別遣杖下部議從之○修浙江蕭山縣濱江石塘從巡撫梁寶常請也○庚子以戶部尚書賽尚阿為滿洲繙譯會試正考官內閣學士慶錫為副考官○修浙江仁和海寧二州縣海塘從巡撫梁寶常請也○辛丑上詣綺春園問

皇太后安○壽恩固倫公主下嫁世襲一等公故工部尚書博啓圖子景壽○壬寅諭內閣穆彰阿等奏遵旨會議查封已革諾們汗資產請援照前案分別賞給各寺廟喇嘛等語西藏地處邊陲該喇嘛等素蒙賞賚此次查封已革諾們汗阿旺扎木巴勒粗勒齊木金銀估變等項共銀十四萬四千餘兩著該大臣勘明西藏各寺廟應行修理者即於此項內動用興修所餘銀兩分別賞給前後藏各寺廟喇嘛以示優恤至所稱抄出米二百八十七石麥豆青稞共六千九百四十九石並著賞給前後藏番官兵丁俾得均霑惠澤所有前項分別給賞名數仍著該大臣查明開單具奏○癸卯諭軍機大臣等有人奏直隸大名府屬七州縣界連齊豫為盜匪出沒之鄉近來聚至二三百人白晝橫行黃夜肆劫並有盜窩排列鳥槍擊斫夜巡以防官兵查拏至山東之定陶曹縣冠縣濮州河南之滑

縣封邱等處皆其夥黨所居又大名各屬民人多習邪教恐與盜犯彼此勾結請飭密速查拏等語盜匪肆行劫掠邪教煽惑人心最為地方之害著該督撫等嚴飭地方文武員弁不分畛域實力查拏並於三省交界地方協力兜擒勿任此拏彼竄如查有不肖州縣及庸懦武弁畏葸諱飾等情即著指名叅奏毋得受人蒙蔽經此次飭拏之後儻敢視為具文該三省仍有盜案及習教傳徒之事惟

訥爾經額崇恩鄂順安三人是問恐不能當此重咎也懍之原摺著鈔給閱看將此各諭令知之○命雲貴總督桂良留京署鑲黃旗蒙古都統以貴州巡撫賀長齡為雲貴總督○甲辰調雲南巡撫吳其濬為福建巡撫福建巡撫惠吉為雲南巡撫以山西布政使喬用遷為貴州巡撫四川按察使潘鐸為山西布政使陝西延榆綏道劉喜海為四川按察使○乙巳諭內閣劉韻珂奏查明閩浙水師



中勤奮懈怠各員弁分別鼓勵參處一摺所奏是水師關繫甚重自應明示勸懲所有巡緝出力著有勞績之福建署水師提標左營遊擊事右營遊擊劉建勳閩安協右營守備陳興隆前護浙江温州鎮總兵定海鎮標右營遊擊葉紹春署浙江提標左營千總新拔瑞安協左營千總趙振昌均著以應升之缺儘先升用以昭激勸其追捕疲輒未能勇往直前之福寧鎮標左營遊擊黃進發著以守備降補水師提標左營千總石兆生著以外委降補以為不知振作者戒諭軍機大臣等劉韻珂等奏籌辦福州廈門兩處夷人住處情形覽奏均悉該督等既與該夷要約自必確有把握不至徒託空言總之該夷首等情既詭詐性復貪刁惟有妥為駕馭於一切機宜密之又密不可稍露端倪該督等身膺海疆重寄責無旁貸應隨時體察情形相機辦理將此密諭知之閩浙總督劉韻珂議

覆御史江鴻升奏水師巡哨章程閩省南澳之盡頭應令南澳鎮右營兵船於每年四月初一八月初一兩日與該鎮粵屬之左營兵船會哨於雲澳洋面再於四月二十日令水師提標南幫委巡兵船巡至雞母澳洋面帶同本處巡船與南澳右營兵船會哨一次均由南澳鎮取結繳報其北洋之盡頭應令烽火營兵船於每年三月初一八月初一兩日與浙江瑞安協兵船會哨於蒲門洋面再於八月初十日令水師提標北幫委巡兵船巡至虎頭鼻洋面帶同本處巡船與瑞安協兵船會哨一次由福寧鎮温州鎮分別取結繳報下部議從之賞廣東陣亡副將陳連陞次子起鵬舉人一體會試以防堵出力予福建縣丞來錫蕃等升補有差丙午月食命於黑龍潭覺生寺設壇祈雨

上詣

黑龍潭神祠拈香命

皇四子 詣

覺生寺皇五子奕誼詣清漪園

龍神廟皇六子奕訢詣靜明園

龍神廟惠親王綿愉詣

宣仁廟

凝和廟瑞郡王奕誌詣

昭顯廟

時應宮拈香（大學士軍機大臣潘世恩等會同刑部奏審訊藉端訛詐及得受陋規之已革兵部員外郎伊琳等分別定擬得旨已革兵部休致員外郎伊琳既知書吏章熙吸食鴉片煙並不據實究辦輒敢藉端訛詐錢文寶屬卑鄙著從重發往新疆效力贖罪已革兵部候補主事恩麟以掌印司員不知自愛兩次得受書吏年終規禮著從重發往軍臺效力贖罪各衙門掌印例應於郎中員外

內揀派從前嘉慶年間曾明降

諭旨兵部堂官何得誣為不知乃必派一候補主事署掌印鑰即云一時揀選乏人何以遲至三年之久不行改派試問該部四司之郎中員外除恩麟而外再無堪掌司印之人耶至伊琳藉煙索詐既經恩麟等查出回堂自應據實奏參何得以差使嫻惰之言含混叅劾意圖了事書吏在署吸食鴉片大干例禁尤應立予嚴懲即云事屬風聞尚無確據亦當奏交刑部研訊實情按律辦理何得僅予斥革致令遠颺又失察司員收受陋規書吏需索使費該堂官種種錯誤咎實難辭著交部分別嚴加議處其失察之該管司員著該部查取職名分別議處逸犯章熙杜焜著步軍統領衙門順天府五城及浙江直隸河南各督撫一併嚴飭緝拏務獲審辦（丁未）

孝端文皇后忌辰遣官祭

昭陵（諭軍機大臣等奕經等奏查出霍爾罕

可開荒地試驗水利充裕一摺現在全慶會同林則徐查勘各城墾荒事宜著於行抵葉爾羌時即將霍爾罕荒地情形一併確切查明是否可以開墾並應否賞給無業回戶承種交糧之處妥為定議由布彥泰覈明具奏原摺鈔給閱看將此諭知布彥泰全慶並傳諭林則徐知之○河東河道總督鍾祥等覆奏通政使司參議齊承彥條陳河工善後事宜查中牟大壩自合龍後節經加鑲重局壘鎖實已穩固若岸水填土需費浩繁應請毋庸置議現仍遵旨寬貯碎石料物以資備防得旨頃王壽昌到京朕詢以合龍後大壩二壩並下游河道情形與汝所奏相同雖如是水長時仍當加意相機防守萬不可稍有怠忽○戊申

上詣綺春園問

皇太后安○莅壽恩固倫公主園諭內閣恒通等奏訪獲駐防閒散與民人往來潛誦經

文請飭交審辦一摺此案塔沁布等與民人劉悅來等私相往來現據呈出懺悔課單堂規禮本等書多妄誕不經之語實屬有干法紀且難保無聚眾結會情事塔沁布倭什洪阿趕春著交裕泰親提各犯訊取確供嚴行懲辦斷不准顛預了事其供出之民人劉悅來雷曰川周德象及朱姓等著嚴飭該地方官按名查拏歸案究辦並確查此外如有不法兵丁一併從嚴懲治以期淨絕根株毋得稍有不實不盡恒通忠靈德凌阿雖經飭屬訪獲究未能先事覺察均著先行交部議處○以捐造沿海礮臺予山東知縣張攀桂等升敘有差○己酉禮部以繙譯會試中額請得旨取中二名駐防取中三名○庚戌諭軍機大臣等據寶興奏續獲邪教匪犯訊取大概供情一摺四川省前獲青蓮教匪犯因有要犯李一原未獲曾經降旨嚴密查拏茲據該督奏續獲匪犯多名據鄭子青供稱現在

總教主姓朱名中立在湖北掌教暗號八牛  
並據吳懷琦供稱有范秉書其人係屬江南  
教主等語著湖北江南各督撫飭屬嚴密查  
拏朱中立范秉書務獲嚴審究辦至王化心  
一犯業經節次熬訊神色不變仍應設法嚴  
究令其據實供吐毋任狡展所有李一原一  
犯既據查明逃往重慶一帶自應上緊緝拏  
其餘供出各要犯務須按名弋獲以淨根株  
不准稍留餘孽將此各諭令知之 以大學

士穆彰阿禮部尚書特登額吏部右侍郎侯  
桐禮部左侍郎馮芝兵部左侍郎朱崢工部  
右侍郎福濟周祖培內閣學士羅文俊為殿  
試讀卷官 辛亥策試天下貢士蔣超伯等  
二百十七名於保和殿制曰朕繡膺大寶統  
御寰區中外乂安於茲二十有五載仰荷  
昊蒼眷佑  
列聖垂庥敕命時幾兢兢業業深念崇登進以  
熙治績籌積貯以裕倉儲敦教化以正風俗

奮武衛以詰戎兵期膺上理延訪為殷爾多  
士拜獻先資對揚伊始冀聆譚論式贊嘉猷  
治天下者莫重乎進賢用人舜典曰明試以  
功敷奏以言皋陶謨曰亦言其人有德乃言  
曰載采采知人則哲自古其難帝世若是其  
鄭重也乃後世君臣相得或取決於立談之  
頃若張良之以石投水王猛以異符同契何  
耶大智若愚大詐若忠或外忠而內奸或始  
賢而終佞察其誠偽辨其邪正厥道何由夫

君子小人各從其類然如諸葛亮李泌司馬  
光諸人卓然名世必無徇私阿比之習而其  
所薦舉者或未必皆賢或反為其所誤抑又  
何說孔子曰取人以身程子曰在己者能知  
言窮理則能以此察人斯則濬其源之論也  
試更闡發而詳言之夫食為民天周禮倉人  
藏粟旅師聚粟遺人委積其為儲蓄甚備常  
平倉義倉社倉立法最善然行之既久均不  
能無弊元史所載河西務十四倉京師二十

二倉通州十三倉即今制所由昉顧天庾轉輸丁胥叢雜回漕撓和之弊何以杜之平糴所以便民其後或築富人倉或置東西市果可遵歟管子守國守穀之說李愷糴三糴二糴一之論所言果有當歟宇文融之益貯九穀孫成之發倉賤售皆有可採歟豐歉因乎歲久暫因乎時燥溼因乎地果何術而使儲積無紅朽之虞售易無騰踊之患歟則轉輸之法糴糴之宜久貯之方平價之道非尤宜

亟講歟司徒修六禮明七教凡以節民性興民德也坊記數千百言皆以坊民而已故周禮有禁競之官王制嚴左道之律我國家化澤涵濡士大夫讀書明理自不為異論所移至鄉曲蠢愚或誘於禍福之說往往有焚香誦經自罹法網若概從禁絕則祈報蜡社皆將為吏胥需索之端如慮其滋擾而不為之坊又恐姦黠匪徒輟轉煽惑釀成巨案今將為杜漸防微清源正本使愚氓盡知禮義之

維而奇衷不作其何道之從歟古無所謂兵凡民皆兵也無所謂將六卿皆將也周官之制居則為比閭族黨州鄉出則為伍兩卒旅師軍至春秋而晉有爰田楚有兩廣古制日紊嗣後崇卒用徒車戰又廢豈古之制不宜於後歟漢則內有南北軍外有郡國兵厥制奚若唐之府兵最為近古何以改為彍騎宋收節度之權改為更調孰為合宜明之五軍都督府猶有唐府兵遺意何以改為十二團

營又改為三大營歟夫兵可百年不用不可一日無備其何以副朕整飭戎行設兵衛民之意乎凡厥四端克知灼見之用惠民利濟之方安良除莠之謨經武整軍之要皆立政之大綱保邦之至道也多士學於古訓通知時事以敷奏為明試務收實用毋披膚辭朕將親覽焉諭軍機大臣等據訥爾經額奏遵旨嚴查大名府屬緝盜情形一摺大名府屬州縣與豫東接壤素多盜賊教匪該督現

議舉行聯莊之法勸諭民間互相保衛並於要隘之處添設卡座分撥兵役同為守助全在實力奉行不准有名無實至盜匪出沒無常現在雖查無劫案仍當嚴飭該地方文武員弁加意巡緝並著飭令該委員等嚴密訪查如實有盜匪肆劫及邪教傳徒煽惑即會同密速擒拏勿任竄逸該督務當認真整頓以除奸宄而安良善不可視為具文日久生懈將此諭令知之 賞會試年老舉人李肇

文等十二人編修檢討學正街有差 壬子引見甲辰科散館人員得旨此次散館之修撰孫毓淮編修周學濬馮培元業經授職二甲庶吉士何彤雲蕭浚蘭馮譽驥馬儀清吳駿昌李杭王恩祥張廣居王之翰龔自閔周玉麒陳廷經宋玉珂劉熙載寶奉家注廷儒章嗣衡吳惠元王景淳張桐啟文宋晉林汝舟孫鳴珂邊浴禮殷壽臻方濬頤李宗焱富呢雅杭阿均著授為編修三甲庶吉士李光

彥杜翰袁泳錫楊元白青慶宗室煜綸均著授為檢討劉祝庚克明金鈞鍾宜年鄧廷楠華日新趙綬章胡連耀張弼劉琨耀陳壽圖均著以部屬用 以雲南巡撫惠吉為陝甘總督陝西布政使鄭祖琛為雲南巡撫福建按察使裕康為陝西布政使山東鹽運使陳士枚為福建按察使 以辦理淮北票鹽出力予監掣同知童濂等升敘有差 予故陝甘總督富呢揚阿祭葬如例 癸丑諭內閣

罰賠庫款案內所有本身及子孫限滿未能完交各員名現經在部及各直省監追者俱著即行釋放其賠項應如何另定期限追繳之處著戶部妥議具奏 甲寅

上詣

大高殿行禮

時應宮拈香 還宮 御乾清宮召讀卷官

入親閱定進呈十卷甲第 乙卯

上御太和殿傳臚賜一甲蕭錦忠金鶴清吳福

年三人進士及第二甲鍾啓峒等九十八人進士出身三甲奎章等一百十六人同進士出身幸圓明園詣綺春園問

皇太后安命

皇四子

天神壇皇五子奕諒詣

地祇壇皇六子奕訢詣

太歲壇祈雨遣固倫額駙德木楚克扎布

詣密雲縣

白龍潭拈香丙辰諭內閣前因兵部堂官

違例派署掌印又於司員索詐書吏吸煙並

不據實奏辦當交部分別嚴加議處茲據吏

部都察院會議具奏前任兵部尚書裕誠兵

部尚書許乃普左侍郎道慶朱嶸派委候補

主事署掌印鑰三年之久不行改派又於伊

琳索詐書吏吸煙並不據實奏明本應照議

革職姑從寬改為實降五級調用前任兵部

右侍郎惟勤祝慶蕃違例派署掌印後旋經

調任著加恩改為革職留任八年無過方准開復前任兵部右侍郎福濟署兵部右侍郎周祖培奏叅不實著改為革職留任前任兵部右侍郎舒興阿侯桐前署兵部尚書陳官俊前任兵部右侍郎倭什訥兵部右侍郎瑞常前署兵部左侍郎趙光於恩麟派署掌印均未能查明更正舒興阿侯桐又失察司員得受陋規著照議降四級留任陳官俊倭什訥瑞常趙光著照議降三級留任俱不准其

抵銷兵部員外郎王鍾著照議降一級留任再罰俸一年不准抵銷以署鑲黃旗蒙古都統桂良署兵部尚書兼正白旗漢軍都統戶部左侍郎何汝霖為兵部尚書內閣學士敬徵為工部尚書調鑲紅旗漢軍副都統花沙納為正黃旗滿洲副都統以刑部右侍郎斌良兼鑲紅旗漢軍副都統內閣學士戴增兼正黃旗漢軍副都統署鑲黃旗滿洲副都統奕格兼鑲紅旗護軍統領丁巳諭軍

機大臣等劉韻珂等奏會籌酌改浙西善後各工勸捐辦理一摺浙西善後各工經該撫梁寶常親履查勘擇其尚須變通者會同劉韻珂等彙籌酌改著即照議辦理務須按照形勢因地制宜與其明為設臺不能得力不如暗中設伏可以制勝總期屏絕虛文事事從實庶幾有備於平時可冀得力於臨事至浙江捐輸前已降旨准展至八月底著仍遵前旨屆期停止不得再行推展將此諭令知

之○轉戶部右侍郎賈楨為左侍郎兼管三庫事調工部左侍郎徐士芬為戶部右侍郎兼管錢法堂事務轉兵部右侍郎孫瑞珍為左侍郎仍留江西學政任以內閣學士羅文俊為工部左侍郎趙光為兵部右侍郎○調盛京刑部侍郎德厚為兵部左侍郎盛京兵部侍郎廣林為盛京刑部侍郎以內閣學士齡鑑為盛京兵部侍郎以禮部左侍郎連貴兼署正黃旗滿洲副都統○戊午命翰林

院編修徐士穀在上書房行走修浙江東塘柴石等工從巡撫梁寶常請也○己未孝慎皇后忌辰遣官祭

陵寢○諭內閣各衙門掌印司員應儘職分較大之郎中員外揀派不准以主事管帶印鑰嘉慶年間曾經明降

諭旨各部堂官原各欽遵辦理乃兵部堂官以候補主事恩麟派署掌印即使一時乏人派令暫署已屬不可何得延至三年之久不行

實錄卷四十六

奉

另派有意將錯就錯所有辦理乖謬之兵部堂官業已分別嚴加議處因思御史本有稽查各衙門之責早應據實糾參何以緘默不言所有稽查兵部之山西道御史著都察院查取職名交部議處○以翰林院侍讀學士朱鳳標為內閣學士兼禮部侍郎銜○庚申諭內閣刑部奏查出山西司積壓文書不辦據實檢舉此案該司書吏收到文書延擱不辦殊出情理之外著派卓秉恬賽尚阿徹底



清查據實具奏刑部堂官著先行交部嚴加議處○以捐修吐魯番軍臺兵房予佐領六順等加銜升用有差

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百十六

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百十七

[illegible]

執修

道光二十五年乙巳五月辛酉朔以京畿得

雨遣惠親王綿愉詣

天神壇瑞郡王奕誌詣

地祇壇成郡王載銳詣

太歲壇報謝諭內閣潘錫恩奏親詣臨清

堰較量現在清高於黃已將臨清堰啓放等

語本年重運漕船所有跟接抵壩之儀徵鎮

海後蘇白糧三幫軍船一百隻皆已隨到隨

渡趁此清水暢順之時軍船銜尾而來正可

藉資浮送著潘錫恩程喬采飭催漕艘跟幫

前進務當晝夜趨行不准一幫脫空並嚴飭催漕押運各員弁實力督催毋得遲延貽誤該河督等仍當相機妥辦以速漕行而重運務命戶部尚書祁寯藻工部右侍郎福濟教習庶吉士授一甲一名進士蕭錦忠為翰林院修撰二名進士金鶴清三名進士吳福年為翰林院編修壬戌

上詣綺春園問

皇太后安御勤政殿聽政諭軍機大臣等

布彥泰奏英吉沙爾卡倫被布魯特滋擾情形一摺據稱接准奕經知照英吉沙爾卡倫有布魯特多人撲入圖木舒克卡倫並有布魯特傳牌分撲各卡到城見面之語查係阿克蘇和闐葉爾羌喀什噶爾等城大阿渾勾結卡外布魯特滋事現派員馳往偵探等語該布魯特等膽敢撲入卡倫戕害兵丁並有各城大阿渾勾結之言必應迅速勦辦不可稍事遷延致使滋蔓著布彥泰探訪確情該

布魯特等究竟因何起釁賊匪共有若干所撲卡倫共有幾處如果賊勢猖獗須兵接應該將軍或自行帶兵前往或派得力將弁馳往應援均著體察情形妥為斟酌一面相機辦理一面迅速奏聞該將軍仍當知照各城嚴守卡倫一律防範如布魯特闖入滋擾即行協力兜擒毋得稍有疏虞將此由五百里諭令知之以通政使司通政使李嵩為都察院左副都御史調庫爾喀喇烏蘇領隊

大臣佛爾金布為伊犁領隊大臣伊犁領隊大臣都廣為庫爾喀喇烏蘇領隊大臣命候補翰林院侍講學士戴熙提督廣東學政禮部議准江蘇巡撫孫善寶疏報採訪上元縣節烈婦女夏許氏等一百十四口請建總坊旌表從之癸亥孝誠仁皇后忌辰遣官祭景陵甲子以捐辦廣東礮位予巡檢潘廷輝等升敘有差乙丑引見新科進士得旨一

甲三名蕭錦忠金鶴清吳福年業經授職外  
鍾啓岫周壽昌陳介祺何桂芬徐元勳蔣志  
淳馮琛孫鼎臣李聯琇張正椿閻敬銘童福  
承潘遵祁阜保貢璜沈炳垣袁芳瑛左瑛李  
國棠楊翰郭驥遠孟培楨胡瑞瀾劉書年周  
士炳黃廷綬宜振章光斗憚世臨羅嘉福蕭  
玉銓陳泰初曹驊沈錫慶徐德周呂序程何  
廷謙張守岱王榮第李鶴年李夢周曹炳燮  
奎章羅寶森毛昶熙丁士元閻翥鵬徐蒿生  
徐嘉岳雲衢包煒俱著改為翰林院庶吉士  
王憲成陳敬簡梁經先王錫齡何秋濤張璣  
馮棧趙炳堃劉榮琪尚慶潮周輯瑞文起胡  
澐夏家泰謝謙亨林壽圖鄭錫瀛蔣超伯容  
文明孟傳金徐時樑華定祁潘桂高倬宗室  
定綸林廷選張觀鈞繆嘉穀裕豐恩隆沈丙  
瑩張兆棟高貢齡文祥裴望洙陳廣德郎應  
宿何棧朱枏朱慶芬柏春王贊襄李國梓葉  
廷杰俱著分部學習黃文奎郭印瑚路璜劉

伯頊李廷楷高會嘉顧駿張和姚寶銘王殿  
麟高長紳蔡廷蘭鄭東華朱德濡蔡世佑孫  
培金李義得吳昌壽邊厚慶黃汝梅封毓璋  
王書勳趙桂芬郭志融任輝第杜受履朱鳳  
樓姚玉田劉興桓閻海林趙東曙陳應台陳  
德詮華廷傑王鍾湛宋維屏張敏行楊子儀  
李毓珍李維著申逢吉黃光周顧鴻遠豐安  
楊照葵李朝儀梁汝弼莫廷蕃張大觀張炳  
堃于醇儒張鍾彥密雲路文穎黃輔相俞雲  
錦池劍波陳其晟陳崑謝邦鑑祝祐呂式古  
呂銓楊本厚冷嘉植黃廷瓚朱國賓李珣韓  
一松鄭之鍾莫熾李成芳謝蘭省衛東陽程  
培禮許鳳翔仲孫樊邵啓元王汝舟周灝楊  
上達張凱嵩鍾榮光車汝震潘毓瑞王萬齡  
施瓊芳焦肇瀛黃恩霽劉體中林澤芳黃開  
泰馬玉堂任殿選成福饒褒甲董炳章唐守  
道周仁壽姚體儼趙潤芳黃士元王者詔陳  
光前賀莊任秩五胡啓文吳冠庠張奮翼陳

汝峯世昌李重華俱著交吏部籤掣分發各省以知縣即用餘著歸班銓選○諭軍機大臣等前據布彥泰奏英吉沙爾被布魯特滋擾情形當諭令該將軍探訪確情斟酌辦理茲據奕經等奏稱英吉沙爾喀什噶爾均經派出伯克帶領回兵在索胡魯克射斃賊匪二名擒獲多名現在該賊匪等業經遠竄地方安靜等語此案該布魯特等糾眾滋事旋即解散辦理尚為迅速惟賊情詭詐城卡各

處仍宜加緊嚴防不可以賊匪竄逸稍涉大意致有疏虞至啓釁緣由最關緊要著該大臣等將現獲各犯嚴行訊鞠務得確情毋許稍有不實不盡該匪等傳牌聚眾稱係各城大阿渾等勾結滋擾是否實有其事尤須查訊明確分別辦理著該大臣等一面嚴密訪查一面撫諭該大小阿渾等務須明白開釋各令相安毋任稍存疑貳是為至要至該布魯特與阿奇木信紙內稱因愛里雅爾殺過

多人是以滋事是否果係實情並著詳細究明毋令含混其英吉沙爾迤東既無賊匪臨近情事該兩臺弁兵何得忽然退避以致文報不通殊出情理之外務即確切查明從嚴懲辦將此由四百里諭令知之○又諭陸費璵奏續獲習教匪犯訊供解赴湖北審辦一摺該省現經拏獲言致讓即言柏亭等九名口並起獲經卷圖像及往來書信等件語多荒誕尚無違背不法字句惟訊據該犯等或

供業經改悔或稱並未傳徒自應歸案質訊著照議辦理其已獲尚未解審各犯著俟解到時提同現犯訊明實在供情分別解究至未獲之彭依法張致讓朱中立等即著嚴飭各屬勒限密拏迅速獲案究辦以淨根株而息邪慝將此諭令知之○直隸總督訥爾經額奏報得雨得旨覽奏俱悉京師於前月二十六日雖雷雨澤未逾二寸且時屆芒種麥難望收朕心憂惕之至幸初三日已刻雲陰

密布雷雨交加時小時大直至夜之子刻方停十分透足朕敬謝

天恩倍深懍感慶幸之至旌表守正捐軀直隸沙河縣民徐萬年妻彭氏（丁卯諭軍機大臣等崇恩奏籌畫緝捕經費請酌借銀兩等語據稱查拏曹州府屬匪徒非重賞購線及酌給兵役盤費口糧不能確探賊蹤實力勦捕該省司庫現無閒款動支著准其於捐輸經費項下酌借銀五萬兩歸入海防攤款

照案扣廉彌補免其造冊報銷現因緝捕既籌有經費非無米之炊該撫務當嚴飭文武員弁認真緝捕協力拏斷不可將零星匪徒緝獲數名塞責務將該地方著名匪徒全數弋獲以除兇暴而安善良毋得日久生懈貽患將來至此項經費由該撫覈實支發不准州縣濫行開銷如用有餘騰仍著撥回原款以杜浮冒將此諭令知之（戊辰諭內閣德春等奏南糧幫船行走遲滯請旨飭催一

摺本年南糧頭進幫船業經先後挽入東境迄今一月有餘尚未行抵直隸境內行走實形遲滯總因運河水淺以致守閘待剝種種耽延於漕運大有關繫著山東巡撫河東河道總督迅速設法籌水濟運務使一律深通勿致淺阻並著直隸總督於景州故城一帶嚴飭文武員弁認真疏濬多備剝船以利進行而速漕運（諭軍機大臣等現在火器營添製鳥槍需用自來響槍鞘著經額布於吉林地方採買五百桿無論何項木植總須自來響者方為合式該將軍每採得三四十桿即行解京餘著陸續起解以備該營製造之用將此諭令知之）撥安徽宣城南陵當塗巢合肥建平六縣漕米一萬一千二百石有奇協濟幫丁行月等米（修築山東運河加河捕河上河泉河五廳隄壩各工從河道總督鍾祥請也）己巳

上詣綺春園問

皇太后安。諭內閣前據琦善奏查辦已革諾們汗並糾眾搶奪各犯罪名一摺。當交軍機大臣會同該部議奏。業已降旨分別辦理。茲據奏稱上年冬間拏獲糾搶人犯二百一十名。內除情節較重者分羈朗仔轄碩里兩處。外其餘喇嘛一百八十名暫交回寺拘管。俱極安貼。現據公遞甘結。自稱不敢脫逃。尚知畏懼。自宜量加末減。所有原議各犯罪名應如何酌擬從輕之處。著該大臣悉心酌覈。再行定擬具奏。諭軍機大臣等有人奏匪徒聚眾肆劫。請飭拏辦一摺。據稱江蘇山東接壤地方盜匪肆行搶劫。本年四月初間有監生彭祖賢行至順河集地方猝遇羣盜持械圍車。將行李盤川盡行劫去。又山東武城縣縣丞彭祖芬由省赴任於三月二十九日在曹州府觀城縣客店住宿有盜匪百餘人入室搶劫行李一空。並傳聞羣盜過路槍聲不絕。似此恣意橫行。必應盡法懲辦。著壁昌陳

繼昌崇恩嚴飭所屬員弁於兩省接壤地方不分畛域協力查拏。務將各案要犯悉數弋獲。不准一名漏網。原摺著鈔給閱看。將此各諭令知之。○又諭有人奏江蘇上海縣至蘇州府一帶。有匪徒販賣鴉片。連檣載運。絡繹不絕。各船帶有火槍火礮。兵役畏其人多。勢橫不敢查拏。等語。販賣鴉片例應嚴禁。若如該御史所奏該匪等竟敢攜帶火器意圖抗拒。地方兵役亦遂不敢查拏。尚復成何事體。

著壁昌陳繼昌等確切查明。如果實有其事。即嚴飭該管文武員弁遴派幹練兵役實力查拏。嚴行究辦。毋得畏葸養奸。致貽後患。將此諭令知之。尋奏本年二月間上海縣知縣藍蔚雯訪聞該縣馬家廠地方有廣東監生梁耀發等私造船隻軍械。欲藉撥貨為名乘機搶劫。當即拏獲訊辦。彼時亦傳聞梁耀發係圖販煙漁利。因訊無確據。照棍徒例分別問擬。此外別無夥販鴉片攜帶槍礮兵役畏

慈不拏情事惟莠民趨利若鶩惟有隨時偵緝有犯必懲報聞。又諭前據布彥泰奏勘明庫車開墾地畝一摺當交軍機大臣會同戶部議奏茲據覈議具奏著即照所議辦理。因思回疆各城開墾荒地朕意原以內地民人生齒日繁每有前往各城營生謀食者如能將此項荒地招致戶民承種則地無曠土境鮮遊民日久可成土著俾得安所樂生原非為該處回戶另籌生計所以初降旨時有

查明具奏之語乃各城隨奏隨辦皆係輯瑞作俑以致共相效尤現在庫車地畝既據全慶等往勘請給回子承種納糧復經布彥泰覈奏自係因地制宜惟事當創始不可不豫防流弊著布彥泰等體察各處回情如有勒派苦累情事即不可強以所難稍存遷就將此諭知布彥泰並傳諭全慶林則徐知之○又諭布彥泰奏續接葉爾羌來信賊匪遁逃各城安靜情形一摺據稱有在索胡魯克居

住之喀什噶爾鐵匠回子阿瓦斯率領匪黨多人煽惑勾結等情經該處伯克帶領回兵追獲賊匪多名拏獲從逆回子九名一併梟首又有賊眾五百餘人經伯克等帶領回兵及民勇等追擊潰散並有大阿渾等沿路攔截賊眾已遠逃出卡等語該城鐵匠回子既查有煽惑勾結等情是傳播謠言即係此等匪徒不難從此根究著布彥泰派委妥員明查暗訪將首先散布謠言之犯嚴拏懲辦俾

回眾咸知畏懼各城大阿渾亦可以昭白乃心現在賊匪雖已逃出卡外仍當飭知各城防守卡倫不可稍存大意並著飭諭各阿渾照常辦事毋生疑慮至該將軍委員偵訪情形著俟查探明確後隨時據實具奏以慰廑注將此諭令知之○以睿親王仁壽署正白旗領侍衛內大臣鑲紅旗蒙古都統祿普兼署正紅旗蒙古都統○子故土爾扈特福晉喇什丕勒祭葬如例賞銀一千兩治喪○庚

午諭內閣本年恭遇

聖母皇太后七旬萬壽普天同慶王公百官著  
自十月初一日至二十日俱穿蟒袍補褂○

辛未諭內閣給事中黃宗漢奏請飭嚴革監  
獄弊端一摺監禁重地防守必應嚴密近來  
各省監犯每多越獄脫逃之案其平日疏於  
防範已可概見更難保獄卒等無私開刑具  
受賄縱放情事不可不嚴行查禁著各該督  
撫通飭各屬獄官振刷精神力加整頓必須

監牆堅固獄卒足額看守認真鎖鑰結實並  
隨時密查如有役卒等得規受賄情弊立即  
嚴拏懲辦務使監犯無隙可乘毋得視為具  
文稍存鬆懈將此通諭知之○壬申旌表守  
正捐軀山東鄆城縣民劉復元妻徐氏○癸  
酉遣官祭

關帝廟○諭內閣工部奏請飭催銅運等語  
滇省運員李杰等領解銅斤前經降旨嚴催  
迄今已逾兩月或咨報在途或尚未起運茲

據工部查明現存銅斤僅數本年九月之用

僅在途及未報起程各起任意遷延必致有  
誤鼓鑄著沿途各督撫轉飭地方官查明癸  
卯正加三運運員現在行抵何處務令按程  
催趲不准稍有稽滯統於九月前解局應用  
至甲辰各運亦必上緊嚴催設法趲運解京  
並著雲南督撫於派委運員時飭令依限管  
解趲運過行不得違限干咎○禮部議准江  
蘇巡撫孫善寶疏報採訪通州貞節婦女丁

保氏等十一口河南巡撫鄂順安疏報泌陽  
縣譚侯氏等七十三口各請建總坊旌表從  
之○旌表守正捐軀河南商邱縣民王心眷  
女王氏○甲戌

上詣

大高殿行禮

時應宮拈香○還宮○諭內閣給事中安詩  
奏京察期近請飭秉公舉劾一摺各衙門司  
員才具優劣該堂官平日辦事早應留心察



看逮京察年分其品行端方差使勤慎者列為上考庸劣者嚴加甄別庶衆錯得宜官常藉資整飭本不應相率因循稍存遷就乃昨兵部恩麟案內究出前列一等之司員誠厚先經得受陋規此等貪庸不職之員早應甄別豈容反登薦牘於部務大有關繫本年將屆京察之期著在京各衙門堂官振刷精神破除情面所舉所劾務當秉公覈實不准稍有瞻徇尤不可面是心非隨同附和至外省

地方人員該督撫尤當隨事體察其著名貪酷貽害地方者亟應指名叅奏不得以甫經大計稍存回護姑息之見內外臣工果能漸除積習大法小廉俾吏治蒸蒸日上庶不負朕進退人材諄諄訓誡之意也將此通諭知之予故前任戶部尚書吳椿祭葬如例以夏至祭

地於

方澤自是日始齋戒三日 乙亥諭內閣前派

王大臣等會同管庫大臣盤查三庫現在銀庫將次查完即須接查緞匹顏料二庫該二庫存貯物件款目繁多著該王大臣等酌量物件輕重先將緊要之件詳細盤查其餘各件即查照庫貯實數分別點驗庶辦理較可迅速而仍不至以抽查滋弊至現存物件如有年久不堪應用及並非常年支用之項著於查竣時分晰開明另單請旨又諭戶部奏遵議罰賠庫款分限追繳章程均著照議

辦理其子孫代賠內姚慶元之子姚慈佑程恩澤之孫程進官慶安之子王昆俱年未及歲應行代賠之款著加恩寬免丙子禮部尚書特登額等覆奏鄉會試士子懷挾章程五條一頭場懷挾經書詩文斥革枷杖雖係誤帶不准援減一頭場夾帶二三場二場夾帶三場埋藏取巧斥革枷杖一二場誤帶頭場文字三場誤帶頭二場文字免其枷杖應仍斥革其二三場誤帶頭二場自作文稿者

免其斥革仍逐出不准入場一誤帶字紙包  
裏食物及誤帶閒廢字紙者免其斥革仍逐  
出不准入場一士子懷挾其父師應一併究  
治以杜弊端得旨依議該部即纂入則例永  
遠遵行至父師究治一條著毋庸議以監  
修廣東礮臺出力予按察司經歷林士端等  
升敘有差丁丑夏至祭  
地於  
方澤

上親詣行禮幸圓明園詣綺春園問  
皇太后安戊寅直隸總督訥爾經額奏報麥  
收分數得旨覽奏曷勝憂惕麥收減色自不  
待言矣自月之初三日得雨後又逾旬不雨  
朕焦切之至以浙江按察使蔣文慶為安  
徽布政使兩淮鹽運使李瀚通為浙江按察  
使己卯諭內閣禧恩等奏查勘  
昭陵  
園城甃牆殿閣情形一摺著欽天監敬擇吉期

屆時興工以昭慎重估需銀兩准其由盛京  
戶部庫貯銀內動用又諭京師入夏以來  
雨澤稀少疊經降旨設壇祈禱親詣  
黑龍潭拈香連旬得雨數次未能霑足現已  
節逾夏至農田待澤孔殷朕心倍深焦切因  
思清理庶獄亦足感召和甘著刑部堂官督  
飭承審各司員將現在交部各案細心推鞠  
如有冤抑等情迅即覈辦並將直隸一省及  
部中現擬軍流等罪已未到配官常犯詳查

原案無論遠年近年擇其情有可原者開單  
具奏候朕量加寬宥至刑部收禁人犯若因  
未經定案久繫囹圄疾病顛連情殊可憫著  
該部審度案情其有問徒以下輕罪人犯及  
干連待質例應取保候審者立予清理省釋  
毋稍稽滯此外尋常案件並著速行審結不  
得遷延羈禁以示矜恤而迓祥和該部即遵  
諭行又諭前因者英奏請將盛京旅順水  
師營員揀發赴粵試用當交兵部議奏旋據

該部議請飭交該將軍體察情形詳細妥議  
茲據禧恩等奏稱現在旅順營每年差操並  
舉官弁尚不敷用間用領催委官管駕巡船  
至外洋沙線礁險該弁等亦不能知曉自係  
實在情形所有揀發旅順營員赴粵之處著  
毋庸議○庚辰以翰林院侍講杜翹充日講  
起居注官車克慎署日講起居注官○旌表  
守正捐軀山東海豐縣民趙庭吟妻李氏○  
辛巳諭內閣戶部奏議覆額布等奏涼水

泉地甚磽薄未便加租一摺著照所議辦理  
惟吉林一帶地方係根本重地封禁開荒不  
准開墾今涼水泉原撥及私展各地既經查  
明各民佃花費工本准予墾種交納輕租所  
有存贖官荒八萬一千餘晌著該將軍迅即  
揀派公正之員前往按數查驗遵照奏定界  
限趕立封堆嚴申例禁斷不許稍有含混再  
聽流民展越偷種並著嚴飭該地方官及委  
員等遇有私墾等事認真查禁儻仍前玩泄

除從嚴懲辦外其失察之該將軍副都統著  
一併由該部嚴叅懲處○又諭御史朱琦奏  
清理庶獄請由京師推廣各省一律辦理等  
語著刑部速議具奏尋奏各直省軍流以下  
人犯均應照現定章程一律查辦從之○諭  
軍機大臣等奕經等奏拏獲滋事逆犯究明  
起事根由一摺覽奏均悉此案首逆胡完即  
布孜爾罕因幼時從母依隨張逆竟以逆裔  
自居事隔多年仍復蓄志報復且自稱和卓

以圖煽惑勾結情罪重大著該大臣等派委  
妥員即將該逆布孜爾罕及現在捕獲從逆  
各犯內緊要人犯一併解赴伊犁交布彥泰  
舒興阿嚴審定擬具奏其要犯阿瓦斯阿布  
都色邁提據報中槍落水果否屬實仍著詳  
細查明毋令稍有含混逸犯提拉等嚴飭迅  
速拏拏務期遺孽肅清勿滋後患此次該逆  
等糾眾撲卡經該伯克等率眾奮擊擒斬多  
名並將首犯即時拏獲甚屬可嘉著擇其尤

為出力者酌量保奏候朕施恩將此諭令知之尋奏遵將布孜爾罕等犯解赴伊犁提拉等竄匿附近浩罕之阿賴一帶地方已傳知卡內外留心偵緝阿瓦斯首級尋獲傳集素識之回子商民及該犯妻女辨認屬實阿布都色邁提屍身未獲探聞卡外及各回莊均無其人仍飭確查報聞○又諭本日據奕經等奏拏獲滋事逆犯究明起事根由一摺已諭令該大臣等將首逆胡完即布孜爾罕並

從逆之緊要人犯解赴伊犁審辦矣此案布孜爾罕自幼時從母依隨張逆竟以逆裔自居蓄志報復且自稱和卓煽惑多人情罪重大著布彥泰舒興阿於該犯解到時嚴行審鞠務得確實供情按律定擬具奏其從逆各犯亦著詳細究明各按應得罪名分別定擬奏明辦理將此諭令知之○禮部議准江蘇巡撫孫善寶疏報上元縣遭寇殉難婦女王毛氏等七口請建總坊旌表從之○壬午諭

內閣前據敬奏請飭河東河道總督常川駐劄蘭儀廟工當有旨令鍾祥等會同妥議具奏茲據奏稱河標所屬四營糧艘經行每資彈壓河督常駐豫工不能隨時稽查拔補各缺勢難紛紛調驗沿途州縣遞送文卷亦未便令其終年添設撥馬所奏自係實在情形惟河工修防最關緊要必應酌量變通以期周密嗣後著該河督每年於桃汛前趕早赴工乘查料之便將通工形勢詳加履勘豫

為籌防至防守大汛著於伏汛前半月移駐廟工趁河水未漲之先妥飭布置霜降安瀾以後周歷兩岸將次年修守事宜督飭道廳妥協豫備立冬後回濟督辦挑工校閱河標營伍務期於黃河防守有裨而於運河並操防事宜仍依時查閱不得稍有廢弛○癸未孝恭仁皇后忌辰遣官祭景陵○諭軍機大臣等裕泰等奏叅查拏教匪未能獲犯之沔陽州知州王毓濂已明降諭

旨摘去頂帶勒限嚴拏矣此案教犯朱中立既據川陝等省獲犯供指有總教主名目而陳依精等又稱係彭依法之徒是朱中立彭依法皆案內要犯必應迅速密拏歸案究辦該州王毓濂玩泄於前安望其奮勉於後耽延愈久必至要犯遠颺該督等僅照尋常案犯飭屬緝拏殊屬不知輕重顛預從事著裕泰等另委幹員嚴密躡緝一有逃匿蹤跡即速拏拏毋得稍有遲延以致任其漏網將此

諭令知之○旌表守正被戕直隸建昌縣民

孫毛子妻王氏○甲申

上詣綺春園問

皇太后安○乙酉諭軍機大臣等有人奏捕役恭盜擾害地方急宜懲治一摺據稱浙江省城搶劫之案肆行無忌紹興府城鄉搶案多至百有餘起總由捕役窩藏盜匪如山陰縣捕頭沈姓會稽縣捕頭周姓每年得規銀一千餘兩至五六百金不等民間呈報搶案地

方官勒令報竊等語如果屬實是該省捕役恭盜養奸地方官諱匿不辦尚復成何事體著梁寶常嚴飭所屬將捕頭沈姓周姓查拏懲辦並將著名盜匪全數弋獲毋任一名漏網又片奏紹興府屬之餘姚縣東北鄉抗租不還業戶催租佃戶反持器械向殷實富戶擄掠差捕通同一氣該匪徒等均有姓名緋號並著該撫按名嚴拏及窩藏匪徒之武舉刁監等一併拏辦其已經擒獲解府各犯即

著迅速審結以安良善而除兇暴將此諭令知之尋奏省城並無搶案紹興府屬自道光二十一年起至二十四年止已未獲搶案二十餘起山陰捕役沈浩會稽捕役周禮先經該縣等訪有包庇窩竊情事斥革拏究餘姚胡阿八等起意短租將業戶租船截住搶奪棉花錢物亦經該縣拏獲訊解沈浩周禮擬發極邊煙瘴充軍胡阿八阿九發極邊足四千里充軍下部議從之○丙戌緩徵山東壽

光海豐利津霑化樂安雒昌邑七縣被水村莊新舊額賦給樂安壽光濰海豐利津霑化六縣災民口糧○丁亥

上詣

黑龍潭神祠祈雨命

皇四子 詣清漪園

龍神廟皇五子奕詝詣靜明園

龍神廟惠親王綿愉詣

關帝廟瑞郡王奕誌詣

城隍廟拈香○諭內閣寶興奏拈獲首要教犯一摺四川省教首李一原前因逃往重慶一帶經該督飭屬嚴拏茲據奏稱該犯變易姓名逃入樂山縣境經該地方文武員弁督率兵役將該犯立時拏獲所辦甚好該犯李一原為四川陝西甘肅三省行教之首分遣其黨四出傳徒蔓延各省實屬罪不容誅著該督親提嚴訊其習教傳徒始自何年徒黨究有若干現在藏匿何省務令確切供指毋

任狡展致有不實不盡並著提同現獲各犯嚴切根究毋留遺孽所有未獲餘黨仍著該督飭屬分路躡緝以淨根株尋奏李一原即李依微先因習教改悔漏網復捏造邪言傳徒煽誘實屬教匪渠魁審明後正法王潛川等同惡共濟除鄭子青王化心陳邦奎業經病故外王潛川李代照王明寬即徐良請即正法餘分別遣徒下部議從之○戊子遣惠親王綿愉詣

地壇

皇祇室拈香 諭內閣京師本年入夏以來雨澤未能霑足節次虔申祈禱荷蒙

昊睨於本月二十六日自卯至戌渥沛甘霖雲勢寬廣據順天府奏報入土深透四鄉一律均霑實深寅感惟近畿亢旱已久朕心時深廑注現在直隸各屬是否普慶優霑田禾尚可補種著訥爾經額迅速查明據實具奏以慰朕念至各州縣被旱之處應如何加意賑

卹俾無乏食之虞並著派委妥員迅速查勘體察情形一併具奏候朕施恩又諭刑部山西司書吏陸靈臯於清字公文積壓多件延不呈司簽到實屬膽玩僅予杖徒尚覺輕縱陸靈臯著杖一百流二千五百里先於刑部衙門前枷號一箇月示眾以昭炯戒該司譯漢筆帖式委署主事壽山不諳清文以致積壓文書不辦實屬庸劣無能著即行革職發往軍臺效力贖罪所有道光十五年起歷

任山西司承辦司員著交部查取職名分別嚴加議處其原派不諳清文筆帖式壽山作為委署主事之刑部堂官及歷任刑部堂官均著交部分別議處諭軍機大臣等此次保舉開墾阿齊烏蘇地畝人員單開之頭等台吉阿奇木伯克哈里咱特一員既據聲明原係散秩大臣職銜頭等台吉業已賞有花翎無可加恩該台吉現在有子幾人係何品職著該將軍查明具奏再降諭旨又另單懇

請釋回之原任總兵李廷揚遊擊豐升阿德昆參將國勒明阿額外外委劉魁均於何年月日到戍著一併詳查具奏將此諭令知之以捐辦廣東礮臺出力賞同知張敬修等藍翎餘升敘有差以開墾阿齊烏蘇地畝出力賞五品商伯克賴里柱普花翎六品都管伯克伊斯瑪依爾等藍翎餘升敘有差己丑諭軍機大臣等前據常清奏辦理庫車開墾事務請將開渠出力之官吏伯克等分

別鼓勵旋據布彥泰奏稱經全慶林則徐前往查勘所濬渠道量驗丈尺間有未數仍責令加挑等語常清現已交卸庫車篆務著布彥泰於德全到任後會同覈明該處所辦渠工果否如式單內保奏之官吏伯克等是否最為出力據實覆奏俟奏到時再降諭旨常清所奏原單發給閱看仍著過便繳還將此諭知布彥泰並諭令德全知之庚寅上詣綺春園問

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百十七

嚴禁一切動輒出外遊日其起居處所大小人僕從之類大學生又須領領事官管理不得無事耽擱倘有偷閑惰慢者一經查出定行嚴懲  
 大內府事務各隨書加五成扣銀十八次呈請總辦裁官就近讓官支領由書庫長與庫軍船支庫增新庫房庫內各書房大臣各分司  
 七書大臣稽察會同四譯館事務加一級隨帶加六級軍功加三級統額五次自北平辦理還讓書支開撰舉開事北平由書庫長  
 內各府大臣稽察會同四譯館事務加一級隨帶加六級軍功加三級統額五次自北平辦理還讓書支開撰舉開事北平由書庫長  
 內各府大臣稽察會同四譯館事務加一級隨帶加六級軍功加三級統額五次自北平辦理還讓書支開撰舉開事北平由書庫長  
 內各府大臣稽察會同四譯館事務加一級隨帶加六級軍功加三級統額五次自北平辦理還讓書支開撰舉開事北平由書庫長

道光二十五年乙巳六月辛卯朔賞正黃旗

滿洲副護軍參領倭什洪額二等侍衛在乾清門行走○壬辰刑部奏審明直隸民人李鑑堂京控一案內惟馬蘭鎮兵丁梁泳順扎斃把總李玉堂一家四命屬實已據直隸總督咨報定擬凌遲該犯畏罪自戕照例剖尸示眾完結餘皆虛誣應按律擬杖一百流三千里得旨依議此案梁泳順戕害本管職官至一家四命之多非尋常案件可比訥爾經額善燾並不據實奏辦殊屬不知輕重著交



部分別議處。○癸巳。以山西河東道馮德馨為廣西按察使。○添製浙江乍浦營礮三十位。從巡撫梁寶常請也。○甲午。諭內閣。前經降旨。著各省督撫保舉堪勝水師總兵人員。茲據耆英將升署龍門協副將鄭高祥候補副將沈鎮邦。遴選保奏。並聲明該員均於例未符等語。鄭高祥。升署副將。尚未受劄。沈鎮邦。係以副將候補之員。尚未得缺。於例均屬不合。惟水師人材難得。既據該督奏稱。該二

員熟習海洋情形。著照所請。准其送部引見。○又諭耆英等奏。會匪案內拏獲首犯。並獲逸犯多名。地方安靜一摺。此案潮陽縣匪徒黃悟空等。結會滋擾。前經獲犯三百餘名。照例嚴辦。茲復據奏。該鎮道督飭員弁續獲夥黨多名。並將首惡黃悟空擒獲。得以速正典刑。所有失察此案之地方官。一經訪聞。立即稟明嚴辦。不敢稍存諱飾。復會同緝獲要犯多名。功過尚足相抵。均著免其開參。其在事

文武各員。著有勞績。並隨同捐貲獲犯之紳士等。著該督擇其尤為出力者。酌保數員。候朕施恩。毋許冒濫。○諭軍機大臣等。耆英等奏體察夷情。查詢覆奏一摺。據稱吐喇叻喀國商船。為數無多。今既遣領事蘭瓦。求請照舊通商。若嚴行拒絕。難保其不潛附他國。仍來貿易。且據佛蘭哂夷使代為請求。正可藉事羈縻。俾該夷等同深感戴等語。該國領事蘭瓦。現在小呂宋候旨。五月內即可赴粵。著俟詢查明確後。即將五口貿易章程一體頒發。以示懷柔。其佛夷曾經駛往琉球。瑯瑯一船。據該督查明於上年十二月間駛出澳門。已回本國。惟所留執事通事二人。是否仍在琉球。著俟喇嚒呢回粵。密查確切。再行具奏。至咪喇嚒立國大概情形。覽奏均悉。將此諭令知之。○停本年各省情實罪犯勾決。○修浙江仁和海寧二州縣海塘柴埽各工。從巡撫梁寶常請也。○乙未。諭內閣。前據全慶

奏請將開墾案內捐貲出力之章京常壽以通判儘先選用。曾經降旨允准。旋經吏部覈與定例不符。奏明撤銷。茲據全慶奏該員實係捐貲督辦出力。仍請照前獎勵等語。開墾為第一要務。自應格外施恩。以昭激勸。常壽著以通判發往甘肅差委補用。○又諭奕經等奏勦辦英吉沙爾滋事餘匪一摺。此次首逆布孜爾罕與卡外布魯特提拉等勾結滋事。該阿奇木伯克邁瑪特瑪哈素特於所屬回莊潛有逆匪。咎實難辭。惟阿瓦斯等先期起事。未及糾集多人。實由該阿奇木伯克查拏較早。且又出卡協助。擒獲首逆。尚知愧奮。邁瑪特瑪哈素特著仍暫留四品阿奇木之職。停其升轉。仍責令設法緝匪。將來能否弋獲。再行奏明辦理。至所稱察哈里克坎帕爾兩回莊均經賊匪糾約。並無一人從賊。實屬可嘉。除該管之王孜巴什薩韋舒庫爾等業經獎以六品頂帶。回戶亦給以花紅獎勵外。

仍著該大臣等查明該二莊應完賦稅數目。據實奏明。候朕酌量加恩。以示鼓勵。○又諭奕經等奏查明弁兵擅自離臺並在卡官兵遇害遺失馬匹各緣由一摺。此案察木倫托布拉克二軍臺弁兵等因聞賊匪漸近。茫無主見。遽行退避。致將應送文書遲延一日。可惡已極。委筆帖式官永外委王愷馬陞及字識馬步守兵等八名均著即行斥革。仍各加枷號兩箇月。分交各臺示眾。滿日重責發落。所有被害之錫伯營兵色們泰等三人。換防山丹營額額外委李升並步守兵等十名及送文遇賊被害臺兵李玉成所請照陣亡例賜卹之處著兵部議奏。○諭軍機大臣等有人奏長蘆鹽課虛懸交代不接眾商藉端不顧清款請旨查辦一摺。據稱長蘆商人疲玩每年應完課項不肯依限完納。滄州分司運同陳鑑上年派署運司篆務一味通融各商應完正課僅完十分之二三。該署運司令各

商空寫銀票貯庫。捏報奏銷全完。虛出通關。本年新任運司因庫貯虛懸。未接交代。現在應解甘餉等項。運庫絲毫全無等語。如果屬實。是長蘆商情疲玩已極。該運同陳鑑。營私舞弊。以致帑課久懸。著訥爾經額普琳詳晰查明。覈實究辦。儻該運同實有前項情弊。即著嚴行叅奏。斷不准瞻徇回護。以致疆務弊端。原摺著鈔給閱看。將此諭知訥爾經額並傳諭普琳知之。○以擒獲英吉沙爾滋事首

山東巡撫

七

逆賞布魯特提拉拜爾底花翎濟魯木吐勇號五品伊什罕伯克薩木薩克七品卡倫伯克阿布都遜七品明伯克邁買鐵里六品頂帶邁買特那依爾六品密喇布伯克愛孜孜布魯特斯底克蟒拉克花翎布魯特阿底爾等藍翎餘升敘有差。○丙申諭軍機大臣等本日據訥爾經額奏稱東省擒匪夥黨眾多慮被查拏蟻聚不散為拒捕之計業據該撫飭令曹州鎮派官帶兵分往濮州鄆城兩路

山東巡撫

八

勦捕濮州鄆城鉅野定陶城武等州縣各派捕役多名隨同官兵在王家樓地方與賊接仗等語。擒匪糾眾拒捕恣行不法必應及時勦辦其直隸山東連界各屬尤恐此拏彼竄著崇恩接奉此旨即督飭員弁選派兵役並飭曹州鎮務與直隸所派員弁協力兜拏總期羣匪不致漏網地方日就肅清是為至要至現護曹州鎮篆之副將塔興阿於堵緝事宜果否得力並著該撫隨時察看儻稍不勝任即著另派署理毋致貽誤將此諭令知之。○又諭訥爾經額奏山東勦捕擒匪直隸連界各處酌派弁兵豫籌防堵一摺據稱山東省擒匪夥黨眾多該撫已飭曹州府會同署曹州鎮督率兵役拏辦並知會直隸省一體截拏現在分派弁兵防堵等語直隸大名所屬之開州等州縣與山東濮州壤地緊連該匪等聞拏緊急勢必竄至直隸境內亟應上緊堵拏著訥爾經額揀派得力將弁帶兵前

往擇要分駐會同該地方官不分畛域四路兜擒務將著名擒匪悉數弋獲毋任此拏彼竄如查明賊勢較眾必須多集兵力即著該督添調弁兵相機妥辦毋任日久蔓延是為至要將此諭令知之○直隸總督訥爾經額覆奏順天保定永平天津宣化遵化易州各屬七十州縣全行得雨三四五寸河間正定定州深州趙州各屬得雨一二三寸者共三十州縣大名順德廣平冀州四府州屬報得雨者僅四州縣現飭委員分往詳查得旨查勘明確據實速奏○以詹事府少詹事李嘉端為內閣學士兼禮部侍郎銜仍留福建學政任○丁酉

上詣綺春園問

皇太后安○諭內閣京師五城地面人命案件向由指揮相驗理宜慎重詳細辨認方無錯誤近來該指揮等往往辨認未能明確即如刑部昨日奏結董王氏一案該指揮於屍傷

○直隸總督訥爾經額

○

○

○

辨認未真迨調城相驗復以屍身發變藉詞推諉若非刑部派員認真辨驗審明辦理幾至逆倫重犯倖逃法網殊非慎重人命之道嗣後著五城御史嚴飭該指揮等於一切命案無論本城及調城相驗總須加意詳慎認真驗視斷不准稍有含混推諉致滋枉縱儻該員等仍復不能慎重即嚴行叅辦毋稍姑容○賞黑龍江副都統富春花翎○命陝甘總督惠吉撥銀二萬九千三十九兩解赴烏什八千兩解赴庫車備道光二十七年經費○戊戌緩徵山東臨邑冠臨清邱海豐歷城齊河陵平原惠民樂陵濱蒲臺莒沂水聊城堂邑博平清平莘館陶濟陽德平陽信茌平高唐恩禹城安邱章邱齊東商河鉅野益都臨淄博興昌樂臨朐三十八州縣並東昌德州臨清濟寧四衛被旱被風被雹村莊舊欠額賦○己亥諭內閣德春等奏請飭催漕船等語漕船北上必宜跟接過關不容稍有遲

滯茲據該侍郎等奏稱揚州二幫揚州三淮安三兩幫廬州頭幫各脫空一日鳳中常幫過關距前幫脫空七日實屬延玩現在直隸一帶地方得雨深透河水自必暢足尤不得藉詞淺阻任意耽延著直隸總督山東巡撫嚴飭沿河文武員弁實力催趲上緊迎提務使跟接前進飛挽過關毋任一幫脫空致誤起卸其前項幫船究於何處遲延亦著查明辦理○諭軍機大臣等有人奏福建署晉江

字奉奉旨

縣知縣張德靜捕務廢弛自去年二月以來該處被劫之案層見疊出該縣或不肯收呈或改劫為竊或轉向事主調停甚至以該督訪聞之案劄飭愈嚴諱飾愈甚又嗜酒吸食鴉片煙引誘良家婦女留與住宿遇有地方案件勒索銀項累百盈千皆優賁曾振張及僧瑞官經手等語所叅各款如果屬實是該員貪庸惡劣斷不可一日姑容吳其濬甫經簡調無所用其回護著於到閩時將該員被

叅之款逐一查明據實嚴辦毋得避重就輕致有不實不盡該地方報劫之案亦務須嚴飭所屬認真緝拏按律重懲以肅捕務原摺片鈔給閱看將此諭令知之○辛丑諭軍機大臣等劉韻珂等奏臺灣地方猝遭地震情形較重現已由省撥解銀兩委員妥為撫卹一摺本年正月臺灣府彰化縣地方陡遭地震據稱統計坍塌民房四千二百餘戶壓斃男婦三百八十餘名口此外被壓受傷者為

字奉奉旨

數尚多自應亟籌撫卹以拯民困現在已由該督等飭司在藩庫籌撥銀五千兩委員解往並委署同知史密會同該縣分別查勘覈實散給惟該處居民猝遭災患情殊可憫仍著該督等督飭臺灣道府親赴被災處所逐加履勘妥為撫卹如解往銀兩不敷應用即於該道府庫內籌款添撥務使實惠均霑毋令一夫失所將此諭令知之○壬寅諭內閣綿勳等奏廣恩庫置買地畝辦理完竣一摺

據稱現買地畝共四十八頃八十七畝零一年計得租銀一千三百零自道光二十五年秋季起徵冬季徑解廣恩庫等語著訥爾經額派委妥員詳細查勘此項地畝並其租數是否相符毋得含混致滋將來轆轤查勘後即奏明存案以歸覈實並飭各州縣將此項租銀務須年清年款不得稍有拖延○癸卯上詣綺春園問

皇太后安○甲辰命前任貴州布政使李象鵬

以三品京堂候補○以捐製山東青州德州等營擡槍軍器賞巡撫崇恩布政使王篤花翎○緩徵山東永阜永利官臺王家岡等場被淹灘地引票正雜額課○乙巳以光祿寺卿程庭桂為通政使司通政使○丙午諭內閣前據御史張錫庚奏請飭覈對文簿以免積壓當有旨交各衙門堂官悉心議奏節據各該衙門分別情形或量為變通或照舊辦理均經定議具奏各衙門文移往來皆有簿

冊可憑如果實力稽查何至有延擱不辦之事現既據議立章程嗣後著各照所議責成該司員等詳細覈對認真辦理其有已發咨移而承辦衙門日久未辦者內而大小衙門外而督撫均著將所發文移注明月日一體查催庶由何處捺擱不難從此根究立予嚴懲經此次嚴諭之後如該司員等仍敢漫不經心任令不肖書吏將所收文移延擱科房並不稟請標畫司到以致積壓日久不行辦

稿一經發覺即將本任專管之司員革職永不敘用其承行書吏立即鎖拏交刑部治罪儻查係該司員有心捺擱通同舞弊即將該司員書吏一併拏交刑部治罪併將該堂官等照例議處其各懷之將此通諭知之○丁未禮部議准前任江蘇巡撫孫善寶疏報採訪沭陽縣貞節婦女張晏氏等二百四十七口請建總坊旌表從之○戊申諭內閣此案已革休致副都統哈興阿既控王桓習慣偷

山復與合夥承領商木。迨果爾敏等私販木植。該革員業已知情允許。又復兩次呈控。得銀寢息。並屢次訛借王君議錢文。且前已因案降為六品頂帶。輒敢希圖誇耀。戴用三品翎頂。實屬貪詐不法。正與雍正五年所定實犯姦貪訛詐。於各省滿洲駐防地方安插之例相符。哈興阿著併其家屬一同發往河南駐防。交該管官嚴加管束。毋許復行滋事。○己酉諭軍機大臣等。布彥奏查明伊拉里克地方。在吐魯番境內。向隸烏嚕不齊都統管轄。距伊犁二千餘里之遙。所有開墾事宜。請由惟勤自行具奏辦理等語。此次伊拉里克開墾地畝。仍著全慶林則徐前往該處詳細履勘。即將丈地分田。招民安戶。及考覈工費各事宜。悉心妥酌。與惟勤通盤籌畫。聯銜具奏。將此諭知全慶。惟勤並傳諭林則徐知之。○庚戌諭軍機大臣等。崇恩奏曹州府屬緝捕情形。及現在獲犯名數一摺。據稱曹州

府屬擒匪糾眾拒捕。經該地方文武員弁等督率兵役。拏獲擒匪四十六名。殲斃匪犯十一名。逃散餘匪。分頭購緝。可冀陸續就獲等語。該匪等膽敢團結抗拒。夥黨必多。何以拏獲殲斃僅止五十餘名。其餘逃竄各匪。共有若干名。現在逃往何處。務就現獲各犯確切究明。迅即分頭躡緝。無任遠颺。至槍礮已非尋常器械。而擡礮一項。尤非民間所能私造。該匪等在何地何時。私行製造。尤須逐細根究。無稍諱飾。此項擒匪糾結多人。私藏器械。該地方官既不能於未經起事之先。迅速掩捕。以致蔓延數州縣。輒煩兵力。已屬辦理不善。儻再因循觀望。不將逃竄餘匪設法兜拏。致將來竄匿鄰境。復出滋事。惟崇恩是問。恐不能當此重咎也。懍之。將此諭令知之。○又諭本日據崇恩奏。東省曹州府屬擒匪搶劫為患。先經鉅野縣將著名擒匪劉詳拏獲解至中途。該犯夥黨膽敢聚眾劫奪。復經該縣

督同兵役殲斃黨匪八名各股擒首遂挾其醜類為團結拒捕之計該撫即飭曹州鎮塔清阿等挑選精兵分出巡哨並飭臬司密札該府縣確探羣匪巢穴會同巡哨官兵相機圍捕於五月初九等日先後由濮州鄆城等處官弁追擊協捕至濮鄆聯界之棘承寺羣匪被圍情急施放擡礮續經該府會鎮添派備弁帶兵追獲匪犯並搜獲槍礮器械羣匪立時星散現在統計拏獲擒首鉅夥四十六

名殲斃十一名所有逃散餘匪仍飭分頭緝緝等語此次該匪等膽敢團結拒捕自係夥黨眾多東省現在拏獲並殲斃僅止五十餘名是餘匪尚多難保不竄入直隸境內前據訥爾經額派兵防堵當此搜捕喫緊之際仍著嚴飭官弁於接壤地方認真堵緝並令協同東省弁兵不分畛域併力兜拏俾各匪悉數就擒不致蔓延貽患是為至要將此諭令知之○又諭前因有人奏監生彭祖賢在順

河集地方遇盜被劫當有旨著壁昌等飭屬於兩省接壤地方協力查拏茲據崇恩奏稱順河集係江蘇宿遷縣所轄與沂州府屬之郯城縣接壤現已嚴飭文武員弁會同江南營縣確訪賊盜蹤跡等語彭祖賢一案係在江蘇地方失事著壁昌陳繼昌督飭地方文武員弁迅將此案要犯悉數弋獲勿致漏網將此諭令知之○修山東汶上縣馬踏湖民堰從巡撫崇恩請也○辛亥

上詣綺春園問

皇太后安○壬子禮部議准江西巡撫吳文鎔疏報採訪奉新縣貞節婦女羅鄧氏等九百九十七口請建總坊旌表從之○癸丑遣官祭

火神廟○諭內閣前因伊犁開墾地畝疊著成效降旨令該將軍等於各城地方查有曠地可以招墾者詳細飭查一律奏辦乃輯瑞於阿克蘇開墾荒地並未先行查奏率即興



工以致回疆各城相率效尤若僅照部議革職留任不足蔽辜輯瑞著即行革職以示懲儆○甲寅以故奉恩將軍奕攀子載良襲職○乙卯工部尚書敬徵因病賞假以正藍旗漢軍都統保昌署工部尚書吏部左侍郎柏後為總管內務府大臣禮部尚書特登額署管理欽天監事○貸山西太原駐防修理兵房餉銀○丙辰以太僕寺卿黃琮為詹事府詹事○緩徵直隸大興宛平安容城高陽懷來赤城靜海豐潤易涑水廣昌武強南和平鄉鉅鹿雞澤新河十八州縣舊欠額賦丁巳

上詣綺春園問

皇太后安○戊午諭內閣給事中黃宗漢奏廣東省遇有蠲緩恩詔州縣官並不速行懸掛俟徵收將完始張掛一二日以應故事等語上年廣東省南海番禺三水高要高明四會六縣因田畝淹浸概予緩徵該縣等於奉旨

後即應刊貼謄黃徧行曉諭乃並不速行懸掛仍復照舊催科難保無影射朦混侵欺入己情弊著耆英等確切查明該省於何日奉到此旨何以該六縣不速行懸掛儻查有前項弊端即著指名叅奏無稍諱飾因思各直省偶遇偏災朕無不立沛恩施冀閭閻得需實惠今廣東一省如此恐他省亦復不免著各該督撫等飭令所屬州縣於接奉蠲緩諭旨後迅即謄黃張掛務使城市村鄉得以家喻戶曉仍隨時留心訪查如州縣中有任意遲延朦混催徵之員立即奏明從重懲辦俾官吏胥役無從影射侵欺以期膏澤下逮用副朕軫念民瘼至意將此通諭知之尋覆奏二十四年南海番禺三水高要高明四會六縣被水田畝尚可補種並無概予緩徵之案惟請將三十四兩年借領園費及買秧費本展緩一年完納於十二月十五日奉到恩旨即恭刊謄黃頒發查各該縣於二十五年

正月十八九及二十三等日陸續奉到懸掛並無照舊催徵情弊。惟刊刻騰黃。由府轉發。稍有耽延。嗣後遇有蠲緩。

恩旨。應由司徑頒各縣。以期釀膏速沛。下部議。尋議。應如該督等所請。並飭下各直省督撫。府尹欽遵辦理。從之。○又諭壁昌奏查明淮南現無懸引。及緝捕梟私。禁開池產。應照舊章辦理一摺。准課為度支所關。不容稍有延誤。如該督所奏清場竈以絕私源。嚴卡巡以

聖朱人曰丁八

示

衛引地。重掣驗以杜夾帶。在在均關緊要。著即督同新任運司。但明倫實力催銷。認真查察。俾私販絕。則官銷自旺。商困自蘇。期於釐務日有起色。其有情形窒礙。應行酌量變通之處。並著督飭從長計議。通盤籌畫。以除積弊而整釐綱。○諭軍機大臣等。有人奏廣州府屬盜劫日滋。商民受害。請設法整頓一摺。據稱廣州府一帶。土匪劫掠為生。結黨聚會。數萬餘人。其著名積匪。如香山。新會。順德等

處。姓名皆歷歷可數。上年查拏之卧龍三合等會匪。按捕未淨。嗣復有新安。新寧。各縣匪徒。在香山之港口及隆都鄉引入八會。千百為羣。肆行無忌。又香山下沙地面。近來匪類漸多。地方文武不肯實力查拏。以致農民不安耕作。又順德香山交界之處。及南海番禺東莞順德香山新會三水等處。皆有盜賊巢穴。出沒無常。搶劫多案。香山縣城內外。自上年冬至今年春夏之交。報劫者不下數千案。

聖朱人曰丁八

至

皆有事主。名姓地方。及被劫月日。可查。並有香山司巡檢魯鳳林。被盜搶去剃鬚勒贖等語。似此盜劫橫行。總由地方文武相率因循。以致肆行無忌。甚至持械戕官。擄官勒贖。殊堪駭異。著耆英。黃恩彤。督飭所屬員弁。按照摺內所指各案。及盜匪姓名。確切查明。按名拏獲究辦。並寬籌緝捕經費。嚴定賞罰章程。務使盜賊肅清。農商安靖。是為至要。原摺著鈔給閱看。將此諭令知之。○己未。諭內閣。番

錫恩奏。中河廳桃源汛北岸緯隄。因山泉漲發下注。平漫過水。情形一摺。該廳營等專司防守。未能竭力搶護。實屬咎無可寬。中河通判黃宗保。中河營守備趙大德。桃源汛主簿顧廷瓚。把總王蔭培。協防沈煦。均著一併革職。留工效力。勒限趕緊堵築。所用錢糧著落專管之廳營汛官全賠。以示懲戒。淮海道周燾。署河營參將李勝。署淮揚遊擊安振業。均著交部議處。潘錫恩督率無方。不能先事豫防。著一併交部議處。餘著照所議辦理。○諭軍機大臣等。據潘錫恩奏。中河廳桃源汛北岸緯隄。因山泉漲發下注。平漫過水。情形已明降諭旨。將該河督等交部議處矣。本年運河水勢。因連日大雨。山泉漲發。以致西岸蕭家壩地方緯隄。平漫過水。宿遷隄工。塌陷十餘丈。已據該河督飭令該廳營分別補還。至中河桃汛盛家河頭口門。塌寬四十餘丈。漫水穿過遙隄。當此漕船銜尾而來。亟應設法

挽進。中河儻水勢宣洩過多。不能濟運。必至有誤。漕行著照該河督所議。築攔河壩。以資存蓄。築挑水壩。以擎托來源。所有挑挖越河。灌塘。啓壩。各事宜。即派委妥員。勒限趕緊辦理。務將漕船送過越河北上。不准稍有遲誤。其漫口處所。俟料物購齊。趕緊堵築。仍著嚴飭該道將廳營等。無分晝夜。加意防守。毋得再有疏虞。潘錫恩身任河督。責無旁貸。務當體察情形。通盤籌畫。以期漕船行走迅速。無誤回空。是為至要。將此諭令知之。○又諭。寄諭漕運總督程喬采。本日據潘錫恩奏。中河桃源汛北岸緯隄。漫口情形。已降旨令該河督將此缺口。即行興堵。並趕緊攔河壩。以蓄清水。挑挖越河。以利漕行。諒可剋期趕辦。茲據該漕督奏。湖南在後各幫。尚有船一百十五隻。不及出塘。其挂泊黃河。未進楊莊口者。尚有江西在後各幫。及湖南幫船。共計二百二十三隻。現飭各幫弁丁。加緯挽上。歐家渡停泊等

語。現在漕務正當喫緊之時。其已渡黃者。務當飛催前進。其未渡黃者。尤宜趕緊渡竣。該漕督即會同潘錫恩。熟商妥籌。相機辦理。一俟越河挑竣。即將各船催趲北上。期於以速補遲。勿令久泊河岸。致有風濤危險之虞。是為至要。將此諭令知之。○又諭。德興奏。總兵循例出口會哨。途次突遇番賊。打仗被戕。陣亡。現派將領前往緝捕一摺。西寧口外察罕鄂博地方。乃番賊往來之區。節經定有章程。

實錄卷四百八

五

由甘涼西肅各提鎮。於每年六月。酌帶弁兵會哨一次。本年會哨屆期。西寧鎮署總兵慶和。於六月初九日。自西寧郡城啟程出卡。乃於六月十二日。行至離察罕鄂博三十餘里之金羊嶺地方。突見番賊多人。該署鎮督兵奮勇追捕。至迤北穀溝。賊番愈多。官兵單弱。力難抵敵。該署鎮身帶重傷。即時殞命。所帶官兵陣亡亦多。連年番匪屢搶沿邊居民。今復聚眾戕害總兵大員。殺傷弁兵。必應痛加

勦辦。德興現因布哈河沙爾哈地方。有番賊二千餘人。若親身帶兵前赴山北。轉恐勢難兼顧。已選派營員帶兵探捕。著惠吉接奉此旨。即星馳前赴甘肅。體察情形。相機妥辦。惠吉未到任以前。即著鄧廷楨酌調官兵。交胡超帶往勦辦。並著胡超馳抵該處。詳察賊勢。分路追捕。總期悉數殲擒。不致逃竄稽誅。是為至要。至西寧鎮總兵站柱。應行交卸來京。該處現乏帶兵大員。著暫緩給咨。飭令回任。以便差委。署總兵慶和。為國捐軀。情殊可憫。著交該部照總兵例議卹。所有陣亡官兵數目。並著該督等查明具奏。將此由四百里各諭令知之。

實錄卷四百八

五

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百十八

實錄卷四百十八

二十六

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百十九

監修總裁官總纂臣徐恩臣太子太僕卿仁德太子太傅禮部尚書臣等奉  
天府府尹臣等奉  
七倉大臣糧倉會同四庫館纂修臣等奉  
內務府大臣鑲黃旗滿洲副都統臣等奉  
醫官進修處事務臣等奉  
散修

道光二十五年乙巳秋七月庚申朔享

實錄卷四百十九

太廟遣惠親王綿愉恭代行禮○諭內閣向來  
武職引見人員弓箭生疏降旨將原保官交  
部議處吏部議以降留兵部議以降調殊不  
畫一嗣後俱著定以降一級留任可否准其  
抵銷聲明請旨○諭軍機大臣等昨據德興  
奏署總兵慶和出口會哨突遇番賊打仗被  
戕一摺當有旨將該署總兵交部議卹並令  
惠吉鄧廷楨胡超等體察情形酌量調兵剿  
辦矣惟念察罕鄂博一帶地方遼闊番賊性

成獷悍屢出滋擾前經痛勦之後自應羣知  
懾服何以正當會哨之時膽敢糾眾前來搶  
捕傷及官兵並署鎮慶和殊出情理之外其  
時賊匪究有若干現在是否業已解散著該  
大臣迅即派員偵探確情嚴密防守並熟察  
情形應如何勦捕之處即檄調弁兵以備胡  
超帶往相機策應俾番賊無可逃竄邊界日  
就肅清是為至要至所稱布哈河地方有番  
賊二十多人該大臣若前赴山北督捕設羣

伊犁奏稿卷之二十一

二

科一帶有賊勢難兼顧等語該處賊勢現在  
若何所派往官兵及協力會捕各備弁能否  
得力尤當妥速籌商不准稍存觀望坐失機  
宜其西寧鎮總兵站柱已令暫緩給咨來京  
應即飭回本任聽候調遣將此由四百里諭  
令知之○河南巡撫鄂順安奏遵查豫省與  
直隸山東交界之衛輝府屬滑封邱等縣歸  
德府屬商邱虞城等縣犬牙相錯最易藏奸  
現已委員馳往各處會同地方官周歷訪察

並無劫掠案件亦無匪徒竄匿入境仍飭各  
屬於交界要隘處添設兵役梭織巡緝並知  
照鄰封不分畛域一體躡訪得旨嚴查密備  
不可稍忽○辛酉諭內閣欽天監奏恆星表  
卷告成繕本呈覽著命名儀象考成續編分  
修以下官生交部分別議敘○壬戌諭內閣  
德勒克多爾濟等奏扎薩克圖汗部落盟長  
王曼達爾瓦等於酌定該部落派差章程事  
宜互相商酌仍屬意見不合請旨簡派一員

上諭奏稿卷之二十一

三

前往烏里雅蘇台會同將軍桂輪等辦理等  
語此案著即交桂輪等斷理○癸亥

上詣綺春園問

皇太后安○諭軍機大臣等前據德興奏署總  
兵慶和出口會哨突遇番賊打仗被戕當有  
旨諭知鄧廷楨酌調官兵交胡超帶往勦辦  
並著站柱回西寧鎮本任以資差委本日據  
鄧廷楨奏接據西寧咨報已飛咨胡超調兵  
馳往搜捕並檄令站柱回任會勦等語番賊

當會哨之時。膽敢糾眾滋擾。戕害總兵大員。必應痛剿。以申國法。現在胡超業已帶兵往剿。仍著該署督確加偵探。賊勢果否披猖。胡超等擒捕能否得力。該署督應否親往策應之處酌量情形。妥為籌辦。番族種類繁多。此次滋擾。究係何處番賊。其在布哈河盤踞之賊。現在曾否解散。該盟長等能否併力截擊。妥速嚴事。並著一併確查具奏。將此諭令知之。○以廣東按察使孔繼君為廣西布政使。

甘肅鞏秦階道嚴良刻為廣東按察使。○以捐修通州石壩貯米號房。予坐糧廳監督德珩等議敘有差。○甲子。諭軍機大臣等。文慶等奏會訊孟保等濫提官物一案。審出大概。供情一摺。此案孟保那移官物。嵩祿印給空票。皆須研訊明確。以成信讞。該革員等現在所供恐有不實不盡。著文慶、寶興、康敬侯本案人證解齊。逐細嚴鞫。務期水落石出。毋任稍有掩飾狡卸。鍾方仍著暫行留川。俟全案

審結時奏明請旨。將此諭令知之。尋奏孟保訊無侵蝕官物情弊。惟署內零星那用之項未及買補。亦未明立文案。嵩祿於弁兵等應領賞需印給空票。復因捐賞購買不及。那用官物雖訊據事後彌補。究屬侵冒。應照例將孟保、嵩祿等發往新疆充當苦差。下部議。尋議上得旨。此案孟保等擅用官物。並未明立文案。雖屬冒濫。為數尚屬無幾。所有前經查抄之孟保、海樓、嵩祿等家產均著給還。○以

湖北鹽法道程煥采為按察使。○禮部議准山東巡撫崇恩疏報採訪齊河縣節烈婦女李劉氏等五十四口。陽信縣馬王氏等二百五十八口。大學士四川總督寶興疏報。郭灌巴、大足、富順、雲陽、榮三、臺達、合江、秀山等縣尹陳氏等三十三口。各請建總坊旌表。從之。○撫卹琉球國遭風難夷如例。○乙丑。諭內閣。御史岳慶奏請飭督撫親提嚴訊上控之案。以安善良而懲刁頑。一摺。各直省上控之

案。如果該督撫等親提審訊。何至紛紛來京控訴。朕恭讀嘉慶年間

諭旨。嗣後各省上司。凡遇控案。若在督撫衙門控告。即著督撫親審。若在臬司衙門控告。即著臬司親審。如須派員隨同研鞫。亦當另行遴派。毋得仍批本屬及原審之員。自行覆審。致蹈回護瞻徇之弊。如尚不懍遵。致小民仍來京控告。彼時查明曾在本省控告。係發交原問官審辦者。必先將該省不行提審之上

司。懲治不貸。欽此。仰見

聖諭周詳。各督撫自應欽遵辦理。乃近來京控之案。不一而足。推原其故。總由民間詞訟案件。州縣官不為秉公審斷。甚至是非倒置。曲直混淆。執法婪贓。無弊不作。以致小民含冤上控。而該督撫等復不為親提究辦。仍發原審之員。該員等明知審斷錯誤。意存回護。前非又焉肯力為昭雪。此京控之所以日多也。嗣後著各直省督撫等。敬遵嘉慶年間

諭旨。遇有所屬上控之案。務當力除積習。立即

親提審訊。儻查有州縣任意妄斷。冤及無辜者。即隨時奏明懲辦。毋得徇庇屬員。此次飭諭之後。如再玩泄從事。必將該督撫等從重懲處。不稍寬貸。將此通諭知之。○諭軍機大臣等。寄諭湖廣總督裕泰。湖南巡撫陸費瑤。據吳其濬奏。稱訪獲楊林一犯。供係從師周燦。諷誦無生老母經識。名為金丹大道。與林依祕各自為教。意欲與之爭利。於道光二十

四年五月間。來滇傳教。周燦等均籍隸湖南衡州。已有旨諭令吳其濬將楊林一犯移解赴楚。俾作眼線。該督等接奉此旨。即行密派幹員。前赴衡州一帶。會同該地方官嚴密查訪。如有傳習金丹大道邪教之人。著即逐名拏獲。俟楊林等解到時。質訊明確。窮究黨與。務盡根株。以除民隱。該地方官等。本有失察之咎。如果查拏迅速。功過尚足相抵。其尤為出力者。尚當量予恩施。儻意存消弭。化有為



無致令蔓延各處將來別經發覺必當重治其罪斷不寬貸將此各諭令知之尋奏周燦業經病故據獲犯陳依精供稱林依秘係四川敘州府人現在不知何往已分別咨緝並委員馳赴衡州一帶會同地方官逐細訪查總期盡絕根株得旨嚴密查緝○又諭本日據吳其濬奏審訊續獲教犯情形並另行訪獲金丹大道教匪一摺已有旨交裕泰等密速查拏所有楊林一犯著即派委妥員移解

平定縣志

楚省以備質訊至該犯等所供來滇以後並未傳布殊難憑信著仍督飭承審各員再行嚴訊確情覈實究辦所有查拏此案之文武員弁著於定案時擇其尤為出力者奏請鼓勵將此諭令知之尋賀長齡奏楊林業經解楚臣到任後會同撫臣復加研鞫隨又續獲被誘習教多名仍飭各屬詳密訪拏逸犯毋使稍有餘孽報聞○又諭有人奏直隸派委曾知縣前赴河間審辦馮姓控告護衛同武

舉霸地訛詐一案承審之員竟與被告同車赴府不提被告反勒罰原告等語著飭爾經額確切訪查如果屬實即將委審之知縣指名叅奏並著查明同車之人是何名姓毋得稍有瞻徇回護將此諭令知之○丙寅諭軍機大臣等程喬采潘錫恩奏重運漕船全數渡黃一摺前因盛家河頭漫缺水勢旁洩經該河督奏明趕緊挑挖越河勒限完竣俾在後業已渡黃各船源源北上茲據稱現有六

平定縣志

七分工程著潘錫恩嚴飭承挑各員迅速趕辦毋稍延緩一俟工完啓放即將漕船引入加緊趲行不許再有阻滯該漕督等仍當飛飭沿途各員弁認真催提銜尾前進庶可以速補遲不至有誤漕運又另片奏雲貴領運銅鉛船隻業已放渡尚有四川解運木植並在後銅船俟空運未到之前另作一塘灌放等語銅鉛為鼓鑄攸關前已有旨飭催若俟空運未到以前甫行灌放必致有誤鼓鑄該

河督等務當相機妥辦設法趨催斷不准稍有遲滯將此諭令知之○丁卯命雲南騰越鎮總兵官世泰來京陛見○戊辰

上御勤政殿聽政○諭內閣前因布魯特滋擾英吉沙爾卡倫所有在事出力之伯克回子等業據奕經等奏請鼓勵當即降旨分別加恩茲據布彥泰奏查閱奕經原奏酌覈情形懇請特予恩施等語所有前經奕經飭令仍行看管之希皮察克愛曼布魯特比愛里雅

書張奏旨字記

爾著即釋放其失察所屬回莊潛藏逆匪前經降旨暫留四品阿奇木伯克之職停其升轉之邁瑪特瑪哈素特亦能迅速查拏使匪徒不致蔓延著毋庸停其升轉至前據奕經奏稱索胡魯克莊玉孜巴什土底巴依一見匪徒立即稟報查拏使破案較早尤堪嘉尚著賞給六品頂帶以示特獎○以頭等侍衛喀喇沙爾辦事大臣全慶詹事府詹事吉明為內閣學士兼禮部侍郎銜○以詹事府詹

事黃琮充日講起居注官○命陝甘總督惠吉撥銀五萬五千兩解赴塔爾巴哈台備道光二十七年經費○己巳

孝懿仁皇后忌辰遣官祭

景陵○庚午

上詣綺春園問

皇太后安○諭內閣鄧廷楨等奏請將貽誤邊防之護遊擊等分別革職發遣等語護永安營遊擊西寧鎮標中營守備朱承恩於附近

書張奏旨字記

七

地面潛聚賊匪毫無覺察迨本管總兵巡哨經過又復漫無防護偵探以致釀成戕官重案實屬膜視邊防有乖職守著即行革職從重發往新疆效力贖罪署大通營遊擊西寧鎮標前營都司特克慎於本營總兵經過時既經探有賊蹤乃僅派馬兵四十名護送迨聞報帶兵往援又不能迅速策應著一併革職仍留營差遣以觀後效○諭軍機大臣等鄧廷楨等奏探報賊番分竄窺伺酌量勦堵

情形一摺。賊番糾眾肆擾。拒捕戕官。並有直撲羣科圖搶蒙古遊牧之勢。必應分路追捕。痛加勦洗。該提督胡超久經行陣。諸悉機宜。現在親督官兵出口。著即迅赴察罕鄂博地方。一面由站柱探明賊蹤。各督官兵相機夾擊。其要隘處所。即分飭各將弁嚴密防守。該提督等務須激勵士氣。一鼓殲除。毋得稍有疏縱。任令賊匪乘隙竄逃。以致空煩兵力。儻該弁兵中有觀望遷延。不能得力者。立即從嚴懲辦。其西路賊番。即經飭令張銳等加意巡防。並諄諭該盟長等各將遊牧自行保護。仍著德興斟酌緩急情形。如須親往督辦。務即隨時策應。毋失機宜。至西寧郡城及卅州一帶。分別挑派提鎮各標官兵豫備調遣之處。均照所議辦理。該提鎮揔捕情形。該署督一俟報到。即行迅速具奏。將此各諭令知之。○禮部奏八月初十日  
萬壽節應行禮儀得旨。照例行禮。停止筵宴。○

賞河南等省甲辰科鄉試年老諸生張世和等二十一名舉人副榜有差。○辛未。諭軍機大臣等。據耆英等奏。丹麻爾國呈請設立領事。發給通商章程。稅則等語。丹麻爾國既係向來通商之黃旗國。貿易最久。並未間斷。現請設立領事。發給章程。稅則。係為安分貿易起見。事屬可行。著即准其設立領事。經理一切。並頒給通商章程。貨物稅則。俾有遵守。該督等務即轉飭該領事。於該國商人妥為約束。毋得稍有販私漏稅情事。致滋弊端。將此諭知耆英。黃恩彤。並傳諭文豐知之。○以大學士卓秉恬管兵部事。○壬申。禮部議准。山西巡撫梁萼涵疏報。採訪曲沃縣貞烈婦女劉靳氏等一千五百七十六口。請建總坊旌表從之。○癸酉。諭內閣。壁昌等奏。營縣獲盜中途被匪奪犯。並傷斃汛弁兵役一摺。地方官拏獲盜犯。理應知會沿途多撥兵役。小心護解。方免疏虞。茲據奏拏獲盜犯趙殿魁等。

多名並獲首盜韓奉遠張二等解至丹陽縣境呂城汛地方被盜匪數十人執械圍繞砍斃把總及兵役等所獲各犯及船隻俱被奪去非尋常疏懈可比該文武各員所司何事必應嚴加懲創所請革職留任之處殊屬輕縱署丹陽縣知縣馮翹專汛把總袁起龍均著即行革職仍勒限一月協同該地方官趕緊緝拏儻逾限不能將要犯全行弋獲即著嚴行叅奏以為廢弛捕務者戒該管鎮江府知府巴克唐阿鎮江營參將袁貴均交部嚴加議處壁昌尤渤於水陸營伍平日不能認真整頓致有此等重案均著交部議處尋議巴克唐阿袁貴降三級調用壁昌尤渤降一級留任從之○甲戌中元節	上詣	安佑宮行禮○遣官祭	永陵	福陵
--	----	-----------	----	----

清 實 錄 道光二十五年七月

昭陵	昭西陵	孝陵	孝東陵	景陵	泰陵	泰東陵	裕陵	昌陵○遣官祭	孝穆皇后	孝慎皇后	孝全皇后陵寢○遣官祭	瑞慧皇太子園寢○諭內閣此次考試國子監蒙古司業所有取列二等三等各員著吏部帶領引見此外不能繙譯蒙古文字各員毋庸帶領因思蒙古人員於繙譯文字俱應勤加肄習何以應試三十二員內能繙譯者僅有十二人其平日不能練習已可概見此
----	-----	----	-----	----	----	-----	----	--------	------	------	------------	--

次姑免深究嗣後各部院蒙古人員惟當於辦公之暇講求繙譯儻遇考試時再有不能繙譯者朕必將該員等從嚴議處決不寬貸○以戶部尚書賽尚阿兼閱兵大臣○乙亥諭內閣前因中河桃源汎漫口所有在後各幫船亟須設法挽進中河當經潘錫恩奏明趕挑越河勒限二十日全完計此時定已工竣將漕船送過越河惟念本年軍船過渡業已耽延必應加緊趲行以速補運著兩江總督河道總督漕運總督山東巡撫直隸總督將在後各幫船節節嚴催不准一幫脫空其河身淤淺處所認真挑挖并先期多雇民船豫備輪流剝運毋任片刻停留俟抵通後著倉場侍郎多撥人夫速行起卸俾不至守候稽延該督等務當相度機宜通盤籌畫儻辦理不善致回空軍船守凍不能如期歸次惟該督等是問恐不能當此重咎也懍之○丙子

上詣綺春園問

皇太后安○江南福山鎮水師總兵官孫雲鴻奏報出洋會哨日期得旨認真操練實力巡緝一洗從前疲玩粉飾惡習方可謂之盡天良重國事懍之勉之○丁丑

上詣綺春園問

皇太后安○諭內閣兵部等衙門奏議覆壁昌奏儲備水師人材熟籌招募一摺水師人材自以熟悉海洋情形精於駕駛為重舵工為

一船之主必得深悉沙礁之隱見潮流之順逆方協機宜該督請於商漁船上精選正副舵工惟此項舵水人等儻非嚴加查察但取其熟諳水性難保無匪類朦混冒充別滋事端所關匪細著責成該地方及該管各官認真體訪果係平日安分眾所共知者方准其出具切結考驗充補如充補之後查有為匪不法情事即將出結官從嚴議處毋得因循姑息致誤海防○又諭刑部失察積壓文件

之歷任掌印司員。前任郎中今升刑部右侍郎。斌良郎中恩錫桂昌。前任郎中吉昌員外郎鈴祥員外郎上行走怡昌。主稿司員。郎中李壽彭著革職留任行走司員。前任郎中朱璟熊。著以誠。郎中譚盛傳鄧傳馨員外郎劉岱駁。前任員外郎張楸森郎中奎綬。前任主事桂森惠林。主事陳廷吉王德固楊熙簡劉德鈞湯成彥崔桂尹開勳吳集禧陳大勳李銘皖。前任主事曹興仁著降二級留任。均

實錄卷四百一

八

不准其抵銷。原派之堂官。前署尚書鐵麟。前任侍郎麟魁。德誠王植著降一級留任。歷任堂官。前任尚書寶興。前署尚書賽尚阿。前署侍郎特登額。祝慶蕃。前任侍郎柏後惠豐成。剛善。著許乃普黃爵。著罰俸一年。均著准其抵銷。○大學士穆彰阿等議奏。據伊犁將軍布彥泰奏。稱和闐所屬達瓦克新墾地。畝現已築壩開渠。修立龍口。將境內玉河水源順勢導入。復於洋阿一帶。覓得泉源五十餘

處。接引入渠。終年皆堪灌注。是此項荒地實有可墾之處。自應准其開墾。但和闐一城在葉爾羌東南八百餘里。於回疆中最屬偏隅。而新墾地畝。又偏隅中之偏隅。不獨民戶難以招徠。即有恆產之回民。亦難強致。應如所奏。就其情願承種者。先行分給。其將來能安千戶與否。隨時酌辦。庶無流弊。又稱今歲春耕已過。應以來歲為試種之年。俟秋成後再行定則。升科。其徵糧一石折納銀五錢。或按

市價折交普爾錢二百文。以四百文抵銀一兩。均應准其照辦。從之。○以定郡王載銓署正紅旗滿洲都統。○旌表守正捐軀直隸寶坻縣民鄭喜妻劉氏。奉天錦縣民趙柱妻劉氏。○戊寅添撥河南司庫銀二十五萬兩。備東河防險。從河道總督鍾祥請也。○庚辰諭內閣。都察院奏查明各省京控咨交案件逾限。並上次展限已逾。仍未審結各案。開具清單呈覽。各省民人來京具控。經各衙門咨交

之後該管上司自應勒限嚴催迅速審辦茲據都察院查明該衙門咨交各省逾限未結統計四十八案之多步軍統領衙門咨交各省逾限未結統計十六案之多任意積壓玩泄已極著吏部即將承審逾限各督撫將軍都統府尹及委審各員應得處分查取職名分別議處並著各該督撫等迅速審辦完結毋任延宕致干咎戾○諭軍機大臣等薩迎阿奏盤獲習教匪犯訊究供情一摺據奏平

泉州拿獲匪犯王壽榮搜出參元圖紙片供稱係山東濱州崔金伯令伊學習功夫名黃蓮教入教者有趙仁尊等十六人趙仁尊家內供奉天理教主圖像崔金伯將參元圖印板交伊廣為傳徒伊刷印後曾給過壽光縣賈希麟弟兄三張六月間至直隸寧津縣生員郝聖瑞書館勸其學習未允留圖二張即偷出口外旋被盤獲等語現當查拏教匪喫緊之時該犯膽敢攜帶印圖擅至口外恣行

荒誕平泉州既有此等習教人犯直隸所屬各州縣更難保無被其煽惑私行習教者著訥爾經額轉飭各屬嚴密訪查如有留圖入教之犯即行親提研鞫按律懲辦王壽榮一犯著薩迎阿迅即派員解赴直隸交訥爾經額嚴審其寧津縣生員郝聖瑞雖稱未允習教亦著傳案質訊毋令稍有避就至所奏習教各犯姓名住址清單著鈔給崇恩閱看該撫即密委幹員按照單內所開飭拏務獲毋

令一人漏網仍俟直隸訊結後將該犯解赴山東徹底究辦務須淨絕根株是為至要將此各諭令知之尋直隸總督訥爾經額奏訊明郝聖瑞實止留圖二張並無習教情事復訪獲延慶州增生陳得霖亦留圖一張知其荒誕旋即燒燬此外並無留圖習教之人至王壽榮所供前後俱不相符應即解赴東省以憑確訊下部知之山東巡撫崇恩奏教匪王壽榮前所供籍隸濱州崔金伯等十九犯

現已飭屬按名詳查均無其人。因嚴訊該匪親父王多賢亦稱並不知情。應俟直隸解到該犯時根究查辦。得旨。細心研鞫。不可率忽。○又諭崇恩奏續獲擒匪及地方情形一摺。前因曹州府境擒匪團結抗拒。未能盡數殲獲。降旨飭令兜拏。並將該匪私造擡礮根由逐細查究。茲據奏稱自鄆城縣棘承寺圍剿擒獲首犯之後。續經報獲多名。餘匪逃逸。居民現已安堵。自應酌撤官兵。無任紛擾。惟此

項匪徒糾聚已久。總當就現獲各犯嚴行根究。按名查辦。斷不可將就目前冀圖了事。致貽後患。至所獲犯內藏有軍械。自當盡數搜起。並究明何年私造私藏。分別加等治罪。其良民之家擅藏器械。例有明文。既據該撫出示曉諭。即著照舊辦理。惟不可任聽不肖胥役人等藉查禁為名。紛紛擾累。將此諭令知之。○又諭奕經等奏希皮察克布魯特愛里雅爾供稱賊匪提拉等誣伊勾結訛索銀兩

心實不甘。請仍將伊管押再令伊子斯底克出卡實力拏賊。以明其心等語。愛里雅爾並無勾結情事。前已諭令布彥泰即行釋放。著該將軍等傳諭該犯被誣之處。大皇帝早已深悉。該犯惟當加意勤慎。撫綏部眾。不必令伊子斯底克出卡捕賊。毋致稍存疑懼。將此諭令知之。○又諭都察院奏河南民人韓廣舉呈控糾鬪槍傷詎詐庇縱一案。已明降諭旨。交鄂順安親提嚴訊矣。此案控鬪聚眾互

鬪。施放擡槍傷斃人命重情。若不嚴拏究辦。勢必習為械鬪。於地方殊有關繫。且差役縱犯詐贓。刑書隱匿卷宗。何以案延二載。疊經上控。該地方官並未緝拏究辦。著鄂順安嚴飭該地方官勒限緝犯。務獲嚴行審訊。按律懲辦。儻拏究不力。致將來釀成械鬪巨案。恐該撫不能當此重咎也。將此諭令知之。尋奏民人陳萬彩挾李虎山索債之嫌。糾集十餘人向李虎山尋毆。李虎山亦約人抵禦。旋因



陳萬彩施放擡槍誤傷韓廣譽之妻兩造俱畏懼走散並未互鬪惟正兇逃逸日久無獲臺將該地方官奏參在案先後卷宗俱存縣署刑書並未隱匿惟差役韓悃謨等詐得韓廣譽制錢五千棉紬五匹請將韓悃謨等依例擬杖枷陳喜孟等聽從陳萬彩糾邀依聚眾十人以上執持器械例發新疆給官兵為奴仍飭嚴緝正兇下部議從之○以安插巴爾楚克眷戶妥協予屯田糧員尚安布議敘

○命陝甘總督惠吉撥銀七萬二千六百八十六兩有奇解赴烏魯木齊備道光二十七年經費○辛巳諭軍機大臣等有人奏前歲西寧會勘番賊總督富呢揚阿提督周悅勝並未與賊接仗惟將番僧邀至大營優加賞賚面結和約至馬廠被搶馬匹僅分派各營攤賠完結並有捐賠馬價之說全充貪員私橐缺額馬匹仍然未補等語前歲勦辦番賊時富呢揚阿等曾否督率將弁與賊接仗有

無邀番僧至營面結和約之事該處地方員弁等自必共見共聞斷難掩人耳目著惠吉到任後密行偵訪務將實在情形確切查明斷不可意存諱飾代人受過該督統轄兩省文武如果訪查得實立即奏明懲辦使屬員咸知畏懼此後辦理地方公事更易得手儻巧避嫌怨不肯據實直陳則輟懦自甘此後一切公事尚望屬員畏服耶至被搶馬匹率派攤賠缺額馬匹並不買補究竟馬匹被搶若干現在短缺若干並著一併查明具奏如敢蹈官官相護惡習將來一經發覺或經朕別有訪聞惟惠吉是問該督接奉此旨著即據實具奏無庸會商原摺著鈔給閱看將此諭令知之○又諭有人奏從前勦辦青海野番甫報肅清旋又有傷弁搶馬之事今復戕害總兵大員總由疆臣聞帥姑息養癰等語據稱山內生番多由內地遊民回子及脫逃遣犯竄匿其中教誘生事其損失馬匹但知

分派各營攤賠完結。並有捐賠馬價情事。又前歲西寧會勘時。富呢揚阿與周悅勝並未見賊接仗。惟將番僧邀至大營。面結和約。該僧有包管十年無事之語。遂即張皇奏捷。師旋之日。已有賊眾圍困鎮將焚掠居民之事。並未奏聞。似此彌縫諱飾。以致兵制日非。馬政日壞。何以綏靖邊陲。德興到任。在前次會勘以後。無所用其回護。接奉此旨。著即逐條確切訪查。究係如何鋪張粉飾。馬匹實在被

搶若干。現在短缺若干。查明後。即自行繕摺具奏。毋庸會商。儻有不實不盡。將來別經發覺。惟該大臣是問。原摺著鈔給閱看。將此諭令知之。○又諭有人奏青海野番戕害總兵大員。總由疆臣間帥姑息養癰等語。據稱其損失馬匹。但分派各營攤賠完結。並有捐賠馬價情事。又前歲西寧會勘時。富呢揚阿與周悅勝並未見賊接仗。張皇奏捷。似此彌縫諱飾。何以綏靖邊陲。摺內所指各情。皆係鄧

廷楨署總督以前之事。無所用其回護。接奉此旨。著即逐條確切訪查。究係如何鋪張粉飾。馬匹實在被搶若干。現在短缺若干。查明後。即自行繕摺具奏。毋庸會商。儻有不實不盡。將來別經發覺。惟該署督是問。原摺著鈔給閱看。將此諭令知之。○以故雲南景東廳屬保甸土巡檢陶廷翊子元品襲職。○貸河南駐防官兵修理房屋俸餉銀。○癸未

上詣綺春園問

皇太后安。○諭軍機大臣等。前據耆英等奏裁撤守臺屯丁。改徵租息。募兵駐守一摺。當交該部速議具奏。茲據該部奏稱。該督等係為海防緊要。因地制宜。起見。裁撤屯丁。改添兵弁。足資捍禦。徵收租息。作為兵食。亦屬有餘。應如所奏辦理等語。已降旨依議矣。惟念各臺既經添兵。自應勤加操演。以期技藝日精。足資防守。所請添設千總把總外委等員。能否得加。平時操演。應歸何人考察。不致惰誤。

至此項新添兵丁僅止五百六十名設遇緩急尚有何營官兵可以就近調集為後路策應之處仍著該督等體察情形悉心妥議具奏將此諭令知之○又諭鄧廷楨等奏官兵節次捕擊番賊現在提鎮分駐要隘會合勦辦一摺覽奏俱悉賊番分股肆擾經官兵等協力攻剿先後殲斃多名已將賊匪壓退惟番情叵測聚散靡常此次賊數不過二千餘人而忽分忽合忽東忽西為牽制官兵之計必須偵探賊蹤出其不意相機勦捕勿任竄伏遊奕現在胡超帶兵馳抵永固距察罕鄂博僅止一百餘里與站柱聲息相通乘此官兵會合之時務當一鼓作氣於賊番往來要隘堵截抄擊尤當設法斷其後路俾不至竄歸巢穴空勞兵力至番賊窺伺羣科此時是否解散著德興駐劄丹噶爾督率官兵並蒙古等一併防範毋得稍有疏虞並責成胡超督緝卡內之賊以清北路站柱督緝卡外之

賊以清南路其餘防堵接應各事宜俱著照所議辦理將此由四百里諭令知之○又諭惠吉奏行抵潼關趨程赴甘籌辦勦捕一摺據奏甘涼西肅一帶無業回民甚多必有從中煽惑之事等語回民勾結番眾滋擾邊境事所必有該督務嚴飭守卡弁兵禁止回民私行出入儻訪有從中糾約之徒即行嚴加懲辦毋稍姑息本日又據鄧廷楨等奏官兵節次捕擊賊番及現在提鎮分駐要隘會勦各情形賊番經我兵捕擊殲斃多名勢必分頭逃竄窺伺各隘以期牽制我兵惠吉到任後務與鄧廷楨等熟商妥籌相機勦辦尤當設法斷其後路俾不至竄歸巢穴空勞兵力是為至要鄧廷楨等原摺著鈔給閱看將此由四百里諭令知之○開採廣西恭城縣鉛礦從巡撫周之琦請也○甲申

仁宗睿皇帝忌辰遣官祭  
昌陵○

上詣

安佑宮行禮。○諭內閣嗣後貴妃以下及阿哥公主等遇有舉行吉禮時各衙門應題應奏事件俱著照常呈進無庸迴避。○又諭禮部議奏御史張修育奏清釐籍貫以杜冒濫一摺士子冒籍跨考作何辦理定例本極詳明嗣後著仍照舊例辦理以免紛更。○諭軍機大臣等恆毓等奏查勘官荒地畝籌議開墾一摺據奏塔爾沁地方有官荒地八千餘畝堪以開墾該處附近並無回戶亦無回民耕種之地等語此項官荒地畝恆毓無庸前往查勘著全慶林則徐前赴該處詳細履勘是否可以開墾並能否招徠戶民承種納糧之處妥為定議由布彥泰覈明具奏將此諭知布彥泰全慶恆毓並傳諭林則徐知之。○禮部議准江蘇巡撫李星沅疏報採訪六合縣貞節婦女許陳氏等一千三百九十九口請建總坊旌表從之。○旌表遇賊殉難安徽

婺源縣職員金待聘妻林氏暨子嘉慧嘉瑜媳林氏祝氏孫長森長發。○乙酉大學士穆彰阿等議奏據伊犁將軍奏稱葉爾羌所屬之霍爾罕地方新墾田九萬八千餘畝現已開挑渠道足資灌溉但地處偏隅與回莊雜錯招民承種既多未便不若分給回戶轉可相安自係實在情形應如所奏辦理至巴爾楚克為葉爾羌扼要之區向無回莊夾雜其未種餘地甚多應令該城大臣設法招徠將餘地全數招墾務期糧足民多漸成庶富即以寓控制邊陲之意此項工程係屬捐辦總須妥為經理不得藉端勒派其將來定則升科應照葉爾羌歷年奏銷冊報回子承種官地之例將歲收糧石平分入官仍悉心查數隨年豐歉約計每畝歲收之數酌定每畝徵糧之數以杜收多報少之弊應由伊犁將軍妥議章程辦理從之尋奏應做庫車阿克蘇成案每畝徵糧五升但地係新畬收成尚薄

請自道光二十八年升科起。是年徵收一半。至二十九年全數徵收。按照部價。每石折銀五錢。即留充該處經費。下部議從之。○以故雲南臨安府屬納更山土巡檢龍章弟驤襲職。○丙戌。以辦理軍需報銷完竣。予福建通判李廷泰等加銜升補有差。○命陝甘總督惠吉撥銀八千兩。解赴喀喇沙爾。備道光二十七年經費。○丁亥。諭內閣翰林院本年散館授職人員。及侍讀以下。詹事府洗馬以下。上年告假有事故。並由各衙門改任翰詹。未經召見各員。均著自八月十六日起。每日二員。豫備召見。如遇外膳日期。即改於次日伺候。其餘各員。以次遞推。○諭軍機大臣等。前據鄧廷楨奏。勦捕番賊情形。當諭知惠吉等。妥籌設法。相機勦辦。務須斷其後路。不致空勞兵力。計該督等接奉後。自必轉飭遵辦。本日據鄧廷楨奏。金羊嶺一帶。前後共派官兵二千一百名。由站柱統帶進剿。胡超前後調

帶官兵共五千餘員。名均經嚴檄催進等語。此次各路分撥官兵。為數較多。足可痛加勦洗。惟賊番倏聚倏散。蹤跡無常。總須處處嚴防。遏其奔突之路。轉瞬即屆深秋。該賊番見兵威既壯。又慮大雪封山。窮蹙之餘。勢必竄歸巢穴。胡超統領大兵。是其專責。務與站柱聲息相通。豫撥重兵。截其歸路。將滋事番賊悉數殲擒。儻令乘隙竄逃。空煩兵力。至賊番無所懼。畏春融以後。故態復萌。朕惟胡超等是問。惠吉鄧廷楨督辦此事。務當彼此熟商。妥飭辦理。期於迅速藏功。俾番賊羣相震懾。不敢復萌異志。是為至要。至署總兵慶和。在金羊嶺打仗被圍。隨營把總張士秀。竭力救護。扎斃數賊。因勢孤卒被戕害。可嘉可憫。著該部即照千總例議卹。以昭激勸。其甘肅派捕番賊官兵。所須口食馱載等項。准其在藩庫存貯減平節省款內。先行借動銀五萬兩。以濟要需。事竣後。由該督綜覈確數。設法歸

款將此諭令知之○以翰林院侍講學士德齡為詹事府詹事○戊子諭內閣鐵麟等奏續墾園地請飭會查覈辦一摺多倫諾爾營外正藍旗遊牧界內現在續墾園地添蓋房間著訥爾經額揀派妥員會同鐵麟等所委之員前赴該處調齊旗廳案據冊檔眼同總管多倫諾爾同知於交界處所確切查明分定界址照例覈辦○命副都統銜達洪阿馳往甘肅查辦事件○己丑

實錄卷四百七

旨

上詣綺春園問

皇太后安

大清宣宗效天符運立中體正至文聖武智勇仁慈儉勤孝敏成皇帝實錄卷之四百十九

實錄卷四百九

聖

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百二十

監修賴曾親近日講起居注官太子太保體仁閣大學士文淵閣領閣事管理戶部事務上書房師傅翰林院掌院學士等官

天府府尹事務通纂加五載紀錄十八次臣賈積勳兼官經筵講官吏部尚書鑲藍旗漢軍副都統管理新營城內營房入直稽察內

七倉大臣持參會同四譯館事務如一級隨帶加六板車口口三級紀錄五口口化口口經漢書文刊開採來則書表非面書訓道

內務府大臣領白旗滿洲都統稽察內七倉大臣管理宗人府銀庫左翼地方學  
監舞臺園明園等處稽覈宗人府各處及御膳房大

醫院通科處事務隨帶四十八級，在阿靈阿副總裁官總巡漢官兵部尚書隨帶加六級紀錄二十次，周祖培等奉

救修

道光二十五年乙巳八月庚寅朔諭軍機大

臣等據鄧廷楨等奏官兵偵擊賊番得獲勝仗一摺。此次賊番向硫磺溝腦衝突。經總兵站標督率官兵占據山梁。殲斃甚眾。賊番業已畏懼。四散奔逃。正當趁其窮蹙之時。痛加勦洗。該賊番現雖逃遁。而臥牛河一帶。為向來賊匪出沒之區。自應嚴飭防守。勿任竄越。並於附近地面。悉力窮搜。務期淨絕根株。此次打仗出力官兵。著惠吉查明保奏。候朕施恩。毋許冒濫。其陣亡外委一員。及受傷兵丁。

著與節次打仗傷亡弁兵咨部請卹。又另片奏總兵站柱於硫磺溝附近各口搜查。見有賊番東竄。當即分兵兜截。擊斃番匪十餘人。奪獲牲畜等件。該總兵現仍駐劄硫磺溝。防禦賊番回巢要路等語。硫磺溝實為扼要之區。必應揀派得力員弁及勇往兵丁認真堵截。務使賊番歸路斷絕。無從逃回巢穴。以致空煩兵力。以上斃賊奪回牲畜各情節。責成惠吉秉公查詢。據實覆奏。如稍遮飾。是惠吉

先蹈欺罔之罪。慄之又慄。又另片奏。已革守備朱承恩。於被叅後。隨同站柱。追勦番賊。尚知愧奮。請暫緩發遣。仍革職留營差遣等語。該革弁是否實在出力。著惠吉到任後。再行確切查明。據實具奏。將此諭令知之。○添鑄江寧滿洲營銅礮四十尊。從將軍岳興阿等請也。○辛卯。諭軍機大臣等。德興奏籌辦勦捕情形一摺。據稱番匪已從山北沿邊得賊折回。賊數甚眾。勢亦披猖。現在加添官兵。窮

追撥捕等語。惠吉到任在即。務當相度機宜。乘此天氣和暖。激勵將士。於要隘處所。竭力堵截。並著嚴飭該蒙古番子官兵等。偵探賊蹤。絕其歸路。聚而殲旃。至德興所請將西北一帶番匪悉數驅逐。折而南竄。路經海西。官兵迎頭撲捕。使其窮蹙。或乘天氣和暖。就勢辦理。或俟明春再行酌量驅逐等語。著與惠吉通盤籌畫。相機妥辦。固不可耽延時日。尤不可仍蹈從前惡習。將就了事。是為至要。將

此諭令知之。○修浙江山陰縣南塘灣塘工。從巡撫梁寶常請也。○貸浙江司庫銀修杭州乍浦駐防官署。○壬辰。

上奉

皇太后辛奉三無私殿進膳。○遣官祭

文昌帝君廟。○諭內閣朕勤求民隱。子惠元。元自御極以來。蠲賦緩徵。恩膏壘沛。所願人安樂利。戶裕蓋藏。俾閭閻日臻康阜。因念各省民欠錢糧。自道光十五年降旨蠲免後。計

期已逾十稔。本年恭逢

聖母皇太后七旬萬壽。海寓乂安。民物豐豫。允宜推廣

慈恩。覃敷閭澤。用昭錫類之仁。所有各省節年正耗民欠錢糧。及因災緩徵帶徵銀穀。並借給籽種口糧牛具。及漕項蘆課學租雜稅等項。著各該督撫將軍府尹等。將道光二十年以前實欠在民者。詳晰查明。該省所屬某州某縣銀穀若干。速行開單具奏。候朕降旨全行豁免。並著先將此旨刊刻謄黃。徧行曉諭。務使城市鄉村。咸喻朝廷德意。毋任官吏胥役等延擱侵漁。致滋弊竇。期吾民休養生息。孝弟力田。比戶可封。催科不擾。用副朕延釐篤祐。申錫無疆至意。該部即遵諭行。○癸巳。大學士軍機大臣穆彰阿等奏。遵旨會議伊犁將軍布彥泰奏喀什噶爾新開地畝事宜。原奏內稱該處地畝。分河東河西兩處。河東之巴依托海。計地六萬七千二百畝。河西之



阿奇克雅黑計地一萬六千九十八畝。查河東毗連回莊無民可招。不得不酌給回子耕種。仍宜予以年限。督令升科。至河西地畝既稱可招。民戶承種。自應設法速為招徠。應請飭下該將軍等酌定期限。並升科引水各事宜。妥議奏明辦理。從之。尋奏河西現在設法招徠。其民戶若干。當隨時咨部。按年升科。並河東撥給回子之地。均應仿阿克蘇成案。每畝徵糧五升。每石折銀五錢。自道光二十八年升科起。徵收一半。二十九年全數徵收。下部議行。○修浙江仁和海軍三州縣海塘。從巡撫梁寶常請也。○甲午。諭軍機大臣等。敬敷等奏。喚夷移寓廈門新館。鼓浪嶼全境收復一摺。覽奏均悉。該夷等既經遷入新館。鼓浪嶼前撥弁兵。應即撤回歸伍。其避居難民。亦應急為招回。俾令復業。該將軍等仍須督飭該道。妥為安撫。另片奏興泉永道恒昌等辦理此事。經越數年。著有微勞。著准其酌量

請獎。候朕施恩。將此諭令知之。○賞固倫額駙景壽散秩大臣。○撫卹琉球國遭風難夷如例。○乙未。上詣大高殿行禮。○還宮。○諭內閣。據琦善等奏。西藏所屬哈喇烏蘇以外。按年派員巡查卡倫。祇屬具文。徒滋擾累等語。哈喇烏蘇既設有營官。著即責成該營官隨時防範。所有按年派員巡查之處。著即行停止。○又諭琦善等奏。喇嘛餘犯罪名。懇恩寬免一摺。所有該犯等一百七十八名。著即全行免罪。仍督飭噶布倫等。飭交各寺堪布領回。嚴行管束。儻稍有不法。即由該堪布稟請從重治罪。○以祭社稷壇。自是日始。齋戒三日。○丙申。雲南昭通鎮總兵官福克精額因病解任。以湖南靖州協副將劉定選為昭通鎮總兵官。○丁酉。祭先師孔子。遣協辦大學士吏部尚書陳官俊行禮。○諭內閣。吳其濬奏請飭清查銅廠情

形。庫存款項等語。所奏是。滇省銅本。每於正額之外。動以多辦銅斤為詞。援案借支銀兩。積成鉅款。必宜清查辦理。著新任巡撫鄭祖琛。督率藩司蘇彭阿。將銅廠情形。及庫存銅款。逐細清查。務令有廠州縣。悉心採辦。通力合作。以供京運。並於奏銷時。由廠員造送所辦銅斤確實數目。詳呈覈對。儻書吏幕友等。查有勒索需索等弊。即行按律究懲。毋稍寬縱。○戊戌祭

大社

大稷

上親詣行禮○

太宗文皇帝忌辰遣官祭

昭陵○幸圓明園○已亥

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

顯佑宮

東嶽廟

城隍廟○

上詣

安佑宮行禮○詣綺春園

皇太后前行禮○御正大光明殿皇子及王以下文武大臣官員蒙古王公額駙等行慶賀

禮○御同樂園賜皇子及王以下文武大臣  
蒙古王公額駙等食○以阿齊烏蘇開墾出  
力命散秩大臣銜頭等台吉阿奇木伯克哈  
里咱特在乾清門行走並下部議敘遣戍己  
革總兵官李廷揚等扣滿三年釋回○庚子  
太祖高皇帝忌辰遣官祭

福陵○諭軍機大臣等鄧廷楨奏遵旨覆奏接  
仗情形及停止續調官兵一摺覽奏均悉此  
次賊番膽敢搶掠口糧傷害兵丁經官兵等

宣宗實錄卷四二〇

九

分路勦捕殲斃甚眾其疏曠溝等處賊番亦  
均逃竄無蹤正當乘其窮蹙之時盡力掩捕  
著胡超選帶弁兵前赴二寺灘一帶細加排  
揔一面將居民妥為安撫不准官兵等以挖  
拏番賊為名致滋擾累但不可稍存鬆懈致  
賊匪乘間免脫回巢空勞兵力現在各營官  
兵不下五千餘員名業已足敷調遣所有續  
調之官兵二千三百餘員名自應概行停止  
至賊番種類繁多此次滋擾究係何處番賊

仍著隨時查訪具奏其中必有回民漢奸從  
中勾結滋事務即設法嚴拏懲辦惠吉此時  
計已到任一切勦捕情形著與胡超通盤籌  
畫悉心妥辦以期綏靖邊陲克副委任將此  
各諭令知之○辛丑

上奉

皇太后幸同樂園進膳○賜皇子及王以下文  
武大臣蒙古王公額駙等食○調雲南巡撫  
鄭祖琛為福建巡撫山西巡撫梁芻為雲

宣宗實錄卷四二〇

十

南巡撫福建巡撫吳其濬為山西巡撫○壬  
寅

上詣

安佑宮行禮○癸卯戶部議准江西巡撫吳文  
鎔疏報廣豐縣開墾田一項十六畝有奇照  
例升科從之○甲辰遣官祭黑龍潭

昭靈沛澤龍王之神玉泉山

惠濟慈佑靈濩龍王之神昆明湖

安佑普濟沛澤廣生龍王之神密雲縣白龍

潭

昭靈廣濟普澤龍王之神○遣官祭圓明園惠濟祠

河神廟○乙巳遣官祭

關帝廟○遣官祭昭忠祠○丙午

上詣綺春園問

皇太后安○諭內閣程喬采奏衛河水勢漸落請多備剝船接運等語著訥爾經額即飭天津道封雇寬大民船迎至天津以南安陵以

平糶人等

上

北一帶水次剝運抵通俾江廣在後漕船及時南下免誤回空毋稍遲忽○江南河道總督潘錫恩奏高堰山盱二廳臨湖石工後身向築灰土因遭風浪往往掣刷寬深填補多費經前河臣麟慶奏准於灰土後添鋪碎石惟此項需用甚鉅仍難一勞永逸現仍飭屬按照舊規一律補築灰土以節糜費得旨所辦固是務當覈實慎之○以翰林院侍讀德惠充日講起居注官○丁未諭軍機大臣等

據卓秉恬等奏現因查拏教匪王壽榮所供之延慶州廩生王姓適有現在昌平州高立營教書之山東濟南府臨邑縣人楊玉基即楊丕基又濟南府章邱縣人柏儉亭一聞此信即行解館回家形跡可疑等語著崇恩密派妥員速拏楊玉基即楊丕基柏儉亭到案訊明如有習教情事即行解交直隸總督歸案審辦原摺著鈔給閱看將此諭令知之尋奏楊玉基即楊丕基柏儉亭俱拏獲到案訊

平糶人等

上

與王壽榮素不相識前因農忙解館回家王壽榮因窮極無聊捏造圖式希冀惑人斂錢現由張士魁刻字鋪撥出圖板上有王壽榮著字樣此案除楊玉基等無庸議外王壽榮合依律發回城給大小伯克為奴張士魁杖八十折責發落下部議從之○命陝甘總督惠吉撥銀二萬二千四百九十八兩有奇解赴阿克蘇備道光二十七年經費○戊申諭內閣寶興奏請寬免失察習教處分等語此

案李一原等習教傳徒蔓延各省經四川各州縣查知究出前情分咨飭緝將首夥各犯次第獲首犯已明正典刑各省亦多有破獲功過尚足相抵所有各該州縣失察處分著加恩准其寬免○諭軍機大臣等上年據劉韻珂奏嘯嘯有船駛至琉球強留執事通事各一人在彼等語當經降旨令著英確切查明具奏茲據著英奏稱詢據嘯嘯苗喇嘯呢聲稱係伊未到粵之先兵頭嘯嘯叫遣人

前往當於前赴通商各口之便將該二人撤回以後斷不再令前往並稱尚有文書一件續即送來等語著俟著英將該夷文書咨行到閩後該督即轉咨琉球國王知悉將此諭令知之○已酉諭內閣德春等奏衛河來源久旺水勢有消無長必須調用小米軍船及官民剝船寬為接濟等語著直隸總督即委天津道率領各項剝船馳赴安陵一帶迎幫寄剝俾各幫軍船即由安陵就近回空南下

如剝船再有不敷即飭天津道設法添雇以資應用毋得稍有遲延致滋貽誤○又諭德春等奏江廣幫船脫空遲延請旨飭催一摺據稱湖北頭幫挽入直境相距前幫脫空五日其二幫尚無入直消息現在時候已遲計霜降前十日回空例限僅止二十餘日江廣漕米尚有六十餘萬石之多此時幫船銜尾而來已屬趕辦不及似此節節脫空必致耽延誤事著漕運總督山東巡撫直隸總督嚴飭所屬設法籌催添剝濟運務期速益求速毋致有誤回空例限○又諭鍾祥奏豫提防險銀兩採辦碎石一摺豫東河工採辦碎石銀兩年年豫提甚屬不合此次姑允所請准其豫提丙午年例撥防險銀十萬兩分派各廳購辦碎石限於來年桃汛內堆齊如有短少遲延即行嚴叅懲辦嗣後仍當按例採辦不准再行援案豫提○護貴州巡撫羅繞典奏拏獲習教匪犯李元俸等按律懲辦得旨

嚴密查緝。勿擾善良。勿留餘孽。勉之。○庚戌  
旌表守正捐軀河南禹州民孫貴妻劉氏。○  
辛亥。秋分夕。

月於西郊遣豫親王義道行禮。○予四川勦夷  
陣亡外委楊廷英祭葬世職。兵丁王榮陞等  
卹賞如例。○壬子。

世宗憲皇帝忌辰。遣官祭

泰陵。

上詣

安佑宮行禮。○戶部議准。江西巡撫吳文鎔疏  
報鉛山縣開墾田二十畝。照例升科。從之。○

癸丑。

上詣綺春園問

皇太后安。○甲寅。工部尚書敬徵因病解任。調  
禮部尚書特登額為工部尚書。以正藍旗漢  
軍都統保昌為禮部尚書。○兵部左侍郎德  
厚因病賞假。以禮部左侍郎連貴兼署兵部  
左侍郎。○乙卯。諭內閣。戶部奏。鉛運借支銀

兩。覈與例案浮多。請旨飭禁。並酌量變通舊  
章。以示限制等語。據稱節年鉛運各員應追  
借支等款。已積至十四萬數千之多。若不即  
加整飭。勢必紛紛效尤。更無底止。著山東巡  
撫轉飭鉛運各員。嗣後請借銀兩。務須按照  
定例。覈具應銷銀數。在五百兩以外者。止准  
借至五百兩。其在五百兩以內者。必使所借  
之數。無浮於應銷之數。不得借至五百兩。至  
讓漕等事。尤當查勘確實。毋任冒濫。儻再率  
行借給。以致無著。即照定例。將濫借之地方  
官。分別著賠。以杜浮冒。而重支銷。至所議各  
條。著雲貴湖廣。及沿途各督撫。一體遵照。實  
力奉行。毋稍冒濫。○兩江總督壁昌奏。驗收  
沿江礮隄。兵房各工。並演視新鑄礮位。及後  
路接應兵勢。調看新造水師操巡船隻。查驗  
福山新設鎮營。校閱各營官兵技藝。並將裕  
課緝私事宜。與運司但明倫面為籌議。得旨。  
防堵操練。原非但明倫之責。然立賢無方。朕

看其人頗堪討論。卿其試行之。○以定郡王載銓管欽天監及算學事。○以雲南按察使趙光祖為布政使。山西歸綏道普泰為雲南按察使。○丙辰。旌表守正捐軀山西平定州民胡萬鍾女煥娃子。○丁巳。

上莅壽恩固倫公主園。○遣官祭賢良祠。○諭軍機大臣等。惠吉奏賊番竄赴西路搶擾。派兵馳往勦捕一摺。賊番經連次殲擊之後。和甘涼一帶。有備復竄。至西路乘間搶掠。傷害

宣宗實錄卷四十二

七

邊。現經添遣官兵。前後兜殲。而巴思洞一帶。有通透肅州邊卡路徑。尤為扼要之區。著惠吉飛飭帶兵將弁。即由巴思洞一帶取道。跟蹤掩捕。並著總兵恆安。飭催原派將弁。迅速進擊。仍酌帶官兵。親往策應。兩路併力兜擒。庶免分奔逃竄。該督正當乘此天氣和暖之時。督飭將弁。前後夾攻。務期悉數殲除。毋致再令滋擾。是為至要。將此諭令知之。○戊午。以直隸永定河三汛安瀾。開復道員張起

鵬革職留任處分

宣宗實錄卷四十二

八

大清宣宗效天符運立中體正至文聖武智勇仁慈儉勤孝敏成皇帝實錄卷之四百二十

聖母皇太后七旬萬壽加上

擬錯誤有關生死出入大案。究出實情。改擬



得當者。卽照審轉官例一體送部引見。如原問官擬罪有關出入。無關生死。委審官平反得實者。每案准其紀錄二次。如原問官擬罪並無出入。止於未能審出實情。委審官研訊得實者。每案准其紀錄一次。均由該督撫於定案時。將何官錯誤。何官駁正之處。隨案聲明辦理。其並無平反。僅止研訊出力者。如係案情重大。人犯眾多。該委員果能秉公細心。妥速研鞠。實在出力。仍准該督撫保奏。並著

宣宗實錄卷四二二

三

將該委員如何出力之處。詳細敘明。不得以委審出力空言聲請。致滋冒濫。○壬戌。禮部議准。山西巡撫梁夢涵疏報。採訪朔州貞節婦女王鄭氏等一百三十三口。請建總坊旌表。從之。○癸亥。諭內閣。戶部奏。銅鉛船隻沿途羈滯。請飭催趲等語。滇黔兩省辦解銅鉛。向來責成派出之藩臬大員。飭屬催趲。無任逗留。原期迅速趲行。以資京局鼓鑄。若任聽各運員沿途耽延。是派委藩臬大員。竟成虛

宣宗實錄卷四二二

四

設。現據戶部奏。委員湯師淇等各起。迄今均未據咨報行抵何處。若再羈遲。必致在途守凍。多糜經費。著沿途各督撫。督飭派出之藩臬大員。將在境銅鉛船隻。迅派幹員會同經過。地方文武員弁。無分晝夜。實力迎提。總期於河水未凍以前。一律趕運抵通。無任稍有羈滯。儻各該運員藉詞延宕。地方官不實力催趲。卽著各該督撫指名嚴參。毋得視為具文。有名無實。○調山東曹州鎮總兵官王錦。為河南南陽鎮總兵官。以兩廣督標中軍副將祺壽。為曹州鎮總兵官。○甲子。諭內閣。布彥泰等奏。參延擱盜殺重案之撫民同知。請撤任嚴究一摺。伊犁撫民同知慶辰。於兵丁被殺一案。遲至三年之久。尚未詳辦。實屬任意延玩。慶辰著卽撤任嚴究。此外有無積壓案件。並著徹底根究。從實懲辦。前任掌印章京塔那泰。遇此等案件。不行督催。亦難免另有別情。該員現以同知赴京候選。著吏部於

該員到京時。即行解回伊犁。以憑質訊。○乙丑遣官祭

都城隍之神。○諭內閣着英等奏越南國解犯船隻。現已抵粵一摺。該國王款給被風師船。並派員押解盜犯。赴粵交收。實屬恭順。所有此次壓艙貨物。著加恩免其納稅。○又諭惠吉等奏。征兵不遵調遣。干犯號令一摺。此次胡超統帶官兵。出卡捕賊。肅州鎮官兵。膽敢同時譁謀。不肯入山。玩法已極。著惠吉查

實錄卷四百三

上

出為首之人。一面奏聞。一面即行正法。該管將弁。著查明嚴參懲辦。其不敢附和。致被毆辱之嘉峪關兵丁數人。亦著查明嘉獎。胡超身任提督。乃不能約束兵丁。致敢干犯號令。實屬畏難苟安。庸懦無能。著交部嚴加議處。○諭軍機大臣等。前因有人奏福建署晉江縣知縣張德靜被參各款。當交吳其濬於到閩時查明嚴辦。茲吳其濬已簡調山西。著將前奉諭旨。並原摺片。移交新任福建巡撫鄭

祖琛查辦。將此諭令知之。○又諭現在吳其濬已簡調山西巡撫。所有福建署晉江縣知縣張德靜被參各款。已有旨令吳其濬將前奉諭旨。並原摺片。移交鄭祖琛查辦。該撫接奉之後。務於到閩時。將該員被參之款。逐一查明。據實嚴辦。毋得避重就輕。致有不實不盡。將此諭令知之。○又諭惠吉等奏。征兵不遵派遣。干犯號令一摺。本日已明降諭旨。將胡超交部嚴加議處。並令查明管兵之將弁。

實錄卷四百三

六

及為首譁謀之兵丁。分別嚴參懲辦矣。惟念西寧卡外。天氣嚴寒。轉瞬大雪封山。我兵既難深入。來歲春融後。應如何豫調官兵。相機進剿之處。該督務當通盤籌畫。悉心妥議具奏。總期痛加追剿。毋致再有滋擾。方為盡善。至另片所稱胡超等撤兵歸伍情形。該提鎮等現經按緝之區。雖稱已無賊蹤。第紅崖高臺營縣地方。尚據報有賊番搶掠牲畜。傷擄民人之案。自應責令署肅州鎮總兵恆安。西

寧鎮總兵站柱督令官兵趕往前後夾剿。即或已思洞一帶山叢路歧亦當另行取道設法兜捕。胡超現既撤出應令即由口內大路就近趕往一體會剿。俾臻捷速。其扎勒杭阿一員現無派遣事宜。即令督飭弁兵實力巡防。毋稍疏懈。該督仍體察情形嚴飭各該提鎮於追剿嚴防兩無貽誤。是為至要。將此諭令知之。○命西寧辦事大臣德興來京。以副都統銜達洪阿為西寧辦事大臣。○以查拏會匪出力。予廣東同知李敦業等升敘有差。○丙寅。

上詣綺春園問皇太后安。○諭內閣程喬采奏參營員藉差需索阻滯回空。請旨革職一摺。直隸鄭家口營遊擊管德聲於幫船抵境例應查鹽軌敢任意扣留需索使費實屬貪鄙。僅予革職不足蔽辜。管德聲前已另案撤任著即革職交訥爾經額嚴行審訊按律定擬具奏。○涼州副

都統文祥因病解任調鑲紅旗漢軍副都統興泰為涼州副都統。○丁卯。諭內閣本年十月恭上皇太后徽號應進奏書。

冊

寶。朕於初二日御太和殿恭閱初五日在綺春園恭進奏書。初六日在綺春園恭進

冊

寶。著欽天監敬謹選擇吉時具奏其恭進

冊

寶時朕親率王公百官行禮該部即敬謹遵照具儀以聞。○戊辰。諭內閣前據御史烏凌阿奏參長蘆鹽務懸課舞弊各款當交訥爾經額普琳詳查究辦茲據查明覆奏徵收引課均有卷簿可稽並無虛出通關之事運司交代係按限辦理應解甘餉已分限起程該運同仍駐天津差委較便並非自便身圖其官親幕友亦訪無素行不謹與商人往來酬應

之事。該御史所奏。著無庸議。運同陳鑑現在告病。著即准其開缺。○又諭。葉長春等奏。臺灣屬縣。猝被風雨。動款急賑。一摺。臺灣府境。於六月初旬。大雨連宵。颶風間作。臺灣等縣。海口。淹斃居民三千餘人。殊堪憫惻。已據該鎮道。碾穀提銀。赴各鄉。分別賑濟。鳳山縣阿公店間。有失所之人。由該縣撫卹。著劉韻珂。派委妥員。詳細查明。被災輕重。妥速經理。所請動用倉穀銀兩。是否足敷賑濟。務使海濱

實錄卷一百五

九

窮民。不致一夫失所。其該縣倒塌城垣衙署。營汛監倉等所。及近山近海田園。有無衝壓情形。著飭該鎮道。確勘迅詳。覈實辦理。○已諭內閣。前因已革諾們汗呈詞內。控及駐藏大臣琦善。當將譯出呈詞。交文慶等秉公查奏。茲據逐款查明。琦善到藏時。接見該已革諾們汗等。係挨次給坐。嗣因查出不法各情。擬即奏辦。始不准其接見。至琦善赴達賴喇嘛處時。並無不恭之處。其發摺時。均照向

例拜發。訊據鍾方。孟保。博勒光武。及在藏把總外委通事等。所供均屬相符。至該已革諾們汗。點放所管戴珠噶佈倫等。琦善常言所放不是一節。所控尤係虛詞。全無憑證。顯係該已革諾們汗。挾該大臣叅辦之嫌。捏詞抵制。現據該尚書等。確查呈控各情。均屬全虛。著毋庸議。○以工部左侍郎羅文俊。知武舉。工部右侍郎周祖培。為武會試正考官。翰林院侍講學士孫銘恩。為副考官。○庚午。遣官

實錄卷一百五

十

祭

歷代帝王廟。○諭內閣。前據惠吉等奏。胡超統帶官兵。出卡捕賊。乃肅州鎮官兵。膽敢同時譁譟。不肯入山。胡超不能約束。致使干犯號令。當交部嚴加議處。茲據該部照溺職例。議以革職。實屬咎所應得。姑念該提督甫經到任。與久膺專閫。不能整肅戎行者有間。胡超著加恩。改為革職留任。八年無過。方准開復。以觀後效。○辛未。戶部議准。直隸總督訥

爾經額疏報平山縣開墾地五十六畝有奇。照例升科從之。○壬申。

上詣綺春園問

皇太后安。○甲戌。兵部以武會試中額請得旨。滿洲取中三名。漢軍取中六名。直隸取中十五名。奉天取中一名。山東取中四名。山西取中二名。河南取中十二名。陝甘取中二名。江蘇取中一名。安徽取中二名。浙江取中二名。江西取中五名。湖北取中二名。湖南取中一

實錄卷四百三

七

名。福建取中二名。廣東取中二名。廣西取中一名。四川取中一名。雲南取中一名。貴州取中一名。○以兵部右侍郎瑞常兼鑲紅旗漢軍副都統。正黃旗漢軍印務參領景淳署正黃旗蒙古副都統。○乙亥。禮部議准。河南巡撫鄂順安疏報。採訪新蔡縣節婦郭馬氏等三十四口。請建總坊旌表從之。○丙子。諭內閣。前據奕經等奏。察哈里克坎帕爾兩回莊。當英吉沙爾滋事之時。經賊匪糾約。並無一

人從賊。當經諭令查明該兩莊應完賦稅數目。候朕加恩。茲據麟魁等查明開單呈覽。該兩莊回戶同心守義。實堪嘉尚。允宜特沛恩施。所有應完道光二十六年二十七年賦稅各項均著加恩豁免。該大臣等即行宣示。以昭獎勵。○賞甘肅涼州鎮總兵官長年頭等侍衛。在大門上行走。以湖南永順協副將惠慶為涼州鎮總兵官。○命陝甘總督惠吉撥銀六萬四千八百五十一兩有奇。解赴葉爾羌。色爾楚克。撥銀八萬九千四百六十六兩有奇。解赴喀什噶爾。英吉沙爾。備道光二十七年經費。○以喀什噶爾舊貯烏槍年久殘缺。改造擡槍。從領隊大臣開明阿請也。○丁丑。戶部議准。廣西巡撫周之琦疏報。天保縣開墾田十三埜有奇。照例升科從之。○戊寅。以拏獲鄰境盜犯。予山東同知汪承鏞。以知府升用。○乙卯。

上詣綺春園問

實錄卷四百三

七

皇太后安。○諭內閣。漕糧為天庾正供。節經降旨。令有漕各省督撫嚴飭所屬。早兌早開。剋期渡黃。毋稍延誤。乃近年重運漕船。不能如期抵壩。以致到通歸次。兌受新漕。節節耽延。總緣各該督撫不肯破除情面。實力催趲所致。上年軍船回空。無須倒塘灌放。猶未能十分迅速。況本年因中河桃汎漫口。繞越北行。已耽延十有餘日。繼又因運河淺阻。剋運抵通。更形遲滯。若不趕緊催趲。及早歸次。儻誤

平張奏白三

三

新漕受兌。關繫匪輕。現已節屆霜降。水勢漸消。著漕運總督及沿途各督撫。分飭所屬。嚴行催趲。務使連檣南下。銜尾遙行。不准片刻停留。庶幾以速補遲。如期歸次。來年新漕。尤當趕緊辦理。按限兌開。統限於四月初十日以前。全數趲至清江。剋期抵壩。以便渡黃北上。無許稍有延誤。儻意存怠玩。視為具文。仍致臨事周章。有逾例限。定將該漕督及各該督撫嚴行懲處。決不寬貸。將此通諭知之。○

庚辰。諭內閣。前據布彥泰等奏。撫民同知慶辰。延擱盜殺重案。業已降旨撤任。並因印房章京現在赴京候選。同知塔那泰。不行督催。一併飭部於該員到京時。即行解回伊犁。備質。茲據奏稱。查明慶辰任內逾限未結奏咨各案。尚有十三起之多。實屬昏庸疲玩。慶辰著交部嚴加議處。塔那泰於慶辰遲延案件。並不隨時督催。以致久逾例限。非尋常疏忽可比。並著交部議處。布彥泰業經自行查出。所請交部議處之處。著加恩寬免。○諭軍機大臣等。梁寶常奏。匪徒聚眾抗官。現在調兵勦辦情形一摺。浙江奉化縣匪徒張名淵等。於該縣考試時。聚眾阻闖。挾制完糧減價。經該道等前往彈壓。輒敢抗拒。拒官兵。形同叛逆。實屬目無法紀。現經該撫飭委署臬司蔡瓊。帶兵前往查辦。並據提督詹功顯。選派參將百勝。帶兵前赴該處相機勦辦。該縣山海交錯。難保該匪徒等不勾結他處賊匪。附合

平張奏白三

五

成羣。藉圖搶擄。自當厚集兵力。趕緊撲滅。著梁寶常帶印。會同詹功顯。星夜馳往查辦。並准就近酌調得力鎮將前往。以備差遣。務將為首各要犯張名淵等。悉數擒獲。毋許一名漏網。至該縣王濟。因何辦理不善。激成事端。該府李汝霖。於有事之時。遽爾告病。顯有規避情事。並著確切查明。據實參辦。毋稍徇隱。將此由四百里諭令知之。○又諭德興奏遵查西寧鎮營孽生馬匹實數。暨上年官兵勦

實錄卷四十二

五

捕番賊情形一摺。覽奏均悉。西寧辦事大臣。前已降旨著達洪阿補授。並著德興來京當差。此次所請清查甘州等提鎮牧放馬匹。應否親往之處。著德興毋庸前往。將此諭令知之。○辛巳。諭內閣。梁萼沅奏。請將劣跡多端之舉人斥革審辦一摺。此案大挑教職舉人盧文和。不知安分。輒敢恃符擾害。劣跡多端。情類棍徒。著即斥革究辦。以為恃符玩法者戒。尋奏。已革絳州舉人盧文和。合依詐贓至

一百二十兩以上律擬流。惟該犯事犯到官。在清刑。

恩旨以前。應請減流為徒。下部議。尋議查該犯情節較重。應不准其援減。從之。○賞湖南甲辰科鄉試年老諸生羅青雲等副榜。○壬午。上御勤政殿聽政。○以太僕寺少卿何桂清為光祿寺卿。通政使司副使羅惇衍為太僕寺卿。○癸未。諭內閣。本年十月初二日。朕恭閱奏書。

實錄卷四十二

六

冊

寶。所有法駕鹵簿。著毋庸陳設。中和清樂。照舊豫備。○又諭。德勒克多爾濟等奏。前因恰克圖迤北一帶地方。俄囉斯城內失火。請將趕赴彼城救火之前任恰克圖部員鼓勵等因一摺。前任恰克圖部員色克通額。前於俄囉斯城內失火。伊即帶領多人。幫同將火撲滅。尚知二國和睦之誼。色克通額著交部議敘。其隨往幫同救火之民人。著交德勒克多爾

濟成凱酌量鼓勵○諭軍機大臣等前據梁寶常奏奉化縣匪徒聚眾滋事抗拒官兵已諭令該撫帶印馳往會同詹功顯查辦茲據奏稱匪徒愈聚愈多並有台州奸棍攜帶槍礮與官兵接仗將弁多有受傷頑梗已極必應迅加撲滅以免勾結蔓延該撫現已馳往著即與詹功顯督飭各將弁等奮力兜剿務將首要各犯悉數擒獲明正典刑其處州鎮標等營兵已據該撫添調著即責成梁勝顥

實錄卷四百三

七

統帶馳往會剿其毗連各屬即嚴飭該員弁等認真防緝如有匪徒逸出合力堵拏毋令一名漏網聞省水師已有旨諭知劉韻珂派赴浙江洋面巡防堵截矣至特依順所請挑選滿洲精兵豫備會剿等語著梁寶常到彼察看情形如必須滿洲官兵會同勦辦再行知照特依順派兵前往省城尤關緊要該將軍惟當靜候該撫知會再與會商辦理將此由四百里各諭令知之○又諭據梁寶常等

奏匪徒聚眾抗拒官兵親往勦辦一摺奉化縣匪徒張名淵等藉完糧減價為由聚眾滋擾經該撫及該提督先後派兵勦辦該匪等各持礮械接仗將弁多有受傷頑梗已極必應迅速殲除現據梁寶常親往該處添調各兵會剿此等匪徒一經痛剿難保不竄入海洋糾結盜匪冀圖滋擾著劉韻珂迅即酌撥水師兵丁選派得力將弁管帶馳赴浙江洋面巡防堵截如有匪犯逸出務當合力堵拏

實錄卷四百三

六

毋令一名漏網將此由四百里諭令知之○癸未禮部議准貴州巡撫賀長齡疏報採訪平遠州貞節婦女陳鄔氏等十三口請建總坊旌表從之○甲申

上詣綺春園問

皇太后安○試中式武舉吳德新等六十六人於太和殿前○諭內閣裕泰等奏審定傳教案犯請將原叅知州開復頂帶仍交部議處並請免開各地方官職名等語湖北沔陽州



知州王毓濂。僅止於未定罪名。習教人犯潛回原籍。失於覺察。未經拏獲。所有原叅摘去頂帶之案。著准其開復。仍交部照例議處。至此案習教首從各犯。經各該地方官訪聞。拏獲六十餘名。功過尚足相抵。所有失察習教各職名。著免其開報。其未獲各犯。仍著嚴飭上緊偵緝。以盡根株。○諭軍機大臣等。前因火器營需用自來礮槍鞘。諭令經額布採買五百桿解京備用。業經如數解到。茲據價格

實錄卷四十二

七

林沁等奏。解到槍鞘內有楊木八十五桿。性較柔軟。日久難期穩固。著該將軍補辦樺棟二木槍鞘一百桿。於明年冬間貢差之便。解交該營應用。將此諭令知之。○閩浙總督劉韻珂奏。校閱省城附近營伍情形。得旨。俱依議行。再本年七月初間。由兵部帶領引見之閩浙督標右營參將張清詠。於次日召見。朕看其人恐難勝任。卿其留意可也。○以直隸永定河防汛出力。予同知汪兆鵬等升敘有

差。○乙酉。

孝慈高皇后忌辰。遣官祭

福陵。○諭內閣。惠吉奏。遵旨覆奏已革守備朱承恩。前於接仗時首衝賊隊。實有斬擒。尚知愧奮。著暫緩發遣。仍革職留營差委。以觀後效。○諭軍機大臣等。惠吉奏。石灰關等處兩次追捕番賊情形。並現在嚴催挖剿等語。此次賊番滋擾。倏聚倏分。官兵分路追捕。總未能大加痛剿。現既據報石灰關河口及噶噶麥打坂兩次遇見番賊。著嚴飭該鎮站柱等確探賊番蹤跡。趕緊跟追。毋得稍有遷延。仍令遠竄。轉瞬大雪封山。官兵既難深入。且河冰凍結。更易偷渡滋擾。其沿邊各卡隘口。應如何分布弁兵。嚴加防守。及春融以後。應如何豫為籌備。以防乘隙肆擾之處。著惠吉通盤籌畫。妥速布置。先行奏聞。至提督胡超統兵專辦。既有應捕番賊。自應迅速挖剿。何以該督飛令趕赴西路。尚未具報起程。亦著惠

實錄卷四十二

二

吉查明據實具奏。將此諭令知之。尋奏現飭站柱及沿邊營汛逐處排撥。不遺餘力。查西寧一帶黃河已經凍結。應飭該鎮酌撤弁兵。分守本境。一俟春融。即與達洪阿妥為籌備。胡超因染患瘴癘。尚須調治。並據站柱咨報大股賊匪業經斂跡。是以未即起程。報聞。○河東河道總督鍾祥奏報秋汛安瀾。命詣河神廟祀謝。並下部議敘出力員弁。升敘有差。○丙戌。

實錄卷四百三

五

上詣

大高殿行禮。○還宮。○諭內閣布彥泰奏查勘開墾事務。將次完竣等語。前據該將軍奏稱林則徐於伊犁開墾阿齊烏蘇地畝案內。捐辦要工。嗣因新疆南北各城開墾事務。疊經降旨。派令林則徐同全慶前往履勘。茲據布彥泰奏各城開墾。九十月間即可全局完竣。林則徐自飭派查勘以來。自備資斧。效力奔馳。將近一載。著有微勞。著飭令回京。加恩以

四五品京堂候補。○調廣州將軍奕湘為盛京將軍。以廣州滿洲副都統裕瑞署將軍。○修浙江會稽縣坍塌塘工。從巡撫梁寶常請也。○緩徵盛京廣寧岫巖錦新民鳳凰五廳縣被水災區新舊額賦。○撥浙江漕截餘騰銀四千九百兩有奇。協濟杭州嘉興湖州三府屬減歇軍船幫丁。○以孟冬時享太廟。自是日始齋戒三日。○丁亥。孝敬憲皇后忌辰。遣官祭

實錄卷四百三

五

泰陵。○

上御紫光閣閱中式武舉馬步射。○諭軍機大臣等。禮部奏接准朝鮮國王咨文。稱倭夷船隻屢次移泊該國境內。量山測水。情形巨測。並問答中有交易之說。請轉奏飭禁等語。朝鮮臣屬天朝。恪守藩服。迥非他國之比。倭夷自定約以來。一切章程均應遵守。何得復至天朝屬國。別生事端。即云為貿易起見。該國轄境無多。民貧地瘠。亦復無利可圖。著耆英

即將此項情節詳詢英國使臣。究竟朝鮮所見之船。是否係倭夷所遣。該酋是何主見。務須折以正言。婉加開導。令其心服。嗣後總當恪遵成約。彼此相安。不得復任兵船遊奕該境。致滋驚擾。以明天朝綏字藩封之意。其辦理情形。即著該督迅速覆奏。將此密諭知之。

○戊子

上御箭亭。閱中式武舉技勇。○諭軍機大臣等。據惠吉等奏。防堵官兵。屢次擊賊。獲賊情形。

並酌留官兵防守要隘一摺。此次番賊屢至卡外窺伺。雖經連次截緝。尚未大加懲創。如聞官兵撤回。定即乘隙奔突。現經該督等派兵仍駐哈拉庫圖地方。是否足資防堵。著仍遵前旨。將現在各卡隘口。如何酌派官兵。分布防守。及春融以後。如何豫為籌備。務將防勦全局。悉心籌畫。迅速奏聞。以慰廑注。將此諭令知之。○又諭據耆英奏。八月間有倭夷火輪船四隻。巡船二隻。配有夷兵。駛至尖沙

嘴洋面拋泊等語。該國師船往來各口。稽查貿易。雖係照議定章程辦理。惟夷情難料。總須嚴密防範。以備不虞。著耆英飛飭水師各營。留心偵探。此項火輪船。究係駛往何處。相機嚴防。持以鎮靜。免滋事端。並將訪得實在情形。迅即覆奏。將此諭令知之。○以青州副都統穆特恩。為廣州將軍。調鑲白旗漢軍副都統常清。為青州副都統。○江南河道總督潘錫恩。奏報秋汛安瀾。命詣

河神廟祀謝。並下部議。欽出力員弁。升敘有差。○賞廣安門外普濟堂。煮賑小米三百石。○免玉舒番。族節年積欠馬貢銀。○蠲緩山西徐溝。和順。兩縣被水被雹村莊額賦。有差。○緩徵山東濟寧。章邱。臨邑。樂陵。商河。陽信。魚臺。鄒平。濟陽。朝城。長山。在平。濰。壽光。海豐。濱。霑。化。滕。嶧。汶上。單。郳。城。惠民。臨清。濮。觀。城。聊城。莘。冠。邱。堂。邑。館陶。禹城。樂安。齊東。平原。利津。曹范。夏津。武城。四十一州縣暨德州。東

昌臨清。三衛歛收村莊新舊正雜額賦。

二九

戰後陳嘉庚曾於五月間赴居林寺太子大塔經行仁大覺士之廟前領明僧管理之辦事處上書爲佛林佛林院寄託覺士塔寺東門外所屬事務隨帶如五版記錄十八次及重續機務官經理提督官之印而書監監護蓮華都總管理新營寺內官布大塔精舍內之舍大塔精舍會同口擇修寺宇增加一級隨帶如二級軍功及三級紀錄五次及太子廟總理提督官之圖開提督官之印而書監監護內庫府大日蓮口謀兩洲都統轄家內之舍大塔管理宗所銀庫之寶物官卷 宣事官明開子義領提督如茶庫府加庫府之印

道光二十五年乙巳冬十月己丑朔享

上親詣行禮遣官祭

福陵

昭西陵

孝東陵

景陵

泰陵	泰東陵	裕陵	昌陵○遣官祭	孝穆皇后	孝慎皇后	孝全皇后陵寢○遣官祭	端慧皇太子園寢○頒道光二十六年時憲書○御乾清宮引見中式武舉親定甲乙○	以副都統銜西寧辦事大臣達洪阿為鑲白旗漢軍副都統○緩徵直隸寶坻寧河保定天津薊霸安肅靜海豐潤玉田三河武清東安樂樂亭定興新城容城雄安青滄南皮鹽山慶雲寧晉邢臺南和永年邯鄲肥鄉雞澤磁元城南樂清豐新河大名咸安廣平四州縣歉收村莊新舊額賦賑寶坻寧河保定天津四縣災民○庚寅以加上	皇太后徽號
----	-----	----	--------	------	------	------------	------------------------------------	--	-------

冊	冊	寶○辛卯	上御太和殿傳臚賜一甲吳德新蕙椿趙鴻舉三人武進士及第二甲李省躬等五人武進士出身三甲董玉龍等六十一人同武進士出身○幸圓明園○詣綺春園問	皇太后安○癸巳以加上	皇太后徽號遣官告祭	天	地	太廟	社稷陳儀仗於圓明園宮門外大學士捧奏書出設於龍亭導迎樂作至綺春園大宮門大學士捧奏書由中路行至二宮門置正中黃案上	上率皇子及王公大臣官員行禮禮成詣	皇太后前問安奏書曰
---	---	------	---	------------	-----------	---	---	----	--	------------------	-----------

慈禧普蔭承歡洽萬國之心  
厚德凝元保艾協重熙之運

播徽音於

璇冊

昭懿範於瑤宮欽惟

聖母皇太后撰體坤珍

祥開泰寓慶數天而尊養

寶錄同春仰

愛日之光華隆儀宜備臣瞻偕率土頌切九如

用展微忱敬希

俞鑒絲無疆之

鶴算並壽山福海以延釐崇至極之

鴻稱合禹甸堯天而

錫福臣不勝惓惓之至謹奏○諭內閣奉

皇太后懿旨貴人鈕祜祿氏著封為成嬪○又

諭前據禧恩等奏請領丙午年東三省官兵

俸餉等銀當交該部議奏茲據戶部奏稱黑

龍江所屬各處俸餉等項常年請領銀三十

萬兩上下今該省請領銀三十六萬兩其因

何多至五六萬兩之處著該將軍迅即查明

具奏尋奏多領餉銀至五萬六千兩係歸補

乙巳年請領俸餉案內酌提齊齊哈爾城庫

備用銀下部知之○又諭戶部奏近年漕運

抵通額數短少等語嗣後歲漕開兌總期足

額運京毋得任聽州縣捏報災荒輒形短絀

所有二十一年以後民欠未完尚有二百三

十餘萬石著各該督撫率屬督催務當遵照

分定年限帶徵不准再有遞緩至所請有漕

省分官員勸捐米石隨幫搭運等語捐漕議

敘前經辦有章程並著各該省督撫漕運總

督妥協籌辦以實倉儲○諭軍機大臣等前

因御史朱琦奏請儲蓄京倉米石當交戶部

議奏茲據戶部奏稱該御史所奏海船商運

較之漕糧北上自為便捷著閩浙兩廣總督

福建廣東各巡撫悉心籌畫是否款項不至

繁多糧價不至騰貴並重洋往返永無流弊

至所稱米價每石僅需銀一兩。並一兩五錢之賤。商船易於招徠等語。現在各該省情形。果否如是。著一併妥議覆奏。將此各諭令知之。尋閩浙總督劉韻珂等奏。閩省米價。每石需銀一兩六錢至一兩九錢不等。委無餘米。可以海運。兩廣總督耆英等奏。粵東本非產米之區。每石價銀二兩內外。海運窒礙難行。均下部知之。○甲午。

上詣

安佑宮行禮。○恭上

皇太后徽號冊寶。奉

冊

寶於龍亭。先行。

上禮服乘輿。由圓明園至綺春園大宮門。降輿。行至二宮門外左旁西向立。安

冊

寶於正中黃案上。

皇太后禮服御迎暉殿。升座。儀駕全設。中和韶

樂作

上詣正中拜位跪。左旁大學士捧

冊

寶依次跪進。

上受恭獻。授右旁大學士跪接。置正中黃案上。

上率皇子及王公大臣官員行禮。禮成。

皇太后還宮。詣

皇太后前問安。

冊文曰。

聖德昭宣。

天祐錫億齡之嘏。

慈恩廣被。嵩呼臚萬國之懽。欣

鶴算之長絲。吉維陽月。晉

鴻名而允協。慶洽

春暉。欽惟

聖母恭慈。康豫安成。莊惠壽禧。皇太后陛下。

道贊乾元。

功符坤載。安貞著範。欽

懿訓於椒塗。

慈儉為懷承

歡顏於蘭膳。

七旬普慶

萬福攸同

閭澤旁流。篤寰海尊親之戴。蕃釐垂裕。鞏邦家

昌熾之基。祇上

徽稱。肅稽盛典。謹告

天。

地。

宗廟

社稷。率諸王貝勒文武羣臣。恭奉

冊

寶。上

徽號曰

恭慈康豫安成莊惠壽禧崇祺皇太后。伏願

琅玉永煥。

璆冊常輝。福疇備而

令譽光

壽寓開而嘉應集。

崇高錫義。合子孫臣庶以揚麻。

祺吉徵祥。統河嶽日星而獻頌。仰邀

慈眷。共沐

隆施。臣誠懼誠忤。稽首頓首。謹言。○命陝甘總

督惠吉撥銀六十六萬五千兩。解赴伊犁。備

道光二十七年經費。○乙未。諭軍機大臣等。

布彥泰奏遵查庫車辦理開墾未完。常清先

將出力人員保舉。並特通阿喜英二員未經

列入。請飭查詢等語。本日傳詢常清。據稱特

通阿等以承辦未竣。不願列保。現所保奏皆

微末之員。因奉旨來京。是以即時具奏等情。

所有原保出力各員。著俟安戶分地及試種

後酌定徵糧等事完竣。辦有成效。再行酌覈

保奏。特通阿喜英既係承辦出力之員。著於

保奏時一併列入。將此諭令知之。○丙申。諭

內閣前據耆英等奏。請將雷瓊道潮州府知



府二缺。改為在外題補。當交吏部議奏。茲據該部奏稱。覈與定例不符。惟該道府既係海疆要缺。著准其比照省會首府之例。由該督撫揀員奏請調補。所遺之缺。仍請旨簡放。以符定制。又諭。梁寶常奏查明奉化縣匪徒滋事緣由。並現辦情形一摺。奉化縣匪徒張名淵等。因所控糧案未結。輒敢聚眾阻考。毆辱委員。焚搶民舍。提督詹功顯迅即撥兵派令參將百勝、都司鄧鳳翔帶領赴援。旋將匪徒擊散。現在倉庫監獄未動。該匪徒出城以後。各鄉附和之徒漸次散去。惟唐畧汪家村等莊尚聚多人。計圖抗拒。經該撫調兵往勸。該匪徒等事起倉猝。勢頗猖獗。該提督撥兵迅速調度。有方。百勝等奉派救援。奮勇前進。以致身受重傷。均屬可嘉。詹功顯、百勝、鄧鳳翔俱著交部從優議敘。其傷亡弁兵著該撫查明照例咨部議卹。該縣知縣王濟先因增加糧價釀成京控。該府李汝霖審訊此案。輒

復擅責生監。以致人心不服。又於有事之時遽爾告病。顯有規避情事。李汝霖、王濟均著即行革職。拏問。交該撫嚴訊。寧紹台道陳之驥前往該處。不能彈壓撫諭。因匪黨眾多。輒行避匿。實屬懦怯無能。陳之驥著暫行革職。該撫惟當會同該提督督率將弁。將未散匪徒迅速撲滅。剋日肅事。其著名匪犯張名淵、趙順年等務須按名拏獲。審明嚴辦。以伸國法而淨根株。○吏部奏遵議都察院左副都

御史廣昌等大朝失儀處分。得旨。廣昌在京當差多年。禮儀自宜嫻熟。且此次升殿。職司糾儀。尤不容有失誤。乃於百官行禮時。先自失儀。殊出情理之外。著改為降二級調用。太僕寺少卿魏襄著照例罰俸六箇月。不准抵銷。○丁酉

上奉

皇太后幸同樂園進膳。賜皇子及王公大臣蒙古王公額駙等食。○戊戌

皇太后七旬聖壽節遣官祭

太廟後殿

奉先殿

上率皇子及王公大臣官員詣綺春園行慶賀

禮畢奉

皇太后幸同樂園賜皇子及王公大臣蒙古王

公額駙等食奉

皇太后御正大光明殿進喜起舞樂章九章

上綵衣躬舞捧觴上

壽命惠親王綿愉

皇四子皇五子奕誼皇六子奕訢瑞郡王

奕誌宗室載初溥和溥煦以次進舞禮成奉

皇太后還綺春園侍膳

御製

聖母恭慈康豫安成莊惠壽禧崇祺皇太后七

旬萬壽賦并序曰臣聞坤珍闡繹順承上協

於乾樞頤養宣和曼義載徵夫泰筮稽端內

塗山之牒遙著徽音炳軒圖姬籙之華茂膺

純嘏蓋重熙篤慶洽衍樂於慈宮斯五遐翔

機啓延洪之壽寓欽惟

聖母恭慈康豫安成莊惠壽禧崇祺皇太后陞

下

璇闈儲祉

蘭掖端型體合撰於黃輿執思齊於彤史

恭先作肅慎戒彌虔

慈厚專仁誠求永保克叶

康彊之吉爰昭

豫順之符

安民則德徧懷柔

成物則功垂悠久

莊中正而有敬

惠洽心孚

壽平格以無疆

禧繁履載由是歡騰萬國鳧鷖詠

崇祿之來暉永三春行葦介

祺祥之景晉

鴻稱以熙號禮奉

尊親祝

燕喜之修齡

恩推錫類六宗肇祀三命酬勳興賢之澤育菁

莪旌節之門標綽楔弛結衣之法網蠲紅粟

之通租扶鳩杖以引年唐封歡溢掖

驚車而粟

訓祁幄祥甄茲者花燦瑤池籌添海屋六乘乎

一七為來復之初萬積於千十乃遞成之始

字繡算亥恭握延庚綵綯編禰樂諧喜起九

章撫鳳儀之奏導舞孫曾千官肅驚序之班

壯情臣庶萃共球而納賁達觀譯而矢歌咸

稱北斗之觴擬緝南山之頌謹拜手稽首而

獻賦曰懿夫齊日延光配天播憲大嘉眎於

恆升總富釐於敦民扇微則明德和熹濟美

則宣仁章獻莫不麟炳化隆鴻芬壽曼八琅

夏乎鈞璈十華秘其瑤奏而以較

萱殿之繁褻奚啻相徑庭於千萬猗歟

聖母德音是茂行飭玕璣儀充黼繡蘭館繅春

闕耕御晝瑞表獲於求衣劬投籤於問漏是

以銜萼吉祥朗鑑仁壽幃泰絃以均禧乎

乾緯之麻祐溯自纘承初服虔奉三無循陟安

暇馨

膳飲愉駐梯雲之山館侍泛舟於蓬壺大衍北

五旬之算長生環

六甲之圖

緝億齡而展盛煒景瑞於嵩呼歲躔在己月紀

為良寶嬋煜曜

璚冊騰芳麟摩珍脯駕軒玉漿仙人之珥四寸

織女之機七襄遂乃東西尉候中外冠裳我

我翼翼濟濟踰踰相與觀英莖之樂而奏韶

護之章躬上

壽以奉觴敬怡

顏而起舞衣披萊服之斑律叶虞廷之譜振以

旌麾節以鏞鼓宗牒綴行孫枝按部紛疎峙

以回翔飭聲容於文武緬

慈顧之歡欣。莫罄夫  
德思之洋普。

彤闈有懌。紫誥斯宣。布聞畿甸。

錫福坡埏。靡上儀之不洽。綜彝典其克全。翔以

風而膏以雨。載如

地而冒如

天。紹前制以哀舉。膺

洪算於萬萬年。爰作頌曰。蔚佳氣兮藹

莘宮。朗

壽星兮光熊熊。樂九成兮舞八風。俾單厚兮福

祿同。又頌曰。洪惟

昊緯。凝寶命兮。佑我

文母。稟

慈聖兮。作則

懿壺。運璣鏡兮。

秉心醇粹。頤神性兮。

長樂含飴。炳鴻慶兮。萬八千春。蹈且詠兮。○諭

軍機大臣等。賀長齡奏查明永昌府屬回匪

滋擾情形。現籌捕勦等語。該回匪等因教習

拳棒被縣查拏。疑為漢民舉發。輒敢糾眾報

復。即經設法開導。仍復堅持相抗。擾掠附近

村寨。實屬頑梗異常。現據該督飭委迤南道

周澍會同提督張必祿嚴密堵禦。相機勦捕。

務須諄飭該道等斟酌情形。妥慎籌辦。毋任

稍有疏縱。亦不得過涉張皇。總期邊防永謐。

漢回相安。方為妥善。將此諭令知之。○己亥

上奉

皇太后幸同樂園。進膳。賜皇子及王公大臣蒙

古王公額駙等食。○諭內閣。御史陳岱霖奏。

請整飭營伍一摺。據奏近日營伍多不足額。

偶遇徵調。輒以無業遊民充數。兵丁月糧。隨

意剋減。藉端科斂。又將備等多藉事役。使兵

丁不知體恤等語。果如所奏。於營務大有關

繫。著各直省督撫提鎮體察情形。漸除積弊。

務在實力整頓。勿致再蹈前轍。如有前項弊

端。立即嚴加懲辦。毋稍姑容。○庚子

上詣綺春園問

皇太后安○辛丑禮部尚書李宗昉因病解任以都察院左都御史祝慶蕃為禮部尚書刑部左侍郎魏元烺為都察院左都御史○壬寅

上詣

大高殿行禮○還宮○諭軍機大臣等壁昌奏查驗江防礮隄各工全竣一摺覽奏均悉此次大江南北兩岸所築礮隄及新設鎮營各

工經該督親詣查驗均為堅固凝實分安礮位施放迎擊多合機宜水師船隻駕駛靈捷後路接應亦極嚴密辦理尚為周妥惟制勝之道全在團結人心振作士氣平時果能教養兼施操練精熟庶可兵民一體眾志成城至吳淞海口尤為自海入江要隘應如何擇險防守遏其來路俾賊船不得揚帆直入務宜周勘形勢扼要熟籌儻僅多設防兵彼此仍難接應終非制勝之道該督籌備江防總

當於無事之時層層度及設遇需用方可有備無患慎勿稍有疏略也將此諭令知之○調工部右侍郎周祖培為刑部左侍郎以內閣學士張芾為工部右侍郎兼管錢法堂事務仍留江蘇學政任工部左侍郎羅文俊署錢法堂事務○癸卯以恭上

恭慈康豫安成莊惠壽禧崇祺皇太后徽號禮成

上御太和殿王公大臣文武官員行慶賀禮禮

成頒詔天下詔曰朕惟璆冊延洪穀式衍熾昌之祚瑤圖篤祐芸生摠受戴之誠矧鴻庥懋晉於千齡歡承宮闈斯駿惠廣敷於八表慶溢寰區必具備乎儀文庶兼隆乎尊養欽惟

恭慈康豫安成莊惠壽禧皇太后陛下

德配乾元

功符坤厚

軒星佐化常昭金鏡之輝

如幄垂型。肇啓珠囊之治。著	徽音於葉禁。保艾謀長。溥	渥澤於黃圖。編茅化洽。	東朝萃祉。欣依	愛日之安舒。南極騰光。永耀	恩暉之和煦。茲以乙巳孟冬之月。恭逢七旬	聖壽之期。景駐恆春。吹律適乘乎陽月。祥開復	旦。稱觥益茂。夫長年。瞻	寶錄以介脩齡。蕃釐畢集。奉瓊編而揚	懿德。	嘉號丕隆。祇告	天。	地。	宗廟。	社稷於道光二十五年十月初六日。率王公文	武羣臣。恭奉	冊	寶加上
---------------	--------------	-------------	---------	---------------	---------------------	-----------------------	--------------	-------------------	-----	---------	----	----	-----	---------------------	--------	---	-----

恭慈康豫安成莊惠壽禧皇太后徽號曰	恭慈康豫安成莊惠壽禧崇祺皇太后。喜洽	萱闈。申錫上萬年之祝。瑞呈	芝檢。士林臚六幕之歡慶典斯成。洪恩特沛。所	有應行事宜。開列於後。	歷代帝王陵寢。	先師孔子闕里。應遣官致祭。著察例舉行。	一。五嶽四瀆等祀。應遣官致祭。著照舊例舉行。	一。王妃以下。奉恩將軍之妻以上。俱加恩賜。	一。公主以下。鄉君以上。俱加恩賜。一。滿漢大	臣命婦年六十以上者。俱加恩賜。一。外藩王	妃以下。公妻以上。俱加恩賜。一。在京滿漢文	武大小官員。俱各加一級。一。內外大小各官。	除各以現在品級已得封贈外。凡升任及改	任者。著照新銜封贈。一。內外官員有因公累	誤革職留任者。該部查明奏請開復。一。凡試	職各官。俱准實授。一。在京八旗兵丁俱著賞	給一月錢糧。一。滿洲兵丁。原係披甲效力行
------------------	--------------------	---------------	-----------------------	-------------	---------	---------------------	------------------------	-----------------------	------------------------	----------------------	-----------------------	-----------------------	--------------------	----------------------	----------------------	----------------------	----------------------

間因疾病年老閒住者著察加恩賜一八旗滿洲蒙古漢軍兵丁及內扎薩克喀爾喀等蒙古年七十八九十以上者分別賞賚至百歲者題明給與建坊銀兩一軍民年七十以上者許一丁侍養免其雜派差役八十以上者給與九品頂帶九十以上者給與八品頂帶百歲以上者給與七品頂帶一百二十歲以上者給與六品頂帶百歲至一百二十歲以上者均仍題明給與建坊銀兩一滿漢孝子順孫義夫節婦該管官細加訪確具事實奏聞禮部覈實以憑旌表一各省儒學以正貢作恩貢次貢作歲貢一國子監監生免坐監一月一凡嶽鎮海瀆廟宇有傾頹者該地方官估計價值具奏修葺以昭誠敬一歷代帝王陵寢有毀壞者該督撫察明具奏修葺一各省道路橋梁間有損壞者著地方官查明修理以利行旅於戲播宸慈而錫類允協嵩呼華祝之忱彰

聖善以凝祥益符月恆日升之頌布告天下咸使聞知○幸圓明園詣綺春園問皇太后安○甲辰皇九子奕譞生○以湖北搶護隄工出力予知縣昇泰等加銜議敘有差○乙巳正白旗領侍衛內大臣哈琅阿因病解任以睿親王仁壽為正白旗領侍衛內大臣○以都察院左都御史成剛兼鑲紅旗漢軍都統○丙午諭內閣前據訥爾經額奏請將旗租積欠並補徵銀兩一體豁免當交戶部議奏茲據該部奏稱旗地佃欠與民糧不同礙難議准等語此項佃種旗地之民近隸畿疆同深望澤所有直隸各州縣道光二十一年以前民欠各項旗租並補徵銀兩著加恩一體豁免以普仁施○以喀爾喀扎薩克郡王那遜巴圖為總理虎槍營事務大臣○禮部議准山東巡撫崇恩疏報採訪新城縣節婦耿劉氏等四百六十六口請建總坊旌表從之○丁未諭軍機大臣等梁寶常奏奉化

縣匪徒。經該撫曉諭。業經解散。並據該縣裕耆及居民等。縛送滋事匪徒。籲求免勒首犯張名淵等。亦各赴案投首。各處村莊。一律肅清。前調官兵。分別撤留等語。所辦甚好。惟首要各犯甚多。其投首縛獻者。僅十餘名。未獲各犯。著即設法擒拏。務使悉數弋獲。明正典刑。毋許一名漏網。但不可任聽官弁人等。借擒捕名色。擾及良民。餘著照所議辦理。至該道陳之驥查辦此案。實屬無能。雖平素辦理夷務。尚屬妥善。斷不可牽就開脫。將此諭令知之。○賞已革喀喇沙爾辦事大臣聯順三等侍衛。在大門上行走。○戊申諭內閣。本年十月恭上

皇太后徽號。所有應頒朝鮮國詔書。著俟該國年班貢使到京。即交該使臣敬謹齎回。○命買補山東常平倉穀。從巡撫崇恩請也。○己酉諭內閣。前據昌伊蘇等奏。續獲逆案内首夥匪徒高豔等。分別正法。擬軍一摺。當交刑

部議奏。茲據該部奏稱。此案前因高豔等供情與續經派審之郭光侯一案。互有牽涉。礙難遽行覆覆。現在郭光侯一案。業經審明。擬結其高豔等夥眾滋事。拒敵官兵。雖據供認不諱。惟攜帶木印書信等情。既於現訊案內究明。有不盡足信之處。自應覆審確情。以昭詳慎。除高豔等八犯。蔡勝等七犯。業據審明正法外。尚有被迫充當旗腳。畏懼脫逃之謝興等九犯。仍著交劉韻珂督同臬司陳士枚

親提覆訊。務期供證確鑿。定擬具奏。毋許稍有不實不盡。○諭軍機大臣等。布彥泰等奏審訊首逆胡完等。大概供情一摺。據稱審訊胡完供詞。與原卷迥不相符。烏舒爾所供。與原訊供詞。亦甚參差等語。此案關係重大。必須嚴訊確情。以期無枉無縱。著布彥泰舒興阿將該犯等供出之親屬人等。及地畝四至各項迅速詳查。親提研訊。務期水落石出。不可稍存回護。如果原訊有逼勒供認情事。即



一面奏聞一面將奕經賽什雅勒泰一併解任歸案審辦賽什雅勒泰著專交舒興阿審訊其全案人證仍著布彥泰會同秉公辦理毋庸奏請迴避將此諭令知之 庚戌

上詣綺春園問

皇太后安 諭軍機大臣等賀長齡等奏督辦滋事回匪一摺覽奏均悉該匪等膽敢抗殺兵練焚掠村莊且逼近永昌郡城猖獗已極現經提督張必祿王一鳳等分投帶兵前往

勦辦自可迅就撲滅惟永昌毗連順寧雲州騰越等處漢回錯雜順寧之右甸等處為該回匪後路尤屬緊要該督現已親往督辦著與張必祿王一鳳督率文武激勵將士添派弁兵迅即兩面兜勦毋任竄擾滋蔓首要各犯務須悉數擒獲勿使一名漏網其安分良民尤當隨時安撫不可稍滋擾累至永昌府知府金澂於有事之時藉病推卸迭次批示文劄置若罔聞實屬荒謬著先行革職俟事

竣從嚴查辦署永昌協常景運保山縣知縣李崢嶸係該管地方均難辭咎著一併摘去頂帶責令實力防護城垣儻有疏虞即行嚴叅治罪其署永昌營都司楊春富不能實力堵禦輒因眾寡不敵畏怯逃跑著革職拏問鎖交大理府監禁由該督審明治罪並著查明潘惠揚楊朝勳實在下落餘著照所議辦理將此各諭令知之 江寧將軍岳興阿奏查閱京口駐防水師營伍得旨盡心訓練不

可徒壯觀瞻務期用之得力勉之 實授曾逢年廣東南澳鎮總兵官 以故雲南廣南府屬土同知儂兆桂子興道襲職 辛亥諭軍機大臣等前據賀長齡奏回匪抗殺兵練逼近永昌郡城已諭知該督會同提督張必祿等添派弁兵分途兜勦該督接奉後自必遵照辦理矣本日據奏永昌城內住家回民勾結滋事匪犯於黑夜恣擾槍礮齊起經該管文武督率弁兵奮力攻捕將藏伏各匪悉

數殲除等語。覽奏嘉悅之至。迺西道羅天地。鄧川州知州恆文。遊擊劉桂茂。練總沈聚成。等同心協力。加意隄防。當晝夜倉猝之間。設法勒捕。又能鎮靜不擾。使郡城得以保全。實為奮勉出力。著該督迅即查明。破格保奏。候朕施恩。以昭激勸。又據探猛庭回匪分糾。永平各匪欲攻郡城。及金雞哨江橋等處。並勾結上江老窩各匪。抄掠村寨。頑梗已極。現在城內兵弱。難以分援。著該督等會同張必祿

等。仍遵前諭。迅速添調弁兵。扼要勦截。兩路夾攻。並飭該道等嚴密堵拏。務令將滋事各犯悉數擒獲。從嚴懲治。以申國法。而淨根株。將此諭令知之。○又諭前放安徽徽州府知府朱右曾。係初膺外任。人員徽州地方緊要。該員是否能勝此任。著王植隨時察看。據實具奏。將此諭令知之。○緩徵安徽懷寧潛山。宿松望江。銅陵。無為。和含山。壽宿。鳳陽。懷遠。靈璧。鳳臺。潁上。泗盱。昭。天長。五河。合肥。貴池。

青陽。建德。東流。當塗。蕪湖。繁昌。巢。阜陽。霍邱。毫。太和。建平。太湖。桐城。三十五州縣。並屯坐各衛。被水被旱災區。新舊額賦。壬子緩徵。湖南華容。安鄉。澧。武陵。沅。江。五州縣。並岳州衛。被水災區。新舊額賦。甲寅展八旗兵丁應扣借支庫銀限期兩月。乙卯諭軍機大臣等。御史江鴻升奏整頓兵政一摺。國家設立營伍。原以備捍衛之用。近因承平日久。營政漸弛。將情兵驕。幾成錮習。該御史所奏各

條。是否實於軍政。有裨著各直省總督。巡撫提督。將各條逐加體察。如有可採之處。即著照摺內所陳。及所錄訓兵六章。實力講求。認真訓練。務使力挽頹風。士卒皆成勁旅。是為至要。將此各諭令知之。尋閩浙總督劉韻珂奏。遵查均有舊章。可循。祇須切實教演。毋庸另議。紛更。得旨。依議。認真訓練。原不在多立科條也。○命喀喇沁貝勒丹巴多爾濟。孫德木齊。扎布。在乾清門行走。○緩徵兩淮泰海。

二州所屬十四場被旱被水竈戶額課○丙辰

上詣綺春園問

皇太后安○諭內閣給事中杜彥士奏查出倉廩失火監督匿不稟報請飭查辦一摺萬安倉於本月二十一日未刻被火燒燬豆石該監督何以數日之久並不稟報擅自修補有無諱飾彌縫情弊著倉場侍郎查明具奏○以太常寺卿慶祺為都察院左副都御史○

採買古北口兵糧從熱河都統薩迎阿請也

修河南山東黃河兩岸隄工並添備來年

防料輓石從河道總督鍾祥請也○免直隸

安陸平天津寧晉文安五州縣被水災區額

賦展緩湖北嘉魚蒲圻漢陽漢川沔陽鍾

祥京山潛江天門應城江陵公安石首監利

松滋枝江荊門黃陂孝感黃岡江夏武昌靳

水廣濟黃梅二十五州縣並也坐各衛被水

被旱災區新舊額賦○丁巳

上詣

安佑宮行禮○諭軍機大臣等據惠吉奏現在防堵番賊並豫籌來春勦辦大概情形等語現在大雪封山派往官兵自難深入而番賊路徑久熟轉易偷渡河冰且內地漢奸回子甚多恐亦潛伏近卡處所伺隙搶掠現在各卡隘口應如何加意防守著惠吉達洪阿設法巡防毋稍疏懈至春融以後作何籌備之處仍著會同悉心籌畫妥議奏聞以慰廑注

將此諭令知之○又諭前據惠吉等奏肅州

鎮官兵不遵調遣同時譁謀已有旨交惠吉

查明嚴辦茲據容照奏稱四川甘肅兵丁最

稱勇健兩省兵將各不相下無事時喧嘩成

習有事時畛域各分如川省人員作甘省提

鎮將備其原籍無業之人或革伍之兵投奔

任所因循入伍占本處額缺每致滋生事端

此次肅州兵譁恐因胡超為四川人眾心不

服請飭嚴密訪查如有別省人在標營入伍

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百二十二

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百二十三

道光二十五年乙巳十一月戊午朔諭內閣

前據御史田潤奏前歲西寧會勘番賊富呢  
揚阿及周悅勝等種種諱飾不實等語當交  
惠吉鄧廷楨德興確切密查各自繕摺具奏  
茲據惠吉等逐款查明先後據實覆奏如該  
御史原奏所稱富呢揚阿將番僧邀至大營  
面結和約等情據奏並無其事惟當時曾有  
川番則已錯洛赴營投誠之事或不免附會  
傳訛應毋庸議其被搶馬匹攤賠彌補各款  
雖據查覆數目情形互有不同惟馬匹被搶

較多挑變攤賠亦屬弊竇多端歷任該管提鎮大員未能隨時釐剔均著交部先行分別議處其餘經牧員弁亦著惠吉詳查職名一併分別叅辦其短缺馬匹應如何著落賠補並著惠吉分晰擬議另行具奏辦理至富呢揚阿前奏接仗情形雖非盡屬虛無究不免於鋪張粉飾周悅勝以統兵大員並未接仗輒行捏飾入奏若使其身尚在均當重治其罪富呢揚阿周悅勝現皆身故所有飾終之典著一併撤銷周悅勝厥咎尤重並著將前賞太子太保銜及賜予諡號概行追奪以為欺罔冒功者戒該部知道○己未諭內閣前據給事中杜彥士奏萬安倉被火燒燬豆石該監督匿不稟報當有旨令倉場侍郎查明具奏茲據德春等奏赴倉查驗柱木微有焦豆石均未重壞連日因查訪遺火之人是以稟報稍遲等語該倉起火之人詢由拔草人夫遺失煙火所致所燒柱木僅止尺餘即

該給事中原奏火氣所蒸豆石約四百餘斤為數亦屬無幾該侍郎等奉旨飭查儘可將實在情形據實具奏乃於起出豆石稱為灌澆柱木被水浸溼已屬含混至遺火之人該監督等自當一面查訪一面稟報何得以此飾詞曲為開脫至稟報時日終未指實可見該侍郎等所奏層層虛妄此等小事不肯覈實更難望其以誠事君也德春楊殿邦併值班之滿洲監督托恩多布均著交部分別議處○庚申諭內閣理藩院奏請將病故阿巴哈納爾扎薩克多羅貝勒彭楚克桑布所遺之爵或令伊胞兄托音喇嘛德里克多爾濟承襲抑或由該族四人內揀選一人承襲等語彭楚克桑布所遺扎薩克多羅貝勒爵著該孀婦鄂丹巴爾於伊夫近族四人內酌其情願者揀選一人承襲德里克多爾濟既已領有度牒著毋庸承襲嗣後領有度牒之喇嘛概不准其襲爵若身為喇嘛尚未領有度

牒者遇有應襲之爵方准承襲○又諭鄂順安奏籌議立限清查倉庫一摺河南各屬倉庫自上屆清查以後歷年已久款目繁多著准其予限兩年該撫即督同藩司認真清查細心稽覈務令款項明晰斷不准瞻徇回護以致有名無實○又諭梁寶常等奏續獲奉化縣滋事匪犯多名並安撫該地方情形一摺該處滋事各犯經該撫曉諭解散首犯張名淵等聞拏投案並據各紳耆縛送要犯茲

又據奏陸續獲犯多名現在城鄉一律安靜錢糧照舊完納定期開考等情所辦尚好該縣被擾良民著該撫即督飭該署縣確實查明分別撫卹毋令失所其現獲各犯著即詳悉研究務得確情按律擬罪此外未獲各犯並要犯趙順年等務即趕緊追拏毋任一名漏網仍嚴禁差役等藉端滋事驚擾良民餘均照所議辦理○以故杜爾伯特扎薩克輔國公達克端弟多郭喇巴襲爵○緩徵河南

永城息安陽湯陰臨漳林涉內黃延津獲嘉武陟祥符陳留杞通許尉氏中牟鹿邑睢太康陽武商邱柘城夏邑孟原武二十六州縣被水被旱村莊新舊額賦○辛酉先是民人周文盛呈控給事中雙壽囑託巡城御史萬超受賄妄拏

上命軍機大臣會同刑部審訊至是訊明覆奏得旨此案已革吏目蔣勤培以不應承審之案經該城御史批委並不稟辭且聽許囑託

輒將無辜婦女濫行責押實屬任性妄為僅予革職不足蔽辜著從重發往軍臺效力贖罪給事中雙壽為鋪戶再三情託復串囑捏供殊屬卑鄙御史萬超於副指揮審報之案違例改派吏目雖訊無授意曲法情事惟以風憲官聽受囑託並諭令吏目追問婦女以致該吏目濫行拷訊實屬乖謬雙壽萬超著即行革職永不敘用給事中陳慶鏞於萬超向商改派吏目訊案時隨同批發各亦難辭

著交部嚴加議處。○以伊犁將軍布彥泰為陝甘總督。未到任前。賞候補四五品京堂林則徐。三品頂帶。署陝甘總督。以熱河都統薩迎阿。為伊犁將軍。未到任前。以伊犁參贊大臣舒興阿。署理。以刑部左侍郎廣福。署熱河都統。○子故廣州將軍阿精阿。祭葬如例。○子故陝甘總督惠吉。祭葬如例。○撫卹日本國遭風難夷如例。○壬戌。諭內閣。前據給事中黃宗漢奏。廣東廣州府屬地方盜劫日滋。

商民受害一摺。當交耆英等確查具奏。茲據奏稱。原摺所稱各盜案。或等獲究辦。或勒限嚴緝。其餘各案。或係尋常詞訟。或係傳聞謠誤。並無渡船稟報連劫。及穀船被劫七隻等事。至緝捕經費。已經該督等籌款生息。先事圖維。該給事中所奏。著毋庸議。惟是該處地方內河外海。溪港紛歧。奸宄易藏。向多盜劫重案。該督等惟當督飭地方文武員弁。隨時認真查拏。務使有案必破。有犯必懲。儆該文

武等緝捕稍有懈弛。即著嚴行叅辦。毋稍姑容。○又諭書元奏。勘明戶民新墾田未被淹。懇恩量予緩徵一摺。新疆各城應徵糧石。有關兵糈。應係按年徵收。向無因災緩徵之事。茲既據該大臣查明。該處戶民甫經安插。田地被淹。實形疲困。姑著加恩。將此次久收糧二千二百石。准其緩至道光二十七八兩年。分年照數帶徵。以紓民力。新疆地畝。與內地情形迥不相同。內地分田受種。凡高阜

低窪之區。地無遺利。偶遇水旱偏災。不得不量行蠲緩。至新疆土曠人稀。儘多隙地。即現在招民墾種。自當詳度形勢。擇平原沃壤。計畝授田。方可因地之宜。盡人之力。若將濱河低窪易於受災之地。聊且播種。使斯民終歲勤動。不獲享豐收之利。仍以民情拮据。奏懇恩施。是有名無實。殊非朕裕國足民之本意。嗣後回疆各城。概不得紛紛瀆請。妄希恩澤也。○軍機大臣穆彰阿等奏。遵議伊犁將軍

布彥泰奏勘回疆新墾地畝情形。據稱內地  
換防各城官兵。例准告駐。班滿酌留十分之  
三。今因新墾地畝乏人耕種。請將嗣後換防  
告駐兵丁。家有餘丁。情願帶來領地承種者。  
准其徙眷常住。不必限以十分之三。又遣罪  
重犯。例准眷屬隨配。原以有眷相隨。較單身  
作配者。既易管束。亦免逃亡。請將嗣後發遣  
伊犁烏魯木齊等犯。擇其情有可原。攜有妻  
室者。撥赴回疆承種地畝。係為酌量改防為

眷。及羈縻遣犯。廣墾地畝起見。均應如所奏  
辦理。至稱陝甘等省暨關外各處文武官有  
能資送眷民到回疆領種地畝者。按戶口多  
寡。道路遠近。分別獎勵。及發遣新疆廢員。如  
能捐資招徠戶口。准減年限。事屬創始。其難  
易情形。無從懸揣。應作何章程。請飭令妥議  
辦理。以免窒礙。而昭覈實。從之。○以喀爾喀  
扎薩克郡王那遜巴圖為鑲黃旗蒙古都統。  
伊犁將軍薩迎阿兼正白旗漢軍都統。未到

任前。以禮部尚書特登額兼署。○以正白旗  
漢軍都統桂良為熱河都統。○以浙江定海  
應民力拮据。緩徵新舊額賦。○癸亥。

上詣綺春園問

皇太后安。○諭內閣。訥爾經額奏請將湖南幫  
船借給剝費。並安徽等省欠解剝價油艙等  
銀。飭令趕緊籌還一摺。本年湖南頭二三等  
幫漕。自故城剝運赴通。在天津道庫海稅銀  
內借銀八千兩。若俟分限還款。必致有誤。解  
部。著湖南巡撫檄飭糧道。趕緊如數籌撥。務  
於來年開春解交。至各省漕糧在楊村起剝。  
借支油艙剝價。歷係上年借領。下年還款。藉  
資周轉。近年積欠日多。不敷支借。著安徽江  
蘇浙江各巡撫。分飭各該糧道。迅即埽數籌  
款。解交道庫。以供支放。毋稍遲誤。○以倉場  
侍郎德春為泰寧鎮總兵官。兼總管內務府  
大臣。泰寧鎮總兵官德誠為倉場侍郎。○甲  
子。遣官祭



先醫之神○鑄給陝西西安城守營副將神木營參將關防從巡撫鄧廷楨請也○以故廣西思恩府定羅司土巡檢徐千治弟千政襲職○乙丑貸熱河圍場歉收兵丁銀○丙寅以和闐辦事大臣奕山為伊犁參贊大臣伊犁參贊大臣舒興阿為和闐辦事大臣○以詹事府詹事黃琮為內閣學士兼禮部侍郎銜○丁卯緩徵山東觀城朝城單三縣歉收村莊新舊額賦並官臺場被水竈戶額課

○戊辰諭軍機大臣等壁昌奏前造之同安梭船不宜駕駛請酌量變價等語所議不妥此項船隻著該督飭交水師營員暫行妥為收管聽候諭旨遵行將此諭令知之○又諭壁昌奏前由閩省製造之同安梭船用之長江內洋易於擱淺不宜駕駛等語此項船隻係照閩省式樣製造江省既不合宜著劉韻珂體察該省水師營內將來遇有製造同安船隻時是否可以抵用迅即查明據實具奏

將此諭令知之○己巳太常寺卿唐鑑因病請解任允之○以鴻臚寺卿桂德為太常寺卿○以年老告替四川東道屬石砭廳土通判馬裕昭子駕襲職○庚午

聖祖仁皇帝忌辰遣官祭

景陵

上詣

安佑宮行禮○諭內閣賀長齡奏勦辦永昌滋事回匪連獲勝仗餘匪逃散一摺雲南猛庭

寨回匪聚眾劫掠抗殺兵練逼近永昌郡城先經迨西道羅天池等將城中內應回匪殲除淨盡並經該督親往督飭該提鎮等分途堵剿至九月十三日該匪等繞撲金雞村營盤經署騰越營中軍遊擊朱曰恭探知帶兵迎敵被賊放槍中傷左眼該營弁兵回擊將放槍之賊立時斃命該遊擊奮勇撲擊力竭倒地旋經提督張必祿等督率兵練兩路分進隨擊隨追轟斃首匪馬大一名餘匪數十

名又進至小松寨等處連日勦殺該匪棄械退走竄回猛庭乘夜潛逃四散經王一鳳等親赴該寨查明僅有舊居回民百餘戶實無匿存餘匪現據該督飭提該寨回民親行訊鞫並嚴緝逸犯其未到之兵均即截回歸伍等情該督督辦此案妥速可嘉其回匪起釁之由是否實係挾哨民舊嫌激成此變著於回民提到時詳細審訊務得確情妥為辦理至首匪馬大業經擊斃外其餘各頭目及從

逆叛回共有若干名務當設法悉數殲勦毋得稍留餘孽未獲之丁泳年等並著四川陝甘各省一體按拏解往雲南歸案究辦遊擊朱曰恭首先迎敵奮勇捐軀可嘉可憫著加恩照副將例賜卹先後陣亡之高朗沈振淙等亦著該部議卹當朱曰恭受傷之時該營弁兵內何人開槍將槍傷該遊擊之賊立斃著該督確查姓名即行破格保奏候朕施恩都司楊朝勳守備潘惠揚不能出力打仗輒

任令該匪等擁至賊寨復被逼回營代訴所稱各情顯係事後支吾斷難憑信著即革職拏問交該督確切審明嚴行定擬具奏尋奏查回匪起釁之由先挾緬寧雲州永昌等處械鬪舊嫌此次復因在板橋哨唱曲譁笑漢民被萬材柱等毆逐拆寺所致朱曰恭受傷之時係馬兵汪海將賊擊斃至楊朝勳潘惠揚因稟請添兵未允轉戰力竭仆地昏迷被賊擁去醒時即欲自盡無間可乘被逼代遞

稟結回營尚非事後支吾擬發新疆充當苦差到配枷號兩箇月報聞○以廣東捐建東平社學公所並團練出力予紳士高樑材等議敘有差○辛未

上詣綺春園問

皇太后安○壬申諭內閣著由內發銀二千兩交健銳營火器營各造擡槍一百桿應用鐵斤著由顏料庫支領○賞通政使司參議惠林二等侍衛為庫爾喀喇烏蘇領隊大臣○

緩徵江蘇上元江寧句容長洲元和吳吳江震澤常熟昭文崑山新陽華亭奉賢婁金山上海南匯青浦川沙武進無錫金匱江陰宜興荆溪丹徒丹陽金壇溧陽山陽阜寧清河桃源安東鹽城高郵泰東臺江都甘泉寶應銅山沛蕭碭山邳宿遷睢寧太倉鎮洋海沐陽陽湖靖江五十五廳州縣並淮安大河揚州徐州蘇州太倉鎮海金山八衛被水被旱被風村莊新舊額賦○癸酉

上詣

安佑宮行禮○旌表守正被戕山東益都縣民于典妻張氏○甲戌

上詣

大高殿

壽皇殿行禮○奉

皇太后還宮○諭內閣前據惠吉等查覆甘涼等營馬匹短缺甚多挑變攤賠亦屬弊竇多端當將歷任該管提鎮大員交部先行分別

議處茲據該部比例定擬分別開單呈覽現任甘肅提督胡超於所轄營廠馬匹被搶雖經如數撥補惟當時未經呈報經該部議以降三級調用實屬咎所應得姑念到任未久仍著加恩改為革職留任前任甘肅提督馬騰龍到任二年有餘於所轄營馬被搶既未具報又於廠馬被搶虛報奪回厥咎較重著即照部議革職仍註冊降三級調用前任涼州鎮總兵現補頭等侍衛長年本有革職留任處分現又議以降三級並降二級調用著即革任仍註冊罰俸一年前署肅州鎮總兵現任江南徐州鎮總兵順保現任肅州鎮總兵珠克登均著降三級調用順保業經另案革職現議處分並著註冊前署西寧鎮總兵續升福建提督徐華清部議降三級調用惟另有虧缺馬匹通融議賠一案俟該督查明覆奏到日一併再行覈辦現任西寧鎮總兵站桂著降二級留任不准抵銷○以湖北捐

修隄工予知府劉源濬等加銜加級有差○  
旌表守正被戕陝西朝邑縣民秦跟管兒妻  
趙氏○展緩江西新建新喻峽江都陽建昌  
安義豐城清江德化彭澤瑞昌湖口德安十  
三縣歉收村莊帶徵額賦○乙亥  
上詣

皇太后宮問安○以江寧城守營副將豐伸泰  
為甘肅肅州鎮總兵官○命禮部左侍郎馮  
芝鏤黃旗蒙古副都統德順在紫禁城內騎

馬○丙子諭內閣嗣後親郡王貝勒貝子例  
應在紫禁城內騎馬者如年至六十五歲俱  
准其乘坐二人椅轎其文武大臣曾經賞馬  
者滿洲人員年至六十五歲漢員年至六十  
歲亦俱准其乘坐二人椅轎以示優恤○命  
都察院左都御史魏元烺熱河都統桂良在  
紫禁城內騎馬○丁丑諭內閣陸費瑤奏勦  
捕未陽匪徒滋事案内支用各銀款請另籌  
歸補並暫借留備銀兩動支一摺著照所議

辦理此項銀兩免其造冊報銷該部知道○  
以禮部尚書特登額兼署兵部尚書○戊寅  
上以冬至祀

天於

圜丘自是日始齋戒三日○乙卯諭內閣棍楚  
克策楞等奏齊齊哈爾等處收穫田穀分數  
不齊請將上年借過口糧銀兩分別展限接  
濟乏食人等口糧等語本年齊齊哈爾黑龍  
江墨爾根布特哈自入秋以後陰雨連綿又

值黑龍江河水盛漲以致收穫分數不齊著  
照所奏呼蘭城收穫六分之官屯額丁應交  
糧石及新增設十九官屯之額丁滿交糧石  
內以一半交倉收存外以一半變價彌補曾  
經動用賣牛等款至齊齊哈爾黑龍江墨爾  
根三城三分有餘及收穫三分之養育兵官  
屯額丁應交額糧照例寬免齊齊哈爾額王  
爾等五驛乏食人等即著分別查明自乏食  
之月起將齊齊哈爾官倉所存糧石照例全

行賞給本地旗人以資接濟如齊齊哈爾額玉爾等五驛糧石仍形不敷即由備用倉存儲糧內借動接濟此內額玉爾等兩驛應行接濟糧石即就近於黑龍江備用倉存儲糧內借動接濟其道光十一年以後齊齊哈爾等處借支未完糧石銀兩及上年所欠糧石銀兩均著展限一年與此次借支齊齊哈爾額玉爾等五驛均自明年秋成後一體遵照原定限期分還倉庫○緩徵甘肅張掖碾伯

皋蘭狄道渭源金安定會寧平涼隆德固原寧夏寧朔靈平羅靈臺鎮原河洮州十九廳州縣及花馬池州同沙泥州判隴西縣丞所屬歉收村莊新舊額賦○庚辰

上詣

南郊齋宮齋宿○諭軍機大臣等耆英等奏接見夷酋申明要約並查詢夷船駛泊情形各一摺覽奏均悉喚兵在舟山數年現當交割接收之期一切事宜必應豫籌妥辦經該督

親赴香港接晤該酋其請求各節均據堅守條約分別駁斥該酋並無異言惟求進廣州府城一節雖經峻拒仍有他日再議之語恐難免希冀請求該督等惟當持以鎮靜俟其續請時即告以貿易之事期於彼此相安今欲更改舊章人心必為疑怪粵民素稱强悍且恐良莠不齊儻或滋生事端彼此均為不便如此曉諭庶民夷兩不相擾可以經久相安至常鎮道咸齡已據該督劄委赴浙本日

業經寄知梁寶常俟該道到浙時即令會同陳之驥等辦理接收舟山事宜自必妥為遵辦矣現在夷情胥定一切操防仍不可稍存疏懈凡營伍之訓練海口之稽查總須諄飭各該員弁等實力講求至所探前赴朝鮮之船係測量水勢以便商船遭風趨避現已駛回本國不復再往並無通商之說等情該督惟當再與訂明以後務須約束兵船凡天朝屬國地面無庸前往庶不至別生枝節將此

諭令知之○又諭寄諭浙江巡撫梁寶常本日據耆英等奏親赴香港接晤夷酋舟山如約交還已剴委江蘇常鎮道咸齡赴浙接收等語該撫自己接到粵中咨文矣著俟咸齡到浙後飭令前往寧波會同暫署寧紹台道陳之驥並督同鹿澤長舒恭受等將接收事宜妥為辦理舟山甫經收復安輯撫綏在在均關緊要務須諄飭該員等詳慎商辦並明白曉諭要在安定海之民心杜喚夷之藉口	將此諭令知之○以阿克蘇屯田豐收予員弁議敘賞兵丁一月鹽菜銀○辛巳冬至祀	天於	圓丘	上親詣行禮○遣官祭	永陵	福陵	昭陵	昭西陵
---	------------------------------------	----	----	-----------	----	----	----	-----

孝陵	孝東陵	景陵	泰陵	泰東陵	裕陵	昌陵○遣官祭	孝穆皇后	孝慎皇后	孝全皇后陵寢○遣官祭	端慧皇太子園寢○停次日朝賀○詣	皇太后宮問安○命三等侍衛克星阿在乾清門行走○賞八旗兵丁一月錢糧○壬午	上詣	壽康宮前殿行禮後殿問	皇太后安○以江蘇按察緝盜匪出力賞參將黃	永清花翎知縣陳介眉都司馬功奇等藍翎	餘加銜升補有差○癸未
----	-----	----	----	-----	----	--------	------	------	------------	-----------------	------------------------------------	----	------------	---------------------	-------------------	------------

上詣

火神廟

宣仁廟

凝和廟拈香。○乙酉。以詹事府少詹事孫葆

元為詹事。○丙戌。服闋都察院左都御史沈

岐。以足疾奏請賞假。得旨。體氣復元。再行來

京可也。○丁亥。免三姓地方歉收官莊未完

倉穀

宣宗實錄

卷四二四

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百二十三

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百二十四

宣宗實錄卷之四百二十四

宣宗實錄卷之四百二十四

宣宗實錄卷之四百二十四

宣宗實錄卷之四百二十四

宣宗實錄卷之四百二十四

教修

道光二十五年乙巳十二月戊子朔諭內閣

禧恩等奏查勘

三陵各工應修情形一摺著欽天監於明年二

三月內選擇吉期豫為知照敬謹興修其

昭陵東南角樓應修之工著於今冬選擇開工

吉期明年隨同應修工程一律辦理○禮部

奏元旦應行禮儀得旨是照例行禮奉

皇太后懿旨停止筵宴其在外公主福晉命婦

進內行禮之處並著停止○命買補湖北常

平倉穀從總督裕泰請也○己丑

上詣

皇太后宮問安。○諭內閣各省地方。遇有越獄脫逃及竊盜等案各犯。向俱責成該州縣營汛上緊嚴緝。其勒限月分。往往多寡不同。有無分別定限之處。著吏兵兩部查明具奏。尋奏。各省監犯越獄脫逃及劫盜等案。均按疏防勒限。其題參疏防限期。各照案情定限。近來各省督撫。往往奏請先行交部議處。並從嚴摘頂勒限緝拏。視案情輕重。予限期多寡。

原屬格外從嚴。部議先照防範不嚴例。降一級留任。仍勒令該督撫照部限開參。又道光十九年議定。如獲犯在本案正限之外。雖經該督撫奏請開復員弁頂帶。仍按例限參處。遵行在案。報聞。○諭總管內務府大臣等。舊例。宮內圓明園挑補首領太監。俱係進宮三十年方准挑補。立制本為周妥。且行之年久。差使無誤。後經改為二十五年即准挑補。究非舊制。著自明年為始。仍照舊例。進宮三十

年方准挑補。本年所挑宮內及圓明園各處首領太監。其已滿三十年者。方准用首領頂帶。其未滿三十年者。只准食首領錢糧。永遠為例。○以防堵出力。賞福建道員恆昌等。藍翎。餘升補有差。○撫卹小呂宋國遭風難夷。如例。○庚寅。濬山東開河淤淺工段。從河道總督鍾祥請也。○辛卯。命於

大高殿設壇祈雪。

上親詣行禮。○先是欽差內閣學士全慶等奏。

查勘伊拉里克地畝。招民試種升科。酌籌經久事宜。下軍機大臣議。至是議奏。據稱伊拉里克地居吐魯番所轄托克遜軍臺之西。開挖渠道。引水灌輸。墾地十一萬一千畝。每年徵銀八千三百餘兩。二十六年試種。二十七年徵收一半。二十八年照額徵收。除採買經費。即於新賦款內動支。毋庸另撥。尚有贏餘抵充經費。此後永遠減調。於經費大有裨益。查喀喇沙爾徵糧。每畝七分五釐。此外徵糧。



自五升至九升六合三勺不等。今該處請以七分五釐折徵銀數與成案相符。至每年修理渠道及酌開卡井。責成戶長約束稽察。並與山內蒙古分別界址。籌畫亦俱周備。惟在該都統大臣等實力奉行。庶於國家經久之計有當。從之。○修山東沂沭河隄堰。從巡撫崇恩請也。○壬辰。

上御乾清門聽政。○以光祿寺卿何桂清為太常寺卿。○癸巳。

孝惠章皇后忌辰。遣官祭。

孝東陵。○甲午。

上詣

皇太后宮問安。○諭內閣前據禧恩等會查雙城堡浮丁分別逐留。並禁止復往章程一摺。當交該部議奏。茲據戶部奏稱。查覈該將軍等原奏分別逐留之處。均係實在情形。應即照所議辦理。嗣後著八旗滿洲蒙古都統轉飭各該參佐領。曉諭所屬閒散旗人。俾共知

該堡地土沃饒。米薪價賤。庶各視為樂土。踴躍思遷。自於京旗生計咸有裨益。至該堡不准容留民人。禁令甚嚴。此次清查戶口。雖據奏稱並無民人冒充。但恐日久稽察疏懈。仍不免潛蹤復往。此後儻查有外省民人潛往該堡影射牽混。甚至雇覓流民代耕。或將地畝私招民佃。致啓田為民占之弊。必將該將軍副都統等從重懲處。不稍寬貸。毋得視為具文。○又諭耆英奏。副將要缺題調乏員。懇

請越級升署一摺。前因營務人材難得。降旨令各督撫留心訪察。如有才能出眾之人。不拘資格奏請升調。茲據該督奏稱。廣東撫標右營遊擊崑壽。年壯才明。曉暢營務。現因督標中軍副將員缺緊要。請以該員越級升署。係為營務得人起見。崑壽著准其升署廣東督標中軍副將。送部引見。仍俟扣滿年限。再請實授。惟陸路員弁與水師不同。向不准越級升署。一經破格錄用。即與特保人員無

異各督撫務於平日秉公考覈。如有訓練精勤兵民悅服。確有實據者。方准破格保奏。越缺請升。若僅能循分供職。即不得藉詞濫舉。此後特保各員。除公罪不計外。僅另有各項私罪劣款。定將原保之督撫。照濫保匪人之例。嚴加議處。不稍寬貸。○以故土爾扈特扎薩克郡王那木扎勒車登子巴圖襲爵。○葉爾羌參贊大臣麟魁。因病解任。以葉爾羌幫辦大臣賽什雅勒泰為參贊大臣。賞內閣學

士吉明副都統銜。為葉爾羌幫辦大臣。○乙未。

上詣

大高殿行禮。○科爾沁扎薩克土謝圖親王色登端魯布等六人。喀爾喀車臣汗阿爾塔什達等五人。烏珠穆沁扎薩克車臣親王彭蘇克納木濟勒。巴林扎薩克郡王那木濟勒旺楚克等二人。喀喇沁扎薩克都楞郡王色伯克多爾濟。教漢郡王布彥德勒格呼固魯克

齊阿巴噶扎薩克郡王阿爾塔什第等二人。扎賚特扎薩克貝勒額外侍郎拉木棍布扎布。翁牛特扎薩克貝勒寶拜。於神武門內瞻覲。○丁酉。工部左侍郎羅文俊。因病解任。以內閣學士王廣蔭為工部左侍郎。仍留順天學政任都察院左副都御史。陳孚恩署工部右侍郎。兼管錢法堂事務。○予故甘肅蘭州府知府龔景瀚。平涼府知府嚴慶雲。河南信陽州知州查彬。直隸涑水縣知縣何繼志。入

祀名宦祠。湖南故江西督糧道周璣。陝西故翰林院庶吉士王吉相。廩貢生馬戡。土。浙江故內閣中書端木國瑚。入祀鄉賢祠。從總督訥爾經額。惠吉。劉韻珂。巡撫鄧廷楨。吳其濬。陸費瑤。梁寶常。請也。○禮部議准。山東巡撫崇恩疏報。採訪蓬萊縣節烈婦女蔣徐氏等一百七十三口。請建總坊旌表。從之。○修直隸果渠村壩埽等工。從總督訥爾經額請也。○戊戌諭內閣。本年

皇太后七旬萬壽。前經降旨普免道光二十年以前民欠銀糧。令各將軍府尹督撫等查明開單具奏。據劉韻珂等另片奏請將內地糧米及臺灣府屬供粟一體豁免。當交戶部覈覆。茲據查明具奏。此次臺灣供粟內地租穀十一萬一千五百八十八石零。內地糧米租米十四萬九千五百二十八石零。米耗銀四萬一千七百三十二兩零。以上銀米內截至奉到諭旨以前實欠在民未完之項。著加恩

准其一體豁免。該督等即刊刻謄黃徧行曉諭。並照例按戶付給免單。嚴禁吏胥影射需索等弊。務期實惠及民。用副朕推恩布閭至意。其所奏借碾倉穀請動項買補一節。既經該部查明奏銷案內有前經行令撥充兵糈之米二十餘萬石。著即遵照前議抵撥清項。餘米仍備兵糈。毋庸動項買補。期於倉庫兩有裨益。民間仍需實惠。○又諭。壁昌等奏審擬搶案匪犯。並請將撤任知府降為同知一

摺。前署徐州府知府劉澐於所轄境內捕務廢弛。撤任後仍未能設法協拏。難勝知府之任。劉澐著降為同知歸部選用。○己亥。上詣

皇太后宮問安。○諭內閣。奉

皇太后懿旨。琳妃著晉封為琳貴妃。所有應行事宜。該衙門察例具奏。○以翰林院侍講學士曾國藩。充日講起居注官。○命伊犁將軍薩迎阿。在紫禁城內騎馬。○庚子。諭軍機大

臣等前據壁昌奏。派定各礮隄官兵及後路防護接應營分章程一摺。並夾片一件。當交軍機大臣會同該部議奏。茲據會議覆奏。朕詳加披閱。均尚妥協。惟礮隄十四處。各歸各處操演防守。其間不可無聯絡之法。使聲氣得以相通。方不至散漫隔閡。無所歸束。著該督察看大江南北兩岸各礮隄交界毗連處所。應如何設法聯絡。以期往來接應。呼吸可通。俾十四處聯為一氣之處。著悉心籌畫。奏

明妥辦。餘均照所議辦理。將此諭令知之。○以故喀爾喀賽因諾顏扎薩克貝勒貢楚克扎布子濟木丕勒多爾濟襲爵。○壬寅。諭軍機大臣等。達洪阿等奏番賊廣至。掠搶牲畜。窺伺廐馬。現在酌派官兵追捕。並會商籌備一摺。此次該番賊以黃河冰橋結凍。故智復萌。乘間竄赴山北大通地方。撲搶居民牲畜。得賊後尤敢住紮該處。分投尋搶。仍復窺伺孳生廐馬。經該營署遊擊薛貴督率弁兵出

城掩擊。奪獲賊畜五百餘隻。槍斃番賊甚多。該官兵仍竭力擊勦。賊始退去。惟該番賊連年肆搶猖獗。雖屢經派兵緝捕。究未大加懲創。現在總兵站柱業已酌帶弁兵馳往會剿。該大臣等仍一面催令督兵前進。並挑備官兵督帶親往。以為後路策應。總期痛加追剿。毋令乘隙逃竄。是為至要。所有此次陣亡弁兵著即查明咨部請卹。其同被傷亡之薛瑞麟。係該署遊擊薛貴嫡子。有無官職。並著查

明具奏。候朕施恩。至所稱槍斃番賊甚多。究竟約有若干名。著一併詳查奏聞。將此諭令知之。○又諭。據胡超片奏。歷看南山沿邊情形。將籌計防堵九條開列呈覽。著布彥泰於到任後體察情形。悉心妥議具奏。胡超由行伍出身。向在軍營尚稱勇敢。現任提督。有節制各鎮之責。此次辦理番案。何以遂致兵革。是否平日不能約束。布彥泰甫將抵任。自無所用其回護。著留心訪察。如該提督確有劣

跡。即行據實奏。毋稍徇隱。儻於該省一切事宜。難資得力。即將現在將領大員。無論本省外省。擇其才能出眾。結實可靠。堪任是職者。秉公保奏。候朕酌量調用。將此諭令知之。○以故杜爾伯特扎薩克輔國公車登扎布子車巴克扎布襲爵。○以禮部左侍郎連貴署正紅旗蒙古副都統。○癸卯。命再於大高殿設壇祈雪。

上親詣行禮。○諭內閣。戶部奏。甘省採買兵糧

等項。節次咨催。並未買補歸款等語。甘肅盤查案內追繳銀兩。買補糧石。自應按年分晰造報。茲據戶部奏稱。節次咨催。任意拖延。不但糧無買補之期。即價亦無歸補之日。似此年復一年。成何事體。著該督即將該部所指各情節。逐條確切查明。據實具奏。毋得任聽官吏侵蝕虧那。以重帑項。尋奏。各款皆係咨追外省。須俟追獲解還。始能買糧還倉。無任意拖延逾限等情。下部知之。○又諭。禮部奏。

案關文生應行斥革。刑部並未會同禮部覆議等語。此案浙江文生張禮。於人命重案。輒向說錢私和。雖經刑部查明。並未過錢。擬杖議准援免。惟本案關繫罪名至絞監候之重。該生輒敢私行議和。且說錢已有成數。即與賄賂有據者無異。張禮著仍行斥革。刑部承辦此案司員。並不照例會同禮部辦理。著查取職名交部議處。嗣後遇有案情關涉舉貢生監。應行斥革開復之處。著刑部仍遵前奉。

諭旨。會同禮部定議具奏。免致辦理兩歧。○以告病一。等子恆興子寶善。故二。等子成麟嗣子松凌。各襲爵。○正白旗漢軍副都統阜興。以不勝任。降頭等侍衛。在大門上行。走。以三等侍衛聯順。為正白旗漢軍副都統。○以候補四五品京堂汪本銓。為奉天府府丞。兼提督學政。○喀爾喀輔國公巴圖圖魯等三人。於神武門外瞻覲。○甲辰。

上詣

皇太后宮問安。○諭內閣。穆彰阿奏。龍泉峪歲修工程。請交承辦事務衙門經理等語。此項工程完竣。已逾十年之久。自應歸該處管理。以專責成。所有龍泉峪。

皇后陵寢。妃園寢。一切歲修工程。及澆灌樹株等事。並著派阿靈阿。福濟。會同德春管理。該處歷年所存生息銀兩。著承辦衙門另款存貯。以備工用。該衙門知道。○又諭。刑部奏。要案情罪未確。兇犯大半未獲。請旨飭訊勒。

緝等語。此案廣西土州民黃亞組等。聽從黃卜萌起意糾毆。並放火燒屋。致斃黃布藏一家九命。情罪重大。疑竇多端。該省審辦此案。未能切實根究。率行定讞。且事閱二年之久。首夥各犯大半未獲。緝捕尤屬疏懈。周之琦著交部議處。歷任各臬司。著該部查取職名議處。並著周之琦親提此案人證。勒限嚴緝首犯黃卜萌等到案。一併嚴究確情。分別妥擬具奏。毋得稍涉回護。再致延宕。尋奏。拏獲

黃卜萌。訊明因挾黃布藏借貸不遂之嫌。糾同黃亞組、黃亞萌、林卜硯、黃亞映等持械尋毆。將黃布藏並子黃卜藏、媳黃韋氏、孫黃亞孟、黃亞小、黃亞芝殺斃。復縱火燒斃黃布藏妻黃黃氏。子黃卜養。工人車亞選子車亞送。黃卜萌依律擬斬立決。梟首示眾。林卜硯、黃亞映擬斬監候。黃亞組擬絞監候。黃亞萌獲日另結。下部議從之。○諭軍機大臣等。董瀛山奏請飭查拏邪教逸犯一摺。此案習學青

蓮教匪徒。業據各該省將已獲各犯陸續審明。分別奏結。其未獲要犯如朱中立、即朱化無、林依祕、即林周官、彭依法、即彭超、凡朱依專、即柳清泉、夏致溫、即夏繼春、葛依沅、即郭建汶、徐傳貴、文先覺、鍾大環。仍著各該督撫分飭各屬嚴密查拏。務令按名弋獲。淨絕根株。不得以查緝無蹤。意存疏懈。任令匪徒漏網。將此各諭令知之。○以故一等子吉成弟巴朱爾三等子奎善子榮昌雙和子永怡布。

三等男富玉子瑞凌各襲爵。○以詹事府詹事德齡為內閣學士。兼禮部侍郎銜。○以翰林院侍講學士戴熙為光祿寺卿。仍留廣東學政任。○乙巳諭內閣。向來內外大員兄弟子孫。每屆五年行查一次。挑取侍衛拜唐阿當差。原為侍衛拜唐阿差使體面。大員子弟挑取後。益得熟習清語騎射。而於差使得人。自道光二十一年查辦後。迄今已及五年。又屆應行查辦之時。惟念該大員子弟內亦有

不同。或身體單弱。馬上平常。或自幼讀書。一時不及習學騎射。似此即挑取侍衛拜唐阿。又何能得力。自應酌量變通辦理。嗣後在京文職自三品以上。武職自二品以上。在外文職自總督至按察使。武職自將軍提督至總兵。該大員兄弟子孫內。如有年已及歲。可以充當侍衛拜唐阿差使者。俟五年查辦之際。該大臣等仍照上次呈報本旗。由該旗造冊咨送軍機處會總具奏。俟朕指出。帶領引見。如身體單弱。或有殘疾。抑或弓馬平常者。著該大臣即據實報明該旗。轉行軍機處。均聽其便。該旗亦毋庸催取其名。以示朕作養器使旗僕之意。○又諭。戶部奏請飭催各省完繳罰賠銀兩解部等語。此項罰賠代賠各員。完繳各省藩庫銀兩。未經解部者。尚有十一萬餘兩之多。節經該部行催。仍未解到。此係已收藩庫之款。各該省並不迅速批解。殊屬玩延。著各該省於此次奉到諭旨後。勒限半

年。迅速委員解部。以重款項。儻逾限不解。即著該部嚴參具奏。○諭軍機大臣等。穆彰阿等議覆耆英等奏。新設虎門守臺弁兵。責成各該本營考察策應一摺。已依議行矣。該督等原奏內稱。逢單月進子打靶之時。由提臣親詣各臺。督率演放。分別勸懲等語。各礮臺濱臨大海。自與陸路演打準頭不同。其演放礮位時。究竟以何處為標準。著該督等據實查明具奏。將此諭令知之。尋奏。各礮臺每逢單月演放。提督賴恩爵。親督將弁。多備小船。先用小船一隻。上安竹靶。中繪紅鵠。由大船帶至中流。將小船下礮演放練習。報聞。○以故喀爾喀賽因諾顏扎薩克貝勒那木濟勒多爾濟子錫哩巴扎爾扎布。襲爵。○調奉天府府丞汪本銓。為順天府府丞。順天府府丞龔文齡。為奉天府府丞。兼提督學政。○丙午。給盛京學習長矛兵丁公費。從將軍禧恩請也。○旌表守正被戕江蘇宿遷縣民陳百鳴

女孩姐○丁未諭軍機大臣等。耆英等奏。喚夷仍執前說。要求進城一摺。又另片奏。現在籌議辦理情形等語。覽奏均悉。該夷進城一節。本非條約所有。經該督屢次曉示。甚為明晰。該酋何以仍執前說。且粵東民情犷悍。設與情未協。稍有爭執。必致滋生事端。該酋豈無慮及之理。該督等仍當詳晰開導。諭以即使准其進城。而民情究難相安。儻因事爭競。或致互有傷損。彼時若求代為約束。地方官

斷難查辦。如此豫為明白定約。該夷知其無益有害。妄念頓消。亦未可定。將此由五百里諭令知之。○戊申。諭內閣。前據御史岳慶奏。參審案委員。與被告同車。及不提被告反罰原告等款。當交訥爾經額查訊。茲據查明覆奏。委員曾貫之承審之案。被告並非護衛。其護衛同武舉被控之案。並非曾貫之承審。現提案證查訊。該委員並無與被告同車赴府之事。至被告馮巨鏞實已到案。原斷交出銀

錢。係屬地租。並非勒罰。惟該委員會同河間府知府審訊此案。既據馮巨鏞呈出借字。自應詳查質對。乃據供率銷借約。致令翻控。究屬疏忽。前任河間府現任宣化府知府德齡。候補知縣曾貫之。均著交部照例議處。○撥江蘇丹陽等縣熟田漕糧。借放兵匠米石。○己酉。

上詣

皇太后宮問安○以禮部左侍郎連貴。右侍郎

倭什訥。戶部左侍郎賈楨。充經筵講官。○庚戌。

上御撫辰殿大幄次。賜蒙古王貝勒貝子。額駙。台吉。章嘉呼圖克圖等宴。並賞賚有差。○諭軍機大臣等。林則徐奏。據報番賊情形。先飭鎮將防堵馬廠一摺。覽奏均悉。前此番賊祇以搶劫為生。此次竟敢撲攻城垣。猖獗已極。現經該署督檄飭總兵站樞。酌帶弁兵。親往大通策應。並於各要隘處所。添兵防護馬



廠布置尚為周妥。著即督飭各將弁等嚴密巡防。即使番賊暫退。亦不准擅即回營。其派往防護各馬廠之兵。務將各處官馬保護齊全。毋使再有一匹遺失。儻有疏虞。即將看守之將弁兵丁分別嚴辦。並將該管提鎮一併叅處。至需用大礮及擡礮擡槍。擬倣照洋礮之法。推輪運致。著即設法製備應用。該署督務當實力整頓。信賞必罰。以壯士氣。而挽頽風。將此諭令知之。○以服闋侍郎李煌署吏

部左侍郎。○江寧布政使陳繼昌因病解任。以服闋布政使徐廣縉為江寧布政使。○賞喀爾喀扎薩克貝勒貢楚克扎布。喀爾喀扎薩克貝勒濟木丕勒多爾濟。鄂爾多斯扎薩克貝子巴達爾瑚。雙眼花翎。喀爾喀扎薩克輔國公車登棟多布多爾濟。輔國公德勒克達什。鎮國公貢桑青海扎薩克。輔國公察哈巴克。土爾扈特頭等台吉索諾木多布濟花翎。○以江南江安蘇松糧道所屬糧價未平。

命緩買各幫丁行月等米。○緩徵陝西榆林府谷二縣歉收貧民折色籽種銀。○辛亥。以國史館繕寫

大清一統志成。予提調官翰林院侍讀杜翻等

議敘有差。○壬子。

孝莊文皇后忌辰。遣官祭

昭西陵。○諭內閣。鑒儀衛奏恩利銀庫滋生銀兩。典置地畝。本年應徵租銀。除解到外。尚欠一千八百三十八兩零。并節年舊欠。共銀十

九萬一千五百餘兩之多。此項租銀。係該衙門辦公之用。自應按年徵收。不得任其拖欠。著順天府直隸總督嚴飭各屬。務將前項租銀迅速催解。不許再有延宕。○先是步軍統領衙門奏。向來旗營官員。遇有辦事錯誤。覈其情節。不致嚴叅。而又無處分專條者。僅予記過。不足示懲。請嗣後實行罰俸。不准抵銷。下兵部議。至是議奏。公罪應准抵銷。私罪不准抵銷。得旨。著該部另冊存記。即作為步軍

統領衙門專條。此外概不得援引。

上以歲暮禋祭

太廟。自是日始齋戒三日。○癸丑。以京畿雪澤尚未深透。

上詣

大高殿祈雪。命

皇四子

天神壇。皇五子奕訢詣地祇壇。皇六子奕訢詣

太歲壇。行禮。惠親王綿愉詣

宣仁廟

凝和廟。瑞郡王奕誌詣

昭顯廟

時應宮拈香。○江蘇巡撫李星沅奏報抵任日期。得旨。朕看汝年富才明。學優品正。甚有厚望於汝。諒汝亦必能體朕用人之苦衷也。勉益加勉。毋怠毋忽。○朝鮮國使臣李憲球等三人。越南國使臣張好合等三人。於神武

門外瞻觀。○甲寅。以歲暮禋祭。遣官祭

太廟中殿

後殿。○諭軍機大臣等。布彥泰奏審訊胡完案內大概情形一摺。布彥泰前已簡任陝甘總督。如現在尚未起程。著將此案審訊完結。再赴新任。如業已起程。前赴陝甘。即著奕山將全案應訊人證。提解伊犁。妥為看管。俟薩迎阿到任後。研訊確情。據實具奏。將此諭令知之。○西寧辦事大臣達洪阿奏。挑選鎮標五

營精兵六百名。早晚操練。遇有番匪。即行帶往擊剿。免致臨時貽誤。並自行捐廉製造撞槍二十五桿。撞礮二十五尊。配帶鉛丸。以資應用。請免造冊報銷。從之。○賞御前行走教漢郡王布彥德勒格。呼固魯克齊。紫韁。○命阿巴噶扎薩克郡王阿爾塔什第喀爾喀扎薩克郡王托克托瑚圖魯。在御前行走。○乙卯。禋祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○遣官祭

太歲之神○詣

皇太后宮問安○諭內閣昨梁寶常奏參緝捕

遲延及身有疾病各員當經降旨分別摘去頂帶革留勒休內山陰縣知縣方聯孚一員據該撫原奏內稱因查辦奉化匪徒一案路過紹興府接見該員感患痼疾精神恍惚等語朕思州縣等官各居本任儻非因公進省督撫勢不能與之時常接見若必待經臨該處親加察看始行叅劾此外得以藏庸濫竽者諒復不少是督撫之耳目難周究不若道府之稽查較近嗣後著各該督撫嚴飭各道府於所屬州縣隨事留心訪察遇有多病廢公及庸劣無能等員立即據實稟揭儻敢瞻徇回護一經督撫查出除將各該員立予罷斥外所有該管道府一併嚴叅示懲此案方聯孚身有重疾若非該撫親臨接見必至以病軀繼職貽誤地方該管道府何以不行稟揭輒復委員幫辦著該撫查明叅奏至督撫與州縣雖相距較遠果有所聞亦不妨將該員檄調來省面加察看總期及時甄別斷不

可意存姑息。致令衰庸之員。濫司民社。以嚴考察而肅官方。將此通諭知之。○丙辰。

上御保和殿。筵宴朝正外藩。科爾沁。烏珠穆沁。

喀喇沁。教漢。阿巴噶。扎賚特。翁牛特。喀爾喀。

蘇尼特。巴林。鄂爾多斯。青海。伊克明安。察哈。

爾。土爾扈特。土默特。奈曼。王。貝勒。貝子。公。額。

駙。台吉。塔布囊。及朝鮮。越南。國使。臣等。隨文。

武大臣依次就坐。諸樂並作。

上進酒。召左翼科爾沁。扎薩克。土謝圖親王。色。

登端。噶布。科爾沁。卓哩克圖親王。巴圖。科爾。

沁。達爾漢親王。索特納木。彭蘇克。烏珠穆沁。

扎薩克。車臣親王。彭蘇克。納木濟勒。科爾沁。

扎薩克。扎薩克圖郡王。索特納木。倫布。木。巴。

林。扎薩克。郡王。那木濟勒。旺楚克。喀喇沁。扎。

薩克。都楞郡王。色伯克。多爾濟。教漢。郡王。布。

彥德勒格。呼固魯克齊。阿巴噶。扎薩克。郡王。

阿爾塔什第。阿巴噶。郡王。薩爾濟勒。多爾濟。

科爾沁。扎薩克。郡王。僧格林沁。科爾沁。扎薩。

克。貝子。濟克默特。土默特。扎薩克。貝子。德勒。

克。色。楞。奈曼。固倫。額駙。德木楚克。扎布。右翼。

喀爾喀。車臣。汗。阿爾塔什達。喀爾喀。賽因諾。

顏。扎薩克。親王。車林。多爾濟。喀爾喀。扎薩克。

親王。額林沁。多爾濟。喀爾喀。扎薩克。郡王。托。

克。托。瑚圖。噶。喀爾喀。扎薩克。郡王。圖克濟。扎。

布。喀爾喀。扎薩克。親王。車登。巴。咱。喀爾喀。

扎薩克。郡王。那遜。巴圖。至御座前。賜酒成禮。○是年。旌表孝子。直隸等省。

孫世瑩等十八名。孝友。福建等省。游春樹等。

二名。義夫。雲南。木從繩一名。孝女。江蘇等省。

周氏等二口。孝婦。江蘇等省。楊沈氏等六口。

守節合例。宗室。國昌。妻。寇特氏等二十五口。

滿洲。蘇勒肯。妻。李佳氏等一百五十一口。蒙。

古圖明。阿妻。和佳氏等五十一口。漢軍。郎陸。

妻。郝氏等三十八口。內務府。福成。妻。唐氏等。

七口。各省。駐防。額爾得布。妻。何氏等二百四。

十五口。奉天等省。周禮。妻。任氏等一千四十。

口。夫亡殉節。直隸等省樊景恆妻王氏等四十九口。未婚守志。伊犁駐防趙佳氏一口。順天等省董氏等二十七口。百歲壽民。歸湖南等省李向明等九十九名口。五世同堂江西等省易煥禧等六十八家。各給銀建坊如例。

○會計天下民數穀數。直隸等省通共大小男婦四萬二千一百三十四萬二千七百三十名口。存倉米穀三千二百三十萬一千二百十八石八斗四升八合二勺。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百二十四

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百二十五

[illegible]

教修

道光二十六年丙午春正月丁巳朔

上詣

奉先殿行禮詣

堂子行禮遣官祭

太廟後殿 率王以下文武大臣詣

壽康宮慶賀

皇太后禮成御太和殿受朝作樂宣表如儀

詣

大高殿

壽皇殿行禮。御乾清宮賜皇子親藩等宴。

諭內閣賀長齡等奏遵查銅務各款懇請定	限一摺雲南銅務各款前有旨飭令清查未	定期限茲據奏稱款日紛煩稽覈非易著准	其自道光二十五年八月初一日設局起扣	至二十六年七月底止給限一年趕緊清查	該督撫藩司俱係新任無所用其回護總當	悉心查覈實力鉤稽毋致牽混滋弊○調雲	南開化鎮總兵官蔭得布署騰越鎮總兵官	以維西協副將李能臣署開化鎮總兵官○	以雲南訪拏習教人犯妥速予知縣侯晟等	議欽○免雲南銅廠民欠無著工本銀○戌	午	上御紫光閣賜蒙古王貝勒貝子公額駙台吉	及外藩使臣等宴並賞賚有差○緩徵山東	樂安章邱陽信樂陵濱霑化觀城聊城聊城	海豐利津壽光濰長山臨邑商河單濟寧魚	臺鄒平濮臨清莘邱濟陽二十五州縣及德	州東昌臨清三衛上年被災村莊新舊正雜
-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	---	--------------------	-------------------	-------------------	-------------------	-------------------	-------------------

清 實 錄 道光二十六年正月

額賦○貸甘肅臯蘭渭源隴西安定會寧平	涼靜寧隆德清水禮徵涇崇信十三州縣災	民籽種○己未	高宗純皇帝忌辰遣官祭	裕陵	上詣	奉先殿	壽皇殿行禮○諭內閣朕於三月初八日由圓	明園啓鑾十二日祇謁	西陵禮成後於十五日駐蹕南苑二十日回圓	明園所有應行事宜著各該衙門照例敬謹	豫備○庚申	上詣	大高殿行禮○幸圓明園○奉	皇太后居綺春園○詣	安佑宮行禮○辛酉	上詣綺春園問	皇太后安○諭內閣朕弟惇恪親王綿愷尚無
-------------------	-------------------	--------	------------	----	----	-----	--------------------	-----------	--------------------	-------------------	-------	----	--------------	-----------	----------	--------	--------------------

承嗣之人著將皇五子奕詝過繼與惇恪親王為嗣即襲封惇郡王並著欽天監於本年三月內選擇吉期移居府第其一應章服仍照皇子分例服用應領俸糈即於本年春季為始照例支領 賞扎賚特貝勒拉木棍布扎布子頭等台吉阿勒塔闊輟爾科爾沁貝勒賽因瑚畢圖子頭等台吉旺楚克林沁翁牛特扎薩克貝勒寶拜子頭等台吉特木楚克蘇隆喀喇沁扎薩克頭等塔布囊額駙克星額子三等塔布囊布哩納巴拉花翎 緩徵直隸寶坻寧河保定天津薊霸安肅靜海豐潤玉田三河武清東安灤樂亭定興新城容城雄安青滄南皮鹽山慶雲寧晉邢臺南和永年邯鄲肥鄉雞澤磁元城南樂清豐新河大名成安廣平平鄉四十一州縣及津軍廳上年被水被旱被雹被蟲村莊額賦給實抵寧河保定天津四縣災民一月口糧 給奉天鳳凰城岫巖廳上年歉收旗民一月口

糧 壬戌諭內閣前據潘錫恩奏查明運河中河兩廳緯隄仍懇撥銀趕辦當交戶部再行議奏茲據戶部查議具奏均著照所請辦理此案工程為漕運往來要道既須及早增培自應准其如數撥給以資趕辦惟南河每年部撥各款為數已鉅非惟備搶險之需兼以儲歲修之用嗣後遇此等工程即於歲撥各款內按年擇要修理毋致隄工日形殘缺另行請撥以重帑項而節糜費 癸亥

世祖章皇帝忌辰遣官祭

孝陵 甲子諭內閣前據潘錫恩奏籌備空運事宜並請定松江府屬重運渡江限期一摺當交壁昌等覈議具奏茲據奏稱松江重運幫船向與蘇屬各幫糧船跨兌必先蘇而後松又由吳淞黃浦泖湖運河迤邐出江連年比較遲早不過數日從無延誤況渡黃例限本定於四月初十日以前果能節節提前漸歸初限所有松江重運相距不遠尤當爭先

恐後一律迅速。又另片詳陳松江重運實在情形。惟在破除積習。多方激勵。各等語。所議自係詳加體察。務協機宜。所有松江重運渡江。即著無庸另立限期。以歸簡易。該督等仍當先事籌度。嚴切督催。俾早兌早開。如縣幫稍形玩易。立即指名撤叅。務較常年提前辦理。以符例限。而利漕行。○乙丑諭軍機大臣等。書元奏要工急須修築。擬設法勸捐一摺。著惟勤體察該處情形。是否係應辦之工。及應作何辦理之處。妥議具奏。候旨遵行。原摺著鈔給閱看。將此諭令知之。○以捐辦湖北隄工出力。予知縣湯譽光等升敘有差。○是日立春。順天府進土牛春山寶座。○丙寅享太廟。遣惠親王綿愉恭代行禮。○上詣綺春園問皇太后安。○御奉三無私殿。賜皇子親藩等宴。○遣官祭太歲之神。○諭內閣。梁寶常奏緝獲奉化縣

滋事首要各犯。提同前獲各匪。審明確情。分別定擬。一摺。此案已革奉化縣知縣王濟經徵錢糧。尚無浮勒情事。惟於刁徒聚眾阻考。未能妥速查辦。已革寧波府知府李汝霖業已起程前往查辦。輒復因病折回。均難辭咎。業經革職。應毋庸議。前署奉化縣知縣繆梓失察。縣書向糧戶私索票錢。因此釀成鉅案。著交部嚴加議處。已升溫右營守備提中營千總何成龍。外委高廷照。兵丁楊瑞章。蔣大

法。何有海。劉豫章。丁得升。沈大章。沈永清。馮大貴。臨難捐軀。均著該部照例議卹。幕友監生張植祖。因公被害。情亦堪憫。著一併交部議卹。至在事出力文武員弁。除參將百勝都司鄧鳳翔前已降旨從優議敘外。其前署奉化縣事候補知縣李盤寧。波府經歷張家縉。太平縣縣丞顧準。嘉興縣縣丞劉季淳。均各身受重傷。協力守城。始終不懈。俱著交部從優議敘。所請免補本班。以同知即行補用之



候補知縣傳延燾已有旨升授定海廳同知矣。又諭內務府奏接收貢物遲延請將司員嚴議等語。此次越南貢物接收遲延。所有承辦司員著交吏部查取職名嚴加議處。○諭軍機大臣等。御史謝榮堦奏山西平遙縣民宋鶴慶因姦謀殺一案。犯供前後不符。恐有避重就輕情事等語。案關疑姦謀殺名節。攸關虛實。均應確究。著吳其濬親提人證卷宗秉公研訊。務得實情。以成信讞。原摺著鈔給閱看。將此諭令知之。尋奏宋鶴慶素不務正。因其妻宋曹氏之母舅王久忠向其斥辱。輒挾嫌商同宋郭驪則將王久忠砍傷身死。宋鶴慶應依謀殺人造意律擬斬監候。宋郭驪則依為從例擬絞。候宋曹氏被其夫誣指與王久忠姦私捐軀明志節烈可嘉。附請旌表下部議從之。○丁卯。

孝全皇后忌辰遣官祭陵寢。戊辰。

上詣大高殿行禮。○還宮。○濬江蘇丹徒丹陽二縣運河從巡撫李星沅請也。○緩徵江蘇上元江寧句容溧水高淳江浦六合山陽阜甯清河桃源安東鹽城高郵泰東臺江都甘泉儀徵興化銅山豐蕭碭山宿遷睢寧海沭陽泰興二十九州縣並揚州淮安大河徐州四衛上年歉收村莊額賦。○以次辛祈穀於上帝。自是日始齋戒三日。○己巳諭軍機大臣等。昨據布彥泰奏查明哈密另有可墾地畝一摺。已批交軍機大臣會同該部議奏矣。其另片所稱回子近日窮苦由於該伯克等科派所致。自係實在情形。各城回子生計本少。加以科斂愈不聊生。全在各城大臣力矢清操方能約束。該伯克等顧念同類不至借端魚肉。此後該將軍應如何密加查察。使各大臣等破除積習。不令該伯克有所藉口。著布彥泰林則徐悉心妥議。據實具奏。至該扎薩

克郡王伯錫爾將私墾地畝呈獻充公擬安置民戶等語此項地畝既據呈出一經墾種漸可擴充是否足以安置民戶藉資控制並著布彥泰等詳議奏聞原片著鈔給林則徐閱看將此各諭令知之○庚午

上詣

南郊齋宮齋宿○辛未祈穀於

上帝

上親詣行禮○詣

關帝廟拈香○幸圓明園○詣綺春園問

皇太后安○壬申

上御正大光明殿賜朝正外藩等宴作樂賜酒

如除夕儀○癸酉

上御正大光明殿賜大學士尚書等宴○諭內

閣前據董瀛山叅奏順天文安縣竊盜之案

當交恩桂等派員密拏茲據該衙門獲犯具

奏呂大發王七海即王起海劉庭禮均著交

刑部嚴行審訊董瀛山所奏得實著賞加一

級甲戌諭內閣上年因派往朝鮮使臣向

帶通官五六員恐有騷擾需索等事曾經降

旨祇准隨帶一員茲據禮部奏該國王懇請

酌加以便擯接等語嗣後派往朝鮮使臣著

准其隨帶通官二員該部即纂入則例永遠

遵行○又諭林則徐奏叅護理副將一摺甘

肅護理永固協副將陝西漢鳳營遊擊馬希

賢於番務喫緊之際經該署督等責成策應

輒敢藉詞推諉實屬畏葸巧猾著即革職至

所稱甘省現辦番務正亟需人固原提督所

轄各營內之參將李伏泰起奉遊擊毛鴻鵬

張廷秀都司牛鳳山徐椿劉允和等七員均

係經歷行陣著准其調赴甘肅以備差委

又諭各省督撫每屆年終將該省司道等官

切實出考密封陳奏朕親加披覽即軍機大

臣亦不發給閱看原所以慎重考察嚴防洩

漏所謂君不密則失臣臣不密則失身該督

撫等宜如何慎密乃近日往往視為具文漸

近輕忽。即如本日梁寶常具奏調署州縣吏片。輒附入密摺封內。是其視密摺本未慎重。已可概見。嗣後著各該督撫於年終密考。務須格外慎重。倍加嚴密。毋稍視為具文。致滋率忽。將此通諭知之。○諭軍機大臣等。林則徐奏。數明東西路堵剿番賊情形。分別勸懲。一摺。此次東路番賊。在老河溝腦等處。尋搶牲畜。經該鎮站柱跟追攔截。雖槍斃多賊。而餘匪乘夜竄逃。著仍嚴飭該鎮。確探賊蹤。趕緊追緝。毋得稍存大意。至西路甘涼等屬。經該署督曉諭紳民。練勇保衛。所需軍械。准於各營內酌量借給。以濟兵力。其三溝門所放孽馬。被賊搶奪至七百餘匹之多。該營弁等疏懈已極。署永昌協都司事紅水營守備惠奇。署千總事世襲雲騎尉鞠兆祥。均著革職。仍留署任。以觀後效。護永昌協副將隆盛友。著先行摘去頂帶。責令殺賊立功。儻該將弁等仍前玩泄。即著從嚴參辦。其義得渠口地

方既有賊蹤。防堵尤應嚴密。著即責成胡起就近督飭。將備認真嚴防。該署督仍當隨時查察。如有畏葸怠玩。不能得力者。立即嚴懲示儆。以除痼疾。而振軍威。現在漸屆春融。一切勦辦機宜。著該署督妥速籌畫。悉心布置。奏明辦理。將此諭令知之。○以成郡王載銳為正黃旗蒙古都統。○予故御前行走正黃旗蒙古都統博多歡祭葬。賞銀五百兩。治喪。予甘肅陣亡把總徐廷貴副千戶土司楊國成祭葬。世職並署遊擊薛貴子瑞麟祭葬。世職如千總例。○展緩浙江富陽嘉興秀水嘉善海鹽平湖石門桐鄉烏程歸安德清武康十二縣上年被水被風村莊積欠額賦。○撫卹琉球國遭風難夷如例。○乙亥。上御山高水長賜王公大臣蒙古王貝勒貝子公額駙台吉及外藩使臣等食。○丙子。上詣綺春園問皇太后安。丁丑。

孝穆皇后忌辰遣官祭

陵寢以伊犂新開河渠工竣予巡檢陳炳照等升敘有差戊寅四川提督托明阿因病解任以直隸天津鎮總兵官善祿為四川提督調陝西河州鎮總兵官福珠洪阿為天津鎮總兵官以湖北竹山協副將曹三祝為河州鎮總兵官己卯

孝聖憲皇后忌辰遣官祭

泰東陵諭內閣三載考績大典攸關內外滿

漢諸臣有能克勤克慎實心任事者自當甄敘才具凡庸年力衰邁者亦難姑息其間年齒雖老而精力不減者亦當留任茲屆京察之時吏部將內外諸臣開列具題朕依次酌覈大學士穆彰阿潘世恩戶部尚書賽尚阿祁寯藻兵部尚書何汝霖精勤襄贊一德一心吏部尚書恩桂管理諸務頗見認真直隸總督訥爾經額畿疆重任諸臻妥善大學士四川總督寶興人品端方有年宣力協辦大

學士兩廣總督耆英殫心竭慮坐鎮海疆廣東巡撫黃恩形協力籌維共成救定均著加恩交部議敘餘著照常供職免暹羅國請示貢期使臣回國船稅庚辰諭內閣本年輪應查閱山東等省營伍之期山東著即派崇恩河南著即派鄂順安江蘇安徽江西著派賽尚阿周祖培馳驛前往逐一查閱認真簡校毋得視為具文命戶部尚書賽尚阿刑部左侍郎周祖培馳往江南查勘江防善

後事宜以廣東崖州協副將沈鎮邦為南澳鎮總兵官免惇恪親王綿愷未完罰俸銀兩辛巳朝鮮國王李昶遣使表賀

萬壽冬至元旦三大節並恭謝冊封王妃恩增貢方物命年貢照例賞收外餘抵下次正貢賞賚筵宴如例壬午諭內閣德誠等奏南糧幫船起運遲延請飭豫籌速運等語南糧幫船沿途行走例有定限果能依次北來跟蹤到壩自可迅速歲事近來各省幫船遲滯

必須多方籌畫。節節嚴催。甚至迎剝接運。始能趕辦完竣。總因兌交時開行較晚。首二三進。又不能銜尾暢行。以致諸形竭蹶。殊非慎重漕糧之道。著有漕各省督撫。漕運總督。嚴飭所屬暨糧道等。督催有漕各州縣。及早兌交。押令幫船飛速開行北上。勿任逗留。沿途行走。尤須跟接前進。進行抵壩。毋得一幫脫空。致誤起卸。儻仍前延玩。即著嚴叅懲辦。○引見京察三四五六品京堂。得旨。此次京察

引見三品以下京堂各官。內閣侍讀學士。恒青。太醫院院使蘇銓。年力就衰。翰林院侍講學士奎光。才具平常。太醫院左院判奎璣。醫道粗疏。俱著休致。太醫院右院判張宗濂。醫術精通。當差有年。甚為出力。惟年力已衰。著以原品休致。仍賞給全俸。以養餘年。餘著照常供職。○雲南巡撫梁萼涵。因病解任。以直隸布政使陸建瀛。為雲南巡撫。江蘇按察使郭熊飛。為直隸布政使。安徽寧池太廣道周

祖植。為江蘇按察使。○癸未。

上詣綺春園問

皇太后安。○乙酉。

孝儀純皇后忌辰。遣官祭

裕陵。○

上詣

大高殿行禮。○還宮。○諭軍機大臣等。達洪阿

等奏查明上年擊斃番賊確數一摺。並另片

奏現在籌辦進剿情形等語。此次番賊復出

肆搶。勢甚猖獗。歲暮冬寒。尚復潛匿邊外。乘

間搶掠。一交春融。必更出巢窺伺。况年來近

邊熟番。亦間有勾結尋搶情事。值此天氣和

暖。亟應相機進剿。為一勞永逸之計。達洪阿

惟當認真操練。修整器械。以便剋期進剿。毋

致臨時不能得力。現在林則徐駐劄涼州。查

辦一切。不日即抵西寧。著會同達洪阿將應

辦各事宜。和衷商量。妥為籌辦。將來布彥泰

到任後。林則徐仍著暫留西寧。與布彥泰達

洪阿公同會辦。期於集思廣益。以靖邊陲。是為至要。將此各諭令知之。○以祭

社稷壇。自是日始。齋戒三日。○丙戌。命盛京兵

部侍郎齡鑑。盛京刑部侍郎廣林。馳往吉林。

查辦已革管站監督舒津等控案。尋奏。舒津

於監督任內私開荒地。相沿未報。經部議革

職。本無屈抑。乃敢撓砌。訐告。審屬全虛。應加

等問擬。發往新疆充當苦差。恭肅所控馬廠

地租等款。尚屬有因。減等擬徒。照例折枷。下

部議從之。○予捕盜被戕廣東千總林大斌。

祭葬世職。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百二十五

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百二十六

臣等謹將官制原目具列原注官太子太保禮部尚書大學士文淵閣領事管理戶部事務工書房總師傅翰林院掌院學士兼管順

天府戶部事務總常小五級紀錄十八次後賈樹勳教官經選講官吏部尚書錄並張漢軍都統管理新營房破內官房大臣傳案內

上卷六頁  
前卷會同四館書程力一紙  
隨帶力六紙  
筆功力三紙  
總錄五次  
花沙氣經理  
官文湖陽樓東  
唐李氏部當  
新編

[illegible][illegible]

救修

道光二十六年丙午二月丁亥朔癸

先師孔子遣戶部尚書祁窩藻行禮○諭內閣穆彰阿等奏遵旨會議御史劉良駒條奏銀錢畫一章程一摺銀錢並重本係制用常經果能隨時酌覈不使輕重相懸裕國便民兩有裨益未可輒稱窒礙不思設法變通著該督撫等各就地方情形詳細體察悉心妥議具奏務使法立可以推行不至滋弊毋得任聽屬員巧為推諉稍存畏難苟安之見僅以一奏塞責○江蘇巡撫李星沅奏江蘇漕

務積弊日深現飭該州縣等秉公籌辦務期

一律均平不准再有大戶小戶名目庶幾民

困漸甦幫費有著重運不致遲誤得肯寬猛

相濟勉力為之○以雲南勦辦永昌回匪出

力賞道員周澍同知李恆謙知州恆文副將

李能臣邵鶴齡參將孝順花翎馬兵汪海等

藍翎並加銜升敘有差○戊子祭

大社

大稷

上親詣行禮○湖廣總督裕泰等奏湖北各營

奏准添設槍礮必須隨時操演而營儲藥鉛

係豫防徵調之用。未便有缺無補。現在籌捐

銀一萬兩發典生息以備製補動缺藥鉛之

用庶操演有資武備藉以整頓得旨所辦好

依議妥行○己丑遣官祭

文昌帝君廟○庚寅引見各衙門保送京察

一等人員得旨此次京察一等圈出人員著

各該堂官再行出具切實考語交吏部帶領

引見圈出之滿洲蒙古中書筆帖式等官著歸入理事同知通判內遇有缺出與舊記名人員一體帶領引見漢軍漢人著交部以撫民同知通判等官分別選用翰林院侍讀宗室常祿宗人府理事官宗室綿森起居注主事覺羅奎昌太常寺寺丞兼贊禮郎明昌光祿寺署正英秀太僕寺主簿珠隆阿侍衛處主事訥齊馨上諭處委署主事岱明戶部寶泉局中廠大使舒津太常寺贊禮郎玉英國

子監助教法朗阿吳文錫鴻臚寺鳴贊兼佐領巴克坦布俱著交部照例以應升之缺升用刑部筆帖式岳山國子監筆帖式蘇色訥均著改為二等所有內閣侍讀岳興阿等二百七十八員俱著准其一等加一級○辛卯以舉行仲春經筵遣官告祭

奉先殿

傳心殿

上御文華殿經筵直講官吉倫泰卓秉恬進講

論語舉直錯諸枉則民服講畢

上宣御論曰自古帝王御宇未有不以進賢退不肖為首務非欲以之服民也而民之從風嚮化自有不期然而然者昔夫子因魯公何為則民服之問而以舉直錯諸枉則民服對蓋非舉錯之難知其直枉而舉錯之為難故書曰惟帝其難之知人則哲能官人雖然斯民也三代之所以直道而行人君果能用天下心為心則如衡鑒之懸如繩墨之陳如規

矩之設賢奸邪正未有不燭照而數計者於是虛其心以為舉則野無遺賢而民服其舉之公精其心以為錯則朝無倖位而民服其錯之明舉民之所欲舉而任之勿貳錯民之所欲錯而去之勿疑是非判而民志以一賞罰勸而民氣益和民之所好好之民之所惡惡之有不心悅而誠服哉至於明明在朝穆穆布列枉化為直而民忘帝力此又舉錯之效也直講官宗室端華賈楨進講易經君子



敬以直內義以方外講畢

上宣御論曰萬物咸備於君子君子必有一道焉足以統萬物之全者以持乎其內萬事待理於君子君子又必有一道焉可以立萬事之則者以樹乎其外持之堅斯以無形役有形而主一無適樹之確斯以有定衡無定而因應無方如易文言稱敬以直內義以方外實為君子内外交修之學其功不可闕而其序有不容紊者敬也者警也無敢戲豫無敢

馳驅則不愧不怍有以直其內矣義也者宜也行為世法言為世則則無偏無陂有以方其外矣且夫內者外之存外者內之發敬生於內而見於外無以直內必至於襲義以自餒義形於外而根於內無以方外必不能莊敬以日強若嚴恭寅畏懷以帝天則處事自精義以入神動作云為限以程式則處心必殊事而合敬表裏相符不可強也書曰兢兢業業一日二日萬幾又曰以義制事以禮制

心其即此意也夫禮成

上幸文淵閣賜講官及聽講諸臣茶復賜宴於本仁殿○幸圓明園○壬辰

上詣綺春園問

皇太后安○引見各衙門京察六十五歲以上人員得旨戶部郎中德芳兵部郎中興泰工部郎中孫扎齊刑部筆帖式隆泰理藩院筆帖式珠爾杭阿覺羅毓浦翰林院待詔閻海鑒儀衛筆帖式花良阿著以原品休致餘著

照常供職○癸巳

孝淑睿皇后忌辰遣官祭

昌陵○以江西靖安縣捐修

文廟城垣予知縣佛爾國春知州銜餘議敘有差○甲午遣官祭

先醫之神○諭軍機大臣等有人奏山西絳州知州呂士淳素性貪污聲名狼藉公私虧累為數甚多現經該撫派訊平遙宋鶴慶一案難保不賄求兩造等語此案前已諭令吳

其濬親提研訊。著毋庸再令該員承審。至該員果否貪污虧累。著該撫確實查明。如有劣跡。即行嚴叅辦理。另片奏平定直隸州知州王繼蘭過案昧斂魚肉善良。亦著該撫據實查叅。所指史姓被押一案。即行提省迅速審明具奏。原摺片鈔給閱看。將此諭令知之。○以禮部右侍郎倭什訥。乾清門侍衛華山。奏管健銳營事。○以正紅旗漢軍副都統奕格署行在正黃旗領侍衛內大臣。○修山東運

河。加河捕河上河。西廳隄壩開座。從河道總督鍾祥請也。○上諭內閣。皇五子奕詝襲封惇郡王。所有冊封各典禮。著俟成婚後舉行。其惇恪親王福晉尚未受封。著該部先行奏請舉行。○引見內務府京察一等人員。得旨。此次內務府三院等處京察一等圈出人員。著各該堂官再行出具切實考語。帶領引見。圈出之主事明秀。松齡。內管領巴哈納。掌儀司贊禮郎椿齡。筆帖式毓溶。蘊和。安榮。義

泰祥。泰長。潤。掌儀司筆帖式文興。掌關防管理內管領事務處筆帖式保慶。武英殿筆帖式成祥。上駟院筆帖式英履。武備院筆帖式常德。奉宸苑筆帖式伊常。阿。圓。明。園。六。品。庫。掌嵩慶。圓。明。園。六。品。苑。丞。豫。震。圓。明。園。筆。帖。式。貴。寶。清。漪。園。六。品。苑。丞。廣。裕。富。明。靜。明。園。六。品。苑。丞。信。成。靜。宜。園。六。品。苑。丞。郭。陞。阿。俱著交吏部記名。照例選用。所有一等官員筆帖式達他等員。內廣儲司六品司庫廣舍造

辦處六品庫掌那瑪善均著改為二等。稽察內務府事務監察御史衙門筆帖式福呢揚阿著以原品休致。其餘各員俱著准其一等加一級。至年已逾歲之杭州織造處六品司庫清海。奉宸苑六品苑丞德廣。年力就衰。俱著以原品休致。○大學士軍機大臣穆彰阿等奏。遵旨會議伊犁將軍布彥泰奏。勘明哈密請墾塔爾納沁地畝。窒礙難行。另查可墾地畝。招戶耕種一摺。查塔爾納沁地畝。經欽

派大臣全慶林則徐周歷勘本有官田一萬四千餘畝因土性瘠薄輪流耕歇每年實種地七千三十畝其餘雖有閒荒與官田犬牙相錯界址難分泉水衰旺無定若分水招民官屯轉致荒歉所有請墾官荒之處應無庸議至扎薩克郡王伯錫爾呈獻公地現已丈出招墾應俟布彥泰詳議到時再行酌辦從之丙申諭內閣前因小九處駐防兵丁操演各項技藝人數不敷當交軍機大臣酌

擬改演章程具奏茲據穆彰阿等體察各該處情形擬定改演槍矛兵數並裁汰雜項技藝分別開單呈覽著交該管大臣查照單開事宜將如何認真操演俾兵技日臻精熟之處悉心妥議具奏毋致日久仍成具文○復引見京察一等圍出人員得旨此次京察一等復帶引見各員除李道生徐士穀德馨宗室綿森陸以烜法福禮瑞琛覺羅隆慶陳景亮周昇瑞昌嵩保圖塔布文廉江鴻升薩炳

阿無庸記名外岳興阿恭善伍恂張亮基杜翻楊銘柱林鴻年李佐賢鍾音鴻晏端書倉景恬胡應泰顧嘉蘅顧開第慶文文清邱景湘宋紹榮全順覺羅海璘劉仲瑋常恩吉祥穆騰額桂亮王增諫朱逢莘曾維士魁費蔭章佛爾國春奎綬桂昌覺羅耆齡潘楷譚廷襄易棠司徒照達秀鈴祥吳光業楊文定慶吉王翼武蔚文恒怡岳齡瑞春蘇勒芳阿舒精阿常績李恩慶王桂趙楫明善俱著交軍

機處記名以道府用全福著記名以關差道府用○丁酉

孝康章皇后忌辰遣官祭

孝陵○戊戌

上詣綺春園問

皇太后安○復引見內務府京察一等圍出人員得旨此次內務府三院等處京察一等復帶引見各員內除廣恩積慶毋庸記名外基溥毓祺舒興寶麟文光福善恒祺經文圖俱

著交軍機處記名○己亥命

皇四子 祭

關帝廟○遣官祭昭忠祠○諭內閣視楚克策楞等奏泰未能周查俄囉斯邊卡各員及給假卡倫兵丁令往遊牧處所領取口糧官員一摺俄囉斯邊卡最關緊要總管達克丹佐領玉木達什係專派巡察卡倫之員若因河水流澌難渡自應俟冰結後周徧巡查茲既未巡查復捏報已查實屬怠玩佐領瑪什

巴圖因兵丁斷絕口糧給假離卡遣回遊牧處所殊屬不合總管達克丹佐領玉木達什俱著交部嚴加議處佐領瑪什巴圖著交部議處○又諭林則徐奏被議之驍騎校計告各款請分別飭查一摺此案驍騎校常慶具控該營馬匹歷次被搶諱匿不奏並餽送回旗副都統盤費各情著交布彥泰提集人證秉公嚴訊按律究辦至原控所失馬匹之數查與各旗員供報不符並著調集各旗冊檔

逐加查覈務期水落石出分別辦理前任涼州副都統文祥被控收受弁兵餽送著該旗都統等查取切實親供具奏○諭軍機大臣等寄諭協辦大學士兩廣總督耆英廣東巡撫黃恩彤有人奏廣東匪徒滋事因喫夷欲進省城設立馬頭人心不服地方官出示曉諭致有聚眾滋鬧之事該省設立馬頭自應順民之情不宜強民從夷等語所奏各項情形是否屬實著該督撫悉心體察一面慎重

妥辦一面據實奏聞原摺鈔給閱看將此諭令知之尋奏上年因喫首求進廣州省城臣等曾姑為示諭嗣因粵民相持不決而廣州府劉淦適有責打挑夫一事以致匪徒藉端滋擾當將該府暫行撤任並杜絕夷人進城之請以順輿情現在匪徒已經拏獲夷人進城事已中止更無欲在城內設立馬頭之事但當示以恩信妥為羈縻尤必撫柔我民以固人心而維邦本得旨覆奏明晰隨時相機

妥辦可也。○又諭林則徐奏揆捕番賊情形並設法添製礮彈一摺。覽奏俱悉。甘涼等屬沿山隘口。現在查無番賊蹤跡。惟此次該番未受大創。難保不因春氣漸融。又思伺隙滋擾。該署督現已移駐西寧。著即與達洪阿詳細熟商。將一切堵剿機宜。通盤籌畫。妥為布置。其甘涼一帶。著責成胡超等督飭弁兵以防為勦。毋得稍涉大意。致有疏虞。現獲之番賊番僧。務即嚴加究詰。洞悉賊情。庶可跟蹤

追緝。至大礮為該賊所憚。行軍利器。自宜以此為先。該署督現鑄炸彈。試放得力。所辦甚好。著即設法多製。以資應用。惟該營弁於舊存礮位。從不演放。廢弛已極。實堪痛恨。著該署督明定賞罰章程。嚴飭勤加練習。務令施放有準。以除痼疾。而振軍威。將此諭令知之。○庚子。補行引見內務府京察一等人員。得旨。此次內務府京察一等補行引見各員。俱著准其一等加一級。長山文勳著交軍機處

記名。筆帖式文恆著交吏部記名。照例選用。○兩江總督壁昌等奏。兩淮課源。重在楚岸。保本疏銷。實為裕課先務。惟岸商心志不齊。大商本鉅。鹽多。意在扳價。小商本薄。鹽少。冀速轉輸。意在搶跌。現在酌定鹽歸公售。課歸公分。按到船先後。以三百萬包為一檔。前檔之鹽。售至八分。接開後檔。價皆一律。售有定時。鹽價漸已扳提。銷數亦有起色。報聞。○以翰林院侍講富呢雅杭阿充日講起居注官。

○辛丑。以吏部左侍郎柏葰署京營左翼總兵。○壬寅。旌表守正捐軀安徽蒙城縣民陸建業媳梁氏。○癸卯。命福建汀州鎮總兵官烏爾清阿。福寧鎮總兵官保芝琳來京。陛見。○甲辰。

上御勤政殿聽政。遣官祭黑龍潭。

昭靈沛澤龍王之神。玉泉山。

惠濟慈佑靈瀨龍王之神。昆明湖。

安佑普濟沛澤廣生龍王之神。密雲縣白龍。

潭

昭靈廣濟普澤龍王之神○遣官祭圓明園惠濟祠

河神廟○以吏部尚書恩桂兼署戶部尚書兵部左侍郎趙光兼署刑部左侍郎○以光祿寺卿戴熙為內閣學士兼禮部侍郎銜仍留廣東學政任○以翰林院侍讀學士和色本為詹事府詹事○乙巳諭內閣朕此次恭謁

西陵啓鑒後著派定郡王載銓大學士卓秉恬尚書恩桂協辦大學士尚書陳官俊留京辦事○以睿親王仁壽署正黃旗滿洲都統

丙午

上詣綺春園問

皇太后安○以山東臨清州城守營副將薩炳阿為福建福寧鎮總兵官○丁未諭內閣前據穆彰阿等擬定左右兩翼小九處駐防兵丁改演槍矛名數當交該管大臣查照單開

事宜悉心妥議茲據詳議具奏該處應添擡槍二百桿著健銳火器二營發給烏槍一百八十桿著武備院發給其應添長矛著鄂順安派委妥員於該省採辦白蠟桿二百根迅速解京即交該管大臣分撥各處認真練習其演放擡槍著直隸總督將熟諳擡槍弁兵每翼就近撥派二名令其教演德順盛桂著俟槍矛領齊之後即親往滄州保定督飭操演○戊申諭內閣奕興等奏請將佐領參領

分別革職解任一摺土默特世襲佐領貢楚克因違例責押兵丁致被呈控復訐告該管參領需索徇情等款經該將軍等提訊特符逞刁不服審斷貢楚克著即革職被訐之參領臣伯勒是否實有索取錢文情事著暫行解任一併交該將軍等提同全案人證嚴審確情據實究辦尋奏訊明貢楚克非刑濫責屬實業經革職應毋庸議臣伯勒雖訊無索取錢文情事惟於貢楚克被控後率行取結

意存消弭迨經解任猶敢負氣不服實屬狂妄應請即行革職下部議從之○己酉諭軍機大臣等前據胡超奏籌計沿邊防堵九條當降旨交布彥泰妥議具奏並令將胡超前辦番案情形據實查奏茲據奏稱胡超於兵丁譁譟一節一味姑容不能振作其所陳九條亦多自相矛盾等語提督為全省統領必須紀律嚴明方能得力著布彥泰於到任後再行留心察看將胡超是否勝任之處確切

查明並將所議九條體察情形博採輿論詳晰覈議一併具奏至鄧廷楨所論番案說單均已覽悉該督於入關時即可沿途採訪體察情形到任後應如何訓練兵丁將營伍力加整頓之處逐件細心講求務期兵歸有用餉不虛糜是為至要林則徐已有旨留辦番案矣將此諭令知之○又諭惟勤奏詳覈伊犁里克開墾地畝挑挖渠道捐工招戶出力各員開單呈覽懇請量予鼓勵一摺著薩迎

阿於經過該處時按照單開各員名逐加訪察覈實具奏毋稍冒濫其單內經硃筆點出各員斷不能濫邀寬典尤應確切查察妥為酌覈另行開單奏明請旨不得少存瞻顧惟勤原單及另片均著發給閱看將此諭令知之○又諭據惟勤奏烏魯木齊所屬地方籌辦開墾挑挖渠道業已辦有成效俟將地畝確數覈實查丈即可招戶認種等語著薩迎阿於經過烏魯木齊時周歷履勘該處水利

是否充足堪資灌溉其招戶升科各事宜是否實有裨益均著悉心籌畫據實具奏斷不准敷衍目前終無實濟將此諭令知之○以都察院左都御史成剛兼署正白旗蒙古都統 庚戌春分朝

日於東郊遣豫親王義道恭代行禮 辛亥諭軍機大臣等壁昌奏籌議聯絡沿江礮隄聲勢並分班看守礮隄章程一摺又另片奏遵查吳淞海口情形擇要防守等語並繪圖呈

覽著賽尚阿周祖培於查勘善後事宜時將所奏各情詳加體察一併妥議具奏原摺片鈔給閱看圖七件併發將此諭令知之○士子

孝昭仁皇后忌辰遣官祭

景陵 諭內閣都察院奏查明京控咨交案件逾限未結並上次展限已逾仍未審結各案開具清單呈覽各省州縣審斷不公致令來京具控經各衙門咨交之後各該管上司自

應勒限嚴催將未結各案迅速審辦以免懸宕茲都察院查明該衙門咨交各省逾限未結統計三十九案之多步軍統領衙門咨交各省逾限未結者十二案似此任意積壓玩泄已極著吏部即將承辦逾限各將軍督撫都統府尹及委審各員應得處分查取職名分別議處並著該將軍督撫等將未結各案迅速審辦完結毋再遲延致干咎戾○命皇四子 帶領侍衛十員往奠故鄭親王烏

爾恭阿茶酒賞銀二千兩治喪予祭葬謚曰慎 以睿親王仁壽為宗人府左宗正 以工部右侍郎福濟兼署戶部左侍郎兼管三庫事內閣學士載增署理藩院左侍郎 以右翼前鋒統領中山為正白旗蒙古都統 命正白旗漢軍副都統聯順在乾清門行走

癸丑

上詣綺春園問

皇太后安 遣官祭賢良祠 命乾清門侍衛

那桑阿華山泰禮部左侍郎連貴恭詣西陵查看紅椿 調正紅旗漢軍副都統奕格為鑲白旗滿洲副都統以內閣學士全慶兼正紅旗漢軍副都統載增兼正白旗護軍統領 以御前侍衛巴清德為右翼前鋒統領 正白旗蒙古副都統盛貴署鑲白旗護軍統領 以御前侍衛扎勒罕泰為上駟院卿 改鑄直隸永定河通判關防從總督訥爾經額請也 以故廣西忻城縣土知縣莫世禧



子昌榮襲職○甲寅以戶部右侍郎花沙納署正藍旗滿洲副都統正白旗蒙古副都統盛貴兼署正紅旗滿洲副都統○乙卯諭內閣訥爾經額奏遊擊管德聲被叅扣留幫船需索規費訊係幫弁等妄稟一摺向來幫船過境營員赴船查鹽有無需索總以運官出具印結為憑立法本為嚴密嗣後直省南運河一帶糧艘經由處所派出催重趲空各員弁兵役有無需索情事仍著遵照舊章責令運官出具切實印結以資稽查而杜藉口○命陝甘總督布彥泰撥銀四千一百十七兩解赴塔爾巴哈台備本年閏五月經費

大清宣宗效天符運立中體正至文聖武智勇仁慈儉勤孝敏成皇帝實錄卷之四百二十六

天所予者務隨聲而五級純經十八大吏官相繼爲官隨聲謀官之辭而書錄其體要都總官經所學居成內官居之臣體奉則  
七舍大吏官奉會同司官館事職一職隨聲而一職空功三級職隨主光正北納納進講官之詞開提舉關事吏部尚書與  
內洛所大員錄白旗滿洲都統都察院內七舍大吏官理家一人詹銀庫庶幼官事 宣事官開明國事奉情提督御於禮部尚書奉天  
醫史過歸處官務等知十八級臣阿塞何制監書官總提督兵部尚書隨聲而六級純經二十次世周位時等奉

道光二十六年丙午三月丙辰朔以翰林院

侍講學士奕蓆溫葆淳克日講起居注官○

下已諭內閣烏明阿等奏縣官拖欠徵收弁  
兵地畝租銀一摺密雲縣應解熱河地畝租  
銀節年並未交齊新租又復拖欠疊經該總  
管咨催該縣視為具文任催罔應著訥爾經  
額嚴催該縣勒限完交無任再有延宕○戊  
午

上詣綺春園問

皇太后安○諭內閣

主考有年淑慎素著隨侍

釐著晉封為

皇貴妃所有應行事宜著各該衙門察例具奏又諭耆英等奏請將例應離任之運同暫留籌辦一摺廣東已革運同長庚前因應賠應徵餉款全完經該督等奏准開復原官暫行留任旋經該部以該員尚有未完銀兩

議駁例應離任茲據該督等奏稱潮橋鹽務  
敝壞現飭該員籌議章程趕緊試辦尚未就  
緒且該員任內經徵素銷引餉亟須著落一  
手經理自係實在情形長庚著准其暫留本  
任責令將疏引辦課各事宜妥速設法籌辦  
並將未完銀款趕緊催徵報解一俟繳清即  
飭離任○己未遣官祭

歷代帝王廟諭內閣本日召見新選浙江  
台州府知府福瑞湖北安陸府知府馮國楨

貴州銅仁府知府趙連標均係初膺外任人員察其才具尚須練習著各以知府發往原選省分學習試用所遺各缺著該部照例辦理○庚申諭內閣劉韻珂奏請將水師將弁分別勸懲一摺閩浙濱海之區盜賊出沒剽掠為害該員弁等出洋巡緝自應查察勤惰分別勸懲浙江定海鎮左營遊擊羅建猷於所轄洋面當冬令洋匪斂戢之時失事至八起之多該總兵鄭宗凱未能先事督率均著暫行革職仍各留本任勒限三箇月嚴拏各案逸盜務期悉數獲解如屆限無獲即行從嚴叅辦黃巖鎮中營遊擊陳觀德庸懦無能署瑞安協左營千總黃巖鎮右營把總徐光耀緝捕懈弛均著革職福建水師提標中營千總林向榮後營把總潘廷揚緝捕均能勤奮林向榮著先換五品頂帶潘廷揚著先換六品頂帶各以應升之缺儘先升用餘著照所議辦理○以鑲藍旗滿洲副都統綿清署

左翼前鋒統領○辛酉諭內閣德順等奏左右兩翼小九處教演槍矛需用公費一摺著直隸總督籌款每年每翼發給銀二百兩以為教演之需○又諭理藩院奏查出已革諾們汗產畜等項請旨遵辦等語已革諾們汗在察哈爾地方所遺佛像經卷供器樂器房產人口牲畜等項均著賞給會宗善因二寺文章嘉呼圖克圖承領○以順天府府丞汪本銓為光祿寺卿○旌表守正被戕山東陽穀縣民武泳坦妻張氏○壬戌上詣綺春園問皇太后安○癸亥上啟鑒恭謁西陵詣盧溝橋龍神廟拈香○旌表守正捐軀山東曹縣民葛執典妻孔氏○免蹕路經過地方錢糧十分之三○是日駐蹕黃新莊行宮○甲子駐蹕半壁店行宮○乙丑清明節遣官祭

永陵	福陵	昭陵	昭西陵	孝陵	孝東陵	景陵	泰陵	泰東陵	裕陵○命	皇四子	昌陵	孝穆皇后	孝慎皇后	孝全皇后陵寢○遣官祭	端慧皇太子園寢○諭內閣禮部奏遵議晉	封	如貴妃為
										祭	命皇六子奕訢祭						

皇貴妃應行事宜一摺	如貴妃著即晉封為	如皇貴妃所有冊寶等項著各該衙門照例	辦理其應製儀仗即於	貴妃原有儀仗內分別修飾添補餘依議	是日駐蹕秋瀾行宮○丙寅	孝賢純皇后忌辰遣官祭	裕陵 以戶部員外郎士魁為長蘆鹽政 是	日駐蹕梁格莊行宮○丁卯	上恭謁	泰陵	泰東陵	昌陵俱未至碑亭即降輿慟哭步入	隆恩門詣	寶城前行禮躬奠哀慟王以下文武大臣官員	均隨行禮○至	孝穆皇后	孝慎皇后
-----------	----------	-------------------	-----------	------------------	-------------	------------	--------------------	-------------	-----	----	-----	----------------	------	--------------------	--------	------	------

孝全皇后陵寢奠酒。是日回鑾駐蹕秋瀾行宮。戊辰諭內閣阿靈阿等奏查看龍泉峪歲修工程及應行補種樹株。又片奏歲修銀兩另款存貯等語。俱著照所議辦理。此項應補之樹著德春隨時妥為栽補。勤加澆灌。如培養疏懈。下次朕臨幸時。仍未能一律蕃茂。惟德春是問。懍之。○諭軍機大臣等。林則徐等奏查明番賊勾結情形。派兵出卡一摺。覽奏均悉。據稱此次滋事。賊番查係玉舒所屬之雍希葉布番族。勾結果洛克賊番。屢在沿邊搶掠滋擾。並拏獲漢奸韓茂才。認出各情。現在派委站柱等先往查拏。并密咨胡超出卡會勦等語。該番族等勾引搶劫。屢為邊患。亟應趁果洛克未來之前。速行查拏。庶勦辦易於得手。惟站柱等孤軍深入。必須豫籌策應。著林則徐等悉心籌畫。選派得力將弁。帶兵前往。作為後路接應。方免疏虞。至胡超所派游兵埋伏堵截之處。尤當飭令相機前進。

會合兜拏。毋得有名無實。致令賊番竄往他處。是為至要。又另片奏請將黃冕暫留西寧審辦。著准其暫留差遣。將此由四百里各諭令知之。○是日駐蹕半壁店行宮。○己巳遣官祭先蠶之神。○予福建陣亡千總卜斌巖祭葬世職。○是日駐蹕黃新莊行宮。○庚午上幸南苑。○賞御前大臣怡親王載垣大學士穆彰阿潘世恩黃馬褂。○貸山西太平汾西左雲榆社平定盂垣曲趙城嵐九州縣歉收貧民倉穀。○緩右玉保德隰寧鄉寧遠陽曲霍靈石臨汾九廳州縣買補倉穀。○是日駐蹕新衙門行宮。○辛未上行圍。○是日駐蹕團河行宮。至癸酉皆如之。○壬申上詣安佑廟拈香。○行圍。○賞御前侍衛穆克登額乾清門侍衛伊克精阿固圖慎伊昌阿黃

馬褂 賞南苑管圍章京苑丞苑副防禦馬  
甲銀幣有差並看守各行宮苑戶一月錢糧  
海戶銀一千兩○追予國初殉節貴州外委  
曹文明等四員世職○癸酉諭內閣恩桂等  
奏會審戶部捐納房書吏項買缺底案內完  
出前任管理司員得受陋規開單呈覽此案  
現任詹事府左春坊左庶子錫麟吏科給事  
中文鑽陝西道監察御史聯泰戶部郎中恩  
榮愛永阿二等侍衛額勒金泰俱著解任及

前任戶部郎中丁憂回旗之鍾保一併歸案  
質訊此外單開各員著該部逐一查明係現  
任官員即各行解任飭令迅速來京赴部候  
質其員缺著該督撫派員署理至丁憂事故  
在旗在籍各員均著查明飭令迅即赴部一  
併候質 賞乾清門侍衛安興阿托精阿黃  
馬褂 甲戌

上詣

關帝廟

安佑廟拈香 以南苑草木繁茂牲獸尚多  
予定郡王載銓等加一級 是日駐蹕舊衙  
門行宮 乙亥

上還圓明園 詣綺春園問

皇太后安 遣官祭

先農之神 丙子諭內閣鄭親王烏爾恭阿  
殞送之日著派成郡王載銳前往賜奠○以  
鑲白旗滿洲副都統奕格為左翼前鋒統領  
丁丑以順承郡王春山署正白旗領侍衛

內大臣理藩院尚書吉倫泰兼署正紅旗蒙  
古都統 以禮部右侍郎倭什訥兼鑲黃旗  
護軍統領 四川北鎮總兵官韓振先因  
病解任以直隸開州協副將蘇布通阿為川  
北鎮總兵官 喀爾喀扎薩克親王車登巴  
咱爾丁母憂命回牧穿孝賞銀三百兩治喪  
戊寅諭內閣我朝景運延長雲初行慶避  
名之典我

皇祖高宗純皇帝特降

諭旨以不經用之字改避復

諭以奕字輩以下亦可推廣此意永遠遵行

聖謨煌煌洵為萬世法守朕御極初年曾經降

旨豫示奕載溥毓恆啓等字缺筆書寫因念

國家燕翼相承宗支蕃衍依次命名者久而

愈多自宜推廣前奉

諭旨援引二名不偏諱之義用示折衷將來繼

體承緒者上一字仍舊毋庸改避亦毋庸缺

筆其下一字應如何缺筆之處臨時酌定以

是著為令典俾我子孫繼繼繩繩率循罔替

此旨著軍機大臣敬謹存記並繕錄二道一

交內閣封貯一交上書房恭貯敬識以垂永

久 諭軍機大臣等長蘆商人沈學澄控案

前經降旨仍交訥爾經額督同新任鹽政士

魁秉公研訊具奏矣此案該商人所控如有

牽涉前任鹽政德順普琳之處著該督即行

據實奏聞聽候諭旨將此諭令知之 又諭

布彥泰奏請先赴西寧會籌番務並展限勘

辦秋審一摺前有旨令林則徐暫留西寧與該督等公同會辦番務嗣據林則徐等奏拏獲漢奸訊出各情已有旨令其悉心籌畫相機妥辦矣辦理番案自必以訪拏漢奸為首務所有偷渡河北之各番匪黨亟應從現獲漢奸供出各匪按名責令獻交如頑梗不化方可懾以兵威至果洛克駐牧四川如果遠涉數千里之遙搶掠牲畜亦必將引導之漢奸勾通之熟番緝獲淨盡自不至復為邊患

該督即先行馳赴西寧接印與林則徐達洪阿等熟商妥辦總期淨盡奸匪永安邊圉是為至要至該省秋審之期著准其展限辦理將此諭令知之 己卯諭內閣林則徐等奏請留熟悉番情將領隨時差遣等語籍隸西寧告病之前任山東東昌營參將徐福休致之雲南景蒙營遊擊馬進祿著准其留於西寧差遣如果始終得力再行酌量請補 又諭前據林則徐奏護永昌協副將隆盛友於

孽馬被擒疏於督防當降旨摘去頂帶茲據奏稱該員被參後購覓眼線深入窮搜並親督弁兵兜擒賊犯悉已就獲尚知愧奮隆盛友著加恩賞還頂帶仍令嚴緝餘犯俾無漏網如果始終出力酌量奏請鼓勵諭軍機大臣等林則徐等奏添兵前赴循化廳卡外勦辦拒捕番賊並疊獲漢奸番賊請將要犯暫緩處決備質各一摺此次該副將扎勒罕布帶領官兵一千餘名查拏番賊並不親往

致有弁兵被賊拒傷之事已明降諭旨將該副將勒令休致矣該署督現添派弁兵進勦著即嚴飭該將弁等審度機宜設法將應拏賊犯悉數擒獲不准一名漏網僅有始終抗拒情事即著奮力夾擊毋令稽誅至現在拏獲番賊漢奸板什夾王吉才二名訊係連年搶馬戕官重犯自應立正刑誅惟續獲之犯尚須質對板什夾王吉才著暫緩處決留備質訊其未獲之犯二十餘名仍著嚴拏務獲

布彥泰計此時已抵西寧著即與林則徐等會商妥辦至林則徐另片奏舊疾復發懇請給假等語林則徐著准其暫行給假即在西寧安心調理遇有緊要事宜仍與布彥泰達洪阿籌商妥辦將此諭令知之旌表守正被戕貴州定番州民鄧老四妻羅氏撥甘肅武威縣義倉小麥五千六百二十石零為團練義勇經費從署總督林則徐請也辛巳

上詣綺春園問

皇太后安諭軍機大臣等給事中安詩奏江蘇招商海運米石抵津請嚴禁關口留難需索弁役藉端擾累等語本年招商運米事屬創始自應曲加體恤嚴防流弊方於商民均有裨益若如所奏天津一路關口俱索使費並有將船扣留不准進口情事該商等寄稅外洋米石蒸變必致大形虧折以後裹足不前於民食大有關係著訥爾經額飭知長蘆



鹽政及天津道查明此項米石現在已否進口僅東沽葛沽等六處俱有前項情弊立即嚴叅懲辦毋許稍有擾累至進口後或一時不能銷售應由地方官按數收買亦著籌議章程迅速具奏原摺鈔給閱看將此諭令知之又諭桂良奏查取前任涼州副都統文祥切實親供鈔錄呈覽一摺文祥所供馬匹被搶分別賠補並未具奏及收受餽送等情有無不實不盡著布彥泰即提原控之常慶

逐款根究確情定擬具奏原摺及所取親供著一併鈔給閱看將此諭令知之尋奏訊明文祥所收銀兩實出官兵情願亦無棄捨官廠情事惟於廠馬被搶三次並未具奏又於去任時收受餽送財物並干例議應交部嚴加議處從之○旌表守正捐軀河南正陽縣民陳文業妻汪氏汝陽縣民李潮雲妻王氏湖北隨州民胡金選姪孫女二姑）壬午上奉

皇太后幸慎德堂進膳諭軍機大臣等本日據兵部議覆壁昌前請於三江口等處設立鹽捕專營添設將弁兵丁恐日久不得其人勢必徒滋虛耗仍屬有名無實且以新添武職兵丁專歸運司管轄於營制亦多未協等語著寨尚阿周祖培於接奉此旨後即親往三江口一帶周歷履勘體察該處情形果否必須添設究於營制有無窒礙於鹽務江防是否實有裨益事屬更張舊制務當悉心酌

覈妥議具奏原摺著鈔給閱看將此諭令知之又諭御史劉良駒奏江蘇海運商米已抵天津請飭妥為收買等語此項米石抵津之後自應亟為銷售俾得迅速轉運聞風踵至昨已降旨令該督等督飭嚴禁需索留難等弊惟現在天津道府同時更換難保關胥兵役人等不通同市儈乘機舞弊著訥爾經額揀派廉幹大員速往該處專司其事如該商自行售賣不許市儈把持跌價如由地方

官為收買亦即速行籌款妥為辦理不准任意減價致令虧折儻查有勒索使費各弊端立即嚴行懲辦務使該商等無守候稽時之慮以後自可源源而來庶於民食倉儲兩有裨益原摺著鈔給閱看將此諭令知之以故貴州思州府黃道正長官司劉紹勳子榮耀襲職○甲申先是禮部奏訪出已退書吏私辦耆民照票撞騙取財命留京王大臣會同刑部審訊至是奏訊明已退書吏胡兆奎

私辦耆民照票撞騙多人實屬不法應發邊遠充軍加枷號一月此案係禮部自行訪獲破案所有失察各員應否查議得旨失察之禮部該管各員著加恩免其查議○乙酉上詣

黑龍潭神祠拈香 命

皇四子 詣清漪園

龍神廟皇六子奕訢詣靜明園

龍神廟拈香○諭軍機大臣等寄諭協辦大

學士兩廣總督耆英前據耆英密片具奏尊藏

聖容並酌改革倉河水道請飭奕湘到任後敬謹籌辦等語盛京鳳凰樓應行尊藏

皇考仁宗睿皇帝

聖容俟恭送

玉牒時一併敬謹送往尊藏至酌改革倉河道事關重大未敢輕議更張已諭知奕湘毋庸籌辦矣將此諭令知之○又諭耆英等奏

接晤夷酋重定條約一摺並另片奏詳細籌度豫防詭計等語據奏晚諭夷酋該酋聽受頗為馴擾所有議定條約著即照所議辦理惟舟山雖定海一隅一經交還即不容復任他國垂涎此時以夷制夷自可豫杜奸萌而將來暗相勾結亦不可不防其叵測該督等總宜隨時籌度不失機宜不使於條約之外別生枝節是為至要將此由五百里諭令知之○以三品頂帶署陝甘總督林則徐為陝



至天津售賣。現據該督查明。米船抵津已有數隻。白米銷售甚形踴躍。稷米一項。議定官為收買。現已籌款辦理。所有此項米石。即著倉場侍郎。派委坐糧廳監督一員。帶同經紀斛隻。速赴天津按船驗明米色。再由天津道按照市價公平收買。委員分運解通。以重儲備。另片奏。疊奉諭旨。飭令嚴禁需索把持。並派大員前往專司其事。該督於米船進口。早經飭令出示免稅。並嚴切曉諭。務禁關口需

索留難。現已派委署天津道等嚴密訪查。妥為經理等語。著該督仍遵前旨。嚴飭該員等。於該商曲加體恤。嚴禁一切弊端。僅查有勒索留難等弊。即著從嚴叅辦。○准大通橋車戶承買黑豆二萬石。津貼車價。○戊子。諭內閣。武攀鳳等奏。臺灣漳泉民人分類械鬪。匪徒乘機焚搶。各案現已辦理完竣一摺。此次該總兵等督帶兵勇分投彈壓。由府庫提墊軍需銀七萬六千八百三十九兩。著准其援

照成案。作正開銷。其撫卹難民一項。係由官紳捐辦。免其造冊報銷。所有捐輸官紳商民。及獲犯出力之文武員弁紳士義首人等。並著該總兵等酌量保奏。候朕施恩。○又諭武攀鳳等奏。勘明臺灣屬縣前被風雨。均不成災。業已籌卹周妥。毋庸接濟一摺。此項賑卹銀兩。著免其造冊報銷。所有各營沈失損壞哨船。著即查照冊報勘驗。分別造修。其淹斃管駕弁兵。並著查明照例議卹。○己丑。諭軍

機大臣等琦善等奏。近接廓爾喀國王來稟。復藉披楞與森巴交戰之事。懇請指示。現已於檄諭中反復開導等語。近年廓爾喀國王屢肆干求。雖節經飭駁。而乞恩之念。總不能已。茲復藉端請示。用意極為狡獪。經該大臣等檄諭開導。使知保護南方門戶。即保護該國疆宇。不致妄逞所欲。辦理甚為妥協。惟夷情變詐。難保不再三瀆請。該大臣等惟當堅持前說。力加開導。折以正言。曉以大體。務令

妄念全消。不復逞其講張狡黠。是為至要。又另片奏哲孟雄部長懇請來藏念經等語。此次即准其來藏念經。嗣後著仍照舊章。八年來藏一次。將此諭令知之。○又諭琦善等奏盤獲喇嘛晒夷人並起出夷書夷文。錄供呈覽一摺。據稱該夷人等由福建廣東等處至京。復由盛京會遇。經歷口外。同至西藏。冀圖傳教。現將該夷人等於訊供後。委員解川等語。該夷人於漢語清文。蒙古文字。皆能通曉。

恐未必實係喇嘛晒夷人。著寶興於解到川省時。將其來歷。及經過處所。詳細研鞫。務得確情。即行具奏。原摺並供單。均著鈔給閱看。木匣所貯夷信夷書等件。著一併發給。將此諭令知之。○以審案出力。予浙江知府朱煌。以道員用。○庚寅。諭軍機大臣等。前據劉韻珂等奏。前撥臺灣道庫存貯銀兩。無幾請動。內地封貯撥解一摺。當交戶部速議具奏。茲據該部詳加綜覈。以前案捐款歸補之項。聲敘

含混。未便准行。惟念臺郡孤懸海外。民情浮動。且近年來地震械鬪。以及風水之災。層見疊出。必須庫貯充盈。方可有備無患。所有此次劉韻珂等奏請續撥銀十萬兩。准其即在捐監歸補封貯銀兩內。如數動撥。解臺貯備。與前次歸補實貯銀兩。一併責成臺灣道專款加謹封貯。不得與府庫糾纏。致滋弊混。如遇重大緊要事件。著該道一面酌撥。一面自行具奏。並報明督撫藩司存案。事竣分別歸

補。此外尋常事件。及墊放官兵俸餉等項。照舊由臺灣府自行籌撥。概不准擅動。遇有新舊交代。責令後任盤查。結報造冊。通詳各部。僅有那移短缺。據實參奏。如遇將軍督撫提督渡臺巡閱。照督撫年終盤查司道庫款例。覈實盤查。於奏報巡閱事竣摺內。聲明有無虧短。分別究辦。至沈知等案。動用銀九萬二千餘兩。除提取本款歸還貯備外。其各本款報銷。並著該督等將未造報者。迅速造報。已

行查者亦即登覆。仍各歸各案辦理。將此諭令知之。○廣東水師提督賴恩爵奏督飭演習虎門各臺礮位緊要。請暫緩出洋巡緝。得旨依議。認真教練。務期得力。勉益加勉。○辛卯。命雲南騰越鎮總兵官世泰以原品休致。○壬辰。諭內閣。德誠等奏。籌議江省商米。請責成天津道就近驗明收買一摺。前據訥爾經額奏。江省商米已抵天津。當經降旨令倉場侍郎委員赴津驗米。茲據該侍郎等奏稱。米船尚未全行進口。派員查驗。守候需時。轉多擾累。自係實在情形。著即毋庸派員前往驗收。仍由天津道就近收買。並驗明過斛起卸。調用剝船裝載。委員分起運至通州。其由通州運至京倉。仍由坐糧廳照例籌辦。分別報銷。以專責成。○貸保定駐防兵丁一年餉銀修理房屋。○癸巳。諭內閣。戶部奏官地議租逾限未結。請飭速行查辦。開單呈覽。直隸省旗租項下入官地畝。經戶部歷年奏催。限

期屆滿。未據一律覈結。統計積有四百七十餘畝之多。計地二千六百餘頃。實屬玩延。著直隸總督熱河都統順天府府尹盛京戶部侍郎即派委道府妥員親赴各該州縣徹底清查。悉心履勘。將前經戶部駁令議增各地覈實確查。其未經勘議各案。該督等速即按款清查。並查明該州縣等因何遲延。有無胥役把持蒙蔽等弊。是否經徵貯庫。據實覆奏。由戶部作速覈辦。以清積牘而重租賦。該督

等仍將該州縣遲延各職名。查取送部覈議。○以陝西西安城守營副將吉昌為雲南騰越鎮總兵官。○甲午。

上詣綺春園問

皇太后安。○諭內閣。布彥泰等奏請留熟悉營伍之降調總兵等語。前任肅州鎮總兵珠克登。因廠馬案內查叅。部議降調。現在番務差遣需人。著准其留於陝甘。即以所降之級補用。以觀後效。俟補缺時。照例送部引見。○諭

軍機大臣等。布彥泰等奏。會籌番務。擬先巡閱沿邊要隘一摺。番賊屢滋搶劫。蹤跡靡常。必俟報有搶案。然後往追。勢已無及。若待以重兵。則又虛糜糧餉。自須履勘要隘。體察實情。庶克整飭邊防。杜賊窺伺。該督現擬親往巡閱。著即俟進省。辦理秋審後。挑帶官兵。親歷沿邊卡隘。確勘情形。周詳布置。務使聲威壯盛。番賊懾服。庶可一勞永逸。至內地漢奸業經查拏得手。著趁此再加嚴緊。飭令實力

緝拏。毋留餘孽。林則徐著將西寧經手事務。與達洪阿會同清釐。後亦即赴省。與布彥泰商辦一切。其籌議回疆事宜。並哈密地畝安置民戶一摺。已有旨交薩迎阿等查照辦理矣。將此諭令知之。○又諭。寄諭伊犁將軍薩迎阿。烏魯木齊都統惟勤。哈密辦事大臣鍾方幫。辦大臣安誠。前有旨。令布彥泰等將回疆各城。應如何破除積習。不令該伯克有所藉口之處。悉心妥議具奏。茲據奏稱。溯查道

光八年籌議善後章程。已為周備。惟奉行日久。恐食用物件。及役使工作之類。難保一無滋弊。著薩迎阿。於到任後。即將道光八年歷奉諭旨。敬謹繕錄。頒發各城。申明嚴禁。再於各城大臣莅任之始。及常年四季。認真傳集各官吏。宣讀曉諭。責令實力奉行。按季咨報一體查覈。如有陽奉陰違。即行據實叅奏。毋許瞻徇。至扎薩克郡王伯錫爾。將私墾地畝呈獻充公。經布彥泰路過哈密。查明熟田舊

渠一道。足資灌溉。安置民戶。即可耕種。其未墾生地。應就舊渠上段。加濬寬深。並於舊渠東面接濬新渠。一俟春融估辦。著該都統大臣等。即將開渠安戶分地各事宜。詳細籌畫。奏明辦理。原摺鈔給閱看。將此各諭令知之。

○乙未

上詣時應宮拈香。○還宮。○直隸總督訥爾經額奏省城並各屬續得雨澤情形。得旨覽奏俱

悉京師於初六日。自卯刻下雨。至午未初方止。所惜者雨不甚大。未能透足。朕惟有叩

籲

天慈。再得渥沛甘霖。方稱慶幸。○以常雩祀

天於

園丘。自是日始齋戒三日。○丙申。旌表守正捐

軀河南商水縣民朱來妻劉氏。○丁酉。

上詣

南郊齋宮齋宿。○諭軍機大臣等。布彥泰等奏。

揆查雍希葉布番族實無賊蹤。並酌擬約束章程。開單呈覽一摺。據稱總兵站柱等帶兵親至雍希葉布插帳地方。詳細揆查。將獻出各犯。嚴加研訊。絕無為匪情形。現據該總兵等擬定章程。所稱該番族等不甘身被賊名。情願殺賊投效。並責成盟長百戶。將戶口認真稽查。又買易糧茶。嚴禁溢額。以杜接濟等語。尚屬妥協。其令該番等全行薙髮一條。係為辨別釋疑起見。亦屬可行。惟此等番族。究

非內地民人可比。既經薙髮。並願立功。固當示之以誠。而番性叵測。亦不可遽加深信。防範稍疏。該督等總當嘉其向義之忱。仍復留心查察。俾不至藉稱歸化。取信目前。久則故智復萌。又復勾留番眾。再生事端。是為至要。其賊匪旦曾奴勒布等。仍須設法訪緝。獲案懲辦。庶不至仍留餘孽。致滋後患也。將此諭令知之。○戊戌。常雩祀

天於

園丘

上親詣行禮。○幸圓明園。○詣綺春園問

皇太后安。○諭軍機大臣等。本日據賽尚阿等

奏稱。行抵瓜洲。接晤提督尤渤。詢知野雞墩閭行鎮二處情形。該提督扼要設防。練兵應變。實屬老成持重。足為藩籬。該大臣等應行校閱之處尚多。既以尤渤為結實可靠。即不必再往該二處復行校閱矣。其平日應如何防範練習兵事。仍責成尤渤認真辦理。是為



至要將此諭令知之○又諭賽尚阿等奏查勘順江等洲礮隄礮位及新造戰船情形一摺覽奏已悉據稱此次查勘善後事宜已將北岸之順江洲上下及三江口之固土西成等洲逐一履勘查得各該處礮隄礮墩修築均尚完固所有護守弁兵布置亦屬得宜每至一處令將大小礮位一一演試均能聲勢聯絡步伐整齊惟各礮墩安礮之所均面無遮護恐守礮之兵無所藏身現在酌擬前面

添土檔為兵丁添礮之處後面添土墩為兵丁退藏之處已向承辦之員細為指畫令其如式添設並因礮架機括不甚靈便當就已成之架面加指示以期修理合式所見甚是此後查勘南岸北固山等處礮隄該尚書等益當悉心體察總期在在足資抵禦不至用時不能得力是為至要將此諭令知之○又諭本日據惟勤覆奏查明喀喇沙爾渠道壩隄等工已有旨准其興辦矣惟念該處現辦

各事宜是否實有裨益歷久無弊其所陳章程四條是否妥善著薩迎阿覆加查覈悉心妥議具奏原摺及清單均著鈔給閱看將此諭令知之尋覆奏章程四條○每年農隙責令農官里長率民挑挖渠道補修隄壩○北大渠龍口責令民夫防守如有漫水刷隄隨時搶護○墾地十萬畝之多上下游多爭水利每渠各設渠長一名經理水利以種田之多寡為用水之等差○每年修防各事徒委

農官里長難保無弊應由該處辦事大臣派員稽查仍隨時親往查察庶可歷久無弊下軍機大臣等議從之○修喀喇沙爾渠道壩隄等工從烏魯木齊都統惟勤請也○己亥予故禮部尚書李宗昉祭葬○庚子修直隸通州運河閘座並改建石橋從倉場侍郎德誠等請也○辛丑

上奉

皇太后幸同樂園進膳○諭軍機大臣等賀長

齡奏上年永昌漢回互鬪滋事業經持平審辦其逃散回民所遺田地亦經委員分頭清查不准漢民侵占並出示招回復業其不願回者酌給撫卹該回民等已屬得所詎於本年正月復有外來及永昌逃散回民百餘人藉認種遺產為詞求賞盤費迨經該縣理諭解散該回民等輒敢黏挂揭帖聲稱報復雪恨並邀搶客貨加以遊匪藉端冒充日聚日眾似此玩法藐官必應及時查辦免致日久

蔓延現在永昌鎮道督飭府縣修城治械足資捍衛並經該督飛咨提督帶兵堵緝兼委道將馳往查拏自可剋日肅事惟回眾甫經上年勦辦之後復敢藉端尋釁披猖已極且滇省銅錫各廠遊匪甚多若不乘機撲滅必至勾結為患該督惟當體察情形如果一時未能掩捕即當親往督辦總期立時殄滅早靖邊陲是為至要將此諭令知之○江蘇布政使文煜因病解任以直隸按察使陸蔭奎

為江蘇布政使山西歸綏道文俊為直隸按察使（壬寅）

孝端文皇后忌辰遣官祭

昭陵（癸卯）

上奉

皇太后幸奉三無私殿進膳○諭內閣程喬采奏查明幫船遲誤剝運耽延一摺前據程喬采奏參興武二幫江北幫長淮三幫領運千總常保等玩視漕務當降旨摘去頂帶茲據

查明江北幫長淮三幫受兌之時該縣知縣新舊交卸互相推諉剝船延誤其咎在縣並不在幫前代理蕭縣知縣馬鑄式署蕭縣知縣黃紹元著一併交部照例議處署徐州府知府洪玉珩督催不力著交部察議所有前參江北幫領運千總馬昌明長淮三幫領運千總陳錦標俱著賞還頂帶其興武二幫領運千總常保未能先事豫防以致遲誤仍著該漕督認真察看再行覈辦○甲辰諭內閣

訥爾經額奏請將失察蠹役詐贓斃命並覆驗不實之縣令分別革職議處一摺。直隸前任阜平縣調任廣宗縣知縣吳翰書以銜署自用木炭派累民間致有蠹役私押詐贓拷斃人命移屍裝殮之事。該縣先既漫無覺察繼復含混相驗實屬昏庸不職。吳翰書著即革職以示懲儆。平山縣知縣萬起鴻覆驗不實著交部議處。嗣後該縣採買木炭儻再行派累民間著即嚴參懲辦。直隸各屬著該督

一體示禁。○又諭郭順安奏提審聚眾鬧堂各犯並請將署任知縣撤任查訊一摺。此案河南新鄉縣民賈學彥等因希圖減少納糧錢文輒敢黏貼匿名揭帖聚眾鬧堂致傷官長實屬習不畏法著該撫速即親提現犯並飭密拏未獲各犯嚴審按律究辦。該署任知縣彭鳴盛著即撤任歸案查訊其徵收錢糧果否循照舊章有無浮勒別情亦應徹底查究毋稍諱飾。○旌表守正捐軀河南汝陽縣

民李正禹妻張氏。○乙巳上詣綺春園問

皇太后安。○諭內閣梁寶常奏海疆要缺同知需員仍請破格升用一摺。浙江定海廳同知員缺前據該撫奏請以候補知縣傅延燾升補當經降旨允准旋因與例不符照部議撤銷茲據該撫奏稱該員上年委辦奉化匪徒聚眾巨案尤為出力且與海外嚴疆人地實在相需著照所請仍准以傅延燾升補定海

廳同知照例送部引見。○又諭喬用遷奏請編查苗寨客民分居戶口一摺。貴州附居苗寨客民既經編入保甲其分戶另居者自應一律編查著該撫飭令各地方官督率村寨保長人等將客民舊戶遷徙若干現存若干其舊戶內有子孫分戶另居若干逐一查明造報毋得假手胥吏致滋擾累並令該管道府直隸州就近覈實確查不得日久生懈致成具文。丙午命於

黑龍潭

覺生寺設壇祈雨

上詣

黑龍潭神祠拈香。命

皇四子

詣

覺生寺拈香。皇六子奕訢詣清漪園

龍神廟。惇郡王奕誼詣靜明園

龍神廟。惠親王綿愉詣

宣仁廟

凝和廟。瑞郡王奕誌詣

昭顯廟

時應宮拈香。○丁未。旌表守正捐軀河南永

城縣民徐從妻蔣氏。○戊申。諭內閣戴容等

奏請將出賃官房給與領催甲兵居住一摺。

孝東陵領催甲兵八十名。向無額設隨缺官房。

該甲兵等賃住民房。不無苦累。加恩著照所

請。准其將未及拆卸奏准出賃之八旗禮部

營房九十四間。賞給該領催甲兵等居住。作

為隨缺官房。以示體恤。○諭軍機大臣等。賽

什雅勒泰奏。霍罕明巴什遣額爾沁呈遞稟

字。並差人出卡傳送諭帖。暗為偵探。一摺。據

稱本年二月間。有霍罕明巴什木素滿庫里

遣使到葉爾羌呈遞稟字。內稱欲抽七城貿

易之巴達克山克什米爾推依博特等。外夷

貨稅。並收取希皮察克布魯特租子各等語。

業經該大臣詳覈所稟各情。逐層據理駁斥。

並撰給回諭。所辦俱是。惟此次所來額爾沁

是真是偽。該處夷情若何。自應逐細探訪。務

得確情。至函致開明阿。在於該處揀派妥實

可靠並熟悉霍罕地里之回子二三名。協同

前往偵探。計該回子等不日即應旋回。所探

情形。究竟若何。務即隨時具奏。毋稍疏忽。是

為至要。將此諭令知之。○命二等侍衛鎮國

將軍碩慶在乾清門行走。○己酉。

上御勤政殿聽政。○諭內閣。前因京畿未得透

雨。農田望澤孔殷。特降旨設壇祈禱。朕親詣

黑龍潭拈香。以冀速沛甘霖。並派四阿哥六阿哥等分詣

覺生寺。清漪園

龍神廟等處拈香。昨日自卯至午。密雨露濡。本日據順天府具奏。入土二寸。四鄉一律均霑。仰荷

昊慈垂貺。實感實深。著即撤壇。道眾僧眾。照例給賞。並著原派阿哥親郡王等敬謹拈香致謝。用答

神庥。○又諭解任吏科給事中。文鑣等從前管理捐納房時。有約束書吏之責。乃不知自愛。收受規禮。實屬有玷官箴。惟與從前情節重之已革兵部主事恩麟有間。即與收受陋規各有情節之原任長蘆鹽運使管通羣等亦有不同。文鑣聯奏。愛永阿。鍾保。額勒金泰。及暫行革職之錫麟。恩榮。均著即行革職。永不敘用。失察之戶部。歷任堂司各官。著吏部查取職名。照例分別議處。○庚戌。

上御閱武樓。閱大員子弟馬步射。○諭內閣。前因吳文鎔奏。降調江西瑞金縣知縣姚敏德。具稟辯屈。當交壁昌查明具奏。茲據該督奏稱。該員在知縣任內。詳報各案。多有遲延。以辦事遲鈍。被叅降調。本無屈抑。乃不知自省。輒敢具稟申辯。自未便因別無劣跡。稍事姑容。姚敏德著即行革職。飭令回籍。○賞駐藏幫辦大臣瑞元。頭等侍衛。為科布多參贊大臣。理藩院郎中文康。頭等侍衛。為駐藏幫辦

大臣。○辛亥。

上詣綺春園。問

皇太后安。○壬子。旌表守正捐軀安徽六安州民張德成妻張氏。○癸丑。諭內閣。德誠等奏請飭催收買商米。剝運赴通一摺。江省商販米石抵津。自應隨買隨運。現值剝船空閒之際。正可趁時起運。未便耽延。著納爾經額。即飭該道將運津商米。速行驗明起剝。務於南糧未到以前。趕緊運倉。免致商漕並收。易滋

孝慎皇后忌辰遣官祭陵寢

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百二十八

監休職等官經臣日攝提議注官等太僕卿仁嗣、雲士、二卿領前官管理、領事、書房總辦、翰林院等院第七家等願  
大府所尹事務隨帶加三級紀錄十八次、實補職官、雖經該官領事、書房總辦、翰林院等院等官、臣據本內  
七倉大臣據奏、因四譯館事務加一級、隨帶加六級、實功加三級、紀錄五次、臣查北分餉項、經該官二、三、四、開辦、該開辦等、新南書總辦、  
內務府臣據、自領南兩都統據奏、內、倉、大臣管理、前人所領庫左翼、初官等、案審官、因、前、所、提、督、如、塔、塔、等、庫、左、  
醫院、總辦、事務、隨帶加十八級、臣查阿勒、額、額、官、部、南、書、隨帶加四級、紀錄二十次、臣、州、領、塔、等、奉

道光二十六年丙午五月乙卯朔丙辰諭

內閣前據御史朱琦奏參山西絳州知州呂士淳素性貪污聲名狼籍公私虧累甚多。平定州知州王繼蘭遇案昧斂魚肉善良等語。當交吳其濬確查具奏。茲據奏稱查明呂士淳任內經手倉庫錢糧正雜各款毫無虧短。現據接任之員出具切結稟報。並查該員蒞任十餘年經徵錢糧俱年清年款從無被控貪污之案。亦無聲名狼籍實跡。又查王繼蘭平素尚稱能事。現據委員稟查該員並無遇

事昧斂等情其史姓被押一案現經訊明實係原控虛誣該州亦無將史姓久押勒結情事該御史所奏著毋庸議又諭劉韻珂等奏請將特符校展之教官革職並將應行質訊之知縣教授一併解任一摺此案建寧府學訓導張賢理詳訴該縣楊景濂擅設班館私禁生員該革生王澤舒並未供及而該訓導反代訴甚力且於咆哮公堂一節匿不敘明顯有得賄袒護情弊建寧府學訓導張賢理著革職嚴審前署建安縣事南平縣知縣楊景濂建寧府學教授唐森均著暫行解任質訊究辦尋奏王澤舒買田匿糧經知縣楊景濂戒飭詳革王澤舒畏罪具稟求建寧府儒學通詳辦訴訓導張賢理赴省備質因川資無措收受王澤舒餽送錢一百千文應依不枉法贓擬杖業已革職應毋庸議王澤舒照刁徒挾制律減擬杖徒唐森楊景濂分別議處察議下部議從之又諭前因吳其濬

奏都司武林稟揭把總白銘得錢免差並牽控岢嵐州知州繼曾已有旨將武林白銘革職繼曾解任交該撫審辦茲據奏稱該革弁武林於稟揭各款外復揭該州撕毀原稟激變起釁並虧累行戶因案得錢等情該州亦稟揭武林各款兩造互相攻訐自應訊取確供以期水落石出解任岢嵐州知州繼曾著即革職嚴行審訊尋奏訊明武林懷疑稟訴實屬乖謬繼曾所欠當舖銀錢不即清償亦屬不知自愛業經革職均毋庸議白銘訊無受賄營私情事惟廢弛塘汛又復列款稟訴亦屬謬妄應交該營棍責以肅營規下部議從之又諭吳其濬奏山西河東鹽商活引課銀短絀請將辦公銀兩充抵等語該撫兼管鹽政向有河東鹽務辦公銀一萬二千兩著准其裁減銀一萬兩充抵活引其餘三萬兩仍令該商趕緊籌納毋任延欠又諭布彥泰奏遵旨再行察看胡超一摺甘肅提督

胡超有統領邊疆彈壓番夷之責。乃去秋由永固進兵之際。輒調極遠之漢中官兵。故為延宕。旋又停止。以遂其苟安之計。其遷延迂緩。已可概見。本年林則徐密咨派兵赴野馬川一帶堵截。該提督又不即行調往。節次添兵並未辦有成效。種種稽延畏葸。咎無可辭。胡超著交部嚴加議處。尋議上得旨。胡超著照部議革職。惟念其前曾出師著有微勞。著加恩仍留騎都尉世職。交布彥泰差遣委用。

以觀後效。○諭軍機大臣等。敬敷等奏福州廈門兩口近日夷務情形一摺。據稱本年三月間福州民人因買賣細故。致與夷人爭競。當經委員彈壓解散。並查拘鬪毆各犯分別審辦。現在民夷安靜等語。福州等處民夷雜處。口角爭執之事。自所常有。全在地方官隨時隨事處置得宜。自不致釀出事端。該將軍等惟當督飭文武員弁。於平時認真稽查約束。遇有爭競之事。處置務求平允。既以安民。

眾之心。復不令夷人有所藉口。是為至要。將此諭令知之。○又諭布彥泰奏章嘉呼圖克圖請假前來西寧擬令乘機勸導番眾一摺。據稱章嘉呼圖克圖素為番眾所敬信。此時擬令迎機化導。揆之事理原無不可。惟此事若出自該督之意。隨時囑令該章嘉呼圖克圖為之講諭化導。庶於私情公事兩無格礙。如必頒給敕諭。鄭重分明。責以訓迪。不特與體制未協。恐轉多窒礙難行之處。將此諭令

知之。○以伊犁鎮總兵官台湧為甘肅提督服闋副將穆特布署伊犁鎮總兵官。○緩徵山西臨汾洪洞鳳臺三縣歉收貧民積欠倉穀。○丁巳。

孝誠仁皇后忌辰遣官祭

景陵。○諭內閣。吳其濬奏甄別才具短絀之知縣分別改補撤任一摺。山西長子縣知縣葉含芳遇事遲鈍。於舉報充商一事並不據實申覆。辦理尤為懈弛。絳縣知縣董慶來辦事



未能周到現有被控差役訛詐殷戶一案該縣置若罔聞其廢弛已可概見葉含芳董慶來均著撤任開缺留省察看至知縣改補教職例有明文除到任後自揣才難勝任呈請改就教職者毋庸定以年限外其實缺知縣履任在半年外者概不准該督撫率請改教此次該撫請將才具平常之神池縣知縣楊銜改補教職之處著不准行該撫違例奏請並著交部議處○戊午

上奉

皇太后幸慎德堂進膳○己未旌表守正捐軀山東沂水縣民尹仲達母胡氏○庚申

上詣綺春園問

皇太后安以本年鄉試考試應開列試差人員於圓明園正大光明殿○以前任盛京將軍禧恩署正白旗漢軍都統○辛酉稽查北新倉給事中常喜奏倉廩重地理宜慎重茲查得北新倉結字廩內黑豆被竊並拏獲賊

犯海洪阿等三人請旨究辦得旨著交刑部嚴審辦理尋奏訊明王俊糾同海洪阿等先後行竊北新倉米豆四次王俊應依例發極邊煙瘴充軍海洪阿應革去養育兵丁與聞散劉庫兒依為從例准徒五年銷除本身旗檔從之○壬戌

上詣

黑龍潭神祠祈雨○癸亥調吉林副都統薩炳阿為阿勒楚喀副都統以滄州城守尉西

蘭都為吉林副都統○乙丑諭內閣壁昌奏

江蘇承修營船遲延各員請照案免叅一摺淮北監掣同知海州及上海南匯二縣修船遲延經該部查取職名送部議處茲據該督奏稱該員等修船遲延係在新定章程以前曾經奏奉諭旨以歷年既久物故者多無庸查叅所有監掣同知等各職名著仍遵前旨免其送部此後新造營船儻仍蹈從前積習即著嚴叅治罪以肅軍政又諭賀長齡奏

提鎮會勦回匪連獲勝仗並查明上年辦理不善請撤銷保舉交部議處一摺此次永昌逃散回民被外來奸回煽惑糾集日聚日眾經該督咨會提督張必祿總兵蔭德布等先事准備奮勇迎勦連獲勝仗轟斃賊匪數百生擒一賊並將賊首殲斃業已大挫其鋒由此跟蹤勦捕不難悉數殲除張必祿蔭德布均著先行交部從優議敘把總陳得功生擒賊匪追捕尤為驍勇著以守備即行升用在

事出力員弁並著該督酌量保奏候朕施恩陣亡之署守備趙發元署都司繆志林把總趙得和及陣亡受傷各備弁兵丁著一併查明咨部照例議卹至此次回匪復事滋鬧現據生擒之馬良一犯供稱因上年挖戮內應傷人過多回眾難甘是以羣圖報復是羅天池等辦理不善咎無可辭所有前經降旨將羅天池從優議敘恆文儘先補用賞戴花翎劉桂茂儘先升用補授普洱中營遊擊沈聚

成拔補千總先換頂帶並賞戴藍翎之處著一併撤銷賀長齡並著交部議處○丙寅上詣綺春園問

皇太后安○諭軍機大臣等據布彥奏陝甘營兵應練馬隊請於在京之吉林黑龍江人員內揀員發往教習騎射朕思擒渠制敵原以馬隊弓箭為要務該督既已挑選督標官兵數百名教以馳馬射毯之法自應隨時認真訓練務使技藝嫺熟方能得力至另揀營

員發往教演向來無此體制況吉林黑龍江等處人員精於騎射即在京當差亦未責以教演馬隊且人數無多不敷派往所請著不准行該督惟當認真訓練不至有名無實以肅邊防是為至要將此諭令知之○命陝西漢中鎮總兵官伍魁英來京陛見調直隸宣化鎮總兵官春福為漢中鎮總兵官以直隸督標中軍副將趙毓桂為宣化鎮總兵官○調福建福寧鎮總兵官薩炳阿為陝西河州

鎮總兵官河州鎮總兵官曹三祝為福寧鎮  
總兵官 予甘肅陣亡把總高魁張鵬翮祭  
葬世職 丁卯

上詣

黑龍潭神祠祈雨命

皇四子

詣

天神壇皇六子奕訢詣

地祇壇瑞郡王奕誌詣

太歲壇行禮 遣官祭

關帝廟 諭內閣奕湘奏請修

陵山松枝一摺

福陵方城外松樹既據勘明現有脫落橫搭埽  
口著欽天監選擇吉日交該將軍敬謹修飾  
以昭慎重 諭軍機大臣等據賽尚阿等奏  
查勘江防各工完竣情形並籌議看守礮隄  
訓練考覈章程一摺此次查勘江防善後事  
宜已據該尚書等將南岸之北固山等處礮  
隄等工查閱均尚妥協惟五龍山礮墩宜用

土築現已拆去輒塊所擬前面添設土牆後  
面添築土墩並於兩墩之間上鋪橫木堆以  
土袋既可以護蔽我兵又可以外防夷礮至  
施放礮位設立船靶並原派放礮及護礮兵  
數分為五班承管礮位各項事宜均著照所  
議辦理惟江路六百餘里後路接應之兵分  
布要隘斷難處處添兵致形繁重惟在該將  
領等平時勤加訓練臨時酌量添調以資抵  
禦再兵礮總期相習其每季演放一次不必

拘定每年春季兩江總督親往著該督與提  
督及各總兵等輪流前往閱視覈實獎効所  
有一切事宜總責成壁昌認真督率時加演  
習務使兵威日振眾志成城一兵足資一兵  
之用是為至要另片奏請飭漕標停止九變  
風雷速戰陣法仍用三才等舊式已諭知漕  
運總督遵照辦理矣將此諭令知之○又諭  
賽尚阿等奏請飭漕標停止現演陣勢仍用  
三才舊法等語所奏甚是漕標現演九變風

雷連戰陣散而不聚無裨實用且時有自相  
隔礙之處不如三才舊法簡練易行著程喬  
采即將九變風雷連戰陣停止仍照三才及  
九進十連環舊式認真操演務期技藝嫺熟  
不致有名無實將此諭令知之○又諭耆英  
等奏喫夷遵約即行退還舟山一摺據奏委  
員前赴香港詳加開導該酋聽受甚屬馴擾  
即日備文知會駐舟山夷目即行撤退夷兵  
並定於三日內派船四隻赴該處裝載夷兵

駛往印度等語此時該夷情詞謙順自不至  
別生枝節惟所稱駛往印度之處該督等前  
奏有印度所屬之噶嘓國與喫夷兩次構兵  
等語仍著密加偵探現在實在情形遇便詳  
細具奏將此諭令知之尋耆英等奏密遣人  
向咪喇堅西洋等國探詢均稱喫夷上年兵  
敗後復於本年正月間與噶嘓國二次交兵  
得勝與噶首來函大致略同又據大鵬副將  
等探報喫夷復與上年構兵之嗎嚙國爭戰

被嗎嚙國擊殺喫兵數千及夷目四名未知  
確否仍密加偵探該夷等忽負忽勝事所恆  
有惟隨時察看情形相機撫馭報聞○以怡  
親王載垣署鑲黃旗漢軍都統貝子奕格署  
正白旗領侍衛內大臣○以催趲漕船出力  
予江蘇候補同知陳延恩等升補有差○修  
山東運河泇河捕河泉河四廳隄壩各工從  
河道總督鍾祥請也○戊辰正黃旗蒙古都  
統成郡王載銳奏查向例報考鄉試諸生例

由本旗校閱騎射本年丙午科文鄉試屆期  
照例校閱茲查有文生員成枚雇倩鑲藍旗  
護軍祥德頂替馬箭大千例禁請從重懲辦  
得旨著交刑部審明辦理尋奏成枚因該旗  
校閱騎射臨時扭跌右腿囑祥德代替馬箭  
訊非豫為雇倩惟究屬違制成枚應革去文  
生員祥德應革去護軍係旗人照律鞭責時  
逢熱審減責發落從之○以江蘇辦理善後  
出力予前任布政使文柱等議敘有差○己

已直隸總督訥爾經額奏報保定省城獲霽透雨得旨覽奏欣慰京中於本月十一日落雨數點十三日戌刻雷電甚屬宣暢但雨勢驟而不久朕焦切企望之至辛未諭內閣吳其濬奏請將知縣勒令休致一摺山西神池縣知縣楊銜前據該撫奏請改教與例未符當經降旨駁斥茲據該撫奏稱該員才具平常遵照成例奏請休致楊銜著即勒令休致壬申

上詣綺春園問

皇太后安遣惠親王綿愉睿親王仁壽於本月二十一日分詣

關帝廟

城隍廟瑞郡王奕誌詣密雲縣

白龍潭祈雨諭軍機大臣等據都察院奏

四川廩生董崇淳民人周鳳岐張廷悅先後赴該衙門呈控夷匪肆擾殺害多命等情已明降諭旨交寶興嚴審究辦矣惟查董崇淳

等呈稱擄殺男女至一萬餘口之多張廷悅所控並有千總徐步雲糾結夷匪藉和圖利及伊兄身死不明情事如果屬實於邊防大有關繫均應徹底根究著寶興即將千總徐步雲連拏到案按照各呈內所指情節秉公確查嚴行究辦以懲逆匪而衛民生毋得稍有諱飾將此諭令知之尋奏訊明張廷悅因伊兄張元勳被擄病故懷疑具控董崇淳周鳳岐痛恨夷匪欲請勦辦砌詞聳聽應照不

應重律擬杖徐步雲訊無勾通謀命情事惟馬邊廳歷不准夷人擅入內地該千總輒因豫備帶兵往堵恐夷目漏洩混行帶入以致張廷悅因疑釀訟實屬冒昧應降為把總以示儆戒下部議從之○濬山東東平州淤墊河道從巡撫崇恩請也○甲戌管理街道御史韶源等奏查管理街道衙門前於道光十年四月承領部庫銀三萬兩交各城典商生息備修理街道之用現在部庫原款業已清

還尚有歷年修街節省銀二千一百兩請一併解交部庫得旨無庸解交部庫仍留為修理街道之用○乙亥以甘霖渥霈遣惠親王綿愉詣

關帝廟審親王仁壽詣

城隍廟瑞郡王奕誌詣密雲縣

白龍潭改祈為報○諭內閣崇恩奏請循案

添雇剝船一摺山東衛河水勢微弱現在南糧抵境剝船恐有不敷著照所請准其循照

成案添雇民船三百隻分撥臨清等五州縣每處各六十隻並武城恩縣經管直隸故城縣剝船事宜應添雇六十隻共添雇民船三百六十隻責成臨清州知州一手雇覓分別撥發存留俾資輪轉仍飭藩司委員前往監收隨時察看如水勢增長即行酌量減雇放還以節糜費○丙子諭內閣耆英奏槍兵挑缺請做照苗疆辦理等語廣東廣西地處邊陲與黔省苗疆事同一律嗣後各標協營及

內河外海水師遇有外委缺出著准其將精習鳥槍兵丁與弓箭步兵輪流拔補馬兵之缺亦著照此辦理○又諭耆英等奏被劾教職列款稟訴現委員提訊一摺此案萬州訓導潘學海經本管知府揭叅勒休後臚列各款稟訴希圖報復其平日是否訓迪無方抑或前代理知州金天成與道府幕友王午莊等有朋謀陷害情事虛實均應徹底根究該督等業經委員馳往確查分別摘提解省飭

司提訊著即飭令秉公研鞫認真究辦務期水落石出不准稍有含混又諭鄂順安奏校閱通省營伍情形一摺河北鎮標右營都司明安泰馬箭生疏該員曾經出師著有微勞著以守備降補以觀後效至所稱各州縣額設民壯隨營調考放槍準頭尚屬合式等語民壯一項原為保護地方及雜項差使藉補兵力所不足與各營兵丁究屬不同刀矛雜技果能認真訓練已足備用無庸兼習鳥

槍弓箭著通諭各督撫知之。以廣東香山

協副將楊德雄為陽江鎮總兵官。丁丑

孝恭仁皇后忌辰遣官祭

景陵。戊寅命

皇四子

天神壇惇郡王奕諒詣

地祇壇皇六子奕訢詣

太歲壇謝雨。諭內閣刑部奏已革職官供

仍狡執請欽派大臣會訊等語刑部為刑名

總匯凡遇重大案件無不由該部酌覈究擬

期協情法之平此案已革吏部司員慶文等

是否聽情受賄如果悉心研鞫自可水落石

出乃審訊已經數月供證仍未符合率請欽

派大員會訊將來遇有疑難重案輒即紛紛

瀆請尚復成何事體此案仍著責成刑部堂

官再行細心推鞫務得確情固不可失之寬

縱亦不可稍有屈抑以昭慎重而成信讞

己卯

上詣綺春園問

皇太后安。諭軍機大臣等訥爾經額奏製造

火攻礮子及炸礮子二器現已演練精熟擬

多為製造存庫備用仍於春秋二操演放以

資考覈等語所造甚好著照議製造備用所

需工費准於永定河捐輸經費項下撥用惟

每歲操演時祇須裝填尋常礮子或但用火

藥總期施放習熟臨事可資得力無庸裝用

炸裂礮子以歸簡易而藏妙用將此諭令知

之直隸總督訥爾經額奏報二麥約收分

數得旨京師幸於本月十八日亥刻至十九

日丑刻得雨二寸餘十九日申刻大雨滂沱

約計三寸餘二十二日亥刻雷雨又作直至

二十三日卯末方止實屬深透朕敬感

天恩曷勝慶幸之至。予故前任湖南提督楊

芳祭葬諡勤勇賞銀五百兩治喪。修安徽

盱眙縣張公等民隄從巡撫王植請也。緩

徵直隸平鄉鉅鹿永年邯鄲成安肥鄉曲周

雞澤磁九州縣歉收村莊上忙額賦○朝鮮  
國使臣朴永元等二人於大紅橋瞻觀○庚辰

上詣

大高殿行禮

時應宮拈香○還宮○以夏至祭

地於

方澤自是日始齋戒三日○辛巳考試應開列  
試差滿漢二品以下京堂各官於上書房○

壬午旌表守正捐軀浙江鄞縣民翁介美妻

邱氏○癸未夏至祭

地於

方澤

上親詣行禮○幸圓明園○詣綺春園問

皇太后安○緩徵江蘇宿遷縣被淹灘地額賦

○甲申諭內閣程喬米奏漕船行走遲緩請

將領運幫弁摘去頂帶等語○湖南頭幫領運

千總吳權○二幫領運千總謝德潤○三幫領運

千總范邦綸均著先行摘去頂帶飭令迅速  
趲行毋致脫離前幫有誤交卸○諭軍機大

臣等程喬米奏衛河水淺豫籌濟運等語據

奏衛水濟運向定章程五月十五日以前三

日濟運一日灌田以後聽民使用惟設立灌

塘之法勢不能於五月十五日以前埽數出

閘現在衛河水弱仍須先暢正流以濟漕運

旁分餘水以溉農田著河南巡撫迅即分飭

地方河工各員將衛水出源之丹河洹河等

處官渠全行啓放俾眾流匯合庶運船入衛

隨到隨行不致有所阻滯將此諭令知之○

以翰林院編修潘曾瑩為雲南鄉試正考官

張煒為副考官編修金鶴清為貴州鄉試正

考官吳福年為副考官



大清宣宗效天符運立中體正至文聖武智勇  
仁慈儉勤孝敏成皇帝實錄卷之四百二十九

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百三十

張修職奏請從議故居注太子太保體仁閣太學士文淵閣閣事管理戶部官務上書總辦翰林院掌院學士兼管

天府府尹事務隨帶加五級紀錄十八次臣前領總辦官理運庫官吏部司書總辦家都統管理新營營務處官房全日講官

七倉大臣傅察會同詳察豫加一級隨帶加六級軍功加三級紀錄五次臣花沙納理運庫官吏部司書總辦家都統管理新營營務處官房全日講官

內務府大臣錄自稱滿洲都統傅察內七倉大臣管理安人府庫庫務總辦官學憲嘉蘭明國子監精鑄局總辦鑄局太

監院傅察會同詳察豫加十八級臣阿爾賽副總辦官理運庫官兵部司書總辦加六級紀錄十次臣周振鴻等奏

核修

道光二十六年丙午閏五月乙酉朔

上詣綺春園問

皇太后安○丙戌○

上詣綺春園問

皇太后安○山東巡撫崇恩奏報各屬得雨深

透得旨覽奏欣慰○丁亥○

上詣綺春園問

皇太后安○調正白旗蒙古副都統盛貴為吉

林副都統吉林副都統西蘭都為正白旗蒙

古副都統○以獲犯出力予福建千總張從

龍等升敘○命陝甘總督布彥泰撥銀八千兩解赴庫車二萬五千六百二十三兩解赴阿克蘇二萬九千三十九兩解赴烏什備道光二十八年經費○展緩浙江定海廳新舊額賦○戊子

上詣綺春園問

皇太后安○諭軍機大臣等布彥泰等奏查拏要犯黑錯四溝番族膽敢糾眾拒斃官土兵多名現復添派鎮將文員前往勦辦等語此

案上年因兇賊束奴脫巴等在黑錯寺地方藏匿副將扎勒罕布帶兵查拏不能得力曾降旨令該督等添兵搜捕期於悉數擒拏茲據奏稱護副將張奉明等遣人執諭開導雖有滅勿等五族自悟投誠獻出番賊科洛一名而黑錯四溝番族膽敢糾集馬步隊一千七八百人分股迎敵先後拒斃官土兵丁數十名始終庇匿兇賊不肯獻出兇頑已極當經該督等派委總兵站柱等添帶官兵前往

勦辦並派知府莊俊元等偕往會辦旋經站

柱等馳至該處勒令迅速交賊詎該寺僧先後交出賊犯六名均非指名勒交之要犯迨該鎮等進勦至那沙莊滅力壘上莊該番眾仍敢持械抗拒似此兇頑不法必應痛加勦捕此時既已厚集兵力該督等即應嚴飭鎮將文員攻其要害殲厥渠魁其主謀糾黨之兇徒總當悉數就擒斷不准因零匪交出輒即將就了事務令該番族等知威知懼不至

再貽後患是為至要將此諭令知之○己丑

上詣綺春園問

皇太后安○戶部奏遵議前任天津道彭玉震經徵海稅短徵二十五年分贏餘銀九千六百八十八兩零請援案分作三年賠交從之○庚寅

上詣綺春園問

皇太后安○辛卯

上詣綺春園問

皇太后安○癸巳

上詣綺春園問

皇太后安○諭軍機大臣等賀長齡奏回匪屯聚親往督辦並委署撫藩各篆一摺永昌回匪於前次被勦之後乘夜潛遁聚集猛庭經該提鎮移營尾追該匪等輒敢據險相持並疊次撲攻營盤該提鎮督兵迎擊始行敗退惟山深菁密屯聚尚多非厚集兵力分路圍攻難免竄逸現屆暑雨之期煙瘴將作若再

遷延不獨經費多糜且必日久生懈該督已添調弁兵親往督辦著即相機籌度策應督催並嚴飭在事人等確探賊蹤迅即分途進勦斷不准稍存姑息之見再致延蔓儻該文武等稍存觀望即著據實叅辦其在事出力者亦即奏請恩施此次傷亡各弁兵著一併查明咨部照例議卹將此由四百里諭令知之○雲南提督張必祿以年老休致以開化鎮總兵官蔭德布署雲南提督維西協副將

李能臣為開化鎮總兵官○以緝捕出力賞四川遊擊謝劍花翎知縣史璜等藍翎○甲午以內閣學士全慶為廣東鄉試正考官翰林院編修陳啓邁為副考官編修馮譽驤為廣西鄉試正考官鄒振杰為副考官詹事府詹事孫葆元為福建鄉試正考官翰林院編修蔡念慈為副考官○乙未

上詣綺春園問

皇太后安○以拏獲鄰境要犯予湖北知縣湯

譽光以同知歸原省補用○丙申諭內閣訥爾經額等奏審明商人虧用官項並短交課利許控摺抵一摺此案前任運司陶士霖護運司陳鑑於該商廢汛散巡並不查明叅辦運司李百齡到任後亦未能及時詳叅均著交部分別議處前任鹽政德順普琳於該商廢弛引地均未能查明叅革德順於商借行息帑本並未飭司議詳輒據商稟批准辦理尤為含混著交部嚴加議處普琳於陳鑑詳

請補發巡費。未能查明歸入清查。亦屬疏率。著一併交部議處。○抽裁山東曹州鎮屬兵額。添設濮州城內馬守兵四十七名。移曹右營在城經制外委一員。駐濮州水堡集。作為協防。另設馬守兵五十名。移曹中營在城。千總一員。駐鄆城縣城。添設馬守兵六十名。移鄆城縣城經制外委一員。駐黃姑巷。作為協防。另設馬守兵五十名。添設觀城縣馬守兵二十一。名。從巡撫崇恩請也。○丁酉

上詣綺春園問

皇太后安。○諭內閣。前因兵部議覆壁昌前請於三江口等處設立鹽捕專營。恐日久不得其人。仍屬有名無實等語。曾降旨令賽尚阿等親往履勘。覈議具奏。茲據奏稱。親至其處。察看霍家橋實為揚州切要門戶。添設專營。不特鹽務賴以緝私。兼可為揚州保障。且添兵之難。在於籌餉。業經查據該督切實聲明。可以永久不動正項。其事自屬可行。著准其

於霍家橋添設鹽捕專營。員弁兵丁。如數增添。所有俸餉等項。既據該督稱於鹽務籌撥。即著免其造冊報銷。但必期行之永久。儻日後偶因經費短絀。奏請借動別項。亦斷不能倖邀允准。至運司緝私。是其專責。若不兼轄武職。亦恐呼應不靈。該督所請加運司兵備兼銜之處。並著准其兼銜。以資制馭。他省不得援以為例。其新設官兵。仍責成該督督飭運司認真巡防訓練。隨時考覈。期於兵歸實

用。餉不虛糜。毋致日久視為具文。○以內閣學士慶錫署兵部右侍郎。貝子綿清署正紅旗漢軍副都統。○戊戌。命鄭親王端華在御前行走。○以理藩院左侍郎恩華兼鑲白旗護軍統領。○調鑲黃旗蒙古副都統福濟為正藍旗滿洲副都統。以內閣學士慶錫兼鑲黃旗蒙古副都統。○以正白旗漢軍副都統聯順為鑾儀衛鑾儀使。○調吏部左侍郎柏後為戶部左侍郎。兼管三庫事。轉吏部右侍

郎惠豐為左侍郎調工部右侍郎福濟為吏部右侍郎盛京戶部侍郎明訓為工部右侍郎兼管錢法堂事務以都察院左副都御史慶祺為盛京戶部侍郎兼管奉天府府尹事○轉京營右翼總兵倭什訥為左翼總兵以吏部右侍郎福濟兼右翼總兵○已亥諭內閣前據兵部議駁江蘇高郵州驛遞遲延咨請免議一案當降旨令該督撫等查明叅辦茲據奏稱實因驛路水淹雪深河凍接遞稍

稽時刻遲延尚屬有因所有應議職名著加恩准其寬免○命喀喇沙爾辦事大臣書元來京賞光祿寺少卿舒精阿頭等侍衛為喀喇沙爾辦事大臣○賞御前行走鄭親王端華三眼花翎○庚子

上詣綺春園問

皇太后安○諭內閣已革吏部郎中慶文存用書吏張彤送繳節省工銀輒聽受干求起意調改指補經承名次已革吏部郎中邱景湘

收受張彤致送伊母壽禮遂因其稟求年終獎勵聽從慶文將其指補名次移改第一均屬有意徇私辦理舛錯慶文邱景湘均著從重發往烏魯木齊效力贖罪以示懲儆已革吏部員外郎舒文於張彤求伊託情並不正言拒絕輒行含糊答覆復令其自行面求殊屬不合舒文著開復原官交都察院照例議處其失察之吏部堂官著一併交都察院分別議處○以工部左侍郎阿靈阿兼署錢法

堂事務○辛丑以貝勒綿恩年逾七十命無庸管領侍衛內大臣事○以睿親王仁壽鄭親王端華管鑲黃旗領侍衛內大臣事怡親王載垣定郡王載銓管正黃旗領侍衛內大臣事科爾沁郡王僧格林沁喀爾喀親王車登巴咱爾管正白旗領侍衛內大臣事○壬寅

上詣綺春園問

皇太后安○癸卯諭內閣前因

如貴妃晉封為

皇貴妃曾降旨令各衙門將應行事宜察例具奏茲據內務府奏查

妃園寢

如皇貴妃位次應另行擬定豫為修理著派恩桂文慶照例辦理○冊封鄭親王端華生母胡佳氏為鄭慎親王側福晉○庫倫辦事大臣德勒克多爾濟丁母憂賞銀四百兩治喪○以副都統銜庫倫辦事大臣成勲兼署

庫倫辦事大臣○甲辰諭軍機大臣等有人奏風聞長蘆幕友徐楊小梅盤踞院署與官吏商人往來交結遇事舞弊營私告病運同陳鑑鑽謀護任商人虛借帑本等弊皆該員為之詳請與徐楊小梅狼狽為奸以致積弊相沿奏銷之款雖報徵存並無實貯似此劣幕劣員及奸商通同作弊於鹽務大有關係著訥爾經額督同鹽政士魁按照所指各款嚴密確查秉公懲辦以振疆綱而除積蠹原

片著鈔給閱看將此諭知訥爾經額並傳諭士魁知之○以內閣學士載增管嚮導處事

○乙巳

上詣綺春園問

皇太后安○諭內閣前任科布多參贊大臣宗室果勒明阿現已因案革職永不敘用果勒明阿係敬徵保送副都統敬徵著交部照例議處○諭軍機大臣等前據琦善等奏盤獲喇嘛西夷人至藏傳教將該夷人於訊供後

委員解赴四川當降旨令寶興於該夷解到時將其來歷及經過處所詳訊確情具奏茲據奏稱研訊該夷人等所供與駐藏大臣所訊大略相同察其鬚眉眼色確係夷人並非內地奸徒假冒等語該夷遠涉重洋經歷數省學習各處文字語言意究何居所供僅止勸人為善別無他意所傳人數姓名不能記憶恐難憑信至該國王發給戒表持赴廣東交與駐紮總官前往各處傳教是否實有其

事著英黃恩彤於解到時將該夷等詳細研鞫並暗加體訪該夷人是否實係該國所遣及有無送銀接濟之事並將匣內所貯夷信夷書等件交通曉夷字之人逐件譯明庶可得其底細如果確係煽喇夷人並無別項情節即著斟酌情形妥為辦理原摺及供單均著鈔給閱看將此諭令知之○以翰林院編修蕭浚蘭為湖南鄉試正考官馮培元為副考官編修徐士穀為四川鄉試正考官

宗人府主事吳嘉淦為副考官○貸直隸滄州駐防領催等餉銀修理軍器兵房○丙午廣西巡撫周之琦奏臨桂縣東鄉地方山水暴發田廬驟被淹浸人口亦有損傷現飭查勘撫卹得旨勘明妥速辦理○丁未賞休致雲南提督張必祿全俸○戊申

上詣綺春園問

皇太后安○諭軍機大臣等都察院奏江蘇廩生耿尚義等呈請修復河防已明降諭旨交

該督等查覈辦理矣此案該生等呈訴六塘河隄工衝潰各州縣連年被水上年赴省援案呈請借帑興修業經委員疊次勘估尚未開工等情該處為宿遷等六州縣田廬所繫如有應行修復之處自應趕緊籌辦著壁昌潘錫恩審度情形查覈辦理務令水害全除田廬用資保障為要該生等所遞鈔案二本圖說一紙著發給閱看將此諭令知之尋奏遵查海州等州縣境內六塘河並海州境之善微河淤墊衝決田疇受淹於運道宣防太有關繫應趕緊借款挑築得旨所有估需銀十三萬餘兩著准其在於軍需餘騰款內照數借撥遴員興辦毋任草率偷減工竣後或壁昌或李星沅斟酌一人親往驗收如不妥實即行嚴叅○前任駐藏幫辦大臣瑞元奏自前藏起程赴後藏三汛校閱營伍訪詢各處邊界均屬安靖惟三汛所管地方尚有偏僻捷徑數處可通外番即分飭該管員弁一

體留心防範毋得以山路崎嶇遂行疏懈報聞○命烏里雅蘇台參贊大臣樂斌來京以病痊三等侍衛麟魁為烏里雅蘇台參贊大臣○乙酉湖南巡撫陸費瑤奏動支耗羨銀兩買補永綏澍浦沅陵黔陽永順保靖龍山瀘縣八廳縣兵穀下部知之○庚戌以內務府郎中基溥為奉宸苑卿○辛亥上詣綺春園問

皇太后安○壬子命戶部尚書祁寓藻兵部尚

書文慶馳往天津查辦事件○福建海壇鎮總兵官楊登俊因病解任以江南京口協副將陸鳳翔為海壇鎮總兵官○癸丑諭內閣給事中董宗遠奏運弁開官需索幫費請飭嚴查叅辦一摺向來各省派委總運等官原以督押重運約束旗丁隨時稽察催趨期於漕行迅速若如該給事中所奏各省總運官及各幫運弁皆以押運為美差需索旗丁以致旗丁刁難州縣任意搭帶貨物運官等受

其餽送即不能不聽其遷延又沿途分段稽察之員向來派至數十人之多在上司既藉以調劑若輩遂任意貪婪更有沿途開官於糧艘過關時按幫索費旗丁日益疲累漕運自難迅速實於運務大有關係著通諭漕運河道各總督及有漕地方各督撫隨時密訪認真嚴查如有前項弊端立即指名叅辦毋得稍涉瞻徇以利漕行而除積弊○以鄭親王瑞華署鑲藍旗漢軍都統

大清宣宗效天符運立中體正至文聖武智勇仁慈儉勤孝敏成皇帝實錄卷之四百三十



大清宣宗效天符運立中體正至文聖武智勇  
仁慈儉勤孝敏成皇帝實錄卷之四百三十一

監修胡嘉賓、提日講、起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼賞額

長府所奉事務關帶加五級紀錄十八次臣曾補總督官經廷議官吏部書錄並頒漢軍戶部管運新營度級內官房大臣稽察內

七名大臣積勞會同四譯館事務加一級隨帶加六級軍功加三級紀錄五次臣花沙納理雅官文淵閣提舉閣事兵部尚書總管

內務府大臣錄以領州都統楊泰門七倉大臣管理宗人府錄庫左翼總管學士壽宮司園亭處新提督柳恭煦房御藥房太

縣志卷之八  
職官紀錄二十次及周祖培等纂

救修

道光二十六年丙午六月甲寅朔以捐修通

州運河閘座並改建石橋予漕運通判徐鏞等升敘有差○乙卯旌表逼嫁捐軀安徽合肥縣民許品弟妻王氏○丙辰緩徵山西徐溝縣被電村莊新舊額賦○丁巳欽差戶部尚書賽尚阿等奏臣等奉命校營伍間江防江南地勢經歷過半計長江設防情形夷人似不敢再行窺犯惟蘇州松江二府在江防之外夷船另有可入之途且其地紛靡饒富正豺狼之所垂涎謹將一切防守機宜密籌

具奏奏入諭軍機大臣等竊尚阿等奏統籌江南全局密陳設防一摺江南鵝鼻嘴等處均已嚴密設防自可有備無患惟英夷現於上海縣之軍功場等處修建夷館寶山縣在上海之北夷船停泊自當於此二縣以內擇地而守豫籌必勝之計所有黃浦江貼近之閔行鎮等處礮少力單自應如所奏設法豫備至黃浦江南通浙江之嘉善縣北通泖湖赴蘇甚便此地最為緊要應如何豫運破舊

糧艘及各項破船臨時酌用以操制勝之權  
著壁昌李星沅尤渤等密飭各鎮不動聲色  
總於無事之時認真操練悉心籌議以期處  
處皆臻妥善斷不可稍涉張皇至蘇州一帶  
提督相距較遠其撫標兵丁自當由該撫就  
近訓練嚴密防守無論何時一經調用儻有  
不能得力之處惟該撫是問該督撫提鎮等  
斷不可存目前苟安之見懍勤慎密毋稍怠  
忽原摺鈔給閱看將此各諭令知之○戊午

諭軍機大臣等據裕泰等奏盤獲傳教之西洋夷人解赴廣東等語該夷因在沿海等處地方遊行來至湖北傳習天主教既能講說內地語言且又雜髮是否確係西洋夷人抑係沿海匪徒飾混詐冒著耆英黃恩彤於湖北委員將該夷人解到時詳細研鞫如係匪徒假冒即著從嚴懲辦原片鈔給閱看將此諭令知之○己未諭軍機大臣等御史謝榮棟奏邪匪肆行毒害民心惶惑一摺據稱風

聞浙江近有不法匪徒假扮僧道雜藝人等並婦女背賣各項什物於糕餅瓜果各食物中暗置毒藥殘害男女幼孩事類採生折割杭紹兩府均各蔓延送官未經究辦之案層見疊出其餘形跡可疑之人絡繹市廛肆行無忌男女長幼都防受害以致人心惶惑果如該御史所奏邪匪恣行殘毒為害匪淺著梁寶常即飭地方官嚴密查拏獲犯後訊明妖術起自何人意欲何為究詰黨與悉數弋

獲按律懲辦以除邪匪而靖地方原摺著鈔給閱看將此諭令知之○緩徵山東臨清邱長山濟陽臨邑莘商河惠民陽信濱博平原恩夏津歷城章邱齊東禹城陵德德平平原東阿樂陵鄆城聊城堂邑茌平清平館陶高唐武城冠淄川東平齊河長清肥城朝城三十

八州縣被旱被風被沙村莊新舊額賦○辛酉旌表守正捐軀河南葉縣民張芳妻李氏○壬戌以開墾伊拉里克地畝予甘肅道員雲麟按察使銜餘加銜升補有差○癸亥諭內閣戴容等奏馬蘭峪地方閏五月間風雨交作

昭西陵寶城垛口等處均有被風吹落零星物件及風損樹株情形又另片奏風吹樹株出土挑起輒塊等情均應趕緊修整著派特登額阿靈阿前往敬謹察看具奏辦理○以刑部左侍郎周祖培為浙江鄉試正考官翰林院編修王景淳為副考官光祿寺卿汪本銓

為江西鄉試正考官。翰林院編修汪廷儒為副考官。編修廉師敏為湖北鄉試正考官。何彤雲為副考官。○甲子。以通政使司通政使靈桂為都察院左副都御史。○駐藏幫辦大臣文康因病解任。賞戶部郎中穆騰額頭等侍衛為駐藏幫辦大臣。○乙丑。以兵部右侍郎趙光兼署刑部左侍郎。○丙寅。諭內閣布彥泰等奏官兵勦燬番莊匪族四散。酌量撤兵一摺。所辦可嘉之至。該處番族眾多。素稱

獷悍。出巢肆搶。歷有年所。從前總督提鎮等辦理番案一味因循遷就。敷衍了事。以致該番族等習為故常。肆行無忌。此次黑錯寺地方番族恃強抗拒。經該督等示以兵威。添調官兵帶領進剿。經過番莊。隨燒隨進。斃賊多名。該匪等復有馬隊迎敵。復經分為兩翼夾擊中路官兵。用大礮擊斃執紅旗番賊。該匪奔竄逃命。連日逐一排揔。並無賊番蹤跡。現經查拏餘匪。緝捕漢奸。酌量撤兵。辦理尚為

迅速。布彥泰林則徐調度有方。達洪阿身先士卒。不遺餘力。均著交部從優議敘。在事員弁著擇其尤為出力者。據實保奏。傷亡兵丁著交部照例議卹。○丁卯。江南河道總督潘錫恩奏節交初伏籌備防守事宜。并陳河湖勢工程情形。得旨。伏秋大汛。務當加意防守。而空運軍船。尤不可稍有阻滯。○戊辰。諭內閣。特登額現在給假。所有察看

昭西陵寶城垛口等處及風吹樹株情形。著改

派禧恩會同阿靈阿前往敬謹察看具奏。辦理。○諭軍機大臣等。御史蘇學健奏訪聞不法匪徒誑誑幼孩。傳布寢廣一摺。據稱近日京城地面有新來匪徒。以食物誑騙幼孩。又有以假種天花為名。於種痘時用術迷拐等情。現有由步軍統領衙門拏獲。咨送刑部之案。並稱此等匪徒。起於浙江。沿及江蘇。閩廣等處。於路上拋置食物。並於果餅鋪內售賣食物。時暗中更換小兒食之。即斃。斃後潛取

腦腎心肝甚有隱用妖術將瓦瓶攝人魂魄尤為怪誕有經拏送及訪獲到官者熱審受刑並無畏懼總未審有端倪以致該匪徒流傳漸廣江淮以北及保定等處亦有遭其毒害者似此鬼蜮伎倆肆行無忌實為地方之害著步軍統領順天府尹各就摺內所指情形密飭訪拏並著都察院堂官密傳五城御史一體嚴密查拏務期有犯必獲並訊明此街傳自何人隨時按律懲辦以靖地方而

衛民生是為至要將此各諭令知之○己巳諭軍機大臣等寄諭兩廣總督耆英直隸總督訥爾經額兩江總督壁昌湖廣總督裕泰閩浙總督劉韻珂山東巡撫崇恩江西巡撫吳文鎔御史蘇學健奏訪聞不法匪徒街誑幼孩傳布寢廣一摺據稱此等匪徒起於浙江沿及江蘇等處於路上拋置食物並於果餅鋪內售賣食物時暗中更換小兒食之即斃斃後潛取腦腎心肝有經拏送及訪獲到

官者熱審受刑並無畏懼總未審有端倪以致流傳漸廣等語果如該御史所奏邪匪為害地方關繫匪淺著耆英等各按摺內所指情形選派員弁嚴密訪查務期有犯必獲並訊明此街起自何人意欲何為按律懲辦以除邪惡而衛民生是為至要原摺鈔給閱看將此各諭令知之○兩江總督壁昌等奏近來江蘇洋面商船數次遇盜奉賢寶山二縣地方復有洋盜登岸行劫典鋪之事得旨本

地土盜不能制伏安望其他爾督撫提鎮當如何激發天良實力振作耶○庚午諭內閣耆英等奏查出沙田溢坦酌定章程開單呈覽一摺此項溢坦十七萬六千餘畝既據該督等奏稱多係報墾有案因沿海潮汐衝激圍築未就是以尚未報明升科與隱匿者不同所有歷任失察職名均著免其查議至坦租收支章程及新寧縣續報升科歸入此費之處俱著照所議辦理該部知道○又諭耆

英等奏官紳捐建城寨各工一摺廣東九龍山地居扼要亟應改建石城設立礮臺衙署營房以資守衛現據該省官紳陸續捐資經該督等派員督同估計修築著照所議辦理統俟工竣驗收再行奏請獎敘此項工程著免其造冊報銷○以查辦溢坦歸屯予廣東候補知府白從瀛等加銜升敘有差○辛未撥江南霍邱天長合肥當塗江浦五縣漕糧濟放各幫丁緩缺行月等米○壬申旌表守

正捐軀河南泌陽縣民余紅妻李氏○癸酉以翰林院侍講陳寶禾為陝西鄉試正考官右春坊右中允青麐為副考官戶部左侍郎柏後為江南鄉試正考官通政使司副使黃贊湯為副考官○甲戌旌表守正捐軀貴州龍里縣民黃連珍媳朱氏○乙亥諭內閣德誠等奏幫船抵壩遲延請將領運千總革職等語本年浙江省杭嚴三幫自六月初三日入天津關後行走至十七日之久業已逾限

五日尚未抵壩實屬任意耽延該幫領運千總王學洙著即革職以示懲儆○以刑部左侍郎賡福署戶部左侍郎兼管三庫事○丙子遣官祭

火神廟○以吏部尚書恩桂署上駟院事○丁丑緩徵河南安陽臨漳武安涉汲新鄉輝獲嘉延津修武武陟溫原武陽武十四縣被旱歉區新舊額賦○戊寅諭內閣祁寓藻等奏查明運司具稟墊懸庫項並歷任動墊情

形一摺此案李百齡接收陶士霖陳鑑交代其徵存各項本由前任動墊並據詳明鹽政普琳有案覈與虛出通關不同惟卸事兩月始行稟訴其於前任墊缺兵餉要需雖已徵補起解而本任帑課等項並未按款清完咎實難辭鹽政普琳於交代懸款批令追補並不奏參亦屬疏率李百齡普琳均著交部嚴加議處其道光十年以後歷任動墊之各該運司鹽政著該部查取職名分別議處至前

護運司陳鑑明知補欠加價不應借動輒輾轉那撥作為各商無利運本尤屬牽混取巧著即行革職所有擅撥補欠加價銀八萬六千五百兩除在承領各商名下分別嚴追外仍著落陳鑑照數賠交無任懸宕率准那撥之前鹽政德順並著交部嚴加議處其應解二十五年及本年課利等款著該鹽政督率運司趕緊催收並將一切未完商欠逐案逐款確實清釐無稍遺漏所有全局章程即著

直隸總督督同鹽政通盤籌畫妥速議奏餘著照所議辦理尋訥爾經額等酌議章程八條具奏下部議議上一庫墊應趕徵趕解分別歸補分限帶補一節現據該督等請將加價錢文協濟毋庸再於引課內另立補墊名目一現商新舊欠分年攤帶宜檢對原案查明未完某年某款各若干總計銀數以本款之緩急定歸補之次序一二十五年未銷存引截數暫停專顧新綱實力疏銷年清年款

一嗣後領引責令先交正項三錢幣利三錢領告三錢方准給引領運其無幣利之商統交領告六錢亦准領運正項三錢於秦銷時徵完幣利於十二月內交清一二十五年秦銷准分一半奏課解錢三十六萬串作銀二十四萬兩於一月前豫行報部覈示起運外支各款亦准銀七錢三配搭解支試辦一加價二文暫免停止於二十五年秋季起以一文協濟蘆綱商本一文歸公首補庫墊一虛

懸引地設法招認於外支雜款內量為酌減以示體恤一透私要隘遴撥員兵實力緝拏所需經費每引另帶四五分覈實支用仍將功過章程報部從之○庚辰命長蘆鹽政士魁回京以直隸總督訥爾經額兼署長蘆鹽政○辛巳閩浙總督劉韻珂覆奏遵旨查看參將張清詠弓馬烏槍均屬可觀操兵散餉亦能細心經理尚堪勝參將之任報聞○壬午以故土爾扈特貝勒盟長巴圖納遜子喀

特納什第襲爵○准予告大學士阮元重赴鹿鳴宴晉太傅賞全俸○賞一等威勇侯哈琅阿全俸○命前任漕運總督朱樹以原品休致○癸未諭內閣禧恩等奏查驗

昭西陵應修各工著欽天監選擇吉期交本年承修另案工程大臣速為修理其

孝陵碑亭等工即交今冬查估歲修大臣另行查辦所有現在應修各工著工部照例覈算錢糧奏請承修○又諭布彥泰等奏黑錯寺

敗竄賊眾聚匪果岔之險隘地方復經官兵擒捕殲擒大獲勝仗一摺黑錯寺番匪抗拒官兵前經達洪阿帶兵攻勦焚莊燬寺業已大振軍威詎該逃匪等仍敢竄匿果岔地方希圖有險可踞復經達洪阿督帶精兵窮追奮擊掃蕩窩巢計該處烏合數百之眾業已殲擒殆盡現在拉布楞等寺僧眾收合四溝散亡番族帶到營盤匍伏乞命經達洪阿宣布皇仁嚴立條約准令悔過自新官兵即日

凱撤所辦可嘉之至達洪阿著賞戴花翎所有在事出力人員著該員等擇其勞績尤著者酌量保奏候朕施恩護副將張奉明奮勇爭先以致頭額被槍殞命臨陣捐軀殊堪憫惻加恩著照副將陣亡例賜卹其陣亡及受傷兵丁並著照例各部分別卹賞餘著照所議辦理該部知道○又諭布彥泰奏請將勦番不力具稟告病之總兵交部嚴議一摺所叅甚是西寧鎮總兵站柱前經該督派往黑錯寺督勦番匪該總兵並不認真攻勦輒私遣人先往關說並以千總楊正才等赴寺作質換其頭目來營一見即謂為悔懼投誠辦理已屬顛預迨番族獻賊寡該總兵轉置主謀糾黨之兇徒於不問僅將弱小之那沙減力迭二莊攻打即請撤兵歸伍顯蹈從前將就了事惡習怯懦無能可恨之至現因達洪阿等勦焚莊寺大振軍威該總兵輒行告病希免叅劾實屬辜恩溺職站柱無庸交部

嚴議著即革職發往烏魯木齊效力贖罪以示懲儆該部知道○又諭奕湘等奏接據朝鮮來咨嚴禁江邊蓋房墾地查拏究辦一摺內地與朝鮮交界之處前已有旨不准民人私越邊界墾田構舍果能認真查禁何至甫越三四年仍有民人潛往結舍墾田之事可見從前辦理各員不過奉行故事全未實心查察所有禧恩及派往揔查之統巡總巡並邊卡各官俱著先行交部嚴加議處仍著奕湘等遴派明幹之員帶同兵役分路前往嚴密揔查將各犯按名拏獲嚴行究辦並將草舍田土全行平毀不准仍留寸椽尺地儻查明原定章程本未詳盡以致二十二年以後在事各員不能認真辦理再著據實嚴叅候旨懲處毋得稍有諱飾至嗣後應如何設法查禁不致再有奸民偷越之處俱著悉心籌議具奏○以直隸大沽協副將楊昌泗為甘肅西寧鎮總兵官○添撥河南兩岸十三廳

防險銀二十五萬兩從河道總督鍾祥請也

大清宣宗效天符運立中體正至文聖武智勇仁慈儉勤孝敏成皇帝實錄卷之四百三十一



大清宣宗效天符運立中體正至文聖武智勇  
仁慈儉勤孝敏成皇帝實錄卷之四百三十二

出修職官廳逐日講起居注官太子太保體仁閣大學士太淵閣領閣事管理戶部事務上書房總辦翰林院掌院學士兼管順

天府府尹事務隨奉加五級紀錄十八次臣曾領總兵官經筵講官吏部尚書鑲藍旗漢軍都統管理新營房城內官房大臣稽察內

七倉大匠積聚會同四洋館事務加一級隨帶加六級軍功加三級紀錄五次臣花沙納煙疋攝官文淵閣提舉閣事兵部尚書總督

內務府大臣錄白旗滿洲都統衙門七倉大臣管理宗人府銀庫左翼總管  
軍器監同明陞司處務提督茶膳房御膳房太

欽此  
辦理處事務隨帶加十八級臣阿靈阿副總兵官經運驛官兵兵部尚書隨帶加六級紀錄二十次臣周祖瑭等奉

救修

道光二十六年丙午秋七月甲申朔享

太廟命

皇四子 恭代行禮○以左翼前鋒統領奕

格署正白旗領侍衛內大臣鑲紅旗蒙古都

統祿普署正紅旗蒙古都統○丙戌諭內閣

裕泰等奏荊州滿洲營旗人糾眾毆毀漢城

鋪戶移行查獲各犯提省審辦一摺據稱此

案并州馬防旗人與漢城鍾戶先因觀戈龍

舟爭強互區頻年糾怨未釋以致本年陞五

月十五日不雨江寧府人鮑昂然江寧城人

四〇〇

尋咸寧武昌二縣鋪民滋鬧將民人毆傷二十餘人之多且有因傷斃命之人復拆毀鋪面棄擲貨物並將咸武客民會館放火燒燬不法已極現已委提旗人祖連等及全案人證至省著裕泰趙炳言親提嚴訊務得確情並究明糾眾尋毆起自何人逸犯尚有若干一併飭拏究辦毋任一名漏網以懲兇悍而靖地方諭軍機大臣等據裕泰等奏荊州滿洲營旗人糾眾毆毀漢城鋪戶移行查獲

提省審辦一摺。此案駐防旗人因觀划龍舟。燒會館之事。現經該督等咨拏懲辦。駐防旗人係該將軍等專轄。此次糾毆焚燬。不得諉為不知。何以兩月之久。並不據實奏聞。著恆通等明白回奏。將此諭令知之。尋奏當時未經拏獲滋事人犯。無憑審辦。是以未即具奏。得旨甚屬糊塗無能。○以內閣學士德齡順天府府尹李德盛臨順天鄉試。○丁亥諭內

閣德誠等奏豫籌三進在後各幫添剝濟運一摺著訥爾經額轉飭天津道酌量情形分飭沿河各州縣豫為添雇民船及早解赴楊村務令足數輪轉毋稍短絀○又諭德誠等奏浙省幫船脫空遲延請旨飭催等語浙江金衢所幫船距前幫挽入直境遲到六日其台州後幫尚無入關消息三進漕船為數較多現在節交秋令河水易於消落漕糧尚有一百數十萬石之多似此節節脫空必致耽

延誤事著直隸總督山東巡撫嚴飭所屬認真催趲務令銜尾入關毋得致稽運務○諭軍機大臣等有人奏滇南回匪蔓延請飭認真籌辦一摺據奏雲南永昌府回匪滋事地方官辦理不善經該總督督兵勦辦回匪又皆流入各府州縣捕之不及殲之不能且或分頭嘯聚或四散擄掠兼以川陝回民千百為羣相率而至當熟籌長策無使蔓延等語回匪時聚時散最為地方之害必宜辦理得

宜毋致稍貽後患著賀長齡再行體察情形據實奏辦務令匪徒匿跡邊境肅清以靖地方而安良善原摺鈔給閱看將此諭令知之賞山東鹽運使沈拱辰三品卿銜為長蘆鹽政○戊子

上詣綺春園問

皇太后安○己丑以翰林院侍讀學士孫銘恩為河南鄉試正考官吏部員外郎林映棠為副考官內閣侍讀學士朱嶠為山東鄉試正

考官翰林院編修吳保泰為副考官檢討畢道遠為山西鄉試正考官編修彭涵霖為副考官○緩徵江蘇宿遷縣被水灘地租錢○庚寅以署奉宸苑卿舒興為上駟院卿○辛卯諭內閣前據奕相等奏接據朝鮮來咨內地與朝鮮交界之處近日又有民人私越邊界墾田構舍查拏究辦一摺當經降旨將來能實心查辦之將軍禧恩等交部嚴加議處茲據該部議以降級調用奸民越界本干例

禁開墾田畝尤屬意在久居為業宜如何認真查辦乃禧恩履任數年於此等外藩交界經朕特旨交辦之件漫不經心實屬辜恩大負委任禧恩著革去公爵拔去雙眼花翎仍戴單眼花翎降為鎮國將軍以示懲儆○漕運總督程喬采奏遵停漕標新陣仍演三才舊式得旨認真訓練不可徒飾外觀緩急若不能得力責有攸歸也懍之○以禮親王全齡署正白旗漢軍都統○壬辰准浙江台州前幫軍船遭風沈溺米一千四百五十二石分限買補○癸巳

孝懿仁皇后忌辰遣官祭

景陵○諭內閣程庭桂奏現獲拐匪請飭部從重究辦一摺邪匪迷毒幼孩前已有旨嚴飭查拏必應究明懲辦果如所奏被拐幼孩竟有目瞪口呆顯係施用迷藥或念誦符咒所致於風俗人心大有關係儻承審各官稍存成見有意消弭該匪徒等勢必狡詞避就不

肯供吐實情何以肅刑章而懲邪惡著刑部堂官督飭所屬司員務當虛心研鞫根究明確分別拐賣迷毒照例懲辦毋得化大為小草率了事致滋疏縱正不在輕改舊章為也尋奏訊明略賣幼孩之甄黑子即孫二實止誘拐劉二小等七名口尚非用藥迷拐合依誘拐子女被誘之人若不知情為首絞例擬絞監候秋後處決從犯孫哈哈等分別問擬杖流從之○伊犁將軍薩迎阿奏遵錄頒發

籌議善後章程責令各城奉行得旨認真察訪不可姑息法在必行為要勉之○甲午諭軍機大臣等恆通等奏咸武客民與旗人互相鬪毆現將人犯解省審辦一摺此案前已明降諭旨交裕泰等嚴訊究辦茲據奏稱咸武民人素稱刁悍旗人常被欺侮往往尋釁爭毆現將訪獲鬪毆旗人並准咨查明各犯解省審辦等情著裕泰趙炳言提同案內旗民各犯隔別嚴訊將起釁根由確切查明秉

公據實辦理務得其平不可稍有偏袒意存  
消弭原摺鈔給閱看將此諭令知之尋奏訊  
明荊州府城內向有武昌府屬咸寧等縣民  
人貿易名咸武幫與旗人每因買賣爭價互  
毆結怨二十六年閏五月初五日東門外城  
河戲划龍舟旗民各往觀看有旗人特瑞在  
岸喝采咸武人斥以多事旗人祖連等聽聞  
不依因率領吉亮等將咸武人鋪戶打壞六  
十一家初六日旗人代昌復糾允吉亮等至

漢城及城外草市地方將咸武人鋪戶打壞  
八十八家兩次兇傷貿易民二十餘人迨路過  
武昌會館吉亮觸起平日至會館看戲每受  
欺侮嫌隙糾允代昌等將會館燒燬是日旗  
人已革武生長元等因向有咸武人賃居旗  
人房屋意欲一概驅逐致將咸武人張在中  
刃傷身死吉亮合依兇徒懷挾私讎放火燒  
燬房屋未傷人為首例擬斬監候長元合依  
鬪毆殺人者不問手足他物金刃並絞律擬

絞監候祖連代昌發克精阿等依兇徒因事  
忿爭聚眾持器傷人例發邊遠充軍祖連代  
昌首倡擾害應從重發黑龍江充當苦差餘  
分別問擬杖徒下部議從之○又諭賽什雅  
勒泰奏前經派赴霍罕之回子等旋回詢據  
探報各情並據探報布魯特聚眾欲行進卡  
滋事旋即潰散各一摺據稱前經派赴霍罕  
之回子托胡塔等業已旋回詢據覆稱探明  
前次差來額爾沁實係木素滿庫里所遣並

非卡雜克之偽造及木素滿庫里扶立胡達  
雅爾為伯克等情旋據喀什噶爾貿易之安  
集延呼岱達奈邁提呈遞霍罕明巴什木素  
滿庫里稟字雖無違悖字句惟於卡內居住  
克什米爾巴達克山貨稅希皮察克布魯特  
地租仍稱前已賞了他們又於推依博特路  
上色列克雅爾地方將回子邁買底敏放了  
卡子伯克在彼抽收貨稅又稱要在巴達克  
山路上築城安卡收稅各等情業經該大臣

等據理曉諭並加申斥該呼岱達方為懾服承應現已喚回邁買底敏並將卡子概行拆毀所辦俱好惟夷性貪詐以後難保不仍行妄干該大臣惟當相機開導設法羈縻免致滋生事端方為妥善其布魯特等賊匪疊次在卡外地方聚眾騷擾亦經該大臣派兵防堵自不可稍有疏虞惟該匪等倏聚倏散形跡詭譎究係因何起釁果係何處布魯特糾合滋事意欲何為仍著該大臣等選派妥當

曉事之回子出卡密訪確情據實具奏又另片奏黑孜塔克布魯特邁買提玉素普等呈出安集延呼岱達奈邁提圖書字一紙係稱明巴什胡什伯克諭令轉傳所管布魯特等有戴用中原人之頂帶者俱著送還等語因疑布魯特聚眾亦係該呼岱達之唆使自屬有因嗣後仍應隨時嚴密稽查以防隱患又另片所稱齊清額鈔寄探信回子報單內有聞得葉爾羌所屬奇盤莊明巴什差人與的

瓦年送馬四十匹並云送馬之回子仍與帶路前來葉爾羌等情亦經該大臣密飭訪查尚無確據仍應再飭密查毋任稍存回護總之回情叵測難以逆料惟在該大臣隨時理諭即事嚴防固不可稍涉張皇亦不容少疏防範以安夷情而靖邊圉是為至要將此諭令知之○乙未

上詣綺春園問

皇太后安○丙申諭內閣前據御史謝榮堃奏

稱浙省匪徒肆行毒害民心惶惑一摺當經降旨飭令梁寶常嚴密查拏懲辦茲據奏稱先於五月間訪聞蕭山縣地方瞿韓二姓幼孩同時猝斃人疑為中毒因有傳單相戒之事並有扭送之人續據查明並非中毒不願檢驗又拏獲童和尚等數名身帶糕餅痧藥試食無恙羣疑遂釋等語匪徒行蹤詭秘斷不可因無實據稍懈查拏著內外各衙門認真訪察有犯必懲一經拏獲到案悉心研究

其或誘拐售賣。或用藥迷人。總當根究明確。分別懲辦。概不得豫存成見。妄行周內。尤不得化大為小。草率了事。以祛邪慝而安善良。又諭陸建瀛奏查明銅廠情形。現在催辦一摺。據稱瀘店存銅短少。不敷起運。著該撫督率司道嚴飭各廠員趕緊趲辦。源源發運。並飭各路店員。隨收隨運。不准片刻積壓。一面檄令各廠員並地方官。無論本境隔境。廣覓新廠通力合作。如敢仍蹈積習。即行叅懲。嗣後領運人員。著責成本省藩司遴委廉幹之員妥為經理。儻派委不得其人。以至那移延誤百弊叢生。於銅務大有關係。責有攸歸。毋稍寬縱。其經由各省。向由派出催趲之藩臬大員實力嚴催前進。以杜稽延。儻敢視為具文虛應故事。致有耽延玩誤等弊。定當查明懲處不貸。○諭軍機大臣等。本日據都察院奏廣東民人陳通合控案。已明降諭旨。交書英等提訊矣。據控鹽戶巡丁挾讎誣稟。差

役率領土棍毀搶店貨。濫捉平人。致斃三十餘命之多。如果屬實。大干法紀。該督等迅即親提究辦。秉公查訊。務得確情。以儆刁風。至該委員有無受賄徇私。及該縣知縣果否回護前詳。延不拘留。著一併認真查究。據實奏。毋稍含混。將此諭令知之。尋奏訊明。陳亞利等實係興販私鹽雇船戶。陸有船隻裝載。被巡丁何連等查獲。陳亞利擲石拒捕。致何連閃跌落河淹斃。並非鹽戶巡丁挾讎誣稟。

該縣營因赴郭亞瑞陳通合鋪內查拏私犯陳亞利時。兵役僅止將其鋪門打毀。並無率領土棍毆搶店貨。致斃三十餘命之事。委員王銘鼎實無得賄徇私。知縣謝嵩齡亦無心存回護。延不拘留等情。陳亞利合依闖毆殺人者不問手足他物金刃並絞監候例。擬絞。監候業經病故。應毋庸議。陳通合捏情京控。應照薦越來京告重事不實例。發邊遠充軍。惟伊堂姪代為首明。且已病故。亦毋庸議。其

餘各犯照例分別擬罪下部議從之○禮部

奏八月初十日

萬壽節應行禮儀得旨照例行禮停止筵宴○

丁酉

上御勤政殿聽政○以太常寺卿桂德為通政

使司通政使○禮部議准安徽巡撫王植疏

報採訪建平縣貞節婦女王呂氏等五百五

十九口盱眙縣李金氏等六百七十口請各

建總坊旌表從之○貸陝西西安滿洲營弁

兵俸餉銀修理衙署房屋○戊戌中元節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○諭軍機大臣等寄諭兩

廣總督耆英廣東巡撫黃恩彤兩江總督壁

昌江蘇巡撫李星沅耆英等奏沙船在洋被

夷盜劫取物件殺傷水手一摺已飭令沿海

各將軍督撫等確探嚴緝矣此次夷盜肆劫

並給與夷字一紙雖經聽首辨認實係誤字

該督等仍當確切查明此項盜船是否確係

夷盜抑或有洋盜假冒之事其船現已駛往

何處曾否追獲至該領事所派兵船自應仍

遵條約即速追回以免日久遊奕致沿海見

而驚疑該督撫等惟當不動聲色嚴密防範認真查拏毋稍疏懈是為至要將此各諭令知之○又諭寄諭盛京將軍奕湘直隸總督訥爾經額閩浙總督劉韻珂福建巡撫鄭祖琛浙江巡撫梁寶常山東巡撫崇恩耆英等奏沙船在洋被夷船劫取物件殺傷水手喚首派船追捕現已飭令趕緊追回一摺夷船在洋行劫難保無內地奸民勾結附和必應及早捕拏而商盜驟難辨認尤須確切偵探

實力捕獲著各該將軍督撫等飭屬不動聲色確探盜船蹤跡認真追捕一面仍嚴密防範其該夷所撥捕盜兵船已有旨諭令廣東江蘇各督撫仍遵條約趕緊追回免致日久滋奕俾沿海見而驚疑將此各諭令知之○以拏獲盜犯予廣東知縣袁銘泰等升敘有差○己亥以拏獲盜犯予山東知縣葉圭書以直隸州知州升用○辛丑上詣綺春園問

皇太后安○命陝甘總督布彥泰撥銀五萬五千兩解赴塔爾巴哈台備道光二十八年經費○壬寅

上御閱武樓閱吉林黑龍江送到官兵馬步射諭內閣壁昌奏京控案內要犯未獲請飭一體會拏一摺此案蕭縣職員段景和前以勾串夥劫等情控經步軍統領衙門具奏當降旨交壁昌親提審訊茲據奏稱訊明邀同夥劫之趙廷中即趙自新一犯籍隸河南永

城縣業據該縣查明曾充該縣捕役即經該督移咨提解並劄委徐州道會同該鎮督飭員弁合力兜擒詎該犯黨與復敢潛回永城迨經兵役會拏追至碭山境內該夥匪等膽敢拒傷縣役並拒斃眼線李貴一名似此要犯拒捕致斃人命不法已極必應併力追捕方免此拏彼竄著壁昌督飭鎮道等再行勒限嚴緝該犯等現既潛回永城何難就近擒捕著鄂順安嚴飭該管道府縣營嚴密躡緝



按名弋獲歸案究辦毋得稍分畛域致令遠颺○癸卯諭內閣賀長齡奏漢回構隙現辦情形等語滇省漢回夙嫌未釋或護其同類或私設牛叢偶有爭端遊匪慫恿附和往往釀成鉅案自應破除積習永杜弊端著賀長齡督率所屬嚴禁牛叢力行保甲凡土著民人無論漢回悉聯為一體如有外來遊匪即行驅逐以絕其構煽之端至遇漢回交涉事件尤當秉公持平一視同仁無分畛域庶令

信義相孚猜嫌悉化以靖邊域儻不能認真辦理事事覈實嗣後仍有滋事之處惟賀長齡是問懍之○調雲南開化鎮總兵官李能臣為騰越鎮總兵官騰越鎮總兵官吉昌為開化鎮總兵官○以雲南勦辦回匪事竣布政使趙光祖下部議敘賞道員徐思莊知府黃德源參將桂林存佳千總施化庸陳得功土把總左大雄花翎都司巴揚阿等藍翎餘升敘有差○甲辰諭內閣杜受田柏後前派

承修本年

東陵另案工程著改派阿靈阿陳孚恩敬謹修理其禧恩等所請速為修理

昭西陵寶城垛口等處各工即交阿靈阿陳孚恩一併敬謹承辦○諭軍機大臣等前據壁昌奏江蘇職員段景和京控被盜行劫拒斃伊弟案內要犯趙廷申即趙自新籍隸河南永城縣咨提據覆永城縣革役趙自興即趙智深又名趙廷申差查不知去向傳訊犯父

趙三才等供稱於未奉差提之先前往山西未回等語本日據鄂順安奏查據該縣稟稱提訊革役趙自興家屬據供趙自興即趙廷申外出未歸旋經訪得趙廷申偕黨潛回會營往捕業已聞風逃遁兵役跟捕被其夥黨拒傷等情趙廷申係劫案要犯既據該犯父供有前往山西之說其初次破案時曾否潛匿山西至此次回籍拒捕後難保不逃至晉省暫行避匿著吳其濬迅即飭屬查明該犯

現匿何處地方。嚴密緝拏務獲。解往江蘇歸案審辦。毋令聞風遠颺。將此諭令知之。尋奏探得趙廷申仍在河南永城縣金寶山一帶潛匿。現飭各縣營偵探。如各犯潛入境內。立即查拏務獲報聞。○乙巳諭軍機大臣等。御史戴綱孫奏。河東鹽務商力已疲。請量為變通一摺。據奏鹽法之善。莫過於民運民銷。而官收其稅。河東商力疲敝。比以舉報充商。大為閭閻之累。請倣照乾隆年間河東鹽課改

入三省地丁完納舊例。酌量變通等語。著吳其濬體察情形。該御史所奏是否可行。悉心妥議具奏。原摺鈔給閱看。將此諭令知之。尋奏河東官池由唐迄今。外設禁牆以防作踐。內通畦渠以潄鹵泉。稍不完繕淡水滲入。則全池之鹵即行融釋。是以附近山溪。輦築堰陂。不使涓滴潛注。每歲搶修。皆係商捐生息。所費甚鉅。一歸民運。竈丁無力修葺。不過一二年間。即成荒灘。所產之鹽夾雜硝鹵。不便

民食。徒棄天產。且恐官池委之於民。必致無鹽可稅。此不敢輕議改歸民運者也。再查三省鹽課攤入地丁全卷。祇係晉省主議。並未咨商各省。以致兩淮天津均以晉鹽充塞。大礙官綱。至嘉慶十二年。即復改歸商運。是當時草率立案。本未周妥。以今日山西情形。而論驟攤鹽課二十八萬。有奇。恐民力不支。勢將增累窮黎。且河東之商一聞改法。無論殷乏俱存觀望。更恐於奏銷大有妨礙。此不敢

輕議撥入地丁者也。報聞。○添設寧夏滿洲營糧槍從將軍舒倫保等請也。○丙午諭內閣。鄂順安奏審擬聚眾鬧堂案犯並聲請鼓勵一摺。此案拏獲鄰省要犯之山西陵川縣知縣劉承寬著賞加同知銜。餘著刑部速議具奏。尋奏河南新鄉縣民賈學彥因圖減少納糧錢文。輒傳帖聚眾入縣滋鬧。致所糾之人傷官擬斬。立決梟示李兵妮下手傷官。擬斬立決。餘按律問擬。署新鄉縣知縣彭鳴盛。

訊無浮收勒折情事。應毋庸議。從之。○旌表守正捐軀四川大竹縣民羅承萬妻譚氏。○丁未諭軍機大臣等。寄諭兩廣直隸兩江閩浙湖廣山東江西各督撫。前有人奏稱近日多有匪徒迷毒幼孩之案。起自浙江。沿及各省等語。當有旨令各該督撫飭屬嚴拏究辦矣。朕思此等匪徒行蹤詭秘。若如所奏訪獲到官。熬審受刑。並無畏懼。又何肯供吐實情。儻承審各官畏難遷就。且為規避處分起見。勢將使匪徒等倖逃法網。殘害民生。關繫匪淺。著各該督撫接奉此旨。務即督飭所屬。於拏獲到案之犯。悉心研鞫。不可稍有成見。畸重畸輕。尤不得意存消弭。化大為小。總期水落石出。按律嚴行懲辦。以祛邪惡而靖地方。是為至要。將此各諭令知之。○禮部議准。江西巡撫吳文鎔疏。報採訪貴溪縣貞節婦女潘何氏等一百四十八口。請建總坊旌表。從之。○戊申。

仁宗睿皇帝忌辰。遣官祭昌陵。○上詣安佑宮行禮。○己酉。上詣綺春園問皇太后安。○諭軍機大臣等。本日據刑部奏。江蘇民人徐雲江呈訴夷務。請飭解回查辦一摺。已明降諭旨。交李星沅督同臬司訊究矣。此案徐雲江所控各條情節較重。不可不確切詳查。李星沅等接奉此旨。務當平心靜氣。訊究確情。總期水落石出。斷不可稍存成見。致令不實不盡。是為至要。原摺原呈均著鈔給閱看。將此諭令知之。○命陝甘總督布彥泰撥銀八千兩。解赴喀喇沙爾。備道光二十八年經費。○准江西吉安幫軍船遭風沈溺米一千一百三石分限買補。○庚戌。諭內閣。前據布彥泰奏。審訊首逆胡完供詞。與原卷迥不相符一案。旋因布彥泰已簡任陝甘總

督特降旨交薩迎阿研訊確情具奏。茲據奏稱訊明胡完本名薩密斯頂並非布孜爾罕亦無從逆情事。證據甚為確鑿。是奕經等審辦此案並不悉心研鞫。任聽伯克誣捏教供。委員刑逼妄認。幾至誤入叛逆重罪。昏瞶謬妄。莫此為甚。奕經著即革職發往黑龍江充當苦差。齋清額以專城大臣審轉不實。著一併革職發往伊犁充當苦差。賽什雅勒泰隨同會奏並未深究案情。亦屬不合。著改為降

三級留任。不准抵銷。英吉沙爾回務筆帖式富德渾承審此案。率用刑求。且於邁瑪特等捏添供詞。並不深究。著革職從重發往烏魯木齊充當苦差。葉爾羌回務章京西林泰喀什噶爾回務章京和德那派委會審。均未能審出實情。俱著革職。換防參將蘇芳阿遊擊馬忠良雖係武職不諳例案。究於重案未能隨同詳審。咎亦難辭。著一併革職。毋庸交部覈議。至胡完一犯雖訊無從逆情事。惟據供

有酗酒賭博抗欠誣告及姦拐婦女等情。邊疆重地斷難容此不安本分之人。著即定地充軍。致仕大學士阮元奏謝加太傅銜重赴鹿鳴宴恩得旨覽奏均悉。願卿福壽日增。以待三赴鹿鳴之盛也。○以故廣西太平府屬龍英土知州趙奉矩弟奉藩襲職。○辛亥諭內閣禁禁城內例應肅靜嚴密不准閒雜之人擅自出入。立法極為周備。惟值班官兵人等日久玩生漸形疏懈。自應重申禁令。密

示防閑。著該管各官查照舊章實心稽察嚴禁閒人等往來出入。儻遇有形跡可疑之人立即究治。以昭慎重而重關防。○賞內閣學士德齡副都統銜。為英吉沙爾領隊大臣。以二等侍衛托精阿為伊犁領隊大臣。○壬子諭內閣都察院奏查明各省京控咨交案件逾限並上次展限已逾仍未審結各案。開具清單呈覽。各省民人來京具控經各衙門咨交之後該管上司自應勒限嚴催迅速審辦。

茲據都察院查明該衙門咨交各省逾限未結統計三十一案之多。步軍統領衙門咨交各省逾限未結統計十六案之多。任意積壓。玩泄已極。著吏部即將承審逾限各督撫將軍都統府尹及委審各員應得處分查取職名分別議處。並著該督撫等迅速審辦完結。毋任延宕致干咎戾。○又諭裕泰等奏請將被控之知縣先行撤任一摺。湖北棗陽縣知縣熊文鳳於被控任聽丁役縱犯諱盜及需

索民財各案。未能將犯證丁役人等依限解省實屬玩延。著先行撤任。交裕泰等親提審訊。並勒令交出門丁及協同署任之員拘集各案犯證及書役人等。剋日解省聽候審訊。按律定擬具奏。尋奏訊明民婦蕭馬氏被劉大發糾竊財物。該氏夫姪蕭茂桐捏告丁役舞弊改盜為竊。業經蕭馬氏自行呈明。監生謝凌魁因被革不甘。誣控該縣需索民財。請將劉大發依律擬杖徒。謝凌魁坐誣該縣熊

文鳳兩案解審遲延。例有處分。現已病故。免其置議。下部議從之。○又諭。經額布等奏查勘三姓被水情形。並運米接濟一摺。三姓地方被水。淹及城署田廬。該民乏食。倉貯周圍水浸。現經該將軍等籌款購買商米賑給。並於省城公倉動撥應放俸米三百二十石。剋期運往接濟。俟水消退後。即動該處倉貯之穀。照歷次辦過成案。發給災戶自行碾食。省中即行停運。○諭軍機大臣等。經額布等奏。

查勘三姓被水情形。並運米接濟一摺。均著照所議辦理。惟旗民等驟被水災。情形殊堪憫惻。著即速飭委員詳細查明災分戶口房糧各數。分別情形。一面妥為辦理。一面據實具奏。另片奏寧古塔瑯春各地方河水漫溢。淹及田廬義倉等處。現派員分路往查等語。著即切實查勘。是否成災。迅速分別辦理。將此諭令知之。○湖南巡撫陸費瑤奏遵訪匪徒毒害幼孩情形。得旨嚴密查辦。斷不可輕



皇太后安。○諭內閣前據布彥泰奏審訊首逆胡完供詞與原卷迥不相符。當因布彥泰簡任陝甘總督降旨交薩迎阿審訊。茲據訊明胡完本名薩密斯頂並非逆子布孜爾罕。亦無從逆情事。證據甚為確鑿。布彥泰查訊供詞首先平反冤獄。甚屬可嘉。著加恩交部從優議敘。薩迎阿承審此案。詳慎定擬。甚屬允當。著交部議敘。○乙卯。

上詣

大高殿行禮。○還宮。○以祭

社稷壇。自是日始齋戒三日。○丙辰。秋分。夕月於西郊。遣禮親王全齡行禮。○命翰林院侍講沈兆霖在上書房行走。授惇郡王奕誼讀。○以戶部右侍郎徐士芬提督順天學政。署吏部左侍郎李鴻提督江蘇學政。太僕寺卿羅惇衍提督安徽學政。詹事府詹事孫葆元提督江西學政。兵部右侍郎趙光提督浙江學政。宗人府府丞彭蘊章提督福建學政。翰

林院編修梁同新提督湖北學政。江國霖提督湖南學政。葛景萊提督河南學政。太常寺卿何桂清提督山東學政。編修龍元僊提督山西學政。王祖培提督陝甘學政。徐士穀提督四川學政。內閣學士全慶提督廣東學政。編修周學濬提督廣西學政。王恩祥提督雲南學政。何桂珍提督貴州學政。奉天府府丞兼學政龔文齡留任。○以內閣學士朱鳳標署戶部右侍郎。兼管錢法堂事務。內閣學士

黃琮署兵部右侍郎。○丁巳。祭

先師孔子遣大學士卓秉恬行禮。○大學士軍機大臣穆彰阿等議覆伊犁將軍薩迎阿奏開墾烏嚕木齊地畝章程。查烏嚕木齊所屬籌辦開墾地畝。挑挖渠道。前經該都統惟勤奏稱辦有成效。奉旨飭查。茲據該將軍查明鎮西府所屬宜禾奇台二縣開墾地二萬四千五百六十九畝。迪化州及所屬昌吉阜康綏來濟木薩呼圖壁六處開墾地四萬五

千六百畝噶遜所屬柴節博一帶開墾地三千一百五十畝庫爾喀喇烏蘇所屬奎屯等處開墾地一萬零一百一十畝精河所屬托托克台等處開墾地三千零九十畝共十一處開墾地八萬六千五百一十九畝察其所奏情形自係實有裨益應如所請令烏魯木齊都統於試種限內隨時委員查勘無致始勤終怠至升科年限新疆定例本係六年既據聲稱此次招徠各戶實係舊戶旗族非口

內新遷者可比定限二年亦為妥協內除噶遜等三處應照迪化所屬每畝京升糧九升六合三勺升科無庸更議外其所請宜禾奇台迪化昌吉阜康綏來濟木薩呼圖壁八處減半升科之處辦理殊未盡一應令該都統察看情形俟試種二年之後果能收穫豐盈應仍照各屬正額升科無庸議減以符定則從之調湖北學政梁同新提督湖南學政湖南學政江國霖提督湖北學政以翰林

院編修蕭浚蘭提督雲南學政戊午祭

大社

大稷

上親詣行禮幸圓明園詣綺春園問

皇太后安諭內閣昨據刑部奏結職官挾優飲酒一案已依議行矣此案各該員以職官恣意遊蕩均屬卑鄙無恥咎無可辭惟案內之王恩祥一員現官翰林平日自宜敦品勵學謹慎自愛乃竟踰閑蕩檢甘蹈狎邪更改

姓名尤屬巧詐卑鄙昨經朕簡放學政設使此案倖未舉發尚安望其訓迪有方為士林表率耶王恩祥行止卑污有玷清班革職不足蔽辜著從重發往軍臺效力贖罪以為身任詞臣不知檢束者戒以戶部尚書祁寯藻為順天鄉試正考官兵部尚書文慶吏部右侍郎福濟為副考官己未戶部議准廣西巡撫周之琦疏報天保縣開墾田十一畝照例升科從之○庚申



上御同樂園。賜皇子內廷王大臣及蒙古王公額駙等食。命陝甘總督布彥泰撥銀十三萬八千兩有奇。解赴葉爾羌。已爾楚克烏嚕木齊備道光二十八年經費。○辛酉。
太宗文皇帝忌辰。遣官祭。
昭陵。○壬戌。
萬壽節。遣官祭。
太廟後殿。○遣官祭。
福陵。
昭陵。
昭西陵。
孝陵。
孝東陵。
景陵。
泰陵。
泰東陵。
裕陵。
昌陵。遣官祭。

孝穆皇后。
孝慎皇后。
孝全皇后陵寢。○遣官祭。
顯佑宮。
東嶽廟。
城隍廟。
上詣。
安佑宮行禮。○詣綺春園。
皇太后前行禮。○御正大光明殿。皇子及王以下文武大臣官員蒙古王公額駙等行慶賀禮。○御同樂園。賜皇子及王以下文武大臣蒙古王公額駙等食。○癸亥。
太祖高皇帝忌辰。遣官祭。
福陵。○諭內閣。兵部等衙門會議廣東已革知縣浦國仁收贖軍臺效力贖罪一摺。軍臺廢員向無收贖之例。浦國仁仍著不准收贖。嗣後各省遇有軍臺廢員捐贖之案。著照舊例奏明請旨。概不准違例題咨。以符定制。○甲

子。

上詣綺春園問。

皇太后安。乙丑。

上詣

安佑宮行禮。遣官祭

關帝廟。添設英吉沙爾印房回務章京一

員。專用六部筆帖式。從伊犁將軍薩迎阿請

也。豫購東河來年備防歲料。從河道總督

鍾祥請也。戶部議准。浙江巡撫梁寶常疏

報。仁和場開墾沙蕩灘田五頃三十七畝。有

奇。照例升科。從之。丁卯。旌表守正捐軀安

徽壽州民張友妻郝氏。戊辰。遣官祭黑龍

潭

昭靈沛澤龍王之神。玉泉山

惠濟慈佑靈瀨龍王之神。昆明湖

安佑普濟沛澤廣生龍王之神。密雲縣白龍

潭

昭靈廣濟普澤龍王之神。遣官祭圓明園

惠濟祠。

河神廟。己巳。遣官祭昭忠祠。以修補營

船出力。予福建縣丞黃宜之等升敘有差。

庚午。順天府以宗室鄉試中額請。得旨。取中

四名。以詹事府少詹事葉觀儀充日講起

居注官。以雲南開化鎮總兵官吉昌不勝

任。命發往陝西以副將用。以山東膠州營副

將塔清阿為開化鎮總兵官。添製贊把喇

特烏槍八十桿。從密雲副都統雙德請也。

貸密雲駐防修理兵房軍器銀。辛未。

上詣綺春園問。

皇太后安。壬申。諭軍機大臣等。寄諭盛京。直

隸。江南。浙江。福建。山東。廣東。七省將軍督撫

提督等。軍機大臣等。奏密議者。英奏繕進陸

贄守備事宜狀。並練兵儲餉等項事宜一摺。

練兵儲餉。為邊防要務。洵宜準今酌古。實力

講求。唐陸贄緣邊守備事宜狀一疏。於理兵

儲餉再三致意。曲盡邊防要領。著各該將軍

督撫提督等咸錄一通。置諸座右。務宜惕目警心。反覆尋繹。斟酌以求其當。變通以適其宜。於籌策邊防。自有裨益。至各營兵丁技藝之優劣。視將弁操演之勤惰。總在勤加訓練。將弁得人。嗣後廣東水陸各營。自副將以下。守備以上。著即責成該提督等督同該鎮。隨時考覈。果能教練有效。兵丁悅服者。據實保舉。由者英覆覈。年底密摺陳奏。候朕點出一二員。由該督給咨赴部引見。聽候擢用。此外

海疆各省。著照此認真覈辦。至儲餉以備非常。必須豫籌。方免支絀。著該督撫等轉飭各海關該管官。嗣後奏報徵收錢糧時。計一年稅數贏絀。將徵納尾銀。酌留數萬。或數千。覈定數目。奏交各省藩庫。另款存貯。以資儲備。並著奕湘。詢爾。經額。崇恩。按照各該省情形。分別輕重緩急。酌量籌辦。務令積之既久。以裕軍實。凡此訓練儲蓄。因為籌邊要術。然總在平日恤之以仁。推之以恩。要之以信。制之

以義而復嚴號令。明紀律。公賞罰。德懷威畏。以固結人心。振作士氣。俾上下一體。有進無退。方為有用之師。該將軍督撫提督等。務須激發天良。深自刻勵。毋稍苟安。於弁兵等體恤倍至。以實心待之。自可得其實心。而緩急可恃矣。至各處船隻礮位礮臺陣式一切事宜。均宜事事認真。各收實用。不得徒飾外觀。有名無實。尤不得稍涉張皇。致啟疑慮。總須不動聲色。嚴密籌辦。是為至要。再者英此次

密陳練兵儲餉事宜片一件。現經鈔寄。著各該將軍督撫等收存內署。勿庸札行該屬。致有宣洩。並著嗣後遇有密寄事件。俱毋庸札行該屬。以昭慎重。將此各諭。知之。○又諭。本日布彥泰奏。巡邊大概情形等語。番匪擾及邊界。自應先固藩籬。以杜窺伺。現據該督相度西寧一帶地勢。或因河為固。或扼險設備。著即擇要籌防。妥為布置。所有哈喇庫圖爾之南山根。南川營之青石坡等處。應如何

移建營堡及黃河北岸之頭岱東信忙多等處渡口應如何設卡嚴防仍復舊制均著於巡查甘涼肅州等處邊卡完竣後綜覈全局悉心妥議具奏總期訓練認真卡防扼要俾番族無從偷越致有顧此失彼之虞方為妥善將此諭令知之尋奏貴德廳所屬西番往偷渡河北從前設有防河官兵河勢紆互固不能周防而有賊渡河可以先得信息即報察罕托洛亥等防城互為防範後雖屢次

減撤沿河尚有官兵自道光二十三年富呢揚阿奏將防河之兵全數裁撤添設將軍臺會亭子二城專恃防所堵禦遂令聲息難通於防堵並無裨益自宜仍復防河舊章請於察罕托洛亥等防城駐兵一千二百名內撥出兵六百名再於西寧河州二鎮添派兵四百名分布沿河扼要之頭岱東信忙多等渡口派令守備千把等弁分帶嚴密防守仍歸察罕托洛亥駐防副將統轄又西寧鎮屬哈

喇庫圖爾營所管之南山根南川營所管之青石坡兩處山勢峻拔為野番必由總路俱應安兵駐守擬於南山根安兵一百名亦由察罕托洛亥防兵內酌撥並派千總一員外委二員管帶輪替駐守其青石坡安兵一百五十名即由該管之南川營就近撥派惟南川營額兵無多擬先由西寧鎮標照數派往亦酌派千總外委等員管帶駐守應請於南川營酌添兵二百四十六名在甘肅腹地事

甘肅營案

奏

簡營汛抽撥仍歸南川營都司管轄撥定以後青石坡即作為該營汛卡以歸簡易新設之將軍臺會亭子二城應統歸附近之察罕托洛亥防城管轄西寧鎮屬大通永安等營所管之都濟石打板黑石頭等九處甘州提屬永固協等營所管之扁都口等十一處肅州鎮屬嘉峪關內紅崖等營堡所管之石灰關等大卡十六處涼州鎮屬永昌協等營所管之白石崖等十一處均屬沿邊最要口隘

應派弁兵自三四十名至百餘名不等。悉令照數派往常川駐守。其甘州提屬扁都口外之野馬川。即責成扁都口一帶營卡嚴密防範。此外沿邊僻小口隘甚多。勢難概派弁兵駐守。查有舊挑坑塹。以遏賊馬奔突。仍飭令附近汛卡一體嚴防。下軍機大臣會同兵部議行。○兩江總督壁昌等覆奏遵拏誑幼孩匪徒。查無確據。得旨審辦此等案件。斷不可意存成見。尤不可附和宣揚。以致惶惑人心。

心弄假成真。無忘人無覺焉。妖不自作之語。詳之慎之。靜以處之。又奏人情厭常喜新。道聽塗說。以訛傳訛。殊難憑信。批。今夏京中傳聞此說。朕早洞悉。卿等不知耳。○以勦捕番匪出力。賞甘肅遊擊富爾格訥都司王定。等德祥守備辛殿甲。曹中選千總趙維傑。馬維江。信韓繼紳。花翎千總秦湧等藍翎。餘升敘有差。○癸酉。

上御閱武樓。閱八旗火器營操。○甲戌。

上御洞明堂。勾到上年新疆雲南貴州廣東廣西情實罪犯。停決新疆斬犯一人。貴州斬犯八人。絞犯二人。廣東斬犯一人。廣西斬犯一人。餘五十六人予勾。○諭內閣。賀長齡奏軍犯奮力效誠。請援照回疆遣勇將功贖罪成案。准其釋回等語。所奏甚屬謬妄。內地與回疆情形迥不相同。在配軍犯。自宜嚴加管束。不得藉端遽請免罪。致使妄生希冀。該督總制兩省營伍。不惟雲南之兵歸其統轄。即貴

州各營亦無難隨時檄調。此次辦理么膺回匪。何必藉一軍犯之力。練勇相助耶。所請著不准行。賀長齡辦事毫無見識。懦弱無能。有負朕望。著傳旨嚴行申飭。仍交部議處。○以葉爾羌參贊大臣賽什雅勒奏為內閣學士兼禮部侍郎銜。○乙亥。

世宗憲皇帝忌辰。遣官祭

泰陵。

上詣

安佑宮行禮。○諭內閣上年雲南回匪滋事。經賀長齡親往督勦。辦理果協機宜。何至本年復有蠢動。現在雖據該督奏稱連獲勝仗。地方安謐。惟究未能及早籌防。優柔從事。致復勞師糜餉。已屬咎無可辭。甚至以總督重任。兩省營伍。皆其統轄。豈竟調遣乏人。轉藉一軍犯之力。練勇助勦。誤妄無能。莫此為甚。賀長齡不勝總督之任。雲貴總督著李星沅補授。即馳驛前赴新任。江蘇巡撫著陸建瀛調

補。李星沅未到任以前。雲貴總督著陸建瀛兼署。俟李星沅到後。即馳驛前赴江蘇巡撫。新任陸建瀛未到任以前。江蘇巡撫著陸蔭奎署理。藩臬兩司。即著派員遞署。雲南巡撫著張日晟補授。亦著馳驛前赴新任。賀長齡著即降補河南布政使。均無庸來京請訓。○丙子。諭內閣壁昌等奏請將要缺知府援案改為調缺一摺。江西贛州府一缺。向係請旨簡放。茲據該督等奏稱該處與閩粵接壤。匪

徒出沒靡常。必得在省年久素悉民隱之員。方能藉資整頓。著准其將贛州府一缺改為調缺。於通省知府內遴選人地相宜之員。奏請調補。其所遺之缺。仍請旨簡放。以符定制。○諭軍機大臣等。賽什雅勒泰等奏布魯特賊匪突入山口。搶掠回莊。拒殺軍臺弁兵。即時竄匿情形一摺。此次布魯特賊匪膽敢擾掠軍臺。拒殺弁兵。必應大加懲創。雖據該大臣等奏稱派兵追勦。業已即時竄匿。難保不

復出滋擾。著該大臣等咨會各城督飭員弁伯克等。選派精壯兵丁。嚴密防堵。如有賊匪竄入。務即認真督勦。或設法兜擒。或斷其後路。總期悉數殲除。使該匪等望風懾服。儼既經逃竄。不必出卡窮追。仍應嚴守卡隘。並相度機宜。斟酌妥辦。被戕弁兵。著該部照例議卹。所請將伊斯瑪依勒革去伯克。及伊斯瑪依爾革職留任之處。均毋庸議。其自請嚴加議處。亦著加恩寬免。該大臣等惟當激勵將

弁事事認真。既不可過事張皇。尤不可稍形疏懈。又另片奏。訊出賊首有的瓦年。及與賊匪夥聚之蘇賴滿。究係何處回子。此二人形跡均屬可疑。務須嚴密查拏。一經緝獲。著即切實根究。有無煽惑詭謀。並其中是否另有指使之入。一併嚴拏究辦。毋令漏網。將此諭令知之。命陝甘總督布彥泰撥銀七萬六千兩。有奇。解赴喀什噶爾。英吉沙爾備道光二十八年經費。○丁丑。

上詣綺春園問

皇太后安。○諭內閣。那桑阿年逾六旬。精力就衰。華山泰身體過笨。那桑阿。華山泰均著退出乾清門。在外辦理旗營事務。二等侍衛巴圖隆阿。現年亦逾六旬。精力就衰。惟在乾清門行走二十年。於差使並無失錯。著加恩賞給頭等侍衛。退出乾清門。在大門上行走。○撥直隸熱河道庫銀六千兩。發商生息。修避暑山莊城牆。及官兵堆撥房間。從總管烏明

阿等請也。○修浙江奉化縣城垣。從巡撫梁寶常請也。○戊寅。諭內閣。梁寶常奏浙西善後案內續建要工。籌款興辦一摺。浙江乍浦當南溪之衝。為浙西第一門戶。該處城垣衙署等項工程。均關緊要。著即趕緊修建。以資捍衛。所需工料運腳銀十四萬餘兩。即在善後捐輸餘存銀錢內支用。總期工歸實用。費不虛糜。一俟全竣。仍由該撫覈實驗收。儻查有草率偷減等弊。著即指名嚴叅懲辦。斷不准視為具文。稍存姑息。至此項工程。既據該撫奏稱節省。可為鑄礮之用。即飭一面製模。設廠務須揀選鐵料。並熟練工匠。如法鑄造。造成後。揀派熟習曉事之員。監視演放。總期一礮得一礮之用。不致有名無實。徒滋糜費。○諭軍機大臣等。軍機大臣等會議。賀長齡奏要犯軍前繳械投誠。願招餘黨一摺。此案回民張富兩次糾眾滋事。本屬律不准首。茲據帶同夥黨赴營投首。並呈繳器械。情願招

出餘黨。籲求免罪。該犯張富罪重難逭。是否果係悔罪出於至誠。力求自新之路。抑係勢盡援絕。窮感來歸。或另有入慫恿。令其投首。希圖免罪一時。仍難免再行滋事之處。著李星沅。張日畧。到任後嚴密訪查。悉心體察。據實具奏。毋得稍涉含混。代人受過。儻所查不實。別經發覺。該督等斷不能當此欺飾之罪也。懍之慎之。至該犯張富所帶投誠夥黨。除馬效青外。共有若干名。有無著名要犯。共繳

器械若干。亦著於覆奏時一併詳悉聲明。將此諭令知之。○己卯。遣官祭賢良祠。○諭軍機大臣等。本日據梁寶常奏。遵旨密捕夷盜。並喚夷追捕兵船折回上海一摺。該夷捕盜兵船。業已折回上海。尚屬守約。惟夷盜在洋行劫。果能辨認明確。自應知會廣東。交該省自行辦理。至內地奸民。難保不裝點夷船式樣。巧避查拏。任意在洋游奕。該管營縣等即明知並非夷船。又恐一經誤拏。致啓釁端。因

而相率因循。不肯認真查究。該洋盜等窺破此意。益復毫無畏忌。恣情劫掠。又安望盜風日息。海宇肅清耶。著各該督撫等悉心籌度。應如何不動聲色。詳細辨認。不使奸民得以偽託。庶查拏確有把握。固不得稍有舛錯。尤不得任聽營縣。巧為諉卸。方為妥善。將此各諭令知之。○以廣東惠潮嘉道李璋煜為浙江按察使。○撥浙江漕截餘贖銀四千八百兩。有奇。協濟杭嘉湖三屬減歇軍船幫丁米

石。庚辰諭內閣。訥爾經額等奏遵旨會查長蘆幕友被叅款跡。逐令回籍一摺。長蘆幕友徐楊小梅著訥爾經額派員押交刑部訊明。請旨。○緩湖南幫丁應交上年借支天津道庫銀。○辛巳。

上御洞明堂。勾到上年四川情實罪犯。停決斬犯十四人。餘八十五人予勾。○兩江總督壁昌等覆奏查驗江防礮隄添設土檔土墩並閱演沿江兵礮啓程日期。得旨。曩實得力為





天錫等升敘有差。○乙酉。

上御洞明堂。勾到上年福建奉天陝甘情實罪犯停決奉天斬犯四人。陝甘斬犯八人。絞犯二人。餘六十人。予勾。○展緩河南尉氏縣被水地畝正雜額賦。○丙戌。諭內閣著英等奏徵收關稅請暫緩定額一摺。粵關稅數定額著准其展限一二年。隨時察看情形。再行公同酌定具奏。○又諭前據劉韻珂等奏福建署寧洋縣知縣周丙南擅行招商。及家丁被控需索。曾經降旨撤任。交該督等嚴審確情具奏。茲據奏稱訊明該縣出示招商。由於誤會文札。迨奉免舉明文。即遵照辦理。亦無家丁串同索詐情事。惟於革書陳步高藉端索詐。毫無知覺。實屬失察。周丙南著交部議處。○諭軍機大臣等。著英等奏遵旨訊明湖北獲解傳教夷人飭發西洋夷目收管一摺。該夷納巴羅即陸懷仁。以外夷赴內地希圖傳教。現據訊明實係大呂宋人。並無別項不法

情事。亦非匪徒飾混詐冒。該國並無領事在粵。該督等已發交西洋夷目嚴加管束。惟該夷將來如何歸著。是否交該夷目飭令回國。抑或仍留粵東。並如何妥為安置。不至再出滋事之處。著著英等斟酌情形。悉心妥議具奏。將此諭令知之。○步軍統領恩桂等奏巡捕營效力難廢。及期滿武舉支食俸銀。兼食兵糧。例無明文。請飭部覈議。下兵部議。尋奏查例內並無效力難廢。並期滿武舉支食俸

銀兼食兵糧之條。自未便任其牽混。致涉浮濫。應請嗣後巡捕營滿蒙漢軍武舉及世職難廢各項人員。俱各按本例支食俸餉。不得再有兼食。以符定制。從之。○以監造船工。予廣東縣丞明兆台等升敘有差。○貸廣州駐防修理衙署兵房銀。○丁亥。諭內閣常清奏職官呈請捐製跳機鳥槍。以資操演一摺。鑲黃旗佐領多紳保。呈請情願照吉林打牲槍式。捐製鳥槍四百桿。著准其依式製造。工竣

照數查收。如果試放便捷合式。再行奏請獎勵。○又諭奕湘奏籌款獎勵兵丁等語。盛京滿洲蒙古漢軍八旗官兵。每年操演技藝。自應賞罰嚴明。以昭激勸。該處賞項並無正款。著准其將徵收旗人房園稅契銀兩。作為每年春秋二季操演兵丁獎賞之需。儻有不敷。著即於教演長矛公費內。每年抽撥制錢一千串。以資貼補。仍將動用數目。年終照例報部查覈。○戊子。

上御洞明堂。勾到上年湖廣浙江江西情實罪犯。停決湖廣斬犯三人。絞犯一人。浙江斬犯四人。江西斬犯二人。餘六十一人予勾。○御山高水長。閔侍衛騎射。翼日如之。○前任陝西漢中鎮總兵官伍魁英。因病休致。仍賞全俸。○己丑。諭內閣。前據給事中杜彥士奏。福建署晉江縣知縣張德靜捕務廢弛等款。當交鄭祖琛查辦。茲據該撫查明。該署縣被參各款。雖無實在劣跡。及諱盜為竊情事。惟

身任地方官。於盜竊之案。層見疊出。既不上緊緝拏。且積壓竊案至十數起之多。延不詳報。實屬昏庸不職。張德靜著即革職。永不敘用。○諭軍機大臣等。據開明阿等奏。布魯特賊匪撲卡被擊。立即潰散。逃竄一摺。此次布魯特賊匪復來攻撲卡倫。經我官兵奮力攻擊。箭射黑衣賊匪落馬。得獲勝仗。賊匪立即潰散。逃竄。我兵亦即收撤。並無受傷一人。辦理尚好。惟該賊匪雖已竄逸。難保不復出滋

事。著該大臣等確探賊匪究往何處。逃竄。抑或屯聚何處。一面督飭該員弁伯克等嚴密防堵。如有賊匪復來滋擾。即相度機宜。認真勦辦。務須悉數殲除。勿留餘孽。儻既經竄逸。仍著不必出卡窮追。其賊匪中騎黑馬穿黑衣頭目。係何姓名。務向此次活捉一賊。確切訊明。並將起釁根由。一併根究。至我兵箭射該頭目落馬者。係屬何人。亦著查明據實具奏。將此由四百里各諭令知之。○庚寅。

上御洞明堂。勾到上年安徽江蘇情實罪犯。停決安徽斬犯一人。江蘇絞犯一人。餘五十三人。予勾。○詣綺春園問。

皇太后安。○諭內閣奕湘等奏勘明盛京宮殿應修各工一摺。盛京

太廟正殿及宮殿各座。均有滲漏情形。著文慶前往會同奕湘敬謹詳細勘估。奏明辦理。○又諭賀長齡等奏請將被控之知州暫行革職等語。現任官員立碑建祠。久干律禁。此案

雲南廣西直隸州知州陳步賢。輒敢以書院為名。建設生祠。武生熊映斗等曲意逢迎。均屬有干功令。且該州於淤渴田地。刑求勒租。審理訟案。擅自科罰。尤難保無官紳串通分肥情事。陳步賢著即行革職。交該督等提同案內人證。研訊確情。按律懲辦。毋任該革員狡展遷就。致滋輕縱。尋奏陳步賢於私墾地畝。並不斷令升科。擅令歸書院收租。雖無串通分肥情弊。究屬違例。至士民建立生祠。實

屬有干功令。陳步賢業已革職。應毋庸議。下部議從之。○辛卯遣官祭

都城隍之神。○諭軍機大臣等。有人奏江蘇昭文縣蠹書薛桂惡害地方。奸民因而滋事。等語。據稱薛桂以庫書充當漕總。於收漕時恣意訛索。以致地棍金德順等糾眾滋鬧。居民紛紛遷避。似此蠹書肆惡。激生事端。實為地方之害。著陸蔭奎接奉此旨。迅即密派幹員前赴昭文縣。將薛桂一犯密拏解省。嚴行

看管。斷不准走漏風聲。致令遠颺。並將地棍金德順等拏獲到案。聽候柏葭周祖培到蘇時。會同嚴訊。務期水落石出。按律懲辦。其該縣毓成果否庇護書吏。延案不辦。亦應扣留聽訊。該署縣何士祁有無辦理不善之處。著一併查究。明確據實具奏。原片著鈔給閱看。將此諭令知之。○又諭有人奏江蘇昭文縣蠹書薛桂以庫書充當漕總。恣意訛索。貽害閭閻。著柏葭周祖培於文聞事竣後。馳赴蘇

州會同陸蔭奎認真查辦務期水落石出。不准稍存成見。化大為小。致有不實不盡。原片著鈔給閱看。將此諭令知之。○又諭御史朱昌頤奏請籌款招商運米以濟倉儲等語。上年准給老民頂帶。所有節省恩賞銀兩。各省約計不少。該御史請於此項銀數內酌提若干。令各該州縣招商買米。由乍浦上海海道運至天津之處。著江蘇浙江巡撫酌量情形。妥議章程。迅速具奏。再江浙應帶徵展緩漕

米可否帶交海運。亦著一併議奏。原片鈔給閱看。將此各諭令知之。尋兩江總督壁昌等奏查本年商人王學敏等備價買米運赴天津售賣。已有成效。自應做照舉行。茲據商人沈杏堂顧莖等具稟承認買米販運到津。其有資本不敷。每石請借運本銀一兩。出具互保切結。於應給米價內扣還。萬一重洋有不利之虞。均攤賠補。現以老民節省銀兩內實無存款。可提所有該商等請借運本擬即於

海關夷稅項下就近撥給。作正開銷。其銀以十萬兩為率。以示限制。將來通時即行按價扣收。解歸部庫。至於帶徵展緩漕米為數無多。仍應交幫灑帶。若令海船承運。正供恐該商等畏難觀望。裹足不前。該御史所奏緩漕海運一節。應毋庸議。下部議從之。○以理藩院尚書吉倫泰為滿洲繙譯鄉試正考官。宗人府理事官綿森為副考官。○河東河道總督鍾祥奏報秋汛安瀾。命詣

河神廟祀謝。並下部議敘。出力員弁升敘有差。○壬辰諭內閣。漕糧為天庾正供。節經降旨。令有漕各省督撫嚴飭所屬。早兌早開。剋期渡黃。毋稍延誤。乃近年重運漕船。不能如期抵壩。以致到通。歸次兌受新漕。節節耽延。總緣各該督撫不肯破除情面。實力催趲。所致。現已節逾霜降。水勢日消。况本年因運河淺阻。江廣各幫。即在安陵剝運。抵通更形遲滯。若不趕緊催趲。及早歸次。僅誤新漕。受兌

關繫匪輕。著漕運總督及沿途各督撫分飭嚴催務使連檣南下。銜尾進行。不准片刻停留。庶幾以速補遲。如期歸次。來年新漕尤當趕緊辦理。按限兌開。統限於四月初十日以前全數趲至清江。剋期抵壩。以便渡黃北上。無許稍有延誤。儻意存怠玩。視為具文。仍致臨事周章。有逾例限。定將該漕督及各督撫嚴行懲處。決不寬貸。將此通諭知之。○禮部奏十月初十日。

皇太后聖壽節應行禮儀。得旨是。照例行禮。奉皇太后懿旨。停止筵宴。○西安右翼副都統甘露因病解任。以杭州協領雙成為西安右翼副都統。○癸巳。

上御洞明堂。勾到上年河南山東情實罪犯。停決河南斬犯三人。絞犯三人。山東斬犯二人。絞犯二人。餘六十四人予勾。○大學士四川總督寶興七十生辰。賞。

御書扁聯福壽字並珍玩文綺。○命陝甘總督

布彥泰撥銀五萬兩解赴哈密備道光二十年經費。○以山東歷城等三十州縣麥收歉薄改徵粟米。○命五城於冬春二季設廠煮賑。○甲午諭內閣文慶前派勘估盛京宮殿應修各工著改派花沙納前往會同奕湘敬謹詳細勘估奏明辦理。○又諭潘錫恩奏空運較遲請旨嚴催等語。本年回空日期除閏計算較歷年皆遲。昨經降旨嚴催趕緊進行及早歸次。茲據該河督奏稱自首幫入境後其餘各幫尚未據稟報入境日期。儻再耽空停延。一交冬令。黃河凌結勢必凍阻北岸所關甚鉅。著直隸總督山東巡撫督飭員弁沿途節節催提。務令跟艚南下不准稍有遲延。一抵江境該河督飭屬嚴催相機放渡俾得趕歸水次毋誤新漕。儻該督撫等再行意存延玩定行從重懲處決不寬貸。○諭軍機大臣等有人奏淮嵯積弊亟宜徹底通籌一招淮嵯賦甲天下近年以來商務疲累亟宜

剔弊懲私認真整頓。著壁昌督同運司體察情形通盤籌畫。悉心妥議具奏。另片奏准北票鹽驗資太盛。恐來歲票期無人投納等語。亦著該督督率運司詳細確查。妥協辦理。原摺片鈔給閱看。將此諭令知之。尋奏查原奏嚴查池私商私減除規費浮費杜奸商之取巧禁蠹吏之舞弊。皆屬必應革除之積弊。業經嚴行查禁。至於按商資以派額引。則資本無由深悉。適開巧趨之端。令北票兼認懸引。則票販來去無常。未敢輕為嘗試。其南鹽減運北票納貨。以及疲岸改捆中包。懸引融網。提售原非正辦。原奏所指各弊。亦宜革除。但當此積疲之際。不得不權加調劑以甦商困。而全大局。下部議。尋議准該督暫時權宜酌辦。仍督同運司從長籌計。以期漸復舊規。從之。江南河道總督潘錫恩奏報秋汛安瀾。命詣河神廟祀謝。並下部議敘出力員弁。升敘有

差 乙未

上御洞明堂。勾到上年山西察哈爾直隸熱河情實罪犯。停決山西斬犯三人。絞犯四人。察哈爾絞犯一人。直隸斬犯四人。絞犯三人。熱河斬犯一人。餘四十三人。予勾。賞福建汀州鎮總兵官烏爾清阿頭等侍衛。在大門上行走。以河南荊子關協副將徐太平。為汀州鎮總兵官。丙申。諭軍機大臣等。賽什雅勒泰等奏官兵擊退賊匪。現在辦理情形一摺。布魯特賊匪前來撲卡。經我官兵攻擊逃匿。曾經降旨飭令該大臣等嚴加防守。茲據奏現在偵探防守情形。覽奏均悉。該大臣等惟當仍遵前旨。嚴密偵探賊蹤。防守卡隘。毋稍疏懈。至玉素皮被脅聽從。勸令伯克等從賊。伯克等不從。該伯克等頗知大義。甚屬可嘉。著即查明何人據實具奏。候朕施恩。至玉素皮供係臨時被脅之處。是否捏飾。亦著確切實訊。毋稍枉縱。賊首的瓦年現在逃逸何處。

仍著嚴密偵探查緝務獲此次打仗出力之喀什噶爾官兵伯克等著即查明奏請獎勵又另片奏該大臣開明阿等請捐廉辦理經費等語此項防堵經費並各項賞需銀二千兩即著作正開銷由陝甘總督布彥泰照數解往毋庸由該大臣等養廉內扣繳其前經飭查之黑衣賊匪並箭射該匪落馬之兵丁俱係何人並根究起釁根由仍著確查覆奏將此各諭令知之○賞烏魯木齊遊擊索

二品頂帶發往陝甘以副將用○丁酉旌表守正被戕四川西昌縣民王殿賓女謝王氏

戊戌

上詣綺春園問

皇太后安○禮部議准貴州巡撫喬用遷疏報採訪普安廳貢節婦女王陳氏等七十六口請建總坊旌表從之○旌表守正捐軀河南桐柏縣民陳萬順妻熊氏直隸衡水縣民孫文通妻張氏○己亥

上御洞明堂勾到新疆雲南貴州廣東情實罪犯停決新疆絞犯一人雲南斬犯一人貴州斬犯三人絞犯二人廣東斬犯一人餘六十四人予勾○諭內閣訥爾經額奏匪徒影射流民分別懲辦一摺各省流民應如何責成該督撫等認真稽查之處著軍機大臣會同該部妥議具奏○以頭等侍衛喀什噶爾領隊大臣開明阿兼正藍旗蒙古副都統○以鑲白旗滿洲副都統華山奏為正藍旗護軍

統領○贈故正藍旗蒙古副都統富僧德都統銜予祭葬如都統例○庚子諭內閣陸費瑤奏拏獲會匪首夥各犯現在提審完辦一摺湖南新田縣匪徒王棕獻等膽敢製造旗幟器械拒捕傷兵不法已極經該撫督飭員弁拏獲一百四十餘名現在地方均安堵如常著該撫親提現獲各犯徹底嚴訊究明各匪犯聚眾拜會起於何日有無謀為不軌重情並各地方官有無辦理不善激成事端之



處務得確情。按律懲辦。其陸廷錫等所控指  
有名未獲各犯。仍嚴飭員弁兵役分路搜緝。  
務獲歸案審辦。以淨根株而安良善。尋奏王  
棕獻等結會。實止希圖互相幫助。且甫經結  
拜。即被拏獲。委無謀為不軌情事。地方官亦  
無辦理不善。激成事端之處。王棕獻合依犯  
罪事發。官司差人拘捕。逞兇殺死差役者為  
首。斬立決例。擬斬立決。餘犯按例定擬。此案  
係該營縣自行訪聞。獲犯究辦。所有失察文

武各職名。應免開報。下部議從之。○辛丑

上御洞明堂。勾到四川情實罪犯。停決斬犯十  
八人。餘七十六人予勾。○諭內閣保昌等奏  
宗室學習贊禮郎。不敷揀選。請添設二缺等  
語。此次出有宗室贊禮郎一缺。著於宗室應  
行揀選人員內。揀選二員。同學習贊禮郎一  
員。一併帶領引見。無庸另添學習缺額。以符  
定制。○諭軍機大臣等。御史戴綱孫奏。四川  
咽喉為患日深。請飭州縣認真團練一摺。據

稱今年合州兩次劫案。皆由民間團練擒獲。  
解州懲治。又璧山岳池樂至銅梁諸縣。咽喉  
橫行。廣安州乾溪場一帶。今夏五月有富民  
紛紛竄徙入城避禍之事。雙流新津溫江三  
縣知縣皆以不能緝匪撤回。請急行團練等  
語。四川咽喉匪久為民患。全在各地地方官隨時  
認真查緝。毋令嘯聚。致為寇患。該御史所請  
令地方官各行團練。責成州縣獎勵稽查。不  
得假手吏胥。致滋騷擾。是否於緝捕實有裨

益。著廉敬體察情形。悉心妥議具奏。原摺著  
鈔給閱看。將此諭令知之。尋奏團練之法。誠  
於緝捕大有裨益。然須與保甲相輔而行。居  
民既有捍禦之資。盜賊亦無藏匿之地。得旨  
立法不難。行之不易。務斷認真有效。言出法  
隨。安良善誅奸慝。其妥議之。○以殲擒匪徒  
出力賞福建同知黃開基遊擊郭揚聲都司  
岑廷高花翎把總龔正勳等藍翎餘升敘加  
銜有差。予福建捕盜礮斃水勇葉熟賞卹

如例○賞廣安門外普濟堂煮賑小米三百石○壬寅旌表守正被戕浙江太平縣民陳思舜養女方奴○癸卯

上御洞明堂勾到廣西福建陝甘情實罪犯停決廣西斬犯二人陝甘斬犯二人餘七十人予勾○諭內閣前據壁昌等奏請將江蘇省各州縣歷年墊完民欠懇恩豁免當交戶部議奏茲據戶部議駁請旨飭查勒限追賠等語國家蠲免錢糧總期實惠及民果屬民欠

雖鉅萬不惜蠲除如係官虧即絲毫不容混免官墊民欠久為江蘇錮弊此項若選豁免將來州縣任意侵那毫無忌憚且書役包攬以完作欠種種弊端必至日甚一日著該督等查照上屆部議奏駁原案仍遵前旨不得有官墊民欠名目並迅即查明原墊及接徵各員按數分賠勒限嚴追儻逾限不完及再有官墊名目即行嚴叅不貸以重帑項而杜侵欺○諭軍機大臣等長蘆幕友徐楊緒前

經飭交刑部審訊旋將前任長蘆鹽政德順飭送刑部歸案質訊此案劣幕徐楊緒在津年久其與已革護運司陳鑑難保無串通舞弊並德順知情不舉或私肥囊橐情事著刑部堂官飭提陳鑑到案與徐楊緒德順一併隔別悉心研訊將如何串通舞弊知情不舉並有無侵蝕入己之處切實根究務期水落石出毋得任其狡展致有不實不盡將此諭令知之○以戶部尚書賽尚阿兼署吏部尚

書吏部右侍郎惠豐兼署戶部右侍郎管錢法堂事務○以順承郡王春山署正黃旗漢軍都統大學士穆彰阿署步軍統領○河南河北鎮總兵官德建年老休致以廣東黃岡協副將波啟善為河北鎮總兵官○蠲緩山東萊蕪汶上東平東阿四州縣被水村莊新舊正雜額賦有差給災民一月口糧加賑萊蕪東平二州縣災民並給房屋修費○甲辰上御洞明堂勾到奉天湖廣情實罪犯停決奉

天斬犯四人湖廣斬犯十一人絞犯一人餘五十人予勾○諭內閣壁昌奏解員那項交清請不准開復一摺所議是已革兩淮試用庫大使章丹文領解餉銀膽敢動用四十六百餘兩之多雖於限內全完仍著不准開復○又諭壁昌奏查驗江防添改各工並閱沿江兵礮事竣一摺江南江防礮隄添改各工並沿江前後路兵礮經該督親往查驗閱演均尚妥協該督惟當事務求覈實得力斷不可徒飾觀瞻反置實效於不顧至兵礮總期相習每季演放一次所有五龍山沙洲圩兩處附近省城每季演放礮位著即由總督會同將軍就近閱演其大江南北兩岸礮位夏秋二季著由總督與提督輪往閱視演放春冬二季著由狼山福山兩鎮總兵輪往閱視演放蘇松鎮總兵遠隔洋面著即免其輪派該督等總當認真查閱歷久毋懈不得視為具文以致有名無實至此項添改各工經

費係在前次捐輸礮隄餘存款內動支著免其造冊報銷以搶護江隄出力予湖北知府劉源濬等議敘賑三姓琿春被水旗民給房屋修費並免應徵倉穀展緩扣還餉銀  
乙巳

上詣綺春園問

皇太后安諭軍機大臣等前有旨將李星沅授為雲貴總督著李星沅接奉諭旨後馳驛速赴新任到任時即催令陸建瀛迅速馳赴

江蘇均毋稍遲張日畧現因母病賞假二十日李星沅抵滇時如張日畧尚未到任所有雲南巡撫印務即著李星沅兼署以便陸建瀛交卸起程將此諭令知之丙午

上御洞明堂勾到浙江江西安徽情實罪犯停決浙江絞犯一人江西斬犯二人絞犯一人安徽斬犯三人餘六十三人予勾諭內閣春山奏請將局存礮位輪流演放等語八旗漢軍局存九節十成礮二十四位停演已歷

四年著照所請於明年九月。自鑲黃旗起八旗按左右翼周而復始。每翼各出演一位輪流試放以裨操防而臻熟習。丁未以江寧布政使徐廣縉為雲南巡撫。調廣東布政使傅繩勛為江寧布政使。以服闋布政使葉名琛為廣東布政使。旌表守正捐軀山東荷澤縣民郭庚妻牛氏。戊申諭內閣前因長蘆運庫動墊虛懸。經欽差大臣等查訊明確。降旨將道光十年以後歷任動墊之各該運

司鹽政交部分別議處。茲據該部查取職名。照例議處具奏。前護長蘆鹽運使另案革職之楊承業山東候補道員張輅現經革職之陳鑑前任長蘆鹽運使現任江蘇布政使陸蔭奎改補道員現在丁憂之陶士霖現經降調之李百齡均著降二級調用。前任長蘆鹽政現在告病之鍾靈另案革職之英誠現經降調之德順普琳均著降一級調用。俱不准其抵銷楊承業陳鑑英誠降調之處並著註

冊。諭軍機大臣等。梁寶常密奏接奉寄信諭旨。現於練兵儲餉各事宜。事事認真講求。一摺。覽奏均悉。練兵儲餉為邊防要務。況浙省兵力素弱。加以舟山善後及浙西續辦各工均應及時籌議趕辦。全在事事從實。節節有備。方為久遠之謀。如該撫所稱承平日久。將驕兵惰。隔膜視之。甚或剋扣糧餉。強令服役。未能以恩義相維。至有事之時。又奚能固結身心。拮據效命。等語。尤為切中時弊。所有

陸勢緣邊守備事宜。狀一疏。該撫既已錄置座右。惟當惕目警心。督飭鎮將認真訓練。隨時考覈。果其著有成效。即當密咨該督覆覈。保奏其營務廢弛。不知振作者。尤當立予叅劾。毋稍姑容。至寧波海口通商未久。稅課數目尚難覈計。原設浙海關稅則。仍有贏無絀。亦著於奏報徵收錢糧時。將尾數覈定數目。奏明辦理。此外各處現辦船隻及礮位礮臺陣式一切事宜。均在該撫認真覈實。處處莫

收實效斷不可徒飾外觀有名無實尤不得  
稍涉張皇是為至要將此密諭知之○以漕  
運總督程商耒署江蘇巡撫倉場侍郎楊殿  
邦署漕運總督都察院左副都御史陳孚恩  
署倉場侍郎工部左侍郎王廣蔭兼署錢法  
堂事務○以順天府府尹李德為江蘇布政  
使直隸霸昌道李廷榮為順天府府尹○旌  
表守正捐軀雲南會澤縣民陳宣女小姑○  
己酉

孝慈高皇后忌辰遣官祭

福陵諭軍機大臣等前據刑部奏江蘇民人  
徐雲江呈訴夷務情節較重曾降旨令李星  
沅訊究確情茲據李星沅奏稱現已查悉徐  
雲江曾於三月間潛至夷目巴富爾寓所告  
以欽差來查夷館並有驅逐之意經該酋查  
明斥逐等語徐雲江不安本分無端構釁可  
恨之至必應訊明嚴辦李星沅現已馳赴雲  
貴總督之任著程商耒於行抵江蘇時檢查

此案卷宗務即悉心研鞫從重定擬斷不可  
稍存成見致有不實不盡是為至要將此諭  
令知之尋奏訊明徐雲江呈控夷目巴富爾  
攤毀墳墓暗造連營礮臺毒害幼孩等情全  
屬虛誣且妄指閱兵大臣為驅逐夷館之欽  
差恐嚇外夷無端構釁殊為可惡徐雲江合  
依詐傳詔旨律擬斬監候秋後處決下部議  
從之○又諭前因有人奏江蘇昭文縣蠹書  
薛桂以庫書充當漕總於收漕時恣意訛索

以致地棍金德順等糾眾滋鬧居民紛紛遷  
避等情當降旨著柏後周祖培於文閣事竣  
後馳赴蘇州會同陸蔭奎認真查辦並飭陸  
蔭奎密派幹員前赴昭文縣將薛桂拏獲嚴  
行看管不准走漏風聲致令遠颺並將地棍  
金德順拏獲到案聽候查辦現在陸蔭奎業  
經降調程商耒接奉此旨即著派員迅將薛  
桂金德順拏獲看管俟柏後周祖培到蘇時  
會同嚴訊務期水落石出按律懲辦該縣毓

成果否庇護書吏。延案不辦。署縣何士祁有無辦理不善之處。均著一併查究。明確據實具奏。原片著鈔給閱看。將此諭令知之。○又諭昨降旨將傅繩勛調補江寧布政使。葉名琛補授廣東布政使。葉名琛現署順天府尹。未到任以前。廣東藩司著者英派員署理。傅繩勛仍飭即赴江寧新任。將此諭令知之。○以新授廣東布政使葉名琛暫署順天府尹。○賞前任西安右翼副都統甘露全俸。

（庚戌）

上詣

大高殿行禮。○還宮。○諭軍機大臣等。前據奕湘等奏。接據朝鮮來咨。嚴禁江邊蓋房墾地等情。當降旨令奕湘等派員前往按查。嚴加究辦。並將禧恩及前次派往各官分別嚴加議處。此事屢經查辦。何以復有民人越界潛往墾田。構舍致該國稟請查辦。顯係前此派往各員虛應故事。不能認真辦理所致。著花

沙納於查勘工程事竣之後。會同奕湘親赴該處周歷履勘。查明現在私墾田地若干畝。構舍若干間。居民男婦若干名口。逐細詳查。據實具奏。此事與外藩關涉。非內地可比。斷不准稍涉含混。儻仍蹈從前諱飾陋習。經朕另派大員查出。或再經該國咨請查辦。惟奕湘花沙納二人是問。恐不能當此重咎也。經此次認真查辦之後。應如何設法查禁。不致再有奸民偷越之處。著奕湘仍遵前旨。詳晰

妥議具奏。如花沙納與奕湘會查之時。適值奕湘應行出圍。即著派副都統代往行圍。將此諭令知之。○又諭奕湘等奏查勘草倉河情形。請改水道一摺。草倉河酌改水道。朕前因事關重大。奕湘在京時。曾面諭毋庸更改。即奕湘亦經面奏。無庸辦理。何以本日復據繪圖。並會銜奏請酌辦。是否現在情形。有必須酌改水道之處。奕湘等接奉此旨。著即據實聲明。由驛馳奏。毋稍遲延。將此諭令知之。

○蠲緩奉天新民承德遼陽海城蓋平復金開原鐵嶺錦寧遠廣寧岫巖十三廳州縣被水災區新舊額賦有差○以孟冬時享

太廟自是日始齋戒三日○辛亥

孝敬憲皇后忌辰遣官祭

泰陵○諭軍機大臣等前因有人奏滇南回匪蔓延請飭認真籌辦當降旨令賀長齡體察情形具奏茲據將兩年辦理情形遵查覆奏著李星沅到任後將賀長齡所稱各節逐一

確查是否屬實並將該處現在情形及應辦各事宜悉心籌畫據實具奏原摺著鈔給閱看將此諭令知之○兩江總督壁昌等奏審明昭文縣鄉民至己革漕書薛正安家滋鬧意圖包攬不遂糾眾赴縣喧嚷毆差致斃並打毀業戶多家一案業將為首之金得順及起意寫貼傳單之季莘梟示以昭炯戒餘犯分別定擬撤任知縣毓成庸懦無能請旨革職得旨毓成於土棍激眾滋事不能迅速撲

捕著即革職以為任事玩愒者戒○蠲緩直隸霸天津靜海滄慶雲玉田武清薊寧河保定文安大城安獻阜城景吳橋東光南皮鹽山南和平鄉永年雞澤元城南樂清豐寧晉邯鄲成安肥鄉廣平磁涑水大名三十五州縣歉收村莊新舊正雜額賦有差○壬子旌表守正被戕河南永城縣民管和尚妻房氏

大清宣宗效天符運立中體正至文聖武智勇仁慈儉勤孝敏成皇帝實錄卷之四百三十四

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百三十五

出城巡幸時近口馬車在法宮太子太傅體仁閣大學士文淵閣管理御事務上書房總纂修院掌院學士嚴雲龍

天府府事務總辦加五級紀錄十八次直署總纂修院掌院學士文淵閣管理御事務上書房總纂修院掌院學士嚴雲龍

七奉天巡撫外會同四庫館纂修加一級隨帶加六級軍功加三級紀錄文在光緒初年隨官文淵閣纂修御事務上書房總纂修

內務府大臣後日據兩州縣據奏內七奉天巡撫理宗人府錄庫左翼副官學憲富圖明國軍務總辦御事務上書房總纂修

醫院總辦廣事務總辦加十八級直署阿爾泰副都統官經孫官兵部尚書隨帶六級紀錄十次直署總辦軍務

兼修

道光二十六年丙午冬十月癸丑朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○頒道光二十七年時憲

書○諭內閣本月初十日

皇太后萬壽慶辰所有王公一二品文武大臣  
及在內廷行走大臣著在綺春園二宮門外  
行禮三品以下各員著在長信門外行禮俱  
著鴻臚寺堂司官贊禮○又諭崇恩奏請將  
本省常例捐監一款自本年十月為始暫緩  
撥解援案儘數存司封貯俟歸補十萬兩之  
後再照二十三年部議章程辦理之處業已  
飭知戶部該撫惟當飭司查照存庫不准別  
項動用○諭軍機大臣等崇恩奏籌議練兵



儲餉事宜一摺。據稱東省現在情形。軍心之振厲。猶易。軍儲之籌備。較難。該撫於陸贄緣邊守備一疏。既已錄置座右。不難隨時參稽。所有東省水陸弁兵槍礮技藝。務當督飭將領認真操演。平日如果有勇知方。臨事自能爭先效命。斷不可徒飾外觀。轉致有名無實。至籌備軍儲。動關經費。該撫現請將本省常例捐監一款。自本年十月為始。暫緩撥解。援案儘數存司封貯。俟歸補十萬兩之後。再照二十三年部議章程辦理之處。業已飭知戶部矣。得此經費充足。益應籌及久遠。該撫惟當飭司查照存庫。不准別項動用。俟收至三五萬兩後。察看各屬糧價貴賤情形。如可銀穀並貯。即酌提十分之二。添買倉穀。仍將辦理情形。隨時奏明。以備緩急。而實軍儲。是為至要。將此密諭知之。○又諭。軍機大臣等會。議賀長齡奏。要犯軍前繳械投誠。願招餘黨一摺。此案回民張富兩次糾眾滋事。本屬律

不准首。茲據帶同夥黨赴營投首。並呈繳器械。情願招出餘黨。籲求免罪。該犯張富罪重難逭。是否果係悔罪出於至誠。力求自新之路。抑係勢盡援絕。窮蹙來歸。或另有人慫恿。令其投首。希圖免罪。一時仍難免再行滋事。或地方文武。苟且了事。有所指授之處。著徐廣縉到任後。會同李星沅嚴密訪查。悉心體察。據實具奏。毋得稍涉含混。代人受過。儻所查不實。別經發覺。該撫等斷不能當此欺飾之罪也。懍之慎之。至該犯張富所帶投誠夥黨。除馬效青外。共有若干名。有無著名要犯。共繳器械若干。亦著於覆奏時。一併詳悉聲明。將此密諭知之。○以拏獲河南販煙斃命要犯。予山西知縣蘇元堯優敘。○甲寅上幸圓明園。○詣綺春園。問皇太后安。○丙辰。諭內閣。德誠等奏。請飭實力催徵漕糧。務期足額一摺。京倉儲備攸關。必須寬為積貯。據奏近年漕糧收倉。遞形減少。

各省連歲豐收。何至多有短欠。即地方一隅。偶歉亦不至每年缺至百餘萬石之多。難保無朦混捏飾情弊。著有漕省分各督撫嚴飭各州縣。肅除積習。務須實力催徵。按照定額足數徵收。不准稍有朦混。所有出運船米抵通時。儘查有不能如數及各項捏飾等弊。即行嚴叅懲辦。毋稍姑容。將此通諭知之。○丁巳諭內閣。林則徐奏。鄉試揭曉後。查出中式副榜內有硃墨不符。據實檢舉。請旨更正。一

摺本年陝西鄉試中式第十名副榜之誠字七十五號。與實在取中之成字七十五號。紅號錯誤。以致硃墨卷不符。著該部查明更正。監臨官林則徐。正考官陳寶禾。副考官青麐。未能詳細查對。均著交部議處。提調監試等官。著一併查取職名。交部議處。○諭軍機大臣等。經額布等奏。派員查緝越境奸民等語。朝鮮邊界。現有盛京奸民私越種地伐木。吉林西南輝發一帶。與盛京地方毗連。又東南

琿春之土門江一帶。與朝鮮隔江為界。均恐有被拏奸民竄入。該將軍等現已派委員弁帶兵分路偵緝。並咨會烏爾德善派員查拏。著即嚴飭該員弁等。不分畛域。實力嚴查。認真防緝。勿使一名竄入。儘敢視查勘為具文。並不實力偵緝。致有奸民闖入該境。或再經朝鮮咨請查拏。惟該將軍等是問。恐不能當此重咎也。將此諭令知之。○又諭達洪阿轉奏。據吹布藏呼圖克圖呈稱。不赴西藏願帶

伊姪喇固呼圖克圖。隨護章嘉呼圖克圖之沙哩勒。前赴五臺事畢。來京謝恩等語。呼圖克圖喇嘛等。赴藏熬茶。乃喇嘛分內要事。今吹布藏呼圖克圖。帶同伊姪喇固呼圖克圖。偕車登巴咱爾。赴五臺山。隨護章嘉呼圖克圖之沙哩勒。亦屬當為之事。惟該呼圖克圖等。既已遠途跋涉。事竣仍復來京謝恩。於該呼圖克圖等。赴藏熬茶習經。未免有誤。著寄知喀爾喀親王車登巴咱爾。轉飭該呼圖克

圖等前赴五臺事畢勿庸來京由彼即回遊牧仍照前奏赴藏熬茶習經以示朕矜恤呼圖克圖等至意將此諭令知之○奉天府尹尹吉年因病解任以直隸按察使文俊為奉天府府尹陝西陝安道北那蘇圖為直隸按察使○以甘肅官兵勦賊駐劄黑錯四溝地方免番民本年應納官糧○戊午

上詣

安佑宮行禮○己未命陝甘總督布彥泰撥銀

一千九百八十八兩解赴和闐備道光二十八年經費○緩徵山東濟寧章邱鄒平長山新城齊東濟陽臨邑長清德德平泰安陽信樂陵商河利津寧陽鄒滕陽穀壽張荷澤城武鉅野鄆城濮陽城恩夏津魚臺陵惠民邱海豐濱霑化滋陽嶧單曹觀城聊城博平茌平莘冠博興樂安壽光昌邑濰高密金鄉嘉祥平原堂邑武城平度臨清高苑禹城蒲臺益都臨淄鄒城館陶六十六州縣暨德州東

昌臨清濟寧四衛被水被雹被風被旱被蟲村莊新舊額賦○庚申

上詣綺春園問

皇太后安○辛酉

上詣綺春園問

皇太后安侍膳○壬戌

皇太后聖壽節遣官祭

太廟後殿

奉先殿

上率皇子暨王公大臣詣綺春園行慶賀禮眾

官於長信門外行禮○詣

皇太后前侍膳○癸亥

上詣綺春園問

皇太后安○以翰林院侍講學士溫葆淳為順

天武鄉試正考官詹事府少詹事葉觀儀為

副考官○甲子諭軍機大臣等前據奕湘等

奏查勘泊岸工程並酌改草倉河道一摺

當以草倉河道事關重大是否必須酌改

飭令據實覆奏。茲據奏稱實在糊塗疏忽。請從重治罪。該將軍等於此等重大事件。曾經面諭毋庸更改。該將軍亦面奏毋庸辦理。輒復率意會銜奏請酌辦。實屬冒昧糊塗。出乎意想之外。奕湘等著傳旨嚴行申飭。所有泊岸工程。仍著照舊妥辦。將此諭令知之。○乙丑除江蘇丹徒縣被水淹廢沙地十五頃四十九畝有奇額賦。○丙寅諭內閣柏葰等奏請將江蘇省完漕大戶小戶等名目概行禁

絕等語。據稱查明江蘇向來完漕紳富謂之大戶。庶民謂之小戶。以大戶之短交。取償於小戶。因而刁劣紳衿。扶制官吏。索取白規。大戶包攬小戶。小戶附託大戶。又有包戶之名。以致畸輕畸重。眾怨沸騰。紛紛滋事。又旗丁津貼原有定額。近來總以米色為詞。多方挑斥。逐漸加增。是幫船多取一分於官。州縣即多取一分於民。種種弊端。關繫非輕。若不及早整頓。貽患何所底止。著兩江總督江蘇巡

撫認真查察。所有前項大戶小戶包戶各名目。概行禁絕。一律均收。尤不准旗丁額外多索幫費。倘敢抗違不遵。或州縣中竟有浮收入己情事。即行據實嚴參。從重治罪。毋稍瞻徇。以肅漕務而清弊端。○欽差戶部左侍郎柏葰等奏審明江蘇昭文縣匪徒金得順等滋事全案。犯證查此案金得順欲圖包漕。不遂。商同與已革漕書薛正安素有嫌隙。之季萃捏稱秋收歉薄。漕糧全緩。係薛正安舞弊。

差追激怒眾心。糾約現犯曹明等至薛正安家滋鬧。薛正安赴縣喊稟。金得順等復至縣喧嚷。將大堂暖閣柵欄擠壞。而逸後復毆斃下鄉訪緝之眼線錢汶奎。陸大啓二名。迨署縣何士祁帶役下鄉挖捕。金得順季萃又復糾眾抗拒。經該府會督營縣先後獲犯到案。該督等定擬各犯罪名。除金得順季萃二名業經恭請王命正法外。其擬絞之曹明等五名。聚眾拒捕屬實。擬流之張二等二十八名。

擬杖之沈苗順等二十二名供詞亦俱與原案吻合。是各犯情罪均屬相符。至薛正安一犯在金得順等滋事案內並無不法重情。經升任撫臣李星沅於另案擬流。檢查原案該犯以已革漕書暗中幫辦漕務並受餽包庇實為漕務之蠹。比律擬徒酌加二等流二千里。罪名亦屬允協。已退庫書捐納從九品銜薛桂一犯原審因各犯均未供指案中並無其人。茲訊明先於薛正安當漕書時幫同辦

事有得受公項錢文情事。應請將薛桂依律擬流減徒下刑部議。尋議奏各犯情罪與該督等原奏相符。應毋庸議。外薛桂係已退庫書干預漕務分受錢文情節較重所得流罪應不准其援減。到配折責安置。從之。廣西巡撫周之琦因病解任。以福建布政使徐繼畬為廣西巡撫。山東按察使陳慶偕為福建布政使。雲南迤東道徐思莊為山東按察使。丁卯諭軍機大臣等奕湘等奏查辦越邊

伐木及沿江結舍墾田各案犯業已完竣。一摺此案前經降旨著花沙納於查勘工程事竣後會同奕湘親赴該處周歷履勘。茲據該將軍奏稱時屆隆冬請俟明歲春融再行前往著花沙納查勘工程事竣即行回京覆命。該將軍俟來歲春融先期奏明候旨派員會同前往將此諭令知之。○兩廣總督耆英等覆奏遵旨訪獲拐犯蘇奎等起出幼孩盧亞錦等十一名。又訪獲拐犯陳亞九等起出幼

孩王亞有等五名。研訊均無藥迷及毒斃情事。江西巡撫吳文鎔覆奏緝獲形跡可疑之龔鳳吉劉廖氏等根究來歷住址均屬明白。並有族鄰地保指證實非邪匪分別保釋。均報聞。○湖廣湖南華容澧安鄉沅江武陵五州縣暨岳州衛被水災區新舊額賦有差。○戊辰

上詣綺春園問

皇太后安。○諭內閣奕湘等奏請將失察越邊

伐木結舍墾田之原辦及統巡各員嚴議處  
分量從末減等語著該將軍等仍遵前旨將  
該各員職名開明送部俟該部定議覆奏時  
再降諭旨○以塔爾巴哈台屯田豐收予員  
弁議敘賞兵丁一月鹽菜銀○緩徵江西奉  
新上高新昌建昌安義南昌新建豐城進賢  
靖安清江新淦新喻峽江鄱陽餘干星子德  
化德安廬陵吉水萬安瑞昌湖口彭澤二十  
五縣被旱被水災區新舊額賦○已已諭軍

機大臣等賀長齡奏查明要犯張富等實係  
真心投誠現又招出餘黨懇請免罪一摺此  
案回民張富等赴營繳械投首籲求免罪前  
經軍機大臣等會議以該犯張富等罪重難  
宥是否果係悔罪出於至誠抑係窮威來歸  
業經降旨令李星沅徐廣縉於到任後嚴密  
訪查悉心體察具奏矣茲復據賀長齡奏稱  
該犯等實係真心投誠現又招出餘黨仍請  
免罪等語著李星沅再行詳加體察悉心酌

辦斷不可將就了事有傷國體尤不可姑息  
目前措置失宜致貽後患償賀長齡苟且目  
前辦理不善即著據實嚴叅不可代人受過  
也原摺著鈔給閱看將現辦情形以及定擬  
之摺俱著由驛馳奏將此諭令知之○庚午  
撫卹朝鮮國遭風難夷如例○辛未除奉天  
府復州水衝沙壓地四十五頃八十畝有奇  
額賦○壬申

上御勤政殿聽政○浙江巡撫梁寶常片奏蠶

稻豐稔民情安帖夏間毒斃幼孩相傳妖異  
等語當時本無其事今亦竟無其言批朕早  
料及又奏定海自收復以來民夷安謐尚無  
奸民假冒夷船之事嚴飭營縣分別商船盜  
船固不可妄拏尤不得置真盜於不問得旨  
所見皆是認真督辦不可稍懈○命服闋都  
察院左都御史沈岐以原品休致○以鴻臚  
寺卿熙成為太常寺卿○旌表守正被戕直  
隸多倫諾爾廳民張二童養媳胡姐兒○修

河南十三廳山東曹河曹單二廳及曹考廳曹上汎黃河兩岸隄工並添備各廳來年防料甄石從河道總督鍾祥請也○戶部議准直隸總督訥爾經額疏報寧晉縣開墾荒地一百七頃五十畝有奇照例升科從之○癸酉吏部奏遵議陝西辦理紅號錯誤處分得旨陝西正考官翰林院侍講陳寶禾副考官詹事府左中允青麐均著降一級留任准其抵銷監臨官林則徐應得降一級留任處分

著如恩寬免○禮部議准山東巡撫崇恩疏報採訪東平州貞節婦女于周氏等三百三十一口貴州巡撫喬用遷疏報採訪黃平州陳戴氏等一百八十一口各請建總坊旌表從之○甲戌

上御洞明堂勾到江蘇河南情實罪犯停決江蘇斬犯二人河南斬犯六人餘五十二人予勾○諭軍機大臣等前因各省議覆錢兼用章程或請分別款項按成搭放或稱諸多

窒礙請照舊章歷經批令依議辦理並交軍機大臣會同該部議奏茲據奏稱福建省前奏未盡事宜請飭從長計議江蘇各省亦令一律查辦並山西巡撫請禁空票之處亦應令其自行妥辦各等語均已依議行矣惟是銀貴病民所關匪細必應力求通變前降諭旨甚明乃各該督撫之已經議覆者率皆無可通變即所請按成搭放之處為數亦屬無幾於銀貴錢賤殊未足以資補救其尤甚者

河工人員但知用銀甚便總以搭錢為難即謂歲修工程及豫購稽料土方等項責令以錢搭放恐致貽誤要工此外俸廉盤費書吏役食並雜支等款何難量予搭放仍著各該河督按照前項名目悉心覈議每年實可用錢若干分晰奏覆毋得固執成規仍以窒礙難行一奏了事其未經奏到之河南陝甘雲南等省亦著各該督撫通盤籌畫總期銀錢兼用於收放並權之中作推行盡利之計以

濟民生而裕國用是為至要將此各諭令知之尋江南河道總督潘錫恩奏河庫額支俸廉書吏役食盤費雜項暨江寧藩司轉解武職養廉均擬按銀七錢三搭放以制錢一千五百文作銀一兩各廳自運並轉運蕩柴水腳及津貼船兵水腳三項亦擬搭錢三成又各廳經費除撥歸心紅額銀外餘擬全數以錢抵放計每年可用制錢十萬千文河東河道總督鍾祥奏東河並無盤費一款請仍照

舊章辦理惟土工有用錢成案嗣後請以錢三成搭放計每年估修土工以三十五萬兩為率可搭用錢十五萬串以制錢一千五百文作銀一兩均下部知之○緩徵安徽懷寧五河鳳陽靈璧壽宿懷遠定遠鳳臺泗盱眙天長潁上潛山太湖宿松望江銅陵東流蕪湖和含山建平桐城貴池青陽建德當塗繁昌無為合肥廬江巢阜陽霍邱亳太和三十

莊新舊額賦 乙亥

上詣綺春園問

皇太后安以甘肅按察使楊以增為陝西布

政使廣東雷瓊道蘇敬衡為甘肅按察使○

緩徵河南汲新鄉輝獲嘉淇濟河內修武商

邱寧陵永城鹿邑虞城夏邑睢柘城延津太

康杞湯陰內黃安陽涉臨漳祥符林封邱濟

源武陟孟溫原武陽武密陳留通許尉氏中

牟蘭儀考城淮寧西華扶溝四十三州縣被

水被旱村莊新舊額賦給汲新鄉輝獲嘉淇

濟河內修武八縣災民一月口糧○丙子

上御洞明堂勾到山東山西直隸熱河情實罪

犯停決山東斬犯七人絞犯三人山西斬犯

四人絞犯二人直隸斬犯三人絞犯一人餘

五十六人予勾○諭內閣理藩院奏棟廓爾

呼圖克圖呈請來京當差請旨一摺棟廓爾

呼圖克圖呈請來京當差實屬惻誠朕心甚

悅棟廓爾呼圖克圖著即來京當差惟該呼



圖克圖到京後。若服水土甚好。儻因不服水土。欲回原游牧處。亦可聽其自便。以示朕體恤。呼圖克圖之至意。○以甘肅肅州鎮總兵官豐伸奏為喀什噶爾換防總兵官。○撥江蘇調劑案內提存銀一萬五千兩發典生息。給江淮九幫運費。並抵補積欠庫項。從總督壁昌請也。○緩徵兩淮秦海二州所屬十四場被水竈丁新舊額課。○丁丑諭內閣。秋獻大典。由各省督撫分別情實。緩決。覈准具題。

其中罪名或稍有出入。經刑部駁改者。朕無不確覈案情。詳加披閱。但有一線可原。必當少從末減。若萬無可寬。亦斷難曲為原宥。近來秋審招冊。該省原定緩決。經刑部改擬情實者。上年四川六起。河南五起。本年直隸奉天陝西甘肅雲南各五起。覈其情節。或連斃應抵二命。或蠹役刁徒詐贓斃命。或姦徒挾恨謀殺。或兵丁軍犯逞兇。或故殺妻命。碎割頭面。後復殘毀屍身。皆係恃強藐法。兇惡慘

忍。應入情實之犯。原題概擬入緩。殊未允協。尤有甚者。雲南省張閑一起。因與梅鼎豐等挾有私嫌。遂捏寫敵血結拜重情。裝入公文投遞。此等投遞匿名文書告言人罪之犯。歷年秋審俱入情實。從無問擬緩決之案。誠以匿名許告。陷人以不測之罪。而該犯轉可倖逃顯戮。其用心險惡異常。萬無可寬。故例載所控得實。亦坐絞候。所以懲奸究安善良也。今該督撫乃以破誣之人。尚未受累為解率

請緩決。實出情理之外。以上各案。儻非刑部據例駁改。復經朕詳加覈審。則此等兇徒。皆得倖逃法網。何以昭情法之平。所有原題之各該總督巡撫臬司。著該部查明分別議處。其辦理張閑一案之督撫臬司。於例應情實之案。並不按例定擬。更屬錯謬。著查取職名。再行議處。嗣後各直省督撫等。凡遇秋獻重案。務當督同臬司。遵照定例。酌覈案情。細心究辦。斷不可惑於救生不救死之說。故從輕

減總期無枉無縱各得其平用副朕執法用  
中諄諄訓誡至意將此通諭知之○又諭德  
春奏本年補種龍泉峪樹株情形請飭詳查  
會議一摺此項回乾樹株著即及時補栽松  
柏不必仍種檜樹德春務當隨時親往查驗  
毋論舊栽新種總宜加意滋培一律蕃茂無  
庸俟修工大臣前往會議也○以大理寺卿  
邢福山署宗人府府丞○旌表守正捐軀直  
隸清苑縣民婦賈郭氏女領姐○戊寅以新

授順天府府尹李廷榮不勝任命仍以道員  
用以光祿寺卿汪本銓為順天府府尹○已  
卯

上御洞明堂勾到朝審情實罪犯停決斬犯三  
人絞犯一人餘十七人予勾○諭內閣兵部  
奏遵議賀長齡所奏整頓兵政一摺所奏均  
毋庸議各督撫統轄本省營務舊章具在總  
當督飭所屬認真訓練總期一營一兵均歸  
有用不至虛糜糧餉緩急莫恃該督撫平日

惟當勤加操演俾技藝日就精熟加以申明  
紀律聯以仁恩自可共明大義彼此勢若固  
結直如一體相屬則無事各勵操防臨事羣  
知奮勵正不在別立選鋒壯兵等項名目徒  
事更張日久仍成具文甚或另滋弊竇也○  
又諭楊殿邦奏運河淤淺請飭及時挑挖等  
語所見甚是山東開河漕運攸關必須一律  
深通方可無誤漕行茲據該署漕督奏稱十  
字河一帶北自西灣南抵彭口即節露淺並

有泥沙丈餘正當河心又自張阿開至朱姬  
莊東岸土隄所衝沙土停積運河左右軍船  
不得徑行等語各處泥沙停積如果認真挑  
挖何至有滯船行總緣督辦承辦之人積習  
難返不以公事為重著再申諭東河總督督  
飭該管道廳趙此冬令水涸之時迅將各處  
積沙挑挖淨盡所挖之沙毋許就近拋棄庶  
來年大雨後不至復歸原處有礙舟行工竣  
後著該河督親往查驗總期一律通暢毋許

草率。儻來年重運經臨。再有停滯難行。藉詞水漲沙淤。定將該河督等從重懲處。不貸。○旌表守正捐軀貴州黔西州民李開朋女二妹。除江蘇丹徒縣被水淹廢沙地四頃二十畝有奇額賦。○庚辰諭軍機大臣等。賽什雅勒泰等奏。布魯特賊首達竄餘黨渙散。現在撤兵一摺。布魯特賊首的瓦年前經撲卡滋事。被官兵擊退。現在雖已遠竄。餘黨潰散。官兵撤回。惟賊蹤詭秘。難保不故智復萌。再行滋事。著嚴飭各城及守卡弁兵認真稽查。儻的瓦年再有潛赴該處之事。即行拏解究辦。毋令竄逸。至該賊首此時如果遠遁。不值派員各處偵探蹤跡。轉涉張皇。前奏奇盤莊明巴什差人與的瓦年送馬之語。現既查明係屬訛傳。著毋庸議。另片奏防堵等費。該大臣等捐廉墊發等語。此項防堵各費俱著准其作正開銷。造冊報部。將此諭令知之。○緩徵陝西富平涇陽潼關韓城咸寧長安咸陽

興平臨潼高陵三原渭南醴泉大荔蒲城華乾武功朝邑郃陽白水鳳翔郿麟遊扶風寶雞二十六廳州縣被旱村莊額賦給府谷神木二縣災民一月口糧。○辛巳上詣安佑宮行禮。○詣綺春園問皇太后安。○諭內閣耆英等奏現辦緝捕情形等語。廣東地方盜案疊出。節經該督撫等嚴行懲辦。仍復盜劫頻聞。非遴委明幹大員認真查辦。保甲不足清姦。究托足之源。著即派委督糧道黃宗漢會同藩臬兩司各巡道妥議章程。一面督飭委員並地方各官實力編查。按戶造冊。責令連環保衛。毋令匪徒涸跡。至各縣水路交界地方。此拏彼竄。幾為遁逃淵藪。尤宜加意巡哨。亦著專派知府大員。隨時臬司嚴飭地方員弁。添設巡船。勤加會哨。斷不准意存畛域。互相推諉。該督撫等惟當督飭該道府率同員弁實力稽查。認真哨緝。

務期有案必破有犯必懲淨盡根株以除擾害而安良善儻各員弁因循怠玩並不實力奉行及該管文武畏葸聞革著即從嚴叅辦毋稍姑容○戶部議准浙江巡撫梁寶常疏報平陽縣開墾下則蕩田四頃三十畝有奇照例升科從之○除江蘇丹徒縣被水淹廢沙地十六頃九十畝有奇額賦

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百三十五

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百三十六

道光二十六年丙午十一月壬午朔諭內閣

為政首在愛民安良即所以弭盜朕軫念民  
依凡各省遇有水旱偏災無不恩膏立沛蠲  
賑兼施地方官果能認真辦理實惠均霑何  
至有失所流民結隊成羣轉徙他省致令不  
法匪徒有所藉口本日據穆彰阿等會議訥  
爾經額奏請稽查匪徒影射流民一摺覽奏  
均悉匪徒影射輾轉需索擾累閭閻自應稽  
察裁留以免別釀事端著江蘇江西湖北山  
東河南安徽山西各督撫一體嚴飭所屬各

就該地方情形土俗所宜認真酌定辦理章程咨部立案以期行之久遠不滋弊竇其有一二實在災黎轉徙他方並非匪類者仍當加意撫卹隨時資送毋令失所總不准匪徒影射恃眾滋擾儻該地方官辦理不善一經查出著即指名嚴叅以為玩視民瘼者戒用副朕軫恤民困除莠安良之至意○展緩湖北咸寧嘉魚蒲圻漢陽漢川黃陂孝感沔陽蕪水廣濟黃梅鍾祥京山潛江天門雲夢應城江陵公安石首監利松滋枝江荊門江夏黃岡武昌二十七州縣暨屯坐各衛被水被旱村莊新舊額賦○癸未

上還宮○旌表守正捐軀浙江上虞縣民范阿蘭母韓氏守正被戕江蘇興化縣民周興高妻張氏○蠲緩山西垣曲保德河曲和順屯留嵐六州縣暨歸化城托克托城薩拉齊廳被雹被旱村莊新舊額賦有差賑垣曲縣災民○撫卹朝鮮國遭風難夷如例○以冬至

祀  
天於  
圜丘自是日始齋戒三日○甲申遣官祭先醫之神○乙酉

上詣  
南郊齋宮齋宿○調杭州將軍特依順為烏里雅蘇台將軍烏里雅蘇台將軍桂輪為杭州將軍○命阿克蘇辦事大臣扎拉芬泰烏什辦事大臣維祿回京調和闐辦事大臣舒興阿為阿克蘇辦事大臣賞內閣侍讀學士德勒克呢瑪頭等侍衛為和闐辦事大臣通政使司副使鍾翔頭等侍衛為烏什辦事大臣

浙江提督詹功顯因病解任以黃巖鎮總兵官張成龍為提督○丙戌冬至祀

天於  
圜丘  
上親詣行禮遣官祭  
永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○停次日朝賀○幸圓明

園  
請  
綺  
春  
園  
問

皇太后安  
諭內閣花沙納等奏查勘盛京應

修宮殿各工情形一摺盛京

太廟宮門及大清門崇政殿左翊門右翊門應

修各工既經查明情形較重自應及時敬謹  
修理著即咨明工部覈算錢糧奏請派員承  
修至尚可稍緩修理之

太廟正殿及大政殿介祉宮等處並著責成內務府會同工部妥為保護嗣後如續有情形再行奏明辦理○以廣東龍門協副將鄭高祥為浙江黃巖鎮總兵官○賞八旗兵丁一月錢糧○以阿克蘇屯田豐收予員弁議敘○賞兵丁一月鹽菜銀○丁亥諭軍機大臣等

瑞元奏乍了地方因控案未結阻滯官兵嗣經開導始行送出本境並呈懇續辦一摺據稱行抵察木多查悉換防弁兵被阻情形隨將乍了大呼圖克圖傳至寓所曉以利害飭令速催各站豫備烏拉該大呼圖克圖始悟前非當即飭令各站將官兵速送出境惟所稱此次阻止官兵實因本年委員查辦夷案回川時給有印結為據內稱六七月間定有委員前來查辦若逾期或斷路滋事不與伊等

相涉百姓因此不肯支應烏拉等語旋據各頭人將委員等所給漢番字印文諭單呈驗文字又復兩歧虛實無從質證等情乍了地當孔道為西藏進出要路斷難聽其梗塞著廉敬會同琦善設法籌議揀派能事之員曉以大義止其爭端至委員等發給漢番文字不符之處尤應隨案查明勿使藉口總期該呼圖克圖等甘心帖服共息忿爭毋再梗阻以平夷情而通驛站是為至要其此次換防官兵阻滯兩月有餘所需口糧盤費已由瑞元飭令察木多糧員每名借給銀三兩俟到防後分作三箇月扣還之處並著照所擬辦理將此各諭令知之○以

南郊大祀禮節嫻熟賞太常寺贊禮郎察杭阿五品頂帶花翎○賞順天等省鄉試年老諸生陳鏞等五十九名舉人副榜有差○戊子諭內閣前據潘錫恩奏中河廳估建滾水石壩並拆修雙金閘要工一摺當交戶部議奏

茲據該部奏稱滾水壩為漕船往來要道且事屬創建應准其撥銀十一萬兩着令該河督趕緊興辦無誤漕行至拆修雙金閘一款此項工程曾於道光十四年經張井奏請估修戶部駁令歸入常年另案款內動用該河督自應遵照前案不得再行請撥致滋糜費嗣後如有應修各工若非必須請撥之項著一概裁歸常年歲搶修項下報銷以符定制○己丑諭內閣本日據都察院奏馬蘭鎮兵

丁馬從義呈訴父冤一案著交刑部提案嚴審務期水落石出至該兵丁所控伊父馬雲奉派巡查赤轄峪被王二短子毆斃埋壓既經稟報驗明何以該管備弁不敢緝拏且據該兵丁呈稱曾經容照賞給馬兵許拏兇犯案懸半載並無音信等語其中情節支離著容照明白回奏此案兇犯王二短子等仍著容照督飭嚴拏送部究辦斷不可任令遠颺雲南巡撫陸建瀛奏報兼署雲貴總督日

期得旨想汝亦知朕得人之難用人之不易  
免圖報稱為國宣勤他無所顧可也○戶部  
議准前任江蘇巡撫李星沅疏報靖江縣新  
漲田七十九頃十七畝照例升科從之○除  
江蘇靖江縣濱江坍折田一項二十九畝額  
賦○庚寅諭內閣劉韻珂奏請清釐臺灣閒  
居幕友開單呈覽各官延請幕友必得謹慎  
自持之士方足以資襄助臺灣孤懸海外尤  
應加意整飭以杜弊端據奏查明閒居該處  
郡城紛紛待聘者除陸續內渡及先後病故  
外尚有陳白齋等三十二人均非刑名錢穀  
之才聚處臺郡久而不歸難保無鑽營求薦  
及勾串為奸等弊若任其盤踞貽害地方於  
海疆吏治大有關繫著即將現住郡城之陳  
白齋等三十二人驅逐內渡不准逗留其現  
在有館各幕該督仍當留心查察如有前後  
異軌者隨時檄飭該地方官驅逐不可稍有  
將就嗣後內地幕友除地方官延請外不准

私自渡臺若臺地官員並不認真驅逐或任  
其私渡即照徇庇失察例分別議處以重吏  
治而肅海疆○辛卯

上詣

安佑宮行禮○正白旗蒙古副都統錫蘭都因

病解任以工部右侍郎明訓兼正白旗蒙古

副都統○壬辰

上詣

大高殿

壽皇殿行禮○奉

皇太后還宮○以故一等公阿齡阿子祥保襲

爵○命詹事府少詹事葉觀儀在上書房行

走工部右侍郎張芾仍在南書房行走○命

左春坊左庶子丁嘉葆提督貴州學政○禮

部議准山西巡撫吳其濬疏報採訪廣靈縣

節婦劉田氏等三十一口請建總坊旌表從

之○癸巳

上詣



皇太后宮問安○諭軍機大臣等本日據慶祺奏知縣調省審案意存推諉一摺已有旨將該縣方發祥勒令休致矣此案民人劉萬強等糾眾行劫姦淫婦女罪名綦重無庸發回該縣審辦著慶祺文俊親提嚴訊務得確情按律定擬斷不准稍有徇縱至該縣方發祥所稱境內現有回民滋事之處其因何起釁摺內未據聲明並著慶祺等派員前往確查據實具奏尤不可稍涉含糊將此各諭令知之○命吏部左侍郎惠豐在紫禁城內騎馬旌表守正捐軀河南濬縣民張玉女二姐  
甲午  
聖祖仁皇帝忌辰遣官祭景陵  
上詣壽皇殿行禮○詣  
關帝廟拈香○旌表守正捐軀河南永城縣民寶茂妻李氏○蠲減直隸安隆平寧晉河

間天津文安六州縣被水地畝額賦有差○乙未命於  
大高殿設壇祈雪  
上親詣行禮 丙申頒發河南祥符縣新建河神廟  
御書扁額曰安瀾利濟中年縣  
河神廟曰榮光溥德○丁酉實授穆特布伊犁鎮總兵官○以塔爾巴哈台屯田豐收予員弁議敘賞兵丁一月鹽菜銀○命陝甘總督布彥泰撥銀六十六萬五千兩解赴伊犁備道光二十八年經費○戊戌  
上詣  
皇太后宮問安○諭內閣奕湘等奏請將越邊各犯遞籍嚴管等語奉天越邊各犯多係山東直隸流民遷寓沿邊一帶乘間潛越種種偷盜雖經拏獲懲辦罪止枷杖一經發落仍復出邊偷竊情殊可恨所有此次拏獲越邊各犯枷滿折責後均著遞回原籍交各該州

縣等嚴加收管。僮遞回後，仍敢出邊偷竊，甚至有再犯三犯者，應如何加等治罪？各該州縣等於流民收管後，仍復潛逃出邊滋事，毫無覺察者，應如何予以處分之處？著該部妥議具奏。尋奏：上嗣後出邊偷竊人犯遞回後，仍復出竊，即照再犯例先在犯事地方枷號兩箇月。如等間擬杖徒再犯三犯，即以次遞加該州縣等於流民收管後，仍復逃脫滋事者，一名罰俸六箇月，二三名罰俸一年，四名

至六名罰俸二年，七名至九名降一級留任，十名以上降二級留任。其失察在境潛住之地方官，亦照此例議處。從之。○修山東運河廳蜀山湖、泉河、廳汶河、碎石隄工，並戴村壩殘塌隄工，從河道總督鍾祥請也。○緩徵山東范縣暨屯衛被水災區新舊額賦。○己亥上詣  
火神廟  
宣仁廟

凝和廟拈香。庚子陝甘總督布彥泰奏，參護都司郭大彬擅離汛地，短派防兵，請革職。拏問得旨：欺哄不實，廢弛已久，遇事必當覈實認真。頗波庶可挽救，諸事勉之以副重寄。○緩徵甘肅河狄道、渭源西和、固原、合水、靈礪、伯崇、信、阜、蘭、隴西、伏羌、安定、會寧、平涼、靈臺、十六州縣暨隴西縣丞所屬被雹被水被旱被霜災區新舊額賦。○辛丑上詣

皇太后宮問安。○諭軍機大臣等：劉韻珂等奏，藩司接准琉球國王密咨，關涉夷務，現咨兩廣督臣相機妥為勸諭，一摺。前年秋間，佛蘭西兵船駛至琉球，強留執事，嚮爾咖助等在彼居住，曾降旨令耆英妥為查辦。本年五月，已據該酋將前留執事嚮爾咖助等一併撤回。又另易伯多祿亞、臬德二人在彼居住，並仍諷以結好通商，其意殊難揣測。且嘆咭喇船隻自二十三年以後，屢至該國探水量地，

併令伯德令攜眷逗留該國設局行醫更不知意欲何為琉球臣服天朝最為恭順嘒嘒二國不應擾我屬國著英等接奉此旨即向嘒嘒各酋曲加勸導務使各將兵船及僑寓人等悉數撤去以免驚疑是為至要原摺著鈔給閱看將此由五百里諭令知之○旌表守正捐軀直隸成安縣民楊培基女二妮  
壬寅

上詣

皇太后宮問安○諭內閣前據劉韻珂等奏洋盜遵示投首懇請援律免罪分別發營安插遞籍約束一摺當交該部議奏茲據刑部兵部會議具奏稱據該督等奏請將解到各犯擇其年力精壯者分發閩浙水師各營安插等語洋盜投首仍發水師安插入伍流弊滋多且與從前辦理成案不符所奏著不准行仍著查照嘉慶十八年辦過洋盜投首成案將年力精壯者發至距閩浙較遠之雲南貴

州四川甘肅陝西五省各營每營安插一名入伍予以自新勉力圖效不准私自逃回及有再出為匪等弊餘俱著照所議辦理其管解海盜並出洋探尋直上盜船曉諭之浙江候補知縣陳備恪著遇有該省知縣缺出不論繁簡儘先補用以示鼓勵○旌表守正捐軀浙江臨安縣民俞振音妻沈氏○緩徵江蘇桃源上元江寧句容江浦六合長洲元和吳震澤吳江常熟昭文崑山新陽華亭奉賢

婁金山上海南匯青浦宜興荆溪靖江丹徒丹陽金壇溧陽山陽阜寧清河安東鹽城高郵泰東臺江都甘泉儀徵興化寶應銅山豐沛蕭碭山邵宿遷睢寧太倉鎮洋嘉定寶山海沐陽溧水高淳武進陽湖無錫金匱江陰川沙海門六十五廳州縣暨屯坐各衛被水被旱被風災區新舊額賦○癸卯

上詣

皇太后宮問安○甲辰諭內閣梁寶常奏請將

收復定海出力各員量予獎勵一摺定海甫經收復何得遽請獎勵且一切善後事宜尚須次第舉行著該撫仍責成該文武各員將該處善後各要務妥為籌辦認真經理俟數年後辦理完竣於該處撫綏措置事著有成效屆期再由該撫察看情形續行據實具奏候朕酌量施恩○又諭容照遵旨明白回奏一摺此案馬蘭鎮汛兵馬雲身死既經伊子馬從義控係該處所手王二短子毆斃埋

壓該總兵於到案時果能上緊查拏何難弋獲乃閱八月之久仍未拏獲到案但知賞銀賞糧希圖了事是其玩視人命全不以公事為重現據所奏各情顯有不實不盡難保無另有情弊容照著先行交部議處所有王二短子一犯仍著責成容照迅即督飭嚴拏送部審訊儻敢再稽時日致令遠颺惟容照是問○又諭前據開明阿等奏布魯特賊匪攻撲卡倫經官兵奮力攻擊箭射黑衣賊匪落

馬得獲勝仗當降旨飭令查明射賊者何人茲據賽什雅勒泰等會同查明奏稱此次打仗箭射穿黑衣賊目落馬之人實係錫伯營甲兵塔清阿該甲兵奮勇爭先射斃頭目賊眾立即潰散尚屬勇敢可嘉塔清阿著賞給驍騎校以示鼓勵○諭軍機大臣等賽什雅勒泰等奏巴達克山部落帶兵擒獲布魯特賊匪遣使遞稟一摺此案賊首的瓦年等逃至哈巴依塔拉地方欲往巴達克山什克南

等處藏匿情形先經該大臣等探明具奏茲復據奏稱現有什克南伯克阿布都熱依木差額爾沁庫爾班前來遞稟詢據聲稱前聞奈曼等受曼布魯特將的瓦年稱為和卓在各城滋事因此巴達克山什克南兩處伯克會同帶兵至木洛阿比地方分兵搶奪各愛曼將的瓦年並朵斯巴依及其家屬均已擒獲因差派庫爾班帶朵斯巴依同來回話行至格致地方朵斯巴依不肯前進改遣阿布

都拉帶路來城等語該夷等既將賊匪擒擒並未即時獻出且任聽賊目朵斯已依中途走脫是其有無緝獲究未得實現經該大臣等重懸賞格令其將賊匪解送將來如果解到所有的瓦年等犯務當反覆究詰總期確鑿有據毫無可疑方可分別定擬償稍留疑竇致使已定重罪之犯覆訊並非其人實屬不成事體該大臣等其各詳慎毋忽是為至要將此諭令知之○蠲緩浙江餘杭歸安烏

程長興德清武康安吉新昌東陽建德淳安壽昌桐廬縉雲宣平仁和錢塘富陽新城嘉興秀水嘉善海鹽平湖石門桐鄉奉化象山餘姚嵊金華蘭谿義烏永康武義浦江湯溪西安龍游分水麗水青田松陽遂昌四十四縣暨屯坐各衛被旱被水災區新舊額賦有差除青田縣水淹民地額賦○乙巳

上詣

大高殿行禮

時應宮拈香○詣

皇太后宮問安○命

皇四子

天神壇惇郡王奕諒詣

地祇壇皇六子奕訢詣

太歲壇祈雪惠親王綿愉詣

宣仁廟

凝和廟瑞郡王奕誌詣

昭顯廟拈香○戶部議准浙江巡撫梁寶常

疏報富陽武康樂清三縣開墾沙地塗田六

頃七十三畝有奇照例升科從之○丙午

上詣

壽康宮前殿行禮後殿問

皇太后安○諭內閣京倉收貯歲漕穀石自有

一定額數以收抵放原屬有贏無絀本日戶

部奏比較歲漕數目開單呈覽朕詳加披閱

近年漕糧運京多有短少本年尤甚較之全

漕短至一百萬石蘇松江安兩糧道起運尤

屬不敷現屆開徵兌漕之時著通諭有漕省分各督撫自今年為始漕糧一經徵齊即將該省額徵若干本年起運若干緩缺若干逐一比較上三屆數目據實奏明迅即造具清冊報部俾得豫先覈計不得沿向來舊習於開兌以後始行咨報儻比較有減無增即由該省設法立將短數補足起運方不致有誤支放並著漕運總督一體遵照悉心籌畫實力稽查總期漸除積習按額收倉庶漕政可

肅而積貯常充矣又片奏前經奏准勸諭商人買米由海運津官為收買現在有無領運之商未據奏報著兩江總督江蘇巡撫剴切曉諭以此次商運米石一經到津特派大臣前往剋期收買該處地方市僧人等概不經手俾各商咸需利益毫無阻滯如有運米較多之商一俟收買完竣後該督撫即查明奏懇獎敘候朕施恩其商運米船著查照道光六年海運章程每船准其八成載米二成載

貨由該海關查明免稅放行以恤商情而廣儲備諭軍機大臣等寄諭兩江總督壁昌署江蘇巡撫程爾采漕糧為天庾正供支放攸賴每歲京倉應放俵米甲米各項共需漕糧三百數十萬石顆粒不容短少亦不能暫緩時日太倉舊時積蓄因歷年漕糧短額均已動放無存覈計各倉現存糧數僅可放至新漕抵通之時是明年漕糧必需四百萬石至少亦須三百七八十萬石方足以數支放

近年以來各省歲運額漕逐年短少江南一省江安蘇松兩糧道所屬緩缺尤多似此有減無增年復一年伊於胡底且以京師官兵俸餉立等發給之款儻因漕糧缺額以致發領不能足數彼時即將該督等加以重懲亦豈能補救萬一朕軫念民隱凡各省奏請蠲緩無不立沛恩施江南地方近年即有偏災朕亦不必遽疑為捏報惟本年懇請蠲緩者竟至五十餘州縣之多或因辦理漕務兌費

繁重藉此為體恤地方之計豈竟置京倉於不顧耶因思海運章程道光六年辦有成案現當整頓漕務清釐幫費之時著該督撫通盤籌畫如可做照前章確有把握即統覈漕糧實數每歲酌分幾成改由海運於道光二十八年為始庶漕費可以節省而州縣等亦不致藉此捏報災荒致虧倉貯至招商買米由海運津事宜已妥立章程籌款備買此外凡有可以實裁幫費籌補額漕之策亦著該

督撫等悉心籌度迅速奏明請旨遵辦不得稍存畏難之見任聽漕糧短缺置國用於罔顧毫無籌措至現經降旨緩徵地漕究竟確數若干並現徵實數若干著即查明迅速報部以備稽覈其南米兵米如有災缺例應碾動常平倉穀或於附近豐收地面採買概不准率請截留漕糧致缺京倉放款該督等既為大清之官不顧大清之事試問是何人耶能否激發天良妥籌善策繁費何以裁汰正

額何以充盈務各竭力殫心詳慎籌議迅即具奏以慰朕懷儻經此次諄諭之後該督撫等仍敢狃於積習貽誤倉貯要需國法具在噬臍何及勿謂言之不豫也將此諭令知之尋壁昌等奏現當徵兌之初飭令各府州督屬認真釐剔均平徵收並將幫費酌量減除至商船運米赴津已據認有成數似可源源販運本年江蘇緩缺兵匠等米另議撥補不准截留漕糧其酌定成數海運及籌補額漕

之策容通盤籌畫再奏得旨勿稍存畏難之見努力而行○丁未諭軍機大臣等前據劉韻珂等奏臺灣生番獻地輸誠請歸官開墾一摺當交大學士軍機大臣會同該部議奏茲據會議具奏該番性類犬羊羸居崖谷忽因衰弱窮困獻地投誠懇請官為經理恐有漢奸懷詐挾私潛為勾引一經收納利之所在百弊叢生有非豫料所能及者此事大有關繫著該督於明年二三月渡臺後將該處

一切情形親加履勘悉心體察籌及久遠據實奏明未奉諭旨之先不准措辦斷不可輕聽屬員僥倖以為邀功討好受其朦蔽率行議准致貽種種後患懷之慎之原摺鈔給閱看將此諭令知之尋奏自福州起程東渡即親詣水沙連各社體察番情履勘地勢得旨懷之慎之不可顧目前留後患也○貸福州駐防旗營並水師旗營修理官署兵房餉銀

濬山東上河捕河運河加河四廳屬河道

從河道總督鍾祥請也○己酉

上諭

皇太后宮問安○諭內閣著英等奏請暫留升任道員趕辦離務一摺廣東惠潮嘉道升授浙江按察使李璋煜先經該督等奏明委辦潮橋鹽務茲據奏稱現在該員督屬辦理招商事宜已有端緒未便驟易生手李璋煜准其暫留惠潮嘉道本任將經手各要務趕辦完竣俟新任道員楊文定到粵後再行交卸

起程 又諭黃恩彤奏應試年老武生三場完竣請賜職銜一摺所奏甚屬冒昧國家設科取士原屬文武並重惟每屆鄉會榜後查明年老諸生賞給副榜舉人及司業檢討等職銜則專為文場而設與武生專較年力者不同黃恩彤既知向無賞給年老武生職銜之例乃必欲飾詞陳請是祇知見好沽名受人朦蔽甘置舊章於弗顧儻各督撫相率為偽競尚虛文於政事有何裨益所奏斷難准

行黃恩彤違例妄請大失朕望著交部嚴加議處以為市恩邀譽者戒○以翰林院侍講沈兆霖署日講起居注官○以故四川成綿龍茂道屬黨壩長官司斯丹增訥爾布子更噶勒爾晤襲職○庚戌諭內閣書元奏捐修喀喇沙爾段壩龍口渠道各工一律完竣一摺此項工程既歸民辦著免其造冊報銷嗣後修防一切事宜著查照議定章程仍責成戶民於農隙之時實力挑挖以資鞏固概不



准率請官為修葺僕冒昧陳奏請帑修理斷不能濫邀允准也○陝西巡撫林則徐因病請解任賞假三箇月調理以布政使楊以增護巡撫○察哈爾副都統阿彥泰因病解任以光祿寺少卿裕誠為察哈爾副都統○以喀喇沙爾修復隄壩渠道賞陝西直隸州知州黃文炳花翎餘升敘有差○辛亥

上詣

皇太后宮問安○諭軍機大臣等有人奏山東

盜賊公行請旨飭拏一摺山東地方向無擄人勒贖之事茲據奏本年十月間該省嶧縣蘭山等處盜劫頻仍並有擄人幼子勒贖錢文之案且該兩縣窩賊甚多著名頭目糾合多人擾害閭閻與捕役聲氣相通是以無從究辦等語盜賊肆擾擄人勒贖與捕役包庇養奸最為地方之害不可不嚴行懲創著崇恩嚴飭地方官按名嚴密查拏盡法懲治毋任一名漏網至捕役包庇賊匪種種弊端實

為盜源該撫惟當密加體訪如果實有其事立即查拏嚴辦庶捕務日有起色而宵小自可斂跡矣原摺鈔給閱看將此諭令知之尋秦原摺所指賈王把等籍隸嶧蘭等縣於道光二十六年閏五月間糾夥擄滕縣夏廷蘭幼弟夏廷燦勒取京錢五十千並搶得衣服錢文因捕拒傷夏廷蘭等又本年十月間蘭山縣宋珩等賭博被劉記等糾夥搶得賭局錢文衣服又是月十九日孔二等糾夥擄孔

毓隆幼子孔差柱並驢一頭勒取京錢三十千以上三案各犯並無結會名目且旋犯旋獲顯非官役包庇均分首從問擬如律逸犯緝獲另結下部議從之○命戶部左侍郎柏後都察院左副都御史陳孚恩赴天津督買海船商米○戶部議准陝甘總督布彥泰疏報烏魯木齊所屬塔西河蘆草溝等處開墾田地十六頃八十畝照例升科從之

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百三十六

清實錄  
道光二十六年十二月

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百三十七

照得煥發官煙從日講起居注官太子太保體仁閣大學士文淵閣領閣事管理戶部事務工部書房總辦翰林院掌院學士夏贊勳

天府府尹事務領帶加五級紀錄十八次正貢積德縣官經歷漢官吏部尚書錄監預其軍都督管理新營房地內官房大佐播家內

七念大臣稽察會同西洋館事務加一級隨帶加六級軍功加三級紀錄五次並花沙的煙草謀官文淵閣提舉開平兵部尚書總管

內務府大臣銀白額滿洲都統裕祿內七倉大臣管理宗人所銀庫左翼副官學 宣統元年明園等處積使堂御案膳房御藥房太

醫院時所處事務隨帶加十八級臣阿靈阿副總裁官經筵講官兵部尚書隨帶加六級紀錄二十次臣周祖培等奉

秋修

道光二十六年丙午十二月壬子朔禮部奏

道光二十七年元旦應行禮儀得旨是照例行禮奉

皇太后懿旨。停止筵宴。其在外福晉命婦進內。

行禮之處並著停止○以甘肅寧夏鎮總兵

官王應熊年老命原品休致陝西延綏鎮總

兵官趙龍田。聲名平常。勒令休致。以成都將

軍中軍副將富隆額為寧夏鎮總兵官。湖廣

督標中軍副將金萬全為延綏鎮總兵官。○

以山東文登協副將楊錄之為甘肅涼州鎮

四六五

總兵官。○免甘肅督標暨西寧河州二鎮派  
勦番匪兵丁借辦行裝銀。○貸雲南白鹽井  
被水災民橋房修費。○癸丑

上詣

皇太后宮問安。○諭內閣。昨因黃恩彤違例妄  
請賞給年老武生職銜。飾詞瀆奏。市恩邀譽。  
當降旨交部嚴加議處。並諭兵部查明定例。  
據奏稱武生武舉年逾六十者。停其咨送鄉  
會試。乾隆九年十八年。經該部先後議覆。將

溥多倫條奏。嚴定章程。六十以上者不准入  
場等語。茲據吏部照妄行條奏例。從嚴議以  
降三級調用。武生符成梅。現年八十四歲。照  
例本不應收考。黃恩彤濫准入場。已屬違例。  
且身為大吏。祇知見好於人。擅闕例制。代乞  
恩施。尤為謬妄。黃恩彤著即行革職。交耆英  
差遣委用。所有該武生符成梅六十以後。歷  
科違例送考收考之各學政巡撫。並著該部  
查取職名。嚴加議處。○調雲南巡撫徐廣縉

為廣東巡撫。未到任前。以兩廣總督耆英兼  
署。以漕運總督程裔采為雲南巡撫。未到任  
前。以雲貴總督李星沅兼署。○以倉場侍郎  
楊殿邦為漕運總督。都察院左副都御史陳  
孚恩為倉場侍郎。○以山西殺虎協副將圖  
塔布為河南南陽鎮總兵官。○以故雲南廣  
通縣屬沙矣舊土巡檢蘇廷齡弟九齡襲職。  
○甲寅

上詣

皇太后宮問安。○諭內閣。本日據都察院奏。福  
建民人蔡龐呈控貪賄縱兇等語。此案前經  
民人張訓赴都察院呈控。曾有旨交閩浙總  
督審辦。何以至今二年。尚未奏結。殊屬玩延。  
案關慘殺十二命。毀滅屍身八具之多。延至  
五載。尚未訊結。難保無縣汛受賄縱兇。撤兵  
不緝等弊。自應速為究辦。著交劉韻珂鄭祖  
琛親提人證卷宗。勒緝案內各犯。秉公嚴訊。  
按律定擬具奏。毋再遲延。原告民人蔡龐。該

部照例解往備質。尋奏。案由蔡從與林歡口角。誤將竹銃傷斃林歡起釁。致林威等先後互毆。傷斃蔡從等七命。其蔡從蔡松蔡文。張合。謝烏。五命。皆因病及自溺身死。該管縣汛無賄縱不緝等弊。蔡龐張訓臺控搶擄賄縱各情。均係因疑致控。非平空誣告。林威蔡從擬斬監候。業已身死。應毋庸議。餘按律分別問擬。下部議從之。○乙卯。

上詣

大高殿行禮

時應宮拈香。○詣

皇太后宮問安。○命

皇四子

天神壇。惇郡王奕諒。詣

地祇壇。皇六子奕訢。詣

太歲壇。祈雪。惠親王綿愉。詣

宣仁廟。

凝和廟。瑞郡王奕誌。詣

昭顯廟拈香。○諭內閣御史曹澍鍾奏。州縣

虧那錢漕供給規禮。請飭大吏廉儉率屬一

摺。並片陳規費名目等語。各省封疆大吏。自

宜潔己奉公。廉儉率屬。於官民受困之處。深

加體恤。實力整頓。方為不負委任。若如該御

史所奏。近年錢漕積弊。皆由州縣趨承上司。

供給規禮。因而浮收勒折。朘及小民。又復不

自搏節。以致錢漕愈累。倉庫愈虧。如楚北之

折價完納。蠹串分肥。江浙之捏報水旱。那借

庫款辦漕。無非以小民之脂膏。供長官之糜

費。又如所稱督撫巡閱。學政按棚。藩臬道府

節壽等項。均有規禮供給。並有填衙坐轅門

各項名目。此皆州縣賠累之由。朘之於民。實

虧之於國。日甚一日。幾無底止。若不嚴行禁

絕。革除積習。何以飭蓋簋而實倉儲。著通諭

各省大吏。務各激發天良。清廉自勵。破除情

面。於一切地方供給規禮。概行屏絕。俾州縣

不至藉口賠累。浮收錢漕。於體恤之中。即寓

整頓之意。儻查有陋習相沿。以趨承為能事。置民力於不顧者。即行嚴叅示懲。各大吏如敢狃於積習。不能潔清自守。經朕訪聞。或被科道糾叅。定將該督撫等嚴懲不貸。其各懷之慎之。勿謂言之不豫也。至另片奏稱。京倉米色之壞。皆緣糧艘貨多米少。舵工水手。節節偷漏。抵通後。發水漲溼。補其虧欠。以致米色受傷。不堪久貯。於倉儲大有關繫。著漕運總督倉場侍郎於辦理新漕時。密查旗丁。經紀剝船車戶人等。如有前項情弊。即行嚴拏懲辦。儻糧廳各員疏於防範。抑或有受規徇隱之處。著一併分別叅辦。勿稍姑容。將此通諭知之。○杜爾伯特扎薩克親王棍布扎布。於神武門外瞻覲。○丙辰。諭內閣。奕湘等奏估修

永陵明堂前土隄泊岸工程一摺。著欽天監於明春選擇吉期。先期知照。屆時敬謹興修。以昭慎重。估需銀兩。著由盛京戶部銀庫支領。

丁巳

孝惠章皇后忌辰。遣官祭。

孝東陵。

上詣

皇太后宮問安。○戶部議准。前署陝西巡撫裕康疏報。武功縣開墾馬廠餘地三十三頃四十六畝。有奇。照例升科。從之。○戊午。命兵部左侍郎孫瑞珍。仍在上書房行走。○除江西新淦縣水衝沙壓田九頃四十三畝。有奇。額

賦。○己未。

上詣

大高殿行禮。○諭軍機大臣等。璧昌等奏。遵議辨認洋面船隻一摺。詳閱所奏。其稱商船夷船盜船。易為辨認。總覺不實。不妥。近來人情奸計百出。在洋盜船。其船式服色。若令人一望而知。豈非自取敗露。應如何於形跡相似之中。辨其真偽。斷不至受其欺蒙之處。著該督俟陸建瀛到任後。會同該撫。並提督尤渤。

再行悉心籌度。妥議具奏。將此諭令知之。○又諭。戶部奏請推廣捐輸米石章程等語。京倉所貯米石。果能足額無虧。則支放裕如。原不待另為籌畫。無如近年起運漕糧。缺額甚多。若但憑發價採買。誠恐緩不濟急。茲據戶部設法豫籌。請於江蘇省做照官員捐米之例。准令各省官民。前赴江蘇捐辦米石。照捐輸銀兩議敘。由該督撫奏請獎勵。其運京路程。或附海船抵津。或由內河抵通。如何便易

之處。著壁昌程裔采悉心妥議。迅速由驛覆奏。原片鈔給閱看。將此諭令知之。○戶部右侍郎順天學政徐士芬因病解任。以署吏部左侍郎李煌為戶部右侍郎。兼管錢法堂事務。仍留江蘇學政任內閣學士朱鳳標仍署戶部右侍郎。兼管錢法堂事務。○命內閣侍讀學士朱崧提督順天學政。○科爾沁扎薩克土謝圖親王色登端魯布等六人。烏珠穆沁扎薩克車臣親王彭蘇克納木濟勒喀爾

喀扎薩克郡王拉蘇龍巴咱爾等二人。巴林扎薩克郡王那木濟勒旺楚克等二人。喀喇沁扎薩克郡王色伯克多爾濟教漢郡王布彥德勒格呼固魯克齊。阿巴噶扎薩克郡王阿爾塔什第。翁牛特扎薩克郡王喇特納濟哩第。蘇尼特扎薩克郡王齊旺扎布等二人。郭爾羅斯扎薩克鎮國公揚贊巴拉。於神武門外瞻觀。○庚申。諭軍機大臣等。壁昌等奏遵旨嚴禁完漕積弊一摺。據稱江省漕

務最繁。弊端最甚。現將大戶小戶包戶各名目。嚴行禁絕。此外如丁胥之把持。衿監之挾制。以及弁丁故意刁難。或挑剔米色。或加索幫規。甚至勒捐通關米結等弊。尤當逐一革除等語。該督等惟當振刷精神。認真勉力。督飭所屬實力奉行。將從前一切弊端。隨時隨處明查暗訪。儻地方官浮收入己。積蠹刁衿。仍萌故智。尖丁額外苛索。即行分別嚴叅治罪。總期奸徒無所施其伎倆。而正供不至稍

有欠缺。方為妥善。將此各諭令知之。○以查拏竊馬賊犯出力。予惠遠城協領花里雅遜等升敘有差。○禮部議准山西巡撫吳其濬疏報。採訪靈石縣貞節婦女吳郝氏等六十口。請建總坊旌表。從之。○免河南民欠銀。○辛酉。

上詣

皇太后宮問安。○御乾清門聽政。○命大學士卓秉恬。禮部右侍郎倭什訥恭齋冊寶。尊封

仁宗睿皇帝

如貴妃鈕祜祿氏為

如皇貴妃。冊文曰。佐治仰翟衣之範。慶薦璇閨。延洪添鶴算之籌。型垂瓊簡。緬懷壺德。式舉彝章。

皇考如貴妃質東安貞。性成溫惠。昔日恩承。楓宸贊中宮而淑慎恆昭。頻年躬侍

萱闈。備內職而敬恭益懋。初元崇禮。懿號先加。純嘏誕膺。令儀足式。椒塗衍慶。絲綸增蘭檢。

之輝。鞠米凝祥。屏翰永桐圭之祚。麻嘉勿替。位秩宜崇。謹以冊寶尊為

如皇貴妃。於戲。鴻章洊至。受介福以重申。象服彌章。迪延齡於週甲。聿崇懋典。祇迓蕃釐。謹言。○命協辦大學士吏部尚書陳官俊為正使。禮部左侍郎連貴為副使。持節齎冊寶。晉封

琳妃烏雅氏為

琳貴妃。冊文曰。朕惟宣勤珠殿。芝泥分綸綍

之榮。職佐璇闈。椒掖表珩璜之德。聿昭令典。用錫徽章。咨爾琳妃烏雅氏。淑慎其儀。柔嘉協度。式芳型於內則。禮教深嫺。介蕃祉於春暉。

慈恩下逮。茲恭奉

皇太后懿旨。晉封爾為琳貴妃。特頒異命。晉翼坤儀。爾其仰沐

鴻休。勉贊肅雍之化。祇膺象服。彌懷謙抑之衷。欽哉。○命禮部尚書保昌為正使。內閣學士

慶錫為副使持節肅冊晉封

成貴人鈕祜祿氏為

成嬪冊文曰朕惟璇閨起化六宮襄澣濯之勤玉陞承恩九室重德容之選隆章聿著寵命宜頒咨爾成貴人鈕祜祿氏蘭蕙姿芳珩璜度飭佐中壺而儀昭端恪朵殿叨榮備內官而式秉柔嘉

萱闈錫祐茲仰邀

皇太后懿旨晉封爾為成嬪申之冊命爾其祇

承芝檢紫泥膺鸞詒之祥益勵椒馨丹宸篤鴻釐之慶欽哉○諭內閣御門辦事典禮攸關各部院堂官理宜恪恭祇候用昭夙夜靖共之義本日御門時吏部堂官全行誤班並未遞本以致引見識認官亦未帶領此外各衙門堂官亦未全到均屬遲誤所有吏部各堂官著交都察院嚴加議處其餘各衙門堂官即著吏部查明遲誤各員據實具奏○又諭裕泰等奏荊州駐防旗人及咸寧武昌民

人請分別彈壓鈴束等語據稱荊州駐防旗人生齒日繁游手好閒之徒潛至漢城賒買物件酗酒打降咸寧武昌民人良莠不齊亦多村野強梁之輩彼此爭競已非一日在旗人又以不列編氓於府縣各官不能聽其約束該地方官亦不無遇事遷就之處遂至積習相沿縱恣日甚嗣後荊州駐防旗人無論兵丁閒散如有無故潛至漢城生事滋鬧者即由該地方官徑行拘拏一面申報將軍公

同審辦僅係漢民肇釁欺陵亦即從嚴懲治不得稍存偏袒總期永杜後釁久遠相安○以通政使司副使黃贊湯為光祿寺卿○旌表守正捐軀山東魚臺縣民強禮修女性姐○撫卹琉球國遭風難夷如例○壬戌以告替土謝圖汗公銜扎薩克頭等台吉彭楚克多爾濟子齊們多爾濟襲爵○以捐製烏槍賞青州佐領多紳保花翎並下部優敘○賞休致甘肅寧夏鎮總兵官王應熊半俸○癸



亥諭軍機大臣等。陸建瀛奏委員查辦邊境遊匪滋事。及籌撥經費一摺。雲南大小猛統地方遊匪。藉稱挾道。光十九年客民械鬪之嫌。膽敢糾約一千餘人。闖入緬寧界內滋事。實屬愍不畏法。且難保無另有匪徒勾結。遇事挑釁。亟應大加懲創。現據陸建瀛飭委知府寶俊。參將伊昌阿。馳往會同鎮道查辦。並飛咨署提督察看情形。親往督勦。李星沅現已抵任。著即督飭該員等。趕緊兜拏。實力勦辦。務須迅速。肅清根株。毋使滋蔓。其所請經費。著准其於邊費項下動撥銀一萬兩。解往備用。如竣事較速。仍即繳還庫貯。至署提督蔭德布。如已親往督辦。能否勦捕得宜。且於此缺是否勝任。著李星沅詳細察看。據實具奏。毋稍徇隱。將此諭令知之。○旌表守正捐軀河南確山縣民張如德妻崔氏。○甲子。

上詣

皇太后宮問安。○諭內閣。前日朕御門時。吏部堂官全未到班。各部院堂官亦多未到。當經降旨分別嚴加議處。茲據吏部都察院分別議奏。事關典禮。該尚書等相率遲誤。非尋常疏忽可比。恩桂。惠豐。李芝昌。福濟。侯桐。均著罰俸四年。陳官俊著罰俸二年。祝慶蕃。連貴。馮芝。倭什訥。吳鍾駿。德厚。孫瑞珍。李振祐。周祖培。特登額。杜受田。阿靈阿。王廣蔭。和淳。靈桂。李嵩。倭仁。邢福山。聯奎。李鈞。均著罰俸二年。朱鳳標著罰俸一年。俱不准其抵銷。○以告替賽因諾顏貝子多爾濟扎布子羅布桑車林襲爵。○西寧辦事大臣達洪阿因病解任。賞江西九江鎮總兵官哈勒吉那副都統銜。為西寧辦事大臣。以直隸河屯協副將清保為九江鎮總兵官。○命安徽壽春鎮總兵官岱昌來京。以湖南常德協副將哈豐阿為壽春鎮總兵官。○以廣東捐造戰船。予監生劉廷揚以同知即補。餘加銜升敘有差。○予

故河南開歸陳許道前任四川巴縣知縣劉衡山西保德州知州莫兆文浙江紹興府同知趙黻安徽徽州府訓導夏鑾入祀名宦祠山西故通政使司參議孟生蕙湖北故浙江湖州府知府李堂廣東故從化縣訓導葉開傑江蘇故進士彭紹升入祀鄉賢祠從總督寶興劉韻珂璧昌裕奏耆英巡撫吳其濬梁寶常王植趙炳言黃恩彤署巡撫文柱等請也○禮部議准山東巡撫崇恩疏報採訪臨

胸縣貞節婦女高孟氏等三百三十六口湖北巡撫趙炳言疏報穀城縣趙程氏等一百七十九口各請建總坊旌表從之○乙丑諭內閣奕湘等奏勘估紅牆應修工程一摺福陵紅牆應修各工現據該將軍等會同查勘估計亟應修整以昭慎重著欽天監即選擇明年二三月內吉期豫行知照屆期敬謹興修○又諭向來秋審朝審人犯緩決三次以上者人數積多每屆數年諭令刑部查明奏

請分別減等以示法外之仁今自道光二十四年查辦後積至本年秋讞入緩決者又有一萬八百餘名口著刑部將緩決三次以上各犯照節次查辦之例逐一查明所犯情節奏明分別減等發落以昭矜恤○諭軍機大臣等本日據李星沅奏原辦回務大概情形並現在籌勦緬寧回匪一摺雲南漢回積怨報復大而械鬪小而焚劫幾至無歲不有該督著即詳加體察悉心酌辦儻賀長齡從前

辦理不善即著據實嚴參無稍徇隱至此次緬寧之擾與永昌前案有無牽涉並雲州處決人犯突被回匪打奪是否即係緬寧匪徒抑或另有勾結均須徹底查明逐一根究回匪張富投誠是否出於真心尤須訪查確實迅速具奏再現在勦辦緬寧匪徒該督既飭臬司普泰前往堵緝如一時未能嚴事即著李星沅馳赴該處相機妥辦總期趕緊撲滅毋留後患是為至要蔭德布是否得力著該

督仍遵前旨查看明確據實覆奏將此諭令知之○以宗人府府丞彭蘊章為都察院左副都御史仍留福建學政任○以勒辦布魯特賊匪出力賞守備舒通阿防禦阿木爾圖伯克捏孜爾阿比提孜爾花翎領催伊棉布等藍翎餘升擢有差○丙寅諭內閣理藩院議奏遵旨妥擬迎接哲布尊丹巴呼圖克圖之呼畢勒罕各項事宜一摺朕詳加披閱與前五世迎接哲布尊丹巴呼圖克圖之呼畢

勒罕辦過成案相符均依該院所奏惟思呼圖克圖之呼畢勒罕年歲尚幼自藏至庫倫途路甚遙朕甚不放心著四川陝甘總督西藏西寧辦事大臣等於該呼圖克圖之呼畢勒罕自藏至庫倫一帶經過地方務須多派官兵小心謹慎妥為照管以示朕軫念呼圖克圖之呼畢勒罕至意○諭軍機大臣等柏後等奏收買商運米石請飭豫籌定價等語天津海船商米官為收買自宜優加體恤以

廣招徠惟此次三色米石前由天津道按照市價議值較本年夏間有增無減該商等踴躍前來恐天津市僧逐漸擡高市價或該商暗令增昂以為比照地步不可不豫為籌計米石價值原屬隨時增減現在官為收買糙米一項著壁昌陸建瀛察看該省價值覈計該商成本水腳量加利息俾有贏餘統計糙米每石應給庫平紋銀若干兩面為議定價值隨時咨明戶部及直隸總督於收買時照

議發給該商子母相權有利可圖自不至有屈抑總期於招徠之中並杜市僧挾持之漸庶於倉儲庫款均有裨益該督等惟當察看情形詳細確查悉心妥議具奏原片鈔給閱看將此諭令知之尋奏遵將米價一律議定惟該商認運有先後數目即有參差其先承認者每石連腳價給銀二兩二錢續認者酌加二錢係給庫平庫色下部知之○以葉爾羌參贊大臣吉明兼鑲白旗漢軍副都統○

予甘肅黑錯寺出師陣亡遊擊張奉明外委胡廷選祭葬世職淹斃千總焦丕和等三員祭葬卹廕陣亡兵丁朱萬祿等七名賞卹如例○緩徵浙江寧海新昌東陽桐廬縉雲宣平青田七縣暨七坐各衛被旱被水災區新舊額賦除青田縣水衝田地額賦給緡雪宣平二縣災民一月口糧○丁卯以故三等男慶寬子賽冲阿黑龍江布特哈三等男富鵬阿子蘇蘇勒通阿各襲爵○山西巡撫吳其

濬因病解任以四川布政使王兆琛為山西巡撫未到任前以山西布政使潘鐸署理以福建按察使陳士枚為四川布政使降調布政使按察使銜周開麒為福建按察使○戊辰

上詣

皇太后宮問安○諭軍機大臣等寄諭直隸總督訥爾經額有人奏直隸河間府屬獻縣交河二縣匪徒叢集擾害居民捕役包庇漁利

一摺著該督將摺內所指各案各犯密飭所屬按名查拏親提研訊從嚴懲辦償地方官苟且因循隱匿諱飾即行指名叅奏毋稍徇隱原摺著鈔給閱看將此諭令知之尋奏詳查所奏獻縣賊人韋大禍等結黨成羣捕役包庇婪贓等款除劉太劉和尚陳登科孔麻五原奏指明有案業經訊明並王詳先被該縣拏獲訊認夥同楊太行竊王廷貴家驢頭別無為匪不法其韋大禍等檢查毫無案據

捕役任廣輝耿惻太亦無包庇婪贓確證該村紳民以韋大禍等素係良民公呈具保並無告發之案又原奏交河縣富主趙景周賊匪吳黑等搶劫各款交河縣乾元號被竊事主喊捕被傷報縣緝賊無獲業經照例開叅獻縣福隆號周蘭藥舖及交河縣王家莊事主劉守奎許家莊事主王之華桑家莊事主桑作雨等五案原報被竊均非搶劫亦無獲賊被奪之事又吳黑絡竊多次提趙景周質

訊素不認識。實無窩留吳黑等搶劫各案。捕役王治宋大個。無縱賊不拏情事。惟王治看管王二。梁六。疏防致令脫逃。訊非故縱。除逸賊緝獲另結外。餘均問擬如律。下部議。從之。以故二等子盛保孫忠瑞。二等男清安弟清福。各襲爵。○追予宋殉節浙江蘭谿縣尉柳敘。入祀忠義孝弟祠。從巡撫梁寶常請也。○撫卹琉球國遭風難夷如例。○己巳。諭內閣。此次盛京應修宮殿各工。著派柏蔭明訓

前往會同盛京將軍工部敬謹修辦。並著欽天監迅速選擇明春吉期。即行知照。以便屆期興修。○又諭李星沅奏遊匪滋事。專轄總兵未能迅速剿除。請先行議處一摺。此次緬寧界內遊匪滋擾。該總兵自應立即馳往堵剿。乃疊經飭令速往。旬日未報起程。殊屬不知緩急。雲南騰越鎮總兵李能臣著先行交部議處。仍著該督確切查明該鎮因何遲延。儻係意存觀望。即行從嚴叅處。毋稍姑容。尋

議李能臣降一級調用。從之。○雲貴總督李星沅奏現查緬匪滋事。嚴速剿辦。得旨。辦此等事。切忌諱飾玩愒。務當嚴加整飭。妥速而行。勉之。又奏謝兼署巡撫恩批。當今之弊。總在蒙蔽不實。處處皆然。深堪痛恨。卿其努力。以副簡任。○以工部尚書賽尚阿管戶部三庫事。○庚午。諭內閣。御史德奎奏請清釐庶獄一摺。京師入冬以來。雪澤稀少。疊經降旨祈禱。迄今未得優霽。現在節屆立春。農田望

澤彌殷。朕心尤深焦切。茲據該御史奏請清查直隸一省庶獄。冀得感召和甘。因思直隸各州縣得雪未能深透。山東山西河南陝西甘肅各省。均屬苦於乾旱之區。自應一律推廣。著刑部堂官督飭承審各司員。將現在交部各案認真細心推鞫。如有冤抑等情。迅即覈辦。並將直隸山東山西河南陝西甘肅各省及部中現擬軍流等罪。已未到配官常各犯。詳查原案。擇其情有可原者。開單具奏。候

朕量加寬宥。至刑部收禁人犯。若因未經定案。久繫囹圄。疾病顛連。情殊可憫。著該部審度案情。其有問徒以下輕罪人犯。及干連待質。例應取保候審者。立予清理省釋。毋稍稽滯。此外尋常案件。並著速行審結。不得遷延羈禁。以示矜恤而迓祥和。○命大學士四川總督寶興。留京充上書房總師傅。翰林院掌院學士。管刑部事。兼署正白旗漢軍都統。賞駐藏辦事大臣琦善二品頂帶。為四川總督。

○以刑部右侍郎斌良為駐藏辦事大臣。○湖北提督桂明。因病解任。以貴州鎮遠鎮總兵官榮玉材為湖北提督。四川維州協副將秦定三為鎮遠鎮總兵官。○以疊次拏獲盜犯。予廣西候補同知張敬修。知府銜。○贈故山西巡撫吳其濬。太子太保。予祭葬。○以江南江安蘇松道所屬歙縣。命緩買各幫丁行月等米。○是日。丁未年立春。順天府進土牛春山寶座。○辛未。諭軍機大臣等。著英奏喚

夷請於西藏定界通商。業經正言拒絕。一摺。並密陳偵探夷情。及酌辦情形等語。西藏地方。本有一定界址。無庸再行勘定。通商一事。更有原立成約。自應永遠遵守。茲該夷因與西藏交界地方。明定界址。並請與後藏通商。殊屬顯違成約。該夷居心狡詐。所稱照會駐藏大臣之處。尚未據琦善陳奏。至前往天津之語。尤屬虛聲恫喝。藉以要求。該督現已援據

條約。正言拒絕。著仍堅守成約。持以鎮靜。勿為所搖惑。勿任其巧辯。總須示以大體。俾知成約甚明。無從狡執為要。該酋回文如何。並加治彌耳夷人與西刻夷人復向攻擊之處。著確切偵探。得有實情。一併由四五百里馳驛迅速具奏。另片奏接准閩省來咨。辦理照會等語。佛喚二夷。各留人在琉球國居住。並有請結好通商。及設局行醫等事。前據劉韻珂奏到。已降旨令著英向該酋等確切曉諭。

矣。該督現已備文諭令即行撤回。並勿許喚夷再令兵船駛往琉球洋面探測。俟有覆文。一面相機辦理。一面即行由驛迅速覆奏。將此由四百里諭令知之。○以內閣學士全慶為刑部右侍郎。仍留廣東學政任。○黑龍江副都統富春因病解任。以吉林協領清安為黑龍江副都統。○調福建按察使周開麒為直隸按察使。直隸按察使兆那蘇圖為福建按察使。○修直隸溫榆河果渠村壩埽各工。從總督訥爾經額請也。○壬申。

上詔

皇太后宮問安。○癸酉。諭內閣。布彥泰奏。甘肅降補遊擊珠克登。前經派往貴德廳屬查辦番務。未能親歷排按。嚴遏偷渡。惟節次勒令各番族擒獻夥賊多名。尚無妄拏欺飾情弊。除先經解到各犯。覈實擬辦外。其餘續到各犯。著再行審明照例辦理。○又諭。布彥泰奏。請將換防官兵酌減均攤等語。據稱察罕托

洛亥防兵。專由西寧河州二鎮派往。該二鎮向來應派口外防兵。統歸甘肅涼州肅州寧夏等營抵派。每屆更換之年。新兵到防。始將在防之兵撤回。往還將及一載。各本營空缺兵數不下數千。設遇調遣。未免緩不濟急。自係實在情形。嗣後甘肅涼州肅州各提鎮三營應派新疆換防官兵。著量減四成。由陝西提標陝安漢中延綏及甘肅寧夏烏魯木齊巴里坤提鎮各營按額均攤。以重營伍。而肅邊防。○諭軍機大臣等。本日據禮部奏琉球進貢使臣到京。並將原咨進呈。內稱喚咭喇佛喃哂兩國人在該國行醫通商等情。前已有旨交著英查辦。著禮部即遵旨各覆琉球國王以釋疑慮。將此諭令知之。○甲戌。上御撫辰殿大幄次。賜蒙古王貝勒貝子公額駙台吉及章嘉呼圖克圖等宴。並賞賚有差。○諭內閣。奉

皇太后懿旨。明年元旦令節。著停止升座行禮。

所有王公一二品大臣及御前行走乾清門行走之蒙古王公。是日俱著仍在

慈寧門外行禮。三品以下各員。在長信門外行禮。俱著鴻臚寺堂司官贊禮。○以大學士寶興兵部左侍郎孫瑞珍充經筵講官。○以內閣學士慶錫兼署鑲紅旗漢軍副都統。○命翰林院修撰孫毓汶提督雲南學政。○賞喀喇沁固山額駙布彥德勒格爾花翎。○賞杜爾伯特扎薩克貝勒巴咱爾那雙眼花翎。

青海扎薩克輔國公多爾濟沙木喀爾喀公銜扎薩克頭等台吉瑪哈蘇噶齊默特多爾濟喀爾喀扎薩克頭等台吉烏都木濟羅布桑車林青海扎薩克頭等台吉達錫端多布花翎。○撥山東藩庫銀一萬四千一百八十兩有奇備冬挑運河工需。從河道總督鍾祥請也。○乙亥諭內閣刑部奏現審各案要犯在逃請旨催緝開單呈覽該犯等或係拒捕首犯或係命案正兇日久未獲難成信讞著

步軍統領衙門順天府五城暨直隸總督山西巡撫按照單開各犯一體嚴拏務獲分別歸案審辦。○又諭此案荊州駐防旗人祖連

等與咸寧武昌民人挾嫌聚毆兇傷多人燒燬會館該將軍等平時約束不嚴臨事復不能彈壓又不及時據實具奏均屬咎無可辭荊州將軍恆通副都統忠靈德凌阿均著交部嚴加議處該管協領佐領等官著一併查取職名送部嚴加議處。○諭軍機大臣等前

據禮部奏琉球進貢使臣到京進呈原咨稱英咭喇佛蘭西兩國人在該國行醫通商懇求弭止等情已諭知禮部將已有旨交者英查辦緣由咨覆該國王以釋疑慮茲復據禮部奏稱該國使臣呈遞稟帖種種各情與該國原咨係屬一事著禮部仍遵前旨咨覆該國王並諭知該使臣已有旨交者英查辦矣將此諭令知之。○以貴州松桃協副將拴住為雲南騰越鎮總兵官。○展倉場經紀借支



庫銀扣還限期。○丙子。

孝莊文皇后忌辰。遣官祭

昭西陵。○諭內閣鑾儀衛奏恩利銀庫滋生銀兩。典置地畝。本年應徵租銀。除解到外。尚欠四百一十一兩零。新舊共欠租銀十九萬一千九百八十八兩零。此項租銀。係該衙門辦公之用。自應按年徵收。不得任其拖欠。著直隸總督嚴飭各屬。務將前項租銀。迅速催解。不許再有延宕。○諭軍機大臣等。前據劉韻珂

等奏。藩司接准琉球國王密咨。以佛啖二國各令執事人等。逗留該國。並有設局行醫等情。曾降旨令著英曲加勸導。共釋猜疑。嗣據該督奏稱。接准閩省來咨。業已備文諭令撤回等語。惟昨據禮部奏稱。琉球貢使到京。呈遞稟帖。復以佛啖二國留人在彼種種滋擾。該國王不勝疑慮。力求代奏等語。琉球臣服天朝。最稱恭順。既據疊次懇請。若不為之弭止。驚擾殊失撫馭外藩之意。然佛啖各令執

事人等。逗留該國。又不知意欲何為。此事既未便頒給佛啖敕諭。令其撤回僑寓人等。又不值遣兵前往與之理論。惟在該督仰體此意。復向佛啖各酋反覆曉諭。使知成約。既不可違。小利亦無可取。務使各將逗留人等悉數撤去。以弭外侮。而恤藩封。是為至要。疏球使臣原稟著鈔給閱看。將此由四百里諭令知之。○調福建巡撫鄭祖琛為廣西巡撫。廣西巡撫徐繼畲為福建巡撫。○以歲暮裕祭

太廟。自是日始。齋戒三日。○丁丑。諭內閣。劉韻珂等奏。招商販運米石。以裕民食一摺。福建沿海各屬。現在米價增昂。臺米轉運無多。沿海各郡。購糴維艱。自應豫為籌備。俾無缺乏。著照所請。准其查照成案。由司出示招商。頒給執照。前赴江浙沿海產米各郡。分投採買。轉運至閩。聽其自行售賣。經由各口。隨時查驗放行。毋許照外夾帶偷漏。亦不得留難阻滯。以期迅速。一俟民食漸充。即行停止。給照

○諭軍機大臣等。前據耆英奏。喚夷請於西藏定界通商。業經正言拒絕。當有旨著該督堅守成約。勿為搖惑。茲據琦善奏。稱據唐古特西界堆噶爾本營官稟報。有披楞人投遞夷稟。據來人口述。係披楞戰勝森巴。已經歸附。並將所屬之拉達克。克什米爾。分與管轄。欲向唐古特交易。定有章程。令人前往會議等語。與該督前奏大略相同。本日已降旨令琦善嚴密防範。並著曉諭該夷。以辦理夷務。

係欽差大臣之事。應由該夷自赴廣東與耆英商辦。著該督仍遵前旨。申明條約。毋任狡執。俾知成約堅明。五口通商之外。不得再生枝節。是為至要。原片及信底。俱著鈔給閱看。將此由四百里諭令知之。○又諭琦善奏。接據唐古特西界堆噶爾本營官稟報。有披楞所屬庫魯部落遣人投遞披楞兵目夷稟。並現在探聽籌辦情形。覽奏均悉。此事前經耆英奏稱。喚夷請於後藏定界通商。業經耆英

諭以西藏本有定界。無庸再勘。通商係原約所無。不得違背等語。備文照會。當降旨令耆英援據條約。正言拒絕。持以鎮靜。勿為所搖。茲據該大臣奏稱。已代營官酌擬回信。並密為籌備。以防不虞。辦理甚為妥善。惟喚夷詭譎異常。自應訓練兵丁。豫為防範。如果狡焉思逞。該大臣惟當因時制宜。相機籌辦。切不可孟浪從事。有傷國體。仍一面廣為偵探。隨時斟酌情形。妥協辦理。一面諭以通商事宜。

現係欽差大臣耆英專管。如有稟請事件。可赴廣東商量。已由四百里諭知耆英曲加開導。俾令堅守成約。毋得別生枝節。該大臣現已簡放四川總督。著暫緩前往。俟斌良到任時。儘所辦夷務尚未完竣。仍著留藏數月。再行前赴新任。將此諭令知之。○又諭本日據琦善奏。唐古特西界營官稟報。有披楞人投遞夷稟。欲向唐古特交易等語。披楞即喚咭喇國。現經戰勝森巴。並森巴所屬之拉達克。

克什米爾地方。俱已歸披楞管轄。向來唐古特交易。由拉達克轉賣。今披楞欲覲面交易。復私定章程。令人前往會議。其意殊屬巨測。難保無藉端尋釁情事。現在琦善即赴後藏閱伍。就近探訪信息。訓練巡防。拉達克。克什米爾。是否係卡外回子。曾否歸服披楞。及現與披楞有無交結同謀情事。著賽什雅勒泰等嚴密探訪。如有其事。著即豫行校練。一體防範。以期有備無患。斷不准稍涉張皇。亦不

准稍有洩漏。琦善原奏著鈔給閱看。將此諭令知之。○以辦理善後各工出力。予浙江丁憂同知張印塘。服闋後以知府用。知縣王有齡等。加銜升補有差。○緩徵浙江青村橫浦浦東下砂長亭五場被旱蕩田新舊竈課。○戊寅以歲暮祫祭。遣官祭

太廟中殿

後殿。○命科爾沁郡王濟克默特朗布。在御前行走。○賞御前行走阿拉善扎薩克親王貢

桑珠爾默特紫韁。○己卯祫祭

太廟

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵。○遣官祭

孝穆皇后

孝慎皇后

孝全皇后陵寢。○遣官祭

端慧皇太子園寢。○遣官祭

太歲之神○詣

皇太后宮問安。○命固倫額駙散秩大臣景壽在御前行走。○朝鮮國使臣金賢根等二人。琉球國使臣向元模於午門外瞻觀。○庚辰。上御保和殿筵宴朝正外藩。科爾沁烏珠穆沁。巴林喀喇沁。翁牛特。教漢。蘇尼特。阿巴噶。土默特。扎魯特。茂明安。鄂爾多斯。郭爾羅斯。阿拉善。杜爾伯特。喀爾喀。青海。察哈爾。奈曼。王貝勒。貝子。公。額駙。台吉等並朝鮮琉球國正

副使。隨文武大臣依次就坐。諸樂並作。

上進酒。召左翼科爾沁扎薩克土謝圖親王。色登端魯布。卓哩克圖親王。巴圖達爾漢親王。索特納木彭蘇克。烏珠穆沁扎薩克車臣親王。彭蘇克。納木濟勒。科爾沁扎薩克扎薩克圖郡王。索特納木倫布木。郡王濟克默特朗布。巴林扎薩克郡王。那木濟勒旺楚克。喀喇沁扎薩克都楞郡王。色伯克多爾濟翁牛特扎薩克郡王。喇特納濟哩第。教漢郡王布彥

德勒格呼固魯克齊蘇尼特扎薩克郡王。齊旺扎布。阿巴噶扎薩克郡王。阿爾塔什第。科爾沁扎薩克郡王。僧格林沁扎薩克貝子。濟克默特。土默特扎薩克貝子。德勒克色楞奈曼。固倫額駙德木楚克扎布。乾清門頭等侍衛科爾沁二等台吉棍楚克林沁。右翼阿拉善扎薩克親王貢桑珠爾默特。杜爾伯特扎薩克親王棍布扎布。喀爾喀扎薩克郡王拉蘇龍。巴咱爾。扎薩克貝子德勒克多爾濟。扎

薩克親王車登巴咱爾。扎薩克郡王那遜巴圖至。

御座前。賜酒成禮。○是年。旌表孝子直隸等省陳廷楠等十九名。孝婦江蘇等省嚴徐氏等七口。孝女江蘇等省汪氏等三口。守節合例八旗滿洲馬甲呈亮妻瓜爾佳氏等一百十三口。蒙古護軍郭興阿妻李佳氏等三十八口。漢軍雲騎尉高炳耀妻盧氏等四十一口。內務府筆帖式得緒妻祖氏等六口。各省駐

防盛京壯丁劉泳寬妻潘氏等三百三十二口奉天等省石文貴妻王氏等九百二十七口夫亡殉節直隸等省儒童金恩泰妻王氏等三十九口未婚守志滿洲護軍松林妻郭絡羅氏一口內務府幼丁德慶妻舒氏一口直隸等省夏長齡妻陳氏等二十口百歲壽民婦山東等省謝振聲等三十四名口五世同堂奉天等省漢軍武翼都尉奇成額等二十家各給銀建坊如例○會計天下民數穀數除福建及臺灣冊報未到直隸等省通共大小男婦四萬二千三百一十二萬一千一百二十九名口存倉米穀三千二百四十九萬三千三百一石五斗六升七合八勺

大清宣宗效天符運立中體正至文聖武智勇仁慈儉勤孝敏成皇帝實錄卷之四百三十七



薩克郡王阿爾塔什第子瓦新達喇土默特扎薩克貝勒那蘇庫里依子散木巴諾爾察扎魯特扎薩克貝勒薩迪爾子諾爾布林沁鄂爾多斯扎薩克貝子察克都爾色楞子扎那奇爾迪花翎○給浙江富陽餘杭新城寧海桐廬五縣並杭嚴衛上年災歉軍民一口糧○給安徽五河靈璧鳳陽三縣上年被水被旱災民一口糧○貸陝西神木府谷葭三州縣上年被旱災民籽種口糧○癸未

高宗純皇帝忌辰遣官祭

裕陵○

上詣

奉先殿

壽皇殿行禮○以庫倫辦事大臣成凱為塔爾巴哈台參贊大臣伊犁領隊大臣豐紳為庫倫辦事大臣乾清門二等侍衛岳明阿為伊犁領隊大臣○甲申命散秩大臣慶興毋庸在乾清門行走○乙酉諭內閣前因荊州駐

防旗人與咸寧武昌民人挾嫌聚毆該將軍等既失約束又不及時具奏當經降旨交部嚴加議處茲據該部查例具奏請降四級調用該將軍統轄旗營平時約束不嚴臨事復不能彈壓又不及時據實具奏實屬年邁無能恆通著降為三品頂帶休致副都統忠靈德凌阿未能隨同管束臨事又未具奏本應照議降調姑著從寬改為革職留任○以察哈爾都統鐵麟為荊州將軍察哈爾副都統

裕誠為都統正黃旗漢軍印務參領景淳為察哈爾副都統以御前侍衛特興額署正黃旗蒙古副都統以兵部尚書何汝霖母丁氏年屆九旬五世同堂賜

御書扁額福壽字並珍玩文綺○給江蘇桃源銅山蕭三縣並大河徐州二衛上年被水被旱軍民一口糧○緩徵山東章邱濟陽德德平惠民樂陵陽信霑化鄒汶上城武鉅野鄆城范朝城聊城恩鄒平長山新城齊東臨

邑泰安萊蕪東平東阿海豐商河濱利天津滕陽穀壽張荷澤單濮莘高苑壽光高密臨清邱濟寧金鄉嘉祥魚臺四十六州縣並德州東昌臨清濟寧四衛上年被水被旱被風村莊本年上忙額賦○丙戌

上詣

皇太后宮問安○緩徵直隸霸天津青靜海滄

慶雲王田武清薊寧河保定文安大城安獻

阜城景故城吳橋東光南皮鹽山南和平鄉

永年雞澤元城南樂清豐寧晉邯鄲成安肥

鄉廣平磁涑水大名鉅鹿曲周三十九州縣

上年災歉村莊新舊額賦並貸倉穀○給河

南河內修武輝武陟汲新鄉獲嘉安陽延津

原武永城孟濟源十三縣上年被水被旱災

民口糧籽種並貸輝汲新鄉獲嘉湯陰商邱

淇溫八縣災民倉穀○丁亥

世祖章皇帝忌辰遣官祭

孝陵○諭內閣壁昌等奏蘇屬緩缺兵匠等米

循案碾穀採買一摺江蘇兵匠等項米石既據該督等查明缺數著准其於常平倉項下碾動穀三萬二千石覈計該米一萬六千石其餘米一萬七千一百一十石零分飭各州縣於附近成熟地方按數採買所需價銀即於司庫穀價款內借給仍俟各屬屆限完徵緩缺米石按數還倉造報○戊子享

太廟遣惇郡王奕諒恭代行禮○遣官祭

太歲之神○諭內閣前據戶部奏請推廣捐

輸米石章程准令各省官民前赴江蘇捐辦米石照捐輸銀兩議敘當有旨交壁昌等妥議運京路程或附海船抵津或由內河抵通茲據壁昌先行覆奏糧船分帶捐米每船不過數十石為數無幾雇用民船又恐所費較重自不若由海運津較為便捷著該督等即將海運一節迅速妥議由驛馳奏至所稱有漕各省願捐者就近由糧船灑帶並北省官民就近購買海船商販米石由天津交倉等



語著戶部議奏尋議江蘇捐輸米石該督等請令有漕各省就近分於糧船灑帶查該省現議章程係屬籌辦一色粳米而有漕各省不盡出產粳米之區儻令捐生於收買粳米後分投各省交幫灑帶勢實難行至北省官民就近購買交倉一節尤恐近畿一帶米價增昂於民食大有妨礙仍應歸江蘇省辦理以昭畫一從之○又諭壁昌等奏請將商捐經費餘存銀兩發典生息抵給操兵口糧等

項一摺江蘇善後案內商捐操巡經費贏餘銀二萬二千五百餘兩著發典按月生息所有每年利銀二千七百兩除支給巡江不敷口糧銀一千五百三十六兩外餘銀一千一百六十四兩著每年提銀一千兩以為演放沿江礮位獎賞兵丁之用並著免其造冊報銷○又諭程喬采奏清查未能辦竣請展限一年一摺江蘇省此次清查事宜自道光元年起至二十四年止二十餘載款項叢雜冊

籍紛繁現據該撫奏稱原限現將屆滿不克依期藏事著准其再展一年務須認真釐剔不准草率遷就以昭覈實○又諭存興奏徵收漕米請照歷年例案紅白兼收一摺本年浙西各屬成熟田畝因先後被水被旱被風禾稻受傷以致米色未能一律純潔若復輾轉挑換恐至開兌需時著准其援照成案紅白兼收私粳並納以便輸將而速兌運○上以次辛祈穀於

上帝自是日始齋戒三日○己丑諭軍機大臣等前據琦善奏達賴喇嘛班禪額爾德尼差人赴附京地方辦買哈達緞匹等物酌擬人馬騎馱數目一摺當交該部議奏茲據奏稱詳覈該大臣所擬係體察該處實在情形均著照該大臣原擬辦理惟所帶人馬騎馱既經酌定數目以後應令永遠遵守不得漫無限制並著西寧辦事大臣屆期詳查奏定章程逐一稽查儻日後擅自增添即著據實叅

奏至原奏所稱專人前往附京地方購備物件之處。究係在何處購買。並著該大臣指實地方。確切奏明。概不准以附京地方一語含糊入奏。將此諭令知之。○直隸總督訥爾經額奏各屬得雪情形。得旨覽奏。稍慰京師於正月初四日亥末子初瑞雪續紛。至次日已刻方止。足數五寸。朕欣感之餘。仍望直省春膏普徧也。○庚寅

上詣

南郊齋宮齋宿。○諭軍機大臣等。著英奏。嘆夷定界通商之請。已有轉圜一摺。又另片奏。請飭駐藏大臣。就近體察情形。酌量妥辦等語。覽奏均悉。嘆夷定界通商之請。既係祇欲指明舊界。並非另立新界。通商係仍照舊章。亦不另議新條。與來五口通商之夷無涉等情。該夷屈於正論。妄念已息。似不至另生枝節。其西藏地方。是否與加治彌耳毗連。有無舊界可循。及加治彌耳夷人。是否向與西藏貿易之處。已諭知琦善體察情形。酌量妥辦。並將加治彌耳夷人合謀聚眾欲行驅逐夷酋等事。確切偵探。迅速覆奏。又另片奏。唏夷兩夷留人居住琉球。前已諭令撤回。唏夷尚未覆到。嘆首覆稱。醫生前往未便阻止。並琉球附近日本等語。夷情變幻難測。或其欲通日本。而借琉球為東渡津梁。亦未可知。著俟唏首覆文到日。再向噶首相機開導。務期易於轉圜。該兩夷遣往琉球之人。何時撤回。該督即隨時馳奏。又另片奏。解往湖北傳教夷人已交西洋夷目收管。該夷居住香港。甚為安靜等語。該夷現既安靜。想係知所儆畏。此後惟嚴飭地方官於關津渡口。隨時盤查。自不至任意混入。將此諭令知之。○又諭前因琦善奏有披楞人欲向唐古特交易。與耆英前奏嘆夷請於後藏定界通商等情。大略相同。當降旨令琦善相機籌辦。並諭知該夷通商事宜。係耆英專管。如有稟請事件。可赴廣

東商辦。茲據耆英奏稱。夷酋頓易前言。又以定界通商。均係循照舊章。該夷犬羊性成。真偽殊難憑信。著琦善就近體察情形。酌量妥辦。總在因時相機開導。不致別啓紛更。是為至要。至加治彌耳夷人。與西刻夷人。是否實有合謀聚眾。欲行驅逐夷酋。擒去夷目之事。著一面確切偵探。實在情形。並查明西藏地方。與加治彌耳毗連。有無舊界可循。及加治彌耳是否向與西藏貿易之處。一併迅速覆

奏。原摺片及該夷來文來信。並耆英覆文覆信。均著鈔給閱看。將此諭令知之。○辛卯。祈穀於

上帝。

上親詣行禮。○詣

關帝廟拈香。○詣

皇太后宮問安。○

孝全皇后忌辰。遣官祭

陵寢。○諭內閣。給事中安詩奏請嚴專閫之令。

以肅戎行。一摺。國家養兵給餉。歲以為常。不下數千百萬。各省督撫提鎮。宜何如實力從事。嚴明紀律。整飭戎行。方可一兵得一兵之用。若如該給事中所奏。兵不足額。至以羸弱充數。甚至將領有剋扣之弊。兵弁長告訐之風。陸路則曠誤巡緝。水師則虛報出洋。更或恭養夥賊。賣放巨盜。種種弊端。實堪髮指。總由統師之員。平時既訓練無方。臨事又庸懦畏葸。營伍廢弛。尚安望其整頓。捕務嚴肅。邊

防乎。嗣後各直省大吏。閱兵時。務須嚴申軍令。不得奉行故事。置紀律於不問。並嚴飭統帥。將領各員。潔己奉公。身先士卒。如有弁丁干犯號令。即治專閫。以約束不嚴之罪。庶幾水陸營汛。一律嚴整。盜賊不敢竊發。邊圉由是肅清。該督撫提鎮等。身膺重寄。具有天良。其咸思公忠體國。實力認真。以副朕設兵衛民之至意。切勿視為具文也。將此通諭知之。○又諭給事中安詩奏請絕州縣之弊。以拯

民生一摺。國家設官分職。所以為民。州縣為親民之官。必宜深悉民隱。曲體下情。潔清自矢。嚴絕一切弊端。庶朝廷赤子不至為地方官所朘削。若如該給事中所奏。州縣徵收。任意取盈。並盡書墊倉封庫。勒派折色。如此多方剝削。小民其何以堪。至庫款不容短少。乃長蘆虛報庫存。動撥則無實貯。各省虧空。大率類是。又如上年江浙偶形歉收。幾至全請蠲緩。此又因噎廢食。果能實惠及民耶。該督

撫等。惟當查察地方確實情形。認真整頓。前除積習。務將各項弊端。力為禁絕。如查有仍復玩弛。或勒折浮收。或捏報災分。謄黃則匿不張貼。徵收則藉稱賠累。以致不均不平。民情未能悅服。立即糾叅。嚴行懲辦。儻漫不加察致。令民困不蘇。定將該督撫等嚴懲不貸。勿謂言之不豫也。○壬辰

上詣

大高殿行禮。○辛圓明園。詣

安佑宮行禮。奉

皇太后居綺春園。賞乾清門行走喀喇沁貝

勒德木齊扎布雙眼花翎。○癸巳

上詣綺春園問

皇太后安。○甲午

上御奉三無私殿。賜皇子親藩等宴。朝鮮國

王李昶遣使表賀

萬壽冬至元旦三大節。進貢方物。賞賚筵宴如

例。○琉球國王尚育遣使表貢方物。賞賚筵

宴如例。○乙未

上御正大光明殿。賜朝正外藩等宴。作樂賜酒

如除夕儀。○丙申

上御正大光明殿。賜大學士尚書等宴。○丁酉

以吏部右侍郎福濟署戶部左侍郎。兼管三

庫事。○命湖北布政使朱士達。原品休致。以

陝西按察使唐樹義為湖北布政使。調廣東

按察使嚴良訓為陝西按察使。浙江按察使

李璋煜為廣東按察使。江蘇按察使周祖植。

為浙江按察使以江蘇蘇松太道宮慕久為按察使戊戌

上詣綺春園問

皇太后安諭軍機大臣等寄諭兩廣總督耆英廣東巡撫有辦理夷務之責前有旨將徐廣縉調補該員於此缺是否相宜能否幫同該督辦理夷務著俟該員到任後由該督詳細察看情形據實具奏將此諭令知之尋奏遵查新任廣東巡撫徐廣縉精明強幹辦理

一切夷務亦能虛心商榷可期和衷共濟報聞展緩浙江富陽嘉興秀水嘉善海鹽平湖石門桐鄉歸安烏程德清武康十二縣上年被水被旱村莊積欠額賦己亥上御山高水長賜王公大臣蒙古王貝勒貝子公額駙台吉及外藩使臣等食諭內閣劉韻珂奏遊擊自戕殞命訊因總兵牽制請旨革審一摺浙江溫州鎮總兵汪士達於該管中營遊擊趙鳳翔接受前任交代並不嚴飭

清交輒私函屬令商辦並於該遊擊巡洋時請發兵糧俱未允准從中牽制以致趙鳳翔自戕身死且該營錢糧向歸遊擊經管該鎮何以提至鎮署自行收放尤難保無營私情事汪士達著先行革職交梁寶常督同原審各員提集全案人證秉公嚴審確情據實奏辦聞浙總督劉韻珂奏遵查洋盜偽託夷船既須詳辦尤貴嚴拏庶夷人不致別啓事端盜匪自不敢恣情劫掠得旨所議尚好認

真督辦以江蘇督標中軍副將富爾遜布為浙江溫州鎮總兵官庚子諭內閣楊殿邦奏疲幫丁力難支請倣照成案辦理一摺江南大河衛前幫丁貧屯薄造船本屬賠累雇造並舉丁力更覺難支加恩著照所請所有大河前幫九運軍船准其援照成案免其雇募按照加一留次配造糧灑通幫裝帶其應支行月漕贈等項銀米分給造運各丁請領濟運其九運事故船隻亦著照成案加一

輪減免雇以紓丁力。修湖北武昌府江陵。從總督裕泰等請也。辛丑。

孝穆皇后忌辰遣官祭。

陵寢。諭內閣戶部奏珠爾山開荒地畝請照涼水泉舊案停止認種一律封禁一摺吉林一帶地方為根本重地官荒地畝不准開墾例禁甚嚴所有珠爾山開荒地五萬六千餘畝除現在招墾地二千六百二十六畝既經查明各民佃花費工本姑准墾租交租外實

騰閒荒地五萬三千三百七十四畝自應查照涼水泉地畝封禁原案畫一辦理著該將軍副都統親往各該處統行查勘此外尚有存騰閒荒共若干萬畝一律自本年為始各於扼要處所趕立封堆永遠禁止毋任彼此影射稍涉含混以致有名無實並令各邊口嚴遏流民毋許闖入嗣後儻再有展越偷種情弊除該地方官從嚴懲辦外定將失察之將軍副都統一併嚴行懲處以肅官常而昭

法字。○命翰林院編修蕭時鵬提督河南學政。○免雲南銅廠民欠無著工本銀。壬寅。諭軍機大臣等現在壁昌應行來京陛見所有兩江總督篆務已有旨著陸建瀛兼署矣其壁昌等前奏籌防澎湖等處事宜並軍機大臣遵旨密議各一摺又續經壁昌奏請於斜塘口等處設卡安礮並堆用碎石等語事關扼要設防必應相度地勢審擇機宜固不可稍有疏虞尤不可少露形跡所有各摺片

及圖均著發給陸建瀛閱看該署督惟當通籌全局慎密訪查總期不動聲色而於設防固守之策仍自節節周備方為不負委任又給事中朱昌頤前奏江浙奏報緩徵似未確實請旨飭查並明定章程一摺所指各條是否實有情弊亦著陸建瀛逐件確查據實具奏毋稍瞻顧朱昌頤摺並著鈔給閱看將此諭令知之。○雲貴總督李星沅奏緬匪聚散無常不值勞師糜餉擬行團練之法入自為

衛農即為兵。既有裨於邊備。仍無藉於軍需。得旨所見極是。妥實相機而行。○以鄭親王端華喀爾喀親王車登巴咱爾為總理行營事務大臣。○以都察院左副都御史靈桂吏部左侍郎季芝昌知貢舉。○以江蘇巡撫陸建瀛兼署兩江總督。○命戶部右侍郎花沙納倉場侍郎陳孚恩赴天津督買。續到海船商米。○濬江蘇丹徒丹陽兩縣運河從署巡撫程喬采請也。○癸卯。

孝聖憲皇后忌辰。遣官祭。

秦東陵。○諭內閣。本年輪應查閱直隸山西陝西四川甘肅等省營伍之期。直隸著即派訥爾經額。山西著即派王兆琛。陝西甘肅著即派布彥泰。四川著即派琦善。逐一查閱。認真簡校。如查有訓練不精。軍實不齊者。即將廢弛之將弁據實劾參。毋得視為具文。○荊州左翼副都統忠靈因病解任。以西安協領托恩東額為荊州左翼副都統。○修福建龍溪

南靖二縣被衝隄岸。從總督劉韻珂等請也。○甲辰。諭軍機大臣等。御史戴綱孫奏直隸清查荒地。請防擾累一摺。荒田勸墾。本以下恤民艱。上籌國賦。其地界紛錯之處。若專責之州縣申報。恐多不實。不得不委員詳細履勘。惟該委員等於各縣鄉向未身習。其地畝之熟荒。難以臆斷。往往爭長見好。復濟以蠹役奸貪。以無為有。以熟代荒。既滋弊端。即增擾累。直隸省現在辦理勸墾。亦不可不防其弊。著訥爾經額悉心籌度。儻該處牧令礙難憑信。不得已派委賢員前往分辨。斷不准令輕率喜事之員藉端擾害。至新墾之田。應如何升科。亦著該督酌中定制。務令輕重適宜。以杜流弊。原摺著鈔給閱看。將此諭令知之。○乙巳。諭軍機大臣等。寄諭雲貴總督李星沅。御史楊銘柱奏滇省回匪不靖。請飭速辦一摺。據奏滇省匪勢驕橫。廠匪川匪勾結益多。肆行擄掠。抗官殃民等語。匪徒糾眾

滋事。自宜痛加懲創。毋令蔓延。著該督將摺內所指各情節確查。如果實有其事。務當嚴飭地方文武各官相機籌辦。毋稍延玩。斷不准遷就了事。致貽後患。原摺鈔給閱看。將此諭令知之。尋奏。惟當擇吏練兵。無論漢回有犯必獲。庶知儆畏。得旨。所論均是。總在實力認真。○丙午。命保送河工刑部員外郎張道進工部主事郭禮圖。發往南河。右春坊右贊善方壩吏部主事孫瑞齡。發往東河。差遣委用。○戊申。

上詣綺春園問

皇太后安。○以因病告替西藏輔國公策旺珠

美子扎喜熱布丹襲爵。○展緩山東鹽商未

完正雜課銀。○己酉。

孝儀純皇后忌辰。遣官祭

裕陵。○以光祿寺卿黃贊湯為宗人府府丞。○

庚戌。

上詣

大高殿行禮。○還宮。○諭內閣。耆英等奏捐建

九龍城寨礮臺等工。現辦情形一摺。此項工程。現在覈計捐數。已屬有贏無絀。其官紳捐輸。著即停止。仍俟工竣後。覈明本案工程外。尚有贏餘銀若干兩。再行奏明撥歸該省藩庫以備要需。○命戶部左侍郎柏葰。工部右侍郎明訓。會同盛京將軍奕湘查勘盛京邊外山場。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百三十八



大清宣宗效天符運立中體正至文聖武智勇  
仁慈儉勤孝敏成皇帝實錄卷之四百三十九

臣等昨據奕相奏請欽派大臣查勘山場一摺已有旨派柏後等會同奕湘前往履勘矣此案流民越界潛往江邊墾田構舍疊經降旨令奕湘等派員探查嗣據奏稱拏獲各犯分別懲辦並經朝鮮差官眼同委員平毀田舍完結惟原指鑿江西岸四十二處私墾田地若干畝構舍若干間居民男婦若干名口經此次嚴行驅逐是否實無寸椽尺土仍留該處柏後等接奉此旨務當會同奕湘前往

道光二十七年丁未二月辛亥朔諭軍機大

臣等昨據奕相奏請欽派大臣查勘山場一摺已有旨派柏後等會同奕湘前往履勘矣此案流民越界潛往江邊墾田構舍疊經降旨令奕湘等派員探查嗣據奏稱拏獲各犯分別懲辦並經朝鮮差官眼同委員平毀田舍完結惟原指鑿江西岸四十二處私墾田地若干畝構舍若干間居民男婦若干名口經此次嚴行驅逐是否實無寸椽尺土仍留該處柏後等接奉此旨務當會同奕湘前往

逐細詳查有無不實不盡並如何明定章程嗣後不至再有流民潛往構舍墾田之事尤當悉心妥籌務收實效謹敢意存遷就扶同諱飾將來或復經該國咨請查辦或別經發覺定將該侍郎等一併治罪決不寬貸至所請東邊卡倫十八處應如何扼要設卡派兵稽查自當通盤籌畫務期得力著專交該將軍副都統等相度情形妥議具奏毋庸與柏後明訓會商辦理也將此諭令知之○壬子

以舉行仲春經筵遣官告祭

奉先殿

傳心殿

上御文華殿經筵直講官賽尚阿祁寯藻進講論語君子無眾寡無小大無敢慢講畢

上宣御論曰王者乘乾御宇以一統三責綦重事綦繁求所以持一心而馭萬幾者莫若敬敬也者保邦制治之要道也顧古君子以敬自勗必先以慢自誡未有敢慢而能敬者也

一舉動不敢肆一嘖笑不敢輕喘喘乎如見大賓如承大祭愔愔之氣不存於中傲慢之象不見於外兢兢業業日慎一日猶恐不慢於眾或於寡不慢於大或於小精益求精益求密務使無罅隙無間斷而後已如孔子之教子張無眾寡無小大無敢慢抑亦可謂詳且盡矣夫所謂無眾寡小大者非謂不問眾寡不辨小大亦非謂視眾如寡視小勝大也嘗讀書至五子之歌既曰愚夫愚婦一能

勝予又曰予臨兆民慄乎若朽索之馭六馬至畢公之命既曰惟公懋德又曰克勤小物然則無眾寡小大云者蓋無一人一事而敢慢之謂也此聖人之意也直講官連貴孫瑞珍進講書經慎厥身修思永講畢

上宣御論曰堯典曰欽明舜典曰溫恭禹謨曰祇承自來帝王傳心之法未有不主於慎者也蓋大道之集基諸小心而定命之原始於宥密臯陶謨之言慎厥身修思永其亦斯旨

乎夫身者臣民之式將以表率臣民厥身安可不修厥修安可不永而要之修身思永之功猶不繫此夫天秩天敘吾身當思所以慎守之天命天討吾身當思所以慎行之天聰明天威吾身當思所以慎體之天監在下天命難諶惟一人罔或不修庶乎允迪厥德惟懷永圖耳而不然者萬幾無由理皇極即無由建而欲以正朝廷正百官正萬民也其將何道之從夫惟思之又思慎益加慎以居

敬者握正位凝命之原以有恆者定長治久安之策詩曰永言配命自求多福又曰庶幾夙夜以永終譽蓋言慎也自堯舜以來精一執中之傳未有不主於慎者也禮成

上幸文淵閣賜講官及聽講諸臣茶復賜宴於本仁殿○以鑲藍旗護軍統領珠勒亨管行營事○改鑄湖北宜昌鎮標前營遊擊關防從總督裕泰請也○禮部議准陝西巡撫林則徐疏報採訪安康紫陽二縣貞節婦女劉

祁氏等三百四十二口請各建總坊旌表從之○貸寧夏駐防官兵修理衙署兵房俸餉銀○癸丑

上莅壽恩固倫公主第○遣官祭

文昌帝君廟○諭軍機大臣等寄諭雲貴總督李星沅等徐廣縉奏沿途訪聞投誠回犯隨同地方官清查回寨並隨赴緬寧營前等語此案張富係一滋事回民並非外夷海盜可比業經繳械投首籲求免罪即准投誠亦

不過貸其一死已足昭法外之仁何至輒予差委殊屬非是滇南官兵為數眾多差遣自不乏人又何用此著名要犯為耶所有該犯隨同地方官清查回寨並赴緬寧軍營之處著即行撤回仍著該督撫等妥為安插免死之外不得妄有希冀至該犯悔罪是否出於至誠仍當訪查確實具奏原片著發給閱看遇便繳回將此諭令知之○修山東運河加河捕河上河四廳閘壩等工從河道總督鍾

祥請也○甲寅遣官祭

先醫之神○諭內閣富泰之女已指婚四阿哥喀喇沁扎薩克多羅都楞郡王色伯克多爾濟之女已指婚惇郡王所有應辦一切事宜著該衙門照例辦理○又諭劉韻珂奏請將緝獲盜匪之總兵遊擊開復處分一摺浙江定海鎮總兵鄭宗凱左營遊擊羅建猷前因疏防洋盜行劫降旨革職留任茲據該督查明該總兵等於被參後親率舟師設法擒

捕於三箇月限內拏獲另案盜匪九十八名尚知愧奮鄭宗凱羅建猷均著准其開復革職處分仍嚴飭該總兵等上緊緝拏各本案逸盜悉數獲解究辦以期淨絕根株○閩浙總督劉韻珂覆奏遵查閩浙兩省兵政均有舊章可循祇須切實教演似不宜另議紛更得旨依議認真訓練原不在多立科條也○江寧將軍岳興阿因病解任以齊齊哈爾副都統英隆為江寧將軍未到任前以副都統

穆騰額護理以黑龍江協領克陞額為齊齊

哈爾副都統乙卯春分朝

日於東郊遣豫親王義道行禮

上以祭

社稷壇自是日始齋戒三日丙辰遣官祭黑

龍潭

昭靈沛澤龍王之神玉泉山

惠濟慈佑靈瀨龍王之神昆明湖

安佑普濟沛澤廣生龍王之神密雲縣白龍

潭

昭靈廣濟普澤龍王之神遣官祭圓明園

惠濟祠

河神廟以協辦大學士吏部尚書陳官俊

母夏氏年九十工部尚書杜受田父前任禮

部左侍郎杜壩年八十有四都統祿普母趙

佳氏年八十有七浙江巡撫梁寶常母李氏

年八十有六賞

御書扁額福壽字珍玩文綺有差禮部議准

江西巡撫吳文鎔疏報採訪玉山縣貞節婦

女羅毛氏等三百一十四口河南巡撫鄂順

安疏報光州方徐氏等一百六十二口各請

建總坊旌表從之丁巳

孝淑睿皇后忌辰遣官祭

昌陵祭

先師孔子遣大學士卓秉恬行禮戊午祭

大社

大稷

上親詣行禮幸圓明園詣綺春園問

皇太后安己未遣官祭

關帝廟諭軍機大臣等李星沅奏官兵籌

勦雲州回匪情形一摺雲州回寨匪犯拒捕

恃險負隅不法已極雖據稱殲斃五六百名

並捆獻劫囚重犯交出夥犯及礮械等件而

藏匿寨外勾結人數尚多若非實力痛勦示

以兵威遷就於目前必致貽患於事後該督

等著即嚴飭鎮將激厲軍心立加攻勦斷不

可因獻出數犯收繳器械數件遂信為賊勢窮蹙又復將就了事僅官兵甫撤而匪徒滋擾如前豈不又墮奸計耶至前次緬軍散匪逃入猛統地方仍當偵探賊蹤密速堵緝如散別圖竄擾即移兵練追拏嚴加懲辦提督蔭德布能否實力勦辦如有稍涉畏葸退縮不前之處即著據實嚴叅毋稍徇隱將此諭令知之 庚申諭內閣前據惟勤奏請採買不敷兵糧當交戶部議奏茲據該部奏比照

歷年採買之數並價值銀兩尚屬無浮兵食要需著即准其先行採買惟該處額設官駝何以與上年運數不符著該都統覆查是否附近不敷估撥抑或有以多報少情弊嗣後仍當儘數駝運不得概以循照向例率行動款採買以杜浮冒 諭軍機大臣等著英泰遵查夷人互相攻擊一摺覽奏均悉夷人種類繁多披楞既係喫夷森巴即係噶酋所稱西刻克什米爾即係加治彌耳拉達克亦其

族類蠻觸相爭旋即和解原可不必置問惟喫夷通商之請雖因條約堅明無從置喙而夷情叵測變幻多端惟當示以大體持以鎮靜隨時相機妥辦以杜其非分之請不致再有瀆求至哈丁與噶酋信息時通諒無異議僅或哈酋來粵商辦亦著向其申明條約毋任狡執俾五口通商之外不得再生枝節將此諭令知之 協辦大學士兩廣總督耆英覆奏查喫噶夷人本欲與琉球國王結好通

商嗣因事不可行噶酋哂哂已信知該國王留哨哆囉等二人在彼聽候回文後當即撤回噶酋現亦反覆開導令其撤回該國夷人得旨相機妥為之 賞休致副都統忠靈全俸 辛酉

孝廉章皇后忌辰遣官祭

銜 旌表守正捐軀直隸武清縣民孔廣義妻張氏 壬戌雲貴總督李星沅奏緬匪已

聞風散匿其拒捕之回匪現督官兵上緊勦辦得旨一鼓作氣最忌姑息醜類務盡殲除毋留後患勉之○癸亥

上御勤政殿聽政○以鄭親王端華為御前大臣○以刑部左侍郎賡福署戶部右侍郎兼管錢法堂事務○以鴻臚寺卿熙成為內閣學士兼禮部侍郎銜○甲子

上詣綺春園問

皇太后安○遣官祭昭忠祠○乙丑遣官祭

歷代帝王廟○諭內閣慶祺等奏請開復原叅勒休知縣一摺據查奉天蓋平縣東沒溝營地方與海城縣境連界前有回匪戴三等糾眾械鬪已經聞拏逃匿現在實無回民滋事前叅勒休知縣方發祥稟辭回任雖未能弋獲回匪戴三等而現獲要犯多名尚非因審案推諉惟稟報遲延究有不合方發祥著准予開復仍交部照例議處慶祺未經詳查即行奏叅著一併交部察議至現任金州廳海

防同知安常前在蓋平縣任內於戴三等糾眾械鬪致斃人命既不能防範於前又不能緝拏於後實屬玩忽安常著即行革職以為玩視捕務者戒又諭朕此次恭謁

東陵啓鑾後著派定郡王載銓大學士寶興卓秉恬尚書恩桂留京辦事宗人府奏宗室在監自縊請將看守之阜役並防範不嚴之筆帖式交部會同訊辦得旨此案著交宗人府會同刑部嚴行覆訊辦理看守空室之阜

役高瑞魏和等著解送刑部究辦主事善循筆帖式恆忠著解任聽候質訊載銓仁壽綿偲春山綿岫均有失察之咎著交部議處○丙寅月食○諭內閣敬敷奏請飭趕緊補足巡洋船隻等語閩省濱海地方盜匪出沒各營缺額師船間有未經造補分緝不敷商販易致觀望著劉韻珂督飭藩司將未造船隻趕緊籌款如數補足以資配緝仍一面嚴飭巡洋員弁先就現有師船竭力搜捕俾匪徒

斂跡洋面肅清至所奏閩海關短徵額外贏餘請俟繳完前短銀兩再行起限完繳著戶部議奏尋奏查福州將軍敬敷自道光二十四年二月至二十六年正月二年內共短徵稅銀四萬二千四百餘兩並未繳清又自二十六年正月至十二月一年期滿短徵銀三萬五千一百餘兩其請接續分限賠繳之處與例不符應即飭令該將軍遵照奏定章程按限完繳從之○又諭揀發四川參將關亮

係前因總兵任內濫委釀命來京引見以副護軍參領降補之員著毋庸發往四川仍以副護軍參領補用所有四川揀發參將著該部另行揀員帶領引見嗣後如有似此因案以京員用者俱著不准保送○丁卯諭內閣前據興福等奏覈議知縣逾限處分安詩意見不合獨自標行片覆公商不到一摺及本日安詩明白回奏又申辨例文各一摺著派寶興李振祐孫瑞珍檢查例案詳訊明確覈

議具奏○命理藩院左侍郎恩華內閣學士景慶乾清門侍衛戴堪恭詣

東陵查看紅椿○賞江蘇等省丙午科鄉試年老諸生王金聲等一百八十四名舉人副榜有差○己巳諭軍機大臣等本日據都察院奏江蘇民人祁煥章呈控憑空裁誣勒財斃命一案已明降諭旨交陸建瀛審辦矣此案該民人呈控黃口汎外委馮立本誣栽伊姪祁金鐸為匪率眾搶掠又索詐未遂將伊姪

酒灌鼻竅火燎肚腹因傷斃命情節甚屬兇殘並據控稱馮立本之叔守備馮景尼多方袒護抗提不到及馮立本反升把總等情果如所控殊出情理之外必應徹底根究以伸冤抑陸建瀛接奉此旨務即親提嚴訊期於水落石出按律懲辦斷不准稍有諱飾以致不實不盡將此諭令知之尋奏祁煥章之姪祁金鐸係已獲正法擒匪縱紅夥黨實非良民因持刀拒捕致被兵役等格毆倒地送縣

身死祁煥章畏罪誣控應按例發邊遠充軍  
外委馮立本訊無誣拏等情與守備馮景尼  
並非叔姪亦無袒護情事應均飭令回任下  
部議從之○庚午清明節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○命

皇四子  
祭

孝穆皇后

孝慎皇后

孝全皇后陵寢○遣官祭

端慧皇太子園寢○命內閣學士李嘉端仍  
在南書房行走○河南布政使賀長齡因病  
解任以按察使王簡為布政使廣西右江道  
吳式芬為河南按察使○追予明守城殉難  
河南新鄭縣文生李崇謙入祀忠義祠從巡  
撫鄂順安請也○旌表守正被戕河南沈邱

縣民婦閻冷氏女影姐○辛未

上詣綺春園問

皇太后安○追予贈禮部尚書銜秦承業諡文  
愍○予廣東追賊被戕外委黃啟泰祭葬世  
職○壬申諭內閣致祭

文廟儀注乾隆年間曾將一揖之儀奉

旨改正嗣後儀注內如何改定現在自行一叩  
禮係何年添出著禮部詳細查明具奏○以  
喀爾喀扎薩克輔國公班當扎布子濟克濟



特多爾濟襲爵。癸酉諭軍機大臣等寄諭江蘇巡撫兼署兩江總督陸建瀛江南河道總督潘錫恩壁昌等奏覆估六塘河挑築各工。數實增減並勒限趲辦一摺覽奏均悉所有估需銀十六萬二千三百零除奏明扣存軍需銀十五萬兩全數動用外尚不敷銀一萬二千餘兩著准其於司庫所收地丁蘆課等款銀內照數借撥以資趕緊疏築惟此項挑築各工不特農田水利攸資且於運道

修防大有關繫非尋常工程可比該署督等惟當認真督率事事覈實現雖派有同知等八員駐工查催仍著該署督等隨時留心稽察如查有草率偷減等弊即行據實嚴叅斷不准稍涉瞻徇致誤要工將此諭令知之○兩江總督壁昌等奏遵議辦別洋面夷盜各船必須隨時隨地認真巡緝其巢穴在岸者責成地方州縣其蹤跡在洋者責成水師營汛更須多設眼線並察其船之式樣及行走

遲速情形則真偽似無難立辨得肯舍此亦無別法務當認真查辦斷不可稍有顛預也○禮部議准前任山西巡撫吳其濬疏報採訪武鄉縣貞節婦女魏程氏等六十口請建總坊旌表從之○甲戌遣官祭賢良祠○諭內閣御史烏凌阿奏吏役毆法釋放遣犯一摺據稱寶坻縣民白堊前經伊父呈送發遣該縣捏詳釋放以致該犯復犯毆母無惡不作等語著順天府即將白堊等嚴拏到案並

人證卷宗交刑部嚴行審訊按律定擬具奏○諭軍機大臣等花沙納等奏天津現到商米一船未能乾潔趁間挑晾一摺據稱查驗現到商船米色多有潮潤黑白不等該商自願挑晾等語收米貯倉必期經久自須一律乾潔著該侍郎等即飭該商趕緊挑晾隨時酌量斛收毋任稍有潮潤是為至要○至續到商船遲早難定仍著該侍郎等在津靜候庶隨到隨收可免守候以示體恤而杜弊端將

此諭令知之○乙亥諭內閣此案馬蘭鎮汛兵馬雲身死經伊子馬從義控係該處斫手王二短子毆斃埋壓乃聞時八月之久該總兵並不嚴拏兇犯但知賞銀賞糧希圖了事迨經降旨嚴切飭拏始據緝獲到案是其玩視人命全不以公事為重前經兵部議以革職若使所斫樹株係在紅椿以內定將該總兵照部議革職姑念此案現經刑部查明偷斫樹株尚在紅椿以外容照著加恩改為降

二級調用以示薄懲○刑部奏遵旨訊明長蘆幕友被叅款跡並查覈運庫動墊銀兩究出官吏得受規費按例懲辦仍分別著賠以肅鰲綱得旨已革運同陳鑑前在護運司任內得受規費銀兩復違例墊發各款共那移庫項銀至十九萬八千餘兩之多罪應擬斬監追該員現已病故所有該原籍湖南及江蘇寓所家產貲財著該撫認真查抄入官變抵母任稍有隱匿寄頓降調長蘆鹽政德順

於歷任運司種種積弊未能整頓又於陳鑑通融奏銷將補欠加價項下未經造報開除銀兩詳請另貯含糊批准迨查係違例發商並不叅辦輒以有款可歸具奏實屬徇隱德順著即行革職從重發往軍臺效力贖罪所有陳鑑應賠銀兩照例著落德順獨賠仍先交內務府勒限一年嚴追限內全完著內務府奏明請旨降調鹽政普琳濫准陳鑑因橋工借用銀兩復准商人求發濫帑均屬違例

且失察屬員收受陋規咎無可辭普琳著即革職仍將橋工案內濫借銀三萬一千九百八十兩責令獨賠由內務府勒限嚴追前任護運司張輔前任運司陸蔭奎陶士霖違例墊懸庫款該任內均有記欠銀兩復收受陋規著該原籍督撫取具各該員親供據實具奏現任庫大使張鴻賓收受記欠陋規著直隸總督訊取該員親供及收受銀數報部辦理前任運司李百齡雖未收記欠陋規惟不

能禁約家丁書吏得受規費且於商人求領  
漫幣虛發虛收輾轉那墊實屬錯謬著即行  
革職訥爾經額沈拱辰會查徐楊緒款跡未  
將名字及教職查出殊屬疏漏著一併交部  
議處所有道光十年以後動墊銀二百四十  
萬餘兩應將有著之款在各商名下追補無  
著之款在厯任運司鹽政名下追賠其應如  
何定限分成並存庫積引帶銷無期如何辦  
理之處著戶部妥議章程具奏尋奏長蘆欠

課如協濟補欠各項加價及漫課歸補銀一  
百四十二萬六千七百餘兩前經議由鹽政  
督同運司按年催支其餘銀兩是否無著應  
由該鹽政覈定確數分別議賠從之○以內  
閣學士熙成兼鑲白旗蒙古副都統鑲黃旗  
漢軍副都統劉鈺署鑲紅旗漢軍副都統○  
以內閣學士慶錫為馬蘭鎮總兵官兼總管  
內務府大臣○丙子

孝昭仁皇后忌辰遣官祭

景陵○諭軍機大臣等向來閩海關徵收課稅  
從無短缺乃自近年以來據報徵收數目每  
不足額是否敬敷未能認真稽覈或用人不  
當致有偷漏等弊或任聽胥役串通朦混種  
種侵蝕恐皆不免著劉韻珂接奉此旨隨時  
留心密加訪察如查有前項情弊即行據實  
具奏斷不准稍涉瞻徇將此諭令知之尋奏  
遵查閩海關稅務雖分六口而廈門一口向  
居稅額之半廈門販海之船有透北過臺出

洋廣撥四項貨船自五口通商以後夷船所  
販之貨即係出洋廣撥兩項船隻所販之貨  
以致出洋廣撥二船收帆歇業夷稅日增常  
稅日絀擬將夷船所占華商進口洋貨棉花  
布匹出口雜貨等稅撥歸閩海關常稅徵報  
其夷船進口噸錢出口茶葉湖絲各稅仍歸  
夷稅徵收下部議尋議夷稅撥歸常稅恐夷  
稅所徵無幾請令於每年夷稅項下撥補常  
稅銀若干兩酌定數目奏聞從之○又諭本

日據鄂順安奏請將被災貧民分別撫卹緩徵一摺已明降諭旨准行矣河北節年災歉固當隨時賑濟俾貧民不至失所惟該省封貯銀錢經費攸關且現存祇有此數該撫尤當加意撙節覈實稽查勿得任聽屬員捏稱災歉以少報多致令帑項虛糜是為至要將此諭令知之○緩徵河南汲新鄉輝獲嘉淇五縣上年被災村莊新舊額賦並給災民兩月口糧○丁丑

上詣綺春園問

皇太后安○諭內閣禮部奏遵查致祭

文廟禮節除一揖之文業經刪定其現在自行一叩禮係何年添出查無確據等語致祭文廟典禮攸關嗣後行禮究應如何畫一之處著禮部詳覈妥議再行具奏尋議上得旨除刪去自行一叩禮外餘著照舊儀辦理○又諭劉韻珂奏洋盜劫殺夷商現已咨行一體嚴拏並將巡洋員弁先行摘頂梃責一摺

盜匪在洋劫擄本為商旅之害必應嚴拏懲辦據奏現已飛咨閩省水師暨廣東江南浙江各督撫一體堵緝仍著劉韻珂督飭員弁協力搜捕此案正盜務獲究辦如限滿無獲即行從嚴叅辦不得因劫係夷船少存歧視以靖洋面而安商旅○戊寅

上啟鑾恭謁

東陵○詣

東嶽廟拈香○諭內閣行在滿鑾儀使玉明

聯順俱著賞穿黃馬褂嗣後滿鑾儀使著永遠為例○旌表守正捐軀廣西臨桂縣民李沈鈺媳張氏○免蹕路經過地方本年額賦十分之三○是日駐蹕煙郊行宮○己卯駐蹕白澗行宮



隆恩門誌

寶城前行禮躬奠哀慟王以下文武大臣官員均隨行禮遣官祭

先蠶之神是日回鑾駐蹕桃花寺行宮

壬午駐蹕白澗行宮○癸未諭內閣關亮曹

任總兵大員其因案獲咎降補副護軍參領

之處王明不得諉為不知乃於揀發參將率

行保送殊屬不知事體王明著交部議處○

又諭李星沅奏官兵圍剿回匪首要各犯續

行拏獲勒交餘匪漸就肅清一摺所辦甚好

可嘉之至滇省回匪由緬寧竄入雲州勾結

拒捕節被攻擊獻出重犯復經該督嚴飭密

速勒拏首犯即據續獲要犯多名又據回寨

續交指拏首犯馬登宵一名餘仍延未交出

該提督等復行督勒殲斃無算賊營驚潰該

寨矜耆等疊次詣營泣訴旋續拏到馬幅海

海連升兩犯又設伏生擒馬效青一犯張富

已據供被傷致斃著名首惡現已一律殲滅

餘匪漸就肅清李星沅調度有方辦理迅速

著賞加太子太保銜並賞戴花翎以示優獎

所有在事出力文武員弁著擇其尤為出力

者據實保奏候朕施恩毋許冒濫又諭李

星沅奏遵旨確查原辦回務實在情形一摺

覽奏均悉此次殲擒雲州回匪多係永昌前

案逸出之犯是該匪等反覆滋擾顯因上屆

辦理回務之告病道員羅天池未能詳慎區

分率行掩捕以致眾回寒心有所藉口實屬

貽誤大局前任雲南迤西道告病回籍之羅

天池著即行革職永不敘用以為輕發躁妄

者戒賀長齡於羅天池挖殺過多託疾以去

並不從嚴參劾止請撤銷議敘又率准張富

等投誠代請免罪種種謬妄實屬辦理不善

亦著一併革職○命署雲南提督蔭德布以

總兵官留雲南候補調湖北提督榮玉材為

雲南提督以直隸正定鎮總兵官閔正鳳為

湖北提督是日駐蹕煙郊行宮甲申

上詣

元靈宮拈香。○以湖南永綏協副將侯鳳岐為直隸正定鎮總兵官。○封閉甘肅玉門縣礦洞。從總督布彥泰請也。○是日。

上至南苑。駐蹕舊衙門行宮。○乙酉。

上詣

關帝廟

安佑廟拈香。○行圍。以大學士潘世恩為會試正考官。工部尚書杜受田內閣學士署

戶部右侍郎朱鳳標吏部右侍郎福濟為副考官。○以禮部左侍郎連貴署戶部左侍郎兼管三庫事。禮部右侍郎吳鍾駿署戶部右侍郎兼管錢法堂事務。吏部左侍郎惠豐署鑲藍旗滿洲副都統。刑部左侍郎賡福署京營右翼總兵。○福建汀州鎮總兵官徐太平因病解任。調四川建昌鎮總兵官恆裕為汀州鎮總兵官。以四川督標中軍副將馬慶封為建昌鎮總兵官。○以圍場槍獲黃羊。賞乾

清門藍翎侍衛托雲特克慎三等侍衛。並黃馬褂。○是日駐蹕圍河行宮。翼日如之。○丙戌。

上行圍。○諭軍機大臣等。著英等奏夷船突入省河。堅請進城。現在防堵酌辦情形一摺。○首藉詞。夷人被華民欺凌之嫌。輒帶領兵船突入省河。在十三行灣泊。並令夷兵潛上礮臺。釘塞礮眼。先經委員探詢。該督復前往面見。據該酋聲稱。欲往佛山與華民較論。並堅請即行進城等語。該夷遵守成約。邇來頗為安靜。此次所請殊為意料所不及。該督等惟當一面督飭文武員弁迅速布置嚴密防堵。一面向該酋剴切曉諭。相機妥籌。固不可過事張皇。尤不可稍形疏懈。並著嚴飭地方官彈壓鎮靜。勿令匪徒竊發。致擾居民。至礮臺疏防各營弁著查明嚴參。該督自請嚴議之處。著俟事定後再行奏請。將此由五百里加緊諭令知之。○又諭基溥奏查覈粵海關稅

課現在情形等語。所有應進貢品著准其暫行停緩。仍俟一二年後酌定貢物先行具奏。候旨遵辦。將此傳諭知之。賞御前大臣鄭親王端華御前行走阿拉善扎薩克親王貢桑珠爾默特黃馬褂。賞御前侍衛齊克唐阿乾清門三等侍衛克星額黃馬褂。賞南苑看守各行宮園戶一月錢糧。海戶銀一千兩。丁亥。

上行圖○遣官祭

先農之神○是日駐蹕新衙門行宮○戊子。上還圓明園○詣綺春園問。

皇太后安○己丑。諭軍機大臣等。著英奏夷情漸已就範。兵船陸續退出。現仍督率文武鎮靜防備一摺。覽奏均悉。此次該夷突入省河。其堅求不已者。尤在究辦佛山毆逐夷人之華民。及准伊等進城二事。該督現已委員馳往佛山。將當日在場關關之匪徒關亞言等拏獲懲辦。自可釋其嫌怨。其進城一節。亦經

委員反覆開導。寬其日期。徐圖控馭。其餘所請租地建房等事。均經按照條約次第妥辦。現在夷船陸續退出。此後該督惟當曉諭居民。自相保衛。尤當隨時開諭。事事務協公平。固不可任聽華民糾毆啓釁。亦未便縱令該夷忿爭。時來滋擾。總期民夷兩安。怨讟悉泯。以定民情。而消夷釁。是為至要。將此由五百里諭令知之。賞已革廣東巡撫黃恩彤。六品頂帶。交兩廣總督著英差遣委用。庚寅。

孝賢純皇后忌辰遣官祭

裕陵○貸湖北公安縣修理民隄銀○辛卯。旌表守正捐軀河南新野縣民馬和尚妻李氏○壬辰。諭內閣。著英奏請將列款稟計之被劾教職。及被控之代理知州一併革職一摺。廣東甄別勒休之前任萬州訓導潘學海前代理萬州知州候補直隸州州判金天成著一併革職。將要證潘亞立。門丁朱五。速交到案。徹底嚴究。按律懲辦。○以正白旗漢軍副



都統聯順為正紅旗護軍統領。○癸巳

上詣綺春園問

皇太后安。○諭內閣。此案給事中安詩。朱昌頤。於覈議知縣逾限處。分成案辦理。兩歧之處。各懷意見。並不虛心妥議。殊失和衷之道。秀毓興福。與安詩意見參差。復補畫所行片文。亦涉游移。安詩。朱昌頤。與福秀毓。均著交部分別議處。○又諭陸建瀛。奏幫船延未過關。請將各員弁摘去頂帶等語。蘇州前後等幫。

自開行後。延未具報過關。以致在後各幫。為其阻壓。實屬玩延。蘇州前幫押運千總潘佐庭。蘇州後幫押運千總劉椿齡。署崑山縣知縣劉琅。署新陽縣知縣邱詠思。著一併摘去頂帶。仍一面押令迅速銜尾前進。毋得再有遷延。○又諭存興。奏疲幫運費缺乏。請將餘米價銀。仍行給丁一摺。浙省各幫餘米。既據該護撫查明。於例限一月內。業已糶變。勢難再令糶回兌運。著准其將餘米價銀。仍行給

丁。以濟運務。○旌表守正被戕直隸固安縣民宋簡妻史氏。○甲午。諭內閣。陸建瀛。奏籌撥桃源等縣衛口糧銀。款一摺。江蘇桃源。銅山。蕭。大河。徐州等五縣。衛應需一月口糧銀七萬八千五百兩。著准其在於龍江關徵存商稅款內。協撥濟用。如有餘騰。按數解司報撥。設有不敷。另於司庫正項銀內湊足。事竣彙冊報銷。並飭該管道府督同印委各員。確查戶口。覈實易錢散給。務期實惠均霑。儻查

有剋扣冒濫情弊。立即據實嚴參。○緩湖北荊州。荊左。荊右。沔陽。湖南。岳州。五衛被災幫丁。應扣借造剝船銀。○以山西。遼代。絳。解。臨汾。襄陵。洪洞。浮山。太平。曲沃。翼城。鄉寧。長治。襄垣。靈邱。廣靈。陽高。陽城。永濟。猗氏。榮河。萬泉。武鄉。安邑。夏。芮。城。河津。聞喜。絳。靈。石。三十州縣糧價增昂。命平糶常平倉穀。並緩徵寧遠。保德。霍。隰。右。玉。寧。鄉。陽。曲。靈。石。臨。汾。九。廳。州。縣。積欠穀石。○乙未。以兩江總督壁昌為

內大臣管健銳營事。○調雲貴總督李星沅為兩江總督。以陝西巡撫林則徐為雲貴總督。未到任前。以雲南巡撫程喬采兼署。以陝西布政使楊以增為巡撫。山西按察使恆春為陝西布政使。山東鹽運使劉源灝為山西按察使。○丙申。以山西太原鎮總兵官蔣柏齡為鑾儀衛鑾儀使。○調廣東潮州鎮總兵官祥麟為山西太原鎮總兵官。以廣東廣州協副將余萬清為潮州鎮總兵官。○丁酉。

上詣

安佑宮行禮。○諭內閣楊殿邦等奏請將撈空運河不力之知縣摘去頂帶等語。徒陽運河上冬雖屆小挑。亦應認真撈濬。無誤漕行。茲據該漕督等奏稱。長淮等幫行至丹徒武進等處。仍復阻淺起剝。是該縣等於撈空事宜。漫不經意。疲玩成風。實堪忿恨。江蘇武進縣知縣陳嘉勳。丹徒縣知縣張元揆。俱著摘去頂帶。勒令加緊撈濬。儻在後各幫。仍復淺滯。

難行。即將該管知府及督挑各員一併從嚴叅辦。無稍姑容。又諭楊殿邦等奏請將不遵文檄玩視漕糧之知縣革職一摺。江蘇寶山縣知縣劉果。於該縣額徵漕糧。並不遵例採辦。輒稱該縣並無漕倉。實屬強辯飾非。劉果著即革職。以示懲儆。○以雲南曲尋協副將邵鶴齡為湖北鄖陽鎮總兵官。○禮部議准山東巡撫崇恩疏報採訪萊陽縣貞節婦女崔李氏等一百一口。署廣西巡撫孔繼尹

疏報鬱林州陳羅氏等十二口。各請建總坊旌表。從之。○戊戌。諭軍機大臣等。著英等奏夷船一律退出虎門。省城安靜如常。一摺。此次夷船突入省河。所帶夷兵祇千餘名。若以粵省兵勇之眾。調齊攻擊。亦何難聚而殲旃。惟此時夷船既已退歸夷巢。原不妨姑為息事安民之計。犬羊反覆無常。難保不歸巢以後。又復別生事端。不可不於安靜無事之時。豫為防範。惟在該督留心人材。勤加操演。練

兵尤在練將有勇更期知方平日固結民心以為根本臨時激揚士氣以作干城總期未雨綢繆有備無患方為妥善諒該督必能仰體朕意不待再三誥誡也將此諭令知之○禮部以宗室會試中額請得旨取中二名○以盛京刑部侍郎廣林暫署盛京將軍○旌表守正捐軀四川灌縣民馮爾登妻高氏○己亥

上詣綺春園問

皇太后安○諭內閣戶部奏請飭催銅鉛船隻等語銅鉛為鼓鑄攸關斷不容遲延貽誤所有已入江南境之滇員乙巳年正運三起已入湖北境乙巳年正運四起加運一起在四川瀘州開行之乙巳年加運二起丙午年正運一起二起已入湖北境之黔員丙午年下運二起丁未年上運二起下運二起在四川瀘州開行之丁未年下運一起均著沿途各督撫迅即派委幹員會同經過地方文武員

弁無分晝夜迎提催趨迅抵清江責成漕運河道各總督飭令跟隨首進糧船相機插檔行走俾資迅速其已咨報起程尚未開行之滇員桂文奎已報接運未據盤兌開行之湖北運員德通二運著雲貴四川湖廣各督撫嚴飭該委員等迅即兌交盤兌開行無令稍事耽延儻運員藉詞延宕地方官不實力催趨著即指名嚴叅毋稍隱飾○庚子諭內閣從前鄉會試迴避士子雍正年間曾於內閣另行考試或將試卷另封進呈派員校閱均係出自特恩並未著為定例迨乾隆年間即經先後停止嗣因御史睦朝棟率行陳請瞻顧徇私當嚴旨將該御史拏交刑部治罪至嘉慶四年復有御史郭儀長條陳此事經部議准仍奉特旨駁飭是迴避士子另行考試事屬難行疊奉

聖訓昭垂。豈容臣工任意瀆請。祝慶蕃現任禮部尚書。明知此事早經停止。乃因本科迴避士子人數較多。獨出己見。率行面奏。實屬沽名釣譽。冒昧瀆陳。著交部嚴加議處。嗣後鄉會試迴避士子。無論人數多少。其另行考試之處。並著永遠停止。○以前任安徽壽春鎮總兵官岱昌為三等侍衛。在大門上行走。○辛丑。禮部以會試中額請得旨。滿洲取中六名。蒙古取中二名。漢軍取中五名。直隸取中

二十名。奉天取中二名。山東取中十七名。山西取中九名。河南取中十五名。陝甘取中十七名。江蘇取中十七名。安徽取中十名。浙江取中十八名。江西取中十七名。湖北取中九名。湖南取中八名。福建取中九名。廣東取中十名。廣西取中七名。四川取中八名。雲南取中八名。貴州取中七名。○緩徵陝西蒲城。高陵。醴泉。扶風。乾武。功。富平。三原。涇陽。興平。澄城。郃陽。韓城。大荔。朝邑。咸陽。長安。白水。臨潼。

渭南。華陰。咸寧。華。二十三州縣上年被旱。村莊上忙額賦。○壬寅。諭內閣。廉敬等奏。請將遊擊交部議處等語。駐防察木多。四川。黎雅。營。遊擊李陸師。因乍丫諾們汗所屬各站阻滯官兵。札催不遵。輒即派員守取諾們汗原領敕書。並派弁兵提拏頭人。實屬任意妄為。李陸師著即行革職。以示懲儆。○諭軍機大臣等。前據耆英奏。稱噶夷前請。已有轉圜。請飭駐藏大臣。就近體察情形。已有旨。諭知琦

善遵照辦理矣。茲據琦善奏。查訪噶夷。請於後藏通商實情一摺。覽奏。並圖說。均悉。堆噶爾本。迤北峻嶺。下有金礦。又地盡斥鹵。究即成鹽。該夷惟利是圖。自係垂涎此地。希圖居奇。其前請定界通商。繼復祇欲指明舊界。仍照舊章之處。未必非有意含混。潛肆貪求。著琦善仍遵前旨。體察情形。就近酌辦。即於四月青草方生之時。派人前往相機辦理。一面仍教練弁兵。妥為防備。毋有疏虞。至前令偵

探加治彌耳夷人等。是否實有合謀驅逐夷酋等事。並西藏與加治彌耳有無舊界可循。是否向係通商。著仍詳細查明。迅速覆奏。將此諭令知之。○又諭廉敬等會奏籌議乍丫地方控案設法曉諭一摺。乍丫為西藏進出要路。前因控案未結。降旨令該督等會同籌議。揀員曉諭。以止爭端。茲據奏稱該兩造均有不合。空言開導。恐難望其懾服。自應勸戒兼施。使之迅速就範。該督等業經就商上所

屬。及土司管轄附近乍丫之土兵。分飭豫備。揚言進剿。使知懾懼。仍專派噶布倫汪曲結布。直至乍丫。向兩造喇嘛詳晰開導。並曉諭夷民。隨宜懲戒。相機酌辦。著即照議妥辦。總期夷情帖服。道路常通。是為至要。再川省無藉棍徒糾搶。本名咽喉。嗣因奏摺率寫咽喉字樣。乾隆年間奉

旨改正。嗣後遇有此等案件。著仍遵照改為咽喉匪犯。不得率寫咽喉字。將此並諭令知之。○

又諭琦善等奏照錄覆諭廓夷底稿等語。廓爾喀國王以本年係值貢期。未奉行催具稟該大臣等。已擬覆諭行知。令其自悟。該國王蠻夷性成。難保不如從前之藉故改期。或於表文內任意冒瀆。著俟該國噶其齋表前來之時。儻再有妄行干瀆。即駁回飭令另繕。毋庸呈遞。總期於撫馭之中。仍寓震懾之意。為要。將此諭令知之。○旌表守正捐軀安徽宿州民任連興妻葛氏。○癸卯以陝西華山

獄靈顯應頌

御書扁額曰澤流玉井。○甲辰以故教漢固山貝子諾爾布桑子達克沁襲爵。○乙巳諭內閣前因祝慶蕃以本科迴避士子人數較多。率請另行考試。冒昧瀆陳。當交部嚴加議處。茲據該部議以降三級調用。因該員任內有革職留任之案。照例請革任等語。祝慶蕃著加恩改為降二級調用。○又諭布彥泰奏請將營私朦混負氣捏病之遊擊革職懲辦一

摺所奏甚是。署陝西固原提標中軍參將陝安中營遊擊仇懷璣於伊子仇永清同標服官並不迴避已屬違例。迨出有前營把總弁缺復將伊子保送擬正更屬有意營私。經該督撤署改委該遊擊旋即捏稱患病呈請開缺其為負氣規避尤屬顯然。仇懷璣著即革職發往新疆效力贖罪。固原提督石生玉於仇懷璣父子同標匿不呈請迴避並擬正請拔又於該革員負氣捏病率行照轉均有不

合。石生玉著交部議處。○以都察院左都御史魏元烺為禮部尚書戶部左侍郎賈楨為都察院左都御史調兵部左侍郎孫瑞珍為戶部左侍郎兼管三庫事。○丙午

上詣綺春園問

皇太后安。○轉兵部右侍郎趙光為左侍郎未到任前以內閣學士黃琮署理以內閣學士朱鳳標為兵部右侍郎仍署戶部右侍郎兼管錢法堂事務。○丁未以貝子奕縉署鑲白

旗蒙古副都統。○調荊州左翼副都統托恩東額為廣州漢軍副都統廣州漢軍副都統官文為荊州左翼副都統。○戊申諭軍機大臣等國家設兵衛民雖可百年不用不可一日不備全在封疆大吏於無事之時籌久遠之計平日留心營政選擇將材事事俱有把握設遇有事自可隨機策應措置周全。粵省近年以來海氛甫靖經朕再三訓諭思患豫防上年又經著英疏陳練兵籌餉事宜已通

諭各省督撫體察情形妥為籌辦者英身任重寄自能仰體朕意通籌大局計出萬全斷不至稍形疏懈。惟粵省民情浮動加以諸夷雜處易起爭端多非意料所及儻遇有需用之處徒恃本省兵力既恐防範難周若向他省調兵又慮鞭長莫及惟廣西地界毗連且同屬該督管轄呼應較靈著著英接奉此旨即於廣西鎮將中留心察看擇其實能訓練士卒者責令不動聲色認真操演務使技藝

精熟紀律嚴明。其有壯健驍勇。可稱勁旅者。密為存記。約共豫備二三千名。一遇有事調遣。即令剋期就道。毋致臨事張皇。是為至要。此外各省。惟江西最為切近。已諭知李星沅。密為經畫。以備不時調遣。凡此皆於平時操演之餘。寓先事防維之意。於粵省籌備機宜。更有裨益。至前次夷船突入省河時。何以夷兵遂得偷上礮臺。釘塞礮眼。自因該處弁兵防守不嚴之故。除飭查明懲辦外。以後應如何嚴密防範。方不至再有疏虞。亦著妥速籌議具奏。將此諭令知之。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百四十

太廟遣惠親王綿愉恭代行禮 諭內閣花沙  
納等奏收買續到商米情形一摺浙省所辦  
私米一項雖與粳米色質稍有不同而現在  
所收轉比粳米較勝且穀之早熟者為私遲  
熟者為粳並無區別此次江蘇所辦之米亦  
有與浙江糙粳形色相等者是私粳不甚懸  
殊自應一律斛收抵粳搭放所有現收浙江  
省之糙白糙私著即一併歸入粳米項下支  
放俾兵丁遵照領米得以均沾實惠添設

昭顯廟拈香還宮。諭內閣前據壁昌奏由閩製造同安梭船用之長江內洋易於擱淺當有旨交劉韻珂體察閩省水師營內遇有製造同安船時是否可以抵用茲據該督奏稱此項船隻於閩浙兩省均難配用與其隔省撥改多費周折不若各就本地酌修較為省便等語除浙江省原撥二船由該督飭令定海鎮交廠改造外其江南前造同安梭船二隻著兩江總督體察洋面情形由江省



就近酌量修改發營配用。閩浙總督劉韻珂等奏廈門商力疲乏請將年捐巡洋經費銀七千四百兩停止由閩海關稅贏餘項下照數撥補覈總報銷下部議尋議應如該督等所請將廈門商行年捐緝匪銀七千四百兩停止在於關稅贏餘項下每年照數撥補惟既稱覈總報銷即應將每年通省收款動款彙作一冊分別明晰俾所入之項與所餘之項一目了然庶於鉤稽不致輻輳應請飭

下閩浙督撫將閩省給過下游瘠苦各縣緝捕經費並水師各營巡洋口糧及修理戰船蓬索燂洗製備中項插花修理損壞兵船等項銀兩自二十七年起按年年終造具四柱各款總數細冊題報覈銷並將道光六年以後未報銷緝匪口糧各案及鹽商未停息以前暨當商應徵各款生息銀兩亦即分年分案造報覈銷此項年支口糧係為巡洋而設該督等惟當督率將弁認真巡查嚴禁浮冒

庶兵丁均沾體恤而款項仍不虛糜從之又奏請於閩海關徵收夷稅內每年劃出銀一萬兩同時零尾數另款存貯以備兵餉不准別項動用下部議尋議查定例各省尋常酌留銀兩須督撫公同封儲於年終附報備覈如有急需題明動用違者照擅動例治罪禁令恭嚴此次欽奉特旨豫籌儲餉關繫尤重應請旨飭下該督等將福州廈門二口徵存夷稅自道光二十七年起於每年截數解交

藩庫時劃出銀一萬兩同時零尾數一併公同封儲專案報部並於每年年終將所存及本年收存銀兩造具清冊限於十二月內送部聽覈儻有急需即由該督等奏明再行支用毋得擅動致干禁令從之以經徵額賦六年全完予福建知縣永安知州銜以常

雱祀

天於

園丘自是日始齋戒三日 癸丑諭內閣本年

入春以來雨澤頻霑未能優渥朕心時深廕念茲當首夏初旬恭舉

常雩盛典朕甫入齋宮默申祈禱仰蒙

昊慈垂佑甘雨應時據順天府奏報昨日自午

刻至亥刻入土已及三寸統計連宵達旦約

至四寸有餘農田足資暢發朕心實深寅感

著發大藏香五炷派惠親王綿愉慶詣

大高殿瑞郡王奕誌慶詣

宣仁廟

凝和廟成郡王載銳慶詣

昭顯廟

時應宮敬謹拈香致謝以故杜爾伯特扎

薩克貝子鄂綽爾呼雅克圖子貢噶綽克坦

襲爵命內大臣壁昌在紫禁城內騎馬

甲寅

上詣

南郊齋宮齋宿湖南巡撫陸費瑤奏遵查各

屬漕務請仍照舊章辦理並嚴禁浮收勒折

及添索幫費等弊得旨依議妥實為之貸

湖南鳳凰乾州永綏古丈坪保靖五廳縣屯

丁苗佃籽種口糧乙卯常雩祀

天於

園丘

上親詣行禮詣

關帝廟拈香幸圓明園詣綺春園問

皇太后安諭內閣陸建瀛奏籌補緩缺兵糧

循案碾穀採買一摺江寧淮揚各屬緩缺兵

糧既據該署督查明缺數准其於各營附近

州縣常平倉內碾動穀八千八百二十七石

零其緩缺司倉兵糧一萬五千石著分飭上

元江寧六合三縣按數買補所需價銀即於

司庫雜稅等款動給惟各州縣常平倉所存

穀石係留備地方緩急之需至司庫雜稅等

款亦斷難擅動久懸若因此次變通辦理致

令銀穀兩項日久懸宕仍係徒託空言有何

裨益該署督即嚴飭各屬將緩缺米石勒限

徵完分案歸還原款。斷不准任意拖延。歷久又成無著。並著將歸還各款隨時據實造冊報部查覈。毋稍朦混。諭軍機大臣等。寄諭欽差戶部右侍郎花沙納倉場侍郎陳孚恩。陸建瀛。奏接據花沙納等咨會。以商運米色潮潤攪雜。請嗣後分別辦理等語。此次米石。曾據該商等稟明。非買乾潔之米。不能運赴天津。是以從優議價。並先借給運本銀兩。且隨到隨收。體恤已極。周至乃所運米石。新陳相雜。有意朦混。自應示以懲罰。嗣後米船至津。經該侍郎等親驗。除間有潮潤仍准風晾外。如仍前黑白攪雜。新陳相間。著即行駁回。責令另易好米運售。其力不能再運者。查係借有本銀。亦即勒限賠繳。或有不敷。並應著落互保各商。按成分賠。以昭覈實。而杜欺朦。陸建瀛原片著鈔給閱看。將此諭令知之。○協辦大學士兩廣總督耆英等奏。洋商借領庫款尚欠銀二百二十萬兩。洋行業經裁撤。

請展限分繳。以紓商力。下部議。尋議該商原欠新疆軍需等項銀。自道光二十七年。起扣足十年。統限清完。其未完庫項銀二百二十萬兩。應於十年後接扣。每年令完銀十五萬兩。通計十五年全清。儻此後復設洋商。仍可以行用歸補。即照原分年限。按數完交。從之。○丙辰。修陝西寶雞縣棧道。從前任巡撫林則徐請也。○緩徵陝西神木府谷二縣被旱村莊額賦。○丁巳。盛京兵部侍郎齡鑑因病解任。以都察院左副都御史靈桂為盛京兵部侍郎。○以西寧辦事大臣哈勒吉那兼鑲白旗蒙古副都統。○以禮部尚書保昌為滿洲總譯會試正考官。通政使司通政使桂德為副考官。○戊午。諭軍機大臣等。賽什雅勒泰等奏查明卡外拉達克克什米爾等處大概情形。並訪聞音底部落現多歸附。披楞原委一摺。覽奏均悉。據稱披楞即啖咭喇國。回語呼為排浪。向與音底接壤。現在訪聞排浪。

已將音底占據。駐兵努普爾地方。雖推依博特克什米爾之歸附與否。尚在疑似之間。而音底現無總目。各部落多屬排氓。其說未必盡皆附會。夷情貪詐。難保不別生窺伺。自應不動聲色。嚴密探訪。並嚴加防範。惟校練原係邊防要務。全在該大臣等隨時隨處密事防閑。固不可稍有疏虞。尤不可少露形跡。方為妥善。又據奏稱。巴達克山等伯克前次帶兵擒獲布魯特賊匪的瓦年及朵斯巴依。並

未即時獻出。又任聽中途走脫。各情。今經查詢該夷果以空言塞責。詞已遁窮等語。夷情貪得無厭。若索之太急。彼必據為奇貨。況的瓦年等釜底游魂。亦不值逼令獻出。即此後竟不解送。亦無須懸賞向索。既經該大臣等擬給回諭。仍著體察情形。相機妥辦。以消夷釁。而慎邊防。將此諭令知之。烏魯木齊都統惟勤奏請嗣後各城協領佐領於奏補後。均著照例給咨送部引見。其未引見以前。不

准保薦升用。以示限制。下部議從之。葉爾羌參贊大臣賽什雅勒泰等奏查明搶掠帕哈普莊之幹竺特回子交該伯克自行懲辦。並將該夷使照例宴賞送回報聞。以兵部左侍郎德厚署鑲白旗蒙古副都統。以緝獲布魯特賊匪多名。並擒賊首賞五品阿奇木伯克卜巴什四品頂帶世襲五品頂花翎。並加賞緞匹賞六品伯克約洛達什等花翎。戈什哈回子沙密斯項等藍翎。餘升敘有差。

○己未予湖北緝盜淹斃巡檢吳作邦祭葬卹廕。○庚申。

上御勤政殿聽政。○以乾清門三等侍衛戴堪為內閣學士。兼禮部侍郎銜。鴻臚寺卿恆毓為太常寺卿。邵燦為光祿寺卿。辛酉。

上詣綺春園問

皇太后安。○以故四川建昌道屬大村土百戶馬成貴子應龍。祭州土百戶李印春子正龍。繼事田土百戶沈宗發子光廷各襲職。○壬

戊諭內閣經額布等奏盛京旗人現復來堡等語盛京旗人前赴雙城堡曾經該將軍等奏定章程如有續來照逃旗遞回懲辦現在該旗人攜眷來堡人戶眾多類因貧苦投依親族就食且訊據不知新定章程情尚可原此次姑免其拏解回旗著該將軍善為開導勸諭飭令各回本旗其實在孤苦無依力難復回者姑准留堡毋許稍滋事端嗣後著盛京將軍明示新定章程嚴切禁止不准該旗

人等紛紛來堡如仍有藉詞貧苦續行前來者仍照原定章程辦理新授雲貴總督林則徐奏由四川取道前赴新任得旨長途善養以副簡任新授陝西巡撫楊以增奏謝簡任恩得旨誠實守而勿失虛浮屏而勿尚癸亥諭內閣陸建瀛奏參緝臬不力致釀鉅案之知縣一摺江蘇如皋縣知縣白聯元署靖江縣知縣王宗濂於該二縣交界地方梟匪挾仇聚眾肆殺巡役多名重案先時既

失防範事後又未能迅速獲犯更復以界址為詞彼此推諉任犯遠颺似此捕務廢弛實堪痛恨至署江陰縣知縣王清渠於境內壽興沙等處梟匪並不先期翦除又不設法協捕咎亦難辭白聯元王宗濂俱著革職留於該地方協同接任之員趕緊躡緝王清渠著摘去頂帶均勒限一箇月不分畛域設法嚴拏將逸犯按名獲解盡法懲治儻再稍事玩泄限滿無獲即另行分別嚴參辦理諭軍

機大臣等本日據劉韻珂密奏現在渡臺閱伍所有福厦兩口夷務由徐繼畬督同鹿澤長隨時措置惟鹿澤長現係六品頂帶職分較小不足見重夷人可否賞給四品頂帶等語鹿澤長甫經到閩尚未著有勞績無庸賞加四品頂帶此後遇有交涉夷人事件著准用前任道員官銜將此諭令知之舉行保定等處駐防軍政年老官四員處分如例旌表守正捐軀山西永寧州民賈世德妻郝

氏甲子。

上奉

皇太后莅奉三無私殿進膳。諭內閣、明刑所、以弼教。執法尤在平情。況刑部為刑名總匯，果能悉心推鞠，因端竟委，俾奸宄無所用其狡飾，斷無不水落石出之理。近因御史烏凌阿奏參吏役骫法，釋放遣犯一案，經刑部堂司各官訊出筆帖式常泰、文英、主事全壽並銷檔為民之慶。芬等輾轉囑託，朋比為奸，使

各犯不至漏網，而案情亦無難研究得實。辦理實屬認真可嘉。使外省理刑之官皆能如此，詳慎秉公，又何患訟獄難平。沈寃莫雪耶。近來人心不古，變幻多端，加以趨利若鶩，勾串調唆，無所不至。惟在承審之員細心根究，方期案無遁飾。嗣後承審各員無論案情鉅細，總當虛衷研鞠，悉心推求，固不可羅織株連，拖累無辜。尤不可因案情微細，稍涉顛預，以致作奸犯科之輩轉得倖逃法網。務期無

枉無縱，以清庶獄而息爭端。朕實有厚望焉。將此通諭知之。以故湖南慈利縣屬麻寮所櫻桃隘土把總黎定榮、孫成祖襲職。乙

丑。

孝端文皇后忌辰遣官祭

昭陵。吏部奏改定赴任官員憑限章程。一赴任官員中途患病阻風，覈計在正限以外，展限以內應准其扣展。一發往各省人員中途患病阻風，照赴任官員一體辦理。一部選人

員該上司劄調，開差有定限，可計准其照扣。其留省察看及派委各項差使，統限三箇月，不得分扣。一留省察看及派委差使該上司應分別奏咨立案。如未經立案，僅於繳憑文內聲扣者，本員毋庸置議。將該上司叅處。一中途阻風患病，或已報明或未及報明，不准兩項分扣。統計阻風不得過三箇月。患病不得過兩箇月。仍按正限外展限內覈辦。一正限已滿，始聲扣阻風患病者，不准扣展其正

限內聲扣阻風患病仍不得過三箇月兩箇月之限。展限內聲扣者仍不得過兩箇月一箇月之限。至展限外不得再扣即所扣限內阻風尚不及三箇月兩箇月患病尚不及兩箇月一箇月亦不准將展限外日期補扣從之。○以詹事府少詹事葉觀儀充日講起居注官。翰林院侍讀張鐸署日講起居注官。○丙寅漕運總督楊殿邦奏本標所轄守備千總及在淮候補者約六百餘人賢愚不等容逐細察看甄別請先將專事營之蔡天保等四員革職得旨認真勉力勿恤其他○免熱河豐寧縣屯戶舊欠額賦及旗租銀○丁卯

上詣綺春園問

皇太后安○引見乙巳科散館及補行散館人員得旨此次散館之修撰蕭錦忠編修金鶴清晏福年業經授職二甲庶吉士劉書年羅嘉福胡焯孫鼎臣李聯琇陳介祺孟培楨周

壽昌潘遵祁徐元勳胡瑞瀾呼延振曹驎張守岱黃廷綬黃經貢璜蔣志淳何廷謙楊翰王榮第左瑛郭驥遠呂序程鍾啓岫袁芳瑛沈錫慶阜保沈炳垣蕭玉銓宜振鴻環李夢周童福承張正椿何桂芬俱著授為編修三甲庶吉士包煒徐嵩生徐嘉奎章俱著授為檢討陳立閻敬銘羅寶森丁士元徐德周胡家玉閻肅鵬憚世臨曹炳燮姚光發岳雲衢俱著以部屬用○禮部以繕譯會試中額請

得旨京旗取中二名各省駐防取中九名○直隸總督訥爾經額奏閩省普得雨澤得旨覽奏似可心慰但京中雖得雨幾次尚欠深透朕仍齋心叩禱也○以庫車開墾新地並究出私墾地畝予印房章京特通阿等升敘有差賞六品伯克巴拉特等五品頂戴花翎七品伯克邁瑪特等藍翎○戊辰諭內閣慶錫奏籌議修補

陵寢外圍牆垣並請嚴定私行越牆偷砍樹株

罪名一摺。此項圍牆。俟交秋後。即時興修。著慶錫敬謹親歷詳勘。籌議具奏。至私越圍牆偷砍樹株。應如何嚴定罪名。專條著刑部覈議具奏。尋議嗣後在圍牆以內盜砍樹株者。首犯擬發近邊充軍。先於犯事地方枷號兩箇月。其無圍牆之處。在紅椿以內盜砍者。照圍牆以內科罪。在紅椿以外。白椿以內。首犯杖一百。枷號一箇月。在青椿以外。官山以內。首犯杖一百。為從各犯減一等。問擬其圍牆

以外。並無白椿青椿等處。均照官山以內辦理。從之。馬蘭鎮總兵官慶錫奏請嗣後拏獲情罪較輕人犯。不必交地方官審辦。即在署前枷責示儆。得旨。酌覈認真辦理。務挽頹風。勉之。以大學士寶興協辦大學士吏部尚書陳官俊。禮部尚書魏元烺。吏部左侍郎季芝昌。禮部右侍郎吳鍾駿。兵部右侍郎朱鳳標。內閣學士黃琮。李嘉瑞。為殿試讀卷官。己巳策試天下貢士許彭壽等二百三十

一名於保和殿制曰。朕纘膺大寶。統御寰區。中外乂安。於茲二十有七載。仰荷

昊蒼眷佑。

列聖垂庥。勅命時幾。兢兢業業。深念通經致用之方。化民成俗之本。藏富裕國之模。除暴詰姦之法。期臻上理。延訪維殷。爾多士拜獻先資。對揚伊始。冀聆謹論。式贊嘉猷。自秦燔六經。微言中絕。漢興除挾書之禁。遺籍間出。諸儒說經者。大抵皆孔門苗裔。商瞿受易。六傳

至田何。其間授受姓名。史記與漢書互異。何歟。子夏之詩。四傳至大毛公。左氏受春秋。八傳至張蒼。二家相承之淵源。能備舉歟。伏生治書。后倉說禮。俱不詳所自出。或謂伏生受書於秦李克。信歟。承后氏之學者。能條其流派否。武帝廣厲學官。各家皆立博士。至貞觀正義之行。前代諸家。不復兼存。義歸畫一。說果善歟。自漢以後。師儒莫盛於宋。程張皆深於易。其傳易弟子。可略陳歟。朱子詩禮二經



弟子其入室者何人歟風俗為治平之本而教化實風俗之原古昔盛時民生敦龐懷忠抱慤鄉閭族黨比戶可封然猶以時讀法糾其過惡異言異服則有譏無授無節則弗納道德一風俗同左道亂眾之徒自無由煽誘以售其怪誕之說自習尚澆漓異端蠶起斂財聚眾結黨傳教愚民無知轉相漸染豈果迫於饑寒而乃甘冒重辟以冀其倖免歟抑牧民者教導無方俾之陷於邪惡歟何以使

桀黠者革面洗心愚懦者守分循法而不為其所惑歟孟子曰經正則庶民興韓愈曰明先王之道以道之儻可丕變歟積貯者生人之大命周禮倉人藏粟旅師聚粟遺人委積儲蓄甚備漢耿壽昌常平倉時稱便矣後漢劉般謂常平外有利民之名內實侵刻百姓其故安在當境採買固虞勒派採自鄰封又添運費果何以使官民兩不受累歟成周以後義社二倉立法最善然行之既久均不

能無弊社倉之法隋唐行之不久便廢至朱子而獨有成效能推本其良法美意歟元史所載河西務十四倉京師二十二倉通州十三倉即今制所由昉顧天庾轉輸丁胥叢雜挽和之弊何以杜之今欲儲積無虧旱澇有備轉輸之法糶糴之宜久貯之方平價之道不尤宜一一講求歟夫安民必先弭盜弭盜莫如保甲周官有比閭族黨之制管仲創軌里連鄉之法皆以里閭相習之人察耳目最

近之事其法至為美備惟是營汛堡墩之設不能不寄之兵弁寺院庵觀之察不能不責之吏胥賞罰不明則兵或縱盜稽查不力則吏或藏奸有治法不尤貴有治人歟至於洋面遼闊島澳險僻匪徒出沒靡常迫之則潛蹤伺隙緩之則肆掠商旅其何以絕其接濟而靖其巢窟也夫衣食足則禮義生所以正本澄源者果遵何道歟凡厥四端研經以裕儒修訓俗以端化本儲粟以充國賦禁暴以

衛民生。皆立政之大綱。經邦之要道也。多士學於古訓。通知時事。以敷奏為明試。務收實用。毋撫膚辭。朕將親覽焉。以詹事府詹事孫葆元為內閣學士兼禮部侍郎。銜仍留江西學政任。貸江西上新昌二縣被旱災民籽種口糧。庚午諭內閣。慶錫奏現查樹株情形。請將司員議處等語。內務府郎中穆明阿承種之樹。回乾太多。不思設法澆灌。尚復飾詞卸責。著先行交部議處。員外郎扶哈

禪主事恆興。有隨同種樹之責。咎亦難辭。著一併交部議處。調江寧將軍英隆為綏遠城將軍。綏遠城將軍奕興為江寧將軍。賞會試年老舉人先甲三等十九名。編修檢討學正銜有差。旌表守正被戕浙江淳安縣民胡高大妻唐氏。辛未諭軍機大臣等。陸建瀛奏密勘御湖等處設防情形。繪具圖說。先行覆奏。一摺。事關扼要。防守必應籌畫。精詳布置。周備著俟李星沅到任後。詳細會商。

妥籌定議具奏。將此諭令知之。壬申。

上詣

大高殿行禮。還宮。御乾清宮召讀卷官入。

親閱定進呈十卷甲第。修山東運河。加河。

上河。下河。泉河。五廳湖河堤壩各工。從河道。

總督鍾祥請也。癸酉。

上御太和殿傳臚。賜一甲張之萬袁績懋龐鍾。

璐三人進士及第。二甲許彭壽等一百十人。

進士出身三甲李森等一百十八人同進士。

出身。辛丑。圓明園。詣綺春園問。

皇太后安。甲戌。

上詣綺春園問。

皇太后安。諭內閣。卓秉恬奏昨日升殿傳臚。

遲誤未到。自請議處。並據連貴奏稱因卓秉。

恬屆時未至。不揣冒昧。敬謹代為捧榜等語。

升殿大典。禮儀攸關。卓秉恬遲誤未到。著交。

部照例議處。禮部侍郎連貴因卓秉恬遲誤。

代為捧榜。尚知大體。著交部議敘。禮部議。

准署廣西巡撫孔繼尹疏報採訪北流縣節婦余盧氏等十四口請建總坊旌表從之○乙亥諭內閣著於五月初一日在圓明園正大光明殿考試翰詹應行豫備事宜著該衙門照例辦理所有此次留館人員著毋庸與考○又諭本日據兵部奏遵議蘇松鎮水師總兵林明瑞狼山鎮水師總兵阜陞處分加等議以降三級留任自係照例辦理該總兵等於所轄洋面先後被劫七案之多未據報獲一犯且於營汛應議職名延不查開實屬玩視捕務林明瑞阜陞俱著降為三品頂帶仍帶革職留任以示薄懲○又諭花沙納等奏江浙兩省商米收有成數現在商船進口屢有脫幫一摺花沙納陳孚恩著即率同隨帶司員回京以後續到米船著訥爾經額督飭天津道按照花沙納等原辦章程詳慎鈎稽認真查驗如有黑白撓難即分別駁令照數抵補並扣繳價銀其給領米價仍應當堂

彈兌概不准假手胥吏致滋弊端以昭覈實而慎倉儲○丙子諭內閣此次大考翰詹所有上書房行走之詹事府少詹事葉觀儀翰林院侍講沈兆霖均著不必考試○丁丑孝慎皇后忌辰遣官祭陵寢○諭內閣倉場侍郎奏捐米將次抵通請飭責成解運委員嚴為稽察等語捐米運通與商米事同一例自應嚴防船戶等沿途使水等弊著訥爾經額遴委委員隨時稽察以專責成儻用官剝船隻即嚴飭楊村通判將未能妥善之船戶駁回更換仍責成該委員嚴為防範毋令稍滋弊端儻有查察不周任其舞弊之處即將該通判委員等從嚴叅辦○廣東巡撫徐廣縉奏報接印任事得旨奮勉有為實心實力以副簡任又奏夷務條約雖定而更變靡常惟與督臣耆英事事會商相機籌辦固不可操切以貽患尤不敢輕易以損威批尤當加意為之○戊寅

黑龍潭神祠拈香  
山西巡撫王兆琛奏報

接印任事得旨。一切覈實認真克副委任。

命甘肅西寧鎮總兵官楊昌泗來京引見調

河州鎮總兵官薩炳阿為西寧鎮總兵官以

直隸督標中軍副將全喜為河州鎮總兵官。

改鑄雲南移駐石膏井鹽大使條記從前

任總督李星沅請也。予故琉球國貢使梁

學孔祭如例並加賞銀三百兩

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百四十一

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百四十二

監修總裁官順遊日蓮無量法寶太子太保體仁閣大學士文淵閣領閣事管理戶部事務上書房總管翰林院掌院學士兼貴州

天將府尹事務隨帶同五統統錄十八次臣實積德戴官經近請吏部尚書鍾鼎彝漢東都轉管原新營所城內官序大臣攝家內

七合大臣稽察會同四譯館事務如一級隨帶加六級軍功加三級紀錄五次。花翎。經道。通書文。別開提舉。關事。兵部尚書。總管。

內務府大臣鑲白旗滿洲都統補齊內七倉大臣管理宗人府銀庫左翼副官學憲富寧圖副官李應祥提督御茶膳房御藥房

聖化之祥成事務隨帶加十八般臣阿雲阿剌龜茲官經提督官其都而萬隨帶加六般紀錄十次臣周祖培等奉

救修

道光二十七年丁未五月己卯朔諭內閣布

彥泰奏查閱固原寧夏官兵各情形一摺固  
原各標營官兵演習陣式馬隊等項遲慢過  
甚弓力較輟礮槍準頭僅中十分之一二校  
場漫無紀律現任提督石生玉前任提督胡  
超不能振作精神認真訓練著交部嚴加議  
處寧夏滿洲營演習陣式聲勢威壯擡礮十  
中八九槍箭中靶逾額弓力甚硬馬上躡捷  
皆由將軍舒倫保勤加訓練所致舒倫保著  
加恩賞戴花翎仍交部從優議敘嗣後該將

軍提督等務當督率各旗營官弁振刷精神實力講究操練務期勤熟紀律必令嚴明庶幾精益求精咸成勁旅用副朕修明武備之至意○大考翰林院詹事府各官於圓明園正大光明殿授一甲一名進士張之萬為翰林院修撰二名進士袁績懋三名進士龐鍾璣為翰林院編修○庚辰

上詣綺春園問

皇太后安○諭內閣李星沅奏雲州回匪殲除

軍務就藏一摺所有陣亡千總毛文元外委陸春均著照例賜卹已革代理雲州知州顧士濬汎弁蘇萬年吏目鈕鳴臯於被放監囚內有絞犯三名未獲俱著革職留於該地方協緝務獲又諭李星沅奏請將代辦知府之知州革職等語雲南代辦順寧府事晉寧州知州彭衍墀於回犯張富馬效青投誠並不稟明上司徑自諭令隨往緬寧及該二犯被匪徒裹脅既未能先事防範又不立時具

稟實屬糊塗荒謬彭衍墀著即革職○諭軍機大臣等李星沅密奏辦理回務體察情形等語據稱此次勦辦雲州回匪揆度機要內回富而外回貧外回強而內回弱與其濫殺而徒滋藉口不如密計而先務攻心且邊郡不知有法由來已久莫如持平執法俾漢回同體犯則重懲保甲以清內匪團練以禦外匪各等語著林則徐於到任後詳加體察酌量情形悉心籌辦原片鈔給閱看另摺奏回犯張富於投誠後隨往緬寧勸諭漢回旋被該回匪偏令入夥嗣訊據犯供張富在雲州觀音閣被矛戳傷身死旋據回寨繳到犯屍檢驗被傷處所與訪獲該犯之母妻等所供相符現仍解省驗訊辦理等語亦著林則徐詳細訪察張富果否被矛致斃及屍傷犯供等是否確鑿萬不可輕信人言遽以為實總當設法研求務得實據詳悉覆奏將此諭令知之尋奏漢回雖分氣類但當別其為良為

匪不必歧以為漢為回果能各擇其良以漢  
保回以回保漢協力同心共驅逆匪庶可永  
冀安恬但當體以虛心持以實力不敢以目  
前息事稍任因循得旨所見是次第妥為之  
又奏查訊漢犯范小黑等及張富妾親弟羅  
恩僉稱張富上年十二月十四日在雲州觀  
音閣與官兵打仗被矛戳死時地均屬相符  
漢民被搶之家無不稱快是該犯實因拒敵  
格殺似無疑義批諒可信矣○以通政使司

通政使桂德為都察院左副都御史○賞山  
東德州城守尉佛貴副都統銜命留京以副  
都統候補○辛巳

孝誠仁皇后忌辰遣官祭

景陵○諭軍機大臣等本日據李星沅由驛馳  
奏鶴麗鎮總兵烏精額因病出缺遺缺已委  
副將果仁布接署矣鶴麗鎮地居邊要所有  
前署雲南提督嗣經降旨以總兵留滇候補  
之蔭德布平日操守如何訓練巡防一切果

否得力前據李星沅稱其更事日淺尚少威  
重究於鶴麗鎮一缺能否勝任著林則徐到  
任後詳加察看據實具奏候朕降旨將此諭  
令知之尋奏到省留心察看並密詢撫臣程  
喬采等均稱蔭德布在迤西一帶已將兩年  
熟悉情形帶兵勇往不辭勞瘁於鶴麗鎮一  
缺似堪勝任報聞○直隸總督訥爾經額奏  
省城及各屬續得雨澤得旨京師於四月二  
十四日二十九日連獲甘霖雷電宣暢十分

透足而通省均屬霑足朕欽感

天恩於無既矣○馬蘭鎮總兵官慶錫奏巡查  
內火道情形請於四道口地方建立撥房一  
處添撥營弁一員兵丁四名看守即由公費  
項下籌辦得旨隨時留心整飭務挽頹風○  
命兵部尚書文慶工部右侍郎張芾教習庶  
吉士○貸河南修培沁河民隄銀 壬午旌  
表守正捐軀直隸曲陽縣民宋黑小女樹姐  
○癸未諭軍機大臣等前因給事中朱昌頤

奏江浙奏報緩徵似未確實。當有旨交陸建瀛逐件確查。據實具奏。茲據奏稱該省奏報稽遲。雖辦理難免參差。尚非有心弊混。各等語。江蘇吏治疲玩。相循雖據該署督查明。上年奏報緩徵尚無不確。不實情弊。惟事關國計民生。以後遇有災歉。該督撫惟當飭屬速詣勘詳。並令道府覆勘。如有未盡確實之處。即責成藩司抽查。重則親往查勘。斷不可任聽屬員朦混。稟報率准請蠲。請緩。儻竟有捏增分數。那移地段等弊。即行從嚴叅辦。以滌積習。而重正供。又另片奏上年緩缺漕糧無可籌補。擬俟秋成後。責令各屬帶徵起運。即民力間有拮据。亦當酌量情形。分年展帶等語。此項短缺額漕。於京倉積貯大有關係。既據該署督酌請帶徵起運。仍著該督撫認真覈實。依限帶徵。總期缺額於前者皆可歸補。於後不致有名無實。是為至要。總之國家歲徵漕賦。於正供外。並無絲毫多取小民食德。

服疇何至抗不交納。良由不肖州縣捏飾弊混。該督撫率請蠲緩。年復一年。以致京倉存米不敷支放。不得已議行採買。並捐米接濟。左支右絀。伊於胡底。儻該大吏等仍不激發天良。力圖補救。試問所司何事。能勿靦顏耶。將此各諭令知之。○引見新科進士得旨一甲三名張之萬。袁績懋。龐鍾璣。業經授職外。許彭壽。孫觀。徐樹銘。曹登庸。周德榮。袁希祖。劉其年。沈桂芬。陸秉樞。蘇仲山。鮑源深。陳元鼎。徐申。錫。陳毓麒。李德儀。蔣兆鯤。崔荆南。李培祐。伍肇齡。劉崧駿。胡壽椿。帥遠燁。潘斯濂。蕭銘。卞華祝。三李品。三李鴻章。黃彭年。沈葆楨。郭椿壽。吳慰曾。唐士森。陳濬。何璟。白恩佑。周悅讓。張炳堃。尹國珍。郭嵩燾。福全。陳彝粟。增煥。林之望。文啓來。煦。劉有銘。宗室載銓。葉毓祥。張修府。周道治。萬良彥。昌丁。壽昌。俱著改為翰林院庶吉士。郭祥瑞。孫頤臣。劉鴻恩。鄧清淦。張增道。葉士煥。李德增。汪先煥。劉秉

厚駱利鋒朱壽康章倬標沈鏗王友瑞李友  
梅郝應宿余汝侗瑞明薛銘沈鏞徐振墉楊  
儀韶方學蘇段培元朱麟祺熊其光文玉宗  
室興蒼成善阮壽松德恆阿克丹宗室崇光  
袁銓盧日新俱著分部學習李仁元裴季芳  
孫家醇鄧培槐俱著以內閣中書用吳珽李  
宗義尹泗劉廷鑑戚天保戴鹿芝喻懷恭周  
振璘彭嘉炯黃瑞圖龍元儼賀桂齡李湘菩  
劉潤陳秉彝曹鴻舉李士瑞宋肇昌蔡應嵩

孔廣泉華國清許利賓周劼侯樹銜莊心庠  
張培仁丁斌楊文熙耿灼然黃金韶李明璫  
車汝建王揆一龐公照王宏謨張希仲張清  
瀛李森左駿章謝佳玉廖宗元馬新貽馮霽  
馮森葉維藩郭種德李孟羣朱負周鳴鹿延  
齡伍奎祥霍為榮胡長新黃淳熙汪有恭沈  
墉匡慶榆武元鶴任瑛辛本梅李燦張汝弼  
陳心茶馬綸篤徐家杰王序賓趙廷銘王玉  
周雲翥增祿高化鵬馬先登教國琦陳兆鳳

姚繼勉吳懷玉朱邇侯王平格李國瀛張晉  
陳星煥趙開元祝壇陶鑒楊廷俊陳喬榮白  
潤雷蔚瞿績擬朱孔模萬年鄭奎齡杜滋賀  
際運楊鐔禹建鈞陳秩五黃光彬鄭士蕙樊  
丙南毛玉成錫榮詹錦堂王廷才張韶南馮  
峻李得春王汝銓劉熙敬陰昌庚劉郁膏叢  
壇楊師震任國楨羅家頤許亦崧馬象奎陳  
椿年朱次琦劉鎰郭定柱姚體備俱著交吏  
部掣籤分發各省以知縣即用兵部額外主

事謝煌著俟報滿作為候補主事後以該部  
主事即補餘著歸班銓選○以翰林院侍讀  
學士何裕承為詹事府詹事○以揔新布魯  
特賊首提拉賞伯克愛薩比阿什巴拉特阿  
布都比五品頂帶花翎愛達爾雅瓦什六品  
頂帶藍翎○撫卹琉球國遭風難夷如例○  
甲申以催徵兩淮鹽課出力予候補運判洪  
國柱儘先補用○旌表守正被戕甘肅中衛  
縣民鄭泳貴女喜箇○乙酉



上詣

大高殿行禮、還宮、江南河道總督潘錫恩

奏豫籌大汛工用不敷設遇水長工險仍當

奏明辦理得旨不可恃奏明在先豫留地步

總當破除情面覈實妥辦、以夏至祭

地於

方澤自是日始齋戒三日、丙戌諭內閣此次

考試翰詹各員經閱卷大臣等校閱進呈朕

復詳加披覽親定等第一等四員二等五十

四員三等六十員四等三員不列等一員其

考列一等之編修王慶雲俞長贊俱著以侍

講學士升用編修支清彥潘曾瑩俱著以庶

子升用二等之編修馮譽驥著以侍讀升用

侍讀許乃釗著以庶子升用編修楊式穀著

以侍講升用編修宋晉著以中允升用編修

王履謙何若瑤俱著以贊善升用修撰龍啓

瑞著以侍講升用編修徐玉豐著以贊善升

用中允鈕福保著以侍讀升用以上各員現

在無缺可補者俱著先換頂帶在任候缺編

修孫鏘鳴邊浴禮侍講學士曾國藩編修張

燁錢振倫洗馬田雨公俱著記名遇缺提奏

並各賞大卷八絲緞袍料一匹小卷八絲緞

褂料二件侍讀學士新升詹事府詹事何裕

承著賞給大卷八絲緞袍料一匹小卷八絲

緞褂料二件編修楊福祺毛鴻賓翁同書陳

慶松廉師敏何彤雲沈大謨贊善勝保編修

孫鳴珂侍讀蕭良城編修梁敬事史淳張金

鏞蔣琦淳侍讀富呢雅杭阿編修劉崐王景

淳俱著各賞大卷宮綢袍料一匹其考列三

等之贊善吳敬義中允郭翊清俱著降為編

修侍讀學士宗室保清著以庶子降補編修

周炳鑑金肇洛徐墉檢討孫晉墀著各罰俸

半年贊善薩明阿著以主事改補仍罰俸半

年侍講宗室煜綸洗馬宗室載齡俱著降為

編修仍各罰俸一年編修林汝舟著罰俸一

年編修龔自閔鄭大誠俱著罰俸二年中允

宗室聯英庶子宗室榮榮俱著以主事降補編修湯雲松著罰俸三年其考列四等之庶子德惠侍講宗室英繼侍讀學士宗室奕第俱著以筆帖式降補仍各罰俸一年不列等之侍講學士宗室常祿著即革職餘俱著照舊供職該員等各勤學砥行以副朕培養人材至意○又諭德勒克多爾濟等奏請委令參贊公喇布丹多爾濟前往烏里雅蘇台代伊駐班一摺德勒克多爾濟在庫倫幫辦

大臣任內事務較繁不免赴烏里雅蘇台駐班著照所請委令該部落副將軍參贊公喇布丹多爾濟前往○諭軍機大臣等本日據都察院奏山東民人禡方溪呈控賊匪白晝抄搶傷斃父命一案並廩生劉明昆遣抱呈控賊匪擾害地方一案已有旨交崇恩親提嚴訊矣據稱鄒城縣重坊鎮地方被匪盤踞多人肆搶窩藏抗拒官兵業經該汛官稟明捉拏稍為斂跡何以復行結黨仍肆擾害實

屬大干法紀著山東巡撫迅即飭屬嚴拏務獲著名匪犯張克湘李貫五等到案研鞫確情按律懲辦毋稍輕縱至該鎮地方下接運河為水陸通衢應如何設法稽查認真緝捕之處並著妥議章程奏明辦理以靖奸宄而安善良將此諭令知之○調禮部尚書魏元烺為兵部尚書以都察院左都御史賈禎為禮部尚書戶部左侍郎孫瑞珍為都察院左都御史○以伊犁上年被旱糧價昂貴命平

糶倉貯麥石○丁亥諭內閣向來翰詹衙門遇有滿洲翰林缺出先儘內班升用內班無人例用外班充補及至考試詩賦多非素習以致未能前列充補後旋即改官殊非造就人才本意因思繙譯為滿洲本業均應隨時學習精熟毋稍荒廢現在每科繙譯會試獲雋者止用部屬升途較隘若將此項人員轉入翰詹衙門令其專心學習繙譯與各員一體升轉遇有考試翰詹之年即照向例考試

繙譯免致舍其所長用其所短似足以收實效其應如何分缺錄用之處著大學士軍機大臣會同吏部妥議章程具奏至蒙古繙譯進士以主事用者得缺較難如何疏通俾無積滯亦著一併議奏以示朕鼓勵人材成就後進之至意○江西九江鎮總兵官清保奏報接印任事得旨加意訓練如有徵調若不得力朕惟汝是問懷之轉戶部右侍郎李煌為左侍郎兼管三庫事未到任前以吏部

左侍郎李芝昌兼署調兵部右侍郎朱鳳標為戶部右侍郎兼管錢法堂事務以內閣學士黃琮為兵部右侍郎以倉場侍郎陳孚恩署兵部左侍郎內閣學士李嘉端為倉場侍郎命兵部尚書文慶署兵部左侍郎陳孚恩在軍機大臣上行走戊子夏至祭

地於

方澤

上親詣行禮幸圓明園詣綺春園問

皇太后安○命新授軍機大臣兵部尚書文慶毋庸兼總管內務府大臣己丑諭內閣吳文鎔奏遵旨覆奏漕務情形一摺據查江西省有漕各州縣歷經奏明將旗丁所得陋規分別裁革飭禁永遠遵行現在旗丁尚無多索自無庸明定費用章程致滋例外影射之弊著即遵照舊章認真辦理旗丁則責成糧道嚴行約束不准格外索費地方官則責成司道暨各該知府隨時查察不准格外浮收

即地方偶遇偏災尤當委員確勘加意慎重儻有捏報請緩等弊立即從嚴叅辦毋稍寬貸○諭軍機大臣等本日據步軍統領奏廣東民人龍兆平呈控一案已有旨交耆英親提嚴訊矣此案平遠縣民人龍兆平控稱邱紹緒等因謀奪地畝未遂率眾持械先後殺斃伊族人龍承時等三十七命屍骨俱被毀棄無存如此兇殘可惡已極必應按名嚴緝懲辦以紓怨憤該地方官除蒞安良是其專

責何以年久未獲一人殊不可解著耆英迅即提案訊究務飭該地方官將邱紹緒等嚴拏務獲研鞫確情按律究辦毋任漏網以伸國法而快人心將此諭令知之尋奏邱龍二姓因討租起釁爭毆互殺七命均分別按律擬抵龍嶺壽銃斃邱三元龍程也銃斃邱保在逃已逾二年始行就獲應加重問擬斬立決龍作清起意捏控殺斃三十七命及毀滅墳塚焚燒房屋等重情應按律擬軍龍兆平於未訊之先據實首明邱紹緒訊無謀奪地畝致斃龍承時等事均免置議下部議從之○命戶部右侍郎柏葰管圖明園造辦處事毋庸兼管清漪園等處事○庚寅諭內閣朕恭讀

皇祖高宗純皇帝諭旨嚴飭各省督撫於年終密考將該學政考試實在有無弊竇及士子輿論是否翕然據實詳細奏聞原以嚴考成而肅功令

聖諭煌煌洵宜恪遵謹守惟相沿日久該督撫等於年終密考率皆以場規整肅士論悅服為詞習成故套毫無切實考語殊非秉公覈實之道現在學政內雖尚無被人指摘之員而各省學政盡皆廉明公正朕亦未能深信嗣後各該督撫等務宜破除情面認真訪察如該學政等不公不勤或徇私壞法以及約束幕友家丁胥吏人等不能嚴肅甚至精神疲敝不能振作有玷厥職均著該督撫等秉公具奏不得仍以空言塞責儻意存見好徇隱不舉別經發覺惟該督撫等是問將此通諭知之○諭軍機大臣等琦善奏遵查覆奏並訪聞邊外各部落情形繪具圖說呈覽覽奏均悉克什米爾向與西藏貿易加治彌耳無此部落或即克什米爾之訛音該處邊界毗連方言不一其從前所遞夷稟捏稱總督哈丁之名又與耆英所奏夷函互異夷情叵測或欲藉拉達克現歸所屬曾經占據為名

竟欲騙賴或藉克什米爾向在前藏貿易為詞欲前來壟斷居奇均未可知總之該夷狡獪性成惟利是視琦善現已密行籌議妥為豫備如該夷前來著即因時制宜相機籌辦以消其桀驁之氣而杜奸詐之萌嗣後彼處情形及酌量辦理之處著隨時具奏原摺已鈔給著英閱看矣另片奏攜帶火藥教練等語唐古特火藥鉛丸不敷應用琦善此次前往教練著即將庫貯贏餘之火藥鉛丸酌量攜帶以資操演不可浪費將此諭令知之○又諭本日琦善覆奏西藏邊外各部落情形一摺已有旨令琦善相機妥辦矣著將琦善原摺鈔給著英閱看並諭令著英知之○辛卯命皇六子奕訢祭關帝廟○癸巳以廣州副都統裕瑞署江寧將軍○以勦辦雲南回匪迅速賞參將愛興阿遊擊倭什渾泰花翎都司懷唐阿等藍翎餘升敘有差予騰越明光臨土守備銜左大

雄以土守備世職承襲 甲午

上詣綺春園問

皇太后安 諭內閣據理藩院奏棟廓爾呼圖克圖來京當差應賞給何等品級給予何項錢糧請旨一摺棟廓爾呼圖克圖來京當差著加恩賞給該呼圖克圖扎薩克喇嘛品級賞達喇嘛錢糧遇有達喇嘛缺出即補並賞給弟子等二兩錢糧其從前所留弟子十名各食一兩五錢錢糧著照例裁撤○乙未旌

表守正被戕河南上蔡縣民李協和妻劉氏守正捐軀陝西富平縣民范茂德妻閻氏○丙申軍機大臣會同戶工二部議覆給事中張修育奏籌裕庫儲六條一釐定鹽引科則刪減外費清查引目應請敕下各督撫將現徵科則詳查款數銀數應減應裁外支項下酌定用錢款目並飭查各省銷引積存數目設法截清新引如何疏銷足額籌議具奏一整飭權務應請嗣後賠繳關稅各員於限內

交至七成以上屆期免其革職監追未交之  
二成餘另作分數予限清完有官者全扣廉  
俸現在監追各員家屬交至七成以上亦請  
釋放帶欠之數飭令設法措完一釐正常例  
將京銜與外銜輕重懸殊者斟酌改定應請  
將無關選法之從六品光祿寺署正銜起至  
未入流翰林院孔目銜止逐加酌定量為數  
減一籌裕銅斤應請此後運員例帶餘銅概  
令交局官為給價收買一酌定勒追例限查  
應追應賠各款本有統限又有分限毋庸變  
例惟銀數較重未據結報家產該員廉俸又  
復無多者應請由該管上司飭追並查取遲  
延職名議處仍將本員廉俸停止一半作抵  
至候補人員及子孫代賠並無職官之人責  
成各旗籍按限著追實係力不能完查明取  
給分別辦理一酌辦估變逾限應令各督撫  
查明入官應變各項責成現任州縣統行予  
限一年出示召售如實與原估數目不數准

照時價變完其因虧那查抄者應令認真查  
辦毋許隱匿從之○以內閣侍讀學士道慶  
為內閣學士兼禮部侍郎銜 丁酉諭軍機  
大臣等各省營伍之設原期緩急足恃然必  
通籌於先事方可責效於臨幾近自海疆多  
事以來凡一切練兵儲餉之要詰戎經武之  
方屢經朕再三訓諭該督撫等自能認真督  
飭實力講求斷不至仍前廢弛不知振作惟  
思患豫防要在操防無懈尤貴呼應皆靈固  
不可少有疏虞更不得稍分畛域以目前而  
論東南各省夷情雖皆就範而粵東民情浮  
動且華夷雜處難免忿爭設一旦激生事端  
所恃以及時徵調者惟江西各營較近前因  
辦理夷務所調該省兵丁多不得力此皆訓  
練未精紀律未明之故著李星沅接奉此旨  
務就江西各營將弁隨時隨事不動聲色加  
意整頓軍實必備技藝必精汰其老弱振其  
頹靡總期有勇知方共得勁旅二三千名儼

遇粵省偶有調遣無難一呼即至庶顧此並不失彼禦侮即以庇鄰乃為周妥諒該督定能曲體朕意籌及萬全不僅為固守一隅之計也將此諭令知之○又諭寄諭兩江總督李星沅陸建瀛覆奏密勘泖湖等處設防情形先行繪具圖說一摺朕詳加批覽如所議斜塘口攔路口等處豫置已舊糧艘貯石浮艤以備臨時鑿沈遏阻夷船來路因思此項船隻雖以無用之物為有用之備然各口門俱係往來出入要路無端多設糧艘待沈不惟有事無以制寇即平時船隻往來亦多窒礙是欲阻寇而先以自阻也且移運糧船亦易啓夷人之疑而究之於攔阻夷船恐不足恃所議似出下策其所稱兩岸口門用竹簍碎石鑲做裏頭及礮位毋庸豫設等議亦未周妥著李星沅到任後會同陸建瀛再行酌度情形悉心籌畫妥議具奏將此諭令知之○雲南巡撫程喬采奏謝兼署雲貴總督恩

得旨署任本任均當認真妥辦以副重寄○戊戌直隸總督訥爾經額奏通省得雨深透得旨京師連得透雨無不需足旌表守正捐軀河南河內縣民婦李王氏女遂姐○己亥諭內閣著英奏獲犯審明營餉被竊實情賊經照數賠補一摺前因廣東東涌營署被竊餉銀衣物署守備王應鳳捏報圖劫拒傷該管副將王鵬年未經確查誤信轉稟降旨將王應鳳革職嚴審王鵬年革職留任被竊餉銀飭令賠補仍勒限緝拏賊贓茲據奏稱審明該革弁王應鳳被竊後匿情捏報意存規避尚無那移侵蝕重情業經革職著毋庸議大鵬協副將王鵬年因在洋接稟未及確查尚非扶同捏飾復將餉銀照數賠補且被叅後督同拏獲本案首夥各犯十三名尚知愧奮所有原叅革職留任處分著准予開復諭軍機大臣等前因廣東虎門礮臺被夷人乘機扒上釘塞礮眼當降旨交著英將疏

防各營弁查明嚴叅茲據奏稱虎門海口夷船出入事所恆有該夷就撫以後毫無釁隙此次扒上礮臺釘塞礮眼實非意料所及該督與賴恩爵均自以各無可辭請交部嚴加議處其疏防各弁請暫行免議等語礮臺疏防釘塞礮眼實非尋常疏忽可比本應嚴加懲辦以儆怠玩惟既據該督查明該弁兵等實非意料所及著准其暫行免議該督等處分亦著加恩寬免此係朕權宜參變格外從

寬該將弁等當如何益知激勵時時嚴加防守儻再不能振作仍復有似此疏防之事即將該督及在事員弁從重治罪蓋夷人就範之後祇可禁其挑釁斷不可懈於守防若登臺釘礮仍復袖手旁觀則將來何所不至耶又片稱近年以來各弁兵於海防頗為得力該夷或欲藉釘塞礮眼令其獲咎以肆奸計等語朕思換易生手年餘便悉臻熟習若果夷人有此畏心朕亦甚願但恐情形不確或

其中別有隱情未易明言著據實密奏毋稍隱飾至礮臺關繫海防尤為緊要該弁兵等自宜實力巡防嚴行偵守嗣後當剴諭弁兵凡與夷人交涉固不可輕啓釁端亦不得藉口撫綏直是犯而不校總須有備無患能戰能守方為訓練之師至所稱虎門礮臺添兵等語夷至而礮臺無守夷去而議添兵示弱之形在所不免儻該督以為必須添設兵弁朕亦不為遙制務須籌畫萬全所有添蓋兵

房撥給糧餉統俟籌議奏明後再降諭旨又據稱民夷不協請令地方紳士於民夷交涉事件隨時襄辦等語該處民情本與夷人未協間有匪徒構煽易滋釁端夷人即藉口生事地方紳士與民人較為親切開導勸諭易於信從著即責成該紳士糾合良民互相保衛於民夷冰炭匪徒挑撥之處設法排解以杜爭端仍於紳士中擇其品望素著通達事體者酌派數人於民夷交涉事件隨時襄辦



以資得力原摺各件由驛遞封還將此諭令知之○又諭前有旨將潘仕成簡放廣東鹽運使因該員籍隸廣東當經降旨令耆英體察情形將有無窒礙難行之處據實具奏茲據覆奏該員籍隸本省其族姻交好多以鹽務營生究屬窒礙難行因思潘仕成留於廣東以道員差遣該督可收臂指之助惟本省道員有無窒礙仍須體察情形據實覆奏如果無窒礙俟覆奏後當降旨以布政使銜充

補道員至於何缺相宜何員堪以道缺擬升鹽運使均著該督察看奏明請旨毋稍遷就將此諭令知之尋奏潘仕成充補道員似屬未便可否以候補鹽運使留於粵東差委俟修造船隻及一切事務大定再請旨作何簡用至鹽運使篆務現委督糧道趙長齡署理策疲剔弊不遺餘力惟未敢擅行擬升得旨潘仕成著以候補鹽運使仍留廣東交耆英差遣委用所遺鹽運使員缺著趙長齡補授

○添設廣東虎門專汛額外委一員兵丁四十名由閩西山汛抽撥從總督耆英等請也○禮部議准安徽巡撫王植疏報採訪英山縣貞節婦女段牛氏等四百九十二口宿州趙陳氏等一百四十一口河南巡撫鄂順安疏報睢州王羅氏等十八口各請建總坊旌表從之○庚子

上詣綺春園問

皇太后安○諭軍機大臣等江西九江南贛二

鎮地方扼要一切訓練操防必當認真講求方期有備無患現任總兵清保德坤二員平日能否申明紀律裨技藝悉臻精熟操防果否留心設遇調遣能否得力可靠著李星沅於到任後隨時留心察看據實具奏毋稍瞻徇將此諭令知之尋奏江西兵額惟九江南贛二鎮最多前據撫臣吳文鎰來咨挑選精兵三千四百七十名以備調遣至德坤前任漢中鎮時曾與相處嗣因領兵赴浙復於蘇

省接晤乍浦之戰該鎮頗以身先向來操防勤慎雖未通曉兵法尚不失為中材清保曾任湖北將官前面詢督臣裕泰據云該鎮在崇陽軍營甚屬出力及過九江接見察其年力方壯明晰周妥似可望為干城近復疊飭所屬各營設法整頓認真挑備斷不准有名無實得旨隨時認真察訪閱伍之時細心校閱萬一有所調遣不能得力責有攸歸懷之母忽○旌表守正捐軀山西汾陽縣民魏椿

補妻王氏○緩徵山西臨汾洪洞襄陵曲沃太平翼城浮山鄉寧永濟臨晉猗氏榮河萬泉虞鄉解安邑夏平陸芮城絳聞喜稷山垣曲河津趙城二十五州縣被旱本年額賦並展緩垣曲縣上年被雹村莊帶徵舊賦○辛丑

孝恭仁皇后忌辰遣官祭

景陵○壬寅諭內閣廉敬奏遵旨議覆四川民人前赴回疆種地一摺前據布彥泰條奏內

地民人前赴回疆領地耕種由各省官為資送經軍機大臣會同戶部議覆請旨敕下陝甘四川陝西山西各督撫詳細體察妥議具奏茲據廉敬覆稱若官為資送則無業游民勢必藉赴回疆為名希圖領費甚至不肖之徒或半路折回或潛往他處既不能按戶查追又不能逐程押送等語所議甚是現在四川安縣彭縣二處既有呈報願攜眷屬前往種地民人著即照該署督所議由該地方官

印給路票發交該民自行前往庶辦理無所窒礙而邊疆可望招徠○又諭慶錫奏節省倉項銀兩請歸公用等語

東陵永濟倉每年截運米石例領腳價現因銀貴足數辦公所有節省加價銀兩著自明年為始分款作為

東陵歲修零項工程及歲修外圍大牆並永濟倉歲修廩座各工之用尚有餘騰另款貯庫俟數年之後積有成數奏明將圍牆大修一

次嗣後銀價平減再行酌量辦理又諭慶錫奏籌議恭修

陵寢外圍牆垣一摺此項牆工應需銀兩據奏永濟倉每年運米腳價支領直隸藩庫銀內撥節辦理可省銀二千六百兩著即照議歸公作為修理牆工之用並免其造冊報銷至西南西北兩面圍牆今年方向不宜著俟明春再行興修○以緝獲四川匪徒紀四帽頂等賞都司顏朝斌等藍翎知縣程祖潤等升

敘有差○癸卯宗人府刑部奏審明御史烏凌阿奏寶坻縣民白壁毆母一案訊係虛誣並鞫出賄囑各情按律定擬得旨此案已革御史烏凌阿職司風憲輒比昵匪人聽受賄囑妄行陳奏雖據訊明僅止聽許虛職並未入手惟以言官貪婪卑鄙著即照部議從重發往新疆充當苦差遇赦不放已革編修吳嘉賓身列詞垣輒與匪人往來已屬不知自愛又復聽受囑託代為探詢公事尤為有玷

清班僅予革職不足蔽辜著加重發往軍臺效力贖罪其拏獲此案要犯之中城兵馬司吏目高桐業緝捕尚屬勤能著交部從優議敘鑲黃旗族長宗室瑪尚阿能將送信之吳國幹盤獲俾慶芬不致遠颺辦事亦屬認真並著交宗人府從優議敘至此案業經刑部研究得實所有該部堂官失察筆帖式常泰私自出京及主事全壽聽從囑託自請議處之處著加恩寬免○軍機大臣議准欽差侍

郎柏俊等奏查勘盛京山場詳擬善後章程六條一設江西岸添設卡倫三座以資稽查一每年統巡官出邊巡查應分春秋二季以歸覈實一每屆三年春季請令盛京副都統酌帶官兵巡查一次統巡官毋庸派往一統巡官出邊應令先知照朝鮮國地方官會哨如無搭蓋窩棚處所該國地方官具文由統巡官申報將軍以備稽覈一各邊門嚴禁出入其採獲剛夫及運糧人等出邊時共有若

千名按名填注進關時仍逐名勾稽以防弊混一三道浪頭為山犯偷運木植必由之路應於該處酌添官兵嚴密堵緝得旨盛京沿江一帶地廣山深流民最易溷跡查察稍有未至即難淨盡根株嗣後每屆三年巡查邊卡著由盛京將軍開列該將軍五部侍郎副都統銜名候朕簡派一員前往並著吉林將軍於每年統巡官出邊巡查時一體派員責令認真清釐庶不致此拏彼竄清查後俱著

自行據實具奏以專責成而靖邊圉餘依議○署兩江總督陸建瀛奏甄別才具平庸之正署知縣于浚等四員分別降革得旨各屬仍當隨時留心甄覈○山西太原鎮總兵官祥麟奏報任事得旨實力整飭認真訓練勉之○以翰林院侍讀勝保青慶侍講沈兆霖司經局洗馬奎章翰林院編修阜保充日講起居注官○禮部議准湖南巡撫陸費瓌疏報採訪澁浦縣貞節婦女嚴翟氏等七十口

請建總坊旌表從之○甲辰以太常寺卿恆毓為通政使司通政使○乙巳杭州將軍桂輪因病解任調江寧將軍奕興為杭州將軍實授裕瑞江寧將軍○賞福建江西丙午科鄉試年老諸生黃益齡等三名舉人副榜有差○丙午

上詣綺春園問

皇太后安○命御前侍衛玉明在乾清門侍衛上行走貝子奕格在御前行走○以火器營

翼長烏蘭泰為廣州滿洲副都統○丁未以太常寺卿何桂清翰林院侍講學士曾國藩為內閣學士兼禮部侍郎銜

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百四十二

166-971-1

部

五四八

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百四十三

官衙地畝官廨遷移於官倉下未遷以前大令士子預聞官衙之事務者乃有居處之便倘士子欲求官廨  
 天爵府世事者當尋五六日此碑十八人實獲地畝官廨遷移官倉下遷移之時官衙之事務乃有居處之便倘士子欲求官廨  
 十八人自任其會同司庫館事也 叙爲廿六號廿七廿八號此碑乃遷移之時官衙之事務乃有居處之便倘士子欲求官廨  
 內小府大司驛向理而司庫館事內大令司庫館事內大令司庫館事內大令司庫館事內大令司庫館事內大令司庫館事  
 遷此通曉或事務隨廿八級內司庫館事內大令司庫館事內大令司庫館事內大令司庫館事內大令司庫館事內大令司庫館事

教修

道光二十七年丁未六月戊申朔諭內閣前

據都察院奏山東民人糕方溪等呈控賊匪  
白晝抄搶斃命等案當有旨交崇恩飭屬嚴  
拏懲辦茲據奏稱此案先據該府縣會同江  
蘇邳州等州縣獲犯郭從善等十三名惟首  
犯李貫五在逃從犯亦尚有未獲仍著該撫  
嚴檄該府縣將首犯並各逸犯按名緝拏盡  
法究辦毋許一名漏網以懲兇惡而靖閭閻  
○己酉察哈爾都統裕誠等奏出口考驗軍  
政之便將各該處兵丁槍箭技藝軍器牧青

官馬校閱查點並抽查軍臺下部知之○庚戌命戶部右侍郎朱鳳標鴻臚寺卿書元敬謹查勘

東陵工程○辛亥諭軍機大臣等前據劉韻珂等奏投首洋盜於發營安插後俱能認真緝捕請免改發以資驅策一摺當交軍機大臣會同刑部等衙門議奏茲據穆彰阿等酌覈情形請將莊通等分發閩浙水師各營安插已如該督等所奏依議行矣此事原係變通

辦理惟莊通等曾經入洋為盜貸其一死究非安分之徒目下雖悔罪投誠難保其不復萌故智嗣後惟當責成該管各官於水師各營按營酌量均勻安插該督仍隨時加意訪察如果始終奮勇不敢妄為自可准其補伍食糧以收爪牙之效儻查有曠悍難馴不安本分或未能勤慎當差自當分別輕重小懲大戒斷不可稍涉遷就致貽後患是為至要將此諭令知之○大學士軍機大臣會同吏

部議奏繕譯進士轉入翰詹章程九條一每科繕譯中式進士引見簡用庶吉士下科散館按本科覆試一二等者授職編修三等授職檢討作為內班論俸升用俸同者以等第名次為先後遇考試翰詹之年仍令專考繕譯一翰林院滿洲侍讀侍講第二缺詹事府滿洲右中允右贊善俱作為繕譯專缺至侍講學士以上缺出不分文進士與繕譯出身將應升人員通行開列請簡一滿洲庶子缺

出輪用內班不分文進士與繕譯出身將應升人員一體升用至用過二次後即升用外班文進士舉人出身人員一次一滿洲洗馬缺出先用文進士一人次用繕譯一人俱先儘內班再用外班一應用外班繕譯各缺侍讀侍講洗馬由滿蒙員外郎副理事官內閣侍讀考補中允由主事欽天監監副宗人府經歷都察院都事經歷大理寺寺丞太常寺寺丞光祿寺署正考補贊善由小京官及筆

帖式考補由吏部咨取各衙門繙譯進士舉人出身各官奏請考試派閱卷大臣擬定名次引見記名後注冊按名序補先儘進士次用舉人如考取人員尚未補竣以後繙譯編檢有人仍先儘內班升用一改用繙譯之侍讀侍講中允贊善及以繙譯間用之洗馬各缺現在繙譯內班外班庶吉士俱無人應請由繙譯進士舉人出身之應升各官考補先用進士次用舉人以後內班有人仍先儘內

班升用外班亦先儘庶吉士出身人員再用考取之人至繙譯侍讀此次考補後下次缺出即以繙譯侍講轉補一繙譯侍讀侍講洗馬中允缺出以本衙門應升之外班中允贊善與考取在前應轉翰詹各員統較科分名次升用一改用繙譯各缺輪用外班如考取無人請以文進士抵補文進士無人以文舉人抵補此後再遇繙譯缺出如繙譯有人仍專以繙譯出身人員補用一現擬改設繙譯

專缺如內班無人仍用外班其有庶吉士出身者仍按科分名次擬補毋庸揀選如無庶吉士出身人員即將應升之進士舉人出身各員奏請揀選每缺揀選二三人候簡至考試蒙古繙譯進士以主事用者籤分六部理藩院太僕寺行走奏留後遇有題選缺出酌量補用從之○壬子旌表守正捐軀直隸灤州民王可生女普姐○癸丑

上詣綺春園問

皇太后安○諭內閣德誠等奏南糧幫船脫空請旨飭催等語南糧泗州前幫等船節節脫空其在後之鳳中常等幫尚無過關信息現已節近大暑即使銜尾北來亦不為早若再阻滯稽延將來必至有誤回空所關非淺著直隸總督山東巡撫迅查各幫船在何處逗留果否實係淺阻抑係無故耽延即責成各該道府督飭該管州縣於河道淤淺處所認真挑挖添撥濟運並嚴飭沿河員弁晝夜催

趙遵委勤幹之員協同督催務令跟蹤前進無使一幫脫空俾得依限抵通以利漕行而重積貯○甲寅雲南臨元鎮總兵官尚安因病解任以前任騰越鎮總兵官李能臣為臨元鎮總兵官○乙卯戶部議准陝甘總督布彥泰疏報靖遠縣開墾旱地四頃二十七畝有奇照例升科從之○丙辰前任雲南提督汪道誠以年老休致○丁巳諭內閣沈拱辰奏徵完引課並未完商欠請勒限嚴追一摺

長蘆應徵道光二十五年商課奏銷業經展限半年乃引商馮恩綬等仍不依限完交尚有拖欠實屬玩誤著即照議勒限二十日上緊追完僅再逾限未清即著叅革監追查抄治罪○引見新科繙譯進士得旨桂豐廣鳳勒爾精阿伍忠阿俱著以庶吉士用佛爾果春崑玉祥成伊濟斯渾賽卜哲訥舒慶錦祥俱著以六部主事用○長蘆鹽政沈拱辰奏辦理招商認運情形除永平府各屬及廣平

肥鄉兩縣前已奏明試辦官運外查天津府屬之青縣鹽山慶雲亦俱官為運銷此外各岸屢催綱總選保並出示招徠因認運寥寥復於招認之中稍示變通之法不論引數多寡年分久暫或認或租各從其便其認辦官租引地者須另完官租銀兩課款較多遵照部議將舊商積欠各課及原借帑本一概免其承認如認辦商置引地無須另完官租今其量議價值抵認帑本積欠俾現年帑息不

致盡成懸宕而舊商欠項亦得稍輕現除陸續接認計尚空懸引地四十餘處容再督催綱總妥為勸導次第招充或再酌歸官運或委員運鹽至總匯地方飭令各州縣招集水販領買運銷以期引不久懸課歸有著得旨認真努力務挽頽波○命浙江布政使存譽留京以三四品京堂候補以四川按察使劉喜海為浙江布政使陝西督糧道張集馨為四川按察使○舉行本年軍政侍衛處鑒儀



衛滿洲蒙古各旗營卓異官一百二十七員年老官二十四員有疾官三十一員才力不及官七員分別議敘處分如例添建廣東高要縣琴沙礮臺並虎門廣濟墟兵卡汎房從總督耆英等請也○戊午諭軍機大臣等耆英等奏喫夷近日情形所有租地建房等事現經委員覓定地方妥為商辦並責成地方文武及紳士等勸諭居民俾各相安等語此次夷船突入省河香港夷兵加增並有鑄

造礮子火箭及演習礮車等事該夷自加練習或意圖蠶食諸國亦意中事但傳聞豈可盡信必應加意籌防著該督等仍督飭地方官密為籌畫層層布置並密飭水陸各營共備不虞既不可過事張皇尤不得少疏防範將此諭令知之○理藩院奏據住京俄囉斯達喇嘛佟正笏呈請在塔爾巴哈台伊犁喀什噶爾三處通商查例載俄囉斯除在恰克圖地方交易外所有霍尼邁拉呼卡倫俱不

准通商所請與例不符且各該處距中國較遠人煙稀少內地商人斷不肯跋涉前往於該國實無裨益應札行該館監督傳諭該達喇嘛轉行知照從之○署雲貴總督程喬采奏籌辦回務善後事宜查漢回雜處讎殺相尋或因微嫌糾約多人希圖報復而外來遊匪又復從中鼓煽欲遂其乘機搶掠之私該回性悍心齊祇逞一時之忿始則禍延性命繼則害及身家久之玉石俱焚幾於不可收拾

拾即如保山回民殷實者多現經瑣尾流離驟難安集其中良善回民房屋既被毀燒田產豈能乾沒在漢人意存覬覦該回眾自必不肯甘心現在札飭地方官設法清釐毋許漢民侵占所存田地或官為變價給領或招回民佃種交租總期辦理公平該回無可藉口惟此間常有川匪及陝省奸回因無隙可乘動輒造言出事各回寨心生危懼易起猜疑遂至與民為難現獲各犯即有川陝之人

必應盡法處治現已出示禁止謠言剴切曉諭該回勿為浮言所惑並飭地方官諄諄勸誠開誠布公俾共知一視同仁之意如復循故轍敢於作奸犯科無論是漢是回概行按律懲辦斷不曲為袒護亦難稍事姑容漢回同隸編氓即當聯為一體仍飭地方文武清查保甲嚴巡卡汛以杜奸匪往來庶漢回日久相安漸消惡習得旨妥協辦理○廣東陽江鎮總兵官楊德雄因病解任以大鵬協副

將王鵬年為陽江鎮總兵官○准江西饒州幫船遭風沈失米石分限六年買補○己未上詣綺春園問

皇太后安○以翰林院侍讀張鐸充日講起居注官侍講學士王慶雲署日講起居注官○庚申諭內閣陸建瀛奏舉人圖詐漕規不遂挾制縣令請褫革審辦一摺江蘇舉人嚴宗熙因前署南匯縣知縣左輝春不准矜生妄充包戶並禁革一切陋規輒捏造款跡編成

詩句對聯既已承認復行翻供該縣左輝春何以不於該舉人進署自認時當場捉獲致得狡卸保無別情虛實均應徹底根究舉人嚴宗熙著先行褫革調署長洲縣知縣左輝春尚未到任著即傳同質訊嚴究實情務期水落石出照例懲辦尋奏審明嚴宗熙自撰對聯投送指斥該署縣左輝春貪酷嚴宗熙係候選教諭若照姦贓污人名節之例僅予革職未免輕縱應按部民罵本屬知縣者杖

一百律上加一等擬杖六十徒一年左輝春於嚴宗熙進署時因係舉職是以未遽捉拏其裁禁陋規並非辦理不善應毋庸議下部議從之○馬蘭鎮總兵官慶錫奏恭查

五陵前面地方被風刮折各色大小海樹大概數目應將實在可保成活各樹妥為培補支架其不能成活各樹即行伐除以肅觀瞻而清地面查向來年例伐除回乾樹株先期於六月內貼記冬令伐除需派兵役四十名樹

戶二十名若如今年應伐樹株較多非多派  
兵役難期數月歲事今督率將備悉心商酌  
謹擬先期將應修應除各樹地面分為六段  
每段將各色樹株分為四項分別何項應留  
何項應去俾伐除之時不致混淆由鎮標派  
撥兵丁二百名內務府撥派旗丁五十名禮  
部撥派差役等五十名並派將弁司員等逐  
日彈壓看管儻該兵役等有滋事盜取等情  
即行懲治示眾並將帶領員弁叅處至所除

各樹向係劈鋸堆垛抵作祭柴惟今年為數  
太多揀擇成材各木堆入官料木廠責成樹  
戶拉運以備修理官工之用得旨依議妥辦  
○以經徵額賦十年全完予山東知縣朱家  
學以直隸州知州儘先補用○辛酉署兩江  
總督陸建瀛奏江陰縣梟匪在如皋縣江面  
離殺商巡現飭獲犯二十三名於訊明後盡  
法懲治得旨不准遷就○以國子監祭酒文  
瑞為詹事府詹事○予山東故大學士盧蔭

溥父原任直隸廣平府同知盧謙入祀鄉賢  
祠從巡撫崇恩請也○癸亥戶部議准前任  
陝西巡撫林則徐疏報興平盤屋武功三縣  
開墾廠地六十五頃四畝有奇照例升科從  
之○甲子修浙江蕭山縣西江石塘從巡撫  
梁寶常請也○乙丑戶部議准前任福建巡  
撫鄭祖琛疏報古田縣新墾旱田五十四畝  
照例升科從之○丙寅葉爾羌參贊大臣賽  
什雅勒泰等奏巴爾楚克營官兵應領鹽菜  
銀向由葉爾羌領出易錢載回存庫按月開  
放據遊擊張承寵揭叅守備何璋欲改由該  
城換錢散放面求不允風聞兵丁欲行鼓譟  
不得已將春季銀兩發出何璋張承寵均請  
交部議處嗣後該營鹽菜銀兩請於易錢領  
回之後責成糧員會同遊擊守備監收開放  
隨時呈報以備稽覈得旨遊擊張承寵守備  
何璋均著交部分別議處餘著照所擬辦理  
○命陝甘總督布彥泰撥銀八千兩解赴喀

喇沙爾備道光二十九年經費○丁卯諭內閣者英等奏營兵為盜拒斃事主請將汎弁都司分別革職撤任一摺國家設兵衛民所以安良除賊據奏廣西武宣汎兵玉士華等膽敢身自為盜糾夥行劫客船並放火燒船致斃事主多命不法已極該管汎弁平日既不能認真約束事後又不即上緊擒拏乃捏稱玉士華等先已斥革顯係規避捏飾難保非知情故縱該都司並不據實揭叅實屬扶

同徇隱武宣汎把總傅鴻外委岑鳳噪並潯州協中軍左營都司安桂俱著即行革職交該撫提同犯證嚴審確情按律懲辦在逃首要各犯著即嚴拏務獲毋許一名漏網提督馬殿甲及該管總兵官紀律不嚴致釀重案均著先行交部議處尋奏拏獲首從各犯訊明玉士華起意糾劫得贓又點擲火藥致斃多命合依強盜殺人斬決梟示例擬斬梟該犯情罪重大未便稽誅審明後即恭請王命

處斬梟示餘犯分別問擬斬決徒杖傅鴻雖非知情故縱惟取巧規避請發新疆效力贖罪岑鳳噪失察汎兵為盜事後又不能將犯拏獲尤屬玩縱請發軍臺效力贖罪安桂業已革職請免另議下部議從之○以械鬪案內捐輸撫卹及獲犯出力賞福建知府仝卜年參將呂大陞遊擊安定邦同知曹謹花翎予知縣胡國榮以同知直隸州知州補用千總曹宗銓曾先福以守備補用並賞花翎賞

千總李朝祥等藍翎餘升敘有差○戊辰諭軍機大臣等各直省錢糧出入歲有定額以額相準定為請留留備留協之分其贏餘銀兩仍於春秋二撥案內悉數撥解部庫以備支用法至善也乃近年留協省分屢有咨請改撥之事部庫待用孔殷每次各省改撥之款皆例應解部之銀非以蠲緩為詞即以留支藉口殊不思水旱偏災事所難免各省支款無歲無之何以從前改撥之案尚少近則

日多一日前數年軍務河工需用緊急不得不權其輕重量為改撥而各該省恃有成案可循幾至年年瀆請若不及早示以限制於京餉大有關繫且恐各該省於應徵應解之款易啓那移虧空等弊嗣後著留協省分各督撫於戶部例撥及因案指撥各款務須激發天良認真籌辦不得因向有改撥成案率行援引瀆請並著督飭藩司派委妥員照數按期迅速起解如仍前援案聲請改撥查有

不實不盡情弊以及起解遲延即著戶部據實嚴行叅奏以裕經費而符舊章將此各諭令知之○以光祿寺卿邵燦為太常寺卿○命盛京戶部侍郎慶祺刑部侍郎廣林敬謹驗收盛京

太廟宮門各工○以捐修直隸溫榆河工予候選縣丞曹培顯儘先選用○己巳諭內閣本日據奕湘奏副都統勘定鳳凰城邊柵與舊制圖冊里數不符未便率改舊章又據慶佳

奏勘明界址請按里行繩以清界限未便拘泥舊制各一摺著派奕湘會同靈桂於本年秋間前往鳳凰城邊柵妥為詳細查勘酌定界址奏明辦理前經該將軍等奏定章程每屆三年春間赴邊外巡查各弊以靖邊圉此番前往即作為一次嗣後三年屆期著遵奉前旨由該將軍開單請簡候朕酌派仍於春季前往以符定制而昭覈實○調廣東高州鎮總兵官趙承德為潮州鎮總兵官潮州鎮

總兵官余萬清為高州鎮總兵官○以捐辦廣東鹽務出力予同知吳均以知府升用○庚午遣官祭

火神廟○辛未旌表守正捐軀安徽霍山縣民陳同喜聘妻胡氏○壬申河東河道總督鍾祥奏報入伏前後河水節長旋消兩岸工程鑲修平穩現仍督飭慎防得旨加意防護務保安瀾○緩徵山東臨清邱鄒平濮莘淄川曹鄆城范觀城朝城冠夏津定陶館陶武

城濟陽臨邑陵平原德平鄒齊河荷澤鉅野  
高唐章邱恩二十八州縣暨德州東昌臨清  
濟寧四衛被風被旱被沙村莊新舊正雜額  
賦○癸酉旌表守正捐軀河南祥符縣民趙  
國沅妻呂氏○甲戌貸江寧京口駐防官兵  
修理官署兵房俸餉銀○乙亥緩徵河南修  
武武陟濟源原武溫陽武延津滑封邱祥符  
鄭滎陽滎澤汜水洛陽偃師鞏十七州縣被  
旱村莊新舊正雜額賦○丙子閩浙總督劉  
韻珂因病給假以福建巡撫徐繼畲署總  
督○以內大臣壁昌為福州將軍○予故福  
州將軍敬敷祭葬如例○丁丑諭內閣禮部  
奏酌議旌表建坊章程等語嗣後各該部隨  
案請旌之烈婦烈女及年終彙題內之烈婦  
烈女均著建立專坊以示獎異餘俱著歸入  
總坊年終彙題並著各該督撫等於題本內  
聲明彙建總坊字樣用昭區別

大清宣宗效天符運立中體正至大聖武智勇  
仁慈儉勤孝敏成皇帝實錄卷之四百四十三

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百四十四

臣等謹將本年內各款恭摺具奏伏乞聖鑒訓示謹奏

臣等謹將本年內各款恭摺具奏伏乞聖鑒訓示謹奏

臣等謹將本年內各款恭摺具奏伏乞聖鑒訓示謹奏

臣等謹將本年內各款恭摺具奏伏乞聖鑒訓示謹奏

臣等謹將本年內各款恭摺具奏伏乞聖鑒訓示謹奏

教修

道光二十七年丁未秋七月戊寅朔享

太廟遣惠親王綿愉恭代行禮○己卯諭軍機

大臣等本日據都察院奏雲南回民丁燦廷

等控告香匪串謀滅殺無辜一摺已明降諭

旨交林則徐等審辦矣此案控關奸匪挾讎

尋釁串謀倡亂被害至一萬餘命之多如果

屬實必須徹底根究水落石出庶足以服難

民之心而除地方之害林則徐程晉采甫經

到任無所用其回護著即平心研鞫毋枉毋

縱務將棍徒會匪嚴行查禁首惡各犯從重

懲辦以紓積忿而快人心儻係從前辦理不

善亦應據實平反奏明辦理不得因案已將

就了結顛預塞責遂將萬餘人之屈抑鬱而

不伸代人受過已屬不可況數萬生靈之沈

冤身為大吏者竟置之不問耶懍之慎之原

呈著鈔給閱看將此諭令知之尋奏丁燦廷

等在京控訴係指二十五年九月初二永昌

七哨漢民將城內回民概行擅殺之事所呈

八千餘口之數覈與賀長齡原奏四千餘人

之語不符案查賀長齡於二十五六年將

該處漢民蕭林桂楊老九等閭閻斬梟奏辦

在案其辦理不善之道府亦經奏參回民仍

以懲辦尚少歸咎於官其實九月初二前後

回民兇橫尋闖各情亦何嘗在情理之中臣

等現飭文武彈壓化導將永昌順寧等處絕

產逃產悉數清釐漢民回民設法招復責令

回漢中紳耆互相約束永禁侵凌至於棍徒

首惡嚴密兜擒斷不敢養癰貽患得旨秉公

辦理永靖疆圉為要○庚辰諭內閣工部錢法堂奏請飭催銅運等語銅運為鼓鑄攸關斷不容遲延貽誤所有已入山東境之鄧墟一運著沿途各督撫查明行抵何處務令星夜遄行無任片刻停留勒限八月中解京其已過淮關及已入江南境之乙巳三運並已過淮關之丙午一運均著飭令領運各員迅速趕行務於十月內解局以資接濟不得違限干咎其餘丙午各運亦著沿途地方官上

緊嚴催設法趲運無令稍事耽延儻運員藉詞延宕或地方官催趲不力即著查明嚴叅以重鼓鑄○壬午以工部右侍郎明訓為總管內務府大臣○命陝甘總督布彥泰撥銀五萬五千兩解赴塔爾巴哈台備道光二十年經費○免塔爾巴哈台額魯特應賠補凍斃牲畜並賞蒙古貧戶馬匹牛隻○癸未諭內閣哈勒吉那奏庫倫赴藏喀爾喀蒙古官員暨喇嘛人等行抵青海緩養馬匹駝隻

被番賊搶劫一摺該大臣防護不力咎復何辭哈勒吉那著交部議處仍著該大臣督飭兵弁嚴緝此案賊賊務獲究辦斷不准任令逃逸所有此次被搶牲畜並著該大臣照數賠補以示懲儆○諭軍機大臣等哈勒吉那奏庫倫赴藏喀爾喀蒙古官員暨喇嘛人等行抵青海緩養馬匹駝隻被番賊搶劫現飭防護緝辦一摺已明降諭旨責令賠補並將該大臣交部議處矣青海地方遼闊為哲布

尊丹巴呼圖克圖之呼畢勒罕自藏至庫倫一帶經由之路該蒙古官員等偶爾駐劄緩養牲畜即被番匪搶劫其防護不力已可概見轉瞬該呼圖克圖即應自藏定期起程儻經過時再有疏虞尚復成何事體著布彥泰接奉此旨務即豫期選派員弁實力巡查俟該呼圖克圖經過時一體加意防護斷不可再有疏失並著哈勒吉那嚴飭緝拏此案賊賊務獲究辦仍探明要隘添撥兵役會同護



送並不時親往稽查如防範不嚴致有番賊復肆搶掠惟該大臣是問恐不能當此重咎也將此各諭令知之○又諭據耆英奏前任粵海關監督文豐等捐造擡槍分撥各營等語此項擡槍桿數較多既經該督驗試均堪適用自己足資分撥著照議發給各營並內河外海各礮臺隨時演習該督等務飭將備兵丁將描頭鉤火手法認真操練總期施放有準緩急足恃所有火藥鉛丸尤須儲備充

實毋致臨渴掘井是為至要其餘一千三百餘桿准其存貯軍器局聽候酌撥將此各諭令知之○緩徵陝西咸寧長安咸陽臨潼高陵涇陽三原興平醴泉渭南乾武功富平大荔蒲城十五州縣歉收村莊額賦○甲申諭內閣前據經額布等奏封禁珠爾山等處開荒地畝議立稽查章程當交戶部議奏茲據該部逐案查數詳議具奏所有該處開荒地畝經此次勘定後即依部議責成該將軍分

別責成副都統及各處協領等遵照辦理統於年終由該將軍查明有無私墾據實具奏該將軍務須諄切曉諭各員認真稽察實力奉行不得視為具文日久生懈儻仍玩泄致有流民闖入潛匿偷墾等弊一經發覺即將該將軍交部嚴加議處所有該管副都統及派查各員並總管協領等官即行革職言出法隨決不寬貸懍之慎之○又諭梁寶常奏清查未能竣事懇請展限一摺浙江省清查

各屬倉庫自道光二年七月起至二十五年六月止正雜各款存墊錯雜冊籍繁多現據該撫奏稱原限已逾難期急切竣事著准其展限一年務須逐細鉤稽並酌量各府情形分別期限完結如再逾限不結隨時奏參毋任延宕以昭覈實○丙戌諭內閣各省沿海匪徒在洋行劫最為地方之害水師將弁務須竭力兜擒無任遠颺儻遇該匪聲稱投首難保非窮蹙無路藉詞脫逃若遽信以為真

必至墮其詭計且此等匪徒在洋搶劫擾害商賈罪不容誅尤未便於倉卒接仗之際不察情之誠偽遽欲准其投首嗣後著無論江面海面該官兵等遇有盜匪正在開仗兜拏之際儻該匪等乞憐投誠一概不准務宜盡力擒捕毋許一名漏網以靖洋面而杜奸詭

諭軍機大臣等陸建瀛奏官兵追捕盜匪被偽稱投首擲打兵丁受傷旋擊沈匪船現辦情形等語海洋寥廓盜匪等膽敢迭劫商

船米船擄人勒贖經官兵等追拏猶敢開礮拒捕目無法紀已極該匪等性本奸狡於官兵擒拏之際恐不能抵敵偽稱投首乘該遊擊計誘反將兵丁擲打致傷甚屬不成事體已明降諭旨飭令江面海面官船緝拏賊匪之際該匪乞憐投誠一概不准矣此次該委員等聞礮追捕擊沈盜匪一船其鋒稍挫惟該匪夥黨尚多未必遽能斂跡著該督等嚴飭官兵於佘山石浦水陸兩路分投嚴緝并

咨會鄰封設法擒捕務期淨絕根株以安行旅不得任其遠颺漏網至該兵丁等所報各情節有無捏飾亦須明查暗訪以杜流弊將此各諭令知之

署兩江總督陸建瀛江南提督尤渤奏輪閱江防礮隄及各營兵礮情形得旨覽奏均悉其操防習練軍械堅利適用自不待言矣朕仍有焦心急念一事兵將相顧同力同心毋避毋遁何不能克何不能推卿等務當激發天良善體朕之苦衷實有

厚望於二卿時不可忘也 丁亥

孝懿仁皇后忌辰遣官祭

景陵 以濬築江蘇六塘河隄出力予道員顏以燠等升敘有差 戊子諭內閣德誠等奏查出捐米使水請將押運委員摘去頂帶並議處一摺此項捐米到壩既據坐糧廳逐船查驗米色均屬乾潔乃該船戶人等膽敢賈夜使水攪和肆行朦混不法已極若不嚴行懲辦何以重積貯而示將來天津委員試用

主簿唐成棟著先行摘去頂帶交部議處仍飭令督押該船戶逐船認真篩風瞭儻不能一律乾潔除堪以收用外其所短米數著倉場侍郎查照舊案著落賠補所有剝船船戶著訥爾經額責成天津道嚴訊作弊情形務須水落石出按律懲辦斷不准稍有含混

（禮部奏八月初十日

萬壽節應行禮儀得旨照例行禮停止筵宴）

己丑添撥東河兩岸十三廳防險銀二十五

萬兩從河道總督鍾祥請也）庚寅旌表逼

嫁捐軀河南閩鄉縣民杜法壽妻秦氏）辛

卯兩江總督李星沅奏報抵任日期得旨一

切盡力為之以副朕得人甚難之苦衷也）

調四川提督善祿為浙江提督以直隸通永

鎮總兵官向榮為四川提督大沽協副將陶

煜文為通永鎮總兵官）壬辰中元節

上詣

安佑宮行禮）遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵 遣官祭

孝穆皇后

孝慎皇后

孝全皇后陵寢）遣官祭

端慧皇太子園寢）諭軍機大臣等梁寶常

奏查辦洋盜情形一摺浙省洋面遼闊盜船

滋擾商漁多致被害迭經設法兜拏嚴行懲

辦而此拏彼竄尚未淨絕根株現復有在洋

行劫擄人勒贖情事該提鎮統帶舟師出洋督緝拏獲多犯小羊山洋面盜船膽敢拒捕經兵船圍剿復獲多名擊沈盜船一隻此外報劫之案尚多亟應嚴密緝拏盡法懲治著該撫嚴飭該管道府營縣並委員等前往石浦一帶內外洋面會同水陸文武員弁購線訪緝嚴行拏辦務將巨盜積窩悉數擒獲解究儻仍復玩泄查無破獲即行從嚴叅辦以肅洋政而息盜風至浙江提督現將善祿簡

調已諭令即赴新任毋庸來京請訓惟到任尚需時日該撫責無旁貸務當督飭文武員弁加意整頓毋稍疏懈是為至要將此諭令知之○又諭寄諭浙江提督善祿昨已有旨將善祿調補浙江提督本日據梁寶常奏洋面盜風未熄必須提督親身出洋嚴密督緝等語該處洋面盜船行劫亟宜嚴拏懲治該提督接奉此旨著即前赴新任毋庸來京請訓將此諭令知之○癸巳江蘇巡撫陸建瀛

奏裝運捐米八月以後西風當令船行較遲須俟立春以後東風漸轉始可開行下部知之○甲午諭直隸總督訥爾經額陶煜文已放通永鎮總兵朕看其人甚屬去得何必拘定資格然該鎮係屬新設又為緊要之缺陶煜文是否相宜抑或與別鎮對調卿其酌覈覆奏尋奏陶煜文熟悉營務及海防情形於通永鎮總兵一缺實屬相宜仍請補授報聞乙未諭內閣前據回民丁燦廷等控告香

匪萬重劉書等串謀滅殺無辜已交林則徐程喬采親提嚴訊矣此次復據雲南回民杜文秀等控告匪棍劉書等挾嫌藉端誣控從逆致被殺搶掠迨招撫回籍後又被殺害多名等情匪棍擾累無辜大為地方之害必應嚴切訊究從重懲辦著仍交林則徐等親提人證卷宗秉公嚴訊按律定擬具奏將匪徒查禁要犯嚴懲以紓積忿而快人心原告杜文秀劉義該部照例解往備質尋奏先後

遵旨查拏匪犯共計四百三十餘名均陸續審明分別凌遲斬絞遣軍流徒等罪名奏聞在案茲將京控名單與已辦人犯姓名互相校對內已凌遲者張時即張時重張復儒二名斬梟者劉復華等十三名斬決者張界等十一名絞決者劉書等三名絞監候者趙草果等二名遣犯改發者沈聚成等三名擬軍者周郁等二十六名擬流者王全等三名擬徒者楊春富等三名統計京控單內已經辦罪者六十六名除凌遲斬梟斬決各犯不便稽誅已於未審京控之前業經處決外其絞決之劉書周日庠二犯前經聲明俟提同原告質訊後再行處決其餘定擬監候及遣軍以下人犯亦經提到原告丁燦廷木文科杜文秀劉義等四名逐一質對該原告均極輸服續獲之黃潰一犯曾為勒休知州恆文服役膽敢附和哨匪刃斃人命復將婦女擄藏又縱練丁擄掠應比照謀叛斬立決律擬斬

立決加重梟示審明後即恭請王命將該犯處斬梟示李九舟李廷玉二犯各斃練勇回民二命應擬斬梟嚴萃容孫幅沅馬中驥輝潰登四犯各殺回民一命擬斬決除輝潰登係另案重犯業經先行正法馬中驥於解省後病故無庸議外李九舟等四犯當即咨明提臣會同迤西道恭請王命即將各犯在大理府正法免致稽誅至單開各犯屢訊堅供並未燒香為匪該原告等亦供並未認識不能指出為匪確據者自應分別釋回其有實曾戕殺回民而該原告轉未控及者亦先後併獲多人俱訊明正法統歸入哨匪案內錄供報部原告丁燦廷等控詞均有失實之處本應照申訴不實律定擬姑念伊家均已被害情殊可憫應請免其責處至黃潰一犯係勒休知州恆文之家人即使並未縱容亦屬昏憤不職且該員係與已革道員羅天池同辦此案羅天池業經奉旨革職永不敘用該

員事同一律僅予勒令休致不足蔽辜相應請旨將勒休知州恆文一併革職得旨恆文著革職永不敘用以示懲儆○丙申准浙江杭嚴頭幫漕船遭風衝沒米八百二十九石分限買補丁酉諭軍機大臣等前據奕湘等奏查勘東邊各處卡倫情形並將議准邊外善後章程內應辦各事宜擬議條奏一摺當交軍機大臣議奏茲據該大臣等悉心覈議均如該將軍所議辦理惟周厯巡查須借

用朝鮮船隻一節以後每屆出巡前期著盛京禮部侍郎先期知照朝鮮國王豫備船隻必須遇有臨江陡壁人馬實在難行之處方准該弁兵等乘坐不得沿江溯游託辭巡查藉以偷安儻該弁兵等以乘船為安逸並不實力稽查或詭稱無乘騎按查之路而以乘船為自便之計遇有險峻之處擅自折回以致匪徒續有潛匿壑地情形除由下季統巡官趕緊平毀查明係何年所壑以憑查覈叅

處外仍著將各該員兵丁分別嚴議治罪斷不准稍涉回護至乘坐船隻例有一定如敢有藉詞需索多添船隻者立即加等懲辦嗣後每屆三年特派大臣督同統巡及巡查守卡各官認真巡查並會同吉林將軍一體派員稽查均當周厯察看嚴行堵緝一有流氓濶跡即行根究查拏出力者量予鼓勵怠玩者立示懲創務使匪徒潛蹤弊端永杜是為至要若復奉行故事查察不周以致仍有匪

徒潛匿壑地經朕查出或別經發覺惟派出之大臣及該將軍等是問恐不能當此重咎也原摺著鈔給閱看將此各諭令知之○戊戌以雲南候補總兵官蔭德布為鶴麗鎮總兵官命改名音德布以督辦採礦出力予廣東候補通判顧炳章儘先補用命陝甘總督布彥泰撥銀二萬八千三十九兩解赴烏什備道光二十九年經費庚子諭內閣德誠等奏查出剝船夾帶攬米之物請飭嚴

禁一摺海船商米用剝船運通經該侍郎等飭令坐糧廳細心查驗起出稻穀鋸末水藻等物訊係有小船售賣此物專為撓和米糧之用現值糧運盛行此等棍徒販賣撓和之物大為米糧之害弊端百出尚不止此亟宜嚴行查禁以清其源著直隸總督嚴飭天津地方文武各官密訪嚴拏隨時懲辦至糧船入直隸境後及剝船協運各水手人數眾多詭計難出凡有弊關漕米者均著該督飭委

員弁隨時釐剔並責成專管剝船之丞倅認真查察從嚴懲辦以肅漕政而杜奸謀○以廣西銀價日昂暫停錢局鼓鑄從巡撫鄭祖琛請也 辛丑

上詣綺春園問

皇太后安○諭軍機大臣等英等奏縷陳近日辦理夷務情形一摺覽奏均悉據稱夷情反覆無常海上傳聞不一雖據探得該夷國中饑饉瘟疫死亡過半又據聞該國主以噫

首聲釁為非嚴行申戒要皆未足憑信該夷以通商為本夷情向背視乎貿易之通塞稅課之衰旺本年五月以來徵收稅銀較前兩月不止加倍夷情自不至決裂惟所求租地建房等事粵民義憤所激輒事阻撓現經該督等督率委員地方官及紳士等悉心籌畫數月之久該夷僅得以重價承租新葺欄數丈之地此外尚未定局該夷或以眾意之難回漸消覬覦或因所事之不就別啟紛爭等

語該督等惟當持以公平曉以情理仍督飭地方官密為籌畫層層布置並密飭水陸各營共備不虞既不可過事張皇尤不宜稍疏防範仍一面選派員弁密探夷情相機辦理隨時具奏另摺片奏續接夷酋來文仍請於西藏指明舊界並接奉寄諭仍請飭隨時酌辦等語該酋此次來文與前說無異惟究有無派遣夷目前往西藏之處琦善現在總未奏到已有旨諭知琦善隨時察看情形酌量

辦理並將原摺片鈔給閱看矣將此諭令知之○又諭本日據耆英奏續接英夷總酋來文仍請於西藏指明舊界一摺又片奏接奉寄諭鈔摺應隨時體察酌辦等語該夷詭譎百出據稱已派夷目前前往查明舊界辦理該藏果否已有夷目前往是否祇欲查明舊界抑別有影射情事著琦善隨時密探若別有詭謀著即據理駁斥以服其心耆英等摺片著鈔給閱看將此諭令知之○山東學政何

桂清奏報歲試情形得旨人心不古祇知舞弊徵倖不顧廉恥為何事若稍寬縱有犯不懲尚可問耶汝其勉力為之○贈故杭州將軍桂輪太子太保子祭葬賞銀五百兩治喪○撥江南江寧揚州淮安通松江常州鎮江廬州等府州屬常平倉穀二萬石協放幫丁行月等米○壬寅  
仁宗睿皇帝忌辰遣官祭  
昌陵○

上諭

安佑宮行禮○諭內閣桂輪繼子麟興著加恩百日孝滿即行承襲公爵毋庸俟年終由該旗帶領引見用示朕追念長齡著有勳勞之至意○又諭廉敬奏夷匪潛出滋擾經官兵擊退請將策應延誤及防堵不嚴之文武員弁分別議處降補一摺此次四川夷匪潛出雷波廳滋擾經官兵殺斃多名地方業已安靜惟當夷匪甫入之時地方文武不能嚴密防範以致紛紛竄擾迨分投堵擊前署普安營參將川北鎮標左營遊擊曾得勝又不速出策應實屬畏葸雷波廳通判劉紹文疏於防範亦咎有應得曾得勝劉紹文均著交部分別議處署普安營中軍守備之千總朱定國雖非捏病規避惟當巡防喫緊之時未能先事布置咎亦難辭著降為外委留營候補以示懲儆○以緝獲匪徒予四川知縣濮貽孫以同知用賞花翎餘升補有差○癸卯諭



內閣都察院奏查明各省京控咨交案件逾限並上次展限已逾仍未審結各案開具清單呈覽各省民人來京具控經各衙門咨交之後該管上司自應勒限嚴催迅速審辦茲據都察院查明該衙門咨交各省逾限未結統計三十七案之多步軍統領衙門咨交各省逾限未結統計十七案之多任意積壓玩泄已極著吏部即將承審逾限各督撫將軍都統府尹及委審各員應得處分查取職名

分別議處並著該督撫等迅速審辦完結毋任延宕致干咎戾又諭鄂順安奏豫省缺雨災民亟應籌款賑卹一摺已飭戶部速議具奏矣因思河南兩次大工之後元氣未復民鮮蓋藏當此苦旱異常小民顛沛情形不忍設想若待該部籌議章程恐緩不濟急即使撥運近省庫款亦覺難救然眉朕焦灼之餘幾廢寢饋著戶部即由銀庫先發給銀十萬兩星夜迅速解交河南暫應急需並著戶

部於該省鄰近省分迅即籌撥有著銀二十萬兩飭令該督撫專派妥員迅速運往以備賑撫之用該撫惟當宣示德意設法籌畫所有賑撫一切事宜悉心妥辦務令災黎得所實惠均霑該地方官多盡一分之心即多活一人之命用副朕速沛恩膏惻隱在抱至意諭軍機大臣等昨據廉敬奏四川夷匪潛出雷波廳滋擾經官兵擊退請將策應延誤及防堵不嚴之該管文武員弁分別交議降

補已明降諭旨照所請行矣武營將弁受國家養養之恩遇有匪徒滋事宜何如爭先進擊奮不顧身即如昨日廉敬另片奏擊辦疊次搶劫擄人勒贖匪徒一案該文員等於該匪聚集負隅抗拒之時不避危險首先進攻俾各匪徒或斃或擒剿滅甚眾文員尚能如此而此次勦辦雷波廳夷匪雖據奏該弁兵等分投堵擊迭有新獲而該署參將曾得勝並不作速親出策應以致弁兵受戕署守備

朱定國又復請假醫治未經會捕是畏蕙無能已可概見尚安望其遇賊爭先奮勦立時撲滅國家又焉賴此無用將弁為耶著琦善於抵任後查明此次勦辦夷匪該將弁等何以覲顏坐視竟不出力據實具奏因念邊防緊要必應將弁得力有備無患似此小醜跳梁原無關緊要然非平日整飭戎行淬勵志氣斷難得力於臨事該督務當大加整頓認真訓練遇有廢弛玩誤怯懦性成者立即斥

革叅懲俾各將弁等有勇知方悉成勁旅以肅營伍而備干城是為至要將此諭令知之○甲辰諭內閣固慶奏旗營牧地現因停牧空閒請交地方官召佃開墾徵租等語此項昌泰豐寧盛盈六圍沙地共計十二萬數千餘畝前經劃出三圍地六萬餘畝召佃墾種每年徵租作為杭州乍浦滿洲營養贍孤寡等項之用歷經遵辦在案茲據該署將軍奏稱現因裁汰馬匹其原備三圍牧地業經荒

蕪懇請一律召佃開墾事關變通舊制且墾地徵租等事即令可行亦係由地方官經手辦理著梁寶常督同藩司悉心體察情形妥議具奏○諭軍機大臣等寄諭直隸總督訥爾經額本日據崇恩奏商船路過東洋疊次被劫因思東洋向少盜船行劫之事今山東業已報案則天津海面毗連誠恐該盜匪等此拏彼竄擾及商船不可不豫為防範著該督嚴飭該管將弁等實力巡防毋稍疏漏儻

遇有盜船北駛即著不分畛域併力堵截追捕以期有犯必獲是為至要將此諭令知之○江蘇巡撫陸建瀛代贈禮部尚書銜秦承業孫宗瀚等奏謝伊祖賜諡追贈恩得旨覽奏景慕落淚書齊風况猶在目前嗚呼吾師終身繫念不能忘也○命長蘆鹽政沈拱辰留任一年○修築山東濟寧東平汶上鄒寧陽五州縣並濟寧衛湖河隄堰從巡撫崇恩請也○丙午

上詣綺春園問

皇太后安以擒獲洋盜予福建千總韓嘉謨以守備即補賞藍翎

大清宣宗效天符運立中體正至文聖武智勇仁慈儉勤孝敏成皇帝實錄卷之四百四十四

大清宣宗效天符運立中體正至文聖武智勇仁慈儉勤孝敏成皇帝實錄卷之四百四十五

教修  
道光二十七年丁未八月丁未朔祭  
先師孔子遣大學士卓秉恬行禮諭內閣  
本年河南省開封等府屬雨澤稀少二麥歉  
收疊經加恩撫卹昨又據鄂順安奏到該省  
亢旱異常報災幾及通省當即降旨飭戶部  
發給銀十萬兩並於鄰近省分籌撥銀二十  
萬兩星速解往備賑著領解各員無分晝夜  
迅解該省驗收無得延誤干咎因思赤子何  
辜流離失所轉徙溝壑實覺堪憐但既已失  
經理於先必應善補苴於後雖曰天災流行

然人定亦能勝天。朕急欲特派大臣前往撫輯。恐該地方官轉置身事外。偶有掣肘。便覺屯膏。當此喫緊之時。豈容一隙開推諉之漸。况鄂順安身為大吏。豈不知救荒愛民。特恐派委不得其人。或不肖官吏。從中剋扣。種種弊竇。不可不防。著該撫督同司道。悉心籌畫。加意撫綏。多方訪求救荒良法。定立章程。派委妥員。分赴各屬賑濟。僅訪有貪劣委員。奸猾胥吏。營私中飽。立即從嚴懲辦。總期荒村僻壤。下戶流民。無一夫不霑實惠。方為盡善盡善。朕於此事。夙夜縈懷。無論何時。特派大員前來查訪。如有饑民載道。或有控告官吏侵吞。及有向隅窮戶。未霑恩澤者。必將該撫及司道重處。其不肖各員。加等治罪。言出法隨。決不寬貸。懍之慎之。將此特諭知之。○諭軍機大臣等。著英奏接奉密寄。據實覆陳。一摺。覽奏均悉。此次夷人釘塞礮眼。探明係該夷因偵知各臺弁兵。近年以來。點放便捷。故

為此陷害之計。欲令獲咎。易換生手。並無別故。或係實在情形。惟礮臺關繫海防。實為緊要。該督仍當諄諭弁兵。實力巡防。嚴行偵守。如再有疏虞。斷難邀寬。與至礮臺添兵防守之處。係因香港新到夷兵三千餘名。是否屬實。仍當密行探訪。加意防範。除另摺所奏派撥弁兵等事宜。已交該部速議外。仍著該督密囑水陸兩提督。諄飭各營員。妥為布置。勿露形跡。既不致示之以弱。又不致別啟猜疑。是為至要。其粵省民夷不協一節。並經該督酌派在籍右廕子駱秉章等設法勸導。民夷尚屬安帖。此外仍應糾合良民。互相保衛。亦著該督設法籌辦。務令悉臻妥協。固結民心。所有該處辦理情形。著隨時具奏。此次所奏摺件。均由驛遞封還。將此諭令知之。○以詹事府詹事文瑞。充日講起居注官。○戊申。祭大社。

大稷。命

皇四子 恭代行禮。諭內閣布彥奏。西寧縣屬猝被水災。並黃河水勢驟長。委員查勘撫卹一摺。甘肅西寧縣屬地方山水陡發。衝沒田廬人口。業經該督派委一員先行履勘撫卹。惟事關民瘼。必宜迅速辦理。不可稍緩須臾。至黃河水勢驟長。上下游有無被災。應否賑卹之處。著該督再遴派一二賢能之員。迅速分別前往各處。逐細詳勘。酌量被災輕重。妥為撫卹。悉心覈實妥辦。毋令一夫失

所以副朕軫念災區至意。己酉諭軍機大臣等。吉明奏賊匪滋擾大概情形。並派兵勦捕一摺。覽奏均悉。本日已降旨。將奕山補授葉爾羌參贊大臣矣。安集延賊匪出擾。盜搶卡倫馬匹。並竄入回莊劫掠。戕害伯克。經該大臣等派兵前往勦捕。大獲斬擒。餘匪現已竄逸出卡。該匪等裹脅多人。肆行搶掠。雖已奔逃四散。難保不藏匿各莊。希圖糾約。復出滋擾。著該大臣等嚴飭將弁。及守卡官兵等。

不必出卡窮追探捕。務須嚴密防守卡倫。實力偵探。是否實有和卓密查據實。速行具奏。無得稍有含混。將此由四百里諭令知之。以副都統銜佛貴為鑲黃旗漢軍副都統。調伊犁參贊大臣。奕山為葉爾羌參贊大臣。兼提督銜。以擒獲布魯特賊首。賞六品伯克希爾薩伊木素皮邁買底里五品伯克阿布拉花翎。六品頂帶邁買斯底克等藍翎。餘賞頂帶。並升敘有差。以拏獲哈薩克賊匪。

予錫伯佐領瑪克他春議敘。庚戌遣官祭文昌帝君廟。諭內閣李星沅奏請嚴禁糧船回空。夾帶蘆私一摺。軍船回空。例有食鹽。若勾串售私。隨幫販運。不惟准緝壅滯。即沿路輾轉售賣。空運亦多遷延於鹽漕。均有關係。著訥爾經額沈拱辰嚴禁各場店於軍船回空。例買食鹽。無得額外運售。不特出示禁革。並著常川按查。有犯即懲。以肅疆政。而利漕行。諭軍機大臣等。朕思軍營器械。惟檣

槍最為利用。必須豫為籌辦。以備不虞。著布彥泰傳旨。飭令舒倫保。哈勒吉。那於每營製造擡槍一百桿。輕重必須得宜。每桿不得過二十四五斤之數。約計經費。每處需銀二千兩。著布彥泰籌款分給。務須飭令如式製造。工料堅實。點放有準。切勿徒飾外觀。不堪使用。造成之後。即由該督派委熟悉槍礮之員。試放查驗。分貯寧夏。西寧。兩滿洲營。以備調用。將此諭知布彥泰。並傳諭舒倫保。哈勒吉。

那知之。○又諭寄諭伊犁將軍薩迎阿。新授葉爾羌參贊大臣奕山。昨據吉明奏。安集延賊匪出擾。官兵前往勦捕。大獲斬擒。餘匪竄逸。出卡。已飭令嚴守卡倫。不必窮追。並明降諭旨。將奕山補授葉爾羌參贊大臣矣。因思新疆重地。幅員遼闊。民回雜處。良莠不齊。各城相距。遠近互異。在在均關緊要。無事之時。固當認真操練。以備不虞。偶遇不法匪徒。潛滋煽動。應酌量事之輕重。優其勢。必需派兵。

前往須臾。不能稍緩。則不必拘泥奏明請旨。致誤事機。該處領隊協領等官。均可聽該將軍調遣。一面撥兵。一面奏聞。諒該將軍等必能酌量情形。緩急得宜也。奕山接奉前旨。自必馳赴新任。恐安集延布魯特賊匪不時出沒。尤宜嚴為防範。如賊匪業已安靜。切不可輕舉妄動。僅有必應調兵之處。即著飛咨薩迎阿。無得稍有耽延誤事。將此由四百里諭令知之。○寧古塔副都統烏爾德善。年老休。

致。以黑龍江協領班迪。為寧古塔副都統。○辛亥。諭軍機大臣等。前據耆英奏。續接噶首來文。仍請於西藏指明定界。已有夷目前往一摺。業諭琦善隨時密探。酌量辦理。茲據琦善奏。稱差赴邊外查訪之人。回稱披楞界連各部。落如常安靜。並無備辦兵馬消息。唐古特地方。亦無披楞之人。惟據聞披楞現與讀然部落打仗。又克什米爾與古浪森爭戰。此外毫無動靜。至令噶布倫向喇嘛番民設法。

開導遇事早行內移。能否聽從等情。尚未稟覆等語。琦善赴任。自應將從前所辦各情節。告知斌良。穆騰額。俾心中了然。惟該夷詭譎多端。必宜豫為防範。該督雖已將番土各兵。教練熟悉。著仍遵前旨。沿途隨時密探。夷目果否前往。夷情有無動靜。上年代營官寄信庫魯部長。令其開導披楞。日後或有回信。斌良等接著後。飛咨琦善。商同覈辦具奏。至琦善將赴四川新任。所有藏內尋常事件。仍由斌良。穆騰額自行照例妥辦。如有關涉夷務。及應作主張之事。併須知照粵東等情。著迅速知照琦善。一面商同辦理。一面具奏。毋得冒昧。將此各諭令知之。尋駐藏大臣斌良奏。於七月抵任後。邊界安靜。庫魯部長。亦無回信。仍遣人偵探夷情有無浮動。即飛咨琦善。商同覈辦報聞。○考試各衙門繙譯進士舉人出身。應用外班翰詹人員。於圓明園正大光明殿。○壬子

上詣綺春園問

皇太后安。○諭軍機大臣等。本日都察院奏四川民人陳光玉控告輪姦斃命。縱兇殃民一案。已明降諭旨。交廉敬親提審辦矣。此案控開差役為匪。輪姦婦女。拒傷事主。殞命。如果屬實。大千法紀。該州為民父母。亟應迅速拘拏。要犯驗訊詳辦。乃據該民人控稱。該州擲詞不收。轉將事主鎖押。難保無差役朋比為奸。朦混捺攔。該州有意玩縱。徇情回護情事。著廉敬提集全案人證。親加研鞫。該犯等有無賄串州差。伴作及劉姓捏詞。稟飾等情。該州有除莠安良之責。何以歷經總督臬司批飭究辦。任聽胥吏舞弊婪贓。延不拘拏。實屬可恨。務須究出實情。嚴行定擬具奏。毋許稍有不實不盡。以懲積蠹。而肅官常。將此諭令知之。○除山東樂安壽光濰海豐利津雷化六縣。蠲廢地畝額賦。並緩徵被淹村莊新舊正雜額賦。及永利永阜官臺王家岡四場。竈

課（甲寅）

上御同樂園賜皇子內廷王大臣蒙古王公額駙等食。（乙卯）

太宗文皇帝忌辰遣官祭

昭陵（諭內閣本日據給事中福珠隆阿進呈荒政輯要一編請發交河南巡撫飭屬遵辦本年豫省被災甚廣前已降旨發帑速籌賑卹復諄諭該撫嚴飭所屬認真覈實辦理毋令一夫失所惟救荒之策務期簡易可行小

民均需實惠不可空談無補且時勢各異亦應體察變通所有該給事中進呈荒政輯要一書著即發交鄂順安率同司道等加意講求擇而行之以副朕望）丙辰

萬壽節遣官祭

太廟後殿（遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵（遣官祭

孝穆皇后

孝慎皇后

孝全皇后陵寢（遣官祭

顯佑宮

東嶽廟

城隍廟（

上詣

安佑宮行禮（詣綺春園

皇太后前行禮（御正大光明殿皇子及王以

下文武大臣官員蒙古王公額駙等行慶賀

禮（御同樂園賜皇子及內廷王大臣蒙古



王公額駙等食。命陝甘總督布彥泰撥銀七萬六百兩零解赴烏魯木齊一萬九千九百兩零解赴阿克蘇五千兩解赴庫車備道光二十九年經費。丁巳。

太祖高皇帝忌辰遣官祭

福陵○諭軍機大臣等前據吉明奏賽什雅勒泰自戕出缺派章京等前往確查有無別情一摺已覽悉矣賽什雅勒泰身為大臣並無迫急情事何至無故輕生原奏所稱查詢自

戕情節種種可疑難保無另有別情著奕山於前赴葉爾羌時沿途明查暗訪俟行抵該處如該故員家屬尚未扶柩起程並著會同吉明等向其侍妾及僕婦家人詳詢顛末多方駁詰務得確情據該家屬業已起程亦著會同吉明等傳集該處員弁兵丁逐一根究該故員是否實係自戕抑另有別故必須訪察確實毋得稍有含混並著查上年八月間吉明所奏審擬防兵道以正在賽什雅勒泰

署中持刀逞兇揪扭伊子勒寫字據一案有無關涉確切訊明據實具奏吉明上年奏摺一件著鈔給閱看將此諭令知之○又諭前據吉明奏賽什雅勒泰自戕出缺一摺已有旨令奕山會同吉明等將該大臣無故輕生有無別情之處詳查具奏矣惟吉明原奏內所敘賽什雅勒泰自戕情節頗多疑竇如所稱侍妾李氏原供主人自六月十八日起至二十四日每日晨出夜回到上房來時時長吁短歎夜不成眠等語該處公事無多何以每日皆晨出夜回不難逐日查考該家屬等亦豈毫無聞見至二十四日早晨到簽押房於戌刻回到上房此一日中究竟所為何事按見何人未據供明其手擎書信一節係何人所給內有何語此信現存何處亦應逐層查究又所供打開印盒詢知本日係家丁李伏請印隨說明日不用他請究係因何懷疑生怨李伏平日是否為該故員所信任前此

有無劣跡並須詳細追究又所供放下簾子  
叫將筆硯拿來既經送去未寫隻字迨賽什  
雅勒泰自戕之後該侍妾等聞喊趕視見胸  
前有血如果衣襟開露不難一望而知即或  
隔衣戳傷血跡淋漓亦必趕緊解衣看視何  
以概置不問遽令請開明阿等前來驗視殊  
覺不合情理其於褥枕上包袱旁邊找著帶  
血小刀究係在左在右當自戕之時手力已  
輟小刀必隨手棄擲或遠或近何能安放枕

上至開明阿等既已到彼何以不即眼同查  
驗僅以該章京等稟報為憑亦不可解該章  
京等驗得該故員心坎有刀戳傷一處肚腹  
偏左又有刀傷二處深俱透內試思用刀自  
戕已覺負痛難忍何以竟能連戳三傷皆極  
深透其自戕之時究係左手右手是否能彎  
曲向內比對傷痕果否符合摺內全未聲敘  
況伊子年已十四曾否隨任有無見聞亦未  
提及種種情節甚覺支離因憶上年八月間

吉明所奏審擬防兵道以正在賽什雅勒泰  
署中持刀逞兇揪扭伊子勒寫字據一案究  
竟與此事有無關涉布彥泰接奉此旨著俟  
該故員眷屬經過甘肅時按照以上所指各  
情節即向家屬人等詳細推求明查暗訪務  
令盡得實情無令死者含冤地下諒該督誼  
關手足必能悉心究詰以期水落石出也此  
次吉明原摺並上年八月一摺俱著鈔給閱  
看將此諭令知之 己未

上詣

安佑宮行禮 遣官祭

關帝廟 賞湖南丙午科鄉試年老諸生瞿  
希泰等三名副榜 庚申遣官祭昭忠祠  
諭軍機大臣等給事中江鴻升奏河南災民  
買食維艱江蘇年穀順成請飭該督撫迅即  
籌買糧石由河船運豫一摺據稱訪查本年  
江蘇淮揚一帶秋收甚稔新米一石僅值制  
錢一十八九百文若由該省督撫揀派幹員

籌借庫款迅速買米二十萬石廣雇河船如  
兩河牛等船配運由大河溯流赴豫可供河  
南北散賑賁賑之用等語現在中州旱荒幾  
及全省必藉豐收鄰省籌糧接濟庶免糧價  
增昂因思安徽地界毗連統歸兼圻大吏所  
轄移粟之舉畛域不分著李星沅陸建瀛王  
植按奉此旨務即悉心體察酌量情形如果  
可行亟應督飭迅辦一面由本省籌款購買  
解往一面奏聞無論多少皆可濟切勿稍

緩須臾是為至要該給事中原奏著鈔給閱  
看將此各諭令知之尋李星沅奏據江蘇撫  
臣陸建瀛函開先由江蘇籌辦米十萬石解  
豫接濟並將捐米案內部議未運之米一并  
解豫至安徽省應行協濟米價已飭司籌動  
銀十萬兩委員星夜解往備用報聞 辛酉  
諭軍機大臣等昨據給事中江鴻升奏河南  
災民買食維艱江蘇年穀順成請飭該督撫  
迅即籌買糧石由河船運豫一摺已有旨交

李星沅陸建瀛王植等將果否可行之處酌  
量迅辦矣惟豫省本年被災甚廣非一郡一  
邑可比豈能倣照偏災成案次第舉行朕以  
為旬日之內必有章程入奏以慰朕懷乃至  
今尚未見奏到朕豈能置億萬赤子於度外  
耶因思小民轉徙流離不知凡幾撫綏略緩  
便填溝壑前經發帑並就近撥銀共三十萬  
兩計先後均應解到若一切章程必待撥項  
到後始議賑卹何以救眉急而解倒懸該撫  
職領封圻豈容坐視務即籌款墊辦迅速分  
別賑濟無得遷延觀望貽誤事機至辦賑之  
方不外睦鄰招販僅北省商米價賤應如何  
設法招徠俾米商聞風踵至尤在該撫悉心  
籌畫精誠所召足以挽回天心該撫接奉此  
旨即將如何定立章程及如何墊款辦理並  
災民情形如何一一詳細具奏以慰朕念儻  
玩泄從事飢溺漠不關懷經朕重譴何以對  
豫省士民耶懷之將此諭令知之尋奏販運



病解任。以禮部右侍郎倭什訥為馬蘭鎮總兵官兼總管內務府大臣。○甲子諭內閣。布彥泰馳奏喀什噶爾回匪滋事。現在撥餉調兵籌勦一摺。據稱喀什噶爾卡外安集延布魯特糾約本地回子屯聚城外。尋釁肆擾。該督現已咨會提督先行帶兵出關。一面督兵親赴肅州。照料調度。並豫調官兵籌畫等語。安集延等回眾性類犬羊。反覆靡定。膽敢煽結近城回眾圍擾城垣。藐法已極。必應連伸

天討。以靖逆萌。而安邊徼。布彥泰著授為定西將軍。軍務一切悉聽節制。奕山著作為參贊大臣。襄辦軍務。均著頒給關防。其所需軍餉。即著由陝西甘肅兩省藩庫分貯項下動用支發。該將軍等務宜激勵將弁。除暴安良。一切相機勦辦。迅速蒞事。俾根株盡絕。邊圉肅清。以副朕望。又諭鄂順安奏查辦賑務大概情形一摺。本年豫省雨澤愆期。被旱甚廣。疊經諭令該撫將賑撫事宜悉心籌議。惟

辦災首在得人。該撫所派各員。務當飭令細心經理。俾災黎均霑實惠。所有散放錢米。即嚴飭現委各員會同各該地方官周歷履勘。分別戶口多寡。隨處出示曉諭。俾眾目共睹。以杜隱欺。僅有富戶殷商捐資。實實在好義者在該殷戶等原係力敦鄉誼。克成善舉。著該撫於事竣後酌量請獎。至窮黎願往成熟地方相依親友亦難強阻。但必須飭沿途地方官妥為照料。諭令本籍現在放賑。及早

歸來。不得強行驅逐。致滋流弊。以示朕撫綏安定至意。○又諭瑞元等奏卡倫侍衛被控受賄。請解交庫倫審辦一摺。此案昌吉斯臺侍衛金齊賢於俄囉斯所屬之特凌格特地界不應干預之事。輒任意給予該處照票。致該處賊犯借端搶奪。情節已屬可疑。並據供有受賄情事。虛實均應研究。著庫倫辦事大臣行知俄囉斯將此案搶馬賊犯哈斯泰等解至交界地方會同審訊。三等侍衛金齊賢

通事卓蓋們都爾。並事主珠布泰及應訊人證一併解往質審。諭軍機大臣等。本日據布彥泰馳奏。喀什噶爾被回匪圍城。事甚緊急。一摺。覽奏均悉。安集延等回眾。膽敢煽結近城回匪。圍困喀什噶爾城垣。情形甚急。已明降諭旨。飭令楊以增暫署督篆。文慶前往接署。將該督授為定西將軍。奕山作為參贊大臣。頒給關防。帶兵前往勦辦矣。該督現已咨會提督帶兵出關。一面親赴肅州調度。並

豫調官兵。籌辦糧餉。自可一鼓殲擒。惟吉明所調阿克蘇兵三百名。烏什兵三百名。各守地方。均關緊要。再土爾扈特地方。距該城較遠。所調之兵。能否得力。會勘均著該將軍酌度情形。或即行調動。或另行更換。僕賊勢甚熾。如再須添調陝西甘肅官兵。著一面調取。一面奏聞。至後路糧臺最關緊要。陝甘兩省庫貯尚足敷行。現在先派臬司嚴良訓道員明誼。馳往辦理。該將軍等亦當剴諭辦理之。

員覈實摺節。無得藉端虛糜。至附近各處。應有豫為準備者。即著隨時飛咨。有備無患。務使官兵奮勇進剿。俾小醜速就殄滅。毋致滋蔓。是為至要。將此由六百里諭知布彥泰。奕山。並諭令楊以增知之。又諭有人奏。江南漕賦不均。請旨飭查一摺。江蘇上年辦理均漕。裁去長價短價名目。原期消除積習。以昭平允。茲據奏稱常熟昭文南匯三縣。大戶一律增加。小戶則仍如舊。南匯尤甚等語。著李

星沅。陸建瀛。密為訪察。是否實有其事。嚴行查辦。並飭有漕各州縣。悉心經理。務使紳民一體輸納。毋得畸輕畸重。以歸畫一。原摺著鈔給閱看。將此諭令知之。尋奏查常熟等三縣。並無各糧戶控案。惟南匯縣有已革舉人嚴宗熙。編造歌謠一案。現已提證研訊。並一面諄飭有漕各州縣。悉心經理。均必實均。減必實減。勿竭小民之膏脂。亦勿避大戶之嫌怨。庶於國計民生。兩有裨益。報聞。河南巡

撫鄂順安秦省城現得透雨得肯稍蘇我中州萬姓實深寅感各屬有續報者到時據實奏來○以兵部尚書文慶署陝甘總督未到任前以陝西巡撫楊以增署理以布政使恆春署巡撫以戶部左侍郎柏俊兼鑲紅旗護軍統領○調正白旗蒙古副都統華山泰為鑲白旗滿洲副都統以頭等侍衛長清為正白旗蒙古副都統以烏里雅蘇台參贊大臣麟魁為禮部右侍郎命御前侍衛鑲

藍旗護軍統領珠勒亨二等侍衛德冲額馳往軍營○隨同定西將軍布彥泰督兵勦辦○命陝西按察使嚴良訓甘肅鎮迪道明誼辦理糧臺事務○乙丑諭軍機大臣等喀什噶爾回匪滋事昨已明降諭旨授布彥泰為定西將軍奕山為參贊大臣並指示機宜所有關防二顆本日由六百里頒發該將軍等即行祇領迅速帶兵前往勦辦無誤事機惟吉明所調阿克蘇兵三百名烏什兵三百名土

爾扈特兵一千五百名皆距該城較遠各守地方均關緊要且各該城防兵本屬無多分兵往援是否能期得力該將軍等務須體察情形或照數調撥或另行更調斟酌盡善務使官兵布置得宜以一當百其應如何調遣之處著一面舉行一面具奏毋稍拘泥遲延是為至要將此由六百里諭令知之○又諭本日據吉明等奏回匪圍困喀什噶爾城垣現由伊犁等處咨調官兵速往應援等語覽

奏均悉回匪肆擾膽敢圍困城垣該大臣等現已由伊犁等處調兵救援賊匪詭譎多端儻有隙可乘自當不失機會分路兜勦但不可中其奸計若賊匪猖獗眾寡不敵該大臣等務須持以鎮靜以待大兵切不可輕舉妄動至吉明所調土爾扈特兵一千五百名阿克蘇烏什兵各三百名是否能期得力已飭布彥泰等察看情形酌量分別辦理矣將此由六百里諭令知之○又諭本日據開明阿

等奏。七里河兵敗。退回城內。已飛咨伊犁調兵救援。並請飭派大兵進剿。等語。回匪肆擾。該將軍參贊等接奉諭旨。自必迅速進剿。立殄么膺。吉明等為中權扼要。亦必首尾接應。該大臣等惟當激勵兵民。竭力固守。不可輕舉妄動。俟救援一到。聲勢震懾。或可立解重圍。至該大臣等自請先行交部嚴議治罪之處。著俟事竣後。再降諭旨。將此由六百里諭令知之。○以禮部尚書保昌兼署兵部尚書。

工部左侍郎阿靈阿署管理戶部三庫事。戶部左侍郎柏俊署教習庶吉士。○以吏部尚書恩桂管上駟院事。吏部右侍郎福濟管武英殿事。○以御前頭等侍衛希凌阿署武備院卿。○以鑲黃旗蒙古副都統德順署鑲藍旗護軍統領。以鑲黃旗漢軍都統春山兼署鑲藍旗漢軍都統。賞前任馬蘭鎮總兵官善燾副都統銜。為烏里雅蘇台參贊大臣。○以葉爾羌幫辦大臣吉明署參贊大臣。阿

克蘇辦事大臣舒興阿署葉爾羌幫辦大臣。丙寅諭內閣。楊殿邦奏請飭豫籌備撥章程等語。向來糧船挽入直隸境內。間用例設撥船接撥。本年水涸異常。撥船不敷。若在安陵一帶。覓雇民船。又屬不易。現在權宜之計。飭令山東各撥船接撥前進。以期無誤。僕嗣後沿河州縣。恃有此舉。於備撥空淺一切要務。視為緩圖。殊非慎重辦公之道。著訥爾經額先事籌畫。妥立章程。嚴飭沿河各州縣。諭

以轉瞬新漕屆臨。務須實力備辦。毋得援此次山東接撥之案。任意推諉。以速漕運。而杜流弊。○諭軍機大臣等。李星沅奏整頓洋面捕務等語。水師弁兵按月巡哨。近多視為具文。即或出洋巡捕。往往虛報邀功。或云擊碎盜船幾隻。或云轟斃盜匪多名。且動以人船俱沈沒無蹤為詞。海面迷漫。大抵望洋而歎。從何查驗。該督嗣後總須嚴飭水陸各營將弁。不分海隅海面。如有盜匪。立即分投合捕。



四面兜拏以絕根株。至該督所稱海隅窩頓須清海岸接濟須斷以及生擒盜犯總以起獲盜賊為憑果能照此覈實認真辦理何患海洋不靖但不可徒託空言鋪張過盛須於引古證今之中漸有起敝救衰之效朕實有厚望焉勉之。將此諭令知之。又諭昨據吉明等奏賊匪圍困喀什噶爾城垣已有旨諭令該大臣等持以鎮靜以待大兵並明降諭旨令吉明署葉爾羌參贊大臣舒興阿署幫

辦大臣矣。本日據吉明奏到賊匪入卡滋擾喀什噶爾派兵堵禦情形一摺又片奏該城料理守具擬探明路徑派兵前往夾擊等語覽奏均悉此摺乃係七月二十六日以前情事現在軍營局面自有變更難以懸揣該大臣等惟當相機應援不可顧此失彼。僕本城距敵甚近不免為賊所窺伺則惟有督飭將弁兵丁等嚴守要隘竭力防堵固保城池毋稍疏失至該城回民眾多恐有風鶴之警尤

宜加意安輯毋失其心是為至要。將此由四百里諭令知之。又諭連日據布彥泰吉明開明阿等馳奏賊匪圍困喀什噶爾城垣本日據扎拉芬泰奏派兵前往應援並阿克蘇調兵防堵一摺又片奏阿克蘇卡內外安靜等語覽奏均悉喀什噶爾城垣被困已命將調兵前往勦辦自可速就肅清惟大兵兼程前進有需時日阿克蘇為扼要咽喉地方儻防守稍疏所關匪淺該大臣現已明白曉諭

回子令其安心度日不可疑忌張皇並調兵防堵著即嚴飭該將弁兵丁等於緊要處所晝夜巡查認真防堵毋稍疏懈該大臣務當固守藩籬加意安撫回民毋失其心是為至要將此由四百里諭令知之。兩江總督李星沅奏遵籌御湖設防情形得旨總期緩急可恃切忌妄作聰明掉弄筆頭終無實濟也。懍之勉之。又奏所轄七鎮各總兵決勝揆機未能深信得旨各鎮若不得人卿亦勞而無

益必當隨時甄覈如有可用者何妨密奏○  
江蘇巡撫陸建瀛奏江海關徵收夷稅請分  
作兩季報解下部知之○撥陝西甘肅河東  
兩淮山西庫存銀共一百萬兩解往甘肅糧  
臺以備軍需○修築湖北安陸府濱臨襄河  
堤塍從總督裕泰請也○貸江寧京口駐防  
修理官署兵房俸餉銀○丁卯

上詔

黑龍潭神祠拈香○諭內閣慶錫奏請將失

察延燒樹株之營弁分別降補議處一摺桃  
花寺行宮西南官山樹株因民人果金貴燎  
稗失火延燒多株所有失察之桃花寺專汛  
薊州營經制外委張毓和著降為馬兵以示  
懲儆代理薊州營都司事千總王慶亦有應  
得之咎著交部照例議處果金貴著解交薊  
州知州先行管押由訥爾經額遵員前往研  
訊失火確情將應得罪名照例定擬具奏尋  
奏該犯實因燎稗遇風失火延燒雖訊無別

情非尋常疏忽可比按律問擬杖徒從之○

諭軍機大臣等諭定西將軍布彥泰等現  
在回匪滋擾屢寄諭旨指示機宜本日據薩  
迎阿等奏已派兵交奕山督同由冰嶺一帶  
至阿克蘇俟各處兵有先到者即帶領前進  
等語賊匪圍城肆擾非痛加勦辦不足示懲  
該將軍接奉前旨自己調度齊備著即帶兵  
迅速前進與奕山會合商同督勦務使一鼓  
殲擒毋致延蔓至附近各處有應豫為準備  
之處均著該將軍等酌量情形相機籌畫毋  
得臨事掣肘現在賊勢如何及如何分合勦  
辦之處隨時奏聞以慰朕念將此由六百里  
諭令知之又諭前因回疆安集延賊匪出  
擾被勦出卡即有旨諭知薩迎阿等儘遇匪  
徒煽動必須派兵即一面調派一面奏聞旋  
經布彥泰馳奏賊匪圍困喀什噶爾城垣即  
明降諭旨將布彥泰授為定西將軍奕山作  
為參贊大臣帶兵前往督勦設立糧臺接應

後路並諭知吉明開明阿扎拉芬泰等固守藩籬以待大兵矣。本日據薩迎阿等奏派兵前往應援一摺。又另片奏派員帶領土爾扈特烏魯木齊官兵前往等語。所辦甚好。正與朕前降諭旨一面派兵一面奏聞之意相合。該將軍現已派兵分作三起啓程。英山督同由冰嶺一帶前進。自可迅抵該處。立殄幟。伊犁地方事事均關緊要。該將軍惟當鎮靜彈壓。隨時盡心籌畫。遙為策應。務臻周密。是

為至要。至烏魯木齊提督成玉已帶兵前往。其提督印務即著惟勤就近兼署。將此由六百里各諭令知之。○兩江總督李星沅奏江寧省城義倉添建倉廩請動用捐賑餘息銀買穀以資儲備從之。以故奉國將軍戴銘子溥芳襲職。戊辰。

上詣綺春園問

皇太后安。遣官祭黑龍潭

昭靈沛澤龍王之神。玉泉山

惠濟慈佑靈護龍王之神。昆明湖安佑普濟沛澤廣生龍王之神。密雲縣白龍潭。

昭靈廣濟普澤龍王之神。遣官祭圓明園惠濟祠。

河神廟。諭內閣琦善等奏請變通唐古特番目兵丁操練技藝一摺。西藏設立番兵。前於道光二十一年間。將刀矛一項裁撤。現據該督等查明。該弁兵近來熟習刀矛。可期得

力。著照所請。嗣後番兵三千名。准其以鳥槍刀矛各五成。分別挑選。其該管弁目。亦著照額選拔。施放礮位。即於鳥槍兵丁中。擇人兼習。遇春秋操演。即照現習陣勢。另呈該大臣閱看。所有舊設木弓竹箭一項。著即裁撤。○諭軍機大臣等。琦善等奏據廓爾喀國王之子稟稱。揀派噶箕等呈進貢物。及該嗣王襲爵緣由一摺。又另片查開廓爾喀王向蒙賞給寶石頂帶成案。覽奏均悉。廓爾喀國王之

子已遵伊父印書襲爵。現在揀派噶箕呈進貢物。足見恭順輸忱。惟據稱尚有面稟苦楚。求祈教導之事。難保別無妄瀆。既據該督等頒給檄諭。俟該噶箕等到藏時。即當曉以大義。杜其妄念。如別無要求。著即宣示恩旨。賞給該嗣王寶石頂帶。令其恪守藩服。斷不可別生枝節。是為至要。又另摺奏唐古特僧俗具稟額魯特弁兵屢次不法。公懇帶領番兵勦除。現在酌量辦理等語。額魯特屢次妄為。

據朗噶等面稟商謀抗拒者。不過十餘人。此外多係惑於邪說。被脅勉從。尚無出巢焚擄逆跡。該督等惟當隨時察看情形。設法曉諭。如黨羽漸散。該奸匪等仍不投出。或帶兵緝拏。或責令縛獻。務須相機妥辦。切勿激生事端。琦善現赴四川總督新任。所有此二案應行酌辦之處。並著斌良等一面籌畫。一面飛商琦善。總期意見相同。以綏藩封而靖邊圉。將此由四百里各諭令知之。尋斌良等奏查

此次廓爾喀嗣王遣使納貢甚屬恭謹。並無意外干求。奉旨俟該噶箕到藏時。曉以大義。茲該噶箕早已赴京。無從宣示。至賞給該嗣王寶石頂帶一節。現在飛商琦善。總期意見相同。再行具奏。至唐古特僧俗具稟額魯特不法。欲懇帶領番兵勦除一案。前與琦善面商。額魯特抗拒者。不過十餘人。既經曉諭。黨羽已散。若操之太急。恐致激成事端。隨將噶瑪頓住等擬罪。先行奏結。其惑於邪說商謀

抗拒之策。塾仁侵等六犯。業據額魯特固山達等拏獲。按夷例定擬遣發。續經具奏結案。現在額魯特已遵檄諭。願出馬隊。唐古特僧俗等各已悅服。願照舊例投季給予糧餉。現在均極安靜。報聞。○調杭州將軍奕興為盛京將軍。盛京將軍奕湘為杭州將軍。○己巳。世宗憲皇帝忌辰。遣官祭泰陵。上詣

安佑宮行禮。兩江總督李星沅等奏。嘯嘯西國夷目。由廣東帶領兵船二隻。欲赴通商五口。查看貿易情形。旋於朝鮮境內遭風。即由彼帶兵回粵。其到口兵丁。亦未上岸。當經稿給以示懷柔。報聞。○以文報絡繹。暫添烏沙克他爾庫木什阿哈瑪腰站兩處。每站兵六名。馬十匹。從喀喇沙爾辦事大臣舒精阿請也。○庚午。諭內閣。前派出承修慈惠皇貴妃園寢。

饗殿工程。著仍派倭什訥會同張芾敬謹修理。無庸另派。○諭軍機大臣等。吳文鎔奏。擊獲教犯會匪。提省審辦一摺。所辦好。江西南安贛州兩府地方。界連湖南廣東福建。每有匪徒冒教拜會傳徒等事。甚或糾眾圖劫。為害地方。更難保無另有不軌重情。必應嚴密擒拏。徹底根究。以期淨絕根株。著該撫督同臬司。先將現獲各犯。嚴行訊辦。該犯楚潮泗等。供止喫齋。斂錢。斷難憑信。所供拜湖南人。

王成金為師習教。並謝詞華等結盟拜會。膽敢聚眾。希圖奪犯。尤屬不法。已極。務即飛咨湖南。一體飭屬嚴拏。研究確情。覈實懲辦。至已獲案人犯。必應多方詳鞫。毋令任意狡飾。致有不實不盡。在逃各逆犯。著即通飭各屬。並咨會鄰封。毋分畛域。一體嚴密控拏。務期悉數就獲。不留餘孽。是為至要。將此諭令知之。○又諭。本日據吉明等奏。探報英吉沙爾現有賊匪撲近城垣。兩城文報阻塞。現催官兵馳往援應。又德全奏。阿克蘇檄調官兵。派往接應。並酌留烏魯木齊征兵。又鍾翔等奏。烏什派往喀什噶爾官兵。未能足數。各一摺。並據吉明、德全等。各片奏調兵情形。及借撥經費各等語。覽奏均悉。吉明等現已探悉賊匪撲近英吉沙爾城垣。致兩城文報不通。且該處城小兵單。自應派兵連往救援。惟據該署參贊等片奏。前經奏請將應換回營官兵。暫留備調。計陸續到齊。共有四千五百餘名。

合之伊犁等處咨調官兵五千數百名統計已有一萬餘名擬即飛咨布彥泰毋庸再行調撥並行知距關較近之甘肅涼州肅州各營豫為挑兵備調等語兵貴精而不貴多著布彥泰奕山悉心酌覈如所調足敷防剿即毋庸多撥出關以節糜費至庫車烏什兩處地本叢爾兵力尤單恐有顧此失彼之虞現據德全及鍾翔等奏稱各派兵一二百名馳赴應援存城官兵無多著該將軍等於大兵

雲集之時察看情形正恐得力不在此一二百名否則徒資蹂躪自以撤回各歸本城嚴密防守為是其前經調赴喀什噶爾之土爾扈特兵一千五百名如果不能得力亦即酌量撤回現計各處官兵將次到齊趁此回匪散處攻剿較易且伊犁兵素稱勁勇分擊合擊出奇制勝不難一鼓作氣盡數殲除該將軍等務當督飭將弁謀勇兼施迅速奏功俾免蔓延是為至要至德全片奏依照成案由

哈密先行借撥庫貯二十八年經費銀五千兩即將庫車經費改解哈密歸款著准其辦理將此由六百里各諭令知之○辛未遣官祭賢良祠○諭內閣給事中胡元博奏倉務懈弛一摺著倉場侍郎按照摺內情形查明據實奏奏北新倉如此廢弛各倉恐亦不免著該侍郎派員稽查其應如何嚴定章程之處並著妥議具奏尋奏查北新倉監督耆齡於值班時因米車未到暫回公寓尚非曠誤

職守惟倉門洞開無人約束究屬疏漏至稽查各倉向來立有章程日久怠生不無疏漏應請嗣後遇收放米石時所用人夫添給腰牌於入倉時按名散放出倉時照數繳還令鋪軍帶領毋許擅離以就約束仍責令各該監督在倉內妥為照料不得乘閒出倉書吏花戶人等不准一時曠誤並隨時派員稽查或親往查察儻有怠惰偷安情事立即從嚴叅辦得旨耆齡著交部議處嗣後該侍郎等

務當派員隨時稽查各倉。無稍疏懈。○諭軍機大臣等。舒倫保等奏。接准布彥泰飛咨。挑選弁兵。請旨派往一摺。據稱西路回匪滋事。該處進兵較近。現准咨調。當即挑選官二十員。精壯兵丁五百名。應需器械馬匹。均已豫辦齊備。並據該將軍等自稱。均經屢次出師。願圖報效等語。所奏可嘉。現在攻勦回匪。已由伊犁等處調兵一萬餘名。將來應否添調。著該將軍等挑備齊全。候旨遵行。並著飛咨

布彥泰。妥山知悉。將此諭令知之。○撥山西司庫銀五十萬兩。解往甘肅。以備軍需。○壬申。諭內閣。兵部奏。臺站接遞緊要奏摺。遲誤日時。請旨飭查等語。籌辦軍務之時。遇有緊要摺報。必須迅速。馳遞。茲據該部奏稱。本月二十三日。接到喀喇沙爾辦事大臣舒精阿五百里奏摺。並署葉爾羌參贊大臣吉明等六百里奏摺。覈對傳牌時刻。竟有遲至二日三日之久。未將阻滯聲明結報。又傳牌尾單

破爛。未註時刻。均屬玩誤。著直隸山西甘肅陝西各督撫。及新疆經過各城大臣。按站查明。係何處遲誤。指名奏。以重郵政。而肅軍務。○又諭。喬用遷奏。在籍道員被控各款。請暫行革職提審一摺。貴州在籍前任道員劉最昌。因與小功服叔債務涉訟。輒肆辱罵。牽涉地方公事。希圖挾制。並藉端挾嫌。糾眾將人房屋打毀。種種滋事。如果屬實。殊屬不安。分。前任廣東南韶連道劉最昌。著即行革

職。並將附和滋事之生監陳秉乾等。一併咨革。交該撫提同全案人證。研訊確情。秉公究辦。○諭軍機大臣等。本日據布彥泰馳奏。籌餉解往關外備支。並停調口內援兵一摺。又據薩迎阿等奏。援兵分起起程。並請撥甘肅省庫貯新疆備用銀兩各一摺。又片奏。伊犁不能再撥官兵。並阿克蘇安設糧臺。請調大臣會同辦理。及派廢員辦理文案各等語。覽奏均悉。此次回匪滋事。關外調留各兵。既已

足敷防剿。關內之兵。著布彥泰、奕山酌量停止調遣。布彥泰接奉頒發定西將軍印信後。諒已星速馳赴肅州。探察賊勢如何。如仍舊猖獗。即速出關進剿。無稍遲延。儻賊眾已散。或僅止分竄各卡。肆行搶掠。並無他意。則關外之兵。儘足按捕。該將軍即著暫駐肅州。察看情形。居中策應。伊犁官兵及遣勇。現已分作五起陸續起程。又飛咨烏魯木齊於前調滿漢官兵一千五百名外。再行挑派滿漢官

兵一千名。趕緊續進。奕山早已起程。由阿克蘇直赴葉爾羌。著即迅速督兵進剿。趁勢撲滅。道途遙遠。若拘泥與布彥泰相商後始行辦理。豈不坐失事機耶。至伊犁官兵不能多撥。所見甚是。著毋庸再撥。再薩迎阿等籌撥甘省庫貯新疆備用銀一百萬兩。現經布彥泰奏稱。原款所存無幾。另籌別款。湊足二十萬兩。解往備撥。並飛咨陝西山西兩省各籌撥銀五十萬兩。昨已有旨。將山西撥銀五十

萬兩。交楊以增存貯。以備不虞。至陝西省應撥之項。或已在所撥之內。或楊以增業經酌量帶往。均俟確有准數。再行奏明。報部覈算。該將軍等於各款解到時。務須加意撙節。毋得稍有虛糜。儻賊眾已散。即撤糧臺。尤不得任聽劣員任意鋪張。濫行銷算。至阿克蘇安設糧臺。必須妥員經理。著派海校前往會同該處官員辦理。並准其派令已革駐藏大臣孟保等前往阿克蘇。隨同襄辦。其所請將已

革知縣劉光斗等留伊犁辦理文案。並將已革副指揮王瑩等由奕山帶往行營幫辦之處。均准其派辦。將此由六百里各諭令知之。○以甘肅安肅道雲麟為按察使。賞休致。○寧古塔副都統烏爾德善全俸。○甲戌上詣綺春園問皇太后安。○御勤政殿聽政。○諭內閣戶部奏積欠案內未完各款。請旨飭催等語。各省應追應扣應估變各項。均屬帑藏所關。不容稍



有虧短。前經降旨飭令各省督撫認真嚴催。毋再懸宕。茲據戶部查明。各省新舊統共未完銀有六百三十餘萬兩之多。制錢糧石積欠亦復不少。細查各款欠項。皆係有著不解。何以舊者延宕。新者踵增。陳陳相因。伊於胡底。當此國用孔亟之時。該督撫等全不以國事為重。因循玩愒。積習相沿。殊屬不成事體。所有戶部單開各項。除河南省民欠馬儀工價。現值災荒。暫緩查辦外。其餘各省欠項。著

各督撫督同司道認真查明。已完扣者。迅即報撥。未完扣者。勒限提催。如有屢催罔應。及已報徵完而侵那不解者。立即專摺嚴參。各該屬員自顧考成。豈敢不急公輸納。總緣各該督撫等。或礙情面。或視為通行具文。討好屬員。博取寬大之譽。左藏匱乏。何以度支。著再諭各直省督撫。務當破除積習。激發天良。將逐款陸續嚴催解部。年終之時。朕將飭部稽查。某省自降旨催後。已完若干。勤惰攸分。

黜陟所繫。毋謂訓誡之不早也。懍之。將此通諭知之。○又諭。前因豫省災荒。亟應籌款賑卹。曾降旨發給銀三十萬兩。因思河南被災甚廣。億萬赤子嗷嗷待哺。若全待分款撥解。仍恐緩不濟急。無以速拯災黎。著再行先發廣儲司銀二十萬兩。造辦處銀十萬兩。星速解交該省。以備賑撫之用。此外仍著戶部再行籌畫銀三十萬兩。就近撥解應用。該撫即嚴飭承辦各員。激發天良。覈實認真散放。務期實惠均霑。勿令一夫失所。當此經費支絀之時。朕不惜內帑以延民命。該省紳民殷戶。諒念切桑梓。必有推解恐後者。該撫其善為拊循勸誘之。毋失朕望。○又諭。布彥泰奏番賊攻撲汎卡。經官兵捕擊遠竄。請將玩誤之汎官懲處一摺。甘肅兼理紅崖堡守備署高臺營都司詹兆虎。於番賊在化林川等處。附近搶掠竄擾。並不立時追擊。輒敢頓兵不進。避匿回堡。賊至不能夾攻。賊退又不追捕。以

致兵丁傷亡。復敢虛詞捏飾。實屬畏葸巧詐。貽誤邊防。詹兆虎著即革職。發往新疆效力贖罪。遺失軍械。責令賠補。陣亡兵丁。著查明咨部照例議卹。○又諭鍾方等奏年班伯克入覲。請暫行停止一摺。喀什噶爾現有回匪滋事。各城伯克等均有防守派差之責。所有此次各城先後起身之伯克等。均著停止本年入覲。即令各回原處。俟明歲再行照例前來以示體恤。○諭軍機大臣等。本日據薩迎

阿等馳奏。飛催援兵起程。並各城辦理情形一摺。另片奏傳聞逆首係由霍罕逃出滋事等語。又據鍾方等奏籌備官兵過境。鹽糧車馱等項情形一摺。覽奏均悉。昨經降旨。令奕山督兵迅速進剿。並諭布彥泰行抵肅州時。察看情形。酌量進止。現據薩迎阿等查明。喀什噶爾存城官兵不下三千餘員。名並城內居民甚眾。如果調度有方。戰守皆資得力。奕山計本月下旬。總可行抵阿克蘇。自己帶同

各兵前進。著仍遵前旨。迅速進兵。趁勢痛加勦辦。勿使蔓延。無庸會商布彥泰。至布彥泰則須斟酌情形。儻賊勢必須併力攻剿。自應出關如該回匪僅因逼迫肆掠。則不久自散。仍以安駐肅州居中策應為妥。所有阿克蘇阿奇木伯克愛瑪特捐備軍需等件。著事竣奏明施恩。再巴爾楚克為南四城門戶。且與樹窩子相連。地方緊要。無令失機。此次賊匪內傳述有逆夷張格爾之弟巴布頂之子倭

里漢條列和卓在內。由霍罕逃出滋事。道路之言。實難憑信。總之釜底遊魂。無關緊要。如能就獲。固可立正典刑。即或逃匿。此種醜類。必遭冥譴。斷不可贖武窮兵。以必得首逆為快。免得許多影射貪功之念。總期迅速藏事。早撤糧臺為要。至鍾方等奏籌備官兵供支。豫為妥辦。諒早咨會。應否調遣。不為遙制。悉聽隨時酌辦。飛咨辦理。將此由六百里各諭令知之。○又諭哈勒吉那奏賠補蒙古被搶

賊畜護送起程。並緝拏續搶馬匹。現在巡查情形。籌議酌辦一摺。前因庫倫蒙古官員喇嘛人等行抵青海。被番賊搶去馬匹駝隻。曾經降旨飭令嚴緝賊務。獲被搶牲畜。令該大臣照數賠補。茲據奏稱。該蒙古復被番賊兩次搶劫。牲畜多隻。實屬目無法紀。該大臣親帶官兵巡查緝辦。即據左翼盟長呈報。遇賊兩次。槍斃番賊四名。奪獲駝馬驢牛二十餘匹。所有殺賊之蒙古噶勒。著優加獎賞。並

令該盟長等派兵同赴要隘堵禦。俟該蒙古行過。再行撤回。該蒙古人等起程進藏。道路尚遠。原派綠營兵四十名。頗形單弱。著即添派綠營蒙古官兵。一同照料護送。仍咨明駐藏大臣。派兵接護進藏。至明歲哲布尊丹巴呼圖克圖之呼畢勒罕。自藏起程北上。應如何添派官兵。前往迎護之處。著布彥泰等先事豫防。毋得再有疏虞。有失懷柔之意。是為至要。至所稱商酌調兵出口。分投驅逐。勒獻

賊賊等語。著布彥泰等酌量情形。再為辦理。另片奏循化貴德兩廳營。於番族搶劫之案。並不認真緝辦。以致邊防廢弛等語。著布彥泰等仍責成兩廳營。予限兩月。勒令趕緊緝拏。蒙古前後被搶賊務。獲贖。仍扭於積習。始終玩愒。即著從嚴叅辦。至樂斌片。陳蒙古人等屢次被搶駝馬。應作何賠補辦理之處。已據哈勒吉那咨明樂斌。初次被搶。折價購買。至後兩次被搶賊畜。一時均難備辦齊全。

俟至明歲從藏旋回。再為給領。著屆期賠補足數。毋令蒙古藉口。其哈勒吉那。失察蒙古復被搶掠。自請治罪之處。著交部再行議處。將此各諭令知之。○以通政使司副使慶昫為太常寺卿。太常寺少卿許乃普。為光祿寺卿。○以貴州清江協副將烏勒欣。奏為山西太原鎮總兵官。○乙亥。撫卹琉球國遭風難夷如例。○丙子。諭軍機大臣等。本日據吉明等奏。英吉沙爾城垣。被賊圍困。派往救援官

兵中途遇賊。得獲勝仗。派兵接應。並動項支發官兵鹽菜口糧。請撥銀接濟各一摺。覽奏均悉。據稱七月二十七日。有賊匪二三千人。圍城放火。經我兵開礮擊退。旋經帶兵遊擊花沙布等。殺斃賊匪。不計其數。賊兵敗後。復聚眾圍城。請調兵接應等語。此次賊匪圍困英吉沙爾。雖人數眾多。俱係裹脅烏合之眾。其賊首名目。無非聾人聽聞。藉此易煽良回。安可盡信。現在伊犁等處官兵。計已陸續到

齊。奕山正可乘此銳氣。一鼓殲滅。務令片甲不回。方足以警將來而靖邊圉。奕山係棄瑕錄用之人。此次如能殫竭血誠。早告成功。不僅稍贖前愆。尚可恩施格外。正是奕山立功之秋。朕惟知賞功罰過。其各懍遵。至關外之兵。儘數調遣。布彥泰著仍遵前旨。暫駐肅州。居中調度。無須妄動。所有備調之兵。可止則止。各路糧臺。可撤則撤。吉明等請於陝甘撥銀十萬兩。解赴葉爾羌。以資接濟。此次軍需

均已陸續撥去。著咨商布彥泰。知照署陝甘總督酌量應發。應止。隨時撙節動用。至另片奏賊匪滋擾巴爾楚克情形。雖據奏稱經兵勇將賊匪擊散。難保不復來窺伺。著督飭該城糧員遊擊等。竭力防堵。叢爾之地。尚保無恙。何以喀城退敗株守。調度乖方。於茲益信。奕山等應鑒覆轍而勉力圖報也。將此由六百里各諭令知之。又諭本日據吉明等奏英吉沙爾被賊圍困。派往援兵中途遇賊。得

獲勝仗一摺。據稱派往救援英吉沙爾之帶兵遊擊花沙布等。行至伙什深排孜地方。突遇賊匪。奮力攻擊。殺斃賊匪。不計其數。並奪獲礮械馬匹。所解可嘉之至。著俟事竣保奏施恩。此時賊匪既已敗走。其勢散漫。毫無紀律。奕山所帶伊犁之兵。甚屬驍勇。務即飛咨開明阿等。會約並舉。首尾互擊。使回匪不能相應。當可長驅獲勝。奕山於軍務一切。原應隨時向布彥泰商辦。但現在該將軍既不出

開。而軍情緊急。且奉有諭旨。自當趨勢撲滅。寇氛。無令事機坐失。株守干咎。至此次賊匪聚眾滋擾。究係因何起釁。該匪大半裹脅良回。器械不過木棒。當其初起事時。開明阿等坐擁重兵。何難立時殄滅。乃竟觀望因循。遇賊先敗。退入城內。是否平日操練無方。抑帶兵之官。首先潰敗。或開明阿。豐伸。泰。兩人意見不合。進退失據。或有剛愎自用者。致誤事機。均著奕山。吉明。舒興阿等。隔別訪察。務得真情。據實具奏。僕稍涉瞻徇。所查不實。別經發覺。或由朕自行訪聞。恐奕山等不能當此欺飾重咎也。懍之。將此由六百里各密諭知之。

宣宗實錄卷四四七

三

宣宗實錄卷四四七

三

大清宣宗效天符運立中體正至文聖武智勇仁慈儉勤孝敏成皇帝實錄卷之四百四十六

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百四十七

監修武官總纂臣譚鍾麟等奉太子太保體仁閣大學士文淵閣領侍衛內大臣等奉  
上諭旨著將前次奉旨開列各員著交吏部知道欽此

天府府尹曾國瑞等奏加一級奉旨著照所請欽此

七名大臣等奏會同辦理等因欽此

內務府大臣等奏准將前次奉旨開列各員著交吏部知道欽此

醫官進修處等奏准將前次奉旨開列各員著交吏部知道欽此

教修

道光二十七年丁未九月丁丑朔日食○諭

軍機大臣等本日據鍾翔等奏防堵邊卡安  
靜並烏什阿奇木伯克等懇請捐辦馬匹派  
撥回兵分巡臺卡一摺又另片請調烏魯木  
齊滿洲兵五百名馳赴烏什防守等語烏什  
地勢毗連喀什噶爾並與巴爾楚克相距較  
近自應豫籌防範惟賊勢散漫大兵到齊恐  
皆竄去著布彥泰奕山吉明等體察情形如  
不至擾及該處所調烏魯木齊滿洲兵即應  
及時酌撤以節勞費至烏什阿奇木伯克等

捐辦烏拉馬匹並派撥回兵協同官兵分守

臺卡一節該伯克既竭誠效順自應俯准俟

軍務告竣時一併查明具奏候朕施恩仍由

該將軍等先行咨會鍾翔等善撫內外回取

加意防範外示撫馭之恩內修準備之具是

為至要將此由六百里各諭令知之○又諭

成玉奏選調官兵起程帶運銀兩接濟軍需

等語據奏在於烏魯木齊提督庫貯內撥銀

七千兩巴里坤總兵庫貯內調銀三千兩均

帶赴軍前接濟鹽糧之用現在情勢不能臆

揣若果各路停止調兵則此項銀兩所用甚

屬有限著奕山等隨時酌量撙節動支不得

濫費以重帑項事竣覈實報銷將此各諭令

知之○烏魯木齊都統惟勤奏據署葉爾羌

參贊大臣吉明等咨稱該處官兵足壯聲威

擬將續派烏魯木齊官兵暫緩起程又奏阿

克蘇辦事大臣扎拉芬奏咨調烏魯木齊官

兵二千名前往防堵查道光十年阿克蘇請

調官兵前往該處防守經前任都統成格因業已派有援兵並未另派防兵前往在案今查伊犁烏魯木齊派往滿漢各官兵以及伊犁遣勇土爾扈特蒙古兵均已陸續前進不日齊集阿克蘇即使該處必須派兵防堵應由該大臣會同帶兵大員體察情形將援兵酌量留防相機辦理此次自應援照十年成案亦毋庸另行派兵前往防守以節糜費均報聞○戊寅諭內閣漕糧為天庾正供節經

降旨令有漕各省督撫嚴飭所屬早兌早開剋期渡黃毋稍遲延乃近年重運漕船不能如期抵壩抵通以致歸次受兌節節耽延總緣各該督撫不肯破除情面先期派員完淺臨時實力催趲所致即如本年三月漕船甫經開行陸建瀛即奏奏逗留之文武員弁劉琅邱詠思潘佐庭劉椿齡等及至八月楊殿邦又奏借山東撥船協運種種竭慶情形幾以不誤重運為僥倖之事毫無把握可知現

在節逾寒露水勢漸消著漕運總督及沿途各督撫分飭所屬嚴行催趲務使各省回空軍船連檣南下銜尾過行不准片刻停泊庶幾以速補遲如期歸次至來年新漕轉瞬屆臨尤當趕緊辦理按限兌開統限於四月初十日以前全數趲至清江剋期抵壩以便渡黃北上無許稍有延誤儻意存怠玩視為具文各口淺阻之處並不先事挑挖仍致臨事周章有逾例限定將該漕督及各該督撫嚴

行懲處決不寬貸將此通諭知之○又諭前據鄂順安奏籌畫救荒章程請招商販運糧石給票免稅一摺當交戶部速議具奏茲據該部奏稱該撫係為籌備民食體恤商情起見自應准其所請所有商運赴豫米船由水路經過之江蘇淮宿關及安徽之臨淮正陽等關著江蘇安徽各巡撫即行移知各該監督等遇有販運赴豫糧食隨時查驗給票免稅放行仍嚴飭胥役人等不得藉端需索留

難阻滯以利商販而濟災區○諭軍機大臣等本日據戶部議奏鄂順安奏招商販運糧食請給票免稅一摺已明降諭旨照議准行矣此項商販米船抵豫之日著鄂順安飭令經過各州縣查明迅即放行以濟要需仍將前後共到若干隻每隻若干石詳記數目俟賑務辦竣時開單具奏以昭覈實將此諭令知之○又諭據舒精阿奏派定蒙古兵丁起程一摺並將期滿筆帖式暫留差用等語前據薩迎阿等奏飛催援兵起程又據吉明等奏派往英吉沙爾援兵擊殺賊匪得獲勝仗諒么庸小醜定已聞聲膽落奕山於八月下旬必可行抵阿克蘇指日督兵進剿不難一鼓殲除舒精阿所派蒙古官兵一千餘名於八月二十六日起程此時計已在途如接到奕山知會應止則止又另片奏請將印房期滿之筆帖式吉拉敏隨同帶兵各員照料蒙古官兵僅調兵停止即著折回將此諭令知

之○已卯諭軍機大臣等海枚奏接准飛咨調兵趕緊豫籌糧草車馬一摺此次所調烏魯木齊等處征兵剋日起程經過之處自應將糧草車馬一切豫為籌備據稱回子郡王阿克拉依都等來城面稟情願將回部雙套車湊辦四百輛以供兵差等語足見急公報效應即准其所請但此時停止關內之兵所用車輛自應少減如必須供應轉運所有該回子郡王嚮義輸誠之處著該大臣於事竣後據實具奏候朕施恩其車價轉運無定仍由官照例支發以示體恤將此諭令知之○命署陝甘總督兵部尚書文慶刑部右侍郎張澧中馳往河南查辦賑務○庚辰上詣綺春園問皇太后安○辛巳諭內閣本日吉明舒興阿由六百里馳奏續派接應官兵協同前派官兵中途遇賊合力攻擊大獲勝仗一摺覽奏忻悅葉爾羌前次派往救援官兵中途遇賊已



有斬擒因賊勢太重續派官兵馳往接應該大臣等恐軍行遲緩即派署把總馬連科執持令箭沿途催趨前派帶兵遊擊花沙布等折回黑孜布依地方安營隨有賊眾追來四面圍繞並於附近營盤高阜壘築礮臺以回房多間藏避槍礮該遊擊雙來親冒矢石率領官兵奮力向前將礮臺回房全行拆毀接連五晝夜極力抵禦隨聞援兵繼至即率官兵出營堵截防禦受陳布守備平喜亦即驅

兵近前兩隊合一奮力追擊賊匪被傷落馬者不計其數餘眾竄散現在大兵尚未到齊哈城雖無確信然發軔之始即能令回眾膽寒深堪嘉尚必應加恩獎擢遊擊雙來著以參將即行升補賞戴花翎並賞給法福哩巴圖魯名號防禦受陳布著以該旗佐領升用遇缺即補守備平喜著以都司升用遇缺即補均著賞戴花翎署把總馬連科著以千總即補並賞戴藍翎吉明舒興阿調度有方甚

合機宜均著賞戴花翎仍交部從優議敘並發去花翎五枝著吉明等祇領所有奮勉出力之兩次派出官兵伯克等著查明開單具奏候朕施恩其陣亡帶傷兵丁著查明咨部照例辦理該部知道○又諭前因回疆不靖投布彥泰為定西將軍現據吉明等陸續奏報賊情關外調集官兵足資防剿布彥泰現在帶印駐劄肅州策應楊以增著毋庸署理陝甘總督仍回陝西巡撫本任所有陝甘總

督衙門日行事件即著甘肅布政使寶清代拆代行其未撤糧臺以前所有肅州糧臺事務即著布彥泰督飭嚴良訓明誼辦理○諭軍機大臣等前因回疆賊匪滋事關外之兵足敷防剿曾疊經降旨停調關內官兵今奕山督兵進剿布彥泰暫駐肅州策應本日據布彥泰奏接奉投為定西將軍諭旨刻即起程請飭籌撥銀兩各一摺又據吉明等奏續派接應官兵協同前次官兵合力擊賊大獲

勝仗賊眾奔竄及現移兵駐劄要隘一摺又據扎拉芬泰片奏截留伊犁滿洲三營官兵赴葉爾羌應援及辦理軍需支應各等語已明降諭旨將吉明等優加賞敘並令布彥泰駐劄肅州策應督率司道辦理糧臺楊以增仍回陝西巡撫本任矣關外救援官兵疊獲勝仗大兵一到自可立予殲除布彥泰既不出關則奕山專司進剿儻有須接應之處並著吉明後路應援以壯聲勢仍會同商辦進

剿之方毋失機會布彥泰著仍遵前旨居中策應俟楊以增將總督關防交還時所有定西將軍印除已行文鈐用外著暫行封貯勿用仍用陝甘總督關防辦理一切其所帶官兵一千名與台湧現帶官兵一千五百名著酌量情形可止則止其選派涼州肅州各營兵即著停止前進至土爾扈特兵丁據布彥泰奏向為回眾所畏亦著奕山察看情形分別進止賊眾煽惑回民妄稱逆裔無論有無

皆不可信奕山務當堅持定力徧諭軍民為要所需軍餉已由戶部籌撥銀百萬兩著搏節動用毋令稍滋糜費關內糧臺原為轉輸關外軍餉馱載而設但目下情形豈能做照六年十年光景動云數百萬兩著仍遵前旨加意籌畫可撤則撤以節虛糜吉明等奏紮營之處向有水塘足供千人汲飲被賊堵塞來源夜間水復暗長此皆我將士忠義之氣所感著該大臣等於事竣後酌量如何仰酬

神貺妥議具奏扎拉芬泰奏稱前截留伊犁換防滿洲三營官兵二百四十餘員名調赴葉爾羌應援又於各處調來援兵內酌留二百名防守阿克蘇著奕山等一併通盤籌畫分布妥協又奏阿克蘇應行籌備軍需糧石著與海牧商同籌節支發不准濫用毋得擾及商民回子以順輿情再愛瑪特捐備軍中器械著於事竣後奏明施恩將此由六百里各諭令知之○定西將軍布彥泰奏出征

官兵請支用車輛得旨著不准行 命御前侍衛珠勒亨二等侍衛德冲額毋庸前往軍營 壬午遣官祭

歷代帝王廟 諭軍機大臣等本日據惟勤奏豫籌糧石並咨商採買以節經費又奏匯兌商民銀兩以備急需各一摺此次回匪滋擾調派官兵該都統業已將糧石等項妥為豫備惟運腳需費甚繁咨商阿克蘇辦事大臣體察情形就近採買著即照議辦理如該

處採買尚不敷用再將現在籌備糧石迅速運往至烏魯木齊庫貯銀兩無多所有豫籌口糧車駝等項支發著准其援照成案匯兌商民銀十萬兩即著陝甘總督在於伊犁將軍奏撥烏魯木齊銀兩內提出解交甘涼道庫暫貯以備商民給領惟現在已停調關內之兵關外之兵亦有酌量裁撤之處該都統於一切籌備支發等項固不可稍有遲誤亦應事先籌畫加意撙節認真辦理如有贏餘

即著提回存貯勿謂業經奏撥必以全行用盡為止將此由五百里各諭令知之 又諭本日據鍾方等奏請添軍臺夫馬等項一摺現在回疆不靖軍書馳遞最關緊要哈密地處衝途所有原設軍臺十二處每臺准暫酌添馬四匹或六匹夫二名或三名以資接濟向由軍臺運送各項官物著改交該地方官雇駝輓運其夫馬鹽菜草料及駝腳價值均准照成案作正開銷惟此次軍務指日即可

竣事無得多事鋪張務當加意撙節覈實支銷隨時體察情形可撤即撤以節浮費將此由五百里諭令知之 命盛京將軍奕興會同盛京戶部侍郎慶祺監收奉天官莊穀石 癸未撥四川鹽茶公存銀十萬兩發商生息備緝捕經費從署總督廉敬請也 甲申遣官祭都城隍之神 諭軍機大臣等本日據訥爾經額奏山東捻匪在河南地方搶劫並潛赴

開州滋擾經該州文武員弁追殺擒獲各犯現飭連界各屬一體堵捕又據御史張廷瑞奏毗連豫省之直隸山東所屬災民匪徒勾結請飭豫為防範各一摺山東擒匪糾搶久為地方之害現值河南荒旱尤慮災民被其裹脅為患更深現據訥爾經額奏稱接據大名府屬文武員弁稟報有山東擒匪潛入開州地方強借當舖銀錢經該州等會同文武員弁並協同河南衛輝府屬各員弁督率兵

役先後格殺並擒獲賊匪多名訊據供稱擒匪分股四出均帶有火器槍械又據民人李麥所稱擒匪髮辮旁另有小辮用紅繩拴繫以為暗號等情現在豫省災民遍野似此匪黨橫行分起竄擾僅闌入豫境勢必至裹脅饑民與御史張廷瑞所稱災民流離遷徙因有不逞之徒乘機勾結等語正相符合且恐有匪徒偽作饑民乘間竊發若不及早兜拏貽患何可勝言著訥爾經額崇恩鄂順安均

即督飭員弁於三省交界地方毋分畛域協同兜捕務期同心合力將已獲到案者嚴究夥黨設法偵拏俾匪黨悉數殲擒斷不准互相推諉致誤事機經此次飭拏之後如復有擒匪及大股賊匪擾害地方經朕訪聞或因另案發覺惟該督撫等是問恐不能當此重咎也懍之將此各諭令知之○又諭御史張廷瑞奏鹽梟肆擾請飭查拏懲辦等語據稱直隸河間冀州及順天之霸州文安一帶鹽

梟結夥百數十人或二三百人不等用驢馱載私鹽執持槍礮器械強行售賣經地方官差拏輒敢拒捕施放槍礮似此恃眾藐法若不及早嚴拏將來愈形滋蔓貽患匪細此等匪徒大半籍隸滄州以驢馱為記以槍礮為號一聞槍礮之聲則各處梟匪聞聲往助恐擾害地方有不止如該御史所指數處者著卓秉恬汪本銓訥爾經額分別密飭所屬文武設法嚴行查訪務期盡數擒拏從重懲治

毋得區分畛域意存推諉。僕委員等畏葸不前，捏詞粉飾。日後養癰貽患，咎有攸歸。懍之。將此各諭令知之。乙酉，諭軍機大臣等：本日據裕泰、陸費瑤奏湖南臨武常寧二縣訪獲糾眾拜會首從各犯，現在提省審辦。一摺，又片奏桂陽縣拏獲教犯訊出王存真等傳徒習教蹤跡，飛咨廣東江西一體飭拏，並接准江西來咨通飭嚴密偵捕等語。此案前據吳文鎔奏稱拏獲教犯楚潮泗等，提省審辦。

並究出拜湖南人王成金為師習教等情，已有旨諭令咨會鄰封一體密拏。茲據裕泰等奏稱臨武常寧等縣營先後拏獲糾眾結會之匪犯唐幗、通郭志祿等共一百十餘名之多，訊據供認結盟拜會種種不法情形，且刊刻字帖沿襲悖逆語句，分途傳布其所刻字帖。據供張老二在廣東望海山地方遇一游方僧人所給稱係拜會傳鈔舊本，現在張老二業被格斃，難保非該犯等恃無質證任意

捏飾，並恐各該犯另有不法及搶劫擾害地方情事，日形滋蔓，恐類養癰，必應嚴密拏辦，以淨根株。著吳文鎔等接奉此旨，務即按照犯供並詳覈裕泰、陸費瑤咨文，選派幹員前赴各該處密行查訪，匪犯得有確情即行拏辦。至所稱廣東望海山游方僧人亦應密訪姓字，勿任委員被捕役畏難含糊朦蔽，將就了事。其湖南江西兩省現獲各犯著裕泰、陸費瑤、吳文鎔分別研訊，務令將傳徒習教

等事盡情供吐，以憑根究。黨羽斷不准稍涉含混。案內各逸犯尤當遴委員弁分途躡緝，務獲懲辦。毋許一名漏網，以懲邪匪而靖地方。是為至要。將此各諭令知之。尋裕泰等奏遵旨飛咨廣東省密訪望海山遊方僧人係何姓氏，旋准廣東督撫臣咨覆飭屬查無望海山地方究竟係何州縣地面，遊方僧人係何姓名，請飭提犯確訊移覆，以便轉飭指拏。隨即訊明唐幗、通郭志祿、張老二、唐大旺、黃

壽松歐先覺等糾人結拜添弟會希圖搶劫按律擬斬立決該犯等結盟拜會膽敢將舊有違逆字帖肆行刊布情節尤重應如梟示除張老二已被格斃唐惻通於取供後在監病故應戮屍傳首犯事地方示眾以昭炯戒外郭志祿唐大旺黃壽松歐先覺四犯恭請王命斬梟示眾餘犯分別問擬所有交給張老二字帖之遊方不知姓名僧人提訊唐大旺等不能指出地址姓氏仍飛咨廣東省嚴

密訪拏究辦下部議從之又諭薩迎阿奏伊犁派出遣勇等語前據吉明等馳奏續派官兵協同前派官兵合力擊賊大獲勝仗指日奕山督兵進剿定可立予殲除此項遣勇著奕山即飭令仍回伊犁沿途毋得滋擾再據奏稱接到奕山信函揀派能識水性民遣飭往行營備用等語回疆地方作何差遣何以必須能識水性之人著奕山遇便具奏將此由六百里諭知奕山並諭令薩迎阿知之

尋奏巴爾楚克附近地方有渾河一道現因雨水過多恐誤軍行是以揀派識水性者數名以備伐木搭橋之用報聞伊犁將軍薩迎阿奏設立糧局派員辦理得旨刻下不能不如此派委隨時查看情形可撤即撤毋稍遲疑以吉林軍政年逾六十官二員精力未衰命留任丙戌諭軍機大臣等前有旨令李星沅等於江蘇安徽兩省購買糧石運往河南接濟災區茲據王植奏稱本年安徽

省亢旱日久江北尤甚收成歉薄糧價增昂勢難接濟鄰省等語自係實在情形惟豫省正在辦賑之時需用孔亟江蘇淮安揚州各屬今年秋收豐稔採買不難著李星沅陸續購仍遵前旨迅即妥籌購買有若干石先行委員飛速解往仍令後起源源接運一面奏聞以慰朕懷至王植所奏酌籌庫款解往江蘇協濟之處似多周折著李星沅等酌量情形如不須用即知會安徽毋庸協撥庫項以

免輟轉解運之煩將此各諭令知之尋奏現已購米四萬石運往清江備撥仍於常州揚州各屬分投購足十萬石陸續接運並先期飭屬雇船應用不准片刻稽延其安徽協撥庫項已據撫臣王植咨明籌解銀十萬兩即遵旨飛咨截留無庸輟轉周折如已起解來江或暫存司庫酌量情形但可無需動用即將原銀還皖以重庫儲報聞○禮部奏十月初十日

皇太后聖壽節應行禮儀得旨是照例行禮奉皇太后懿旨停止筵宴其在外公主福晉命婦進內行禮之處並著停止○浙江巡撫梁寶常奏遵拏洋面盜船嚴行訊辦得旨勿避嫌疑勿被欺朦認真督緝務要所轄洋面肅清方不負海疆重寄懍之勉之○以乾清門二等侍衛德勒格爾三等侍衛伊昌阿為御前侍衛丁亥上詣綺春園問

皇太后安○諭內閣吳文鎔奏於棍藉端鬧考拒斃差役請將知縣暫行革職一摺江西貴溪縣文童考試該童生等膽敢聚議罷考以致棍徒糾眾滋事傷斃差役並將看管生童一併搶逃不法已極此次鬧考何以又牽涉鬧漕之事種種藉端挾制或因該署縣濫刑激眾釀成事端抑生童等豫為包漕地步必應徹底分別究辦以肅庠序而儆刁頑著貴溪縣事候補知縣閻彤恩著暫行革職交該

撫提同案犯人證確切訊究按律定擬具奏尋奏訊係已革貢生倪步蟾因該縣禁於棍包漕頂撞被責詳革糾眾罷考擬發往新疆效力贖罪該縣閻彤恩尚無濫刑激眾情事原參革職應予開復下部議從之○以兵部右侍郎黃琮知武舉內閣學士曾國藩為武會試正考官翰林院侍講學士王慶雲為副考官○以緝捕勤能予安徽知縣王啓秀以知州升用○命五城於冬春二季設廠度賑

○戊子旌表守正捐軀安徽壽州民邵得水  
姪媳陳氏山西祁縣民婦戴王氏女富姐  
己丑諭軍機大臣等前曾降旨令布彥奏暫  
駐肅州居中策應本日據布彥奏稱接奉  
寄諭先行覆奏迅速兼程前進又據台湧奏  
復行帶兵出關各一摺關外官兵足敷防剿  
喀什噶爾英吉沙爾二城尚無確信布彥奏  
著仍遵八月二十六日諭旨駐劄肅州居中  
策應所有關內調派官兵著即停止以節糜

費台湧接奉此旨著即折回本任各兵俱著  
歸伍將此由五百里各諭令知之 巴里坤  
領隊大臣景亮奏吐魯番回子郡王阿克拉  
依都懇赴軍營效力得旨覽奏實堪嘉悅但  
路途遙遠徒勞跋涉可毋庸前往也○庚寅  
上御洞明堂勾到新疆雲南貴州廣東情實罪  
犯停決貴州斬犯五人廣東斬犯二人餘六  
十九人予勾○諭內閣戶部奏運弁坐船跨  
帶木植據江西九江關申報請飭查禁等語

本年湖北三幫漕船例外多帶木植已屬違  
例乃該省押運千總坐船兩旁亦各跨帶木  
植何以禁幫丁包攬之弊著該督撫即向九  
江關查明該幫千總何員違例據實嚴參嗣  
後並著各該省督撫及漕運總督於漕船出  
運經過之時實力稽查嚴行禁革如仍有漕  
船及幫弁坐船違例私帶貨木者即著從嚴  
叅辦以肅漕政該督等若不肯實力辦公何  
以表率屬員天良安在耶○戶部議准綏遠

城將軍英隆等會奏查明大青山後沙拉穆  
楞召內聚寶莊等二十三村及諾們罕召內  
五道窪等九村無礙牧場應准開放沙拉穆  
楞召內蘇托羅蓋等十八村諾們罕召內巴  
漢沁等四村有礙牧場應行封禁並請將應  
禁各村民人移至開放各村計畝撥地認種  
仍將地畝四至挑挖濠塹立堆標識由蒙古  
與土默特官兵自行巡查毋令越界偷開各  
村戶口責成歸化廳編立保甲每年詳報該



都統彙查從之。以綏遠城軍政年逾六十官十二員精力未衰命留任。辛卯諭內閣武鄉會試所用硬弓現因年久弓力雖符而挽強殊有難易之別且恐因此生弊何以拔取真材其應如何修造及更換之處著武備院會同兵部妥議具奏。兵部以武會試中額請得旨滿洲取中三名蒙古取中一名漢軍取中五名直隸取中十三名奉天取中一名山東取中五名山西取中三名河南取中九名陝甘取中三名江蘇取中一名安徽取中二名浙江取中三名江西取中三名湖北取中二名湖南取中一名福建取中一名廣東取中三名廣西取中一名四川取中二名雲南取中一名貴州取中一名。漕運總督楊殿邦覆奏前給事中江鴻升奏候補漕弁人數過多請分別飭令回籍候咨查漕運總督統轄八省現在漕標候補之弁人數雖多而逐項分派不甚擁擠若予以額限恐該弁

等轉覺缺多人少有恃無恐不肯勤奮當差至鑽營積習在所難免近日嚴加整頓稍知儆畏且風氣不開自上即有不肖劣弁亦技無所施況升補各缺皆由部指定班次缺分咨行遵辦並無先後攙越等弊該給事中奏應毋庸議下部知之。壬辰諭軍機大臣等奕山奏馳抵阿克蘇催齊官兵即行前進一摺據稱由伊犁管帶兵勇分起行走沿途屢接葉爾羌來咨內稱該處兵勇連獲勝仗賊勢仍復猖獗並有喀什噶爾回城已被賊匪攻破之語該大臣現已一面飛催烏魯木齊滿漢官兵並土爾扈特官兵一面兼程前進已於八月二十一日馳抵阿克蘇所帶兵勇計日亦可到齊如能調度有方儘數攻剿現雖聞有攻破喀什噶爾回城之信果否確實滿洲城諒仍堅守著即會同烏魯木齊等處官兵剋期前進惟機宜不可坐失事勢尤貴通籌該大臣等務當會同吉明妥為商辦

於勇往直前之中寓老成持重之意所有叛  
逆回匪固當殄滅無遺而良回被其煽惑裹  
脅亦應酌量撫綏總期智勇兼施權衡悉當  
不可稍涉孟浪方為不負委任至另片所稱  
此次入卡滋事探係張逆等後裔先後勾結  
滋擾愈聚愈多等語此次勾結回匪是否張  
逆後裔殊不足信或係眾回編造藉以惑眾  
亦未可知惟現既煽亂披猖如能按名生擒  
訊明釋疑固可永除後患即軍前殲斃共見

共聞亦足大快人心儻被創竄逸無蹤斷不  
可以必得逆裔為功窮追力索也將此由五  
百里各諭令知之○添補直隸永定河豫防  
稽料並加增運腳銀從總督訥爾經額請也

○癸巳

上詣綺春園問

皇太后安諭內閣李星沅等奏購米運豫濟  
賑請飭豫省委員迎護等語此次江蘇購買  
米石運豫接濟甚關緊要著鄂順安先期遴

委妥員前赴交界地方迎候未入豫境責成  
江蘇委員已入豫境一切惟豫省委員是問  
責有攸歸各宜加意防護無得疏虞干咎○  
諭軍機大臣等本日據鍾翔等奏卡外布魯  
特比愛吉伯克遣人呈獻逆信一摺據稱現  
因喀英二城被賊圍困業經揀派章京譯寫  
飭諭傳知卡外附近各伯克使知從逆難免  
殲戮務各保全身家勿被煽惑旋據奇里克  
愛曼布魯特比愛吉伯克差人呈遞逆夷倭

里漢條列所寄密信令其糾結攻城等語又  
據胡什奇愛曼布魯特比木薩拜遣人稟稱  
倭里漢條列差人糾約情詞相同該布魯特  
比等世受深恩未肯從賊尚知嚮風效順業  
經該大臣等賞給緞匹茶葉等物微示獎勵  
是所傳密信雖未足據而該伯克不甘從逆  
確有可徵自應加等施恩為各城伯克之勸  
著奕山沿途體察廣為宣示不必遽以各處  
所傳書信為真而伯克等不為所搖惑者將

來必邀重賞。所有此次恭順之愛吉伯克木薩拜應如何從優恩獎之處。即行據實奏聞。將此諭令知之。○以翰林院侍講戴齡充日講起居注官。○以軍書總纂暫添烏魯木齊東西南三路軍臺兵丁馬匹。從都統惟勤請也。○以烏魯木齊等處軍政年逾六十官二十五員精力未衰。命留任。○甲午。諭軍機大臣等。扎拉芬奏葉爾羌軍臺已有賊匪滋擾。塞斷道路。催兵前進一摺。又另片奏派兵分布防堵。並趕緊籌辦糧草等情。覽奏均悉。現在葉爾羌一帶。大兵次第雲集。兵威已振。該逆等如果斂跡。則葉城所屬軍臺道路文報已通。至巴爾楚克城孤兵單。防守尤關緊要。該大臣現已催兵前進。約計烏魯木齊及各處官兵均已到齊。著奕山督率將弁相機分合。一鼓作氣。飛速進剿。刻不可緩。庶免坐失機宜。其前在黑孜布依地方出力之遊擊雙來等。既經出師得勝。必能奮勇直前。若即

派令帶兵打仗。自當益加奮勉。切不可調度失宜。推其銳氣。至兵行糧繼所關尤重。奕山更當豫行咨會。管理糧臺各員。籌備糧草。源源接濟。斷不可少。誤供給。如能層層布置。兵集餉齊。該賊匪人數雖多。不過裹脅之眾。何難剋日殲除。耶。前此臺站不通。所有發去各件諭旨。勿令遺失。為賊所得。約計此時。諒已賊散路通。早經迅速發給矣。將此由六百里各諭令知之。○以緝捕出力。予巴燕岱協領受仁。奏議敘。並賞布魯特比博樂拜等翎頂有差。○乙未。

上御洞明堂。勾到四川情實罪犯。停決斬犯十七人。絞犯二人。餘六十九人。予勾。○諭內閣。經額布謝恩。摺內將吉林地方官兵入山打牲演習技藝。並移駐雙城堡旗人弓馬情形。附奏一摺。吉林為根本重地。該官兵等演習技藝。均屬分內之事。該將軍自應將官兵弓馬及一切技藝。不避嫌怨。認真指教。至雙城

堡移駐旗人現在漸知學習弓馬盡力農田生計較前亦有起色實屬滿洲世僕克守舊業嗣後著該將軍隨時操練務期各臻嫺熟不可徒事虛名始勤終惰○又諭本日吉明舒興阿由六百里馳奏喀什噶爾英吉沙爾兩城平穩情形一摺又另片奏官兵兩次轟擊賊匪疊獲勝仗等語據稱前次大獲勝仗之後茲於八月初一初二等日賊匪在英吉沙爾城南築立礮臺晝夜望城攻打經領隊

大臣德齡派令中城兩營守備楊成義興貴帶領精兵奮勇出城勦賊我兵施放槍礮擊斃賊匪多名乘勢將其礮臺拆毀復殺賊數名奪獲器械並有賊匪經我兵活捉者連前次擊獲從逆之回子一併正法梟示又初六初七初八等日該匪等仍將礮臺築起我兵拆毀擊殺如前獲械斃賊較前十倍賊眾始行潰散該大臣德齡兩次派兵出城俱獲勝仗於大兵未到之前即已大振軍威俾賊膽

落實屬調度有方該守備楊成義興貴所帶兵勇不過數百名即能衝鋒禦敵所向無前尤屬驍勇可嘉之至德齡著賞戴花翎並交部從優議敘楊成義興貴均著以都司即行補用並賞戴花翎以示嘉獎發去花翎三枝著德齡等祇領兩次出力官兵民勇著查明開單具奏陣亡兵丁三名兵勇帶傷二十餘名均著查明咨部照例辦理又另片奏請將揀派未能詳慎及未能管束兵丁之伯克等

從重懲辦等語本應治以應得之罪惟現當軍務需人該伯克等尚知圖報著加恩寬免以觀後效○諭軍機大臣等本日據奕山奏征兵自阿克蘇起程並飛催前調官兵趕緊前進又據吉明舒興阿奏應援官兵移駐防堵並據報賊匪情形及喀什噶爾二城現俱平穩各一摺覽奏均悉現在喀什噶爾回城已被攻破葉爾羌各軍臺亦有賊匪竄擾我兵雖連獲勝仗而賊匪裹脅較眾各路分竄不免

蔓延吉明舒興阿保護葉爾羌城池仍可相機出勦固不可孟浪從事諒亦不至株守受困現在葉爾羌英吉沙爾喀什噶爾三城完整則一面保衛一面進攻尚非難事況該回匪等既不敢圍城攻打聞官兵前來又有畏蒞之意加以志在搶掠其無紀律而失眾心可知果能趁此併力出奇制勝豈非奕山等立功之日耶至大兵壓境勦滅無遺何必以得和卓為功反多影射疑惑之處但果能於

該回窮蹙之際分兵繞道截其竄逸之路一面督兵兜勦不令一人生還則逆首自在其內錄功之時分別生擒獻馘豈不釋眾疑而除孽種更足大快人心該參贊惟當與吉明等勦力同心熟籌制勝以副委任將此由六百里各諭令知之○又諭本日據扎拉芬泰奏葉爾羌大路不通由草地齎到奏摺轉遞並咨催駝隻載運一摺又另片奏賞給空金頂回子六品頂帶等語覽奏均悉阿克蘇駝

隻供應征兵馱載軍械不敷需用該大臣設法籌計咨照東路庫車喀什沙爾吐魯番烏魯木齊等處凡有載貨及起廠商駝催令趕緊前赴阿克蘇以備急需著照議辦理至沿途酌派官兵妥速護送隨征糧料並軍食麥石尤須源源滾運以資接濟不可稍有延誤著該大臣籌畫萬全覈實妥辦所有由和闐齎送葉爾羌限行奏摺之空金頂回子入斯塔木素皮二名於六日半內趕至阿克蘇實

屬奮勉出力著准其賞給六品頂帶並加恩賞戴藍翎將此諭令知之○葉爾羌參贊大臣奕山等奏現值軍興請將阿克蘇庫貯當十當五普爾錢酌量搭放征兵鹽糧下部知之○以麥收歉薄命山東省各屬改徵粟米○丙申河東河道總督鍾祥奏報秋汛安瀾命詣

河神廟祀謝並下部議敘出力員弁升敘有差○丁酉諭內閣兩江總督向有秉轄河務

之責自道光二十二年起因他務未能兼顧嗣後仍著該督兼管以符舊制諭軍機大臣等李星沅奏瀕湖籌防海洋緝盜務求實濟等語籌防事宜無事則實力講求臨時則相機調遣如果將士用命鼓勇爭先縱地險難憑而人力可恃切不可倉卒無備扼要之地反被敵人占據礮臺緊要又被他人先登至海洋緝盜尤在水陸各營將弁不分畛域四面兜拏方可得力總之將才為要練兵為

先能得將而後能用兵籌防緝捕均可收效正不必專因防夷而始豫計故訓練貴精臨敵貴勇苟講求於平日方不掣肘於臨時著李星沅嚴飭水陸各營將弁振刷精神常川操演甄覈嚴而賞罰信拔十得五有勇知方將才亦以淬厲而得矣該督經朕委任務當時時留心人才凡有可以造就儲干城之選者即獎拔以作其氣其稍覺閑茸不職者即著隨時裁汰無令冗員戀棧將此諭令知之

江南河道總督潘錫恩奏報秋汛安瀾命詣

河神廟祀謝並下部議敘出力員弁升敘有差○戊戌

上御洞明堂勾到廣西福建湖北湖南情實罪犯停決廣西斬犯一人絞犯一人福建斬犯二人湖廣斬犯十人餘七十四人予勾○諭內閣兵部奏臺站接遞緊要奏摺屢有遲誤請旨飭查並開單呈覽現當籌辦軍務之時

遇有緊要摺報必須迅速馳遞茲據該部查明所有西路奏報自本年八月二十六日起遲延又有十三件之多既未聲明結報且傳牌排單破爛多未註明時刻均屬玩誤除著葉爾羌參贊大臣吉明八月二十日及阿克蘇辦事大臣扎拉芬泰八月二十八日兩處所發六百里各奏摺遲延均屬有因毋庸查辦外餘俱著直隸山西甘肅陝西各督撫及新疆經過各城將軍大臣按站查明因何不

填註時刻係何臺站遲誤指名叅辦以重軍務而肅郵政○己亥旌表守正被戕江蘇甘泉縣民周廣慶女絡馨○庚子

上御洞明堂勾到奉天陝西甘肅情實罪犯停決奉天斬犯一人陝甘斬犯五人餘六十三人予勾○命翰林院侍講龍啓瑞提督湖北學政○以寧夏八旗軍政年逾六十官一員精力未衰命留任○賞廣安門外普濟堂煮賑小米三百石○辛丑

上詣綺春園問

皇太后安○諭內閣前因喬用遷奏在籍道員劉晟昌被控各款當有旨將該員革職交該撫秉公訊辦本日據都察院奏該革員遣抱告赴京呈訴牽涉甚多此案著改交林則徐親提人證卷宗秉公研訊按律定擬具奏抱告楊升曾發該部照例解往備質○諭軍機大臣等本日先據奕山奏賊勢日加緊急擬即進兵並分咨各處策應續據布彥泰奏催

令台湧帶兵迅速前進又據吉明舒興阿奏賊匪滋擾軍臺經換防官兵擊散臺路復通又據鍾翔興貴奏偵探賊匪情形各一摺覽奏均悉此次賊匪連次圍困喀英二城又將喀什噶爾回城攻破嗣復擾斷臺路傷我官兵丁將賴里克二臺臺門燒燬並將外委賈國相劫去經新派換防之涼州營守備馬興魁千總蔡耀宗督率兵丁奮力攻擊殲賊多名詎賊匪暗中放槍致馬興魁蔡耀宗同

時陣亡兵丁亦有損傷現在葉爾羌東路臺站文報雖已照舊往來而喀英二城被困日久亟應厚集兵力及早救援即葉爾羌巴爾楚克亦須先事防堵奕山現已帶兵先進台湧統帶甘州涼州肅州三處官兵三千餘員名亦經布彥泰催令全數出關以為奕山後路策應兵力無虞單薄奕山等正可乘機迅勦毋稍遲回仍一面商同吉明舒興阿趕緊分兵應援喀英二城俾免疏虞惟賊情狡黠

一聞大兵追捕難保不先行奔竄奕山等務當審度機宜出奇制勝應如何牽綴賊勢暗派得力將弁帶兵繞出賊匪之前截其歸路自無難首尾夾擊俾逆賊片甲不還或揚言大路進兵而暗從捷徑兼程超越聲東擊西使該逆腹背受敵亦可取勝賊首條列和卓據鍾翔等稱探得右手背有黑記一塊較易辨認尤不難暗諭兵勇著眼兇拏以除逆種所有鍾翔等差往偵探之布魯特頭目密爾

離胡里等並此次在賴里克二臺擊賊出力之涼州營弁兵均著奕山等會同鍾翔興貴查明保奏候朕施恩陣亡守備馬興魁千總蔡耀宗均著咨明該部議卹傷亡兵丁一併查明咨部照例辦理奕山接奉此旨時如賊匪業經擊散可無須再行接應即酌量情形分別應止應撤事宜不可輕率僅後路兵單慮無接應則台湧現帶兵勇三千餘名布置得宜首尾相顧儘敷攻擊佇望成功總之用

兵於萬里之外朕固不能懸揣亦不肯遙制全在奕山等習有成竹欲進兵時先籌全局若僅以驅逐為事則該回正當飽颺之時大兵一到四面分竄未經痛剿難保不窺伺再來以有限之軍需供無休之蹂躪成何國體必應將騎馬兇惡之逆匪數百名盡法懲辦俾巨慙膽寒永靖邊徼其餘棄脅回取趁此離心離德之際大加安撫方為王者之師若統兵萬餘直抵喀城兇惡者已逃懦弱者被

戮豈朕除莠安良之意耶嗣後凡有關軍務要件該大臣等均應由五六百里馳奏僕大軍奏捷賊眾悉就剿除或將逆首陣斃或被生擒即著由八百里奏報以慰朕念至薩迎阿請以舒興阿署伊犁參贊大臣等語著俟軍務竣後再行奏聞咨會分別赴任以專責成將此由六百里各諭令知之○以左春坊左中允鈕福保署日講起居注官○壬寅雲貴總督林則徐等奏雲南瀘店存銅無多廠



辦之數不敷濟運現飭各廠員加丁採煎隨時濟運其各廠未煎厚黑鐵砂勒限改煎並示諭居民徧覓新山廣開子廠分飭各州縣躡覓毋許飾詞諉卸庶可源源補額俾京運足資鼓鑄從之○以涼州莊浪軍政年逾六十官四員精力未衰命留任○癸卯

孝慈高皇后忌辰遣官祭

福陵○甲辰

上詣

大高殿行禮○還宮○烏魯木齊都統惟勤奏

籌撥各屬倉米四萬石運至迪化州以備調

撥報聞○貸安徽和州修築民隄銀○以孟

冬時享

太廟自是日始齋戒三日○乙巳

孝敬憲皇后忌辰遣官祭

泰陵○諭軍機大臣等本日據禮部奏現接朝

鮮國王來咨並該國收到喇嘛晒照會及鈔

錄告示章程等件一併呈覽據原咨內稱上

年六月及本年六月兩次有喇夷船隻停泊該國地方始則投書詢問朝鮮國曾殺喇夷三人一事繼又借船求糧並稱大清欽差大臣許送二通事與思定李若望隨來自廣東起程來領回文等語現雖揚帆西去尚有異日更來之說似此任意滋擾飾詞恫喝若不確查禁止何以儆夷氛而綏藩服況殺夷乃十九年之事固不能牽混入撫局之內即所謂欽差通事亦應查辨明晰天朝並未嘗遣

人會同該夷向朝鮮索取回文者英接奉此旨著即將前項情節向喇夷使臣詳詢該國係何意見務當折以大義令其彼此相安不得架詞擾累是為至要將此諭令知之尋奏查朝鮮原咨及該首致朝鮮原文以該夷三名被害朝鮮實因不知係喇嘛晒人至許送通事一節該首文內尚無其說或係一時隨口混捏欲以恫喝朝鮮現已照會該首婉向開導豫為禁止報聞○又諭本日據薩迎阿

奏葉爾羌阿克蘇軍餉不敷請速飭籌撥一摺據稱現在大兵齊集所費不貲兵多無餉大為可慮請飭山西陝西兩省於藩庫內無論正雜何項銀兩趕緊籌撥迅速解赴阿克蘇以濟急需所撥之項有須趕緊補還者另由戶部籌撥歸款等語軍餉最關緊要刻不可緩著王兆琛楊以增即將布彥泰所請籌撥銀兩及部議撥解款項迅速委員解往該處糧臺轉運軍營至所撥軍需之項必須趕

緊補還將來緩急足恃著再由戶部籌議歸款將此附本日六百里報便各諭令知之○又諭本日據薩迎阿奏請籌撥軍餉一摺並片奏派委大員馳赴巴爾楚克統領官兵等語又據吉明舒興阿奏賊匪潛擾東路三四兩軍臺派兵往剿賊已竄逸一摺覽奏均悉此次賊匪先因滋擾賴里克二臺當被官兵擊散茲復由樹窩子潛出擾掠邁那特三臺並阿朗格爾四臺燒燬房屋殺斃臺兵搶去

馬匹旋即竄去計此時奕山自阿克蘇統兵前進成玉所帶官兵當亦到齊與奕山會同進剿軍威大振不難淨埽妖氛惟所稱該匪等甫經擊散旋出滋擾一日之間連燒兩處軍臺又稱有馬隊賊匪究竟該處祇係匪徒乘間竊發抑竟係喀城賊黨長驅而來現在該匪等又馳赴何處著奕山等查探明確遇便具奏其伊犁派出喀什噶爾換防滿洲三營官兵即著催令趕緊抵防以資援應惟路

隔萬餘里調兵四路紛紛諭旨到時已非遙揣所能定計該參贊等務當恪遵本月二十五日所寄諭旨統籌全局盡力攻擊兜剿成擒毋令軍餉空糜祇成尾追驅逐之局將來兵撤再有滋擾豈不憤懣耶薩迎阿所奏剴委換防回任之陝安鎮總兵豐伸馳赴巴爾楚克統領各官兵遣勇嚴密防堵著奕山等酌量情形何處空虛即調駐何處接應不可株守誤事所請於山西陝西兩省藩庫內趕

緊籌撥銀兩解赴阿克蘇之處前已由部飛催起解茲又諭知各該撫遵照辦理並由戶部再籌款豫撥聽用但羅掘之餘實形支絀急盼捷音該將軍等務當將日後情形豫為計議及事至而始圖之恐糜費已不少矣勉之將此由六百里各諭令知之以江南漕標中軍副將阿隆阿為廣東潮州鎮總兵官○以拏獲擒首予河南知縣金朝棟等升補有差○命陝甘總督布彥泰撥銀六十五萬

兩解赴伊犁備道光二十九年經費○給河南祥符洛陽偃師鞏孟津登封陳留尉氏洧川中牟蘭儀滎陽滎澤汜水禹密新鄭長葛汲新鄉獲嘉淇延津封邱考城滑修武原武陽武臨漳鄭河內濟源武陟孟溫汝輝濬安陽湯陰四十一州縣被旱災民口糧有差○蠲緩直隸鹽山邯鄲廣平大名清豐武清安肅容城安青靜海滄南皮元氏邢臺南和唐山平鄉廣宗鉅鹿任永年成安肥鄉曲周雞

澤磁元城南樂東明長垣隆平新河宣化龍門寧晉三十六州縣被水被旱被雹村莊新舊額賦有差○丙午諭軍機大臣等福建臺灣地方遠隔重洋風汛靡定遇有文報往來傳遞遲速原不可以時日道里計然如本日遞到武攀鳳等奏審辦鳳山縣焚搶殺人首要案犯一摺係正月二十四日所發何以遲至八月之久始行遞到此摺原無關緊要僅係緊要事件如此遲延成何事體且恐有藉詞遇風有意遷延等弊著劉韻珂查明臺灣驛站水程向來如何計算何以漫無限制務即隨時整頓定立章程俾文報迅速傳遞以肅郵政至此次因何遲延之處一併查明具奏將此諭令知之尋奏遵詢武攀鳳等正月所發摺報係在洋遭風飄至琉球屬島九月甫抵廈門委無遷延等弊查臺灣傳遞文報向分三口一由鹿耳門遞至廈門收口一由鹿港之番仔窪遞至蚶江收口一由淡水之

八里全遞至五虎門收口請仍照舊章分作三口遞送期免遲誤從之○以盛京軍政年逾六十官三十員精力未衰命留任○予捕匪病故福建典史屠本祭葬卹廕陣亡兵丁陳明魁受傷兵丁邱仕禮賞卹如例○撫卹琉球越南二國遭風難夷如例

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百四十七

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百四十八

[illegible]

道光二十七年丁未冬十月丁未朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○頒道光二十八年時憲書○試中式武舉楊登魁等六十八人於太

和殿前○諭內閣載銓等奏會議另造硬弓以備應用著武備院於明春另行製造時先將弓胎盤挽極熟試歷兩寒暑再畫樺皮上架墜驗較之所議歷一寒暑當更妥協且於下科武鄉會試仍可不一誤調取平時妥為收貯屆期於前兩月調理純熟務要一律整齊毋許弓力稍有參差及歪閃情形致調用時轉滋弊竇其五旗所存硬弓亦著武備院一律另造亦如前驗試再交兵部令該旗領回

收貯備用所有舊存硬弓著仍交各該處照例存貯不可令胥吏等隨意拋擲或乘間竊取儻新製各弓有參差之處著即以舊弓比較○又諭前據奕湘奏副都統勘定鳳凰城邊柵與舊制圖冊里數不符又據慶佳奏勘明界址請按里行繩以清界限未便拘泥舊制各一摺當有旨派奕湘會同靈桂前往查勘茲據該將軍等覆奏一摺均著交軍機大臣會同該部一併覈議具奏○又諭李星沅奏擊獲引船夾帶私鹽請將運判等分別撤任革職究辦等語江南通州分司運判趙祖玉試用知縣顏晉敏督捆官鹽雇船裝運出場經委員查出私鹽一百十五萬九千餘斤之多實從來所未有藉官行私通同故縱非從嚴查辦何以懲私肅而儆官邪趙祖玉著即行撤任顏晉敏著暫行革職均交該督提同船戶人等確切研訊根究鹽斤來歷按律從嚴懲辦至攬頭婁鑑雖已潛逃不難弋獲

務將確情訊出。毋任狡飾推卸。儻有知情故縱情節。即行據實嚴參。○戊申

上御紫光閣閱中式武舉馬步射。○諭內閣。御史張寶璿奏。州縣吏役縱匪殃民。請飭查懲辦。一摺。州縣為親民之官。遇有匪徒擾害地方。自宜嚴拏懲辦。以安善良。乃如該御史所奏。各省有會匪捻匪。掖匪名目。聚集橫行。魚肉良懦。及事發控告。又為吏役朦蔽。概置不問。縱匪殃民。莫此為甚。各省督撫受恩深重。

一切安民察吏。應如何認真講求。乃於各該州縣縱盜害民。置若罔聞。總以塗飾將就為事。是受屬員之欺。而即以欺上。身為大吏。置國計民生於不問。天良安在耶。嗣後各直省督撫。務當嚴飭各該州縣。偵緝匪徒。漸絕根株。並嚴定章程。如該州縣有衙蠹包庇惡匪。被民人指名控告。一面申報。一面拏辦。免其查議。儻隱匿不報。別經發覺。即將該州縣從重叅處。再遇有民人上控匪徒擾害情節重。

大者。若仍批回原審之員。則小民受虐愈酷。該督撫酌量親提派員嚴審。訊有吏役庇護蒙蔽情事。即將吏役等加等治罪。並將該地方官嚴行叅處。該督撫等務當破除情面。以除莠安良為心。無得藉口積重難返。畏難苟安。使吏治民風蒸蒸日上。朕所望也。經此訓諭之後。儻仍泄沓從事。不能興利除害。覩顏坐鎮封圻。縱幸免朕之譴責。其將何以對此小民乎。懍之。將此通諭知之。○己酉

上御箭亭閱中式武舉技勇。○諭內閣。齊承彥奏。京師重地。亟宜嚴行保甲一摺。保甲一法。所以稽查奸宄。况京師五方雜處。良莠不齊。防範尤須周密。前曾降旨申諭步軍統領等衙門。按照章程。隨時嚴密稽察。自應永遠遵循。毋少廢弛。若如該參議所奏。近年五城編查保甲。漸不如前。竟至視為具文。殊失杜漸防微之意。著步軍統領衙門。順天府五城各飭所屬查照保甲章程。實力奉行。無分城市。

鄉村一體認真查察斷不准日久生懈亦不得任縱胥吏騷擾閭閻總期覈實辦理以昭嚴肅其各直省奉行保甲亦恐有名無實並著各該督撫督飭屬員一體詳細編查務使奸匪無從託足地方日就肅清以副朕除莠安良至意將此通諭知之○庚戌

上御乾清宮引見中式武舉親定甲乙○諭內閣武殿試一甲向取三人此次中式武舉朕親加校閱除一甲一名李信一甲二名姜國

仲馬步箭弓刀石俱稱外其餘各武舉內或馬步箭尚好弓刀石間有二號者或弓刀石尚好馬步箭中不及數者一甲第三不得其人未便遷就符額用示朕覈實掄才之意其鑲白旗漢軍中式武舉雲麟山東中式武舉曹天桂湖南中式武舉譔瓊林俱石力不符著罰停殿試一科補行殿試之鑲黃旗漢軍中式武舉海齡弓力不符著再罰停殿試一科所有應議職名著該部查明照例辦理○

緩徵陝西府谷神木葭懷遠四州縣被雹歉區新舊額賦○辛亥

上御太和殿傳臚賜殿試武舉一甲李信姜國仲二人武進士及第二甲鄧鳳林等八人武進士出身三甲楊登魁等五十八人同武進士出身○幸圓明園○詣綺春園問

皇太后安○緩徵山東濟寧禹城陽穀濮鄒汶上壽張鄆城邱魚臺臨清平原聊城堂邑博平茌平清平冠館陶高唐恩歷城章邱淄川

長山齊東齊河濟陽長清萊蕪東平惠民商河肥城嶧金鄉嘉祥陽信海豐霑化城武曹鉅野范朝城莘滋陽樂安滕昌樂臨邑德東阿樂陵濱利津鄭城夏津武城五十九州縣及屯坐各衛被旱被蟲村莊新舊額賦○壬子

上詣

安佑宮行禮○署阿克蘇辦事大臣扎拉芬泰泰伊聿等處兵勇陸續抵阿得旨覽阿克蘇

不當以一阿字代之著飭知又奏委阿克蘇章京花連布等公辦糧臺批人數太多不准概行委用事竣邀懇朕亦不能俞允○命戶部左侍郎柏後署兵部左侍郎陳孚恩馳往浙江查辦事件○除江蘇靖江縣添築礮隄占廢田十二畝有奇額賦○癸丑諭軍機大臣等文慶等奏查辦河南賑務沿途履勘大概情形一摺河南災區較廣辦理賑務自以清查戶口為先俟冊報到日放銀散賑該尚

書等即赴開封河南等處地方分投履勘務須逐處訪查覈實辦理俾小民均需實惠無致一夫失所儻查有浮開戶口剋減平色以及假手吏胥侵漁朘削等弊即行據實從嚴叅究所請將前任同知升任浙江杭州府遺缺知府之馬秀儒帶同查賑著准其帶往將此諭令知之○又諭有人奏豫東捻匪猖獗官吏諱飾東河商虞通判官署內被匪徒數百人劫去工銀八千餘兩是否實有其事著

該尚書等於查賑之便就近詳細訪察確切查明據實具奏毋稍徇隱將此諭令知之○禮部奏初十日

皇太后聖壽節受賀禮儀得旨仍照上年諭旨遵行○甲寅以鄭親王端華為後扈大臣○以工部右侍郎明訓署戶部左侍郎兼管三庫事○以鑲紅旗蒙古副都統都爾通阿署鑲紅旗護軍統領○乙卯上詣綺春園問

皇太后安侍膳○諭軍機大臣等奕山奏接奉疊次諭旨酌量調兵進剿一摺並另片奏相機辦理等語覽奏均悉巴爾楚克為回疆咽喉扼要之區奕山現已馳抵該處查悉賊匪前已竄入沙虎爾地方經領隊錫喇布等帶伊犁兵到後該匪即各聞風竄逸現在劉留寧夏等處換防官兵兼有烏什阿克蘇派去防兵多名計已足資防守其土爾扈特和碩特蒙古兵此時諒已到齊既據該大臣奏稱



該兵素為賊匪所畏自應飭令前進以壯聲威惟賊匪聞風先竄是其慣技僅統帶大兵甫抵二城而該匪先已飽颺徒令糜餉勞師尚復成何事體現在布彥泰已遵旨駐劄肅州該大臣責無旁貸惟當恪遵疊次諭旨督率兵勇出奇制勝總宜設法斷其歸路痛加勦戮使賊匪大受懲創知所畏懼毋令紛紛竄逸致貽後患至從逆回眾固應殄滅無遺其安分良回必當隨時綏撫切不可妄行殺戮以至玉石俱焚是為至要將此由六百里加緊諭知奕山並諭吉明舒興阿知之○丙辰

皇太后聖壽節遣官祭太廟後殿奉先殿

上率皇子及王公大臣詣綺春園行慶賀禮眾官於長信門外行禮○詣

皇太后前侍膳○丁巳

上詣綺春園問

皇太后安○諭軍機大臣等本日據吉明舒興阿奏葉爾羌東西兩路賊匪近日情形經官兵隨時擊退並嚴密防堵一摺覽奏已悉據稱賊匪現由推蓋卜依呢山口竄入回莊屢肆搶劫經遊擊花沙布雙來等率兵迎擊旋即退走嗣又有大股賊匪接踵而至且有馬隊衝突該遊擊等因眾寡不敵折回防堵其距巴爾楚克較近之沙虎爾卡汎亦有賊眾滋擾經官兵擊退後尚復屯聚窺伺現雖探悉東路二三四等臺並無賊匪消息而各城屢被竄擾賊勢仍形猖獗必當痛加勦捕刻計奕山統帶大兵已抵葉爾羌自必會同吉明舒興阿酌量情形相機進剿惟兵貴神速不可稍涉遷延致賊匪得以乘隙逃逸自當於大兵未到以前先行密派妥員設法潛赴喀什噶爾城內知照開明阿等同時掩捕內外夾攻更可操全勝之權總在該大臣等謀

勇兼施膚功迅奏朕惟佇聽捷音也至雙來等疊經擊退賊匪如果始終出力仍著隨時酌保用示獎勵此次傷亡兵勇並著查明咨部照例議卹將此由六百里各諭令知之○又諭布彥泰奏停止進援官兵酌撤糧臺歸併局務一摺覽奏均悉提督台湧現已折回其托克遜糧臺著照議裁撤俟官兵凱旋時檄令鎮迪道明誼馳往辦理所有肅州軍需局事務即著飭令署安肅道慶端暫時經理

樽節妥辦陝西臬司嚴良訓現無應辦之事著即回任餘著照所擬辦理將此諭令知之○戊午諭軍機大臣等李星沅等奏再行籌防洮湖等處情形一摺當交軍機大臣密議具奏茲據穆彰阿等悉心酌議如原奏所稱添購木牌有警則貯石鑿沈並先期豫備碎石及密存礮位安設重兵等事宜所議均屬周密俱著照該督等原擬辦理惟設防必期扼要而固守尤在得人該督等務當於無事

之時作有事之想勤加訓練總期有勇知方慎選人才俾共折衝禦侮庶人和策資乎地利而天險彌壯乎國威籌畫出於萬全而張皇不事兵民聯為一體而避遁無虞則尤在該督等隨事隨時實心實力諒該督等必能仰體朕意長存此有備無患之心也穆彰阿等原摺著鈔給閱看將此各諭令知之○又諭寄諭欽差戶部左侍郎柏復等有人奏山東玩縱盜賊情形一摺據稱山東各州縣盜

賊搶劫之案層見疊出該州縣諱匿縱容動輒賠銀了事甚至督同拏賊之官親兵役被賊槍傷斃命不敢直報總由大吏彌縫粉飾惡聞報盜所致巡撫崇恩統轄全省何至毫無見聞其平日之不知振作已可概見所稱臬司徐思莊示諭居民有巨盜進莊勿許驟攔其鋒祇許跟蹤尾捕俟其氣餒力困然後兜拏等語是其不能設法督緝措置乖方莫此為甚著該侍郎等按照原奏各情節逐一

訪查明確。據實叅辦。毋得稍存瞻顧。徇隱之見。致有不實不盡。是為至要。原摺著鈔給閱。看將此諭令知之。○己未。諭內閣。前據李星沅等奏。籌議江蘇額漕河海並運。當交軍機大臣會同該部議奏。茲據查議會奏。所有道光二十八年蘇州松江太倉三府一州漕白糧米。准其改由海運。其漕糧米石。務令兌交一色乾潔梗米。不准稍有攙雜。白糧一項。亦宜普律乾潔。著該督撫等嚴飭所屬。按則征收。認真盤驗。毋得稍滋流弊。至海運尤宜實力巡防。妥籌保護。並著該督撫詳考成案。參酌時宜。務籌妥善。其照舊河運等屬。仍著實力催徵。以肅漕政。另片奏蘇州松江太倉三屬漕船。未便連年全行減歇等語。辦理全漕。自當以河運為主。嗣後如有酌量變通之處。所屬漕船。如何輪流減歇。不致少有流弊。並著該督撫等通盤豫籌。妥議具奏。○庚申。上詣綺春園問。

皇太后安。○以察哈爾軍政年逾六十。官七十六員。精力未衰。命留任。○戶部議准廣西巡撫鄭祖琛疏報。天保縣開墾水田八埧一伯。照例升科。從之。○緩徵吉林三姓被淹村莊額賦。並舊貸倉穀。○辛酉。

上詣綺春園問。

皇太后安。○諭軍機大臣等。陸費瑤奏訪拏糾黨結會匪犯情形一摺。湖南新寧縣屬。與廣西全州交界之黃坡崗地方。有強人雷再浩。民人李輝。陳名機等。糾黨結會。希圖搶掠。並有居住全州五排梅溪口等處之強人蕭立山等。糾人入夥情事。迨經兵役捕拏。並地方紳民帶領壯丁。隨往幫捕。復敢逞兇抗拒。傷斃鄉民。實屬罪大惡極。若不上緊緝拏。全獲必致日久蔓延。該撫現已飛飭文武員弁。選帶兵役。馳往督拏。並於新寧縣接壤各處。就近派兵堵緝。即著嚴飭認真兜拏。毋稍疏漏。並著廣西巡撫鄭祖琛嚴飭全州文武員弁。

一體實力防堵務將蕭立山等上緊嚴拏並各逸犯按名全數弋獲盡法懲辦不准一名漏網該撫等務當嚴飭所屬不分畛域合力擒捕立盡根株是為至要將此各諭令知之○蠲緩湖南華容澧武陵沅江巴陵五州縣及屯坐各衛被水村莊新舊額賦有差○壬戌諭軍機大臣等鄂順安奏訊取現獲擒匪大概供情一摺山東擒匪疊次在該省各處訛詐搶奪復至直隸地方強借當舖銀兩又闖入豫境滋擾經該處地方員弁會拏圍捕擒斃多名現在訊取供詞並究出各首夥匪犯姓名籍貫已開單飛咨山東直隸一體嚴拏著該督撫等嚴飭所屬地方文武並派往將弁等督率兵役於三省交界地方嚴密校織巡查實力堵緝並著崇恩按照河南飛咨單開各擒匪姓名年貌籍貫按名查拏務獲不准一名漏網以戢奸宄而安閭閻鄂順安原摺並鈔給訥爾經額崇恩閱看將此各諭

令知之○廣東高州鎮總兵官余萬清因病解任以候補總兵官楊昌泗為高州鎮總兵官○以青州駐防軍政年逾六十官六員山海關等處駐防軍政年逾六十官六員精力未衰命留任○截留河南漕糧一萬四千四百餘石備賑○癸亥以伊犁駐防軍政年逾六十官二十七員廣州駐防軍政年逾六十官十三員精力未衰命留任○甲子諭內閣德誠等奏現放商米與原樣不符請飭查辦等語著花沙納朱鳳標前往該倉查驗明確據實具奏○諭軍機大臣等寄諭欽差戶部左侍郎柏葰等有人奏請飭勦捕山東盜賊一摺據奏山東各州縣盜劫之案不一而足甚至錢貨米糧累重之物飛灑道路號召貧民收取名曰放賑並於各典鋪挖括兵刃鐵器似此煽惑愚氓居心叵測必應及早查拏免滋後患所稱該省大吏以無事為福鎮道等不能率屬認真懲辦因循玩泄至於此極

著該侍郎等詳細訪查確實。即將巡撫藩臬不職各員縱玩掩諱以致盜賊公行之處。指名嚴叅。又另片奏。藩司王篤性喜飲酒畜養戲班。庫大使劉繼瑞干預公事。幕友家丁遇事招搖。庫款恐不可問等語。著該侍郎等明查暗訪。據實具奏。毋許稍有含混。是為至要。原摺片著鈔給閱看。將此諭令知之。○以湖北施南協副將楊青鶴為雲南普洱鎮總兵官。○乙丑

上御演武廳閱健銳營操。○諭內閣劉韻珂奏履勘臺灣水沙連六社番地體察各社番情據實覆奏一摺。當交大學士軍機大臣會同該部悉心計議。茲據穆彰阿等公同酌覈。以該生番輸誠獻地。固由不諳耕種謀食維艱。欲求內附以為自全之策。惟利之所在日久弊生。况生番熟番合壤而居。不能不與漢民交易。儻日後官吏控馭偶或失宜。即易激生事端。國家開闢邊境計畫必周。與其輕議更

張而貽患於後。不若遵例封禁而遏利於先。所議自係籌及久遠。未肯遷就目前。且此項番地舊以土牛為界。乾隆年間復立石碑。例禁基嚴。自應恪遵舊章。永昭法守。該督所請六社番地歸官開墾之處。著毋庸議。○又諭載容等奏請補裁蟠龍松樹一摺。著欽天監相度方向。選擇吉期。移咨載容等敬謹補栽。諭軍機大臣等。前有旨令奕山會同吉明等將賽什雅勒泰自戕一案。有無別情。詳查

具奏。復諭令布彥泰於該故員家屬入關時詳細推求。並將此案疑竇多端。示知該督令其悉心究詰。茲據布彥泰奏稱該故員家信往來從無迫促憤激之詞。並其家屬口傳有不肯畏縮輕生等語。現在軍書旁午。該督又駐劄肅州。未能訪查確實。著奕山吉明舒興阿於軍務告竣後。即將此案明查暗訪。逐層推鞠。務期情無隱遁。毋令死者含冤。其防兵道以正持刀逞兇。揪扭該故員之子勒寫字

據一案。與此事有無牽涉。尤當根究詳明。以成信讞。將此各諭令知之。○賞御前二等侍衛穆克登額頭等侍衛乾清門藍翎侍衛德興阿三等侍衛命御前三等侍衛伊昌阿退出御前侍衛仍在乾清門侍衛上行走。○緩徵江西進賢新喻安義南昌新建豐城上高新昌清江新淦峽江德安建昌彭澤德化鄱陽湖口星子廬陵吉水萬安二十一縣被水被旱災區新舊額賦。○丙寅

上詣綺春園問

皇太后安。○以黑龍江軍政年逾六十官四十七員江寧京口駐防軍政年逾六十官九員密雲等處駐防軍政年逾六十官九員精力未衰命留任。○丁卯諭內閣前據御史王東槐奏山東地方官玩縱盜賊措置乖方各情。形當交柏葑等嚴密訪查。茲據柏葑等奏稱訪查該臬司刊刻告示一本與該御史所奏相同。並將編查保甲司道聯銜札示一併呈

覽。保甲之法原為弭盜良規。乃平日既不能實力奉行。及至盜匪充斥。僅託空言。全無實效。巡撫有統轄全省之責。司道等亦職在察吏安民。於該省緝捕重務。先事不思豫防。臨事復不能妥速籌辦。以致延及鄰省。所司何事。實屬咎有應得。崇恩王篤徐經王懿德英桂岳齡均著先行交部嚴加議處。至臬司徐思莊告示居民。則稱巨盜進莊。止許鳴鑼集眾。勿許驟搜其鋒。賊去始令追捕。並有以縱

為擒。以予為取之語。其意何居。實屬紕謬不通之至。徐思莊著即行革職。御史王東槐陳奏得實。著遇有給事中缺出。即行升補。仍交部議敘。○諭軍機大臣等柏葑等奏查辦事件。先行奏聞。一摺。覽奏均悉。據奏中途查訪賊匪巢穴。詢得山東曹州府與直隸開州東明縣接壤地方。實有計謀山俗稱雞鳴山。距開州東明約三百餘里。前有匪徒占據。將寺僧殺斃。自立名號。四出劫掠。現雖有因拏

逃竄之說未必確實。著崇恩派委文武員弁。迅即前往該處嚴密查拏。此地界連三省。並著訥爾經額、鄂順、安嚴飭所屬於該交界地方協同堵截。欲清匪跡。必須先搗巢穴。若僅委之差役緝捕。虛應故事。儻該匪等稍有恣橫。反費周章。著該督撫等遵派妥實員弁酌帶兵丁。密偵按捕。分頭兜緝。務令悉數就擒。毋任一名漏網。以靖奸宄。而安善良。將此各諭令知之。○江南河道總督潘錫恩奏回空

軍船灌放第二塘日期得旨大雪為期不遠。儘力催放。不准遲延。○兩江總督李星沅奏清查情形一摺。得旨任怨覈實則得矣。否則負重寄矣。○調山西按察使劉源灝為山東按察使。以甘肅鎮迪道明誼為山西按察使。○以荊州駐防軍政年逾六十官十三員精力未衰。命留任。○戊辰

上御洞明堂。勾到浙江江西安徽情實罪犯。停決浙江斬犯三人。安徽斬犯一人。絞犯二人。

餘五十八人予勾。○諭內閣花沙納等奏查驗祿米倉商私米色據實覆奏等語。祿米倉存貯商米甫及半年。何至灰暗如此之速。且天堆浮面。又與該監督等公同包封米樣不同。其中顯有影射於前掩飾於後情弊。所有該倉花戶人等著交刑部審訊。嚴行懲辦。該倉監督著聽候傳訊。分別辦理。尋奏花戶李德林專司厥口。經收商私米石並不及時曬晾。以致損壞六十餘石。現經該倉場侍郎著

落分賠外。李德林應革去花戶。按律杖一百。加枷號一月。監督察翰泰等交部議處。從之。○又諭本日奕山由五百里馳奏路遇賊匪連獲勝仗一摺。葉爾羌所屬科科熱依瓦特地方有賊匪數萬。在該處屯劄。該參贊督領官兵趕緊前進。正行走間。馬步賊匪數萬蜂擁前來。槍礮並發。勢甚兇猛。該參贊將馬步隊分為三路。中路提督成玉率領步隊施放連環擡礮。賊匪不能進前。分左右來衝。復經

左翼領隊錫喇布等右翼領隊忠泰毓書等率領馬隊擡礮槍箭並發賊匪披靡敗走我兵向前追趕賊匪左右伏兵來衝復分兵迎擊賊匪力不能支隨即竄逸追至科科熱依瓦特地方賊匪復整隊來迎我兵奮勇向擊自午至申賊匪槍礮不繼又復潰散先後生擒賊匪八十餘人傷斃不計其數獲槍礮刀矛旗纛駝馬帳房無數並獲大礮一尊該匪蟻聚數萬餘人經該參贊等督率兵勇奮力

前擊一日三戰以少勝多奮勇可嘉朕心欣慰之至奕山著賞給二等鎮國將軍賞戴雙眼花翎並賞給喜字玉搬指一箇白玉翎管一箇仍交部從優議敘提督成玉著賞戴雙眼花翎並賞給烏勒興額巴圖魯名號領隊錫喇布著賞給呼爾敦巴圖魯名號忠泰著賞給齊琛巴圖魯名號領隊毓書著賞給頭等侍衛均著交部從優議敘協領西喇那吉魯木圖固呢杭阿並在事尤為出力員升著

該參贊查明保奏候朕施恩至畧阿克蘇辦事大臣扎拉芬泰辦理糧臺源源滾運應需軍火口糧一切無誤亦著加恩賞戴花翎仍交部從優議敘○諭軍機大臣等據奕山馳奏行抵葉爾羌督兵迅速前進又路遇賊匪連獲勝仗各一摺另片奏擎獲喀什噶爾送信回子訊取供詞等語又據吉明等奏添派進征官兵及留防東路臺站又賊攻營盤官兵極力抵禦適大兵馳至隨同獲勝各一摺

覽奏欣慰之至此次奕山由葉爾羌督兵前進路遇賊匪數萬人連獲勝仗擒斬甚多奮勇可嘉已特頒恩旨將奕山等優加懋賞矣賊勢甚眾經中途勦擊以少勝多賊膽已落著奕山乘機進剿務須恪遵疊次諭旨督率兵勇出奇制勝總宜設法斷其歸路毋令首逆潛逃致貽後患儻首逆業經就擒或已確實殲斃即遵前旨由八百里馳奏以慰朕念至從逆回眾自應悉數殲除其安分良回必



宜加意撫綏俾無失所斷不可妄加殺戮致令玉石俱焚是為至要其拏獲喀什噶爾所屬地方回子巴海一名既據訊由開明阿等遣與葉爾羌送信業經賞給頂翎銀兩即著解交吉明查明辦理至賊眾圍攻科科熱依瓦特營盤經遊擊花沙布等極力抵禦所有出力員弁著查明保奏傷亡弁兵查明咨部議卹其由賊隊內逃出葉爾羌回子一名據供賊匪分為兩路來攻著吉明等密飭防堵官兵隨時偵探加意嚴防儻有賊匪竄入即行相機勦擊毋稍疏虞餘均著照所擬辦理將此由六百里加緊各諭令知之○以西安駐防軍政年逾六十官二十七員精力未衰命留任○己巳諭內閣前據耆英奏廣東平海營官兵技藝生疏聲明將該營備弁停升勒限操演茲據奏稱教演一年期滿抽調校閱槍箭技藝較前俱有起色該備弁等於一年之內將官兵練習改觀尚知愧奮著准其

照常升轉以示激勸○諭軍機大臣等劉韻珂奏福州廈門夷情安帖現辦情形等語夷人入內地應至處所前經申明條約議定界址不准稍有踰越茲據夷有至福建連江縣所屬地方打鳥雀之事又有花旗夷人疊次進城租住房屋廟宇雖經該委員等阻止惟該夷等踰界遊行究屬有違成約並恐各居民無端肇釁致釀事端且恐有匪徒假冒滋事如廣東人陳恭倫者均不可不防其漸著耆英諭知各該夷首傳諭各口領事人等嚴行約束該夷人毋得擅違界址任意遊行務須恪遵成約永杜釁端劉韻珂原片著鈔給閱看將此諭令知之○又諭前據陸費瑔奏湖南新寧縣屬與廣西全州交界之黃坡崗地方有猛人雷再浩等糾黨結會希圖搶掠逞兇抗拒曾經降旨飭令陸費瑔派兵兜拏並令鄭祖琛飭屬一體堵緝茲復據鄭祖琛奏湖南新寧縣屬會匪擾及全州所屬各村

莊肆行焚掠抗拒官兵實屬罪大惡極若不迅速勤捕必至蔓延滋事該撫現已調派文武員弁兵丁前往迅速勦禦並於要隘處所派兵防堵飭委按察使馮德馨前往督辦馬殿甲著即督飭將弁協力堵拏一體嚴行防範該撫仍察看情形如未能迅速撲滅亦著親往督辦並著湖南巡撫陸費璣嚴飭文武員弁一體堵緝合力搜捕務期立盡根株毋許一名漏網是為至要餘俱照所擬辦理將

此各諭令知之○又諭有人奏湖南盜賊橫行省城南門內萃升錢鋪被賊劫銀九百餘兩犯無一獲又另片奏告病回籍之前任太常寺卿唐鑑船泊湘陰縣被賊劫銀六百餘兩及金器等物並有拒傷事主及跟役之事正賊亦未弋獲各等語省城重地賊眾膽敢肆行湘陰逼近洞庭尤為盜賊易於藏匿之地著裕泰陸費璣嚴飭所屬嚴密查拏務在有犯必懲毋得玩縱貽患以靖地方而安行

旅是為至要原摺片著鈔給閱看將此各諭令知之尋奏錢鋪被劫已據該縣獲賊黃金連等三名估贓一百九兩其湘陰縣案犯亦據該縣拏獲另案盜犯黃二作究出此案夥黨王亞遠等姓名咨移湖北將正盜真贓獲破惟尚有逸犯未獲現復嚴飭剋日全獲究辦得旨上緊緝拏不准疏懈○以熱河軍政年逾六十官十九員精力未衰命留任○庚午諭內閣奕山奏大兵復獲勝仗賊匪分竄

英吉沙爾城垣解圍一摺英吉沙爾城垣久被賊匪圍繞文報不通經奕山於科科熱依瓦特地方連獲勝仗後督率官兵長驅直進馳至距英吉沙爾三十餘里地方忽有賊匪數千人自山後突出該參贊飭令提督成玉率領官兵一同向擊槍礮齊施該賊匪被擊傷斃不計其數餘匪逃竄復經領隊錫喇布等帶領馬隊追趕直至英吉沙爾城西沙梁賊匪向西竄逸官兵進城該參贊等乘勝長

驅重圍立解殊為可喜奕山著加恩賞給喜字白玉搬指一箇喜字白玉翎管一箇黃瓣珊瑚豆大荷包一對小荷包二箇並交部從優議敘奕山之子三等侍衛載驚著加恩賞挑乾清門提督成玉領隊西喇布忠泰毓書均著加恩各賞給白玉搬指一箇白玉翎管一箇俱交部從優議敘忠泰並著加恩賞挑乾清門各協領並在事尤為出力員弁著奕山查明保奏候朕施恩○諭軍機大臣等昨

有旨將甘肅鎮迪道明誼簡放山西臬司該員現在辦理糧臺事務著布彥泰飭知俟軍務完竣後再行具摺請覲將此諭令知之○辛未

上命

皇四子 行初定禮○緩徵湖北漢陽咸寧嘉魚蒲圻漢川沔陽黃梅鍾祥京山潛山天門應城江陵公安石首監利松滋枝江黃陂孝感潛江荊門江夏黃岡雲夢廣濟蘄水二

十七州縣及也坐各衛被水被旱村莊新舊額賦○壬申

上詣綺春園問

皇太后安○諭內閣廉敬等奏乍丫大小喇嘛震懾天威退還侵占地方情願當差出具永不翻悔甘結地方平靜驛路疏通並分別革黜治罪結案一摺此案乍丫大小喇嘛挾嫌殘殺爭控不休甚至阻滯官兵梗塞道路經廉敬琦善等遵旨專派番目等前往該處按

照敕書經典嚴行查訊該大小喇嘛等咸知省悟情願痛改前非出具甘結當將占據地土退還各頭目分別定罪俾各恭順當差不至仍前抗違所辦妥協可嘉之至所有前此派令查辦此案之四川委員宣瑛姚瑩於投遞稟票輒用漢文札飭以致得所藉口辦理本屬疏略均著交部議處此後各呼圖克圖遇有事件逕稟駐藏大臣覈辦不准文武員弁干預即呼圖克圖出缺亦毋庸另委代辦

其頭目祇准擇人不得互相襲充以息爭訟而杜夤緣餘著照所擬辦理至另片奏派往查辦此案奮勉出力之噶布倫汪曲結布前已賞戴花翎給予二等台吉著再准承襲一次德爾格特二品頂帶土司達木齊奪爾結策凌拉木結著賞戴花翎其大頭人江卡格勒著賞給五品頂帶花翎商卓特巴噶桑曲敦著賞給達爾漢堪布虛銜榮及其身唐古特二等台吉堅參歐柱碩第巴覺爾結六品

江達營官策墊倫珠六品作崗營官江巴克珠均著以應升之缺儘先升用以昭激勸○直隸總督訥爾經額奏省城得雪情形得旨京師亦於是日微飄雪霰不成分寸朕甚殷望也又奏開州等州縣堵捕豫東兩省匪徒尚屬嚴密批如有竄入者不准一名免脫第一防其暗相勾結○癸酉諭內閣本日據奕山馳奏喀什噶爾賊匪分竄城垣解圍並收復回城一摺該參贊於兩次擊散賊匪後督

兵由英吉沙爾前進未到喀什噶爾即探知該賊匪先已聞風竄逸盡數逃散出卡官兵整旅入城現在搜查回莊餘匪等語此次回匪入卡滋事本係烏合之眾喀什噶爾雖被圍困並未逼近城垣經奕山等督兵赴援兩次擊散賊匪卡內肅清勦辦尚為迅速奕山等屢經降旨加恩所有先後出力各員弁著查明據實保奏至喀什噶爾城本堅固當賊匪入卡滋事時該城大臣開明阿等坐擁重

兵先事既失防範臨時又復退衄所統滿洲綠營官兵臨陣推諉致誤事機及至城垣被圍存城官兵尚有三千餘名之多未能遣兵出城衝擊坐守待援一籌莫展庸懦無能實屬可恨開明阿豐伸泰著即解任由奕山派委妥員解交布彥泰嚴審確情定擬具奏喀什噶爾辦事領隊大臣著毓書暫署換防總兵著錫喇布暫署一切善後事宜並著奕山會同吉明舒興阿毓書等酌量妥辦奕山著

俟事竣再回葉爾羌參贊大臣本任○又諭現在大兵克捷二城解圍布彥泰著仍回陝甘總督本任文慶著無庸前往署理前頒定西將軍印信著布彥泰遇便恭繳該督帶往肅州弁兵均著撤回歸伍所有軍需局務著即督飭經手各員覈實報銷毋稍冒濫○諭軍機大臣等本日據奕山奏喀什噶爾賊匪分竄現已解圍回城業經收復一摺覽奏已悉據稱賊匪雖經逃竄該處回莊甚多且距邊卡較近難保該匪等不勾結藏匿復行窺伺滋事仍著奕山督飭弁兵詳細搜查務令餘匪淨盡邊圉肅清仍不驚擾良回殃及無辜此次調赴喀什噶爾各兵該大臣即酌留千數以備防剿其餘各兵均令撤回歸伍領隊忠泰及各協領著奕山擇其帶兵得力者酌留數員隨同防守期免疏虞開明阿豐伸泰坐失機宜遇賊先敗已明降諭旨著奕山派委妥員解交布彥泰審辦所有應行實訊

之人著一併解往以便研究確情其開明阿豐伸泰因何肇釁又臨時敗退是否因伊兩人意見不合進退失據或剛愎自用或不得兵心或臨陣畏蕙致誤事機及一切廢弛情事該大臣仍一面明查暗訪據實密奏毋稍瞻徇斷不准令伊二人知之至另片奏阿奇木伯克伊斯瑪依爾捐辦麵斤草料等項備賞兵勇之處亦著該大臣於事竣後聲明請獎此外各城伯克尚有捐備軍需者著一併查明具奏候朕施恩又另片奏請飭布彥泰前往商辦善後事宜等語此次二城本無疏失即善後應辦各事諒亦無多即著奕山毓書會商吉明趕緊妥辦總期周密無遺是為至要奕山著俟辦理善後事竣再回本任將此由六百里加緊諭令知之○又諭本年回匪滋擾喀什噶爾初起事時人數無多開明阿等身任大臣坐擁重兵不難立時殄滅乃竟因循觀望遇賊即敗退入城被賊圍困數

月毫無措置。及奕山大兵已到。目擊賊匪逃散情形。尚不知率兵夾擊。其庸懦無能。實屬可恨。已明降諭旨。將開明阿豐仲泰均解任。著奕山解交布彥泰審明嚴辦矣。該員等平日既訓練無方。臨事又首先潰散。以致坐失事機。勞師糜餉。且恐有剛愎自用。或不得兵心。或臨陣畏蕙。諸事廢弛。致啓邊釁情事。著布彥泰於該員等解到時。嚴行訊究。務得確情。如有狡展推卸。即著奏參革職。設有提同。

該處章京兵弁對質之處。即飛咨奕山。按名解赴甘肅。詳審究擬。據實具奏。毋稍徇隱。至二城現已解圍。喀什噶爾換防總兵已派錫喇布暫署。仍著布彥泰於陝甘兩省總兵人員內。擇其熟諳邊情。能勝領兵之任者。奏明派往更替。以重邊防。將此諭令知之。○又諭。據薩迎阿奏。請將派出各員。仍留印房會辦事件等語。此時大兵克捷。南路各城解嚴。伊犁軍糧局既經裁撤。所有前經派出之各處。

當差人員及廢員等。一應咨覆事件文案。諒亦無多。著該將軍飭令。仍回本處當差。將此諭令知之。○又諭。擡槍為軍中利器。最為適用。其帶往軍營。或存貯各城備用。各擡槍如有殘缺損壞。不堪使用者。著奕山薩迎阿。飭令隨時檢齊解回內地。不得留貽口外。致為回人所得。並著傳諭各該城大臣一體恪遵辦理。將此各諭令知之。○湖廣總督裕泰奏。清查苗疆屯田。並懲究無賴痞苗。得肯善者。

撫之。惡者懲之。不肖之文武黜之。一切悉秉公正。自可永無事矣。切記勿忽。○除江蘇常熟縣因公占廢田六十七畝。有奇額賦。○甲戌。

上御洞明堂。勾到江蘇河南山東情實罪犯。停決江蘇斬犯四人。河南斬犯七人。絞犯八人。山東斬犯三人。絞犯一人。餘六十六人予勾。○乙亥。諭內閣。每年各省辦理秋審。詳覈律例。原為慎重民命起見。然往往惑於救生不。

救死之說。遷就定讞者。恐亦在所不免。即如語言調戲致婦女羞忿自盡之案。山東河南兩省前曾於一年之中多至五六起。雖案情間或相同。亦何至如此之多。難保非該地方官因此等案犯。向免予勾。遂爾緣飾案情。豫為開脫地步。疊經降旨。令各該督撫等於此等關繫人命之案。詳細推鞠。斷不可使死者含冤。乃本年秋審招冊。經朕詳加披閱。河南一省。語言調戲致室女本婦羞忿自盡之案。

又復多至八起。仍恐地方官辦理此等案件。避重就輕。難免狃於積習。大非朕明慎用刑之意。特再申諭各直省督撫。督飭臬司及各地方官。嗣後遇有似此案情。虛衷研鞠。務得實情。期於毋枉毋縱。按律定擬。以除錮習。而平刑章。○諭軍機大臣等。本日據吉明等奏。恭報喀什噶爾城垣解圍。停止未到官兵。現辦各情形一摺。覽奏均悉。喀什噶爾城中倉存儲備軍需糧料。既足敷應用。所有葉爾羌

尚未起運之糧料。著即行停止撥運。其前議按臺滾運章程。著毋庸議。草地各臺站。亦即裁撤。至奎里鐵列木莊藏匿賊匪。已大半逃竄。該大臣等現飭派弁兵前往擒捕。該莊回戶均係情蘭。疊次從逆。自不可仍令居住。該莊著吉明等酌量情形。嚴行查辦。該回子家屬等應如何分別遷徙。妥為安插之處。著咨商將軍薩迎阿。妥行辦理。其由喀什噶爾及奎里鐵列木莊陸續逃回之葉爾羌伯克回

兵及探信回子共二百數十名。該大臣已飭押解來城審訊。此項回子本無知識。不能以內地之法繩之。著即詳細研鞠。如情有可原。尚可貸其一死。該大臣等惟當審度情形。分別覈辦。總期無枉無縱。以懲奸慝。而靖邊隅。是為至要。將此由六百里諭令知之。○又諭喀什噶爾地居關外極邊。界連安集延。布魯特等處。回莊該城辦事領隊大臣有控馭撫綏防守邊卡之責。員缺最為緊要。得人簡任。

方不至有辜職守。布彥泰前在新疆年久。於各該城領隊辦事。大臣及協領之賢否。諒所深知。其有堪勝喀什噶爾之任者。即著據實奏聞。候朕簡用。將此諭令知之。○又諭德齡奏賊匪逃竄英吉沙爾業經解圍一摺。此次回城收復。所有善良回眾。著即加意撫綏。毋令失所。餘匪尤宜挖查淨盡。賊匪所築礮臺。即行拆毀。城外暗窰地道。著即趕緊填堵。所有應辦各事宜。該大臣務當督飭弁兵認真妥辦。次第經理。毋稍率忽。是為至要。將此諭令知之。○兩廣總督耆英奏防堵湖南會匪得旨密速查拏。勿留餘孽。○以鑲藍旗護軍統領珠勒亨管健銳營事。○丙子

上詣

安佑宮行禮。○諭內閣。昨日兵部帶領引見期滿二等侍衛二等子爵降旨。以副將用之馬鳳圖係原任提督馬濟勝之子。馬濟勝曾經出師著有勞績。馬鳳圖著加恩遇有各省副

實錄卷四百八

早

實錄卷四百八

聖

將缺出。即行補用。○蠲緩安徽鳳陽靈璧五河懷遠定遠盱眙懷寧潛山宿松望江銅陵泗水長無為合肥壽宿鳳臺潁上滁來安和桐城太湖貴池青陽建德東流當塗蕪湖繁昌廬江巢阜陽霍邱亳太和含山建平三十九州縣及屯坐各衛被水被旱災區新舊額賦有差

大清宣宗效天符運立中體正至文聖武智勇仁慈儉勤孝敏成皇帝實錄卷之四百四十八



大清宣宗效天符運立中體正至文聖武智勇  
仁慈儉勤孝敏成皇帝實錄卷之四百四十九

仁慈儉勤孝敏成皇帝實錄卷之四百四十九

臺灣總督府民政司長 大正十一年三月

天府府尹李蔭隨等以五級紀錄十八次。貴州總督官羅遵謀官吏部尚書鍾。並議漢軍都統管理新營房城內官房大戶村寨內。

七倉大臣捐奉會同譯館下添加一級隨帶四六級軍功加三級紀錄五次。花沙納總巡撫官文淵間提奏閩事兵部尚書總督

內務府大臣銀由揆其洲都路捐賑內七倉大臣管理索人府銀庫左翼初言學 宣帝立國明等處精拔管辦茶膳店御藥房主

醫治，這樣處事於適當四十八款，且阿靈阿則裁撤官糧運旗官兵等處隨帶四十六款，共錄二十次，周祖德等奉

秋

道光二十七年丁未十一月丁丑朔諭內閣

前據御史毛鴻賓奏山東藩司疏於約束庫款恐不可問等語當交柏後陳孚恩嚴密查訪茲據柏後等訪查具奏所有山東藩庫實存現銀覈計封貯及正雜各款是否相符並收發例借抵撥各名目著山東巡撫迅取具藩司衙門清冊奏交戶部確切查覈有無虧短據實覆奏至該藩司王篤家丁王瑞接辦該署中事務難保不遇事招搖不安本分據訊稱因病回京著步軍統領衙門按照住址

將該家丁王瑞拏獲送交刑部審辦山東藩庫大使劉繼瑞雖訊據供稱並未干預公事惟該員職司藩庫啓閉恐尚有應訊之處劉繼瑞著即撤任交該撫派委看管俟戶部覈明具奏後再由該撫定擬辦理另片奏查出該藩司幕友王壬熙違例充幕等語山東候補運庫大使王壬熙以分發本省官員不知避嫌久居藩幕難保無招搖情事王壬熙著卽革職亦交該撫派委看管統俟戶部覆奏

後再行查明覈辦○以成都駐防軍政年逾六十官四員精力未衰命留任○貸綏遠城右衛官兵修理衙署兵房俸餉銀○戊寅

上詣綺春園問

皇太后安。御乾清門聽政。諭內閣李星沅奏請將巡洋不力之總兵革任留緝一摺。江南蘇松鎮總兵林明瑞於海洋劫掠多案。既不能先事豫防。迨經降頂革留。仍復不知愧奮。以致舊案既多未獲。新案又復頻仍。輒敢

稱疾回署並不竭力督拏當此捕務喫緊之時即革任留緝亦不足以資驅策林明瑞著即行革任飭令回籍○命山東布政使王篤來京以湖南按察使徐澤醇為山東布政使調湖北按察使程煥采為湖南按察使以服闋按察使常大淳為湖北按察使○以福建閩安協副將沈河清為江南蘇松鎮總兵官以河南駐防軍政年逾六十官二員精力未衰命留任○緩徵兩淮富安豐梁垛東

臺何垛丁溪草堰劉莊伍佑新興廟灣十一場被旱被水竈戶舊欠額課○蠲緩河南祥符陳留尉氏洧川中牟蘭儀滎陽滎澤汜水禹密新鄭鄭汲新鄉獲嘉淇延津封邱考城滑輝濬修武原武陽武濟源武陟溫洛陽偃師鞏孟津登封臨漳安陽湯陰汝長葛武安內黃孟河內杞許鄆陵商邱寧陵永城鹿邑虞城夏邑睢柘城林涉宜陽嵩淮寧西華太康扶溝鄆城息六十四州縣被旱村莊新舊

正雜額賦有差○己卯諭內閣現在

如皇貴妃患恙尚未痊愈惠親王綿愉著留圓明園侍奉俟除夕入城至初二日食肉後即行回園所有該管一切差使免其到班○又諭前據裕誠等奏體察蒙古情形酌定查旗年分一摺當交該部議奏茲據理藩院會同兵部覈議所請嗣後每屆考驗軍政之年該都統副都統輪流輕騎減從出口考覈查驗一切此外年分責成該總管認真經理切

實具報毋庸另行隔年往查以示體恤其出口查驗時並著各旗兵丁全數調赴兩翼齊集處所逐一校閱分別獎黜蒙古官兵騎射本其所長惟各項技藝亦須嫻熟該都統務飭各該總管隨時認真操演勿致有名無實如有年老平常技藝生疏軍器未能完整等情即著據實嚴叅懲處以肅旗務其軍臺官兵駝馬亦於該都統等每屆考驗官員軍政之便認真抽查毋任草率○又諭文慶等奏

參辦理賑務造冊朦混並辦賑未能妥協之知縣請先行分別嚴議議處一摺河南滎澤縣知縣張沂於災賑重務假手吏胥致城內住戶混入村莊丁冊且該縣戶書有授意地保造冊弊混之事該員毫無覺察實屬玩視賑務著先行交部嚴加議處如查有知情故縱情弊即行嚴叅提究汜水縣知縣謝益並不查照章程按戶給票驗票給銀輒將銀票並放以致錯雜不清雖據查明尚無弊竇辦

理究未妥協著交部議處又諭布彥泰奏軍務藏功請裁撤軍需局並請量撥現存銀兩分貯各城一摺現在大兵克捷軍務告竣肅州軍需局著即行裁撤委員人等概令回省其支收軍餉事宜著責成署安肅道慶瑞覈實造報歸併省局辦理所有現存肅州軍需局銀二十八萬兩著分解伊犁烏魯木齊阿克蘇葉爾羌等處由該將軍都統大臣等樽節撥用儉有贏餘即各奏明封貯以備要

需諭軍機大臣等本日據文慶張澧中奏遵查商虞通判署中實有被劫官銀衣物一案請飭查拏又據崇恩奏拏獲行劫商虞廳署匪犯究出首夥各犯籍隸江豫兩省飛咨飭緝各等語此案前據鄂順安奏稱商虞廳衙署於本年九月初一日夜被盜匪多人從北岸渡河執器入署行劫官銀衣物盜匪均係山東口音估贓值銀六千三百餘兩等情茲據文慶等訪查情形亦屬相符惟現據崇

恩奏稱截獲此案匪犯邵知文訊據供係荷澤縣人投入河南夏邑縣捻首張三胖捻內張三胖一捻共有六七十人多係河南夏邑縣人亦有江南碭山縣人已將各逸犯姓名籍貫開單飛咨河南江蘇一體飭拏等語捻匪籍隸何省如何糾結必應訊取確供方可按名按捕著柏後陳孚恩於審辦兗州一帶劫案完竣後仍折回濟南提齊現獲行劫商虞廳之邵知文一犯及續獲各犯研究夥黨

若干詳開姓名籍貫一面飛咨各該省盡數  
撥拏一面據實奏聞其邵知文一犯著崇恩  
先行飭令嚴禁聽候提究仍飭嚴拏逸犯務  
獲此外尚有籍隸江豫各逸犯已據崇恩開  
單咨會嚴拏並著李星沅鄂順安遵委妥幹  
員弁查照單開各逸犯姓名逐一按查務期  
按名弋獲迅即解往山東省城交柏後等歸  
案審辦毋許一名漏網將此各諭令知之○  
又諭寄諭伊犁烏魯木齊阿克蘇葉爾羌各

將軍都統大臣本日據布彥泰奏軍務藏功  
請量撥軍需局銀兩分解各城一摺現在軍  
務雖竣而留駐重兵供支需費且凱撤各兵  
經過之處亦須支應一切已有旨飭該督將  
現存軍需局銀二十八萬兩如數分撥伊犁  
烏魯木齊阿克蘇葉爾羌各城收貯該將軍  
都統大臣等接收此項銀兩務宜樽節撥用  
事竣覈實造冊報銷儻有贏餘著即奏明封  
貯備用切不可稍事浮冒致滋糜費將此各

諭令知之○又諭前據陸費瑤奏湖南新寧  
縣與廣西全州交界地方猖匪糾黨搶掠抗  
拒兵民復經鄭祖琛奏委臬司馮德馨前往  
督辦並咨行提督馬殿甲調派官兵協同剿  
捕茲據王宗貴奏派兵馳赴新寧堵剿並探  
得該匪雷再浩等屯住梅溪口灣底一帶經  
該鎮道率領官兵役勇分途合力進剿等語  
此次猖匪結會滋擾界連兩省據該提督奏  
稱該地方文武先已生擒李學林等三十餘

名格斃匪徒不少並將雷再浩之妻藍氏拏  
獲其粵省匪徒李世得等亦經官兵殲擒該  
匪雷再浩等形勢已孤自應迅速堵拏撲滅  
淨盡著該提督嚴飭將弁不分畛域上緊兜  
拏務期全數弋獲不留餘孽儻未能即時擒  
捕淨絕該提督即親往督剿以期剋日藏功  
將此諭令知之○又諭本日據崇恩奏查明  
曹州府屬與直隸接壤各州縣境內並無計  
謀山即雞鳴山之名惟天下郡國利病書載

直隸開州境內有雞鳴山。但別無計謀之名。又查濮州境內有金寶山。曾有匪徒聚眾劫掠。是否即係此山。現已添派文武員弁馳赴該處確切偵訪等語。雞鳴山在直隸山東交界之處。前此既有匪徒占踞。四出劫掠。即不論其山在何省境內。但有匪徒蹤跡。應不分畛域。協力查拏。著訥爾經額。仍遵前旨。嚴飭派委各員。會同山東委員。迅往掩捕。嚴密挖查。務期搗其巢穴。盡法懲辦。毋得稍留餘孽。

致滋後患。將此諭令知之。○展緩陝西咸寧長安咸陽興平臨潼高陵涇陽三原渭南醴泉大荔蒲城華乾武功十五州縣積歉村莊新舊額賦。○庚辰

上御洞明堂。勾到山西直隸熱河情實罪犯。停決山西斬犯三人。直隸斬犯二人。絞犯一人。熱河絞犯一人。餘五十七人。予勾。諭軍機大臣等。現在大兵克捷。二城解圍。賊匪業已遠竄。自無須出卡窮追。惟前據吉明等奏稱。

訊據安集延回子熱孜克。供稱此次賊首係阿里瑪斯玉素普和卓之子布孜爾罕愛林伯克巴布頂和卓之子倭里罕條列加瑪爾密喇普張格爾和卓之子罕和卓斯底爾罕等勾結滋事。並據該參贊及各該大臣查奏名目略同。惟該匪等詭詐多端。託名煽惑。希圖糾結。是其慣技。所稱和卓等名號。是否實有其人。抑係將年歲相等之人冒名假託。哄誘回眾入卡滋擾。未便因探信回子等傳訛之詞遽信為真。即鍾翔等前奏差往偵探之密爾雜胡里所稟因送馬面見玉素普之子條列和卓右手背有黑記一塊等語。亦難保非捏詞飾混。試思該匪等蹤跡斷難逃人耳目。所有附近邊卡之回子居民及各官弁伯克中必有能知其詳者。著奕山等遴派員弁伯克設法密訪。加意詳查。務得實在情形。據實具奏。將此各諭令知之。尋奏探訪此次滋事賊首係張格爾之兄玉素普兩子遵買的。

明阿布都拉張格爾之弟巴布頂之子倭里即倭里罕條列由霍罕進卡滋事實未聞有布孜爾罕罕和卓斯底爾罕等名目至條列和卓即係倭里詳加查訪並無人知該逆手有黑記報聞○以湖南巡撫陸費瑤母許氏八十有七生辰賞

御書扁額並珍玩文綺○辛巳諭軍機大臣等本日戶部遵議李星沅奏淮南鹽務現辦章程一摺已依議行矣又片奏楚岸滯銷情形

等語據稱楚岸鹽價前因積滯過多先後酌減現在存鹽積引幾及三綱之數銀價日昂鹽價益形喫重若不亟加整頓於國課關繫匪輕著李星沅裕泰率同該運司鹽道確查漢岸現時鹽價每斤究係合錢若干並現在存鹽因何遞年積壓一至於此究應如何設法補救之處熟籌妥議迅速奏辦至淮南行銷之江西安徽湖南湖北各口岸巡緝尤關緊要著該督等分咨該撫嚴飭地方文武不

分畛域實力巡查總期實心經理俾釐務日有起色該督撫受恩深重具有天良當此國用支絀之時再不力圖振作年復一年伊於胡底該地方員弁尤當各顧考成認真辦理不得視為具文仍前玩泄也將此各諭令知之尋奏現在漢岸價值每鹽一包售銀二錢三四分每斤合錢五六十文較例價二錢五分九釐所減已多而銷數仍未加暢是減有本之岸價不敵無本之私鹽惟有嚴切緝私

為目前要務臣裕泰委員分赴邊界查拏窩囤並於鹽船經過之武穴及泊船之塘角地方設卡巡防至場竈透私亦經臣李星沅先後委員扼要堵巡能少一分私鹽即多一分官引下部議從之○命哈密辦事大臣鍾方庫倫辦事大臣豐紳烏什幫辦大臣興貴烏魯木齊領隊大臣成山古城領隊大臣毓書吐魯番領隊大臣海枚塔爾巴哈台領隊大臣臣明慶回京塔爾巴哈台領隊大臣花沙布

年老休致賞太常寺卿慶昫副都統銜為哈  
密辦事大臣以理藩院右侍郎玉明為庫倫  
辦事大臣正白旗蒙古副都統常清為烏什  
幫辦大臣賞頭等侍衛扎拉芬副都統銜為  
烏魯木齊領隊大臣光祿寺卿阿彥達副都  
統銜為古城領隊大臣火器營營總長春副  
都統銜為吐魯番領隊大臣乾清門頭等侍  
衛伊勒東阿副都統銜為塔爾巴哈台領隊  
大臣以鑲紅旗蒙古副都統都爾通阿為塔  
爾巴哈台領隊大臣○以正藍旗護軍參領  
哈芬署正白旗滿洲副都統御前頭等侍衛  
特興額署鑲紅旗護軍統領○以理藩院左  
侍郎恩華兼鑾儀衛鑾儀使○以內閣學士  
奕毓為理藩院右侍郎○癸未  
上御洞明堂勾到朝審情實罪犯停決斬犯五  
人餘五人予勾○諭內閣本年各直省辦理  
秋審人犯經刑部由緩決改情實者直隸五  
起山西五起該省督撫及臬司等於秋讞大

典未能慎重詳覈著交部查明分別議處嗣  
後各直省督撫督率臬司務當虛衷定讞斷  
不可惑於救生不救死之說意存寬厚故從  
輕減亦不可有心刻覈過於嚴峻總期無枉  
無縱各得其平用副朕執法用中至意○又  
諭斬犯朱鏞楊兆詳陳五盧炳白警鐸著牢  
固監候再予限一年嚴追庫項儘限滿交項  
仍不及成數著入於明年朝審情實辦理○  
諭軍機大臣等寄諭兩廣總督耆英前因副  
將馬鳳圖係原任提督馬濟勝之子馬濟勝  
曾經出師著有勞績是以降旨將馬鳳圖加  
恩遇有副將缺出即行補用該員現已補放  
廣東南雄協副將日前召見時見其年逾六  
十且係世職未歷營員於一切操防事宜能  
否得力著俟該員到省後隨時留心察看據  
實具奏將此諭令知之○又諭本日據鄭祖  
琛等奏勦辦會匪連獲勝仗仍兜捕合勦一  
摺會匪雷再浩李世得等分途竄擾全州咸

水口等處地方經鄭祖琛等督飭官兵疊次  
攻擊連獲勝仗先後擒斃匪犯三百餘名並  
將最要首犯李世得槍傷斃命其家屬一併  
擒獲雷再浩勢已窮蹙率領賊眾逃匿山內  
該撫等現已嚴飭官兵奮力進剿著即督飭  
該官兵等會合勦捕設法擒渠務使賊首就  
獲餘匪捺除淨盡毋留遺孽以絕根株至槍  
斃李世得之兵勇著查明具奏其陣亡弁兵  
照例咨部議卹將此諭令知之○甲申

上詣綺春園問

皇太后安遣官祭

先醫之神○諭內閣吏部書吏胡德彪於事  
關題奏之件聽囑趕辦添寫文書朦混用印  
行文著照擬絞監候入於明年朝審情實辦  
理兵部員外郎王鍾照例呈請抵銷罰俸並  
不遣抱具呈輒因慮被積壓向該管書吏囑  
令趕辦並遣往來探問致滋弊混著交部嚴  
加議處○直隸總督訥爾經額奏順天各府

得雪情形得旨覽奏稍慰但京師甚形乾燥  
朕心亟切望雪之至○調綏遠城將軍英隆  
為黑龍江將軍以烏魯木齊提督成玉為綏  
遠城將軍○晉故黑龍江將軍棍楚克策楞  
太子太保予祭葬○乙酉

上詣

安佑宮行禮○以病痊提督托明阿為烏魯木

齊提督○丙戌

上詣

大高殿

壽皇殿行禮○奉

皇太后還宮○廣東瓊州鎮總兵官鮑起豹親  
老乞養允之以香山協副將洪名香為瓊州  
鎮總兵官○丁亥

上詣

皇太后宮問安○戊子諭內閣兵部奏臺站接  
遞緊要奏摺屢有遲誤請旨飭查並開單呈  
覽各省設立臺站遇有緊要摺報必須迅速



飭遞方免貽誤茲據該部查明西路奏報事  
件經上次飭查後自本年九月二十五日起  
遲延又有九件之多既未聲明結報且傳牌  
排單破爛多未註明時刻實屬玩誤著直隸  
山西甘肅陝西各督撫及新疆經過各城將  
軍大臣按站查明因何不填註時刻係何臺  
站遲誤指名嚴叅不得視為具文以重軍務  
而肅郵政○又諭前因喀什噶爾回匪滋事  
開明阿等臨時退衄坐失事機曾經降旨將

開明阿豐伸泰解任交布彥泰嚴訊確情具  
奏茲據開明阿等奏守城始末及援兵解圍  
情形一摺開明阿等坐擁重兵一籌莫展迨  
經回城回子報稱賊匪逃竄情形不知乘機  
邀擊尚復遲疑株守又經奕山諭令出兵夾  
擊仍復畏縮不前乃猶覲然飾詞具奏可恨  
之至開明阿豐伸泰著即行革職交奕山立  
即鎖拏解交布彥泰審訊如接奉此旨後開  
明阿等業已起程即著布彥泰迅速派員迎

提即行傳旨鎖拏解到時著布彥泰嚴行訊  
究毋任狡展務得確情定擬具奏又諭吉  
明等奏官兵擒捕餘匪回莊肅清一摺前經  
該大臣等派令官兵前往奎里鐵列木莊擒  
捕餘匪行至沙梁附近遇見馬步賊匪官兵  
迎擊該匪等膽敢抗拒我兵槍礮齊施賊被  
轟擊敗退把總朱德首先殺賊該將弁等奮  
勇驅兵直撲賊巢擒斃多名餘匪竄散附近  
地方均經逐細擒剿餘黨悉就肅清該莊均

係情蘭回戶前此屢經附逆此次官兵往捕  
仍敢抗拒實屬怙惡不悛現既悉數殲除庶  
足稍示懲儆所有首先殺賊之把總朱德著  
以守備升用先換頂帶其在事尤為出力之  
官兵伯克等著查明具奏○以勦辦喀什噶  
爾等城回匪出力賞協領吉魯木圖固呢杭  
阿副都統銜佐領額哲蘇瑪克塔春博爾果  
蘇奇克坦布都司達哈春千總朱雲巴圖魯  
名號佐領富珠爾泰阿木爾吉興防禦三音

布富珠哩圖且春守備李鶴林千總馬振邦  
伯克魯則入則巴海花翎騎校諾海等藍  
翎餘加銜升補有差○以勦辦黑孜布依同  
匪赴援出力賞遊擊花沙布都司張守仁圖  
塔布守備夏元賡把總李廷貴千總馬振邦  
花翎把總徐士貴等藍翎餘升補議敘有差  
○命禮部尚書賈楨都察院左都御史孫瑞  
珍在紫禁城內騎馬○緩徵江蘇上元江寧  
句容六合長洲元和吳吳江震澤常熟昭文  
崑山新陽華亭奉賢婁金山青浦丹徒丹陽  
山陽阜寧清河桃源安東鹽城高郵泰甘泉  
寶應銅山沛蕭碭山宿遷睢寧太倉鎮洋南  
匯武進陽湖無錫金匱江陰宜興荆溪靖江  
金壇溧陽上海川沙五十一廳州縣並屯坐  
各衛被水被旱村莊新舊正雜額賦○  
上以冬至祀  
天於  
圜丘自是日始齋戒三日○己丑

聖祖仁皇帝忌辰遣官祭  
景陵○諭內閣文慶等奏參辦理賑務戶口浮  
冒並折放錢文未能盡心經理及造冊舛錯  
各知縣請分別解任嚴議議處一摺河南考  
城縣知縣畢元善辦理災賑憚於躬親假手  
吏胥以致戶口多有浮冒著先行解任交鄂  
順安提同丁書人等嚴訊確情據實參辦署  
獲嘉縣知縣鄒之翰於該縣易錢散放並不  
豫為籌備以致臨事周章錢數短絀實屬不  
能盡心經理著交部嚴加議處長葛縣知縣  
彭元海署洧川縣知縣周劼呈送花名細冊  
按查各村戶口多有參差舛錯亦屬不合著  
交部議處○又諭文慶等奏查辦初賑事竣  
一摺文慶張澧中著即來京所有賑務應辦  
事宜仍著鄂順安認真稽查覈實辦理○諭  
軍機大臣等文慶等奏查辦初賑事竣通盤  
籌畫請旨飭行一摺豫省辦理賑務經文慶  
等逐處清查覈實散放合計應賑補賑等項

餘銀十五萬九千餘兩留備來年支發惟戶口有極貧次貧之分斯應賑有一月二月三月之別成災愈重即接濟宜久著鄂順安督同藩司將何州縣何村莊之極貧次貧應如何加賑於何時散放之處多方曉諭俾眾周知庶免朦混並責成藩司王簡屆期親往抽驗以杜蠹耗而恤民艱至辦理加賑全在因地制宜通籌全局著該撫虛衷察訪覈實辦理務令乏食貧民得資接濟無濫無遺以補賑卹之不足其捐貲賑粥收養貧民亦宜杜絕流弊嚴加稽查以收實效總期層層布置節節周防實惠及民俾無一夫失所是為至要原摺著鈔給閱看將此諭令知之○山東巡撫崇恩奏續獲擒匪名數得旨除惡務盡勉之以御前頭等侍衛特興額為正藍旗蒙古副都統○以四川夔州協副將桂齡為甘肅肅州鎮總兵官○緩徵山東荷澤定陶觀城單四縣及東昌臨清濟寧三衛被旱屯

莊新舊額賦○庚寅

上詣

南郊齋宮齋宿○辛卯冬至祀

天於

圜丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

奉陵

奉東陵

裕陵

昌陵 遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○停次日朝賀○詣

皇太后宮問安○二品頂帶四川總督琦善奏報到任日期得旨一切情形汝自知悉所可惡者地方文武視身家太重國計甚輕若不從嚴整飭尚堪問耶勉益加勉克副重寄○四川提督向榮奏報到任日期得旨邊防緊要武備為先勉力加勤以副重寄○賞八旗

兵丁一月錢糧○壬辰

上詣

皇太后宮問安○諭內閣前據御史陳壇王東槐毛鴻賓奏山東省盜賊公行捕務廢弛各款當交柏後陳孚恩前往嚴密查辦茲據奏稱明查暗訪統計查出搶劫之案與原奏相符者共計十六件另有九案查無確據仍請飭查等語山東省本年夏秋以來劫案之多為向來所未有該省大吏察吏安民是其

專責如此捕務廢弛實難辭咎崇恩辜恩溺

職著來京聽候諭旨所有該省失事地方之曹州兗州兩鎮總兵及該管各道員並知府等官俱著新任巡撫張澧中於到任後按照劫案多寡詳細查明分晰據實奏奏其搶劫各案即著張澧中嚴飭迅速緝捕賊賊務獲仍查明未經究出各案該州縣等有無諱飾情弊以昭覈實至該御史原奏崇恩欲為屬員規避處分將知縣崇亮改調滕縣一節著

吏部查明調署是否合例再行覈議又原奏前任浙江藩司存興行李被劫知縣繡綸賠銀一節訊據該縣供稱委無諱匿及賠贓情事著刑部即傳存興家人楊祥審訊如實有賠銀及賞給銀兩等情即將該知縣革職並治以狡展之罪另片奏地方官獲辦盜案向以起贓為憑該匪等每有劫奪率以贓物銷於他省難以破案愈形恣肆又各鄉曠野之處每有奸民售賣食物名為接濟行旅實乃

借齋盜糧並有掖匪捻匪梟匪腹匪等名目結夥持械摻括兵刃堅立旗幟名號劫掠飽颺種種不法殊堪痛恨著張澧中將以上各弊設法嚴定章程督率鎮道認真覈辦遇有匪徒合力兜擒按名弋獲無稍疏懈並著直隸河南江南安徽各督撫一體認真嚴拏究辦以靖奸宄而安善良○以故一等威勇公桂輪子麟興襲爵○以刑部右侍郎張澧中為山東巡撫○癸巳直隸總督訥爾經額奏

省城等處得雪得旨京中於十二日戌亥得雪實有三寸次日天氣晴和融化大半朕感謝

天恩浩蕩實深慶幸之至○兩江總督李星沅等奏六塘河工完竣會辦經久事宜得旨言之何難務要行之以實勉力為之○以一等威勇公麟興為委散秩大臣○以署兵部左侍郎陳孚恩為刑部右侍郎禮部右侍郎吳鍾駿兼署兵部左侍郎○添購東河備防稽

料輶石從河道總督鍾祥請也○減免直隸安隆平文安三州縣被滂村莊額賦○甲午上詣

火神廟

宣仁廟

凝和廟拈香○諭軍機大臣等裕泰等奏盤獲西洋人潛入內地傳教一摺據稱西洋人李若瑟囉沅勒改換服飾潛至湖北省與民人馬五芝等會遇勸允傳教並有該省上年

委員解粵領管之納巴羅一名復行來楚欲圖傳教等語該國習教念經例不准赴內地傳習以防蔓延滋弊茲西洋人李若瑟等曾至山西陝西等省復先後至湖北傳教既經該督撫解回廣東著著英照例妥辦將此諭令知之○又諭裕泰奏湖南新寧縣及廣西全州各匪徒結會焚搶滋事現已咨令提督馳往督辦等語覽奏均悉該處界連兩省山深路歧匪徒匿聚山中遊奕無定楚勦則竄

粵粵剿則竄楚現已兩月之久未能殲擒淨盡若再遷延恐致裹脅日眾滋蔓難圖必應及時掩捕以期迅就撲滅該督業已咨令提督王宗貴親往勦辦惟兵貴神速切不可因循觀望坐失機宜該督仍當隨時咨會該提督嚴飭將弁不分畛域併力兜拏務期首要各犯悉數殲擒以埽妖氛而靖邊圉是為至要一經竣事即由四百里馳奏將此諭令知之○湖南綏靖鎮總兵官石元瑛年老休致

以江南安慶協副將祥麟為綏靖鎮總兵官

○乙未

上諭

皇太后宮問安○諭內閣前據陸費瑒奏湖南新寧縣與廣西全州交界地方強匪糾黨焚搶抗拒官兵飭委文武員弁督拏堵剿復經鄭祖琛等奏派官兵疊次攻擊擒斃匪犯多名並將廣西結會滋事首犯李世得槍斃惟新寧首匪雷再浩與民人李輝等竄匿深山

負隅自固尚稽弋獲本日據陸費瑒奏將首要各匪生擒提省審辦地方肅清一摺所辦甚好此案新寧縣強匪與民人勾結肆擾蔓延廣西經該撫等先後調兵勦辦協力殲擒該匪等仍敢竄回新寧恃眾焚掠勢愈猖獗經該縣營馳往捕拏擒獲多犯復經該鎮道督同委員設計逼令出巢離險分路攻擊該匪等猶敢衝突抗拒官兵槍斃愈猛勇氣倍加立將首惡雷再浩生擒並將著名要犯李

輝一名拏獲餘黨悉就殲戮地面肅清該地方文武生致渠魁埽除餘孽陸費瑒調度有方著加恩賞戴花翎所有首先拏獲首匪之員及始終在事協同防勦出力各員弁著該撫確切查明分別保奏候朕施恩○諭軍機大臣等本日據陸費瑒奏擒獲糾眾滋事首匪提省究辦地方肅清仍飭控捕餘匪一摺已明降諭旨令將在事出力人員覈實保奏矣此案首匪雷再浩勾結焚搶抗拒官兵並

在廣西拒斃千總外委罪大惡極不容稽誅前經湖南兵勇追捕竄至廣西全州地方遊奕肆擾該處逼近搖山悉屬峭崖峻嶺尤易負險深藏深恐殄滅無期茲幸天奪其魄經該撫督飭文武員弁設法兜拏生擒首匪雷再浩並將要犯李輝及時拏獲俾免蔓延貽患所辦甚好此外尚有首匪李世得一犯先經廣西兵弁圍捕槍斃現在新寧地面搜查已無餘匪惟據稱廣西匪徒已未淨盡尚未

接准知會所有與全州興安等處連界之東安城步各屬尚應嚴密防堵仍著陸費琛督飭帶兵大員率領兵弁在於滋事地方挨戶搜查務期淨絕根株毋任餘匪竄匿一俟按捕無遺所有前調各營官兵應即飭令該道楊炳堃會同永州鎮酌量裁撤以節勞費將此諭令知之○丙申諭內閣向來各省獲盜引見官員有由該督撫府尹題咨到部者亦有專摺具奏者辦理殊未畫一嗣後遇有各

項獲盜送部引見人員應如何分晰明定章程畫一辦理之處著吏兵兩部詳覈例案妥議具奏尋吏部奏酌議文職獲盜例准調取人員州縣以上由該督撫府尹專摺奏請照例送部引見州縣以下由該督撫府尹專案具題分別試用實缺或遇缺儘先補用或以應升之缺升用請旨交部覈議題覆如奉旨允准即毋庸送部引見兵部奏千總以上官員疊獲鄰境大夥案犯並拏獲重案盜犯多

名方准該督撫專摺保奏奉旨允准後仍由臣部查取審擬原案並該員有無承緝未完案件合例與不合例聲明請旨至於尋常獲盜僅與例符者俱令循例題請由部覈明題覆調取引見均從之○山東巡撫張澧中奏報赴任得旨覈實認真切忌疲玩勉之○丁酉諭內閣奕山奏酌量裁撤征兵一摺另片奏兵丁賞項請由養廉內扣還等語採辦羊隻分賞兵丁借項支發一款著毋庸由該參

贊養廉內扣還即准其作正開銷嗣後不得援以為例（又諭奕山奏審明投回伯克分別辦理一摺五品伯克世襲公爵邁瑪特熱依木沙六品阿奇木伯克世襲五品頂翎阿布都卡哈爾雖經被賊圍禁究未被脅入夥著加恩免其斥革塔斯渾莊七品明伯克博巴克被脅隨行旋即乘間投回著革去伯克加恩免其治罪以示法外之仁其尚無下落伯克三員仍著上緊訪緝查明辦理（諭軍

機大臣等奕山奏酌量裁撤征兵以節糜費及現在辦理招撫回眾情形一摺此次大兵進剿賊匪遠竄現經招撫回眾按查餘匪回戶雖漸次來歸人心仍未大定且傳聞有大股賊目仍在阿賴等處往來遊奕自仍應密為偵探嚴行防範以備不虞現除裁撤兵丁外其截留喀什噶爾換防兵丁並伊犁烏嚕木齊等處兵丁共二千三百六十餘名著即酌留該處俟探明賊匪實係遠遁及按捕安

撫各事宜均已就緒後即行裁撤至阿爾吐什莊回眾先行附逆旋即遠散流離現除招撫來歸者尚短三千餘戶之多該回眾等依戀故土原有不肯遠徙之心儻按辦過峻必致羣生疑畏竄入賊巢卡內少一回子即卡外多一賊匪該參贊請以安撫為先所見甚合機宜著即加意招撫妥為安插俟逃亡回戶漸次來歸人心大定後再將從逆被脅各回犯逐細查明分別辦理以示懷柔而伸憲

典將此由五百里諭令知之（又諭據耆英等奏民夷互鬪毆斃夷人六名該夷親屬亟求伸辦現撈獲夷屍四具趕緊查辦一摺粵省民夷未協屢經耆英等諭令該地方官設法勸諭妥為彈壓無滋事端茲復有居民與夷人互鬪之案以致被害夷人親屬刻欲前往黃竹岐地方滋鬧該督等業經飭飭該夷目安撫各夷並照會英首曉諭告以此案必為查辦著即明白曉諭以安其心即一面



嚴飭文武各員。務將此案正犯設法捕拏。分投細訪。按名弋獲。查起各屍。從嚴懲辦。仍一面密飭水師各營及守臺弁兵。加意防範。再據奏訪聞該處民人有被夷人致死二命。是否屬實。亦著該督等確切查明。妥為辦理。務使各得其平。勿令有失民心。是為至要。將此由四百里諭令知之。○以勦辦蘇噶特布拉克賊匪。賞遊擊馬義邑圖魯名號。參將豆光保遊擊樊成張文行都司兵格守備田玉生。

馬俊佐領巴圖鄂奇爾防禦都綱阿和爾金布訥勤阿吉凌阿薩凌阿花翎驍騎校圖克唐阿等藍翎餘加銜升補有差。以隨征回匪出力。釋回伊犁遣犯一千一百七十四名。戊戌諭內閣前據陸費瑤奏生擒楚粵交界滋事首要各犯。提省審辦。地方肅清一摺。業已降旨令將出力人員查明保奏。茲據裕泰奏首要各犯現俱擒獲。仍飭擒捕餘匪。聞閩安堵等語。此次該匪等勾結楚槍。經該鎮

道及員弁紳士設法生擒。及時嚴事。辦理尚合機宜。所有在事出力文武員弁官紳。即著裕泰會同陸費瑤確切查明。據實保奏。候朕施恩。毋許冒濫。○又諭扎拉芬泰等奏捐銀賞給分防之伯克回子等語。此項捐銀一千三百兩。著布彥泰籌款撥給。毋庸歸入軍需報銷。○修築湖北潛江縣楊湖垸等處隄工。從總督裕泰等請也。○庚子。諭軍機大臣等。前據鄭祖琛等奏官兵攻擊匪徒槍斃首犯

李世得。旋據陸費瑤奏官兵生擒首犯雷再浩等。疊經降旨飭令會合進剿。並嚴擒餘匪矣。茲據鄭祖琛等奏稱。疊次勦捕匪徒。殲擒多名。賊勢奔退。仍飭會剿一摺。另片奏訪獲逆子及現在辦理情形各等語。楚粵交界地方匪徒滋事。在粵省較為猖獗。首犯李世得被殲後。該匪徒仍復奔匿。負隅抗拒。該省官兵等兩次奮力攻擊。大有斬擒。賊勢窮蹙。竄匿該撫等仍督飭官兵會同楚省兵弁合力

進剿現在首逆雷再浩已在湖南地方就獲。恐該省餘匪尚多。聚散無定。深巖絕洞。或多伏藏。意圖乘機出擾。著即嚴飭兵弁。實力兜拏。分途接捕。務期掃除淨盡。勿留餘孽。至該處人民雜居。難保無游手不逞之徒。聞風嘯聚。該撫已諄飭各屬舉行團練。曉諭民人各安生業。不得聽從煽誘。著即督飭實力辦理。儻查有糾結匪徒。妄思蠢動。立即嚴拏究辦。以遏其萌。再該撫風聞湖南道州地方。亦有

匪徒聚集。意圖焚搶情事。該省淮陽縣既屬毗連。自應嚴密防守。現已咨會提督派兵前往堵禦。著即飭令該將弁等。加意防守。毋任稍有竄越。所有現在兩次擊賊及拏獲逆子李加耀出力人員。著查明據實保奏。候朕施恩。再此等事件。應由驛馳奏。將此諭令知之。

○辛丑

上詣

壽康宮前殿行禮後殿問

皇太后安。諭軍機大臣等。開明阿奏請將回子民勇鼓勵等語。據稱六品頂翎回子達烏塔金頂回子烏普開散回子麥列克當道路梗塞之時。往來齎送奏摺。又民勇索發倉何義發雜髮變裝。突圍前赴葉爾羌。馳遞公文。分別請予獎勵。著奕山確切查明。據實具奏。原片著發給閱看。將此諭令知之。○又諭吉明等奏拏獲布魯特賊匪。訊明辦理情形。一招布魯特賊匪。前曾乘喀什噶爾等處賊匪

猖獗之時。糾聚擾掠回莊。經派出伯克回兵出卡追擊。擒斬多名。賊勢竄散。所有在事出力之伯克回子等。著查明奏懇恩施。至黑孜爾塔克察隆牌斯熱瓦特三處布魯特鄰近卡倫。向與城上送信。茲該比等遽稟以逃避遠方。未及與城上送信。並未從賊為詞。虛實殊難憑信。惟既訊據賊犯等供稱該比等實未入夥。現復悔罪輸誠。自無庸再行派兵出卡擒求。著即曲從寬宥。該大臣等惟當加意

安撫俾眾心帖然。毫無疑慮為要。本日又據開明阿奏。應徵糧布尚未收齊。一摺。喀什噶爾賊匪肆擾之時。該處回戶應交糧布等項。多未收齊。是否因有賊匪未及收納。並該處動用備貯錢文糧石。搭放兵丁鹽菜等項。是否屬實。均著吉明等確切查明。據實具奏。開明阿原摺著發給閱看。將此諭令知之。○命陝甘總督布彥泰撥銀七萬九千五百三十七兩。解赴喀什噶爾。英吉沙爾備道光二十

九年經費。○壬寅。諭內閣。李星沅等奏請飭司道辦理海運事宜等語。江蘇蘇州。松江。太湖二府一州。應徵道光二十七年漕白糧米。現議全由海運。將來各船開行之時。應須查看事件。即著臬司宮慕久。馳往上海督辦。至米船行抵天津。一切交兌事務。著派淮揚道查文經。赴天津認真辦理。○諭軍機大臣等。著英等奏。民夷互毆致斃多命。連日續辦情形。一摺。覽奏均悉。此案民夷互毆。各斃數命。

該首噠呢時。坐駕兵船來省。逃到覆文。總將兇犯拏獲。即行正法。並將黃竹岐及毗近二村洗平等語。荒謬已極。自無允准之理。惟應設法開導。庶不致驟啟釁端。至民人亦被該夷毆斃二命。查辦之餘。尤不可不加意撫綏。惟在該督等督飭兵弁嚴緝正兇。持平審辦。固不可失之寬縱。致拂夷情。尤不可持以操切。有失民望。總期輕重適宜。民夷相安。仍一面密飭各營及各礮臺弁兵。慎密防守。毋任

稍有疏虞。是為至要。將此由四百里諭令知之。○又諭。本日據崇恩奏。訪獲習教匪犯。提省審辦一摺。奸民習教傳徒。最為人心風俗之害。近年來疊經降旨飭拏。根株總未淨盡。山東省界連江豫。匪徒比拏彼竄。尤易勾結煽惑。必應認真兜捕。茲據崇恩奏。稱督同道府訪獲傳習根華教匪魏際雲等三十三犯。雖據供稱。僅止拜師授徒。焚香念經。並無荒誕悖逆情事。惟據該犯魏際雲供稱。自伊父

傳習此教迄今計數十年。難保無不法重情。更恐同教夥黨亦不止此數十人。著張澧中督同臬司劉源灝提齊現獲各犯。嚴切根究。務期水落石出。並究明夥黨尚有若干。督飭各屬併力緝拏。毋許一名漏網。以除邪慝而靖地方。是為至要。將此諭知張澧中。並傳諭劉源灝知之。○以故三等伯許保琳弟保瑞襲爵。○蠲緩山西徐溝垣曲榆次臨汾襄陵永濟絳聞喜芮城寧遠薩拉齊十一廳州縣。

被雹被水被旱村莊新舊額賦。並給口糧有差。○癸卯諭軍機大臣等。給事中劉良駒奏。聯民除盜之法。以鄉團為最善一摺。近來各直省盜風日熾。山東為害尤劇。現當整飭捕務之時。該給事中所奏是否可行。著張澧中體察情形。酌覈具奏。又另片奏。山東盜匪混名仁義王。即陽穀縣人馬鳴崗。或傳其係武舉。又有首匪陳得雲居住武城縣南十里姜家園地方。該二犯皆係著名捻匪。兵役多與

交通。動輒走漏消息等語。並著張澧中選派員弁嚴密訪查。如果屬實。亟應設法兜拏。毋任聞風逃竄。是為至要。原摺片並單均著鈔給閱看。將此諭令知之。尋奏。陽穀縣並無武舉馬鳴崗其人。惟有該縣人馬二又名馬玉廷。結捻肆擾。經該前縣王文燾協同直隸南樂縣設計誘獲。就近交南樂縣審辦。是否馬二另有馬鳴崗之名。飛咨直隸總督轉飭將馬二解東歸案研訊。又陳得雲業經拏獲。提

省查訊。並無為匪。惟曾向村人馬惟元子媳凌氏調姦。應依例枷號折責。交保管束。報聞。○旌表守正捐軀甘肅鹽茶廳民馬彥爾谷妻馬氏。○甲辰諭內閣。前據柏後陳孚恩奏。稱前任浙江藩司存興。行李被劫。知縣繡綸賠銀一節。訊據該縣供稱。委無賠贓情事。當交刑部傳存興家人楊祥審訊。茲據刑部奏。稱傳訊楊祥。並取具前任藩司存興親供。均稱繡綸呈送銀兩屬實。伊未經收受等語。是

該員前次供詞顯係恃無質證藉詞狡展。山東前署滕縣知縣繡綸著即革職交張澧中親提審訊嚴究實情毋稍寬縱。○以陝西漢中鎮總兵官春福為喀什噶爾換防總兵官。○濬江蘇海州著徵河從總督李星沅等請也。○緩徵甘肅河寧遠伏羌安定會寧洮隆德固原安化寧張掖古浪寧夏寧朔平羅崇信皋蘭平番西寧碾伯大通二十一州縣及鹽茶同知隴西縣丞所屬被雹被水被旱被霜村莊新舊正雜額賦。○乙巳

上詣

皇太后宮問安。○諭內閣前有旨令柏後陳孚恩審辦行劫商虞廳一案。現在張澧中計已到任即交該撫親提現獲並續獲解到各犯嚴訊究辦。柏後陳孚恩著即回京。○以屢病不能當差革慶敏散秩大臣仍給貝子半俸。○調伊犁領隊大臣錫喇布為喀什噶爾領隊大臣以伊犁協領西喇那為領隊大臣。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百四十九

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五十

監修總裁臣等謹將宣宗成皇帝實錄卷之四百五十內各條恭摺具奏

天時內各條恭摺具奏

七倉六庫各條恭摺具奏

內務府大臣等謹將宣宗成皇帝實錄卷之四百五十內各條恭摺具奏

軍機處大臣等謹將宣宗成皇帝實錄卷之四百五十內各條恭摺具奏

奏

道光二十七年丁未十二月丙午朔諭內閣

劉韻珂等奏閩省善後案內亟應建修新舊  
各工業經履勘明確現飭先行趕辦一摺此  
項工程現經發帑興辦所有應建應修礮臺  
等工及鑄造大礮擡礮並造補軍裝器械在  
在均關緊要必當覈實辦理方期工歸實用  
帑不虛糜著該督等即督飭現委總辦全工  
之鹿澤長呂恆安及各該員弁同心協力認  
真經理該督等仍與各司道隨時輪赴工次  
詳細稽覈如查有草率偷減情弊立即指名

嚴叅不准稍涉姑容工竣後仍親往驗收○  
禮部奏道光二十八年元旦應行禮儀得旨  
是奉

皇太后懿旨照例行禮停止筵宴其在外公主  
福晉命婦進內行禮之處並著停止○緩徵  
浙江仁和富陽嘉興秀水嘉善海鹽平湖石  
門桐鄉歸安烏程德清武康武義湯溪十五  
縣被旱被水村莊新舊額賦並海沙鮑郎青  
村三場歉收竈戶新舊額課○丁未諭內閣

已革山東署滕縣知縣繡綸諱盜賠銀狡展  
不認昨有旨交張澧中親提審訊茲據御史  
林揚祖奏稱存興家人楊祥所供各情該革  
員未經面質勢必指為一面之詞仍思狡卸  
兩地各訊各供礙難結案等語著山東巡撫  
即將該革員繡綸解交刑部以便提同人證  
將何人經手送銀及呈送銀數若干之處逐  
層質對認真訊究毋任狡展尋刑部奏查已  
革知縣繡綸於境內被劫重案並不連挈賊

賊執行許賠銀兩。又復諱強為竊。朦混通詳。迨經訊明。猶敢飾詞狡展。若非奏請交部。傳到家人楊祥質訊。幾被巧脫。種種乖謬。未便以業因本案革職。竟予免議。應請旨發往軍臺效力贖罪。以示懲儆。未獲盜犯。應令山東巡撫督飭勒限嚴緝。從之。○又諭著英春。省河鹽課奏銷。請循案展限一摺。本年廣東省兩次奏銷。商力不及。所有省河各商道光二十七年應完二十六年分課餉。著准其展至二十八年三月底奏銷。此後遞年仍前趨早一月。至三十年年底復歸原限。○又諭。昨據梁寶常奏。浙江仁和等縣田禾被歉。請緩帶漕糧一摺。業已降旨准行。惟原奏內稱蠲免米三萬一百餘石。分三限捐廉補運。本年應捐帶米一萬餘石。先已奏明等語。各省偶遇災歉。或蠲或緩。經督撫奏明。朕無不立沛恩施。緩徵一項。自應酌量年限。分別帶徵。至業經蠲免米石。原期實惠及民。無須更議。籌補。

所有該撫前經奏明捐廉補運之處。著毋庸議。○以辦理匪徒出力。予浙江府經歷唐澗。以知縣升用。○戊申。諭內閣。吉明等奏。請增支弁兵鹽菜口糧等語。此次葉爾羌新到防兵六百餘名。留駐東路堵剿賊匪。並赴奎里鐵列木莊揔捕餘黨。其鹽菜口糧。自應照征兵支給。至續經派赴各卡隘軍臺。查探防堵之弁兵等二百餘員名。均係奉差遠出。跋涉辛勤。與在城防守者不同。著加恩照征兵之例。一律支給。以示體恤。○賞世襲三等伯許保瑞。頭等侍衛。在大門上行走。○以轟擊英吉沙爾賊匪。予把總王文燾。以千總升用。並賞花翎。賞把總劉揚武等藍翎。餘升補有差。釋回遣犯九名。○己酉。山東巡撫張澧中。奏報接印日期。得旨。實力整頓。克副委任。朕得人之難。汝自知之。勉益加勉。○旌表逼嫁捐軀江西瑞昌縣儒童朱容書妻向氏。湖南衡陽縣民譚積林妻凌氏。○庚戌。

上詣

皇太后宮問安。○辛亥。

孝惠章皇后忌辰。遣官祭。

孝東陵。○諭內閣戴垣等奏。御前行走之科爾沁扎薩克固山貝子濟克默特身體單弱。於一切差使不甚相宜。請旨一摺。濟克默特著革去御前侍衛。伊子棍楚克林沁身體亦屬軟弱。著一併革去。乾清門頭等侍衛。○又諭。賽尚阿等奏。請飭催兩淮應解生息銀兩。此

項銀兩。係圓明園八旗內務府三旗官兵等口食槍營公費所需。豈容延宕拖欠。該營籌款拮据。著兩江總督速飭將所欠道光七、九十等年銀兩。趕緊徵解。並將應交二十六年連閏一年利銀二萬六千兩。二十七年一年利銀二萬四千兩。一併趕緊解交該營。以資公用。毋許再有延宕。○予勦匪陣亡廣西守備李廷揚。千總劉春林。外委陳國熊。馬瑞春。麻學謙。彭文志。祭葬世職。○修濬直隸溫

榆河果渠村壩埽各工。從總督訥爾經額請也。○免調派進征土爾扈特和碩特蒙古官兵借支俸項及鹽菜銀。○緩徵湖南鳳凰。乾州。永綏。保靖。四廳歉收屯田穀石。○壬子。諭內閣。前據軍機大臣會同戶部。議令將江蘇。蘇松太三屬漕糧。暫由海運。曾經降旨准行。旋據楊殿邦奏。河海並運事宜。請俟本年辦理無誤。明年再行籌議。並片陳近日洋面情形。當交大學士。軍機大臣會同戶部。速議具

奏。茲據該大學士等詳覈妥議。所有蘇州。松江。太倉三屬二十七年應徵漕糧。著仍於二十八年暫由海運。至海洋巡哨。宜加周密。減船丁舵。宜加體恤。現據李星沅等條議。章程總宜慎益加慎。務臻妥善。幫丁為漕務官員所轄。著責成該漕督嚴飭所屬。妥為約束。所稱沙船到津。易滋流弊一節。著直隸總督嚴飭地方該管文武。實力防查。毋得稍存大意。明年河運較少。抵通較早。該漕督宜於暇豫



之時。妥籌減費。裕漕良策。以期全漕足額。仍歸河運舊章。其嗣後如何輪減。俟本年辦理。如果試行無誤。即著該漕督於海運歲事後。會同兩江總督。江蘇巡撫。妥議具奏。至紳戶大戶包攬抗欠。胥役地保包庇侵蝕。刁衿豪棍把持挾制諸弊。著兩江總督。江蘇巡撫。悉心釐剔。有犯必懲。其海運應用款目。著戶部詳慎鈎稽。毋令稍有浮費。以昭覈實。又據德誠等奏。熟籌收受海運漕糧事宜。豫行杜絕

諸弊。章程一摺。所稱撥船宜擇堅厚。向由直隸州縣承辦。率以損壞船隻充數。再米中用藥使水。宜嚴為防拏。又請添設巡員。自津至通。晝夜巡查。均著直隸總督按照所奏各條。委員查驗。嚴密查拏。並派委幹練巡員。梭織巡察。又稱米色必須純潔。前經議定海運章程。著該督撫嚴飭承辦各員實力遵辦。○諭軍機大臣等。著英等奏。民夷互毆致斃多名一案。酌量辦理情形一摺。廣東黃竹岐地方。

民人毆斃夷命。現經緝獲兇犯。訊認不諱。該督等公同商酌。已應允該夷酋先將情重人犯四名正法。乃該酋猶復恃強挾制。毫無情理。業經該督等據理嚴駁。折其驕盈之氣。該夷始就馴服。已回香港。民夷安靜如常。辦理尚屬妥協。惟此次民夷互毆。究係因何起釁。該夷因何來至黃竹岐地方。是否係伊應到之地。有無不法情事。該兇犯等慘殺夷人。傷多且重。因何懷恨至此。該夷致毆民人。一傷

一斃。實係何人。均著該督等詳細訪查。遇便據實具奏。又據著英片稱。備文照覆。睇夷力為開導等語。睇夷潛入內地傳教。並兵頭駛往朝鮮兩事。該督等諭令勸止。該兵頭均有覆文。並有每年巡涉朝鮮等國之說。情詞殊為詭譎。著仍反覆開導。切實勸阻。勿任再有私越藩行等事為要。將此諭令知之。尋奏。民夷互毆。係因夷人麥刻地等來至黃竹岐村前打雀。居民驚擾。鬪毆互傷。粵省民情。總因

二十一年春間。夷人滋事。三元里地方。受其荼毒。懷恨未釋。是以將該夷六命慘殺。其被夷人毆斃之民人。係名陳亞振。被夷人毆傷之民人。係名李亞健。至嘑夷傳教一事。前向新到夷酋。唯嘆諭令禁止。該酋尚無異言。其兵頭駛往朝鮮。亦已備文反覆開導。遇應阻止之處。再行隨時相機辦理報聞。○又諭鄭祖琛等奏。藏捕滋事匪徒。並現派弁兵馳往堵禦一摺。廣西灌陽縣屬。前有湖南道州匪

徒竄入搶掠。經該縣會營督同該處團練鄉勇。協力圍拏。屢次格殺多人。並拏獲匪目左廣秀等二名。該匪等俱已潰散。退回道州。及交界之永明等處。現在匪犯李魔旺。已在湖南被獲。尚恐餘匪出沒無常。難保不復行竄擾。該撫等業已派委員弁。馳往該處。著即飭令該員弁等。於交界處所。嚴行堵禦。並咨會湖南省會同迅速擒捕。務期淨絕根株。勿留餘孽。另片奏平樂陽朔等處。均有匪徒滋事。

業經飭派文武員弁等督率團勇擊散等語。著一併飭令分投擒捕。毋得因賊已退散。稍疏防範。是為至要。將此諭令知之。尋覆奏先後捕獲匪犯三十七名。除左廣秀等五名情罪重大。即在拏獲地方正法。並蔣學泰一名。業已病故外。何甚先等二十八犯。審明均係聽從道州首匪李魔旺糾邀搶掠。由道州衝入灌陽縣屬。焚搶村民。殺傷差役鄉民多人。實係隨從謀叛。均各依謀叛不分首從皆斬

律。押赴市曹處斬。傳首示眾。杭旺詳等三犯。被脅入夥。中途逃散。並未隨同焚劫。合依謀叛案內被脅入夥。並未隨同抗拒官兵。發新疆給官兵為奴例。發新疆給官兵為奴。現在地方肅清。惟查灌陽縣與楚省道州等處犬牙相錯。仍飭縣營協同嚴防。下部議從之。○以故奉恩將軍綿淑子奕樸襲職。○以福建臺灣水師副將陳顯生。為廣東南澳鎮總兵官。○以擊賊出力。賞布魯特頭目密爾雅胡

里四品頂帶花翎。把總吳登第等藍翎。予恭順布魯特奇里克愛曼布魯特比愛吉等頂翎有差。○癸丑。

上詣

大高殿行禮。○以工部右侍郎明訓管

雍和宮中正殿事。○緩徵陝西榆林葭懷遠神

木。府谷五州縣歉區舊欠銀穀。○科爾沁扎

薩克土謝圖親王色登端魯布等九人。喀爾

喀扎薩克親王車林多爾濟等三人。烏珠穆

沁扎薩克車臣親王彭蘇克納木濟勒巴林

扎薩克郡王那木濟勒旺楚克等二人。教漢

郡王布彥德勒格呼圖魯克齊。阿巴噶扎薩

克郡王阿爾塔什第等三人。浩齊特扎薩克

郡王吹精扎布。阿巴哈納爾扎薩克貝子桑

齊薩拉特多布。喀喇沁扎薩克頭等塔布囊

德勒格爾等二人。於神武門內瞻觀。○甲寅。

上御乾清門聽政。○以古城領隊大臣毓書為

內閣學士兼禮部侍郎銜。暫署伊犁參贊大

臣。鴻臚寺卿書元為太常寺卿。國子監祭酒青慶為光祿寺卿。○乙卯。

上詣

皇太后宮問安。○諭內閣。御史曹楫堅奏革員

逗留江蘇。請勒令回籍等語。已革知府黃冕

從前因案遣戍。今已釋回。仍在江蘇逗留。著

李星沅陸建瀛查明該革員現在何處。即行

飭令回籍。交裕泰陸費瓌轉飭該地方官嚴

加管束。毋許出外滋事。○諭軍機大臣等。裕

泰奏。勦捕新寧匪徒。業已竣事。並乾州廳匪

苗糾眾抗租。現辦情形各一摺。又另片奏苗

眾挑去租穀。燒燬倉廩。調兵前往防勦等語。

覽奏均悉。湖南新寧道州等處滋事首要各

犯。節經陸費瓌奏稱均已先後擒獲。已降旨

仍令揔捕餘匪。茲據裕泰奏。勦捕業已竣事。

惟東安縣一帶。尚有零匪竄匿。務期揔拏淨

盡。分別撤兵留防。以靖地方。至乾州廳痞苗

多人。始則持械竄入永綏廳苗寨。脅制各里

屯佃入夥議款。不許納租。繼又率領款眾將排料巖落兩屯倉新收租穀挑去。並將倉廩燒燬。經該里苗守備等帶兵攻阻。復敢開槍拒敵。愈聚愈多。不法已極。亟應調兵勦辦。現在提督王宗貴業已馳赴辰州。著該督一面督飭地方各官安撫良苗。勿任附和。一面飛咨該提督督率精練兵勇相機勦捕。務期迅就肅清。毋令稍有滋蔓。其乾州各苗佃於本身名下應納之租。既已輸將過半。乃復糾眾

竄入鄰境脅制他人不許納租。是否無賴痞苗藉端訛詐。抑係地方官辦理不善。另有起釁別故。並著該督確切查明。如有激變情事。據實嚴參。毋稍徇隱。將此由四百里諭令知之。○以故三等男梁志凝子翼之襲爵。○旌表守正捐軀四川郫縣民張正秀妻景氏。○除江蘇丹徒縣建築礮堤占廢田四頃二十一畝有奇額賦。○丙辰諭內閣鍾祥等奏估挑運河淤淺工段需用土方銀數開單呈覽。

山東開河漕運攸關。現據查明本年受淤情形。自應酌量加挑。俾新漕暢行無滯。所有上捕運加四廳屬估需例添募夫工價器具銀一萬九千七百八十四兩零。著准其動撥司庫正款。其津貼銀二萬七千一百三兩零。除沛汛津貼銀九百九十二兩。由江南支領外。其餘銀二萬六千一百一十兩零。應由東商生息項下分別動撥。即飭該道廳督率各工員趕緊興挑。該河督仍隨時親往督催趕辦。

務期一律深平。剋日速竣。如有草率延玩。即行從嚴參懲。另片奏商息解不足數。請暫於藩庫借撥等語。此項不敷津貼銀一萬二千六百一十一兩零。著准其暫於山東藩庫先行借撥發辦。毋得遲誤要工。仍著該撫嚴催該運司追商趕解足額。還清借款。毋稍延緩。本年節令稍遲。挑工緊要。姑照該河督所請。嗣後冬挑屆期。仍當按款催解。俾資趕辦。不得援案輒請借撥。以清款項。○湖廣總督裕泰

覆奏楚岸額銷淮鹽。截至二十七年十一月十六日止。查明實存未售鹽四十五萬餘引。前因雨淮商疲引積。奏蒙減運。原為恤商疏滯。而每年復有帶運殘引。及食岸融楚。或十餘萬引。至二十萬餘引不等。合之額運。仍與未減相同。加以整輪散輪。提前展後。皆足占礙新網。此歷年存鹽之實在情形也。至售鹽之價值。係按各場鹽色為等差。現在每包賣銀二錢六分六釐。至二錢八分不等。每庫平紋銀一錢。易制錢二百文。每包需錢五百三十餘文。至五百六十文不等。前經部議減價。每包賣銀二錢九分有奇。今楚岸鹽價雖尚不及此數。而民間猶苦價昂。此又銀貴錢賤之實在情形也。總之疏引在於緝私。惟有嚴飭地方文武實力巡查。認真督銷。以清積滯。報聞。○贈故前任熱河都統瑚松額太子太傅。予祭葬。謚果毅。○丁巳諭內閣。張澧中奏應行解部人犯脫逃。請將僉差不慎之員摘

頂勒緝一摺。山東歷城縣知縣葉圭書。於欽差侍郎等飭發看管續經行令遞籍之人。任令潛逃。現降旨飭拏送部。又未能即時弋獲。非尋常僉差不慎可比。葉圭書著暫行革職。並著崇恩自備資斧。立即前往山東。率同該縣葉圭書勒限兩箇月。嚴拏王榮務獲。以憑解部審辦。如逾限不獲。定將崇恩重治其罪。並著該撫將該縣及該管知府一併嚴叅。以示懲儆。○又諭張澧中奏藩庫款目繁多。請稍寬時日詳數等語。山東藩庫款目糾紛。易滋弊混。前任藩司王篤造冊移交。其收支細數。並未詳細注明。自應認真釐剔。以昭覈實。著張澧中督同署藩司劉源灝。詳細鉤稽。造具清冊送部查數。該撫等均係甫經到任。無所用其回護。務宜秉公查辦。毋得意存瞻徇。豫為開脫地步。代人受過也。懍之。○又諭張澧中奏引商延不完納尾欠。先行參追一摺。山東引商咸臨泰等五十名。於應交正課加

價尾欠銀兩。延不完納。均著發縣監追。予限一月。將新舊課項勒令全完。儻始終延宕。即歸入本年新課一併嚴叅革究。○西安將軍布彥圖。江寧副都統穆騰額。年力就衰。命原品休致。以御前侍衛扎勒罕泰為西安將軍。西安協領色普徵阿為江寧副都統。○鑲黃旗漢軍副都統佛貴。鑲紅旗蒙古副都統法豐阿。年力就衰。命原品休致。○以御前侍衛齊克唐阿為正黃旗護軍統領。調正白旗蒙

古副都統明訓為鑲紅旗滿洲副都統。以英吉沙爾領隊大臣德齡兼正白旗蒙古副都統。○以固倫額駙德木楚克扎布管滿洲火器營事。○戊午。諭內閣。李星沅奏請將撤任分司革職嚴審一摺。五品銜撤任兩淮通州分司運判趙祖玉。於官運引船夾帶私鹽重案。事前既不能認真緝獲。復敢於提訊時。曉辨飾非。意存狡展。難保無知情故縱串同推卸情弊。趙祖玉著即革職。交該督確切研訊。

按律懲辦。尋奏。訊明船戶夾帶私鹽。丁役得贓包庇。趙祖玉雖非知情故縱。究屬失察。業已革職。應無庸議。顏晉敏在江口督報船隻。船戶在內河買私夾帶。該員無從覺察。惟不慎選攬頭。咎亦難辭。請開復革職處分。交部嚴加議處。晏鑑承充總頭。購私包庇。比照鹽場無藉之徒。犯該徒罪以上例。發近邊充軍。下部議從之。○調鑲白旗護軍統領恩華為正黃旗護軍統領。正黃旗護軍統領齊克唐

阿為鑲白旗護軍統領。○以署正白旗滿洲副都統哈芬為鑲黃旗漢軍副都統。伊犁領隊大臣忠泰兼鑲黃旗蒙古副都統。○以御前頭等侍衛特興額為上駟院卿。○己未。諭內閣。本年軍政屆期。昨經兵部將各省駐防將軍都統副都統並伊犁領隊大臣總管及各省提督總兵等。開單呈覽。除將軍布彥圖副都統穆騰額。佛貴。法豐阿。均年力就衰。業經降旨休致外。其餘各員。均著照舊供職。至

開送履歷遲延之呼倫貝爾總管副都統銜  
德昌。廣東碣石鎮總兵李賢均交部照例議  
處。其遲延有因之四川提督向榮臺灣鎮總  
兵武攀鳳及陝甘二省各提鎮俱著免其議  
處。○又諭。向來火器殺人之案。誤斃旁人。例  
應仍照故殺擬斬。惟實係事出無心者。方准  
酌擬絞候。曾經降旨令各省督撫等遇有此  
等案件。不得率以震動大機為辭。稍涉遷就。  
本日據刑部奏安徽省題張洪茂槍傷趙得  
偉身死。又湖北省題胡沅銃傷扈庭輝身死  
各一案。均係誤斃旁人。均係扭動大機。均係  
一死數傷。情節既屬支離。引斷便非的確。且  
以不恆經見之案。同時具題。若出一轍。難保  
非外省問刑衙門積習相沿。移情就案。此二  
案著各該撫親提覆訊。悉心研究。務得確情。  
按律定擬具奏。不得以有成案可援。率爾照  
擬。以杜枉縱。而昭覈實。並通諭各直省督撫  
將軍都統府尹知之。尋安徽巡撫王植奏覆。

鞠張洪茂因陳章糾人向毆。攜取裝成鳥槍  
出門抵敵。經伊弟張根孜並趙得偉等勸阻。  
時陳章等已趕至喊罵。該犯肩槍往內奔逃。  
被門限絆跌。以至震動大機。誤傷趙得偉身  
死。是該犯槍發由於失跌。而爭鬪實屬有心。  
未便照闕殺律擬罪。致遂其避就之心。自應  
改照火器殺人本例問擬。張洪茂改擬斬監  
候。秋後處決。陳章仍照原擬枷號一月。杖八  
十。滿日折責發落。湖北巡撫趙炳言奏委員  
勘明該犯胡沅在吳大芳田邊扭發鐵銃。相  
距扈庭輝等被傷之隔隴田埂。計遠六丈。其  
田埂高於吳大芳田邊六尺有餘。覈對該犯  
所供傷及中部情形符合。事出無心。仍照律  
擬絞監候。秋後處決。俱下部議。從之。○又諭。  
布彥泰奏野番拒捕。並廐馬被搶。請將營員  
議處一摺。此次都受眾追族黑人潛赴下山  
收討羊毛帳。由貴德東山行走。署貴德營遊  
擊魏智不知親往確查。僅派千總包紀功帶

兵往捕。所獲番賊五名。均非蒙古。被搶案內正犯。至餘賊拒捕。該遊擊並不抵險邀截。僅令把總末弁與賊接仗。以致戕官傷兵。生釁於前。畏葸於後。實屬全無把握。又大通馬廠被賊番搶去尊馬一千五百七十餘匹。附近番寺村莊。亦有被搶牲畜之案。該遊擊等漫不經心。致賊匪闖入汛卡。肆行搶劫。實屬玩泄。所有妄拏肇釁之署貴德營遊擊魏智。及疎防尊馬被搶之署大通營遊擊田春元。未

能防堵賊匪之署白塔營都司馬得功。未能協捕之永安營遊擊隆盛友。均著交部分別議處。搶去馬匹。著落該總兵遊擊等照數分賠。所有受傷殞命之署貴德營把總魏進宮。兵丁楊伏。馬步成。均著照陣亡例賜卹。○以鑲黃旗滿洲印務參領關福署正白旗蒙古副都統。前任馬蘭鎮總兵官慶錫署鑲紅旗蒙古副都統。○以訪獲販運私酒人犯。予兵馬司副指揮黃彝議敘。○予直隸故望都縣

訓導戴雲錦。江蘇故翰林院編修費蘭墀。安徽故江蘇嘉定縣教諭程瑤田。陝西故監生李廷佐。舉人王得韻。湖南故浙江紹興府知府聶鏡敏。浙江道監察御史歐陽厚均。戶科給事中蔣雲寬。舉人陳振玉。廣西故庠生周輔。入祀鄉賢祠。故安徽鳳臺縣知縣李兆洛。四川資州知州高學濂。廣東博羅縣知縣劉衡。入祀名宦祠。從總督訥爾經額。壁昌。廉敬。李星沅。布彥泰。裕泰。耆英。巡撫陸建瀛。王植。

林則徐。楊以增。陸費瓊。徐廣縉。孔繼尹。請也。○予勦匪陣亡雲南把總毛文元。外委陸春祭葬世職。兵丁楊廷宇等九十二名。賞卹如例。○予勦番淹斃甘肅外委郭輔忠。祭葬卹。○予赴浙陣亡四川兵丁張有才。會哨淹斃廣東兵丁屈安邦。賞卹如例。○除奉天復州水衝地三百二十畝。有奇。額賦。○庚申。命惇郡王奕諒行初定禮。○諭內閣。奕興等



奏敬謹查勘

陵寢各工情形一摺

永陵

昭陵應修各工。既據該將軍等詳細勘估。自應備料修理。以肅觀瞻。而昭慎重。著欽天監即選擇明年二三月內吉期。豫行知照。屆期敬謹妥實興修。○諭軍機大臣等。訥爾經額奏遵旨查拏鹽梟。獲犯辦理情形一摺。鹽梟結夥售賣。恃眾藐法。不惟為害匪淺。且易擾及地方。自宜及早捕治。以免滋蔓貽患。現經該督督飭嚴拏。獲犯多名。業已聞風斂跡。惟該匪等惟利是視。難保不復行潛聚。仍冀售私。現在先後委緝。各弁尚未撤回。該督惟當嚴飭設法訪捕。總期悉數弋獲。盡法懲辦。從前曾定立章程。著該督體察情形。可否遵守辦理。抑須稍變舊章。以期無弊。儻文武印委各員。查有推諉支飾。或遇大夥。畏葸不前。即著從嚴叅處。毋稍寬貸。另片奏商運鹽引情形。

轉飭妥議章程。設法招募等語。行鹽首重緝私。尤賴暢行官引。直隸地方。或有商無運。或有引無商。該督現擬查照舊案。將滯銷之區。撥歸暢岸融銷。並將新陳所銷鹽引併計分數奏銷。釐務為鹽政專責。而緝私督運。該督亦責無旁貸。總須和衷商議。於裕課有益。方為盡善。著訥爾經額即會同沈拱辰悉心妥議章程具奏。再降諭旨。將此諭知訥爾經額。並傳諭沈拱辰知之。○調廣東潮州鎮總兵

官阿隆阿。為山東曹州鎮總兵官。以前任廣東惠州協副將德存署潮州鎮總兵官。○以刑部左侍郎賡福為荊州將軍。○予故荊州將軍鐵麟祭葬。謚文恪。○旌表守正被戕河南西平縣民王六女淑妮。○戶部議准浙江巡撫梁寶常疏報富陽縣開墾地九十四畝有奇。象山縣二頃六十六畝有奇。定海廳七頃二畝有奇。樂清縣三頃三畝有奇。瑞安縣一十四畝有奇。照例升科。從之。○辛酉。諭內

關。戶部奏彙數各直省道光二十六年徵收新舊錢糧。比較上三年完欠分數。開單呈覽。錢糧為國家正供。豈容新舊相因。積年帶欠。各直省完納之多寡。全在各藩司督催之勤惰。自應分別懲勸。以重課賦。所有新賦欠數。在一分以上之安徽江西各藩司。新賦欠數。在一分以上之舊賦欠數。在九分以上之江蘇省江寧藩司。並福建甘肅浙江各藩司。新賦欠數。在二分以上之河南藩司。均著各督撫

查取職名。咨送吏部分別議處。並將未完銀兩。按限嚴催完報。新欠因易徵催。即舊欠亦宜容膜視聽。聽其拖欠至八九分之多。國帑攸關。各宜嚴實督催。儻仍前沅池。即著從嚴指叅。其四川廣東湖北三省應徵新舊二賦。全完各藩司。督催認真。著各督撫查明。咨送吏部議敘。○巡視中城河南道御史志魁等奏。編查保甲。拏獲吸食鴉片逸犯杜焜。請飭交刑部審辦。得旨。杜景胡即杜焜著交刑部審

辦。中城御史志魁給事中。路慎莊。督查保甲認真。著交部議敘。從來編查保甲。為緝奸要務。若奉行故事。實無裨益。該御史等按冊逐戶點查。竟能將前經降旨飭拏逸犯杜焜訪獲。並查出人數姓名不符。及形跡可疑多起。分別辦理。可見一經嚴查。該匪等即無駐足之處。是認真稽查門牌。大有實效。因思各城各有專轄地面。自應一律認真清查。毋令奸宄潤匿。該巡城科道等。必應督飭所屬實力

奉行。認真查察。遇有形跡可疑。及門牌人數不符之處。立即嚴拏究辦。毋得視為具文。有名無實。仍不時稽察丁胥人役等。毋得藉端騷擾需索。以緝奸宄。而靖閭閻。○以故一等子阿裕。嚕子呢爾。吉巴圖。告休一等男阿爾。綢阿子。成祥。各襲爵。○調禮部右侍郎麟魁。為刑部左侍郎。盛京刑部侍郎廣林。為禮部右侍郎。以都察院左副都御史桂德。為盛京刑部侍郎。○調鑲白旗漢軍副都統吉明。為

正黃旗滿洲副都統以刑部左侍郎麟魁兼鑲白旗漢軍副都統○實授德存廣東潮州鎮總兵官○以山東各屬歉收命暫緩買補常平社倉穀石○蠲減江蘇丹徒縣沙湖田五頃二十八畝額賦有差○壬戌

上詣

皇太后宮問安○諭內閣奕興等奏本年秋季稽查東邊外山場情形一摺○盛京沿江一帶地廣山深流民最易涸跡○疊經降旨飭查並

釐定巡邊章程俾隨時派員前往自應認真按捕以期邊界肅清○茲據該將軍等奏稱本年秋季派往統巡之防守尉福祿等帶領弁兵在於邊之內外拏獲伐木等項人犯七起又於葫蘆套等處焚毀草窩棚十五處雖查無復墾地畝之事但立法未久已有奸民涸跡潛藏若再經歷數年恐流弊有甚於前有名無實○咨將誰執特再申諭該將軍等務督飭守卡弁兵嚴密稽查斷不准稍有疏懈仍

於每季派委統巡等官時諭令實力周查毋任虛應故事○查有墾田構舍等弊立即平毀淨盡○僅查察稍有未周致奸匪仍復潛往不惟失察之統巡各員弁等從嚴懲辦並將該將軍副都統等加等治罪決不寬貸以期法在必行○以故三等男恭安子松壽襲爵○癸亥諭內閣郭順安奏清查倉庫懇請展限等語○河南省此次清查各屬倉庫歷年過久款目繁雜加以本年被旱報災錢糧多有蠲

緩倉穀並須動撥逐款清釐難期依限嚴事著准其展限半年務須逐細鉤稽認真查辦以昭覈實○以堵禦回匪賞烏什阿奇木伯克公邁瑪塔里普子買瑪特三等侍衛五品伊什罕伯克阿布都拉依木等賞換頂帶有差○舉行本年軍政盛京將軍所屬卓異官五員罷輟官二員年老官四員才力不及官一員江寧將軍所屬卓異官二員年老官二員吉林將軍所屬卓異官四員才力不及官

一員。廣州將軍所屬卓異官一員。西安將軍所屬卓異官三員。才力不及官一員。綏遠城將軍所屬卓異官二員。察哈爾都統所屬卓異官四員。罷輟官一員。年老官七員。烏魯木齊都統所屬卓異官二員。罷輟官一員。熱河都統所屬卓異官二員。年老官八員。青州副都統所屬卓異官一員。年老官一員。密雲副都統所屬卓異官二員。年老官一員。伊犁將軍所屬年老官一員。才力不及官一員。山海

關副都統所屬年老官一員。涼州副都統所屬罷輟官一員。分別議敘處分如例。○甲子。直隸總督訥爾經額奏省城得雪。得旨欣悅。覽之。京中亦於十六日夜間得雪二寸餘。雪雖不大。洵為臘雪占豐之兆。更喜無風。○舉行本年軍政。京營卓異官三員。年老官一員。才力不及官三員。不謹官一員。直隸卓異官十三員。才力不及官三員。熱河卓異官一員。才力不及官一員。河南卓異官二員。才力不

及官一員。山西卓異官五員。罷輟官一員。才力不及官一員。四川卓異官九員。罷輟官二員。有疾官一員。才力不及官二員。不謹官一員。雲南卓異官四員。罷輟官一員。年老官一員。有疾官三員。貴州卓異官三員。罷輟官二員。年老官一員。山東卓異官三員。才力不及官二員。江南卓異官八員。年老官二員。才力不及官五員。浮躁官二員。江蘇卓異官一員。罷輟官一員。有疾官一員。才力不及官一員。

江西卓異官二員。年老官三員。安徽卓異官一員。廣東卓異官六員。罷輟官二員。年老官六員。有疾官二員。才力不及官二員。廣西卓異官二員。罷輟官二員。有疾官一員。湖北卓異官四員。才力不及官四員。不謹官一員。湖南卓異官六員。分別議敘處分如例。○乙丑。諭內閣。吉明等奏應撤換防官兵。請照征兵凱撤章程等語。葉爾羌換防兵丁。前因逆匪滋擾。暫行截留。現在軍務告竣。均應撤回歸

伍所有應撤官兵著加恩准其援照成案。自肅州以西按軍營例支給鹽菜口糧肅州以東仍照防兵之例辦理以示格外體恤。○諭軍機大臣等本日據奕山等奏捐造礮位據情代奏一摺已明降諭旨將該提督等加恩獎勵矣。因思擡礮擡槍為行軍利器最為適用此次攻擊賊匪施放擡礮甚屬得力該參贊已飭回疆各城一體教演自可悉臻嫺熟惟此項擡礮擡槍祇宜於滿洲綠營中製造

演習使之施放有準至其如何製造如何演放之法不惟卡外回子不可使其偷試學習即卡內各城回子亦未便任令知悉該參贊惟當嚴飭回城各營弁兵等密為演試慎重防閑務令技藝嫺習而機法秘訣不致外洩是為至要將此由五百里諭令知之。○以署正白旗蒙古副都統關福為鑲黃旗蒙古副都統。○以捐造礮位予烏魯木齊提督成玉優敘。○以擊賊出力賞葉爾羌守備石源花

翎武舉蔣連捷等藍翎餘升敘有差。○給河南祥符陽武汲封邱延津洛陽偃師鞏孟津登封安陽湯陰獲嘉淇新鄉濬考城十七縣災民一月口糧貸鄭榮澤汜水陳留新鄭宜陽六州縣災民倉穀。○丙寅諭內閣楊以增奏遞籍革員復來陝省許告驛站積弊一摺此案已革典史吳恆前經李星沅審擬妄稟認誣出具切結降旨革職永不敘用茲復私行逃至陝西翻控前案意在拖累挾制著再

交楊以增督同臬司嚴良訓親提人證卷宗秉公查訊務得確情嚴行懲辦按律定擬具奏。尋奏嚴密查驗四路驛站額設馬匹均有印烙為憑實無虧短需用草料並無勒取濫派所設差局止支應過往大差出於里民循舊津貼事不經官無從侵削至呈控各官一節將乾州知州常瀚等先後調傳隔別查訊並無賄和情事吳恆挾嫌翻控應照假以建言為由挾制官府發附近充軍例發附近充

軍。至配折責安置。下部議從之。○以江南江安蘇松道屬糧價未平。命緩買各幫丁行月等米。○展緩陝西涇陽富平三縣歉收村莊舊欠額賦。丁卯。

上詣

皇太后宮問安。○以戶部左侍郎柏葰吏部左侍郎李芝昌充經筵講官。○戊辰。

上御撫辰殿大帳次。賜蒙古王貝勒貝子公台吉呼圖克圖等宴。賞賚有差。○諭內閣各省

設立臺站。遇有緊要摺報。必須迅速馳遞。方免貽誤。前因葉爾羌等處奏摺接遞遲延。屢經降旨飭查嚴叅。茲復據兵部奏查明自十一月十一日起。至十二月二十日止。接到參贊大臣奕山等奏摺。遲延又有七件之多。並未聲明結報。且傳牌排單破爛。無從查檢。並多不填註時刻等語。軍報緊要。所有經過各臺站。宜如何包封緊固。按站迅速。何得任意遲延。揉擦著直隸山西甘肅陝西各督撫及

新疆經過各城將軍大臣。迅速查明前數次及此次遲延之故。並因何不填註時刻。據實叅奏。至傳牌排單。如果小心護惜。何至揉擦破爛。恐不免有意滅跡。為中途耽延地步。著該督撫將軍等逐站傳知。嗣後務當按站留心接遞。以憑對單稽覈。指名叅懲。無得玩延干咎。○諭軍機大臣等。前據裕泰奏乾州痞苗糾眾肆擾。當降旨飭令查辦。茲據陸費瑤奏。現在堵捕情形一摺。湖南乾州廳夥款抗

租痞苗。越至永綏廳苗寨。逼脅良苗入夥。肆行焚搶。該提督想早已馳赴辰州勦辦。現在該撫飭令該鎮道等酌帶兵勇馳往堵捕。更覺策應得力。此等烏合之眾。必須趕緊捕拏。以期速就撲滅。免得蔓延。著即嚴飭該道廳等會營督率兵勇。嚴密堵緝。實力勦辦。務將首要各犯。剋日就獲。迅速藏事。其被脅良苗。惟當明白曉諭。妥為撫綏。使之解散安集。毋致失所。庶以安良苗之心。而杜頑佃之口。將

此諭令知之。○賞休致西安將軍布彥圖。全俸。○賞喀爾喀貝勒幹當當准車楞扎薩克頭等台吉諾爾布扎勒土爾扈特扎薩克頭等台吉喇特納巴咱爾花翎。○己巳諭內閣。張澧中奏。東商未完正雜課款。請勒限催徵一摺。著准其自道光二十八年開印日起。勒限三箇月。如數徵完。償逾限不完。即著從嚴叅辦。斷不准再請展限。○又諭張澧中奏。審明行劫商虞廳署案犯。請飭拏首從各犯一摺。據稱提集各犯。訊取供詞。或現供狡卸。或避重就輕。顯係恃無質證。不吐實情。難以據供定案。所有在逃首從各犯。計四十餘人。均籍隸江南河南。現在該撫已將訊出逃犯姓名年貌住址。開單飛咨兩江總督。河南巡撫。著該督撫即飭屬按名嚴拏。各犯務獲。解往山東歸案審辦。毋稍玩延。尋山東巡撫徐澤醇奏。江豫等省。先後將拏獲首夥各犯陳奉淋等咨解來東。審明各犯。均籍隸江蘇河南。

其所犯夥劫各案。亦在江豫兩省。當親提研訊。除罪應斬梟黃鼠狼等四犯。及罪應減遣之裴四等二犯。均已病故外。陳奉淋等十一犯。或起意為首。或入室搶賊。情罪較重。即行正法。傳首示眾。陳符等八犯。聽從在外瞻望。係情有可原。合依強盜免死減等發遣例。發新疆給官兵為奴。惟姬奎王汶學二犯。現案以情有可原聲請。該犯等尚有江蘇銅山縣事主李大輅一案。如係強劫。則行劫二次。罪

應斬梟。應俟咨查覆到。另行覈辦。逸犯高瀾淋等。獲日另結。下部議從之。○諭軍機大臣等。前因薩迎阿奏患病未愈。請調毓書暫署伊犁參贊。當經降旨允准。茲據薩迎阿奏。飛咨毓書折回喀什噶爾署理領隊。並請調海枚暫署伊犁參贊一摺。喀什噶爾領隊現已簡放有人。毓書著仍遵前旨。無論行抵何處。即著馳赴伊犁暫署參贊大臣事務。海枚毋庸前往。儻已行抵中途。亦即折回阿克蘇會

同辦理糧臺報銷等事。薩迎阿病已稍減。朕心甚慰。現由驛賞給御用人參一斤。著即祇領。安心調理。酌量服用。將此由五百里各諭令知之。○庚午。

孝莊文皇后忌辰。遣官祭

昭西陵。

上詣

慈寧宮。

壽康宮前殿行禮。後殿問

皇太后安。○諭內閣裕瑞等奏。江寧旗營教場田畝。連被水淹。漸形硤薄。其公租應否議減。請飭地方官勘明辦理一摺。江寧旗營舊有教場公田三千四百畝。交佃領種。歲收公租。為添設礮兵月餉。並八旗官學膏火等項之用。近年各佃歷欠正租未清。又帶徵展限等款。催追未繳。經該將軍等飭委同知各員會勘。著交李星沅再行派員詳細履勘。應否議減。據實具奏。至江寧右司經徵各佃租款未

能足額。著查取職名。先行交部察議。尋覆奏。教場田畝。連年租籽歉收。兼銀價昂貴。未能全數完租。委係實在情形。第銀錢一律折減。恐於旗營支放不敷。若照舊徵收。佃力又有未逮。現議每年麥租錢文。仍循其舊。其每畝秋季稻租銀三錢。改為銀錢各半兼交。自道光二十八年為始。並請將二十六年以前積欠銀錢。俟兩年後分限六年帶徵。二十七年稻租除完尚欠一半銀兩。勒令於報銷前完

結。下部議。尋議該督酌量變通。應如所議辦理。惟查原案租項。均係收銀。此次所稱麥租收錢之處。曩與原奏不符。應令一併詳確查明報部從之。○又諭鑾儀衛奏。恩利銀庫滋生銀兩。典置地畝。本年應徵租銀。並節年拖欠銀兩。除解到外。尚未完節年舊欠租銀十九萬四百七十餘兩。著直隸總督嚴飭各屬。務將前項舊欠租銀迅速催解。不許再有延宕。○諭軍機大臣等。著英奏。喚夷請於西藏指



明舊界現又續接來文請委員前往察看一摺。後藏與加治彌耳交界之處是否舊有界址。已諭知斌良等派員密加訪查。如果有舊案可循。絕無流弊。自應查照舊定界址奏准允行。儻心懷詭譎。別有隱情。該督思慮所及。即當設法據理駁斥。以杜弊端。仍須密探該夷情形。隨時具奏。俟斌良等查辦覆奏後。再諭該督知之可也。將此諭令知之。○又諭本日據耆英奏續接噶夷噶酋來文。仍請於西

藏指明舊界一招。此事前據耆英奏稱該酋祇欲查明舊界通商。並不另議新條。又稱接據夷文。印度兵頭已派夷目前前往等語。曾降旨交琦善等密探情形。酌量商辦。茲又據耆英奏稱。續接該夷噶夷噶來文。以印度兵頭文稱該國業已派員前往。請中國委員立即前往等情。該夷必欲指明加治彌耳舊界。如果係照常通商。無不可行。特恐心懷叵測。不可不防。現在屢次續請。未便置之不答。著琦

善斌良穆騰額商派安員前往訪查。如該夷實有夷目來至後藏。即眼同確查。加治彌耳向與西藏通商舊界。詳慎辦理。若另生枝節。或別有假道詭謀。著琦善一面飛咨耆英據理駁斥。折服其心。仍一面加意防範。由驛具奏可也。將此各諭令知之。○又諭本日據斌良奏布魯克巴夷目與哲孟雄部長在西藏所屬地方互鬪。已開導勸令先後回巢。一摺。覽奏均悉。該夷等蠻觸相爭。本可不必過問。

惟據稱哲孟雄部長與布魯克巴頭目在唐古特界內帕克哩地方邂逅滋鬧。堅持不下。經該大臣等派員曉諭。開導再三。始肯先後回巢等語。該夷等詭譎多端。哲孟雄所稟將所管四處隘口均交帕克哩營官管轄之言。亦難全信。第該部落與披楞毗連。自應暗加防範。著斌良等嚴飭各邊隘偵探夷情。有無動靜。仍遵前旨咨商琦善。若其事與藏地不相干涉。即可置之不問。又片奏在事辦理各

員。懇恩鼓勵等語。著斌良等覈實秉公酌量保奏。毋許冒濫。將此諭令知之。○辛未。湖廣總督裕泰奏。遵查乾州苗匪起釁緣由。實因無賴痞苗。假屯田內間有水衝沙壓。及今秋偶被蟲旱為名。復行合款抗租。藉端索詐。委非地方官另有激變情事。現在飛咨提督。並督飭地方各官激勵兵練。示以聲威。一面懸賞購擒各款頭。解散脅從。以勤以撫。似不難迅就肅清。得旨。安速籌辦。毋稍玩延。○

上以歲暮給祭

太廟。自是日始齋戒三日。○壬申。諭內閣。李星沅等奏。揀派武職押送海運。並籌辦防護情形一摺。江蘇蘇州。松江太倉三屬漕糧。明年改由海運。必須洋面肅清。方不致有疏虞。著照所請。准其做照成案。派委副將顧清漣。參將陳長泰。沿途護送。由蘇松狼山。福山。三鎮總兵。遞相迎護。前後照應。仍著提督統領兵船。梭織巡邏。並著梁寶常於海船放洋之始。

嚴督定海鎮總兵。訥爾經額。張禮中。於海船入境之後。豫調將弁兵丁。分別於交界處所接遞迎護。僅有盜賊。首尾扼要。方不致此拏彼竄。斷不可強分畛域。各以本省所轄幸保無失。便為了事。所稱現獲各犯。務即從嚴懲辦。毋稍寬縱。○諭軍機大臣等。穆彰阿等奏。會議哲布尊丹巴呼圖克圖之呼畢勒罕來歲行走路程。仍照舊章。毋庸改由四川行走一摺。所議甚是。呼畢勒罕前往庫倫。向由邊

外一帶行走。若議改道四川。既難省供頓之繁。亦易起官民之感。隨行藏番人等。分作兩途。數省受其擾累。照料反覺難周。試思哲布尊丹巴呼圖克圖。向為口外蒙古所重。該喀爾喀蒙古人等。悉由草地迎接護送。如取道四川。則迎接之蒙古王公等。不能隨行。大失所望。所謂接護者安在。其輸誠展敬者。又安在耶。布彥泰所請。實屬窒礙難行。惟循照舊章。小心護送。乃哈勒吉那專責布彥泰。亦應

督飭辦理不可因噎廢食務當慎派官兵加意迎護設法豫防毋得稍有疏失儻仍有搶劫等事藉口於未改章程該督等恐不敢出此也懔之該大臣會議原摺著鈔給閱看將此由四百里諭令知之○直隸總督訥爾經額奏順天保定各府屬得雪日期得旨今冬雪澤優霑為近年所無朕感謝

天恩於無既也○癸酉以歲暮禋祭遣官祭

太廟中殿

後殿○以哈密開墾事竣予甘肅知府色克通

阿等議敘升補有差○甲戌禋祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○遣官祭

太歲之神○諭軍機大臣等本日已有旨著耆英來京陛見所有兩廣總督印務及欽差大臣關防均交徐廣縉署理矣徐廣縉經朕簡用廣東巡撫到任已及年餘於地方情形及一切吏務自應熟悉機宜妥慎辦理惟疆寄重在安民民心不失則外侮可弭嗣後遇有民夷交涉事件不可瞻徇遷就有失民心至於變通參酌是在該署督臨時加意權衡

體察總期以誠實結民情。方為不負委任。黃恩彤曾任廣東巡撫。自獲咎以來。仍留粵省。經朕特賞六品頂帶。交著英差遣委用。該員身受重恩。指顧擢用。宜何如感激思效。始終出力。茲已有旨。將該員仍交徐廣縉差委。俾該署督遇事藉資指揮。可收指臂之助。徐廣縉接奉此旨。即告知著英差傳與黃恩彤閱看。以後黃恩彤如果奮勉出力。披瀝血誠。該署督自能據實保奏。候朕施恩。儻不知振作。藉詞推卸。難掩眾人耳目。即著隨時奏。試問黃恩彤能當此重咎否。耶。懍之。將此諭令知之。○命協辦大學士欽差大臣兩廣總督耆英來京。陛見。以廣東巡撫徐廣縉署欽差大臣兩廣總督。布政使葉名琛護巡撫。○以聲音洪亮。賞太常寺讀祝官瑞麟五品頂帶花翎。○朝鮮國使臣成遂默等三人。暹羅國使臣呷雅唆挖里巡段呵排臘車突等四人。於午門外瞻覲。○乙亥。

上御保和殿。筵宴朝正外藩。科爾沁烏珠穆沁喀爾喀巴林喀喇沁敖漢阿巴噶濟齊特土默特奈曼阿巴哈納爾鄂爾多斯烏喇特郭爾羅斯青海克什克騰土爾扈特察哈爾王貝勒貝子公額駙台吉等。並朝鮮暹羅國使臣。隨文武大臣依次就坐。諸樂並作。上進酒。召左翼科爾沁扎薩克土謝圖親王色登端魯布卓哩克圖親王巴圖達爾漢親王索特納木彭蘇克烏珠穆沁扎薩克車臣親王彭蘇克納木濟勒科爾沁扎薩克圖郡王索特納木倫布木扎薩克冰圖郡王林沁扎勒贊郡王濟克默特朗布巴林扎薩克郡王那木濟勒旺楚克喀喇沁扎薩克都楞郡王色伯克多爾濟敷漢郡王布彥德勒格呼固魯克齊阿巴噶扎薩克郡王阿爾塔什第郡王薩爾濟勒多爾濟浩齊特扎薩克郡王吹精扎布科爾沁貝勒貢格喇布坦土默特扎薩克貝勒那遜鄂勒哲依巴林頭等台吉扎

勒沁扎布。右翼喀爾喀扎薩克親王額林沁。多爾濟車林。多爾濟車登。巴咱爾郡王托克托瑚圖魯。扎薩克郡王那遜巴圖科爾沁扎薩克郡王僧格林沁。奈曼固倫額駙德木楚克扎布。土默特扎薩克貝子德勒克色楞。至御座前賜酒成禮。○是日戊申。年立春。順天府進土牛春山寶座。○是年旌表孝子直隸等省蔡懷南等十八名。孝女江蘇等省王大姑等四十七口。孝婦江蘇等省王陳氏等七口。孝友福建陳啓鳳一名。孝義山西伍開疆等二名。義夫四川陳振紀一名。守節合例滿洲。德興妻那拉氏等一百三十三口。蒙古定泰妻子佳氏等三十八口。漢軍長泰妻夏氏等二十六口。各省駐防盛京買住妻胡氏等二百九十口。奉天等省李劉氏等八千五百七十五口。夫亡殉節奉天等省王煦田妻姜氏等一百二十二口。未婚守志滿洲繼氏一口。江蘇等省張氏等四百七口。百歲壽婦婦廣

東等省吳作正等八十九名口。五世同堂。江蘇監生季永年等十五家。各給銀建坊如例。○一產三男。山東孟繼仁等三家。會計天下民數穀數。除福建臺灣未報。江蘇穀數未報外。直隸等省通共大小男婦四萬二千四百九十三萬八千九百二十五石五斗八升四勺。

大清宣宗效天符運立中體正至文聖武智勇仁慈儉勤孝敏成皇帝實錄卷之四百五十

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五十一

監修總裁官禮部尚書太子太保體仁閣大學士副都統管理戶部事務上書房總纂修翰林院掌院學士兼管順

天府府事務總辦加五級紀錄十八次臣前補鑾儀衛經歷官吏部尚書錄監撰譯都察院管理新營廣利倉度支總辦

七倉支撥察會同撰錄事務加一級隨帶加六級軍功加三級紀錄五次臣花沙納總纂修官文淵閣纂修官其部尚書鑾

內務府大臣錄內務府總辦察內七倉大臣管理宗人府銀庫左翼總管宗室宮園明等處繕錄御膳房御藥房太

監院總辦處事務隨帶加十八級臣阿寶副總裁官總纂修官兵部尚書隨帶加六級紀錄十次臣周祖培等奉

纂修

道光二十八年戊申春正月丙子朔

上詣

奉先殿行禮○詣

堂子行禮○遣官祭

太廟後殿○率王以下文武大臣官員詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○御乾清宮賜皇子親藩等宴○

賞料爾沁扎薩克冰圖郡王林沁扎勒贊子  
二等台吉沙濟滿塔呼花翎並在乾清門行  
走賞喀爾喀扎薩克郡王托克托瑚圖魯子  
二等台吉賽科齊喇勒圖阿巴哈納爾扎薩  
克貝子桑齊薩拉特多布子二等台吉塔托  
特諾爾布郭爾羅斯扎薩克輔國公阿勒坦  
鄂齊爾子二等台吉托布鄂勒濟圖花翎○  
丁丑諭內閣本年元旦淑氣晴明和風翔洽  
現值諸務靜謐民物阜安從此仰荷

天庥咸登壽宇因念及在廷王大臣等有年屆  
八旬贊襄盡職或歲逾七十亦皆精神強固  
供職克勤故得以感召庥徵作熙朝之人瑞  
允宜恩施特沛以昭優眷而迓祥和肅親王  
敬敏之子三等侍衛不入八分輔國公華豐  
著加恩授為散秩大臣貝勒綿德之子三等  
鎮國將軍奕縉著加恩賞給頭等鎮國將軍  
大學士潘世恩著加恩晉加太傅銜並賞用  
紫纁大學士寶興著加恩賞給太保銜尚書

保昌阿勒清阿李振祜都察院左都御史成剛均著加恩賞給太子太保銜都統中山之子乾清門三等侍衛穆騰阿著加恩賞給二等侍衛在御前行走用示朕尚齒引年錫類施仁至意○戊寅

高宗純皇帝忌辰遣官祭

裕陵○諭內閣朕於三月初八日由圓明園啟鑾十二日祇謁

西陵禮成後於十六日回圓明園所有應行事

宜著各衙門照例敬謹豫備○己卯朝鮮國

王李奐遣使表賀

萬壽冬至元旦三大節進貢方物賞賚筵宴如

例○貸湖南安鄉縣災民籽種○貸甘肅皋

蘭平番西寧碾伯大通金安化七縣災民籽

種口糧○庚辰諭內閣明日紫光閣筵宴著

停止所有蒙古王公及外國使臣一切應賞

之物均著照例賞給○辛巳祈穀於

上帝命

皇四子恭代行禮○諭軍機大臣等扎拉芬泰等奏酌籌應需銀兩數目一摺回疆辦理善後事宜款目繁多自應隨時通盤覈計以免撥解之煩共計需銀五十五萬兩儘足敷用如有贏餘應歸何處備貯著扎拉芬泰等與薩迎阿奕山商酌辦理除現解到銀兩並已解在途外其不敷銀二十五萬兩著布彥泰趕緊撥解另片奏匯兌商民銀兩以備急需等語該署大臣等已由阿克蘇商民內通融匯兌大營銀六萬兩葉爾羌銀一萬兩以備急需著俟續調之款解到即行歸還商民該大臣等惟當覈實籌畫撙節撥運毋任經手劣員虛糜開銷將此各諭令知之○以湖南寶慶協副將吉順為山東曹州鎮總兵官○壬午

世祖章皇帝忌辰遣官祭

孝陵○以兵部尚書文慶兼署吏部尚書吏部右侍郎福濟署戶部三庫事戶部尚書賽尚

阿署步軍統領○以睿親王仁壽署正黃旗漢軍都統○展緩直隸鹽山邯鄲廣平大名清豐武清安肅容城安青靜海滄南皮元氏邢臺南和唐山平鄉廣宗鉅鹿任永年成安肥鄉曲周雞澤磁元城南樂東明長垣隆平新河宣化龍門寧晉三十六州縣上年被水被旱被雹村莊新舊正雜額賦展賑鹽山邯鄲廣平大名清豐五縣災民○貸山西洪洞芮城垣曲寧遠四廳縣災民籽種口糧○緩

徵陝西蒲城縣歉收貧民積欠倉穀○癸未上詣

皇太后宮問安○給安徽鳳陽靈璧五河三縣災民一月口糧○展緩山東臨清長山齊河濟陽臨邑東平海豐陽穀壽張單館陶樂安邱魚臺濟寧厯城章邱長清惠民陽信霑化鄒菏澤曹定陶鉅野濮范觀城聊城聊城清平莘冠金鄉嘉祥三十六州縣暨德州東昌臨清濟寧東平五衛所被水被旱被風被丹

被沙村莊正雜額賦有差○甲申諭內閣裕泰奏進剿匪苗疊獲勝仗設法招撫解散一摺湖南乾州廳痞苗因抗欠屯租糾聚款眾竄擾苗地經鎮筸鎮總兵文安辰永沅靖道呂恩湛會派兵勇並令屯土備弁分率屯丁苗兵分路進剿連獲勝仗生擒殲斃苗匪多名奪獲器械無數該苗款眾窮感悔罪赴營投首繳械完租尚知畏法著准其自首仍究明款頭內何人起意糾夥滋事分別懲辦現

在乾州鳳凰兩廳雖已安堵惟此等苗匪狂榛難馴恐尚有糾結未散匪徒伏匿山谷該督仍當督飭該鎮道選派兵勇分路按查遇有匪聚匪苗即行按捕淨盡不得稍留餘孽以期永靖苗疆○諭軍機大臣等李星沅等奏礮位一項最為行軍利器該督等查得沿江礮位係生鐵鑄成體質笨重於乘間出奇轉運實有未便擬將熟鐵鑄礮炸彈靈捷彈子炸裂飛火四射猛迅倍常所見甚是著即



上緊多為製備。分給各營演練。惟修明武備。總須精益求精。務即嚴飭各營將備弁兵。認真演習施放。以期得心應手。一旦調用。方收實效。切不可議論多而謠言先起。成功難必。而終是虛文。此則萬萬不可。卿等其勉之。慎之。朕切望焉。將此密諭知之。○修江蘇沛縣民埝埽壩各工。從總督李星沅請也。○修湖北江夏縣隄工。從總督裕祿請也。○乙酉。享太廟。命惇郡王奕諒恭代行禮。○

上詣

安佑宮行禮。○幸圓明園。○奉

皇太后居綺春園。○遣官祭

太歲之神。○諭軍機大臣等。本日據耆英等奏。設法撫馭民夷。並嘯蘭哂夷酋到粵接見情形。各一摺。覽奏均悉。此次黃竹岐民夷爭毆之事。該酋若能約束禁止。何至動起釁端。該督等務將此意剴切曉諭。令其設法禁止。非貿易不得無故濫入民間田舍屋宇。至嘯

酋所稱雲南湖北等省。尚在拏辦天主教。四川湖北山東等省。並將該國傳教夷人凌辱。求為知會各省等語。已據該督等據理答復。惟外國人不准擅入內地傳教。前定條約。甚為明晰。今四川等省係屬照約辦理。並無不合。該督等亦須申明前約。向該酋詳細開導。令其約束該國夷人。勿再擅入內地傳教。以昭信守。是為至要。又另片奏查詢駛往朝鮮之夷人。現據聲覆情形。並著該督等隨時體

察酌量妥辦。將此諭令知之。○賞御前行走科爾沁達爾漢親王索特納木彭蘇克喀爾喀扎薩克親王額林沁多爾濟黃纒。命乾清門行走科爾沁冰圖郡王林沁扎勒贊在御前行走。○丙戌。

上詣綺春園問

皇太后安。○

孝全皇后忌辰。遣官祭

陵寢。○諭內閣張澧中奏獲犯解部等語。王瑞

著即解京交刑部嚴行審訊。未獲之王榮。仍著趕緊嚴拏務獲。歸案審辦。崇恩著仍俟將王榮緝獲。再行回京候旨。○丁亥。浙江提督善祿奏報到任謝恩。得旨。操防水陸。務期制勝。若萎靡不振。一旦有警。不但不能敵愾立功。試思汝身家能保耶。懍之勉之。○以陝西潼關協副將索文。為甘肅寧夏鎮總兵官。○展緩浙江仁和富陽嘉興秀水嘉善海鹽平湖石門桐鄉歸安烏程德清武康十三縣歉

收貧民積欠漕項銀。○戊子。諭內閣前已有旨。著者英於本年春暖來京。陞見。伊子慶錫現在病痊。尚未賞給差使。著即自備資斧前往迎接。以示優眷。○又諭。吉明等奏籌補遺失馬牛及伯克等呈懇捐修臺卡一摺。葉爾羌軍臺被搶馬牛。著准其將勦捕奪獲之馬牛。發交各臺撥補足額。其被焚軍臺卡房。據阿奇木伯克等呈稱情願捐修。出於至誠。著准其捐辦。並免造冊報銷。○以防守英吉沙

爾出力。賞筆帖式伊琿額等藍翎。餘升敘有差。○撫卹琉球國遭風難夷如例。○己丑。上御奉三無私殿。賜皇子親藩等宴。○以烏魯木齊領隊大臣扎拉芬為鑲紅旗漢軍副都統。賞駐藏幫辦大臣穆騰額副都統銜。為駐藏大臣。己革山東巡撫崇恩藍翎侍衛為駐藏幫辦大臣。○予故駐藏大臣斌良祭葬。如都統例。○庚寅。

上詣

安佑宮行禮。○御正大光明殿。賜朝正外藩等宴。作樂賜酒。如除夕儀。○諭內閣。前據王植奏。江廣漕船准帶竹木與舊案懸殊。請敕部覈覆一摺。當交該部妥速議奏。茲據該部覆奏。著仍照前署兩江總督陸建瀛漕運總督楊殿邦前奏。所有漕船天蓬竹木。准其循照舊章。高二尺而不計寬長。總以天蓬為度。兩旁跨木亦照舊章。各寬二尺而不計深長。總以船身為度。此外如有奸商影射。及例外多

帶情弊。著責成各該糧道督飭各幫員弁認真查驗。覈實結報。並飭各關監督實力查丈。以杜爭執。而利漕運。至各關歷年科算參差。未經報部有案。不可不畫一辦理。以杜各弊。著兩江湖廣總督江蘇安徽江西湖北湖南各巡撫會同漕運總督查覈明確。準情酌理。迅速妥議章程。連銜會奏。以為永遠遵行之制。再漕船准帶土宜。原為津貼體恤起見。惟例外多帶。既應查驗於未經開行之先。尤宜

嚴防其中途裝帶之弊。著湖廣江西各督撫轉飭各該糧道實力查驗。並開列船口清單。先期飛移各關。俟糧船抵關時。按單查驗。認真辦理。惟江西漕船抵關時。每多連檣竟過。不候查驗。藉口於限緊溜急。每多夾帶。著查照兩湖漕船章程。到關暫停。或溯流迎查。俾得覈實稽察。無誤遄行。總當見船即驗。一驗即行。斷不准稍有遲延透漏。以速運務而重關稅。尋江西巡撫吳文鎔奏漕船例帶土宜

歷係開明貨色清單呈驗。但未將何船帶何土宜。分晰開列。自應遵辦。以杜例外多帶之弊。至江西糧船幫多船眾。蕪湖關南北兩岸河面狹窄。不能排列候驗。溯流迎查。較為妥便。查安徽銅陵縣屬大通鎮馬頭寬闊。距蕪湖關百餘里。應請即於此處暫停候驗。下部議從之。○以內閣學士聯順為禮部左侍郎。○調正白旗蒙古副都統德齡為鑲黃旗滿洲副都統。以正紅旗漢軍參領榮玉德為正

白旗蒙古副都統。○予故禮部左侍郎連貴祭葬。賞銀五百兩治喪。命其子候選員外郎明恩俟服闋後以員外郎遇缺即選。○辛卯上詣綺春園問

皇太后安。○御正大光明殿。賜大學士尚書等宴。○諭內閣。廓爾喀貢使。本年到京稍遲。未及與外藩筵宴。向來朝鮮暹羅兩國使臣。照例在部筵宴一次。在館筵宴一次。著將廓爾喀貢使附入。以示優禮。該部即遵諭行。○以

禮部尚書保昌署經筵講官。○以刑部右侍郎麟魁署鑲黃旗滿洲副都統。○壬辰諭內閣德誠等奏請飭催山東幫船一摺。本年江蘇蘇松太等處漕糧。議由海運。若山東省幫船與海運沙船同時到津。恐照料難期周密。著張澧中嚴催各幫迅速開行。務於沙船未到之前。過關北上。俾壩上及早兌收。毋任遲滯。○以乾清門三等侍衛伊昌阿為伊犁領隊大臣。○以辦理回疆軍務出力。賞葉爾羌

守備王建功。吳永慶。花翎。印房章京瑞昌等。藍翎。回子四品商伯克伊布拉克。依木等。翎頂。餘升敘有差。○修英吉沙爾城牆各工。從署葉爾羌參贊大臣吉明請也。○癸巳賞新襲廓爾喀王蘇熱達熱畢噶爾瑪薩哈寶石頂。並其使噶箕蘇熱達興奔塔薩爾達爾阿錫巴熱喇巴薩呢彥達花翎。○甲午。

上御山高水長。賜王公大臣蒙古王貝勒貝子公額駙及外藩使臣等食。○諭軍機大臣等。

奕興等奏查明金櫃尺寸開單呈覽一摺。此次恭修

玉牒。將次告竣。所有黃紅大檔。即應派員恭送盛京尊藏。俟送到時。著奕興等悉心籌度。現在

鳳凰樓空閒金櫃如數收貯。即當敬謹安放。儻尺寸不符。亦應將送到

玉牒。先於

鳳凰樓敬謹存貯。屆時酌量另造金櫃一俟造

成。再行妥慎收藏。俾垂永久。將此諭令知之。

○廓爾喀使臣噶箕蘇熱達興奔塔等二人。於山高水長瞻觀。○乙未。兩江總督李星沅等奏籌議海運未盡事宜。一。海運漕白糧米。斛收最關緊要。上年直隸驗收江浙商運米石。係用市斛。每米一石。較漕斛多三升四合。查與道光六年海運成案不符。伏思漕糧本用漕斛。即向來河運抵通。以洪斛交。仍折算漕斛報銷。現飭各屬自備漕斛。並部頒鐵斗。

帶津較驗。以昭畫一。常年河運白糧。俱雇民剝運通。現在官剝船隻不敷。海運白糧。應請添雇民剝。各船樣米。原備收兌時考較之資。上年商捐各米。用木桶盛收赴津。米色受暑。不足為查驗比對之據。常年河運白糧。均用麻袋妥裝。此次海運樣米。應請倣照辦理。下部知之。又奏。戶部咨開議覆御史曹楙堅陳奏海運案內。原奏稱蘇松太三十餘幫水手。該省大吏處置無策。乃勸令紳士團練鄉勇。製備器械。恐致激成事端等語。現在江蘇調劑旗丁。資遣水手。臣等督飭糧道妥為照辦。並未勸令紳士團練鄉勇。得旨覽奏。均悉。妥慎為之可也。○以吏部右侍郎福濟充經筵講官。○以翰林院侍讀德瑛充日講起居注官。○以甘肅鎮迪道慶端為江蘇按察使。○丙申。

孝穆皇后忌辰。遣官祭陵寢。○丁酉。

上詣綺春園問皇太后安。○以山東臨清州運河漳神靈應。命漕運總督楊殿邦修葺廟宇。頒御書扁額曰功資濟運。○命戶部右侍郎朱鳳標倉場侍郎德誠前往天津查驗海運漕糧。○戊戌。

孝聖憲皇后忌辰。遣官祭泰東陵。○諭內閣。本年輪應查閱湖北湖南雲南貴州等省營伍之期。湖北湖南著派裕泰雲南貴州著派林則徐。逐一查閱認真簡校。如查有訓練不精。軍實不齊者。即將廢弛之將弁。據實劾參。毋得視為具文。○又諭鄭祖琛奏越南國王阮福曦身故。繕表告哀。該陪臣現於關上候命一摺。越南國久列藩封。今該國王身故。該國嗣遣使告哀。自應令其恭詣闕廷。著該撫即傳旨准令該陪臣入關。其一應派員伴送事宜。均照舊例辦理。計該陪臣到京尚需時日。所有襲封各事宜。屆期再

行查辦。至該國嗣呈進方物著即停止以示體恤。○又諭。已革温州鎮總兵汪士達辦事乖方。致釀人命。著從重發往軍臺效力贖罪。所兼雲騎尉世職一併革退。○修湖北鍾祥縣廖家店隄外灘岸。從總督裕祿奏請也。○已亥。諭軍機大臣等。給事中陳岱霖奏苗疆屯防積弊。亟宜整頓一摺。湖南乾州等廳苗匪滋事。現已一律肅清。善後事宜。該督撫等自已斟酌妥辦。惟苗疆屯防一切章程。自從前

定立以來。難保不日久弊生。亟宜整頓。以靖邊圉。著裕祿、陸費瑤按照該給事中所奏悉心酌覈。會同妥議具奏。將此各諭令知之。○大學士軍機大臣穆彰阿等覆奏前據四川總督琦善奏。川省西南與夷番土司草地接壤。近來商民紛往漁利。債帳則控官代追。失物則勒令賠償。慮致激成事端。嗣後夷人拖欠債負。及擄竊私貨之案。應請毋庸查辦。庶商民不致潛往營私等語。私商越境由於界

限不嚴。僅置擄竊等案於不問。恐啟番夷肆擄之弊。應飭該督將通藏大路及與土司草地連界等處。嚴定界址。不准商民越界典當夷地。以杜爭端。從之。○庚子。諭內閣。惟勤奏遵查軍臺接遞摺報遲誤之員。弁請嚴加議處。一摺。軍務緊要之時。各該軍臺遞送限行奏摺。屢有遲延。實屬玩泄。必應查明懲辦。所有遲延各員弁職名。均著交部分別嚴加議處。○又諭。奕山等奏查明逃亡回戶數目。並

逃戶產業。請暫將閒散回戶撥補一摺。喀什噶爾逃亡回戶。現經查明。除陸續招徠外。仍有一千五百數十戶。尚未投回。著准其照案給限一年。於限內自行投首者。概予免罪。給還原業。償逾限不回。或潛行逃歸。被獲到案。即照例嚴行懲辦。其現在所遺房產。著准令閒散回戶暫行認領。以符原額。○諭軍機大臣等。惟勤奏帶往軍營擡礮。請毋庸運回。另行捐廉添製一摺。據奏此次軍興。由烏魯木

齊帶往擡礮一百尊。甚為得力。請毋庸帶回原營。即分撥存貯等語。前已有旨諭知奕山等。母令回眾深悉擡礮制度。該都統具奏時。想未見及。故未能領會。此次擡礮應歸何處存貯。既可便於調取。又不致為回眾倣效。著奕山。吉明。舒興阿。悉心酌覈。會同妥議具奏。再降諭旨。將此各諭令知之。○又諭。林則徐等奏提解控案。延未赴解等語。雲南永昌地方。漢回挾嫌互殺。經該督撫等出示切實開

導。漢回已具結互保。矢無反覆。惟香匪現經提解。竟敢藉詞意圖抗拒。該匪等平日燒香結會。往往挾讎擅殺平民。匿不報官。茲於提解人犯。復敢糾約庇匿。意欲抗拒。此風斷不可長。著林則徐等。諄飭該道府等。妥為曉諭。釋其疑慮。固不可操之過促。致滋決裂。亦斷不能任其抗拒。不遵提訊。總須默化潛移。挽回風氣。以綏邊徼而靖兇頑。將此各諭令知之。○又諭。吉明等奏。軍需銀兩約計數目。並

請分撥銀兩封貯一摺。據稱巴爾楚克向無備貯銀兩。請於葉爾羌庫貯銀二十萬兩內。分撥該營五千兩。令其永遠封貯等語。此項分撥銀兩。所以應急需而備不虞。該處地等彈丸。官弁無多。不足以昭慎重。著將所撥銀五千兩存貯阿克蘇庫內。專作為巴爾楚克緩急供支之需。如阿克蘇有應需支放之處。亦不得以此項動用。將此諭令知之。○葉爾羌參贊大臣奕山等奏。霍罕遣夷使於十二

月十二日至喀什噶爾。據稱帶有該夷明巴什木素滿庫里稟函。情詞恭順。得旨。彼此言語不通。文字難憑。斷不可信。以為實。加以反覆無常之性。惟有慎守邊疆。習練武備。善撫各城回眾。俾令心不外向。自能妥善也。慎勉為之。毋忽。毋怠。○以辦理回疆軍務出力。予伊犁佐領圖們泰等議敘有差。○以勦捕喀什噶爾回匪出力。賞甘肅參將謝天貴遊擊薩保花翎。○以巴爾楚克防堵出力。賞署遊

擊冷震東花翎。葉爾羌章京訥穆棟額等藍翎。餘升敘有差。○以按捕奎里鐵列木莊餘匪出力。賞守備林維城馬俊徐登科五品伯克伊斯瑪依勒花翎。把總尹登雲等藍翎。餘升敘有差。○以捐修烏魯木齊城垣。予甘肅按察使雲麟等議敘有差。○以回匪滋擾。免喀什噶爾民戶回戶正雜額賦。並積欠糧石布匹普爾錢。○展緩巴爾楚克被賊滋擾戶民舊欠額賦。並貸口糧籽種。○免雲南銅廠民欠無著工本銀。○辛丑諭軍機大臣等。耆英等奏請將廣東駐防滿洲營添演擡槍陣式一摺。此項捐造擡槍。除分撥水陸各營外。尚存九百餘桿。該督等現擬酌撥滿洲營五百桿。俾資演習陣式。於操防實有裨益。著照數撥給。即責成該將軍副都統督飭協領佐領等。按照陣式認真勤加操練。總期整齊便捷。施放有準。臨事方可得力。切不可有名無實。徒飾外觀。烏蘭泰係由火器營簡放。必能

向弁兵等講求精當。所需鉛子火藥。即准其在籌備修補軍裝項下。將應行回繳藩庫銀四百兩項內扣留。作為每年製造火藥鉛子之用。仍應覈實辦理。勿任虛糜短少。將此各諭令知之。尋將軍穆特恩等奏滿營操演。均有日期。茲擬每月於初四二十二等日。添演擡槍陣式。初五十二二十五等日。添演擡槍準頭。以期漸臻純熟。通計每年製造藥鉛。共需銀三百二十五兩零。遵旨。在籌備修補軍裝項下。所餘藩庫銀內撥用。其用餘銀兩。存備修補軍器獎賞兵丁之需。得旨。所議俱妥。務要緩急可靠。用心訓練。勉之。○壬寅上詣綺春園問皇太后安。○癸卯上還宮。○甲辰孝儀純皇后忌辰。遣官祭裕陵。○諭內閣。戴銓等奏。監追覺羅呈請暫時釋放回家治喪等語。恆琦著加恩准其暫行



釋放回家。勒限治喪。事畢。仍行圈禁。○以故奉恩將軍宜貴子官瑞襲職。○調福建海壇鎮總兵官陸鳳翔為江南蘇松鎮總兵官。蘇松鎮總兵官沈河清為海壇鎮總兵官。○修山東運河等廳隄閘各工。從河道總督鍾祥請也。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五十一

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五十二

光緒二十八年戊申二月乙巳朔諭內閣倭  
什訥奏拏獲偷砍樹林人犯請交刑部審辦  
一摺此案內務府幼丁關六兒等膽敢糾夥  
私砍圍牆內海地樹株實屬啓不畏法關六  
兒李成姚拴賈住兒均著解交刑部嚴行審  
辦其疏防失事尚能獲犯之文武員弁著刑  
部於定案時聲明請旨餘著照所擬辦理○  
復引見各衙門保送京察一等人員得旨瑞  
興徐相史致謬俞誦芬顧蘭徵陸以烜長春  
承齡陳景亮恩錫文桂陶文潞瑞昌覺羅德

數修

道光二十八年戊申二月乙巳朔諭內閣倭

什訥奏拏獲偷砍樹株人犯。請交刑部審辦。

一摺。此案內務府幼丁關六兒等膽敢糾夥私砍圍牆內海地樹株。實屬膽不畏法。關六

兒李成。姚拴。賈住兒。均著解交刑部嚴行審

辦。其疏防失事尚能獲犯之文武員弁。著刑部於定案時聲明請旨。餘著照所擬辦理。○

復引見各衙門保送京察一等人員。得旨。瑞

興徐相史致諤俞誦芬顧蘭徵陸以烜長春

承齡陳景亮恩錫文桂陶文潞瑞昌覺羅德

隣高保。文惠江鴻升。劉良駒。薩炳阿。俱著交軍機處記名。以道府用。○撥江寧司庫銀。買米一萬六千石。協濟旗營綠營。緩缺兵糧。○展緩江蘇上元。江寧。句容。溧水。高淳。江浦。六合。山陽。阜寧。清河。桃源。安東。鹽城。高郵。泰東。臺江都。甘泉。儀徵。興化。寶應。銅山。豐沛。蕭。碭山。邳。宿遷。睢寧。海。沐。陽。泰。興。三十二州縣。及淮安。大河。徐州。揚州。四衛舊欠額賦。○

上以祭

社稷壇。自是日始齋戒三日。○丙午。諭內閣。德誠等奏。請飭催輕齋銀兩一摺。有漕各省。每年應解通濟庫輕齋銀兩。自應按限解交。以供支放。本年蘇松太等處漕糧改辦海運。抵津較早。尤應迅速解交。除江安一處業經解到外。其餘未到者甚多。著江蘇浙江山東湖南湖北江西各巡撫。督催各糧道。星速起解。並著直隸山東江南各督撫。查明沿途催趲。毋得延誤。○閩浙總督劉韻珂奏。福建建陽

縣匪徒李先。逐創立紅錢會名目。糾黨傳徒。當即陸續拏獲。解省嚴訊。得旨所辦好。雖非大慙。亦不可留餘孽。盡力捕治勿怠。○丁未

祭

先師孔子。遣禮部尚書賈楨行禮。○遣官祭文昌帝君廟。○諭軍機大臣等。本日據楊殿邦奏海運各幫減歇糧船水手。請飭速為資遣一摺。本年辦理海運。所有歇運水手。前經該督撫議定資遣回籍章程。自己督飭州縣

查照各水手冊籍。妥為遣散。以免滋生事端。若如該漕督所奏。現在具報業已遣散者。僅止常熟昭文婁縣等三縣。其吳江一帶。仍有水手聚集。指日浙江幫船行抵該處。該水手等均係獷悍之徒。最易尋釁滋鬧。設或釀成事端。所關匪細。著李星沅。陸建瀛。接奉此旨。迅即派委明幹員弁。查明吳江一帶。未經遣散水手。尚有若干名。即按照奏定章程。剋日遣令回籍。斷不准任意逗留。藉稱無業游民。

暗中勾結滋擾。經此次飭諭之後。儻各該處歇運水手。仍前麇聚。或至為匪不法。朕惟該督撫是問。恐不能當此重咎也。將此各諭令知之。○戊申。祭

大社。

大稷。

上親詣行禮。○以舉行仲春經筵。遣官告祭

奉先殿。

傳心殿。

上御文華殿經筵。直講官賽尚阿賈楨進講。孟子善與人同。講畢。

上宣御論曰。王者父天母地。民胞物與。以天下為一家。中國為一人。固非漫為廣驚也。蓋天以陰陽五行之德。化生萬物。而理亦賦焉。萬物各得其所賦之理。以為健順五常之德。而性以名焉。聖人此性。常人亦此性。性無有不善。善無有不同。以同然之性。為同然之善。夫安得不廓然而大公哉。試徵諸舜。善如舜。至

矣。蔑以加矣。然舜不自覺己之有善。但覺人之有善。且覺人所有之善。皆己所不能有之善。而又不可不有之善。於是日取人之善。以為善。人無不樂與之為善。而人亦日趨於為善。興仁興讓。教孝教弟。朝野上下。翕然同風。邇治之隆。端在於此。孔子曰。舜好問而好察。通言。隱惡而揚善。孟子曰。聞一善言。見一善行。若決江河。沛然莫之能禦。皆善與人同之徵也。善之量。彌綸天地。舜之量。遂與天地準。

故曰大舜。直講官文慶。李芝昌進講。易經君子以除戎器。戒不虞。講畢。

上宣御論曰。兵者凶器。聖人不得已而用之。故大同之世。耀德不觀兵。惟賣劍買牛。鑄劍戟為農器。與天下共享和平之福。然狃於治安。視武事為不急之務。則適足以召奸宄而來寇兵。周王勝殷。載戢干戈。載櫜弓矢。示天下不復用兵。而周官大司馬之職。特詳蒐苗獮狩之法。二者並行不悖。蓋未嘗一日廢武事。

也。故曰兵可百年不用。不可一日不備。易象傳於萃曰。君子以除戎器。戒不虞。謂澤在地。上不可不思患而豫防也。且夫宵小之竊發。半由於武備之不修。如果嚴訓練。明賞罰。嫺鼓鏡之用。辦旂常之施。則干城腹心。悉成勁旅。彼反側者。將不戢自銷。不戰自屈。熙熙皞皞。同我太平。體天地好生之德。立神武不殺之功。莫大於是。故書曰。有備無患。傳曰。備豫不虞。皆斯義也。禮成。

上幸文淵閣。賜講官及聽講諸臣茶。復賜宴於本仁殿。○宗人府進呈新修

玉牒。

上詣乾清宮東暖閣行禮。恭閱送

壽皇殿東西室尊藏。○以禮節嫺熟。賞太常寺

贊禮郎常志。五品頂帶並花翎。○己酉。

上幸圓明園。○詣綺春園園

皇太后安。○調兵部左侍郎趙光。為戶部左侍

郎。兼管三庫事。仍留浙江學政任。轉兵部右

侍郎黃琮。為左侍郎。以內閣學士何桂清。為兵部右侍郎。仍留山東學政任。○命光祿寺卿青麐。提督江蘇學政。○庚戌。

上詣綺春園園

皇太后安。○工部尚書特登額。七十生辰。賞

御書扁額。並珍玩文綺。○辛亥。

孝淑睿皇后忌辰。遣官祭

昌陵。○壬子。諭內閣。載銓等奏承襲奉恩將軍

次數未能畫一。請將軍功旁支子孫。分別襲

替次數一摺。向來軍功王公旁支子孫承襲

奉恩將軍。例無分別嫡派旁支。作何襲替。明

文。是以或襲五次。或襲三次。辦理未能畫一。

除從前辦理兩歧之處。毋庸查辦外。嗣後凡

承襲奉恩將軍。著查明原立官之人。係軍功

王公餘子之嫡長子。如無嫡出子。或庶長子

之子孫。其後嗣子孫降等襲封之奉恩將軍

者。方准照例襲至五次而止。如原立官之人

係軍功王公餘子之餘子。或庶子之餘子。及

有緣事削去爵職。其子孫內尚有已經考封並襲封者。自與恩封之人無間。即不得均謂之軍功旁支子孫。如降等襲封至奉恩將軍。或考封奉恩將軍者。均照恩封之例。襲至三次而止。該衙門即照現定章程辦理。並著纂入則例。永遠遵行。○調兵部尚書文慶為吏部尚書。兼步軍統領。禮部尚書保昌為兵部尚書。以刑部左侍郎麟魁為禮部尚書。○以工部尚書特登額管戶部三庫事。大學士寶

興。兼正黃旗漢軍都統。熱河都統桂良署正白旗漢軍都統。吏部左侍郎惠豐為熱河都統。○贈故吏部尚書恩桂太保。予祭葬。謚文肅。賞其子常照三等侍衛。在大門上行走。○癸丑。命惇郡王奕諱祭關帝廟。○以吏部尚書文慶兼總管內務府大臣。命毋庸在軍機大臣上行走。調戶部右侍郎花沙納為吏部左侍郎。命毋庸兼總管內務府大臣。工部左侍郎阿靈阿為戶部右

侍郎。兼管錢法堂事務。理藩院左侍郎恩華為工部左侍郎。盛京工部侍郎培成為理藩院左侍郎。以內閣學士道慶為盛京工部侍郎。○以禮部右侍郎廣林署鑲紅旗蒙古副都統。慶錫為鑲白旗漢軍副都統。內閣學士載增署鑲黃旗滿洲副都統。○以江蘇蘇松鎮總兵官陸鳳翔。人地未宜。降副將。以京口協副將田浩然署蘇松鎮總兵官。○以浙江溫州鎮總兵官富爾遜布。不諳水師。命以陸

路總兵官候補。以瑞安協副將葉紹春為溫州鎮總兵官。○廓爾喀額爾德尼王蘇熱達熱畢噶爾瑪薩哈遣使奉表請安。賜敕褒獎。賞賚如例。○甲寅。遣官祭先醫之神。○諭內閣。李星沅等奏。候補知府審案出力。懇恩鼓勵一摺。江蘇候補知府鍾殿選。於派審案件先後審結。命盜重案計三百十四起之多。尚屬出力。著如恩遇。有江蘇安徽合例應補知府缺出。奏請補用。以昭激

勸。惟功過必須並舉。賞罰乃克持平。勤能者固應保升。闇茸者豈容竊位。今鍾殿選既已清釐積案多起。其積壓者究係何員。豈可置之不問。仍著李星沅等按數查明。分別叅辦。俾昭公允。至保奏審案出力人員。必應將各任積壓及承審錯誤之員。一併指叅。曾於道光十七年特降諭旨。距今未久。何竟漫不記憶。嗣後各該督撫等務當恪遵前旨。秉公覈實。總期勸懲並用。彰瘴兼施。庶吏治蒸蒸日

上。朕實有厚望焉。將此再行通諭知之。○以故奉恩將軍華德子秀平襲職。○以甘肅布政使寶清署刑部左侍郎。禮部右侍郎廣林兼署刑部右侍郎。○以服闋布政使張祥河為甘肅布政使。○以鑲藍旗護軍統領珠勒亨管圓明園八旗烏槍營事。○旌表守正捐軀山東蓬萊縣民甯世慶妻張氏。○乙卯。

孝康章皇后忌辰。遣官祭。

孝陵。○諭軍機大臣等。有人奏潮州府知府劉

潯素有貪酷之名。前在廣州府任時。有民人放火焚燒府署之案。撤任後無人租與房屋。嗣經調任潮州。該處百姓不令進城等語。似此不得民心之員。其平日官聲輿論。自難逃人耳目。著全慶接奉此旨。即將該員居官行事。如何貪酷。以致眾怨沸騰之處。密訪詳查。務使款跡明確。據實具奏。斷不准稍涉瞻徇。將此密諭知之。○丙辰。

上詣綺春園問

皇太后安。○遣官祭黑龍潭。

昭靈沛澤龍王之神。玉泉山。

惠濟慈佑靈護龍王之神。昆明湖。

安佑普濟沛澤廣生龍王之神。密雲縣白龍潭。

昭靈廣濟普澤龍王之神。○遣官祭圓明園。

惠濟祠。

河神廟。○諭內閣。前據楊殿邦奏。漕標將弁

會同海州地方文武。拏獲海洋盜犯。就近解

准審辦。茲據李星沅等奏稱該犯江廣有等與江陰縣現獲洋盜周金麻子等一案。姓名籍貫多屬相符。必應提同質究等語。此案洋盜江廣有等。屢次行劫。並拒傷弁兵。著楊殿邦於審明後仍按名摘出。解赴蘇州歸案質訊。○丁巳。遣官祭昭忠祠。○戊午。諭內閣。桂良之女。著指與六阿哥為婚。所有應行事宜。著該衙門照例辦理。○又諭。前據李星沅等奏章練塘地方移駐員弁。並添購碎石木筏。一摺。當交該部議奏。茲據該部等會議具奏。江蘇蘇州松江二府交界地方。湖河錯雜。港汊紛歧。匪徒最易出沒。中有章練塘鎮。切近御湖澱山湖。處處可通舟楫。尤為盜賊淵藪。自應移駐員弁。責成認真緝捕。至建造衙署兵房等項。該處土性卑溼。房屋每易坍塌。自宜多購碎石。圍砌堅實。有餘即擇地堆貯。以備修築。再官兵乘船緝捕。水淺處所。踐淤非其所長。亦應多備木筏。俾得代舟攔截。援應

堵緝。所有章練塘移駐縣丞守備等官。並抽撥兵丁及添備碎石木筏等項。各事宜。均著照該部等所議辦理。○以捐修烏嚕木齊城垣。予甘肅總兵官索文等議敘有差。○己未。諭內閣。訥爾經額奏遵查商民難以發銀生息。一摺。前據察哈爾都統裕誠奏請籌撥積存息銀。交商生息。當飭交訥爾經額妥議具奏。茲據該督奏稱。張家口市圍商民頗多歇業。殊乏殷實之家。所有此項銀兩。著毋庸發交生息。○庚申。月食。○春分。朝日於東郊。命皇四子恭代行禮。○四川總督琦善奏。清釐藩庫款項。得旨。務當認真切防弊混。○以內閣學士毓書為鑲藍旗蒙古副都統。上駙院卿特興額為鑲白旗護軍統領。○賞故鑲藍旗蒙古副都統齊克唐阿銀二百兩。○辛酉。諭內閣。訥爾經額奏。失察遞解遣犯頂替脫逃之署知縣一摺。遣犯慶芬係屢次唆

訟滋事。銷除旗檔。發往新疆遇赦不赦之犯。膽敢雇覓劉澱魁冒名頂替。中途脫逃。玩法已極。現經甘肅省盤出。供在直隸定興縣接遞起解時。商同頂替脫逃。該縣漫無覺察。非尋常疏忽可比。且恐有知情賄縱情弊。必應提同書役及原派解役人等。徹底查究。按律嚴辦。署定興縣知縣保定府同知黎極新。著先行摘去頂帶。勒限一箇月緝拏逃犯務獲。儻限滿不獲。即著嚴叅懲辦。該犯慶芬。並著

步軍統領衙門順天府五城及各直省督撫一體飭屬嚴拏送部。毋任遠颺。○諭軍機大臣等。本日據武攀鳳奏。患病懇恩開缺。並請簡放一摺。已降旨准其開缺回籍。並令該督派員署理臺灣鎮總兵矣。臺灣為海疆重地。民情素稱浮動。且時有匪徒竊發。非熟悉情形得力之員。不足以資控馭。著劉韻珂於閩浙兩省總兵人員內。擇其材力勝任者。奏請調補。或副將中有出色之員。堪膺海疆專閫

之任。亦著據實保奏。候朕簡用。將此諭令知之。○又諭。林則徐等奏。保山縣七哨匪徒打奪解省人證。隨又焚燒縣署。殘殺城內回民。現在籌辦情形一摺。覽奏已悉。雲南永昌漢回互相讐殺。前經調兵勦辦。甫就撲滅。乃頑悍之徒。藐法已久。茲復因永昌府縣會營押解京控犯證。該匪等輒敢於中途劫去。旋又擁入城內。焚燒保山縣署。監犯盡行放出。先經招復之回民。現被擄殺無存。鎮道府縣俱

被圍困在城。道路梗塞。文報沈滯。不法已極。必應痛加勦洗。方足挽回積習。林則徐現已檄調各營精兵。分投進剿。並已親往大理府督辦。榮玉材業經帶兵前往。務當籌畫萬全。操必勝之權。相機攻剿。固當分別良莠。不可妄殺無辜。致失眾心。尤不可再示姑容。稍留餘孽。總期一鼓作氣。悉數殲除。方足大昭懲創。所稱鎮道府縣。皆被圍窘在城。每日市糧限數出糶。現在曾否解圍。該鎮道等如何著



落著即查明由驛具奏。其瀾滄江為赴永昌必由之路。江橋板片現被匪等拆斷。聚眾把守。尤當迅即設法擊散賊眾。修復橋道。鐵索俾文報得通。勦辦方能得力。至軍需經費。除於鹽課項下借動十萬兩外。所有雲南貴州兩省現收捐輸之款。並准其先行動支。以濟急需。程喬米在省督催各路官兵。籌辦糧餉。俱當悉心商辦。務使兵威遠振。漢回各匪盡皆懾服。斷不可稍有挫失。以靖邊圉而除兇頑。將此由四百里各諭令知之。○以勦辦湖南新寧縣會匪。予巡撫陸費瑤提督王宗貴總兵官英俊優敘。賞鹽法道楊炳堃千總熊釗花翎。舉人江忠源等藍翎。餘升敘有差。○以防勦楚粵交界地方會匪。予廣西提督馬殿甲優敘。賞巡撫鄭祖琛按察使馮德馨在籍道員顧椿。知府廉良澤。副將伊農阿。參將成保。遊擊舒春。何廷標。千總張周南。李慶龍。花翎。巡檢徐源等藍翎。餘升敘有差。○貸湖

南永綏鳳凰二廳被兵苗寨籽種。○壬戌諭內閣。吳文鎔奏棍徒挾仇焚搶。拒捕傷兵。現委文武大員前往撲捕一摺。此案江西臨川縣棍徒周詳彩等。始則設局斂錢。按糧私徵。繼因周詳彩被紳士等作線拏獲。其黨周景幅等膽敢挾仇焚搶。賊逾鉅萬。拒捕傷兵。不法已極。必應痛加懲創。該撫現已派撥省兵飭委文武大員管帶前往。著即催令迅速掩捕。務將首要各犯悉數擒獲。從嚴懲辦。斷不准一名漏網。以靖地方。○又諭內務府。幼丁關六兒。膽敢起意偷砍紅椿內松樹。雖均係細小樹株。惟所砍已至二十八株之多。且該犯住在大園之內。自應習聞例禁。乃敢糾夥盜砍。實屬啓不畏法。關六兒著即處斬。所有疏防失事之文武員弁。登時拏獲首犯。續將夥犯全數弋獲。功過尚足相抵。著加恩免其議處。○又諭太監郭洪鵬逃走四次。曾經發打牲烏拉為奴。期滿釋回後。仍敢潛逃在外。

持刀傷人。怙惡逞兇。不法已極。著發往黑龍江給官兵為奴。遇赦不赦。嗣後遇有在逃太監在外滋事。除傷人至死按律問擬外。但有執持金刃傷人。確有可據者。俱著照此辦理。至鴉片煙案內。在逃之高老。著步軍統領順天府五城暨直隸總督一體飭拏務獲。歸案究辦。○以查拏江西長寧崇義兩縣匪犯。予縣丞朱宗彝等議敘有差。○癸亥。

上詔綺春園問

皇太后安。○諭內閣。前因御史戴綱孫奏。四川咽喉匪犯為患。請飭州縣團練。當交四川總督妥議具奏。茲據琦善奏。稱團練事宜。害多益少等語。四川省現辦匪徒各案。率多充當團民團首之人。往往藉口練團。製造槍礮。流弊不可勝言。據該督體察情形。惟舉行保甲。實為弭盜良法。朕思保甲歷久可行。如果認真編查。奸匪何由託足。宜獨四川所當遵行。中外皆不易此法。但恐日久生懈。視為具文。

遂將前人良法美意。盡行棄置。反欲別改章程。創立新意。行之不效。繼以廢弛。緝捕之疏。實由於此。著該督即照所議情形。嚴飭各屬。數實查辦。總期於除暴安良。行有實效。無得徒託空言也。勉之。○又諭。琦善奏。遵查玩誤。邊務各員弁。據實參奏一摺。上年四川夷匪。潛出雷波廳滋擾。該管將弁畏葸失事。當諭該督確切查明。據實具奏。茲據奏稱。此次夷匪滋擾。係由通判劉紹文。於賞夷銀兩。稍留

不發。繼雖交出。又不親往散給。且代商人私開畫龍坪險路。致夷匪從此竄入。並與署參將曾得勝爭論兵丁口糧。以致失於策應。實屬任性乖張。貽誤事機。遊擊曾得勝。護理邊防參將。當賊匪出巢焚擾。輒挾劉紹文不允給與兵糧之嫌。坐視不救。有心貽誤。尤屬荒謬。前署守備降補外委朱定國。與劉紹文結拜師生。唆令文武不和。復敢引疾規避。苟且偷生。雖均分別降革。不足以示懲儆。降調通

判劉紹客降調千總朱定國著一併革職並已革遊擊曾得勝均即發往新疆效力贖罪以為玩誤邊防畏怯卑鄙者戒○又諭琦善奏請將妄行具稟爭執委署之府經歷革職一摺四川試用府經歷徐宗瀚於丁憂服闋到省時具稟爭執署事實屬逞私妄瀆徐宗瀚著即革職以為佐雜謬妄者戒○諭軍機大臣等琦善奏地方文武拏獲糾夥搶劫之咽嚕匪徒可否寬免處分等語川省匪徒為害近經緝獲多起摺內陳敘牽引甚多此次另片所稱地方文武現獲各犯究指何案寬免文武處分係屬何員難以含糊降旨著琦善分晰明確遇便具奏再行酌量降旨將此諭令知之○四川總督琦善奏川省兵力素弱現令各鎮協揀派兵丁赴省教練俟學成回營轉相教習至四廳兵丁均係就地召募恐與夷人認識往來嗣後遇本營兵丁拔補千總外委即為調防以杜流弊得旨如此用

心又能得當不但不負委任實安邊之良策朕甚嘉悅之至○舉行道光二十七年大計奉天卓異官一員年老官一員直隸卓異官十八員有疾官一員年老官四員不謹官三員浮躁官一員熱河卓異官一員江蘇卓異官八員不謹官三員才力不及官三員年老官一員罷輟官一員浮躁官一員安徽卓異官八員罷輟官四員才力不及官一員年老官二員有疾官一員江西卓異官十一員罷輟官一員不謹官一員年老官四員有疾官二員浙江卓異官十二員不謹官一員才力不及官二員年老官五員福建卓異官十員年老官三員有疾官一員浮躁官二員不謹官三員湖北卓異官十員不謹官三員年老官二員有疾官一員才力不及官一員浮躁官一員湖南卓異官十員才力不及官三員年老官六員不謹官一員浮躁官一員河南卓異官十員不謹官一員年老官二員有疾

官一員。才力不及官一員。山東卓異官十三員。不謹官二員。才力不及官五員。年老官一員。浮躁官一員。山西卓異官十二員。才力不及官三員。年老官四員。有疾官二員。陝西卓異官八員。才力不及官二員。有疾官一員。年老官四員。甘肅卓異官八員。才力不及官一員。雲南卓異官十員。罷輟官一員。不謹官五員。年老官一員。有疾官一員。貴州卓異官六員。才力不及官一員。浮躁官一員。不謹官一

員。罷輟官二員。年老官一員。廣東卓異官十一員。不謹官四員。罷輟官二員。年老官五員。有疾官一員。才力不及官一員。廣西卓異官八員。不謹官二員。罷輟官四員。南河卓異官一員。罷輟官一員。東河卓異官一員。年老官一員。分別議敘處分如例。○甲子。諭內閣。楊殿邦奏。請將漕標候補庸劣幫弁革職等語。所奏是。漕標候補衛守備陳傳芹。居心狡詐。惟利是圖。候補衛千總袁守仁。人本平庸。兼

又喜事。考驗步射。甚不合式。著一併革職。以示懲儆。○又諭。楊殿邦奏。奏玩視漕務之千總一摺。上年大河二幫千總王澤兼管回空事務。擅自離船。任聽水手停泊。回淮後。又不銷差。實屬膽玩。王澤著即革職。以昭炯戒。○諭軍機大臣等。本日據楊殿邦奏。擊獲洋盜。訊有曾赴崇明上海等處各供。當將案犯解赴蘇州審辦。並究出在逃首夥逸犯多名等語。海洋盜賊肆行劫掠。為害商賈。所關匪細。

現當海運漕米。沙船陸續放洋之時。固當嚴密梭巡。不可失事。即尋常商船往來洋面。亦應隨時保護。不可稍有疏虞。若如該漕督所奏。江南洋面。劫案絡繹不絕。並有傷斃人命。擄船勒贖情事。余山一帶。復有盜船伺劫商米。似此明目張膽。何以嚴法紀而靖海疆。著李星沅。陸建瀛。嚴飭水師將弁。認真緝捕。於海汊紛歧。容易窩藏奸宄處所。實力梭查。鄰境交界地方。尤當知照會同堵緝。不得稍分

畛域務期將匪犯悉數擒拏。不留餘孽。現在海運沙船陸續北上。不患不加意巡緝。即運米事竣。亦應飭屬常川探捕。毋稍疏懈。俾安行旅。至金三案內。在逃首夥高發波等二十餘犯。即通飭各屬並移會鄰封。迅速探捕。按律懲辦。無令一名漏網。楊殿邦原片。著鈔給閱看。將此各諭令知之。○乙丑。諭內閣。朕此次恭謁

西陵。啓鑒後。著派睿親王仁壽定郡王載銓大

學士穆彰阿。卓秉恬。留京辦事。○又諭。薩迎阿奏。伊犁續派防堵官兵原領俸賞銀兩。請照案分別辦理一摺。此次伊犁續派在齊蘭戈壁防堵之滿漢各兵丁。所領賞銀。著加恩概免扣繳。其滿漢各營官弁。所領俸銀。著仍照舊案。飭令自道光二十八年夏季起。分作四年。在於該官弁應得俸廉銀內按季扣還。○又諭。布彥泰等奏。酌派官兵。請委總兵統帶出卡一摺。此次哲布尊丹巴呼圖克圖之

呼畢勒罕前往庫倫。經行青海地面。著派涼州鎮總兵楊錄之。馳往西寧。統帶哈勒吉那添派之蒙古兵及漢兵迅速出卡。前赴柴達木邊界迎護前進。務當加意慎重。小心防護。俾得安謐過境。毋稍疏失。用示朕懷柔至意。○又諭。訥爾經額奏。請將承審要案不能迅速之員交部議處。並寬免失察文武各員處分等語。此案冀克儉藉教煽惑。圖產謀命。該府縣等初訊未能究出實情。雖於提省後隨

同審明。究屬辦理不能迅速。前署肥鄉縣知縣候補知州姚崇祿。前署廣平府知府另案降調易州直隸州知州盧蘭馨。委員候補知府張光第。均著交部議處。至此案文武各員。於冀克儉踵習好話教傳徒拜會。雖失察於前。尚能先自訪獲。功過尚足相抵。所有該地方歷任文武各員。應得處分。均著加恩寬免。○以故喀爾喀扎薩克輔國公達錫多爾濟子鼎當素倫襲爵。○以勦捕廣西思恩府土

屬盜匪。賞遊擊秦紹讓署遊擊馬芳春。花翎。知府彭舒萼等升敘有差。○以齋送文報出力。賞英吉沙爾回子達烏塔等藍翎。○丙寅。旌表守正捐軀河南臨潁縣民錢三媳王氏。○丁卯。諭內閣。前據經額布等奏遵議查勘吉林輝發土門江二處協緝章程。並籌撥緝捕經費一摺。當交軍機大臣議奏。茲據該大臣等覈議具奏。吉林地方。或與盛京山界毗連。或與朝鮮隔江為界。均宜一體清釐。毋任奸民竄入。著經額布等照議於每年統巡。及欽派大臣巡查之年。慎重選擇協領防禦各員。會同各卡弁兵。責成認真巡緝。實力查辦具奏。毋得日久視為具文。儻有墾田構舍匪徒。立即查拏。並將田舍平毀。設或此拏彼竄。迅即知照鄰封。協同追捕。無令遠颺。總期法立而弊除。不可始勤而終怠。庶奸萌永杜。而邊界肅清矣。○又諭琦善奏學政嗜酒任氣等語。四川學政徐士穀嗜酒任氣。外間嘖有

煩言。按試保寧府。將應名稍遲之文章四百餘人。逐出不准入場。又將具保之廩生責打。實屬任性粗率。若使解任訊問。尚有何辭。姑念其尚無贓私款跡。該督亦奏稱關防尚知嚴密。徐士穀著加恩免究。仍交部嚴加議處。即來京聽候部議。○諭軍機大臣等。據戶部奏密陳部庫情形。請飭直省大吏統籌全局。以實京餉一摺。部庫每歲例支各款。均係京餉要需。萬難缺緩。各省積欠。其應解部庫及屬庫應解司庫各款。共銀八百萬兩有奇。前經戶部奏催。立限完報。乃完解銀兩。以及報撥各款。甚屬寥寥。所有戶部前奏應解部庫及屬庫應解司庫各款銀兩。著各直省督撫等。迅速按照戶部前次單開數目。於此次接奉諭旨之日起。限三箇月。掃數通完。其登記銀兩。亦即催令入撥。屆期仍各專摺覆奏。並督飭藩運各司。各就所入酌盈劑虛。於支銷各項。統計覈減。各該督撫等。惟當激發天良。

視國事如家事。認真籌畫。務令應完解者速即完解。應覈刪者立即覈刪。庶幾部庫漸充。京餉悉裕。支款不致短絀。而要需無費周章矣。原摺著鈔給閱看。將此諭知各督撫府尹。並傳諭長蘆鹽政知之。○命右春坊右庶子支清彥提督四川學政。○戊辰。

上御勤政殿聽政。○諭軍機大臣等。有人奏山東盜賊復行肆劫。請飭查嚴辦一摺。上年山東盜賊滋擾。乃甫經查辦之後。現在該匪等

復行肆出。如滕縣郝山地方。已有搶劫殷姓糧行之案。章邱縣等處地方。劫案屢出。莒平縣劫案。該縣官令事主將盜劫字樣刪改。方肯辦理。劫案層見疊出。已屬不成事體。如果認真查拏。自可漸就肅清。若如所奏。該地方官復欲諱匿。是縱盜殃民。尤為可惡。不可不嚴行查辦。著張澧中嚴飭所屬。訪查巢穴。務使按名弋獲。並將著名渠魁悉數擒拏。餘黨自可解散。其諱盜一案。即著查明據實參辦。

並嚴飭該地方官。嗣後不得稍有諱匿情事。以除奸宄而安善良。原摺著鈔給閱看。將此諭令知之。○以太僕寺少卿綿森葉爾羌參贊大臣奕山。詹事府少詹事葉觀儀。為內閣學士。兼禮部侍郎銜。通政使司通政使恆毓。為都察院左副都御史。○喀爾喀扎薩克親王車林多爾濟。因病賞假。以貝勒濟木丕勒多爾濟署盟長印務。○己巳。遣官祭賢良祠。○達賴喇嘛班禪額爾德尼遣使表進貢物。

賜敕褒獎。賞賚如例。○命前任山東曹州鎮總兵官祺壽休致。○庚午。

孝昭仁皇后忌辰。遣官祭

景陵。○諭內閣。昨日鑲黃旗滿洲將

東陵應放防禦人員。帶領引見。其所擬正陪。箭射均屬輟弱至極。本應駁回另行揀選。惟念伊等所射尚屬不踰規矩。仍著擬正之和綱額補授。擬陪之德楞額記名矣。該貝子等此次揀選太不經心。載容。景崇。倭什訥。著嚴行

申飭嗣後如再似此揀選。不特將該員等駁回另行揀選。定將該管員子等交部從重議處。決不寬貸。○又諭。昨日鑲黃旗滿洲將吉林補放驍騎校人員。帶領引見。擬陪之委筆帖式領催全陞。箭射無準。著毋庸記名。全陞箭射既已如此生疏。豈可留其領催。全陞著革去領催。作為馬甲。該將軍等著交部議處。○又諭。都察院奏查明各省京控咨交案件逾限。並上次展限已逾。仍未審結各案。開具清單呈覽。各省民人來京具控。經各衙門咨交之後。該管上司自應勒限嚴催。迅速審辦。茲據都察院查明。該衙門咨交各省逾限未結。統計二十二案之多。步軍統領衙門咨交各省逾限未結。統計九案之多。任意積壓。玩泄已極。著吏部即將承審逾限各督撫將軍。都統府尹及委審各員。應得處分。查取職名。分別議處。並著該督撫等迅速審辦完結。毋任延宕。致干咎戾。○又諭。經額布等奏。查明

寧古塔短貯庫項。當經照數完交。尚無虧那情弊等語。此項寧古塔短貯庫項三千數百餘兩。業據該將軍等派員查條徵完地丁稅課等款。先經通融收錢。嗣因地偏銀少。艱於易換。以致交庫遲延。現在已將短項照數完交。並無侵那情事。尚可免其叅辦。惟庫貯所關至重。豈容任意通融。輒將折收錢文外存鋪戶。延不易銀完交。日久難免滋弊。且寧古塔一城如此。恐各城似此玩延者亦復不少。嗣後該將軍等務當隨時認真查覈。俾各城徵收銀款。按年實貯在庫。斷不准虛報虛收。經此次查辦之後。如有仍前玩忽。致庫項日久懸宕。一經察出。即將承辦之員。從嚴叅處。以防弊混。而重庫儲。○又諭。吉明等奏。英吉沙爾換防期滿弁兵。請給路行鹽糧一摺。上年回匪滋事。該弁兵等守城兩月。屢次派出打仗。著有微勞。現當班滿撤回。所有各營弁兵五百八十餘員名。著加恩自肅州以西。准




照征兵之例。支給路行鹽糧。以示體恤。其肅州以東。仍照防兵之例辦理。○又諭都察院奏。河南武舉趙祥雲。遣抱告呈控鋪夥常懋林等。在禹州地方被盜劫銀拒傷。該州壯役黃榮等。拏獲盜首。旋即賣放。並有差保窩藏夥盜等情。如果屬實。不法已極。著交鄂順安。飭屬嚴拏逸犯。勿任漏網。壯役黃榮等。並著嚴訊確情。按律定擬具奏。抱告秦玉柱。該部照例解往備質。尋巡撫潘鐸奏。訊明羅得任老六等。行劫常懋林銀兩屬實。依律擬斬立決。差役黃榮拏獲罪應充軍之夥盜韓八。並不小心管解。以致乘間脫逃。依例擬杖徒。下部議從之。○以福建督標中軍副將呂恆安。為臺灣鎮總兵官。○以緝捕出力。予福建遊擊周向辰等議敘有差。○以追捕布魯特賊匪出力。賞葉爾羌五品伯克泰來。六品頂帶明巴什邁買底敏。花翎。六品頂帶回子阿布都爾希特等。藍翎。餘升敘有差。○辛未。

上詣綺春園問

皇太后安。○

上命

皇四子  成大婚禮。○遣官祭

歷代帝王廟。○命乾清門侍衛載堪。佛隆阿。

兵部左侍郎德厚。恭詣

西陵。查看紅椿。○前任烏魯木齊提督玉明。以

年老休致。調陝西提督石生玉。為烏魯木齊

提督。烏魯木齊提督托明阿。為陝西提督。○

實錄卷四十三

聖

癸酉。諭內閣。張澧中奏。藩司交代並盤查各屬倉庫。請分別展限一摺。山東藩庫款目。轉轉。文卷紛繁。該藩司徐澤醇。甫經到任。所有應接前兼署藩司劉源灝交代。著准其展限三箇月。其盤查各屬倉庫。並著准其展限一年。○山東巡撫張澧中奏。報續獲匪犯名數。並嚴飭各屬認真躡緝。得旨。不可稍懈。務盡二字。勉之。○撫卹琉球國遭風難夷如例。○甲戌。諭內閣。前據琦善奏。四川學政徐士穀

寶錄卷四十五

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五十二

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五十三

[illegible]

教修

道光二十八年戊申三月乙亥朔清明節遣

官祭

永陵

福陵

昭陵

昭西陵

孝陵

孝東陵

景陵

秦陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○諭內閣戶部奏遵查官

墊民欠請免處分並責令分賠等語廣西臨

桂等十四州縣自嘉慶二十三年起至道光

二十年止將徵收稅契穀價等項墊完民欠

丁耗米折共銀十萬五千一百十六兩零輾

轉那墊庫款虛懸本有應得之咎第念官非

一任且與因私那用者不同所有歷任應議

職名俱著加恩免其議處其墊解銀兩著於

經徵督徵各員名下各按在任月日勒限追

賠儘逾限不完應如何從嚴叅辦著該撫悉

心覈議至庫存銀兩國帑攸關何以那墊有

十萬餘兩之多各州縣相率效尤難免侵漁

掩飾之弊自此次清釐之後該撫務當隨時認真查覈如有那移情弊即隨案嚴叅以杜新虧而重帑項○署兩廣總督廣東巡撫徐廣縉奏謝署總督恩得旨一切詳慎料理勿稍疏忽○兩江總督李星沅奏現辦海運減歇糧船資遣水手責成幫丁鈐束得旨總勿致聚而生事為要其加意焉○丙子以故奉恩將軍奎華子玉清襲職○以禮部右侍郎吳鍾駿署戶部右侍郎兼管錢法堂事務○

以恭修

玉牒成賞提調官增慶花翎餘加銜升敘有差

○丁丑

上詣綺春園問

皇太后安○命惇郡王奕誼行成婚禮○諭內

閣劉韻珂奏赴浙閱伍請將報獲洋盜由撫

臣覆勘等語閩省各營縣現在報獲洋盜甚

多該督起程赴浙後各屬獲案一經提省審

明即著由該撫徐繼畲覆勘具奏○戊寅諭

內閣劉韻珂等奏。遴員堵緝洋盜。設法籌補師船一摺。浙省洋面。南連閩粵。北達江蘇。盜匪乘間剽掠。往往此拏彼竄。現在蘇松太等屬漕船。改由海運。難保該匪等不竄入覬覦。自應扼要嚴行堵緝。著浙江提督善祿會同定海鎮總兵鄭宗凱。督率署參將周士法。署遊擊葉舞。帶師船。前赴江浙交界洋面。堵緝。以防盜踪。北竄。並飛飭沿海營伍。在各口岸協力兜擒。嚴拏窩頓。以清盜源。其缺額師船。除承造大船十隻外。紳民等如有捐造交營配緝者。准其查照章程。奏請恩獎。至寧郡紳商馮寶山。陳尚等。稟請捐雇鄉勇船隻。隨同出洋巡緝。並著發給器械藥彈。俾資防禦。惟因時變通。總期覈實經久。若日後盡成具文。毫無成效。且不免有滋弊之處。則安用此文武地方官為耶。○又諭。林則徐奏。彌渡軍營生擒首要重犯。審明辦理。並請免該地方官失察處分一摺。此案該匪等結會拜盟。

事起倉卒。地方官查知禁止。寡不敵眾。是以稟請發兵。現已勦辦完竣。尚稱迅速。所有該地方官失察處分。著加恩准予寬免。○又諭。林則徐奏。匪徒勾結滋事。調兵勦辦。地方安靜。一摺。覽奏均悉。雲南趙州彌渡地方。內外匪徒勾結滋事。焚殺擄搶。且敢圍署傷官。經該督調兵先往勦捕。將匪犯殲獲數百名。並撫卹受害良民。地方均已安靜。現在酌留官兵堵拏逸犯。著該督嚴飭該弁兵等實力查拏。務將逸犯悉數擒獲。毋任一名漏網。此次在事人員。著該督擇其尤為出力者。據實保奏。毋許冒濫。○己卯。諭軍機大臣等。李星沅等奏。夷目來省控訴。現委藩司道員馳往覆查。一摺。覽奏均悉。華夷接壤地方。立有一定界址。儻有違約私行。必致鬪毆。以啟爭端。不可不防。其漸茲據該督等奏。稱喚夷麥都思等三名。違約至青浦縣地方。散書與看守減船舵工水手爭毆受傷。該署臬司行抵上海。

將滋事水手獲辦。該督現已飭委藩司等前往會同該署臬司查辦。著李星沅等即先行飭令該藩司等覆加詳慎體察情形迅速查辦。及早完結。總期持平妥協。日久相安。至者英係總辦夷務之員。著無論行抵何處。接奉此旨。即改道馳赴江蘇就近查看大局。如李星沅等辦理未竣。即著者英會同商酌。務得其平。陸建瀛所屬各海口。儻該夷有陳訴等情。即著飛速知會者英李星沅。以憑覈辦。至

舊定界址。不准違約私行。著者英致信廣東。令該夷酋申明約束。勿令該夷人再有越界散行。致啓爭鬪之事。者英所用文移等件。准其鈐用兩江總督關防。將此各諭令知之。○庚辰諭內閣奕興等奏。請將規避失察處分之驍騎校革職懲辦一摺。所參是。釀廠邊門武職章京驍騎校福隆阿。以本任失察賊犯越邊之案。捏報推諉。已屬有心規避。復敢託病請假。擅離汛守。更屬目無法紀。福隆阿著

即革職。加枷號三箇月。交邊門地方示眾。以昭炯戒。○又諭奕山等奏霍罕夷使呈遞稟詞譯漢呈覽。此次逆回由霍罕逃出至喀什噶爾滋事。既據該夷使供稱該伯克並不知情。且所遞稟詞俱屬恭順。著加恩准其照舊通商免稅。自放呼岱達以示懷柔。所有賞給該夷使銀六百餘兩。並蟒袍紬緞等件。均准作正開銷。○又諭奕山等奏善後事宜告竣。存營征兵酌量裁撤一摺。著准其暫留兵丁

一千名。駐劄葉爾羌。俟應撤之時。吉明奏明覈辦。○諭軍機大臣等。昨據李星沅等奏夷目來省控訴。派委藩司道員馳往覆查一摺。已降旨交者英等妥為辦理矣。本日據陸建瀛片奏該夷小船赴省申訴。據署臬司等稟稱前赴上海續獲互毆各犯。夷目帖服。已遣人將赴訴之船截回。陸建瀛到滬後確查起釁根由。並聲明夷船果否中途折回。仍由該督查明妥辦等語。該撫此奏。係在會奏之前。

該夷船前來申訴。只係一船。夷目已經李星沅接見。抑或另有一船。經地方官開導截回。著查明具奏。將此各諭令知之。尋奏夷目啊喇。囑遣羅伯孫等來省控訴。旋回上海。此外並無夷船。現在民商均各相安。報聞。庫車辦事大臣德全奏。本年經費五千兩。已從哈密借撥。所有陝甘總督解到銀五千兩。請留抵二十九年經費。從之。調葉爾羌參贊大臣奕山。為伊犁參贊大臣。以葉爾羌幫辦大臣吉明為參贊大臣。阿克蘇辦事大臣扎拉芬泰署葉爾羌幫辦大臣。○辛巳。

上詣綺春園問

皇太后安。○諭內閣。工部錢法堂奏請飭催銅運等語。銅運為鼓鑄攸關。斷不容遲延貽誤。所有已出湖南境之桂文奎一運。已出四川境之李令儀一運。並湖北接運委員韓印海一運。著沿途各督撫查明行抵何處。務令星夜遄行。勒限於六月內解京。其丙午李陽一

運。丁未王階鈺。威熙瑞。馮祖繩。三運。僅在四川及滇省起程。均令領運各員迅速趲行。務於八月內解局。以資接濟。至未報開行之丁未三運。並令該督撫趕緊嚴催。僅運員藉詞延宕。或該地方官催趲不力。即著查明參辦。○以英吉沙爾領隊大臣德齡為葉爾羌幫辦大臣。伊犁協領濟魯木圖為英吉沙爾領隊大臣。○以喀什噶爾軍務告成。賞伊犁伯克愛瑪特六品頂帶。通事回子阿布都克里

木花翎六品頂帶。瓦依斯等藍翎。餘升敘有差。○壬午。

上啓鑾恭謁

西陵至盧溝橋詣

龍神廟拈香。○免蹕路經過地方本年額賦十分之三。○是日。駐蹕黃新莊行宮。○癸未。駐蹕半壁店行宮。○甲申。駐蹕秋瀾行宮。○乙酉。孝賢純皇后忌辰。遣官祭。

裕陵○諭內閣布彥泰奏請分別緩免征兵領過銀兩一摺。此次調赴回疆進征中途停止之陝甘督標暨甘涼肅州各提鎮營原派兵丁領過賞裝銀兩著加恩概免繳還其官弁借支二年俸銀並著加恩自道光二十八年春季起分作四年在於應得俸廉內按季扣還以示體恤○賞看守黃新莊等四處行宮弁兵半月錢糧○是日駐蹕梁格莊行宮○丙戌

上恭謁

泰陵

泰東陵

昌陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○至

孝穆皇后

孝慎皇后

孝全皇后陵寢奠酒○以龍泉峪樹株茂盛子泰寧鎮總兵官德泰加級○旌表守正捐軀四川太平縣民蘇緒宗妻王氏○是日回鑾仍駐蹕梁格莊行宮○丁亥遣官祭

先農之神○諭內閣昨據張澧中奏查明山東省虧那積弊及籌辦情形一摺當交戶部速議具奏茲據該部覆奏該撫原奏內稱山東省額徵錢糧近年徵解情形短絀推原其故總由以完作欠已徵不解溯自道光十一

年起至二十七年止先後積壓欠解銀至六十餘萬兩之多雖經該部疊次提催迄未報解此時設法整飭必應嚴提屬庫趕清交代斷不可再任玩延著即照張澧中所議督同藩司徐澤醇迅速查辦已徵者儘數提解其未經交代各案亦即照所定例限四任以上者限五箇月三任者限四箇月兩任者限三箇月一任者限兩箇月統於限內揭報清楚儻再逾限未清實係無故虧缺即照議將該

員拏問查抄治罪。並將該管道府直隸州一併叅處。不准稍涉瞻徇。至所稱如何速籌歸補。及以前庫項如何逐款有著。以後錢糧如何依限考覈之處。均著該撫悉心籌畫。妥議具奏。其積壓多案。未能查叅之歷任該管上司。並著該部查取職名。一併議處。該撫及該藩司。經朕特簡。諒不敢為人受過。自蹈愆尤。因思各直省州縣經手錢糧。亦應趁此時一體查辦。以挽積習。著各直省督撫即按照戶

部議。准山東省所定清查期限章程。一律查明具奏。各該督撫自當激發天良。嚴飭司道等官。悉心綜覈。並嚴提已徵銀兩。統歸司庫。其各屬接收交代。亦照山東省章程。依限結報。自本年為始。每年統於歲終開單彙奏。經此次飭諭之後。如仍視為具文。不能破除情面。致有通融。虧短情弊。一經發覺。定將該管之督撫藩司等嚴行治罪。決非誥誡之虛文也。懍之。將此通諭知之。尋張澧中奏追賠虧

項章程十二條。一。清查藩庫。一。嚴查交代。一。稽覈提解錢糧。一。追繳那用庫項。分限繳銀。無絀者。請酌量調補。一。追補本員因公那用。宜分別現在官階之升降。一。接收前任虧累。宜酌展限期。並分別完繳銀數。酌量先予開復處分。一。籌補無著之款。宜酌提節省。一。上司分賠。宜遵成例辦理。一。緩徵民欠。宜確切查明。一。攤賠各項。宜照原案辦理。一。虧缺倉穀。宜覈實辦理。一。存司領款。宜覈扣備抵下

部議。尋議以那用庫項。接收虧累。按限完繳。未經全完者。分別銀數。酌量調補。開復室礙難行。並酌提節省。輾轉駁削。易滋流弊。應毋庸議。餘悉照所議行。從之。○以蹕路拏獲驚馬。賞侍衛德興阿黃馬褂。○是日。駐蹕秋瀾行宮。戊子。諭內閣。御前大臣載垣等。奏請將管路之副都統關福。嚴議維祿。議處。隨行。章京罰俸。並請查叅直隸營員一摺。本日自秋瀾行宮起。以至二分中。伙御路俱被大車



踐路。所有頭分中伙起管路之副都統關福。不以差務為事。殊屬非是。關福著毋庸交部。嚴議。即著降二級調用。餘依議。○是日。駐蹕半壁店行宮。○己丑。諭內閣。嗣後揀選大門上三等侍衛。由粘竿處藍翎侍衛內。擇其差使勤奮騎射好者。著該管大臣。每旗保送一人。共保三人。歸入各旗營護軍校。驍騎校內。一體揀選。著為例。○諭軍機大臣等。本日據李星沅陸建瀛奏。夷船業已出江入海。沿途並未登岸。一摺。覽奏均悉。李星沅等現擬咨會徐廣縉。照會各該國公使。嗣後遇有應行申訴之事。即就近備具申陳。封交地方官代遞聽辦。自係尚未接奉前降諭旨。現計著英將抵江蘇。應如何照約開導。杜絕違約私入內地之處。著即會同李星沅。陸建瀛。一面體察情形。妥籌具奏。一面飛咨徐廣縉。曉諭夷民。相安無事。又李星沅另片奏。仍令藩司傅繩勛前往上海覆查夷情等語。著即照議。辦

理。將此各諭。令知之。○以伊犁參贊大臣奕山為鑲黃旗蒙古副都統。○是日。駐蹕黃新莊行宮。○庚寅。

上還圓明園。○詣綺春園問

皇太后安。○辛卯。諭內閣。前因前任山東布政使王篤失察家人索財。降旨交部議處。茲據該部議以降一級調用公罪。准抵若使王篤僅止失察家人。其咎尚輕。惟該員身任藩司。在任多年。公事顛預。不能實力整飭。未便姑

容。王篤著降二級調用。○以司經局洗馬鈕福保。充日講起居注官。翰林院侍讀許乃釗。署日講起居注官。○以福建臺灣報銷軍需出力。予縣丞婁浩等加銜升敘有差。○以開墾達瓦克地畝。予筆帖式勒莽阿等議敘。○壬辰。

上詣

安佑宮行禮。○諭內閣。前因御史王東槐奏。山東地方官玩縱盜賊。已將刊刻告示。訛謬

之臬司徐思莊褫革並將連銜劄示之地方官均交部嚴議旋經該部照溺職例議以革職嗣據張澧中遵查該省地方官劫案多寡分晰具奏復降旨交部分別議處茲據吏部議奏並開單呈覽所有該部前議革職之該地方官崇恩徐經王懿德英桂岳齡均著加恩改為革職留任王篤著該部照例以革職留任處分註冊王東槐陳奏得實著仍遵前旨遇有給事中缺出即行升補並照部議給予加一級至吏部分別覈議該省疏防盜案多寡之該管道府廳州縣等官處分均著照所議辦理惟吏部奏稱張澧中原奏所開獲犯各案是否獲犯過半兼獲首犯其搶案有無拒捕傷人之處未據分晰著該撫於該員等二叅限滿時詳細查明具奏○癸巳遣官祭

先蠶之神○直隸總督訥爾經額等奏遵旨會議鹽務章程四條下部議尋議上○一緝私

巡役應准酌添仍飭各場嚴查火伏不得顆粒透漏一誤運商人酌定罪名查商人領運辦鹽全在銷路疏通如查明實係該商玩誤即照本商欠運分數懲辦僅由州縣督銷不力仍查取職名開叅以肅鹽務一招徠新商暫停官租查按引輪息與課並重且已減半交納不為現商之累應令按數催徵報解一滯引代銷照舊免議查州縣經銷鹽額例應銷足本綱額數確覈造報如不論何年引目

統以銷足額數免議非但新陳套搭網分不清抑且名為按額銷鹽實則遞年減引何以杜取巧而昭覈實應仍令該督等飭運司俟奏銷時查明缺銷各官照例題叅不准牽混從之○甲午諭內閣前據張澧中奏遵查失察盜案各官當交該部分別議處茲據兵部具奏將山東兗州鎮總兵富勒興阿議以降二級留任該鎮疏防劫案較多著改為革職留任其參將遊擊以下各官著張澧中查明

各案同夥人數。並獲盜之案。是否獲犯過半。兼獲盜首。及失事地方。有無墩鋪。是否城內城外各情形。分晰奏限。奏明議處。○乙未諭內閣。此案在逃。遣犯慶芬。著河南巡撫派委幹員。按照郭升所供情形。及經過地方。跟蹤躡緝。如已出河南境界。即由該撫飛咨沿途各督撫。暨各該處一體遵奉前旨。飭屬嚴拏。務獲送部。毋任遠颺。並著迅將河南清化鎮人李姓。按照刑部開具年貌。查拏解部。歸案訊辦。其冒名頂替之劉澱魁。及定興縣原派解役。著直隸陝甘總督。迅即分別解部。以備質訊。○丙申。

上詣綺春園問

皇太后安。○諭內閣。本日據卓秉恬奏承旨錯誤。自請議處一摺。各部堂官帶領引見。均應詳慎承旨。未便專咎一人。所有是日帶領引見之兵部各堂官。除進班之德厚留署之瑞常。無庸交議外。卓秉恬保昌魏元烺黃琮均

著交部察議。○以解釋耆吏互鬪。予四川千總馬元鎮等議敘。○暫停伊犁本年應赴喀什噶爾換防新兵。從參贊大臣奕山請也。○丁酉。以兵部尚書魏元烺署刑部尚書。都察院左都御史孫瑞珍兼署兵部尚書。○子葉爾羌陣亡守備馬興魁。千總蔡耀宗祭葬。世職兵丁牛德喜賞卹如例。○戊戌。諭內閣。兵部奏例案兩歧。聲明請旨一摺。定例文職縣丞武職守備以下坐臺廢員。期滿不能完繳

臺費者。改為杖徒完結。並不行查原籍任所。此案李三省效力期滿。著即照例由該都統奏辦。毋庸再俟結報。嗣後各案均著遵例覈辦。所有該部行查各案。即行註銷。以昭畫一。○廣西提督馬殿甲因病解任。調湖北提督閔正鳳為廣西提督。以直隸大名鎮總兵官羅應鼐為湖北提督。直隸督標中軍副將炳文為大名鎮總兵官。○己亥。吏部奏前任山東布政使王篤請假修墓。可否准其回籍得

旨王篤不准其告假回籍。○庚子諭內閣戶部錢法堂奏請飭催銅鉛船隻等語。銅鉛為鼓鑄攸關。斷不容遲延貽誤。所有已入湖北境之雲南解員丙午年正運三起四起加運二起已入四川境之丁未年正運一起二起已出四川境之貴州解員戊申年上運一起二起下運一起已在四川重慶開行之下運二起均著沿途各督撫迅即派委幹員會同經過地方文武員弁無分晝夜迅即迎提催趲。早抵清江。責成漕運河道各總督飭令跟隨首進糧船相機插檔行走。俾資迅速。其已報起程尚未開行之雲南解員馮祖繩已報接運盤兌尚未開行之湖北接運員韓印海兩運著雲貴四川湖廣各督撫嚴飭該委員等迅即兌交開行。毋令稍事耽延。儻運員藉詞延宕地方官不實力催趲著即指名嚴參毋稍瞻徇。○予浙江捕盜傷亡千總劉朝元祭葬卹廕。○准大通橋車戶承買黑豆二萬

石津貼車價。○辛丑上詣大高殿行禮。○還宮。○以孟夏時享太廟。自是日始齋戒三日。○壬寅諭內閣都察院奏山東舉人孔昭墉等呈控守衛百戶盜伐。聖林樹株等語。聖林樹株瞻禮攸關。宜何如敬謹保護。聿昭隆重。茲該舉人等四十餘人聯名呈控。諒非虛捏。行聖公家奴百戶劉永振勾通齋泰官等盜伐林樹至二百餘株之多。並雇人刷染希圖掩飾等情。著張澧中即親身前往詣聖林敬謹察勘。親提人證嚴訊。如劉永振等實有勾通盜伐及掩飾情事。即著從嚴懲辦。至行聖公孔繁灝有無袒庇不肯舉發。亦當確切訊明。據實具奏。其被伐樹株著責成曲阜縣知縣同孔繁灝如數補栽。俾資長養。並著該地方官隨時禁止砍伐。以肅觀瞻。而昭

敬慎、抱告、文童、孔昭增該部照例解往備質。  
○又諭奕山等奏軍需用項代請捐辦等語。英吉沙爾獎賞兵勇回子並修置器械等項費用銀七百十兩零。據領隊大臣德齡呈請捐廉墊辦。此項銀兩著作正開銷毋庸捐辦。○以禱祈靈應命修建察木倫軍臺。

龍神廟列入祀典從伊犁參贊大臣奕山請也。○以捐辦回疆軍需賞阿克蘇伯克愛瑪特雙眼花翎餘升敘有差。○以防守阿克蘇

出力賞拜城伯克素皮呢雅斯花翎毛拉玉奴斯等藍翎餘升敘有差。○命回疆各城年班伯克暫緩入覲。○免伊犁奎里鐵列木木華爾兩莊被賊回戶舊欠錢糧。○癸卯諭內閣戶部奏請飭催積欠案內各省新舊應解銀兩並報撥登記各款分別開單呈覽各省應解戶部查辦積欠案內銀兩皆待用待撥要需本應實貯在庫與一切欠項尚待追繳者不同乃應解不解任意耽延當此制用孔

亟之時各直省大吏宜如何趕緊催提力籌國計前經疊降諭旨嚴飭迅解並令立限埽數通完今據該部覈實奏聞其中已經報解之款甚屬寥寥似此積習因循不知緩急直以緊要帑項視為催欠具文籌國疆臣竟坐視耶所有各省藩庫應解部庫及屬庫應解藩庫新舊積欠三百二十六萬八千八百兩零制錢五千五十串零著各該省督撫鹽政等督飭司道認真查催應解部者迅即委員領解先將起程日期報部應解司庫者嚴檄催提咨部候撥其積欠案內登記未經入撥之款實與應解無異各該省於春秋撥冊內並不將前項彙入以致該部無從指撥此項為數更鉅計積欠銀一千十四萬四千八百兩零制錢二千十六串零著各督撫等一體清釐迅速報撥毋許再有遲延經此次訓諭之後如再仍前玩視屢催罔應必將該督撫鹽政等從重懲處如各屬員等不肯實力籌

解。即著該督撫等先行指名叅辦。仍一面勒限嚴飭清完。將此通諭知之。○諭軍機大臣等。林則徐奏。保山七哨。懾服軍威。縛獻匪犯多名。仍飭兜圍嚴拏一摺。覽奏均悉。所辦好。永昌哨匪滋事。經該督親駐永平。督兵入哨。該哨匪等傳聞此次所調兵練甚多。又聞彌渡用兵。殲殺無算。望風悔懼。現已送回監囚。繳還軍械。並縛獻匪犯一百三十餘名。經府縣訊取初供。已據承認多條。傳帖糾人抗官。焚署之犯。並經該督數對京控被告名單。提犯互相識認。所獲實皆本人等語。該地方各匪於兵到時。即先投誠獻犯。惟所獻之犯。有無袒庇藏匿。必應查究。務期所獻實皆本人。首犯尤關緊要。應令按名交出。仍一面明查暗訪。斷不可有一名頂冒。致有漏網。該匪等聚眾抗拒。已成積習。若不趁此兵威痛懲。將來必仍反覆。豈有時常徵調之理。現在雲貴兩省勁兵逼處。不患其不畏懼。如悔罪非出。

至誠。僅憑劣員從中調處。稍示輟弱。日後何以綏靖邊圉耶。林則徐等惟當示以兵威。廣加曉諭。儻略有恃眾難馴情形。仍當立予勒洗。姑息適足養奸。戒之。其前經圍困在城之鎮道等。是否因力難抵禦。畏葸無能。甘被圍困。抑或因事起釁。辦理不善。儻祇顧身家。苟全性命。有辱國體。亦應查明懲辦。不可因事過遂置之不問。現在解圍後。該員等作何下落。著一併確切查明。據實具奏。有應叅處者。據實嚴叅。以儆將來。又另片奏。迤西久為盜藪。非重兵無以埽清等語。勞師糜餉。原非善策。然此次調兵較多。勦平哨匪之後。如該督以為必應乘勢掩捕。方可一勞永逸。即著該督會同提鎮。擇其要害。壓以重兵。所有著名匪類。責令指名縛獻。總期漢回各匪。盡皆懾伏。盜蹤淨絕。邊圉肅清。方為不負委任。將此諭知林則徐。並諭崇玉材。程商采知之。○又諭本日據刑部奏。訊出慶芬逃匿大概情形。

請飭嚴密查訪一摺。此案現經刑部訊據慶芬之弟慶陽供稱。慶芬從前發遣新疆時。路過河南。與河內縣卜昌邨人侯大甚為投洽。侯大係兩字命名。下一字記係貢字。上一字記憶不清。販賣藥材生理。嗣慶芬因案銷除旗檔。發配直隸清豐縣充徒。距河內縣不遠。常在侯大家居住。上年慶芬犯案逃走。本有欲往河內縣之意。此次既已路經河南。難保不私行前往等語。慶芬形蹤詭密。必有容留窩藏之人。且此案前經刑部查訊慶芬家人郭升。已據供有河南清化鎮人李姓。與慶芬同行數日。即難保非侯大遣令相迎。更難保非即侯大親身前往。詭匿姓名。亟應確訪密拏。庶免聞風遠颺。鄂順安前奉諭旨。諒已訪查李姓蹤跡。著再遣派幹員。速赴河內縣卜昌邨地方。按照刑部摺內所奏情節。設法躡緝。該犯果否潛匿侯大家中。或已乘間他徙。一有端倪。務即根究下落。拏獲送部。斷不可

任其竄逸。刑部原摺著鈔給閱看。將此諭令知之。○以鑲藍旗護軍統領珠勒亨委散秩大臣肅順署管理鑾儀衛事。○荊州將軍賡福因病解任。以察哈爾都統裕誠為荊州將軍。未到任前。以荊州右翼副都統德凌阿署理。密雲副都統雙德為察哈爾都統。○以鑲黃旗蒙古副都統德順為密雲副都統。○緩徵山西臨汾襄陵洪洞太平翼城鳳臺垣曲浮山鄉寧高平猗氏解安邑夏聞喜十五州縣歉收貧民舊欠倉穀貸吉汾陽陵川遼榆社平定霍七州縣貧民倉穀緩右玉保德隰陽曲臨汾太平曲沃虞鄉霍靈石寧遠十一廳州縣買補動缺倉穀。○旌表守正被戕山西歸化城民杜來全子妻王氏。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五十三

卷之四百五十三

末

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五十四

此係續修實錄日錄卷之四百五十四宣宗皇帝實錄卷之四百五十四

宣宗皇帝實錄卷之四百五十四宣宗皇帝實錄卷之四百五十四

宣宗皇帝實錄卷之四百五十四宣宗皇帝實錄卷之四百五十四

宣宗皇帝實錄卷之四百五十四宣宗皇帝實錄卷之四百五十四

宣宗皇帝實錄卷之四百五十四宣宗皇帝實錄卷之四百五十四

秋

道光二十八年戊申夏四月甲辰朔享

太廟

上親詣行禮○幸圓明園○詣綺春園問

皇太后安○以兵部左侍郎德厚兼鑲黃旗蒙

古副都統○乙巳諭內閣載銓等奏宗室承

襲世職可否仍兼職任等語向來宗室覺羅

及滿漢文武內外各官承襲世職有承襲後

仍兼本任者有承襲後不兼本任者又或先

經承襲而後有職任或已有職任而後得承

襲辦理殊未畫一著吏兵二部會同宗人府



詳覈例案妥議章程此外如有應行覈議之處著一併查議具奏所有已襲奉恩將軍宗室秀平應否仍留主事之任著俟議定後照議辦理○丙午

上還宮○以鑲白旗滿洲副都統奕格署正白旗領侍衛內大臣鄭親王端華署鑲白旗滿洲都統○以常雩祀

天於

圓丘自是日始齋戒三日○丁未旌表守正捐

軀奉天開原縣民烏雙喜女五月○戊申

上詣

南郊齋宮齋宿○以杭州乍浦駐防軍政年逾

六十官十三員精力未衰命留任○己酉常

雩祀

天於

圓丘

上親詣行禮○詣

關帝廟拈香○幸圓明園○詣綺春園問

皇太后安○諭內閣陸建瀛奏清查展限屆滿

請再展一年一摺江蘇省此次清查事宜自道光元年起至二十四年止年分既多款項愈雜現據該撫奏稱展限又將屆滿難以剋期辦竣著准其再展一年該撫務須督同該藩司等詳細確查覈實妥辦務令款項全歸有著毋得稍有牽混○以正藍旗漢軍副都統德興署正紅旗滿洲副都統○庚戌

上奉

皇太后幸

皇四子■皇六子奕訢所至奉三無私殿進

膳○辛亥旌表守正捐軀河南嵩縣民桑泳

仁女大姑○壬子

上御閱武樓閱挑選侍衛馬步射至乙卯皆如

之○以辦理濩務出力予吉林協領富呢雅

杭阿等議敘○癸丑以供辦兵差車輛予吐

魯番回子郡王阿克拉依都議敘○甲寅旌

表守正捐軀河南南召縣民宋瑞露妻陳氏

夏邑縣民張有才妻宋氏○乙卯諭內閣鍾方等奏叅軍臺遞報遲誤一摺哈密苦水軍臺署外委劉天秩接遞葉爾羌等處批回奏摺並不親身齎遞僅差兵丁轉送以致因風迷失雖經尋獲轉遞業已遲延七日實屬玩誤○劉天秩著即斥革並著在軍臺枷號以昭炯戒○副將吉昌中軍都司劉存祿均有失察之咎著一併交部照例議處○諭軍機大臣等著英等奏摺傳教結拜匪犯查訊大概情形一摺覽奏均悉據稱前因湖南江西等處獲教會各匪移咨到粵該督等密飭訪拏當經拏獲董言台及任振坤謝文灼三名並起出經牌圖章等件旋據吳榮基等悔首到案又續獲來省探信之何亞柏及匪夥陳希勝等多名先後解省訊據供認先在江西地方聽從入金丹教禮敬無生老母並邀誘多人結拜天地會改名關爺會起意搶劫嗣逃至廣東復煽誘李紫榮等多人入教並於民夷

互毆之時起意乘機煽惑希圖滋擾此等奸徒皆係從前白蓮教餘黨撥拏未盡以致蔓延既屬習不畏法且難保日久無悖逆重情恐此外尚有夥黨匿不供出必應徹底根追以期根株淨盡著徐廣縉等遴委幹員研究匪蹤密飭躡緝斷不准一名漏網其籍隸江西湖南各犯已由耆英等咨會查拏即著吳文鎔陸費瓌查照原咨犯名迅飭跟蹤訪拏務令按名弋獲盡法懲辦毋任此拏彼竄稍留餘孽是為至要將此各諭令知之○丙辰上詣綺春園問皇太后安○諭軍機大臣等有人奏州縣諱盜殃民請飭查辦一摺據稱直隸廣平府屬永年廣平等縣自二十六年至本年二月強劫發冢之案多至數十起均經事主呈報有案乃該地方官畏葸諱飾未肯緝辦於數十案中僅止拏獲武河清家發冢案犯八名猶復意存開脫其餘畏事不報報而不問者不可

枚舉並稱永年縣馬快侯四王登科閻哥答等縱容羣賊訛索善良等語盜賊肆行地方官玩視民瘼又任聽馬快秦賊固因規避處分亦恐懦弱無能為奸胥等所挾制似此貽害閭閻亟應嚴切查辦著訥爾經額接奉此旨即遵委賢員馳往該處逐案查明速飭文武員弁一體偵拏分別懲辦至馬快侯四王登科閻哥答三名既已聲名昭著斷非善良亦應密票提省究辦毋任聞風遠颺並著嚴查該縣等果否有彌縫抑勒情弊據實嚴叅毋稍回護以靖地方原摺著鈔給閱看將此諭令知之尋奏永年縣廩生武河清呈控墓牆被賊毀竊一案已獲首夥杜泳吉等五名地方官例免處分無所用其規避又廣平縣武生董體仁文童楊文元等坵棺被鑿亦已先後獲案分別究辦馬快侯四等提解到省訊無縱賊訛索情事惟該役等平日果係奉公守法何致聲名昭著已飭先行革役發回

廣平府管押再行密訪究辦下部知之○丁巳

上御閱武樓閱挑選侍衛馬步射○以雲南龍陵協副將福忻為四川建昌鎮總兵官○戊午諭內閣楊殿邦奏請將逞刁疊控之千總先行革職一摺前押東昌幫空運衛千總李忠恆因具控該幫領運千總榮星吉各情業經前漕運總督將該千總撤任提訊乃藉稱措資回籍現經屢次勒提延不到案輒敢節次具稟曉曉狡瀆實屬逞刁抗玩李忠恆著即行革職被控之東昌幫千總榮星吉一併撤任交楊殿邦提同人證嚴訊究辦毋任狡展尋奏李忠恆呈控各情均屬虛誣依誣告律反坐擬發極邊足四千里充軍下部議從之○己未

上御閱武樓閱挑選侍衛馬步射翼日如之○庚申

孝端文皇后忌辰遣官祭

昭陵○修直隸萬全縣護城石壩從總督訥爾經額請也○辛酉諭軍機大臣等朕恭閱

皇考仁宗睿皇帝實錄嘉慶四年

高宗純皇帝奉安

裕陵特派文武大臣侍衛等敬謹守護嗣於嘉

慶九年復有

旨將年老十餘員如恩令其來京朕思此項人員先經派往旋又撤回其中且多衰老之員既於守護難期得力即可無庸派往此例著

永遠停止交軍機大臣敬謹存記○壬戌

上詣綺春園問

皇太后安○予捕拏野番被戕甘肅把總魏進

官祭葬世職兵丁楊伏等賞卹如例○癸亥

兩江總督李星沅等奏海運米船全數放洋

損失米石現經買補足額報聞○甲子旌表

守正被戕安徽懷遠縣民婦劉張氏童養媳

殷氏○乙丑

上御勤政殿聽政○諭軍機大臣等布彥泰奏

遵旨提訊革員開明阿等大概供情請行查明確再行研訊一摺開明阿豐伸泰於上年賊匪入卡勾結肆擾先時失防臨時退避以及被圍株守待援各情經布彥泰提訊均各認罪惟據該革員等供稱被圍後先後接仗十六次互有勝負並有斬馘及奪獲器械數目及派兵犒賞案據等語既有此供自應行查明確再行提集分別研訊以服其心至上

年該處賊匪初起也聚河岸意欲撲城開明阿帶兵出城迎敵何以忽退是否敗陣抑另有別情至豐伸泰在城內坐視勢不能支何以不趕緊出城接應即或因守城不敢輕敵又何以不趕派裨將帶兵出城應援以致事機坐失城垣被圍豐伸泰是何意見著布彥泰將此情節一併詳鞠訊取確供具奏勿令該革員等狡卸支飾將此諭令知之○以國子監祭酒文瑞為通政使司通政使○丙寅諭內閣前因葉爾羌等處奏摺接遞遲延屢

經降旨飭查。茲據兵部奏數月以來。惟烏魯木齊等處分別查奏。此外多未聲覆。又自上年十二月二十九日。暨本年正月二十四日。接到參贊大臣奕山奏摺三件。均有遲延。並未聲明結報。傳牌排單。仍屬破爛。各等語。上年軍報接遞。既有遲誤。迨降旨飭查。又不迅速查明。叅辦。且仍有遲延。揉擦等事。所有前次未覆之直隸陝西甘肅各督撫。及新疆未覆之各都統大臣。著即遵照前奉諭旨。迅速逐件查明。指名叅辦。其續經查出接遞遲誤各件。並著經過之各該地方督撫。將軍大臣。一併迅速查明。據實叅奏。以肅郵政。○又諭楊殿邦潘錫恩會奏江廣漕船尚未渡江。請旨飭催一摺。各省起運漕船。定有定期。全數渡黃。不容稍有遲誤。現在江廣各幫已逾期限。尚未抵壩。該幫究竟行抵何處。沿途亦無文報。殊屬遲玩。著兩江總督江西安徽江蘇各巡撫。迅即飭令該地方文武員弁。沿途

晝夜趲催。經過各關務。即隨驗隨放。不准片刻羈留。俾得及時到壩渡黃。以速補運。儻稍玩誤。查明係何處耽延。定將該地方及督運之員。從重懲處不貸。○丁卯諭內閣李嘉端奏撥船虧短米石。請旨查辦一摺。海運漕糧現在抵通。各起均有欠交米石。中途節節弊端。難以懸揣。著朱鳳標德誠於撥船回天津時。提傳船戶。確切查數。分別賠補足額。奏明搭運交納。毋稍短缺。○命翰林院侍講學士

俞長贊提督河南學政。○戊辰

上詣綺春園問

皇太后安。○諭內閣嗣後恭送

玉牒前往盛京尊藏時。所有行駕龍箱等件。應如何變通之處。著宗人府會同該部議奏。尋

玉牒大內尊藏一分。本套較小。盛京尊藏一分。本套較大。請按照大內尊藏尺寸恭修。至龍箱向不變價。用後收存盛京。請飭將軍俟有

便員送回工部備下屬應用。行駕向係每乘安奉二箱。今龍箱尺寸既減。自可歸併盛載。其每乘應改載若干箱。俟臨時酌量辦理。從之。○又諭林則徐奏訊辦保山滋事匪徒。並究辦倡亂匪徒。及分別酌撤官兵各一摺。覽奏均悉。雲南保山縣匪徒沈振達等前因被回民京控。輒敢倚恃匪徒金混秋邪術糾眾劫奪提解案證。焚燒官署。將該處招復回戶肆行搜殺。並商同阻截文報。抗拒官兵。經該

督等檄調各營精兵分投進剿。先行出示曉諭。並於彌渡一案大振先聲。該處民人畏懼軍威。輸誠悔罪。迨全師壓境之時。即有眾庶獻俘之舉。現在首要各犯查拏到案者三百餘名。分別正法擬罪。辦理尚為迅速。各營兵弁著分別撤令歸伍。此案事起倉猝。眾寡不敵。竟能迅速蒞事。不致老師糜餉。文武員弁應得處分及失察各職名均著加恩免議。其未獲各犯仍著嚴飭文武員弁督率兵役認

真據捕淨盡。分別究辦。勿留餘孽。經此次懲創之後。務當嚴禁妖術。勸導鄉愚。俾得永杜奸萌。共安作息。所有善後各事宜著詳細籌議具奏。另片奏在事員弁著有微勞等語。著擇其尤為出力者據實保奏。候朕施恩。毋許冒濫。○諭軍機大臣等。林則徐奏保山匪犯滋事。究出惑眾倡亂之匪徒。審明辦理一摺。此次雲南保山縣匪徒滋事。據該督查訊根由。皆由奸民金混秋惑眾倡亂。該犯現已被

獲。正法。惟當其潛住保山縣睡佛寺內。沈振達等密與往來。該地方官既有風聞。若即時嚴密拏獲。究辦何至釀成巨案。乃該府縣僅驅逐出境。不即拏辦。即該犯之供亦與脗合。似此養癰貽患。殊出情理之外。著林則徐查明奏。毋得稍有瞻徇。將此諭令知之。○又諭前據奕山等奏遵旨會同詳議存貯擡礮一摺。當交軍機大臣議奏。茲據覆議覆奏。火藥鉛丸為演放礮位要需。現在擡礮百尊已

照軍機大臣所議分貯葉爾羌阿克蘇喀什噶爾三處所有奕山等原請製備鉛藥經費籌議叛產變價及換防兵丁配帶鉛藥等項事宜並有不敷之處著布彥泰按照各該處情形悉心籌畫妥議具奏軍機大臣議奏一摺並奕山等原摺均著鈔給閱看將此諭令知之○又諭前據奕山等奏遵旨會同詳議存貯撞礮一摺當交軍機大臣議奏茲據覈議覆奏所有此項撞礮百尊著即照軍機大

臣所議分撥葉爾羌五十尊阿克蘇三十尊喀什噶爾二十尊嚴密存貯勤加教演密為防閑以昭慎重至製備鉛藥籌議經費將叛產變價等項事宜已有旨交布彥泰按照各該處情形籌議具奏矣惟回匪出沒無常軍營調取撞礮遠近莫必設遇倉卒調取車駝人夫按程遞送既不免有中途攘奪之虞尤恐緩不濟急其應如何豫為籌畫調取如何迅速屆時責成何項員弁方不致臨時貽誤

之處著薩迎阿奕山吉明悉心籌畫妥議具奏軍機大臣議奏一摺著鈔給閱看將此諭令知之○己巳諭內閣李星沅等奏臚陳江蘇洋面情形一摺據稱余山一帶向有盜船伺劫經該督等飭派弁兵分投追捕該匪膽敢開礮抗拒雖經署參將劉長清等先後擊沈二船悉數生擒轟斃仍恐此外盜船尚復不少現在海運米船業已全數駛入東境惟洋盜肆劫為害匪細匪船往來游奕諒不獨

江蘇一省洋面為然現當沙船北上固應嚴密巡緝加意保護即尋常商船往來亦宜容任今肆劫致成畏途已據該督等咨會鄰省一體兜捕著沿海各督撫各飭水師將弁不分畛域認真兜截不得稍留餘孽至該督等奏稱水師廢弛原設營制未能盡善現在整頓水師嚴緝洋盜另議章程務當通盤籌畫於連界分捕合捕之處悉心妥議總期責有攸歸漸著成效毋得視為具文有名無實尋

奏酌籌外海水師章程。一磨勵人才。江蘇風氣柔弱。水師尤難得人。前經疊次指參庸劣鎮將。革除陸兵名目。專從水務取材。惟全材甚不易得。要必舍短取長。明定賞罰。優者破格示獎。劣者加等示懲。駕馭而鞭策之。令其知感知奮。一變通營巡。查蘇松鎮常年統巡外洋。秋冬兼巡內洋。福山鎮僅止春夏統巡內洋。秋季會哨一次。勞逸懸殊。應請從道光二十九年正月為始。蘇松鎮春秋統巡外洋。夏冬統巡內洋。福山鎮夏冬統巡外洋。春秋統巡內洋。狼山鎮係陸路總兵。其輪巡外洋官兵。應聽蘇松福山兩鎮調度考覈。並南匯營都司守備。應與蘇松鎮標中營等六營一體輪巡外洋。以資練習。一覈實會哨。定例蘇松鎮總兵與浙江定海鎮總兵。又蘇松狼山福山三鎮總兵及各營將官。按期互相會哨。近年則該鎮將均止派弁。由陸路取結呈報。彼此並未謀面。節經咨會浙江撫臣。並通飭

江蘇鎮將親往巡哨。一遇盜船。相機兜截。另派幹員輪駐海口查訪。如再虛應故事。密稟覈叅。徇隱同罪。一扼要堵緝。現查江蘇外洋余山最為喫緊。應委參遊一員。帶領兵船在彼寄按。按季更換。其統巡之總兵。除隨時遊巡外。常年寄按崇明縣之黑沙嘴。稽查策應。儘仍收泊內港。一經委員查出。嚴叅加號示眾。一配兵足數。原定船船一隻。大舢板船一隻。各配兵四十名。小舢板船一隻。配兵二十名。棲宿既形擁擠。偶值追逐洋盜。技勇亦頗難施。以致派不足數。自工冬廉得其弊。覈定大船船配兵三十六名。大舢板船配兵二十四名。小舢板船配兵十六名。無論內河外海。一律照派。他如沿海接濟。必先杜絕。下海私船。必嚴查禁。海口人戶。俱照內地編查保甲。藉清勾結。而免窩藏。下部議從之。○庚午。

上詣

黑龍潭神祠拈香。○諭內閣薩迎阿奏查明



和闐續墾餘荒地畝現已一律開渠安戶擬定試種升科年限並安設伯克等懇請賞給燕齊地畝一摺此次續墾餘荒二萬八千一百畝除招戶承種外尚餘四千一百畝著賞給新設伯克等作為燕齊地畝以資養贍其所需夫工牛隻農具等項俱係該大臣率同各章京等捐資辦理並著免其造冊報銷○以勸辦賊匪賞廣西副將周濟威遊擊祥麟守備張士鈺花翎知縣柳際清等藍翎知府張熙宇以道員用餘升敘有差○贈故前任閩浙總督程祖洛太子太保予祭葬諡簡敬○辛未諭內閣哈芬奏領運兵糈請飭遵奉舊章一摺直隸東安縣駐防營支領俸餉米石前經奏定章程自應仍遵定例著訥爾經額迅即嚴飭該縣照例派撥書差前赴天津領運毋庸派委領催前赴天津會領以符舊制不可遲延滋弊○壬申

孝慎皇后忌辰遣官祭

陵寢○諭內閣昨據吏部奏請將朦混報捐之已革都司議處一摺已依議行矣前任山西鎮西城都司武林改名武璘因案革職係屬私罪現在順天府朦混捐輸經該部行查該旗該佐領惠密不為出具圖結於公事尚能認真甚屬可嘉著加恩賞加二級以示獎勵○又諭前據王植奏援案請豁墊款銀兩一摺當交戶部議奏茲據該部查議安徽省寧國旌德太平三縣漕項向因水道不通民折官辦歷經照案辦理與他處官墊民欠有干例禁者不同所有該三縣道光二十年以前並道光十年以前兩次墊完漕價銀二萬一千九百六十五兩零均著加恩准其豁免此外各州縣墊欠銀米仍著該撫照例勒限催追並將逾限不完作何辦理及如何歸補之處悉心酌覈務令借墊庫款按限交完入撥不致日久盡屬空談以昭覈實至官墊民欠名目久經禁止嗣後各州縣交代案內如再

有墊欠款目。即著指名奏辦。儻該督撫不行舉劾。後復藉口援請豁免。即著該部一併嚴叅。以除積弊。而清庫款。○又諭徐廣縉奏副將患病開缺。請旨簡放一摺。廣東南雄協副將員缺。著兵部照例辦理。向來各省副將告病告養。丁憂等項。缺出例由具題。請旨從無專摺請簡之例。該副將馬鳳圖告病開缺。自應遵例覈辦。徐廣縉不諳定例。率行具摺請旨。著傳旨嚴行申飭。○諭軍機大臣等。據御

史范承典奏。訪聞山東捻匪蹤跡。請飭查拏。並開單呈覽。山東捻匪為害地方。雖經查辦。盜風復熾。自應跟蹤追緝。俾就肅清。若如該御史所奏。近日地方官又漸形疏懈。以致捕役任意包庇。鉅野縣總捕頭任昆平素誘盜。迨經盜犯陳青等供出。為任昆馬文超黨夥。業經降旨飭緝。而該犯等充役為匪。均各如故。又鉅野縣廩生董維齋為羣匪主謀。尤屬駭人聽聞。衣冠盜賊。其他各捻首相率效尤。

更無忌憚。若不及早查拏。勢將日肆猖獗。貽惡何所底止。著張澧中接奉此旨。迅即密委幹員。查照單開姓名。分途馳往各該處密訪嚴拏。務令悉數擒獲。按律懲辦。以靖地方。斷不准一名漏網。山東距京甚近。且係通衢。該地方官查辦認真與否。最易得實。懍之原摺單著鈔給閱看。將此諭令知之。

大清宣宗效天符運立中體正至文聖武智勇仁慈儉勤孝敏成皇帝實錄卷之四百五十四

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五十五

監修煥章官煙霞日輝起居注官太子太保體仁閣大學士文淵閣領閣事管理戶部事務上書房總辦傳輪林院掌院學士兼管順

天府府尹尹再遇加五級紀錄十八次。自貢預備職官經吏部。為書錄藍旗漢軍都統管理新營房城內宮房大臣稽察內

七倉大臣稽察會同四譯館事務加一級隨帶加六級軍功加三級紀錄五次。歷任沙納經筵講官文淵閣提舉閣事兵部尚書總管

內務府大臣張白旗滿洲都統稽察內七倉大臣管運倉人阿林泰在蘇州官學  
監書官國用副學及員外郎等處考滿

1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 2679, 2680, 26

**Figure 1**

---

通考卷一百一十五 藝文考五

將軍素博隣子長吉襲職以正監真前鋒

大正三年三月廿二日

—

上林苑

論江陽學川安壽集

留送信名犯慶勞侯會奠李明興良李元禮

著該撫遴委幹員沿途小心押解來京交刑

部歸案嚴行審訊  
諭軍機大臣等徐繼畲

秦乃屬望。頁絛甲等。吾國尙廷建。卽三守民。

人之志也

---

會之案甚多該省此次拏辦會匪深得聯甲之力該撫現復派委幹員前往建陽縣將聯

甲韋程整頓位客民土著聯為一骨奪其和

率入會其泉州漳州等府永春州廣東等處

民人在彼居住者。大概搭棚散居山谷。不連

村土勢雖為聯合。亥無見防。尤其也。勢分。

及編東辰  
節前享其  
音以宮一  
音立三通

人計終京華也

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百。

卷之六

甲之法持之永久偏僻之地毋令藏垢納汙

卑干匪女。戈也。方妥爭刀。刃曰人主解。奉于

卷之六

○ ○ ○ ○ ○

近江島也。舟二并。以言人易之。

人訪仁皇后思居違宿客

諭內閣前據李嘉端奏撥船廣短米石

請旨查辦當交朱鳳標德誠確切查覈茲據

通情事。究屬承運不慎。著即查照成案。責令經紀撥船分別賠補。其經紀應賠之米。即於耗米內扣除。再將餘米留抵掣欠。至撥船應賠之米。著責成海運總局清河天津兩道。即行追繳。總於沙船卸米未經竣事以前。一律搭運。不准稍有遲延短缺。所有各船戶虧短至六石及六石以上者。除按數追賠外。仍行枷示河干。以示懲儆。惟撥船由津運通數日之中。孰敢虧短米石多寡不等。其積弊已可

概見。儻不嚴行防範。則乾潔必藉口於收縮。足數又不免使水攪和。弊端迭為乘除。實屬可惡。嗣後著駐通倉場侍郎。於撥船起卸米石。如稍有折耗。即照前案責令經紀撥船各半分賠。若每船短至四石及四石以上。並查有潮溼攪雜等弊。即將短絀潮溼米石最多之船戶。先行送交刑部嚴究懲辦。一面咨行天津迅速賠補。○以鑲藍旗滿洲副都統綿清署鑲黃旗護軍統領。鑲黃旗漢軍副都統

哈芬署正黃旗護軍統領。○丙子。

上詣綺春園問

皇太后安。○丁丑。以故西寧固察族百戶冬麻牙答爾子化木角爾達爾吉。多倫託克列玉族百長多爾吉才夫坦子彭錯克散住布。玉舒族百戶成里達爾吉子索諾木才都布牙木錯族百戶丹巴旺姪成里札什。各襲職。○戊寅。以順承郡王春山。署正白旗領侍衛內大臣。禮部尚書麟魁署正紅旗蒙古都統。○

展緩陝西咸寧長安咸陽興平臨潼高陵涇陽三原渭南醴泉大荔蒲城華乾武功十五州縣積欠米石。○已卯。諭內閣全齡奏此次恭送

玉牒之前引侍衛十員。在京未領出關口票等語。向來出關人員。例應遵領路票。此次何以未領。著侍衛處查明具奏。○庚辰。諭內閣前據陸建瀛奏。揚關由閘短徵贏餘銀兩。請援案減免一半一摺。當交戶部議奏。茲據該部

奏稱揚關由閘短徵贏餘銀兩。前因黃河漫口。稅乏來源。奏准寬免一半。今該撫奏關稅短絀。係因鄰省災歉所致。與黃河漫口情形大有區別。礙難覈准等語。各關經徵稅銀。如有虧短。例應著落賠繳。若因一時鄰省偏災。遽請減免。儻各關相率效尤。藉詞請免。無論經費充絀短絀。稅課從無似此弊過成案。何得遽開巧避之門。陸建瀛冒昧奏請。著交部議處。所有前任監督咸齡。前後共應賠銀五

萬四百六十六兩零。現任監督姚熊飛。前後共應賠銀五萬七千四百六十三兩零。均著予限八年。統令照數完繳。以符定制。咸齡。姚熊飛。並著交部照例議處。經此飭諭之後。所有各省督撫監督。均著一體懍遵。毋得再瀆干咎。○辛巳。諭內閣。仁壽等奏。遵旨查明遺漏咨行等語。此次恭送

玉牒之前。引侍衛十員。應領出關口票。侍衛處主事定泰。漏行兵部。著交部議處。所有仁壽

等自請察議之處。著加恩寬免。○又諭。昨據潘錫恩奏。工需不敷。請添撥銀兩一摺。當交戶部議奏。茲據該部議請如數籌給。係為河防緊要起見。已依議行矣。惟南河每歲部撥及各省例解等項。共銀三百四五十萬兩。此內豫防大汛銀一百五十萬兩。即係專為防險而設。乃近來一遇險工。無不另行請撥。竟以每年防險之銀。視為例所應得。逐漸增添。何所底止。在部臣以河工平險無常。不得不

議准請旨。多方撥給。致免藉口。然似此漫無限制。於另案之外。復添另案。無論帑項盈絀。日久將何以為繼耶。推原其故。總由河員等奢靡相尚。揮霍性成。甚或假公濟私。侵帑肥橐。以報險為恐嚇。濫支濫應。喪盡天良。即如上年李星沅所叅各員。不過懲一儆百。恐漏網甚多。而每年霜汛安瀾。經該河督保奏升遷者。指不勝屈。豈無一二偷工減料。侵冒飭法之員。何以未見叅劾。然則工程卑薄。其不

能保禦鞏固。亦可見矣。又如過往官員。以及遊幕人等。求助紛紛。尤為河工漏卮。前於道光二十四年。曾經降旨禁革。並未見該河督舉發一事。叅劾一人。近聞此風更甚。於帑項大有關繫。不可不嚴行禁止。該河督及各河道等。均係朕特簡大員。即廳員中固多利徒。亦豈無一二實心任事者。賞罰既平。斯從違立應。嗣後該河督務當認真稽察。舉劾兼施。僮遇有廳員呈報險工。及領帑一切事宜。必

應覈實搏節。毋任飾詞冒領。每年所撥防險銀兩。如有贏餘。仍當存留備用。不得任意開銷。以用盡為度。經此飭諭之後。每年除例撥款外。著戶部存記。絲毫不得再撥。該河督惟當先事豫籌。力求節省。如查有劣員捏報險工。及濫領帑項者。立即嚴叅懲辦。僮藉詞偷減工料。有誤修防。朕定將該河督及道廳文武員弁。從重治罪罰賠。決不寬貸。至南北往來官員人等。仍遵前旨。該河督等遇有往謁

求助之人。即將其人指名叅奏。並著兩江總督明查暗訪。力祛弊端。東河亦著照此辦理。並責成山東巡撫加意稽察。以挽積習。而重河防。將此通諭知之。○又諭張澧中奏在籍巡撫被許。請旨交部審辦一摺。前任山西巡撫梁萼涵在籍。被民人楊錦投遞說帖。指稱前在山西巡撫任內。有徇情受賄。免充鹽商情事。虛實均應徹底究辦。楊錦並同行之馬德重孫得利。均著山東巡撫派員解交刑部

審訊。其郭姓。宋二。遲皮匠。張會通。劉姓均著步軍統領衙門。順天府。五城一體嚴拏。務獲交刑部歸案訊辦。直隸房山縣典史梁楸滋著即解任。並著順天府委員解交刑部。一併嚴審確情。按律定擬具奏。○又諭鄭祖琛奏盜匪拒捕戕官。現在查辦情形一摺。又另片奏請將疏防之文武員弁分別撤任革職各等語。廣西天保縣知縣沈毓寅。於歸順州賊匪竄入本境。帶領兵勇前往堵拏。黑暗之時。

致被該匪等戕害。現在該撫已派臬司馮德馨馳往查辦。著即查明實在情形。督飭文武印委各員。將首要各犯趕緊追拏。咨移鄰省一體堵緝。務令悉數就獲。從重懲辦。毋任一名漏網。署鎮安府事麥嶺同知文燦代理鎮安協副將事都司陳烈光署歸順州知州施鳴盛畏葸無能。袖手生視。均著一併撤回。交吏兵二部嚴加議處。鎮安營把總陸殿揚著即行革職。該四員俱毋庸留於該處協緝。該

撫即責令接任印委文武各員。嚴拏各犯。迅速藏事。勿令蔓延。天保縣知縣沈毓寅捕拏鄰境盜匪。聞信即往。奮不顧身。以致遇害。可嘉可憫。著加恩照陣亡例賜卹。其捕盜被殺之兵丁劉開勝。鄉勇鍾安泰。殺賊身死。一併交部照例議卹。○命吏部右侍郎福濟候補庶子駱秉章馳往河南查辦事件。○壬午。

上詣綺春園問

皇太后安。○以鑲白旗漢軍副都統慶錫署京

營右翼總兵。○以鑲黃旗漢軍副都統劉鈺署正藍旗滿洲副都統。○以福州駐防軍政年逾六十官六員精力未衰。命留任。○旌表守正捐軀四川達縣民何思九妻劉氏。○癸未。諭內閣。戶部奏請將潮溼米石之舞弊船戶各犯嚴究。加等治罪等語。米石潮溼。用藥使水。其弊不可勝言。以民間終歲勤苦。錙銖積累。徒供此輩侵漁。致使乾潔漕米。化為腐朽。實堪痛恨。前經倉場侍郎查出潮溼米船。

業將該船戶代役等分起咨送刑部。著該部即嚴行審究。加等治罪。此後如再有潮溼米石之船。並著即行送部。一律懲辦。以絕弊端。而慎倉儲。○賞協辦大學士兩廣總督耆英雙眼花翎。○甲申。改鑄浙江大荆營歸併專營守備條記。從總督劉韻珂請也。○乙酉。遣官祭

關帝廟。○諭內閣。給事中曹履泰奏。請飭查米石私運出城一摺。漕糧為天庾正供。官兵

俸餉支放攸關。若偷漏之弊日滋。則米價昂貴。有妨民食。茲據該給事中奏奸商盡役勾串居奇。私運出城之後。車馬裝載成羣。積弊已久。似此肆無忌憚。如果屬實。各城門何以毫無稽察。且南糧回漕等事。弊尤不可勝言。總因日久稽查懈惰。將從前章程視為具文。不可不再行申禁。著步軍統領衙門。順天府五城嚴密查察。如有囤戶奸商違例偷漏。立即從重懲辦。儻所屬官吏有包庇縱放情事。

一併叅究。毋得徇隱。因思各旗甲米及官員俸米入城。專派御史稽查。例有專摺奏報。豈徒具文了事。嗣後著即責成該御史。如查有弊混偷漏出城。即著嚴拏懲辦。儻查辦不力。別經發覺。訊係某月偷漏。即惟值期之御史是問。另片奏。役滿書吏暗中盤踞。在京把持公事等語。役滿身後辦事。最干例禁。必應飭令回籍。惟年久未見巡城御史查拏一人。可見稽查保甲。並未認真覈實辦理。並著步軍

統領衙門順天府五城一體訪察驅逐。以除積蠹而杜弊端。○諭軍機大臣等。新選廣東肇羅道張錫霖係由捐輸議敘出身。前於召見時察其才具平庸。恐難勝道員之任。該員現已領憑赴粵。俟其到省。著徐廣縉詳加察看。如果於公事一切未能明晰。豈可令其貽誤地方。該署督即行據實覆奏。毋稍徇隱。將此諭令知之。尋奏。察看張錫霖身體孱弱。得旨。送部引見。○丙戌。以前任山西太原鎮總

兵官祥麟。為廣東陸路提督。○丁亥。予科科熱依瓦特陣亡把總吳喜。外委尚清。崇大安。祭葬世職。○八子。

上奉

皇太后幸慎德堂進膳。○諭軍機大臣等。有人奏河南賈魯河挑挖糜費。近無成功。一摺。據稱此河自中牟決口被衝。經該撫奏動捐輸帑項。歷委道府等員。三次挑挖。費幾百萬。近無成功。迨淤塞日甚。僅以河身積沙。本難施



力為解並未將辦理不善之員分別叅處賠修內如施熙一員貪名素著所至侵蝕錢糧等語似此工需繁鉅當興工之先該撫即應慎重審度何至屢次挑挖終無成效當此經費不敷之日竟將百萬國帑民膏所出輕於一擲若如所奏殊不足以儆貪而節帑著福濟駱秉章於查辦各案之便親至賈魯河履勘情形語訪輿論並調齊卷宗逐細查覈務將糜帑誤工各員分別工段銀數據實嚴叅

並暗訪河陝汝道施熙平日居官聲名如何一併具奏不准稍涉瞻徇原摺著鈔給閱看將此諭令知之己丑諭內閣李嘉端奏拏獲撥船戶偷竊米石並查出潮溼發塊情形咨交刑部審訊一摺此案人犯已由該侍郎咨部審辦自應按名嚴究惟該犯等於撥運漕糧任意偷竊使水以致米石短絀貽害倉儲深堪痛恨若仍照尋常咨交案件審擬殊不足以懲積蠹著刑部堂官督飭承審司員

向各該犯嚴切根究務令盡情供吐仍遵前旨加等治罪以肅法紀而絕弊端以派赴巴爾楚克防堵出力釋回伊犁遣犯五百名

庚寅

上詣

大高殿行禮還宮以夏至祭

地於

方澤自是日始齋戒三日辛卯諭內閣御史錫光等奏設法抽查甲米進城並請定稽察

私米出城章程一摺著戶部議奏尋奏該御史請於甲米進城頒給官斛抽量米石窒礙難行應毋庸議其所稱嚴查甲米出城應請飭步軍統領順天府五城申明舊章一體稽察從之賞借御前行走喀爾喀扎薩克郡王那遜巴圖魯五年修理墳塋壬辰諭軍機大臣等本日據刑部密奏現審案內究出贓款數萬兩請飭查辦並將各項人犯開單呈覽已明降諭旨將候補知縣陳怡和縣典

史陳銜恩革職。並案內應訊人證。一併解訊矣。此案在籍巡撫梁萼涵被訐前在山西巡撫任內。有求免充商一事。得受多贓。現由刑部訊據已革郎中孫邦供認實有託該撫之弟梁楫滋賄囑情事。並呈出手摺內所列得贓之官員吏役幕友長隨人等。節節貪婪。數盈五萬餘兩。必應徹底究追。水落石出。著王兆琛迅即遴派幹員。查照單開各犯姓名。分投嚴密訪拏送部。斷勿令其聞風遠颺。並不准一名漏網。至前署河東道查克丹雖已身故。其幕友丁役人等。必有當日知情經手之人。並著該撫計算年月。確查嚴緝。以上人犯一經獲案。即先由該撫密訊供情。如此外續經供出之犯。料係案內必應關提查拏者。即著該撫迅速酌覈解部。免致日後輾轉稽延。該犯等轉得乘間逃逸。是為至要。將此諭令知之。○癸巳夏至祭地於

方澤  
上親詣行禮。○幸圓明園。○詣綺春園。問皇太后安。○諭內閣奕興等奏移居宗室私娶再醮民婦為妻。並攜帶外出滋事一摺。宗室玉林著發往吉林交該將軍嚴加管束。以示懲儆。○又諭徐廣縉等奏籌捕洋匪。請暫留總兵署缺一摺。廣東碣石鎮。為東西分洋要隘。盜船此拏彼竄。必須聲威素著之員。居中堵截。西江東海洋面。兇捕方能得力。該鎮總兵李賢遇事畏葸。難以勝任。著以副將降補。所遺廣東碣石鎮總兵。即以洪名香調補。俟籌辦洋匪事竣。再令來京陛見。○以廣東龍門協副將黃慶元為瓊州鎮總兵官。○甲午。諭內閣張澧中奏請循例添雇民撥船隻一摺。本年山東衛河水勢微弱。現在南糧抵境。撥船恐有不敷。著照所請。准其循照成案。添雇民船三百六十隻。責成臨清州知州一手雇覓。分別撥發存留。俾資輪轉。仍飭藩司委

員前往監收。隨時察看如水勢增長。即行酌量減雇。以節糜費。○又諭鄂順安奏查明到豫商米開單呈覽。並請嗣後照常徵稅一摺。前因河南省災歉較廣。頒賑之外。仍令免稅招商。迅運米糧接濟。茲據該撫奏稱該省二麥收穫。民食無虞。缺乏。所有商販米船。著江蘇安徽巡撫。飭令各該關照常徵稅。鄂順安著於接奉此旨之日為始。出示曉諭。并咨會鄰省遵照。○諭軍機大臣等張澧中奏辦理

緝捕情形一摺。除暴安良。為地方官要務。必須力求實效。方能有益民生。據奏東省盜匪肆行。實由地方文武各官捕務廢弛。防範不嚴之故。大法則小廉。人存則政舉。兇匪橫行。咎在牧令。牧令不職。責在上司。該撫現經拏獲多名嚴辦。並將諱匿各員。分別查叅復督同文武各員按名按捕。嚴禁接濟盜糧等語。所奏實屬詳盡。惟言之匪艱。行之維艱。果能實心辦理政事。認真查拏盜匪。各文武同心

協力。畛域不分。互相堵緝。匪徒自易就獲。即如近來各該御史所奏山東盜風又復漸熾。原未必事事皆實。而亦斷不至盡虛。著該撫督飭文武各官。振刷精神。認真緝捕。即照所議嚴查接濟窩頓。以清盜源。儻該地方官仍蹈前轍。稍事因循。即嚴行叅辦。毋稍姑容。勿得徒託空談。毫無實效。勉之慎之。將此諭令知之。○乙未。

孝恭仁皇后忌辰遣官祭

景陵。○諭內閣奕山奏進征官兵借項銀兩。請分年坐扣一摺。上年伊犁駐防滿洲蒙古進征官員兵丁。在糧臺酌借俸餉銀兩。著加恩准其分作四年。於各該官兵等應領俸餉銀內。分年扣還。以示體恤。○又諭奕山等奏請將喀什噶爾庫存普爾錢文。分撥英吉沙爾備貯等語。著戶部議奏。尋奏查英吉沙爾向無儲備之款。該大臣稱遇有緩急。諸多掣肘。自係實在情形。應准其於喀什噶爾庫存普

爾錢五千串內分撥一千串解往英吉沙爾  
永遠存儲不得擅動以備不虞從之○以故  
奉恩將軍祥璧子靈秀襲職○丙申旌表守  
正捐軀江蘇丹徒縣民胡依瑤妻張氏丁  
酉諭內閣本日據朱鳳標德誠奏分別賠補  
欠交米石章程天津通州辦理未能畫一請  
旨遵辦一摺又據李嘉端奏據朱鳳標等咨  
文又奏拏獲偷竊使水各犯咨送刑部聲明  
各起撥船無論傷損虧短各米石例應船戶

一律獨賠各一摺此項撥船虧短米石前經  
降旨著駐通倉場侍郎查照前案責令經紀  
撥船各半分賠嗣據戶部議覆李嘉端奏請  
酌擬章程摺內亦請仍令倉場侍郎欽遵前  
旨毋庸另議更張嗣後查出撥船如有使水  
虧短等弊係由經紀拏獲即著撥船戶獨賠  
與經紀無涉一船了一船之案其餘各船仍  
照舊章責令經紀船戶各半分賠不得因承  
運經紀拏獲一二即將此起並各起內未經

稟獲之數十餘船概令經紀免賠既足以昭  
平允且可以杜弊中之弊○戊戌四川重慶  
鎮總兵官德年因病解任以江寧城守營副  
將王鵬飛為重慶鎮總兵官已亥

上詣綺春園問

皇太后安○庚子諭內閣戶部錢法堂奏請飭  
催銅運等語銅運為鼓鑄攸關斷不容遲延  
貽誤所有已報渡黃之桂文奎一運已入江  
南境之李令儀一運並先後入湖北境之韓

印海李暘王階鈺盛熙瑞四運著兩江漕運  
江南東河河道各總督湖北巡撫嚴飭文武  
員弁將在境各銅船迅即押令飛挽北上勿  
令片刻逗留並令直隸山東各督撫一俟各  
該運船到境即專派妥員迎提催趲務於七  
月內全數抵通儻該運員等藉詞延宕或該  
地方官提催不力即著查明叅辦○又諭訥  
爾經額奏籌議南糧赴壩情形一摺現在海  
運兌米未能計日完竣河運南糧首幫已抵

津關以後各幫陸續挽入直境均已將次到津。若待海運尾撥方准過關。恐後進幫船挨次頂阻。且本年首幫入直之期。比上年已遲六日。再有耽延。致誤歸次限期。更於全漕大局有礙。所有現抵津關各幫著該督按照舊章。隨到隨放。所有海運撥船插檔行走。兩無滯礙。即令稍滋弊混。尚可將海運米石暫卸北倉。先令漕船北上。無誤回空。方臻妥協。豈有將重運軍船暫免催提之理。著倉場侍郎

於海運河運兼營並收不得顧此失彼。僅軍船因阻止行走。以致回空未能依限歸次。有誤大局。惟該侍郎是問。懍之。○諭軍機大臣等。前因長蘆鹽務引滯商疲課不足。額特簡沈拱辰為鹽政。原係擇人而使。期於力整離網。俾稅課日有起色。乃任事已閱數年。徵課奏銷迄未能年清年款。且輟轉那墊。辦理仍形竭蹶。蘆網積弊固深。總當設法挽救。乃該鹽政未能盡心經理。仍無起色。有負簡用。著

訥爾經額悉心體察。據實具奏。毋稍瞻徇。回護。將此諭令知之。○又諭傳諭長蘆鹽政沈拱辰。本日戶部奏長蘆參商欠交正項。必須速籌歸補一摺。商課正雜銀兩。動關國帑支發。誤運之商。固應參革。而參革之課。必須籌補。據奏長蘆自道光二十四五兩年。奏銷各扣參商未完銀兩。已形虧短。現在二十六年分。參商欠課復扣銀至十五萬六千餘兩之多。似此情形。課項日就短缺。即如上屆奏銷

案內參課徵收銀七萬三千餘兩。已盡為歸補參遺帑本。及撥補參商未完帑利之用。此外更無餘銀。又何從歸補參商未完正項。所議另籌撥補之說。仍屬有名無實。該鹽政不將通網大局情形。悉心籌畫。認真補救。日事因循。何所底止。著即趕緊設法。將參商未完課銀覈實歸補。並令將參懸引地。迅即招商領運。並將短缺引數速籌補運完課。毋得徒託空言。致正項終歸無著。如再遷延貽誤。該

鹽政其能當此重咎耶。將此傳諭知之。○辛  
丑。諭內閣惠豐奏遵旨確實查明覆奏等語。  
熱河八旗閑散人等。年及十八歲方入丁冊。  
行知京旗。其未及歲之閑散人等。向不行知  
京旗。前因聯芳襲職。經該旗行查熱河咨報。  
時扎拉豐阿年甫三歲。故未入於丁冊。既據  
惠豐查明其中並無別項情由。即著准將扎  
拉豐阿過繼承蔭為嗣。該旗照例辦理。○壬  
寅。以正藍旗漢軍副都統德興署鑲紅旗蒙  
古副都統。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五十五



絲毫增益。兼須剴諭旗丁。不得需索州縣。該州縣等禁其取之於民。何能為爾輩魚肉。其在漕運河道總督。又應嚴禁委員開官巡漕等員。告以旗丁既無所利。該員等如敢詐取分毫。准旗丁立即喊訴。其有藉端需索及勒不放開等弊。從嚴治罪。至於倉場侍郎。尤應飭令坐糧廳潔己奉公。禁止收受漕規。並嚴查經紀人等勒索旗丁財物。旗丁不取之於州縣。何能為經紀等所挾持。總之一氣相通。

其利全散之於烏合之眾。而其害則滴滴歸源。皆培克於吾民也。該大臣等豈無一二見及此者。特日久相沿。因循滋甚。又不能聯為一體。互相提撕。遂使天庾之供。歲形短絀。該大臣等若不振刷精神。趁此誥誡之時。狂瀾力挽。將來官民交困。有誤正供。其將何術以補救耶。悔之晚矣。著有漕各督撫。即將此次諭旨。徧示各州縣。剴諭各村莊。河道漕運各總督。及倉場侍郎。亦徧示官吏軍民人等。一

體懷遠。勿干功令。儻有違者。迅即懲辦。務使層層去股削之害。小民有蘇息之時。該州縣等尚敢藉口於兌費之日增。而重斂吾民乎。另片奏籌辦全漕等語。漕務浮費太繁。州縣無所賠償。以致報災減運。希圖節省。近年招商採買。本年又試行海運。豈能特為長策。若明歲新漕額數。仍復短少。何以籌裕倉儲。上年有漕各督撫。及漕運倉場衙門覆奏減費等事。其浮費每歲裁革若干。未據切實聲明。

而漕額之果否能足。尤未議及。著即體察中外大局。通盤籌畫。將從前一切浮費。如何革除。嗣後各省全漕。如何起運。悉心會議。詳晰聯銜具奏。務期令行禁止。弊絕風清。朕以愛民為心。該大臣等以正供為念。斷未有令不行而弊不絕者。懷之懷之。○又諭。新授山東巡撫徐澤醇。著仍照例兼提督銜。毋庸戴用花翎。其現任各省巡撫兼提督銜者。仍著戴用花翎。嗣後遇有巡撫兼提督省分。更換之



際除特旨賞戴花翎外。餘俱毋庸戴用。○乙巳。

上詣綺春園問

皇太后安。○諭內閣。林則徐奏。現乘凱撤大兵。分投捕獲。歷年竄擾要犯多名。審明立置重典一摺。林則徐此次督兵進剿。於永昌七哨。懾服軍威。後復乘凱撤大兵。將歷年永順雲緬軍營。勦散餘匪。按捕多起。究出戕害擄禁員弁。拒殺兵丁。練勇各要犯七十六名。審明

立置重典。自足大快人心。永昭炯戒。此外尚有夥同支解趙發元之姚老五一犯。雖據現犯供稱。已被擊殺。恐難盡信。仍著該督派員密訪確蹤。毋任捏飾。俾逃法網。其前在永昌軍營陣亡之署守備趙發元。既據查明道光二十六年駐守飛石口時。賊匪馬無二等。央其讓路。該署守備大罵不允。並發矢射中賊首張富唇吻。致賊匪支解。它心吞食。情實可慘。且該署守備本係回人。深知大義。敵愾捐

軀。尤堪嘉尚。趙發元前已有旨賜卹。著加恩照參將例賜卹。所有該部前遵諭旨議卹之處。著即撤銷。並賞銀三百兩。即由該地方官支領庫銀交該故員家屬收領。以慰忠魂。其餘查明應行議卹之各員弁兵丁。均著該督咨部照例覈辦。餘著照所擬辦理。至永昌鎮道等已據查明。並非甘心困辱。亦無激變情事。免其治罪。其應得處分。著該督覈其輕重。定擬具奏。尋奏。騰越鎮總兵銓佳。迪西道王

發越。永昌府知府李恆謙。署保山縣知縣韓捧日。協同訪獲要犯四百餘名。並未敢置身事外。惟究係失於覺察。應請交部議處。從之。○丙午。命協辦大學士兩廣總督耆英。留京管禮部事。以廣東巡撫徐廣縉為欽差大臣。兩廣總督。接辦夷務。布政使葉名琛。為巡撫。按察使李璋煜。為布政使。鹽運使趙長齡。為按察使。○賞遼陽城守尉耆瑞。副都統銜。署鑲紅旗蒙古副都統。○丁未。諭軍機大臣等。

前據張禮中奏體察東省情形酌擬緝捕章程一摺當交該部速議具奏茲據各該部悉心覈議分別准駁具奏自應照議辦理惟是條款僅屬虛文奉行必應實力言之匪難行之維艱經此次妥議之後著徐澤醇查照章程督飭各屬認真遵辦斷不可徒託空言仍致有名無實總期捕務加嚴盜蹤淨絕方為不負委任至現議章程條款內如時過境遷尚有格礙難行及應變通之處著徐澤醇隨

時酌覈具奏毋稍因循遷就將此諭令知之○戊申諭內閣戶部奏閩省耗羨未完錢糧請飭遵例開列二叅等語各省額徵耗羨隨同正項錢糧統計分數開列初叅其仍未完解者辦理地丁二叅時一併揭報惟福建省耗羨多年未完從無二叅冊籍送部經該部行催未據造報以致欠項積至二三十萬餘兩之多殊屬任意疲玩嗣後該省耗羨錢糧著該督撫統計分數除當年奏銷隨同正項

開列初叅外其叅後未完者著於辦理地丁二叅時將耗羨米耗二叅各員職名一同造具冊籍送部查叅以昭畫一而清積欠○又諭王兆琛奏請動司庫生息歸本錢文再行發商生息以備練兵賞需一摺著照所請准其在於司庫生息歸本項內動出錢一萬串發給陽曲等八縣各當商按年一分生息仍以二十六年秋季為始每年應得息錢按季解司以備加賞精兵飯食等用餘著照所擬

辦理○諭軍機大臣等有人奏江蘇省城盜案疊出請飭拏嚴辦一摺近來盜風日熾總由各該地方官玩視捕務所致况省會重地尤應嚴密稽查豈容盜劫肆行若如所奏本年正月至五月江蘇元和等縣城內城外盜劫橫行其中明火執仗拒傷事主之案多至十餘起或犯無一獲或諱盜為竊甚至該處盜匪即在各縣衙門投充捕役似此勾串包庇無所不至若不及早查拏貽害何可勝言

著陸建瀛迅即遴委幹員。按照原奏各案情節。嚴密訪拏各犯。並查明白龍山有無盜匪盤踞。勿任聞風遠颺。不准一名漏網。至盜匪投充捕役。較之窩賊更為可惡。窩賊僅止包庇一二案。若任其挂名充役。是凡有盜案。皆不能破。尚復成何政體。著陸建瀛密為設法。淨盡根株。慎勿受其朦蔽為要。原奏著鈔給閱看。將此諭令知之。○命長蘆鹽政沈拱辰解任。以鹽運使候補毋庸兼三品卿銜。以江

寧織造崇綸為長蘆鹽政。未到任前。以直隸總督訥爾經額兼署。○乙酉。以甘肅按察使雲麟為廣西布政使。湖北漢黃德道陶樑為甘肅按察使。○以故四川成綿龍茂道屬水草坪巡檢土司蘇國珖弟國榮襲職。○庚戌。諭內閣。梁寶常奏。知縣徵解輕齋銀兩遲緩。請交部先行議處一摺。本年蘇松太漕糧。改由海運。浙省幫船。大半提歸二進。其輕齋銀兩。自應提前趕解。方期無誤要需。浙江嘉善

等四縣。未能先期批解齊全。實屬不知緩急。署嘉善縣知縣繆步瀛。署海鹽縣知縣鄧輝珍。石門縣知縣熊光煦。署德清縣知縣吳春棠。均著先行交部議處。儻有遲誤。即行照例叅辦。○辛亥。

上詣綺春園問

皇太后安。○諭內閣。刑部奏。降調知縣列款評控一案。請飭交審辦等語。此案前任雲南知縣降補府經歷縣丞廣和。呈控該管上司各

款。當交刑部訊明。有無實據。據奏該叅員多不能指實。惟證佐俱未在京。是否挾嫌捏告。抑或該省藩司等實有辦事不公。及虧短帑項等情。虛實均應徹底根究。著交林則徐親提人證卷宗。秉公查辦。該督經朕簡畀封圻。素所信任。諒不敢因呈詞稍涉牽連。意存回護。且該叅員呈控各款。多係該督到任以前之事。既無所用其引嫌。更不必代人受過。著即將呈內各情。逐款秉公研鞫。據實查明。定

擬具奏。原告廣和著該部照例解往備質。該  
參員原呈十件。又刑部摺片二件。一併遞發。  
○又諭。李星沅等奏。連年海運米石均邀  
神佑。請加封號。扁額一摺。上年商米捐米。本  
年蘇松太等屬漕白二米。俱由海運。該撫陸  
建瀛於督辦之初。叩禱。

天后

風神

海神各廟。虔求佑助。嗣沙船先後放洋。順速

抵津。並無一船鬆艙伐桅之事。利漕安瀾。覽

奏。實深欽感。著發去大藏香十炷。交陸建瀛

祇領。遣員分詣各處

神廟。敬謹祀謝。

天后。疊彰靈應。曾屢加封號。茲兩載恬瀾。顯

應益著。著禮部察例。擬加封號。候朕酌定。並

發去御書扁額。交該督等敬謹懸掛。以答

神庥。其

風神

海神。並著禮部一體擬加封號。以昭靈貺。尋  
如。

天后封號。曰恬波宣惠。

風神封號。曰宣德贊化。

海神封號。曰靈昭鎮靜。○壬子。頒江蘇

天后廟

御書扁額。曰宣慈利運。○癸丑。

上詣

黑龍潭神祠祈雨。○命

皇四子

天神壇。惇郡王奕誼詣

地祇壇。皇六子奕訢詣

太歲壇祈雨。○命大學士卓秉恬。毋庸管兵

部事。以協辦大學士耆英。管兵部事。命毋庸

管禮部事。○甲寅。諭內閣。阿宛都瓦第扎布。

現在病故。伊子固倫額駙德木楚克扎布。自

應速赴原牧穿孝。著加恩准其馳驛速回原

牧。至本年十月初旬。再行進京當差。○又諭。

薩迎阿奏減等廢員應否扣滿年限。請旨遵辦等語。孟保著准其明年五月釋回。免其減等發落。○以協辦大學士耆英署鑲黃旗蒙古都統。○命喀爾喀郡王那遜巴圖前往奈曼。奠故扎薩克郡王阿完都瓦第扎布茶酒。賞銀五百兩治喪。○命陝甘總督布彥泰撥銀二萬八千三十九兩。解赴烏什。備道光三十年經費。○乙卯。諭內閣。王兆琛奏解部人員私行出省。請旨革職查拏一摺。山西候補

從九品梁琯森係刑部現審案內已革典史梁楸滋之子。捏告病假。私赴房山探視伊父。其中顯有情弊。亟應迅速查拏。梁琯森著即革職。並著步軍統領順天府五城暨直隸總督山東巡撫一體嚴拏務獲。解部歸案審辦。並飭嚴拏遲光遠務獲解部辦理。○丙辰。諭軍機大臣等。寄諭直隸總督訥爾經額。現經刑部於現審案內究出直隸候補佐雜梁珠森係已革房山縣典史梁楸滋之長子。曾經

說事過錢。自係案內要證。如果傳提到案。並可向其根究梁琯森下落。以憑訪拏。除本日已明降諭旨令將該員派員解部外。仍著該督迅即密委幹員。將梁珠森一員立時拏獲。訊供解送刑部。斷不可走漏消息。致該員聞風遠颺。其服役人等。如查有係二十四五年受雇者。著一併解部。將此諭令知之。○丁巳。以故甘肅洮州廳屬副千戶土司楊國成子繡春襲職。○戊午。

上詣綺春園問

皇太后安。○予捕盜被戕江蘇外委張書言。祭葬世職。舵工何有智。賞卹如例。○己未。諭內閣。山東在籍告病巡撫梁芎涵被訐。現經刑部訊出有應質訊之處。著徐澤醇於該省道府參將遊擊內酌委文武二員。將梁芎涵交速解送來京。不准片刻耽延。交刑部歸案質訊。○諭軍機大臣等。寄諭直隸總督訥爾經額。山東在籍巡撫梁芎涵被訐一案。現據刑

部訊出前任山西祁縣知縣陳怡得賊甚多。該革員籍隸直隸獻縣。著該督即派委妥員。將該革員原籍什物房屋。一併嚴密查抄。毋許稍有偷漏。隱匿寄頓。此種貪劣之員。甚屬可惡。斷不准照尋常查辦案件。虛應故事。如有疏漏。干咎匪輕。將此諭令知之。○又諭寄諭山西巡撫王兆琛。山東在籍巡撫梁芎涵。被許一案。現據刑部訊出前任山西祁縣知縣陳怡得賊甚多。著該撫即派委妥員將該

革員寓所資財什物。嚴密查抄。毋許稍有偷漏。隱匿寄頓。斷不准照尋常查辦。虛應故事。儻有疏漏。恐難當此重咎。將此諭令知之。○又諭。寄諭署山東登州鎮總兵官景琳。山東登州府文登縣。住有榮成縣之在籍前任山西巡撫梁芎涵。現有被許事件。著該署鎮會同登州府知府。將梁芎涵原籍及寄居寓所家產資財。以及什物。嚴密查封。不准稍有偷漏。隱匿寄頓。毋庸查抄。靜候諭旨。並著該署

鎮及該府將該員暗為防範。俟徐澤醇派員迎提到時。眼同起解。勿稍疏虞。將此諭令知之。○予捕盜被戕廣西知縣沈毓賓祭葬世職。○緩徵山東臨清。邱夏津。陽信。觀城。臨邑。德。德平。陵。平原。朝城。十一州縣並德州衛被旱被風村莊新舊額賦。○庚申。以雨澤優霑。

皇四子

天神壇。惇郡王奕誼詣

地祇壇。皇六子奕訢詣

太歲壇。惠親王綿愉詣

黑龍潭報謝。○諭內閣。琦善奏查補營員空

糧影糧並甄別兵弁等語。所辦是。四川外營

留省當差員弁。向有分食空糧影糧之弊。前

經該督奏明將留省各員。盡遣回任。茲又將

通省空糧影糧查出九百餘分。全行考補足

額。除裁汰衰劣兵丁另補外。甄別不得力之

千總把總等八十八員。積弊相沿。一時釐剔。

儻能持之以久。營務自日有起色。國家設立營伍。原期一兵得一兵之用。若糧餉空虛。兵數缺額。廢弛日甚。何論操防。因思四川如此。他省可知。著各直省督撫。嚴行分別稽查。各營內如有前項空糧影糧等弊。或名目不同。均即力加禁革。其兵弁衰弱庸劣。亦當隨時甄別。毋使濫竽充數。已往不咎。咸與惟新。自接奉諭旨後。各該督撫等務當有弊必除。事力求實濟。以副朕整飭戎行之意。儻日後

有人叅奏。或別經發覺。仍有空糧等項情弊。考其年月。惟該省督撫提鎮是問。懷之將此通諭知之。○又諭琦善自簡任督撫以來。辦事向屬認真。此次以二品頂帶補授四川總督。到任後加意振作。於吏治營伍緝捕各事宜。尤能實心整頓。不避嫌怨。著加恩賞還頭品頂帶。以示勉勵。○又諭前據琦善奏。請寬免疏防各員處分。當降旨令將何案何員分晰具奏。茲據該督覆奏。並開單呈覽。該文武

員弁於奉劄飭拏匪徒。購線蹤訪。獲犯至二百七十餘名之多。是雖疏防於前。尚知奮勉。於後自應量予恩施。以昭激勸。所有四川江油縣知縣現升巴州知州桂星。把總李錦和。簡州知州濮瑗。外委徐應雄。邛州直隸州知州朱紹恩。千總蘇龍。大邑縣知縣郭志融。把總高步。疏防處分。均著加恩寬免。○又諭前任山西巡撫梁萼涵。身任疆吏。於署內弟姪人等。往來營私納賄。何竟毫無見聞。梁萼

涵著即革職。交徐澤醇仍遵前旨。酌派文武大員迅速押解來京。交刑部歸案質訊。不准稍有耽延。此案除房山縣典史梁楸滋。山西候補從九品梁琯森。已經革職分別審訊押解外。直隸候補佐雜梁珠森。亦係案內要證。著即革職。交步軍統領衙門。順天府。五城。一體嚴拏。解送刑部歸案審訊。並著直隸總督查明該員因解京差。曾否回省。其原許之楊錦一名。著山東直隸地方官沿途一體催趕。

解京不准遲延。○辛酉諭內閣李嘉端奏南糧脫空未能跟接過關請飭催提一摺本年南糧頭進首幫抵壩以後各幫尚能依次跟接乃自第二十一幫之寧太幫即未能依限前進其第二十二幫之池州幫又復脫空數日似此節節稽遲不惟在後各幫趕辦諸費周章且回空例限甚嚴尤虞耽延貽誤著直隸總督山東巡撫迅速查明各幫究係在何處延擱據實參辦毋稍姑容仍一面遴委幹

員迎提各幫船務令銜尾前進毋任片刻停留以懲玩誤而利漕行。○修山東加河攔河壩從河道總督鍾祥請也。○壬戌諭內閣奕興等奏遵照部議會同覆勘鳳凰城邊柵界址繪圖呈覽並擬辦情形一摺盛京鳳凰城邊界節經查辦因冊載里數不符致有牽混現經該將軍等再行親勘查明四山形勢並墾荒甸地實數擬於光土山西坡下左右斜向取直為邊設立封堆定為界址著即照議

辦理所有光土山上平坡及山後迤東私開地畝即飭一律平毀先後私墾人等由該將軍會同府尹查明酌辦毋令激釀事端其私墾成熟地畝及尚可試墾之閒荒一併飭令地方各官分別招佃徵租照例覈辦仍責成邊界各官協力巡查如再有潛越偷墾情弊立即查拏究治儻巡緝不力即將該管員弁嚴參懲處以專責成而肅邊境。○癸亥予遇賊傷亡甘肅把總花甲祭葬卹廕兵丁張魁

賞卹如例。○命陝甘總督布彥泰撥銀五萬五千兩解赴塔爾巴哈台備道光三十年經費。○甲子諭內閣戶部奏在籍總督可否支食世職半俸援例請旨升任總督世襲一等侯楊國楨歷任封圻並無過失祇因召見時見其腿疾未痊步履艱滯特降旨令其回籍調養且伊故父楊遇春宣力有年戰功超著兼勤疆寄楊國楨著如恩准其在籍支食世職全俸以示朕篤念蓋臣推恩延賞至意。○



命鑲白旗漢軍副都統慶錫馳往江南查辦事件。○乙丑。

上詣綺春園問

皇太后安。○遣官祭

火神廟。○以戶部左侍郎柏蔭署京營右翼

總兵。○丁卯。諭內閣。本日朕閱看甘肅題本

署兩當縣知縣徐宸松自縊身死一案。其因

病自縊之故。據該督聲明該故員有生前所

書字條。與文案及詩文內筆跡相符。業經兩

司親提研鞫結案。惟無故輕生。總堪駭異。嗣

後文職自知縣以上。武職自守備以上。如有

自盡之案。該督撫即行專摺奏聞。以昭慎重。

○諭軍機大臣等。刑部奏請飭提書吏門丁

歸案質訊等語。此案已革前任巡撫梁萼涵。

於被舉充商之孫陳笏故後。兩次批令另舉

殷戶接辦。是孫邳等之准免充商。皆該革撫

自作主持。並無河東道詳請免充案據。應行

提訊。當時承辦書吏。著王兆琛迅將該處鹽

稿房承辦此案書吏喬桂程汝夏委員押解

迅速來京。交刑部歸案審訊。毋得稍有稽延。

並著該撫查明梁萼涵在山西時二十四五

兩年所用門丁。如有尚在山西之人。亦即一

併迅速解部。以憑嚴訊。將此諭令知之。○又

諭刑部奏請飭提門丁家人歸案質訊等語。

此案梁楸滋等如何代孫邳營謀免商。供多

狡卸。其子梁珠森是否曾赴山西。梁琯森是

否回籍。以及梁萼涵是否聽受賄囑。必須查

提。梁萼涵管門家丁到案質訊。方可水落石

出。著該署鎮景琳會同登州府知府查詢梁

萼涵在山西時二十四五兩年所用門丁家

人。現在共有幾名。一併迅速解部。如梁萼涵

業已起解。即向伊子梁理森及其家屬詳細

查詢。僕門丁內有跟隨梁萼涵進京之人。亦

即詢問。開具該門丁等姓名。飛咨前途。妥為

管押解京。毋令稍有疏失。將此諭令知之。○

戊辰。以江寧布政使傅繩勛為浙江巡撫。未

到任前。以布政使劉喜海署理。以廣西按察使馮德馨。為江寧布政使。山西冀寧道勞崇光。為廣西按察使。○以拏獲私進開齊哈薩克賊犯賞協領巴哈善。副都統銜。佐領富珠爾泰。以應升之缺升用。○免察哈爾額魯特二營游牧蒙古應賠被雪倒斃牲畜。○己巳諭內閣。聯福等奏。米船到橋半條潮溼。請飭設法另貯一摺。通州起卸米石。因雨水淋溼。現經逐袋查驗。計九千九百十三石。此等米石。一經入倉。最易發熱。且恐因房間滲漏。微貯堪虞。著倉場侍郎。將此項米石妥議另行分貯。責成各倉監督。隨時挑晾。俾米石不致微變。以重倉儲。○庚午。調江西巡撫吳文鎔。為浙江巡撫。浙江巡撫傅繩勛。為江西巡撫。傅繩勛未到任前。以布政使費開綬署理。○辛未。

上詣綺春園問

皇太后安。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五十六

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五十七

仁慈儉勤孝敏成皇帝實錄卷之四百五十七

監修總裁官謹誌  
起居臣太子太保羅仁閣大學士文淵閣領閣事管理戶部事務  
上書房總辦傅齡林院亨院學士兼官順

大府府尹事。隨帶加五級紀錄十八次。臣賈樟璽。職官經這。議官吏部尚書。鑲藍旗漢軍。兼統管理新營房城內官房大臣。積勞而

七倉大臣積善會同四譯館事務加一級隨帶加六級軍功加三級紀錄五次臣花沙納總領講官大洲閣提舉閣事兵部尚書總管

內務府大臣領白旗滿洲都統稱參內七倉大臣管理宗人府銀庫左翼幼官學  
監壽宮國明園等處精拔營御茶膳房御庫房太

醫院通解成事孫隨加十八級臣阿靈阿副總裁官經筵講官兵部尚書順帶加六級紀錄三十次臣關祖培等奉

軟修

道光二十八年戊申秋七月壬申朔享

太廟命皇六子奕訢恭代行禮。○諭內閣戶部

錢法堂奏請飭催銅運等語。銅運為鼓鑄攸

關斷不容遲延貽誤前已降旨令沿途各督

撫迅速提催迄今仍未據報行抵何處現在

需銅緊急所有已報隨漕渡黃之滇員桂文

奎李令儀二運已入江南境之韓印海李暘

王階 鈺 盛熙瑞 四運著 兩江漕運 江南東河

直隸各總督暨山東巡撫嚴飭文武員弁將

入境各銅船迅即押令飛挽北上務使在前

各運趕緊於七八月間抵京交局在後各運

跟接抵通勿任片刻逗留僅各該運員藉詞

延宕或地方官催趲不力即著指名嚴叅○

癸酉諭軍機大臣等本日據徐澤醇奏委員

押解已革前任山西巡撫梁萼涵飭由萊州

青州武定等府徑達直隸天津便道迅速進

京一摺著慶錫查照原奏迎提原摺著鈔給

閱看將此諭令知之○軍機大臣等議覆陝

甘肅總督布彥泰奏回疆各城本地產有鉛礦

等物並非購料維艱官為收買可杜回夷透

漏之病且由各城自行採辦既免受溼走硝

運費亦可節省並責成本營將弁認真製造

似於實用有濟所有回疆各城添演擡礮不

敷鉛藥應令各城自行製備至按年添製鉛

藥應以演礮次數定購料多寡計擡礮百尊

歲需鉛價銀一百四十四兩零以北路價值

最大之營分比較計歲需火藥僅止工料銀

一百九十三兩應於甘省綠營額設公費支

贖銀款內。每年寬為籌撥銀四百兩。專備各城新添擡礮操演之需。自道光二十八年為始。統隨回疆經費。由葉爾羌參贊大臣咨調作正開銷。從之。○甲戌。諭內閣黃恩彤自留廣東差委以來。曾經賞給六品頂帶。尚無職任。著加恩以同知用。即行來京。歸部銓選。○乙亥。諭內閣刑部奏現審案內。訊出應提人犯。請旨飭解等語。已革山西巡撫梁夢涵署內門丁艾慶著徐澤醇查詢梁夢涵之子梁

理森。如該犯現在山東。即令交出。解交刑部歸案審訊。儻已回湖北原籍。著即飛咨該督撫迅速飭提解京。其前在梁夢涵署內之籤押家人王晉張廉三名。據梁琯森供稱均在山西省城。著王兆琛按照刑部原咨住址。跟蹤迅速查拏。一併押解送部。以憑質訊。毋稍疏縱。○諭軍機大臣等。據梁寶常奏請將礮位留浙一摺。此項浙省收回之圓成礮十五位。子母礮六位。毋庸留浙。即著劉喜海仍遵

前旨。遇便派員將前項礮位由水路妥為運京。至前由京發去子母礮查條十二位。現在祇收回六位。其餘六位歸在何處。著該署撫查明覆奏。將此諭令知之。尋奏查未經收回之母礮四位。並子礮等件。係派帶遺失。無從查繳。報聞。○兩廣總督徐廣縉奏拏獲洋盜多名。均按律懲辦。仍飭沿海文武員弁窮追力堵。不使稍留餘孽。致貽後患。得旨盡力緝拏。不可疏懈。○以克收海運南糧完竣。予直

隸道員何耿繩等議敘有差。○丙子。諭內閣穆騰額奏查明上年辦理番務朦蔽。請將漢番員弁分別懲處一摺。前因哲孟雄部長及布魯克巴夷目在藏境互鬪。經派往各員弁等開導安靜。業已量予恩施。茲據該大臣奏稱本年哲孟雄部長復來帕克哩原舊避暑之春批地方。稟求事件。查係該營官等於上年曾出具圖結。俟本年夏間。稟催上司派員查辦等語。此案戴琤朗結頓柱於委辦外番

事宜輒敢主使營官。出具圖結。致哲孟雄部長得以藉詞妄請。實屬冒昧自專。噶布倫銜戴珠朗結頓柱著即褫革。交噶布倫等嚴加管束。聽從不稟之帕克哩營官策旺班覺爾策忍汪札均著降二級調用。署江孜守備太平營千總馬元鎮瀘寧營外委陳三珠。前給儘先升補拔補之處。均著註銷。再行交部議處。前賞三品銜之扎什倫布四品頂帶小商卓特巴宜瑪頓柱著革去三品銜。仍戴用四品頂帶。以示懲儆。所有該大臣自請議處之處。著加恩寬免。該處事務著穆騰額等小心妥辦。力杜欺朦。其各隘口應遴派妥實營官前往。不得稍涉顛預。有誤邊務。○諭軍機大臣等穆騰額奏盤獲噶喇夷人。欲赴西藏傳教一摺。據稱盤獲夷人羅啓禎。假稱貿易。欲赴西藏傳習天主教。請即於察木多臺解交四川省審訊等語。所見甚是。該國夷人習教念經。意欲徧傳內地。各省及四川省辦有

成案。皆係解交廣東著琦善於該夷羅啓禎等解到時。詳細研鞫。妥為解粵。咨交徐廣縉覈辦。將此諭令知之。○丁丑諭內閣各省地方大小官員。辦理公事。關防首宜嚴密。不准幕友家丁人等宜慎防閑。即往來親屬亦應杜絕營私。向來吏部定有則例。凡官員縱容失察子弟親友在任所招搖詐騙。及失察子弟黃緣納賄犯法滋事者。俱有議處專條。功令森嚴。允宜遵守。乃近日外省官員。於親屬往來署中。毫無限制。不能約束。以致黃緣為奸。或交結外人。勾通關說。或窺探意指。藉端詐騙。納賄營私。即幸未破露。而地方之受害已深。府庫之侵蝕亦甚。嗣後各省督撫大吏並司道以下各地方官等。均宜恪遵功令。嚴密防閑。凡弟姪人等概不准容留署內。並不得在署外居住。即其子孫隨任幫辦家務。亦毋得干預公事。致啓黃緣諸弊。自此次訓諭之後。各地方官等。如仍不知覺察。任令弟姪

親屬人等出入衙署。或被人糾參。或別經發覺。必當從嚴懲處。決不寬貸。將此通諭知之。  
○戶部議准。直隸總督訥爾經額疏報武清縣薊州開墾地九十三頃八十一畝。照例升科。從之。○撫卹越南國遭風難夷如例。○戊寅。

上詣綺春園問

皇太后安。○己卯。

上御勤政殿聽政。○諭內閣。奕興等奏參主事

及佐領。請分別革職議處一摺。盛京內務府署正白旗佐領事務主事和成額。於驍騎校廷弼稟請退交閒荒。不願往查。並不商同佐領轉呈查辦。迨該驍騎校捏病告假。不察虛實。代為轉呈。繼復冒昧揭稟。實屬有意朦混。且該員年逾七旬。精力已衰。豈可任其懸棧貽誤。正白旗驍騎校廷弼。始則率同領催討墾閒荒。繼以不願前往查丈。捏病告假。實屬有心規避。和成額。廷弼。著一併革職。鑲黃旗

佐領岫雲。正黃旗佐領松蔚。於查辦首報荒場事件。互相推諉。並不認真督率。經理妥協。亦屬怠玩公事。均著交部議處。以示懲儆。○以候補詹事府詹事和色本為詹事府詹事。○庚辰。諭內閣。訥爾經額奏遵查寧太池州二幫。在直隸境內並無遲誤一摺。據稱該二幫自入安陵汛境以後。並無逗留。委因起撥遲延。已咨會山東巡撫覈辦等語。既在山東省開河脫空數日。即著山東巡撫查明參辦。

至三幫軍船。例限已迫。斷難再任稽遲。著直隸總督山東巡撫。仍遵前旨。無分畛域。一體派員催提。總期依限埽數抵壩。不致有誤。回空。僅任意停留。將來查出係何省貽誤。定將該地方官懲處不貸。○辛巳。

孝懿仁皇后忌辰。遣官祭

景陵。○壬午。禮部奏。

萬壽節應行慶賀禮儀。得旨。照例行禮。停止筵宴。○以故一等子王鏞子德溥襲爵。○癸未。

諭內閣。刑部奏在籍巡撫被訐案內。究出差役得贓逾萬。請飭嚴追等語。著王兆琛派員速提河東道衙門差役上官鉉家屬人等。嚴切追贓入官。毋任隱匿。○又諭李星沅奏提督病痊等語。覽奏欣慰。江南提督尤渤辦事認真。操防得力。朕所素知。毋庸來京陛見。免得徒勞往返。尤渤著即行接印任事。○又諭劉韻珂等奏。官紳互訐。供詞各執。並究出委員得贓。請分別撤任革職一摺。福建泉州府知府徐耀著即行撤任。泉州府經歷何士邠。碓陽司巡檢阮致中。捐納郎中林國芳。著一併革職。交該督等提同全案人證。秉公研訊。務期水落石出。按律懲辦。定擬具奏。斷不准化有為無。稍涉瞻徇。尋奏林國芳無結匪滋事重情。惟以在籍捐職人員。乘坐四轎。實屬違制。業已革職。應毋庸議。已革碓陽司巡檢阮致中。泉州府經歷何士邠。輒為林國芳說合取保。通同朦蔽。阮致中得贓較多。應從重

發往新疆。何士邠發往軍臺。泉州府門丁王榮指官撞騙。依律發近邊充軍。知府徐耀於屬員家人得贓。朦混毫無覺察。應請革職。下部議從之。○諭軍機大臣等。徐澤醇奏兩省接壤地方。匪徒聚眾訛搶拒捕一摺。據奏山東日照縣地方。有南來匪犯九十餘人。乘馬持械。在該縣與莒州及江蘇贛榆縣交界地方。公肆訛掠。該地方官等會同營汛督率兵役奮力追捕。傷斃匪犯四名。擒獲現犯徐和尚一名。餘匪零星竄匿等語。該匪等膽敢糾眾公然肆掠拒捕。該地方兵勇。如果得力。似此數十烏合之眾。何難悉數殲除。惟現在紛紛竄匿。若不將首要各犯按名捕獲。必致養癰貽患。況兩省交界。向為鹽梟出沒之區。儻查辦稍疏。將來勾結滋事。更煩兵力。自當及早殲除。免貽後悔。著李星沅陸建瀛徐澤醇嚴飭各該屬地方文武各官。不分畛域。合力兜拏。彼此照會。一遇劫盜。即將首要各犯悉

數擒獲。勿任一名漏網。所有該管文武各員。著上緊購線嚴緝匪犯務獲。以贖前愆。儻案犯不能全獲。即著嚴叅懲處。將此各諭令知之。○以盛京兵部侍郎靈桂兼署盛京刑部侍郎。○甲申。諭軍機大臣等。潘錫恩奏洪澤湖水接長。各工危險。現在保護添籌分洩情形一摺。江蘇洪澤湖為皖豫二省各路溪澗之水歸宿。本年上游盛漲。湖身長水。各工勢甚危險。前已將車邏等壩啓放。藉資宣洩。茲

據該河督奏稱。暑雨較多。湖水仍日長二三寸不等。高堰誌椿較之往年已逾尺寸。現擬籌啓昭關壩等語。湖水盛漲。自應急籌去路。昭關壩既為減水歸海之路。著該河督督同道將廳營員弁。先行竭力保護。相度機宜。可守則守。毋稍疏懈。儻必須啓放。則先其所急。慎重覈辦。水勢橫決。固應疏濬。以衛民生。然昭關壩啓放之後。下游田廬浸灌。小民生業蕩然。亦安能不輟轉籌及。諒該河督必能向

李星沅妥商一切。於愛惜民命之中。兼議撫綏極卹之意。斷不至輕舉債事也。將此諭令知之。○山東巡撫徐澤醇奏。查各州縣盜案。雖無抑勒諱匿情事。而地方既有搶劫之案。惟有督飭所屬文武各員。認真按緝。以淨根株。得旨。除惡安良。當務之急。文武疲玩第一可恨。汝初膺重任。當如何振作。報國安民。朕拭目以待也。○乙酉。

上詣綺春園問

皇太后安。○諭內閣。前因喀什噶爾回匪滋事。開明阿等臨時退衄。疊經降旨。令布彥泰研訊確情。定擬具奏。茲據該督奏逐款訊明。請將豐仲泰按律擬斬。開明阿從重發往新疆。均屬罪所應得。惟據查明該革員等被圍之際。先後出城接仗多次。又因探知眾寡不敵。回城調兵。尚非怯懦先退。雖未能相機克敵。而堅守危城。不至失陷。尚可原情未減。以示法外之仁。豐仲泰著加恩改為發往新疆充



當苦差。開明阿亦著加恩。改為發往烏魯木齊充當苦差。○陝甘總督布彥泰奏。遵旨察訊胞弟賽什雅勒泰。在伊犁參贊大臣任內。自戕一案。賽什雅勒泰。前於奏報。擒賊布魯特。提拉摺內。陳明卡外肅清。嗣因又有夷匪滋擾。甚為憤懣。所派馬隊。雖已獲有勝仗。究未悉數殲擒。更深焦灼。兼之已革領隊大臣。開明阿等。先辭聯銜奏報。繼又再三懇求列銜。疑其有意推諉。慮以後更多掣肘。遂逞其悻直之氣。遽爾輕生。實屬胸懷偏仄。現在查明實係自戕。並無他故。應請即就現審供情完結。以省案牘。得旨。公正至當。刑部知道。○丙戌中元節。	上詣	安佑宮行禮。○遣官祭	永陵。	福陵。	昭陵。
--	----	------------	-----	-----	-----

昭西陵。	孝陵。	孝東陵。	景陵。	泰陵。	泰東陵。	裕陵。	昌陵。○遣官祭	孝穆皇后	孝慎皇后	孝全皇后陵寢。○遣官祭	端慧皇太子園寢。○諭內閣徐澤醇奏。海洋盜船乘風遊奕。現飭實力防捕一摺。本年海運糧船。由東洋赴天津。沿途並無疏虞。自係江南巡洋各將備。於始事尚屬認真防衛。乃現在南糧甫經運竣。即有閩廣盜船多隻。在外洋乘風遊奕。意在伺劫回空漕船。且已有商船被劫之案。如果水師弁兵。仍前嚴密巡
------	-----	------	-----	-----	------	-----	---------	------	------	-------------	--

防何至盜踪肆行無忌是該將弁等於海運沙船甫過即行鬆懈李星沅陸建瀛來英均著傳旨嚴行申飭仍著將疏防各將弁分別查明據實覈辦此時各商船交米後或前赴盛京均須南返易為盜匪窺伺設搶劫頻仍商船皆有戒心何以示招徠而安行旅徐澤醇現雖札飭鎮道雇備大船統帶弁兵出洋督捕但恐驅逐南駛仍著李星沅陸建瀛尤渤迅即揀派水師得力將弁分路帶兵扼要

兜剿務將遊奕匪船擊沈獲犯盡法懲辦斷不准遷延諱飾疏縱干咎懍之○緩徵山東臨朐縣被雹村莊舊欠額賦○丁亥補行道光二十七年軍政福州駐防卓異官一員罷輟官一員年老有疾官六員分別議敘處分如例○戊子諭內閣戴銓等奏遵旨會同覈議承襲世職章程一摺宗室秀平著准其承襲奉恩將軍世職仍留工部候補主事之任○己丑諭內閣湖南衡州協中軍都司段芝

蘭於查閱營伍之年乞休著即勒令休致該員曾經出師殺賊捉生受傷本可賞給半俸惟朕憶及道光十六年間因救護參將蘇清阿曾受多傷著加恩賞給全俸以養餘年○庚寅諭內閣林則徐奏訊明已革守備虧短公項業已措繳全完一摺雲南已革守備馬起鳳侵用公項六十兩零業於限內全完著照例免其治罪惟該革員於被參後鈐記延不交出實屬抗玩其所兼雲騎尉世職著一

併斥革另行承襲以示懲儆餘著照所擬辦理該部知道○江南提督尤渤奏病痊請覲得旨汝身體照常朕心欣慰已有旨毋庸來京即行接印可也○以詹事府詹事和色本充日講起居注官○江寧副都統色普徵阿因病解任以署正黃旗滿洲副都統惠密為江寧副都統○以勦辦雲南彌渡保山哨匪功加總督林則徐太子太保並賞花翎賞遊擊馬福花翎都司陳得功守備王國才巴圖

魯名號。知縣李崢嶸等藍翎。餘加銜升敘有差。○補行道光二十七年軍政。漕標卓異官七員。不謹官一員。有疾官一員。年老官五員。浮躁官一員。分別議敘處分如例。○辛卯。諭內閣寶興之子鍾和。未婚妻四川同知福珠隆阿之女那拉氏。一聞夫故。過門守節。深知大義。甚屬可嘉。著毋庸拘常例。即予旌表。○又諭前據潘錫恩奏。洪澤湖盛漲。籌啓昭關壩。當經降旨飭令慎重覈辦。茲據該河督奏

稱。昭關壩雖已飭啓。仍恐分消不及。擬再啓放義河等語。著該河督相度機宜。竭力防護。可守則守。儻有舉動。必應與李星沅妥商全局。慎重辦理。斷不可輕於一試。至事前如何準備。事後如何撫綏。該河督身膺重寄。諒不敢冒昧從事。必應籌畫萬全也。慎之。○又諭潘錫恩奏。請將疏防緯隄坐墊之員升摘去頂帶等語。江南裏河惠濟閘下張王廟對岸南緯隄坐墊過水。尚未掣溜。雖經該管文武

員弁於三日內搶堵穩固。究屬疏於豫防。署清河縣裏河縣丞倪輅。運口汛把總高玉龍。協防江善章。均著摘去頂帶。撤任留工效力。知府銜升用知府裏河同知曹文昭。都司銜裏河營守備吳泰。著一併摘去頂帶。所有搶堵錢糧。即責令該廳營全賠。不准開銷。以示懲儆。○江蘇巡撫陸建瀛奏。遵查元和等縣盜劫各案。或被獲審究。或認真勒緝。未敢稍任縱延。至白龍山係在浙江湖州府境內。與

江蘇太湖毗連。應即飛咨浙省。會同搜捕。復查長洲元和吳三縣捕役。委無盜匪涇跡。其間此後總以有無失事。有無獲犯。驗其緝捕之勤惰。如有縱容匪徒。挂名充捕。以及抑勒諱飾情事。即嚴叅治罪。得旨。摘奸發伏。非振作勇敢者。不能。汝其竭力而行。斷不可流於懦弱。勉之。○壬辰。

上詣綺春園問

皇太后安。○諭內閣徐廣縉等奏。請將在籍職

員革職審辦一摺廣東在籍候補知府麥慶培因伊兄麥芬生泰店內圖減起貨工費致與挑夫爭執已屬貪鄙復敢勾串夷商申請示禁幫同助喝尤屬唆聾生事麥慶培著即行革職交該督撫提同應質人證嚴訊確情不准任聽狡展從重定擬具奏○命翰林院編修翁同書提督貴州學政○癸巳諭內閣海枚奏撤回遣勇在途致斃人命審明定擬一摺此案伊犁遣勇趙玉等在途搶掠致將

回子愛木拉等戕傷斃命經帶領之協領那爾洪阿遊擊樊成當將該犯等拏獲究辦究與帶領兵丁行走滋事者有間著免其交部議處○命陝甘總督布彥奏撥銀一萬九千九百兩解赴阿克蘇五千兩解赴庫車備道光三十年經費○甲午戶部議准陝甘總督布彥奏疏報甘肅清遠縣開墾地二十九頃三十一畝有奇照例升科從之○丙申仁宗睿皇帝忌辰遣官祭

昌陵

上詣

安佑宮行禮○丁酉諭軍機大臣等寄諭湖廣總督裕泰前因刑部奏請飭提已革山西巡撫梁萼涵署內門丁艾慶當降旨飭令徐澤醇查詢如該門丁已回湖北原籍即著飛咨該督撫迅速飭提解京茲據署登州鎮總兵景琳奏稱查詢梁萼涵門丁據供稱道光二十四五兩年在山西巡撫任內所用門丁艾

慶早回湖北江夏縣原籍等語著該督速即飭提艾慶委員押解速行來京交刑部歸案質訊儻該門丁業經外出即提其家屬確切訊明現往何處作何營幹即速飛行飭提委解到部毋得稍有耽延尤不得致令聞風逃逸將此諭令知之○大理寺卿邢福山以親老乞養允之○乙亥上詣綺春園問

皇太后安○諭內閣潘錫恩奏請將疏防緯隄

漫溢之員弁懲處。並自請議處等語。江南裏河惠濟閘下張王廟對岸南緯隄。前因坐墊過水。業將該員弁分別摘頂撤任。茲復疏於防範。致令南岸迤西緯隄漫溢。所有署清河縣裏河縣丞倪觀。運口汛把總高玉龍。協防江善章。均著革職。留工效力。知府銜升用知府裏河同知曹文昭。都司銜裏河守備吳泰。著一併革職。暫留本任。責令趕緊堵築。所有用過錢糧。仍著該廳營全賠。以示懲儆。署淮

揚道周壽。署淮揚遊擊安振業。均著交部議處。並飭令督率賠修。署河營參將呂邦治。遠在揚河。難以兼顧。著免其議處。潘錫恩。自請議處之處。著加恩寬免。○廣西巡撫鄭祖琛。奏。接捕積年巨匪。悉就殲獲。捕務漸有起色。仍嚴飭沿邊各土司。實力巡緝。務使捕拏淨盡。得旨。用心妥辦。慎勿姑息。養成大患。勉之。○庚子。諭內閣。李星沅等奏。江蘇外海水師戰船不敷。請籌捐添造一摺。水師戰船。巡緝

攸關。必應多為豫備。著准其將江南善後存餘銀兩。先行提撥。趕緊設廠添造。○辛丑。諭內閣。訥爾經額奏。南糧二進幫船。節節脫空。請飭催令趕緊前進等語。本年南糧首幫入直隸境。日期本較上年為遲。現在南運河水勢充足。正可銜尾邁行。乃二進處州前幫。既已脫空八日。而在後之嚴所等幫。又在山東省十字河口耽延。其三進首幫。亦尚無出閘信息。似此節節阻滯。必至有誤例限。關係匪

輕。著徐澤醇迅即嚴飭司漕員弁。催令各幫一體星速前進。斷不准片刻停留。並著訥爾經額督飭地方文武各員。會同催趲。務期以速補遲。儻再延宕。致誤回空。安能當此重咎耶。懍之。○又諭。裕泰等奏。籌備軍需及經費一摺。上年湖南新寧乾州二廳縣辦理軍需。借墊銀兩。並苗疆屯田。豁減租穀。不敷經費。共需銀十二萬兩。著准其作正開銷。仍飭分案覈實辦理。毋稍冒濫。所有該督等請暫開

捐例之處。著毋庸議。○湖廣總督裕泰等奏。遵旨籌議苗疆善後事宜。一。裁汰經費。苗疆原設屯苗義學一百館。嗣添設二十館。年來各苗生童。多能自行勸學。原設一百館。足資課讀。續添二十館。應行裁汰。又均屯委員。久經裁汰。所有薪水工食穀九百二十七石零。應酌留書役工食穀一百四十石。餘俱覈刪。留充屯費。一。佃戶還租尾數。明定限制。屯長斗級人等。遇有合勺尾數。輒將兩手捧量為一合。一手撮量為一勺。實屬積弊。請嗣後完租尾數。在六合以上者。進取一升。以下者退出。不計一。屯田徵租執照紅簿。改用廳縣印信。向來各佃交租。即由屯弁給予收條。既不蓋用印信。難免重徵之弊。嗣後執照紅簿。改由廳縣蓋用印信。用連三板串。遇佃戶交租。即行截串給領。以備稽覈。一。苗人款頭名目。永遠禁革。近年乾州苗人。於各寨議立款首。把持公事。嗣後苗民如有戶婚田土鬪毆等

事。即赴廳縣呈控。如有私自議款情事。即行拏究。仍將禁革款頭名目。出示曉諭。俾知懍戒。一。收繳槍械。私採硝磺。責成查報。此次辦理善後。已據各廳縣收繳槍械五千七百餘件。恐仍有未盡。又苗疆出產硝磺。應一併嚴禁。如有私造私藏器械。及私採硝磺製造火藥。責成各廳縣督率苗官查報。苗官知情隱匿。一體懲辦。一。苗官賢否。覈實甄別。額設苗備弁。請於年終甄別一次。如果約束安靜。承

催全完。將該把總外委列為一等。予以超擢。苗千總。在任五年無過。拔補守備。守備在任五年無誤。記功一次。再歷三年。奏請賞都司銜。如有索詐苗眾。怠玩誤公。按其情節輕重。責革辦理。一。歸併屯倉。裁汰屯長。鳳凰等廳縣。共設屯倉一百二十六所。原設總屯長四十名。每名授田十五畝。散屯長一百六十名。每名授田七畝五分。現據辰沅道查明各屯倉相近者。共二十三所。可以歸作十倉。撤去

屯倉十三所。裁汰總散屯長共二十名。其原授田畝。仍給佃種。俾免失業。○苗官劉付。分別鈐印給發。鳳凰等五廳縣。共設苗守備千總外委四百八十六名。向由廳縣送道驗看。詳由督撫提臣會印給札。事涉煩瑣。請拔補苗外委把總。由道給札。苗千總劉付。由撫臣鈐印頒發。苗守備由督臣鈐印頒發。以歸簡易。○民苗舉人酌減會試盤費。邊字號田字號苗舉人會試。歷由道捐給銀兩。並勸令屯苗兵勇。每名幫貼銀穀。近來兵勇生計維艱。力難幫貼。查有屯防加增義穀六百石。請每歲撥節穀三百石。留於鄉試年。幫給民苗舉人每名穀二石。恩科舉人一體照給。永遠禁止屯苗幫貼。亦毋庸由道捐給路費。○新舊佃欠。分別豁免。查道光二十一年至二十六年。佃欠未完穀一萬二千五百五十餘石。請概予豁免。二十七年未完穀二萬九百五十餘石。請緩至二十九年。起分作三年帶徵。以

紓佃力。下部議從之。○以勦辦湖南乾州廳苗匪出力。賞道員呂恩湛。按察使銜總兵王安。副將李元魁。遊擊李英。都司瞿騰龍。同知瞿誥。孫時澣。花翎千總蘇元林等。藍翎餘升敘有差。

大清宣宗效天符運立中體正至文聖武智勇仁慈儉勤孝敏成皇帝實錄卷之四百五十七

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五十八

監修總裁官總纂修官太子太傅禮部尚書文淵閣總纂修官禮部尚書文淵閣纂修官

天府府志纂修官加五級記敘十八次戶部尚書禮部尚書吏部尚書兵部尚書刑部尚書工部尚書

七倉太僕寺卿四庫館纂修官加一級記敘十八次戶部尚書禮部尚書吏部尚書兵部尚書刑部尚書工部尚書

內務府大臣欽天監翰林院侍讀內七倉大臣管理宗人府銀庫正其初官學堂書官國子監書官

學院通志纂修官加十八級戶部尚書禮部尚書吏部尚書兵部尚書刑部尚書工部尚書

秋修

道光二十八年戊申八月壬寅朔諭內閣劉

韻珂奏請將分往温州出洋隨緝之莊通賞  
給職銜等語莊通發營隨緝甫逾一載即能  
捕獲多犯尚知奮勇出力著加恩賞給千總  
職銜以示逾格獎勵○諭軍機大臣等本日  
據劉韻珂奏發營隨緝之莊通捕盜得力等  
語已明降諭旨賞給千總職銜矣惟莊通以  
投誠盜首得免大辟發營效力已屬法外之  
仁即使緝捕奮勉斷難令其身任職官致乖  
政體現經賞給職銜即係破格施恩以後遇

有缺出不准奏請補授僅復捕獲較多必應  
獎勵該督惟當酌量優賞於策勵羣材之中  
仍寓慎持大體不可另開生面是為至要將  
此密諭知之○以緝捕出力賞浙江道員慶  
廉花翎○癸卯遣官祭

文昌帝君廟○諭內閣福濟駱秉章奏馳往  
河南查辦各案審明定擬一摺禹州知州李  
嘉禮承辦賑務雖無侵蝕重情惟不按定章  
程設廠州城散給錢票輒臨時增減戶口更

改日期又失察門丁捐納官職並聽其子干  
預賑務種種悖謬著即革職發往新疆效力  
贖罪其子捐職布政司理問李承恩著即革  
職候補庫大使李承敬著交部議處候補知  
縣岱保主需監放錢廠於李嘉禮辦理不善  
未能據實稟明開歸道陶福恆候補道周煦  
徵奉委詣查均未查出實情著一併交部分  
別議處歸德府知府胡希周於胥役得贓未  
能審出實情草率擬結復失察門丁王四固



積又不令即時赴案。實屬袒護。著交部嚴加議處。署柘城縣知縣候補知州羅景鄂將監生李西峯枷號。訊係先未查明。尚非擅責。惟與典史陸瑞俱失察胥役得贓。均著交部嚴加議處。固始縣知縣嚴圻。因紳士呈請捐修縣志。輒允按畝派捐。雖費係董事經手。並非科斂入己。究不應率給諭帖。著與前任固始縣知縣張庭瑜一併交部議處。告病安陽縣知縣朱顯曾。到任時於差役設有閤室。管押人犯。並私下處漫無覺察。非尋常廢弛可比。著交部嚴加議處。註冊。歷任失察私設閤室之該縣知縣。並著吏部查取職名。照例議處。汝陽縣知縣黎士華。雖訊無私動庫項。置買田產情事。惟任聽官親趙二出入衙署。不知遠嫌。著交部議處。候補府經歷黎漢。與伊父黎士華同在一府當差。應否迴避。著吏部查明辦理。鹿邑縣知縣茅崧林。於捕役被控窩盜一案。雖因案經訊結。未將捕役劉明解

往備質。究有不合。著交部議處。至李嘉禮之子並未書寫姓氏。殊屬不合。福濟駱秉章著嚴行申飭。○又諭前據奕興等奏。酌擬卡兵分班換防。並請仍循舊章。按季出派。統巡稽察一摺。當交軍機大臣議奏。茲據該大臣等覈議具奏。奉天東邊外地廣山深。為奸民牟利之區。亟宜一體清查。毋令乘間竄入。嗣後邊之内外新舊卡倫二十四處。坐卡官兵著照議改分兩班。作為六箇月更換一次。至派員巡查。春秋前往。尚未周密。著仍照舊章。每年四季由各城城守尉協領防守尉等官。按季出派一員。作為統巡。約束兵役。認真稽察。每屆三年奏請簡派大臣前往巡查。以期奸匪屏跡。惟巡查固貴因時。而緝捕要期得力。著該將軍等嚴飭統巡各官。慎密巡防。隨時整頓。務令坐卡官兵各圖振作。不敢互相朦蔽。如有兵役包庇。官弁縱容。一經查出。立即從嚴叅辦。總期奸匪潛蹤不致有名無實。以

杜奸萌而肅邊防。○諭軍機大臣等有人奏江蘇首縣劣跡多端。知府不恤民瘼。請飭查辦一摺。江蘇長洲縣知縣周沐潤。首膺繁劇。屢次宿倡。並於差赴上海時。逗留妓館。以優人作跟班。令起造樓房。侵占官街民屋。該縣境內盜劫案件。概不詳報。勒令改竊。或報勘後。夾說賠償。署元和縣知縣秋家丞。信任家丁王四。遇事招搖。有吏胥矜富。往祝生辰之事。經藩司訪拏。延不解案。境內劫案。賊多無

獲。已經撤任之署吳縣知縣鍾光裕。甫經分發到省。即署首邑。門丁陳以莊。通同漕書余鎮。私截漕串米。至二千七百石之多。境內劫案勒緝。並無一獲。似此劣跡昭著。殊於政體官方。大有關繫。署蘇州府知府鍾殿選。係書吏出身。督緝無方。夤緣奔競。亦當嚴密查叅。著福濟。駱秉章。於河南查勘賈魯河事竣後。即馳驛前赴江蘇。將摺內所指各情節。逐件查訪。從嚴叅辦。毋得稍事含混。致有不實不

盡。又另片奏。江蘇省上年緩徵漕糧。並未刊刻謄黃。易知單內。亦未註明應緩數目。民間照舊完納。書役以賣荒射利。矜監以註荒占租等語。如果屬實。是以國家愷澤之施。為奸蠹侵漁之計。實堪痛恨。並著福濟等。一併訪查明確。據實具奏。原摺片均著鈔給閱看。將此諭令知之。○新授廣東巡撫葉名琛奏。謝擢任恩。得旨。一切認真勉力而行。用副簡任。○實授寶清刑部左侍郎。○調鑲白旗漢軍

副都統慶錫。為正紅旗漢軍副都統。○撥河南司庫銀二十五萬兩。接濟兩岸十三廳防險經費。從河道總督鍾祥請也。○甲辰

上詣綺春園問

皇太后安。○諭內閣。前據御史方允鑲奏。叅河南知府州縣各款。當交福濟。駱秉章。馳往查辦。昨據將各案查明。定擬具奏。已明降諭旨。將各員分別治罪革職。嚴議處矣。因思巡撫藩臬。均有統轄稽查之責。而辦理賑務。尤

關緊要。今查明該員等。雖無侵蝕入己實據。而辦理不善。及各案種種不合之處甚多。該撫等殊難辭咎。鄂順安。王簡。吳式芬。均著交部議處。至父子同官一處。自臬司以下。其非所屬者。向不迴避。本有定例。惟補缺雖有明文。而差委殊覺弊混。即如此次案內。禹州知州李嘉禮。汝陽縣知縣黎士華。均係父子同在一處當差。弊竇甚多。漫無限制。嗣後父子同官一省。於補缺及差委等事。應如何予以限制之處。著吏部詳悉妥議具奏。尋奏查祖孫父子胞伯叔兄弟。同官一省。即在別府別州縣當差。聲氣相通。輾轉營謀。其弊滋甚。不可不嚴予限制。嗣後祖孫父子胞伯叔兄弟。自道府以至佐雜等官。概不准同官一省。令官小者迴避。如其官相同。祖孫父子。令其子其孫迴避。胞伯叔兄弟。令候補後至者迴避。至同祖兄弟及例應迴避之外。姻親族。有同在一府為丞倅牧令佐雜等官。雖非統轄。令

官小者迴避。以別府之缺補用。試用人員。亦不准同在一府當差。河工人員。照地方辦理。再河道總督及鹽政督撫。係屬祖孫父子兄弟外姻戚族。雖係隔省。有關考覈糾叅之責者。亦令迴避。分別調補。從之。○又諭德誠等奏請飭催二進幫船一摺。本年南糧頭進後。幫已形遲滯。現在據報二進以後各幫。尚有七幫未入直境。三進各幫。尚無出閘信息。似此節節遲延。必致有誤回空。前經降旨飭催。仍著山東巡撫直隸總督並漕運總督一體嚴飭所屬。設法催趲。務期跟幫前進。不得片刻逗留。僅再延宕貽誤。惟該督撫是問。懍之。○諭軍機大臣等。前據徐廣縉奏。暎夷現與喇嘛哂構釁。各存戒心等語。該夷等究係因何啓釁。傳聞果否的確。現在情形如何。又所稱粵關收稅日形短絀。因進口貨物較多。漸形壅滯。夷商又多折本。並因該夷等構釁。無暇兼顧貿易等語。關稅歲有定額。何以忽形

短絀。所謂以恤商為通商。冀可以贏補絀。意果安在。至前此。啖夷求進廣州城。經者英與該首。以二年後為約。來春計已屆期。現在者英業已留京供職。該首亦更換咬翰。與從前情形不同。該督現膺重寄。此事諒必朝夕在念。斷無先期往問。無故示弱之理。惟咬翰力改前轍。議論之下。如果畏粵民强悍。必不入城滋擾。以上各情節。務即詳晰具奏。將此諭令知之。○乙巳。

上詣

大高殿行禮。○還宮。○賞達賴喇嘛父公爵策旺頓柱。寶石頂帶。雙眼花翎。○以祭社稷壇。自是日始齋戒三日。○丙午。以告替四川成縣龍茂道屬竹木坎土巡檢應長姪孫國朝襲職。○丁未。祭先師孔子。遣禮部尚書麟魁行禮。○江南河道總督潘錫恩奏。洪澤湖水勢漸消。高寶湖積漲更甚。東隄危險。現在盡力搶護。得旨。相

機竭力妥辦。○命陝甘總督布彥泰撥銀六萬五千二百兩。零解赴烏魯木齊。備道光三十年經費。○戊申。祭

大社

大稷

上親詣行禮。○幸圓明園。○詣綺春園。問

皇太后安。○山東巡撫徐澤醇奏。拏獲搶幅各匪。按律懲辦。仍嚴飭各屬。拏捕逸匪。得旨。不可以捕獲不少。稍形懈弛。常川加意。務期盡

絕根株。○江南河道總督潘錫恩奏。啟放昭關壩後。揚運廳境水甫消動。險工搶護稍定。又值黃河盛漲。現在籌防。總期無誤事機。無庸國帑。得旨。所辦均妥。在在留心。盡力務保安瀾。○己酉。

上奉

皇太后幸同樂園。進膳。○賜皇子王公大臣蒙古王公額駙等食。○庚戌。

太宗文皇帝忌辰。遣官祭。

昭陵○辛亥

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

顯佑宮

東嶽廟

城隍廟○

上詣

安佑宮行禮○詣綺春園

皇太后前行禮○御正大光明殿皇子及王以

下文武大臣官員蒙古王公額駙等行慶賀

禮○御同樂園賜皇子王公大臣蒙古王公

額駙等食○諭內閣前據御史楊彤如奏河

南賈魯河挑挖糜費將國帑百萬輕擲迄無

成功並未將辦理不善之員分別叅處賠修

河陝汝道施熙貪名素著所至侵蝕錢糧等

語當交福濟駱秉章親往履勘訪察據實具

奏茲據福濟等奏稱查明該省興挑賈魯河

三次共用銀五十四萬餘兩錢四萬串數與

原奏百萬數目不符惟甫經完工即行淤墊

總由勘估未能認真承挑工員復草率從事

糜帑誤工咎無可辭所有初次承挑賈魯河

總管委員前任開封府知府現升河北道長

臻總辦委員前任開封府同知現升四川成

繇龍茂道馬秀儒前候補同知捐升知府鄭  
榮東河捕河通判朱品金二次歲修總辦委  
員前任祥符縣知縣現升許州直隸州知州  
金梁著暫行革職仍著該撫勒限飭令認真  
賠修儻河道不能深通利運即著嚴叅懲辦  
其河南省各缺著該撫派員署理並著琦善  
催令馬秀儒迅即前赴河南辦工成繇龍茂  
道缺亦即派員署理河陝汝道施熙雖查無  
貪墨實跡惟承辦改挑河道未能一律寬深

亦屬辦理不善著交部議處仍即行送部引  
見河南巡撫鄂順安於此等鉅工未能先事  
詳勘辦理及河道淤塞又不將辦理不善之  
員據實嚴叅迨經捐廉改挑復不奏明實屬  
草率於前徇隱於後著交部嚴加議處所有  
賈魯河工程應如何責成各員按成賠修之  
處著該撫酌定章程依限興工務須加展寬  
深沿河橋閘均令修整不准稍形草率以期  
經久工竣專摺具奏又片奏前賈魯河完工

後經該撫奏明將捐輸錢六十萬串交典鋪  
生息作為歲修之用今既責令各員賠修此  
項錢文毋庸再作開銷等語著該撫即飭藩  
司查明庫貯咨報戶工二部備覈御史楊彤  
如著賞加二級尋河南巡撫潘鐸奏查賈魯  
河工程以仍復朱仙鎮舊規為修賈魯河之  
關鍵惟朱仙鎮內及街南北之河道淤墊最  
甚現議添辦柴稻埽工以防兩岸沙淤其淤  
沙最甚之處挑濬較難另擇乾土十數里改

道以通舊河以上工段責成各該員分別賠  
修於二月初四日興工限四十五日工竣務  
須實力挑濬一律深通沿河橋閘均令修整  
不准草率得旨依議妥辦工竣時務要認真  
該部知道○壬子

太祖高皇帝忌辰遣官祭

福陵○癸丑命

皇四子

祭

闕帝廟○諭內閣此案河南候補庫大使李

承敬因差路過禹州伊父任所。輒敢前往。謁廠看視。是誠何心。著即革職。發往軍臺效力贖罪。因思已革捐職布政司理問李承恩。亦係李嘉禮之子。赴廠照料十餘次。非尋常干預公事可比。雖已革職。不足示懲。亦著發往軍臺效力贖罪。○甲寅。

上詣

安佑宮行禮。○諭內閣。海校奏行營糧臺動用銀兩一摺。此次賞給滿漢兵丁皮衣銀一萬

一千八百三十二兩。著加恩准其作正開銷。

○乙卯。諭內閣。本年萬壽慶節。已傳旨著惇郡王奕諒。入於王等班次行禮。嗣後遇有朝賀一切典禮。俱著照此次遵行。○丙辰。遣官祭黑龍潭。

昭靈沛澤龍王之神。玉泉山

惠濟慈佑靈瀨龍王之神。昆明湖

安佑普濟沛澤廣生龍王之神。密雲縣白龍潭

昭靈廣濟普澤龍王之神。○遣官祭圓明園惠濟祠。

河神廟。○諭內閣。陸費瑤奏請將漂失木植之委員交部議處。仍酌借銀兩勒令辦運一摺。湖南署常德府同知試用通判衛鳳山。領銀辦運木植。已歷兩年有餘。並不及早開行。以致遇水漂失。護木實屬遲誤。衛鳳山著交部議處。仍准其於司庫武職存半養廉銀內。暫借二千兩。即令該員趕辦護木。迅即起運。

上奉

皇太后御奉三無私殿進膳。○遣官祭昭忠祠。○諭內閣。河南巡撫鄂順安於辦理賑務及賈魯河鉅工。未能妥善。咎實難辭。著即照部

議革職。布政使王簡於散放賑銀及賈魯河錢糧是其專責。厥咎維均。著改為革職。至按察使吳式芬。於此重大兩案。尚非專司。而各案失察。亦難辭咎。所有部議降留之處。著改為革職留任。八年無過。方准開復。以昭平允。河陝汝道施熙。承辦改挑河道。未能一律寬深。著照部議革職。毋庸再行送部引見。○以山西布政使潘鐸為河南巡撫。未到任前。以河東河道總督鍾祥兼署。陝西按察使嚴良

訓為河南布政使。未到任前。以按察使吳式芬兼署。○以貴州按察使吳振域為山西布政使。○戊午。以甘肅蘭州道郭夢齡為陝西按察使。福建鹽法道武棠為貴州按察使。○己未。

上詣綺春園問

皇太后安。○諭內閣。湖南東安縣民人胡仕愛。呈控伊堂兄胡仕能等。聽糾立會。挾伊首告之嫌。率眾搶殺。該縣知縣受賄。不為究辦。歷

控本府及督撫衙門。並未拏犯。亦未結案等語。案關糾眾立會。挾嫌搶殺。地方官受賄。虛實均應徹底根究。嚴行懲辦。著交陸費瑤。飭屬嚴拏各犯。務獲。並查明該縣知縣有無得贓。何以不為究辦。即行親提人證卷宗。秉公嚴訊。確情。按律定擬具奏。原告胡仕愛。該部照例解往備質。尋奏查訊。胡仕愛具控胡仕能等。與會匪王棕獻等往來。並被胡仕萌等毀搶穀物。均已得實。該縣並無受賄不辦等

情。惟誣控胡仕萌將其幼子殺斃。合依律擬杖一百。流三千里。下部議從之。○庚申。諭內閣。倭什訥奏。拏獲潛入禁地。欲行偷牲人犯。請解部審辦一摺。趙中祥。陳慶。陳六兒。戴十兒。均著交刑部嚴行審辦。外委孫天生。失於防範。著革去外委。降為兵丁。以示懲儆。○諭軍機大臣等。有人奏廣西盜劫各案。請飭嚴緝等語。據奏北流縣境有陳李二姓。於道光二十六年。為盜匪擄掠。橫州所屬南鄉墟地



界。本年五月內。有商船二十餘號。並遭搶劫。計贓一萬餘金。均未緝獲。一犯。如果屬實。地方文武。所司何事。查粵貨入滇。百色地當孔道。聞比年來。亦復劫案頻仍。若不及早創懲。何以靖閭閻而安行旅。著鄭祖琛督飭該州縣營員。嚴密訪查確實。認真催緝。務令奸匪即時弋獲。不准一名漏網。毋致諱劫為竊。化有為無。被不肖屬吏欺朦也。將此諭令知之。○又諭薩迎阿等奏會同妥議分貯擡礮一摺。又片奏擡礮勢難調取。用時由大起官兵帶往等語。該將軍等身膺重寄。於邊城情形。均經身歷目覩。所議分貯擡礮。自係因地制宜。計及久遠。不難即照所議辦理。惟會議諸大臣。但能計及調取之迅速。保衛之得力。古人所謂多多益善。而於倉猝失事。利器為人所得。其弊之輕重如何。概不明言。今朕為該大臣等明言之。此項擡礮。既須分貯英吉沙爾等處。均屬極邊之區。若有意外之虞。倉猝

之變。利器轉為賊有。豈不授人以柄。實不得不深思熟慮。該將軍曾否於此事計議再三。有無萬全之策。仍著詳議具奏。將此各諭令知之。○辛酉。諭軍機大臣等。李星沅等奏。俄囉斯商船。請在上海貿易。已飭開導回帆一摺。覽奏已悉。俄囉斯向在北路陸地通商。不比西洋各國。航海貿易。上海非該國應到之地。所請自難准行。已據該督等以事關通商大局。必應率由舊章。飭令妥為勸諭。並諭英

夷領事。啊喇。隨同開導。該夷船情願立限駛回。不致遷延觀望。所辦甚屬妥協。可嘉之至。以後該國商船。如果再來。曉諭該督等。惟當循照定章。以理阻却。斷勿令其時存覬覦。致啟效尤之漸。至此次俄囉斯來稟。既由英夷領事轉送。將來難保不互相勾串。以該國貨物。附入英商。影射貿易。此亦夷情詭譎之常。不值與之較論。嗣後俄囉斯人與船隻。俱不入口。其貨物。竟歸入英夷售賣。彼此俱

未明言似不必說破以全大局而示優容諒  
啖夷亦不肯出此也將此各諭令知之○江  
蘇巡撫陸建瀛奏起放各壩被水淹灌各州  
縣民情困苦請先行酌給銀兩撫卹得旨不  
可遲延不可冒濫嚴查侵欺無告者必要保  
全以紓朕已饑已溺之懷慎之○湖廣總督  
裕泰奏訪獲陝西教匪案內餘黨劉振麟等  
嚴訊懲辦仍咨廣東湖南江西等省併力緝  
拏以淨根株得旨嚴行查緝勿留餘孽○壬

戌子勦辦回匪陣亡雲南千總趙發元祭葬  
世職○癸亥以催徵鹽課出力予雲南鹽提  
舉蕭裕運同銜○甲子

世宗憲皇帝忌辰遣官祭

泰陵○

上詣

安佑宮行禮○以南河堵築緯隄穩固開復道  
員周燾等處分○乙丑遣官祭賢良祠○諭  
內閣鄭祖琛奏越南國豫期請示來年正貢

進關日期一摺越南國久列藩封明年屆例  
貢之期自應令該使臣恭詣闕廷俾伸誠悃  
著於道光二十九年七月內到京該撫即酌  
定進關日期知照該國遵照辦理○又諭徐  
澤醇奏藩司兼署運篆援案請將應接交代  
展限等語山東布政使兼署運使劉源灝接  
收運司交代著准其展限兩箇月辦理○諭  
軍機大臣等有人奏奏刑逼認盜並諱盜匿  
詳各案一摺據奏江蘇吳縣等縣盜劫重案

或刑逼認盜或諱盜匿詳該撫於各該縣諱  
匿疏防之處均已訪察確實嚴飭查覆並令  
查明該管文武職名詳候附叅各縣等仍無  
做畏等語地方盜劫重案必宜嚴緝研鞠據  
實詳報若如所奏刑逼諱盜種種膽玩何以  
飭吏治而安善良著福濟駱秉章按照摺內  
所列各款提集人證卷宗詳細嚴鞫務得確  
情按律定擬具奏毋得稍有含混原摺鈔給  
閱看將此諭令知之○丙寅

上詣綺春園問

皇太后安。○諭內閣。訥爾經額奏。知縣疏防。摺弁被劫。請摘去頂帶。勒限嚴緝等語。直隸任邱縣知縣伊鏗額著摘去頂帶。勒限一箇月。嚴緝賊贓。務獲究辦。如限滿無獲。即行從嚴叅辦。其專汛武弁著查明一體摘去頂帶。勒限緝拏。該部知道。○又諭。訥爾經額奏。請借款籌辦撥船一摺。此次迎撥漕米船隻。應需經費。著准其在於徵存本年海稅銀兩項下。暫行借動給發。趕緊雇備。毋得貽誤。此項銀兩。係來年應行解部之款。所有本年支發民撥雇價。並官撥民撥放空口糧等項事竣。由天津道將用過銀數。覈實造冊。在江廣各幫。按照撥運米數攤還。著各該糧道。即於各幫應領公項內。照數扣收。迅解天津歸還海稅原款。屆期解部。不准藉詞展緩遲誤。○命翰林院編修即補侍讀馮譽驥提督山東學政。○以內閣學士孫葆元為兵部右侍郎。仍留

江西學政任。倉場侍郎李嘉端為內閣學士兼禮部侍郎銜。○調吏部左侍郎季芝昌為倉場侍郎。轉右侍郎侯桐為左侍郎。調工部右侍郎張芾為吏部右侍郎。以都察院左副都御史彭蘊章為工部右侍郎。兼管錢法堂事務。仍留福建學政任。左侍郎王廣蔭兼署錢法堂事務。○以禮部右侍郎吳鍾駿兼署戶部左侍郎。管三庫事。○丁卯秋分夕月於西郊。遣惇郡王奕諒行禮。○

上御山高水長閣。侍衛等騎射。至己巳皆如之。○諭內閣。戶部錢法堂奏。銅斤配鑄。並請飭催等語。銅運為鼓鑄攸關。不容遲延貽誤。節經降旨。令沿途各督撫迅速提催。迄今仍未據報行抵何處。現在需銅緊急。所有已報隨漕渡黃之滇員桂文奎。李令儀。韓印海。李暘。王階。鈺。盛。熙瑞等六運。著漕運東河直隸山東各督撫。專派妥員。會同地方文武員弁。無分晝夜。實力迎提催趲。跟隨漕船。相機插檔。

行走。務於九月內。全數抵京。運局。僅各該運員。仍前延宕。地方官不實力催趲。即著指名嚴叅。○陝西固原提督托明阿奏請入覲。得旨。路途遙遠。何須徒勞往返。勉力整飭營伍。應陞見時。再行奏請。○免上年調赴新疆進征中途停止烏魯木齊滿漢兵丁應繳賞裝銀。並緩扣官兵前借賞俸借裝銀。○戊辰。調甘肅按察使陶樑為山西按察使。山西按察使明誼為甘肅按察使。○庚午。諭內閣。劉韻珂等奏捐輸輪船礮經費。懇請展限一摺。福建捐輸船礮經費。原議一年限滿。即行截止。現已期滿。毋庸再展。以示限制。○命乾清門侍衛豐伸。在御前侍衛上行走。

大清宣宗效天符運立中體正至文聖武智勇仁慈儉勤孝敏成皇帝實錄卷之四百五十八

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百五十九

監修總裁官理冠日講起居注官太子太保體仁閣大學士文淵閣領閣事宣理戶部事務上書房師傅翰林院掌院學士兼管閣

天府尹尹事落隨帶加五級紀錄十八次臣實領總裁官理延講官吏部尚書鑲藍旗漢軍都統管理新營房城內官局大臣稽察內

七倉大臣積聚會同四譯館事務加一級隨學加六級軍功加三級配錄五次<sub>臣</sub>花月納經庭講官文淵閣撰奏閣事兵部尚書總管

內務府大臣領白旗滿洲都統福裕內七倉大臣管理宗人府銀庫左翼副官學憲壽宮圓明園等處稽拔管御恭福慶節榮慶

醫院建群及事務隨帶加十八級。日阿塞阿副總裁官陸廷謀官兵部尚書隨帶加六級紀錄二十次。日國視察等奉

敕修

道光二十八年戊申九月辛未朔

上御山高水長。閱侍衛等騎射翼日如之。○江蘇巡撫陸建瀛奏。江潮積漲漸消。清水黃水漸就平穩。現撥鹽義倉穀十五萬石。並籌撥銀兩賑卹。得旨。安速辦理。務期實惠及民。以慰廑念。勉之。又奏。洋面盜踪出沒無常。惟有嚴飭水師將弁飛速帶兵兜捕。盡法懲辦。抵江南水師不振。其誰不知。若不嚴加整飭。何所底止。勉之慎之。○壬申。

上詣綺春園問

七八八

王太后安。○准浙江温州各幫船遭風沈失米石分限買補。○癸酉諭內閣。此次閱看騎射。乾清門侍衛聯順騎射。竟如漢式。實屬不合。惠略景慶。碩慶載驚騎射。甚屬平常。著各罰俸六箇月。○又諭徐廣縉等奏請將任性擅責職員之署知州暫行革職一摺。廣東署化州知州博羅縣知縣劉繼寬。於呈報盜劫之案。並未平心研究。遽將事主責押。並將事主之姪捐職訓導李章憲。擅加刑責。難保無化

大為小抑勒消弭情弊。劉繼寬著暫行革職。交該督等提同案內人證嚴訊確情。按律定擬具奏。○又諭鍾祥奏請暫留降革道員覈辦銷算等語。降調河南開歸陳許道陶福恆暫革河北道長臻均著不准暫留。另行派員署理。所有銷算一切事宜著責成細心覈辦。不准絲毫含混。○又諭劉喜海奏資送江北災民情形一摺。江浙境壤毗連。本年江蘇省淮揚一帶被淹較廣。災民入浙者男婦一萬

餘名口。業經該署撫酌給口食。分起資送。自應如是辦理。惟江蘇散賑。浙江並無另行辦賑之例。嗣後如有續行赴浙災民。即著浙江巡撫委員迎赴。勸諭回籍領賑。一體截回。著李星沅。陸建瀛。飭屬妥為安插。並設法分別截留收養。毋任輕去其鄉。流離失所。以副朕軫念災黎至意。○大學士寶興因病賞假。以鄭親王端華署正黃旗漢軍都統。禮部尚書麟魁署翰林院掌院學士。○甲戌江南河道

總督潘錫恩因病解任。以陝西巡撫楊以增為江南河道總督。未到任前。以兩江總督李星沅兼署。○以四川布政使陳士枚為陝西巡撫。○旌表守正捐軀廣東西寧縣民黃受藹妻許氏。○乙亥諭內閣徐澤醇奏審明盜伐

聖林樹株。定擬具奏一摺。已革百戶劉永振。膽敢勾通伴官。將

聖林樹株盜伐漁利。實屬不法。劉永振著發

往新疆充當苦差。遇赦不赦。行聖公孔繁瀨。雖查無袒庇情事。亦未究出別情。惟事關盜伐

聖林樹株。豈可以尋常疏忽為詞。著交部嚴加議處。所有被伐樹株。著仍遵前旨。敬謹補種。地方官隨時禁止戕伐。以肅觀瞻。而昭慎重。○又諭全慶奏歲試全竣。科試四府各場情形一摺。覽奏均悉。考試設有認保。原以糾察弊端。該學政考試嘉應州時。該童生竟有

以其父兄作為認保者。是查弊轉以滋弊。殊堪訝異。廣東如此。他省恐亦不免。著各該學政等認真查明。如相沿陋習。有以父兄為認保等事。即行禁止。儻不更改。別經發覺。惟該學政等是問。至考試武場校閱技藝。總以馬步箭弓刀石為重。果能演習精熟。自足致用。若如全慶所奏。廣東武場校試。竟有馬上舞刀。並射金錢。各名目。是祇求飾觀誇巧。毫無實際。於取士之道。大相徑庭。著全慶亦概行

禁止。如各省有此惡習。並著嚴諭裁革。以副朕黜華崇實至意。至私造牌示。及以桶盛箭各弊。均著全慶隨時講求損益。力挽頹風。將此通諭知之。○又諭。經額布等奏。請將曠誤差使之防禦革職一摺。拉林防禦忠德。承查禁荒。中途患病。並不稟請派員接替。亦未回城銷差。實屬膽玩。忠德著即革職。以示懲儆。○又諭。林則徐奏。遵旨審擬叅革道員京控各情一摺。此案已革道員劉最昌。以監司大員。告病在籍。不思睦族洽鄰。輒聽從伊兄健訟多事。反噬地方官。妄圖挾制。實屬不安本分。劉最昌業經革職。著永不敘用。以為職官不自檢束者戒。○又諭。廣東署化州知州劉繼寬。擅責職官一案。昨已降旨交徐廣緒等審辦。茲據全慶奏。在籍捐職訓導。橫遭刑辱。並將紳士等聯名控呈。一併呈覽。虛實均應徹底根究。以儆官邪。著全慶會同該督等。提集人證卷宗。秉公研訊。務得確情。按律定擬。

具奏。尋奏已革署化州知州劉繼寬於呈報盜劫之案。尚無抑勒消弭情弊。惟於勘驗時未能平心剖決。率將事主李廷章管押。又於李章燾供稱捐職。並不詳查。遽行掌責。均有不合。請開復原官。交部議處。盜犯歐亞。極從劫得贓。依律擬斬決。在逃各犯。緝獲另結。下部議從之。○調山西布政使吳振棧為四川布政使。以福建按察使兆那蘇圖為山西布政使。江南鹽法道積喇明阿為福建按察使。○以催趙漕船並挑濬運河工竣。予江蘇候補知府許棟等議敘有差。○以辦理海運無誤。予江蘇候補知府陳延恩等議敘有差。○戶部議准。前任江西巡撫吳文鎔疏報廬陵縣開墾地一項六十五畝有奇。照例升科從之。○丙子。諭內閣。薩迎阿等奏。遵旨查明和闡新墾達瓦克地畝。添設伯克。援案給予養廉。及分撥燕齊地畝。並開單呈覽一摺。著照所議辦理。至薩迎阿前次具奏摺內。將達瓦

克誤寫達瓦齊。自請察議之處。著加恩寬免。  
○旌表守正捐軀湖北武昌縣民毛中恭妻  
雷氏。○丁丑諭內閣。抽查漕糧御史聯福等  
奏請飭查撥船弊端等語。現在江廣重運幫  
船。於安陵一帶迎撥距通州較遠。該撥船戶  
等沿途偷漏挽水。種種滋弊。不可不防。著漕  
運總督嚴行申禁。抵壩之後。並著倉場侍郎  
一體嚴密稽查。儻有潮溼偷竊情弊。即將該  
船戶等送刑部懲辦。毋稍寬縱。○戊寅

上詣綺春園問

皇太后安。○直隸總督訥爾經額奏。永定河  
秋汛安瀾。出力員弁。下部議敘。○調四川重  
慶鎮總兵官王鵬飛為江南狼山鎮總兵官。  
狼山鎮總兵官阜陞為重慶鎮總兵官。○己  
卯。賞借義烈公文輝俸十年。修理墳塋。○旌  
表守正捐軀山東郯城縣民劉秉森女劉氏。  
安徽蒙城縣民戴星妻張氏。○庚辰諭內閣。  
德誠等奏迎撥江廣各幫船情形一摺。本年

三進幫船。入直隸境較遲。分別起撥。現在湖  
南幫船。已在滄州起撥完竣。而在前幫船。仍  
有十餘幫。尚未報撥。若任意遲延。必致有誤。  
回空著楊殿邦就近派員詳查。官民撥船。是  
否數用。即行催趲起卸。毋任延玩干咎。○諭  
軍機大臣等。寄諭兩廣總督徐廣縉。李星沅  
等奏。俄囉斯商船一隻。已由吳淞口放洋駛  
去一摺。俄囉斯夷商。前經船載貨物至上海  
地方。懇求驗卸銷售。該督等以該夷係北路

陸地通商之國。上海非所應到。批飭開導。諭  
令回帆。該夷即遵奉出口。立限驗船。茲經該  
地方官等問明行期。賞給羊酒食物。該夷感  
悅。聲稱仍回本國。即將原船起校。望東南大  
洋駛去。情形尚屬馴順。惟該夷船既至上海。  
難保不往沿海各省地方。希圖銷貨。儻果有  
赴粵之事。著該督斟酌相機妥辦。總期循守  
舊章。亦不致另生枝節。是為至要。原摺鈔給  
閱看。將此諭令知之。○又諭寄諭閩浙總督



劉韻珂福建巡撫徐繼畲浙江巡撫吳文鎔李星沅等奏俄囉斯商船一隻已由吳淞口放洋駛去一摺。俄囉斯夷商前經船載貨物至上海地方。懇求驗卸銷售。該督等以該夷係北路陸地通商之國。上海非所應到。批飭開導。諭令回帆。該夷即遵奉出口。立限船船望東南大洋駛去。情形尚屬馴順。惟該夷商船既至上海。難保不往沿海各省。希圖卸貨求售。著各該督撫等密為探訪。儻該夷商船駛至該海疆地面。有載貨求售情事。即著照李星沅等設法開導。告以中國向有貿易一定章程。礙難另創新例。致有枝節。即勸諭飭令回帆。毋任久留。致滋覬覦。原摺鈔給閱看。將此各諭令知之。○撥江南吳江常熟金壇六合無為合肥舒城巢八州縣倉穀一萬二千三百石有奇。協濟江淮興武鳳陽各幫丁緩缺行月等米。○辛巳諭內閣。前據林則徐奏查拏逆西匪犯。請審明立時懲辦。毋庸解

省審轉。當交刑部議奏。茲據該部查覈具奏。雲南迤西一帶。界在邊隅。嗣後該地方除尋常命盜各案。仍按例辦理外。如有黨羽眾多。匪犯准其批解該管道府於審明移交臬司具詳督撫覈准後。就地正法。以儆兇頑。並請酌定年限等語。該處軍務甫竣。餘匪正當嚴辦。著即予限五年。俟限滿後。仍照例由督撫親提審明題奏。以示限制。而昭畫一。○兵部左侍郎黃琮以親老乞養。允之。轉兵部右侍郎孫葆元為左侍郎。以內閣學士戴熙為兵部右侍郎。仍在南書房行走。○以江西督糧道朱釐為陝西按察使。○命綏遠城將軍成玉來京陛見。以山西歸化城副都統盛燾署綏遠城將軍。○壬午諭內閣。解任刑部郎中祥璋著革職。其住宅井內起出屍骨一案。著派陳官俊文慶會同軍機大臣嚴行檢驗。審訊尋奏。訊明祥璋因婢女秋兒偷竊什物。毒打致死。復棄屍井中。希圖狡卸。請從重發往

軍臺效力贖罪從之○禮部奏十月初十日  
皇太后聖壽節應行禮儀得旨是照例行禮奉  
皇太后懿旨停止筵宴其在外公主福晉命婦  
進內行禮之處並著停止○給湖南武陵龍  
陽沅江安鄉四縣被水災民一月口糧並房  
屋修費○癸未諭內閣前據兵部奏陳水陸  
各營積弊並酌定勸懲章程一摺當交軍機  
大臣悉心覈議具奏茲據該大臣等分別准  
駁擬議覆奏國家設立營伍原以衛民必須

積弊盡除勸懲互用方足以資整飭水陸各  
營武弁惡習但知剋扣利己不畏參罰如遇  
情節較重僅止照例革職該武弁等囊橐已  
充轉得置身事外殊不足以示懲儆嗣後於  
奏參各案遇有舞弊營私情節較重者著加  
枷號或發軍臺或遣戍新疆由各該督撫分  
別定擬具奏至懲創業經加重獎勵自宜從  
優向例副將以下官員拏獲鄰境盜犯至三  
名以上俱准送部引見惟該武弁等每因籌

費維艱但求外獎不願送部遂不肯實力巡  
緝又或明知拏獲本境盜犯並無議敘竟置  
應緝之犯於不問緝捕疏懈安能期其得力  
嗣後水師將備值班巡洋能於輪巡期內無  
論鄰境本境拏獲斬梟斬決盜犯四名以上  
陸路將備拏獲鄰境斬梟斬決盜犯四名以  
上均准各該督撫會同提督奏明遇有應升  
之缺即行升用先換頂帶毋庸送部引見俟  
補缺時再行送部至水陸將備實在得力之

員原宜保舉示獎然以每年年終保奏為定  
例始而尚覺認真繼而遂成具文漸至濫竽  
充數鑽營奔競流弊甚多於營伍殊屬無益  
嗣後遇有諸習營務緝捕勤能或管兵嚴明  
實心訓練均確有實據者准各該督撫會同  
提督秉公覈實隨時專摺保奏候旨定奪所  
有兵部原請每屆年終保奏之處著毋庸議  
至每屆五年特派大臣查閱營伍之時弁兵  
技藝均應校閱其抽撥查閱之營亦必將弁

兵各項技藝認真考校。定其優劣。其才具平庸者。即行參奏。若有操兵認真。人才出眾之員。著准其據實保奏。以昭激勸。至各營槍靶箭靶。亦應明定遠近章程。以防弊混。嗣後操演擡槍擡礮立靶。著以一百五十弓為率。一人施放鳥槍。以八十弓為率。步箭以三十弓為率。各直省將弁兵丁。務當恪遵功令。如法練習操演之時。各該管官必須親自履勘。按例設靶。一經查有任意加寬加高及改近情

弊。立即懲辦。毋稍寬貸。並著欽差覆奏摺內聲明。以昭覈實。惟是營伍諸務。不患立法之不周。而患奉行之不力。不患勸懲之無術。而患舉劾之不公。果平日選練覈實。營伍自漸次改觀。果遇事考察認真。將弁亦何敢懈弛。各該省督撫提鎮等。惟當悉心講求。認真訓練。校閱務求實用。不可徒飾外觀。舉劾一秉至公。不得虛應故事。庶勸懲互用。而積弊漸除。緝捕加嚴。而萑苻永戢。朕實有厚望焉。將

此通諭知之。○以翰林院侍讀許乃釗充日講起居注官。○甲申

上御洞明堂。勾到新疆雲南貴州廣東廣西情實罪犯。停決雲南官犯一人。貴州斬犯二人。絞犯二人。廣西斬犯一人。餘五十三人。予勾。○諭內閣李星沅等奏請將藩關各庫存銀留備賑需一摺。又另片奏留養災民。妥為安撫等語。本年江寧揚州淮安各府屬被水較重。災黎口食維艱。業經該督等撥銀分別撫卹。並將流入鄰省貧民截回。儘數官為留養。

設法安撫。自不至流離失所。惟冬賑在即。必應先事豫籌。著照所請。所有就近藩關各庫約計可撥銀七十八萬三千餘兩。著准其一併解貯江寧司庫。以備本年各屬放賑之用。並著該撫陸建瀛親赴災重各處。確切覆勘。通盤籌畫。認真查覈。妥為辦理。如有餘賸銀兩。仍著報部聽撥。總之散賑之道。覈實為先。大吏之查察。稍有不周。難保印委各員無假

手胥吏從中剋扣等弊。該督撫等務當激發天良。慎委賢員。實心實力。妥速辦理。儻查有冒帑營私侵漁利己情事。即著據實分別嚴叅治罪。即僅止辦理不善。致使小民未需實惠。亦著查明叅懲。總期撫卹賑濟。資送留養。事事認真經理。俾災黎咸登衽席。不致一夫失所。方足副朕惻隱在抱之至意。勉之慎之。

○予江蘇緝捕洋盜受傷淹斃武生周永清祭葬卹廕如千總例。○乙酉諭內閣前據裕

泰等奏稱本年湖北省災區寬廣。現在亟籌賑撫。於鄰近省分撥銀備用一摺。當交戶部速議具奏。茲據該部奏稱湖北附近省分如安徽江蘇亦各報成災。所存庫款均經請留備用。湖北省存銀無多。而需用又不可緩。自應亟為籌撥。著照所請。即將順天六次捐輸所收銀內撥給銀三十萬兩。山西江西秋撥現報地丁等銀各十五萬兩。共撥銀六十萬兩。著順天府尹及山西江西各巡撫迅即派

委妥員解往備支。並著直隸山東河南安徽各督撫分派員弁沿途催趲。妥速解交。毋任稍有遷延。致誤要需。其該督等原奏所稱有隄各屬應需撫賑銀兩。移賑歸工。以工代賑之處。亦著照議妥辦。惟念該省此次被災至三十餘州縣之多。當此億萬災黎嗷嗷待哺。儻查辦稍緩。或措置失宜。必致轉徙流離。瞬屆冬令。饑寒交迫。朕心實深焦切。該督撫等惟當督飭地方各員。於撫卹加賑等事宜。務

各認真覈實散放。俾小民均霑實惠。該地方官等豈無天良。當此滿目逃亡。呼吸之間。所全不止千百。即各省紳耆富室。痛癢相關。必有一急公赴義者。惟在大吏諄諄勸諭。啓發至誠。藉舉眾擎。隱弭災沴。如查有貪劣委員。奸猾胥吏。營私剋扣。乘隙侵漁。立即拏辦治罪。據實奏聞。該地方紳士等見地方官如此認真。諒必更加踴躍。即使辦賑之員無侵蝕之弊。而辦理或有不善。致未能實惠及民。亦當

隨時參辦。毋稍姑容。古人遇災而懼。其各勉之。慎之。將此特諭知之。○命協辦大學士耆英。工部左侍郎王廣蔭。馳往綏遠城查辦控案。○撫卹琉球國遭風難夷如例。○丙戌上詣綺春園問

皇太后安。○諭內閣楊殿邦奏請將暫行革職之幫弁革任等語。安徽安慶前幫千總盛祿。後幫千總郭維楨。前因押運脫空。降旨暫行革職。茲據奏稱該弁等平日辦公。未能謹飭。

不能約束丁舵。到處耽延。茲又妄冀開復。當此整頓漕務之際。斷難姑容。盛祿郭維楨均著即行革任。分別勒令回旗回籍。以肅漕政。○又諭吳文鎔奏參不職之遊擊一摺。浙江署衢州鎮標左營遊擊楓嶺營遊擊薛思齊。藉稽查地面為名。將客貨騾頭扣留衙署。借端訛索。致被客商告發。似此擾累商旅。貪鄙無恥之員。僅予褫革。不足示懲。薛思齊著即行革職。交該撫嚴訊確情。務須水落石出。按

律定擬具奏。○以吏部右侍郎張芾署工部右侍郎。兼管錢法堂事務。○除山東海豐縣被水寔地三十二頃五十七畝有奇額課。○丁亥諭內閣英隆等奏參職官賭錢一摺。齊齊哈爾鑲藍旗驍騎校齊明阿與水手張福同賭。實屬有玷厥職。驍騎校齊明阿著先行革職。歸入賭博案內。審明照例辦理。○又諭前據奕興等奏。遵議旗人潛赴雙城堡請變通禁止章程一摺。當交軍機大臣議奏。茲據

該大臣等詳查原奏。悉心妥議。請照該將軍等所議章程辦理。已依議行矣。雙城堡移駐京旗閒散。當時因開荒需人。不得不調盛京閒散前往屯田。嗣因投往者過多。嚴定章程。不准復往。乃近年以來。吉林雖有不得不禁之勢。而盛京實有不可概禁之情。驗票放行。准假立限。皆已十分體恤。經此次變通章程之後。該將軍等務當嚴飭該管官等時常稽查。嚴加約束。並著傳知各城守尉出示曉諭。

剴切宣布。國家格外恩施。已屬懇摯。今又變通定例。亦無非恐無業遊民。侵占生計。務當恪遵例限。各遂謀生。幸勿稍蹈愆尤。自罹逃旗之罪。如此明白開導。庶幾兩有裨益。經久可行。該將軍等諒能仰體朕意。妥為安置也。

○考試保送繙譯翰詹各員於圓明園正大光明殿。○戶部議准。廣西巡撫鄭祖琛疏報。天保縣開墾水田五埜有奇。照例升科。從之。

○戊子。

上御洞明堂。勾到四川情實罪犯。停決官犯一人。斬犯十四人。絞犯三人。餘五十人予勾。○補行道光二十七年大計。四川卓異官十四員。年老官七員。有疾官三員。才力不及官二員。不謹官三員。分別議敘處分如例。○己丑。諭內閣倉場侍郎議覆確查通壩浮費情形。一摺。通壩為交糧總匯之地。若不力清其源。則旗丁之需索。州縣之賠累。必至上虧國帑。下困民生。其弊不可勝言。著照所議飛咨有

漕各督撫。迅飭各該管糧道。將通壩用款細數逐項查明。趨明歲新漕未兌以前。先由倉場衙門按款嚴查。分別裁減具奏。即令有冊外浮費陋規。向來如何需索。亦即豫先呈明。以便嚴禁裁革。或有藉挑斤米色。以為挾制之具。亦應設法杜絕。德誠等仍當嚴飭所屬。潔己奉公。認真稽察。如有苛索等弊。立即從嚴懲辦。儻坐糧廳及監督等有營私縱庇情事。並著隨時查叅。○又諭昨據琦善奏請將技

庸年衰之推升營員陳尚忠勒令休致。已降旨允准。因思上年李星沅奏甄別推升遊擊蔡廷元曾經降旨勒令休致。該督等辦事均屬認真。惟將弁等年力技藝常有變遷。其身體或先盛後衰。其藝能或始勤終怠。安能執一定論。惟有不拘成見。隨時體察。既覺秉公覈實。亦昭勸懲兼施。嗣後著該督撫等於推升將弁等。如有身體軟弱。弓馬生疏。及年力漸衰。不能得力者。著即據實甄覈。無稍遷就。

推而言之。即督撫等保舉之員。如果始終異轍。尚宜直陳。毋得回護。何況照例推升之員。弁有何瞻前顧後。而不覈實辦理耶。將此通諭知之。○山東巡撫徐澤醇奏。報出省閱看營伍日期。得旨。秉公細心。任勞任怨。切忌姑息。不振。勉益加勉。看汝趨向耳。○以山東章邱等屬麥收歉薄。改徵粟米。○除江蘇丹徒縣水衝沙壓田四頃十八畝有奇額賦。○辛卯遣官祭

歷代帝王廟。○以勦捕洋匪出力。賞福建守備陳興隆花翎。餘升敘有差。○以辦理喀喇沙爾糧臺出力。予印房章京常有等議敘有差。○壬辰

上御洞明堂。勾到福建奉天陝甘情實罪犯。停決陝甘斬犯六人。絞犯一人。餘七十二人予勾。○諭內閣。倭什訥奏行宮鋪墊被竊。請將不職之千總等革職一摺。趙廩趙中邢棣趙生俱著解交刑部嚴行審辦。兵丁田起旺慶

喜王安著一併交部備審。內園千總唐明福委署千總。王慶瑞均著先行革職。盤山總管富陞失於覺察。著交內務府察議。○河南巡撫潘鐸奏。報到任謝恩。得旨。風勵振作。以輓委靡。興賢去不肖。以飭官方。練習武備。以重操防。實心修守。以保安恬。此則大端而已。至於隨時事務。亦不可忽。但無繁瑣耳。玩泄因循。切忌切忌。○癸巳

上詣綺春園問

皇太后安。○諭內閣。御史王本梧奏。各省倉穀有名無實。請飭採買足額。並嚴禁虧缺一摺。各省倉儲。原為備荒而設。本年江南湖北等省。均被水成。災疊經朕准留庫存銀兩。並撥款濟賑。事關拯救民生。雖動費百萬帑金。朕何所吝惜。若各省州縣常平倉。皆有實貯。偶有災歉。碾動濟賑。甚覺裕如。何至各省紛紛截款採買。若如該御史所奏。各州縣每乘出借名色。任意侵挪。甚至捏造冊籍。非以無

為有。即折銀代穀。種種弊端。殊堪痛恨。著各督撫。即將所屬倉穀。派員認真盤查。儻有虧缺。即行從嚴叅辦。並責令賠補足數。以昭覈實。至直隸山東河南山西陝西甘肅等省。本年秋收豐稔。所有常平倉穀。正可及時採買。並著各該督撫。及時督飭地方各官。買補足額。如鄉村有願立義倉者。地方官尤當勸捐倡辦。不准官為經理。致滋流弊。庶倉儲充裕。緩急皆有可恃。各省督撫。如漫不經心。苟且

從事。上何以對朝廷。下何以對萬姓。言念及此。仍不動心。朕不忍言之也。為封疆大吏者。反堪忍耶。捫心自問可也。將此通諭知之。○命貴州巡撫喬用遷來京。陛見。以布政使羅繞典署巡撫。○甲午

上御洞明堂。勾到湖廣江西情實罪犯。停決湖廣斬犯十人。絞犯一人。江西斬犯三人。絞犯三人。餘四十七人。予勾。○諭內閣。戶部錢法堂奏。請飭催銅鉛船隻等語。雲南委員丙午

年正運三起。桂文奎四起。李令儀加運一起。湖北接運委員韓印海二起。李暘丁未年正運一起。王階鈺二起。盛熙瑞貴州委員戊申年上運一起。周獻廷二起。謝人龍下運一起。英達二起。許大綸均已先後入直隸境。迄今未據咨報行抵何處。若再羈滯。必致在途守候。有誤鼓鑄。著直隸總督將在境銅鉛船隻。迅速派委幹員。會同經過地方文武員弁。無分晝夜。迎提催趲。務於十月內一律趕緊抵

通運局。以濟要需。儻該運員藉詞延宕。地方官催趲不力。即著指名嚴叅。以肅運務。○調盛京副都統慶倖為察哈爾副都統。察哈爾副都統景醇為盛京副都統。○鑄給雲南南湖巡檢印信。從巡撫程喬采請也。○乙未諭軍機大臣等。給事中陳壇奏河南穀賤。請飭採買搭運以實京倉。並運赴江蘇以資賑濟。一摺。據稱河南各府兩季豐收。現在開封等處糧價甚賤。今年江楚被災。明歲南糧必減。



應早為籌畫。於彰德衛輝兩府濱臨兌運之地。定價採買。搭運京倉。其河南府開封許州臨黃河賈魯河之處。採買成數。接濟江蘇順流而下。並可直抵淮揚等語。本年江南楚皖一帶。半皆被水成災。來年漕額。勢必短絀。京倉亟應豫為籌裕。而災黎待哺。嗷嗷如能採買接濟。尤可早蘇民困。著潘鐸即查照該給事中原奏。詳察情形。悉心籌畫辦理。將此諭令知之。○丙申。遣官祭

都城隍之神。○江西巡撫傅繩勛奏報到任謝恩。得旨吏治當整飭。武備當修明。公爾忘私。任勞任怨。知之者眾。實踐者鮮。汝初膺重任。慎勉行之。○廣西布政使雲麟因病解任。以安徽按察使張雲藻為廣西布政使。江西贛南道李本仁為安徽按察使。○以採辦銅斤出力。予雲南候補知州沈承恩。以同知升用。○給江蘇句容溧水高淳江浦六合鹽城高郵泰東臺興化寶應十一州縣被水災民

一月口糧。○免江蘇被水災區商販米稅。○丁酉。

孝慈高皇后忌辰。遣官祭

福陵。○以捐修四川德陽縣

文廟。予生員劉顯烈鹽運司知事銜。○戊戌。

上詣

大高殿行禮。○還宮。○諭內閣漕糧為天庾正

供。節經降旨。令有漕各省督撫嚴飭所屬早

兌早開。剋期渡黃。毋稍遲誤。乃近年重運漕

船。不能如期抵壩。以致到通歸次。兌受新漕。

節節耽延。總緣各該督撫不肯破除情面。實

力催趲所致。況本年邳宿一帶。水漲流激。十

宇河噴沙淤墊。江廣各幫。即在安陵撥運。抵

通更形遲滯。現已節逾霜降。水勢日消。若不

趕緊催趲。及早歸次。儻誤新漕受兌。關繫匪

輕。著漕運總督及沿途各督撫分飭嚴催。務

使連檣南下。銜尾過行。不准片刻停留。庶幾

以速補遲。如期歸次。來年新漕。尤當趕緊辦

<p>理。按限兌開。統限於四月初十日以前。全數          趨至清江。剋期抵壩。以便渡黃。北上毋許稍          有延誤。儻豫存遇閏之年。時日較寬。一味怠          玩。視為具文。仍致臨事周章。有逾例限定。將          該漕督及各該督撫。嚴行懲處。決不寬貸。將          此通諭知之。○以故奈曼扎薩克郡王阿宛          都瓦第扎布子固倫額駙德木楚克扎布襲          爵。○貴州提督王一鳳因病解任。以浙江處          州鎮總兵官梁勝灝為貴州提督。廣西義寧          協副將德勝為處州鎮總兵官。○旌表守正          捐軀雲南平彝縣民陳招弟妻劉氏。○以孟          冬時享</p>	<p>太廟。自是日始齋戒三日。○己亥。          孝敬憲皇后忌辰。遣官祭          泰陵。○浙江巡撫吳文鎔奏實缺州縣調署太          多。難以考成。現飭司覈實辦理。應回任者。飭          令回任。如人地不相宜者。即分別揭叅。不得          紛紛更調。以專責成。得旨所見極是。依議。妥</p>
---	---

<p>為之。○賞廣安門外普濟堂煮賑小米三百          石。○庚子。旌表守正捐軀直隸霸州民張鳳          亭妻高氏。</p>	<p>大清宣宗效天符運立中體正至文聖武智勇          仁慈儉勤孝敏成皇帝實錄卷之四百五十九</p>
---	---

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百六十

臣等越官校庭日講起居注官太子太保體仁閣大學士文淵閣領事管理戶部事務上書房總師傅翰林院掌院學士兼管順

天府府尹事務隨帶加五級紀錄十八次臣賈柏總裁官經廷議官吏部尚書鑲藍旗漢軍都統管理新營城內官房大臣稽察內

七倉大臣稽察會同四譯館事務加一級隨帶加六級軍功加三級紀錄五次○花沙納經筵講官文淵閣提舉閣事兵部尚書總管

內務府大臣謹白 謹將內七倉大臣管理宗人府銀庫左翼知官等 監壽宮國明園等處積糧管御茶膳房御藥房木

醫院進解處事務隨帶加十八級。阿靈阿以總兵官經廷議官兵部尚書隨帶加六級紀錄二十次。自周祖培等奉

救修

道光二十八年戊申冬十月辛丑朔享

太廟

上親詣行禮○遣官祭

永陵

福陵

昭陵

昭西陸

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢（頒道光二十九年時憲書）河東河道總督鍾祥奏報秋汛安瀾命

詣

河神廟祀謝並下部議敘出力員弁升敘有差○予故貴州提督王一鳳祭葬○賑直隸通武清寶坻香河寧河天津靜海七州縣災民蠲緩通武清寶坻香河寧河天津靜海博野固安臨榆定興故城曲周景灤阜城元城吳橋寧晉永年三河薊青豐潤慶雲玉田鹽山霸文安大城東安順義懷柔密雲樂亭安雄河間獻任邱滄南皮雞澤大名南樂清豐

新河邯鄲成安肥鄉廣平磁五十二州縣被水被雹村莊新舊額賦有差○壬寅諭內閣劉韻珂等奏遵旨清查通省倉庫並限結交代勒提存庫銀兩認真清釐一摺福建省倉庫自乾隆六十年清查至今款目繁多倍形輾轉亟應徹底鉤稽著予限兩年由該督等督同藩司遴委幹員分別設局將司庫款項先行查明其各屬倉庫銀穀各款限三箇月查造確冊加結彙送一律清查並勒限嚴催各屬未結交代趕緊結報提解儻查有捏飾那移侵虧入己情弊及結報遲逾各員均即據實嚴叅所有清查條款並以後籌補考覈章程著悉心妥議具奏至臺灣一府孤懸海外勢難彙歸省局查辦著責成該道督飭府廳各縣就近清查另行造冊由該督等覈實報部尋奏請自嘉慶元年始至道光二十八年止司庫屬庫及各屬倉穀一體清查分別籌補一面將各屬未結交代並查明實缺銀

穀造冊結報應叅追者立予叅追應賠補者勒限賠補並酌擬章程十二條一司屬各庫宜一體清查一借墊各款宜一律收補一未結交代宜遵限結報一各屬倉庫宜劃清提解一因公那用宜嚴限勒追一應賠代完宜展限追補一墊解墊結宜覈明追抵一漏豁漏銷宜確查蠲免一咨追無著宜設法籌辦一流攤未完宜分別刪補一倉儲穀石宜酌籌買補一倉庫銀穀宜分別造冊下部議從

之○諭軍機大臣等徐廣縉等奏接據喚首咬嚙照會來詢進城一事當經剴切駁斥等語此事前經者英許以二年為期諒係一時權宜之計今該夷備文切詢經該督等照覆令其揆情量力無煩再為辯論復探聞該夷目等私相聚議有欲赴天津呈訴之說該督等惟當諭以天朝外則禮重懷柔內則允孚輿論入城之舉雖非騷擾無如粵民剽悍一聞喚夷進城之議無不切齒同仇即如上年

黃竹岐一案。僅止夷目數人登岸嬉遊。即被毆斃。天朝辦理庶務。一秉大公。即時審擬。究犯抵罪。今以省城人民之眾。儻該夷等貿然入城。百姓眾怒沸騰。羣肆攻擊。官亦無從鈴束。即令事後查拏懲辦。而該夷之被創受辱。實覺無味。況該夷遠涉重洋。本為通商易貨。並非為進城而來。若必因從前曾有此說。以實其言。未免拘執召悔。該夷自思。當亦無以自解。如此反覆開導。俾該夷曉然於有害無

利。有損無益之故。諒必廢然而返。不復爭執。前說該夷素喜誇張。但恐心內早已寢念。而一時未必遽肯聽從。該督等總須將利害剖晰詳明。確鑿定議。方為妥善。經此曉諭之後。偵探情形若何。並將如何定局之處。隨時具奏。將此密諭知之。○兩江總督兼署江南河道總督李星沅奏報秋汛安瀾。命詣河神廟祀謝。並下部議。欵出力員弁。升敘有差。○以收兌海運米石出力。予坐糧廳監督

宋紹棻等升敘有差。○緩徵山東惠民范邱臨清鄒平長山濟陽德臨邑禹城平原東平東阿海豐聊城堂邑博平茌平清平冠高唐恩鄆城單濮濰夏津武城。歷城荷澤濱利津莘館陶三十四州縣暨德州東昌臨清三衛被水被蟲村莊新舊額賦。○癸卯上幸

皇四子 所進膳。○幸圓明園。○詣綺春園問

皇太后安。○諭軍機大臣等。昨據徐廣縉等奏審擬在籍已革知府麥慶培唆聳生事一摺。又密奏麥慶培即漢奸之最著者。平日專探各署動靜。潛洩省中虛實。必應投畀遠方等語。已有旨令將麥慶培鎖拏解交刑部矣。因思夷人屢肆刁難。固由其性本狡執。然非有漢奸為之暗通消息。百計挑唆。亦何至層波疊浪。嘵嘵不休。今麥慶培既已因案懲辦。恐似此翫法營私者。尚復不少。粵東為諸夷聚

集之地年來照常貿易漸次相安若任聽奸徒勾結播弄勢將另生枝節於夷務大有關係况既挂名仕籍無論微員末弁亦豈可偵探公事之虛實暗地勾通利之所在趨之若鶩實堪痛恨著徐廣縉葉名琛密委幹員各就夷商屯聚之處留意暗訪即如福建江西兩省寄籍客民實繁有徒或微員遊客不知自愛在所不免儻查有通夷主唆行蹤詭秘者立即設法拏辦勿稍姑息至於賴恩爵祥麟專管營伍如有官兵圖利潛通該夷亦著訪拏懲辦淨絕根株惟此事原係自固藩籬暗祛積蠹與該夷毫無干涉但須思患豫防不得藉啓他釁徐廣縉等或係封疆大吏或為干城腹心豈有不知事之輕重尚煩諄諄訓諭耶慎之將此各密諭知之○又諭寄諭兩江總督李星沅等自五口通商以來各省大吏撫馭得宜尚屬安靜惟華夷雜處良莠不齊吳淞為腹地門戶客貨夷船向稱繁盛

開設行店及往來說合貿易之人若不嚴行查察必有遊匪巨蠹涸跡為奸或受夷人賄囑刺探事情即如廣東省以捐納知府之民人麥慶培竟無恥為夷人之耳目以此類推則凡微員武弁更難保無見利忘義之事不可不加意查察該督撫接奉此旨著密派精細曉事大員於民夷聚集之地留心訪察如有通夷主唆行蹤詭秘者即行懲辦尤勑統轄營伍更宜詳察官兵儻有勾串設法拏辦惟此弊禁其在我於人無尤不得另啓邊釁即官兵飭法亦須確有憑據方可伸法儻紛紛誣訐則大失朕思患豫防之本意矣慎之將此各密諭知之○又諭寄諭閩浙總督劉韻珂等嘆夷自受撫以來五口通商尚相安於無事本年夷酋叟噶赴各口查看貿易並不上岸亦不赴各署請謁是其恭順之情可期日久相安惟念夷情反覆固由犬羊性成亦由不肖之徒從中唆聳各口為商賈輻輳

之地。五方雜處。良莠不齊。儻有匪徒肆意詭譎。勾串夷人。播弄是非。彼不過藉此漁利。而夷人受其愚弄。頓起波瀾。是即漢奸之尤實堪痛恨。昨已降旨。將滋事之廣東捐納知府麥慶培解交刑部。因思閩浙民情浮動。奸匪尤易滋擾。廈門各口。人煙稠密。更易藏奸。愚民圖利。已屬可恨。若官吏弁兵。無恥藐法。尚可姑容耶。該督撫等接奉此旨。即遵委幹員。赴各商屯聚之所。暗加訪察。如查有狡黠之

尤者。先行拏辦。總須有據。即非妄拏無辜。兼可免誣攀之事。至水陸營伍。係該提督等所統轄。責無旁貸。若不思患豫防。日後緊要隘口。兵弁等盡皆賣放。尚可問乎。朕思深慮遠。既喜華夷之相安。而又不能不居安思危。故特諭該督等知之也。慎之慎之。將此各密諭知之。○甲辰。禮部奏。初十日

皇太后聖壽節受賀禮儀。得旨。仍照二十六年諭旨遵行。嗣後著即於摺內夾片聲明。○命

陝甘總督布彥泰撥銀九萬六千八十兩有奇。解赴喀什噶爾英吉沙爾。五萬八千二百八十二兩有奇。解赴葉爾羌。巴爾楚克。備道光三十年經費。○以捐墾霍爾罕荒地。賞六品伯克邁瑪第敏素皮呢雅斯。伊斯瑪依勒。胡達巴爾底邁瑪特熱依木。回子依底斯巴。海花翎。回子呢雅斯等藍翎。餘升敘有差。○丙午。

上詣

安佑宮行禮。○鑲藍旗蒙古都統綿恩因病賞假。以禮部尚書麟魁署鑲藍旗蒙古都統。○丁未。添購直隸永定河備防稽料。仍增歲料運腳銀。從總督訥爾經額請也。○命陝甘總督布彥泰撥銀一千九百四十兩有奇。解赴和闐備道光三十年經費。○戊申。

上詣綺春園問

皇太后安。侍膳。○以禱雨靈應。封陝西柘坡峪龍神為靈昭廣濟之神。並頒

御書扁額曰澤敷秦雍○己酉

上詣綺春園問

皇太后安侍膳○庚戌

皇太后聖壽節遣官祭

太廟後殿

奉先殿

上率皇子及王公大臣詣綺春園行慶賀禮眾

官於長信門外行禮○詣

皇太后前侍膳○辛亥

上詣綺春園問

皇太后安侍膳○壬子諭內閣前據董瀛山奏

請革除漕糧積弊一摺當交戶部議奏茲據

該部逐款酌覈請飭從嚴禁革漕糧為天庾

正供然自兌運以迄驗收百弊叢生日甚一

日若如該侍讀學士所奏包漕則有樣米扣

頭等名目又有茶飯串票各花費良懦者額

外浮科刁健者包攬短絀加以隱熟報災往

往以彼處之饑饉影射此地之災荒書役勾

通侵吞朦蔽又漕船每幫均有丁頭剋扣眾

丁錢糧幾及十分之七又分扣各船漕糧變

價苦累眾丁甚或偷糧自給種種弊端總緣

州縣浮收勒折匪徒挾制營私甚至勾串冒

災任意侵蝕扣費累丁相沿成習以致節節

挾制若不嚴查懲辦流弊伊於胡底著漕運

總督及有漕各督撫遴委員弁明查暗訪如

有前項情弊立即嚴拏重究並將該地方官

據實查叅其總運領運各員弁僅查有收受

陋規隱瞞包庇情事著一併嚴叅治罪毋稍

瞻徇至漕糧抵通驗收經紀需索陋規有各

種名目以規費之有無定米質之高下致使

攪和發漲不能久貯尤堪痛恨並著倉場侍

郎嚴密稽察有犯必懲不准稍涉疏縱以肅

漕政而重倉儲將此通諭知之○諭軍機大

臣等本日據戶部遵議董瀛山條奏漕糧積

弊一摺已降旨通諭有漕省分各督撫及漕

運倉場各衙門查辦矣南漕重困固由浮費



之日增。而奸蠹不除。難望弊源之盡絕。該侍讀學士原奏。所稱浙江湖州有包漕之職員楊炳照。與已革庫書耿七。皆烏程縣人。嘉興有劉姓行二之武生。與監生陳姓等。均每歲包攬納糧。扶制官吏。烏程之鄭敬堂。長興之嚴朝宗。德清之房義桐。歸安之韋應天。王輔臣等。俱係庫房官人。每歲聚斂民錢。辦災辦歉。致減漕額。又有曾經前任御史高枚。奏請懲創之台州前幫旗丁姚理。姚升。五姚觀。五

父子。把持漕務。現在本幫剋扣錢糧。苦累眾丁。種種營私。亂法於漕務。大有關繫。吳文鎔甫經蒞任。無所用其回護。著即密飭該管府縣衛弁等。按名迅速掩拏。盡法懲治。毋令聞風遠颺。致貽後患。儻辦理稍涉輕縱。或有不實不盡。將來別經發覺。朕惟該撫是問也。將此諭令知之。○甲寅。刑部奏現審案犯。訊有結拜訂盟情事。請旨飭交審辦。得旨此案馬蘭。沈陸得林。劉虎兒。蕭二小。經刑部訊出曾

在盛京地方結拜弟兄。難保無為匪不法情事。著一併解交奕興。並押令指拏巴安等。務獲歸案。嚴訊按律定擬。具奏內地民人。私往盛京吉林一帶結拜訂盟。兩月之間。在京已連獲二案。恐此外尚復不少。著奕興。經額布。一體飭屬認真查訪。按名嚴辦。有犯必懲。務期盡絕根株。勿留餘孽。奸宄必除。務令根本之地肅清。是為至要。懍勉為之。尋奏劉文富與馬蘭。沈陸等十人結拜弟兄。訊無違法別情。

究屬不安本分。請將劉文富。巴安。佟發。陳得春。馬蘭。沈陸。頓萬玉。孫萬發。路廣盛。李金財。巴廣。分別問擬杖枷。陸得林。劉虎兒。蕭二小。並未結拜同盟。俟馬蘭。沈陸等枷號期滿。一併遞籍收管。下部議。從之。○大學士寶興卒。命皇四子<sup>○</sup>帶領侍衛十員。往奠茶酒。予祭葬。諡文莊。○以禮部尚書麟魁為翰林院掌院學士。○以鄭親王端華為正黃旗漢軍都統。○以貴州安義鎮總兵官秦鍾英為提督。永

安協副將趙萬春為安義鎮總兵官。○乙卯諭內閣李星沅奏河廳員弁多不駐工現飭親駐工次等語所奏甚是。河工廳汛員弁責在修防必應時常駐工克盡職守。若如該署河督所奏淮揚淮海道屬廳官率多聚處清江廳署幾同虛設非遇盛漲搶險皆不到工佐雜營弁及委員等亦多效尤如此曠官所謂職守者安在。況清江人稠地隘風氣虛浮該員弁等羣居聚處弊不勝言。於吏治河防

殊有關繫。該署河督現已嚴飭該員弁等各歸工次不准在清江逗留嗣後仍責成楊以增於到任後嚴行查禁務令各守本汛實力修防不得稍有曠離致滋貽誤。且此等惡習相沿已久甚屬可恨。楊以增甫經蒞任無所用其回護務矢公忠毋顧嫌怨力加振作悉除舊習務期煥然一新庶於吏治河防兩有裨益。懍勉為之毋忽。○兩江總督李星沅奏江省洋面盜氛未息請添雇兵船合力會剿

得旨奮力為之難再緩縱。○以協辦大學士耆英管宗人府銀庫事。○以兵部右侍郎瑞常為武英殿總裁官。○命陝甘總督布彥泰撥銀六十五萬五千兩解赴伊犁備道光三十年經費。○丙辰上御閱武樓閱圓明園八旗槍操。○湖廣總督裕泰等奏請添設巡船偵緝江湖盜賊得旨認真督辦不可有名無實。○丁巳上詣綺春園問

皇太后安。○諭內閣戶部奏積欠案內各省未完地丁銀兩延未報完開單呈覽請旨飭催另片奏查歷屆恩詔豁免之數漸次加增並請隨時清釐各等語。地丁為國家正供不容絲毫短絀。茲據戶部查明各省未完地丁正耗自普免道光二十年前逋賦之後至今又積欠正徵緩徵銀二千三百九十萬餘兩之多似此年復一年各省大小官員幾將置錢穀於不問積習相沿伊於胡底。且道光二十

年前通賦共免銀九百三十餘萬兩民力不為不寬乃地方官視為成例積欠日多完解日少上次經戶部奏催之後各省大半完納新款其舊款則任意宕延冀得屆期豁免是以國家蠲租免賦之恩藉遂有司侵蝕虧那之計思之實堪痛恨當此經費支絀之時該督撫等全不以國事為重玩愒因循尚復成何事體所有戶部單開各項除本年報災之區著該督撫體察情形分別辦理其餘有前

項積欠省分自道光二十一年以後未完地丁正耗銀兩務令勒限全完緩徵之款亦令遵照原展年限隨同正徵完納迅速報解儻查有不知愧奮或有以完作欠情弊立即從重奏參嚴議以為玩視度支者戒並著各督撫責成藩司於該州縣每年應徵未完及緩徵屆限各款詳細覈查毋得任聽各屬虛報欠數有增無減希冀蠲除致滋流弊嗣後遇有覃恩之年著戶部按照各該省積欠清冊

逐款鉤稽如有無故而欠數較多者即由戶部查明據實叅奏並將應否豁免之處奏明候旨各該督撫等務當破除積習激發天良陸續嚴催認真釐剔如或視為具文意存瞻顧下無以蘇民生上無以紓國用定將該督撫等懲處不貸○又諭給事中呂賢基奏陳荒政積弊並賑卹急務一摺本年江蘇安徽湖北等省悉被水災疊經發給帑金嚴飭各督撫等妥為賑卹詳慎辦理惟荒政乃民命

所關講求不厭周密該給事中所奏均係救荒要務著各該督撫等各就地方情形悉心體察實力講求按照所陳各條詳加採擇酌量施行務期實惠及民勿任一夫失所如查有不肖官吏玩視民瘼藉端舞弊或未敢染指而辦理不善均著分別嚴行懲辦毋稍寬貸該督撫等具有天良諒必能仰體朕懷盡心竭力俾膏澤速逮用副朕恫瘝在抱保全民命至意其所陳四川省接濟民食一條著

琦善查照原奏。無分畛域。詳細體察。如屬可行。即著速為籌辦。以濟民食。○又諭吳文鎔奏辦理清查未竣。請再展限一摺。浙江省辦理清查。上年業經展限。該撫以藩司甫經回任。趕辦不及。請再展限半年。自係為慎重鈎稽起見。惟款目固須詳慎。若徒拖延時日。仍不能事事覈實。於清查仍屬無裨。著准其再展半年。該撫務飭令所屬覈實鈎稽。依限完結。並嚴查存款。是否均係實貯。毋得空報塞責。儻查有虧短搪塞等情。即著嚴叅懲辦。○

諭軍機大臣等。有人奏盜匪肆劫擾害。請嚴飭查拏一摺。盜匪肆行。最為閭閻之害。必宜嚴捕懲辦。除害安良。若如所奏。浙江台州府屬及溫州沿海一帶。盜賊結夥四出。託販燈草皮條為名。專劫典當大戶。及過路巨商。賊數動輒盈千累萬。一經得財。即行竄歸。沿途扮作客商。無人敢向盤詰。事主報官。勘緝無蹤。近年巨案。層見疊出。並臚列開化慈谿蕭

山等縣多案。及盜匪姓名籍貫各等情。盜劫橫行。必有巢穴。為之窩頓。並恐有兵役包庇。恭養情事。且各該處地皆濱海。土匪與洋盜最易勾結。若不及早查辦。必至養癰貽患。著劉韻珂徐繼畲吳文鎔會同該提鎮等嚴飭該地方員弁。購線密訪。實力查拏。協同兜捕。務期悉數就獲。淨絕根株。並嚴查窩頓包庇等弊。不得以經費不敷。稍滋諱飾。至另片奏寧波府沿海盜匪劫掠勒贖斃命。商販畏禍

歇業。又著名盜首陳雙喜。係福建同安縣人。集大船數十號。往來洋面。肆行無忌。並盜船亦有印牌。以備盤獲時冒充海商。各等語。種種肆行。殊為可恨。亦著該督撫等嚴飭查拏。盡法懲辦。毋得稍有疏縱。原摺片鈔給閱看。將此各諭令知之。尋劉韻珂等會奏。海洋盜匪出沒無常。已嚴飭閩浙兩省水陸文武員弁。協力偵緝。三月間適獲洋盜葉細監。詢係陳雙喜結拜弟兄。委員從寬研訊。令將陳雙

喜招致投首。果於十一月初二日。陳雙喜率首夥等一百一十七人。赴福建提督寶振彪衙門投首。並將船隻礮械一併首繳。隨派委文武。赴各船查點明白。將各犯先由陸路分起解省。船隻礮械。暫行收管。旋派幹員。分提各犯。隔別研究。務期水落石出。不准稍任諱飾。致滋枉縱。俟逐一審明。即當親提覆勘。按律分別定擬。另行具奏。報聞。○以翰林院掌院學士麟魁。充日講起居注官。○戊午。命西

安左翼副都統西興阿。留京署正黃旗滿洲副都統。以副都統銜吐魯番領隊大臣常春。為西安左翼副都統。賞正黃旗滿洲護軍參領文興。副都統銜。為吐魯番領隊大臣。○旌表逼嫁捐軀河南襄城縣民孫冰汰嫂張氏。○己未。諭內閣。耆英王廣蔭奏。遵查將軍協領互相參揭。現訊明確。請分別議處一摺。此案綏遠城協領巴彥。納穆圖。因被將軍切責。膽敢負氣。聯名列款。揭控實屬冒昧。膽大。協

領明安保。既隨同揭告。復擅派不應遠出之駐防馬甲。進京投揭。並不稟明副都統。尤屬謬妄之至。巴彥。納穆圖。明安保。均著革職。以肅功令。而昭炯戒。協領阿勒經阿。尚安吉爾。罕泰。隨聲附和。厥咎稍輕。均著交部議處。將軍成玉。申飭屬員。語多失當。以致該協領等有所藉口。亦著交部議處。成玉。仍遵前旨。來京陛見。綏遠城將軍印務。仍著盛壘署理。餘著照所擬辦理。○又諭。前據董瀛山奏。欽派

差使。請用印文一摺。當交都察院議奏。茲據成剛等酌議。嗣後派出稽查甲米之御史。所有行文章程。應令彼此會商。約計應用印文。每次不過二十件。照數豫印空白。責成一人經管。遇事公商。填用。毋許專擅獨行等語。均著照所議畫一辦理。儻行之日久。或於公事有礙。或致別滋弊端。即著奏明停止。以昭慎重。○實授福珠洪阿。直隸天津鎮總兵官。○調緩湖南武陵龍陽沅江桃源華容安鄉澧

益陽湘陰九州縣及屯坐各衛被水民屯新舊額賦有差並給華容岳州二縣衛災民一月口糧貸澧安鄉二州縣災民籽種○庚申諭內閣福濟駱秉章奏請飭海疆督撫提鎮嚴緝洋盜併鈔錄商民等呈詞呈覽一摺東南洋面不靖苦累商民前曾疊降諭旨嚴飭海疆大吏督率所屬上緊查拏以除民害雖經李星沅等節次奏獲洋面盜犯多名按律懲辦並奪獲船隻器械救出被掠商民而海

洋遼闊水師兵弁不能窮追掩捕何以淨絕根株茲據該侍郎等奏據商呈所稱自上年三月至本年八月各商船先後在佘山等處被劫人口貨物勒贖洋銀甚至多被戕害經該商等捐雇鄉勇先後出洋四次獲盜四十餘犯並探知浙江漁山為盜淵藪兵勇追捕之所不到等語國家設有水師將弁統以提鎮大員巡緝嚴查是其專責督撫大員經朕特簡受國厚恩宜思如何戢暴安良為海圉

救綏之計朕勤求民瘼訓諭諄諄豈竟不能斷絕盜蹤耶該匪出自閩浙流毒江蘇山東設或此拏彼竄闖入北洋延袤四千餘里為害實非淺鮮著江南閩浙山東各督撫提鎮督飭水師嚴密偵緝務令員弁兵勇不時出洋搜捕海汊紛歧與交界處所更當添配兵船互相堵截不得稍存畛域以致漏網一經拏獲務須盡法懲治以儆兇頑浙江漁山既據眾稱為窩頓所在尤須設法搗其巢穴盡

行驅逐經此次訓諭之後如各武弁不能實力實心或避就推諉或畏蒞無能該督撫提督指名嚴叅儻該督撫提督瞻徇諱飾或不督督飭嚴拏賊犯淨盡經朕別有訪聞或有人叅奏恐不能當此重咎也懍之慎之○又諭前據御史曹楫堅先後奏叅江蘇首縣劣跡多端知府不恤民瘼並刑逼認盜及諱盜匿詳等情各一摺又另片奏江蘇省上年緩徵漕糧並未刊刻謄黃等語當經交福濟駱

秉章查辦。茲據奏稱遵旨訪查各案業已審明分別定擬除賸黃黏貼鄉間查係循照舊章辦理其易知單亦經註明分數應毋庸議外長洲縣知縣周沐潤雖訊無諱盜為竊情事惟以地方官輒因查夜出差乘便挾妓飲酒又跟役林姓曾充優伶種種卑鄙實屬有玷官箴著即革職發往新疆效力贖罪署元和縣知縣秋家丞於事主被盜報案並未獲犯訊究先即授意門丁輾轉囑託令其改竊即屬有意諱盜且失察門丁在外招搖亦著革職發往軍臺效力贖罪署吳縣知縣鍾光裕於海運喫緊之際應解經費未能迅速催解迨公事掣肘始令漕書借欠劃抵實屬辦理錯謬著交部嚴加議處署蘇州府知府鍾殿選雖訊無授意委員刑逼認盜情事惟於所屬盜案未能按名迅速拏獲督緝無方亦難辭咎所有前因審案出力准以江蘇安徽合例應補知府缺出補用之處著即註銷無

庸交部議處○又諭已革前任山西巡撫梁芻涵因鹽務派商訊無徇情受賄情事惟以封疆大吏於所屬官吏種種貪婪未能查辦已屬咎無可辭又於總服弟梁楫滋撞騙多贓毫無覺察厥咎尤重著照部議發往軍臺效力贖罪姑念尚無贓款所有前查封家產著加恩賞還已故蒲州府知府護理河東道查克丹查係京察人員案犯贓私所有從前保列一等之工部各堂官著吏部查取職名照例議處○烏里雅蘇台將軍特依順因病賞假以烏里雅蘇台參贊大臣車林多爾濟署將軍○辛酉上御勤政殿聽政○以降調禮部尚書祝慶蕃為內閣學士兼禮部侍郎銜宗人府府丞黃贊湯為都察院左副都御史太常寺卿邵燦為大理寺卿○壬戌陝西固原提督托明阿奏到任謝恩得旨整飭操防沙汰老弱兵額必足技歸實用凡此者勉而勿忽○新授內

閣學士祝慶蕃以年老休致。○命成都將軍廉敬來京。調荊州將軍裕誠為成都將軍。未到任前。以四川總督琦善兼署。以荊州副都統德齡阿署將軍。○展緩齊齊哈爾黑龍江墨爾根城呼蘭城歉收屯田積欠銀糧。○癸亥。

上御洞明堂。勾到浙江安徽江蘇情實罪犯。停決浙江斬犯一人。絞犯一人。安徽斬犯五人。絞犯四人。江蘇斬犯三人。絞犯二人。餘六十

三人予勾。○兩江總督李星沅奏述職屆期。籲請入覲。得旨。朕非不願與卿相晤。然總因公務叢雜。難離本任。暫停來京。下屆奏請可也。○甲子。

上詣綺春園問

皇太后安。○諭內閣。前據福濟駱秉章奏查辦江蘇府縣被參各款。已降旨將各該員分別治罪嚴議。並銷去保舉。因思封疆大吏。於屬員賢否。原當隨時查看。若必待欽差始將

劣員懲辦。國家安用此大吏為耶。此次江蘇府縣被參各款。該督撫何以毫無見聞。其平日姑容寬縱。已可概見。李星沅陸建瀛均著交部分別議處。至藩臬以下該管上司。應議職名。著一併查取分別議處。福濟駱秉章既將各員款跡查訊明確。定擬具奏。並不將各該上司隨案附參。亦屬疏漏。著傳旨嚴行申飭。○乙丑。旌表守正捐軀浙江仁和縣民袁國保妻蔣氏。○丙寅。諭內閣。李星沅奏空運

後船脫空。請旨飭催一摺。本年漕船回空較之往屆。已屬遲逾。現在頭塘灌淤。業逾旬餘。在後各幫。仍未趲入江境。天氣漸冷。積水易冰。儻遇河路凍阻。有誤新漕。咎將誰執。楊殿邦鍾祥徐澤醇未能迅速籌催。均著先行交部議處。並著該督撫等查明各幫船在何處遲延。即將應管各員弁據實嚴參。仍分飭嚴催。務令各幫船無分晝夜銜尾遄行。不准片刻停留。庶幾以速補遲。不致有誤歸次。○緩



徵山西薩拉齊。洪洞定襄。三廳縣被水被旱。被雹村莊新舊額賦。○丁卯。諭內閣裕泰等。奏查辦災賑情形等語。本年湖北省災區寬廣。雖疊經降旨撥帑賑濟。令該督撫妥為撫卹。第恐奉行不善。州縣既視為具文。並不實心經理。甚或不肖官吏。肆意侵漁。以國家恩澤之數。為中飽營私之計。窮黎失所。實惠未霑。此等貪劣之員。該省難保必無。若不加重懲辦。該督撫天良安在。朕於此事。听夕縈懷。儻有饑民載道。弊端未除。經人控告。或被人糾叅。朕必將該督撫及司道嚴處。所有不職各員。加等治罪。其能當此重咎否耶。懍之慎之。○又諭前審慶芬案內。頂名解配之劉澱魁。據陝甘總督咨報起解。乃閱數月之久。尚未解到。著陝甘總督及沿途陝西山西各巡撫直隸總督一體飭屬嚴查。究係何處逗留。即將該犯劉澱魁迅速解部。以憑質訊結案。○以貴州威寧鎮總兵官善祥為鑲藍旗蒙

古副都統。○以內閣學士毓書為盛京刑部侍郎。○賑湖北漢陽黃陂孝感黃岡潛江江陵松滋武昌咸寧大冶天門公安江夏漢川沔陽廣濟監利嘉魚黃梅石首二十州縣及屯坐各衛被水災民。並蠲緩漢陽黃陂孝感黃岡潛江江陵松滋武昌咸寧大冶天門公安江夏漢川沔陽廣濟監利嘉魚黃梅石首蒲圻興國蘄水鍾祥京山雲夢應城枝江荊門蘄三十州縣暨武昌武左沔陽黃州蘄州德安荊州荊左荊右九衛莊屯新舊額賦有差。○戊辰。上御洞明堂。勾到河南山東情實罪犯。停決河南斬犯五人。絞犯一人。山東斬犯五人。絞犯一人。餘四十四人予勾。○賑安徽無為當塗和宿松望江銅陵蕪湖繁昌五河懷寧貴池東流桐城靈璧鳳陽宿蕪湖巢懷遠含山十四州衛被水災民。給和當塗懷寧五河貴池東流桐城靈璧鳳陽宿蕪湖巢懷遠含山十四州

皇太后安。○庚午。以雲南永昌協副將重綸為貴州威寧鎮總兵官。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百六十

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百六十一  
監外曉諭官之役日講起居注官太子太保體仁閣大學士文淵閣領閣事管理戶部事務上書房總管侍衛輪值內閣學士兼管順  
天府府尹事務隨帶加五級紀錄十八次自費慎敏齋官院刊孫官吏部尚書鑲藍旗漢軍都統管理新營軍機處內官月大員稽察內  
七倉大臣錢承會同四寶麟等奉加一級隨帶加七級軍功加三級紀錄五次自花什喀禮遜讓官文淵閣提學閣事吏部尚書總管  
內務府大臣錢白朗滿洲都統稽察內七倉大臣管理宗人府銀庫左翼神宮營 靈壽堂圖明恩等延禧提營御茶膳房御藥房大  
醫院巡視處事務隨帶加八級內阿靈阿副都統兼管理漢兵部尚書隨帶加七級紀錄二十次月開程始等奉

道光二十八年。戊申十一月。辛未朔。諭內閣。

兵部會奏。議准變通。

五陵八旗挑缺一摺。著仍照舊章辦理。毋庸議改。○以因病告替土爾扈特親王翰克濟爾噶勒子策林喇布坦襲爵。○以辦理回疆軍需出力。予印房回務章京特通阿等升敘有差。○緩徵山東濟寧陽信樂陵朝城金鄉魚臺陵德平商河滋陽寧陽鄒滕汶上壽張曹高密嘉祥定陶平度陽穀鉅野觀城二十三州縣暨德州東昌臨清濟寧四衛被水被雹。

莊屯新舊額賦。○壬申。兩江總督李星沅奏。密查散賑書吏。力防冒弊漁利之弊。得旨。國計民生。為封疆大吏。當如何激發天良。卿等自知之。看嚴辦何如耳。懷之。又奏。擊獲洋盜。急宜合力兜擒。批。一力嚴緝。不可怠忽。○廣西巡撫鄭祖琛奏。遵查北流等處劫案。已獲犯分別嚴辦。現在地方安堵。得旨。不可一奏了事。務要嚴密訪緝。○癸酉。諭內閣。李星沅。陸建瀛。奏。籌辦新漕。請仍歸河運等語。漕糧

本以河運為正辦。現在回空軍船。陸續南下。正須籌辦新漕。所有蘇松太三屬來年起運漕白糧米。著同常州鎮江等屬一律仍歸河運。其新運一切事宜。著該督等嚴飭該糧道督同縣幫。循照舊章。趕緊次第辦理。務期早兌早開。勿許稍有延緩。致誤來年渡黃期限。○蠲緩江蘇上元。江寧。句容。江浦。六合。山陽。阜寧。桃源。鹽城。高郵。泰。東臺。江都。甘泉。儀徵。興化。寶應。泰興。長洲。吳。元和。吳江。震澤。常熟。

昭文。崑山。新陽。華亭。奉賢。婁金山。上海。南匯。青浦。宜興。荆溪。丹徒。丹陽。金壇。溧陽。清河。安東。銅山。豐沛。蕭。碭山。宿遷。睢寧。太倉。鎮洋。嘉定。崇明。通。如。皋。武進。陽湖。無錫。金匱。江陰。海門。川沙。六十二廳。州縣及淮安。大河。揚州。蘇州。徐州。太倉。鎮海。金山。鎮江。九衛被水莊屯。新舊額賦有差。賑上元。江寧。句容。溧水。高淳。江浦。六合。靖江。山陽。阜寧。桃源。鹽城。高郵。泰。東臺。江都。甘泉。儀徵。興化。寶應。泰興。二十一

州縣暨淮安。大河。揚州。三衛被災軍民。○甲戌。遣官祭先醫之神。○緩徵河南永城。虞城。夏邑。祥符。寧陵。新蔡。項城。睢。商邱。鹿邑。柘城。考城。杞。通許。密武陟。陽武。汝陽。湯陰。滑川。陳留。尉氏。中牟。蘭儀。鄭。滎澤。汜水。安陽。臨漳。林。武安。汲。內黃。淇。新鄉。輝。獲嘉。延津。滑。封邱。河內。濟源。修武。孟溫。原武。淮寧。扶溝。許。五十州縣被水村莊新舊額賦。○乙亥。

上詣綺春園問

皇太后安。○兩江總督李星沅等奏遵查吳淞口頻年互市。上海實為要區。遊匪巨蠹。涸跡為奸。誠難保其必無。密飭訪查。不動聲色。如有通夷唆使等弊。須得確據究辦。至取夷之道。粵東在牀以所畏而牖其明。江南在示以不疑而嚴為備。要在慎懍幾先。靜以制動。得旨。所論皆是。總要行其所無事。而又免疏略噬臍之虞。是為至要。卿與撫臣慎勉毋忽。○

越南國王嗣子阮福時遣使請封。進貢方物。賞賚筵宴如例。○以故越南國王阮福暉嗣子福時襲爵。命廣西按察使勞崇光往封。○蠲緩兩淮呂四掘港富安安豐梁垛東臺何垛丁溪草堰劉莊伍祐新興廟灣石港豐利拼茶角斜板浦中正臨興二十場被淹竈地新舊額賦有差。並賑呂四掘港富安安豐梁垛東臺何垛丁溪草堰劉莊伍祐新興廟灣十三場竈戶。○越南國使臣阮攸等三人於

大紅橋瞻觀。○丙子。諭內閣。傳繩勛奏臬署

失火。請補發部文。並將臬司議處一摺。江西按察使衙門失火。延燒內房。並將本年秋審榜示原文燒燬。陸元烺不能先事豫防。著交部照例議處。被焚房屋。著落賠修。所有刑部咨覆秋審原文。即著該部迅速鈔錄補發。該省遵照辦理。○以協辦大學士吏部尚書陳官俊充上書房總師傅。○展緩陝西榆林懷遠神木府谷葭州五州縣積歉節年帶徵額賦。

○丁丑。命廣西右江鎮總兵官達三留京另候簡用。○以辦理雲南保山軍務。並撥捕餘匪出力。賞同知張錦。知州李崢嶸。參將王夢麟。都司巴揚阿。懷唐阿。韋中魁。守備施嘉祥。花翎。外委蕭迎春等藍翎。餘加銜升敘有差。○己卯。命協辦大學士耆英為大學士。署鑲黃旗蒙古都統。四川總督琦善。協辦大學士。仍留總督任。○命科布多參贊大臣瑞元。哈密幫辦大臣安成。來京。賞戶部員外郎慧成。

二等侍衛。為科布多參贊大臣。內閣侍讀學士麟翔。頭等侍衛。為哈密幫辦大臣。○緩徵甘肅渭源。伏羌。隴西。西和。華亭。寧夏。寧朔。靈。中衛。平羅。西寧。崇信。靈臺。金。安定。會寧。平涼。靜寧。固原。隆德。涇。二十二州縣。歉收。村莊新舊額賦。○蠲緩。江西。德化。瑞昌。湖口。進賢。餘干。建昌。南昌。新建。豐城。鄱陽。萬年。星子。都昌。安義。德安。彭澤。新喻。新淦。上高。新昌。二十縣。被水。村莊新舊額賦。有差。賑德化。瑞昌。湖口。進賢。四縣災民。給德化。德安。瑞昌。湖口。彭澤。南昌。新建。進賢。鄱陽。餘干。星子。都昌。建昌。十三縣災民。一月口糧。及房屋修費。○庚辰。緩徵江蘇江寧。高淳。高郵。泰興。化。寶應。六州縣。歉收。村莊額賦。○辛巳。上御洞明堂。勾到山西直隸。熱河。情實罪犯。停決山西斬犯三人。絞犯一人。直隸斬犯三人。絞犯二人。熱河斬犯二人。餘五十人。予勾。○壬午。

上詣綺春園問皇太后安。○癸未。聖祖仁皇帝忌辰。遣官祭景陵。○命定郡王載銓。倉場侍郎季芝昌。馳往直隸。會同總督訥爾經額。查辦鹽務。大學士耆英。戶部右侍郎朱鳳標。馳往山東。會同巡撫徐澤醇。查辦鹽務。○以宗人府左宗人春山。為右宗正。調正藍旗滿洲都統敬敏。為鑲藍旗蒙古都統。鑲白旗滿洲都統僧格林沁。為正藍旗滿洲都統。以大學士耆英。為鑲白旗滿洲都統。○命皇六子奕訢。帶領侍衛十員。往奠故貝勒綿德茶酒。賞銀五百兩。治喪。○甲申。諭內閣。工部奏。應追各款。完交甚少。請旨飭催等語。各省應賠各款。皆待用要需。自應依限完解。茲據工部查明。應追款項。為數甚鉅。完交甚少。當此紛紛籌賑。度支孔亟之時。各直省大吏。宜如何趕緊催提。力籌國計。且賠項未交。多係現任實缺人員。並非盡

係無力。乃竟積習因循。屢催罔應。緊要款項。視為具文。籌國疆臣。捫心應如是耶。所有各省著賠分賠攤賠代賠溢領覈減之款。著各省督撫河督於所屬實缺司道府廳州縣各員。無論本身應賠及代賠各項。俱著照該部所開清單。勒限催追完繳。解交就近被災省分備賑。仍將完交數目。起解日期奏報。各該大員受恩深重。於本身賠項。更宜首先完繳。則屬員賠項。亦必不催而自應。其無賠項者。

於所屬無所瞻徇。咸服公允。更形踴躍。或賠項過多。酌分成數。趕緊完納。經此次訓諭之後。如再仍前玩視。必將該督撫重懲。或各屬員不肯實力籌解。即著指名嚴參。該督撫具有天良。當不至仍前玩泄也。將此通諭知之。○湖南巡撫陸費瑤奏。遵議御史戴綱孫奏緝捕章程。查湖南近年盜案較稀。似毋庸另設科條。惟當遵守成法。隨時密查。認真整飭。得肯。能否認真。捫心自問可也。○以睿親王

仁壽。署宗人府宗令。正藍旗滿洲都統。僧格林沁。署鑲白旗滿洲都統。正藍旗蒙古都統。特登額。署鑲黃旗蒙古都統。正黃旗滿洲都統。賽尚阿。署鑲藍旗滿洲都統。左翼前鋒統領。奕格。署正黃旗領侍衛內大臣。吏部尚書。文慶。署管理欽天監事。工部左侍郎。王廣蔭。署倉場侍郎。吏部右侍郎。張芾。署戶部右侍郎。兼管錢法堂事務。○貸湖南提標。常德。洞庭。澧州。岳州。各協營駐劄災區兵丁一月餉。

銀。○乙酉。諭內閣。前因戶部奏籌備庫款一摺。當派宗人府大學士。軍機大臣。會同戶部妥議。茲據王大臣等議定。准駁。並仍會同戶部另議章程五條具奏。朕詳加披閱。尚屬周妥。國家承平日久。涵濡德澤。務為寬厚。漸至廢弛。歷久相沿。已非一日。若不大加整頓。興利除弊。則官玩法而民受害。政事何由得舉。該王大臣等所議數條。或循成憲。或順輿情。無非就自然之利。斟酌損益。鹽務乃裕課之

源生齒日繁。理應轉運不竭。乃現在長蘆山東鹽務。疲累已極。特派定郡王載銓等分別覈辦。該王大臣務當博採輿論。實力講求。除有數處已經行之有效。暫無庸更易外。其餘應如何變計。俾裕國便民之處。著體察情形。悉心妥辦。至各省錢糧。江蘇。浙江。河南。山東。福建。四川等省。俱辦清查。已立期限。惟條分縷析。造冊報部。恐遲延時日。著各直省督撫趕緊先造四柱清冊一分。每省各以一府為

一冊。統以文到之日。限八箇月辦齊。其短少之項。已有數目。從何支飾。各該督撫惟應迅籌彌補章程。不得輟輟耽延。終歸無著。造冊完竣。咨明戶部。隨到隨即咨報軍機處存記。不拘何時請旨。順派欽差前往各府縣抽查。從前虧短之數。業經設法分別彌補追賠。各該員已有應得罪名處分。朕必寬其既往。不置重典。但報部之後。水落石出。若續經欽差查出虧短。立即訊明。執法從事。決不寬貸。其

八箇月以內。本已到限者。毋庸因此另展。所有從前奏請展限覈辦。原因繕造細底清冊。仍應逐細辦理。屆期報部。以憑覈對。漕糧本有折色之條。但恐州縣於舊章之外。藉詞增添。與其受追呼而肥劣員之橐。不若減價值而作惟正之供。著各該督撫體察各屬情形。酌量應折幾成。即以此銀循照成案。分於北省各處豐收地方。購買米麥。或招商由海運抵津。至舊緩帶徵漕糧。與本年秋收無涉。屆

啓徵之年。無論正米耗米。盡數改徵折色。解交部庫。所有一切隨漕應徵給丁行月贈耗等米。及交倉席木等項。自應按照緩漕數目計算。一併改折解部。如州縣借詞浮折。即行嚴叅。至河工浮冒之弊。人所共知。本年已明降諭旨。著戶部存記。除例應發給銀兩外。絲毫不得再撥。自當懷遵。計每年所撥銀兩。儻力節浮費。儘敷辦工。如果該廳員等於例領正價之外。並未絲毫糜帑。三汛之後。准該河

督優加保舉。嗣後河督處分。仍照舊例分別漫口罰俸。缺口降留辦理。毋庸離任。其失事專汛廳弁。從重治罪。以專責成。而杜挾制。並酌添該河督養廉以資辦公。江南河道總督共發給銀一萬二千兩。河東河道總督共發給銀一萬兩。優與正所以杜其濫取。各廳員冗缺甚多。著兩江總督。山東河南巡撫會同該河督等公議裁撤。至開礦之舉。以天地自然之利。還之天下。仍是藏富於民。如果地方

官辦理得宜。何至藉口於人眾易聚難散。因噎而廢食。著四川雲貴兩廣江西各督撫於所屬境內。確切查勘。廣為曉諭。其餘各省督撫亦著留心訪查。如有苗旺之區。酌量開採。斷不准畏難苟安。託詞觀望。儻遊移不辦。朕不難派員前往履勘。如果不便於民。或開採之後。弊多利少。亦准奏明停止。至於官辦民辦商辦。其應如何統轄彈治稽查之處。朕亦不為遙制。惟在該督撫等各就地方情形。熟

商妥議。定立章程具奏。總之有治人。無治法。窮變通久。全在因時制宜。綜此數端。除實有不便於民者。准該督撫奏明外。其餘今在必行。諒不敢莠言亂政。如果該大臣等振刷精神。痛除錮習。小廉大法。未有為其事而無其功者。即令收效稍遲。亦絕無絲毫掣克病民也。爾百寮共勉之。苟能膺朕之賞。而無干朕之法。朕甚慰焉。將此通諭中外知之。○兩江總督李星沅奏。遵查捕務。與御史戴綱孫所

奏相同。毋庸再議。得旨。覈實認真。能否克盡職守。卿等自知也。○以睿親王仁壽署管理宗人府銀庫事。吏部尚書文慶署管理武備院事。戶部左侍郎柏後署管理奉宸苑事。○貸廣州駐防兵丁修理房屋餉銀。○丙戌諭內閣。劉韻珂奏。查明告病總兵在任諸多廢弛一摺。前任臺灣鎮總兵武攀鳳。先因約束兵丁失之過寬。經該督面加訓飭。非惟不思策勵。轉復怠荒逸豫。養尊處優。直至諸務廢



弛。方始引疾告退。實屬辜恩溺職。著交部嚴加議處。劉韻珂統轄兩省營伍。既查明該鎮有廢弛規避情事。即應據實叅奏。何必委曲周旋。語多秘密。轉失光明正大之意。劉韻珂並著傳旨嚴行申飭。○丁亥。

上御洞明堂。勾到朝審情實罪犯。停決斬犯六人。絞犯一人。餘九人予勾。○諭內閣。福濟。駱秉章奏。山東綱商呈出帳本。開具各前任巡撫運司收受面封。及程儀節壽銀兩。開單呈覽等語。著交耆英。朱鳳標。確切查明面封名目。果否係辦公之用。據實具奏。再降諭旨。其各帳及領狀。現據咨送刑部。著刑部仍封遞山東。交耆英等覈對。○又諭。福濟。駱秉章奏。遵查告病山東運司呈控一摺。據稱前任山東運司韋德成患病情形。曾經經歷傅巖等面稟徐澤醇。該撫至運署看視。見其精神恍惚。並自言欲行呈請開缺。藩司劉源灝並非傾陷。尚屬可信。惟該運司所控挾嫌等情。必

須徹底查辦。告病藩司楊蕃。著原籍及寄籍督撫飭令迅速來京。吏部考功司書吏。據韋德成供稱係辦理陝西三原縣處分一案。並無名姓。著吏部查明係屬何人。韋德成回京。著該旗看管。俟楊蕃到日。均交刑部審明定擬具奏。其所控鹽務收受面封等情。另交耆英。朱鳳標查明叅奏。○吏部以大學士耆英應定何殿閣請。得旨。著為文淵閣大學士。○蠲減直隸安。隆平。天津。寧晉。文安。東安。六州縣被水村莊新舊額賦有差。○戊子。諭內閣。本年各直省辦理秋審人犯。經刑部由緩決改情實者。吉林六起。江蘇五起。該將軍及該撫臬司等於秋獻大典。未能慎重詳覈。著交部查明分別議處。嗣後各直省將軍督撫等。務當督同臬司遵照定例。酌覈案情。細心究擬。斷不可惑於救生不救死之說。意存寬厚。故從輕減。亦不可有心刻覈。過於嚴峻。總期無枉無縱。各得其平。用副朕執法用中至意。

將此通諭知之。○江西南贛鎮總兵官德坤奏。查閱營伍情形。得旨隨時認真訓練。僅有所徵調。不能用命得力。汝能當此重咎耶。懍之勉之。○己丑。

上詣

壽皇殿行禮。○奉

皇太后還宮。○諭內閣。楊殿邦奏。遵查回空漕船脫空情形一摺。並另片奏。籌辦灌塘各等語。本年漕船回空已遲。若再節節耽延。必致

有誤。新漕受兌。前曾降旨。令將脫空各幫。應管員弁查叅。茲據該漕督查係江西等幫。猝遇暴風。沈覆多船。岸救修理。致有停待。又因洪湖洩水過甚。灌塘不能迅速。總而言之。因保護隄堰。勢不能不多啓各壩。李星沅。潘錫恩。係從權辦理。堵壩稍遲。塘河枯澀。楊殿邦又不能不因此辦理棘手。著李星沅。楊殿邦。楊以增。和衷共濟。於各司其事之中。仍須會商籌辦。並著迅速飭令該管文武員弁。相機

籌畫。設或因循貽誤。致令漕船守凍。不能歸次。不但將該管員弁分別治罪懲處。並將該督等嚴議。如果堵壩無誤。漕船及早歸次。朕何難格外施恩。將遲延各員弁加恩寬其處分也。懍之。○以捐築湖北安陸府隄工。予知府賈世陶等加銜升補有差。○庚寅。

上詣

皇太后宮問安。○命禮部尚書麟魁。吏部左侍郎侯桐。工部左侍郎王廣蔭。在紫禁城內騎

馬。○豫購東河來年備防碇石。從河道總督鍾祥請也。○辛卯。

上詣

皇太后宮問安。○壬辰。諭內閣。貝勒綿德溘逝之日。已加恩派六阿哥帶領侍衛十員。即往奠醊矣。惟是眷念殷殷。情猶莫釋。於發引日。著派固倫額駙德木楚克札布。前往再行賜奠。○又諭。吳文鎔奏。覈辦清查需人。請簡派戶部保列一等司員。赴浙幫同鈎稽一摺。不

但向來無此例案。且流弊甚多。斷不可行。所有浙省清查事務。仍責成吳文鎔遵委。委員覈實辦理。該撫仍隨時認真查察。儻有瞻徇等情。即行據實嚴參。○癸巳。

上詣

皇太后宮問安。○甲午。諭內閣。楊殿邦奏。請籌蓄清水濟運一摺。又據李星沅等奏。回空漕船。全數渡黃。並現辦堵築義河。先回督署等語。本年回空軍船。因塘河水耗。未能暢行。經

該督等嚴飭該管各官設法蓄水。次第運送。現已全數渡黃。尚無貽誤。所有前次幫船脫空。及辦理未能迅速之漕河文武各員。并均著免其查參。其堵壩蓄水。豫籌來春濟運各事宜。據李星沅稱。現在趕辦義河工段。著責成楊以增接手妥籌堵築。嚴飭該管各官迅速辦理。務令及早完工。俾資儲蓄。毋誤來年重運。該漕督亦須催趲回空軍船。歸次受兌。勿稍耽延。○諭軍機大臣等。瑞元等奏庫倫

來文俄囉斯未將賊犯拏獲一摺。昌吉斯臺卡倫侍衛金齊賢私給照票。被控受賄一案。曾經降旨。令庫倫辦事大臣行知俄囉斯將此案搶馬賊犯解審。茲據奏稱。俄囉斯文稱賊犯係何人屬下之人。恐該夷不知案內情由。飾詞搪塞。著該大臣等明白諭知。將金齊賢被控給票指引偷竊一節。逐層曉示。釋其疑慮。飭令作速送出賊犯對質。以憑結案。至案內干連之哈薩克頭目瑪奇勒。既係外夷。

又非案內緊要之犯。不值再令嚴拏。著該大臣等行文該處停止拏解。原摺鈔給閱看。將此諭令知之。○以綏遠城將軍成玉為陝西固原提督。陝西固原提督托明阿為綏遠城將軍。○

上以冬至祀

天於

圓丘。自是日始。齋戒三日。○乙未。諭內閣。戶部奏催未完借修隄費等語。湖北各州縣。自道

光十二年起。至二十六年止。未完借修隄費銀三十七萬二千四百七十餘兩。有無完解。未據該省分晰造報。此項既係在業民名下派徵歸款。即與正項錢糧無異。何得愈借愈多。逐年積壓。况已將應豁免者加恩豁免。其餘應徵銀兩。小民自必輸將恐後。著湖廣總督。湖北巡撫。轉飭各州縣。速將未完隄費銀兩。按限徵催起解。不准藉詞展緩。如有屆限未完。及以完作欠情事。即行指名嚴參。並將

已未完數目及應徵年分。查明造冊送部覈辦。以重帑項而歸覈實。○以營務廢弛。革福建臺灣鎮總兵官武攀鳳職。○免湖北民欠借修隄費銀六十萬一千七百四十七兩有奇。○丙申。

上詣

南郊齋宮齋宿。○山東巡撫徐澤醇奏。遵議御史戴綱孫奏捕務情形。隨時訪查妥辦。得旨。果能覈實認真。何患莠不除而善不安。總在

封疆大吏。肯實心與否耳。朕無所諭之。而又誰不知之。看汝辦理有效耶無耶。○丁酉。冬至。祀

天於

圓丘。

上親詣行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○停次日朝賀○詣

皇太后宮問安○諭內閣布彥奏請將追捕  
番賊遲延之將領並疏防失事各員分別  
懲處一摺甘肅署涼州鎮標中軍遊擊陝安  
鎮標遊擊牛鳳山於番賊盤踞搶掠戕害兵  
丁並不立時派兵追捕署右營遊擊張承寵  
奉委帶兵輒向無賊之處虛張聲勢以致賊

匪遠颺均屬怯懦無能牛鳳山張承寵均著  
交部嚴加議處署永安營遊擊南川營都司  
連佳遇賊被劫督擊不力署白塔營都司肅  
州鎮標右營守備張順署大通縣知縣崔暘  
疏於防範均著交部分別議處涼州鎮總兵  
楊錄之據該督奏稱不能振作營務廢弛惟  
知沽名邀譽著送部帶領引見仍交部議處  
○以前任廣東潮州鎮總兵官趙承德為甘  
肅涼州鎮總兵官○賞八旗兵丁一月錢糧

○己亥諭內閣李星沅等奏豫省代購粟麥  
請飭停止運往等語又據潘鐸奏採買糧食  
運往江南一摺此項採買糧食自豫運江原  
以接濟江南之匱乏既據李星沅等奏稱現  
辦賑務招商免稅陸續運糶民食無虞缺乏  
自可停其採運除豫省先經採買之粟米麥  
二萬九千石業已運赴江南外以後著即停  
止至李星沅所稱如已購備似可儘先搭運  
京倉之處仍著潘鐸悉心籌畫酌盈劑虛無

使京倉稍缺而豫省轉有穀賤之虞方稱安  
善○江蘇布政使李德因病解任以湖南按  
察使程煥采為江蘇布政使廣東惠潮嘉道  
楊文定為湖南按察使○以辦理軍需出力  
予廣西按察司照磨李均等升敘有差

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百六十一

清實錄  
道光二十八年十二月

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百六十二

監修總裁官經略司議處居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事移隨帶五級紀錄十八次。自賈柏樾敘官經總護官吏部尚書錄監揀選軍部覈官理新營乃城內官房大臣稽察內

七倉大使指本會開四課館事務加一級隨考加六級軍功加三級紀錄五次。臣花沙納經延請官文淵閣提舉閣事兵部尚書總管

內務府大臣錄白輝滿洲都統稽察內七倉大臣管理宗人府銀庫左翼副官學  
監壽宮圖明園等處稽撥管御茶膳房御藥房

醫院選辦處事務隨帶加十八級日阿靈阿副總裁官銜廷議官兵部尚書隨帶加六級紀錄二十次日周祖培等奏

救修

道光二十八年戊申十二月辛丑朔禮部奏

道光二十九年元旦應行禮儀得旨是照例

行禮奉

皇太后懿旨停止筵宴。其在外公主福晉命婦進內行禮之處。並著停止。○旌表遇賊捐軀江蘇上海縣民趙文榮妻梅氏。胡蹇兒妻何氏。何芳女何氏。○壬寅。

上詣

皇太后宮問安侍膳○諭內閣刑部奏覈覆江  
西省致斃多命案件請飭另行審擬等語此

案王鼎從等與袁東幅等因爭山涉訟有嫌一釁相因互毆致斃多命該前撫分別題咨作為三案辦理難保不受該地方官朦混故意那改月日豫為分案地步江西省糾眾共毆之案例有專條若以多命重案遽行分起完結何以持刑罰之平新任巡撫傳繩勦甫經到任無所用其回護著親提犯證悉心覆審所有案內已經擬徒發配之犯一併提集質訊務得實情按律定擬具奏尋奏提集犯

證逐加研審委係彼此鬪不同地先後毆不同時究非同日同場豫謀械鬪惟一釁相因未便分起辦理致涉紛歧應即併案按律擬結下部議從之○旌表守正捐軀山東鉅野縣民王尚知妻姜氏○展緩山東章邱齊東二縣歷年帶徵額賦○癸卯以直隸馬蘭鎮總兵官倭什訥為荊州將軍署正紅旗漢軍副都統慶錫為馬蘭鎮總兵官兼總管內務府大臣○甲辰以前任廣西右江鎮總兵官

達三署正紅旗漢軍副都統○乙巳旌表守正捐軀河南孟縣民白玉坤母袁氏○丙午孝惠章皇后忌辰遣官祭

孝東陵○命於

大高殿設壇祈雪

上親詣行禮○諭軍機大臣等前召見分發河南試用知府譚盛偉人甚平庸詢以官事亦不明晰此等分發之員斷不可給予差使諒潘鐸接見之後必能斟酌也將此諭令知之

○加賑直隸通武清寶坻香河寧河天津靜海三河薊青鹽山慶雲豐潤玉田十四州縣災民並緩徵道光二十九年額賦展緩霸文安大城東安順義懷柔密雲樂亭安雄河間獻任邱滄南皮雞澤大名南樂清豐新河永年邯鄲成安肥鄉廣平磁二十六州縣歷年帶徵正雜額賦○丁未濬山東上河等四廳屬運河從河道總督鍾祥等請也○戊申諭內閣琦善奏藩司交代庫款糾紛懇請展限

一摺四川省藩司庫款各項多年輾轉不清現在徹底清釐既據該督查明難以依限完結著准其再行展限三箇月該督即飭該署藩司覈實鈎稽俾庫貯逐款清釐儻有虧短情事即著查明係何任弊混指名嚴參○諭軍機大臣等本日據琦善奏藩司交代庫款糾紛懇請展限一摺已准其展限三箇月悉心覈算矣惟四川省向無積欠何以近來庫款亦多不清且據該督奏稱陳士枚清查數

月以來不惟查明之項率多輾轉其未經查清者仍復不少等語除飭現署藩司覈實鈎稽外陳士枚在任年餘果否能勝藩司之任有無不妥之處著琦善據實覆奏斷不可因該員係朕特簡升擢巡撫稍涉瞻徇將此諭令知之尋奏查看陳士枚非不黽勉無如限於才識鈎稽不明書吏得以肆其弊混實係材僅中覽不敢稍涉徇隱報聞○科爾沁卓哩克圖親王巴圖等六人喀爾喀土謝圖汗

車林多爾濟等二人阿拉善扎薩克親王貢桑珠爾默特巴林扎薩克郡王那木濟勒旺楚克喀喇沁扎薩克郡王色伯克多爾濟敖漢郡王布彥德勒格呼固魯克齊阿巴噶扎薩克郡王阿爾塔什第蘇尼特扎薩克郡王布爾呢錫哩等三人扎賚特扎薩克貝勒理藩院額外侍郎拉木棍布扎布翁牛特扎薩克貝勒寶拜於養心門內瞻覲○己酉諭內閣每年

祈穀

常雩冬至各大祀朕均親詣行禮嗣後凡遇三大祀仍應照舊親詣致祭惟齋宿一節即遵照乾隆七年以前成憲朕在宮內齋宿以昭敬慎至祭前一日應在

皇穹宇

皇乾殿拈香之處著太常寺於先期提奏請旨○以湖北竹山協副將佛隆為廣西右江鎮總兵官○追予罵賊捐軀湖南湘陰縣明陝



西涇州知州婁鏐入祀鄉賢祠妻黃氏從夫殉節入祀節烈祠從總督裕泰等請也○命陝甘總督布彥春撥銀三萬七千五百七十四兩解赴伊犁備來年閏四月經費○貸湖南武陵益陽湘陰龍陽沅江五縣修官民隄垸銀○庚戌諭內閣原任江南提督陳化成為國捐軀其被害甚烈本日兵部將伊子帶領引見朕追念遺忠不勝悼惜陳化成之子陳廷芳著遇有福建水師都司缺出即行補

用毋庸學習○又諭載銓等奏遵議蘆商前停引即請准展緩年限一摺蘆商前停引現在未能復額著准其展緩五年辦理不准再有推展至前六年所停六十萬引之課統入積欠陸續歸款以紓商力○又諭載銓奏查明長蘆運庫已徵尚未報撥及應解各衙門銀兩先行抵解等語長蘆運庫有業已徵收未屆奏限尚未報撥二十七年商課銀八萬兩著即豫解部庫其欠解二十四年商課

銀兩著即將徵收應解各衙門銀十二萬兩先行抵解部庫俟續有徵收再行歸補○又諭布彥春奏遵查臺站遞摺遲延請將查覆遲誤之鎮協議處等語甘肅肅州鎮總兵桂齡署永固協副將李休署寧夏鎮總兵保恆均著先行交部照例議處仍著該督嚴飭各該鎮協確查前項摺報何處遲延係何員任內之事據實參奏至涼州鎮總兵楊錄名業經革職應毋庸議○諭軍機大臣等分發雲

南試用知府張恩溥係正途出身曾膺民社惟該員前於知府分發召見時朕見其面頰微動似有風疾該員到省後著林則徐程喬采留心察看該員有無風疾果否堪勝差遣據實覆奏將此諭令知之○以查辦匪徒出加賞雲南知府寶俊知縣吳嘉思參將文俊花翎餘加銜升敘有差○旌表守正捐軀河南臨漳縣民李春女福妮○辛亥上御乾清門聽政○諭內閣載銓等奏遵旨會

查長蘆鹽務酌改章程開單呈覽一摺長蘆鹽務疲敝已久疊次整頓調劑總無起色經朕特派王大臣前往會同查辦茲據確切查覈臚列條款會奏自應因時變通俯如所請試行辦理所有長蘆懸岸四十四處之內河南懸岸二十州縣著盡改票鹽即倣照淮北成案先課後引直隸所懸之二十四州縣著予限半年責令各州縣招商招販一律整理儻商販無人即責成各州縣自行領運或由

鹽政遴員官運以濟民食即責成訥爾經額會同崇綸實心覈辦不得畏難苟安此後商欲改票票欲改商皆可隨時體察施行至該處各項支銷浮費著照議停減其引地文武各衙門官役相沿陋規既往不咎著通行嗣後永遠裁汰又每年應完內外帑利銀三十萬一千零著按額引均攤無論行引行票悉按此數同正課一併覈計徵收分款支解遇閏照例加增並此後行鹽每引著准其加斤

免課每斤准其減價敵私皆照所議之數辦理至道光二十七年引課奏銷於二十九年春間領運完竣後仍於五月內奏銷此後按年照辦著免其提早一月以顧春運而免貽誤其各項積欠銀二千三百四十三萬一千四百餘兩著自二十九年起的按引分攤徵收解部儻有拖欠由戶部指叅再緝私章程兵役不如商巡得力嗣後著復商巡舊規以杜偷漏而節糜費凡此數端皆事屬可行而恤

商不為不至歷年因循玩誤遂致帑本國課支絀不堪經此整理之後訥爾經額惟當會同鹽政崇綸實力奉行認真妥辦務期積弊全除日有起色該督等具有天良諒不至為官吏欺朦暗受其把持而不知也○諭軍機大臣等傳繩勛奏演放銅鐵各礮等語此項鑄存銅礮及舊存鐵礮自應認真演放惟據稱係擡赴對江空地此地距江遠近若干以何為準向何處試放該撫既親往查看著將

致遠有準之處。詳細覆奏。毋稍含混。將此諭令知之。尋奏省城對江即西山之麓。地勢平曠。在該處試演礮位。以靶為準。放礮處距安靶處二百四十弓。每礮放三出。中三礮者居多。實能致遠。而新鑄銅礮較舊存鐵礮似更靈捷。洵足備用。得旨。務當認真訓練。不可懈弛。○以副都統銜葉爾羌參贊大臣吉明。通政使司副使朱嶧。為內閣學士兼禮部侍郎銜。朱嶧仍留順天府政任。○以順天府府尹

汪本銓為宗人府府丞。山西冀寧道陸應穀為順天府府尹。未到任前。以汪本銓署理。○以詹事府少詹事溫葆淳為太常寺卿。○旌表守正捐軀河南寧陵縣民張仁得女成姐。○壬子。

上詣

皇太后宮問安。○展緩山東鹽務商欠加價銀。○癸丑。諭內閣。載銓。季芝昌。奏清查天津府所屬倉庫情形。開單呈覽。一摺。載銓等前經

派往直隸籌辦鹽務。就近清查天津府屬倉庫。茲據確切查明具奏。天津府所屬各州縣。歷任交代正雜錢糧。覈對款目。尚無虛假。查點實存錢糧數目。亦相符合。短徵之員。業已分別勒追。其現存各庫銀兩穀價。或提交司庫。或飭各地方官買補還倉。辦理均屬周妥。此外直隸各屬。著責成訥爾經額督同藩臬兩司。按照天津府辦理章程。趕緊查辦。依限具奏。該督等務當認真釐剔。確實查覈。不准

絲毫瞻徇。經此次清查之後。朕不拘何時。簡派大員順道抽查。如有虧短捏飾等弊。惟該督等是問。恐該督等不能當此重咎也。懍之。○又諭林則徐奏請將交審京控案內狡展拖延之降調知縣。先行革職。並將被控職員斥革。提同嚴訊。一摺。前任雲南富民縣知縣降補府經歷縣丞廣和。列款京控。業經林則徐審有大概情形。仍復恃符狡展。報病拖延。著先行革職。州同職銜劉元吉。即劉長春一

併斤革。此案牽涉既多。林則徐以本省大吏  
究難折服該革員之心使之無所藉口著改  
派琦善馳驛前往雲南提同案內人證秉公  
嚴訊按律定擬具奏琦善俟裕誠到後即起  
身赴滇所有四川總督著裕誠兼署○甲寅  
以京畿雪澤未霑

上詣

大高殿命

皇四子

天神壇皇六子奕訢詣

地祇壇惠親王綿愉詣

太歲壇祈禱惇郡王奕誥詣

宣仁廟

凝和廟瑞郡王奕誌詣

昭顯廟

時應宮拈香○諭內閣吏部奏叅司員疏忽

等語昨日吏部帶領各員引見有四川從九

品包全春送伊戚分發知縣潘泰行引見誤

入乾清門該部帶班司員未能先時查出著  
交都察院查取職名嚴加議處吏部堂官著  
一併交都察院議處○諭軍機大臣等吳文  
鎔奏查悉地方大概情形及現辦緣由等語  
覽奏均悉浙江腹地外洋盜匪未能斂戢非  
文武各員認真巡緝何能盡絕根株該撫現  
嚴飭文武各員並移行水師各鎮將分別勦  
捕務當隨時稽查如有任意懈弛藉詞推諉  
者立即嚴行叅懲毋稍鬆懈至各縣虧空近

日相習成風吏治敝壞已極不可不力加整  
頓據該撫所奏寅用辰款以致當年額徵兩  
忙皆徵解不前撥款至無項可撥日甚一日  
何所底止如能設法彌補方於庫貯有裨將  
此諭令知之○以故奉國將軍成英子純昭  
襲職○予故貴州黃平州知州張錫穀甘肅  
慶陽府知府易鏡清河南虞城縣知縣龔一  
發入祀名宦祠福建故甘肅蘭州府知府龔  
景瀚山西故洪洞縣教諭張震湖南故掌四

川道監察御史賀熙齡湖北故翰林院侍讀學士易元善四川故儀隴縣訓導傅秉經安徽故吏部郎中石綸翰林院編修石葆元順天故廩生魏文通入祀鄉賢祠從總督林則徐布彥春劉韻珂廉敬李星沅訥爾經額巡撫潘鐸王兆琛請也○緩徵浙江仁和富陽新城嘉興秀水嘉善海鹽石門平湖桐鄉烏程歸安德清武康金華蘭谿義烏永康武義浦江西安龍游建德遂安分水桐廬麗水縉

雲青田景寧三十縣暨杭嚴衛被水被風莊屯新舊正雜額賦○喀爾喀鎮國公貢桑等二合烏喇特扎薩克輔國公拉旺哩克沁察哈爾藍翎侍衛阿穆噶錫第於神武門外瞻覲○乙卯命皇六子奕訢行初定禮○諭內閣潘鐸奏清查倉庫請再展限一摺河南省清查倉庫前經予限兩年並續准展限半年現在已屆限滿惟王大臣等奏定章程曾經降旨著於文到之日起統限八箇月趕緊完

竣造冊送部該撫即遵照辦理毋庸再論前限並通諭各直省督撫府尹知之○命浙江布政使劉喜海按察使周開麒來京另候簡用以宗人府府丞署順天府府尹汪本銓署浙江布政使都察院左副都御史黃贊湯署順天府府尹調山東按察使蔣蔚遠為浙江按察使以廣東雷瓊道黃宗漢為山東按察使○丙辰諭內閣李星沅陸建瀛奏籌補災缺兵糧一摺本年江寧淮揚各屬災缺道光

二十九年省倉八旗綠營暨漕河等標營兵米共計五萬六千石自應及時籌補以濟要需著照所請所有督協漕河各標營災缺兵糧二萬六百七十四石零准其在各營附近州縣常平倉內碾動濟放其災缺司倉兵米三萬五千餘石准於江寧蘇州安徽三省各州縣節年欠解省倉米石內先行催提埽數批解抵用如有不敷隨時籌款按照時價採買以供支放仍俟各屬屆限徵完按數還款

造冊報銷以昭覈實○緩徵浙江青村橫浦浦東下砂頭二三五場歉收電田新舊額課○丁巳諭內閣向來秋審朝審人犯緩決三次以上者人數積多每屆數年諭令刑部查明奏請分別減等以示法外之仁今自道光二十六年查辦後積至本年秋獻入緩決者又有一萬五百餘名○著刑部將緩決三次以上各犯照節次查辦之例逐一查明分別減等發落以昭矜恤○又諭王植奏請酌量

變通工賑事宜等語本年安徽省江淮異漲圩隄漫缺成災前經該撫奏明寓工於賑茲據奏稱積水消退甚遲工賑勢難兼顧自應酌量變通以示體恤著照所請所有該處勸捐積有成數之處准其先於隆冬按極次貧民散放以代賑濟即以所省冬賑銀兩存俟積水全涸彙同春賞口糧散給貧民以為築圩之用○又諭王植奏請將被控之代理知縣革審一摺安徽代理靈璧縣知縣阜陽縣

縣丞沈鴻於該地方被災地畝例應分別蠲緩錢糧輒敢不俟奏報先行違例徵收殊出情理之外沈鴻著即行革職交該撫提同全案人證嚴審確情從重定擬具奏各省似此貪劣之員定必不少而破案寥寥今既被控必應從嚴查辦懲一儆百著王植親提研鞫毋得任聽委員化大為小彌縫掩飾自干厥咎尋奏研訊人證僉供該縣錢糧向係麥熟後上下忙同時並徵上年二麥登場後該叅

員於七月初二日開徵其時尚未被災後因秋雨過多淮灘並漲即於八月底停徵委非違例徵收惟該縣濱河田地被淹有道光二十七八兩年錢糧均係糧差墊納乃報災之後因花戶抗延不還出票催追以致刁民藉口興訟實屬不知政體但尚無私徵別項重情業經革職應無庸議下部議從之○以故三等公吉祥保子增喜頭等子瑞文弟奎文二等子慶亮子秀聯頭等男淳慶子蘇勒芳

阿各襲爵○戊午

上詣

皇太后宮問安○諭內閣向例十二月二十三  
日蒙古王公等皆在西廠賜食現當齋心祈  
雪著本年暫行停止其實件仍照例發給所  
有應行引見之年班來京外邊行走之蒙古  
王公等著俟明年紫光閣筵宴時再行帶領  
○福州將軍壁昌因病解任調江寧將軍裕  
瑞為福州將軍以金州副都統祥厚為江寧

將軍青州協領桂生為金州副都統○以右  
春坊右庶子潘曾瑩充日講起居注官○己  
未諭內閣都察院奏遵議吏部帶領引見堂  
司各官處分等語吏部主事陳鴻壽宋廷春  
何棻崇恩均著降一級留任不准抵銷文慶  
陳官俊花沙納侯桐福濟張黃均著罰俸一  
年亦不准其抵銷門禁例應嚴肅道光四年  
曾經降旨申諭總因日久懈弛視門單為具  
文或不繕送或繕送而不覈實稽查以致有

人混入著再行申禁嗣後部院各旗營各衙  
門引見人員進內仍遵前降諭旨認真查辦  
不得視為具文儻再有誤入禁門之事定將  
各員從重懲辦決不寬貸○諭軍機大臣等  
薩迎阿奕山吉明奏會同再行詳議分貯擡  
礮一摺又片奏操演槍礮戰守必期得力等  
語屢次所奏情形未能將扼要之語陳明故  
再三向該大臣等詰問今將彼處戰守情形  
詳晰奏明尚有見解朕心釋然著照所請仍

將前項擡礮分貯葉爾羌五十尊阿克蘇二  
十尊其已撥英吉沙爾之三十尊仍留存貯  
以資守禦該將軍參贊及各城大臣惟當隨  
時查察認真操演務使各弁兵施放有準以  
期出能利戰入能固守仍不時偵探消息撫  
綏回眾於安然無事之時豫籌防勦之策勿  
令奸細私洩製造擡礮之法是為至要將此  
各諭令知之○轉宗人府右宗人綿岫為左  
宗人以貝子綿勳為右宗人○以故不入八

分鎮國公祥林子承熙襲爵○以故奉國將軍國祥子連華襲職○以故雲南鶴慶州屬土未入流田榮姪茂昌襲職○庚申以大學士潘世恩年登八秩襄贊宣勤賞其孫祖蔭舉人一體會試○辛酉以京畿雪澤尚未優霽

上詣

天神壇命

皇四子

地祇壇皇六子奕訢詣

太歲壇祈禱○詣

關帝廟拈香○諭內閣徐華清奏查閱營伍酌保營員一摺該提督此次閱伍所劾祇一外委而所保乃署參將等大員為向來所不經見著劉韻珂認真察看署參將張定亨守備曹振鳳果否緩急可恃長於訓練據實覆奏尋奏察看張定亨曹振鳳二員委皆緩急可恃長於訓練提臣徐華清於閱伍時將該

二員具保洵為激勵賢能起見其摺內所敘各員事跡與平時查訪存記及歷次奏案均相符合報聞○大學士潘世恩八十生辰賞御書扁聯福壽字並珍玩文綺○壬戌諭內閣著英朱鳳標徐澤醇奏查出歷任運司出借銀兩請照數賠繳等語運庫存貯雜款各有一定之用現經著英等查出歷任運司出借銀兩至七萬三千九百三十餘兩之多雖事屬因公確有案據惟自道光二十年後迄今

並未歸款歷任相沿流弊滋甚著即責成各前運司如數賠繳文繪應賠銀一千一百五十五兩零何其興應賠銀三萬六千二百三十六兩零王鎮應賠銀二百十三兩零方濤應賠銀二兩零陳士枚應賠銀三萬三千一百九十三兩零沈拱辰應賠銀一千六百二十五兩零韋德成應賠銀一千五百九兩零其一千兩以上者予限三箇月三萬兩以上者予限一年均於文到日起限其業經身故



者著落子孫賠繳。逾限不完。著戶部及山東巡撫查明。叅辦。嗣後運庫錢糧。務須覈實存貯。概不准擅行借支。以杜弊混。○又諭者。英朱鳳標奏。遵查東商面封公費。並將收受程儀。節壽銀兩。各員開單呈覽。一摺。山東省面封公費銀兩。向係商捐。商用現據者。英等查明。歷任支銷之處。實係藉資辦公。所有歷任巡撫。運使支銷公費。著毋庸議。惟程儀節壽名目。卑鄙貪婪。嗣後著即永遠革除。不准

仍蹈錮習。其收受各員。本應一概懲辦。姑念相沿已久。且係在面封項下支銷。與需索有間。此次暫行從寬。分別辦理。所有收受程儀之前任巡撫。署巡撫。經額布麟魁。王篤梁。寶常。崇恩。均著交部議處。所受銀兩。著照數罰賠。其收受節壽等項之前任運使。署運使。文綸。寶清。王庭蘭。何其興。王鎮。陳功。陳士枚。徐經沈。拱辰。韋德成。均著交部嚴加議處。所受銀兩。著照數加倍罰賠。已故者。該部查明各

籍飭令其子孫代賠。均於文到之日。勒限一年完繳。如逾限不完。該部隨時叅辦。刑部侍郎前署山東巡撫陳孚恩。於公費等項。一概不收。清正可嘉之至。著加恩賞給頭品頂帶。在紫禁城騎馬。以示獎勵。○以禮部尚書麟魁。刑部尚書阿勒清阿。吏部右侍郎張蔭堯。充經筵講官。內閣學士李嘉瑞。翰林院侍講學士杜翱。充文淵閣直閣事。○以江南江安蘇松道所屬糧價增昂。命緩買各幫丁行月等

米。○貸山東汶上。東阿。二縣修民埝銀。○癸

亥。

上詣

皇太后宮問安。○盛京將軍奕興奏。旗民呈報開墾荒地。查有成數。計二十四萬畝。有奇。得旨。升科者。逐年有增。方好勉力為之。○賞御前行走喀爾喀土謝圖汗車林多爾濟黃韁。科爾沁郡王濟克默特朗布紫韁。○賞頭品頂帶刑部右侍郎陳孚恩。

御書扁額曰清正良臣○甲子諭內閣李星沅  
陸建瀛奏查賑委員辦理不妥請旨革審等  
語江蘇鹽城縣上岡司巡檢張震試用未入  
流紀煥遠候補主簿湯致中於分派鄉莊查  
放賑票辦理既未能周妥復任聽鄉地人等  
做錢指票顯有投意染指情事似此庸劣之  
員必應徹底究辦懲一儆百閭閻方沾實惠  
張震紀煥湯致中均著革職交該督等從  
重懲辦以儆其餘並著該督另委監司大員

督率抽查務期力祛積弊以慰朕念切民依  
之意所有原派之候補道陽金城著不准其  
派委○河東河道總督鍾祥奏請將所加養  
廉飭部註銷得旨何必作此詐偽之舉反令  
朕有所見也○乙丑

孝莊文皇后忌辰遣官祭

昭西陵○諭內閣工部奏查明東南兩河另案  
動用銀數等語河工修防所需錢糧必須力  
杜虛糜方期工歸實用本年南河既已刪減

銀數十萬兩東河何以加增著鍾祥悉心體  
察認真鈎稽務期大加撙節以重度支而昭  
覈實前曾降旨兩河於例撥之外不得絲毫  
請添著即遵照原議迅將例撥之數查明報  
部畫一辦理儻延不具覆及至明年春汛將  
臨仍以一面具奏一面興工為詞著該部即  
行駁回指叅以示限制○又諭前據耆英等  
奏遵查東商面封公費並程儀節壽等名目  
當將收受之歷任山東巡撫運使及署任各

員交部分別議處嚴議茲據該部查議具奏  
該員等身膺重寄輒於鹽務陋規相沿收受  
均屬貪鄙無恥自應分別示懲除已故各員  
賠項仍著落子孫追繳其處分毋庸議外經  
額布麟魁王篤梁寶常覺羅崇恩均著照部  
議降三級調用不准抵銷王篤梁寶常均有  
革職留任處分著即照例革職寶清王庭蘭  
何其興陳士枚徐經沈拱辰韋德成均著照  
部議革職○以都察院左都御史成剛為禮

部尚書兼管太常寺鴻臚寺事戶部左侍郎柏後為都察院左都御史○以吏部尚書文慶為翰林院掌院學士○調荊州將軍倭什訥為吉林將軍以甘肅提督台湧為荊州將軍○賞己革河南巡撫鄂順客藍翎侍衛為駐藏幫辦大臣○浙江溫州鎮總兵官葉紹春因病賞假以鎮海營參將葉萬清暫護溫州鎮總兵官○添製熱河駐防八旗鳥槍三百桿從都統惠豐請也○以歲暮給祭

太廟自是日始齋戒三日○丙寅葉爾羌參贊大臣吉明奏年終考覈各城大臣循分供職撫馭得宜得旨細閱單開無非循故事不招怨非實心為國有志向上之人也深為汝惜之○轉刑部右侍郎全慶為左侍郎仍留廣東學政任以陝西布政使恆春為刑部右侍郎○轉戶部右侍郎阿靈阿為左侍郎管三庫事調吏部右侍郎福濟為戶部右侍郎兼管錢法堂事務工部右侍郎明訓為吏部右

侍郎盛京兵部侍郎靈桂為工部右侍郎兼管錢法堂事務都察院左副都御史恆毓為盛京兵部侍郎○調鑲藍旗漢軍副都統阿靈阿為正白旗滿洲副都統以署鑲黃旗蒙古副都統耆瑞為鑲藍旗漢軍副都統正黃旗蒙古副都統豐伸為鑲紅旗護軍統領○以甘肅布政使張祥河為陝西巡撫○丁卯以歲暮給祭遣官祭

太廟中殿

後殿○諭內閣著英朱鳳標奏山東藩庫不入奏銷銀兩酌撥解部等語山東藩庫實存款內歷年積存減平並軍需二成三成及扣還借支行裝等款共銀三十萬兩向不歸入奏銷著即照數撥解部庫○又諭著英朱鳳標奏清查州縣倉庫情形開單呈覽一摺據稱山東濟南府屬十六州縣倉庫逐一清查所有正雜等項未完銀四十一萬四千七百餘兩倉貯缺穀三十七萬三千八百餘石抽查

一府如此他府可知累月經年因循拖欠在州縣則私肥囊橐而上司乃漫不經心甚且徇庇耽延實堪痛恨徐澤醇劉源灝到任未久無所用其回護著即將該大學士等所奏情形遵照前降諭旨將濟南一府歸入山東合省清查案內依限八箇月趕緊清釐其中款目繁多抵撥輾轉之處認真稽覈不得稍有參差務將虧缺各項迅速設法彌補未解等款催令撥解不得任聽該州縣等支吾延

玩清查之後朕隨時揀派大員抽查倘另有虧短捏飾諸弊必將該藩司及該撫等從重懲辦難邀寬宥懍之○諭軍機大臣等昨據吉明德齡奏霍罕遣使遞稟譯出漢字並將撰給回諭一併進呈一摺覽奏已悉邊城密邇外夷撫馭之道自須恩威並用然必於懾服之中寓懷柔之意若一味危詞恐嚇殊失安邊綏遠本意兄夷性驕張每事嘖瀆該大臣等惟當申明舊章剴切曉諭俾知非分要

求萬難邀准自足絕其妄念若能言而不能行毫不度德量力概以驅逐及興師問罪為詞所謂言大而夸心不固矣嗣後戒之將此密諭知之○以湖北按察使常大淳為陝西布政使直隸按察使龔裕為甘肅布政使○以湖北宜昌鎮總兵官博勒恭武為甘肅提督廣東肇慶協副將阿勒經阿為宜昌鎮總兵官○戊辰裕祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○遣官祭

太歲之神○

上詣

皇太后宮問安○以吏部尚書翰林院掌院學

士文慶充日講起居注官工部尚書特登額

充經筵講官○以直隸口北道恆福為按察

使石春坊右庶子駱秉章為湖北按察使○

免雲南銅廠民欠無著工本銀○朝鮮國使

臣姜時永等三人琉球國使臣向統績等二

人於午門外瞻覲○己巳

上御保和殿筵宴朝正外藩科爾沁巴林喀喇

沁教漢蘇尼特阿巴噶扎賚特翁牛特喀爾

喀烏珠穆沁杜爾伯特鄂爾多斯烏喇特阿

拉善青海土爾扈特察哈爾奈曼土默特王

貝勒貝子公額駙台吉塔布囊等並朝鮮國

琉球國使臣隨文武大臣依次就坐諸樂並

作

上進酒召左翼科爾沁扎薩克土謝圖親王色

登端魯布卓哩克圖親王巴圖扎薩克達爾

漢親王索特納木彭蘇克扎薩克冰圖郡王

林沁扎勒贊郡王濟克默特朗布巴林扎薩

克郡王那木濟勒旺楚克科爾沁貝勒貢格

喇布坦喀喇沁扎薩克都楞郡王色伯克多

爾濟教漢郡王布彥德勒格呼固魯克齊阿

巴噶扎薩克郡王阿爾塔什第扎賚特扎薩

克貝勒理藩院額外侍郎拉木棍布扎布右

翼科爾沁郡王僧格林沁喀爾喀土謝圖汗

車林多爾濟扎薩克親王車林多爾濟扎薩

克親王車登巴咱爾阿拉善扎薩克親王貢

桑珠爾默特奈曼扎薩克郡王固倫額駙德

木楚克扎布土默特扎薩克貝子德勒克色楞至

御座前賜酒成禮○是年旌表孝子直隸等省郭興等一百九十四名孝友福建梁升南等二名孝婦江蘇等省蔣袁氏等一百二十四名孝女直隸等省王三姑等九十九口順孫直隸等省龔冕等十名義夫浙江等省章琳等五名守節合例滿洲護軍呈祥妻金佳氏等一百四十口蒙古馬甲烏凌阿妻博爾濟特氏等三十七口漢軍馬甲于亮妻楊氏等三十口內務府從九品銜玉衡妻張氏等三口各省駐防陳秉鏞妻張氏等一百六十三口奉天等省范密妻孟氏等一萬一千九百八十一口夫亡殉節江蘇等省陳釗妻周氏等二百二十一口未婚守志江蘇等省李文淑聘妻王氏等三百二十八口義婢湖北癸花一口百歲壽民婦江西等省楊名賓等七十八名口五世同堂直隸等省王景禹等六十

一家各給銀建坊如例○一產三男直隸等省田景堂等五家○會計天下民數穀數除福建穀數臺灣府民數未報外直隸等省通共大小男婦四萬二千六百七十三萬七千一十六名口存倉米穀二千九百二十七萬四千二百八十四石九斗三升四分

大清宣宗效天符運立中體正至文聖武智勇仁慈儉勤孝敏成皇帝實錄卷之四百六十二

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百六十三

監修奉直院學士王士珍等奉旨纂修宣宗實錄臣等謹將宣宗實錄卷之四百六十三

天所降聖事雖隱而五載紀錄十八次自宣宗實錄纂修官等奉旨纂修宣宗實錄臣等謹將宣宗實錄卷之四百六十三

七倉大臣指掌會同四譯館等作加一版隨帶加六版軍功加三版紀錄五次自宣宗實錄纂修官等奉旨纂修宣宗實錄臣等謹將宣宗實錄卷之四百六十三

內務府大臣指掌會同四譯館等作加一版隨帶加六版軍功加三版紀錄五次自宣宗實錄纂修官等奉旨纂修宣宗實錄臣等謹將宣宗實錄卷之四百六十三

監修奉直院學士王士珍等奉旨纂修宣宗實錄臣等謹將宣宗實錄卷之四百六十三

監修奉直院學士王士珍等奉旨纂修宣宗實錄臣等謹將宣宗實錄卷之四百六十三

道光二十九年己酉春正月庚午朔

上詣

奉先殿行禮○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀

詣

壽皇殿行禮○御乾清宮賜皇子親藩等宴

壬申

高宗純皇帝忌辰遣官祭  
裕陵○

上詣

壽皇殿行禮○諭內閣楊以增奏遵議樽節工

費裁撤冗員一摺據稱發辦工程務求覈實

相沿浮費竭力剔除每歲所需通盤籌計總

期量入為出可省則省並以多設一廳即多

一廳之費現與督臣熟商歸併裁撤等語所

論未始不當惟不可徒託空言必須實踐力

行漸著成效所有節費除弊及裁撤廳員著

該河督斟酌盡善嚴定章程並督飭廳員痛

改舊習覈實辦公如查有虛浮奢侈之員隨

時專摺奏劾立予罷斥以儆其餘庶頹風可

以漸挽而國帑不至虛糜又奏甫經蒞任於

文職佐雜人員尚未逐一接見請展俟來年

彙同甄別等語河員冗濫佐雜尤甚其虛夸

浮侈者一望而知或試以事或採輿論自可

得實何必展限一年未免拘執著該河督隨

時察看。遇有庸劣之員。立即叅奏。勿稍姑息。

○江南河道總督楊以增奏奉旨於養廉銀八千兩外。復加銀四千兩。懇請仍照舊額支領。不敢加多。得旨。所請著不准行。照所添之數支領。

○癸酉。貸江西南昌新建進賢鄱陽萬年星子都昌建昌德化德安瑞昌彭澤十二縣。上年被水災民籽種。○貸給湖南武陵龍陽沅江湘陰澧安鄉六州縣。上年被水災民籽種口糧。○甲戌。給江蘇高淳山陽鹽城高郵東臺江都興化寶應泰興桃源江陰十一州縣及淮安大河揚州三衛。上年被水軍民一月口糧。○加賑安徽懷寧桐城宿松望江貴池銅陵東流當塗蕪湖繁昌。無為鳳陽靈璧五河和十五州縣及泗州衛。上年被水軍民。給和當塗五河桐城靈璧鳳陽懷寧東流宿巢懷遠含山廬江十三州縣災民一月口糧。○乙亥。

上詣

皇太后宮問安。御紫光閣。賜蒙古王貝勒貝子公額駙台吉及外藩使臣呼圖克圖等宴。並賞賚有差。○賞御前行走阿巴噶扎薩克郡王阿爾塔什第紫韁。○命乾清門行走扎賚特扎薩克貝勒兼蒙古侍郎銜拉木棍布扎布在御前行走。○命御前行走科爾沁郡王林沁扎勒贊子頭等台吉多羅額駙阿玉錫哩扎賚特扎薩克貝勒兼蒙古侍郎銜拉木棍布扎布子頭等台吉阿勒塔闊輟爾乾清門行走翁牛特扎薩克貝勒寶拜子頭等台吉特木楚克蘇隆在乾清門行走。○賞乾清門行走科爾沁貝勒貢格喇布坦子頭等台吉桑魯布都特賽色林貝子索哩雅子二等台吉色旺諾爾布喀爾喀扎薩克輔國公多爾濟扎布青海扎薩克頭等台吉棟藏喀爾布土爾扈特頭等台吉齊默特多爾濟花翎杜爾伯特扎薩克貝子貢噶綽克坦教漢貝子達克沁喀爾喀扎薩克貝子索諾木丕



拉濟雙眼花翎○緩徵山東臨清長山濟陽  
禹城臨邑海豐商河滋陽寧陽滕汶上壽張  
冠維高密夏津邱魚臺濟寧德東平東阿惠民  
陽信樂陵鄆城單濮范聊城清平恩金鄉  
三十三州縣並德州東昌臨清濟寧四衛本  
年上忙額賦○給兩淮呂四掘港富安安豐  
梁垛東臺何垛丁溪草堰劉莊伍祐新興廟  
灣十三場上年被災竈戶穀石○丙子  
世祖章皇帝忌辰遣官祭

孝陵○諭內閣嗣後所有咨取熱河額魯特善  
撲內外扎薩克及土爾扈特杜爾伯特等處  
之蒙古善撲均著毋庸來京○丁丑諭內閣  
八阿哥於本年四月初四日辰時入學讀書  
著翰林院編修童福承授讀○戊寅諭內閣  
李星沅楊殿邦楊以增陸建瀛會奏民堰工  
程緊要循案請歸東河廳員管理一摺江南  
沛縣寨子堰工現既漲溜逼刷糧地衝失自  
難資民力補築且該處為運道所經關繫甚

重沛縣河道本屬東河泇河廳專汛所有寨  
子堰工程該督等請改歸泇河同知經營之  
處及應如何添設滾壩分籌蓄洩各事宜著  
鍾祥察看情形勿分畛域覈議具奏○命暫  
停本年經筵○以捐修直隸開州城垣並辦  
大名天津二縣賑務予總督訥爾經額等議  
敘有差○濬直隸溫榆河並修果渠村壩埽  
各工從總督訥爾經額請也○  
上以上辛祈穀於

上帝自是日始齋戒三日○己卯享  
太廟命皇六子奕訢恭代行禮○遣官祭  
太歲之神○緩徵浙江仁和富陽嘉興秀水  
嘉善海鹽石門平湖桐鄉烏程歸安德清武  
康十三縣節年舊欠額賦○庚辰  
上詣  
南郊齋宮齋宿○  
孝全皇后忌辰遣官祭  
陵寢○辛巳祈穀於

上帝

上親詣行禮○諭內閣李星沅陸建瀛奏查賑委員辦理遺濫請旨革審等語江南天妃閭官韓鐸奉委分查鹽城災戶於鄉約送給書差錢文並未親查即行給票致有浮冒遺漏顯有串同侵漁情事似此貪饕庸劣之員必應徹底根究懲一儆百韓鐸著即革職交陸建瀛提同書差人等研訊確情加等治罪斷不准絲毫開脫因思該督等前次奏參查賑

委官張震等三員均係微末佐雜此次所參又係閒官江南候補及實缺正印各官差委甚不乏人何至以此等微員委辦賑務朕實不解豈除此佐雜數員竟無人可委耶著詳晰覆奏不得含混支飾○貸江蘇司庫銀採買災缺兵匠等米○是日立春順天府進土牛春山寶座○壬午

上幸圓明園奉

皇太后居綺春園○詣

安佑宮行禮 癸未

上詣綺春園問

皇太后安○御奉三無私殿賜皇子親藩等宴○諭內閣前據吳文鎔奏酌減漕船幫費並片奏通壩用款減成給發等語當交戶部議奏茲據奏稱旗丁領運例有行月銀米等項以資濟運浙江又於例給之外每石給予津貼銀兩辨運自應裕如乃近年浮費比前增至數倍該撫請將嘉興府屬幫費減去三成

杭州湖州二府屬減去二成若以每石二兩覈計則所謂減去三成二成者較之江蘇松江府最多之四百兩仍增數倍徒有裁減之名並無裁減之實江浙事同一例數目如此懸殊該部自不能歧議况幫費名目瑣屑不堪豈可任其相沿滋弊著吳文鎔將所有名目概行革除斷不准概以空言分別減三減二即著照松江府屬部議成案每船裝米千石幫費至多不准過四百兩以昭畫一議妥

之後據實具奏如幫丁等敢於需索各州縣仍藉詞浮收即從嚴叅辦該撫正當整頓之際一切毫無回護若不趁此時力挽頽風尚何待耶至通壩為交糧總匯幫丁運米交倉該處經紀以費之有無高下其手是通壩陋規實為諸弊之歸宿此弊不除則州縣取之於民幫丁仍索之於州縣而刁難挾制經紀實不免魚肉幫丁積弊相因變本加厲著倉場侍郎悉心查察嚴飭坐糧廳於幫船抵通逐幫親驗如果米色純潔迅即督令斛收無恃經紀等為耳目致令任意挑斥受其愚弄而不知儻查有高下之弊立即嚴辦該坐糧廳等每多上考候簡之員豈竟坐視因循不思振作甘心為眾流之所歸乎轉瞬新漕抵壩爾倉場侍郎等其加意懍之勉之○以左翼前鋒統領奕格為烏里雅蘇台將軍調右翼前鋒統領巴清德為左翼前鋒統領以御前侍衛巴雅爾為右翼前鋒統領調正黃旗

護軍統領恩華為鑲黃旗護軍統領以內閣學士奕山兼正黃旗護軍統領調正黃旗漢軍副都統載增為鑲白旗滿洲副都統以內閣學士綿森兼正黃旗漢軍副都統○予故烏里雅蘇台將軍特依順祭葬如例○甲申上詣安佑宮行禮○御正大光明殿賜朝正外藩等宴作樂賜酒如除夕儀○以兵部右侍郎瑞常署正黃旗護軍統領○乙酉上御正大光明殿賜大學士尚書等宴○丙戌諭內閣朕於謁陵大典連年敬謹舉行今春屆應祇謁東陵本擬擇期前往以伸追慕之忱惟上年京東一帶地方被水歉收蹕路所經不能不借資民力雖節經降旨加恩蠲緩賑卹仍恐民困未蘇益以差徭未免更形拮据所有此次謁陵典禮著暫停前往○戊子

上御山高水長。賜王公大臣蒙古王貝勒貝子公額駙台吉及外藩使臣等食。予故前任成都將軍廉敬祭葬如例。己丑上詣綺春園問

皇太后安。庚寅

孝穆皇后忌辰遣官祭

陵寢。○辛卯諭內閣。激揚大典。覈實為先。滿漢諸臣有能精勤任事。不顧嫌怨者。尤宜甄敘。或年力已衰。或無足錄取者。亦難姑息。茲屆

京察之期。吏部將內外諸臣開單題請。朕詳加酌覈。大學士穆彰阿。潘世恩。戶部尚書賽尚阿。祁寓藻。刑部侍郎陳孚恩。贊襄庶政。矢慎矢勤。而潘世恩年逾八旬。精神強固。尤屬罕遇。朕甚嘉焉。大學士耆英。數年以來。總督任內。諸臻妥協。直隸總督訥爾經額。久任畿疆。無不克盡職守。毫無懈弛。均著加恩。交部議敘。禮部侍郎馮芝。兵部侍郎德厚。年力漸衰。均著原品休致。餘著照舊供職。○轉禮部

右侍郎吳鍾駿為左侍郎。以內閣學士曾國藩為禮部右侍郎。○轉兵部右侍郎瑞常為左侍郎。調盛京工部侍郎道慶為兵部右侍郎。以盛京副都統景淳為盛京工部侍郎。○壬辰

孝聖憲皇后忌辰遣官祭

泰東陵。○諭內閣。本年輪應查閱廣東等省營伍之期。廣東廣西著即派徐廣縉福建著即派劉韻珂浙江著派耆英李芝昌馳驛前往

會同吳文鎔逐一查閱。認真簡校。如有訓練不精。軍實不齊者。即將廢弛之將弁據實劾奏。浙江省鹽務近年辦理果否不致疲敝。有無可議之處。並著耆英李芝昌於開伍事竣會同吳文鎔悉心酌覈。至該省清查事宜。即著耆英李芝昌會同吳文鎔調集卷冊。覈實鈎稽。屆八箇月限滿之期。並著耆英李芝昌吳文鎔將該省倉庫遵照新定章程認真抽查。覈實辦理。所有隨帶司員著一併馳驛。

喀喇沙爾辦事大臣舒精阿奏軍臺卡倫擬照城工勸捐修理得旨依議妥辦不可勒派○以鑲黃旗漢軍都統春山兼署鑲白旗滿洲都統工部尚書特登額兼署鑲黃旗蒙古都統○以御前頭等侍衛西凌阿為鑲黃旗蒙古副都統正白旗蒙古副都統榮玉德署鑲白旗蒙古副都統○調正紅旗蒙古副都統樂斌為盛京副都統○以禮部左侍郎吳鍾駿署倉場侍郎工部左侍郎王廣蔭兼署

戶部左侍郎管三庫事○癸巳以工部右侍郎靈桂兼正紅旗蒙古副都統署貴州巡撫羅繞典奏考察學政考試無弊得旨何必為此應典之舉著發還又奏年終各員密考批既非實任巡撫即可無庸此舉且署篆甚暫單開各員無非不開痛癢一片好話無謂之至著發還○濬江蘇丹徒丹陽二縣運河從巡撫陸建瀛請也○甲午諭軍機大臣等徐廣縉奏偵探香港夷情外示懷柔内存防

範等語覽奏均悉現在該夷裁餉勢難兼顧猶復駕駛兵船張大其勢難保非藉此要挾或乞開煙禁或因前定稅則妄生異議均未可知該督現因夷酋請裁牌照業經酌為裁革均頗欣感又以叻嚨來詢進城一節仍遵前旨反覆開導並恐該酋於文義未能深曉告以不妨俟公務稍暇面為定議所辦均甚周妥惟馭夷之道間諜雖已常通防範不容稍懈總在察其虛實動靜俾夷情瞭如指掌

然後操縱有權不致稍失機宜該督惟當密加探訪務期洞悉情狀時有準備庶防維易周而辦理愈有把握矣將此密諭知之○又諭劉韻珂徐繼畲奏拏獲假冒夷人通事各犯一摺閩省民夷雜處匪徒與夷人交通假託通事藉圖護庇前經降旨令該督等嚴密訪拏漢奸該督等豫令該夷領事將所用通事開單交存以備稽覈茲先後拏獲假冒通事該夷等始終未敢饒舌辦理尚為周妥所

有假冒通事之陳建澄盧阿平鮑守貴著交該督等悉心研訊徹底根究從重懲辦此外暗中勾串不知凡幾仍當隨時嚴密查拏弭患未萌是為至要將此諭令知之○直隸總督訥爾經額奏各屬得雪得旨京師於本月二十四日自寅至辰未得雪將及二寸嗣後或可雨澤應候朕惟叩顙

天恩無誤東作○閩浙總督劉韻珂奏閩浙洋面情形並節次擒獲盜犯得旨所論公正切

當之至卿其勉力認真綏定兩省海疆朕有厚望焉○賞鎮國公繼善散秩大臣○命保送河工工科給事中路慎莊內閣中書曹炯發往南河吏部主事胡連耀禮部主事林懋勳發往東河差遣委用○乙未引見京察三品以下京堂各官得旨照舊供職○修廣東南海縣桑園圍基土隄石隄從總督徐廣縉等請也○丙申

上詣綺春園問

皇太后安諭軍機大臣等前因本年輪應查

閱浙江營伍之期已派耆英李芝昌前往會同吳文鎔認真簡校並令將該省鹽務及清查事宜一併覈辦矣因思王大臣等會議籌用五條在在均關緊要耆英等現赴浙江計經由山東江蘇地方所有河工節浮費裁冗員等務如何酌量裁減方臻妥協以及江浙兩省漕糧折色如何分別覈定方可便民耆耆英李芝昌於行抵各該省時體察情形悉

心酌覈據實具奏耆英係原議之人情形皆所熟籌必能會同李芝昌因地制宜熟商妥議也將此諭令知之○朝鮮國王李魯遣使表賀

萬壽冬至元旦三大節並進貢方物賞齋筵宴如例○琉球國王尚奉遣使表貢方物賞齋筵宴如例○廣東水師提督賴恩爵因病解任以碭石鎮總兵官洪名香為水師提督修湖北省城江隄並荊州府萬城大隄楊林

洲黑窯廠石磯從總督裕泰等請也○丁酉以前任廣東南澳鎮總兵官曾逢年為碣石鎮總兵官○戊戌

孝儀純皇后忌辰遣官祭

裕陵○諭內閣戶部奏州縣經徵錢糧已徵未解請飭嚴催等語錢糧為國家正供應徵應解自宜按限報部豈容掩飾懸宕乃各省奏銷多不足額經該部據冊指駁再四咨查並降旨嚴飭各督撫認真訪察據實奏奏而各

省於已徵未解剋期可以報撥之款竟未查出一案恭及一人是視飭催為具文毫無警畏實屬任意延玩地丁正項既已徵之於民即為現存之款何難登時起解總因不肖州縣私肥囊橐任意侵那各該上司代為彌縫隱忍不奏迨嚴行飭催猶以民欠未完交代未清為口實現計各省冊報未完地丁銀尚有八百六十餘萬兩之多若不及早清釐伊於胡底前以清查庫款降旨以八箇月為限

著各督撫督同藩司按照該部疊次單開認真釐剔其已徵未解各款務於八箇月限內埽數提解迅速報撥儻查有侵虧等弊立即嚴叅從重究辦庶懲一可以警百各督撫經朕特簡重膺疆寄宜如何激發天良力圖整頓以地丁正項即令按期徵解亦屬分所應為乃以分內之事聽州縣任意支吾疊經飭催仍復漠不關心無非為規避督催不力處分豈封疆大吏竟如是居心耶經此次曉諭之後各督撫務宜認真整飭破除情面斷不可仍今不肖州縣藉詞延宕如已徵各款仍有未解一經查出除將各州縣從重治罪外並將各督撫一併嚴處決不寬貸朕言出法隨各督撫其懍之勉之○己亥諭軍機大臣等林則徐奏京控案內原告狡詐支吾具呈挾制並查有妄冀賄和情事一摺此案前經降旨令琦善馳往雲南審辦並將該原告降調知縣廣和革職矣茲據該督奏稱該革員

九

清實錄  
道光二十九年二月

八五五



餘里小民困苦流離實堪憫惻至淡水噶瑪蘭兩廳先經被水田園廬舍多被衝壞人口亦多淹斃被水之後復遭地震小民尤為可憫亟應查勘撫卹以惠災黎著劉韻珂等派委明幹大員迅速前往會同該道府確查情形分別撫卹並將該民人等妥為安頓其委員所帶司庫銀兩如有不敷即照議由該道府籌款撥給務使實惠均霑無令一夫有失別滋事端事竣造冊報銷餘均著照所擬辦理

理○又諭前據李星沅奏新定籌用章程力求有利無弊一摺當交原議王大臣會同戶部叢議茲據議奏並開列折漕酌辦章程六條呈覽積欠一節現經定限八箇月令各督撫飭屬造報自應依限查覈將實在虧短數目先行奏明設法彌補務令有著候朕隨時欽派大臣前往抽查不能獨准江蘇展限該督撫惟當遵照前旨督飭藩司趕辦以昭畫一。至南漕改折一層朕以外省浮收勒折情

形民不堪命意在甦其積困該督撫果能因地制宜酌量輕重以為變通何須通省一律定為科則即準米折銀以百萬石為率係約略之詞亦在該督撫等權衡緩急施行所有該王大臣等會議各條著李星沅即會同江蘇浙江巡撫將新議與舊章悉心參酌妥辦不得概以難辦為詞一奏塞責摺單併發○福建福寧鎮總兵官曹三祝以不諳水師撤任以浙江乍浦協副將孫鼎鼐為福寧鎮總

兵官○壬寅遣官祭

文昌帝君廟○癸卯

上詣綺春園問

皇太后安○直隸按察使恆福奏報到任日期得旨勿生高興見長之心常存秉公叢實之念則得矣○甲辰遣官祭

先醫之神○引見各衙門保送京察一等人員得旨此次京察一等圈出人員著各該堂官再行出具切實考語交吏部帶領引見○

出之滿洲蒙古中書筆帖式等官著歸入理事同知通判內遇有缺出與舊記名人員一體帶領引見漢軍漢人著交部以撫民同知通判等官分別選用工部員外郎宗室文彩起居注主事承恩順天府治中喻元升上諭處委署主事經文戶部寶泉局南廠大使桂林太常寺贊禮郎文光王英國子監助教法朗阿吳文錫均著交部照例以應升之缺升用詹事府筆帖式薩凌鴻臚寺鳴贊英謙均

著改為二等所有內閣侍讀文岳等二百七十四員俱著准其一等加一級○丙午

孝淑睿皇后忌辰遣官祭

昌陵○直隸總督訥爾經額奏省城得雪得旨覽奏欣慰之至京師亦於初四日自申至亥雪不甚大連融化外約可二寸不無小補初六日自丑刻大雪瀰漫無間無斷直至午刻越五時之久午正後猶密霰紛紛至申末止足數四寸有餘朕欣感

天貺代萬姓慶幸也○兩江總督李星沅等奏遵旨將前委查賑之候補道陽金城撤回另委候補道汪根恕馳赴鹽城等縣抽查賑務並河南運到米麥請收貯作為春賞口糧得旨覈實妥辦貪劣官吏不可倖免一人困苦災黎不可輕拋一命庶稍贖朕誓卿等亦當獲福矣勉之母忽○丁未祭

先師孔子命惇郡王奕諒行禮○諭內閣給事中陳壇奏編修童福承品行不端難勝上

書房師傅之任一摺著穆彰阿潘世恩陳官俊明白回奏○戊申祭

大社

大稷命

皇四子 恭代行禮○引見內務府保送京察一等人員得旨此次內務府三院等處京察一等圈出人員著各該堂官再行出具切實考語帶領引見圈出之堂主事文恆委署主事毓清內管領巴哈納堂筆帖式扎拉豐

阿嵩林祥奏錫淳鶴年富生成裕都虞司筆帖式文治會計司筆帖式福長掌儀司筆帖式文興官房租庫筆帖式常繕御茶膳房筆帖式常瑞上駟院委署主事英履筆帖式經文克竣武備院六品庫掌榮林筆帖式德永委署備箭固山達文匯奉宸苑委署主事伊長阿南苑八品苑丞廢成圓明園六品苑丞豫震基光清漪園六品苑丞富明俱著交吏部記名照例選用所有一等官員筆帖式達

他等員俱著准其一等加一級至年已逾歲之寧壽宮員外郎寅珠年力就衰著以原品休致○乙酉命

皇四子 祭

關帝廟○庚戌

孝康章皇后忌辰遣官祭

孝陵○修湖北潛江縣護城隄工從總督裕泰請也○辛亥

上詣綺春園問

皇太后安○諭內閣前據給事中陳壇奏叅編修童福承一摺當令穆彰阿潘世恩陳官俊明白回奏茲據該大學士等覆奏童福承身列詞垣不自檢束致招物議著不准其授讀穆彰阿潘世恩於師傅重選粗率不慎陳官俊於童福承措詞鄙陋原可不論但將該員派充師傅之後何以不即奏聞實難辭咎穆彰阿潘世恩陳官俊均著毋庸充上書房總師傅並均交吏部都察院議處○又諭八阿

哥本年四月初四日入學著改派翰林院編修匡源授讀○又諭祁寯藻杜受田均著充上書房總師傅杜受田著仍授四阿哥讀○復引見各衙門京察一等圈出人員得旨此次京察一等復帶引見各員內除穆蔭洪觀許乃釗沈兆霖徐相車順軌戴鸞翔宗室存誠慶約三壽王棟琦昌貴文長春錫祉俞樹風札克丹布宗室德珩張春育文煜文熙伊霖裕恆英桂烏凌阿恩符毛鴻賓奎英聯芳

無庸記名外。文岳。西拉納。張鏐。馬鑄。蔣琦。淳。呂佺。孫陳。啓邁。吳鼎昌。定保。崔侗。覺羅。炳綱。惠徵。寶璋。廉昌。顧蘭徵。舒津。佛爾國春。恩成。陳景亮。錫霖。桂昌。陳廷吉。張銓。吉爾杭阿。瑞。璜。孔慶。錫椿。壽。瑞春。文廉。崇泰。李恩慶。志魁。曹樹鍾。楊福祺。覺羅。豫立。俱著交軍機處記名。以道府用。○壬子。諭軍機大臣等。奕興。奏。遵查邊外山場情形一摺。覽奏均悉。邊外流氓。屢經查辦。未絕根株。現經該將軍嚴飭統巡總巡各官。認真緝捕。復派蒙古佐領海明。前往邊之内外。查其供給之家。截其運送之路。辦理均屬周妥。嗣後仍當責成該員。督率弁兵。實力查拏。相機懲辦。務令遊匪知懼。不致別生枝節。是為至要。餘著照所擬辦理。將此密諭知之。○癸丑。遣官祭昭忠祠。○復引見內務府京察一等圈出人員。得旨。此次內務府三院等處。京察一等復帶引見各員內。除長山。雙明。瑞璽。廷英。積慶。毋庸記名外。曾

維惠齡。文昭。德新。恆祺。文謙。明秀。卓林。毓泰。俱著交軍機處記名。○貸江南京左。京右。江陰。靖江。孟河。高資。鎮江。蘇鎮標。八營。駐劄災區兵丁一季餉銀。○甲寅。諭內閣。前據耆英。奏敬陳管見一摺。當交大學士。軍機大臣。會同該部。覈議。茲據會議章程。並嚴定處分。分別治罪。各省地丁銀兩。國家正課。攸關。乃已徵未解之款。不可數計。不肖州縣。每遇有覃恩年分。牽混災緩。串通請免。貪巧可恨。嗣後有以完作欠。恣意侵那。膽敢朦混請免者。悉照大學士等新議章程治罪。斷不稍從寬貸。現在勒限八箇月清查。各督撫大吏。自應飭屬認真稽覈。徵存者。即時解司。已解者。剋期奏報。如再有屬員弊混。司庫通融情事。即將該州縣同庫書解交刑部。嚴審確情。擬罪。並將該藩司道府等。嚴議。徇隱之督撫。從重議處。至地丁錢糧。截數限期。例不盡一。應如所議。除廣東應於次年正月。雲南貴州應於次

年三月截數外。餘俱令於十二月底截清。已未完數目造報。按限於次年開印後具奏。不得遲至奏銷屆期。始行奏報。經此次嚴定章程之後。該督撫府尹。如不能督率所屬。力圖整頓。或明知屬員等以官欠作民欠。並將已徵之款延不報解。被人叅奏。或朕別有訪聞。定將該督撫等加以嚴懲。試問能當此重咎否耶。懍之。○乙卯。旌表守正被戕直隸建昌縣武生于珠婢范俊子。○丙辰。

上御勤政殿聽政。○遣官祭黑龍潭

昭靈沛澤龍王之神。玉泉山

惠濟慈佑靈瀨龍王之神。昆明湖

安佑普濟沛澤廣生龍王之神。密雲縣白龍潭

昭靈廣濟普澤龍王之神。○遣官祭圓明園

惠濟祠。

河神廟。○諭內閣前有旨令琦善馳赴雲南審辦控案。惟該督現辦野番事務。將總督印

信交裕誠兼署。琦善著毋庸前往雲南。俟勦番事竣即回省城接印。並兼署成都將軍印務。所有雲南控案著裕誠交卸後馳驛前往審辦。○又諭琦善奏請將勦辦夷務案內溢支銀兩責令升任藩司賠還等語。四川升任藩司劉韻珂張日晟於勦辦馬邊雷波各廳夷務奏明借動銀兩之外。劉韻珂溢支銀一千九百十八兩零。張日晟溢支銀五千五百六十四兩零。現在無款歸補著即責令該二

員照數賠補。以重帑項。餘著照所擬辦理。該部知道。○又諭琦善奏請將地丁錢糧徵未足額銀兩著落升任藩司賠繳等語。四川馬邊廳欠解道光二十六年地丁錢糧銀九百十四兩零。前署藩司劉喜海批令攤賠。虛報全完。經前任藩司陳士枚以丁糧不便攤賠批駁。現在催徵無著。所有欠解銀兩即責令劉喜海照數賠繳。以重庫款。該部知道。○又諭內閣學士載增於召見時輒敢以家事冒

昧陳奏已屬膽大妄為。復將妄奏之語。向伊家內之人洩漏。現經軍機大臣傳訊明白。載增著與伊弟載堪均革去內閣學士。退出乾清門。所管一切差使。全行革退。均加恩賞給頭等侍衛。在大門上行走。○諭軍機大臣等。琦善裕誠奏。野番滋事一摺。四川中瞻對野番工布朗結。膽敢出巢滋事。各土司俱被搶掠。並殺斃民人。殊屬目無法紀。外番狡逞。自相蠶食。原可置之不問。惟恃其兇頑。不惟占

實錄卷一百一十五

去各土司地方。並欲侵占裏塘。為梗塞大路之計。經該督出示曉諭。該野番仍負固不服。似此兇頑。自應及早撲滅。毋令養癰貽患。琦善現在馳往中瞻對督率弁兵。相機受辦。務當迅速剿滅。殲厥渠魁。勿令蔓延肆擾。至前交該督赴滇審辦之案。現已明降諭旨。改派裕誠辦理。所有此案原委。及寄信諭旨。該督檢齊移交該將軍查照遵辦可也。將此諭令知之。○吏部都察院會奏。遵議大學士穆彰

阿潘世恩應降二級調用。協辦大學士陳官俊應降三級調用。得旨。穆彰阿潘世恩均著加恩改為降四級留任。陳官俊著加恩改為降六級留任。俱不准其抵銷。○以詹事府詹事何裕承為內閣學士。兼禮部侍郎銜。太常寺卿書元為都察院左副都御史。○調鑲黃旗蒙古副都統奕山為鑲白旗滿洲副都統。以署正黃旗滿洲副都統西興阿為鑲黃旗蒙古副都統。○以正紅旗滿洲副都統恩華

實錄卷一百一十六

三

兼署鑲黃旗滿洲副都統。吏部右侍郎福濟兼正白旗護軍統領。○丁巳

上詣綺春園問

皇太后安。○己未。兩江總督李星沅奏。災區較廣。所用查賑委員較多。勢不能不飭令該管府縣就近添委教職佐雜各員幫辦。如查有弊竇。其派委不慎之府縣。一併叢叅。得旨。官吏貪廉。自當覈實勸懲。朕尤軫念者。災黎不能均霑實惠。卿等務當時懷淵衷。毋忘己饑。

己溺之心。則善矣。其共勉之。○庚申。旌表守正捐軀直隸曲周縣民劉富起妻吳氏。○辛酉。予安徽盱眙縣捐修湖隄各工。並直隸開州捐修城垣。大名天津二縣辦理賑務各官紳議敘。○壬戌。諭內閣。戶部議奏。楊以增等請撥籌備大汛工需銀一百五十萬兩。著照部議。如數撥給。該河督務飭所屬。撙節動用。不得稍事虛糜。用贍銀數。覈實分別報部備查。惟前據李星沅奏稱。南河每年尋常例用。

宣宗實錄

十

當以三百萬兩為率。自係體察情形。確有把握。據該部查明。南河除例撥二百七十萬兩外。又有各省額解及葦蕩等款銀兩。統計不下三百五六十萬兩。除一年實用三百萬兩之外。尚有餘贍。應於何項款內扣除。著該河督會同李星沅。確覈查明。據實具奏。總期力求節省。不致影射含混。方為不負委任。尋奏。查河庫額收。內除平餘一款。實祇三百四十餘萬兩。又各省額解銀兩。率多拖欠。經前河

臣潘錫恩奏明。河庫不敷銀八十八萬餘兩。除撥補外。仍不敷銀三十八萬餘兩。所有河庫例撥額收等銀。尚有不敷。並無餘贍。下部知之。○又諭。戶部奏遵議陸費瑑奏。裁定漕運浮費等語。湖南幫費。節次裁存。現在並將例外濫索之各項浮費。概行裁革。是幫丁所取。較前有減。而該撫所議歲徵漕費。每石加收銀五釐。幫丁取之州縣者。既少。何以州縣取之於民者。轉有增添。况每年所減。共計若干。並未據實聲明。而每石所增。確有數目。殊失恤民之意。著該督撫嚴禁口袋花紅等項名目。將實在革除數目。查明具奏。仍嚴飭該藩司糧道等。悉心釐剔。明查暗訪。如蹈故轍。即將該州縣嚴叅。加等懲辦。以除積弊。而肅漕務。○癸亥。諭內閣。盛福奏請賞借俸銀修葺墳塋等語。所請著不准行。○甲子。

宣宗實錄

十一

上詣綺春園問皇太后安。○諭內閣。兵部奏幫丁夾帶私鹽。請

飭查失察職名等語。糧船旗丁夾帶私鹽。有干例禁。其失察之領運各幫弁。自應迅速查明咨部覈辦。茲據奏稱上年江南回空漕船夾帶私鹽。有五十餘之多。該幫弁等不實力稽察。致旗丁毫無顧忌。積習相沿。急宜隨時懲處。豈可延玩因循。著漕運總督迅將上年失察各職名。並歷年失察未經開送之一百四十七幫各員弁。及開報遲延各職名。一併查明咨部覈議。嗣後有漕各督撫鹽政。如

欽此

丁

查出夾帶私鹽之案。即將失察職名隨冊咨部。毋再任意延宕。○又諭琦善奏檢舉審擬盜犯錯誤。請旨更正一摺。四川省行劫盜犯董有由一案。該督誤擬絞候。經刑部奏請飭查。現據該督查明。例應斬決。著該部速議施行。琦善著交部議處。該督奏稱係督同臬司親訊定案。所有失出此案之臬司。著一併交部查取職名。照例議處。○乙丑

孝昭仁皇后忌辰。遣官祭

景陵。諭內閣。錫喇布春福奏新墾地畝補撥回戶認種及無人認種各情。請旨辦理一摺。喀什噶爾河東巴依托海地畝。既經該大臣等招撥回戶。分別認種。准其俟本年秋成後。察看情形。酌量升科。至河西阿奇克雅黑地畝。據該大臣奏稱兵燹之後。回子民人喘息未定。暫行停緩認種。著俟民力稍紓。設法陸續招徠。仍遵前旨。妥籌試辦。以收地利。並將現在升科實數若干。造冊咨報戶部查覈。

欽此

丁

丙寅春分朝

日於東郊。遣克勤郡王慶惠行禮。諭內閣。前據鍾祥奏沛縣寨子堰工程。請仍歸江南省民辦。當交軍機大臣會同該部速議具奏。茲據該大臣等覈議具奏。運河一帶隄堰工程。分別官修民修。辦理本有舊章。若將民築民修之工。紛紛改為官辦。工費日增。何所底止。所有寨子民堰工程。前據李星沅等請改歸東河廳員經管之處。著毋庸議。惟該處為運



道所關。著李星沅、陸建瀛會同楊殿邦、楊以增、迅即查照該堰歷屆修工成案。一面奏聞。一面剋日興辦。其滾壩是否必須添設。即由該督撫等酌量妥辦。至該處切近十字河。如遇水漲噴沙。著鍾祥仍責成迦河同知。隨時實力搶撈。如有玩誤。即行嚴叅。該督撫等簡畀重任。惟當不分畛域。任怨任勞。求於公事有濟。轉瞬重運經臨。儻彼此推諉。有誤漕行。惟該督撫及該漕督、河督等是問。懍之。摺併

宣宗實錄

十一

發。○以福建建造補船礮及建修礮臺各工。予六品頂帶鹿澤長等加銜升補有差。○丁卯遣官祭賢良祠。○調直隸布政使溫子異為甘肅布政使。甘肅布政使龔裕為直隸布政使。○戊辰。

上詣

大高殿行禮。○還宮。○欽差大學士耆英等奏東河運河額設廳員六缺。黃河額設廳員十五缺。今會同籌議。請於運河廳官內酌裁臬

河通判一員。黃河廳官內酌裁歸河通判一員。得旨。所奏均悉。

宣宗實錄

十一

大清宣宗效天符運立中體正至文聖武智勇仁慈儉勤孝敏成皇帝實錄卷之四百六十四

大府所掌事務隨帝加五級紀錄十八次自官補典義官歷廷議官吏部尚書錄事直學堂學士爲城守官爲大目結分內  
七舍大府自奉會間一詳院舊係加一級隨帝加六級官加三級紀錄五次自花月湖地設議官文淵閣提舉閣事於部南書總官  
內府大目銀由銀湖洲無地相宜內七舍大府官理人入府銀庫王其神官學道無官開明問成府提督御衣鑄局爲鑄局有太  
監此通解衣者據隨帝加十八級自阿魯阿爾監義官經廷議官吏部尚書隨帝加六級紀錄二十八次自開往路等奉

敕修

上幸圓明園○詣綺春園問

皇太后安○辛未遣官祭

歷代帝王廟。○命皇六子奕訢行成婚禮。○諭內閣。李星沅奏營員查稟互異。請撤回審辦一摺。江蘇常州營散給兵餉。遊擊裕昆與守備張九如所稟不符。經該督委員會訊。始行供出種種支離恍惚。顯有高下其手。散放不均。及藉端剋扣情弊。裕昆著撤任。交該督行提人證卷宗。嚴審確情。按律擬辦。尋奏張

九如訊無剋扣兵餉並散放遲延情弊惟不  
將餘贍餉銀移貯縣庫復擅離汛地遠赴省  
垣遞稟分辯種種紕謬應請革職遊擊裕昆  
並不將張九如已放兩月餉銀據實查出亦  
屬措置失當應請旨交部議處尋議請將署  
常州遊擊金山營遊擊裕昆降二級留任公  
罪准其抵銷餘均如該督所奏從之又諭  
吳文鎔奏遵旨審明議擬一摺已革署浙江  
衢州鎮標左營遊擊薛思齊以稽查為名意

圖訛索擾累商旅實屬貪鄙無恥著即發往  
新疆效力贖罪餘照所擬辦理修江寧省  
城東西水關及後湖等處閘座涵洞從總督  
李星沅等請也壬申以故貝勒綿悌子奕  
縉降襲貝子以翰林院侍講楊式穀充日  
講起居注官癸酉旌表守正捐軀河南修  
武縣民劉聚妻陳氏甲戌諭內閣慶錫奏  
覈實挑補兵丁等語馬蘭鎮所屬曹家路吉  
家營既經查有空名兵糧其餘各營並著確

查究辦嗣後守兵無論遠近均著該總兵自行挑拔以期覈實餘照所擬辦理○又諭慶錫奏官山樹木被竊請將員弁分別懲處一摺此案著交訥爾經額揀派明幹曉事道府大員前赴該處就近提集現獲各犯嚴審確情按律定擬具奏吉家營把總李桐林外委閻積德均著即行革職聽候審訊尋奏李桐林於風水重地擅動耒耜回乾風折樹株並將樹旁細小活樹芟除膽大玩法例應擬斬閻積德隨同砍伐合依為從發近邊充軍例擬發近邊充軍下部議從之○乙亥諭內閣倭什訥盛桂奏副都統印信被竊一摺伯都訥副都統印信被竊雖賊犯現經弋獲而印已殘毀實非尋常疏忽可比值班佐領阿常阿著即革職交該將軍等提同值班各兵訊明有無故縱徇隱情弊按律定擬具奏伯都訥副都統倭克精額著交部照例議處所有該副都統印信著禮部趕緊另鑄奏明頒發

○以工部右侍郎靈桂署刑部左侍郎○准已革陝西固原提督胡超仍食騎都尉世職半俸○丙子  
上詣綺春園問  
皇太后安○丁丑諭內閣盛壇奏銷除旗檔民人之子混入蒙古丁檔請將佐領等官分別懲處一摺此案驍騎校德克金前當領催時聽從已經出旗為民趙有請託將伊子補音圖過繼爾登山為嗣比入丁冊實屬荒謬妄為德克金著即斥革該管佐領納穆吉勒多爾濟未能即時駁飭著交部議處嗣後土默特左右兩翼蒙古戶口著按年清查一次造冊呈報戶司以備稽覈而杜朦混○戊寅步軍統領吏部尚書文慶奏拏獲私挖直隸龍魚山銀礦人犯得肯楊玉貴即楊三劉懷相劉懷太孫大孫三喀勒沖阿即哈姓孫二蔚文即玉姓陸明均著交刑部審明辦理至礦場嗣後應禁應開及如何呈報方准施行之

處著順天府查議具奏尋奏遵飭委員前往  
龍魚山履勘查驗石塊實與頑石無異惟距  
京二百七十里之泥皮山及距京二百里之  
猪窩山等處石塊頗近銀色似屬礦苗當交  
宛平縣飭匠煎煉祇泥皮山礦砂十斤化銀  
三錢餘皆頑石及礬石不等覆查泥皮山礦  
砂稀少成色低微如使官為經理則所入不  
敷所出斷不能以現成之本求影響之利若  
聽民間開採則獲利既微殷商富賈未必前

實錄卷四百五十五

五

往徒令無業遊民借為遁逃淵藪開之無益  
不若封之無弊得旨既據委員查勘明確著  
即嚴行封禁仍飭屬隨時稽查按月結報無  
得虛應故事○修山東運河等廳隄閘各工  
從河道總督鍾祥請也○己卯

孝賢純皇后忌辰遣官祭

裕陵○以詹事府少詹事杜翻為詹事○庚辰  
諭內閣裕泰奏總督衙署不戒於火自請賠  
修並請議處一摺湖廣總督衙門失火延燒

房間焚燬敕書火牌文卷等件裕泰疏於防  
範著交部照例議處所有被燒房間著落賠  
修○辛巳清明節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○命

皇四子祭

孝穆皇后

孝慎皇后

孝全皇后陵寢○遣官祭

端慧皇太子園寢○遣官祭

先蠶之神○諭內閣戶部奏查明積欠案內各款未完銀數請就現辦清查限內一併查辦等語各直省積欠軍需及應扣應追應估變等款除已完並豁免外截至上年十二月止尚有未完銀七百七十餘萬兩之多帑藏攸關豈容屢催罔應且恐官吏侵漁掩飾有

以完作欠等弊現在勒限清查倉庫著各該督撫等查照戶部單開各款併於八箇月限內確切查覈已完者嚴提報撥未完者實力督催並於清查事竣時一同據實造報儻有仍前觀望或查出侵蝕情弊即著指名嚴叅懲辦不准再有玩延以清帑項而昭覈實○  
壬午

上詣綺春園問

皇太后安○兩江總督李星沅奏南漕改折戶

實錄卷四百六十五

八

部例定價值為數甚輕州縣私收折色多則徵收不易少則採買不足且銀價時有長落年景時有不齊不肖州縣明開浮勒之端不法吏胥暗啓訛索之漸種種窒礙變而難通得旨原議王大臣等會同戶部議奏○署貴州巡撫羅繞典覆奏黔省向有水銀硃磺各廠就廠抽課現據定番貴筑兩州縣報獲金龍山及白馬洞等處礦苗甚旺又據貴西道福建報有柞子廠附近清水站地方礦苗豐厚自上年七月起至本年正月止增收新課銀三千八百餘兩至廠戶砂丁自當嚴明禁約現飭該地方官常川查察酌定廠規以十人或二十人為一班責成班長管束設立號簿開明籍貫並取具不敢窩匪甘結稽查彈壓得旨妥協辦理○緩徵江蘇上元句容溧水江浦六合山陽清河安東江都甘泉儀徵銅山豐蕭碭山邳宿遷睢寧海沭陽通泰興二十二州縣並揚州淮安大河徐州四衛毗

連災區積欠額賦○癸未以光祿寺卿青麐為太常寺卿仍留江蘇學政任○命前任浙江按察使周開麒以五品頂帶休致○甲申直隸總督訥爾經額奏本年二月十二日冰泮後永定河水勢疊次增長自八九尺至一丈一二尺不等南北兩岸紛紛蟄陷其並無埽工之處亦多坍塌灘坎當即動用存工料物督率文武員弁隨時搶護現俱一律平穩報聞○乙酉山東巡撫徐澤醇奏報練習省

標各營弁兵情形得旨依議覈實認真勿尚虛文為要○鑲藍旗滿洲副都統綿清因病請解任允之調正白旗漢軍副都統聯順為鑲藍旗滿洲副都統以兵部右侍郎道慶兼正白旗漢軍副都統○以正黃旗蒙古副都統扎拉芬泰署正紅旗漢軍副都統○以詹事府詹事和色本為內閣學士兼禮部侍郎銜○命前任浙江布政使劉喜海以四品頂帶休致○補行道光二十七年軍政陝甘卓

異官五員不謹官一員年老官三員有疾官一員分別議敘處分如例○丙戌

上詣

安佑宮行禮○丁亥遣官祭

先農之神○諭內閣楊殿邦奏請飭催漕船等語現在江南蘇松太漕船僅報開五幫浙江漕船僅報開二幫江廣各幫雖據報開尚未據報出境似此遲延恐逾定限著江蘇浙江安徽江西湖廣各督撫嚴飭地方文武員

弁迅速催趲勿任逗留以利漕運○戊子予

浙江軍營立功病故陝西外委馬建猷祭葬

卹廕○己丑

上詣綺春園問

皇太后安○直隸總督訥爾經額奏報得雨情形得旨京師自本月初八日以來雨雖不大疊次霑濡合而計之亦屬潤足可喜可慶○江蘇巡撫陸建瀛覆奏南漕改徵折色諸多未便敬謹滙陳○原議改收折色即以其銀

分於河南陝西奉天豐收地方購買米麥或招商由海運津等語查定例折米一石納銀一兩其多者亦不過一兩四五錢無論河南等省豐歉不可為常即以招商海運而論二十七年成案每米一石給銀二兩四錢或六錢不等統計大局入不敷出當此國用支絀之時何能更為買米籌款一原議改收折色不惟經費有補且可以甦東南官民之困等語查招商採買例價不敷勢必酌增折價折價過重民何以堪民力不支必多積欠民欠未完必責官墊官墊無償必添那移江蘇數十年來均以墊漕而致虧今又加以折漕將另開一虧空之門恐民困未甦而於國帑大局有礙一原議南漕全折京城米價必昂請酌折成數等語查酌折成數辦理參差幸而年穀豐登折收三成兩成尚徵七八成本色萬一歲事不齊則減米一石即少米一石減折色一分即短採買一分而不肖官吏又多

不可思議之處久之銀短而米更短於京師民食關繫匪淺得旨原議王大臣會同該部議奏○予故休致前任貴州提督張國相祭葬○修湖北襄陽府老龍石隄從總督裕泰請也○除湖南鳳凰永綏乾州瀘溪麻陽保靖古丈坪七廳縣水衝沙壓田六項九十三畝有奇額賦並減硯薄屯田租額有差○庚寅諭軍機大臣等本日據徐廣縉奏熟籌進城一事實屬萬不可行又據葉名琛穆特恩等奏遵旨嚴防並加意撫戢兵民各一摺又據葉名琛片奏進城有害無利斷難隱忍坐視等語覽奏均悉該夷進城之約在當日本係一時羈縻現在該酋堅執前約該督等前奏親赴虎門面晤情形但稱該酋狡執不已若再峻拒勢將滋生事端而於進城究竟可行與否未能縷晰陳明是以朕前經降旨暫准入城一遊亦不過權宜之計期於少生枝節若如該督等此次所陳該夷必欲進城其

居心實不可問。婉阻之未必遽開邊釁。輕許之必至立啓兵端。層層奏明。朕始悉其底蘊。自應照該督等所議酌辦。現在該省兵民互相保衛。共有十萬之眾。是眾志成城。自當勸其同仇。何可使之解體。且據葉名琛穆特恩等奏稱。內河外海。現飭一律嚴防。不至有疏虞。著徐廣縉等。即就現辦情形。隨時體察外患。固屬堪虞。內變尤為可慮。務當固結民心。激揚士氣。以安民為撫夷之本。仍飭水陸各營。處處防範。萬不可稍有疏失。方臻妥善。惟兵貴精而不在多。人數既眾。未必人人有勇。知方。從前有暗釘礮眼。私自送信。走漏消息。鄉民及兵丁內。均難免此種叛徒。若一味信其甘言。恐臨時不免挫衄。至於看守礮臺之兵。尤當擇其有身家保結者。方可信任。前車之鑒。切宜留心。其各省海口。應否密為知照。令其豫防竄擾之處。並著該督等酌量妥辦。僕察看夷情尚順。無須知照。亦在該督等

相機而行。總之該夷聞風畏懼。卑詞厚貌。不肯深入。受創其暗中含沙射人。固在意計之中。即心內深恨。不能遂願。外作好語。與粵之兵民故作游移。而另圖遠謀。為擾我腹心之地。其狡詐亦應加意體察。該督等同心敵愾。深堪嘉尚。操縱之法。朕絕不為遙制。僅使沿海各省。皆能如此。足食足兵。朕無憂矣。將此由五百里各諭令知之。○以太常寺少卿瑞麟為內閣學士。兼禮部侍郎銜。○辛卯直隸布政使龔裕奏。報到任謝恩。得旨。直隸情形。汝自熟悉。秉公覈實。必能無誤。勉力為之。○壬辰。欽差大學士耆英等覆奏。現抵清江。面晤河臣楊以增。令其裁汰冗員。據稱黃運兩河二十三廳內。惟常鎮道屬揚運通判工程較簡。應歸併江防廳。改為江運同知。又丹陽縣丞靈壁主簿呂梁巡檢三缺。均可一併裁撤。得旨。所奏均悉。○以宋儒程頤後裔廣德襲五經博士。○甲午。諭內閣。戶部。錢法堂。奏



請飭催銅鉛各運等語。所有雲南已報自漢開行之丁未年三起馮祖繩已出四川境之正運四起楊為翰加運一起曹學儉已入四川境之加運二起余居寬戊申年正運三起管諧鐸自瀘開行之正運一起吳開陽正運二起王觀潮貴州已入安徽境之己酉年上運一起胡霖樹已入四川境之上運二起壽元渭下運一起崇璟已出四川境之下運二起桂隆均未據報行抵何處。若再任意逗留

實錄卷四百六十五

十五

勢必貽誤鼓鑄著沿途各督撫將在境銅鉛船隻迅速派員會同經過地方文武員弁無分晝夜迎提催趲。總於禦黃壩未啓以前全數趲抵清江。過壩後責成漕運河道各總督飭令插檔行走俾資迅速。至未經咨報開行之雲南戊申年正運四起加運一起加運二起著雲貴總督雲南巡撫嚴飭廠運各員迅速開兌開行。毋稍延誤。儻該運員藉詞延宕地方官催趲不力。即著該督撫指名嚴叅以

肅運務而濟要需。○乙未裁山東泉河通判一員河南歸河通判一員守備一員從河道總督鍾祥等請也。○丙申以故不入八分輔國公西朗阿子成至襲爵。○丁酉

上詣綺春園問

皇太后安。○直隸總督訥爾經額奏報各屬糧價得旨御圍於廿七日亥刻雷雨交作。又得雨三寸有餘。不獨田苗有益而上下之氣通暢矣。○戊戌諭內閣前經降旨毋庸截取之

實錄卷四百六十五

十六

湖南舉人唐懋著照禮部舊例給與八品京銜嗣後有舉人不准截取者著照此辦理。○諭軍機大臣等徐廣縉葉名琛奏查拏陽山英德等縣匪徒知縣營員均各受傷並都司被匪拒斃現在調兵勦辦一摺廣東向多匪徒現當防夷喫緊之際該匪等糾集多人輒於廣州韶州兩府交界各處肆行無忌迨經地方文武各員督率兵勇馳往追捕該匪等竟敢抗拒殺斃都司復致死兵丁多人更傷

及知縣營員。實屬目無法紀。行同叛逆。必應大加懲創。該督等現已飛咨祥麟。並劄調鎮將。選帶各營兵丁。分路進剿。又飭臬司趙長齡。馳往會辦。著即相度事勢。分據要隘。四面兜剿。仍咨會廣西。江西。湖南。在於毗連處所。併力堵截。務期剋日撲滅。埽數殲除。毋令蔓延。稍留餘孽。一俟剿捕竣事。著即由驛馳奏。以慰朕念。所有格斃數匪。旋被匪徒砍傷身死之都司李惟上。並傷亡各弁兵。均著分別

實錄卷四十五

十七

咨部照例給予恩卹。將此諭知徐廣縉。葉名琛。並傳諭趙長齡。祥麟。知之。

大清宣宗效天符運立中體正至文聖武智勇仁慈儉勤孝敏成皇帝實錄卷之四百六十五

實錄卷四十五

十八

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百六十六

天府府尹事。以爲此級紀錄十八次。有相繼紀錄。茲以議官吏部尚書級。於漢書本紀。爲經和官。乃內官。乃大儒。故內  
七倉大臣。特奏會同。詳錄事。給以一級。補事。加六級。事功。加三級。紀錄五次。花翎。補廷議官。大湖。開。金。龍。關。事。於。蘇。南。高。松。官  
內。降。行。大。臣。欽。白。張。萬。洲。都。統。饒。家。內。以。食。大。臣。管理。宗。人。府。政。庫。左。翼。副。都。統。官。事。在。官。官。國。則。用。年。長。積。功。官。事。於。蘇。南。高。松。官  
新院連府。府。降。降。等。加。十。一。級。日。阿。家。欽。副。都。統。官。於。蘇。南。高。松。官。加。二。級。紀錄。二十。次。其。官。職。降。等。未

道光二十九年己酉夏四月己亥朔享

太廟遣惠親王綿愉恭代行禮。庚子旌表守  
正捐軀安徽石埭縣民施必達妻蘇氏山西  
永寧州民李幅慶妻杜氏。辛丑諭軍機大  
臣等徐廣縉葉名琛奏確探夷情現在調兵  
嚴防一摺覽奏已悉進城之不可行已由該  
督等備文照會並探知香港復到有兵船及  
火輪船隻且有雇坐小艇分往海口測水探  
路情事所有虎門外海各礮臺現經調集香  
山等營兵丁並雇募壯勇分飭嚴防所辦尚

合機宜。儻該夷竟敢肆其豕突狼貪。該督等惟當申諭將弁兵民上下聯為一體。出奇制勝。其應如何設伏策應之處。必應先有把握。一俟賊勢逼近。礮皆有準。矢無虛發。一鼓作氣。方足制其死命。至該督等所稱夷酋咳嗽。現因中國不受要挾。外夷復多怨咨。勢處兩難。較前已似有乘機轉圜之意等語。現在城內居民恨夷切骨。惟恐其不受創。該督等所稱乘機轉圜之處。似不出於民而出於商。其如何寢議諒已詳奏在途。難以懸揣。大抵該夷受撫之後。必仍通商。彼時厚貌深情。切須防其猝然內犯。該夷伎倆不過如此。該督等斷不可稍涉大意。是為至要。將此由五百里諭令知之。○壬寅。兩江總督李星沅因病解任。以江蘇巡撫陸建瀛為兩江總督。調江西巡撫傅繩勛為江蘇巡撫。○調湖北提督羅應鰲為甘肅提督。甘肅提督博勒恭武為湖北提督。○湖南提督王宗貴以年老休致。賞

食全俸○准大通橋車戶承買黑豆二萬石  
津貼車價○癸卯

上詣綺春園問

皇太后安○諭內閣吉明德齡奏邊外安靜情形並在逃回子全數投回一摺喀什噶爾英吉沙爾二城在逃回子一千餘名口現經全數投回雖在一年限外所有原業田產加恩仍准給還以示體恤並著該城大臣督飭該阿奇木伯克等妥為安置勿令滋生事端○

諭軍機大臣等吉明德齡奏霍罕收取卡外租稅被布魯特將該夷目殺害潛逃等語覽奏均悉卡外蠻觸相爭事所恆有撫馭之道但當處以靜鎮聽其自然毋須過問致啟曉瀆該大臣等既經密飭三城暗加防範自應將各城滿漢防兵認真訓練軍械礮火隨時檢齊務須餉足兵精時存有備無患之意仍不時妥飭員弁偵探該夷動靜據實稟報毋許貪功多事是為至要將此諭令知之○馬

蘭鎮總兵官慶錫奏巡查火道校閱官兵情形得旨所見是必當覈實認真公信勤明守而勿變可矣○以江西布政使費開綬為巡撫○以湖南永州鎮總兵官英俊為提督○浙江台州協副將雙德為永州鎮總兵官○甲辰諭內閣本日據吏部戶部奏文職借支養廉部文知照與原籍咨覆不符請飭查辦各等語戶部貼寫書吏韓思蕙著交刑部嚴訊所有戶部查出吏部原文是真是偽著交刑

部研訊覈對務須水落石出以成信讞尋奏訊明冒領養廉屬實承辦經承章鴻等均已病故無從傳問貼寫韓思蕙於偽文冒領重病失於覺察事後輒畏累掩飾韓思蕙應依倉庫官吏知盜用錢糧匿而不舉與犯人同罪至死減一等律擬杖流冒領錢糧如何賠補由戶部酌辦失察之司員查取職名照例議處從之○以山西按察使陶樸為江西布政使甘肅甘涼道春熙為山西按察使○廣

西右江鎮總兵官佛隆親老乞養允之。以服闋總兵官惠慶為右江鎮總兵官。○以捐修城垣賞山東同知銜知縣黃良楷花翎。○乙巳諭內閣。德勒克多爾濟等轉奏喀爾喀四部落汗王並庫倫堪布諾們汗等。因哲布尊丹巴呼圖克圖涅槃呈請公同捐貲。在西藏熬茶修墓等語。著照所請。准將喀爾喀四部落汗王貝勒貝子公扎薩克等俸銀三萬兩。及呼圖克圖賞項銀兩。緞匹等項。並准徒眾捐銀四萬兩。於明年解往西藏熬茶修墓。○諭軍機大臣等。有人奏山東洋盜情形。請飭懲辦等語。據奏登州萊州洋面上年有盜匪在石島煙臺各島嶼盤踞。截劫商人。柳同興黃裕隆等船隻五十餘起之多。繼復登岸搶掠。文武各官並不實力兜拏。縱令飽颺。並現在寧海一帶復肆蠢動。似此諱盜殃民。實堪痛恨。洋面不靖。固宜嚴飭水師兵弁。於海口各要隘及港汊紛歧處所。實力巡邏。認真拏

辦。惟該匪等膽敢登岸滋事。擾害閭閻。必有巢穴。著徐澤醇督飭所屬文武將吏。於沿海各地方偏僻山塢。窩遠村鄉。嚴密探查。務須掃其巢穴。不留餘孽。並恐勾結鄰郡各匪徒。聯為一氣。此拏彼竄。尤不可不防其漸。該撫當認真督緝。嚴拏懲辦。以靖海疆。而除積蠹。將此諭令知之。○又諭前召見分發陝西試用知府黃培燦。察其才具。難勝知府之任。著張祥河於該員到省時。留心察看。如於公事未能明晰。即據實甄劾。毋許姑容。將此諭令知之。尋奏黃培燦才難勝任。請以同知歸部銓選。從之。○丙午諭內閣。此次演礮炸裂。致傷斃礮手之德勝門城門領海貴門千總王燦均著交兵部嚴加議處。傷斃之礮手並被傷兵丁著酌量賞卹。○又諭前據李星沅陸建瀛先後具奏南漕改折。流弊易滋。諸多窒礙。各等語。當交原議王大臣等會部議奏。茲據悉心覈議具奏。應如該督撫所請。毋庸議

折。本日適據者英奏到。南漕暫緩改折一摺。朕詳加披閱。折漕之議。原因外省州縣折色過重。徒充私橐。轉絀正供。因力求變通。令各就往年徵糧實數。酌減徵收。期於興利除弊。既據該督等以種種格礙難行。分晰陳奏。惟恐不肖州縣。借折色之名。抑勒倍取。是便民之舉。轉致病民。亦不可不防其漸。所有各省漕糧。著准其仍照舊章辦理。毋庸分成議折。但變通既恐滋弊。守舊宜復成規。漕糧為天

庾正供。不容顆粒短絀。封疆大吏。尤當激發天良。隨時整頓。嗣後務須實力徵收。全漕兌運。儻各屬有捏災誣荒。及官吏私徵中飽。州縣浮收勒折等弊。必應嚴加釐剔。其不肖州縣。肆無忌憚。如敢浮收勒折。病民肥己。一經查出。即著指名嚴叅治罪。毋稍姑容。該管上司。儻有意存徇庇者。著一併從嚴叅辦。經此次申諭之後。如該督撫等仍漫不經心。諉之於弊難周察。相率因循。或不竭力思辦。全漕

任聽屬員捏報災歉。朕惟有執法從事。恐該督撫等不能當此重咎也。懍之慎之。將此通諭知之。○又諭前任都察院左都御史沈岐係休致之員。其胞姪現應本籍鄉試。著照例毋庸編入官卷。嗣後應試生員。何項編入官卷。必應畫一辦理。著禮部議奏。尋議。嗣後休致各官。由該員自行陳請。無論告病告老。奉旨休致者。以乞休論。准其編入官卷。其奉特旨休致者。概以勒休論。毋庸編入。○署事

之員。若該員本缺。原應編入官卷。或降革後奉旨署理他缺。仍在應編官卷之列者。請一體編入。從之。○又諭著英現在患病。所有浙江營伍。著改派劉韻珂。於本年秋冬前往認真簡閱。季芝昌著仍遵前旨。前赴浙江會同吳大鎔。將浙江省鹽務及清查倉庫各事宜。悉心酌覈辦理。均毋庸閱伍。○大學士耆英因病乞假。允之。並賞人蔭八兩。命俟病痊。緩程來京。○丁未。諭內閣。京師各門所存步軍

統領安置信礮著八旗漢軍都統等派委明幹章京逐細查明有無損壞情形如有應行修理更換之處據實奏明覈辦以免演放時炸裂○諭軍機大臣等徐廣縉葉名琛奏喫夷不敢進城一摺均已覽悉所辦可嘉之至卿等讀硃批之語具見朕欣慰之忱早晚事竣必膺懋賞現在喫夷之不敢進城既因省城防衛森嚴並經紳士公函勸導深知眾怒難犯又因夷商停止貿易尤為大受牽制若

非該督等確有把握安能操縱自如惟夷情詭譎難保不貌為誓服仍圖猝然內犯或緩圖攻我腹心亦不可不防所有水陸設伏及城廂保衛自當如前慎密該夷既不畏兵而畏民則收服民心即可化其驕而制其命至於各省海口應否隨時知照防範之處著仍遵前旨相機籌辦務令無隙可乘有威可畏則該夷不敢再萌希冀之想夷酋以見官為轉圜其如何接見受撫之處及照覆如何立

言諒已詳奏在途發去黃辦珊瑚豆大荷包一對小荷包四箇白玉四喜搬指一箇白玉煙壺一箇著徐廣縉祇領先嘉汝功以俟後命將此由五百里諭令知之○兩廣總督徐廣縉等奏喫夷不敢進城其計已決得旨所辦可嘉之至朕心甚慰如此棘手之事卿不動聲色使彼自屈較之軍功尤堪嘉尚又奏呈廣東紳士公致喫夷咬首信稿批遠勝十萬之師皆卿胸中之錦繡幹國之良謀嘉悅

之懷筆難盡述也○己酉准前任禮部侍郎杜壻重赴鹿鳴筵宴賞頭品頂帶太子太保○以翰林院侍讀學士錫齡為詹事府詹事○以江蘇團練水勇有效予勇目周鼇胡維榮以千總拔補賞藍翎○庚戌

上詣綺春園問

皇太后安○辛亥旌表守正被戕四川資州民鄧芝泰女招秀○癸丑諭內閣夷務之興將十年矣沿海擾累糜餉勞師近年雖略臻靜

謚而馭之之法。剛柔不得其平。流弊愈出愈奇。朕深恐沿海居民。有蹂躪之虞。故一切隱忍待之。蓋小屈必有大伸。理固然也。昨因瑛夷復申粵東入城之請。督臣徐廣縉等連次奏報。辦理悉合機宜。本日又由驛馳奏。該處商民深明大義。捐資禦侮。紳士實力勸勸。入城之議已寢。該夷照舊通商。中外綏靖。不折一兵。不發一矢。該督撫安民撫夷。處處皆扶根源。令該夷馴服。無絲毫勉強。可以歷久相

安。朕嘉悅之忱。難以盡述。允宜懋賞。以獎殊勲。徐廣縉著加恩賞給子爵。准其世襲。並賞戴雙眼花翎。葉名琛著加恩賞給男爵。准其世襲。並賞戴花翎。以昭優眷。發去花翎二枝。著徐廣縉葉名琛分別祇領。穆特恩烏蘭泰托恩東額。洪名香祥麟合力同心。各盡厥職。均著加恩照軍功例。交部從優議敘。候補道許祥光著加恩歸入新班遇缺先用。不論繁簡道員缺出即選。候補郎中伍崇曜著加

恩以道員不論雙單月歸部選用。該二員並賞給三品頂帶。所有粵東文武各員著徐廣縉等擇其在事尤為出力者酌量分別保舉。候朕施恩。至我粵東百姓素稱驍勇。乃近年深明大義。有勇知方。固由化導之神。亦係天性之厚。難得十萬之眾。利不奪而勢不移。朕念其翊戴之功。能無惻然有動於中乎。著徐廣縉葉名琛宣布朕言。俾家喻戶曉。益勵急公向上之心。共享樂業安居之福。其應如何

獎勵並分別給予扁額之處。著該督等第其勞勩。錫以光榮。毋稍屯膏。以慰朕意。○貸江蘇蘇松等屬幫丁緩缺行月米石。○以廣東督糧道柏貴為按察使。○甲寅以副都統銜駐藏大臣穆騰額為鑲藍旗蒙古副都統。○

乙卯

孝端文皇后忌辰遣官祭

昭陵。○諭內閣徐澤醇奏請將抗官拒捕比例擬絞之幅匪歸入秋審情實辦理一摺所擬



是此案沂州府屬幅匪聚眾抗官拒捕情罪較重。未便因原辦係屬比例從重擬絞。量予緩決。所有郭喬解安兒二犯均著歸入本年秋審情實辦理。以嚴法紀。○以審辦山東捻幅各匪。予知府陶慶增道銜。○修山東濟寧等州縣衛民埝。從巡撫徐澤醇請也。○丙辰撥四川撫邊屯小麥二千石。接濟崇化屯糧。○丁巳硃諭軍機大臣等本日又獲甘霖地面一定溼滑。潘世恩可無庸進慎德堂。雖有扶掖之資。難紓眷念之意。諸卿等於登下扁舟。亦當在意在意。○戊午常雩祀

天於

園丘。命皇六子奕訢恭代行禮。○庚申諭內閣徐廣縉子爵葉名琛男爵均著准其以一等世襲。○辛酉諭內閣前因福建陸路提督徐華清於閏伍摺內保舉營員。當交劉韻珂察看。茲據該督覈奏該員張定亨曹振鳳平日辦理營務尚能實心均屬長於訓練著照該

提督原請署提標中軍參將龍巖營遊擊張定亨泉州城守營守備曹振鳳准其各以應升之缺儘先升用。○定郡王載銓等奏會議雲南礦廠章程四條。一寬鉛禁。礦廠既由商民採辦。必令沾有利益。若黑鉛一概禁賣。勢必盡為棄物。應准將底銷出售。令廠員編號填給照票。一減浮費。商民備有資本。少一分剝削。即多一分沾潤。應曉諭刪除浮費。庶不至畏累不前。一嚴法令。礦廠地廣人眾。自應

有

有犯即懲。惟差委各員不知體要。往往釀成事端。宜選廉明公正之人駐廠彈壓。庶克消患於未萌。一杜詐偽。礦廠向係朋開。必見有好礦而後合夥。詐偽之徒。每以裝點樣礦。哄騙出資。尤當嚴行懲治。從之。○福建南澳鎮總兵官陳顯生因病解任。以江南太湖協副將顧清連為南澳鎮總兵官。○壬戌調鑲紅旗漢軍副都統瑞常為正藍旗滿洲副都統。以病痊副都統阿彥泰為鑲紅旗漢軍副都

統○癸亥旌表守正捐軀湖北潛江縣民吳懋貴女吳氏○甲子諭內閣榮玉穗奏查出旗務積弊著派福濟明訓陳孚恩張芾調齊卷宗逐款秉公查辦○乙丑諭內閣羅繞典奏籌款湊支兵餉並請飭協餉省分依限撥解一摺貴州省應放本年夏秋俸餉不敷自應籌款湊放所有業經部撥未據解到銀四十八萬兩零著准其在於司庫積存雜稅等款銀內動支湊放俾資接濟至該省各營兵餉歷係先期領放若解到稍遲即緩不濟急著江西浙江各巡撫嗣後應解黔省兵餉務當按年先期依限起解以免延誤○丙寅以捐修江蘇淮安府城垣賞通判王履益藍翎餘升敘有差○丁卯	孝慎皇后忌辰遣官祭陵寢
---	-------------

大清宣宗效天符運立中體正至文聖武智勇仁慈儉勤孝敏成皇帝實錄卷之四百六十六
--------------------------------------

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百六十七

監修總裁官院庭日講起居注官太子太保體仁閣大學士文淵閣領閣事管理戶部事務工部房總師傅翰林院掌院學士兼管順

天府府尹事務隨帶加五級紀錄十八次。臣費振慈職官經定講官吏部尚書鑲藍旗漢軍都統管理新營城內官房大臣稽察內

七倉大臣稽察會同四譯館事務加一級隨帶加六級軍功加三級紀錄五次臣花沙納經筵講官文淵閣提舉閣事兵部尚書總管

内務府大臣鑲白旗滿洲都統積霖內七倉大臣管理宗人府銀庫左翼幼官學  
奕壽宮圖明圓等處精捷營御膳房御藥房去

醫院建群處事務簡章加十八級。阿重阿副總教官經超額官兵部面書簡章加六級紀錄二十次。周祖培等奉

救修

道光二十九年己酉閏四月戊辰朔○己巳

新授兩江總督陸建瀛奏謝升任恩得旨責  
任匪輕以卿之才力朕看必能勝之慎勉振  
作克副朕厚望焉○修直隸獨石口千家店  
兵房從察哈爾都統雙德等請也○庚午諭  
軍機大臣等南澳鎮總兵一缺昨已以顧清  
連簡補矣水師人才本屬難得顧清連前任  
太湖協副將即使熟悉內河情形而於閩粵  
大洋恐未能諳習風濤巡哨即難期得力且  
朕於召見時察其才具並非鎮將中出色之

員著劉韻珂於該員到任後詳加察看或人地未宜奏請對調或竟才不稱職難以姑容均著覈實辦理將此諭令知之○辛未諭軍機大臣等現在選補廣東惠來營遊擊賽沙春一員係由捐輸議敘升任前經陝甘總督布彥泰奏稱該員弓馬平常今已選授遊擊且係海疆重地操防一切關係匪輕著徐廣縉於該員到任後詳加察看如果弓馬生疏營務難資整飭即著據實甄劾毋稍姑容將

此諭令知之。尋奏賽沙春步射輒弱。難期勝任。應請勤休從之。○賞江南淮海道顏以燦三品頂帶。署河東河道總督。○壬申。諭內閣奕興慶祺景淳奏請將宗室覺羅學正副管長革職一摺。盛京宗室覺羅學正管長兼族長吉瑞慶成覺羅學副管長筆帖式穆精額於該將軍等考試學生時將不堪取中試卷指名求取。經該將軍等面斥其非。仍復瀆懇。必從己欲而後已。實屬膽玩營私。大干法紀。

僅予革職。豈足蔽辜。吉瑞慶成。穆精額。均著先行革職。一併解京。交宗人府議罪。○前任兩江總督李星沅。奏謝准其回籍調理。恩得旨。一俟痊愈。即行來京。朕切望之。至卿當諒之。○癸酉。諭軍機大臣等。寄諭兩廣總督徐廣縉。廣東巡撫葉名琛。閩浙總督劉韻珂。福建巡撫徐繼畲。兩江總督陸建瀛。江蘇巡撫傅繩勛。浙江巡撫吳文鎔。給事中曹履泰。奏。喚夷馴服。一切善後事宜。當妥為籌畫。一摺。

現在喚夷罷議進城。照舊通商。以後民夷自可歷久相安。惟夷情好動。遇事生風。仍不可不防其漸。若如該給事中所奏。近聞喚夷改裝易服。前歲有入蘇州遊玩之事。所有五口通商地方。人煙稠密。難保不任意嬉遊。潛蹤混入。甚或藉端生釁。以致激成事端。所關匪細。著各該督撫密飭所屬。各於通商馬頭。剴切密示。常川稽查。總以遵守舊約為詞。毋令夷人越境閒遊。庶可永弭後患。是為至要。將

此各諭令知之。○命刑部右侍郎陳孚恩。戶部右侍郎福濟。馳往甘肅查辦事件。○調湖北巡撫趙炳言。為湖南巡撫。以貴州布政使羅繞典。為湖北巡撫。湖北按察使駱秉章。為貴州布政使。山西歸綏道椿壽。為湖北按察使。○甲戌。江西九江關監督士魁。奏製造圓珙磁器名目件數。得旨。勾除者十六項。自本年永停燒造。此冊發往九江關監督衙門。作為交代。從前按節令。按花文之鄙例。再不能

除。些些小事。尚然如是。可恨可惡之至。總之有用之物。不嫌其多。繁文世俗。必當力屏。初不在數十種磁器也。○以兵部左侍郎瑞常。兼署戶部右侍郎。管錢法堂事務。禮部左侍郎聯順。署京營右翼總兵。○乙亥。以通政使司副使法福。禮為太僕寺卿。○丙子。諭內閣。徐廣縉。葉名琛。奏提臣暫緩出洋等語。廣東水師提督洪名香。著准其暫緩巡洋。該提督因破臺兵丁口糧不敷。自捐廉俸。按名加賞。

藉資鼓舞。洪名香著加恩賞加二級並准隨帶。○以本年鄉試考試應開列試差人員於圓明圓正大光明殿。○以緝獲鄰境巨盜多名。予廣東守備鄧勳都司銜。○丁丑諭內閣惠親王之第四子著命名奕詢。第五子著命名奕詳。○又諭此次考試差人員著毋庸帶領引見。○戊寅旌表守正被戕安徽宣城縣民王玉孜妻汪氏。○庚辰江南河道總督楊以增奏。山盱廳屬續啓智信兩壩湖水仍見加長。現在相機經理。權其輕重。籌商妥辦報聞。○辛巳諭內閣琦善奏親督漢土官兵進剿中瞻對野番大獲勝仗一摺。此次中瞻對野番工布朗結出巢滋事。將各土司印信號紙土地人民肆行搶掠。復欲侵占裏塘。勢將梗塞通藏大路。經琦善統帶官兵督飭將弁及土司等行抵該處。該野番頭目膽敢帶領賊番前來衝突。我兵開礮轟擊。槍矛齊施。傷斃賊目二名及羣匪二百餘人。餘匪逃竄。

復追殺無數。並奪獲牛馬甚多。賊目噶羅布恰必阿索均落崖身死。現仍詳探路徑。籌充糧餉。以期搗穴窮擒。所辦尚好。琦善調度有方。著交部議敘。所有此次進剿之將弁等並著擇其尤為出力者酌量保奏。候朕施恩。毋許冒濫。○予故葉爾羌參贊大臣吉明祭葬如提督例。○壬午命

皇四子

黑龍潭神祠。皇六子奕訢詣靜明園。

龍神廟。皇七子奕譞詣清漪園。

龍神廟拈香。○以葉爾羌幫辦大臣德齡為參贊大臣兼提督銜。伊犁領隊大臣忠泰為葉爾羌幫辦大臣。正白旗蒙古副都統榮玉德為伊犁領隊大臣。○調正藍旗漢軍副都統珠勒亨為正黃旗滿洲副都統。以塔爾巴哈台領隊大臣伊勒東阿為正藍旗漢軍副都統。○以翰林院侍講學士英瑞充日講起居注官。○癸未諭軍機大臣等前召見部選

甘肅平慶涇道范懋德察其才具中平恐難勝道員之任著布彥泰於該員到省後隨時留心察看能否勝任據實具奏將此諭令知之○甲申諭內閣慶錫奏拏獲盜伐回乾樹木人犯請解交刑部審辦一摺民人蘇喜兒孫發在

昭西陵東面紅椿以內竊砍回乾樹株龐順即校尉文祥身充官役膽敢收買實屬藐法著一併解交刑部嚴行審辦馬公著聽候傳質

該管將備即時將該犯全獲功過尚足相抵應得處分著加恩寬免○命新授伊犁領隊大臣榮玉棣留京當差調吐魯番領隊大臣文興為伊犁領隊大臣賞內閣侍讀學士特克慎頭等侍衛為吐魯番領隊大臣○以翰林院侍講金國均充日講起居注官○乙酉諭內閣刑部奏現審案內牽涉現任知縣請飭提訊等語此案前充工部書吏現署直隸臨榆縣知縣章桂聯於銷算修墊橋道稿件

輒函寄現充書吏章克敬囑託趕辦並許給謝銀虛實必應徹底根究著直隸總督即將章桂聯先行解任派員押解送部歸案質訊○又諭奕興樂斌奏發遣覺羅在配不安本分請旨懲辦一摺覺羅泳住前因毆傷人命擬絞緩決三次改發奉天到配後不思改過自新輒犯賭博復以負欠無償挺身妄控意圖訛詐實屬怙惡不悛泳住著發吉林交該將軍嚴加管束以為在配滋事者戒○以都

察院左都御史柏後署鑲黃旗蒙古都統○丙戌命兵部右侍郎戴熙毋庸在南書房行走上書房行走翰林院侍講沈兆霖在南書房行走內閣學士葉觀儀授惇郡王奕誼讀○丁亥賞哲布尊丹巴呼圖克圖之父綏納木五品頂帶花翎○戊子諭內閣王植奏查明印委各員玩誤要工請一併先行革職一摺安徽無為州知州劉汝剛候補直隸州知州張應雲於督辦該州境內青山圩隄壩要

工未能常川駐工催趲。僅委土橋汛巡檢秦錫棠就近管理興工較遲。以致缺口復被衝刷。該印委各員等任意因循。均屬玩誤。要工劉汝剛。張應雲。秦錫棠著一併先行革職。該撫仍飭司另委幹員。督同趕緊挑築。所有補挑一切工程。即責令原修之員賠修。以示懲儆。○己丑旌表守正捐軀安徽阜陽縣民楊咬妹楊氏。○庚寅諭內閣穆騰額奏哲孟雄部長懇赴後藏瞻禮等語。哲孟雄部長來藏瞻禮。本有定限。現在雖未屆期。念其懇切。稟請加恩。准赴札什倫布度誠瞻禮。事畢飭即回收。無任滋事妄求。○辛卯旌表守正捐軀安徽阜陽縣民婦梁鄧氏女梁氏。○壬辰諭內閣本日據吏部奏查出外省捐輸假照請飭究辦等語。安徽民人許祥和將捐輸執照寄其同鄉京官吏部候補主事胡肇智查對虛實。經該部查明上屆兩淮議敘案內並無許祥和之名。且驗其印文紙式與部照迥不

實錄卷四六七

九

相同。顯係奸徒偽造。此等匪徒膽敢假造部照。誑騙多銀。不法已極。恐所造不止一張。並恐各省歷次捐輸給與議敘執照。均有似此假冒情弊。著兩江總督安徽巡撫即將此案偽造之人密速查拏。按律嚴辦。究明此外有無假造一併懲治。並著吏部隨時查覈書吏人等有無與外省匪徒勾串作弊情事。並通行各督撫一體查覈究辦。以懲奸偽而重名器。○兩廣總督徐廣縉等覆奏近日民夷情形。查夷人通商雖有五口。廣東實為第一馬頭。斷不能舍此地百姓別圖交易。而廣東生意之所以甲於天下者。亦賴洋貨流通。是民與夷實相輔而行。儻該夷竟敢豕突狼貪。原不難制其死命。惟可已不已。兵勢一交。豈能驟解。縱使力爭全勝。稱快於目前。難免伏憂於後日。審時度勢。止可以不戰屈之。知彼知己。各留轉圜地步。然尤在修明武備。固結民心。使操縱之權胥由內地。庶外夷漸息。鴟張

實錄卷四六七

十

有備乃可無患。則用威不若養威也。現據探事者密稟。汶首以香港兵餉半載以來無可支發。特向其富商囑她借銀七萬二千兩一分生息。報知國王。在其本國設措兌還。是其窮蹙難支。已可概見。當不至猝圖內犯。報聞。○癸巳諭內閣。前據惟勤奏。循例採買不敷兵糧一摺。當交戶部議奏。茲據奏稱。吐魯番歲需供支官兵口糧等項。前經議准採買經費。即在新墾地畝額賦內動支。毋庸另行請撥。如有贏餘。抵充經費。此次請將徵收銀八千三百餘兩。全數動支。何以復稱不敷銀七百餘兩。顯與原議不符。殊非覈實撙節之道。著該都統將吐魯番應需糧石。即在該處新收地課銀內。儘數採買。毋任稍有浮費。其不敷銀七百四十四兩。著嚴飭承辦各員。覈實刪減。不可聽其濫行開銷。本年逢閏。需用稍多。准將額賦全數動支。嗣後無閏之年。尤宜悉心籌計。不得將新收之銀。全數估用。並將

所餘銀兩。歸入經費項下。報明減調。以符原議。而杜浮冒。○欽差倉場侍郎李芝昌。浙江巡撫吳文鎔。奏遵旨會議兩浙鹽務酌籌變通章程一摺。嘉紹三所引鹽。宜分別加斤。杭嘉二所。議於每引例捆三百三十五斤外。加鹽四十斤。紹所。議於每引例捆三百三十五斤外。加鹽二十斤。所加之鹽。止令完交正課。即自戊申綱為始。按數報部撥解。免輸內外雜款。○松所宜酌減科則。該處引地濱臨海口。梟私充斥。為兩浙極疲之岸。每引例捆鹽四百斤。已屬重於他所。礙難再加。議於科則內。將籌補報效廟工引費。雜費貼解等項。每引分別覈減五錢。內外較之三所。加斤餘利。有多無少。庶幾商力稍紓。○虛懸口岸。宜選商接辦。嘉所引地。如丹陽靖江。松所引地。如崑山新陽青浦。上海南匯。各商或已斤退。或已停止。應由該運司迅速選商充補。並先於雜款內。暫籌銀二三萬兩。委員赴場。將竈戶



之鹽收買屯貯俟配商捆運時繳價歸款免其繳息。一緝私應定立章程分別責成官商並由運司審覈如各武營衙門兩月不報獲大起而銷數又復短絀應覈其所短之數將例給緝私經費分別扣成給發其商人自辦巡緝所獲之犯歸運司審究罪名重大者發州縣覈辦。一緝獲私鹽如在四千斤以下者即全數變價充賞五千斤以上者以一半變價充賞一半補課作正引配銷五萬斤以上者以三成變價充賞七成補課作正引配銷。一地方官向有鹽店陋規自數百兩至一二千兩不等相沿已久不能究其既往嗣後應嚴行裁革其引地各衙門書役硃費貼差等名目概行革除。一查杭嘉松三所巡緝經費均係實用實支惟紹所有門巡所巡等名目商人自給經費恐滋浮冒應請嚴行裁禁責成運司查察儻有借端斂派即提本商完革下部議尋議原摺內稱松所引鹽酌減科則

查籌補廟工一項係歸完庫虧及抵補餘課之用其引費雜費貼解各項亦有各部覈銷有關經費者所稱每引酌減五錢內外統計共減若干於歲需經費有無窒礙應令該撫詳查登覆以昭覈實。又緝獲私鹽酌量充賞應請嗣後拏獲私鹽數在一千斤以下者全行變價充賞其自一千斤以上及數千斤至數萬斤不論有無奇零統作十成計算均以六成變價充賞四成令商人補課作正配銷餘如所議辦理從之。○甲午諭軍機大臣等琦善奏官兵續獲勝仗攻破碉卡奪占隘口一摺覽奏均悉此次進剿中瞻對野番我兵甫抵該處即已大獲勝仗茲復據奏本月初二日子時復邁選精卒分路攻擊數日之內攻毀碉卡十餘處奪占隘口四處殲斃賊番數百人所辦甚好乘此兵力精銳正可一鼓作氣搗穴擒渠惟賊巢周圍皆係戰牆堵塞且碉寨堅固必須豫度礮力足以相及方期

施放有準。奪隘摧堅。該督惟當審度形勢。妥協辦理。務將糧餉軍械。籌備齊全。並詳探路徑。剋日進攻。埽除羣醜。俾諸番望風懾服。毋稍疏虞。是為至要。將此諭令知之。○乙未。諭內閣。德誠。吳鍾駿。奏。江西幫呈出浮費款目。請旨嚴禁等語。各省漕糧撥船。向係天津通永二道經管。惟江西幫路遠時遲。每年軍船不能到壩。撥運浮費。較他省為尤甚。著訥爾經額嚴飭該道等認真查禁。永遠革除。儻有徇隱。即行嚴叅。毋稍姑容。至經紀起卸漕糧。除每袋例給箇兒錢文外。原不准分毫多取。今既查有浮費。恐不獨江西一省為然。並著德誠等督同坐糧廳隨時查訪。務期有犯必懲。以肅漕政。○以翰林院編修方濬頤為雲南鄉試正考官。戶部主事劉廷檢為副考官。翰林院編修孫鼎臣為貴州鄉試正考官。禮部主事王發桂為副考官。○丙申。旌表守正捐軀直隸雄縣民馮得興女馮氏。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百六十七

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百六十八

天內兩尹奉敕隨帶加一級紀錄十八次。日南縣總載官經提議官奏新南書報云：前據日南軍務局城內六月大兵侵擾，因  
七、查大員積案會同四署辦理各條加一級隨帶加六級軍功加三級紀錄五次。比上納地庭講官文淵閣撰奏聞事，前南書院官  
因得於大臣白鄂斯州都統積案內之食土臣管理宗人府銀庫及夏初官等。要與官圖明恩等處積案按察使孫鳳翔、御史王  
照廷謝庭章、徐昭等加十八級。自阿靈阿副總裁官經提議官奏新南書報云：前據日南軍務局城內六月初錄二十次日南糧場等奉

教修

道光二十九年己酉五月丁酉朔諭內閣徐

澤醇奏請循例添雇撥船一摺。山東衛河撥船向係赴鄰省購覓。若待臨時添雇。必致幫船滯壓。著照所請。准其循照成案。添雇撥船三百六十隻。分撥備運。仍飭藩司委員監收。隨時察看。如水勢增長。即行酌量減釋。以節糜費。○戊戌夏至祭。

地於

方澤命

皇四子

恭代行禮。○己亥。

孝誠仁皇后忌辰遣官祭

景陵。庚子。引見翰林院保送御史人員。得旨。吳敬義。吳廷溥。厲恩。官鄭元璧。李希彬。李相華。彭涵霖。張煒。孫鳴珂。袁泳錫。顏培瑚。彭慶鍾。俱著記名。以御史用。○辛丑。考試應開列試差滿漢二品以下京堂各官於圓明園上書房。○以捐辦隄工。予安徽巡撫王植前任陝西按察使汪云任等議敘有差。○壬寅。諭內閣。陳孚恩。福濟奏。請將查辦案内之直隸

州知州革職嚴訊一摺。山西霍州直隸州知州前任陽曲縣知縣楊樹年著卽革職歸案嚴訊。○旌表守正捐軀四川溫江縣民彭懷新女大女山西太平縣民王小元妻李氏。○癸卯諭軍機大臣等。部選廣東肇羅道張煦。朕前於召見時。察其才具平庸。難勝道員之任。著徐廣縉葉名琛於該員到省後。留心察看。據實具奏。毋稍瞻徇。將此諭令知之。○雲南正考官方濬猷丁憂。以翰林院編修陳慶

松為雲南正考官。○甲辰。兩江總督陸建瀛覆奏。遵查暎夷。並無潛入蘇州省城遊玩之事。給事中曹履泰前奏。恐係傳聞之謠。但犬羊之性。逼處海濱。自應嚴密防範。現嚴飭各海口文武各員。常川稽查。妥慎辦理。報聞。○兩廣總督徐廣縉。奏謝賞子爵花翎恩。得旨。運籌之功。不亞於斬將搃旗。使兇暴自屈。將士用命。商民一心。堂堂正正。攘外安內。朕慶得人。必當嘉賞。何為過焉。○以休致奉恩將

軍奕敵弟二等侍衛奕興襲職。○乙巳。諭軍機大臣等。徐廣縉葉名琛等。奏酌移稅口。現在試辦一摺。覽奏已悉。澳門稅口。前因大西洋夷酋。無知擾亂。業經該督等商令基溥。柏貴。傳到眾商。諭知利害。該商等情願另立馬頭。議定規條。互相稽查。眾口同聲。斷不敢稍虧稅課。現已勘明黃埔。地本適中。即將澳門關口丁役人等。移此駐守。一遷徙間。既可俯順商情。並足使該夷坐困。且免靡帑興師。籌

計較為周妥。著照議辦理。惟該酋等現雖自悔。為人所愚。不復譁張。而夷性貪詐。難保不狼狽為奸。時生枝節。澳門縣丞一員。官卑難恃。恐耳目難周。該督等仍當選派妥員。隨時前往訪察。一有蠢動。務即相機開導。加意防維。總期夷情就範。而關稅亦照常徵收。乃為妥善。將此諭令知之。○以辦理夷務出力。賞廣東按察使柏貴。花翎。予副將崑壽。以總兵用。知縣馮沅。紳士金菁。茅等。升敘有差。○以

拏獲械鬪案內要犯。予福建知縣劉功。謝紳士鍾桂霖等。升敘有差。○丙午。諭內閣。李芝昌。吳文鎔。奏遵旨會查浙江省各屬倉庫。那墊數目。請將知縣先行革職。勒限完繳一摺。浙江省各屬庫款正項。動墊銀數。累萬盈千。雖用款悉出因公。但墊數愈多。即虧數愈鉅。亟應嚴辦。以示懲儆。所有那墊銀三萬兩。以上之浙江前任富陽縣知縣楊燦基。嘉興縣知縣仲來。秀水縣知縣賈椿齡。嘉善縣知縣

劉秀鈺俱著先行革職勒限半年完繳。僅逾限無完。即將該員等拏問。監追查抄。備抵至已。故烏程縣知縣馬受昌。那墊銀數亦在三萬兩以上。著即著落該故員家屬勒限一年完繳。俟限滿時再行分別查辦。○諭軍機大臣等。本日據李芝昌、吳文鎔奏。清查浙省倉庫。歷年那墊銀穀各數。並擇尤參辦一摺。已明降諭旨。將那數最多之前任富陽縣知縣楊燦基等四員革職勒繳。並將經徵九載全完之於潛縣知縣曾積堂從優鼓勵矣。浙江省各屬倉庫。自道光二年清查至今。歷任那墊正雜錢糧並漕南等米。以銀作價。現據查明共銀二百八十四萬六千八百餘兩。倉穀一百十萬九千五百餘石。米三千餘石之多。實屬不成事體。究其致虧之故。雖由近年銀價日貴。漕費日增。及塘工兵差各案不敷捐賠。以致那移公項。墊補虧缺日甚一日。而不肖州縣藉口因公侵吞入己者。亦恐不少。總

由該管上司不肯隨時認真稽覈。存見好屬員之見。任其朦混。詳報錮習。相沿實堪痛恨。李芝昌派辦清查。是其專責。吳文鎔到任未久。亦無所用其回護。著將歷任巡撫藩司自上屆清查以後。確切查明。何人任內那墊數目最多。並有無偏袒屬員。任聽朦混情弊。秉公確覈。分別輕重。據實參奏。不准稍有徇隱。汪本銓經朕特簡。現經實授藩司。所有前任各藩司頗頑疲玩之處。並著查明據實揭參。毋稍瞻顧。將此諭令李芝昌、吳文鎔並傳諭汪本銓知之。○實授汪本銓浙江布政使。○以翰林院侍講楊式穀為廣東鄉試正考官。編修何紹基為副考官。編修孫鏘鳴為廣西鄉試正考官。戶部主事丁守存為副考官。都察院左副都御史黃贊湯為福建鄉試正考官。翰林院編修史淳為副考官。○丁未。旌表守正被戕陝西涇陽縣民梁欣懷叔母任氏。○戊申。都察院左都御史柏後等覆奏。鑲白

旗蒙古旗務積弊一案。前經奏明將參領開隆阿等解任嚴訊。茲逐款訊明。開隆阿慶春共侵用紅白庫貯銀九百三十兩一錢八分。請革職杖一百。流三千里。慶春於稅米折銀復起意剋扣入己。應從重發往軍臺效力贖罪。得旨本日據柏後明訓張芾奏審擬鑲白旗蒙古旗務積弊一案。已依議行矣。因思八旗滿洲蒙古漢軍應領餉銀。並庫存銀兩兵丁紅白賞卹銀等款。似此積弊。恐亦不免著

實錄卷之八

七

通諭八旗都統副都統等。各於本旗內嚴行查察。按照舊章覈實辦理。如有似此情弊。立即嚴叅懲辦。以肅旗務而杜弊端。○賞浙江陣亡總兵官鄭國鴻孫文舉人銛七品小京官。分部學習。仍准一體會試。○己酉遣官祭關帝廟。○諭內閣。林則徐程喬采奏夷匪焚搶各寨勦辦情形一摺。所辦甚好。上年雲南騰越廳卡外野夷滋擾。糾夥擄掠居民。經明光隘土守備左大雄管帶練勇出卡勦辦。職

斃夷匪多名。該匪等畏威悔罪。立誓輸誠。洵能遠振軍威。又安邊地。左大雄著加恩賞給義勇巴圖魯名號。以示激勵。騰越鎮總兵奎住迤西道王發超永昌府知府張亮基署騰越廳同知雷益州知州鄧樞籌商軍務。督率有方。均著交部從優議敘。六品軍功頂帶練總董大文擊賊陣亡。著照土千總例賜卹。傷亡練丁均著咨部照例議卹。○諭軍機大臣等。有人奏江蘇婁縣知縣陳嘉勳因徵收棉

實錄卷之八

八

稅信用已退漕總趙靜甫即捐納縣丞分發安徽之趙載昌。退印後捏名趙湧。仍把持勾串。勒價徵收。致鄉民不服。該縣任聽喝打。斃命幾及百人。又復含混詳稟等語。此案前經陸建瀛奏參。將該縣革職勒緝。若如所奏恐案情尚有不實不盡。著該督等確查起釁根由。及斃命確數。務令水落石出。並密拏趙靜甫務獲。從嚴究辦。不准稍有回護。原摺著鈔給閱看。將此諭令知之。○雲貴總督林則徐

奏報。拿獲雲南他郎廳廠匪多名。得旨。此係正辦。不存畏難。因噎廢食之見。甚好。而又因之以除莠。豈不兩得。○庚戌。諭內閣。琦善奏。中瞻對野番悔罪投誠。並附近中瞻對之卓巴塞爾塔野番。傾心效順。各一摺。又另片奏。在事出力人員。可否酌保等語。此次中瞻對野番出巢滋事。經琦善督兵征勦。疊獲勝仗。直抵巢穴。該野番工布朗結等。震懾兵威。遞結投誠。情願將所奪地土。人民退還。各土司。

奏

上

照舊各安住牧。自應寬其既往。俾得向化。輸忱著仍賞給工布朗結六品長官司虛銜。以昭勸勉。至卓巴塞爾塔野番。汪慶所管地方。與中瞻對相距甚近。亦經該督派令護理東科長官司司衮噶。設法開導。該野番來營投誠。願備征調。其歸順亦出至誠。汪慶著賞給土守備職銜。並賞戴花翎。護理東科長官司司衮噶著一併賞給土守備職銜。並賞戴花翎。琦善督兵遠涉。迅速藏功。著交部從優議敘。所

有在事文武員弁。及各路土司等。均屬著有微勞。著該督擇其尤為出力者。酌量保奏。候朕施恩。毋許冒濫。○辛亥。諭內閣。琦善奏。神靈祐順。請頒給扁額一摺。此次中瞻對野番滋事。經琦善督兵進勦。該處道路崎嶇。且風雪瀰漫。糧運維艱。該督虔禱。該處各廟所供護法神。軍行得無阻滯。自應酌加酬錫。以昭靈應。著發去御書扁額二方。交該督敬謹懸挂。用答。

奏

上

神麻尋頒箭頭寺  
御書扁額曰靈昭遠徵博底岡擦  
御書扁額曰綏邊敷福  
修湖南華容安鄉二縣隄垸。從署巡撫萬貢珍請也。○壬子。諭內閣。傳繩勛奏。河督楊以增係兒女姻親。同官一省。公事間有交涉等語。傳繩勛著毋庸迴避。○旌表守正捐軀廣東遂溪縣民鄭文揚妻林氏。○癸丑。諭內閣。潘世恩年逾八旬。精神彊固。向無疾病。茲因上焦火盛。腰脅作痛。

奏請賞假二十日。若照常給假。轉慮調理未能從容。殊非所以示體恤。潘世恩著無庸定。以給假日期。俾得安心。頤攝。俟病體痊愈。再行銷假入直。以示朕眷念耆臣至意。○以太常寺卿青麐為內閣學士兼禮部侍郎銜。仍留江蘇學政任。翰林院侍讀學士富呢雅杭阿為光祿寺卿。○追予明季遇賊捐軀原任湖南知縣楊開里民黃鳳德。入祀忠義孝弟祠。從署巡撫萬貢珍請也。○甲寅。旌表守正

實錄卷一百一十八

上

捐軀陝西城固縣民婦顧鄧氏女桂女。○乙卯。以遊牧地方收獲平常。貸土爾扈特親王策林喇布坦一年俸銀。○丙辰。以翰林院編修車順軌為湖南鄉試正考官。徐元勳為副考官。編修趙昀為四川鄉試正考官。龔自閎為副考官。○丁巳。綏遠城將軍托明阿奏。操演擡槍擡礮章程。得旨依議。務期得力。不可疏忽。○貸浙江幫丁銀二萬五千兩。協濟本年新漕運費。○戊午。兩江總督陸建瀛奏。近

日雨淮。釐務疲敝。已極。推原其故。總由私鹽充斥。官鹽昂貴。商人成本過重。綱運滯銷。欲減價以售銷。而商本已折。欲顧價以保商。而官銷益絀。現飭運司。但明倫嚴飭。辦事商人。趕緊相運。並嚴禁官員書吏積壓需索等弊。此急則治標之計。若通盤籌畫。欲策萬全。非確有十分把握。斷不敢輕於一試。得旨。竭盡心力。為之。朕惟卿是望。○旌表守正捐軀湖北隨州民涂維剛妻楊氏。○己未。

實錄卷一百一十八

十二

孝恭仁皇后忌辰。遣官祭

景陵。○諭內閣。陳孚恩福濟奏。訊出巡撫收受餽送銀兩。請旨革訊。並將狡供之知縣革審。一摺。山西巡撫王兆琛。汾陽縣知縣曹文錦。山陰縣知縣金作節。河津縣知縣程震佑。著一併革職。拏問。交陳孚恩福濟嚴行審訊。○又諭。陸建瀛奏。河工地方水勢。現飭保護。並另籌築隄束水等語。現在洪澤湖水增長。江湖亦極旺盛。該督惟當加意保護。勿稍疏虞。



一俟水落歸槽即相機籌辦務使漕運河工均臻妥協其濱江低窪處所間被淹漫之處著照所擬妥為辦理○諭軍機大臣等本日據陳孚恩福濟奏訊出山西巡撫王兆琛有受賄情事請遵前旨查封等語著陳孚恩福濟督同隨帶司員等迅即親往王兆琛署內將資財一切嚴密查封將此諭令知之○以倉場侍郎李芝昌為山西巡撫未到任前以布政使兆那蘇圖署理○以內閣學士朱崢為倉場侍郎仍留順天學政任禮部左侍郎吳鍾駿仍署倉場侍郎○以故廣西慶遠府屬南丹土知州莫芳園子樹棠襲職○庚申諭內閣劉韻珂吳文鎔奏攻勦漁山盜匪先後籌辦情形一摺浙洋漁山盜匪依為巢穴現經該督等督飭鎮道雇勇添船復飛咨水師提督寶振彪統師前往先後擒斬多犯沈燬多船並將巢穴門戶分別燬除填塞洵足示震懾而昭炯戒惟漁山一島孤懸海外若

不立法稽查嚴行申禁難保不日久又成盜藪著該督等即嚴飭黃巖鎮於該鎮所屬中左右三營內每月輪派遊擊一員親率本屬舟師前往巡查並著該鎮於遊擊輪巡一周後親往覆查分別具結總期漁山盜窟掃除淨盡不准再有人跡往來以副朕綏靖海疆至意○諭軍機大臣等寄諭山東登州鎮總兵官德通已革山西巡撫王兆琛現經欽差侍郎陳孚恩等訊有受賄情事該革員籍隸山東福山縣著該鎮會同登州府知府迅即親往王兆琛住宅將所有家產資財及什物一切嚴密查封不准稍有偷漏隱匿再候諭旨遵行將此諭令知之○辛酉署河東河道總督顏以燠奏報到任謝恩得旨勤慎公廉河工錮習一切捐除庶能不負委任看汝何所趨向耳○命通政使司通政使程庭桂馳往山東署按察使○壬戌旌表守正捐軀四川雙流縣民易添榜妻駱氏妾師氏○癸亥

鑲白旗蒙古都統貝子綿岫以失察參領侵蝕庫銀革去都統以都察院左都御史柏後兼鑲白旗蒙古都統仍署鑲黃旗蒙古都統○甲子定郡王載銓等會奏議覆浙江清查倉庫章程十條一嚴定追補處分期限三萬兩以上應如所奏從嚴加緊革職限半年繳餘照原定章程五千兩以下降二級限一年繳五千兩以上限二年繳一萬兩以上限三年繳二萬兩以上限四年繳俱革職留任全完開復完不足數監追查抄一上司分賠屬員虧空除本員及家屬著追完繳外應按未完銀數作為十成提出四成由浙省捐廉歸補其餘六成照例分賠一書差積欠嚴追著賠不准藉詞民欠輟轉延宕一軍需案內墊辦工程除例准報銷外餘分別捐廉攤補一流抵房屋什物趕緊勒限變價一倉庫錢糧鹽課水鄉漕白等款一律由藩司勒追無庸分交運庫等處其應追盤缺微變倉穀准照

實錄卷一百八

十五

舊案每石折銀一兩買補一米價覈定追繳一交代勒限連結一錢糧嚴密查提一公用酌量節省從之○雲貴總督林則徐覆奏遵查雲南試用知府張恩溥並無風疾該員曾任四川知縣升任湖南苗疆要缺同知年力正強氣體充實詢以更治甚屬明練堪資差遣報聞○以翰林院侍講受仁充日講起居注官○乙丑諭軍機大臣等本日據季芝昌奏途次接奉廷寄折回浙江查辦一摺季芝昌現已簡放山西巡撫著仍遵前旨會同吳文鎔等秉公確查歷任撫藩於屬員虧那有無偏袒分別輕重據實奏參並著一面具奏一面即起程來京將此諭令知之○以太常寺卿溫葆淳為宗人府府丞○丙寅兩廣總督徐廣縉等奏查外夷之來中國原為通商何得節外生枝妄思挾總由內地奸民自蹈貪頑先得該夷之利為其所餌希圖暗中聳惑更可倚勢自肥連年橫波疊浪層出不

實錄卷一百八

十六

窮皆由於此。現訪獲新寧縣屬私通夷人潛遞書信之李象經。查閱該犯信稿悖謬絕倫。行同叛逆。例應斬決。已於審明後即行正法。以昭炯戒。下部知之。○旌表守正捐軀浙江青田縣民饒海棠妻姚氏。○緩徵山東鄒滕二縣被雹村莊新舊正雜額賦。貸滕縣災民倉穀。

實錄卷四百六十八

十七

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百六十八

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百六十九

大府尹尹壽昌等加五級紀錄十八次日寶琳候選監生議官史部尚書陳璧南等並都察院管理營務處內務府大臣積裕等  
七倉大臣信安會同四庫館事務加一級隨帶加六級軍功加三級紀錄五次日托沙納經選講官文淵閣庶幾閣事兵部尚書德馨  
內務府大臣穆爾阿等加五級內務府大臣管理宗人府銀庫左翼總管官 宣務官開明等處均獲賞給各職官酌量給予  
醫院通判等處各隨帶加十八級日阿靈阿副都統官經選講官兵部尚書陳璧南等加五級紀錄二十次日寶琳等奉

救修

道光二十九年己酉六月丁卯朔

上詣綺春園問

皇太后安。○以修理廣東九龍城寨。予候補通判顧炳章等升敘有差。○貸河南武陟縣修沁河民隄銀。○戊辰旌表守正捐軀貴州畢節縣民羅泳達妻吳氏。○己巳諭內閣。陸建瀛奏請將營求補缺之道員革職一摺。南河候補道陳韶。周際雲於該督委署淮海道缺。尚未擬補。何員之際。竟敢函致藩司。囑為探聽。居心殊屬巧詐。陳韶。周際雲均著即行革

職。以為卑鄙營求者戒。○庚午。諭內閣。柏蔭榮玉樵奏。旗庫紅白賞銀無存。請借支部庫銀兩散放等語。此項銀兩。毋庸借動部款。著綿岫於罰俸外另罰賠銀五百兩。迅交該旗以資散放。所有原虧銀兩。仍勒令已革參領開隆阿等依限完繳。不准遲逾。○又諭德誠吳鍾駿奏。請飭催南糧幫船等語。南糧幫船銜尾北上。原不容片刻稽延。茲據該侍郎等奏稱。三進江廣各幫漕船。尚未據漕運總督

咨報盤驗過淮。若再遲滯。必致有誤回空。著漕運總督將三進江廣各幫漕船趕緊相機籌辦。務令迅速渡黃。跟蹤前進。並著東南兩河直隸各總督山東巡撫遴委幹員。協催北上。僅押運各員藉詞耽延。及地方官督催不力。即著一併嚴參。俾免遲滯而利漕行。○辛未。諭內閣。舒興阿奏。請將諱盜營私之參將革職嚴審一摺。阿克蘇城守營參將彭年。於防兵趙得喜行竊庫銀一案。已據庫書訪有

端倪。諉為不知。不即嚴拏。並有被控授意縱放。希圖規避。及種種營私情事。彭年著即行革職。歸案嚴審。務期水落石出。以成信讞。○又諭長春園左門值班參領胡松額著照部議降二級留任。加恩准其抵銷。此案太監踰牆外出。時值黃夜。值班官兵等疏於覺察。當被營兵拏獲。尚無別項重情。是以姑從薄懲。儻因巡查疏忽。以致自外越牆進內。則事關重大。非尋常疏忽者可比。定將值班兵丁重

治其罪。並將該值班參領等從嚴懲處不貸。○貸江蘇山陽阜寧二縣暨淮安大河二衛被水災民籽種口糧。○壬申。以太常寺少卿常志為太常寺卿。○癸酉。諭內閣。張祥河奏。請將失察差役索詐斃命之同知。並辦理搶案跡涉諱匿之知縣解任一摺。陝西孝義廳同知吳學彬。於差役誣良索詐斃命重案。先事既失於查究。迨報驗後。又不據實具詳。顯係意圖消弭。三原縣知縣周賡盛。於搶奪拒

傷之案。既已呈驗。並不詳辦。顯有諱匿情弊。吳學彬。周賡盛。均著先行解任。交該撫提同各全案人證。研鞫明確。分別按律懲辦。○甲戌。諭內閣。抽查漕糧御史聯福。徐文鈞。奏南漕溼米過多。請嚴行整飭一摺。現在糧船抵通。經該御史查出頭進尾幫內溼米至八百餘石之多。此項米石。難保非驗卸後另有攙和情弊。所有該經紀等著交刑部審明辦理。至此後應如何防範之處。並著倉場侍郎嚴定章程具奏。○乙亥。諭內閣。前據御史楊彤如奏。參山西巡撫王兆琛。歷任聲名平常。賊款炳著。及各州縣餽送營求。並因辦差釀命等情一摺。當交陳孚恩。福濟。馳往查辦。旋據奏現訊情形。已降旨將王兆琛等一併革拏嚴訊。茲復據奏。訊明王兆琛於鹽務奏裁公費。抵充活引正課之後。輒因辦公不敷。得受商人節規銀一萬四千餘兩。又失察巡捕家人婪索規禮門包及轎役滋事。復收用汾陽

霍州兩處紅封銀兩。種種貪鄙營私。實屬辜恩溺職。已革知州楊樹年。於陽曲縣任內。索借王疑一銀一萬餘兩。雖訊與王躋堂家命案無涉。惟以現任職官。借貸部民財物。為數較多。又餽送該革撫紅封門包銀兩。亦屬卑鄙無恥。王兆琛。楊樹年。均著兆那。蘇圖。派委文武幹員押解來京。交軍機大臣會同刑部覆審定擬具奏。至山西巡撫兼管鹽政。向有河東鹽務辦公銀兩。查係前任巡撫吳其濬。因商力疲敝。奏請裁革一萬兩。吳其濬雖已身故。而其潔已奉公。洵不愧為封疆大臣。著該省巡撫查明該故員現有子孫幾人。查明具奏。即已革巡撫梁萼涵。前雖因案發往軍臺。而咎止失察伊弟撞騙多賊。其於鹽務派商。並無徇情受賄情事。現又查出交城縣貢餘皮張。亦經該革撫永遠裁汰。以視王兆琛恣意貪婪。相去何啻霄壤。梁萼涵著即釋放回籍。並賞給六品頂帶。以為廉正自愛者勸。

○諭軍機大臣等。已革山西巡撫王兆琛任所資財什物。現已經欽差侍郎陳孚恩等查封具奏矣。該革員籍隸山東福山縣。著程庭桂迅即親往王兆琛住宅。督同登州鎮總兵。登州府知府。將該革員家產資財。及一切什物。嚴密查抄。不准稍有偷漏隱匿。仍候諭旨遵行。將此諭令知之。○以內閣學士瑞麟。兼管太常寺事。○丙子。諭內閣。徐廣縉葉名琛奏。戕官案内匪徒。悉數就擒一摺。廣東陽山。

英德等縣。匪徒聚眾戕官。行同叛逆。經該督等飛咨署提督祥麟。並劄調鎮將。選帶各路兵丁分路進剿。並飭運司徐有壬馳往會辦。先後獲犯五百五十二名。首要均已就擒。現在地方安靜。官兵盡撤歸伍。辦理實屬迅速。徐廣縉葉名琛。祥麟。徐有壬。均著交部從優議敘。該地方文武隨同擒捕。功過尚足相抵。所有失察職名。免其開參。在事員弁。著該督等擇其尤為出力者酌量保奏。候朕施恩。○

又諭傳繩勛奏。江蘇各屬被水較重。現在查辦情形一摺。本年江蘇省入夏以來。陰雨連綿。積水無從宣洩。以致蘇松常太等屬。民田廬舍。多被漫淹。其江淮揚等屬。隄圩亦多衝破。災民蕩析離居。覽奏實深憫惻。現經該撫等履勘籌畫。凡有可以恤民之處。務即隨時舉辦。總期實惠均霑。不可使一夫失所。以慰朕念。至此次災區較廣。如實有捐辦不及之處。該撫即一面動款撫卹。一面據實奏聞。毋

稍延緩。又另片奏。請將商販米船暫行免稅等語。現在該省米價增昂。乏食堪虞。所有商販米船。運至江寧蘇州等災區售賣。並本省商民請照出境採買者。經過本省各關。著准其一律暫行免稅。以廣招徠。○致仕大學士阮元奏。謝子阮福選平涼府知府。恩得旨。善為頤養。以期無限遐齡。○以都察院左副都御史文瑞。為浙江鄉試正考官。翰林院編修章瓊。為副考官。鴻臚寺卿田雨公。為江西鄉

試正考官。翰林院編修呼延振為副考官。編修童華為湖北鄉試正考官。修撰張之萬為副考官。○丁丑山東巡撫徐澤醇奏山東引商每銷引一道捐銀二錢三分以資公用名為面封公費。巡撫歲得一萬兩請嗣後酌減六千兩存四千兩辦公下部知之。○修山東四女寺支河壩工從巡撫徐澤醇請也。○戊寅諭內閣德誠吳鍾駿奏遵議防查轉運漕糧積弊一摺。向例抽查漕糧御史分駐大通橋及各關地方輪替防查嗣經歸併大通橋一處著仍照舊章一在大通橋抽查掣量一赴各關稽查偷漏分別防察弊端輪流更換以符定制。○又諭德誠吳鍾駿奏請飭催南糧幫船等語。南糧幫船銜尾北上不容片刻稽延。茲據該侍郎等奏稱二進江淮頭幫行走遲滯以致在後各幫未能迅速挽行若再延宕必致有誤回空著漕運總督嚴查各該幫船因何耽延。僅係無故逗留即將總運押

運各員弁一併查叅以儆怠玩而利漕行。○己卯諭內閣理藩院奏據察罕達爾漢呼圖克圖之呼畢勒罕蘊端丕爾賚呈請入京當差一摺。察罕達爾漢呼圖克圖之呼畢勒罕蘊端丕爾賚本年十三歲業經出痘情願自備斧資入京當差實屬肫誠惟阿嘉呼圖克圖棟廓爾呼圖克圖均已在京足數當差蘊端丕爾賚著毋庸入京當差。○庚辰諭內閣陸建瀛奏各屬被水現辦撫卹情形等語。本年雨水過多江寧各屬被災較廣省城居民房屋淹浸無從棲止覽奏惻然現經飭屬趕緊分別撫卹除勸捐外並著速飭兩藩司查明倉穀可碾若干庫貯可動若干並行查各關有無存款以備隨時賑卹之需此外各就地方情形酌覈妥速辦理總期災黎咸霑實惠勿令一夫失所以副朕恫瘝在抱至意。○又諭陸建瀛傳繩勛奏江南貢院積水請展限辦理鄉試一摺。江南省本年春夏之間雨

多晴少。閏四月內連日大雨。山水下注。江潮湧灌入城。據該督等奏稱。現在貢院內積水甚深。無從宣洩。本年八月鄉試。勢難依限辦理。著照所請。江南文闈鄉試。准其展限至九月初八日舉行。其武闈鄉試。展至來年三月舉行。○又諭慶錫秦屯居旗婦。遞呈訴冤。請解京審訊一摺。此案遵化州旗婦方王氏。向馬蘭鎮總兵衙門遞呈訴冤。並敢投遞京官名帖。是否挾勢恐嚇。抑係被人唆使。指官撞

騙。虛實應徹底根究。方王氏著解交刑部審明辦理。前任給事中焦友麟。宗人府筆帖式果良。並著解任。交刑部會同宗人府查傳質訊。尋宗人府等衙門奏查明焦友麟早經出京。並無給方王氏名帖之事。無庸飭令來京。果良訊無囑託情事。惟於方王氏來京具控。輒令赴馬蘭鎮呈訴。究有不合。應照例議處。方王氏依內官親屬恐嚇官司例擬杖流。照例收贖。從之。○命陝甘總督布彥泰撥銀五

萬兩解赴哈密。備官兵經費。○辛巳。諭內閣。仁壽等奏。科布多卡倫侍衛員缺。請將掣出之護軍校巴揚阿發往等語。著依議。此次科布多卡倫侍衛賡音。因人地不宜。回旗。停升五年。嗣後除各處卡倫侍衛年滿照例辦理外。如有年分未滿。經該將軍大臣奏駁者。均著以賡音為例。停升五年。○以安徽水災。米價增昂。免各商船米稅。○壬午。予宋儒謝良佐從祀。

文廟。從河南巡撫潘鐸請也。○癸未。諭內閣。本年入夏以來。江浙安徽湖北等省。皆因雨多水漲。各屬漫淹較廣。災民蕩析離居。嗷嗷待哺。每一覽奏。焦慮殊深。現經各該督撫及時籌辦賑撫。凡有可以恤民之處。自無不盡心經理。力圖保全。惟是災區既寬。需費甚鉅。雖經官民等量力捐助。賑卹窮黎。尚恐未能周徧。當此哀鴻滿目。朕復何忍稍為屯膏。致民困未能即蘇。除江蘇省前已奏明動款。安



徽省亦請留款備賑。並均免商販米稅。外其浙江湖北等省。被災情形皆同。所有藩關各庫銀兩。概准該督撫酌留備賑。商販米船。亦准一體免稅。該督撫等其共體朕意。務各遴委賢員認真查辦。總期實惠均霑。如查有浮冒剋扣等弊。立即嚴叅重懲。斷不可使有一夫失所。以副朕念切民依。恩膏速沛至意。○甲申諭內閣。吳文鎔奏籌運米糧以濟民食一摺。本年浙江災區寬廣。糧價昂貴。小民乏食堪虞。除外江內河商運米糧赴浙售賣者。經過各關。昨已降旨均免納稅外。其福建省如何招商販運臺米。山東省如何招商販運小米雜糧等項。並粵東洋米如何買運赴浙。均著各該督撫等體察情形。妥速辦理。務期災黎均霑實惠。而奸商亦不至居奇。用副朕籌裕民食至意。○又諭吳文鎔奏遇災恐懼懇予罷斥一摺。所奏冒昧糊塗。膽大之至。國家設官分職。責重牧民。一當其任。無論時之

難易。事之能否。皆當盡心竭力。豈容任意諉卸。況巡撫統轄全省。疆寄攸關。值此天災流行。民生窮蹙。宜如何設法安撫。用以下蘇民困。上紓朕憂。方為無忝厥職。今吳文鎔以災患異常。輒請迅賜罷斥。另簡賢能。是徒知引咎而不思盡職。時值艱難。使身任封圻者。皆如吳文鎔居心。竟置億萬災黎於弗顧。將求牧與芻之謂何耶。似此迂腐無能。率意上瀆。即立予罷斥。亦屬咎所應得。惟當辦災棘手之際。轉令置身事外。恐啟巧避之漸。吳文鎔著革去頂帶。暫留浙江巡撫之任。責令認真籌辦災賑。如能不辭勞怨。辦理妥速。尚可稍贖咎尤。儻復不知振作。查辦竟無成效。致災民轉徙溝壑。必當重治其罪。朕言出法隨。斷不能稍從寬貸也。懍之慎之。○又諭吳文鎔奏請將鄉試展期一摺。浙江本年雨水過多。貢院內號舍牆屋傾圮過甚。急難修理。所有本年浙江文闈鄉試。著准其展至九月舉行。

至浙江正副考官。現已簡放。著文瑞、章瓊查照現展日期。俟一月後起程。○以國子監祭酒車克慎為內閣學士。兼禮部侍郎銜。○乙酉。諭軍機大臣等。楊以增奏。洪湖及運河水勢積漲。酌籌分減情形一摺。又另片奏。早晚潮退水消。仍當堅守車邏壩等語。覽奏均悉。本年入夏以來。江南陰雨連綿。淮源既旺。湖水亦有長無消。高堰誌椿。現已積存至一丈九尺有餘。情形實屬危險。權其輕重。自須將

車邏壩先行啟放。冀可減漲保隄。惟下河一帶民田。尚賴秋收。稍資接濟。如能守至秋成以後。再行啟洩。庶民困可蘇。而隄工亦資穩固。方為計出萬全。然水勢消長。難以逆料。儻至無可如何之時。又豈可稍涉拘泥。致有漫口之虞。該河督惟當隨時體察。相機籌辦。得守且守。應放即放。固不可孟浪以病民。尤不可拘墟以誤事。是為至要。將此諭令知之。○又諭。前據陸費瑔奏。裁定湖南漕運浮費。當

經降旨。以該撫所議歲徵漕費。每石加銀五釐。殊失恤民之意。並令嚴禁口袋花紅等項名目。將實在革除數目查明具奏。茲據趙炳言奏。口袋等五項。共需折銀二千四百餘兩。著概行革除。至每石加銀五釐。雖共止加銀七百六十餘兩。究屬例外增添。著毋庸議。該撫仍當督飭稽查。如有不肖州縣。及不法旗丁。復敢例外需索。即著嚴參懲辦。毋稍姑容。以肅漕政。將此諭令知之。○丙戌。以翰林院

編修葛景萊。為陝西鄉試正考官。黃倬。為副考官。○丁亥。旌表守正捐軀河南通許縣民王連科女松姐。○戊子。諭內閣。前因清查浙省倉庫虧數較多。降旨著季芝昌、吳文鎔。確查歷任撫藩有無偏袒屬員。任聽虧那情弊。茲據查明道光二十年以前。雖有那移。尚不甚鉅。二十一年間。兵差絡繹。支應紛繁。各屬那缺有因。即上司處分。亦宜量加寬免。惟自二十三年至二十五六七年。覈計徵

存未解銀。自三四十萬兩。遞年增加至六七  
十萬不等。其間尤以二十六年為最甚。雖由  
銀價日增。幫費日重。以致那墊愈多。而似此  
年甚一年。漫無收束。總由該管巡撫藩司查  
提不力。稽覈不嚴。致各屬員任意那缺。雖無  
偏袒確據。實屬顛預疲玩。任聽朦詳。不肯隨  
時認真稽查。置倉庫空虛於不問。溺職辜恩。  
莫此為甚。所有在任各三年有餘任內那數  
最多之前任浙江巡撫另案革職之梁寶常。

著革去鹽知事職銜。由直隸總督派員解京。  
候補三品京堂前任浙江布政使存興。著即  
革職。一併交軍機大臣會同戶部刑部查訊  
明確。按律定擬具奏。其餘失察之歷任各上  
司職名。著吳文鎔查明造冊。一併奏交歸案  
覈辦。另片奏。現任藩司詳請附叅等語。汪本  
銓到任未久。於前任虧那無涉。所有該藩司  
自請附叅之處。著毋庸議。○又諭。裕泰唐樹  
義奏請將鄉試展期一摺。湖北本年陰雨過

多。貢院內號舍積水。急難宣洩。所有本年湖  
北文闈鄉試。著准其展至九月初八日舉行。  
至湖北正副考官。現已簡放。著童華、張之萬  
查照現展日期。俟一月後起程。其武闈鄉試。  
俟文闈事竣。再行接辦。○諭軍機大臣等。裕  
泰唐樹義奏。地方被水較重。籌辦安撫情形  
一摺。湖北省自上年被水。民鮮蓋藏。本年自  
春徂夏。陰雨過多。以致江湖並漲。低窪田地  
均被漫淹。貧民蕩析離居。情形殊堪憫惻。前

已降旨將湖北藩關各庫銀兩。留於該省以  
備賑卹。茲據該督等奏稱。開倉碾穀。設廠平  
糶。並於上年捐輸存賸銀內撥銀三萬兩。委  
員速解。妥為安撫。該督等即遴委賢員認真  
經理。務使實惠及民。毋令一夫失所。儻委員  
等辦理不善。以致困苦災黎。未能均霑惠澤。  
即著該督等嚴叅懲辦。並將勘明情形迅速  
具奏。以慰廛念。將此諭令知之。○己丑。遣官  
祭

火神廟。○以熱河都統惠豐為禮部尚書。管太常寺鴻臚寺事。盛京刑部侍郎毓書為熱河都統。內閣學士綿森為盛京刑部侍郎。署正白旗漢軍都統桂良為鑲紅旗漢軍都統。仍署正白旗漢軍都統。○以江西布政使陶樾為太常寺卿。○予故禮部尚書成剛祭葬。○庚寅。以禮部右侍郎廣林為總管內務府大臣。○以山西右衛城守尉圖伽布為正黃旗漢軍副都統。○調熱河都統毓書為烏魯木齊都統。烏魯木齊都統惟勤為熱河都統。惟勤未到任前。以吏部右侍郎明訓署理。○辛卯。諭內閣。戶部錢法堂奏請飭催銅運等語。銅運為鼓鑄攸關。斷不容遲延貽誤。前已降旨令沿途各督撫迅速提催。現在需銅緊急。所有已報先後入兩江境之丁未年正運四起揚為翰。加運二起余居寬。戊申年正運一起吳開陽。正運二起王觀潮。正運三起管諧鐸各銅船。著兩江漕運江南東河直隸山

東各督撫迅速查明各船行抵何處。遴委妥員會同地方文武員弁晝夜提催。跟隨漕船插檔行走。飛挽北上。務於七月內全數抵京交局。至運員馮祖繩曹學儉兩起已據山東巡撫報稱入境。何難迅速催行抵京。儻各該運員藉詞延宕。地方官不實力催趨。著即指名從嚴叅辦。○又諭薩迎阿德齡奏請將庫貯紅錢作為新添伯克養廉一摺。現在英吉沙爾添設六七品伯克各一員。准其在於喀什噶爾庫貯紅錢餘項內撥給八串五百文作為養廉。以資辦公。○以江西按察使陸元烺為布政使。調山西按察使春熙為江西按察使。以甘肅甘涼道孔慶瑚為山西按察使。○以新授盛京刑部侍郎綿森母老。命留京為理藩院左侍郎。調盛京工部侍郎景淳為盛京刑部侍郎。理藩院左侍郎培成為盛京工部侍郎。○壬辰。大學士潘世恩以久病未痊。乞解任。得旨。仍賞假兩月。安心調理。○癸

已。諭內閣。林則徐。程喬采。奏請將辦理銅斤短絀最多之運員革職勒賠一摺。雲南。昆陽。州。知州。桂文奎。領運。丙午年。正運。三起。戶局額銅七十二萬斤。短至十七萬四千餘斤之多。現當整頓銅務之際。自應從嚴懲處。以儆其餘。桂文奎著即革任。仍留滇省。勒限照數賠繳。儻限滿完不足數。即著嚴行追繳。從重懲辦。○甲午。諭內閣。本年江蘇。浙江。安徽。湖北等省。被水災區。較歷屆尤為寬廣。前經特降諭旨。令各該省督撫。將藩關各庫銀兩酌留備賑。並准商販米船一體免稅。各該督撫等。自應仰體朕心。極力籌辦。第思。嗷鴻徧野。安集無期。赤子何辜。流離失所。即令籌款賑撫。仍恐緩不濟急。無裨目前。朕夙夜焦思。難安寢饋。除准撥各款。飭部議行外。著發內府銀一百萬兩。交戶部查明被災各區。分別配搭撥款。迅即解交該督撫。督率司道。嚴飭承辦。正印各員。激發天良。覈實認真散放。務期

無告窮民。均霑實惠。不致轉徙溝壑。庶幾感召天和。回春可望。當此經費支絀之際。朕不惜帑金。以甦民困。各省大吏。儻不認真經理。致被不肖官吏。侵吞朘削。不惟無以對朕。其何以對此億萬災黎耶。懍之勉之。將此特諭知之。○江蘇巡撫。傅繩勛。奏。做農政全書。糧田之法。以土護田。堅築高峻。內水易於車涸。勸民舉行。並以工代賑。此外復實力勸捐。飛咨福建巡撫。令商運米接濟。委官查勘海口。開挖閘洞洩水。得旨。竭力督辦。所見甚好。所幸天已晴霽。稍慰朕懷。辦理亦可得手。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百六十九

實錄卷之四百六十九

七

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百七十

秋

道光二十九年己酉秋七月丙申朔享

實錄卷之四百七十

七

太廟。命皇六子奕訢恭代行禮。○諭內閣。抽查  
漕糧御史奏。稽查不力之州判一摺。據稱  
漕米由外河運至裏河。均歸石壩過載。如果  
該州判認真稽查。何至過壩溼米有八百餘  
石之多。難保無勾通賄縱等弊。以後南糧接  
續抵壩。轉運責有攸司。若不嚴加懲創。流弊  
何所底止。石壩州判任元。著交卓秉恬陸應  
穀。嚴行審訊。務得實情。從重懲辦。庶期懲一  
儆百。以清積弊而肅漕政。○又諭。穆特恩烏

蘭泰托恩東額奏。叅捏報命案之佐領一摺。廣州駐防鑲紅旗滿洲佐領全祥。於縊死三命之案。並不據實稟驗。輒聽屍親懇求捏報病故。難保無別項情弊。全祥著即行解任。交該將軍等歸案審訊。儻有別情。即著分別嚴叅懲辦。尋奏。全祥訊無受賄故縱情弊。惟失於查察。究屬糊塗。請交部議處。從之。○又諭。奕興等奏。鄰省盜匪聚眾奪犯殺差。請飭緝拏一摺。前因熱河朝陽縣境內有奪犯殺差

重案

二

重案。經前任熱河都統惠豐奏。叅將署朝陽縣知縣達裕等。交部議處。勒限嚴緝。茲據奕興等奏。稱前署朝陽縣知縣。於鄰境匪犯逃竄。未能立時會同往捕。現任朝陽縣知縣方壽昌。於接任後。又復傳牌聲張。以致匪犯潛逃。難保無有心故縱情弊。似此鉅案。若不破獲。大為地方之害。著熱河都統查明奪犯殺差確情。嚴飭地方文武員弁。將在逃各犯。上緊按名嚴拏。務獲懲辦。以除兇暴而戢盜風。

○以擒獲匪徒。予福建同知裕祿等加銜升補有差。○給江西德化德安瑞昌湖口彭澤五縣被水災民一月口糧。○丁酉諭內閣。前因各省災區米價增昂。降旨將湖北江浙安徽等處一體免商販米稅。茲據裕泰等奏。請所有四川江西商販米船。運至湖北售賣。並本省請照出境採買者。經過關津。均免納稅。循例祇收船料等語。著再申諭。如有米船至湖北省。著迅速驗明。不准關役人等留難阻

滯

三

滯。免稅放行。以廣招徠而紓民困。○安徽巡撫王植奏。撫卹被水地方情形。得旨悉心速辦。委員必用賢能。○以訪獲教匪要犯。予廣東知縣韓鳳翔等升補有差。○戊戌諭內閣。徐廣縉葉名琛奏。叅總兵貪功畏事。請交部嚴加議處一摺。所叅甚是。廣東南韶連鎮總兵孫淇漢。於所屬匪徒聚眾。既遷延畏葸。於前復妄拏塞責。於後剛愎自用。貪功忌能。種種妄為。無非私心私怨。孫淇漢著毋庸交部

嚴加議處。即行革職。發往軍臺效力贖罪。永不敘用。○調禮部尚書賈楨為吏部尚書。以都察院左都御史孫瑞珍為禮部尚書。工部左侍郎王廣蔭為都察院左都御史。○以工部右侍郎靈桂。順天府府尹陸應穀。監臨順天鄉試。○協辦大學士吏部尚書陳官俊。卒。命惇郡王奕諒。往奠茶酒。晉贈太子太保。入祀賢良祠。予祭葬。謚文愨。賞其孫厚鍾舉人一體會試。○己亥。命戶部尚書祁寯藻協辦

軍機處

四

大學士。調刑部右侍郎陳孚恩為工部左侍郎。兼署錢法堂事務。以湖南巡撫趙炳言為刑部右侍郎。吏部右侍郎張芾署戶部左侍郎。兼管三庫事。○以江寧布政使馮德馨為湖南巡撫。湖南按察使楊文定為江寧布政使。調江西按察使春熙為湖南按察使。以廣西左江道陳啓邁為江西按察使。○以兩廣督標中軍副將崑壽為廣東南韶連鎮總兵官。○命候補大理寺少卿翁心存。仍在上書

房行走。○庚子。以差使懶惰。革內閣學士景慶職。○賞阿勒坦淖爾烏梁海總管莽岱花翎。○辛丑。諭內閣。琦善奏。叅濫許夷匪銀兩之守備。請革職。拏問。並不行揭。叅之。參將同知。解任。質訊。一摺。四川馬邊廳地界。毗連涼山生番。該守備羅文斗。專司防堵。乃於該夷出巢滋擾。不知督率兵丁。奮力堵擊。膽敢許給銀兩。希圖了事。難保無串通營私情事。可恨。已極。羅文斗著即革職。拏問。交該督提省

軍機處

五

嚴審。加等定罪。署馬邊協副將戕邊營參將文壽。馬邊廳同知姜吉兆。目覩情形。不知揭叅。輒復附和。濫為支應。著一併解任。歸案質訊。○又諭。顏以燠奏。請循例添撥防險銀兩。一摺。豫省兩岸十二廳。所有例撥防險銀兩支用。已完。著准其於藩庫添撥銀二十五萬兩。以資接濟。仍俟霜降安瀾後。存存餘料。覈銀劃還。司庫歸款。覈實報銷。惟現當力求搏節之際。每次請撥銀數。亦不必拘定舊案。若



干。必求相合。轉多浮濫。該署河督務當嚴飭所屬。逐款稽覈。期於工歸實用。帑不虛糜。毋任劣員仍蹈積習。致有冒濫侵蝕情弊。以副委任。○以左春坊左中允宋晉為河南鄉試正考官。翰林院編修吳駿昌為副考官。兵部左侍郎瑞常為山東鄉試正考官。翰林院編修童以炘為副考官。編修胡瑞瀾為山西鄉試正考官。張桐為副考官。○裁江南揚州府揚運通判。丹陽縣縣丞。靈璧縣主簿。銅山縣呂梁洪巡檢四缺。改揚州府江防同知為江運同知。從總督陸建瀛等請也。○以故四川拈佑惡革寨土百戶拆旺蚌姪孫克牙借襲職。○壬寅。旌表守正被戕陝西南鄭縣民余復欣媳楊氏。○癸卯。諭軍機大臣等。本日據程庭桂奏。續行究出王兆琛銀兩莊田一摺。覽奏均悉。著將前次所奏批定清單。發交程庭桂閱看。程庭桂接奉此旨。即咨行山東巡撫查照摺單內銀錢衣物。應送京者。奏明派

委妥員。解交內務府查收。應變價入官者。飭屬分別妥辦。程庭桂即馳驛回京復命。將此諭令知之。○江南河道總督楊以增奏。黃河積漲。搶辦險工。得旨。竭力修防。務保安恬。慎之。○甲辰。諭內閣。陸建瀛。楊以增。奏。廳營員弁等語。南河署揚河通判河工同知沈文藻。揚河營守備闕興邦。於車運壩既啓之後。並不稟明該督。輒將中壩開放。實屬玩視河務。沈文藻。闕興邦。著先行摘去頂帶。責令賠堵。並飭諭加意防護要工。儻有疏虞。即著嚴叅治罪。○又諭。楊殿邦。徐澤醇。奏。審明旗丁勒索兌費。請將徇庇之幫弁革職一摺。山東濟後幫領運千總鄭安邦。於旗丁王迺常受兌荷澤縣漕糧。勒索兌費。雖據訊無通同分肥情事。惟於王迺常捏稟開船。不察虛實。輒為轉稟。及該縣張延齡。告知情由。又復回護原稟。致該旗丁得遂其勒索詐之私。既屬有心徇庇。自應從嚴覈辦。以儆其餘。鄭安邦

著照溺職例革職永不敘用。○兩江總督陸建瀛等奏。刁民遇事聚眾。隨時持平酌辦。得旨秉公持正。乃正辦也。亂言蜚語。一概不顧。方好。○以貝子綿勳署正黃旗護軍統領。○以四川懋功協副將葉布冲額為山東兗州鎮總兵官。○乙巳

孝懿仁皇后忌辰。遣官祭

景陵。○丙午。諭內閣。本日禮部將萬壽禮儀具題。現在朕躬尚未照常。暫停受賀。所有向來

實錄卷五

八

在圓明園二宮門內行禮之王公大臣文武官員。著仍照舊於是日辰刻向上行禮。其餘文武各員。著在午門外行禮。○又諭本日鑲白旗蒙古都統等。將印務章京一缺。帶領各員引見。已放擬正之賡良矣。惟該員與請升之例不符。據柏後等片奏。該員辦事認真。現當整頓旗務之際。是以加恩姑允所請。准以該員升補。嗣後各旗。俱不准援以為例。○又諭楊以增奏。搶辦險工。洩黃減漲。並繪圖呈

覽一摺。本年黃水積漲。南河吳城七堡。隄段坍塌。危險異常。經該河督將上游大王廟旁洩清舊址。挑通宣放。旋即消水四五尺。各工俱報平穩。七堡潰隄。搶築亦能得手。事屬危急。自係從權辦理。惟積漲稍退。即應趕緊堵築。方無流弊。總在該河督會同陸建瀛熟商妥辦。相機而行。以衛民生而護運道。○諭軍機大臣等。有人奏。江西會匪眾多。道光二十五年。巡撫吳文鎔。委員查拏。教匪。寄首縣獄

實錄卷五

九

中監禁。不下數十人。忽有不知姓名穿白布衫之人。口稱由廣東來。上巡撫衙門。有要事面說。吳文鎔即委首府倪良耀。候補知府董斯福。同知文海。南昌同知韓開景。並引此人往首府署內見面。即將獄中監禁之犯。盡行釋放等語。果否實有其事。所稱白布衫之人。究竟來自何處。係何姓名。該首府倪良耀等與之接見。有何要求。何以遽將監禁多犯。盡行釋放。著吳文鎔明白回奏。並著費開綬。查

明二十五年如有此事。即將委派各員所具親供據實覆奏。毋稍徇隱。將此各諭令知之。尋吳文鎔費開綬先後覆奏。道光二十五年三月間。拏獲學習天主教之章勝和等。其時適有廣東人邱安遇。路過江西。為章勝和等懇請省釋。即訊明釋放。並非別有要求。亦無盡放監犯之事。報聞。○丁未。諭內閣。奕興奏。叅協領袒護屬員。請分別革職勒休一摺。金州旅順營協領德特賀於該副都統調驗水師戰船。違例阻止。復於佐領韓君忠等名下。率為註差。傳喚未到。迨補驗時。又以駕船受溼。藉詞支吾。並代驍騎校徐廷珍呈請告假。先既有意瞻徇。繼復飾詞剖辯。於營務大有關繫。德特賀著即革職。以為袒護規避者戒。韓君忠飾詞避操。著與久病未痊之徐廷珍一併勒令休致。至各項不符情節。著派樂斌前往認真驗閱。據實覆奏。○又諭。訥爾經額奏。遵查江西幫呈出浮費款目。分別辦理。臨

清運甄一項。向係三進幫船。均勻搭運。嗣後著山東巡撫嚴飭委員。於三進漕船未到通壩以前。先行駐通守候。自雇船隻。赴幫收取。交廠。以專責成。而免延累。○又諭。傅繩勛奏。請將玩視民瘼。並辦災竭蹶之知縣革職。一摺。江蘇署震澤縣事試用知縣施燕辰。性情浮躁。聲名平常。署荆溪縣試用知縣黃文涵。才具平庸。人亦巧詐。現當災務喫緊之際。均未能實心經理。任意玩延。必應叅懲。以儆其餘。施燕辰。黃文涵。著一併革職。○緩徵江蘇吳江。震澤。常熟。新陽。川沙。華亭。奉賢。婁金山。上海。南匯。青浦。無錫。金匱。江陰。宜興。荆溪。靖江。丹徒。丹陽。金壇。溧陽。二十二廳縣歉收村莊新舊額賦。○戊申。除江蘇江都縣坍沒田四頃九十二畝額賦。○己酉。旌表守正捐軀四川宜賓縣民郭正全妻曹氏。○庚戌。中元節。遣官祭永陵。

福陵。	昭陵。	昭西陵。	孝陵。	孝東陵。	景陵。	泰陵。	泰東陵。	裕陵。	昌陵。○遣官祭	孝穆皇后	孝慎皇后	孝全皇后陵寢。○遣官祭	端慧皇太子園寢。○給湖南武陵龍陽沅江。	益陽。湘陰。澧。安鄉。華容。八州縣。暨岳州衛被	水軍民口糧。並房屋修費。○辛亥。諭內閣。裕	泰。唐樹義奏。請將漂失米穀較多之知縣。撤	任查追等語。湖北咸寧縣知縣施均。於存貯
-----	-----	------	-----	------	-----	-----	------	-----	---------	------	------	-------------	---------------------	-------------------------	-----------------------	----------------------	---------------------

倉穀。並撥運徵存米石。值雨多水漲。溢灌入	城。未能趕即搬貯。致將未及。搶出各項米穀	漂失二千餘石之多。又該縣距省不及二百	里。所報連被暴雨情形。與省城大不相同。顯	係稟報不實。難保非先已虧那。藉口掩飾。施	均。著先行撤任。該督等即委員前往接署。並	責成該管知府。督同確查。是否虧那捏報。悉	心研訊。斷不准任其狡展。並查該員經手錢	糧。有無短絀。一併勒限追賠。嚴叅懲辦。○又	諭。裕泰。唐樹義奏。隄塍被水漫淹。請將辦理	不善之知縣。分別革職。議處一摺。湖北黃梅	廣濟二縣。上年潰口。撥銀修築。乃該縣等承	修潰隄。並不審度水勢。盡心籌畫。以致本年	隄塍。瀾漫過頂。田廬被淹。且黃梅縣於被水	後。該縣不即安撫。輒任災民結伴外出。更屬	玩視民瘼。黃梅縣知縣金崇城。著即革職。署	廣濟縣事。調補崇陽縣知縣福昌阿。著交部	議處。仍俟退水後。查勘該二縣漫溢各隄。如
----------------------	----------------------	--------------------	----------------------	----------------------	----------------------	----------------------	---------------------	-----------------------	-----------------------	----------------------	----------------------	----------------------	----------------------	----------------------	----------------------	---------------------	----------------------

有新修潰缺工段。即分別著落賠修。以示懲儆。○以詹事府詹事錫齡為內閣學士兼禮部侍郎銜。○壬子月食。○修山東運河。加河捕河上河下河泉河各廳屬隄壩坦埽。並減閘引渠等工。從署河道總督顏以燠請也。○癸丑。以勦辦中瞻對野番出力。賞四川同知張奉書副將伊薩布參將西林遊擊巴彥布都司張萬林守備蔣玉龍土司格宗達爾結四朗汪結工布俄珠朗結花翎。把總陳紹武藍翎。餘升敘有差。○甲寅。以故輔國公奕禮子載扶襲爵。○乙卯。以戶部右侍郎福濟為江南鄉試正考官。詹事府詹事杜翻為副考官。○丙辰。諭內閣。訥爾經額奏請豫籌剝船接運一摺。本年黃河盛漲。南糧挽入直隸境必遲。所需迎剝船隻。自應豫為籌備。著山東巡撫督飭臨清等州縣。如屆時應辦迎剝。即將該省額設例雇各剝船。放至直隸安陵。與直隸剝船分裝漕糧。運送通壩。以免延誤。惟

借船迎剝。究係一時權宜之計。嗣後該督當仍遵道光二十七年諭旨。先事妥籌。飭令各州縣及早完淺。毋任恃有山東接剝成案。致啓推諉之漸。庶事有專責。而鄰省亦不致藉口。○軍機大臣刑部會奏。訊明已革山西巡撫王兆琛收受商人規費。又失察巡捕家丁婪索滋事。已革霍州知州楊樹年挾勢借貸部民銀兩。餽送巡撫紅封屬實。均請發往新疆效力贖罪。從之。○丁巳。諭內閣。楊以增奏請將海安廳各員弁摘頂賠修一摺。海安廳五套隄工。因黃河盛漲。海潮頂托。致由隄平漫過水。尚未掣溜塌通。現已搶堵挂淤。該管廳營汛官。究係防範不力。除飭將隄缺迅速補還。所用錢糧。著落全賠。不准開銷外。署海安通判金安清。海安營守備王有。署阜寧縣羊寨司巡檢王汝恭。署雲梯汛把總王尚楨。協防王識廣。均著摘去頂帶。以示懲儆。儻賠修未能完固。稍有草率遲延。即著從嚴叅辦。

另片奏蕭銅境內灘水漫過間頂著督飭該管文武各員趕將順堰搶加斷流所用料土責令該廳賠還不准開銷其吳城洩水處所著該河督趕即籌備料物調集弁兵一俟上游黃水暢消速行堵合毋任稍有遲誤○以禮部右侍郎廣林署戶部右侍郎兼管錢法堂事務禮部左侍郎聯順署京營右翼總兵正白旗漢軍副都統慶豐署正藍旗滿洲副都統正黃旗蒙古副都統扎拉芬泰署正白旗護軍統領○戊午調鑲白旗蒙古副都統榮玉德為荊州右翼副都統以鑲藍旗漢軍印務參領定福為鑲白旗蒙古副都統○除甘肅臬蘭岷中衛寧夏寧朔貴德安西七廳州縣試種無效地一千九十七頃九十九畝有奇額賦○己未兵部右侍郎戴熙因病請解任命以三品頂帶休致以都察院左副都御史黃贊湯為兵部右侍郎未到任前以內閣學士李嘉端兼署○雲貴總督林則徐因

實錄卷之六

六

病解任以雲南巡撫程喬采為雲貴總督服闋巡撫張日晟為雲南巡撫未到任前以程喬采兼署○庚申仁宗睿皇帝忌辰遣官祭昌陵○諭內閣陸建瀛奏縷陳河工大略情形一摺所奏甚是本年黃水盛漲南河吳城七堡地方情形危險經楊以增奏請洩黃減漲自係擇害取輕之法業經降旨令俟積漲消退立即趕緊堵築惟稱河工積習類多偷減料物一遇水長即議開壩是於先事豫防之法殊未講求著江南河道總督嗣後每年應備料物務於冬春二季寬為採購並於霜降後將應修各工趕緊勘辦限於歲底春初定案正月興工三月完竣督同該管道員親自驗收如有虛鑲剝隄等弊據實參賠儻有老幼婦女偷抽料柴亦即嚴拏懲辦並不准派委無地方河工責任之營員以專責成河防修守原以保護地方二者相輔而行本不可

實錄卷之六

七

各執成見。陸建瀛有兼轄河務之責。著即責成陸建瀛。楊以增和衷共濟。虛懷商榷。務於力籌節省之中。毋貽顧此失彼之患。方為不負委任。○又諭陸建瀛。傳繩勛奏鄉試請再展期一摺。本年江南鄉試。因貢院積水。准其展至九月辦理。茲據奏稱該處積水。現退二尺有餘。尚未全消。號舍牆垣傾頽。一時難以修整。著准其再展至十月初八日舉行。至江南正副考官。現已簡放。著福濟杜翻查照現

實錄卷四十七

六

展日期。俟一月後起程。○諭軍機大臣等。有人奏本年南河盛漲。各廳報險。惟外南廳為尤最。同知王湘以病軀戀棧。置公事於不問。河督臣竟不叅撤。海安通判金安清。少不更事。未聞查叅。又掘開六堡之後。因各工平穩。欲將海安漫口掩飾。而不知七堡因此潰決。數百餘丈等語。此次南河搶險情形。已據該河督等節次奏報。海安通判金安清。亦經叅奏摘頂賠修。惟同知王湘是否年老戀棧。海

實錄卷四十七

七

安漫口。是否有掩飾情事。洩黃入湖。本一時權宜之計。而泥沙灌注。湖身日高。亦不可不早為籌及。著陸建瀛。楊以增。將摺內所指各情。詳悉查明具奏。並將河湖全局。熟商妥辦。毋致貽患將來。是為至要。原摺著鈔給閱看。將此各諭令知之。○命雲南布政使趙光祖。按察使普泰。來京。調貴州布政使駱秉章。為雲南布政使。以四川按察使張集馨。為貴州布政使。廣東鹽運使徐有壬。為四川按察使。雲南雲南府知府張亮基。為按察使。○辛酉。諭內閣。昨已有旨。令趙光祖。普泰。來京。另候簡用。現在裕誠。計已抵鎮。提訊廣和控案。趙光祖。如有應行質訊之處。著暫留雲南。俟案結後。再令起程。來京。所有雲南布政使。按察使。二缺。著程晉采。派員署理。○壬戌。貸浙江駐防修理兵房餉銀。○癸亥。以經徵錢糧。久任無虧。貴山東知縣朱家學等。四品頂帶。以直隸州知州。即補。○甲子。戶部議准。陝甘總

督布彥泰疏報甘肅靖遠縣開墾地五頃五十五畝有奇。照例升科。從之。○乙丑。諭軍機大臣等。有人奏被災省分。匪徒藉端搶劫。請飭查嚴辦一摺。據稱本年五月間。蘇州府饑民聚集閭門。維時有土匪數百人。假冒災民。將城內俞姓及城外楓橋地方周姓高姓家。俱白晝搶掠一空。又常州府有饑民數百人。赴府報災。府縣不理。謾之紳士。以致無賴匪徒糾約千餘人。擁至城內紳士余姓家。藉詞

實錄卷五十一

十

求賑。搶劫財物。地方文武各官。畏蕙避匿。致匪徒益無忌憚。搶奪余姓數家銀錢。輒以萬計。並有拒傷通判之事。又浙江山陰會稽等縣。亦有土匪糾眾肆搶。城內居民。急難遷避。各雇鄉勇。自為防衛等語。若如所奏。災區待賑方急。土匪乘機肆掠。地方官先事既不能設法安撫。臨時又不能嚴拏懲辦。其始土匪冒為災民。其後災民勢必流為土匪。於地方大有關繫。著陸建瀛傳繩勛。吳文鎔。迅即選

派賢員。馳往被災地方。按照所奏情節。確切訪查。嚴密拏辦。有犯必懲。毋許一名漏網。其地方各官。如查有畏避推諉情事。尤當嚴叅重懲。毋稍徇縱。是為至要。將此各諭令知之。○又諭有人奏湖北撤任知縣施均。以辦災為由。向本縣富室派捐銀數千兩。並不發賑。致饑民將首事各家房屋。全行拆毀。該縣竟不敢辦等語。地方偶遇偏災。不肖州縣。藉捐賑為名。浮冒侵吞。以肥私橐。遂致匪類饑民

實錄卷五十一

五

勾結為患。可恨已極。著裕泰。唐樹義。即將該撤任知縣施均。被叅各情。確切查明。悉心研究。斷不准任其狡展。致有不實不盡。僅稍涉徇縱。經朕訪聞。或別經發覺。惟該督等是問。恐不能當此重咎也。懍之。將此諭令知之。尋奏施均。並無抑勒侵吞情弊。惟辦理乖方。請交部嚴議。從之。○免直隸楊村一帶賠補遭風沈損剝船。



大清宣宗效天符運立中體正至文聖武智勇  
仁慈儉勤孝敏成皇帝實錄卷之四百七十

宣宗實錄卷之四百七十

聖

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百七十一

其修職官總目議起歷法官太子太保惟仁閣大學士劉開明等官理戶部事務上書房紀師傳翰林院掌院學士兼管閣  
天府府尹等官總目議加五級紀錄十八次日官總目議加五級紀錄十八次日官總目議加五級紀錄十八次日官總目議加五級紀錄十八次  
六倉大員積聚會同四議館書格加一級隨帶加六級軍功加三級紀錄五次日官總目議加五級紀錄十八次日官總目議加五級紀錄十八次  
內務府大臣錄而滿洲都統積聚內倉大臣管理宗人府銀庫左翼總管等官總目議加五級紀錄十八次日官總目議加五級紀錄十八次  
聖院通判等官總目議加十八級日官總目議加十八級日官總目議加十八級日官總目議加十八級日官總目議加十八級日官總目議加十八級日官總目議加十八級

秋修

道光二十九年己酉八月丙寅朔以大理寺

少卿雷以誠為奉天府府丞兼提督學政通  
政使司通政使程庭桂提督順天學政內閣  
學士李嘉端提督安徽學政吏部右侍郎張  
芾提督江西學政禮部左侍郎吳鍾駿提督  
浙江學政兵部右侍郎黃贊湯提督福建學  
政翰林院編修車順軌提督湖南學政編修  
胡瑞瀾提督山西學政編修吳福年提督陝  
甘學政左春坊左庶子許乃釗提督廣東學  
政翰林院編修孫鏘鳴提督廣西學政編修

陳慶松提督雲南學政。命江蘇學政青麐。山東學政馮譽驥。河南學政俞長贊。湖北學政龍啓瑞。四川學政支清彥。貴州學政翁同書。仍留任。○予浙江出洋淹斃守備韓慶瑞。湖北因公淹斃知縣李明壘。祭葬卹廕。廣東捕賊被戕千總胡鈴。祭葬世職。陝西陣亡馬兵穆建吉。甘肅陣亡馬兵馮大平。賞卹如例。○除江蘇金山縣坍沒田九頃五十八畝。有奇額賦。○展賑江蘇太湖。金山。靖江。漂陽。上元。

江寧。六廳縣被水災。民。○丁卯祭

先師孔子。遣吏部尚書文慶行禮。○命戶部右侍郎朱鳳標。教習庶吉士。○以禮部右侍郎曾國藩。兼署兵部右侍郎。工部左侍郎陳孚恩。兼署戶部左侍郎。管三庫事。○戊辰祭大社。

大稷。遣惇郡王奕諱恭代行禮。○諭內閣。據軍機大臣會同戶部刑部。審訊已革浙江巡撫梁寶常。藩司存興。任內催徵錢糧。虧數較多。

一案。該革撫所供銀米虧短數目。多與季芝昌。吳文鎔。參摺內不符。著吳文鎔。督飭藩司汪本銓。迅即查明具奏。以憑覈辦。○諭軍機大臣等。楊以增奏籌堵外南吳城洩水缺口。各情形一摺。南河吳城七堡地方。盛漲危險。前經該河督奏請洩黃減漲。本係從權辦理。據稱洪湖所進黃水不大。不致多受淤墊。然寬廣數百里。雖黃流未曾奪溜。而水勢平行。不能暢行。暗中受惠。實滋流弊。惟有迅將挑

通舊址。趕緊堵築。毋令漫刷。至於興工必資挑土。若待河灘涸露。始議興築。必候霜降節前辦理。亦未免過於拘泥。豈非株守坐誤。昭關壩毋庸再啟。可免下游浸灌。尚稱妥協。著該河督。即督同道將。相機迅辦。認真經理。毋得為劣員所朦。是為至要。將此諭令知之。○己巳遣官祭

文昌帝君廟。○諭內閣。德誠。吳鍾駿奏。請將米色潮溼。及行走遲延。各幫弁。並催趲不力。

之營汛各員弁。分別革職。摘去頂帶一摺。浙江台州前幫米色潮溼。而失風之米。為數亦多。該幫千總胡廷彪。不能約束。致旗丁有攪和使水情弊。迨經坐糧廳查驗。飭令上緊挑瞭。又不趕緊督辦。由來此等劣弁。雖經懲治。永不悛改。可恨已極。胡廷彪著即行革職。永不敘用。並著該部存記。嗣後有似此者。即著按此懲辦。毋稍寬縱。仍責令總運桂林嚴飭該幫弁丁等。將溼米認真挑瞭。儻有短少。即

行嚴叅。温州前幫千總王民彤。押運行走。沿途逗留。以致在後幫船。不能前進。其沿河司漕營汛。並不實力催趲。以致通壩停舛守候。均屬延誤。著一併摘去頂帶。至總運桂林未能實力督飭。亦屬辦事顛預。著交部議處。○又諭德誠。吳鍾駿奏。請飭查遲誤之總運委員等語。江蘇各幫漕糧。久已起卸完竣。蘇松太三屬總運。均未到通州。著江蘇巡撫查明。該總運何紹祺。李初圻。王家珮等三員內。除

實因公務羈身者。毋庸議外。將玩延遲緩之員。及欠解存公銀兩之各州縣。查取職名。一併奏叅。交部分別議處。以為玩視漕務者戒。○以禮部尚書孫瑞珍。為順天鄉試正考官。都察院左都御史王廣蔭。工部右侍郎靈桂。為副考官。○庚午。諭內閣。吳興樂斌奏。宗室意圖訛詐。請從重懲辦一摺。此案宗室明德。於官辦硫磺車輛。行抵邊門。膽敢率眾持械攔截。希圖訛詐。並將運磺車夫。看押數日。始

行放出。實與棍徒擾害無異。明德著革去四品頂帶。實發黑龍江。交該將軍嚴加管束。以示懲儆。其餘未獲逸犯。仍著嚴緝務獲。與現獲各犯。一併交盛京刑部審辦。○以葉爾羌參贊大臣德齡。為內閣學士。兼禮部侍郎銜。○辛未。改派詹事府少詹事赫特賀。監臨順天鄉試。○以都察院左副都御史書元。暫署刑部左侍郎。○以詹事府少詹事赫特賀。為詹事。○命陝甘總督布彥泰。撥銀五萬五千

兩。解赴塔爾巴哈台。備辛亥年經費。○壬申秋分夕

月於西郊。遣莊親王奕仁行禮。○諭內閣。楊殿邦奏。漕船渡黃較遲。請豫籌截撥一摺。本年四塘漕船。指日可全入東境。惟節候已遲。必須於安陵地方。截撥轉運。方可無誤。回空著直隸總督倉場侍郎。即飭天津道將楊村官撥抵補船隻。迅速調齊。並酌量添雇民撥。飛咨漕運總督。詢明應否迎至安陵守候。方免

臨事周章。○又諭徐澤醇奏。解司錢糧。查有攙銅情弊。請將驗解不慎之知縣。嚴加議處一摺。山東署平原縣知縣汪嗣緒。著即撤任。交部嚴加議處。並著該撫行提匠役人等。研審究辦。○又諭徐澤醇奏。總兵督防洋面不力。請革去頂帶一摺。所參是山東登州鎮總兵。管轄水師。巡洋是其專責。乃該總兵始則報稱兵船遭風。繼復旬日不出。顯係託故遷延。德通著革去頂帶。即行解任。交徐澤醇提

同應訊兵弁。將遷延各情。查訊明確。據實奏辦。所有登州鎮總兵著膠州協副將安德淳署理。○又諭徐澤醇奏。擬調小米撥船。協濟撥運一摺。本年南糧重運。在後十三幫軍船。渡黃較遲。於回空期限。尤形迫切。若僅令直隸山東兩省官民撥船協撥。恐致臨時貽誤。所有此次協濟撥船。著該撫即會商漕運總督。調用山東小米軍船四百五十隻。並著直隸總督將該省官撥船二千五百隻。先期一

併調赴臨清開外。以備裝運。其山東小米軍船。及雇用撥船。均請運至天津。即行放回。並請在臨清開外守候之處。著直隸總督。迅即會同該撫及漕督。妥商辦理。總期不誤回空。毋得互相推諉。又另片奏。借款支發軍撥各船飯食等語。著准其暫於山東司庫存貯雜款項下。借銀二萬兩。屆時支用。○甲戌

昭陵。○乙亥

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

顯佑宮

東嶽廟

城隍廟○

上御慎德堂。皇子行慶賀禮。王公於正大光明殿廊下。御前大臣。軍機大臣。大學士。於出入賢良門內。文武大臣。於出入賢良門外行禮。眾官於午門外行禮。○諭內閣。楊以增奏。甄別廳員。並嚴叅玩工之守備一摺。揚州府河務通判孫沛。才欠開展。於要缺不甚相宜。著撤回。俟有相當缺出。再行酌量補用。高堰營守備薛瑤。於幫同搶辦險工時。輒自私回清江浦寓。實屬膽大可惡。著即革職。枷示河干。以昭炯戒。○又諭。楊以增奏。叅廳營員弁一摺。本年南河外南廳吳城七堡。黃水盛漲。塌埽潰隄。當將該工迤上舊洩水處。挑通減漲。雖因人力難施。保全大局。而該管廳營員弁。究屬搶護未能得力。淮安府外南廳同知王湘。外南營守備師長鑾。清河縣馬頭司巡檢繆彬。南岸汛把總陳正平。上汛協防李萬鍾。著一併摘去頂帶。暫行撤任。所有堵合洩黃缺口之費。著照議責令該員弁等全賠。以示

懲儆並責成淮揚道督同文武委員趕緊集料一俟黃水暢消即行興堵仍令該廳營汛在工幫辦以重要工○給湖南武陵龍陽益陽相陰沅沔湘華容安鄉澧九州縣及岳州衛被水軍民一月口糧並房屋修費○貸湖南武陵龍陽益陽相陰四縣修民隄銀○丙子。

太祖高皇帝忌辰遣官祭

福陵○准江蘇鎮沔浙江台州幫旗丁分限買

補漂失米石○丁丑。

上御勤政殿禮部帶領越南國使臣潘靖等三人於階下瞻觀○諭內閣陸建瀛傳繩勛奏兵勇擊擒盜船現辦情形一摺勦辦可嘉之至浙洋盜匪麇聚東甯山一帶乘間伺劫經署上海縣知縣王紹復先後緝獲盜匪丁添來等究出盜首姓名巢穴知會兵勇迅速擒捕多名救回難民候補千總胡維榮等一經確探即不分畛域奮力擊擒此皆確有可據

不比空言擊沈盜船落水無數畫條粉飾之詞辦理實覺大快人意陸建瀛傳繩勛調度有方均著交部從優議敘王紹復著遇有直隸州知州缺出儘先升用先換頂帶胡維榮著以都司儘先升用先換頂帶其餘在事文武員弁著該督撫擇其實在出力者酌保數員候朕施恩至盜首陳雙嬉在逃務即督拏斷不可令其免脫○兩江總督陸建瀛等奏現辦賑務及省城水退情形得旨臣民之福

即朕之福加以卿等殫心盡力朕引領東南方寸可慰也○己卯諭軍機大臣等本日據劉韻珂由驛馳奏定海鎮總兵丁憂遺缺請簡一摺已有旨即令現委護理之遊擊周士法署理矣既據該督稱周士法熟諳洋政勇幹有為是以即令署理惟是缺地居海外巡洋緝匪關係非輕若驟易生手恐不能得力著劉韻珂於周士法到署任後留心察訪該員果否於此缺辦理得宜俟屆滿一年時據

寶具奏。母稍遷就。將此諭令知之。○庚辰。遣官祭黑龍潭。

昭靈沛澤龍王之神。玉泉山。

惠濟慈佑靈護龍王之神。昆明湖。

安佑普濟沛澤廣生龍王之神。密雲縣白龍潭。

昭靈廣濟普澤龍王之神。○遣官祭圓明園。

惠濟祠。

河神廟。○辛巳。遣官祭。

關帝廟。○以通政使司通政使程庭桂為都察院左副都御史。仍留順天學政任。○壬午。遣官祭昭忠祠。○諭內閣。陸建瀛傳繩勛奏。參玩視搶案。延不緝究之府縣營員。革職留任。并摘去頂帶一摺。江蘇常州府屬武進。陽湖。二縣災民。藉災搶掠。賊數較多。該府縣等近在同城。不能禁止。又不即為審辦。實屬延玩。且乘機肆掠。未必盡屬災民。必應徹底根究。前署常州府知府洪玉珩著摘去頂帶。署

武進縣知縣張廣韶。陽湖縣知縣宋備。恪俱著革職留任。前署常州府營遊擊沈鼎。前署該營中軍守備陳大觀。均著摘去頂帶。勒限一箇月。會同嚴緝首夥各逆犯。務獲解究。僅限滿無獲。即著嚴行叅辦。○以催漕挑河出力。予江蘇知州魏源等升敘有差。○給奉天錦州被水旗民一月口糧。並房屋修費。○癸未。諭內閣。吳文鎔奏。浙省武闡鄉試。請展限辦理等語。本年江南武闡鄉試。曾經降旨准其展至來年三月舉行。惟江南省城積水甚深。消退不易。文闡展限兩月。節候已遲。且早經該督等陳奏。是以准其展限辦理。浙江水退甚早。文闡祇展一月。情形不同。向來無此辦法。所有浙江武闡鄉試。著仍於文闡後舉行。不得顧此失彼。○諭軍機大臣等。本日據吳文鎔奏。浙省新漕。勢難一律徵收起運。請飭於河北遣散遊幫水手一摺。據稱浙幫各船。增雇緯夫。及遊幫水手。通計不下數萬人。本

屆新漕。停運必多。一經歸次。不特滋事堪虞。且食指浩繁。米愈少而價愈貴。請於河北全行截留。令其自謀生計等語。此等無業遊民。本非安分之徒。明歲停運船隻既多。誠恐其回至災區。路經江南一帶。藉端滋事。其應如何設法分起遣散。不致令其流離失所。而災區又免滋擾之處。著陸建瀛傳繩勛吳文鎔會同楊殿邦迅速妥商。會議具奏。務須和衷商榷。計出萬全。毋存畛域之見。惟節候已遲。必應趕緊籌畫。若各執成見。祇知為己不恤鄰封。日後咎有攸歸。其各懷之勉之。○甲申。順天府以宗室鄉試中額請得旨。取中五名。○乙酉。諭內閣。陸建瀛奏參擅離汎地之守備。並督防疏懈之署遊擊一摺。江蘇署常州營遊擊事督標中營都司沈彝常州營中軍守備陳大觀。前因疏防城內災民打搶降旨。同該地方官。併摘去頂帶。勒限緝犯。茲據查明。該守備擅離汎地。僅予摘頂。不足蔽辜。

陳大觀著即行革職。仍責令隨同現署守備會縣嚴拏逸犯。務期全數弋獲。解交審辦。署遊擊沈彝因公出城。尚無不合。惟不能先事豫防。嚴飭陳大觀在營彈壓。實屬督防疏懈。僅予摘頂。亦覺輕縱。沈彝著再交部議處。以示懲儆。○又諭。陸建瀛傳繩勛奏。請將偷安取巧以致典史淹斃之知縣革職一摺。江蘇金山縣知縣陳偉於棍徒攔阻南匯縣商販米船時。毫無覺察。迨該委員等不能彈壓。回縣面商。該縣仍不親自前往查辦。藉口查災勸捐。輒委專管監獄例不准擅離職守之典史黃鶴年。越汎彈壓。以致該典史呼應不靈。被淹斃命。實屬偷安取巧。且被淹情形。該督等已層層駁詰。必應照摺內所指。逐層研訊確情。陳偉著即行革職。拏問。不准留緝。責令署事之員勒拏逸犯。該革員即歸案嚴究。勿任狡展。從重定擬具奏。○以詹事府少詹事朱蘭。左春坊左贊善玉山。充日講起居注官。



司經局洗馬蔡宗茂署日講起居注官。○准江西吉安等十幫湖南頭二三幫各旗丁緩交南糧餘米。○丙戌命山西巡撫李芝昌來京署吏部右侍郎。以直隸布政使龔裕為山西巡撫。○丁亥以河南按察使吳式蒼為直隸布政使。病痊按察使郭夢齡為河南按察使。○戊子。

世宗憲皇帝忌辰遣官祭

秦陵。○以禮部尚書孫瑞珍署翰林院掌院學

士。○己丑諭內閣現交穆彰阿等會審案內被控之戶部郎中現任江西撫州府知府丁芑詒著該撫飭令迅即來京候訊其自京隨往之家人李姓即飭帶同北上不准託故隱匿並著沿途督撫催令趕緊趲行毋任耽延所有撫州府知府篆務著該撫派員署理。○又諭鄭祖琛閔正鳳奏土司邊境盜匪竄擾督飭勦辦情形一摺廣西盜匪在毗連廣東一帶地方聚眾滋擾前經兩省會捕擒獲多

名茲復糾結夥匪擾及土境經該撫督飭鎮道選派兵勇前往勦辦該匪等膽敢恃眾抗拒都司鄧宗珩帶傷殺賊乘勝前追墜馬殞命旋經該鎮道確探賊蹤督兵開礮轟斃賊匪五十餘人追拏十一人奪獲鐵礮十二位並刀槍多件該匪等勢已大潰紛紛逃竄惟該處毗連兩省山徑崎嶇難保該匪等不四出竄匿乘間竊發著該撫仍督飭文武會同廣東員弁於各要隘合力兜拏務期淨絕根

株肅清邊境都司鄧宗珩身先士卒奮勇捐軀實堪憫惻著加恩照參將例賜卹以慰忠魂。○福建按察使積喇明阿因病解任以廣東惠潮嘉道陳阡為福建按察使。○庚寅諭內閣據工部奏查南河工用銀兩前經署河督李星沅奏明每年尋常例用當以三百萬兩為率河督楊以增到任後所奏亦同乃甫經酌定該河督現奏又謂不敷殊覺矛盾恐有受屬員朦蔽之處本年五套吳城七堡漫

口各工均責令各該廳員全數賠修。甚覺覈實。其餘尋常工程。自宜撙節動用。無逾奏准之數。以符成議。嗣後南河於霜降後報銷之時。僅有數逾三百萬兩以外。無論分毫。即著概行議駁。並著工部於每歲南河報銷奏到。開列比較清單呈覽時。將曾否逾數駁去若干。及實未逾數之處。覈實聲明。以防浮濫。並著戶部存記。○命陝甘總督布彥奏撥銀七萬二千九百七十四兩零。解赴烏魯木齊備

辛亥年經費。○以經徵錢糧久任無虧。予直隸知州寶琳等。升用有差。○辛卯。予故前任閩浙總督楊國楨。祭葬。賞其子炘。煊。舉人一體會試。○給江西鄱陽星子。建昌。都昌。餘干。萬年。南昌。新建。進賢。九縣被水災民一月口糧。○壬辰。諭內閣。裕誠奏。被劾人員。挾嫌揭告。審明定擬。並另開清單呈覽一摺。此案雲南已革降調知縣廣和。挾嫌列款具控。審明多係虛誣。實屬刁詐。著照擬從重發往新疆

充當苦差。以示懲儆。已革州同銜劉元吉。與廣和拜認師生。迹涉夤緣。復經餽謝銀兩。著發往軍臺效力贖罪。雲南布政使趙光祖。雖訊無虧。短庫項情事。惟於幕友得受節禮。及假冒頂帶。並書吏門丁種種弊端。不能查禁。且於廣和誣拏燒香。又不揭叅。著交部嚴加議處。並著即行來京聽候部議。○癸巳。遣官祭賢良祠。○諭內閣。裕泰奏。總兵與廳員互揭。請撤任質審一摺。湖南綏靖鎮總兵祥麟。

因地方捐辦平糶事宜。與永綏廳同知翟誥意見不同。互相稟揭。業經該督派委道員前往確查。惟案關文武職官。互相攻訐。曲直虛實。均應徹底根究。除翟誥先經撤任外。祥麟著一併撤任。交該督提同全案人證。秉公質訊明確。分別辦理。毋稍瞻徇。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百七十一

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百七十二

監修總裁官經筵日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務隨帶加五級紀錄十八次臣賈樟總裁官鈐定議官吏部尚書顧興撰漢軍都統管理新營營城內官房大臣稽察內

七倉大臣稽察會同四譯館事務加一級隨帶加六級軍功加三級紀錄五次。且挖沙納經運預官文淵閣提舉隨事兵部尚書總管

內務府大臣鑲白旗滿洲都統稽察內七倉大臣管理宗人府銀庫左翼幼官學  
監弄宮圓明園等處積提筆御茶膳房御藥房太

昭院選解度事林隨帶加十八級。日阿靈阿副總裁官經廷議官兵部尚書隨帶加六級。紀錄二十次。日周祖培等奏

救修

道光二十九年己酉九月乙未朔調廣東碣

寶錄卷四十五

十

---

石鎮總兵官曾逢年為陽江鎮總兵官。陽江鎮總兵官王鵬年為碣石鎮總兵官。○丙申。

遣官祭

歷代帝王廟。○以拏辦匪徒出力。賞廣東候

補知府沈棣輝花翎。餘升敘有差。○貸江寧

京口駐防修理官署兵房銀○丁酉諭內閣

吳文鎔奏。奏銷題報遲延。請與藩司一併交

部議處等語。本年浙省被水成災。一切查勘

安撫均須籌辦。以致奏銷冊籍未能依限辦

理遲逾一月有餘尚屬有因。所有該撫自請議處。並請將藩司交部議處之處。均著加恩寬免。○戊戌諭內閣。此次送恩嬪金棺。查看橋道。著工部堂官於派往司員內。揀派一員。專隨派出之副都統西興阿。維祿前往查看橋道。所有該部堂官著毋庸派往。○又諭潘鐸奏。考官出題錯字。自行檢舉一摺。河南正考官宋晉。副考官吳駿昌於闈中發刻題紙。並不細心覈對。錯誤數處。試思所司何事。如

此粗率。均著交部嚴加議處。嗣後遇考試。試差不准該二員與考。著該部院存記。○己亥諭內閣。禮部照例奏請派堂官一員。送恩嬪金棺。著毋庸派往。嗣後遇有嬪位分移送圍寢。各該處俱毋庸以堂官開單奏請派往。○又諭本日召見之湖南沅州協副將王灼。看其人才具平庸。難勝其任。著以頭等侍衛在大門上行走。○又諭卓秉恬德誠等奏。浙江糧道毓衡在通州投河身死等語。監司大員

無故輕生。其中有無別情。自應確切研究所。有該糧道家丁張明。船戶趙汶祥等著順天府。一併傳交刑部審明辦理。○准江西廣信等幫湖南頭幫遭風沈失米石。分限買補。庚子旌表守正被戕直隸束鹿縣民閻玉得妻趙氏。○辛丑旌表守正捐軀山西徐溝縣民梁生力妻申氏。○壬寅諭內閣。奕興慶祺春佑奏發遣宗室。私自外出。請從重改發一摺。宗室豐寅前因在京屢次犯案。發往盛京

乃於到配後。復敢潛往他處遊蕩。實屬怙惡不悛。豐寅著從重改發吉林。交該將軍嚴加管束。○諭軍機大臣等。本日據戶部奏請飭催兩淮例解庫款。及江蘇三次清查彌補項下。據報入撥銀兩一摺。各直省例解部庫之款。均應按屆清解。其應行入撥銀兩。亦應於春秋兩撥冊內註明。入於何季實存項下。聽候部撥。著陸建瀛傳繩勛接奉此旨。即查照以上欠解款目銀數。飭委妥員迅速解交部

庫並將已行報撥之款查明入於何年季撥實存項下即行具奏毋再稽遲又片奏江蘇省官墊民欠項下初二兩限已解銀兩久未報撥等語亦著該督撫查明前款速飭造入本年冬撥冊內聽候部撥其三限已攤未解銀兩應即嚴提並接攤四限銀兩著一併確查趕辦當此經費支絀之時該督撫若不盡心籌畫以實庫儲於心安否將此各諭令知之○癸卯諭內閣漕糧為天庾正供節經降

旨令有漕各省督撫嚴飭所屬早兌早開剋期渡黃毋稍延誤乃近年重運漕船不能如期抵壩以致到通歸次兌受新漕節節耽延總緣各該督撫不肯破除情面實力催趲所致本年四塘各幫漕船因黃水異漲在塘守候灌放稍遲渡黃後又疊遭風雨沿途淺滯若不趕緊催趲及早歸次儻誤新漕受兌關係匪輕現在節屆霜降水勢漸消著漕運總督及沿途各督撫分飭所屬嚴行催趲務使

連檣南下銜尾遞行不准片刻停留庶可以速補遲如期歸次來年新漕尤當趕緊辦理按限兌開統限於四月初十日以前全數趲至清江剋期抵壩以便渡黃北上無許稍有延誤儻意存怠玩視為具文仍致臨事周章有逾例限定將該漕督及各該督撫嚴行懲處決不寬貸將此通諭知之○又諭陸建瀛傳繩勳奏請商船運豆出口等語本年江蘇水災寬廣民食維艱不得不藉客米接濟所有運米閩商著准其裝載豆石回籍以廣招徠一俟米價平減即行停止不必拘定明年三月為期○又諭奕格等奏參有意不給站馬以致俄囉斯要犯遠颺之卡倫侍衛一摺追拏俄囉斯逃犯之台吉俄莫克圖尹濟里克至卡因馬疲乏將馬票呈給該卡倫侍衛驗看換馬該卡倫侍衛護軍校額勒錦布並不供給站馬又不傳交各卡供給實屬任意遲滯額勒錦布著即革職飭回本旗○又諭

英隆等奏。因泥水過大。未能赴卡。官員請  
旨一摺。墨爾根隘官及呼蘭之努敏張阿二  
卡。原為防範偷窺人。漫而設。今二卡所派之  
防禦伊薩布。恩騎尉烏勒興阿等。因遇靈雨  
未能赴卡。且每日會哨。只換箭一次。即行旋  
回。殊屬不合。佐領蘇布通阿。雖未離卡。惟與  
值班之恩騎尉烏勒興阿。換箭一次。實屬違  
禁。防禦伊薩布。恩騎尉烏勒興阿。均著交部  
議處。佐領蘇布通阿。著交部察議。○江蘇布  
政使程煥采。因病解任。調廣東布政使李璋  
煜。為江蘇布政使。以廣東按察使柏貴。為布  
政使。廣東鹽運使祁宿藻。為按察使。○甲辰  
諭內閣。楊殿邦。奏漕務疲滯情形。請飭催各  
省。趕辦新漕一摺。本年漕船回空較遲。昨已  
降旨。飭令沿途各督撫。嚴行催趲。無誤歸次。  
以期明年新漕早兌。早開。茲據該漕督奏稱。  
近年江蘇有至十二月始行開倉者。浙江有  
至次年二月尚在收米者。收兌愈遲。開行愈

晚。以致節交伏汛。渡淮渡黃。層層棘手。關繫  
匪輕。著有漕各督撫。嚴飭各該地方官。今冬  
起運新漕。務須遵照定例。及早開兌。儻有逾  
限。即著查明。遲誤緣由。嚴行叅辦。以肅漕政。  
而速運行。○禮部奏。十月初十日。  
皇太后聖壽節。應行禮儀。得旨。是照例行禮。奉  
皇太后懿旨。停止筵宴。其在外公主福晉命婦  
進內行禮之處。並著停止。○以工部左侍郎  
恩華為滿洲繙譯鄉試正考官。通政使司副  
使托倫布。為副考官。○陝甘總督布彥泰。因  
病解任。以四川總督琦善。署陝甘總督。成都  
將軍裕誠。暫署四川總督。○以山東臨清城  
守營副將三星保。為甘肅河州鎮總兵官。○  
乙巳。諭內閣。皇清開國方畧全函。著派右庶  
子鈕福保。修撰李承霖。編修蔡念慈。金鶴清。  
分卷恭錄。校對明確。進呈御覽。○又諭御史  
方允鑑。奏賑務積弊一摺。各省偶遇災歉。朕  
無不立發帑金。籌款賑撫。原期流離赤子。剋

日安集。若如該御史所奏。各省辦賑。向有各種市井名目。官則肥己。營私吏則中飽。滋弊且造冊換錢。動需時日。以嗷嗷待哺之民。延頸數月。卒至實惠未霑。轉徙溝壑。思之實堪痛恨。各該督撫等。身膺疆寄。責重牧民。務須激發天良。嚴查屬吏。訪有前項弊端。立即嚴叅。從重治罪。儻或狃於積習。稍涉徇隱。致不肖官吏。侵吞朘削。一經發覺。國法具在。斷不能倖邀寬典也。懷之勉之。將此通諭知之。○

又諭陸建瀛奏。請將藉詞諉過之都司革職勒緝一摺。江蘇東海營都司趙長庚。於贛榆縣民李太標在洋被劫一案。業經事主指定係屬該營界內之事。且有洋面東西直出之紅線為準。應歸該員承緝無疑。乃忽於數月之後。詳稱應歸廟灣營參緝。實屬意存推諉。趙長庚著革職暫行留任。勒令拏獲正盜真贓。儻敢玩縱。即著另請革任。嗣後遇有似此案件。即照此次分定界限覈辦。以杜諉卸。○

又諭德誠朱崙奏。查驗涇米虧短一摺。浙江台州前幫到通漕糧。前因潮涇過多。降旨將該幫千總胡廷彪革職。仍責令總運桂林嚴飭該幫丁認真挑晾。茲據該侍郎等查明。前項涇米。除挑晾乾潔外。尚短欠米六千四百五十四石零。疊經飭催。延未清完。該旗丁等畏懼逃匿。飭拏未獲。著漕運總督浙江巡撫。即飭該管糧道嚴拏逃丁。照數追比。革弁胡廷彪。仍押令回南措辦。明年帶運赴通。總運桂林所司何事。豈得置身事外。著交部議處。以示懲儆。另片奏。訪聞幫船逗留積弊等語。幫船水手舵工盤剝幫丁。勒指扶制。因而疲累不能前進。沿途文武屢催罔應。其刁狡已可概見。若不破除積習。從嚴懲辦。大為漕務之害。著漕運總督江南浙江各督撫。查明前項弊端。加重懲治。務令每歲漕船連檣南下。不致因累稽遲。方稱妥善。○諭軍機大臣等。有人奏江蘇蘇州常州等府。均有饑民籲請。

平糶稟府不理。致釀搶奪之事。現聞蘇城各商。已公捐制錢十萬千文備賑。常郡業已踴躍捐輸。延挨數月。未聞放給。況平糶祇求減價出售。迥非強橫勒索可比。何至遽干眾怒。是該府等不能正己率屬。措置乖方。已可概見等語。江蘇蘇州常州等府屬災黎待哺。嗷嗷現辦賑務。總以實惠早霑為第一要義。若如所奏。饑民籲請平糶。地方官置之不理。捐輸已有成數。又復延未放給。以致災民搶奪滋事。種種玩忽因循。何以蘇民困而靖災區。著傳繩勛。迅即遵委賢員。馳往各該處確查所參各情。是否屬實。有無侵賑病民。及胥役中飽等弊。據實具奏。斷不可稍涉回護。將此諭令知之。○以盛京戶部侍郎慶祺為兵部右侍郎。都察院左副都御史書元為盛京戶部侍郎。兼管奉天府府尹事。○以鑾儀衛冠軍使瑞昌為正白旗漢軍副都統。○以緝捕出力。予馬蘭鎮標千總王永等升擢有差。○

貸山西修理綏遠城垣銀。○丙午。遣官祭都城隍之神。○諭內閣。抽查漕糧御史聯福。徐文鈞。參奏奉旨嚴訊之員。日久未能定讞。一摺。著改派文慶。祁寯藻。廣林。查訊明確。定擬具奏。卓秉恬。陸應穀。及倉場侍郎於特旨交辦之案。辦理顛預。不以公事為重。均著交部議處。○三品頂帶署河東河道總督顏以燠。奏報秋汛安瀾。命詣河神廟祀謝。賞顏以燠二品頂帶。實授河東河道總督。出力員弁。升敘有差。○以太僕寺卿羅惇衍為通政使司通政使。○丁未。旌表守正捐軀河南安陽縣民吳萬全妻張氏。○戊申。兩江總督陸建瀛。江南河道總督楊以增。奏報秋汛安瀾。命楊以增詣河神廟祀謝。陸建瀛。楊以增。均下部議敘。出力員弁。升敘有差。○命署吏部右侍郎李芝昌。在軍機大臣上行走。○己酉。實授琦善陝甘總督。以山東巡撫徐澤醇為四川總督。福



建布政使陳慶偕為山東巡撫未到任前以山東布政使劉源灝署理○庚戌諭內閣御史張廷瑞奏米短丁逃逼斃道員情由一摺著軍機大臣會同刑部覆訊定擬具奏旗丁姚觀五等在逃著步軍統領衙門順天府五城暨沿途督撫並漕運總督浙江巡撫嚴拏解交刑部審辦該幫弁避匿及奉委代辦總運同知著沿途地方官查明一併截回迅速送部至伍丁汪齡著順天府飭委通州迅速

解部毋任逃匿○諭軍機大臣等有人奏奉天有已革捐復刑部筆帖式宜鉅素行無賴廣修房宅招集匪徒聚賭蓄娼大為地方之害又搶奪重案層見疊出州縣規避處分十匿其九吉林之北強盜尤多犄角爭雄戕害行旅田莊台沒溝營兩處亦有回民壟斷網利嘯聚械鬪並有知縣被礮擊壞坐車之事各等語奉天為根本重地吉林地方均關係要必當法紀肅清若如所奏職官誘賭窩娼

匪徒肆擾盜賊橫行為害地方莫此為甚著奕興倭什訥書元文俊等各按原奏所指情節遴委幹員確查密訪按名弋獲一一破案其因循不力之州縣嚴叅重懲以肅綱紀而靖閭閻如有應行知會直隸山東之處亦著酌量咨辦將此諭令知之○以江蘇按察使慶端為福建布政使山東鹽運使聯英為江蘇按察使○以經徵錢糧出力予河南知縣汪杰等升敘有差○辛亥

上詣綺春園問

皇太后安○諭軍機大臣等趙炳言奏拏獲糾搶各犯現飭嚴審究辦等語湖南岳州常德澧州三府州及長沙府屬上通黔粵下達荆襄其中港汊紛歧最為盜賊窩藏之藪其衡永郴桂各府州屬俱與兩粵連界亦多外來匪徒涇跡其間誘脅良善習教結會肆行搶奪疊經各該地方文武員弁獲犯多名均已隨時分別懲辦現在郵縣安仁茶陵等州縣

又復拏獲匪徒譚敘亨等十八名並起獲令旗腰牌旗幟刻刷八卦圖紙片及鈔寫兵法書本等件訊據供認聽從糾邀入夥結盟拜會希圖搶劫此等匪犯暨不畏法現既起獲令旗兵書等件即難保無另有謀為不軌別情且恐該犯等輾轉勾結斷不止此現拏之數馮德馨到任後趙炳言必將舊案移交著將現獲各犯委員隔別研審如有別項重情即當盡法懲治並究明黨羽分飭查拏總期淨絕根株勿留餘孽該撫初膺疆寄宜如何振刷精神力求整頓以無負委任也將此諭令知之○朝鮮國使臣樸晦壽等三人於大紅橋瞻觀○壬子諭軍機大臣等本日據徐廣縉葉名琛密陳暎夷追溯進城約期一事懇乞代奏並將照覆稿底呈覽一摺覽奏均悉進城一事本年春間已據該首照會以後不復辯論乃現在復以該國王函詢者英定約各國皆知何以屆期又經阻止懇將此意

速為代奏自緣進城未能如約懷慚尋釁加以噫酋回國必藉口居功歸怨咎嚙以致咬首再三諄懇其情已可概見業經該督等酌理準情剴切照覆該酋自亦無可置辯惟將來或再有所請仍須照覆該督等可作為已意諭以天朝撫馭外藩向以誠實相待入城之舉揆諸事勢百姓既不相容夷人必受重創豈肯不以實告況罷議進城後貿易漸旺已有明徵若復申前說則商人之裹足不前民人之同心共憤又將如今春故事該酋亦何苦自取困累耶至前與定期不過從俗從宜一時行權之語日久相安仍當以時為大該國最重貿易現在貨物流通又何必仍詢前約致令商民疑慮諸多窒礙天朝惟知上順天心下從民願以懷柔為本斷不任民人稍事欺凌該國亦當體會此意安心貿易勿生枝節上而督撫提鎮下而軍民人等旁及諸國

斷無以不進城為羞辱之事。否則春間暫停貿易。各國何以將積貯貨物。全交公使責令賠償。即此一節。可知諸國之心。亦不以進城為然也。經此剴諭之後。該夷自必就範。而閩城文武軍民。勦力同心。屹然有不搖之勢。朕何憂乎。現在情形若何。即由驛奏來。至新領事咆囂。為人是否曉事。一切能否循理。並著該督等隨時察看。遇便具奏。將此各諭令知之。○癸丑。諭內閣。舒興阿奏審明諱盜營私

之革員。並行竊庫銀案犯。分別定擬一摺。此案印房章京湯武泰。並無監守責任。糧餉章京成慶。初次開庫。即行查出。旋即訪有端倪。與始終失察者有間。著與例得減等之委筆帖式阿察。綢阿。經制外委王棟。一併免其議處。○又諭。舒興阿奏請將另款餘騰銀兩。豫抵經費一摺。阿克蘇應需道光三十一年官兵經費銀二萬八百九十兩零。據稱現照部議撥款豫抵。著即准其在於另款存貯糧臺

餘騰銀內。照數撥出。劃抵。以免撥解。○國子監祭酒勝保奏請酌收廩稅。籌備經費得旨。斷不可行。○甲寅。諭內閣。訥爾經額奏請展緩查驗撥船一摺。本年直隸撥船。迎撥漕糧。程途較遠。又須續運奉天牛莊米豆事竣。節候更遲。若再查驗。恐誤歸塢修船。所有楊村續增撥船一千隻。著准其展緩。至來年漕竣後。再行奏請派員查驗。以免貽誤。○以雲南勦辦野夷出力。予按察使張亮基等升敘有

差。○乙卯。

上御洞明堂。勾到新疆雲南貴州廣東廣西情實罪犯。停決雲南斬犯一人。貴州斬犯十二人。絞犯一人。餘一百一人。予勾。○諭內閣。英隆等奏參患病未報致誤卡倫之員一摺。騎都尉烏爾屯保派出坐卡差使。並未報病。以致曠誤卡倫。殊屬不合。且由該處提省。膽敢不到。實屬目無法紀。著照所請。騎都尉兼一雲騎尉烏爾屯保著即革職。以示懲儆。○丙

辰

上御洞明堂。勾到四川情實罪犯。停決斬犯十  
三人。絞犯二人。餘八十八人。予勾。○諭內閣  
陸建瀛。奏參支飾遷延。以致搶犯復出滋事  
之總兵。及該管署直隸州一摺。江南狼山鎮  
總兵王鵬飛。署通州直隸州知州候補知府  
何森林。於該州匪徒糾搶場竈之案。經該督  
派委往拏。不難登時獲解。乃該總兵安坐不  
出。以致節次肆搶。毫無畏忌。該署州僅以獲

犯數名。聯名飾稟。殊屬玩泄。王鵬飛。何森林。  
著一併摘去頂帶。勒限督同分司汛弁等將  
疊次糾搶各犯。按名悉數弋獲。解省審辦。毋  
許一名漏網。如再玩泄。即著從嚴叅撤。○又  
諭陸建瀛。奏參擅責生員。稟報失實之遊擊  
一摺。江南江陰營遊擊福山。因巡夜誤拏生  
員。並不送縣查究。輒敢擅行杖責。致激眾憤。  
實屬狂妄。又復稟報不實。顯係回護諱飾。福  
山著即革職。交該督提同全案人證。嚴審確

情定擬具奏。尋奏福山拏獲不安本分之生  
員曹毓璘。並不送縣訊辦。輒冒昧擅責。又復  
稟報不實。實屬荒謬。業經革職。應毋庸議。生  
員曹毓璘。業因犯姦本案斥革。免其杖責。發  
落下部議從之。○又諭托明阿。盛燠。奏派撥  
閒散演練槍礮。籌款津貼一摺。綏遠城八旗  
官兵。添設撞槍撞礮。現經派撥閒散與甲兵  
一體入操。著准其籌款津貼。所有每年需銀  
一千九百二十兩。著准其在於該處地租生

息及搏節餘膳房租兩項銀內支放。餘膳銀  
兩。留抵遇閏支發及歲修槍礮之用。該將軍  
等務當認真訓練。不可有名無實。日久生懈。

○丁巳

上御洞明堂。勾到福建奉天湖廣情實罪犯。停  
決福建斬犯一人。奉天斬犯三人。湖廣斬犯  
八人。絞犯一人。餘五十三人。予勾。○戊午  
上御洞明堂。勾到陝甘浙江江西情實罪犯。停  
決陝甘斬犯二人。絞犯一人。浙江斬犯一人。

江西斬犯二人。絞犯一人。餘六十五人。予勾。○諭軍機大臣等。徐廣縉葉名琛奏請將迎勦洋匪失利之總兵議處。並現在拏獲多名。仍飭控捕一摺。本年夏間。廣東西海洋面。有匪船滋擾。該處毗連陽江瓊州二鎮。該護理瓊州鎮總兵崖州協副將何芳迎勦失利。署參將陳魁倫畏葸不前。以致有焚燬師船之事。實屬勦捕不力。何芳著交部議處。陳魁倫業已撤任。著與稟報不實現經撤任之署廣

海寨遊擊鄺勉。一併交該督等督同臬司研訊確情。從嚴審辦。該省洋面匪徒。現已沈燒多船。並生擒盜匪一百餘名之多。正可乘機勦辦。著該督等酌量情形。或設法離間。以毒攻毒。或大施勦捕。淨絕根株。務當嚴飭水陸各營。分頭截堵。毋令滋蔓。以靖地方。將此諭令知之。○以故哈薩克王江霍卓子魯斯他木襲爵。○命服闋尚書何汝霖。以一品銜署禮部左侍郎。仍在軍機大臣上行走。○已未

諭內閣。本年朝鮮國遣使請誼。請襲陳奏貢物。著准其留抵下次正貢。○蠲緩貴州桐梓縣被水村莊額賦有差。並給災民一月口糧。及房屋修費。○庚申。

上御洞明堂。勾到安徽江蘇情實罪犯。停決安徽斬犯四人。江蘇斬犯二人。餘六十五人。予勾。○賞廣安門外普濟堂糶賑小米三百石。

○辛酉。

孝慈高皇后忌辰。遣官祭。

福陵。○諭內閣。前據吳文鎔奏浙幫各船增雇緯夫及遊幫水手。通計不下數萬人。本屆新漕停運。一經歸次。滋事堪虞。請截留河北。令其自謀生計等語。當交陸建瀛等迅速妥商。會議具奏。茲據該督撫及漕督等將會同籌辦情形。縷晰入奏。著照所請。所有添雇緯夫。一入下水後。即查照成規。均行辭退。惟舵水人等。每復輟轉雇覓挽留。致仍隨幫歸次。即減歇各船之有名舵水。亦應資遣。該督等現

議將浙省各幫與蘇松軍船一體辦理其遊幫短絳人夫多係籍隸山東兗沂及江蘇徐州等處今屆河北收成豐稔一經遣回均可另謀生計著陸建瀛楊殿邦傳繩勛吳文鎔分飭所屬務將冊內無名及遊幫短絳人等在於濟寧一帶概行遣令回籍不准一名過淮儻敢抗違不遵立即嚴拏懲辦並各遴委妥員按段稽查如有容留之人一併查拏究治其各船有名舵水將來到次派減並著傳繩勛吳文鎔查照章程妥速資遣亦不准逗留擾害經此次該督撫等定立章程各有專責如果認真稽查斷不至釀成事端另生枝節儻日後有滋擾之處即按所轄地面將該管大吏重懲不貸懍之○戶部議准廣西巡撫鄭祖琛疏報天保縣開墾水田二埧有奇照例升科從之○壬戌

上詣綺春園問

皇太后安○諭軍機大臣等前據奕興奏副都

統貴陞咨揭協領袒護屬員一案因各項不符情節特降旨令樂斌前往驗閱據實具奏茲據樂斌查明覆奏貴陞咨稱水師營步射平平而閱箭底冊中數較多有該副都統親自點記已屬自相矛盾至水操技藝據樂斌奏稱演習如式貴陞曾經獎賞屬實乃該副都統咨稱各項技藝生疏亦屬歧異所有德特賀韓君忠二員業經革職休致果否平允著奕興秉公據實覆奏再降諭旨至貴陞於

金州副都統一缺能否勝任亦著該將軍悉心體察具奏將此諭令知之○命乾清門頭等侍衛聯順在御前行走○癸亥

孝敬憲皇后忌辰遣官祭

泰陵○以貝子索諾木丕勒濟為青海右翼副

盟長○甲子

上還宮○諭內閣徐澤醇奏運司籌辦鹽務有效請以後慎守新章等語山東省鹽務疲累已久經運司聯英悉心籌辦力除積弊現在

各岸懸引俱已領運有人本年運銷引票徵完課項幾及全完於督課恤商諸務日有起色所辦甚好徐澤醇聯英現俱升任他省均著交部議敘新任巡撫陳慶偕到省後著督飭新任運司王懿德按照現辦章程諸事講求覈實辦理務期年清年款力復成規不准再任疲玩懸欠致蹈從前積習陳慶偕王懿德經朕特簡諄諄訓諭諒必振刷精神母負委任也○以清查出力予山東知府李天錫等下部議敘○緩徵山東濟寧惠民陽信樂陵海豐魚臺鄒平單范博平堂邑濰金鄉嘉祥長山濟陽歷城齊東商河河澤曹定陶鄆城濮觀城朝城聊城茌平臨清邱章邱利津濱陽穀館陶莘陵德恩平原禹城鉅野鄒壽張城武汶上霑化四十七州縣並東昌臨清濟寧三衛被水被旱被雹被蟲莊屯新舊額賦

大清宣宗效天符運立中體正至文聖武智勇仁慈儉勤孝敏成皇帝實錄卷之四百七十二

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百七十三

監修總纂官臣等謹將宣宗成皇帝實錄卷之四百七十三

大府府尹等謹將宣宗成皇帝實錄卷之四百七十三

七倉大臣楊家會同四譯館事務加一級隨帶加六級軍功加三級

內務府大臣德昌等謹將宣宗成皇帝實錄卷之四百七十三

監修總纂官臣等謹將宣宗成皇帝實錄卷之四百七十三

監修總纂官臣等謹將宣宗成皇帝實錄卷之四百七十三

道光二十九年己酉冬十月乙丑朔享

太廟遣惇郡王奕諒恭代行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○頒道光三十年時憲書

○諭內閣德勒克多爾濟等奏據哲布尊丹

巴呼圖克圖之堪布諾們汗呈請進京瞻仰

天顏轉奏請旨一摺堪布諾們汗羅布桑舒

拉特木濟克們本年適值年班呈請瞻仰實

出至誠著准其進京瞻仰○丙寅

上幸圓明園○命協辦大學士戶部尚書祁寯

藻馳赴四川查辦事件○以一品銜署禮部

左侍郎何汝霖署戶部尚書署吏部右侍郎

季芝昌署管理戶部三庫事○予故朝鮮國

王李煥祭如例○朝鮮國世子李昇遣使奉

表請封並進方物命留抵下次正貢○丁卯



上詣綺春園問

皇太后安。○命陝甘總督琦善撥銀八萬一千四十兩解赴喀什噶爾英吉沙爾撥銀五萬八千七百九十二兩解赴葉爾羌巴爾楚克備辛亥年經費。○添備直隸永定河歲修稽料銀兩從總督訥爾經額請也。○蠲緩直隸武清青靜海薊文安大城灤盧龍遷安樂亭蘇雄安高陽河間任邱滄南皮鹽山慶雲景城邯鄲成安肥鄉廣平雞澤磁大名元城曲

周清豐宣化懷來玉田永年平鄉南和鉅鹿三十八州縣被水被旱被雹村莊新舊額賦有差。○戊辰諭內閣已革商人兵部候補郎中查彥鈞著順天府委員押解前赴天津交該鹽政查追欠款勒限完繳儻繳不足數即由該鹽政將該革員解赴浙江嚴切勒追如再延宕不完著該鹽政奏明從重治罪。○以通政使司通政使文瑞為都察院左副都御史。○湖北布政使唐樹義因病解任以廣西

按察使勞崇光為湖北布政使陝西督糧道吳鼎昌為廣西按察使。○己巳諭內閣戶部奏請飭催四川碾米分運等語四川動碾倉穀原以協濟災區及籌備京倉之用必須趕緊籌辦方免貽誤著裕誠督飭藩司吳振棫遵照戶部前奏迅速碾米四十萬石即行出運無得推諉除被災各省分留若干外如有贏餘即籌運赴通總須於江蘇漕糧未經開兌以前運到江蘇以便交幫搭運其如何分幫搭運之處並著陸建瀛傳繩勛楊殿邦豫為妥籌奏明辦理。○又諭陸建瀛奏請將督拏不力之知府革任一摺已革江蘇松江府知府練廷璜於所屬婁縣鄉民糾眾滋事之首犯湯花頭前經勒限飭緝迄今未獲實屬督拏不力練廷璜著即革任留於該地方協緝務將湯花頭迅速緝獲究辦斷不可任其漏網。○諭軍機大臣等前據布彥泰奏丁憂知州砌詞稟訴挾制照鈔原稟呈覽請派大

臣審辦一摺。又另片奏。知縣稟訐道員等語。明發諭旨。係派祁寓藻馳往查辦。面諭祁寓藻飭令會同琦善審辦。此案事關屬員稟訐上司。贓私多款。均經指出案據姓名。必應確查根究。以成信讞。惟查訪不密。恐受欺朦。故朕硃批。琦善之摺。有已派員來川。卿速赴新任之語。諒該督必能默會慎密之意。現已馳赴陝甘總督之任。著於接晤祁寓藻時。即查照原稟各情。飭提人證卷宗。會同研訊。務期水落石出。勿存成見。秉公定擬具奏。布彥泰業經告病開缺。並著傳旨扣留備質。原摺片及原稟。均鈔給閱看。將此諭令知之。○緩徵陝西府谷神木二縣被雹村莊新舊額賦。○庚午諭內閣。潘鐸奏查出候補州同身家不清。請旨革職嚴訊等語。東河候補州同韓朗如。身家不清。冒籍朦捐。經該撫訪查屬實。著即革職。交該撫嚴訊究辦。歷來常捐大捐。設有定章。豈容流品不清之人。濫登仕版。前據

升任給事中雷以誠奏。請飭部隨時詳察。曾特降諭旨。著吏部嚴查叅奏。年來報捐人數較多。必有如韓朗如之冒籍朦捐諸弊。各直省督撫等。務當留心訪查。有犯必懲。以清流品。而飭官方。潘鐸辦事認真。不避嫌怨。著交部議敘。○江南河道總督楊以增奏。覆覈南河本年工用情形。實非三百萬所能敷用。苟拘牽原奏。發項不敷。儻明年水勢加長。其害更不可勝言。得旨。無非執此恐喝。嗣後仍逾

三百萬之數而後已。○以故朝鮮國王李昺子昇襲爵。命兵部左侍郎瑞常為正使。內閣學士和色本為副使。往封。○辛未諭內閣。劉源灝奏。海防緊要。請先簡放總兵一摺。德通現在解任查訊。山東登州鎮總兵。著許聯鏞補授。並著兵部行文。飭令登州鎮標前營水師遊擊韓進忠。後營水師守備陳騰飛。速即赴任。以重職守而專責成。○諭軍機大臣等。本日軍機大臣會同兵部議覆御史趙東昕

條奏。山東水師請添設總兵或副將專緝洋面一摺。據奏該省水師專營。設有遊擊守備等三十一員。兵丁九百餘名。若議添總兵副將。則以下各官亦須照例增加。衙署廉俸需費孔多。請飭交該省巡撫體察情形覆奏。再行覈議等語。已依議行矣。著陳慶偕到任後。督同藩司劉源灝悉心體察情形。妥議具奏。將此諭令知之。○緩徵奉天遼陽廣寧鐵嶺瀋陽新民海城開原七廳縣被水地畝額賦。

○壬申。軍機大臣潘世恩等奏。據浙江巡撫吳文鎔查明已革巡撫梁寶常任內存留解司兩款。與該年地丁奏銷相符。其二十六年上下兩忙解司銀數不及一成。係專指上下兩忙地丁一項而言。別項銀米並不在內。梁寶常等尚無代屬通融之弊等語。梁寶常存興無罪可科。應飭交該旗籍聽候浙撫清冊送部。如有應行分賠之項。由戶部照例辦理。從之。○命陝甘總督琦善撥銀二千三百兩。

解赴和闐備辛亥年經費。○癸酉。

上詣綺春園問

皇太后安。侍膳。○甲戌。

皇太后聖壽節。遣官祭

太廟後殿。

奉先殿。○

上率皇子暨王公大臣詣綺春園行慶賀禮。眾

官於長信門外行禮。○詣

皇太后前侍膳。○乙亥。

上詣綺春園問

皇太后安。侍膳。○以內閣學士何裕承為順天

武鄉試正考官。詹事府少詹事朱蘭為副考

官。○丙子。閩浙總督劉韻珂六十生辰。賞

御書扁額福壽字。並珍玩文綺。○戊寅。贈故一

等威勇侯哈琅阿太子少保。賞銀五百兩治

喪。予祭葬。○己卯。諭內閣前據王大臣會同

戶部籌議各省清查倉庫。現已陸續將次奏

齊。惟政貴覈實。其應如何彌補舊欠。力杜新

虧。不致有名無實之處。著原議王大臣會同戶部再行妥議。章程具奏。○湖南巡撫趙炳言奏。訪獲郵縣。安仁縣茶陵州。會匪譚敘亨等十八名。續獲陳占魁等五名。並起獲令旗腰牌八卦圖。及兵法書本等物。提省研訊。得旨。嚴緝訊究。務盡根株。○庚辰。諭內閣。戶部議覆。浙江省新舊墊欠。酌予展限攤完等語。官墊民欠名目。久干例禁。前因安徽省請豁墊欠。特降諭旨。嗣後各州縣交代案內。不准

再有墊欠款目。著吳文鎔嚴飭所屬。經此次清查以後。將從前官墊民欠名目。永遠革除。毋任有所藉口。致啓新虧。儻該州縣仍設有此項名目。即著指名嚴叅懲辦。○山西巡撫龔裕奏。報接印任事。得旨。認真勉力。一切必當振作。○辛巳。諭內閣。

龍泉峪

皇后陵寢。妃園寢。歲修工程。前已派阿靈阿福濟。會同泰寧鎮總兵管理。著添派穆彰阿。

並派奉宸苑卿基溥。辦理一切工程事務。○壬午。諭內閣。陸建瀛奏。盜首尚未就獲。請將緝捕勇往之知縣。留於江蘇酌補。以資委用等語。安徽蕪湖縣知縣林德泉。經該督等調赴江蘇。督捕洋盜。頗為得力。著即開缺。留於江蘇。遇有海疆知縣缺出。酌量補用。此係因時器使。不可動輒援引。瀆請。仍著該督撫責成地方官。將未獲之盜首。陳雙嬉。設法督拏。務獲究辦。該犯係著名盜首。斷不可任其漏

網。並著山東浙江福建廣東各督撫。嚴飭沿海地方文武員弁。一體嚴拏。毋任遠颺。斷不准視為海捕具文。○又諭。王植奏。署任知府。訪有劣跡。請撤任革審一摺。所叅好安徽署寧國府知府朱鳴雷。前有人叅奏種種劣跡。已交李嘉端查辦。茲據該撫訪查該員。果係辦事乖謬。並時常演戲。寵縱優伶。即難保無別有貪婪情事。朱鳴雷著即革職。交該撫嚴拏。應訊人等。提省研究。務得確情。按律定擬。

具奏。以肅吏治而儆官邪。○諭軍機大臣等。舒精阿奏喀喇沙爾修建城垣等工完竣一摺。另片請將捐辦並督工各員鼓勵。分別開單呈覽。喀喇沙爾城垣兵房衙署。以及各項房屋。均因年久未修。坍塌過甚。現在一律修築完竣。該捐生並督工人等。自應酌加獎勵。惟所請未免過於優濫。著薩迎阿按照單開各員名。逐加訪察。妥為酌覈。另行開單奏明。請旨。不得少存瞻顧。務與從前伊拉里克開墾等工鼓勵之案相同。方為允協。至現修之城垣等工。是否堅固。有無草率偷減。並著薩迎阿揀派妥員。前往該處認真查驗。一併由該將軍覈實具奏。舒精阿所奏原單及另片。均著發給閱看。將此諭令知之。○兩江總督陸建瀛奏。淮南嵯務積疲。正課雖可敷衍。雜款仍費支持。挽回之法。莫先於減輕成本。將外支雜項。及岸費浮冒兩節。實力裁減。乃猾吏刁衿。輒播散流言。希圖阻撓。候補運判侯

辛竟敢授意捆工。憑空稟求。以為挾制。請即行革職。嚴提全案到省訊究。得旨。不但不可稍存避就之心。必當猛以濟寬。誓除刁惡。方可辦理也。無恤其他。○以緝拏洋盜出力。予江蘇總兵官孫雲鴻等升敘有差。○癸未上詣綺春園問

皇太后安。○諭軍機大臣等。朕於各省貢物。裁汰大半。惟河南地方向產百合。清潤可食。著潘鐸選擇四五桶。解京備用。嗣後每年均著按期呈進。即照此次之數。無庸加多。將此諭令知之。○甲申。諭內閣。本日據大學士潘世恩。懇情奏請開缺。朕思軍機大臣。夙夜在公。勤勞較甚。實非高年所宜。潘世恩年逾八旬。公勤素著。若仍令其入直。不足以示體恤。著俟來歲春融。赴閤辦事。毋庸開缺。以示朕逾格篤耆耆臣至意。○諭軍機大臣等。昨據薩迎阿等奏。俄囉斯頭人私入邊界阻攔查邊道路。查照道光五年成案。請飭理藩院行文

開導等語。所見是現已交理藩院按照所奏事宜酌擬咨文行知該國薩納特衙門諒必轉飭遵照。將哈薩克邊外帶兵頭人即日撤回矣。惟此時該頭人巴喇等尚在庫庫鄂羅木河西一帶遊奕。該將軍惟當諄飭領隊協領等持以鎮靜。密加防範。仍一面勤加操演。嚴飭卡倫官兵盡心防守。俾免疏虞。慎勿輕舉妄動。致啓釁端。諒該將軍必能權其輕重相機妥辦也。理藩院咨文著鈔給閱看。將此

諭令知之。○乙酉。諭軍機大臣等。御史馬沅奏。豫籌疏洩安奠河淮一摺。本年南河因盛漲漫溢。暫開南岸吳城六堡。得以化險為平。原屬一時權宜之計。而黃水夾沙帶泥而下。湖身河道自難免均受淤墊。是洩黃後路誠不可不豫為籌及。茲據該御史奏稱北岸之東山安廳屬有二塘。一處在王營減壩下游。勢極低窪。地率荒廢。似可籌為洩黃入海後路。著陸建瀛楊以增按照所奏界址。先行遴

委妥員詳加查察。楊以增隨後親往相度陸建瀛於公事之便亦著親勘。悉心籌畫。如果可行。應即豫為減洩之計。事關保衛河淮諒該督等目擊情形必能相機籌辦。不使貽患將來。著繪圖貼說據實具奏。原摺著鈔給閱看。將此諭令知之。○以大理寺少卿龔文齡為太僕寺卿。○蠲緩湖南武陵龍陽沅江桃源華容安鄉益陽湘陰巴陵臨湘十縣暨岳州衛被水莊屯額賦有差。貸龍陽沅江澧安

鄉湘陰華容六州縣暨岳州衛軍民口糧麥種。及興修隄垸銀。○丙戌。

上御洞明堂。勾到河南山東情實罪犯。停決河南斬犯八人。絞犯二人。山東斬犯五人。絞犯二人。餘七十五人予勾。○諭內閣倭什訥盛桂奏。銜署庫銀被竊一摺。吉林將軍衙門銀庫被竊銀二千五百餘兩。該管協領並值班官兵等所司何事。難保無知情故縱及監守自盜情弊。必應徹底研究。從嚴懲辦。所有該

銀庫值班之驍騎校那揚阿富順均著即行革職交該將軍等提同看庫兵丁人等嚴審確情按律定擬具奏管理銀庫關防之正紅旗協領雅青阿著先行交部議處○成都副都統福勒洪額因病休致以青州協領伊綱額為成都副都統○越南國王阮福暲遣使表謝冊封恩並貢方物命留抵下次正貢○丁亥以詹事府詹事赫特賀為通政使司通政使○鑄給浙江定海城守營都司關防從

總督劉韻珂請也○戊子

上御洞明堂勾到山西直隸熱河情實罪犯停決山西斬犯七人絞犯一人直隸斬犯十一人絞犯三人熱河斬犯三人絞犯二人餘六人十人予勾○己丑諭軍機大臣等昨日召見之甘肅西寧鎮總兵薩炳阿著琦善於該總兵回任留心察看於西寧一缺果否相宜抑須更調或竟難膺專閫之任著據實具奏毋稍遷就將此諭令知之○旌表守正捐軀安

徽阜陽縣民朱咸昌女愛姐直隸獻縣民侯中發妻宋氏○命陝甘總督琦善撥銀六十六萬兩解赴伊犁撥銀二萬八千三十九兩解赴烏什備辛亥年經費○庚寅諭內閣鄭祖琛奏請將捕匪未能淨盡之知府等員摘去頂帶等語廣西前署左江道南寧府知府張熙宇於上思州遷隆土境匪徒拒傷弁兵一案本係所轄境地雖窮追獲犯究未能捕拏淨盡以致餘匪逃竄左江鎮標都司何廷

標協同該署道前往靈山一帶勦捕亦未能實力追擊均屬咎無可辭張熙宇何廷標著一併摘去頂帶勒令協同地方文武員弁合力捕拏務期掃除淨盡儻再玩延即著從嚴叅懲○以故三等鎮國將軍承慶子景恩降襲三等輔國將軍○命署熱河都統明訓回京以前任荊州將軍賡福署熱河都統○以貝子綿勳署正黃旗護軍統領○展八旗兵丁應扣借支庫銀限期兩月○辛卯

上詣綺春園問

皇太后安。○壬辰。

上御洞明堂。勾到朝審情實罪犯。停決斬犯七人。絞犯一人。餘二十一人予勾。○諭軍機大臣等。本年浙江安徽湖北等省被災之區。均極寬廣。江西湖南各地方。亦多偏災。現經各該督撫紛紛奏請蠲緩錢漕。分別賑賞。朕無不悉照所請。立沛恩施。因思來歲漕額減緩既多。若不豫為籌裕京倉。則三十一年北地

數十萬人口食。從何而出。現在各省被災固多。較重之區。其並未成災者。尚復不少。僅恃蠲緩所贖之漕。兌運北上。尚濟何事。為此剴切諭知有漕各督撫。各就地方情形。或妥籌採買。或勸令捐輸。或由河運。或辦海運。就積貯之多寡。酌米價之低昂。總期源源運京。補漕糧之不敷。裕倉儲於不匱。中外同享樂利之休。方慰朕意。斷不可心存畛域。或推諉於幫費。或藉口於歉年。竟置京倉短絀於不問。

該督撫經朕特簡封圻。受恩深重。當此災重

漕虧之時。既應以本省籌畫為急。尤當以神京拱衛為先。清夜捫心。其能恬然自安乎。勉

之勉之。朕將拭目俟之矣。將此各諭令知之。

○賑安徽懷寧銅陵和望江貴池宿松無為蕪湖東流當塗桐城繁昌五河宣城含山南陵廬江鳳陽十八州縣及屯坐各衛被水被旱軍民。緩徵太湖巢涇合肥舒城宿定遠鳳臺滁青陽建德潛山壽懷遠靈璧阜陽建平

實錄卷一百七十三

十八

潁上盱眙天長霍邱泗全椒來安二十四州縣及屯坐各衛被水被旱村莊新舊額賦。○賑浙江仁和錢塘海寧嘉興秀水嘉善海鹽石門桐鄉烏程歸安長興德清武康餘杭新城平湖安吉山陰會稽蕭山餘姚建德桐廬二十四州縣及杭嚴嘉湖二衛被水災民。蠲緩富陽上虞淳安遂安臨安於潛昌化孝豐分水慈谿金華蘭溪東陽義烏永康武義浦江湯溪西安龍游壽昌二十一縣被水村莊



額賦有差。○給山西徐溝縣被水災民口糧。蠲緩太原徐溝薩拉齊三廳縣被水村莊新舊額賦有差。○癸巳賑湖北蒲圻黃陂孝感蘄水蘄潛江江陵石首武昌咸寧大冶黃岡天門松滋公安江夏興國漢陽廣濟嘉魚漢川沔陽黃梅監利二十四州縣及屯坐各衛被水災民。緩徵天門鍾祥京山雲夢應城枝江荊門當陽通山九州縣被水村莊新舊額賦。

宣錄卷四百七十三

十九

大清宣宗效天符運立中體正至文聖武智勇仁慈儉勤孝敏成皇帝實錄卷之四百七十三

大清宣宗效天符運立中體正至文聖武智勇仁慈儉勤孝敏成皇帝實錄卷之四百七十四

○諭軍機大臣等。御史范承典奏。訪聞盜首陳雙嬉現在登州洋面屢肆劫搶。地方文武束手無策等語。陳雙嬉經閩浙江蘇疊次勦捕。受創之後。逃竄登州。勢更窮蹙。何難及時就擒。茲據該御史奏稱。近來船隻愈多。滋擾更甚。若不及早查拏。貽害地方。何所底止。著陳慶偕到任後。迅即密委幹員。馳往該處。按照摺內所指地方。嚴密查拏。務將陳雙嬉及各夥盜悉數擒獲。斷不准一名漏網。欽此。

道光二十九年己酉十一月甲午朔遣官祭

先醫之神。○諭軍機大臣等。御史范承典奏。

訪聞盜首陳雙嬉現在登州洋面屢肆劫搶。地方文武束手無策等語。陳雙嬉經閩浙江蘇疊次勦捕。受創之後。逃竄登州。勢更窮蹙。何難及時就擒。茲據該御史奏稱。近來船隻愈多。滋擾更甚。若不及早查拏。貽害地方。何所底止。著陳慶偕到任後。迅即密委幹員。馳往該處。按照摺內所指地方。嚴密查拏。務將陳雙嬉及各夥盜悉數擒獲。斷不准一名漏網。欽此。

網並查明道協各員。有無畏葸推諉情事。據實具奏。原摺著鈔給閱看。將此諭令知之。尋奏盜匪陳雙嬉。經升任撫臣徐澤醇奏明飭拏未獲。覈其情形。與該御史所奏略同。惟是否南竄。究無確據。當即咨行登州鎮道督飭所屬設法購拏。至前護登萊青道登州府知府諸鎮文登協副將景琳。是否於海防漫不經心。亦俟查明確實覆奏。得旨姑息遷就。切忌切忌。○又諭據萬貢珍馳奏。匪徒戕官毀

署派兵勦捕一摺。湖南新寧縣地方。匪徒聚眾滋事。擁進縣城。戕害知縣。寄居該縣之前署縣家屬。同時被害。打毀衙署監獄。實屬罪大惡極。殊堪髮指。該處界連廣西。前年猺匪雷再浩等勾結民人李輝等。結會搶掠。即係新寧縣地方。經湖南廣西兩省會拏勦辦。此次復敢進城戕官。必其餘孽復萌。且恐首犯李姓即李輝親屬。若不即行上緊緝獲。必致日久蔓延。現經飭委文武員弁帶兵前往。合

力圍捕。相機督辦。計期馮德馨早已接印。著即馳赴該處。督率迅勦。帶兵遊擊劉國瑞。安能獨當一面。著酌委威望較重之大員。兼程馳往督拏。所有毗連廣西各處。務即派兵堵緝。毋令此拏彼竄。總期全數弋獲。盡法懲治。以儆兇頑。不准一名漏網。並著鄭祖琛嚴飭該省文武員弁實力防堵。一有匪徒竄入。即嚴拏痛勦。不得稍分畛域。以期立盡根株。儻此次辦理稍涉寬縱。日後必致養癰貽患。不

可不慮及也。署新寧縣知縣萬鼎恩。並前署縣李博家屬。均被戕害。情殊可憫。著馮德馨詳晰查明奏聞。其如何起釁根由。亦著確查據實具奏。將此由四百里各諭令知之。○添購山東二廳河南十二廳豫防甄石料。從河道總督顏以燠請也。○乙未諭軍機大臣等。昨據萬貢珍奏。新寧匪徒戕官毀署。派兵勦捕情形。已有旨令馮德馨馳赴該處督勦矣。本日據裕泰馳奏情形相同。已親往督辦。著

裕泰會同馮德馨督飭文武員弁分別勦撫解散脅從務將首惡及附和匪徒悉數擒拏盡法懲治迅速肅事毋令滋蔓稍留餘孽致貽後患昨寄諭旨甚詳該督撫傳聞自當遵辦所有首匪李姓是否即李世得餘黨因何起釁是否該縣辦理不善以致激成事端均著詳細查明據實具奏將此諭令知之○以直隸開州協副將經文岱為雲南昭通鎮總兵官○丙申諭軍機大臣等御史趙東昕奏

遣散水手恐滋事端請飭豫防一摺本年江浙各幫水手前經陸續建瀛等會議奏准將浙省各幫與蘇松軍船冊內無名及遊幫短絳人等在濟寧一帶概行遣令回籍茲據該御史奏稱該水手等遣散之後未必安分謀生況自淮以北界連山東河南直隸等省加以湖廣江皖流徙災黎儻該水手等煽誘勾結為害匪淺且此等無業之徒在船則為水手在岸即為遊民人數既多最易滋事著直隸

江南山東河南漕河各督撫不分畛域嚴密稽查務於鎮市地方交界處所及近海口岸加意防範妥為資遣安插不得釀成事端並著各該督撫於所屬各營額設弁兵時常操演明示以訓練之勤隱消其獷悍之氣編查保甲其法最良使若輩無窩藏之地流品自清設有一二不逞之徒藉端滋擾不難立時兜拏總期弭患未萌方稱妥善設或辦理未協致有他虞恐該督撫不能當此重咎也將

此各諭令知之○以工部左侍郎陳孚恩署刑部尚書○太傅予告大學士阮元卒予祭葬謚文達命其子候選知府祐服闋後即選○緩徵兩淮富安安豐梁垛東臺何垛丁溪草堰劉莊伍祐新興廟灣十一場被水歉區新舊額賦○丁酉諭軍機大臣等有人奏南河吳城六堡潰隄未能合龍運道淤墊漕船萬難回空等語外南六堡洩黃缺口經楊以增飭令廳營各員剋日賠修現未據報堵合

若如所奏原擬於十月十五日合龍復於十四日走占金門水深三丈有餘轉瞬冰合人力難施合龍更無把握且運河自清江以至高寶百餘里內淤高一丈有奇現在回空漕船已抵楊莊似此淤塞阻滯勢必不能依限歸次又將貽誤新漕所關匪淺福濟現計出聞著即會同陸建瀛迅速親赴該處詳細履勘督飭工員將缺口趕即堵合不准再任遲誤一面勘明運河淤墊處所設法辦理以資

浮送並將湖河大局通盤籌畫俾現在無誤回空即重運經臨亦可通利遄行方為妥善至缺口已否堵合運河如何淤墊實在情形並著確查具奏原摺著鈔給閱看將此各諭令知之○以大學士穆彰阿仍充上書房總師傅○命翰林院修撰李承霖在上書房行走○調陝西河州鎮總兵官三星保為山東曹州鎮總兵官曹州鎮總兵官吉順為河州鎮總兵官○己亥

上詣綺春園問

皇太后安○諭軍機大臣等徐廣縉葉名琛覆奏暎夷復詢進城一節業經曉諭解釋該國頗知畏服一摺覽奏均悉朕嘉悅之懷筆難盡述此次暎夷復詢進城原不過冀轉顏面疊經該督撫反覆開導已據該酋將粵民立碑紀功等情寄知該國王嗣接來文詞意頗馴所有前詢進城一節並未提及該督等又密購其新聞紙備知該國王寄信咄囑諄諄以生意要緊並傳知五港領事一體察看民情毋許多生別端是其畏威懷德信而有徵其新領事咆嚙人亦馴順安靜從此通商裕課共享安平該督等籌畫盡心辦理確有把握故能消其桀驁俾就範圍以後該督等仍當隨時體察聯官民為一氣民心日固斯夷情益服商民共悅實為永久樂利之計朕為海疆生民慶不僅為得人慶也勉之勉之將此諭令知之○庚子展緩齊齊哈爾黑龍江

墨爾根布特哈呼蘭特木德賀依等城被水  
田地積欠糧銀並給兵丁口糧○辛丑緩徵  
河南祥符商邱寧陵鹿邑夏邑永城柘城湯  
陰汲新鄉獲嘉輝延津濬封邱考城河內濟  
源原武修武孟溫陽武陳留汜水睢安陽淇  
滑武陟息臨漳鄭杞中牟蘭儀滎陽滎澤密  
武安涉內黃洛陽偃師嵩淮寧項城扶溝四  
十八州縣被旱被水被雹村莊新舊額賦○  
壬寅冬至祀

天於

圓丘命皇六子奕訢恭代行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后

孝全皇后陵寢○遣官祭

端慧皇太子園寢○停次日朝賀○賞八旗

兵丁一月錢糧○展緩甘肅河狄道靖遠隴

西階崇信皋蘭渭源金靜寧隆德寧武威寧

夏寧朔靈中衛平羅涇靈臺二十州縣及沙

泥州判所屬歙區新舊正雜額賦○癸卯諭

軍機大臣等本日據馮德馨馳奏匪徒占據

縣城催調官兵親往督辦一摺另片奏接據

稟報勦捕情形等語湖南新寧縣匪徒滋事

首逆李姓等膽敢戕官據城肆行擄掠經寶

慶府知府張鎮南督同新寧汛千總熊勳猷

石門汛把總方開甲等帶領兵勇進勦該匪

竟敢率眾抗拒。官兵奮力直前。殺斃匪徒三百餘名。轟斃無數。生擒賊匪七名。並奪獲礮械。該匪逃奔入城。我兵僅傷斃鄉勇三名。勦辦得手。甚屬可嘉。張鎮南、熊勳猷、方開甲均著交部從優議敘。出力兵勇由該督撫酌量優獎。陣亡鄉勇著查明咨部照例賞卹。裕泰、馮德馨現計先後馳抵該處。當乘此得獲勝仗。該匪嬰城據守之時。督飭弁兵一鼓作氣。銳力進剿。務將首逆李姓生擒辦理。並夥黨盧萬先等悉數擒獲。不准一名漏網。並分派兵勇於各要隘處所。相機實力堵禦。仍咨廣西巡撫堵截後路。勿令分股四出。逃竄入山。致難擒捕。至官兵入城。尤須解散脅從。分別良莠。無致玉石俱焚。辦理方為妥善。提督英俊昨據奏報派員帶兵前往。著裕泰等隨時酌量。如需該提督親赴會剿之處。即行知照。該提督迅速馳往會同督辦。將此由四百里各諭令知之。○蠲緩江蘇上元、江寧、句容、溧

水、高淳、江浦、六合、長洲、元和、吳、吳江、震澤、常熟、昭文、崑山、新陽、太湖、華亭、奉賢、婁、金山、上海、南匯、青浦、川沙、武進、陽湖、無錫、金匱、江陰、宜興、荆溪、靖江、丹徒、丹陽、金壇、溧陽、江都、儀徵、太倉鎮、洋嘉定、寶山、崇明、泰興、山陽、阜寧、清河、桃源、安東、鹽城、高郵、泰東、臺、甘泉、興化、寶應、銅山、沛、蕭、碭山、宿遷、睢寧、通海、門、六十、五、廳州縣並蘇州、揚州、太倉鎮、海、金山、淮安、大河、徐州、八衛被水莊屯正雜額賦有差。賑上元、江寧、句容、溧水、高淳、江浦、六合、長洲、元和、吳、吳江、震澤、常熟、昭文、崑山、新陽、太湖、華亭、奉賢、婁、金山、上海、南匯、青浦、川沙、武進、陽湖、無錫、金匱、江陰、宜興、荆溪、靖江、丹徒、丹陽、金壇、溧陽、江都、儀徵、太倉鎮、洋嘉定、寶山、崇明、泰興、山陽、阜寧、清河、桃源、安東、鹽城、高郵、泰東、臺、甘泉、興化、寶應、銅山、沛、蕭、碭山、宿遷、睢寧、通海、門、六十、五、廳州縣並蘇州、揚州、太倉鎮、海、金山、淮安、大河、徐州、八衛被水莊屯正雜額賦有差。賑

出北門欲行逃竄當經寶慶府知府張鎮南等督率兵勇奮力堵截復先後殺斃匪徒三百餘名生擒十五名並奪獲槍械該匪始畏懼退避入城拒守所有在事尤為出力文武員弁及兵勇等除昨已加恩獎敘外著裕泰馮德馨覈實查明酌保候朕施恩傷亡兵勇查明咨部議卹至該匪等疊被堵剿勢已窮蹙著裕泰等遵照前降諭旨督飭安速剿辦及早肅事勿使竄逸蔓延○盛京將軍奕興

覆奏金州副都統貴陞咨揭協領德特賀佐領韓君忠尚屬平允貴陞人尚樸誠操演認真惟遇事張皇於金州繁缺不甚相宜報聞○江蘇巡撫傅繩勛奏蘇松等屬現在查辦大賑一切均關緊要現由江寧回省督飭各屬妥為辦理得旨嚴查侵蝕實惠偏及方合大吏公忠體國之道慎勿稍忽○調山西巡撫龔裕為湖北巡撫以山西布政使兆那蘇圖為巡撫浙江按察使蔣爵遠為山西布政

使山東鹽運使王懿德為浙江按察使○乙巳以翰林院侍讀學士載齡為詹事府詹事○丙午

聖祖仁皇帝忌辰遣官祭

景陵○命金州副都統貴陞來京以副都統候補調鑲白旗漢軍副都統慶璽為金州副都統以理藩院左侍郎綿森兼鑲白旗漢軍副都統○以祈禱靈應頒山東臨清州金龍四大王廟

御書扁額曰恬瀾利運○丁未

上詣綺春園問

皇太后安○諭內閣德齡忠泰奏廢員捐修城工出力懇請獎勵並開單呈覽一摺站柱邱景湘慶文均著准其釋回福陞著准其扣滿七年釋回站柱邱景湘不准賞給頂帶職銜○諭軍機大臣等裕泰馳奏現在勦辦新寧縣滋事匪徒大概情形一摺又片奏現因巡撫丁艱折回兼署撫篆等語覽奏均悉新寧

縣匪徒戕官據城一案。前據該督奏稱親往督辦。茲以湖北省城關繫緊要。兼程折回。所見是。至新寧賊匪。疊據馮德馨英俊先後奏稱親往督勦。且經該處文武員弁督同紳士召募鄉勇。連次進剿。疊獲勝仗。賊勢業已窮蹙。一俟大兵齊集。不難悉數殲擒。第該處近接粵西山徑叢雜。且訪聞該匪等已有與雷再浩報仇並往廣西勾結匪黨之語。是此時急務。因在收復城池而堵截去路。防其他竄尤為要著。儻令其藏匿深山。勾結猺匪。則曠日持久。轉難立時撲滅。貽害無窮。馮德馨英俊此時計已分路馳抵該處。著督飭員弁詳察地方形勢。務於各隘口添兵設卡。嚴密堵截去路。痛加勦辦。斷勿令其乘間竄逸。庶可淨絕根株。不致蔓延。將此由四百里各諭令知之。○賞伊犁協領特克興額副都統銜。為英吉沙爾領隊大臣。○以禮部左侍郎聯順署正藍旗滿洲副都統。○鑄給湖北均州營

中軍守備條記從總督裕泰請也。○戊申諭內閣萬貢珍奏請將辦賑不善之知縣革職審辦一摺。湖南署沅江縣知縣試用知縣安本曾辦理該縣災賑。致被士民控告。且查有散放遲延及銀穀各數不符之處。難保無侵蝕等弊。自應徹底查究。安本曾著即革職。交馮德馨親提人證卷宗。嚴審究辦。務期水落石出。毋稍徇隱。以重災務而儆官邪。○諭軍機大臣等新授直隸藩司吳式芬由翰林簡放外任。歷官道府臬司。辦事尚無貽誤。人亦本色。惟畿輔繁要之缺。該員能否勝任。不致輟弱。現在到任已及一月。著訥爾經額詳加察看。儻於畿輔繁要之缺不甚相宜。或須酌量更調。即據實密陳。毋稍遷就。將此密諭知之。○己酉青海辦事大臣哈勒吉那奏所屬玉舒三十九族熟番內雍希葉布卡愛爾尼牙木錯蒙古爾津四族番民屢被四川果洛克番子搶劫窮蹙。陸續逃奔青海地方投生。



經前任大臣德楞額奏准。在右翼正盟長郡王棍楚克濟克默特游牧內諾爾布塘地方住牧。茲據總管千戶等呈稱。玉舒地方近年再未被搶。雍希葉布等族情願回歸。自應俯順夷情。准令回牧。俟明春派員照料同往。交該總管千戶查收。免致流散。下部知之。○庚戌。諭軍機大臣等。劉韻珂等奏。接據琉球國來文。密咨兩廣總督查辦等語。夷哨噠吟等前往琉球國。已歷四載。仍未撤回。屢經該

國懇請轉飭查辦。並據稱如得啖首。啖噠吟言。該夷斷難推托。著徐廣縉即查照該督等所奏。再向啖噠吟開導。諭將啖噠吟等趕緊撤回。方足以恤藩封。而免驚擾。劉韻珂等原片著鈔給閱看。將此諭令知之。○以勦辦福建臺灣府嘉義縣匪徒。賞知縣王廷幹花翎。予通判張啓瑞等議敘有差。○撥浙江司庫錢接濟乍浦駐防災區無餉老幼旗人。○蠲緩江西德化德安瑞昌湖口彭澤南昌新建進

賢鄱陽餘干萬年星子都昌建昌豐城安義新喻新淦清江峽江新昌二十一縣被水被旱村莊正雜額賦有差。及應還籽種穀石修隄銀賑德化德安瑞昌湖口彭澤南昌新建進賢鄱陽餘干萬年星子都昌建昌十四縣災民。○辛亥。旌表逼嫁捐軀江蘇銅山縣民金得秀妻伏氏。○壬子。諭內閣。楊殿邦奏。參玩工誤漕之道廳各員一摺。現在運河受淤。漕船回空期迫。該道廳等所司何事。致令幫

船羈阻。河身受害匪輕。必應示以懲創。准揚道查文經署外南同知海阜同知婁晉均著暫行革職。楊以增督辦不力。亦著摘去頂帶。勒限一月內將回空軍船埽數全催出江。並將各工賠修。以備明歲新漕進行順利。儻再延誤。即著從嚴參辦。○諭軍機大臣等。楊殿邦奏。參誤運工員。並陳現在商辦情形一摺。已明降諭旨。將楊以增摘頂。並准楊道查文經等暫革勒限趕辦矣。福濟陸建瀛前有旨

飭令速赴清江浦一帶。將被淤運河設法挑辦。茲楊殿邦奏稱淮揚運河淤墊情形較重。節逾冬至。頭二塘漕船鱗集。該處冰凌火燭。在在堪虞。雖經該漕督並河督楊以增嚴飭所屬迅速籌挑。引清濟運。但為日甚迫。似此節節阻滯。恐各省幫船不能依限歸次。勢必貽誤新漕。關繫甚鉅。著福濟陸建瀛一面會同楊殿邦等趕緊督辦。一面確勘運河淤墊處所。通籌大局。務令回空幫船得以魚貫通行。而於來歲重運經臨。亦能通利無阻。現在回空固屬緊要。而河身經此淤墊之後。若不及早疏治。貽患無窮。遲辦一年。必受一年之害。著責成福濟陸建瀛二人。悉心籌畫。安速辦理。如該河督有辦理不善。偏聽道廳以致貽誤之處。即著據實參奏。福濟經朕派往。不值代人受過。陸建瀛兼轄河務。儻能作速安辦。無誤回空。尚可以功補過。所有玩誤要工各員弁。著一併查明據實嚴參。將此各諭令

知之。○癸丑。諭內閣奕興樂斌奏請將在配滋事之覺羅改發一摺。發遣覺羅圖雲布到配後不安本分。屢滋事端。並帶領妻女濫行瀆訴。實屬怙惡不悛。圖雲布及伊妻完顏氏並伊女二名。著一併改發吉林。交該將軍嚴加管束。不准滋事。○又諭嚴良訓奏花戶糾眾抗欠拒捕傷官。請將辦理不善之知縣撤任查辦一摺。河南涉縣知縣李毓珍著先行撤任。交該護撫提同現獲犯證。研訊確情。照例覈辦。該花戶等延欠漕糧。輒敢抗拒傷官。實屬藐法。首犯李長青係已革武生。何難就獲。著嚴拏懲辦。不准漏網。○又諭增喜奏請將廉俸坐扣抵補欠項等語。增喜欠交稅課銀兩。著准其將每年應得養廉俸銀坐扣四年抵補完款。此係格外加恩。不得援以為例。○以故三等鎮國將軍綿悌子奕勳降襲輔國將軍。○命翰林院檢討杜翰提督湖北學政。○甲寅。旌表守正捐軀山東滕縣民楊

統全妹大姐○乙卯浙江巡撫吳文鎔奏浙省各屬被水前經奏懇分別蠲緩賑撫茲秋聞事竣前往嘉湖等府災區查看如有侵冒剋扣及辦理不善之州縣即據實叅辦不敢徇隱得旨辦賑不善之員或書吏侵吞必當從重懲治切勿姑容懷之○蠲緩浙江海沙鮑郎鳴鶴錢清東江曹娥仁和石堰青村袁浦橫浦浦東下沙頭下沙二三十四場被水田地新舊額賦有差給仁和石堰青村袁浦橫浦浦東下沙頭下沙二三八場竈丁口糧○丙辰旌表守正捐軀山西汾陽縣民黨成仁妻向氏○丁巳

上詣綺春園問

皇太后安○諭軍機大臣等有人奏副將廢弛營務狎優縱子並知府侵蝕公項玩視人命各一摺又片奏該府剋扣賑項濫責災民等語據稱江西袁州協副將達崇阿性好演戲不知操練以幼童食糧充兵又縱伊子於城

市馳馬踹傷鄉民並強娶王姓業經受聘之女為妾控告有案又九江府知府劉熾昌藉端侵蝕義倉銀兩又諱盜勒令事主改呈復於辦災時勒刪丁冊剋扣賑銀並因驅逐災民濫行杖責各等語若如所奏文武官員種種亂法營私均屬貪鄙謬妄豈革職所能蔽辜必應確查究辦著張芾接奉此旨各按所奏情節逐層明察暗訪務得確情據實密奏原摺片俱著鈔給閱看將此諭令知之○戊

午諭內閣陸建瀛奏署任典史揭告印官請斥革嚴訊並將被揭各員撤任備質一摺安徽署五河縣典史試用從九品劉維藩著先行斥革前任五河縣調補鳳陽縣知縣劉錫祐前代理五河縣事宿州州判劉忻著一併暫行撤任交陸建瀛提集應訊人證卷宗嚴審確情按律從重懲辦○諭軍機大臣等本日據裕泰馳奏新寧滋事匪犯現經圍困情形又據馮德馨馳奏遵旨親往督勦各一摺

覽奏均悉。據裕泰奏稱該匪等先則突開北門擁出。燒燬城民房。冀圖乘夜竄出。嗣又製造竹排。安放西門城內。該處逼近大河。路通粵西。希冀由彼逃竄。並訊出匪犯李沅發。先曾前往廣西全州。邀集數百人同赴新寧。劫獄戕官。頭目李洪慈於戕官後有遣人往廣西靈川縣各處邀人入夥等語。朕詳加披閱。馮德馨甫經到任。故摺內敘述未能如此之詳。現在該匪等困守一城。志在鋌而走險。

並勾結兩省匪徒。為困獸猶鬪之計。非迅速勦辦。悉數殲擒。何以懲兇惡而淨根株。馮德馨計已與提督英俊前抵新寧。務即督飭文武員弁合力進攻。趁其負隅固守。聚而殲旃。不得稍事遷延。致令乘間竄逸。其鄰近廣西各要隘。尤須嚴密防堵。隨時知會巡撫鄭祖琛。併力堵截。毋令匪黨勾連滋蔓。儻中途偵獲奸細。係前往廣西邀人入夥者。即跟蹤覓線設法兜擒。一面咨會廣西。協同嚴拏究辦。

總期全數弋獲。勿留餘孽。是為至要。新寧地方。僅止文武數員。指揮調度。該匪等已覺萬分窮蹙。若巡撫提督帶兵到後。反令餘匪星散。藏匿僻區。甚或兩省蔓延。根株未絕。惟該撫等是問。懍之勉之。將此由四百里各諭令知之。○己未。旌表守正被戕江蘇沐陽縣民朱懷儒妻葛氏。○庚申。諭內閣。王植奏鄉民藉口被水。抗不完糧。恃眾滋鬧一摺。另片請將知縣撤任等語。安徽青陽縣二十一三四

都甲內成熟高阜田地。本年新賦銀米。自應照常徵收。該處民人膽敢藉口逃荒。抗不完納。恃眾鬧鬧。實屬啓不畏法。但恐地方官辦理不善。咎有攸歸。安徽青陽縣知縣劉漢翼著暫行撤任。該撫務即嚴飭該委員等。將為首糾眾各犯。密速掩拏。嚴究確情。按律懲辦。以儆刁頑。儻係地方官激成事端。未協輿情。即著從嚴叅辦。總期無枉無縱。兩得其平。尋奏飭委臬司李本仁等拏獲首從各犯章位。

南王遠等四十四名解省嚴審將弁官兵次第撤回歸伍報聞○又諭慶錫奏拏獲偷砍海地回乾松樹人犯請將該管各官分別交議等語此案該犯等膽敢於風水重地結夥偷砍樹株實屬藐法亟應懲辦訥興阿岳福英瑞增全順來全山得永雙印張二小子著一併解交刑部審明辦理幼丁石麟普瑞筆帖式德衡額均著聽候傳質所有專管之內管領通林著交部嚴加議處副內管領毓恆甫經到任著與該管郎中海榮員外郎德精阿祥盛主事繼動一併交部議處○辛酉軍機大臣穆彰阿等奏浙江糧道毓衡投河身死訊係旗丁短米潛逃該道無力籌補愁急輕生並非旗丁逼斃家丁張明等亦無受賄消弭各情應毋庸議領運胡廷彪業經革職毋庸再議總運桂琳請交部嚴加議處虧米仍遵前旨嚴追逃丁姚觀五等緝獲懲辦又奏訊明江西撫州府知府丁芑詒前在戶部

司員任內承辦八溝稅員強謙虧短稅銀請將地畝抵欠一案援照近年成案議駁並非前後兩歧強謙牽控伊家人李姓索銀之事訊明丁芑詒並無李姓家人強謙業已身故應毋庸議丁芑詒飭令回任均從之○旌表守正被戕山東博平縣民李安妻馬氏○壬戌正陽門箭樓災○癸亥諭內閣鄭祖琛奏派委文武疊次勦捕匪徒情形一摺廣西遷隆土境盜匪聚眾竄擾經該撫選派文武員弁將拒傷官兵要犯拏獲正法其餘夥匪除節次攻擊格斃不計外現在獲辦二百餘名勢已窮蹙紛紛逃散該處毗連廣東難保不因追捕緊急四出竄匿著鄭祖琛嚴飭文武各官於交界要隘多派兵勇嚴密查拏並著廣東省派員堵截務期殲除淨盡勿留餘孽至護廣西提標遊擊全州營守備段丙南奮勇殺賊受傷殞命實屬可惜可憫著加恩照參將例賜卹慶遠協右營外委吳玉魁賓州

大清宣宗效天符運六中體正至文聖武智勇  
仁慈儉勤孝敏成皇帝實錄卷之四百七十四

監修鄭煥官贈諡曰清忠居官太子太僕監仁閣大學士文淵閣閣學管理戶部事務上書時傳翰林院掌學士兼管閣  
天府府尹事務贈諡加五級紀錄十八次官曹續補職官院留議官吏部尚書監理漢軍新經略營城內官房大臣臣等內  
七次大臣稽參會同四譯館事務加一級隨帶加六級單功加三級紀錄五次日花沙納恩遵議官文淵閣撰獻閣學共部尚書總管  
內務府大臣預白旗滿洲都統兼內七次大臣管理宗人府銀庫左翼初官學監專官圓明園等處稽提督印水磨房印藥房太  
醫院院辦皮事務隨帶加十八級臣阿靈阿刻職承恩賜諡諡其部尚書隨帶加六級紀錄二十次日圓明園等處奉

道光二十九年己酉十二月甲子朔諭內閣

前因原任山西巡撫吳其濬裁革鹽規潔己奉公。當降旨令原籍巡撫查明該故員現有子孫幾人。茲據護理巡撫嚴良訓查明覆奏。自應特沛殊恩。以昭清節。所有吳其濬長子候選縣主簿吳元禧。三子候選知縣吳崇恩。均著加恩遇缺即選。次子分發通判吳榮禧著加恩到省後遇缺即補。四子監生吳承恩。五子監生吳洪恩。及長孫吳樽讓均著加恩賞給舉人。准其一體會試。○乙丑諭軍機大

臣等福濟陸建瀛奏接奉前旨籌辦回空情形一摺。覽奏已悉。本年因啓放吳城六堡。以致運道淤淺。前已有人陳奏。嗣據楊殿邦奏。參誤運工員。並稱淤墊情形較重。軍船阻滯堪虞。疊經降旨。令福濟陸建瀛悉心籌畫。安速辦理。茲據奏稱。由高郵寶應溯流而上。逐段測探。水勢尚非甚淺。沿途軍船。與重載貨船。俱暢行無阻。現在頭二塘業已灌注。亟應趕灌三塘。所籌將太平河存船。暫移太平汪。騰出河身之處。現既勘明。事屬可行。該漕督亦無異詞。惟節候已晚。斷難任漕委員升藉詞延宕。著福濟陸建瀛會同楊殿邦。楊以增。迅即催提放渡。務令回空各船。剋期歸次。庶可以速補遲。仍飭將淤淺處所。責成楊以增。督員興挑。或築壩逼溜刷沙。非但攻淤。並堪濟運。方為妥善。如河員稍有延玩。立即嚴叅治罪。儻運弁旗丁。藉口刁難。有意稽遲。亦著楊殿邦隨時重懲。事關軍船回空。兼籌明歲。

新漕重運。諒福濟等必能星速籌辦。以慰朕廑也。勉之。將此諭知福濟陸建瀛。並諭楊殿邦。楊以增。知之。○以國子監祭酒翁心存為內閣學士。兼禮部侍郎銜。○丙寅。上詣綺春園問皇太后安。○諭內閣。正陽門箭樓。不戒於火。明年修復。方位不宜。著派內務府大臣。迅速確實勘估興修。並著於立春以前。趕緊開工。其動用何項錢糧。著內務府大臣。屆期請旨。○調兵部右侍郎黃贊湯為刑部右侍郎。仍留福建學政任。戶部左侍郎趙光為兵部右侍郎。以署吏部右侍郎李芝昌為戶部左侍郎。兼管三庫事。仍兼署吏部右侍郎。○以禮部尚書孫瑞珍署管理戶部三庫事。○戊辰。陝甘總督琦善奏報接印任事。得旨。應整飭者。次第籌辦。○調貴州布政使張集馨為甘肅布政使。直隸布政使吳式芬為貴州布政使。以江西按察使陳啓邁為直隸布政使。廣東

鹽運使惲光宸為江西按察使。○己巳

孝惠章皇后忌辰遣官祭

孝東陵。○江蘇巡撫傅繩勛奏籌辦賑務。由公正殷實之紳董分司其事。動用庫款。尤力求撙節。不經胥吏之手。總期諸弊肅清。民沾實惠。得旨所辦是。○緩徵江蘇長洲元和吳江震澤常熟昭文崑山新陽華亭奉賢婁上海南匯青浦川沙無錫宜興荆溪太倉鎮洋嘉定寶山二十三廳州縣白糧。○庚午

上奉

皇太后還宮。○諭軍機大臣等。裕泰馳奏匪徒糾眾搶掠。派兵勦辦一摺。湖南道州等州縣連界所屬之賴子山內。現有匪徒盤踞。四出搶掠。匪首黃三等。各有黨羽一二百人。膽敢負隅踞險。鑄造軍械。並編造歌謠。徧貼煽惑。雖距新寧滋事地方較遠。難保非豫糾夥黨。謀為不法。急應痛加勦辦。馮德馨英俊雙德現均駐劄新寧。著酌量緩急情形。分派弁兵。

由該鎮管帶前往。會同地方文武協力兜拏。務期一鼓就擒。迅速撲滅。該處介在四邑之間。徑離山深。易致竄越。務須於各要隘處所嚴密堵緝。勿令與新寧匪徒往來勾結。蔓延滋擾。此時大兵聚集新寧。該處匪徒諒已搜捕。裕泰雖在湖北。而一切調度布置。必須籌畫萬全。還為策應。勿令湖南兵單。有顧此失彼之虞。方為妥善。將此由四百里各諭令知之。○命阿克蘇辦事大臣舒興阿葉爾羌幫

辦大臣鍾泰庫車辦事大臣德全塔爾巴哈台參贊大臣成凱伊犁領隊大臣托精阿來京。以正黃旗漢軍副都統圖伽布為阿克蘇辦事大臣。賞署正紅旗漢軍副都統達三副都統銜。為葉爾羌幫辦大臣。內閣侍讀學士承芳頭等侍衛。為庫車辦事大臣。正黃旗蒙古副都統扎拉芬泰都統銜。為塔爾巴哈台參贊大臣。以御前頭等侍衛德爾格勒為伊犁領隊大臣。○以和闐續壘阿提巴什地畝。



試種成熟。予章京松林等議敘有差。○旌表守正捐軀安徽舒城縣民王家紅女王女。山東商河縣民劉喜仔姊妹姐。○辛未。皇太后聖躬不豫。

上詣

皇太后宮問安。○以葉爾羌幫辦大臣達三兼正紅旗漢軍副都統。銀黃旗漢軍副都統哈芬署正白旗護軍統領。○以右春坊右庶子煜綸充日講起居注官。○命都察院左都御史

柏後吏部右侍郎明訓。鑲藍旗滿洲副都統巴清德。在紫禁城內騎馬。○科爾沁土謝圖親王色登端魯布等十八人。喀爾喀車臣汗阿爾塔什達等五人。烏珠穆沁車臣親王彭蘇克納木濟勒。巴林郡王那木濟勒旺楚克等二人。喀喇沁都楞郡王色伯克多爾濟等四人。教漢郡王布彥德勒格。喀魯克齊阿巴噶郡王阿爾塔什第。翁牛特郡王喇特納濟哩第。蘇尼特郡王齊旺扎布。四子部落

郡王伊什齊當扎賚特貝勒理藩院額外侍郎拉木棍布扎布。郭爾羅斯鎮國公揚贊巴拉。於養心殿階下瞻覲。○壬申。

上詣

皇太后宮問安。○諭內閣。顏以燠。劉源灝。奏估挑山東運河。確覈土方銀數。請分別動撥。趕辦一摺。另片奏。津貼銀兩。例支不敷。暫請借撥等語。本年東省伏秋汛內。山泉漲發較勤。下游不無淤墊。經該河督等勘明。上河等廳汛。多有淺淤之處。自應趕緊興挑。以利漕行。所有估添募夫例價器具銀二萬四千四十兩零。著准其照例動撥。司庫正款。其外加津貼銀三萬三千九百五十八兩零。除沛汛領辦銀六百八十六兩。例由江南支領外。應支東商生息銀三萬三千二百七十二兩零。據稱尚未解到銀一萬九百五十兩。連不敷津貼銀二千七百七十二兩零。著一併准其在於山東藩庫。暫行借撥。仍著山東巡撫嚴

催運司設法追商完解還款。均由該河督等將銀兩分別發給。督飭道廳各員。剋日趕緊興挑。工竣照例驗收。覈實報銷。儻查有草率偷減及遲延之處。即將承挑各員。從嚴叅懲。○以鑲藍旗漢軍副都統維祿署正紅旗漢軍副都統。○賞順天等省鄉試年老諸生董振文等七十四名舉人副榜有差。○癸酉。

上詣

皇太后宮問安。○諭軍機大臣等。福濟陸建瀛。

奏。回空軍船。埽數渡黃。並催趲歸次情形一摺。又片奏勘明引河淤墊。酌擬疏挑。並繪圖呈覽等語。覽奏均悉。本年節候已晚。回空軍船。現雖埽數渡黃。惟摺內於各幫歸入運河。陸續歸次。並未議及。若只就瀦蓄之水。引渠宣洩。則是涓滴一止。仍形淺攔。豈能無誤。著福濟陸建瀛。接奉此旨。迅即設法疏通淤墊。將各漕船催提南下。務令各幫剋期歸次。至空船甫過。重運即來。現議估挑各工。務當隨

時相度。督飭趕辦。總期啓閉得宜。疏濬有法。庶空重兩運。均無貽誤。方為不負委任。將此諭知福濟陸建瀛。並諭令楊殿邦。楊以增。知之。○扎魯特貝勒薩達爾。烏珠穆沁輔國公車凌多爾濟。蘇尼特輔國公布彥特固斯喀喇沁固山額駙吉蘭泰。於養心殿階下瞻觀。○甲戌。

皇太后疾大漸。

上詣長樂殿華問侍。申刻。

恭慈康豫安成莊惠壽禧崇祺皇太后崩。上哀慟號呼。擗踊無數。剪髮成服。

皇貴妃以下。及皇子等。俱成服。親王以下。有頂帶官員以上。公主福晉以下。侍衛等妻以上。及包衣佐領等男婦。亦俱成服。各按位次齊集舉哀。

上哀慟深至。哭無停聲。水漿不御。王大臣等伏地環跪。懇

上節哀。

上悲痛不能自己。左右皆弗忍。仰視奉

大行皇太后遺誥曰。予以薄德。祇承

先皇帝冊命。備位宮闈。迄今皇帝賓紹丕基。孝

思倍篤。承歡奉養。一秉敬誠。視膳問安。三十

年有如一。日。予因得康彊愉樂。頤養天和。且

見皇帝自御極以來。敬

天法

祖。勤政愛民。宵旰憂勞。有加無已。予心益深欣

慰。雖以桑榆暮景。時惕衷懷。尚幸體氣素稱

强健。或可長享期頤。共樂綏恬之福。詎意昨

還宮後。偶染微疴。皇帝侍藥問安。祈予速即

痊復。予亦思調理就愈。以安皇帝之心。不期

延至十一日申時。神思漸散。遂至彌留。予壽

臻七十有四。母儀尊養二十九年。因西陲底

績。而特晉徽稱。遇萬壽祝釐。而疊舉慶典。五

福既備。復何憾焉。惟念皇帝遭茲大故。倍覺

榮煢。且年近古稀。不宜過於悲痛。務當勉節

哀思。一以國事為重。中外文武。恪恭厥職。共

襄邛治。予靈爽實與嘉之。其喪服酌遵舊典。

皇帝持服二十七日而除。

大祀固不可疏。羣祀亦不可輟。再予向以儉約

樸素。為宮壺先。一切事闢典禮。固不容矯從

抑損。至於飾終儀物。有稍可從簡約者。務惜

物力。即所以副予之素願也。故茲誥諭。其各

遵行。○諭內閣。馮德馨奏。查明匪徒滋事根

由一摺。湖南署新寧縣知縣岳州府經歷萬

鼎恩。經該匪等逼從不允。致被戕害。前署令

李博之妻楊氏。及該縣書院掌教舉人陳佳

保。先後被賊逼令自盡。義烈可嘉。均堪憫惻。

並著該部從優議卹。○諭軍機大臣等。本日

據馮德馨馳奏。查明匪徒滋事根由。並現在

攻勦情形一摺。覽奏均悉。該匪以烏合之眾。

劫獄搶犯。戕官據城。至五旬之久。且先據裕

泰等奏報。不過二千餘人。疊經在事文武員

弁。督率兵勇。殲擒不下千人。可見城內餘匪

無多。何以尚未勦除淨盡。解散脅從。想旬日

內該撫定有捷奏在途。斷不致糜餉勞師。負朕簡任。所有鄰近各要隘。尤當嚴密堵防。其逸出之匪。或設法生擒。或聚而殲旃。不得令其四散奔竄。首要匪犯李沅發等。必當生擒。盡法懲治。以快人心。該犯等所供。並非雷再浩李輝餘黨親屬。不可遽信。仍須認真查訪。確實。擣其巢穴。勿留餘孽。致貽後患。所有出力文武員弁。著俟事竣。分別保奏。候朕施恩。將此由四百里各諭令知之。○命喀喇沙爾

辦事大臣舒精阿。往奠故土爾扈特汗那木札勒珠爾默特策林茶酒。賞銀五百兩。○旌表守正捐軀雲南嵩明州民王正興弟婦譚氏。○自是日始。

上居養心殿。○乙亥。卯刻。

上詣長樂殿。華行朝奠禮。已刻。行午奠禮。午刻。

大行皇太后大斂。奉安。

梓宮於

慈寧宮正中。申刻。

上詣

大行皇太后梓宮前。行夕奠禮。自是

上凡值供奠行禮。哭必盡哀。○諭內閣。朕侍奉

皇太后。以天下養。二十九年。仰見

壽履康彊。齡躋大耋。私心慶慰。方冀延祺益算。

克享期頤。昨於初七日。自御園奉

駕還宮。連日恭詣請

安。知

慈躬偶爾違和。竊謂頤養數日。即就安痊。詎意

高年病勢。日臻遽於十一日申刻。

仙馭升遐。銜恤哀號。痛何能極。伏念朕自

聖母孝淑睿皇后。慈馭上賓以來。深荷

大行皇太后隆恩。覆庇私冀。承

歡奉養。愛日方長。今竟無由再仰

懿顏。悲懷難釋。欽奉

遺誥。喪服二十七日而除。朕心實所難安。仍當

穿孝百日。並素服滿二十七月。稍伸哀悃。至

諭以朕年近七旬。勿過悲哀。國事為重。敢不敬

遵

遺命。強加抑制。本日復據王大臣合詞。籲懇。勉節哀思。奏請仰遵。

皇祖高宗純皇帝成憲。著勉如所請。每日奠醑。後。仍居養心殿。所有

大喪禮儀。著派惠親王綿愉。定郡王載銓。大學士耆英。尚書文慶。敬謹管理。一切應行事宜。並著詳稽舊典。悉心覈議。隨時具奏。將此通諭中外知之。○又諭。本年年班來京之蒙古

汗。王貝勒。貝子。台吉等。無論在內行走。在外行走。均著穿孝。每日隨同應行齊集之大臣官員等。一體齊集。其本年應進貢物。均著停止。○又諭。向來各督撫將軍府尹。及鹽政。關差。織造等。例貢方物。著期年內暫行停止。○是日。已刻。

皇四子福晉薩克達氏薨。○丙子。

上詣慈寧宮

大行皇太后梓宮前供奠。○賞二品頂帶致仕

光祿寺卿前協辦大學士湯金釗。頭品頂帶。○以祈禱靈應。予四川綿州漢大司馬蔣琬祠。列入祀典。從總督琦善請也。○旌表守正捐軀直隸固安縣民劉幅之媳王氏。○丁丑。諭內閣。

大行皇太后母家親屬著穿縞素百日。○又諭。本日據馮德馨英俊奏。勦平新寧匪徒。收復城池一摺。此案該匪等始則拜會搶劫。繼而戕官據城。並敢四路邀人抗拒官兵。相持四十餘日。實屬罪大惡極。現經馮德馨英俊督率鎮道府協。及在事文武員弁。激勵紳士。帶同兵勇。於十一月二十九日。用地雷轟開城角。該賊匪仍敢抵死拒戰。復經兵勇併力前攻。槍礮兼施。焚燒賊棚。生擒一百六十餘名。擒殺餘匪。不計其數。地方一律肅清。官兵酌撤歸伍。所辦尚為妥速。惟擒捕必應認真。勿令餘匪仍匿僻區。至貽後患。匪首李沅發果否已被焚殺。該撫等正可向所獲匪徒根究。

下落。仍自行密訪。務得實據。儻含混奏稱。職斃。日後仍有李沅發其人。一經發覺。朕惟該撫等是問。馮德馨。英俊督率有方。俾匪黨不致蔓延。均著交部從優議敘。在事文武員弁。並著該撫等擇其尤為出力者。酌量保奏。其紳士召募鄉勇。攻城打仗。據稱得力居多。著詳細查明。分別奏咨獎勵。又另片奏。匪徒劫獄。戕官。該管地方員弁。雖經失防於前。尚能募勇堵捕。效力於後。所有應得處分。俱著加恩寬免。至該城守汛弁。據報先期公出。有無捏飾。教官典史。尚無下落。均著該撫等確切查究。斷不可以藏匿為公出。倖免查辦。罪名出入。所關匪輕也。○戊寅。諭內閣。

大行皇太后母儀天下。懋著徽音。卅載以來。延禧垂蔭。尊養兼隆。今茲

仙馭升遐。朕心哀痛。不能稍釋。敬稽典禮。宜隆諡號。以表尊崇。著大學士。九卿。會同敬謹詳議具奏。○又諭。祁寓藻。琦善。奏屬員訐告上司。

到案供無確據。請旨革職嚴訊一摺。又另片奏。請將清查局員。解任究辦等語。捐升知府前任甘肅岷州知州陳昌言。著即革職。固原州知州徐采。鎮原縣知縣張琅。吐魯番同知托克清阿。均著解任。交祁寓藻。琦善。徹底根究。嚴行訊辦。○諭軍機大臣等。主植奏。酌籌銀款。撥給定遠。鳳臺二縣。以資調劑。辦公等語。均著照所擬辦理。並著咨部存案備查。其原經提款津貼。鳳臺。靈璧二縣之處。仍循其

舊。將此諭令知之。○給安徽懷寧。桐城。宿松。望江。宣城。南陵。貴池。東流。當塗。蕪湖。繁昌。無為。鳳陽。五河。和含。山。銅陵。廬江。巢。十九州縣。及屯坐各衛。被水災民。一月口糧。○己卯。諭內閣。本月二十一日。敬移

皇太后梓宮於

綺春園安奉。朕即在

綺春園內。苦次居住。以便朝夕恭奠

几筵。用伸哀悃。○兩廣總督徐廣縉。奏請入覲。

得旨往返甚需月日。朕焉能放心祇可候旨而行。○庚辰諭內閣。明年元旦。朕暫御青長袍褂。冠綴纓緯。辦事後仍服縞素。王公大臣及文武官員。均著穿青長袍褂一日。並帽綴纓緯。是日。

几筵前凡百執事人等。俱著仍服縞素。○兩廣總督徐廣縉等奏。西洋兵頭啞嗎嘞在關開外。被人殺死。該夷目將關開汛兵。擄去三名。求為緝兇。旋緝獲兇犯沈志亮。據供啞嗎嘞行為兇暴。在三巴門外開闢馬道。平毀附近墳墓。該犯祖墓亦被平毀。心懷忿恨。起意殺死除害。臣等以事關外夷。未便稍涉拘泥。當即恭請王命。將沈志亮正法梟示。劄知該夷目。遂將汛兵三人交出。數月以來。一切安靜如常。得旨。所辦萬分允當。可嘉之至。朕幸得賢能柱石之臣也。○減免直隸安隆平寧晉河間文安。永清天津東安。八州縣積水歉收地畝旗租糧賦。○辛巳諭內閣。本月二十一

日奉移

皇太后梓宮於

綺春園。前曾降旨。朕即在

綺春園內。苦次居住。茲復據王大臣等合詞籲

懇。以朕春秋漸高。若朝夕居於苦次。恐稍失

調衛。轉非所以上答

皇太后平日慈愛之心。下慰中外臣民之望。不

得已。勉如所請。於奉移禮成後。仍回慎德堂

居住。○又諭福濟陸建瀛奏。通籌湖河大局。

酌擬添塘避開。繪圖呈覽。並查明河督等辦

理遲誤。請分別議處。嚴議革職。各一摺。又片

奏。酌籌築壩疏通海口情形。又陸建瀛另片

自請議處。各等語。覽奏均悉。本年河湖受淤

較甚。現經福濟陸建瀛周歷親勘。悉心體察。

所有酌議添塘避開。並以時啓放各壩。及對

壩逼溜。攻刷海口之處。自必各協機宜。確有

把握。著即照所議。責成陸建瀛。會同河督。隨

時督飭認真妥辦。總期疏通暢順。啓閉得宜。

漕運既可通行。湖河亦免漫溢。方稱妥協。經此次籌辦之後。明歲儻復淤淺。誤運甚或河流橫決。均惟陸建瀛及該河督等是問。恐非僅賠修所能了事也。至現在回空幫船。放入運河後。果否暢行無阻。能否保其不誤歸次。迄未據福濟等詳細聲敘。實所不解。並著查明迅即覆奏。以紓朕念。福濟於辦理妥協發摺具奏後。即行回京復命。其陸建瀛自請議處。並福濟陸建瀛奏叅河督河道廳員等。應行議處。嚴議革職之處。均俟查明各幫軍船能否歸次具奏到時。再降諭旨。○又諭本月二十三日立春。所有春山寶座等項。均著毋庸呈進。○貸直隸通州裏河五閘排造剝船銀。○壬午。

上詣慈寧宮

大行皇太后梓宮前行殷奠禮。○諭內閣裕泰奏審明總兵同知互相稟揭分別定擬一摺。湖南綏靖鎮撤任總兵祥麟。不洽輿情。辦事

乖謬。著照擬交部嚴加議處。永綏廳同知翟誥辦理尚無不合。稟揭亦出有因。惟失察差役賭博。責革後並未通詳。殊屬疏漏。著交部議處。○又諭。本日據楊殿邦馳奏節逾大寒回空幫船挽放。仍形艱滯。酌議新漕兌運事宜一摺。本年回空幫船渡黃已遲。加以節節套塘灌放。其不能暢行無阻。已可概見。至能否不誤歸次。昨有旨令福濟等迅速查明具奏。茲據楊殿邦奏。各省漕糧已經具報定期

開兌。而空船尚有二千六百八十二隻。未經下閘。恐致貽誤新漕。酌議擬辦章程四條呈覽。該漕督職司轉運。其勢不得不豫為籌及。豈能坐視貽誤。著福濟陸建瀛會同楊殿邦將所擬各條悉心參酌。和衷辦理。如有應增添者。仍當會議妥籌。一面覈辦。一面奏聞。不得草率。福濟如已起程北上。仍著折回。○又諭。奕興春佑雷以誠奏叅陪祀人員貽誤行禮一摺。奉恩將軍哈格景年均著交宗人府



議處。崇齡著交宗人府嚴加議處。○以湖北

省城被水。搶護出力。予同知勞光泰等議敘。

○以指拏賊匪。不避嫌怨。賞伊犁哈薩克阿

哈拉克齊。伊斯瑪依爾。伊提博拉。六品頂翎。

○癸未巳刻。

上詣慈寧宮

大行皇太后梓宮前。行啓奠禮。申刻。復詣

梓宮前供奠。○諭內閣。二十九日大祭。著改於

明年正月初七日舉行。○又諭本年各班來

京之蒙古王公。貝勒。貝子。台吉等。無論在御

前。乾清門行走。及大門上行走者。釋服後。俱

著於明年正月內各回游牧。○免雲南銅廠

民欠無著工本銀。○甲申卯刻。恭移

大行皇太后梓宮。安奉

綺春園迎暉殿。

上先於

梓宮前奠酒。慟哭盡哀。屆時

靈駕啓行。升小輦。

上跪送。出永康左門。

梓宮升大輦。

上西向跪哭。攀掖步送。王大臣叩懇再三。始先

赴

綺春園宮門外祇俟。申刻。

梓宮至。

上跪迎。

皇貴妃率妃嬪。豫俟於殿後。隨安奉

梓宮於迎暉殿。

上號泣。行奠祭禮。王以下大臣。官員俱舉哀。行

禮。○諭內閣。陸建瀛奏。刁民阻遏完糧。拒捕

傷官。請將知縣都司撤任等語。江蘇句容縣

刁民。於該縣開倉徵糧之際。膽敢糾眾阻撓。

抗拒傷官。實屬皆不畏法。自應嚴辦。但恐地

方官辦理不善。激成事端。亦應確切查明。嚴

叅示懲。方見持平。署江蘇句容縣知縣梁園

棟。陳陽營都司生麟。著一併撤任。交該督嚴

提現獲各犯。審訊定擬。仍飭緝拏逸犯務獲。

不准一名漏網。總期無枉無縱。折服官民之心。方成信讞。○諭軍機大臣等。本日據馮德馨奏提鎮道員勦匪疏縱。請先行交部嚴加議處。並自請嚴議一摺。又另片奏道州等屬匪徒業經捕獲數名。仍飭團練捕拏等語。覽奏均悉。此次新寧縣匪徒滋事。彈丸小邑。圍困至四十餘日之久。釜底游魂。未能剋期殄滅。已覺辦理遲延。因既已收復城池。殲擒賊匪多名。地方業就肅清。尚可解免。乃現經馳

奏新寧破城之後。廣西貓兒山。及新寧羅遠崗各地方。又有另股匪徒潛匿滋擾。且訊據現獲各犯供稱。有廣西五排人李沅寶。聽聞李沅發已被焚殺。定期分股前往新寧。為李沅發報復等語。馮德馨初到。或未深悉情形。如果該提鎮道員勦捕認真。各隘口嚴密防堵。何至一經撤兵。餘燼復然。顯係李沅發逃竄。該匪徒四面接應。勾結為患。然則前此馮德馨所奏勦辦情形。竟為該提鎮等所朦。實

難盡信。著裕泰接奉此旨。即由湖北省選派曾經出師得力將弁數員。並挑帶精兵四五百名。迅即起程。馳往新寧等處。會同馮德馨督飭分路搜捕各匪。務期淨盡。毋任一名漏網。首匪李沅發係案內要犯。豈可令其逃脫。獲犯一百餘名。就中作眼線者。諒不乏人。何難設法躡緝。著裕泰一面用兵。一面將該提鎮等粉飾情節。查明據實嚴叅。此等不堪文武。尚堪護庇耶。該提鎮道員。如果辦理不善。

一片謊言。致令首犯脫逃。豈嚴議所能蔽辜。著先行摘去頂帶。且令隨同協捕。俟裕泰查奏後。再降諭旨。至馮德馨自請嚴議之處。俟事竣後再議。將此由五百里各諭令知之。○自是日始。

上居慎德堂。苦次。○乙酉。諭內閣。陸建瀛等奏估修寨子民堰。請循案借款。並議請添改閘壩一摺。南河寨子民堰。為運道所關。節經該督等查勘銜缺情形。飭估興修。現已一律完

竣。委員驗收。尚無草率偷減等弊。所有動借銀一萬八百九兩零。著准其分限八年。在於沛縣民田項下攤徵還款。仍俟前次借款徵完再行起限。以紓民力。至馬便汪十字河等處。應行添改閘壩。著顏以燠。遴委委員確估。會商覈辦。以利漕運而衛民田。○又諭本年裕祭

太廟。所有兩廡配享。仍照舊分獻。○陝甘總督琦善奏。甘肅永昌協大馬營高古營礮伯等

地方。有賊番出巢搶劫。出沒靡常。兵至則紛紛竄歸。兵退又四出滋擾。惟有效堅壁清野之法。責成提鎮。就近督率營汛員弁。時加防範。一經探有賊蹤。即分投迎擊。嚴行掩捕。得旨。必當嚴行整備。○刑部尚書李振祐。因病解任。以工部左侍郎陳孚恩。為刑部尚書。內閣學士翁心存。為工部左侍郎。兼署錢法堂事務。○調浙江按察使王懿德。為山東按察使。山東按察使黃宗漢。為浙江按察使。○丙

戌。

上詣迎暉殿

大行皇太后梓宮前行初祭禮。○諭內閣。

大行皇太后大事。百日外御用服色。及王公百

官等服色。著軍機大臣。會同禮部。恭查乾隆

四十二年成案。悉心妥議具奏。○丁亥。諭內

閣。本年十二月初八日。祭

太廟。明年正月初八日。祭

祈穀壇。均應前期三日齋戒。朕於齋戒期內。照

部議。援引乾隆四十二年百日內舊例。御素

服。冠綴纓緯。至致祭之日。禮畢。御用服色。亦

應與齋戒日同。所有王公大臣文武百官等。

除明年正月初七日已屆應釋縞素之期。毋

庸議外。其兩次齋戒三日。及致祭之日。均著

穿素服。冠綴纓緯。惟

几筵前凡百執事人等。均仍服縞素。○又諭。翁

心存著授八阿哥讀。○諭軍機大臣等。裕泰

奏。新寧縣城雖經收復。仍有匪黨逃竄入山。

亟應留兵追捕一摺。又片奏總兵雙德應留於新寧堵捕餘匪。現飭護道伍恂等兜拏道州等屬匪徒等語。覽奏均悉。新寧城池甫經收復。旋有另股匪徒。欲為李沅發報復。前據馮德馨馳奏。已有旨令裕泰揀派將弁精兵馳往該處。督飭掩捕矣。茲復據裕泰馳奏匪黨逃竄情形。並稱前據該道府稟報召募鄉勇。已有數萬餘人。加以所派官兵圍堵一城。何至尚令要犯逃竄。乃破城之後。首逆李沅發毫無蹤跡。據稱焚殺實不足信。且據武岡州委員稟報。十一月二十九日。探聞新寧城內賊匪分路逃逸。是前奏所稱另股匪徒。即係竄出餘匪。已可概見。難保李沅發不即潛匿其中。裕泰接奉此旨。諒早已在途。著即督飭追捕。務將李沅發剋期擒獲。並按拏餘匪。總期淨絕根株。毋任蔓延貽患。方為不負委任。至所稱將雙德留於新寧堵捕之處。此等委靡不振之員。留之何益。並著裕泰悉心秉

公甄覈。該提鎮道員。在事文武。如有債事貽誤軍機者。即一面傳旨拏問。一面由驛速奏。將此由五百里諭令知之。○貸山東雇募巡洋船勇經費銀。○戊子。孝莊文皇后忌辰。遣官祭昭西陵。○諭軍機大臣等。喀什噶爾辦事領隊大臣錫喇布。年力就衰。已明降諭旨。將該員原品休致矣。該城地處邊要。非年力富強素嫻武備者。不足勝任。著薩迎阿。奕山於所保各協領中。擇其堪勝此任之員。一面先行派往喀什噶爾。今其署理辦事領隊大臣。一面據實具奏。將此諭令知之。○又諭前據薩迎阿奏。俄囉斯頭人已嚨在庫庫鄂羅木河西紮營收租。攔阻巡邊領隊等。不令過河等語。已由理藩院行文該國薩納特衙門。令其撤回頭人矣。茲又據該國薩納特衙門咨行理藩院文稱。近因生齒日繁。屬下人眾。所有在恰克圖貿易貨物。實不敷用。請於恰克圖之

外。准其在伊犁塔爾巴哈台。喀什噶爾三處。添設貿易。一併通商等語。俄囉斯暗中貿易。已難掩人耳目。若明准其各處通商。其有流弊。又何待言。惟該國咨文。此次居然堅請於伊犁等三處。添設貿易。似不便徑行拒絕。致激事端。著薩迎阿等接奉此旨。一面設法延緩。一面將此三處地方情形。廣諮博採。詳加體察。酌量事之重輕。究竟有無窒礙。據實迅速密陳。是為至要。薩納特原文著鈔給閱看。

將此密諭知之。○又諭據鄭祖琛奏湖南新寧餘匪。竄越粵境。嚴飭堵剿一摺。據稱湖南收復新寧縣城。時值黑夜陰雨。餘匪竄散。並羅源崗一帶。有另股匪徒潛匿。該處毗連粵西五排山場。路徑叢雜。地勢散漫。圍捕尤難得力等語。粵西辦理防堵。並未失算。惟湖南文武員弁。將賊匪放逸。急應為補牢之計。著鄭祖琛嚴飭文武員弁。厚集兵力。不分畛域。深搗巢穴。毋令一名竄逸。並於境內各山場。

實力搜捕。將藏匿各匪。痛加剿除。以期除惡務盡。勿貽後患。首匪李沅發。雖據湖南奏稱被焚。殊不可信。前經裕泰等奏粵西貓兒山等處。有另股匪徒。欲為李沅發救援。難保非即該匪在內指使。著鄭祖琛密飭在事員弁。細心偵訪。擒誅為要。所有已獲各匪犯。著於錄供後。仍解歸湖南。交裕泰等審擬辦理。將此由四百里諭令知之。○又諭劉韻珂等奏現在誘獲洋盜提省審辦一摺。著名盜匪陳

雙嬉率領首夥一百餘人。駛至廈門投首。並將船隻破械。一併首繳。其不敢再行抗拒。已可概見。著該督等派委幹員。研訊明確。應如何辦理之處。妥議具奏。將此各諭令知之。○喀什噶爾辦事領隊大臣錫喇布。以年老休致。○己丑。

上詣迎暉殿

大行皇太后梓宮前供奠。○諭內閣。理藩院奏大行皇太后升遐事宜。例應頒給達賴喇嘛班

禪額爾德尼詔書。令於各廟擺懺。率經。請旨可否派員前往等語。此次

大行皇太后升遐事宜。頒給達賴喇嘛。班禪額爾德尼詔書。以及賞賜物件。著兵部由驛遞交四川總督轉齎至藏。其布達拉四大廟。及各廟擺懺。率經事宜。著駐藏大臣等辦理。應用銀茶等項。著四川總督照例撥給。○又諭。前據福濟陸建瀛奏。查明南河辦理遲延實情。請將河督道廳各員分別議處。嚴議革職。

並陸建瀛自請議處。當經降旨。俟查明軍船能否歸次。再降諭旨。茲據福濟陸建瀛覆奏。籌辦回空情形一摺。並陸建瀛楊以增自請嚴議等語。本年南河吳城六堡。啓閉皆不如法。以致河湖受淤。回空軍船。不能如期歸次。雖現在各幫船。俱已接續趲出清江關。據稱年內可以竣事。然仍係約略之詞。且使有漕省分。不能不豫籌迎兌。紛紛建議。大費周章。專轄及兼轄之員。實難辭咎。陸建瀛楊以增

著先行交部嚴加議處。且看果否不誤新漕。俟覆奏到時。再降諭旨。至辦理有乖機宜之淮揚道。查文經著照議。即交部嚴加議處。撤任外。南同知王湘。外南營守備師長鑣。亦著照議革職。所有各幫船出閘後。能否迅速渡江。分別歸次受兌。淤墊處所。能否迅速挑挖。深通。重漕。經臨。果否暢行無礙。該督與河督等。有無把握。著福濟陸建瀛會同楊殿邦。楊以增。妥籌覈辦。該漕督所議四條。有無增損。

迅速具奏。○又諭。英隆等奏。參曠班飲酒沈醉。滋鬧之職官。請旨一摺。恩騎尉巴圖於派守火藥庫重地。膽敢曠班飲酒。且復在街沈醉滋鬧。竟將前鋒號衣撕毀。實屬不法。已極著照所奏。恩騎尉巴圖著即革職。發往烏魯木齊充當苦差。以儆不肖。○安徽巡撫王植奏。安徽道張印塘業已到省。現飭會同兩司。遵奉諭旨。嚴訊署寧國府參革知府朱鳴雷。被叅各款。一俟審明。即飭令赴任。得旨。斷不

可任其狡展。○庚寅。諭軍機大臣等。本日據裕泰奏。官兵追捕匪徒。致被戕害一摺。湖南新寧匪徒逃竄入山。官兵遷延日久。不能剿滅。前經降旨。令裕泰迅即馳往。會同馮德馨督辦。茲據奏稱。十二月初四日。該匪逃至大絹崗附近嶺後。都司張心銘等分途追捕。被匪衝出抵拒。守備熊釗。候補府經歷劉炳南。俱被戕害。殊堪髮指。並據稱。訊出首逆李沅發之叔李承莫。供認先期往廣西五排等處。糾邀夥黨二百餘人。來至新寧屯聚。距城僅止二十餘里。該文武帶兵各員。何至毫無覺察。且匪徒果止此數。守備熊釗等。帶領兵勇奮力追擊。何至遽被戕害。是半山衝出匪徒。即係新寧城內竄出。其為湖南文武員弁。設詞朦蔽。彌縫掩飾。毫無疑義。此等小醜。不值另調他省兵勇。現在裕泰諒早已登程前往。祇須督飭將弁。激勵精兵。分路勒捕。將各崗盤踞匪徒。及相接粵西交界處所。偵探竄逸。

各犯迅速掩拏。及早撲滅。毋得曠日持久。糜餉勞師。是為至要。所有該提鎮道帶兵各員。因循債事。著裕泰即行查明。首條何人。貽誤軍機。遵照前旨。一面革職拏問。一面由驛馳奏。將此由四百里諭令知之。○命科布多幫辦大臣多爾濟那木凱留京。賞己革副都統額勒亨額。藍翎侍衛。為科布多幫辦大臣。○江南提督尤渤。因病解任。以直隸天津鎮總兵官福珠隆阿。為江南提督。四川阜和協副將長瑞。為天津鎮總兵官。○辛卯。以歲暮裕祭。遣官祭太廟中殿。後殿。○諭內閣。恭理喪儀王大臣奏。大行皇太后梓宮。擇吉於明年三月二十日卯時奉移。昌陵隆恩殿。朕追憶慈顏。悲痛曷極。允宜親送梓宮。藉伸孺慕。三月二十日卯刻。朕詣

几筵前奠酒跪送。即由

綺春園啓鑒前往黃新莊行宮。

梓宮到時先赴

蘆殿祇候。跪迎奠酒。仍回行宮。自黃新莊以下

各站。皆照此行禮。至

梓宮將抵

昌陵之前一日。朕親詣

各陵祭告。仍按時在

昌陵祇候。

梓宮到時。跪迎奠酒。安奉

隆恩殿。禮畢回鑾。所有應行典禮。並一切事宜。

著各該衙門及直隸總督敬謹豫備。○禮部

奏。江寧駐防文舉人壽昌。現捐筆帖式。在工

部行走。應否准其會試。得旨。壽昌著准其一

體會試。嗣後各省駐防文舉人。現任京官者。

均准其一體應文會試。○以禮部尚書惠豐

署鑲黃旗漢軍都統。前任科布多幫辦大臣

多爾濟那木凱。為正黃旗蒙古副都統。兼管

健銳營事。○命盛京禮部侍郎春佑來京穿

孝。以盛京兵部侍郎恆毓兼署盛京禮部侍

郎。○以烏魯木齊墾地出力。予廢員張鵬翰

等。選補有差。○壬辰。裕祭

太廟。遣睿親王仁壽恭代行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○

上詣迎暉殿

大行皇太后梓宮前行禮。○遣官祭



孝穆皇后

孝慎皇后

孝全皇后陵寢。○遣官祭

端慧皇太子園寢。○遣官祭

太歲之神。○是年旌表孝子。江蘇等省呂連等二十三名。孝義。江西等省劉芳遠等二名。孝友。福建陳士鑑等四名。孝女。江蘇等省馮淑荷等九十七口。孝婦。江蘇等省張程氏等六十三口。貞孝女。四川李貞姑等二口。貞女。

江蘇等省徐項氏等一百七十六口。烈女。江蘇等省徐王氏等七十口。江蘇尼僧本德一口。守節合例。宗室松德妻棟鄂氏等十二口。覺羅賡音布妻富察氏等五口。滿洲順緒妻齊英斯氏等一百一十二口。蒙古阿當阿妻劉氏等三十八口。漢軍龐璽妻郭氏等三十口。內務府成福妻張氏等十七口。各省駐防穆爾圖妻扎庫塔氏等二百六十九口。奉天等省儀由氏等九千一百零二口。夫亡殉

節。江蘇等省何義機妻吳氏等五百六十四口。百歲壽民婦。浙江等省陳學孚等十八名。口。五世同堂。江西等省劉堂等四十七家。各給銀建坊如例。○一產三男。山東等省李玉珍等三家。○會計天下民數。除甘肅及福建臺灣府未報穀數。除甘肅江蘇浙江福建未報外。直隸等省通共大小男婦四萬一千二百九十八萬六千六百四十九名口。存倉米穀。二千五百七十二萬六千六百六石三斗

三升三勺

+

九八五

10

俯從王大臣等之請稍節勞勩每日在行宮

苦宿所有

蘆殿前迎送儀節忍痛從減二十三日住宿梁格莊二十四日朕親詣

各陵祭告按時回

昌陵祭告祇候

梓宮到時跪迎奠酒安奉

隆恩殿祭奠成禮二十五日祭奠禮成即行回

鑾各該衙門知道○貸江西南昌新建進賢

鄱陽餘千萬年星子都昌建昌德化德安瑞

昌湖口彭澤十四縣上年被水災民籽種

賑浙江仁和海寧嘉興秀水嘉善石門桐鄉

烏程歸安德清武康十一州縣並杭州嘉興

湖州三衛青村袁浦浦東下砂頭下砂二三

等六場上年被水災民屯丁竈戶○丙申

高宗純皇帝忌辰遣官祭

裕陵○

上詣迎暉殿

大行皇太后梓宮前供奠○諭內閣祁寯藻琦

善奏審明甘肅知州稟許上司挾制各款分別定擬一摺此案陝甘總督布彥泰雖查無贓私重情惟封疆大員關防不密辦理清查致多歧誤並令屬員虛報到任任聽家人售賣衣物種種粗率殊負委任著照議交部嚴加議處即行回京聽候部議解任固原州知州徐采鎮原縣知縣張琅吐魯番同知托克清阿於留省辦理清查事務並不認真查覈輒隨同藩司劣募草率了事實屬咎無可辭徐采張琅托克清阿均著交部議處升任布政使張祥河前署布政使春熙督辦清查參差舛錯雖在任未久亦著交部議處其隨同畫稿並非專辦之司道府縣各員著交部查取職名分別議處尋議布彥泰降四級調用查該督任內本有革職留任之案應即革職徐采張琅托克清阿降一級調用張祥河春熙降一級留任已革岷州知州陳昌言以清查虧短經布彥泰列入叅款輒敢捏詞誣訐

居心險詐應如祁寓藻等所奏從重發往新疆充當苦差從之○又諭祁寓藻琦善奏知縣稟許道員審係全誣等語甘肅撤任安定縣知縣胡薦夔因蘭州道楊能格查出該縣倉庫虧短輒以該道沿途需索夫馬收受規費等情捏詞妄訴冀圖挾制實屬刁詐現在審係虛誣自應按律懲辦胡薦夔著即革職從重發往新疆效力贖罪應繳銀兩即著落依限賠繳楊能格訊無不合著與並未致送規費及攤派銀兩之秦州知州董平章等均無庸議○又諭祁寓藻琦善奏甘肅省清查案件外錯參差請另行覈議一摺著琦善督飭新任藩司揀派妥員悉心釐剔自奉到部文之日再予限八箇月逐款清釐覈議具奏毋稍含混遷就○命右春坊右庶子鈕福保在上書房行走○丁酉諭內閣三月二十日朕親送

大行皇太后梓宮據王大臣等復合詞具摺再

懇停止前往以朕身體尚未復元恐失調護披閱再三哀愴曷極追念臘月十一日以前每次親詣請

安荷蒙

仁慈曲逮寬其禮節示以溫和並因朕體氣未充種種優容惟恐積勞過甚乃今

音容已渺追侍無由僅止執紼相隨諸王大臣等尚極力勸阻自傷暮齒永感

慈恩不知涕泗之何從也敬念

遺愛未寒朕若執意前往設使少有失儀既無以慰

在天之靈亦未協事亡如事存之義實萬不得已強抑哀懷勉從諸王大臣等之請朕即停止前往夙夜負疚朕其何辭仍於三月二十日卯刻由

綺春園奠酒跪送其一切應行典禮各該衙門敬謹詳查酌覈具奏○諭軍機大臣等寄諭直隸總督訥爾經額本年三月二十日恭移

大行皇太后梓宮安奉

昌陵隆恩殿經王大臣等合詞籲懇勸朕停止親送堅請至再已明降諭旨勉從所請矣惟靈輦經行地方向係於御路之外另闢一道朕軫念民田正當耕作之際恐傷禾稼著諭知該督督飭所屬即就向來蹕路經行之處敬謹豫備其有路途稍窄或地形陡峻亦即就近量為開墊平穩庶行走益臻安便毋得藉詞苛派閭閻致滋擾累是為至要將此諭令

知之○定郡王載銓等會同戶部議覆兩廣總督徐廣縉等奏清查廣東省倉庫酌擬追補章程四款一未完庫銀應查明現任去任有著無著分別籌補提解一缺額倉穀宜乘時買補以實儲備一交代宜勤限清結以杜積虧而祛流弊一各追未完宜一律勒追俾清積欠從之○貸陝西神木府谷二縣上年被雹災民籽種並給口糧○貸湖北武昌咸寧嘉魚蒲圻興國大冶漢川黃陂孝感沔陽

黃岡黃梅蘄天門江陵公安石首監利荊門十九州縣暨屯坐各衛上年被水災民籽種○貸湖南武陵龍陽沅江澧華容益陽湘陰七州縣上年被水災民籽種並給武陵沅江澧安鄉四州縣災民一月口糧○戊戌諭內閣欽惟

大行皇太后德懋徽柔儀昭光大體坤元之合撰備

懿嫔以難名

仙馭遐升

遺徽永著今據大學士九卿等敬謹擬上

尊謚朕仰維

慈愛忍痛摠誠謹於

徽號十二字內酌留六字合之恭上

尊謚稱曰

孝和恭慈康豫安成應天熙聖睿皇后允足昭

垂萬禩式表尊崇薄海同欽咸瞻鉅典所有應行典禮該部敬稽成例具奏○諭軍機大

臣等裕泰馳奏匪徒竄赴廣西現經官兵堵捕一摺覽奏均悉新寧餘匪竄逸於楚粵之交現經鎮將帶兵堵緝盤獲匪黨多名惟首要各犯仍復固結負隅為苟延殘喘之計著裕泰相機妥辦如一時尚難撲滅著即酌帶官兵兼程馳往督勦總期將各匪悉數殲擒毋稍遷延疏縱裕泰統轄兩省責無旁貸儻根株未淨必致貽患將來至先行旋省之大員如因此債事是貽誤軍機厥咎甚重著裕泰即速查明仍遵前旨一面將該員等拏問一面嚴叅具奏將此由四百里諭令知之○以工部右侍郎彭蘊章兼署刑部右侍郎緩徵直隸青靜海武清薊文安大城灤蘆龍遷安樂亭蠡雄安高陽河間任邱滄南皮鹽山慶雲棗城永年邯鄲成安肥鄉廣平雞澤磁元城大名清豐宣化懷來玉田曲周五十州縣上年被水村莊新舊額賦緩徵山東濟寧惠民陽信樂陵單范聊城金鄉嘉祥

魚臺鄒平海豐十二州縣暨東昌臨清濟寧三衛上年被水被雹被蟲村莊正雜額賦庚子世祖章皇帝忌辰遣官祭孝陵○上詣迎暉殿大行皇太后梓宮前行大祭禮○諭內閣奕興樂斌奏回民聚眾械鬪現獲要犯多名一摺另片奏請將防禦革職等語此案回民劉耀與民人劉泳和等聚眾鬪毆互相讎殺復敢逞兇拒捕致傷官兵實屬罪大惡極現獲首夥各犯非審訊明確盡法懲治不足以昭炯戒著交奕興樂斌會同盛京刑部及兼尹府尹嚴行推鞠務得確情按律定擬具奏該界官防禦依興阿於此等兇盜重案既已疏防於前又不能協緝於後著即行革職以為緝捕懈弛者戒又諭書元文俊奏請將捏稟邀功之撤任知州革職一摺奉天府屬遼陽

州知州方發祥於該州境內回匪劉耀等聚眾械鬪一案事先疏於防範節經飭拏日久並未獲犯迨經該管上司派員帶兵拏獲首從各犯解省始以會同拏獲具稟顯係捏詞邀功現據奕興等移咨該兼尹等專摺奏泰自應嚴行懲辦方發祥著即革職以為捏飾取巧者戒○諭軍機大臣等湖南新寧縣城池甫經收復旋有餘匪竄擾疊經降旨令裕泰馳往查辦此時計已督兵在途矣本日據馮德馨奏餘匪竄至廣西疊被勦殺賊勢已窮現在會合堵拏並稱境內均已安謐舉行團練訪緝等語此案逃匪四竄慮其蔓延為患正宜及時撥拏乃該撫率稱地方安謐一俟粵西事竣即可撤隊已恐坐失機宜且當此匪蹤奔竄之際督飭兵勇追捕猶恐不及反欲舉行團練為堅壁清野之計尤屬迂掄不曉事體若仍令馮德馨辦理此事必至養癰貽患裕泰統轄兩省責無旁貸接奉此旨

務當督率兵勇並會同廣西員弁堵拏逸匪總期剋日淨盡斷不可稍留餘孽又據馮德馨片奏查明道州等州縣連界之癩子山僅有匪徒分夥搶奪並無黨羽一百人之多亦無挖壕設鑪鑄造槍礮之事既與前奏不符即難保非馮德馨未能熟悉情形仍受劣員朦蔽將就了事並著裕泰遴派幹員馳往該處確加訪查如實有不法重情即一面迅籌進剿一面從嚴叅辦毋稍瞻徇諒該督身膺重寄必不肯代人受過也懍之馮德馨摺片著鈔給閱看將此由四百里諭令知之○辛丑修直隸溫榆河上游果渠村壩埽等工從總督訥爾經額請也 癸卯享太廟遣惇郡王奕詝恭代行禮 諭內閣大行皇太后大故輪應年班內外扎薩克阿拉善青海杜爾伯特烏梁海土爾扈特和碩特伊克明安等處蒙古汗王貝勒貝子公額駙台吉塔布囊公主之子孫無論御前乾清門

在外行走均著過二十七箇月再按年班輪  
流來京所有應來各呼圖克圖喇嘛等亦著  
過二十七箇月照例來京至藏內呈進丹書  
克之遣使堪布察木多之帕克巴拉呼圖克  
圖等使尚子伯克土司土舍廓爾喀等均著  
過二十七箇月再各按應來年分來京○甲  
辰

上詣迎暉殿

大行皇太后梓宮前行月祭禮○

孝全皇后忌辰遣官祭

陵寢○欽差戶部侍郎福濟兩江總督陸建瀛  
奏遵旨會同漕臣酌議籌辦新漕章程查漕  
臣原奏淮揚運河淤滿自應挑挖等語伏思  
空運遲滯由於塘河高下過大不得不拗板  
套塘並非運河不能行走之故現在湖水充  
足引河挑工完竣運河至淺處長水一丈內  
外重運可保暢行無誤若議挑挖非一二月  
所能蒞事重運到淮反不能不停船待工是

慎漕實以誤漕臣等惟有督挑引河以暢清  
源急挑太平河以去中滿無須興挑運河轉  
滋糜費至盤驗展期應聽漕臣自行酌辦又  
江廣幫先期籌運江浙幫趕赴受兌兩節查  
江廣幫七百餘隻業經提前趕放無庸迎兌  
其江浙先放之一千餘隻已報陸續出江尾  
幫亦於年內提出指日俱可盡數趨行與漕  
臣具奏時情形稍異應查酌成案辦理又各  
幫借給銀兩以資接濟一節查回空渡黃節

實錄卷四百六


節遲滯復因疊次風雪旗舵紛紛乞恩應援  
案酌減借給江浙幫每船借十五兩江廣幫  
每船借十兩由各糧道籌款解還從之○江  
蘇巡撫傅繩勛奏江蘇所屬向年實缺兵匠  
行月等米非奏截漕糧即動款採買本年被  
災較重緩缺米數約有十七八萬之多漕糧  
既不便截留倉穀亦無可動碾現飭各司道  
將來年應放各款先儘熟田應徵之米各屬  
舊欠之糶權為支應如有不敷由司道各庫



暫行借款散放所有借動庫款或作正開銷  
或設法彌補視用銀之多寡臨時籌畫其餘  
俟來年察看情形再行籌補得旨是該部知  
道不同浙江撫臣只知為己易辦國計置之  
膜外也○以陝西西安城守營副將李休為  
湖南綏靖鎮總兵官○緩徵江蘇上元江寧  
句容溧水高淳江浦六合山陽阜寧清河桃  
源安東鹽城高郵泰東臺江都甘泉儀徵興  
化寶應銅山豐沛蕭陽山邳宿遷睢寧海沐  
陽通如臯泰興海門長洲元和吳吳江震澤  
常熟昭文崑山新陽華亭奉賢婁金山南匯  
青浦川沙武進陽湖無錫金匱江陰宜興荆  
溪靖江丹陽金壇溧陽太倉鎮洋嘉定寶山  
崇明上海丹徒六十九廳州縣並淮安大河  
揚州徐州蘇州太倉鎮海金山鎮江九衛被  
災莊屯舊欠正雜額賦○乙巳諭內閣  
昌陵迤西擇有佳壤地基寬廣山川氣勢環抱  
本擬為

大行皇太后吉地今謹定為  
昌西陵明年諏吉興工所有備辦料物相度形  
勢必應先期敬慎將事著派定郡王載銓吏  
部尚書文慶工部侍郎靈桂彭蘊章會同前  
往敬謹辦理○修湖北襄陽府老龍石隄從  
總督裕泰請也○丙午  
上不豫先是  
上自上年入春以來  
聖躬數違和仍日召對臣工批荅章奏無少倦  
懈王大臣有勸  
上節勞者  
上頷之然未嘗少自暇逸也至是遭  
大行皇太后大故擗踊摧傷疾增劇○丁未卯  
刻  
上疾大漸召宗人府宗令載銓御前大臣載垣  
端華僧格林沁軍機大臣穆彰阿賽尚阿何  
汝霖陳孚恩李芝昌總管內務府大臣文慶  
公啓鐫匣宣示

御書皇四子  立為皇太子

硃諭皇四子  著立為皇太子爾王大臣等

何待朕言其同心贊輔總以國計民生為重

無恤其他特諭 午刻

上崩於圓明園慎德堂苦次 遺詔曰朕蒙

皇考仁宗睿皇帝覆載隆恩付畀神器臨御天

下盈三十年仰維

列聖家法一以敬

天法

實錄卷四十六

去

祖勤政愛民為本自維薄德敢不朝夕惕惟

日孜孜故自御極至今凡披覽章奏引對臣

工盱食宵衣三十年如一日不敢自暇自逸

並躬行節儉為天下先嗣位之初即頒手諭

首戒聲色貨利一切游觀玩好稍涉侈靡之

事禁絕勿為此薄海臣民所共見溯自西陲

小蠢出師捷伐旋致教平何敢自矜武略迨

後東南瀕海之區因貿易而啓紛爭朕惟古

之君子愛人為大何忍無辜赤子慘罹鋒鏑

是用捐小忿成大信綏疆柔遠於今十載卒

使毒戾自消民夷各安生理此朕孳孳愛民

之隱衷至今日而庶堪共諒者也至水旱成

災朕竊自愧致累吾民昕夕憂勞不惜特發

帑金拯民疾苦凡疆臣請蠲請賑無不立沛

恩施從未也膏新澤已饑已溺之懷亦中外

所共見侍奉

皇太后已及卅年娛

志承

實錄卷四十六

去

歡敬謹罔懈慎終盡禮差免愆尤朕體氣素強

自上年春夏之交偶爾違和如意調攝總未

復元去臘還宮後痛遭

大行皇太后大事擗踊摧傷漸形虧弱邇來氣

益上逆病勢日臻迨維在位歷三十年壽登

六十有九亦復何憾顧念統緒至重亟宜慎

簡元良續承大業本日卯刻特召宗人府宗

令御前大臣軍機大臣內務府大臣親降硃

筆諭旨立皇四子  為皇太子並諭王大

臣等同心贊輔無恤其他乃降旨甫經半日神氣漸散豈非天乎皇太子秉性仁孝植德貞醇必能欽承付託其即皇帝位以嗣大統天生民而立之君使司牧之惟刻矢憂勤惕勵於以知人安民永保我不丕基至於觀人之法鑑空衡平妍媸輕重自見惟無私乃克有濟兼願中外文武臣僚精白乃心各勤厥職用輔嗣皇帝邳隆之治則朕懷益慰矣喪服仍依舊制二十七日而除布告天下咸使聞

宣統元年四月十六

六

知○先是

御書硃諭四條緘藏至是頒發曰禘郊祖宗伊古所重洪惟我

太祖

太宗

世祖

聖祖

世宗

高宗

仁宗豐功駿烈厚澤深仁浹洽生成彌綸宇宙開億齡無疆寶祚立萬世有道鴻謨永宜配饗

郊壇禮隆報本朕思尊崇之典莫大於斯若世世視為成例率行無已豈止有背於古訓更難示信於後人而又非臣子之所敢言亦非臣子之所忍言再四籌思不能不定以限制使我後世子孫得所遵循以免後人疵議朕萬年後斷不可行

宣統元年四月十六

七

郊配之禮誣朕以不德不孝若繼體之君顧命之臣不遵朕諭任意強行則是甘為我大清之不孝不忠之人矣後之人其以朕為法乎不以朕為法也嗚呼必有知朕者焉

按禮經天子七廟周禮小宗伯辨廟祧之昭穆至於漢之七廟六室九室唐之九代十一室宋之九世十二室其餘史冊所書不一而足自古議此禮者是非當否又復不一而足由是觀之祧廟之說有由然也洪惟我大清

受命於

天龍興遼瀋

祖功

宗德實邁前古自我

太祖高皇帝至我

皇考仁宗睿皇帝巍然七室豈非

上天有以命之乎朕返復思之我大清億萬年

無疆之運若不攷古酌今定以法制必至議

論紛然為後人笑矣孔子云非天子不議禮

前錄卷四十四

序

不制度不考文以朕之不德仰承基緒兢兢

業業深恐不能克紹

鴻圖更曷敢上擬

祖

考然有其位有其時若不身任此事用昭來許

豈不大負我

皇考付畀之恩也朕萬年後斷不可行祔

廟之禮應如何祀享之處乃當時君臣之事按

禮議行可也其

奉先殿

壽皇殿

安佑宮乃古原廟之制庶可遵循舊制嗚呼七

世之廟可以觀德孰如我大清

聖

聖相承之盛也遵諭毋違

謹按各

陵五孔橋南均有

聖德神功碑清漢二通覆以碑樓制度恢宏規

前錄卷四十五

序

模壯麗在我

列祖

列宗之功德自應若是尊崇昭茲來許在朕則

曷敢上擬

鴻規妄稱顯號而亦實無稱述之處徒增後人

之譏評朕不取也萬年後著於明樓碑上鐫

刻大清某某皇帝清漢之文碑陰即可鐫刻

陵名嗣皇帝即欲撰作碑文用申追慕即可

鐫於宮門外之碑上斷不可於五孔橋南別

行建造石柱四根亦不准樹立碑文亦不可以聖神功德字樣率行加稱若當時君臣不能仰體朕懷不遵朕諭是陷朕於不德一世之憂勤惕勵盡成虛矣蓋謂之孝乎蓋大不孝也

大內四執事庫向有供奉

列祖

列宗冠服所以昭法守而傳儉樸也乃相沿已久愈積愈多且錦文珠繡遞漸加增殊失垂

示後昆之意朕萬年後只可將常用之秋冠

涼冠各一綿袂衣服四五襲照例收貯外餘

皆酌量留用或為賞賜之需皆可再皮冠皮

裘豈是經久之物一概不必存留以歸簡約

其自鳴鐘殿內收貯歷代硯墨尤屬無謂並

非尋常御用之物僅將懋勤殿永不動用庫

貯者照數移收實屬虛文即應裁止又奉

硃諭皇六子奕訢封為親王是日酉刻恭奉

靈輿進宮戌刻大斂畢奉安

梓宮於乾清宮是歲二月初二日奉移

梓宮於圓明園正大光明殿四月十二日恭

上

尊謚曰

敬天符運立中體正至文聖武智勇仁慈儉勤

孝敏成皇帝

廟號

宣宗九月十八日奉移

梓宮於

慕陵

隆恩殿派王大臣輪班敬謹守護咸豐二年

三月初二日丑時葬

慕陵

上在位三十年

聖壽六十有九

上寅承

寶祚撫御寰區荷

上天篤眷之隆嗣

列聖昇平之盛觀

光揚

烈德盛化神下際上蟠超圖溢牒溯自肄園上

塞寵被

宸章養正潛居特蒙

賜翰允文允武式

彝訓而奉

心傳洎至

親御神槍奠安

宗

社百靈翊相

恩賚益隆駿烈豐功實依古帝王所未有用是

山莊

受璽

天與人歸海寓嚮風翕然思服

御極三十年經緯萬端貞釐百度威德大業厚

澤深仁懿鑠哉超出乎千百王之事功融貫

乎億兆人之心志而凝固乎萬年有道之丕

丕基自生民以來僅觀之隆軌也管蠡窺測  
綜舉數端一日敬

天披早滂之章則勤思

天戒應和甘之兆則寅威

天恩每值春

祈夏

霽

園丘

方澤諸大祀必躬必親竭誠盡敬禮成敬述之

什散見

聖製者類皆勵昭事之忱肅明禋之典至

大雩步禱

親撰祝辭省僇責己之懷為民請命之意至誠

上籲感召斯神其或暘雨偶差齋心虔祝祥

雲甘澤應念而來惟

天聰明惟

聖昭假通微合漠

聖心即

天心也他若  
方社之薦馨

三壇之秩事

羣神百祀之加號頒題典禮修明粲然賅備  
胥本崇效卑法之念推而暨之其在書曰欽

若昊天有同揆焉一日法

祖二百年來

聖人代作

文謨

武烈垂裕無疆晨興恭誦

寶錄隨事申諭身體力行春秋祇謁

東

西陵霜零露濡悽愴瞻戀內外宮殿寺宇供奉

神御之所升薌展拜無間歲時至於

寶錄

聖訓之弁言焜煌

歲史

聖德神功之貞石炳煥

橋山是則以

聖繼

聖即以

聖闡

聖先後相契若符節焉迺率

家法謁

祖陵周覽陪都省觀舊俗瞻仰

先朝弓劍鎡胄以及茅茨土階之淳樸棟鐙角

椅之流傳憬然於

開國艱難所自致由是誼隆一本篤念宗支尊

行則免其跽拜懿親則滌其誓尤錫章服擢

巍科使知好修致福教國語習騎射使知本

業無荒其翹秀者量能授職使自奮於功名

其跼弛者制檢立防使不踰夫矩矱記曰尊

祖故敬宗敬宗故收族胥此志也

國家重熙累洽地大物阜政務殷繁一日二

日萬幾匪勤曷理批荅章奏引對臣工肝食

宵衣寒暑罔懈法不貸於貴近宗藩戚里有

過必懲賞不遺於細微伯克土司無勞不錄則紀綱所由飭也名器不可濫與臺敢備衣冠禁令不可干官寺務嚴關預則法度所由貞也興利之言必斥而經費不得虛糜災黎之賦可蠲而正供不容虧短則國計所由裕也著成績者遷不次而奔競宜防清積案者敘從優而稽延必究則官方所由敘也禮者舊旌忠節風俗以厚焉捕邪匪禁匿訐人心以正焉聽言最廣而是非不能蒙取人最寬

實錄卷一百六

庚

而功罪不相掩西陲部落報墾升科則內地之無曠土可知東省邊門射牲肆武則鄉邑之無游民可知修河防者六籌海運者二塞莢下捷輓粟飛芻指示周詳機宜洞協則克勤于邦之遠並神禹者如此德惟善政政在養民每歲仲春吉日維亥舉耜田之典修四推之儀貴粟勸農期與海內共轅大有歲偶不登蠲租賦寬徵限以蘇之發倉穀設糜廠以濟之甚則出內帑命大臣巡視以振之國

有大慶輒免積逋動至數百千萬無少愆此博施之仁也為之開水利課農桑以裕其源為之謀生聚制節度以謹其流服食之為害者有禁而奇袤革矣殷實之好義者有褒而雍睦成矣此既富之教也秋獻慮囚至詳且慎一節可疑者立命覆鞠一錢可原者即予緩勾平反者必賞深文者必罰株連積壓者必黜及至獄成而孚矣猶恐囹圄之中非刑肆虐桁楊之下鍛鍊成招儆戒提撕無微不至此好生之德也溥天率土一民一物悉在涵濡亭育之中甚至窮島細民鮫蜃同族梯航求市萬里敬關亦皆矜彼蠢愚同我覆載則愛人為大之動合禮經者如此稽古右文昌明正學闡雅頌典謨之蘊屏風雲月露之辭讀

實錄卷一百六

元

御製詩文各集辟雍宣講經筵發論賈乎尚已於養心殿四歲見起居之謹於養正圖六十什見法戒之詳於序一統志見繼述之克虔



於序續通禮見典章之咸秩而詒謀深切尤於跋養正四箴內三致意焉他若檢齋識語息兵罷役疏識語偶然抒寫無非聖功王道所見端用是嘉惠士林旁招俊乂正科十舉恩榜五開慮荒蕪者或抑真才也則申考官揀卷之諭慮詐偽者或冒巍科也則增直省覆試之條至於贈三公而易名思禮務周於舊學陪兩廡而從祀表章且及於昔賢教澤旁流士風丕振煥乎文德之誕敷也在昔軒

宣宗實錄卷四十六

三

轅邳治涿鹿勤師為汭中天苗頑梗化自來明盛之世豈無弗率之徒張格爾者逆裔波羅泥都之遺孽也挾其醜類敢外生成陷我名城戕我大吏

帝乃震怒命將徂征師行萬里而人不勞月奏三捷而兵不頓遂以除夕生縛元兇銘功鐵蓋之山獻馘藁街之上於是告成

太室宣豫

慈聞勒石於成均圖勳於紫閣凡茲勝算胥秉

廟謨其餘滇蜀之夷楚粵之獯齊晉之莠民臺洋之逆匪威弧所指灌穴焚巢蓋智勇得之天生而南苑習勞香山閱武無日不討軍實而訓以有勇知方故威稜震疊若斯之神也然且謂小醜跳梁法不得而寬兵實不得已而用渠魁既殄脅從可矜兵燹所經良善宜恤寬嚴交濟懷德畏威則又大易所稱神武而不殺者焉夫以憲

天念

宣宗實錄卷四十六

四

祖宥密之德之盛若彼康庶政誠萬民豔大文而恢皇武經世之道之隆復若此登三歲五唐哉皇哉而

聖性之肫至

聖心之淳穆

聖量之淵冲猶不翅是粵自踐阼後祇事

文母以天下養問安視膳日有常儀以

綺春園密邇

宸居朝夕便於定省特加修葺以奉

慈愉令節嘉辰承

歡娛

志時或六飛展駕掖

輦偕行行殿之中晨昏罔缺六上

徽稱三行慶典推

恩錫美用衍蕃釐越乙巳冬值

古稀慶辰以

六旬聖子祝

七旬聖母將考彝典著尊崇

懿旨謂

聖壽已高酌減舊儀以節勞動

上遵順

恩命益展孝思綵衣稱觴蹈舞介

壽聚曾元五代進喜起九章

慈

孝之隆極

天家盛事洎

璇宮弄養

聖體先已違和擗踊摧傷遂至大漸孟氏稱舜

之大孝曰五十而慕以今絮古夫何間然

躬行節儉為天下先嗣服伊始首頒聲色貨利

諭宣示羣下垂訓方來一切娛耳悅目之事

屏絕不行即任土作貢具有成規亦復減汰

過半營建

吉地規制簡約示不欲以天下奉一人宮庭游

憩不急之工廢不修闕不補間有興作大率

去雕鏤斥文飾惟樸素渾雅是尚振式浮靡

之旨見諸慎德堂記重修圓明園三殿記者

至再至三以故內庫所餘日積月累不下數

百餘萬然後辨章服之等申淫侈之禁旗員

引見咸用布衣宗室冶游不寬法網而東三

省根本之地尤勤訓諭返樸還淳且清蹕巡

行動有節制木蘭秋獮亦復量為展緩所以

省度支之煩而與人休息者至焉抑又聞之

祥瑞者

天所以章嘉會也而聯珠合璧不侈貞符歌詠

者人所以頌太平也而召試獻詩不循故事獨至彗星偶見澍雨稍稍惕厲憂勤飭幾康而嚴修省去浮崇實久為薄海所共見共聞繇是行實政課實力責實效內而官府百司外而文武守吏近而郊甸遠而邊防細而雨雪糧價之情形大而察吏安民之要務戒粉飾黜浮夸不取摭拾空談不貴奉行故事隨時誠諭諄諄以不實不盡為慮往者平定回疆受俘飲至聲靈赫濯震古鑠今廷臣以尊號請卻而不俞非示謙也敦本務實之本懷不以虛文誇至治也逮

宣宗實錄卷四七六

三

龍馭上賓之日宣昭

遺訓至舉

配

郊

祔

廟之大法鑄碑陳器之上儀折衷舊典欲及身而罷之於戲此從古聖帝明王所不及言英

君諠辟所不肯言千萬世為人臣子所不忍言者過於端居深念豫緘手諭為萬世計久長雖博稽公議共切尊親萬不容已而

聖天子聖不自聖之實心至大至公迴越千古之度量已昭昭然揭日月而行洋洋乎與天地無終極宜乎湛恩浹人心治化翔域外當弃臣民之日深山邃谷含生負靈之屬莫不奔走哀號若失怙恃至矣哉堯曰成功舜曰成功禹曰成功下此商曰成湯周曰成周惟我

宣宗實錄卷四七六

三

宣宗成皇帝克集大成徵特漢之本始唐之大中明之宣德不足以媲美萬一即車攻吉日作為詩歌號曰中興方茲蔑矣繼自今世世萬子孫丕顯丕承視此方策非天下之


至聖非天下之

至神其孰能與於斯其孰能與於斯

大清宣宗效天符運立中體正至文聖武智勇  
仁慈儉勤孝敏成皇帝實錄卷之四百七十六

實錄卷之四百七十六

庚



統一書號: 11018·1355—39

---

定 價: 47.00 元